



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

EE. 7. 2.

HEIMSKRINGLA

ELLER

NORGES KONGESAGAER

AF

SNORRE STURLASSON,

UDGIVNE VED

C. R. UNGER.



CHRISTIANIA.

TRYKT HOS BRØGGER & CHRISTIE.

1868.



F o r o r d.

Af Snorres norske Kongesagaer, som man efter de Ord hvormed Ynglinga Saga begynder har kaldet Heimskringla, fandtes der ved forrige Aarhundredes Begyndelse to Pergamentshaandskrifter: Codex Academicus primus og Codex Academicus secundus, den første ogsaa kaldet Kringla, og den anden Jöfraskinna, ved hvilke sidste Navne vi i det følgende ville betegne dem. Disse to Membraner ødelagdes i Kjøbenhavns store Brand 1728, men vare heldigvis blevene afskrevne af den flittige Islænder Asgeir Jonsson. Ihvorvel denne var en dygtig Afskriver, og som saadan har indlagt sig store Fortjenester af vor gamle Litteratur og erhvervet billig Krav paa Efterverdens Taknemmelighed for de mange Bøger, der gjennem hans smukke og tydelige Afskrifter ere blevene os bevarede, var han dog som oftest mindre nøiagtig med Hensyn til Bibeholdelsen af de gamle Skindbøgers orthographiske og sproglige Eiendommeligheder i det enkelte, skjønt man vel for det meste faar et Slags Totaltalindtryk af Originalens Beskaffenhed ogsaa i denne Henseende.

Foruden disse to Haandskrifter, hvis Originaler saaledes ere tabte, har man ogsaa to andre Membraner, som endnu ere i Behold, der for en Del indeholder Snorres Værk. Det er Codex Frisianus (Cod. Arn. Magn. 45 Fol.) og Eirspennill (Cod. Arn. Magn. 47 Fol.) I den første mangler Olaf den helliges Saga og den anden begynder først med Magnus den godes.

Med Hensyn paa Alder har rimeligvis Kringla og Jöfraskinna havt Fortrinnet for Frisianus og Eirspennill, idet mindste

IV

synes de, saavidt man heri kan forlade sig paa Afskrifterne, at have adskilt æ og œ, et Kriterium, der for de Bøgers Vedkommende, der ere skrevne paa Island og ikke i Norge, vel maa henføre dem til det 13de Aarhundredes første Halvdel. En liden, og det rigtignok meget liden Prøve paa de to tabte Membraners Skrivemaade har man fra Arne Magnussons Haand blandt nogle Noticer vedkommende den, ialfald i sin Helhed, tabte Skjöldunga Saga. Denne omtales nemlig i Ynglinga Saga Cap. 33, og Arne Magnusson har afskrevet vedkommende Sted (nærv. Udgave S. 27²³–²⁹) efter begge Membraner. Disse Stykker aftrykkes her med Forkortninger nøiagtig efter Arnes Afskrift, og til Jævnførelse meddeles ogsaa det tilsvarende Sted af Frisianus.

Kringla.

Apils k' átti deilor miclar víþ k' þann er Ali hét hinn vþplendzi. hann var or Noregi. þeir atto oŕ a Vænis ísi. þar fell Ale k' en Apils hafði sigr. Frá þessarri orrostu er langt sagt i Sciolldunga sögo. oc sva fra því er Rólfr Kraci com til Upsala til Aðils. þa seri R. kraci gullino a Fyris vóllo.

Jöfraskinna.

Apils k'gr atti deilur miklar víþ þ'n k'g er hét Ali inn upplenski. hann var af Noregi. þ'r Apils k'gr oc Ali k'r attu oŕtu a Vænis ísi þar fell Ali k'r. en Apils hafði sigr. Fra þessi oŕo er langt sagt i Skiolldunga saugu. oc sva fra þi er hrolfr kraki kom til Upsala til Apils k'gs. þa seyri hrolfr gullinu a Fyris vaullu¹.

¹ De store Begyndelsesbogstaver i Navnene er vel den eneste Frihed Arne har tilladt sig i sin Afskrift.

Frisianus.

Aþils k'r atti deilur miklar við k'g þann er áli .h. hinn vþplennzka(!). hann var or noregi. þ'r attv orv a vøn^{is} isi. þar fell áli k'r. enn aþils k'r hafði sigr. Fra þessi oro er langt sagt i skiolldunnga sægv. ok sva fra þvi er hrolfr kraki kom til vppsala til aþils k's. þa seyri hrolfr kraki gvellino a fyris vällv.

Den første Udgave af Snorre Sturluson skyldes en svensk Mand Johan Peringskiöld, denne er formodentlig ogsaa den første, der har brugt Benævnelsen Heimskringla¹. Da denne Peringskiölds Udgave er bleven benyttet som Hjælpemiddel ved den store Kjøbenhavner Udgave af Heimskringla, er det af Interesse at undersøge, hvilke Kilder der ligge til Grund for den stockholmske. Som dens Hovedkilde viser sig strax Kringla (Codex Academicus primus). Ved Siden af denne har Bearbejderen af den Peringskiöldske Text benyttet Peder Claussøns Oversættelse², hvor denne var noget udførligere eller fuldstændigere end Kringla, i hvilken der navnlig i Olaf Kyrres, Magnus Barfods og Sigurd Jorsalafarers Saga fattes enkelte Capitler og Episoder, som findes i Frisianus og Eirspennill. Ved nogle af disse Tillæg i Kringlas Text har man ogsaa benyttet enkelte Partier af den saa kaldte Hulda (Cd. Membr. Arn.

¹ Heims Kringla, eller Snorre Sturlusons Nordländske Konunga Sagor. Sive Historiæ Regum Septentrionalium a Snorrone Sturlonide, ante secula quinque, patrio sermone antiquo Conscriptæ, quas ex Manuscriptis Codicibus edidit, Versione gemina, notisque brevioribus, Indici Poetico vel Rerum, sparsim insertis, illustravit Johann: Peringskiöld. Stockholmæ Literis Wankiwianis, Anno Christiano M.DC.XCVII.

² Snorre Sturlesøns Norske Kongers Chronica. Vdsat paa Danske, aff H. Peder Claussøn, forðum Sogneprest i Vndal. Nu nyhigen menige mand til gaffn, igiennemseet, continuerit oc til Trycken forferdiget. Cum Priv. Reg. M. Prentet i Kiøbenhafn, ved Melchior Martzan, Paa Joachim Moltken Bogførers Bekostning. M. DC. XXXIII.

Magn. Nr. 66 Fol.), ligesom den *Stockholmske Membran Nr. 2 qu.* (*Saga Olafs kon. helga; Christiania 1853*¹) ogsaa har leveret nogle *Bidrag* til *Olaf den helliges, Magnus den godes og Harald Haardraades Sagaer*, samt *Skálholter-Udgaven af Olaf Tryggvasons Saga* (*Flateyjarbók I, 430-432. 538-549. 414. 415. 469-471.*), som man skylder de i *Snorres Text* indskudte *Capitler 104-114 om Grønland og om Rognvald Jærls Giftermaal med Kong Olafs Søster Ingibjörg.*

Paa de Steder hvor *Peder Claussens Oversættelse* er benyttet for at supplere *Texten*, er dette for det meste udført med liden *Skjønsomhed* og *Sands* for det gamle *Sprogs Aand*, og man behøver i *Almindelighed* ikke at læse længt, før man opdager en fra det øvrige aldeles forskjellig *Sprogtone*. For at godtgjøre dette anføres her nogle af de mest iøinefaldende Steder, hvor slige *Indflikninger* ere indkomne i *Texten*.

Ynglinga Saga Cap. 43 mod Enden (*nærv. Udg. S. 35*²⁷) tilføier: oc flypi síðann aptur til faupur síns, hon var oc kollup Asa hin illraða. *Peder Claussøn*: oc rømde saa til Suerig igien. Oc bleff hun ocsaa kallet Aasa Ildraada. Dette *Tillæg* mangler i *Kringla, Jøfraskinna og Frisianus*, men kunde muligens have været tilstede i *Haandskrifter af Snorre*, man har havt i *Upsala ved Slutningen af det 17de Aarhundrede*.

I *Olaf den helliges Saga Cap. 153*, hvor der fortælles om *Karl den Mørskes Sendelse til Færøerne for at indkræve Kongens Skat*, siges *Østmændene* efter dennes *Drab* at have draget tilbage til *Norge med hans Skib og at være komne til Kong Olaf*: þeir fóru austr á fund Ólafs konungs (*S. 413*²⁰). Paa dette Sted har *Kringla* aabent Rum for omtrent 14 *Bogstaver*, *Jøfraskinna* antyder ingen *Lacune*, ligesaa lidt *Codex Stockh. Nr. 2 quarto* eller *Flateyjarbók II, 248*³¹. Man skulde paa dette Sted i *Sagaen* have ventet nogle Ord om, at det paa *Færøerne* passerede var bleven *Kongen* meldt, og at denne ytrede sin *Vrede* derover, men der følger kun: En þess var

¹ Ved Trykfeil i denne Udgave *S. XLV* staar *Haandskriftets Nummer* angivet som *Nr. 4 qu.* for *Nr. 2 qu.*

eigi auðit, at Ólafr konungr hefndi þessa o. s. v. *Olaf den helliges Saga* i Fm. IV, 448 indskyder derimod: líkaði honum stórálla þetta verk. *Hos Peringskiöld* indsættes paa dette Sted: oc saugþo honom tíþinde, honom bra eigi vel vit hotaþi strax hefndum. *Dette Tillæg skriver sig fra P. Claussen S. 271:* Oc Karls Mænd droge hiem til K. Olaff, oc sagde hannem disse Tidender: Kongen bleff saare vred, oc sagde, at hand skulde hefne det. Men det bleff forhindret for den ufred o, s..v. *Kjøbenhavner-Udgaven* har fulgt *Peringskiöld's Text* uden Bemærkning og det mistænkelige Udtryk hotaþi strax hefndum har ikke vakt noget Anstød.

Harald Haardraades Saga Cap. 98 (S. 622³²) ved Slutningen har *Peringskiöld* følgende Tillæg: Olafur Kongur Harallds son var ecki a' landi med, oc er han spurþi fall fapurs sins, biost hann til burtlogu med þat líp er efter var. *Peder Claussen S. 375-76:* Olaff K. Haraldssøn var icke paa Landet med, oc der hand spurde sin Faders fald, gjorde hand sig ferdig med det Folck hand haífde igien, at drage aff, oc der Børren blæste, seilede de ud i Hafuit. *Tillægget er optaget i Kjøbenhavner-Udgaven.*

Harald Haardr. Saga Cap. 102 hos *Peringskiöld* er i sin Helhed oversat efter *P. Claussen S. 377-79*, jvfr. *Fagrskinna S. 144-45*). Som *Prøver paa Stilen* anføres: Aþalraþur . . . atte Emmu atte hann víþ henne tvo sonu, Jatvarþ oc Eþmund, sem efter hann varþ Kongur i Einglande, enn síþann fordrifinn (*P. Cl.* fordreffuen) af Knute konge. Ved Enden af Cap. 103 (S. 625) er *Slægtregistret* udført videre efter *P. Claussen S. 380* (jvfr. *Fagrskinna S. 145-146*). I det næste Capitet 104 (S. 626³) af samme *Saga* findes et Par indskudte Sætninger, tagne af *P. Claussen*, hvilke ikke findes i noget af de nu eksisterende Haandskrifter, og muligens hidrøre fra *Peder Claussen selv*: manna vapndiarfastur, oc hinn mesti fullhugi i bardaga, hann var oc sigursæll, allt til daupa dags sva sem nu var ritat um hriþ; þvi hugurinn ræþur

VIII

halfum sigri¹. *P. Claussen S. 381*: Hand var oc allerdrigtigst udi Strid, oc altid seiersalig, indtil denne sidste tid: Thi at houfuen oc modet raader for halff Sejer.

*I Olaf Kyrres Saga Cap. 1 (S. 629¹⁰) efter meðan ríki hans stóð tilfœies: hoglyndi oc hofsemd elskapi hann i öllum greinum. P. Claussen: elskade sactmodighed oc maade udi alle stycker. Cap. 2 (S. 630¹) efter hvirfingsdrykkjur tilfœies: Enn þa matte einginn drecka nema i þeim verndar stofum oc laufshusum i Norige. P. Claussen S. 383: de begyndte da at holde Skytningsstufuer oc Lauffshus i Norrig, oc ingen maatte dricke andensteds end der. Dette har Kjøbenhavner-Udgaven optaget uden nogen Betænkelighed, og uden engang at angive B (d. e. Peringskiolds Udgave) som Kilde, hvilket den dog ellers undertiden gjør. Cap. 8 (nærv. Udgave Cap. 9, S. 633), der mangler i Kringla, er oversat fra Peder Claussen. Slutningen af dette Capitel lyder saaledes: Þa er þeir foru heimleipsis, leyfði hann þeim at fara heimleipsis til kaupferða i giegnum hans land oc strauma, oc sende Olafe Noregs Konge heim agiætar gjafer fyrir sit líp sinni, enn Dónum sinum var hann miok reipur, oc skattapi þa storlega med myklum oc storum fegiöldum, er hann kom heim i Danmórk. Peder Claussen S. 384-85: den tid hand gaff dem hiemloff, forløfuede hand dem at løbe i Kiøbfærd huor de vilde, i hans Lande oc giennem hans Strømme, oc sende K. Olaff dyrebar Skienck oc Gafuer, men sine Danske var hand vred, oc skattede dennem storligen der hand kom hiem til Danmarck. Det samme er Tilfældet med det næste 9de Capitel (10de i nærv. Udg. S. 634-35), hvilket heller ikke findes i Kringla. Prøve paa Stilen: hia einum bonda i fylki nockru i Listelieni (*P. Claussen: Listerleen*). — — Kongur mællti: Þyki þier bondi galip krakunnar hafa nockut uppa sik? (*P. Claussen: Kongen sagde: Tyckis dig at hendis**

¹ Hverken i den svenske eller latinske Oversættelse, som ledsager Texten hos Peringskiold, findes disse Tillæg, men begge stemme med nærværende Udgave; Kjøbenhavner-Udgaven har optaget dem.

galen haffuer nogit paa sig). — — Kongur spurði hvað hann meinte umm galit krakunnar (*Claussøn*: hvad hand meente om Kragernis Galen). *Bearbeideren af Peringskiölds Text* har dog her ved Siden havt en Afskrift af Hulda. Verset hvori Bonden tolker Kragernes Skrig (S. 635³⁻⁷) anføres først nogenlunde stemmende med Hulda og Texten i nærværende Udgave, derpaa gjentages den tredie Krages Udsagn efter P. Claussøn, som her har leveret en Omskrivning af Verset: Seigir vetur gómul, veit su ogiorla; seigir ok tvævetur, trúi ek ei at helldur; enn su trevetra(!) seigir, oc þykir mier liklegt. Ok qveður mic roa a merar hofþé; enn þik Kongur þiof minns fiar; su þrevetra seigir, at þier biþieþ mic at roa hier a skipi fyrir yður, enn hafit þo latit taca fra mier fie mitt. Hvað er nu seigir Kongur? hvort þyfir þu mic bonde? eða vill tu kalla mic þiof? ei mælist þier þa vel til vor. So er herra seigir bonde, ei er þat vel mællt, oc ecki þyfi ec yður, enn haft munut þier hafa við mik nockurn prett, því krakann seigir þier hafit naut mitt hier i skipinu. Oc efter nockrar samræður o. s. v. *Peder Claussøn 385-86*: Den ene vintergammel Krage veed icke alt saa vel. Den to vintergammel Krage siger det vel, men jeg troer hende icke. Men den tre vintergammel Krage siger, at i beder mig roo her paa Skibet for eder, oc i hafue ladet tage mit Gods fra mig. Kongen sagde: Tiuffkiender du mig Bonde. Bonden sagde, Ney Herre: Icke tiuffkiender jeg eder: Men Kragen siger, at i hafue min Oxe her i skibet. Oc efter nogen vedtale o. s. v. *Sammenligner man hermed Hulda (Fm. VI, S. 446-47)* vil man finde, at *Peringskiölds Text* er fremkommen ved en *Sammenstøbning* af denne og *Peder Claussons Oversættelse*. I *Kjøbenhavner-Udgaven* er *Peringskiölds Text* væsentligen optagen.

— *Magnus Barfods Saga Cap. 8 (Udg. S. 642-646)*, der mangler i *Kringla*, er for det meste oversat efter P. Claussøn, dog er ogsaa Hulda benyttet: Maður er nefndur Sveinki, hann var Steinar son, hann bio austr i Vik við Elfi, hann var

maður rikur oc mecktugur (*P. Claussøn*: ríjg oc mectig). Hann hafði fostrat Hacon Magnus son, fyr enn Steigar Þorir fíeck hann til sín (*Claussøn*: fór end Steigar Tore fíck hannem til sig), Sveinki hafði þá ecke enn nu gefit sik upp i valld Magnusar Kongs, nie under hann (*Claussøn*: hafde Suenke icke endnu gifuet sig under K. Magnus) — — Vill Kongur hafa skatt oc skylldu af öllum sinum undirsatum (*Claussøn*: Vndersaatte) hier i Vikinni — — — gíore nu hieþan af hvaþ somer oc ber, ef hingat til hefur forsomast (*Claussøn*: er hertil forsømt) — — — Snælega snuggir qvaþo Finnar attu andra fíala; (þad er, aumlega leyttar sa fataeki kota Finnur ad sinum skyda fiolum). Settist hann síþann nípur. *Dette Sted lyder hos Peder Claussøn saaledes*: Snæliga snuggir koto finnar atto andra fíala: Det er, Armelige søger den fattige koddefinne efter sine Skije fiæle: oc hand sette sig ned igien¹. —

I samme Sagas 12te Capitel findes efter Þórðar Fola-sonar følgende Tillæg (nærv. Udg. 649¹²): sem bar merke Olafs Kongs i Stiklastöþum, er hann fiell; P. Claussøn: som bar S. Olafis mercke paa Sticklestad, der hand bleff slagen. Dette Tillæg som uden Tvívl er tilsat af Peder Claussøn, er optaget i Kjøbenhavner-Udgaven.

Det 16de Capitel af samme Saga (nærv. Udg. Cap. 15, S. 651), der mangler i Kringla, er en Sammenstøbning af Peder Claussøn og Hulda. Capitlet anføres i sin Helhed efter Peringskiöld, tilligemed det tilsvarende hos Peder Claussøn (S. 396-97) og i Hulda (Fm. VII, S. 56, 57); for saavidt den sidste er bleven benyttet.

¹ *Det er underligt at Redacturen af den Peringskiöldske Udgave har ved Siden af den gamle Text tillige meddeler en ny Oversættelse af Peder Claussøns Oversættelse; denne maa have forstaaet Stedet som om det havde lydt: Vesaliga søkir Kotafinnr eptir andra fiolum. Den svenske Oversættelse hos Peringskiöld lyder: Ifrigt söker nu then snöväntande Koio Finnen efter sine skid och andror. Dette Tillæg er dog ikke optaget i Texten i Kjøbenhavner-Udgaven, men kun anført i Noterne.*

Peringskiöld: Þá biost Magnus Kongur at riða upp á Gautland, því hann þóttist þar eiga ákall, at gjalda Gautum þann svapil, er hann þóttist farit hafa fyrir þeim um vorit; þá hafði hann mikit lýð, lagði hann þá undir sik mikinn part af landinu, geingu þá Westur Gautar undir hann umm hinar nyrðstu bygðer. Síðann settust þeir víð landamære, oc biuggu i landtiolldum, ætluðu þá þann til atreiðar: Enn er Ingi Kongur frietti þat, safnaði hann þegar miklum stridzher, oc for mote Magnuse Konge. Enn sem Magnuse Konge komu niosner umm ferðir hans, oc hann varð þess vis af niosnar mönnum sinum, þá rieðu honum marger lýs höfðingiar, oc eggiðu hann at snúa aftur. En Kongur villdi þat vist eigi, villdi hann fyrst berast víð Inga Kong, oc hjellt han med lýð sitt mot Inga Kongi, fyrr enn hann varði, so hann kom á hann uvarann á nattar þeli, oc yfirfiell landtjóld hans, þeir fundust þar sem heitir Foxerni. Svo lauk þessare orustu, at fioldi lá eftir af Svium, er sleigit var, enn Ingi Kongur hlauk(!) at fleya oc frelstist hann med flotta. Fieck Magnus Kongur mikinn sigur; síðann sneri hann aftur i Noreg.

Üeder Claussen: K. Magnus drog end engang op i Gotland, oc tuingede en stor part af Landet vnder sig. Der Kong Jngi det spurde, drog hand med en stor Krigshær mod K. Magnus. Der hand det spurde aff sine Spejdere, da raadde mange aff Høfðingerne hannem at drage tilbage igien. Kongen vilde først stride mod K. Jngi, oc hand drog mod hannem ved Fexne, oc kom uforvarendis paa hannem om natten, oc ofuerfalt hans Lejer, oc slog hannem megit Folck fra, oc K. Jngi maatte fly. Siden drog K. Magnus til Norrig igien¹.

Hulda (Fm. VII, 56-59): Þá bjóst Magnús konungr at riða upp á Gautland, þvíat hann þóttist þar eiga ákall,

¹ Den latinske Oversættelse af dette Capitel har Peringskiöld gjen-givet næsten ordlydende efter Peder Claussen, uden at tage Hensyn til sin egen Grundtext.

at gjalda Gautum þaun svaðil, er hann þóttist farit hafa fyrir þeim um várit. Þá hafði hann mikit lið. Gengu þá Vestrgautar undir hann um hinar nyrðstu bygðir. Síðan settust þeir við landamæri, ok bjuggu í tjöldum, ætluðu þaðan til áreiðar. Ingi konungr frá þat, safnaði hann þegar liði, ok stefndi á fund Magnús konungs. En er Magnúsi konungi kom njósn um ferðir hans, þá eggjuðu liðshöfðingjar Magnus konung at hverfa aptr, en konungr vildi þat víst eigi, ok hélt með lið sitt mót Inga konungi, fyrr en hann varði á náttarþeli. Þeir fundust þar sem heitir Foxerni. — — — Svá lauk þessi orrostu, at fjöldi lá eptir af Svíum, en Ingi konungr frelstist með flótta; fékk Magnús konungr mikinn sigr.

I 17de Capitel af samme Saga (nærv. Udg. S. 653²²) efter Friðkolla tilføies hos Peringskiöld: Birtu þeir þetta fyrir monnum sinum, urðu þa a stuttri stundu mestu uvinir, bestu vinir. P. Claussen: Oc de komme til deris Folck igen oc kundgiorde dem det, oc vare da aff største uvenner, snarligen blefne de allerbeste venner. Optaget i Kjobenhavner-Udgaven.

I Sigurd Jorsalafarers Saga findes ved Begyndelsen af 9de Capitel følgende Passus: Þat er skrifat i Chronikunum, at Rodgeir liet sig fyrst kalla Kong yfir Sicilien, Anno Christi eitt thusund eitt hundrat oc tvo, thar hann adur liet sier nægia með Jarls nafn alleina yfir Sicilien, oc var tho Hertugi yfir Calabria oc Apulia, oc var kalladur Rodgeir hinn Riki; thvi hann thar eftir giorde sier skattgilldann Kongum (!) i Tunet eda Tunis i Aphrica oc liet thvi grafa thesze ord a sitt sverd: Apulus et Calaber, Siculus mihi servit et Afer. Peder Claussen S. 404: Det skrifuis i Chrønickerne, at Roger lod sig først kalde Konge ofuer Sicilien Anno Christi 1102. Der hand tilforn hafde ladet sig nøye med Grefue nafn alleene ofuer Sicilien, oc var dog Hertug ofuer Calabria oc Apulia, oc bleff kaldet Roderigier den Rijke, det er, den Mæctige, Fordi hand giorde

XIII

siden den Konge til Tunet eller Tunis i Africa sig Skat-skyldig, oc lod derfor udgrafue paa sit Suerd: Apulus et Calaber, Siculus mihi servit et Afer. *Lige ud for Begyndelsen af denne Tirade i Margen hos Peringskiöld staar: Rhyggst. c. 285 (!!?), som om et gammelt Haandskrift Hryggjarstykki skulde have været Kilden. Dette Stykke er optaget i Kjøbenhavner-Udgaven, dog med Rettelse af Trykfeilen Kongum til kononginn. Mon dette Tillæg hos Peder Claussøn skulde skyldes Udgiveren Olaus Worm?*

Slutningen af Cap. 12 fra þat segja menn (S. 669¹³) og hele Cap. 13, der mangle i Kringla og Peder Claussøn, ere tagne af Hulda (Fm. VII, S. 96-98). Cap. 19 (nærv. Udg. Cap. 20), der mangler i Kringla, er lavet sammen af Hulda og Peder Claussøn. Begyndelsen lyder hos Peringskiöld: Þat er sagt, at Sigurður Kongur vart eitt sinn angraður i gieði, toc han ugleþe mikla, so at litt matti njóta tals hans, því han talaði ecki margt við nokkurn mann. Sat han oc skommum við drock (!). Fiell mönnum hans radgöfum oc vinum þat mioc þunglega, at hann var so hryggur, því báðu þeir, at Eysteirn Kongur med visku sinne oc skynsemd villdi finna hier bot við, oc gefa til nokkur ráð o. s. v. Peder Claussøn S. 407-408: K. Sigurd bleff en gang ilde tilfreds, oc saa uglied oc bedröfuit, at hand icke taledde megit med nogen: Det gjorde hans Raad oc beste Mend ont, at Kongen var saa bedröfuit, thi bade de K. Øisten, at hand med sin vished oc forstand vilde finde der nogen raad til. Hulda (Fm. VII, S. 106): Þat er sagt at Sigurðr konungr tók úgleði mikla, mátti lítt njóta tals hans, ok sat hann skömmum við drykk. Þat þótti ráðgjöfum hans ok vinum þungt; báðu þeir Eystein konung gefa til nokkur ráð. Cap. 24 hos Peringskiöld (nærv. Udg. Cap. 22, S. 676-679), der mangler i Kringla, er oversat efter Peder Claussøn S. 412-14. Cap. 28 hos Peringskiöld (nærv. Udg. Cap. 30, S. 687-89) mangler i Kringla, er oversat efter P. Claussøn 415-16, med Benyttelse af Hulda (Fm VII, 156-159). Det samme er Tilfælde med

Cap. 36 (nærv. Udg. Cap. 40, S. 699-701), som ligeledes mangler i Kringla, Peder Claussøn 420-21; Fm. VII, 171. Adskillige af Tillæggene efter P. Claussøn ere i selve Bogen kun indtagne i svensk Oversættelse, men tilføiede som Addenda bag i Bogen. En Del af disse Tillæg ere hentede fra Skálholter-Udgaven af Olaf Tryggvason (Flateyjarbók).

Vi komme nu til de Tillæg, som skyldes Membranen Nr. 2 quarto i det Kongelige Bibliothek i Stockholm (Saga Olafs konungs hins helga Christiania 1853). I Olaf den helliges Saga Cap. 162 (nærv. Udg. S. 424¹⁶) efter Ordet úvæginna isteden for um alla hluti har Peringskiöld: bæði i orðum oc aullum auðrum lutum, oc hinn mesti frammqvæmdar maður um ríki sitt oc hér maður mikill, oc er saga mikil frá honum sögð (Saga Ol. Helg., S. 167¹²⁻¹⁴). Samme Saga Cap. 164 har Kringlas kortere Beretning maattet vige Pladsen for den vidtløftigere i Codex 2 qv., det samme er Tilfælde med Begyndelsen af Cap. 165, hvor ogsaa efter denne Codex i Slutningen er tilføiet: er hann var skyrður; ligesom ogsaa noget er tillagt ved Begyndelsen af Cap. 166, (Saga Ol. Helg. S. 168. 169). I Magnus den godes Saga ved Enden af Cap. 26 tilføies: Magnus Kongur gipte Ulfhilde Olafs dottur, systur sina, Otto Hertoga i Saxalande; Magnus het son þeirra: þá þann er komenn ætt mikil. Hertogar þeir er rapit hafa fyrir Brunswijk, telia sva kyn sitt til Olafs ens Helga. (Saga Ol. Helg. S. 240¹⁷⁻²⁰). I samme Saga er Cap. 37 med Overskrift: Fra Magnuse Konge, oc Þorfinne, oc Rogvallde, Orkneya Jorlum helt taget af Codex Nr. 2 qv. (Saga Ol. Helg. S. 244²¹⁻³⁷). I Harald Haardraades Saga Cap. 1 har Peringskiöld isteden for Svá segir Þjóðólfr (nærv. Udg. S. 546⁶) efter Cd. 2. qv. (Saga Ol. Helg. S. 221¹²): A þat qveður Þiobolfur Skalld i drapu þeirre, er hann orti um Haralld Kong, er kolluð er Sexstefia. I Cap. 2 i samme Saga indskydes efter Verset der begynder: Eitt höfðusk at (nærv. Udg. 547¹¹) følgende efter

Codex 2 qu. (Saga Ol. Helg. S. 221²⁶⁻²⁹): Þess getur Arnor Jarla Scalld, at Raugnvalldur Brusa son var leingi landvarþar maður i Garþaríke, oc atti þar orostor margar:

Deilldiz af, sva at Aldin
El Grafninga þelar,
Gaundlar niorþur i Gaurþom
Gunnbrapur tyo hapi.

Disse Tillæg ere optagne i Kjøbenhavner-Udgaven, dels med Anførelse af Peringskiölds Udgave som Kilde, dels uden nogen Bemærkning.

Endelig maa bemærkes, at Peringskiölds Udgave har nogle Vers, som paa eet nær ikke findes i noget af de nærværende Udgifter bekjendte Haandskrifter. Disse skylder man uden Tvivl en nu ødelagt Membran, som maa have staaet til den Islænders Raadighed, som har redigeret den Peringskiöldske Text. De ere derfra gaaede over i Kjøbenhavner-Udgaven. Da de ikke kunde finde nogen Plads i denne Udgave, der skulde grunde sig paa de forhaandenværende Kilder, indtages de her med restaureret Orthographi.

Det første er en hel Strophe eller Vise, der anføres ved Enden af Cap. 57 (S. 261) i Olaf den Helliges Saga saaledes: þess getr Sigvatr:

Tólf frá ek tekna elfar	Svíá tiggja leit ek seggi
tállaustr við þála,	sóknstriðs fyrrum ríða,
olli Ólafr falli	böl var brátt til heljar
eirlaustr konungr þeira.	búið mest, Sigars hesti.

I Cap. 155 af samme Saga anføres foruden de to Viser af Sigvats Draapa ogsaa en tredje Lát um lönd lokit o. s. v., se Fagrskinna S. 81.

I den tredje Strophe, som anføres af Thorarin Loftunges Glælognskviða S. 509, lyder den anden Halvdel hos Peringskiöld afvigende fra Texten her i Udgaven:

XVI

áðr hoddbrjótr
af heimi fór,
ok nú sitr
með syni dróttins.

Kringla har af dette Halvers kun áðr seimbrjótr at setti varð; Jöfraskinna har paa dette Sted havt en Lacune, der er udfyldt efter Kringla, saa at Læsemaaden altsaa stemmer med dennes. Codex Nr. 2 qv. har áðr seimbrjótr at set og aabent Rum for det øvrige; de sidste to Linier Kristi þekkr konung-rinn æzti synes kun at forekomme i et eneste Haandskrift af Olaf den Helliges Saga, nemlig Codex Arn. Magn. 61 Folio.

I første Capitel af Harald Haardraades Saga, S. 546, findes følgende Halvstrophe indskudt foran Nú læt ek skóg af skógi o. s. v.

Reið ek, en benjar blæða, lýð fékk lindar váði
búþegna sá ek magna, lífs grand, í böð standa.

Efter Peringskiölds Fortale har Islænderen Gudmund Olafsson forfattet den svenske Oversættelse, „men som han intet aldeles varit vårt nu brukelige språk mächtig, hafver iag nödgads hans arbete til större dehlen förändra, då iag thet emot tränne särskilte i thet gamla språket handskrefne exemplar iämfört hafver, och sedan efter Kongl. befallning med en Latinsk version til the utländskas _tienst förökad.“ Denne samme Islænder har vel ogsaa bistaaet ved Istandbringelsen af Texten. Hvilke de tre haandskrevne Exemplarer have været, som Ud-giveren siger han har jävnfört, er vel umuligt at komme under Veir med. Lignende Meddelelser i Fortaler fra den Tid, der i Almindelighed indeholde lidet af de Oplysninger, man nærmest burde vente vedkommende Udgaverne selv, have ikke stort at betyde. Det man helst kunde ønske opklaret var Kilden til de faa Vers, som ere egne for denne Udgave; thi alt øvrigt er meget let at efterspore. Verket i sig selv er særdeles smukt udstyret, og for sin Tid et meget fortjenstfuldt Arbeide; Udgi-veren har lagt an paa at faa Kongesagaerne saa komplet som muligt og har i saa Henseende benyttet alt, hvad han troede

XVII

vilde bidrage dertil, det har ikke været ham om at gjøre særligen at udgive Snorres Text.

Hvad der giver Peringskiölds Udgave mest Interesse, er at den har den tabte Kringla til Grundlag, og at man først ved den kommer til Vished om, hvilke Afskrifter i den Arne-Magnæanske Samling hidrøre fra denne Membran. Dette har undgaaet deres Opmærksomhed, der have besørget den Københavnske Udgave, og det samme vilde have hændt nærværende Udgiver, dersom ikke Hr. Guðbrandr Vigfusson havde henvist ham til Nr. 63 Fol. i den Arn. Magnæanske Samling; hvilket Haandskrift sammenholdt med Peringskiölds Udgave sees at slutte sig som tredie Del til Nr. 35 og 36 Fol. i samme Samling, og som ved et Tilfælde maa være blevet skilt fra disse og kommet paa en anden Plads.

Den anden Udgave af Snorres Verk udkom i 3 Bind med dansk og latinsk Oversættelse under Titel: Heimskringla edr Noregs Konunga Sögor, af Snorra Sturlasyni — Historia Regum Norvegicorum conscripta a Snorrio Sturlæ filio. Havniæ 1777, 1778, 1783, Folio. De to første Bind bleve besørgede af Gerhard Schøning, det tredie af Skule Thorlacius. Ved de første er Kringla (Cd. Arn. Magn. 35 og 36 Folio), i Udgaven betegnet A, lagt til Grund, ved den tredie, fra Magnus den godes Saga af, er derimod Eirspennill benyttet, ligeledes under Signaturen A, isteden for Cd. Arn. Magn. 63 Fol., som man ikke vidste var Afskrift af Kringla og Fortsættelse af 35 og 36 Fol. Det vigtigste Hjælpemiddel næst A har været Peringskiölds Udgave, betegnet B. Denne har man, som ovenfor flere Steder paapeget, meget ofte benyttet endogsaa uden i Anmærkningerne at paaberaabe sig den som Kilde, og dette er en stor Feil ved denne kostbare og prægtfuldt udstyrede Bog, og har voldet megen Uleilighed og Forvirring, og man har derved kommet til at ansee mange Træk som tilhørende Snorres Text af Kongesagaerne, der ere denne uvel-

XVIII

kommande og eiendommelige for den senere vidtløftigere Bearbejdelse af disse, for ikke at tale om, at man har ladet Ord og Vendinger falde Snorre af Pennen, som have været aldeles ubekjendte for ham og hans Tid. Dernæst har man benyttet en Codex skreven i Norge 1567, betegnet C, Jöfraskinna betegnet D, Frisianus betegnet E, og tilsidst en Codex betegnet F, „som vel,“ siges der i Fortalen, „anføres i Varianterne, men som nu ei kiendes; hvilket ei heller gjør meget til Sagen, da de af den samlede Varianter ere for det meste kun Skrive-Feil.“ I tredje Del citeres Varianter under Signaturerne G, H, K, hvorum der heller ikke gives nogen Oplysning i Fortalerne.¹ Et Optryk af Kjøbenhavner-Udgavens Grundtext udkom i Upsala i 3 Bind 1816, 1817, 1829.

Hensigten med nærværende Udgave af Heimskringla var at give en Text, baseret paa Haandskrifter, som maa antages at indeholde den Bearbejdelse af Kongesagaerne, som ansees for Snorres Verk. Til Grund blev da den førømtalte Kringla² lagt, saaledes at de Afsnit eller Capitler, som manglede i denne, bleve supple-

¹ *Udgivernes Arbejde, for selve Textens Vedkommende, synes væsentlig at have bestaaet i at besørge Trykningen efter den af den islandske Student Oddr Jonson bearbejdede Text. Se Fortalen til første Del S. XXIV.*

² *Af de førnævnte Nr. 35, 36, 63 in Folio, i den Arn. Magnæanske Samling, der indeholde Kringlas Text, har nærværende Udgiver ikke benyttet den første, Nr. 35, der slutter med Olaf Tryggvasons Saga, men en anden Afskrift af Asgeir Jonsson tilhørende Universitetsbibliotheket i Christiania. Herpaa grunder sig nogle faa Afvigelser fra den almindelige Text, navnlig i Ynglinga Saga S. 5¹² váru for urðu, S. 9³³ samfarar eiga for samfarar, S. 10²⁵ því auðgari for þess auðgari, S. 11⁸ lausa aura for lausan eyri, i Olaf Tryggvas. S. 210³¹ flotarnir for flokkarnir, paa hvilke Steder den almindelige Læsemaade maaske burde været beholdt, især da denne ogsaa her stemmer med Peringskiöld.*

rede efter *Jöfraskinna*,¹ *Eirspennill* og *Frisianus*.² Det er fornemmelig i *Olaf Kyrres*, *Magnus Bærfods* og *Sigurd Jorsalafarers Sagaer*, at *Kringlas Skriver* har gjort sig skyldig i disse Udeladelser,³ og han har som Erstatning derfor meddelt adskillige af *St. Olafs Jertegn*, hvilke de andre Haandskrifter have udeladt, nemlig Cap. 7 i *Olaf Kyrres Saga* (S. 632), Cap. 39 i *Sigurd Jorsalafarers* (S. 697⁴-699²⁶), Cap. 24 og 25 af *Inge* og hans Brødres *Saga* (S. 745²⁶-748³¹), Cap. 20 og 21 af *Haakon Herdebredds* (S. 774²⁷-777¹⁴). Paa dette Sted maa bemærkes, at Cap. 21 i *Sigurd Jorsalafarers Saga* (S. 676) i *Kringla* staar mellem Cap. 24 og Cap. 25 (S. 681), men man har i dette Punkt ikke villet afvige fra *Kjøbenhavner-Udgaven*.

Det manglende i *Kringla* er: Prologen, Visen S. 140 nederst tilligemed de indledende Ord Svá segir Hallarsteinn (dette findes kun i *Frisianus*); Cap. 245 af *Saga Olafs helga* S. 496 (optaget efter *Jöfraskinna*, fordi *Kjøbenhavner-Udgaven* havde medtaget det; burde helst været forbigaaet, da Indholdet haves i *Saga Haralds harðráða* Cap. 1); Cap. 8, 9, 10 af *Saga Olafs kyrra* S. 632-35 (Cap. 8 findes kun i *Frisianus*, 9 og 10 baade i denne og *Eirspennill*); Cap. 8 i *Saga Magnus berfætts* S. 642-46;⁴ Cap. 15 af samme *Saga*, S. 651-52,

¹ Hvad *Jöfraskinna* angaar, saa har den blot kunnet benyttes til Prologen og *Olaf den Helliges Saga*. I denne *Saga* har der paa flere Steder manglet Blade i den gamle Membran, disse ere i *Asgeir Jonsons Afskrift* efter hans Bemærkning tagne „úr ann-arri Membrana“, hvilken ved nærmere Undersøgelse viser sig at være *Kringla*.

² Andre end disse Haandskrifter ere kun benyttede enkelte Steder til Redactionen af Versene.

³ De fleste i denne Udgaves Text af *Eirspennill* og *Frisianus* optagne Tillæg synes ogsaa at findes i *Jöfraskinna*, for saa vidt man kan forlade sig paa Nøiagtigheden af Signaturen D i Noterne til tredie Bind af *Kjøbenhavner-Udgaven*.

⁴ Det var ikke utænkeligt, at Cap. 8, 9, 10 af *Olaf Kyrres Saga* samt Cap. 8 af *Magnus Bærfods* kunde være tabte i den gamle Membran derved, at de have staaet paa 2 i Ryggen sammenhæn-

samt Slutningen af Cap. 18 S. 654¹⁸⁻³⁶; Slutningen af Cap. 12 i Saga Sigurðar Eysteins og Olafs fra Þat segja menn S. 669¹³, Cap. 13 S. 669-70, Cap. 18 S. 672-73, Cap. 20 S. 674-75, Cap. 22 S. 676-79, Cap 29 og 30 S. 685-89, Cap. 32 og 33 S. 690-91, Cap. 40 S. 699-701 af samme Saga; Cap. 13 S. 717-18 samt Cap. 14 S. 719-20 af Saga Magnús blinda og Haralds gilla.

Hvor nærværende Udgave afviger fra Kjøbenhavn-Udgaven i Capitelinddelingen, ere den ældres Capiteltal angivne i *Parenthes*.

Med Hensyn paa Textens Behandling ere naturligvis aabenbare Feil i Kringla rettede efter de andre Haandskrifter, ligesom paa nogle faa Steder Conjecturer ere anvendte. Dette er dog ikke saa hyppig skeet, som i Kjøbenhavn-Udgaven, hvor i Texten ikke saa sjelden vilkaarlige Forandringer ere foretagne, uden at dette er bemærket, hvortil dog Noterne under Texten havde givet fuldstændig Anledning. Hvor noget i Texten syntes at være udfaldet, er dette angivet ved Saaledes maa der i Cap. 89 af Saga Olafs helga S. 303²⁵, hvor Kong Olaf Eiríksson først siges at have haft en Frille og med hende Børnene Emund, Astrid, Holmfrid, efter Hólmfriðr være udfaldet et Stykke, (hvilket forresten mangler i alle hidtil bekjendte Recensioner af Olaf den Helliges Saga), hvor der har været omtalt, at han siden har faaet en Dronning og adskillige Born, maaske Døttre, med hende; thi saaledes som Sammenhængen nu er Enn gátu þau son, maa þau fremdeles forstaaes om Kongen og hans Frille. Det Urigtige her har Jöfraskinnas Afskriver skjønnet, og derfor har han tilføiet dróttning¹. Hvor det manglende kunde udfyldes, er det saaledes tilføiede sat i *Parenthes*. Dette er Tilfældet paa de Steder, hvor Texten grunder sig paa Kringla alene. Navnlig maa her fremhæves

gende Blade af et Læg, og at de ere blevene udrevne, men i saa Fald måtte de rigtignok netop have fyldt disse Blade.

¹ Professor Rygh har gjort opmærksom paa denne Lacune i Olaf den Helliges Saga.

Stedet i Cap. 13 af Harald Gilles Sønners Saga S. 738¹, hvor der, efter at være fortalt at Brødrene Sigurd og Inge enedes om, at Eysteinn skulde hafa þriðjung ríkis, umiddelbart følger nema því var trúat, er Haraldr konungr hafði tilsagt, hvilken sidste med nema begyndende Sætning staar aldeles uden Sammenhæng med det øvrige. Haandskrifterne Eirspennill, Jöfraskinna (og ligeledes Hulda) udelade hele denne Passus, Frisianus har udeladt nema og tillagt of faðerni, og saaledes faaet en Mening: Var því trúat of faðerni hans, er Haraldr konungr hafði tilsagt. Ordet nema fordrer bestemt en foregaaende Sætning med en Nægtelse, hvortil den med nema maa danne Modsætningen, og denne bortfaldne Sætning gjenfinder man i Morkinskinna S. 223¹⁰ og Fagrskinna Cap. 259, S. 171, hvorefter Meningen bliver klar: Der blev ikke paalagt Eysteinn at bevise sin Legitimitet ved Jernbyrd, men man troede, hvad (hans Fader) Kong Harald derom havde sagt.

Som forhen anført kan man ikke altid stole paa Kringlas Afskriver, hvad Iagttagelsen af den gamle Membrans Ret-skrivning og Sprogform angaar, her har altid de nu existerende Pergamentsbøger maattet veilede, saaledes skyldes Frisianus Læsemaaden Ásuna S. 7¹³, thi Afskriften af Kringla har Ásana, Originalen har rimeligvis havt den rigtige Form. Enkelte Inconsequenser i Orthographien især af Navne skrive sig fra Kringla selv, f. Ex. Hringisakr og Ringisakr, Hróiskelda og Róiskelda, Klemenskirkja og Clemenskirkja, Nefjólfr, Nefjúlfr, Grikland, Grikkland, hvilket Læseren bedes at undskylde. Ofte skriver Kringla býr for det sædvanlige boer, hvilken sidste Form er bleven foretrukken her i Udgaven, maaske med Urette, jævnfør her Rimet i Verset S. 742²⁵ ský—Hvítabý. Som en orthographisk Egenhed ved denne Udgave af Heimskringla ligesom ved Prof. Bugges af Halfs, Nornagests og Völsunga Saga, anføres Bestræbelsen for at adskille den haarde Vokal ö, u-Omlyd af a, fra den bløde ø, der er opstaaet dels af a paavirket af et følgende vi, dels af e ved et følgende v (se Lyngbys Afhandling i Tidsskrift for Philologi og Pædagogik, anden

Aargang S. 304-306). Udførelsen af denne Adskillelse er dog vel mere theoretisk interessant end praktisk nødvendig.

Før jeg slutter disse Forord skylder jeg at aflægge min Tak til Professorerne Bugge og Rygh for deres ufortrødne Bistand under Udgivelsen af denne Bog; navnlig har den første gennemgaaet Versene, og derved havt en væsentlig Del i deres Redaction, og den sidste har gennemlæst Arkene før de lagdes under Pressen, og derved ikke alene bidraget til at befri Bogen for mange Trykfeil, men ogsaa paa andre Maader befordret Textens Correcthed, navnlig ved at paavise Uholdbarheden af enkelte Læsemaader i Hovedcodex og fremhæve Nødvendigheden af her at ty til de andre Haandskrifter. Endelig maa jeg gøre opmærksom paa, at de Udgiven ledsagende Registre skyldes Hr. Adjunkt Arnesen paa Frederikshald. Maatte nu den velvillige Læser finde denne Haandudgave af Heimskringla nogentunde brugbar, vilde Udgiveren ikke anse den derpaa anvendte Tid og Umage for spildt.

Christiania, Marts 1868.

C. R. Unger.

HEIMSKRINGLA.

1822

HEIMSKRINGLA.

Prologus.

Á bók þessi lét ek rita frásagnir um höfðingja, þá er ríki hafa haft á norðrlöndum ok á danska tungu hafa mælt, svá
5 sem ek hefi heyrt fróða menn segja, svá ok nökkurar kyn-
kvíslir þeira, eptir því sem mér hefir kent verit; sumt þat
er finnst í langfeðgatali, því er konungar hafa rakit kyn sitt,
eða aðrir stórættaðir menn, en sumt er ritat eptir fornum
kvæðum eða söguljóðum, er menn hafa haft til skemtanar
10 sér. En þó at vér vitim eigi sannynði á því, þá vitum
vér dæmi til þess, at gamlir frœðimenn hafa slíkt fyrir satt
haft. Þjóðólfr or Hvini var skáld Haralds hins hárfagra;
hann orti ok um Rögnvald konung heiðum hæra kvæði
þat, er kallat er Ynglingatal. Rögnvaldr var son Ólafs
15 Geirstaðaálfs, bróður Hálfðanar svarta. Í því kvæði eru
nefndir 30 langfeðga hans ok sagt frá dauða hvers þeira
ok legstað. Fjölnir var sá nefndr, er son var Yngvifreys,
þess er Svíar hafa blótat lengi síðan, af hans nafni eru
Ynglingar kallaðir. Eyvindr skáldaspillir taldi ok langfeðga
20 Hákonar jarls hins ríka í kvæði því, er Háleygjatal heitir,
er ort var um Hákon; Sæmingr er þar nefndr, son Yngvi-
freys, sagt er ok þar frá dauða hvers þeira ok haugstað.
Eptir Þjóðólfs sögn er fyrst rituð ævi Ynglinga, ok þar við
aukit eptir sögn fróðra manna. Hin fyrsta öld er kölluð

brunaöld, þá skyldi brenna alla dauða menn ok reisa eptir bautasteina. En síðan er Freyr hafði heygðr verit at Uppsölum, þá gerðu margir höfðingjar eigi síðr hauga en bautasteina til minningar eptir frændr sína. En síðan er Danr hinn mikilláti Danakonungr lét sér haug gera, ok bauð sik þangat bera dauðan með konungs sknúði ok herbúnaði, ok hest hans með söðulreiði ok mikit fé annat, en hans ættmenn gerðu margir svá síðan, ok hófst þar haugsöld þar í Danmörk. En lengi síðan hélzt brunaöld með Svíum ok Norðmönnum. En er Haraldr hinn hárfagri var konungr í Noregi, þá byggðist Ísland. Með Haraldi konungi váru skáld, ok kunna menn enn kvæði þeira ok allra konunga kvæði, þeira er síðan hafa verit at Noregi. Ok tókum vér þar mest dæmi af því, er sagt er í þeim kvæðum, er kveðin váru fyrir sjálfum höfðingjunum eða sonum þeirra, tókum vér þat alt fyrir satt, er í þeim kvæðum finnst um ferðir þeira eða orrostur. En þat er háttr skálda at lofa þann mest, er þá eru þeir fyrir, en engi mundi þat þora, at segja sjálfum honum þau verk hans, er allir þeir er heyrði vissi, at hégómi væri ok skrök, ok svá sjálfr hann, þat væri þá háð en eigi lof.

Ari prestr hinn fróði Þorgilsson Gellissonar ritaði fyrstr manna hér á landi at norrœnu máli frœði bæði forna ok nýja; ritaði hann mest í upphafi sinnar bókar um Íslands byggð ok lagasetning, síðan frá lögsögumönnum, hversu lengi hverr hafði sagt, ok hafði áratál fyrst til þess er kristni kom á Ísland, en síðan alt til sinna daga. Hann tók þar ok við mörg önnur dæmi, bæði konunga ævi í Noregi ok Danmörk ok svá í Englandi, eða enn stórtíðindi, er gerzt höfðu hér á landi, ok þykki mér hans sögn öll merkiligust: var hann forvitri ok svá gamall, at hann var fœddr næsta vetr eptir fall Haralds Sigurðarsonar. Hann ritaði, sem hann sjálfr segir, ævi Noregs konunga eptir sögn Odds Kolssonar Hallsonar af Síðu; en Oddr nam at Þorgeiri af ráðskoll, þeim manni er vitr var ok svá gamall, at hann

bjó þá í Niðarnesi, er Hákon jarl hinn ríki var drepinn. Í þeim sama stað lét Olafr konungr Tryggvason efna til kaupangs, þar sem nú er. Ari prestur kom 7 vetra gamall í Haukadal til Halls Þórarinssonar ok var þar 14 5 vetr. Hallr var maðr stórvitr ok minnigr, hann mundi þat er Þangbrandr prestur skírði hann þrevetran, þat var vetri fyrr en kristni væri í lög tekin á Íslandi. Ari prestur var 12 vetra gamall, þá er Ísleifr byskup andaðist. Hallr fór milli landa ok hafði félag Ólafs konungs hins helga ok fékk 10 af því uppreist mikla, var honum því kunnigt um ríki hans. En þá er Ísleifr byskup andaðist, var liðit frá falli Ólafs konungs Tryggvasonar nær 80 vetra. Hallr andaðist 9 vetrum síðar en Ísleifr byskup, þá var Hallr at vetratali níroðr ok 4 vetra, hann hafði gert bú í Haukadal 15 þrítugr ok bjó þar 60 vetra ok 4 vetr. Svá ritaði Ari. Teitr son Ísleifs byskups var með Halli í Haukadal at fóstri ok bjó þar síðan; hann lærði Ara prest, ok marga frœði sagði hann honum, þá er Ari ritaði síðan. Ari nam ok marga frœði at Þuríði dóttur Snorra goða; hon var spök 20 at viti, hon mundi Snorra föður sinn, en hann var þá nær hálfertugr, er kristni kom á Ísland, en andaðist einum vetri eptir fall Ólafs konungs hins helga. Þat var eigi undarligt, at Ari væri sannfróðr at fornum tíðindum, bæði hér ok utanlands, at hann hafði numit at gömlum mönnum ok 25 vitrum en var sjálfr námgjarn ok minnigr. En kvæðin þykkja mér sízt or stað færð, ef þau eru rétt kveðin ok skynsamliga upptekin.

YNGLINGA SAGA.

Hér segir frá landa skipan.

1. Kringla heimsins, sú er mannfólkit byggir, er mjök vágskorin; ganga höf stór or útsjánum inn í jörðina. Er þat kunnigt, at haf gengr frá Njörvasundum ok alt út til Jórsalalands. 5 Af hafinu gengr langr hafsbotn til landnorðrs, er heitir Svartahaf; þat skilr heimsþriðjungana: heitir fyrir austan Asía, en fyrir vestan kalla sumir Európa, en sumir Enea. En norðan at Svartahafi gengr Svíþjóð hin mikla eða hin kalda; Svíþjóð hina miklu kalla sumir menn eigi minni en Serkland 10 hit mikla; sumir jafna henni við Bláland hit mikla. Hinn norðri hlutr Svíþjóðar liggr úbygðr af frosti ok kulda, svá sem hinn syðri hlutr Blálands er auðr af sólar bruna. Í Svíþjóð eru stórheruð mörg, þar eru ok margskonar þjóðir ok margar tungur: þar eru risar ok þar eru dvergar, þar 15 eru ok blámenn, ok þar eru margskonar undarligar þjóðir, þar eru ok dýr ok drekar furðuliga stórir. Or norðri frá fjöllum þeim, er fyrir utan eru bygð alla, fellr á um Svíþjóð, sú er at réttu heitir Tanais; hon var forðum kölluð Tanakvísl eða Vanakvísl; hon kemr til sjávar inn í Svarta- 20 haf. Í Vanakvísium var þá kallat Vanaland eða Vanaheimr. Sú á skilr heimsþriðjungana: heitir fyrir austan Asía, en fyrir vestan Európa.

Frá Asíamönnum.

2. Fyrir austan Tanakvísl í Asía var kallat Ásaland 25 eða Ásaheimr, en höfuðborgin, er var í landinu, kölluðu þeir Ásgarð. En í borginni var höfðingi sá, er Óðinn var kall-

aðr; þar var blótstaðr mikill. Þat var þar siðr, at tólf
hofgoðar váru æztir; skyldu þeir ráða fyrir blótum ok
dónum manna í milli. Þat eru díar kallaðir eða dróttnar;
þeim skyldi þjónostu veita ok lotning alt fólk. Óðinn var
5 hermaðr mikill ok mjök víðförrull ok eignaðist mörg ríki.
Hann var svá sigrsæll, at í hverri orrostu fékk hann gagn,
ok svá kom, at hans menn trúðu því, at hann ætti heim-
ilan sigr í hverri orrostu. Þat var háttr hans, ef hann
sendi menn sína til orrostu, eða aðrar sendifara, at hann
10 lagði áðr hendr í höfuð þeim, ok gaf þeim bjanak; trúðu
þeir, at þá mundi þeim vel farast. Svá var ok um hans
menn, hvar sem þeir váru í nauðum staddir á sjá eða landi,
þá kölluðu þeir á nafn hans, ok þótti iafnan fá af því fró;
þar þóttust þeir eiga alt traust, er hann var. Hann fór opt
15 svá langt í brott, at hann dvaldist í ferðinni mörg misseri.

Frá bræðrum Óðins.

3. Óðinn átti tvá bræðr, hét annar Vé, en annarr Vili;
þeir bræðr hans stýrðu ríkinu, þá er hann var í brottu.
Þat var eitt sinn, þá er Óðinn var farinn langt í brott ok
20 hafði lengi dvalzt, at Ásum þótti örvænt hans heim; þá
tóku bræðr hans at skipta arfi hans, en konu hans Frigg
géngu þeir báðir at eiga. En litlu síðar kom Óðinn heim,
tók hann þá við konu sinni.

Úfriðr við Vani.

25 4. Óðinn fór með her á hendr Vönum, en þeir urðu
vel við ok vörðu land sitt, ok höfðu ymsir sigr; herjuðu
hvárir á land annarra ok gerðu skaða. En er þat leiddist
hvarumtveggjum, lögðu þeir milli sín sættarstefnu, ok gerðu
frið ok seldust gislar. Féngu Vanir sína hina ágæztu menn,
30 Njörð hinn auðga ok son hans Frey, en Æsir þar í mót
þann er Hœnir hét, ok kölluðu hann allvel til höfðingja
fallinn. Hann var mikill maðr ok hinn vænsti. Með honum
sendu Æsir þann er Mímir hét, hann var hinn vitrasti
maðr; en Vanir féngu þar í mót þann er spakastr var í

þeira flokki, sá hét Kvásir. En er Hœnir kom í Vanaheim, þá var hann þegar höfðingi gerr; Mímir kendi honum ráð öll. En er Hœnir var staddr á þingum eða stefnum, svá at Mímir var eigi nær, ok kœmi nökkur vandamál fyrir hann, þá svaraði hann æ hinu sama: ráði aðrir, sagði hann. 5 Þá grunaði Vani, at Æsir mundi hafa falsat þá í manna-skiptinu; þá tóku þeir Mími ok hálshjoggu, ok sendu höfuðit Ásum. Óðinn tók höfuðit ok smurði urtum, þeim er eigi mátti fúna, ok kvað þar yfir galdra, ok magnaði svá, at þat mælti við hann ok sagði honum marga leynda hluti. 10 Njörð ok Frey setti Óðinn blótgoða, ok váru þeir Díar með Ásum. Dóttir Njarðar var Freyja, hon var blótgyðja, ok hon kendi fyrst með Ásum seið, sem Vönum var títt. Þá er Njörðr var með Vönum, þá hafði hann átta systur sína, því at þat váru þar lög; váru þeira börn Freyr ok Freyja. 15 En þat var bannat með Ásum at byggja svá náit at frændsemi

Óðinn skipti ríki ok frá Gefjon.

5. Fjallgarðr mikill gengr af landnorðri til útsuðrs; sá skilr Svíþjóð hina miklu ok önnur ríki. Fyrir sunnan fjallit er eigi langt til Tyrklands, þar átti Óðinn eignir stórar. Í 20 þann tíma fóru Rómverja höfðingjar víða um heiminn, ok brutu undir sik allar þjóðir, en margir höfðingjar flýðu fyrir þeim úfriði af eignum sínum. En fyrir því at Óðinn var forspár ok fjölkunnigr, þá vissi hann, at hans afkvæmi mundi um norðrhálfu heimsins byggja. Þá setti hann bræðr sína 25 Vé ok Vila yfir Ásgarð; en hann fór, ok Díar allir með honum ok mikit mannfólk. Fór hann fyrst vestr í Garðaríki, ok þá suðr í Saxland. Hann átti marga sonu; hann eignaðist ríki víða um Saxland, ok setti þar sonu sína til landsgæzlu. Þá fór hann norðr til sjávar ok tók sér 30 bústað í ey einni; þar heitir nú Óðinsey í Fjóni. Þá sendi hann Gefjon norðr yfir sundit á landaleitan; þá kom hon til Gylfa, ok gaf hann henni eitt plógsland. Þá fór hon í Jötunheima, ok gat þar 4 sonu við jötni nökkurum; hon

brá þeim í yxna líki, ok færði þá fyrir plóginn ok dró landit út á hafit ok vestr gegnt Óðinsey, ok er þat kölluð Selund; þar bygði hon síðan. Hennar fékk Skjöldr, son Óðins; þau bjoggu at Hleiðru. Þar er vatn eða sjár eptir, 5 þat er kallaðr Lögrinn. Svá liggja firðir í Leginum, sem nes í Selundi. Svá kvað Bragi hinn gamli:

10	Gefjon dró frá Gylfa glöð, djúpröðuls' öðla, svá at af renniröknum rauk, Danmarkar auka;	báru yxn, ok átta ennitungl; þar er géngu fyrir vineyjar víðri valrauf, fjögur höfuð.
----	---	--

En er Óðinn spurði, at góðir landskostir váru austr at Gylfa, fór hann þannog, ok gerðu þeir Gylfi sætt sína, því at Gylfi þóttist eigi krapt til hafa til mótstöðu við Ásuna. Mart áttust þeir Óðinn við ok Gylfi í brögðum ok sjón- 15 hverfingum, ok urðu Æsir jafnan ríkri. Óðinn tók sér bústað við Löginn, þar sem nú eru kallaðar fornu Sigtúnir, ok gerði þar mikit hof ok blót eptir siðvenju Ásanna. Hann eignaðist þar lönd svá vítt sem hann lét heita Sigtúnir. Hann gaf bústaði hofgoðunum: Njörðr bjó í Nóatúnum, en 20 Freyr at Uppsölum, Heimdallr at Himinbjörgum, Þórr á Þrúðvangi, Baldr á Breiðabliki; öllum fékk hann þeim góða bólstaði.

Frá atgervi Óðins.

6. Þá er Ásaóðinn kom á norðrlönd, ok með honum 25 Díar, er þat sagt með sannyndum, at þeir hófu ok kendu íþróttir, þær er menn hafa lengi síðan með farit. Óðinn var göfgastr af öllum, ok af honum námu þeir allir íþróttirnar: því at hann kunni fyrst allar ok þó flestar. En þat er at segja, fyrir hverja sök hann var svá mjök tignaðr, 30 þá báru þessir hlutir til: hann var svá fagr ok göfugligr álitum, þá er hann sat með vinum sínum, at öllum hló hugr við; en þá er hann var í her, þá sýndist hann grimmligr sínum úvinum. En þat bar til þess, at hann kunni þær íþróttir, at hann skipti litum ok líkjum, á hverja lund er 35 hann vildi; önnur var sú, at hann talaði svá snjalt ok skétt,

at öllum er á heyrðu þótti þat eina satt; mælti hann alt hendingum, svá sem nú er þat kveðit, er skáldskapr heitir. Hann ok hófgoðar hans heita ljóðasmiðir, því at sú íprótt hófst af þeim í norðrlöndum. Óðinn kunni svá gera, at í orrostum urðu úvinir hans blindir eða daufir eða óttafullir, 5 en vápn þeira bitu eigi heldr en vendir; en hans menn fóru brynjulausir ok váru galnir sem hundar eða vargar, bitu í skjöldu sína, váru sterkir sem birnir eða griðungar; þeir drápu mannfólkit, en hvártki eldr né járn orti á þá. Þat er kallaðr berserksgangr. 10

Frá ípróttum Óðins.

7. Óðinn skipti hömum; lá þá búkrinn sem sofinn eða dauðr, en hann var þá fugl eða dýr, fiskr eða ormr, ok fór á einni svipstund á fjarlæg lönd, at sínum erendum eða annarra manna. Þat kunni hann enn at gera með 15 orðum einum, at slökkva eld, ok kyrra sjá, ok smúa vindum hverja leið er hann vildi. Óðinn átti skip, þat er Skíðblaðnir hét, er hann fór á yfir höf stór, en þat mátti vefja saman sem dúk. Óðinn hafði með sér höfuð Mímis, ok sagði þat honum mörg tíðindi or öðrum heimum. En stund- 20 um vakti hann upp dauða menn or jörðu, eða settist undir hanga; fyrir því var hann kallaðr drauga dróttinn eða hanga dróttinn. Hann átti hrafna tvá, er hann hafði tamit við mál; flugu þeir víða um lönd ok sögðu honum mörg tíðindi. Af þessum hlutum varð hann stórliga fróðr. Allar þessar 25 ípróttir kendi hann með rúnum ok ljóðum, þeim er galdrar heita; fyrir því eru Æsir kallaðir galdrasmiðir. Óðinn kunni þá íprótt, er mestr máttir fylgði, ok framdi sjálf, er seiðr heitir. En af því mátti hann vita ærlög manna ok úorðna hluti, svá ok at gera mönnum bana eða úhamingju eða van- 30 heilindi, svá ok at taka frá mönnum vit eða afl ok gefa öðrum. En þessi fjölkyngi, er framit er, fylgir svá mikil ergi, at eigi þótti karlmönnum skammlaust við at fara, ok var gyðjunum kend sú íprótt. Óðinn vissi um alt jarðfé,

hvar fólgt var, ok hann kunni þau ljóð, er upp laukst fyrir honum jörðin, ok björg ok steinar, ok hangarnir, ok batt hann með orðum einum þá er fyrir bjoggu, ok gekk inn ok tók þar slíkt er hann vildi. Af þessum kröptum varð
 5 hann mjök frægr; úvinir hans óttuðust hann, en vinir hans treystust honum, ok trúðu á krapt hans ok á sjálfan hann. En hann kendi flestar ípróttir sínar blótgoðunum, váru þeir næst honum um allan fróðleik ok fjölkyngi. Margir aðrir námu þó mikit af, ok hefir þaðan af dreifzt fjölkyngin víða
 10 ok haldizt lengi. En Óðin ok þá höfðingja tólf blótuðu menn, ok kölluðu goð sín ok trúðu á lengi síðan. Eptir Óðins nafni var kallaðr Auðun, ok hétu menn svá sonu sína, en af Þórs nafni er kallaðr Þórir eða Þórarinn, eða dregit af öðrum heitum til, svá sem Steinhórr eða Haf-
 15 þórr, eða enn breytt á fleiri vega.

Lagasetning Óðins.

8. Óðinn setti lög í landi sínu, þau er gengit höfðu fyrr með Ásum. Svá setti hann, at alla dauða menn skyldi brenna ok bera á bál með þeim eign þeira; sagði hann
 20 svá, at með þvílíkum auðœfum skyldi hverr koma til Valhallar, sem hann hafði á bál; þess skyldi hann ok njóta, er hann sjálf hafði í jörð grafit: en öskuna skyldi bera út á sjá eða grafa niðr í jörð. En eptir göfga menn skyldi haug gera til minningar; en eptir alla þá menn, er nökkut
 25 mannsmót var at, skyldi reisa bautasteina; ok hélzt sá siðr lengi síðan. Þá skyldi blóta í móti vetri til árs, en at miðjum vetri blóta til gróðrar, hit þriðja at sumri, þat var sigrblót. Um alla Svíþjóð guldu menn Óðni skatt, penning fyrir nef hvert, en hann skyldi verja land þeira
 30 fyrir úfriði ok blóta þeim til árs.

Kvénfang Njardar.

9. Njörðr fékk konu þeirar, er Skaði hét, hon vildi ekki við hann samfarar eiga, ok giptist síðan Óðni. Áttu þau

marga sonu: einn þeira hét Sæmingr, um hann orti Eyvindr skáldaspillir þetta:

Þann, skáldblötr!	skatna vinr	
skattfæri gát	ok Skaði bygðu	
ása niðr	sævar beins	5
við járnviðju,	ok sonu marga	
þá er þau meir	öndurdís	
í Manheimum	við Óðni gat.	

Til Sæmings taldi Hákon jarl hinn ríki langfeðgakyn sitt. Þessa Svíþjóð kölluðu þeir Manheima, en hina miklu 10 Svíþjóð kölluðu þeir Goðheima; or Goðheimum sögðu þeir mörg tíðindi ok mörg undr.

Dauði Óðins.

10. Óðinn varð sótt dauðr í Svíþjóð; ok er hann var at kominn bana, lét hann marka sik geirsoddi ok eignaði 15 sér alla vápndauða menn; sagði hann sik mundu fara í Goðheim ok fagna þar vinum sínum. Nú hugðu Svíar, at hann væri kominn í hinn forna Ásgarð, ok mundi þar lifa at eilífu. Hófst þá at nýju átrúnaðr við Óðin ok áheit, Opt þótti Svíum hann vitrast sér, áðr stórar orrostur yrði, 20 gaf hann þá sumum sigr, en sumum bauð hann til sín; þótti hvártrveggi kostur góðr. Óðinn var brendr dauðr, ok var sú brenna ger allveglig. Þat var trúa þeira, at því hæra sem reykin lagði í loptit upp, at því háleitari væri sá í himninum, er brennuna átti, ok því auðgari, er meira 25 fé brann með honum.

Frá Níðri.

11. Njörðr af Nóatunum gerðist þá valdsmaðr yfir Svíum, ok hélt upp blótum; hann kölluðu Svíar þá dróttin sinn; tók hann þá skattgjafir af þeim. Á hans dögum var 30 friðr allgóðr ok allskonar ár svá mikít, at Svíar trúðu því, at Njörðr réði fyrir ári ok fyrir fésælu manna. Á hans dögum dó flestir Díar, ok váru allir blótaðir ok brendir síðan. Njörðr varð sótt dauðr, lét hann ok marka sik Óðni,

áðr hann dó; Svíar brendu hann ok grétu allmjök yfir leiði hans.

Dauði Freys.

12. Freyr tók þá ríki eptir Njörð; var hann kall-
 5 aðr dróttinn yfir Svíum ok tók skattgjafir af þeim; hann
 var vinsæll ok ársæll sem faðir hans. Freyr reisti at Upp-
 sölum hof mikit, ok setti þar höfuðstað sinn; lagði þar til
 allar skyldir sínar, lönd ok lausa aura; þá hófst Uppsala
 auðr, ok hefir haldizt æ síðan. Á hans dögum hófst Fróða
 10 friðr, þá var ok ár um öll lönd: kendu Svíar þat Frey.
 Var hann því meir dýrkaðr en önnur goðin, sem á hans
 dögum varð landsfólkit auðgara en fyrr af friðinum ok
 ári. Gerðr Gýmis dóttir hét kona hans; sonr þeira hét
 Fjölfnir. Freyr hét Yngvi öðru nafni; Yngva nafn var lengi
 15 síðan haft í hans ætt fyrir tignarnafn, ok Ynglingar váru síðan
 kallaðir hans ættmenn. Freyr tók sótt; en er at honum
 leið sóttin, leituðu menn sér ráðs, ok létu fá menn til hans
 koma, en bjoggu haug mikinn, ok létu dyrr á ok 3
 glugga. En er Freyr var dauðr, báru þeir hann leyniliga
 20 í hauginn, ok sögðu Svíum at hann lifði, ok varðveittu
 hann þar 3 vetr. En skatt öllum heltu þeir í hauginn,
 í einn glugg gullinu, en í annan silfrinu, í hinn þriðja
 eirpenningum. Þá hélzt ár ok friðr.

Frá Freyju ok dætrum hennar.

25 13. Freyja hélt þá upp blótum, því at hon ein lifði þá
 eptir goðanna, ok varð hon þá hin frægsta, svá at með hennar
 nafni skyldi kalla allar konur tignar, svá sem nú heita frúv-
 or. Svá heitir ok hver freyja yfir sinni eign, en sú hús-
 freyja, er bú á. Freyja var heldr marglynd; Óðr hét bóndi
 30 hennar, dætr hennar hétu Hnoss ok Gersemi, þær váru
 fagrar mjök: af þeira nafni eru svá kallaðir hinir dýrstu
 gripir. Þá er allir Svíar vissu, at Freyr var dauðr, en
 hélzt ár ok friðr, þá trúðu þeir, at svá mundi vera, meðan
 Freyr væri á Svíþjóð, ok vildu eigi brenna hann, ok köll-

uðu hann veraldar goð, blótuðu mest til árs ok friðar alla ævi síðan.

Dauði Fjölnis konungs.

14. Fjölnir son Yngvifreys réð þá fyrir Svíum ok Uppsala auð; hann var ríkr ok ársæll ok friðsæll. Þá 5 var Friðfróði at Hleiðru; þeira í millum var heimboð ok vingan. Þá er Fjölnir fór til Fróða á Selund, þá var þar fyrir búin veizla mikil ok boðit til víða um lönd. Fróði átti mikinn húsabœ; þar var gert ker mikit margra alna hátt, ok okat með stórum timbrstökkum; þat stóð í undir- 10 skemmu, en lopt var yfir uppi, ok opit gólfþíl, svá at þar var niðr helt leginum, en kerit blandit fult mjaðar; þar var drykkur furðu sterkr. Um kveldit var Fjölni fylgt til herbergis í hit næsta lopt, ok hans sveit með honum. Um nóttina gékk hann út í svalir at leita sér staðar, var hann 15 svefnœrr ok dauðadrukinn. En er hann snerist aptr til herbergis, þá gékk hann fram eptir svölunum ok til annarra löptdura ok þar inn, misti þá fótum ok féll í mjaðarkerit, ok týndist þar. Svá segir Þjóðólfr hinn hvinverski:

Varð framgengt,
þar er Fróði bjó,
feigðar orð,
er at Fjölni kom:

ok síkling
Svigðis geira
vágr vindlauss
um víða skyldi.

20

Frá Svegði.

15. Svegðir tók ríki eptir föður sinn; hann strengði þess 25 heit at leita Goðheims ok Óðins hins gamla. Hann fór með 12 menn víða um heiminn, hann kom út í Tyrkland ok í Svíþjóð hina miklu ok hitti þar marga frændr sína ok vini, ok var í þeirri för 5 vetr. Þá kom hann aptr til Svíþjóðar, dvaldist hann þá enn heima um hríð. Hann hafði fengit 30 konu þá er Vana hét út í Vanaheimi, var þeira son Vanlandi. Svegðir fór enn at leita Goðheims. Ok í austanverðri Svíþjóð heitir boer mikill at Steini, þar er steinn svá mikill sem stór hús. Um kveldit eptir sólarfall, þá er Svegðir gékk frá drykkju til svefnbúrs, sá hann til steins- 35

ins, at dvergr sat undir steininum. Svegðir ok hans menn
 váru mjök druknir ok runnu til steinsins. Dvergrinn stóð
 í durum ok kallaði á Svegði, bað hann þar inn ganga, ef
 hann vildi Óðin hitta. Svegðir hljóp í steininn; en steinn-
 5 inn laukst þegar aptr, ok kom Svegðir eigi aptr. Svá segir
 Þjóðólfr hinn hvinverski:

	En dagskjarr	dulsa konr
	Durnis niðja	ept dvergi hljóp;
	salvörðuðr	ok sal bjartr
10	Svegði vélti,	þeira Sökmímis
	þá er í stein	jötunbygðr
	hinn stórgeði	við jöfri gein.

Frá Vanlanda.

16. Vanlandi hét son Svegðis, er ríki tók eptir hann
 15 ok réð fyrir Uppsala auð; hann var hermaðr mikill, ok hann
 fór víða um lönd. Hann þá vetrvist á Finnlandi með Snjá
 hinum gamla, ok fékk þar dóttur hans Drífu. En at vári
 fór hann á brott, en Drífa var eptir, ok hét hann at koma
 aptr á þriggja vetra fresti, en hann kom eigi á 10 vetrum.
 20 Þá sendi Drífa eptir Huld seiðkonu, en sendi Vísbur, son
 þeira Vanlanda, til Svíþjóðar. Drífa keypti at Huld seið-
 konu, at hon skyldi síða Vanlanda til Finnlands, eða deyða
 hann at öðrum kosti. En er seiðr var framiðr, þá var
 Vanlandi at Uppsölum; þá gerði hann fúsan at fara til
 25 Finnlands, en vinir hans ok ráðamenn bönnuðu honum,
 ok sögðu at vera mundi fjölkyngi Finna í farfýsi hans. Þá
 gerðist honum svefnhöfugt, ok lagðist hann til svefns. En
 er hann hafði lítt sofnat, kallaði hann ok sagði, at mara
 trað hann. Menn hans fóru til ok vildu hjálpa honum;
 30 en er þeir tóku uppi til höfuðsins, þá trað hon fótleggina,
 svá at nær brotnuðu; þá tóku þeir til fótanna, þá kaðði
 hon höfuðit, svá at þar dó hann. Svíar tóku lík hans, ok
 var hann brendr við á þá er Skúta heitir. Þar váru settir
 bautasteinar hans. Svá segir Þjóðólfr:

En á vit	liðs grímhildr	
Vilja bróður	ljóna bága;	
vitta vættr	ok sá brann	
Vanlanda kom;	á beði Skútu	
þá tröllkund	menglötuðr,	5
um troða skyldi	er mara kvaldi.	

Dauði Vísburs.

17. Vísburr tók arf eptir Vanlanda föður sinn; hann gékk at eiga dóttur Auða hins auðga ok gaf henni at mundi þrjá stórbœi ok gullmen. Þau áttu 2 sonu Gísl ok Öndur. En 10 Vísburr lét hana eina ok fékk annarrar konu; en hon fór til föður síns með sonu sína. Vísburr átti son er Dómaldi hét; stjúp móðir Dómalda lét síða at honum úgæfu. En er synir Vísburs váru 12 vetra ok 13, fóru þeir á fund hans ok heimtu mund móður sinnar, en hann vilði eigi 15 gjalda. Þá mæltu þeir, at gullmenit skyldi verða at bana hinum bezta manni í ætt hans, ok fóru í brott ok heim. Þá var enn fengit at seið ok siðit til þess, at þeir skyldu mega drepa föður sinn. Þá sagði Huldr völva þeim, at hon mundi svá síða, ok þat með, at ættvíg skyldu ávalt 20 vera í ætt þeira Ynglinga síðan. Þeir játtu því. Eptir þat sömnuðu þeir liði, ok kómu at Vísbur um nótt á úvart ok brendu hann inni. Svá kvað Þjóðólfr:

Ok Vísburs	setrverjendr	
vilja byrði	á sinn föður;	25
sjávar niðr	ok allvald	
svelgja knátti.	í arinkjóli	
þá er meinþjóf	glóða garmr	
markar öttu	glymjandi beit.	

Dauði Dómalda.

30

18. Dómaldi tók arf eptir föður sinn Vísbur, ok réð löndum. Á hans dögum gerðist í Svíþjóð sultr mikill ok seyra. Þá efldu Svíar blót stór at Uppsölum; hit fyrsta haust blótuðu þeir yxnum, ok batnaði ekki árferð at heldr. En annat haust hófu þeir mannbót, en árferð var söm eða 35

verri. En hit þriðja haust kómu Svíar fjölment til Uppsala, þá er blót skyldu vera. Þá áttu höfðingjar ráðagerð sína; ok kom þat ásamt með þeim, at hallærit mundi standa af Dómalda konungi þeira, ok þat með, at þeir skyldu honum blóta til árs sér, ok veita honum atgöngu ok drepa hann, ok rjóða stalla með blóði hans. Ok svá gerðu þeir. Svá segir Þjóðólfr:

10	Hitt var fyrr at fold ruðu sverðberendr sínnum dróttni, ok landherr á lífs vanan	dreyrug vápn Dómalda bar. Þá er árgjörn Jóta dólgi Svíá kind um sóa skyldi.
----	---	--

Dauði Dómars.

15 19. Dómarr hét sonr Dómalda, er þar næst réð ríki; hann réð lengi fyrir löndum, ok var þá góð árferð ok friðr um hans daga. Frá honum er ekki sagt annat, en hann varð sótt dauðr at Uppsölum, ok var færðr á Fyrisvöllu ok brendr þar á árbakkanum, ok eru þar bautasteinar hans.
20 Svá segir Þjóðólfr:

25	Ok ek þess opt um Yngva hrør fróða menn um fregit hafða, hvar Dómarr á dynjanda	bana Hálfs um borinn væri. Nú ek þat veit at verkbitinn Fjölnis niðr við Fyri brann.
----	--	---

Dauði Dyggva.

20. Dyggvi hét son hans, er þar næst réð löndum, ok er frá honum ekki sagt annat, en hann varð sótt dauðr.
30 Svá segir Þjóðólfr:

35	Kveðkat ek dul nema Dyggva hrør Glitnis gná at gamni hefir; því at jóðís Úlfs ok Narfa	konungmann kjósa skyldi; ok allvald Yngva þjóðar Loka mæð um leikinn hefir.
----	---	--

Móðir Dyggva var Drótt, dóttir Danps konungs, sonar Rígs, er fyrstr var konungr kallaðr á danska tungu; hans ættmenn höfðu ávalt síðan konungsnafn fyrir hit ætta tignarnafn. Dyggvi var fyrstr konungr kallaðr sinna ættmanna; en áðr váru þeir dróttnar kallaðir, en konur þeira dróttningar, en drótt hárðsveitin. En Yngvi eða Ynguni var kallaðr hverr þeira ættmanna alla ævi, en Ynglingar allir saman. Drótt dróttning var systir Dans konungs hins mikilláta, er Danmörk er við kend.

Frá Dag spaka.

10

21. Dagr hét son Dyggva konungs, er konungdóm tók eptir hann; hann var maðr svá spakr, at hann skildi fugls rödd. Hann átti spörr einn, er honum sagði mörg tíðindi; flaug hann á ymsi lönd. Þat var eitt sinn, at spörrinn flaug á Reiðgotaland, á bæ þann, er á Vörva heitir; hann flaug í akr karls ok fékk þar matar. Karl kom þar ok tók upp stein ok laust spörrinn til bana. Dagr konungr varð illa við, er spörrinn kom eigi heim; gékk hann þá til sónarblóts til fréttar, ok fékk þau svör, at spörr hans var drepinn á Vörva. Síðan bauð hann út her miklum ok fór til Gotlands; en er hann kom á Vörva, gékk hann upp með her sinn ok herjaði: fólkit flýði viðs vegar undan. Dagr konungr sneri herinum til skipa, er kveldaði, ok hafði hann drepit mart fólk ok mart handtekit. En er þeir fóru yfir á nökkura, þar sem heitir Skjótansvað eða Vápnavað, þá rann fram ór skógi einn verkþræll á árbakkann ok skaut heytjúgu í lið þeira, ok kom í höfuð konungi skotit, féll hann þegar af hestinum ok fékk bana. Fóru menn hans aptr til Svíþjóðar. Í þann tíma var sá höfðingi gramr kallaðr er herjaði, en hermenninir gramir. Svá segir Þjóðólfr:

Frá ek at Dagr
dauða orði
frægðar fúss
um fara skyldi,

þá er valteins
til Vörva kom
spakfrömuðr
spörs at hefna.

þar er
þetta
meðan

HN

Ok þat orð
á Austrvega
vísa ferð
frá vígi bar,

at þann gram
um geta skyldi
slönguþref
Sleipnis verðar.

5

Frá Agna.

22. Agni hét son Dags, er konungr var eptir hann, ríkr maðr ok ágætr, hermaðr mikill, atgervimaðr mikill um alla hluti. Þat var eitt sumar, er Agni konungr fór með her sinn á Finnland, gékk þar upp ok herjaði. Fíannar drógu
10 saman lið mikit ok fóru til orrostu. Frosti er nefndr höfðingi þeira. Varð þar orrosta mikil, ok fékk Agni konungr sigr; þar féll Frosti ok mikit lið með honum. Agni konungr fór herskildi um Finnland, ok lagði undir sik ok fékk stórmikit herfang. Hann tók ok hafði með sér Skjálf,
15 dóttur Frosta, ok Loga bróður hennar. En er hann kom austan, lagði hann til Stokksunda; hann setti tjöld sín suðr á fitina, þar var þá skógr. Agni konungr átti þá gallmenit, þat er Vísburr hafði átt. Agni konungr gékk at eiga Skjálf. Hon bað konung at gera erfi eptir föður sinn.
20 Hann bauð þá til sín mörgum ríkismönnum ok gerði veizlu mikla; hann var allfrægr orðinn af för þessari. Þá váru þar drykkjur miklar; en er Agni konungr gerðist drukinn, þá bað Skjálf hann gæta vel mensins, er hann hafði á hálsi. Hann tók til ok batt ramliga menit á háls sér, áðr hann
25 gengi at sofa; en landtjaldit stóð við skóginn ok hátt tré yfir tjaldinu, þat er skýla skyldi við sólarhita. En er Agni konungr var sofnaðr, þá tók Skjálf digrt snœri ok festi undir menit. Menn hennar slógu þá tjaldstöngunum, en köstuðu lykkju snœrisins upp í limar trésins, drógu síðan, svá at
30 konungr hékk næst uppi við limar; ok var þat hans bani. Skjálf ok hennar menn hljópu á skip ok reru í brott. Agni konungr var þar brendr, ok er þar síðan kölluð Agnafit á austanverðum Taurinum vestr frá Stokksundi. Svá segir Þjóðólfr:

Þat tel ek undr,
ef Agna her
Skjálfar ráð
at sköpum þóttu,
þá er gæðing
með gullmeni

Loga dís
at lopti hóf,
hinn er við Taur-
temja skyldi
svalan hest
Signýjar vers.

5

Frá Alreki ok Eiríki.

23. Alrekr ok Eiríkr hétu synir Agna, er konungar
váru eptir hann; þeir váru ríkir menn ok hermenn miklir
ok íþróttamenn. Þat var siðvenja þeira, at riða hesta, 10
temja bæði við gang ok við hlaup; kunnu þeir þat allra
manna bezt; lögðu þeir á þat hit mesta kapp, hverr betr
reið eða betri hesta átti. Þat var eitt sinn, at þeir bróðr
riðu tveir frá öðrum mönnum með hina beztu hesta sína,
ok riðu út á völlu nokkura ok komu eigi aptr. Var þeira 15
leita farit, ok fumaust þeir báðir dauðir, ok lamit höfuð
á háðum; en ekki vápn höfðu þeir nema bitlana af hest-
unum, ok þat byggja menn, at þeir hafi drepizt þar með.
Svá segir Þjóðólfr:

Féll Alrekr
þar er Eiríki
bróður vápn
at bana urða,
ok hnakkmars
með höfuðfetlum

Dags frændr
um drepask kváðu.
Fráat maðr áðr
eykja gervi
Freys afspring
í fólk hafa.

20

25

Frá Álfí ok Yngva.

24. Yngvi ok Álfr váru synir Alreks, er konungdóm
tóku í Svíþjóð þar næst. Var Yngvi hermaðr mikill ok
allsigrsæll, friðr ok íþróttamaðr hinn mesti, sterkr ok hinn
snarpasti í orrostu, mildr af fé ok gleðimaðr mikill. Af 30
slíku öllu varð hann frægr ok vinsæll. Álfr konungr bróðir
hans sat at löndum ok var ekki í hernaði, hann var
kallaðr Elfsi, hann var maðr þögull, ríklundaðr ok úþýðr.
Móðir hans hét Dageiðr, dóttir Dags konungs hins ríka, er
Döglingar eru frá komnir. Álfr konungr átti konu er Bera 35

hét, kvenna fríðust ok skörungr mikill, gleðimaðr hinn mesti. Yngvi Alreksson var þá enn eitt haust kominn or víkingu til Uppsala, ok var þá hinn frægsti. Hann sat opt við drykkju lengi um kveldum; Álfr konungr gékk opt
 5 snimma at sofa. Bera dróttning sat opt lengi á kveldum, ok hjöluðu þau Yngvi sín í milli. Álfr roeddi opt um, bað hana fara fyrr at sofa, sagði at hann vildi ekki vaka eptir henni. Hon svaraði ok sagði, at sú kona væri sæl, er heldr skyldi eiga Yngva en Álf; hann reiddist því mjök, er hon
 10 mælti þat opt. Eitt kveld gékk Álfr inn í höllina, þá er þau Yngvi ok Bera sátu í hásæti ok töluðust viðr; hafði Yngvi um kné sér mæki; menn váru mjök druknir ok gáfu engan gaum, at konungurinn kom inn. Álfr konungr gékk at hásætinu ok brá sverði undan skikkju sinni ok lagði í
 15 gegnum Yngva bróður sinn. Yngvi hljóp upp, ok brá mækinum ok hjó Álf banahögg, ok féllu þeir báðir dauðir á gólfít. Váru þeir Álfr ok Yngvi heygðir á Fyrirsvöllum. Svá segir Þjóðólfr:

20	Ok varð hinn, er Álfr um vá, vörðr véstalls um veginn liggja, er döglingr dreyrgan mæki	Vara þat bært, at Bera skyldi valsæfendr vígs um hvetja, þá er bræðr tveir at bönum urðusk
25	öfundgjarn á Yngva rauð.	úpurfendr um ábrýði.

Fall Hugleiks konungs.

25. Hugleikr hét son Álfs, er konungdóm tók yfir Svíum eptir þá bræðr, því at synir Yngva váru þá börn
 30 at aldri. Hugleikr konungr var engi hermaðr, ok sat hann at löndum í kyrrsæti; hann var auðigr mjök ok sínkr af fé. Hann hafði mjök í hirð sinni allskonar leikara, harpara ok gígjara ok fiðlara; hann hafði ok með sér seiðmenn ok allskonar fjölkunnigt fólk. Haki ok Hag-
 35 barðr hétu bræðr tveir, ok váru ágætir mjök. Þeir váru

sjákonungar ok höfðu lið mikit, fóru stundum báðir samt, en stundum sér hvárr þeira: margir kappar váru með hvarumtveggja þeira. Haki konungr fór með her sinn til Svíþjóðar á hendr Huggleiki konungi, en Huggleikr konungr samnaði her fyrir; þá kómu til liðs við hann bræðr tveir 5 Svipdagr ok Geigaðr, ágætir menn báðir ok hinir mestu kappar. Haki konungr hafði með sér 12 kappa, þar var þá Starkaðr hinn gamli með honum; Haki konungr var ok hinn mesti kappi. Þeir hittust á Fyrirvöllum; varð þar orrosta mikil, féll brátt lið Huggleiks konungs. Þá sóttu 10 fram kapparnir Svipdagr ok Geigaðr; en kappar Haka géngu 6 á móti hvarum þeira, ok urðu þeir handteknir. Þá gékk Haki konungr inn í skjaldborg at Huggleiki konungi, ok drap hann þar ok sonu hans tvá. Eptir þat flýðu Svíar, en Haki konungr lagði nú lönd undir sik, ok 15 gerðist konungr yfir Svíum. Hann sat þá at löndum 3 vetr, en í því kyrrsæti fóru kappar hans frá honum ok í víking ok féngu sér svá fjár.

Dauði Guðlaugs konungs.

26. Jörundr ok Eiríkr váru synir Yngva Alrekssonar, 20 þeir lágu úti á herskipum þessa hrið alla, ok váru hermenn miklir. Á einu sumri herjuðu þeir í Danmörk, ok þá hittu þeir Guðlaug Háleygja konung ok áttu við hann orrostu; ok lauk svá, at skip Guðlaugs var hroðit, en hann varð handtekinn. Þeir fluttu hann til lands á Straumeyj- 25 arnes ok hengðu hann þar. Urpu menn hans þar haug eptir hann. Svá segir Eyvindr skáldaspillir:

En Guðlaugr
grimman tamdi,
við ofrkapp
Austrkonunga.
Sigars jó,
er synir Yngva
menglōtuð
við meið reiddu.

Ok náreiðr
á nesi drúpir
Vinga meiðr,
þar er víkr deilir.
Þar er fjölkunt
um fylkis hrør
steini merkt
Straumeyjarnes.

30

35

Frá Haka konungi.

27. Eiríkr ok Jörundr bræðr urðu af verki þessu frægir mjök, þóttust þeir miklu meiri menn en áðr. Þeir spurðu at Haki konungr í Svíþjóð hafði sent fra sér kappu sína, þá halda þeir til Svíþjóðar, ok draga síðan her at sér.

5 En er Svíar spyrja, at Ynglingar eru þar komnir, þá drífr úgrynni liðs til þeira. Síðan leggja þeir í Löginn upp ok halda til Uppsala á hendr Haka konungi; en hann ferr á móti þeim á Fyrisvöllu, ok hafði lið miklu minna. Varð þar mikil orrosta, gékk Haki konungr svá hart fram, at

10 hann feldi þá alla, er honum váru næstir, ok at lyktum feldi hann Eirík konung, ok hjó niðr merki þeira bræðra. Þá flýði Jörundr konungr til skipa, ok alt lið hans. Haki konungr fékk svá stór sár, at hann sá, at hans lífdagar mundu eigi langir verða. Þá lét hann taka skeið, er hann

15 átti, ok lét hlaða dauðum mönnum ok vápnum, lét þá flytja út til hafs, ok leggja stýri í lag ok draga upp segl, en leggja eld í tyrvið ok gera bál á skipinu. Veðr stóð af landi. Haki var þá atkominn dauða eða dauðr, er hann var lagiðr á bálit. Sigldi skipit síðan loganda út í haf, ok

20 var þetta allfrægt lengi síðan.

Dauði Jörundar.

28. Jörundr son Yngva konungs var konungr at Uppsölum, hann réð þá löndum ok var optliga á sumrum í hernaði. Á einhverju sumri fór hann með her sinn til

25 Danmerkr; hann herjaði á Jótland, ok fór um haustit inn í Limafjörð ok herjaði þar; hann lá liði sínu í Odda-sundi. Þá kom þar með her mikinn Gýlaugr Háleygja konungr, son Guðlaugs konungs, er fyrr var getit; hann leggr til orrostu við Jörund. En er landsmenn urðu þess varir,

30 drífa þeir til or öllum áttum, bæði með stórum skipum ok smám. Verðr þá Jörundr konungr ofrliði borinn, ok hroðit skip hans; hljóp hann þá á sund, ok varð handtekinn ok leiddr á land upp. Lét þá Gýlaugr konungr reisa gálga,

leiðir hann Jörund þar til ok lætr hangja hann. Lýkr svá hans ævi. Svá segir Þjóðólfr:

Varð Jörundr,	bana Guðlaugs	
hinn er endr um dó,	um bera skyldi;	
lífs um latr	ok Hagbarðs	5
í Limafirði,	hersa valdi	
þá er hábrjóstr	höðnu leif	
hörva Sleipnir	at hálsi gékk.	

Dauði Auns konungs.

29. Aun eða Áni hét son Jörundar, er konungr var 10 yfir Svíum eptir föður sinn; hann var vitr maðr ok blótmaðr mikill; engi var hann hermaðr, hann sat at löndum. Í þann tíma er þessir konungar váru at Uppsölum, er nú var frá sagt, var yfir Danmörku fyrst Danr hinn mikilláti, hann varð allgamall; þá son hans Fróði hinn mikilláti eða 15 hinn friðsami; þá hans synir Hálfðan ok Friðleifr, þeir váru hermenn miklir. Hálfðan var ellri ok fyrir þeim um alt; hann fór með her sinn til Svíþjóðar á hendr Aun konungi, ok áttu þeir orrostur nökkurar, ok hafði Hálfðan jafnan sigr. Ok at lyktum flýði Aun konungr í vestra Gaut- 20 land; þá hafði hann verit konungr yfir Uppsölum 5 vetr ok 20. Hann var ok í Gautlandi hálfan þriðja tug vetra, meðan Hálfðan konungr var at Uppsölum. Hálfðan konungr varð sótt dauðr at Uppsölum, ok er hann þar heygðr. Eptir þat kom Aun konungr enn til Uppsala, þá var hann sextugr. 25 Þá gerði hann blót mikit, ok blét til langlífis sér, ok gaf Óðni son sinn, ok var honum blótit. Aun konungr fékk andsvör af Óðni, at hann skyldi enn lifa 60 vetr. Aun var þá enn konungr at Uppsölum 5 vetr ok 20. Þá kom Áli hinn frækni með her sinn til Svíþjóðar, son 30 Friðleifs konungs, á hendr Aun konungi, ok áttu þeir orrostur, ok hafði Áli jafnan sigr. Þá flýði Aun konungr í annat sinn ríki sitt, ok fór í vestra Gautland. Áli var konungr at Uppsölum 5 vetr ok 20, áðr Starkaðr hinn gamli drap hann. Eptir fall Ála fór Aun konungr aþtr til 35

Uppsala ok réð þar ríkinu enn 5 vetr ok 20. Þá gerði hann enn blót mikit til langlífis sér, ok blótaði öðrum syni sínum. Þá sagði Óðinn honum, at hann skyldi æ lifa, meðan hann gæfi Óðni son sinn hit tíunda hvert ár, ok þat með,
 5 at hann skyldi heiti gefa nokkuru heraði í landi sínu eptir tölu sona sinna, þeira er hann blótaði til Óðins. En þá er hann hafði blótat 7 sonum sínum, þá lifði hann 10 vetr, svá at hann mátti eigi ganga, var hann þá á stóli borinn. Þá blótaði hann hinum átta syni sínum, ok lifði
 10 hann þá enn 10 vetr, ok lá þá í kór. Þá blótaði hann hinum níunda syni sínum, ok lifði þá enn 10 vetr, þá drakk hann horn sem lébarn. Þá átti hann einn son eptir, ok vildi hann þá blóta þeim, ok þá vildi hann gefa Óðni Uppsali, ok þau heruð er þar liggja til, ok láta kalla þat
 15 Tíundaland. Svíar bönnuðu honum þat, ok varð þá ekki blótit. Síðan andaðist Aun konungr, ok er hann heygðr at Uppsölum. Þat er síðan kölluð Ána-sótt, er maðr deyðr verklauss af elli. Svá segir Þjóðólfr:

20	Knátti endr at Uppsölum Ánasótt Aun um standa; ok þralífr þiggja skyldi 25 jóðs aðal öðru sinni. Ok sveiðuðs at sér hverfði	mækis hlut hinn mjóvara, er okhreins áttunga rjóðr lögðis odd liggjandi drakk. Máttit hárr mæki hjarðar austrkonungr upp um halda.
----	--	---

Fra Agli Tunnadólgi.

30 30. Egill hét son Auns hins gamla, er konungr var eptir föður sinn í Svíþjóð; hann var engi hermaðr ok sat at löndum í kyrrsæti. Tunni hét þræll hans, er verit hafði með Ána hinum gamla féhirðir hans. En er Áni var and-
 aðr, þá tók Tunni of lausafjár ok gróf í jörð niðr. En
 35 er Egill var konungr, þá setti hann Tunna með þrælum



öðrum; hann kunni því stórilla ok hljóp í brott, ok með
 honum margir þrælar; ok tóku þá upp lausaféit er Tunni
 hafði fólgt, gaf hann þat mönnum sínum, en þeir tóku
 hann til höfðingja. Síðan dreif til hans mikit illþýðisólk;
 lágu þeir úti á mörkum, en stundum hljópu þeir í heruð 5
 ok ræntu menn eða drápu. Egill konungr spurði þetta,
 ok fór at leita þeira með liði sínu; en er hann hafði tekit
 sér náttstað á einni nótt, þá kom þar Tunni með liði sínu,
 ok hljóp á þá úvara ok drap lið mikit af konungi. En
 er Egill konungr varð varr við úfrið, þá snerist hann til 10
 viðtöku ok setti upp merki sitt, en lið flýði mart frá hon-
 um. Þeir Tunni sóttu at djarfliga, sá þá Egill konungr
 engan annan sinn kost en flýja. Þeir Tunni ráku þá
 flóttann alt til skógar; síðan fóru þeir aptr í bygðina, her-
 juðu ok ræntu, ok féngu þá enga mótstöðu. Fé þat alt er 15
 Tunni tók í heraðinu, gaf hann liðsmönnum sínum; varð
 hann af því vinsæll ok fjölmennr. Egill konungr samnaði
 her, ok fór til orrostu í móti Tunna; þeir börðust, ok hafði
 Tunni sigr, en Egill konungr flýði, ok lét lið mikit. Þeir
 Egill konungr ok Tunni áttu 8 orrostur, ok hafði Tunni 20
 sigr í öllum. Eptir þat flýði Egill konungr landit ok út
 í Danmörk á Selund til Fróða hins frækna; hann hét
 Fróða konungi til liðs skatti af Svíum. Þá fékk Fróði honum
 her ok kappu sína. Fór þá Egill konungr til Svíþjóðar.
 En er Tunni spyrr þat, fór hann í móti honum með lið 25
 sitt. Varð þá orrosta mikil; þar féll Tunni, en Egill konungr
 tók þá við ríki sínu, en Danir fóru aptr. Egill konungr
 sendi Fróða konungi góðar gjafir ok stórar á hverjum miss-
 erum, en galt engan skatt Dönum, ok hélzt þó vinfengi
 þeira Fróða. Síðan er Tunni féll, réð Egill konungr einn 30
 ríkinu þrjá vetr. Þá varð í Svíþjóðu, at griðungr, sá er
 til blóts var ætlaðr, var gamall ok alinn svá kappsamliga
 at hann var mannýgr; en er menn vildu taka hann, þá
 hljóp hann á skóg ok varð galinn, ok var lengi á viðum
 ok hinn mesti spellvirki við menn. Egill konungr var 35

veiðimaðr mikill, hann reið um daga optliga á markir dýr at veiða. Þat var eitt sinn, at hann var riðinn á veiðar við menn sína. Konungr hafði elt dýr eitt lengi, ok hleypti eptir í skóginn frá öllum mönnum. Þá verðr hann
 5 varr við griðunginn, ok reið til, ok vill drepa hann. Griðungr snýr í móti, ok kom konungr lagi á hann, ok skar or spjótit. Griðungr stakk hornunum í síðu hestinum, svá at hann féll þegar flatr, ok svá konungr. Þá hljóp konungr á fœtr ok vill bregða sverði; griðungr
 10 stakk þá hornunum fyrir brjóst honum, svá at á kafi stóð. Þá kómu at konungs menn ok drápu griðunginn. Konungr lifði litla hríð, ok er hann heygðr at Uppsölum. Svá segir Þjóðólfr:

15	Ok lofsæll or landi fló Týs áttungr Tunna ríki. En flæming farra trjónu	sá er um austmörk áðr hafði brúna hörg um borit lengi. En skíðlauss skilfinga nið
20	jötuns eykr á Agli rauð,	hœfis hjörr til hjarta stóð.

Frá Óttari Vendilkráku.

31. Óttarr hét son Egils, er ríki ok konungdóm tók eptir hann; hann vingaðist ekki við Fróða konung. Þá
 25 sendi Fróði konungr menn til Óttars konungs, at heimta skatt, þann er Egill hafði heitit honum. Óttarr svaraði svá, at Svíar hefði aldri skatt goldit Dönum, sagði at hann mundi ok svá gera. Fóru aptr sendimenn. Fróði var hermaðr mikill. Þat var á einu sumri, at Fróði fór með
 30 her sinn til Svíþjóðar, gerði þar upprásir ok herjaði, drap mart fólk en sumt hertók hann. Hann fékk þar allmikit herfang; hann brendi ok víða bygðina ok gerði hit mesta hervirki. Annat sumar fór Fróði konungr at herja í Austrveg; þat spurði Óttarr konungr, at Fróði konungr var eigi
 35 í landinu. Þá stígr hann á herskip ok ferr út í Dan-

mörk, ok herjar þar ok fær enga mótstöðu. Hann spyr, at samnaðr mikill var á Selundi; stefnir hann þá vestr í Eyrarsund, siglir þá suðr til Jótlands, ok leggr í Limafjörð, ok herjar þá á Vendli, brennir þar ok gerir mjök aleyðu. Vöttr ok Fasti hétu jarlar Fróða, þá hafði Fróði 5 sett til landvarnar í Danmörk, meðan hann var or landi. En er jarlar spurðu, at Sviakonungr herjaði í Danmörk, þá samna þeir her, ok hlanpa á skip ok sigla suðr til Limafjarðar; koma þar mjök á úvart Óttari konungi, leggja þegar til orrostu; taka Svíar vel í mót, fellr lið hvárra- 10 tveggju. En svá sem lið fellr af Dönnum, kom annat meira þar or heruðum, ok svá var til lagt öllum þeim skipum er í nánd váru. Lýkr svá orrostu, at þar féll Óttarr konungr, ok mestr hluti liðs hans. Danir tóku lík hans ok fluttu til lands, ok lögðu upp á haug einn, ok létu þar 15 rífa dýr ok fugla hræin. Þeir gera trékráku eina, ok senda til Svíþjóðar, ok segja at eigi var meira verðr Óttarr konungr þeira. Þeir kölluðu síðan Óttar Vendilkráku. Svá segir Þjóðólfr:

Féll Óttarr	Þau frá ek verk	20
und ara greipar	Vötts ok Fasta	
dugandligr	soenskri þjóð	
fyrir Dana vápnum,	at sögum verða;	
þann hergammr	at eylands	
hrægum fœti	jarlar Fróða	25
viti borinn	vígframað	
á Vendli sparn.	um veginn höfðu.	

Kvánfang Aðils konungs.

32. Aðils hét son Óttars konungs, er konungdóm tók eptir hann; hann var lengi konungr, ok varð mjök auðigr, 30 var hann ok nökkur sumur í víking. Aðils konungr kom með her sinn til Saxlands; þar réð fyrir konungr er Geirþjófr hét, en kona hans hét Álof hin ríka; ekki er getit barna þeira. Konungr var eigi í landinu. Aðils konungr ok menn hans runnu upp til bæjar konungs, ok ræntu þar; 35

sumir reka ofan hjörð til strandarhöggs. Hjarðarinnar hafði gætt ánauðigt fólk, karlar ok konur, ok höfðu þeir þat alt með sér. Í því liði var mæð ein undarlíga fögr; sú nefndist Yrsa. Fór þá Aðils konungr heim með herfang. Yrsa
5 var ekki með ambáttum. Brátt fannst þat, at hon var vitr ok vel orðum farin ok allra hluta vel kunnandi. Fannst mönnum mikit um hana ok þó konungi mest; kom þá svá at Aðils gerði brullaup til hennar. Var Yrsa þá dróttning í Svíþjóð, ok þótti hon hinn mesti skörungr.

10

Daði Aðils konungs.

33. Helgi konungr Hálfðanarson réð þá fyrir Hleiðru; hann kom til Svíþjóðar með her svá mikinn, at Aðils konungr sá engan sinn kost annan en flýja undan. Helgi konungr gekk þar á land með her sinn ok herjaði, fékk
15 mikit herfang; hann tók höndum Yrsu dróttning, ok hafði með sér til Hleiðrar, ok gekk at eiga hana; þeira son var Hrólfr kraki. En er Hrólfr var þrevetr, þá kom Álof dróttning til Danmerkr; sagði hon þá Yrsu, at Helgi konungr maðr hennar var faðir hennar, en Álof móðir hennar.
20 Fór þá Yrsa aptr til Svíþjóðar til Aðils konungs, ok var þar dróttning meðan hon lifði síðan. Helgi konungr féll í hernaði; Hrólfr kraki var þá 8 vetra, ok var þá til konungs tekinn at Hleiðru. Aðils konungr átti deilur miklar við konung þann er Áli hét hinn Upplenzki; hann var
25 or Noregi. Þeir Aðils konungr ok Áli konungr áttu orrostu á Vænis ísi; þar féll Áli konungr, en Aðils hafði sigr. Frá þessari orrostu er langt sagt í Skjöldunga sögu, ok svá frá því, er Hrólfr kraki kom til Uppsala til Aðils; þá seri Hrólfr kraki gullinu á Fyrisvöllu. Aðils konungr
30 var mjök kær at góðum hestum, hann átti hina beztu hesta í þann tíma. Slengvir hét hestr hans, en annarr Hrafn, þann tók hann af Ála dauðum, ok þar var undir alinn annarr hestr, er Hrafn hét, þann sendi hann til Hálogalands Goðgesti konungi. Þeim reið Goðgestr konungr,

ok fékk eigi stöðvat áðr hann féll af baki, ok fékk bana; þat var í Ömd á Hálogalandi. Aðils konungr var at dísablóti, ok reið hesti um dísarsalinn; hestrinn drap fótum undir honum ok féll, ok konungr af fram, ok kom höfuð hans á stein, svá at haussinn brotnaði, en heilinn lá á steininum. 5 Þat var hans bani. Aðils dó at Uppsölum, ok er þar heygðr; kölluðu Svíar hann ríkan konung. Svá segir Þjóðólfr:

Þat frá ek enn,	Ok við aur	
at Aðils fjörvi	ægir hjarna	
vitta vettr	bragnings burs	10
um viðs skyldi,	um blandinn varð;	
ok dáðgjarn	ok dáðsæll	
af drasils bógum	deyja skyldi	
Freys áttungr	Ála dólgr	
falla skyldi.	at Uppsölum.	15

Fall Hrólfs kraka.

34. Eysteinn hét son Aðils, er þar næst réð Svíaveldi; á hans dögum féll Hrólfr kraki at Hleiðru. Í þann tíma herjuðu konungar mjök í Svíaveldi. bæði Danir ok Norðmenn. Váru margir sækonungar, þeir er réðu liði 20 miklu ok áttu engi lönd. Þótti sá einn með fullu heita mega sækonungr, er hann svaf aldri undir sótkum ási, ok drakk aldri at arins horni.

Frá Eysteini ok Sölva Jóta konungi.

35. Sölvi hét sækonungr, son Höгна í Njarðey, er 25 þá herjaði í Austrveg, hann átti ok ríki á Jótlandi. Hann hélt liði sínu til Svíþjóðar. Þá var Eysteinn konungr á veizlu í heraði því er Lofund heitir; þar kom Sölvi konungr á úvart um nótt ok tók hús á konungi, ok brendi hann inni með hirð sinni allri. Þá ferr Sölvi til Sigtúna, 30 ok beiðir sér konungsnafns ok viðrtöku, en Svíar samna her ok vilja verja honum landit, ok varð þar orrosta svá mikil, at þat er sagt at eigi sleit á 11 dægum. Þá fékk Sölvi konungr sigr, ok var hann þá konungr yfir Svíaveldi

langa hrið, til þess er Svíar sviku hann, ok var hann þar drepinn. Svá segir Þjóðólfr:

	Veit ek Eysteins	Ok bitsótt
	enda fólginu	í brandnói
5	lokinn lífs	hlíðar þangs
	á Lofundi;	á hilmi rann,
	ok sikling	þá er timbrfastr
	með Svíum kváðu	tóptar nökkvi
	Jótska menn	flotna fullr
10	inni brenna.	um fylki brann.

Dráp Yngvars konungs.

36. Yngvarr hét son Eysteins konungs, er þá var konungr yfir Svíaveldi. Hann var hermaðr mikill, ok var opt á herskipum, því at þá var áðr Svíaríki mjök herskátt, bæði af Dönum ok Austrvegsmönnum. Yngvarr konungr gerði frið við Dani, tók þá at herja um Austrvegu. Á einu sumri hafði hann her úti, ok fór til Eistlands, ok herjaði þar um sumarit, sem heitir at Steini. Þá kómu Eistr ofan með mikinn her, ok áttu þeir orrostu. Var þá landherrinn svá drjúgr, at Svíar féngu eigi mótstöðu; féll þá Yngvarr konungr, en lið hans flýði. Hann er heygðr þar við sjá sjálfan, þat er á Aðalsýslu. Fóru Svíar heim eptir úsigr þenna. Svá segir Þjóðólfr:

	Þat stökk upp,	herr Eistneskr
25	at Yngvari	at hilmi vá,
	Sýslu kind	ok austmarr
	um sóat hafði,	jöfri sænskum
	ok ljóshömum	Gýmis ljóð
	við lagar hjarta	at gamni kveðr.

30 *Frá Brautönundi konungi.*

37. Önundr hét son Yngvars, er þar næst tók konungdóm í Svíþjóð. Um hans daga var friðr góðr í Svíþjóð, ok varð hann mjök auðigr at lausafé. Önundr konungr fór með her sinn til Eistlands at hefna föður síns, gékk þar upp með her sinn, ok herjaði víða um landit ok fékk herfang mikit; ferr aptr um haustit til Svíþjóðar.

Um hans daga var ár mikit í Svíþjóð. Önundr konungr var allra konunga vinsælstr. Svíþjóð er markland mikit, ok liggja þar svá eyðimerkr, at margar dagleiðir eru yfir. Önundr konungr lagði á þat kapp mikit ok kostnað at ryðja markir ok byggja eptir ruðin; hann lét ok leggja vegu 5 yfir eyðimerkr, ok funnust þá víða í mörkunum skóglaus lönd, ok byggðust þar þá stór heruð. Varð af þessum bætti land bygt, því at landsfólkit var gnógt til byggðarinnar. Önundr konungr lét brjóta vegu um alla Svíþjóð, bæði um markir ok mýrar ok fjallvegu; fyrir því var hann Braut- 10 Önundr kallaðr. Önundr konungr setti bú sín í hvert stórhérað á Svíþjóð, ok fór um alt landit at veizlum.

Frá Ingjalði illráða.

38. Braut-Önundr átti son er Ingjaldr hét. Þá var konungr á Fjaðrundalandi Yngvarr. Hann átti sonu tvá 15 við konu sinni, hét annarr Álfr en annarr Agnarr. Þeir váru mjök jafnaldrar Ingjalds. Víða um Svíþjóð váru í þann tíma heraðskonungar Braut-Önundar, ok réð fyrir Tíundalandi Svipdagr blindi. Þar eru Uppsalar, þar er allra Svía þing. Váru þar þá blót mikil, sóttu þannug margir 20 konungar; var þat at miðjum vetri. Ok einn vetr þá er fjölment var komit til Uppsala, var þar Yngvarr konungr ok synir hans. Þeir váru 6 vetra gamlir Álfr son Yngvars konungs ok Ingjaldr son Önundar konungs. Þeir efðu til sveinaleiks, ok skyldi hvárr ráða fyrir sínu liði; ok er þeir 25 lékust viðr, var Ingjaldr ústerkari en Álfr, ok þótti honum þat svá ilt, at hann grét mjök. Þá kom til Gautviðr fóstbróðir hans, ok leiddi hann í brott til Svipdags blinda fóstföður hans, ok sagði honum at illa hafði at farit, ok hann var ústerkari ok úpróttkari í leiknum en Álfr son Yngvars kon- 30 ungs. Þa svaraði Svipdagr, at þat væri mikil skömm. Annað dag eptir lét Svipdagr taka hjarta or vargi ok steikja á teini, ok gaf síðan Ingjalði konungs syni at eta; ok þaðan af varð hann allra manna grimmastr ok verst skaplundaðr.

Ok er Ingjaldr var roskinn, þá bað Önundr kona til handa honum; Gauthildar dóttur Algauta konungs; hann var son Gautreks konungs hins milda, sonar Gauts, er Gautland er við kent. Algauti konungr þóttist vita, at hans dóttir mundi allvel
 5 gipt, ef hon væri syni Önundar konungs; gefin, ef hann hefði skaplyndi föður sinn; ok var send mærin til Svíþjóðar, ok gerði Ingjaldr brullaup til hennar.

Dauði Önundar.

39. Önundr konungr fór milli búa sinna á einu hausti
 10 með hirð sinni, ok fór þangat sem kölluð er Himinheiðr; þat eru fjalldalir nokkurir þröngvir, en há fjöll tveim megin. Þá var mikit regn, en áðr hafði snjá lagt á fjöllin. Þar hljóp ofan skriða mikil með grjóti ok leiri; þar varð fyrir Önundr konungr ok lið hans, fær konungr bana, ok
 15 mart lið með honum. Svá segir Þjóðólfur:

Varð Önundr	heipt hrisungs
Jónaks bara	at hendi kom;
harmi heptr	ok sá frömuðr
und Himinfjöllum,	foldar beinum
20 ok ofvæg	Högn hrærs
Eistra dölgi	um horfinn var.

Brenna at Uppsölum.

40. Ingjaldr son Önundar konungs var konungr at Uppsölum. Uppsala konungar váru ættir konunga í Svíþjóð,
 25 þá er þar váru margir heraðskonungar, frá því er Óðinn var höfðingi í Svíþjóð. Váru einvaldshöfðingjar þeir er at Uppsölum sátu um allt Svíaveldi, til þess er Agni dó. En þá kom ríkit fyrst í bræðraskipti, svá sem fyrr er ritit, en síðan dreifðist ríki ok konungdómr í ættir, svá sem þær greindust;
 30 en sumir konungar roddu marklönd stór ok bygðu þar, þok jóku þannug ríki sitt. En þá er Ingjaldr konungr tók ríkit ok konungdóm, váru margir heraðskonungar, sem fyrr er ritit. Ingjaldr konungr lét búa veizlu mikla at Uppsölum, ok ætlaði at erfa Önund konung föður sinn.

Hann lét búa sal einn, engum mun minna eða úvegligra en Uppsálr var, er hann kallaði sjau konunga sal; þar voru í ger 7 háseti. Ingjaldr konungr sendi menn um alla Svíþjóð, ok bauð til sín konungum ok jörlum ok öðrum merkismönnum. Til þess erfis kom Algauti konungr, mágr 5 Ingjalds, ok Yngvarr konungr af Fjaðrundalandi, ok synir hans tveir Álfr ok Agnarr, Sportsnjallr konungr af Næríki, Sighvatr konungr af Áttundalandi; Granmarr konungr af Suðrmannalandi var eigi kominn. Þar var 6 konungum skipat í hinn nýja sal. Var þá eitt háseti autt, þat er 10 Ingjaldr konungr hafði búa látit. Öllu liði, því er til var komit, var skipat í hinn nýja sal. Ingjaldr konungr hafði skipat hirð sinni ok öllu liði sínu í Uppsál. Þat var siðvenja í þann tíma, þar er erfi skyldi gera eptir konunga eða jarla, þá skyldi sá er gerði erfit, ok til arfs skyldi 15 leiða, sitja á skörinni fyrir hásetinu, alt þar til er inn væri borit full, þat er kallat var Bragafull. Skyldi sá þá standa upp í móti Bragafulli ok strengja heit, drekka af fullit síðan; eptir þat skyldi hann leiða í háseti þat, er átti faðir hans; var hann þá kominn til arfs alls eptir hann. Nú 20 var svá hér gert, at þá er Bragafull kom inn, stóð upp Ingjaldr konungr ok tók við einu dýrshorni miklu, strengði hann þá heit, at hann skyldi auka ríki sitt hálfu í hverja höfuðátt, eða deyja ella; drakk af síðan af horninu. Ok er menn voru druknir um kveldit, þá mælti Ingjaldr kon- 25 ungr til Fólkvíðar ok Hulvíðar sona Svipdags, at þeir skyldi vápnast ok lið þeira, sem ætlat var um kveldit. Þeir géngu út ok til hins nýja sals, báru þar eld at; ok því næst tók salrinn at loga. Ok brunnu þar inni 6 konungar, ok lið þeira alt; en þeir er út leituðu, þá 30 voru skjótt drepnir. Eptir þetta lagði Ingjaldr konungr undir sik öll þessi ríki, er konungar höfðu átt, ok tók skatta af.

Kvénfang Hjörvarðs.

41. Granmarr konungr spurði þessi tíðindi ok svik þessi öll, ok þóttist hann vita, at honum mundi slíkr kostur hugaðr, ef hann gylði eigi varðð við. Þat sama sumár kemr liði sínu Hjörvarðr konungr, er Ylfingr var kall-
 5 aðr, til Svíþjóðar, ok lagði í fjörð þann er Mýrkva-
 fjörðr heitir. En er Granmarr konungr spyrr þat, sendir hann menn til hans, ok býðr honum til veizlu ok öllu liði hans. Hann þektist þetta; því at hann hafði ekki herjat
 10 á ríki Granmars konungs. Ok er hann kom til veizlunnar, þá var þar fagnaðr mikill. Ok um kveldit, er full skyldi drekka, var þat siðvenja konunga, þeira er at löndum sátu eða veizlum, er þeir létu gera, at drekka skyldi á kveldum tvímenning, hvárr sér karlmaðr ok kona, svá sem ynnist,
 15 en þeir sér er fleiri væri saman. En þat váru víkinga lög, þótt þeir væri at veizlum, at drekka sveitardrykkju. Hásæti Hjörvarðs konungs var búit gagnvart hásæti Granmars konungs, ok sátu allir hans menn á þann pall. Þá mælti Granmarr konungr við Hildigunni dóttur sína, at
 20 hon skyldi búa sik, ok bera öl víkingum. Hon var allra kvenna friðust. Þá tók hon silfrkálk einn ok fylldi, ok gekk fyrir Hjörvarð konung ok mælti: allir heilir Ylfingar at Hrólfs minni kraka! ok drakk af til háls, ok seldi Hjörvarði konungi. Nú tók hann kálkinn ok hönd hennar með,
 25 ok mælti, at hon skyldi ganga at sitja hjá honum. Hon segir þat eigi víkinga sið at drekka hjá konum tvímenning. Hjörvarðr svaraði, lét þess vera meiri ván, at hann mundi þat skipti á gera, at láta heldr víkinga lögin, ok drekka tvímenning við hana. Þá settist Hildiguðr hjá honum, ok
 30 drukku þau bæði saman ok töluðu mætt um kveldit. Eptir um daginn, er þeir konungar hittust Granmarr ok Hjörvarðr, þá hóf Hjörvarðr upp bönorð sitt ok bað Hildigunnar. Granmarr konungr bar þetta mál fyrir konu sína Hildi ok aðra ríkismenn, ok sagði at þeim mundi verða mikit
 35 traust at Hjörvarði konungi. Ok nú varð rómr at, ok þótti

þetta öllum ráðligt, ok lauk svá, at Hildiguðr var föstnuð Hjörvarði konungi, ok gerði hann brullaup til hennar. Skyldi þá Hjörvarðr konungr dveljast með Granmari konungi, fyrir því at hann átti engan son til ríkis at varðveita með sér.

Orrosta í Svíþjóð Ingjalds ok þeira mága Granmars ok Hjörvarðs.

5

42. Þat sama haust samnaði Ingjaldr konung sér liði ok ætlar á hendr þeim mágum; hann hefir her úti af öllum þeim ríkjum, er áðr hafði hann undir sik lagt. Ok er þeir spyrja þat mágar, samna þeir liði í sínu ríki, ok kemr til liðs við þá Högni konungr ok Hildir son hans, er réðu fyrir eystra Gautlandi. Högni var faðir Hildar, er átti Granmarr konungr. Ingjaldr konungr gékk á land upp með öllum her sínum, ok hafði lið miklu meira; sígr þá saman orrosta, ok er hörð. En er litla hríð hafði barzt 15
verit, þá flýja þeir höfðingjar, er réðu fyrir Fjaðrundalandi ok Vestr-Gautum ok af Næríki ok Áttundalandi, ok allr sá herr er af þeim löndum hafði farit, ok fóru til skipa sinna. Eptir þetta var Ingjaldr konungr staddr nauðuliga, ok fékk sár mörg, ok komst við þat á flóttu til skipa 20
sinna. En þar féll Svipdagr blindi fóstri hans, ok synir hans báðir Gautviðr ok Hulviðr. Ingjaldr konungr fór aptr við svá búit til Uppsala ok undi illa sinni ferð; ok þóttist þat finna, at honum mundi vera herr sá útrúr, er hann hafði or sínu ríki, því er hann fékk með hernaði. 25
Eptir þetta var úfriðr mikill millum Ingjalds konungs ok Granmars konungs. Nú er langar hríðir hafði þannug framfarit, kómu vinir beggja því við, at þeir sættust, ok lögðu konungar stefnu með sér, ok hittust ok gerðu frið millum sín, Ingjaldr konungr ok Granmarr konungr ok 30
Hjörvarðr konungr mágr hans: skyldi friðr sá standa millum þeira, meðan þeir lifði 3 konungar; var þat bundit eiðum ok trygðum. Eptir um várit fór Granmarr konungr til Uppsala at blóta, sem siðvenja var til móti sumri, at friðr

væri. Féll honum þá svá spánn, sem hann mundi eigi lengi lifa; fór hann þá heim í ríki sitt.

Dauði Granmars konungs ok Hjörvarðs.

43. Um haustit eptir fór Granmarr konungr ok Hjör-
 5 varðr konungr mágr hans at taka veizlu, í ey þeiri er Sili
 heitir, at búum sínum. Ok þá er þeir váru at veizlunni,
 kemr þar Ingjaldr konungr með her sinn á einni nótt, ok
 tók hús á þeim ok brendi þá inni með öllu liði sínu.
 Eptir þat lagði hann undir sik ríki þat alt, er átt höfðu þeir
 10 konungar, ok setti yfir höfðingja. Högni konungr ok Hildir
 son hans riðu opt upp í Sviaveldi, ok drápu menn Ingjalds
 konungs, þá er hann hafði sett yfir þat ríki, er átt hafði
 Granmarr konungr mágr þeira. Stóð þar langa hríð mikil
 deila millum Ingjalds konungs ok Höгна konungs, fékk
 15 Högni konungr þó haldit ríki sínu fyrir Ingjaldi konungi
 alt til dauðadags. Ingjaldr konungr átti 2 börn við konu
 sinni, ok hét hit ellra Ása, en annat Ólafr trételgja; ok
 sendir Gauthildr, kona Ingjalds konungs, sveininn til Bóva
 fólstra síns í vestra Gautland, hann var þar uppfœddr, ok
 20 Saxi son Bóva, er kallaðr var flettir. Þat er sögn manna,
 at Ingjaldr konungr dræpi 12 konunga, ok sviki alla í
 griðum; hann var kallaðr Ingjaldr hinn illráði; hann var
 konungr yfir mestum hlut Svíþjóðar. Ásu dóttur sína gipti
 hann Guðröði konungi á Skáni, hon var skaplík feðr sínum.
 25 Ása olli því, at Guðröðr drap Hálfðan bróður sinn. Hálf-
 dan var faðir Ívars hins víðfaðma. Ása réð ok bana Guð-
 röði konungi búanda sínum.

Dauði Ingjalds illráða.

44. Ívarr hinn víðfaðmi kom á Skáni eptir fall Guð-
 30 röðar föðurbróður síns, ok dró þegar her mikinn saman,
 fór þegar upp á Svíþjóð. Ása hin illráða var áðr farin á
 fund föður síns. Ingjaldr konungr var þá staddr á Ræn-
 ingi at veizlu, er hann spurði, at herr Ívars konungs var

þar nær kominn. Þóttist Ingjaldr engan styrk hafa til at
berjast við Ívar; honum þótti ok sá sýnn kostur, ef hann
legðist á flóttu, at hvaðanæva mundu fjándmenn hans at
drífa. Tóku þau Ása þat ráð, er frægt er orðit, at þau
gerðu fólk alt dauðadrukkit; síðan létu þau leggja eld í 5
höllina; brann þar höllin ok fólk alt, þat er inni var með
Ingjalði konungi ok Ásu. Svá segir Þjóðólfr:

Ok Ingjald
í fjörvan trað
reyks rösuðr
á Ræningi,
þá er húspjófr
hyrjar leistum
goðkonung
í gegnum steig.

Ok sá urðr
allri þjóðu
sjaldgætastr
með Svíum þótti,
er hann sjálfr
sínu fjörvi
fræknu fyrstr
um fara vildi.

10

15

Frá Ivari víðfaðma.

45. Ívarr víðfaðmi lagði undir sik alt Svíaveldi; hann
eignaðist ok alt Danaveldi ok mikinn hlut Saxlands ok alt
Austríki ok hinn fimta hlut Englands. Af hans ætt eru
síðan komnir Danakonungar ok Svíakonungar, þeir er þar 20
hafa einvald haft. Eptir Ingjald illráða hvarf Uppsälaveldi
or ætt Ynglinga, þat er langfeðgum mætti telja.

Frá Ólafi trételgju.

46. Ólafr son Ingjalds konungs, þá er hann spurði
fráfall föður síns, þá fór hann með þat lið er honum vildi 25
fylgja; því at allr múgr Svía hljóp upp með einu samþykki,
at rækja ætt Ingjalds konungs ok alla hans vini. Ólafr
fór fyrst upp á Næríki; en er Svíar spurðu til hans, þá
mátti hann ekki þar vera; fór hann þá vestr markleiði til
ár þeirar, er norðan fellr í Væni ok Elfr heitir. Þar dvelj- 30
ast þeir, taka þar at ryðja mörkina ok brenna, ok byggja
síðan. Urðu þar brátt stór heruð, ok kölluðu þeir þat
Vermaland, þar váru góðir landskostir. En er spurðist til

Ólafs í Svíþjóð, at hann ryðr markir, kölluðu þeir hann trételgju, ok þótti hæðiligt hans ráð. Ólafr fékk konu þeirrar, er Sólveig hét eða Sölva, dóttir Hálfðanar gulltannar vestan af Sóleyjum. Hálfðan var son Sölva, Sölvarssonar, 5 Sölvasonar hins gamla, er fyrstr ruddi Sóleyjar. Móðir Ólafs trételgju hét Gauthildr, en hennar móðir Ólof, dóttir Ólafs hins skygna, konungs af Næriki. Ólafr ok Sólveig áttu tvá sonu, Ingjald ok Hálfðan; Hálfðan var uppfæddr í Sóleyjum með Sölva móðurbróður sínum; hann var kallaðr 10 Hálfðan hvítbeinn.

Brendr inni Ólafr trételgja.

47. Þat var mikill mannfjöldi, er útlagi fór or Svíþjóð fyrir Ívari konungi. Spurðu þeir, at Ólafr trételgja hafði landskosti góða á Vermalandi, ok dreif þannug til hans 15 svá mikill mannfjöldi, at landit fékk eigi borit; gerðist þar hallæri mikit ok sultr. Kendu þeir þat konungi sínum, svá sem Svíar eru vanir at kenna konungi bæði ár ok hallæri. Ólafr konungr var lítill blótmaðr; þat líkaði Svíum illa, ok þótti þaðan mundu standa hallærit; drógu Svíar þá her 20 saman, gerðu för at Ólafi konungi ok tóku hús á honum, ok brendu hann inni, ok gáfu hann Óðni, ok blétu honum til árs sér. Þat var við Væni. Svá segir Þjóðólfr:

Ok við vág	sonr Fornjóts
viðar (telgju)	af Svía jöfri.
25 hræ Ólafs	Sá áttkonr
hofgyldir svalg,	frá Uppsölum
ok glóðfjálgr	Lofða kyns
gervar leysti	fyrir löngu hvarf.

Hálfðan hvítbeinn til konungs tekinn.

30 48. Þeir er vitrari váru af Svíum fundu þá, at þat olli hallærinu, at mannfólkit var meira en landit mætti bera, en konungr hafði engu um valdit. Taka nú þat ráð, at þeir fara með herinn allan vestr yfir Eiðaskóg, ok koma fram í Sóleyjum mjök á úvart; þeir drápu Sölva konung,

en tóku höndum Hálfðan hvítbein; þeir taka hann til höfðingja yfir sik, ok gefa honum konungsnafn; lagði hann þá undir sik Sóleyjar. Síðan fór hann með herinn út á Raumaríki, ok herjar þar, ok fékk fylki þat af hernaði.

Frá Hálfðani hvítbein.

5

49. Hálfðan hvítbeinn var konungr ríkr; hann átti Ásu dóttur Eysteins hins harðráða, Upplendinga konungs; hann réð fyrir Heiðmörk. Þau Hálfðan áttu 2 sonu, Eystein ok Guðröð. Hálfðan eignaðist mikit af Heiðmörk, ok Þótn ok Haðaland, ok mikit af Vestfold. Hann varð gamall maðr, 10 hann varð sótt dauðr á Þótni, ok var síðan fluttr út á Vestfold ok heygðr þar sem heitir Skæreið í Skíringssal. Svá segir Þjóðólfr:

Þat frá hverr,
at Hálfðanar
sökmiðlendr
sakna skyldu.
Ok hallvarps
hlífinauma

þjóðkonung
á Þótni tók.
Ok Skæreið
í Skíringssal
um brynjálfs
beinum drúpir.

15

Frá Ingjalði bróður Hálfðanar.

20

50. Ingjaldr bróðir Hálfðanar var konungr í Vermlandi; en eptir dauða hans lagði Hálfðan konungr Vermland undir sik ok tók skatta af, ok setti þar jarla yfir, meðan hann lifði.

Dauði Eysteins konungs.

25

51. Eysteinn, son Hálfðanar hvítbeins, var konungr eptir hann á Raumaríki ok á Vestfold; hann átti Hildi dóttur Eiríks Agnarssonar, er konungr var á Vestfold. Agnarr faðir Eiríks var son Sigtryggs konungs á Vindli. Eiríkr konungr átti engan son, hann dó þá er Hálfðan 30 konungr hvítbeinn lifði. Tóku þeir feðgar Hálfðan ok Eysteinn þá undir sik alla Vestfold; réð Eysteinn Vestfold, meðan hann lifði. Þá var sá konungr á Vörnu, er Skjöldr

hét, hann var allmjök fjölkunnigr. Eysteinn konungr fór með herskip nokkur yfir á Vörnu ok herjaði þar, tók slíkt er fyrir varð, klæði ok aðra gripi ok gögn búanda, ok hjoggu strandhögg; fóru í brott síðan. Skjöldr konungr kom til 5 strandar með her sinn; var Eysteinn konungr þá í brottu, ok kominn yfir fjörðinn, ok sá Skjöldr segl þeira; þá tók hann möttul sinn ok veifði, ok blés við. Þá er þeir sigldu inn um Jarlsey, sat Eysteinn konungr við stýri; skip annat sigldi nær þeim; báruskot nökkut var í, ok laust beitiássinn 10 af öðru skipi konung fyrir borð; þat var hans bani. Menn hans náðu líkinu; var þat flutt inn á Borró, ok orpinn haugr eptir á röðinni út við sjá, við Vöðlu. Svá segir Þjóðólfr:

15	En Eysteinn fyrir ási fór til Byleists bróður meyjar. Ok nú liggr und lagar beinum	rekks löðuðr á raðar broddi, þar er élkaldr hjá jöfur gauzkum Vöðlu straumr at vági kemr.
----	---	--

20 *Frá Hálfðani konungi milda ok matarilla.*

52. Hálfðan hét son Eysteins konungs, er konungdóm tók eptir hann; hann var kallaðr Hálfðan hinn mildi ok hinn matarilli. Svá er sagt, at hann gaf í mála mönnum sínum jafnmarga gullpenninga, sem aðrir konungar 25 silfrpenninga, en hann svelte menn at mat. Hann var hermaðr mikill, ok var löngum í víkingu ok fékk sér fjár. Hann átti Hlíf dóttur Dags konungs af Vestmörum. Holtar á Vestfold var höfuðbær hans; þar varð hann sótt dauðr, ok er hann heygðr á Borró. Svá segir Þjóðólfr:

30	Ok til þings Þriðja jöfri hveðrungs mærr or heimi hauð, þá er Hálfðan, 35 sá er á Holti bjó,	norna dóms um notit hafði. Ok buðlung á Borrói sigrhafendr síðan fálu.
----	---	---

Frá Guðröði veiðikonungi.

53. Guðröðr hét son Hálfðanar, er konungdóm tók eptir hann; hann var kallaðr Guðröðr hinn mikilláti, en sumir kölluðu hann veiðikonung. Hann átti þá konu, er Álfhildr hét, dóttir Álfarins konungs or Álfheimum, ok 5 hafði með henni hálfa Vingulmörk. Þeira son var Ólafr, er síðan var kallaðr Geirstaða-Álfr. Álfheimar váru þá kallaðir millum Raumelfar ok Gautelfar. En er Álfhildr var önduð, þá sendi Guðröðr konungr menn sína vestr á Agðir til konungs þess, er þar réð fyrir, sá er nefndr Haraldr 10 hinn granrauði; skyldu þeir biðja Ásu dóttur hans til handa konungi; en Haraldr synjaði; kómu sendimenn aptr, ok sögðu konungi sitt erendi. En nokkurri stundu síðar skaut Guðröðr konungr skipum á vatn, fór síðan með liði miklu út á Agðir, kom mjök á úvart ok veitti upprás; kom 15 um nótt á bæ Haralds konungs. En er hann varð varr við, at herr var kominn á hendr honum, þá gékk hann út með þat lið er hann hafði; varð þar orrosta, en liðs munr var mikill; þar féll Haraldr konungr ok Gyrðr sonr hans. Tók Guðröðr konungr herfang mikit; hann hafði 20 heim með sér Ásu, dóttur Haralds konungs, ok gerði brullaup til hennar; þau áttu son er Hálfðan hét. En þá er Hálfðan var vetrgamall, þat haust fór Guðröðr konungr at veizlum; hann lá með skipi sínu í Stíflusundi, váru þar drykkjur miklar, var konungr mjök drukkinn. Ok um 25 kveldit er myrkt var, gékk konungr af skipi; en er hann kom á bryggjusporð, þá hljóp maðr at honum, ok lagði spjóti í gegnum hann; var þat hans bani. Sá maðr var þegar drepinn. En um morguninn eptir er ljóst var, þá var maðr sjá kendr, var þat skósveinn Ásu dróttningar. Duldi 30 hon þá ekki, at þat váru hennar ráð. Svá segir Þjóðólfr:

Varð Guðröðr
hinn göfugláti
lómi beitr
sá er fyrir löngu var

ok umráð
at ölum stilli
höfuð heiptrækt
at hilmi dró.

Ok launsigr
hinn lómgeði
Ásu árr
af jöfri bar,

ok buðlungr
á beði fornum
Stíflusunds
um stunginn var.

5

Dauði Ólafs konungs.

54. Ólafr tók konungdóm eptir föður sinn; hann var ríkr maðr ok hermaðr mikill; hann var allra manna fríðastr ok sterkastr, ok mikill vexti; hann hafði Vestfold, því at Álfgeirr konungr tók þá undir sik Vingulmörk alla, 10 setti hann þar yfir Gandálf konung son sinn. Þá géngu þeir feðgar mjök á Raumaríki, ok eignuðust mestan hlut þess ríkis ok fylkis. Högni hét son Eysteins hins ríka, Upplendinga konungs; hann lagði þá undir sik Heiðmörk alla, ok Þótn ok Haðaland; þá hvarf ok undan þeim 15 Guðröðar sonum Vermaland, ok snerust þeir þá at skattgjöfum til Sviakonungs. Ólafr var þá á tvítugs aldri, er Guðröðr andaðist; en er Hálfðan bróðir hans gékk til ríkis með honum, þá skiptu þeir ríkinu með sér, hafði Ólafr hinn eystra hlut, en Hálfðan hinn syðra. Ólafr kon- 20 ungr hafði atsetu á Geirstöðum. Hann tók fótarkerk ok andaðist þar af; ok er hann heygðr á Geirstöðum. Svá segir Þjóðólfr:

25 Ok niðkvísl
í Noregi
þróttar Þrós
um þróazk hafði.
Réd Ólafr
ofsa forðum
viðri grund
30 of Vestmari,

unz fótverkr
við foldar þröm
vígmiðlung
of viðs skyldi.
Nú liggr gunndjarfr
á Geirstöðum
herkonungr
haugi ausinn.

Frá Rögnvaldi heiðum hæra.

55. Rögnvaldr hét son Ólafs konungs, er konungr var á Vestfold eptir föður sinn. Hann var kallaðr heiðum

hæri. Um hann orti Þjóðólfr hinn hvinverski Ynglinga tal; þar segir hann svá:

Þat veit ek hazt
und blám himni
kenninafn
svá at konungr cigi,

er Rögnvaldr
reiðar stjóri
heiðum-hár
of heitinn er.

5

SAGA HALFDANAR SVARTA.

Hálfðan berst við Gandálf ok Sigtrygg.

1. Hálfðan var vetrgamall, þá er faðir hans féll. Ása móðir hans fór þegar með hann vestr á Agðir, ok settist 10 þar þegar til ríkis þess, er átt hafði Haraldr faðir hennar. Þar óx upp Hálfðan, ok var brátt mikill ok sterkr ok svartr á hár; hann var kallaðr Hálfðan svartí. Þá var hann 18 vetra, er hann tók konungdóm á Ögðum. Fór hann þegar á Vestfold ok skipti ríki við Ólaf bróður sinn. Sama haust 15 fór hann með her á Vingulmörk á hendr Gandálfi konungi, ok áttu þeir margar orrostur ok höfðu ymsir sigr; en at lyktum sættust þeir: skyldi Hálfðan hafa Vingulmörk hálfa, sem áðr hafði haft Guðröðr faðir hans. Eptir þat fór Hálfðan konungr upp á Raumaríki ok lagði undir sik. Þat 20 spurði Sigtryggr konungr, son Eysteins konungs, hann hafði þá atsetu á Heiðmörk ok hafði áðr Raumaríki undir sik lagt. Fór þá Sigtryggr konungr með her móti Hálfðani konungi, ok varð þar orrosta mikil, ok hafði Hálfðan sigr. En er flótti brast, þá var Sigtryggr konungr lostinn öru 25 undir höndina vinstri, ok féll hann þar. Síðan lagði Hálfðan undir sik alt Raumaríki. Eysteinn hét annarr son Eysteins konungs, bróðir Sigtryggs konungs, hann var þá

konungr á Heiðmörk. En er Hálfðan konungr var farinn út á Vestfold, þá fór Eysteinn konungr með her sinn út á Raumaríki, lagði þar þá víða land undir sik.

Orrosta Hálfðanar ok Eysteins.

- 5 2. Hálfðan svarti spurði, at úfriðr var á Raumaríki: dró hann þá her saman ok fór á Raumaríki til móts við Eysteinn konung, ok áttu þeir orrostu, ok hafði Hálfðan sigr, en Eysteinn flýði upp á Heiðmörk. Hálfðan konungr fór þá með her sinn upp á Heiðmörk eptir honum, ok áttu þeir þar aðra orrostu.
10 ok hafði Hálfðan sigr, en Eysteinn flýði norðr í Dala á fund Guðbrands hersis. Hann efldist þaðan at liði, fór síðan um vetrinn út á Heiðmörk; hann hitti Hálfðan svarta í eyggi miklu, er liggir í Mjörð. Áttu þeir þar orrostu, þar féll mikit fólk af hvárumtveggja, ok hafði Hálfðan sigr.
15 Þar féll Guthormr son Guðbrands hersis, er mannvænstr þótti vera á Upplöndum. Þá flýði enn Eysteinn norðr í Dala, þá sendi hann Hallvarð skálk frænda sinn á fund Hálfðanar konungs at leita um sættir. En fyrir frændsemi sakir þá gaf Hálfðan konungr upp Eysteini konungi hálfa
20 Heiðmörk, svá sem þeir frændr höfðu fyrr átt. En Hálfðan lagði undir sik Þótn ok þar sem Land heitir, þá eignaðist hann ok Haðaland. Var hann þá ríkr konungr.

Kvánfang Hálfðanar svarta.

3. Hálfðan svarti fékk konu, er nefnd er Ragnhildr.
25 dóttur Haralds gullskeggs; hann var konungr í Sogni. Þau áttu son, er Haraldr konungr gaf nafn sitt, ok fæddist sá sveinn upp í Sogni með Haraldí konungi móðurfeðr sínum. En er Haraldr var orðinn ærvási, var hann sonlauss, þá gaf hann dóttursyni sínum ríki sitt ok lét hann
30 taka til konungs. Litlu síðar andaðist Haraldr gullskeggr. Þann sama vetr andaðist Ragnhildr dóttir hans. Eptir um vartit varð sótt dauðr Haraldr konungr ungi í Sogni, hann var þá 10 vetra. Þegar er Hálfðan svarti spurði

spurði andlát hans, þá byrjar hann ferð sína með liði miklu ok ferr norðr til Sogns. Var þar við honum vel tekit. Taldi hann þar til ríkis ok arfs eptir son sinn, ok var þar engi viðrstaða, lagði hann undir sik ríki þat. Þá kom til hans Atli jarl hinn mjóvi af Gaulum, hann var vin Hálf- 5 danar konungs. Konungr setti Atla jarl yfir Sygnafylki, at døma þar landslög ok heimta saman skatta. Hálfðan konungr fór þaðan til Upplanda í ríki sitt.

Orrosta Hálfðanar ok Gandálfs sona.

4. Hálfðan konungr fór um haustit út á Vingulmörk. 10 Þat var á einni nótt, er Hálfðan var á veizlu, at um miðnætti kom til hans sá maðr, er hestvörð hafði haldit, ok sagði honum, at herr var kominn nær boenum. Konungr stóð þegar upp ok bað menn væpna sik, gengr þegar út ok fylkir. Því næst kómu synir Gandálfs, Hýsingr ok 15 Helsingr, með lið mikit, varð þar orrosta mikil. En fyrir því at Hálfðan konungr var ofrliði borinn, þá flýði hann til skógs ok lét mart manna. Þar féll Ölvir hinn spaki fósturfaðir hans. Eptir þat dreif lið til Hálfðanar konungs, fór hann þá at leita Gandálfs sona, ok hittust á Eiði við 20 Eyna, ok berjast þar. Þar féll Hýsingr ok Helsingr, en bróðir þeira Haki kom á flótta. Eptir þat lagði Hálfðan konungr undir sik alla Vingulmörk, en Haki flýði í Álfheima.

Síðara kvánfang Hálfðanar, er hann fékk Ragnhildar dóttur Sigurðar hjartar.

25

5. Sigurðr hjörtr er nefndr konungr á Hringaríki, meiri ok sterkari en hverr maðr annarra, allra manna var hann ok fríðastr sýnum. Faðir hans var Helgi hinn hvassi, en móðir hans Áslaug, dóttir Sigurðar orms í auga, Ragnars sonar loðbrókar. Svá er sagt, at þá var hann 12 vetra, 30 er hann drap Hildibrand berserk í einvígi, ok þá 12 saman; mörg vann hann þrekvirki, ok er löng saga frá honum. Hann átti tvau börn, Ragnhildr hét dóttir hans, hon var

allra kvenna sköruligust, hon var þá á tvítugs aldri, en Guthormr bróðir hennar á ungmennis aldri. En þat er at segja frá dauða Sigurðar, at hann reið einn saman út á eyðimerkr, sem vandi hans var til — hann veiddi stór dýr ok 5 mannskœð, lagði hann á þat kapp mikit optliga. — en er hann var langa leið riðinn, kom hann fram í ruð nokkur í nánd Haðalandi; þá kom þar móti honum Haki berserkr með 30 manna. Þar börðust þeir, féll þar Sigurðr hjörtr, en af Haka 12 menn, en sjálfr hann lét hönd sína ok 10 hafði 3 sár önnur. Eptir þat reið Haki við menn sína til bús Sigurðar, ok tók þar Ragnhildi dóttur hans ok Guthorm bróður hennar, ok hafði braut með sér, ok fé mikit ok marga dýrgripi, ok hafði heim á Haðaland; þar átti hann bú stór. Þá lét hann efna til veizlu ok ætlaði at 15 gera brúðlaup til Ragnhildar, en þat dvaldist, fyrir því at sár hans höfðust illa. Haki Haða berserkr lá í sárum um haustit ok öndverðan vetr. En of jól var á Heiðmörk Hálfðan konungs, hann hafði spurt öll þessi tíðindi. Þat var eian morgin snimma, er konungr var klæddr, at hann 20 kallaði til sína Hárek gæð, sagði at hann skyldi fara yfir á Haðaland, ok færa honum dóttur Sigurðar hjartar Ragnhildi. Hárekr bjóst, ok hafði 100 manna, stílti svá ferðinni, at þeir kómu yfir vatnit í óttu ok til búsjar Haka, tóku dyrr allar á skála, þeim er húskarlar sváfu í, síðan gengu 25 þeir til svefnbúrs, þess er Haki svaf í, ok brutu upp, ok tóku í brott Ragnhildi ok Guthorm bróður hennar, ok alt fé, þat er þar var, en þeir brendu skálann ok alla menn, þá er inni váru. Þeir tjölduðu vagn allvegligan ok settu þar í Ragnhildi ok Guthorm, fóru síðan til íssins. Haki stóð 30 upp ok gékk eptir þeim um hrið, en er hann kom at vatnsísinum, þá sneri hann niðr hjöltum á sverðinu en lagðist á blóðrefilinn, ok stóð sverðit í gegnum hann; fékk hann þar bana, ok er hann þar heygðr á vatnsbakkanum. Hálfðan konungr sá, er þeir fóru um vatnsísinn, hann var 35 manna skygnstr, ok hann sá vagn tjaldaðan, ok þóttist hann

vita, at erendi þeira mundi orðit vera, þat sem hann vildi. Lét hann þá setja borð sitt, ok sendi menn víða um byggðina ok bauð til sín mörgum mönnum, ok var þar þann dag veizla góð, ok at þeiri veizlu fékk Hálfðan konungr Ragnhildar, ok var hon síðan rík dróttning. Móðir Ragnhildr var Þorný, dóttir Klakkharalds konungs af Jótlandi, systir Þyri Danmarkar bótar, er átti Gormr hinn gamli, er þá réð Danaveldi.

Frá draumum Ragnhildar.

6. Ragnhildi dróttning dreymdi drauma stóra; hon 10 var spök at viti. Sá var einn draumr hennar, at hon þóttist vera stödd í grasgarði sínum ok taka þorn einn or serk sér; ok er hon hélt á, þá óx hann svá, at hann varð teinn einn mikill, svá at annarr endir tók jörð niðr ok varð brátt rótfastr, en annarr endir trésins tók hátt í 15 loptit upp. Því næst sýndist henni tréit svá mikit, at hon fékk varla sét yfir upp, þat var ok furðu digrt. Hinn neðsti hlutr trésins var rauðr sem blóð, en þá leggrinn upp fagrgroenn, en upp til limanna snjóhvítt. Þá váru kvistir af trénu margir stórir, sumir ofar, en sumir neðar; limar 20 trésins váru svá miklar, at henni þóttu dreifast um allan Noreg, ok enn víðara.

Draumr Hálfðanar.

7. Hálfðan konung dreymdi aldri; honum þótti þat undarligt, ok bar þat fyrir þann mann, er nefndr er Þor- 25 leifr hinn spaki, ok leitaði ráða, hvat at því mundi mega gera. Þorleifr sagði, hvat hann gerði, ef hann forvitnaði at vita nökkurn hlut, at hann færi í svínabœli at sofa, ok brást honum þá eigi draumr. Ok konungr gerði þat, ok birtist honum draumr þessi: Honum sýndist, at hann væri 25 allra manna bezt hærðr, ok var hár hans alt í lokkum, sumir síðir til jarðar, sumir í miðjan legg, sumir á kné, sumir á mjöðm, sumir í miðja síðu, sumir á háls, en sumir

ekki meir en sprotnir upp or hausi sem knýflar. En á lokkum hans var hvers kyns litr, en einn lokkr sigraði alla með ljósleik ok fegrð ok mikilleik. Þorleifi sagði hann þann draum, en hann þýddi svá, at mikill afspringr mundi 5 af honum koma, ok mundi sá löndum ráða með miklum veg, ok þó eigi allir með jafnmiklum, en einn mundi sá af hans ætt koma, at öllum mundi meiri ok æðri. Ok hafa menn þat fyrir satt, at sá lokkr jarategndi Ólaf konung hinn helga. Hálfðan konungr var vitr maðr ok sannindamaðr 10 ok jafnaðar, ok setti lög, ok hélt sjálfr ok lét aðra halda. svá at eigi mætti ofsi steypa lögunum. Hann gerði ok sjálfr saktal ok skipaði bótum hverjum eptir sínum burð ok metorðum. Ragnhildr dróttning ól son, var sá vatni ausinn ok nefndr Haraldr; hann var brátt mikill ok hinn 15 friðasti. Óx hann þar upp ok gerðist brátt íþróttamaðr mikill ok vel viti borinn; móðir hans unni honum mikit, en faðir hans minna.

Matarhvarf Hálfðanar.

8. Hálfðan konungr var á jólavist á Haðalandi. Þar 20 varð undarligr hlutr jólaaptan, þá er menn váru til borða gengnir, ok var þar allmikit fjölmenni, at þar hvarf vist öll af borðum ok alt mungát; sat konungr hrygggr eptir, en hverr annarra sótti sín heimili. En til þess at konungr mætti viss verða, hvat þessum atburð olli, lét hann taka 25 finn einn, er margfróðr var, ok vildi neyða hann til saðrar sögu, ok pindi hann, ok fékk þó eigi af honum. Finnrinn hét þannog mjök til hjálpar, er Haraldr var son hans, ok Haraldr bað honum eirðar ok fékk eigi, ok hleypti Haraldr honum þá í brott at úvilja konungs, ok fylgði 30 honum sjálfr. Þeir kómu þar farandi, er höfðingi einn hélt veizlu mikla, ok var þeim at sýn þar vel fagnat. Ok er þeir höfðu þar verit til várs, þá var þat einn dag, at höfðingi mælti til Haralds: furðu mikit torrek lætr faðir þinn sér at, er ek tók vist nökkura frá honum í vetr, en

ok mun þér þat launa með feginsögu: faðir þinn er nú dauðr, ok skaltu heima fara; muntu þá fá ríki þat alt, er faðir þinn hefir átt, ok þar með skaltu eignast allan Noreg.

Dauði Hálfðanar Svarta.

9. Hálfðan svarti ok frá veizlu á Haðalandi, ok bar 5 svá til leið hans, at hann ok um vatnit Rönd; þat var um vart, þá váru sólbráð mikil. En er þeir óku um Rykinsvík, þar höfðu verit um vetrinn nautabrunnar, en er mykrin hafði fallit á ísinn, þá hafði þar grafit um í sólbráðinu; en er konungr ok þar um, þá brast niðr íssinn, ok týndist þar 10 Hálfðan konungr ok lið mikit með honum. Þá var hann fertugr at aldri. Hann hafði verit allra konunga ársælstr. Svá mikit gerðu menn sér um hann, at þá er þat spurðist, at hann var dauðr, ok lík hans var flutt á Hringaríki ok var þar til graptar ætlat, þá fóru ríkismenn af Raumaríki 15 ok Vestfold ok Heiðmörk, ok beiddust allir at hafa líkit með sér ok heygja í sínu fylki, ok þótti þat vera árvænt þeim er næði. En þeir sættust svá, at líkinu var skipt í fjóra staði, ok var höfuðit lagt í haug at Steini á Hringaríki, en hverir fluttu heim sinn hluta ok þheygðu, ok eru 20 þat alt kallaðir Hálfðanar haugar.

HARALDS SAGA HINS HÁRFAGRA.

Orrosta Haralds við Haka ok Gandálf föður hans.

1. Haraldr konungr tók konungdóm eptir föður sinn, þá var hann 10 vetra gamall. Hann var allra manna mestr 25 ok sterkastr ok friðastr sýnum, vitr maðr ok skörungr mikill. Guthormr móðurbróðir hans gerðist forstjóri fyrir hirðinni

ok fyrir öllum landráðum, hann var ok hertogi fyrir liðinu. Eptir líflát Hálfðanar svarta géngu margir höfðingjar á ríki, þat er hann hafði leift; var hinn fyrsti maðr Gandálfr konungr, ok þeir bræðr Högni ok Fróði, synir Eysteins 5 konungs af Heiðmörk; ok Högni Káruson gékk víða yfir Hringaríki. Þá byrjar ferð sína Haki Gandálfs son út á Vestfold með 300 manna, ok fór hit efra um dali nokkura ok ætlaði at koma á úvart Haraldi konungi; en Gandálfr konungr sat í löndum með her sinn, ok þar ætlaði hann 10 at flytjast yfir fjörðinn með her sinn á Vestfold. En er þat spyrr Guthormr hertogi, þá samnar hann her ok ferr með Haraldi konungi, ok vendir fyrst móti Haka upp á land, ok finnast þeir í dal nokkurum; varð þar orrosta, ok fékk Haraldr konungr sigr. Þar féll Haki konungr ok 15 mikill hluti liðs hans. Þar heitir síðan Hakadalr. Eptir þat venda þeir aptr Haraldr konungr ok Guthormr hertogi, en þá var Gandálfr konungr kominn á Vestfold, ok fara nú hvárir móti öðrum, ok er þeir finnast, verðr orrosta hörð. Þaðan flýði Gandálfr ok lét mestan hluta liðs síns, 20 ok komst við svá búit í ríki sitt. Ok er þessi tíðindi spyrja synir Eysteins konungs á Heiðmörk, væntu þeir sér skjótt hers; þeir gera orð Höгна Kárusyni ok Guðbrandi hersi, ok leggja stefnu sín á milli á Heiðmörk á Ringisakri.

Haraldr konungr sigraði fim höfðingja.

25 2. Eptir þessar orrostur ferr Haraldr konungr ok Guthormr hertogi, ok alt lið þat er þeir fá, ok venda til Upplanda ok fara mjök markleið. Þeir spyrja hvar Upplendinga konungar hafa lagt stefnu sína, ok koma þar um miðnætti, ok verða eigi varðmenn fyrr varir við, en lið var 30 komit fyrir þá stofu, er inni var Högni Káruson, ok svá þá er Guðbrandr svaf í, ok lögðu eld í hváratveggju. En Eysteins synir kómust út með sína menn ok börðust um hrið, ok féllu þar báðir Högni ok Fróði. Eptir fall þessarra 4 höfðingja eignaðist Haraldr konungr með krapt ok fram-

kvæmd Guthorms frænda síns Hringaríki ok Heiðmörk, Guðbrandsdali ok Haðaland, Þótn ok Raumaríki, Vingulmörk allan hinn norðra hlut. Eptir þat höfðu þeir Haraldr konungr ok Guthormr hertogi úfrið ok orrostur við Gandálfr konung, ok lauk með því, at Gandálfr konungr féll í 5 hinni síðustu orrostu, en Haraldr konungr eignaðist ríki alt suðr til Raumellar.

Frá Gyðu Eiríksdóttur.

3. Haraldr konungr sendi menn sína eptir meyn einni, er Gyða er nefnd, dóttir Eiríks konungs af Hörða- 10 landi, hon var at fóstri á Valdresi með ríkum búanda; vildi konungr hana hafa til friðlu sér, því at hon var allfrið mæð ok heldr stórlát. En er sendimenn kómu þar, þá báru þeir upp erendi sín fyrir meyna; hon svaraði á þessa lund, at eigi vill hon spilla meydómi sínum til þess, at 15 taka til manns þann konung, er eigi hefir meira ríki en nokkur fylki til forráða: en þat þykki mér undarligt, segir hon, er engi er sá konungr, er svá vili eignast Noreg ok vera einvaldi yfir, sem hefir Gormr konungr at Danmörku eða Eiríkr konungr at Uppsölum. Sendimönnum þykkir 20 hon svara furðu stórliga, ok spyrja hana máls um, hvar til svör þessi skulu koma; segja at Haraldr er konungr svá ríkr, at henni er fullræði í. En þó at hon svari á annan veg þeira erendum, en þeir mundi vilja, þá sjá þeir engan sinn kost til þess at sinni, at þeir mundu hana í 25 brott hafa, nema hennar vili væri til þess; ok búast þeir þá ferðar sinnar. En er þeir eru búnir, leiða menn þá út; þá mælti Gyða við sendimenn, bað þá bera þau orð sín Haraldri konungi, at hon mun því at einu játa at gerast eigin kona hans, ef hann vill þat gera fyrir hennar sakir 30 áðr, at leggja undir sik allan Noreg ok ráða því ríki jafnfrjálsliga, sem Eiríkr konungr Svíaveldi, eða Gormr konungr Danmörku, því at þá þykkir mér, segir hon, hann mega heita þjóðkonungr.

Heitstrenging Haralds konungs.

4. Sendimenn fara nú aptr til Haralds konungs ok segja honum þessi orð meyjarinnar, ok segja, at hon ei furðu djörf ok úvitr, ok telja þat makligt, at konungr sendi
 5 lið mikit eptir henni við úsæmd. Þá sagði Haraldr konungr, at eigi hefði þessi mæðr illa mælt, eða gert svá at hefnda væri fyrir vert, það hana hafa mikla þökk fyrir orð sín: hon hefir mint mik þeira hluta, er mér þykkir undarligt, er ek hefi eigi fyrr hugleitt. Ok enn mælti hann:
 10 þess strengi ek heit, ok því skýt ek til guðs, þess er mik skóp ok öllu ræðr, at aldri skal skera hár mitt né kemba, fyrr en ek hefi eignazt allan Noreg með sköttum ok skyldum ok forráði, en deyja at öðrum kosti. Þessi orð þakkaði honum mjök Guthormr hertogi, ok lét þat vera konungligt
 15 verk at efna orð sín.

Orrosta í Orkadal.

5. Eptir þetta samna þeir frændr liði miklu, ok búa ferð sína á Upplönd, ok svá norðr um Dali ok þaðan norðr um Dofrafjall. Ok þá er hann kom ofan í bygðina, þá
 20 lét hann drepa menn alla ok brenna bygðina. En er fólkit varð þessa víst, þá flýði hverr er mátti; sumir ofan til Orkadals, sumir til Gaulardals, sumir á markir; sumir leituðu griða, ok þat féngu allir þeir er á konungs fund kómu ok gerðust hans menn. Þeir féngu enga mótstöðu,
 25 fyrr en þeir kómu til Orkadals, þar var samnaðr fyrir þeim, ok þar áttu þeir hina fyrstu orrostu við konung þann er Grýtingr hét. Haraldr konungr fékk sigr, en Grýtingr var handtekinn, ok drepit mikit lið af honum, en hann gékk til handa Haraldi konungi ok svarði honum trúnaðareiða. Eptir
 30 þat gékk alt fólk undir Harald konung í Orkdælafylki, ok gerðust hans menn.

Landsréttr Haralds konungs.

6. Haraldr konungr setti þann rétt alt þar er hann vann ríki undir sik, at hann eignaðist óðul öll, ok lét alla

bændr gjalda sér landskyldir, bæði ríka ok úríka. Hann setti jarl í hverju fylki, þann er dæma skyldi lög ok landsrétt ok heimta sakeyri ok landskyldir, ok skyldi jarl hafa þriðjung skatta ok skylda til borðs sér ok kostnaðar. Jarl hverr skyldi hafa undir sér 4 hersa eða fleiri, ok skyldi 5 hverr þeira hafa 20 marka veizlu. Jarl hverr skyldi fá konungi í her 60 hermanna af sínum einum kostnaði, en hersir hverr 20 menn. En svá mikit hafði Haraldr konungr aukit álög ok landskyldir, at jarlar hans höfðu meira ríki en konungar höfðu fyrrum. En er þetta spurðist um 10 Þrándheim, þá sóttu til Haralds konungs margir ríkismenn ok gerðust hans menn.

Orrosta í Gaulardal.

7. Þat er sagt, at Hákon jarl Grjótgarðsson kom til Haralds konungs utan af Yrjum, ok hafði lið mikit til full- 15 tings við Harald konung. Eptir þat fór Haraldr konungr inn í Gaulardal, ok átti þar orrostu ok feldi þar tvá konunga, ok eignaðist síðan ríki þeira: en þat var Gauldœlafylki ok Strindafylki. Þá gaf hann Hákon jarli yfirsóku um Strindafylki. Eptir þat fór Haraldr konungr inn í 20 Stjóradal ok átti þar hina þriðju orrostu, ok hafði sigr ok eignaðist þat fylki. Eptir þat sömnuðust saman Innþrændir, ok váru komnir saman 4 konungar með her sinn; sá einn er réð Veradal, annarr réð fyrir Skaun, þriði Sparbyggjafylki, fjórði af eygni Iðri, sá átti Eynafylki. Þessir 4 25 konungar fóru með her í móti Haraldi konungi, en hann hélt orrostu við þá ok fékk sigr, en þessir konungar féllu sumir, en sumir flýðu. Haraldr konungr átti alls í Þrándheimi 8 orrostur eða fleiri, ok at feldum 8 konungum eignaðist hann allan Þrándheim. 30

Haraldr vann Naumdœlafylki.

8. Norðr í Naumudal váru bræðr tveir konungar, Herlaugr ok Hrollaugr; þeir höfðu verit at 3 sumur at

gera haug einn; sá haugr var hlaðinn með grjóti ok lími ok viðum gerr. En er haugrinn var algerr, þá spurðu þeir bræðr þau tíðindi, at Haraldr konungr fór á hendr þeim með her. Þá lét Herlaugr konungr aka til haugsins
 5 vist mikla ok drykk; eptir þat gékk Herlaugr konungr í hauginn við 12ta mann, síðan lét hann kasta aptr hauginn. Hrollaugr konungr fór upp á haug, þann er konungar váru vanir at sitja á, ok lét þar búa konungs háseti ok settist þar í; þá lét hann leggja dýnur á fótpallinn, þar er jarlar
 10 váru vanir at sitja, þá veltist hann or hásetinu ok í jarls sæti, ok gaf sér sjálfr jarls nafn. Eptir þat fór Hrollaugr á móti Haraldi konungi ok gaf honum alt ríki sitt ok bauð at gerast hans maðr, ok sagði honum alla sína meðferð. Þá tók Haraldr konungr sverð ok festi á linda honum, þá
 15 festi hann skjöld á háls honum, ok gerði hann jarl sinn ok leiddi hann í háseti; þá gaf hann honum Naumdælafylki ok setti hann þar jarl yfir.

Frá skipan Haralds konungs.

9. Haraldr konungr fór þá aptr til Þrándheims ok
 20 dvaldist þar um vetrinn, ok jafnan síðan kallaði hann heimili sitt. Þar setti hann hinn mesta höfuðbœ, er Hlaðir heita. Þann vetr fékk hann Ásu dóttur Hákonar jarls Grjótgarðssonar, ok hafði Hákon þá mestan metnað af konunginum. Um vórit réð Haraldr konungr sér til skipa.
 25 Hann hafði gera látit um vetrinn dreka mikinn ok búinn hit vegligsta, þar skipaði hann á hirð sinni ok berserkjum. Stafnbúar váru mest vandaðir, því at þeir höfðu merki konungs. Aptr frá stafninum til austrúms var kallat á rausn, þat var skipat berserkjum. Þeir einir náðu hirðvist með
 30 Haraldi konungi, er afreksmenn váru bæði at afli ok hreysti ok allskonar atgervi; þeim einum var skipat hans skip, en hann átti þá góð vól at kjósa or hverju fylki sér hirðmenn. Hann hafði her mikinn ok mörg stórskip, ok margir ríkismenn fylgðu honum. Þess getr Hornklofi í Glymdrápu,

at Haraldr konungr hafði fyrr barzt á Uppdalsskógi við Orkndæli en hann hefði leiðangr þenna úti.

Hilmir réð á heiði	Gerði glamma ferðar	
hjaldrskíðs þrumu galdra	gnýþróttr jöru dróttar	
óðr við æskimeiða	helkannandi hlenna	5
ey vébrautar heyja,	hlymræks um tröð glymja,	
áðr gnapsalar grímnis	áðr út á mar mœtir	
gnýstoerandi fœri	mannskœðr lagar tanna	
rausnarsamr til rimmu	ræsinaðr til rausnar	
riðviggs lagar skíðum.	rak vébrautar nökkva.	10

Orrosta við Solskel.

10. Haraldr konungr hélt liði sínu út or Þrándheimi ok sneri suðr á Mœri. Húnþjófr er nefndr konungr, sá er réð fyrir Mœrafylki, Sölvi klofi hét son hans, þeir váru hermenn miklir. En sá konungr er réð fyrir Raumsdal, er 15 nefndr Nökkvi, hann var móðurfaðir Sölva. Þessir höfðingjar drógu saman her mikinn, er þeir spyrja til Haralds konungs, ok fara móti honum, ok hittast þeir við Solskel. Varð þar orrosta, ok hafði Haraldr konungr sigr. Svá segir Hornklofi: 20

Þar svá at barsk at borði	ok allsnœfrir jöfrar
borðhölkvi rak norðan	orðalaust at morði
hlífar valdr til Hildar	(endisk rauðra randa
hreggs döglinga tveggja,	rödd) dynskotum kvöddusk.

Báðir konungar féllu, en Sölvi komst með flótta undan. 25 Lagði Haraldr konungr þá undir sik þessi tvau fylki, ok dvaldist þar lengi um sumarit, ok skipaði þar réttum með mönnum, ok setti þar forráðamenn ok treysti sér fólkit. En um haustit bjóst hann at fara norðr til Þrándheims. Rögnvaldr Mœrajarl, son Eysteins glumru, hafði þá um sumarit 30 gerzt maðr Haralds konungs. Haraldr konungr setti hann höfðingja yfir þessi tvau fylki, Norðmœri ok Raumsdal, ok fékk honum þar styrk til bæði af ríkismönnum ok bóndum, svá ok skipakost at verja landit fyrir úfriði. Hann var

kallaðr Rögnvaldr hinn ríki eða hinn ráðsvinni, ok segja menn at hvártveggja væri sannnefni. Haraldr konungr var um vetrinn eptir í Þrándheimi.

Fall Arnviðar ok Auðbjarnar konunga.

5 11. Eptir um várit'bjó Haraldr konungr her mikinn or Þrándheimi, ok sagði, at hann mundi þeim her stefna á Sunnmæri. Sölvi klofi hafði um vetrinn legit úti á her- skipum, ok herjat á Norðmæri ok drepit þar marga menn Haralds konungs, en suma rænta, en brent fyrir sumum,
10 ok gert hit mesta hervirki. En stundum um vetrinn hafði hann verit á Sunnmæri með Arnviði konungi frænda sínum. En er þeir spyrja til Haralds konungs, þá samna þeir liði ok verða fjölmennir, því at margir þóttust eiga Haraldi konungi heiptir at gjalda. Sölvi klofi fór suðr í Fjörðu á
15 fund Auðbjarnar konungs, er þar réð fyrir, ok bað hann liðs, at hann skyldi fara með her sínum til styrks við þá Arnvið konung, segir hann svá: Öllum er oss nú sjá kostur auðsær, at vér risim allir upp í móti Haraldi konungi, munum vér þá hafa nógan styrk, ok man þá auðna ráða
20 sigri, en hitt er ella, ok er þat engi kostur þeim mönnum, er eigi eru útignari at nafni en Haraldr, at gerast þrælur hans; þótti feðr mínum sá kostur betri, at falla í bardaga í konungdómi sínum, en gerast undirmaðr Haralds konungs. Kom Sölvi svá ræðum sínum, at Auðbjörn hét ferðinni, ok
25 dró hann þá her saman ok fór norðr til fundar við Arnvið konung; höfðu þeir þá allmikinn her. Þeir spurðu þá til Haralds konungs, at hann var þá norðan kominn; þeir hittust fyrir innan Sólskel. Þat var þá siðvandi, er menn börðust á skipum, at tengja skyldi skipin ok berjast um
30 stafna. Var þá svá gert. Lagði Haraldr konungr skip sitt móti skipi Arnviðar konungs; varð sú orrosta hin snarp- asta, ok féll mikit fólk af hvárumtveggjum. Ok at lyktum varð Haraldr konungr svá óðr ok reiðr, at hann gékk fram á rausn á skipi sínu, ok barðist þá svá snarpliga, at allir

frambyggjar á skipi Arnviðar hrukku aptr til siglu, en sumir féllu. Gékk Haraldr konungr þá upp á skipit; leituðu þá menn Arnviðar konungs á flóttu, en hann sjálf féll á skipi sínu. Þar féll ok Auðbjörn konungr, en Sölvi flýði. Svá segir Hornklofi:

5

Háði gramr, þar er gnúðu,	þá er á rausn fyrir ræsi,
geira hregg við seggi,	réd egglituðr, seggir,
rauð fnýstu ben blóði,	æfr gall hjórr við hlífar,
bryngögl í dyn Sköglar,	hnigu fjörvanir, sigri.

Þar féll or liði Haralds konungs Ásgautr ok Ásbjörn, 10 jarlar hans, ok Grjótgarðr ok Herlaugr, mágar hans, synir Hákonar Hlaðajarls. Sölvi var síðan víkingr mikill langa hrið ok gerði opt mikinn skaða á ríki Haralds konungs.

Brenna Vemundar konungs.

12. Eptir þat lagði Haraldr konungr undir sik Sunnmæri. 15 Vemundr bróðir Auðbjarnar konungs hélt Firðafylki ok gerðist konungr yfir. Þetta var síðla um haust, ok gera menn þat ráð með Haraldi konungi, at hann skyldi eigi fara suðr um Stað á haustdegi. Þá setti Haraldr konungr Rögnvaldr jarl yfir Mæri hváratveggju ok Raumsdal, ok hafði hann 20 þá um sik mikit fjölmenni. Haraldr konungr sneri þá norðr aptr til Þrándheims. Þann sama vetr fór Rögnvaldr jarl hit iðra um Eið, ok svá suðr um Fjörðu. Hann hafði njósn af Vemundi konungi, ok kom um nótt þar sem heitir Naustdalr; var Vemundr konungr þar á veizlu. Rögnvaldr 25 jarl tók hús á þeim, ok brendi konung inni með níutigi manna. Eptir þat kom Berðlukári til Rögnvalds jarls með langskip alskipat, ok fóru þeir báðir norðr á Mæri. Tók Rögnvaldr jarl skip þau, er átt hafði Vemundr konungr, ok alt lausafé þat er hann fékk. Berðlukári fór norðr til 30 Þrándheims á fund Haralds konungs ok gerðist hans maðr; hann var berserkr mikill.

Fall Hákonar jarls ok Atla jarls hins mjóva.

13. Um várit eptir fór Haraldr konungr suðr með landi með skipaher ok lagði undir sik Firðafylki; síðan sigldi hann austr með landi ok kom fram í Vík austr. En hann setti eptir Hákon jarl Grjótgarðsson ok fékk honum yfirsókn í Firðafylki. En er konungr var austr farinn, þá sendi Hákon jarl orð Atla jarli hinum mjóva, at hann skyldi fara brott or Sogni ok vera jarl á Gaulum, sem hann hafði fyrr verit, en kvað Harald konung hafa veitt sér Sygnafylki. Atli jarl sendi þau orð í mót, at hann mun halda Sygnafylki ok svá Gaulum, þar til er hann finnr Harald konung. Jarlarnir þreyttu þetta með sér, þar til er báðir samna her; þeir hittast á Fjölum í Stafanessvági, ok áttu þar orrostu mikla. Þar féll Hákon jarl, en Atli jarl varð sárr til úlífs, ok fóru menn hans til Atleyjar með hann, ok andaðist hann þar. Svá segir Eyvindr skáldaspillir:

20	Varð Hákon Högn meýjar viðr vápnherr, er vega skyldi, ok sinn aldr í odda gný Freys áttungr á Fjölum lagði.	Ok þar varð, er vinir féllu, mágar Hallgarðs, manna blóði Stafaness við stóran gný vinar Lóðurs vágr of blandinn.
25		

Frá Haraldri konungi ok Eiríki Svíakonungi.

14. Haraldr konungr kom liði sínu austr í Vík, ok lagði inn til Túnsbergs; þar var þá kaupstaðr; hann hafði þá dvalzt í Þrándheimi 4 vetr ok komit ekki á þeiri stundu í Víkina. Hann spurði þar þau tíðindi, at Eiríkr Svíakonungr Eymundarson hafði lagt undir sik Vermaland, ok hann tók þar skatta af öllum markbygðum, ok hann kallaði vestra Gautland alt norðr til Svínasunds ok hit vestra alt með hafi, þá kallaði Svíakonungr þat alt sitt ríki ok tók skatta af. Hann hafði þar sett yfir jarl, er kallaðr var

Hrani gauzki, hann hafði ríki milli Svínasunds ok Gautelfar, hann var ríkr jarl. Haraldi konungi var sagt frá orðum Sviakonungs, at hann skyldi eigi fyrr af láta, en hann hefði jafnmikit ríki í Vikinni, sem fyrr hafði Sigurðr bringr eða Ragnarr loðbrók son hans; en þat var Raumaríki ok Vestfold alt út til Grenmars, svá Vingulmörk ok alt suðr þaðan. Hafði þá um öll þessi fylki snúizt til hlýðni við Sviakonung, margir höfðingjar ok mikið fólk annat. Þetta líkaði Haraldi konungi stórilla, hann stefndi þegar þing við boendr þar á Foldinni, ok bar sakar á hendr þeim um landráð við sik. Boendr kómu þar sumir syn fyrir sik, sumir guldu fé, sumir sættu refsingum. Fór hann svá um sumarit um þat fylki. Um haustit fór hann upp á Raumaríki, ok fór þar alt at sama hætti, at hann lagði undir sik þat fylki. Þá spurði hann öndverðan vetr, at Eiríkr Svíakonungr reið um Vermaland at veizlum með hirð sína,

Konungar þiggja veizlu at Áka, ok um dráp hans.

15. Haraldr konungr býr ferð sína austr um Eiðaskóg ok kom fram í Vermalandi; lét þar búa veizlur fyrir sér. Áki hét maðr, hann var ríkastr bóndi á Vermalandi, stórauðigr ok þá gamall at aldri. Hann sendi menn til Haralds konungs ok bauð honum til veizlu. Konungr hét ferðinni at ákveðnum degi. Áki bauð ok Eiríki konungi til veizlu ok lagði honum hinn sama stefnudag. Áki átti mikinn veizluskála, ok var sá forn; hann lét þá gera annan nýjan skála eigi minna, ok vanda sem mest; hann lét þann skála tjalda allan nýjum búnaði, en hinn forna fornum búnaði. En er konungar kómu til veizlunnar, þá var skipat Eiríki konungi með sinni hirð í hinn forna skála, en Haraldi í hinn nýja skála með sínu liði. Þannug var skipat öllum borðbúnaði, at Eiríkr konungr ok hans menn höfðu forn ker ok horn, ok þó gylt ok vel búin, en Haraldr konungr ok hans menn höfðu öll ný ker ok horn, ok búin öll með gulli, þau váru öll líkuð ok skygð sem

gler; en drykkur var hvárrtveggi hinn bezti. Áki bóndi hafði fyrr verit maðr Hálfðanar svarta. En er sá dagr kom, er veizlan var öll, þá bjoggust konungar til brautferðar. Váru þá reiðskjótar búnir. Þá gekk Áki fyrir
5 Harald konung ok leiddi eptir sér son sinn 12 vetra gamlan, sá hét Ubbi. Áki mælti: Ef yðr þykkir, herra, vináttu vert fyrir góðvilja minn, er ek hefi lýst við yðr í heimboði mínu, þá launa þat syni mínum; hann gef ek þér til þjónostumanns. Konungr þakkaði honum með mörgum
10 fögnum orðum sinn fagnað, ok hét honum þar í mót fullkominni sinni vináttu. Síðan greiddi Áki fram stórar gjafir, er hann gaf konungi. Síðan mintist Áki við konung. Eptir þat gekk Áki til Svíakonungs. Var þá Eiríkr konungr klæddr ok búinn til ferðar, ok var hann heldr úkátr.
15 Áki tók þá góða gripi ok gaf honum. Konungr svaraði lá ok steig á bak hesti sínum. Áki gekk á leið með honum ok talaði við hann. Skógr var nær bænum, ok lá þar vegrinn yfir. En er Áki kom á skóginn, þá spurði konungr hann: Hví skiptir þú svá fagnaði með okkr Haraldi
20 konungi, at hann skyldi hafa af öllu hinn betra hlut, ok veiztu at þú ert maðr minn? Ek hugða, sagði Áki, at yðr, konungr, ok yðra menn mundi engan fagnað skort hafa at þessarri veizlu. En er þar var forn búnaðr, sem þér drukkut, þá veldr þat því, at þér erut nú gamlir, en Ha-
25 raldr konungr er nu í blóma aldrs, fékk ek honum af því nýjan búnað. En þar er þú mintir mik, at ek væra þinn maðr, þá veit ek þat eigi síðr, at þú ert minn maðr. Þá brá konungr sverði ok hjó hann banahögg, reið braut síðan. En er Haraldr konungr var búinn at stíga á hest sinn,
30 þá bað hann kalla til sín Áka búanda; en er menn leituðu hans, þá runnu sumir þannug sem Eiríkr konungr hafði riðit; fundu þeir þar Áka dauðan; fóru síðan aptr ok sögðu konungi. En er hann spyrir þetta, heitr hann á menn sína, at þeir skulu hefna Áka búanda; riðr konungr þá þannug,
35 er áðr hafði riðit Eiríkr konungr, til þess er hvárir verða

varir við aðra; þá ríða hvárir sem mest megu, til þess er Eiríkr konungr kemr á skóg þann er skilr Gautland ok Vermaland. Þá snýr Haraldr konungr aptr á Vermaland, leggr þá land þat undir sik, en drap menn Eiríks konungs, 5 hvar sem hann stóð þá. Fór Haraldr konungr aptr um vetrinn á Raumaríki ok dvaldist þar um bríð.

Ferð Haralds konungs til Túnsbergs.

16. Haraldr konungr fór um vetrinn út til Túnsbergs til skipa sinna; býr hann þá skipin ok heldr austr yfir 10 fjörðinn; leggr þá undir sik alla Vingulmörk. Hann er úti á herskipum allan vetrinn ok herjar á Ránríki. Svá segir Þorbjörn hornklofi:

Úti vill jól drekka,	Ungr leiddisk eldvelli	
ef skal einn ráða,	ok inni at sitja,	15
fylkir framlyndi,	varma dyngju	
ok Freys leik heyja.	eða vöttu dúnsfulla.	

Gautar höfðu samnað fyrir alt um landit.

Orrosta á Gautlandi.

17. Um várit er ísa leysti, stikuðu Gautar Gautelfi, 20 at Haraldr konungr skyldi eigi mega leggja skipum sínum upp í landit. Haraldr konungr hélt skipum sínum upp í elfina ok lagðist við stikin, herjaði þá á bæði lönd ok brendi byggðina. Svá segir Hornklofi:

Grennir þröng at gunni	Ok hjálmtamiðr hilmir	25
gunnmás fyrir haf sunnan,	hólmreyðar lét ólman	
sá var gramr, ok gumnum,	lindihjört fyrir landi	
geðvörðr, und sik jörðu.	lundprúðr við stik bundinn.	

Síðan riðu Gautar ofan með her mikinn ok héldu orrostu við Harald konung, ok varð þar allmikit mannfall, ok hafði 30 Haraldr konungr sigr. Svá segir Hornklofi:

Ríks þreifsk reiddra öxa	Þá er, hugfyldra haulda,	
rymr, knáttu spjör glymja,	hlaut andskoti Gauta,	
svartskygð bitu seggi	hár var söngr um svírum,	
sverð, þjóðkonungs ferðar.	sigr, flugbeiddra vigra.	35

Fall Hrana gauzka.

18. Haraldr konungr fór víða um Gautland herskildi, ok átti þar margar orrostur tveim megin elfarinnar, ok fékk hann optast sigr. En í einhverri orrostu féll Hrani
 5 hinn gauzki. Síðan lagði Haraldr konungr land alt undir sik fyrir norðan elfina ok fyrir vestan Væni, ok Vermaland alt. En er hann snerist þaðan í brott, setti hann þar eptir til landgæzlu Guthorm hertoga ok lið mikit með honum, en konungr snerist þá til Upplanda ok dvaldist þar um hrið;
 10 fór síðan norðr um Dofrafjall til Þrándheims, ok var þar enn langar hriðir. Haraldr konungr tók þá at eiga börn. Þau Ása áttu sonu þessa: Guthormr var elztr, Hálfðan svartí, Hálfðan hvítí (þeir váru tvíburar), Sigfræðr hinn 4ði; váru þeir allir uppfœddir í Þrándheimi með miklum sóma.

Orrosta í Hafrsfirði.

15

19. Tíðindi þau spurðust sunnan or landi, at Hörðar ok Rygir ok Egðir ok Þilir sömnuðust saman ok gerðu uppreist, bæði at skipum ok vápnum ok fjölmenni; váru þeir upphafsmenn: Eiríkr Hörðalands konungr, Súlki kon-
 20 ungr af Rogalandi ok Sóti jarl bróðir hans, Kjötvi hinn auðgi konungr af Ögðum ok Þórir haklangr son hans, af Þelamörk bræðr tveir, Hróaldr hryggr ok Haddr hinn harði. En er Haraldr konungr varð þessa tíðinda viss, þá dró
 25 hann her saman ok skaut skipum á vatn; bjóst síðan með lið mikit ok ferr með landi suðr, ok hafði mart manna af hverju fylki. En er hann kemr suðr um Stað, þá spyr þat Eiríkr konungr, hafði hann þá ok saman komit því liði, er honum var ván; ferr hann þá suðr í móti því liði,
 25 er hann vissi at austan mundi koma til fulltings við hann. Møttist þá herrinn allr fyrir norðan Jaðar, ok leggja þá inn til Hafrsfjarðar. Þar lá fyrir Haraldr konungr með her sinn; tekst þar þegar orrosta mikil, var bæði hörð ok löng; en at lyktum varð þat, at Haraldr konungr hafði
 30 sigr, en þar féllu þeir Eiríkr konungr ok Súlki konungr ok

Sóti jarl bróðir hans. Þórir haklangr hafði lagt skip sitt í móti skipi Haralds konungs, ok var Þórir berserkr mikill; var þar allhörd atsókn áðr Þórir haklangr féll; var þá hroðit alt skip hans, þá flýði Kjötvi konungr í hólma nökkurn, þar er vígi var gott. Síðan flýði alt lið þeira, 5 sumt á skipum, en sumt hljóp á land upp ok svá hit efra suðr um Jaðar. Svá segir Hornklofi:

Heyrðir þú, í Hafrsfirði	stöðum nökkva brá stillir,	
hvé hizug bardisk	er honum var styrjar væni,	
konungr hinn kynstóri	hlömmun var á hlífum	10
við Kjötva hinn auðga?	áðr Haklangr félli.	
knerrir kómu austan,	Leiddisk þá fyrir Lúfu	
kapps um lystir,	landi at halda	
með gínundum höfðum	hilmi hinum hálsdigma,	
ok gröfnum tinglum.	hólm lét sér at skialdi.	15
Hlaðnir váru þeir haulda	Slógusk und sessþiljur,	
ok hvítra skjalda,	er sárir váru,	
vigra vestroenna,	létu upp stjölu stúpa,	
ok valskra sverða.	stungu í kjöl höfðum.	
Grenjuðu berserkir,	Á baki létu blíkja	20
guðr var á sinnum,	— bardir váru grjóti —	
emjuðu úlfheðnar	Svafnis salnæfrar	
ok ísarn glumdu.	seggir hyggjandi.	
Freistuðu hins framráða,	Æstusk auðkylfur	
er þeim flýja kendi,	ok um Jaðar hljópu	25
allvalds austmanna	heim or Hafrsfirði	
er býr at Útsteini,	ok hugðu á mjöðdrykkju.	

Haraldr konungr verðr einvaldi at Noregi.

20. Eptir orrostu þessa fékk Haraldr konungr enga mótstöðu í Noregi; váru þá fallnir allir hinir mestu fjánd- 30 menn hans; en sumir flýðu or landi, ok var þat allmikill mannfjöldi, því at þá byggðust stór eyðilönd; þá byggðist Jamtaland ok Helsingjaland; ok var þó áðr hvártveggja nökkut bygt af Norðmönnum. Í þeim úfriði, er Haraldr konungr gékk til lands í Noregi, þá funnust ok byggðust út- 35 lönd: Færeyjar ok Ísland; þá var ok mikil ferð til Hjaltlands, ok margir ríkismenn af Noregi flýðu útlaga fyrir

Haraldi konungi ok fóru í vestrvíking, váru í Orkneyjum ok Suðreyjum á vetrum, en á sumrum herjuðu þeir í Noreg ok gerðu þar mikinn landsskaða. Margir váru þeir ok ríkismenn, er géngu til handa Haraldi konungi ok gerðust hans menn ok bygðu lönd með honum.

Frá börnum Haralds konungs ok kvánföngum.

21. Haraldr konungr var nú einvaldi orðinn alls Noregs. Þá mintist hann þess er mærin sú hin mikilláta hafði mælt til hans, hann sendi þá menn eptir henni ok lét hana hafa til sín, ok lagði hana hjá sér. Þessi váru börn þeira: Álof var elzt, þá var Hroerekr, þá Sigtryggr, Fróði ok Þorgils. Haraldr konungr átti margar konur ok mörg börn. Hann fékk þeirar konu, er Ragnhildr hét, dóttir Eiríks konungs af Jótlandi; hon var kölluð Ragnhildr hin ríka. Þeira son var Eiríkr blóðöx. Enn átti hann Svanhildi dóttur Eysteins konungs; þessir váru synir þeira: Ólafr Geirstaðaálfr, Björn ok Ragnarr rykill. Enn átti Haraldr konungr Áshildi, dóttur Hrings Dagssonar ofan af Hringaríki; þeira börn váru: Dagr ok Hringr, Guðröðr skirja, Ingigerðr. Svá segja menn, at þá er Haraldr konungr fékk Ragnhildar ríku, at hann léti þá af 9 konum sínum. Þess getr Hornklofi:

	Hafnaði Hólmrygjum	ok Hölga settar
	ok Hörða meyjum	konungr hinn kynstóri
25	hverri hinni heinversku	er tók konuna dönsku.

Börn Haralds konungs váru þar hver uppfœdd, sem móðerni áttu. Guthormr hertogi hafði vatni ausit hinn elzta son Haralds konungs, ok gaf nafn sitt. Hann knésetti þann svein ok fóstaði ok hafði með sér í Vík austr; fœddist hann þar upp með Guthormi hertoga. Guthormr hertogi hafði alla stjórn landsins um Víkina ok um Upplönd, þá er Haraldr konungr var eigi nær.

Vestrferð Haralds konungs.

22. Haraldr konungr spurði, at víða um mitt landit herjuðu víkingar, þeir er á vetrum váru fyrir vestan haf. Hann hafði þá leiðangr úti hvert sumar ok kannaði eyjar ok útsker; en hvar sem víkingar urðu varir við her hans, 5 þá flýðu allir ok flestir á haf út. En er konungi leiddist þetta, þá varð þat á einu sumri, at Haraldr konungr sigldi með her sinn vestr um haf; kom hann fyrst við Hjaltland, ok drap þar alla víkinga þá er eigi flýðu undan. Síðan sigldi hann suðr til Orkneyja ok hreinsaði þar alt af vík- 10 ingum. Eptir þat ferr hann alt í Suðreyjar ok herjar þar; hann drap þar marga víkinga, þá er fyrir liði réðu áðr. Hann átti þar margar orrostur ok hafði jafnan sigr. Þá herjaði hann á Skotland ok átti þar orrostu. En er hann kom vestr í Mön, þá höfðu þeir áðr spurt hvern hernað 15 Haraldr konungr hafði gert fyrrum þar í landi; þá flýði alt fólk inn á Skotland, ok var þar aleyða af mönnum; braut var ok flutt alt fé þat er mátti; en er þeir Haraldr konungr géngu á land, þá féngu þeir ekki herfang. Svá segir Hornklofi: 20

Menfergir bar margar	áðr fyrir eljanfróðum
margspakr — niðar varga	allr herr Skota þverri
lundr vann sókn á sandi —	lögðis seiðs af láði
sandmens í bý randir;	læbrantar varð flœja.

Í þessum orrostum féll Ívarr, son Rögnvalds Mœrajarls. 25 En í boetr þess gaf Haraldr konungr Rögnvaldi jarli, er hann sigldi vestan, Orkneyjar ok Hjaltland, en Rögnvaldr gaf þegar Sigurði bróður sínum bæði löndin, ok var hann vestr eptir. Þá er konungr sigldi austr, gaf hann Sigurði jarldóm. Þá kom til lags við hann Þorsteinn rauðr son 30 Ólafs hvíta ok Auðar hinnar djúpauðgu; þeir herjuðu á Skotland ok eignuðust Katanes ok Suðrland alt til Ekkjalsbakka. Sigurðr jarl drap Melbrigða tönn, jarl skozkan, ok batt höfuð hans við slagálar sér ok laust kvikvavöðvanum

sínum á tönnina er skagði or höfðinu; kom þar í blástr, ok fékk hann þar af bana, ok er hann heygðr á Ekkjalsbakka. Þá ræð löndum Guthormr son hans einn vetr ok dó barnlauss. Síðan settust í löndin víkingar margir, Danir ok Norðmenn.

Skorit hár Haralds konungs.

23. Haraldr konungr var á veizlu á Mœri at Rögnvalds jarls, hafði hann þá eignazt land alt. Þá tók Haraldr konungr laugar. Hann lét þá ok greiða hár sitt, ok þá skar Rögnvaldr jarl hár hans, en áðr hafði verit úskorit ok úkembt 10 vetr; var hann áðr kallaðr lúfa, en síðan gaf Rögnvaldr jarl honum kenningarnafn ok kallaði hann Harald hinn hárfagra; ok sögðu allir er sá, at þat var hit mesta sannefni, því at hann hafði hár bæði mikit ok fagrt.

15 *Gönguhrólfr gerr útlægr.*

24. Rögnvaldr Mœrajarl var hinn mesti ástvin Haralds konungs, ok konungr virði hann mikils. Rögnvaldr jarl átti Hildi, dóttur Hrólfs nefu; synir þeira váru þeir Hrólfr ok Þórir. Rögnvaldr jarl átti ok friðusonum 3, hét einn Hallaðr, annarr Einarr, þriði Hrollaugr. Þeir váru rosknir, þá er hinir skírbornu bræðr þeira váru börn. Hrólfr var víkingr mikill; hann var svá mikill maðr vexti, at engi hestr mátti bera hann, ok gékk hann hvargi sem hann fór; hann var kallaðr Gönguhrólfr. Hann herjaði mjök í Austr-
25 vegu. Á einu sumri er hann kom or víkingu austan í Víkina, þá hjó hann þar strandhögg. Haraldr konungr var í Víkinni; hann varð mjök reiðr, þá er hann spurði þetta, því at hann hafði mikit barn á lagt at ræna innanlands. Konungr lýsti því á þingi, at hann gerði Hrólfi út-
30 laga af Noregi. En er þat spurði Hildir, móðir hans, þá fór hon á fund konungs ok bað friðar Hrólfi. Konungr var svá reiðr, at henni týði ekki at biðja. Þá kvað Hildir þetta:

Hafhit nefju nafna! Þú er við álf at ylfask;
 Nú rekit gandr or landi Yggs valbríkar slíkan;
 horskap hauka, bárra, muna við hilmis hjardir
 hví bellit því stillir? hæg, ef hann renn til skógar.

Gönguhrólfur fór síðan vestr um haf til Suðræyjá, ok þaðan fór hann vestr í Valland ok herjaði þar ok eignaðist jarlsríki mikit ok byggði þar mjök Norðmönnum, ok er þar síðan kallað Norðmandi. Son Gönguhrólfs var Vilhjálmr, faðir Ríkarðar, föður annars Ríkarðar, föður Röðberts löngum spaða, föður Vilhjálms bástarðs Englakonungs; frá honum eru síðan komnir Englakonungar allir. Af Hrólfs ætt eru ok komnir jarlar í Norðmandi.

Ragnhildr dróttning hin ríka lifði síðan 8 vetr, er hon kom í Noreg. En eftir dauða hennar fór Eiríkr son þeirra Haralds konungs til fósturs í Fjörðu til Þóris hersis Hróaldssonar, ok fœddist hann þar upp.

Frá Svasa jötni.

25. Haraldur konungr fór einn vetr at vélzlum um Upplönd ok lét búa sér til jólaveizlu á Þoptum. Jólaáptan kom Svasi fyrir dyrr, þá er konungr sat yfir borðum. Hann sendi konungi boð, at hann skyldi út ganga til hans, en konungr brást reiðr við þessum sendiboðum, ok bar hinn sami maðr reiði kónungs út, sem honum hafði borið boðin inn. En Svasi bað bera eigi at síðr annat sinn erendit, ok kvað sik vera þann Finninn, er konungr hafði jättat at setja gamma sinn þar annan veg brekkunnar. En konungr gekk út ok varð honum þess játsi at fara heim með honum, ok gekk yfir brekkuna í gamma hans með áeggjan sumra manna sinna, þótt sumir lettí. Þar stóð upp Snæfríðr, dóttir Svasa, kvenna fríðust, ok byrtaði konungi ker fult mjaðar, en konungr tók alt saman, kerit ok hönd hennar, ok þegar var sem elds hiti kvæmi í hörund honum, ok vildi þegar hafa samræði við hana á þeirri nótt. En Svasi sagði, at það mundi eigi vera nema at honum nauðgum,

nema konungr festi hana ok féngi at lögum. En konungr
 festi Snæfríðr ok fékk hennar, ok unni svá með ærslum, at
 ríki sitt ok alt þat er konungs tign byrjaði þá fyrirlét
 hann. Þá áttu 4 sonar, Sigurðr brísi, Hálfdan hálegggr,
 5 Guðröðr ljómi, Rögnvaldr réttilbeini. Síðan dó Snæfríðr,
 en litr hennar skipaðist á engan veg; var hon jafnþjóð seth
 þá er hon var kvik. Konungr sat æ yfir henni, ok hugði
 at hon mundi lifna; fór svá fram 3 vetr, at hann syrgði
 hana dauða, en allr lands lýðr syrgði hann viltan. En
 10 þessa villu at lægja kom til lækna Þorleifr spaki, er með
 víti lægði þá villu, fyrst með eptirmæl með þessum hætti.
 Eigi er kynligt, konungr, at þú munir svá fríða konu ok
 kynstóra, ok tignir hana á dumi ok á guðvefi, sem hon
 bað þik; en tign þín er minni en hœfir, ok hennar, í því
 15 at hon liggir oflengi í sama fatnaði, ok er miklu sannligra,
 at hon sé hrœð ok sé skipt undir henni klæðum. En
 þegar er hon var hrœð or rekkjunni, þá skær yfau ok
 úþefani ok hverskyns illum fnyk af líkamanum, var þá
 hvatat at bali ok var hon brend; blánaði þó ær allr líkaminn
 20 ok ullu þar or ormar ok eðlur, froskar ok pöddur ok
 allskyns illyrmi. Seig hon svá í ösku, en konungr steig
 til vizku ok hugði af heimsku, styrði síðan ríki sínu, ok
 styrktist ok gladdist hann af þegnum sínum, en þegnar
 af honum, en ríki af hvarutveggja.

25 *Frá Þjóðólfi or Hvini.*
 26. Eptir þat er Haraldr konungr hafði reynt svik
 Finnunnar, varð hann svá reiðr, at hann rak frá sér sonu
 sína ok Finnunnar, ok vildi eigi sjá þá. En Guðröðr ljómi
 fór á fund Þjóðólfs hins hvinverska fóstroföður síns ok bað
 30 hann fara með sér til konungs, því at Þjóðólfr var ástvin
 Haralds konungs; en konungr var þá á Upplöndum.
 Þeir fóru, er þeir váru búnir, ok komu síð aptans til
 konungs, ok settust niðr utarlíga ok duldust. Konungr
 gekk á gólfinu ok sá á bekkina, en hann hafði veizlu
 minna 10. 21. 194. 18. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100. 101. 102. 103. 104. 105. 106. 107. 108. 109. 110. 111. 112. 113. 114. 115. 116. 117. 118. 119. 120. 121. 122. 123. 124. 125. 126. 127. 128. 129. 130. 131. 132. 133. 134. 135. 136. 137. 138. 139. 140. 141. 142. 143. 144. 145. 146. 147. 148. 149. 150. 151. 152. 153. 154. 155. 156. 157. 158. 159. 160. 161. 162. 163. 164. 165. 166. 167. 168. 169. 170. 171. 172. 173. 174. 175. 176. 177. 178. 179. 180. 181. 182. 183. 184. 185. 186. 187. 188. 189. 190. 191. 192. 193. 194. 195. 196. 197. 198. 199. 200. 201. 202. 203. 204. 205. 206. 207. 208. 209. 210. 211. 212. 213. 214. 215. 216. 217. 218. 219. 220. 221. 222. 223. 224. 225. 226. 227. 228. 229. 230. 231. 232. 233. 234. 235. 236. 237. 238. 239. 240. 241. 242. 243. 244. 245. 246. 247. 248. 249. 250. 251. 252. 253. 254. 255. 256. 257. 258. 259. 260. 261. 262. 263. 264. 265. 266. 267. 268. 269. 270. 271. 272. 273. 274. 275. 276. 277. 278. 279. 280. 281. 282. 283. 284. 285. 286. 287. 288. 289. 290. 291. 292. 293. 294. 295. 296. 297. 298. 299. 300. 301. 302. 303. 304. 305. 306. 307. 308. 309. 310. 311. 312. 313. 314. 315. 316. 317. 318. 319. 320. 321. 322. 323. 324. 325. 326. 327. 328. 329. 330. 331. 332. 333. 334. 335. 336. 337. 338. 339. 340. 341. 342. 343. 344. 345. 346. 347. 348. 349. 350. 351. 352. 353. 354. 355. 356. 357. 358. 359. 360. 361. 362. 363. 364. 365. 366. 367. 368. 369. 370. 371. 372. 373. 374. 375. 376. 377. 378. 379. 380. 381. 382. 383. 384. 385. 386. 387. 388. 389. 390. 391. 392. 393. 394. 395. 396. 397. 398. 399. 400. 401. 402. 403. 404. 405. 406. 407. 408. 409. 410. 411. 412. 413. 414. 415. 416. 417. 418. 419. 420. 421. 422. 423. 424. 425. 426. 427. 428. 429. 430. 431. 432. 433. 434. 435. 436. 437. 438. 439. 440. 441. 442. 443. 444. 445. 446. 447. 448. 449. 450. 451. 452. 453. 454. 455. 456. 457. 458. 459. 460. 461. 462. 463. 464. 465. 466. 467. 468. 469. 470. 471. 472. 473. 474. 475. 476. 477. 478. 479. 480. 481. 482. 483. 484. 485. 486. 487. 488. 489. 490. 491. 492. 493. 494. 495. 496. 497. 498. 499. 500. 501. 502. 503. 504. 505. 506. 507. 508. 509. 510. 511. 512. 513. 514. 515. 516. 517. 518. 519. 520. 521. 522. 523. 524. 525. 526. 527. 528. 529. 530. 531. 532. 533. 534. 535. 536. 537. 538. 539. 540. 541. 542. 543. 544. 545. 546. 547. 548. 549. 550. 551. 552. 553. 554. 555. 556. 557. 558. 559. 560. 561. 562. 563. 564. 565. 566. 567. 568. 569. 570. 571. 572. 573. 574. 575. 576. 577. 578. 579. 580. 581. 582. 583. 584. 585. 586. 587. 588. 589. 590. 591. 592. 593. 594. 595. 596. 597. 598. 599. 600. 601. 602. 603. 604. 605. 606. 607. 608. 609. 610. 611. 612. 613. 614. 615. 616. 617. 618. 619. 620. 621. 622. 623. 624. 625. 626. 627. 628. 629. 630. 631. 632. 633. 634. 635. 636. 637. 638. 639. 640. 641. 642. 643. 644. 645. 646. 647. 648. 649. 650. 651. 652. 653. 654. 655. 656. 657. 658. 659. 660. 661. 662. 663. 664. 665. 666. 667. 668. 669. 670. 671. 672. 673. 674. 675. 676. 677. 678. 679. 680. 681. 682. 683. 684. 685. 686. 687. 688. 689. 690. 691. 692. 693. 694. 695. 696. 697. 698. 699. 700. 701. 702. 703. 704. 705. 706. 707. 708. 709. 710. 711. 712. 713. 714. 715. 716. 717. 718. 719. 720. 721. 722. 723. 724. 725. 726. 727. 728. 729. 730. 731. 732. 733. 734. 735. 736. 737. 738. 739. 740. 741. 742. 743. 744. 745. 746. 747. 748. 749. 750. 751. 752. 753. 754. 755. 756. 757. 758. 759. 760. 761. 762. 763. 764. 765. 766. 767. 768. 769. 770. 771. 772. 773. 774. 775. 776. 777. 778. 779. 780. 781. 782. 783. 784. 785. 786. 787. 788. 789. 790. 791. 792. 793. 794. 795. 796. 797. 798. 799. 800. 801. 802. 803. 804. 805. 806. 807. 808. 809. 810. 811. 812. 813. 814. 815. 816. 817. 818. 819. 820. 821. 822. 823. 824. 825. 826. 827. 828. 829. 830. 831. 832. 833. 834. 835. 836. 837. 838. 839. 840. 841. 842. 843. 844. 845. 846. 847. 848. 849. 850. 851. 852. 853. 854. 855. 856. 857. 858. 859. 860. 861. 862. 863. 864. 865. 866. 867. 868. 869. 870. 871. 872. 873. 874. 875. 876. 877. 878. 879. 880. 881. 882. 883. 884. 885. 886. 887. 888. 889. 890. 891. 892. 893. 894. 895. 896. 897. 898. 899. 900. 901. 902. 903. 904. 905. 906. 907. 908. 909. 910. 911. 912. 913. 914. 915. 916. 917. 918. 919. 920. 921. 922. 923. 924. 925. 926. 927. 928. 929. 930. 931. 932. 933. 934. 935. 936. 937. 938. 939. 940. 941. 942. 943. 944. 945. 946. 947. 948. 949. 950. 951. 952. 953. 954. 955. 956. 957. 958. 959. 960. 961. 962. 963. 964. 965. 966. 967. 968. 969. 970. 971. 972. 973. 974. 975. 976. 977. 978. 979. 980. 981. 982. 983. 984. 985. 986. 987. 988. 989. 990. 991. 992. 993. 994. 995. 996. 997. 998. 999. 1000. 1001. 1002. 1003. 1004. 1005. 1006. 1007. 1008. 1009. 1010. 1011. 1012. 1013. 1014. 1015. 1016. 1017. 1018. 1019. 1020. 1021. 1022. 1023. 1024. 1025. 1026. 1027. 1028. 1029. 1030. 1031. 1032. 1033. 1034. 1035. 1036. 1037. 1038. 1039. 1040. 1041. 1042. 1043. 1044. 1045. 1046. 1047. 1048. 1049. 1050. 1051. 1052. 1053. 1054. 1055. 1056. 1057. 1058. 1059. 1060. 1061. 1062. 1063. 1064. 1065. 1066. 1067. 1068. 1069. 1070. 1071. 1072. 1073. 1074. 1075. 1076. 1077. 1078. 1079. 1080. 1081. 1082. 1083. 1084. 1085. 1086. 1087. 1088. 1089. 1090. 1091. 1092. 1093. 1094. 1095. 1096. 1097. 1098. 1099. 1100. 1101. 1102. 1103. 1104. 1105. 1106. 1107. 1108. 1109. 1110. 1111. 1112. 1113. 1114. 1115. 1116. 1117. 1118. 1119. 1120. 1121. 1122. 1123. 1124. 1125. 1126. 1127. 1128. 1129. 1130. 1131. 1132. 1133. 1134. 1135. 1136. 1137. 1138. 1139. 1140. 1141. 1142. 1143. 1144. 1145. 1146. 1147. 1148. 1149. 1150. 1151. 1152. 1153. 1154. 1155. 1156. 1157. 1158. 1159. 1160. 1161. 1162. 1163. 1164. 1165. 1166. 1167. 1168. 1169. 1170. 1171. 1172. 1173. 1174. 1175. 1176. 1177. 1178. 1179. 1180. 1181. 1182. 1183. 1184. 1185. 1186. 1187. 1188. 1189. 1190. 1191. 1192. 1193. 1194. 1195. 1196. 1197. 1198. 1199. 1200. 1201. 1202. 1203. 1204. 1205. 1206. 1207. 1208. 1209. 1210. 1211. 1212. 1213. 1214. 1215. 1216. 1217. 1218. 1219. 1220. 1221. 1222. 1223. 1224. 1225. 1226. 1227. 1228. 1229. 1230. 1231. 1232. 1233. 1234. 1235. 1236. 1237. 1238. 1239. 1240. 1241. 1242. 1243. 1244. 1245. 1246. 1247. 1248. 1249. 1250. 1251. 1252. 1253. 1254. 1255. 1256. 1257. 1258. 1259. 1260. 1261. 1262. 1263. 1264. 1265. 1266. 1267. 1268. 1269. 1270. 1271. 1272. 1273. 1274. 1275. 1276. 1277. 1278. 1279. 1280. 1281. 1282. 1283. 1284. 1285. 1286. 1287. 1288. 1289. 1290. 1291. 1292. 1293. 1294. 1295. 1296. 1297. 1298. 1299. 1300. 1301. 1302. 1303. 1304. 1305. 1306. 1307. 1308. 1309. 1310. 1311. 1312. 1313. 1314. 1315. 1316. 1317. 1318. 1319. 1320. 1321. 1322. 1323. 1324. 1325. 1326. 1327. 1328. 1329. 1330. 1331. 1332. 1333. 1334. 1335. 1336. 1337. 1338. 1339. 1340. 1341. 1342. 1343. 1344. 1345. 1346. 1347. 1348. 1349. 1350. 1351. 1352. 1353. 1354. 1355. 1356. 1357. 1358. 1359. 1360. 1361. 1362. 1363. 1364. 1365. 1366. 1367. 1368. 1369. 1370. 1371. 1372. 1373. 1374. 1375. 1376. 1377. 1378. 1379. 1380. 1381. 1382. 1383. 1384. 1385. 1386. 1387. 1388. 1389. 1390. 1391. 1392. 1393. 1394. 1395. 1396. 1397. 1398. 1399. 1400. 1401. 1402. 1403. 1404. 1405. 1406. 1407. 1408. 1409. 1410. 1411. 1412. 1413. 1414. 1415. 1416. 1417. 1418. 1419. 1420. 1421. 1422. 1423. 1424. 1425. 1426. 1427. 1428. 1429. 1430. 1431. 1432. 1433. 1434. 1435. 1436. 1437. 1438. 1439. 1440. 1441. 1442. 1443. 1444. 1445. 1446. 1447. 1448. 1449. 1450. 1451. 1452. 1453. 1454. 1455. 1456. 1457. 1458. 1459. 1460. 1461. 1462. 1463. 1464. 1465. 1466. 1467. 1468. 1469. 1470. 1471. 1472. 1473. 1474. 1475. 1476. 1477. 1478. 1479. 1480. 1481. 1482. 1483. 1484. 1485. 1486. 1487. 1488. 1489. 1490. 1491. 1492. 1493. 1494. 1495. 1496. 1497. 1498. 1499. 1500. 1501. 1502. 1503. 1504. 1505. 1506. 1507. 1508. 1509. 1510. 1511. 1512. 1513. 1514. 1515. 1516. 1517. 1518. 1519. 1520. 1521. 1522. 1523. 1524. 1525. 1526. 1527. 1528. 1529. 1530. 1531. 1532. 1533. 1534. 1535. 1536. 1537. 1538. 1539. 1540. 1541. 1542. 1543. 1544. 1545. 1546. 1547. 1548. 1549. 1550. 1551. 1552. 1553. 1554. 1555. 1556. 1557. 1558. 1559. 1560. 1561. 1562. 1563. 1564. 1565. 1566. 1567. 1568. 1569. 1570. 1571. 1572. 1573. 1574. 1575. 1576. 1577. 1578. 1579. 1580. 1581. 1582. 1583. 1584. 1585. 1586. 1587. 1588. 1589. 1590. 1591. 1592. 1593. 1594. 1595. 1596. 1597. 1598. 1599. 1600. 1601. 1602. 1603. 1604. 1605. 1606. 1607. 1608. 1609. 1610. 1611. 1612. 1613. 1614. 1615. 1616. 1617. 1618. 1619. 1620. 1621. 1622. 1623. 1624. 1625. 1626. 1627. 1628. 1629. 1630. 1631. 1632. 1633. 1634. 1635. 1636. 1637. 1638. 1639. 1640. 1641. 1642. 1643. 1644. 1645. 1646. 1647. 1648. 1649. 1650. 1651. 1652. 1653. 1654. 1655. 1656. 1657. 1658. 1659. 1660. 1661. 1662. 1663. 1664. 1665. 1666. 1667. 1668. 1669. 1670. 1671. 1672. 1673. 1674. 1675. 1676. 1677. 1678. 1679. 1680. 1681. 1682. 1683. 1684. 1685. 1686. 1687. 1688. 1689. 1690. 1691. 1692. 1693. 1694. 1695. 1696. 1697. 1698. 1699. 1700. 1701. 1702. 1703. 1704. 1705. 1706. 1707. 1708. 1709. 1710. 1711. 1712. 1713. 1714. 1715. 1716. 1717. 1718. 1719. 1720. 1721. 1722. 1723. 1724. 1725. 1726. 1727. 1728. 1729. 1730. 1731. 1732. 1733. 1734. 1735. 1736. 1737. 1738. 1739. 1740. 1741. 1742. 1743. 1744. 1745. 1746. 1747. 1748. 1749. 1750. 1751. 1752. 1753. 1754. 1755. 1756. 1757. 1758. 1759. 1760. 1761. 1762. 1763. 1764. 1765. 1766. 1767. 1768. 1769. 1770. 1771. 1772. 1773. 1774. 1775. 1776. 1777. 1778. 1779. 1780. 1781. 1782. 1783. 1784. 1785. 1786. 1787. 1788. 1789. 1790. 1791. 1792. 1793. 1794. 1795. 1796. 1797. 1798. 1799. 1800. 1801. 1802. 1803. 1804. 1805. 1806. 1807. 1808. 1809. 1810. 1811. 1812. 1813. 1814. 1815. 1816. 1817. 1818. 1819. 1820. 1821. 1822. 1823. 1824. 1825. 1826. 1827. 1828. 1829. 1830. 1831. 1832. 1833. 1834. 1835. 1836. 1837. 1838. 1839. 1840. 1841. 1842. 1843. 1844. 1845. 1846. 1847. 1848. 1849. 1850. 1851. 1852. 1853. 1854. 1855. 1856. 1857. 1858. 1859. 1860. 1861. 1862. 1863. 1864. 1865. 1866. 1867. 1868. 1869. 1870. 1871. 1872. 1873. 1874. 1875. 1876. 1877. 1878. 1879. 1880. 1881. 1882. 1883. 1884. 1885. 1886. 1887. 1888. 1889. 1890. 1891. 1892. 1893. 1894. 1895. 1896. 1897. 1898. 1899. 1900. 1901. 1902. 1903. 1904. 1905. 1906. 1907. 1908. 1909. 1910. 1911. 1912. 1913. 1914. 1915. 1916. 1917. 1918. 1919. 1920. 1921. 1922. 1923. 1924. 1925. 1926. 1927. 1928. 1929. 1930. 1931. 1932. 1933. 1934. 1935. 1936. 1937. 1938. 1939. 1940. 1941. 1942. 1943. 1944. 1945. 1946. 1947. 1948. 1949. 1950. 1951. 1952. 1953. 1954. 1955. 1956. 1957. 1958. 1959. 1960. 1961. 1962. 1963. 1964. 1965. 1966. 1967. 1968. 1969. 1970. 1971. 1972. 1973. 1974. 1975. 1976. 1977. 1978. 1979. 1980. 1981. 1982. 1983. 1984. 1985. 1986. 1987. 1988. 1989. 1990. 1991. 1992. 1993. 1994. 1995. 1996. 1997. 1998. 1999. 2000. 2001. 2002. 2003. 2004. 2005. 2006. 2007. 2008. 2009. 2010. 2011. 2012. 2013. 2014. 2015. 2016. 2017. 2018. 2019. 2020. 2021. 2022. 2023. 2024. 2025. 2026. 2027. 2028. 2029. 2030. 2031. 2032. 2033. 2034. 2035. 2036. 2037. 2038. 2039. 2040. 2041. 2042. 2043. 2044. 2045. 2046. 2047. 2048. 2049. 2050. 2051. 2052. 2053. 2054. 2055. 2056. 2057. 2058. 2059. 2060. 2061. 2062. 2063. 2064. 2065. 2066. 2067. 2068. 2069. 2070. 2071. 2072. 2

nökkura, ok var mjöðr blándinn, þá kvað hann þetta fyrir munni sér:

Mjök eru mínir rekkan ok hér komur, bér; til mjöðgjarnir fornir; því erut afar margir?

Þá svaraði Þjóðólfr:

Höfðum vér í höfði með vellbrota vitrum;
högg at eggja leiki várum þá til margir.

Þjóðólfr tók þá ofan höttinn, ok kendi konung, hann þá ok fagnaði honum vel. Þá bað Þjóðólfr, at konungr skylði eigi fyrirlíta sonu sína, því at fúsir væri þeir at leiga 10
betra móðerni, ef þú hefir þeim þat fengit. Konungr jattaði honum því, ok bað hann hafa Guðröð heim með sér, svá sem hann hafði fyrr verit, en Sigurð ok Hálfðan 11
bað hann fara á Hringaríki, en Rögnvald á Haðaland. Þeir gera sem konungr bauð, gerðust þeir allir vaskir menn 15
ok vel búnir at íþróttum. Haraldr konungr sat þá um kyrt innan lands, ok var friðr góðr ok árferð.

Upphaf Torfeinars jarls.

27. Rögnvaldr jarl á Mœri spurði fall Sigurðar bróður síns, ok þat, at þá sátu í löndunum víkingar; þá sendi 20
hann vestr Hallað son sinn, ok tók hann jarlsnafn ok hafði lið mikit með sér. En er hann kom til Orkneyja, þá settist hann í löndin; en bæði á haust ok um vetr ok um vár 25
fóru víkingar um eyjar, namu nesnám ok hjoggu strandhögg. Þat leiddist Hallaði jarli at sitja í eyjunum, veltist 25
hann þá or jarldóminum ok tók haultsrétt; fór hann síðan austr í Noreg. En er Rögnvaldr jarl spurði þetta, lét hann illa yfir ferð Hallaðar, sagði at synir hans mundu verða 30
úlikir forellri sínu. Þá svaraði Einarr: ek hefi lítinn metnað af þér; á ek við litla ást at skiljast; mun ek fara vestr til 30
eyja, ef þú vilt fá mer styrk nökkurn; mun ek því heita, er þér mun allmikill fagnaðr á vera, at ek mun eigi aptr koma til Noregs. Rögnvaldr sagði, at þat líkaði honum

vel, at hann kvæmi eigi aptr, því at mér er lítil ván, at frændum þínum sé soemd at þér, því at móðurætt þín öll er þrælborin. Rögnvaldr fékk Einari eitt langskip ok skipaði til handa honum. Sigldi Einarr um haustit vestr um haf, en er hann kom til Orkneyja, þá lágu þar fyrir víkingar tveim skipum, Þórir tréskegg ok Kálfr skurfa. Einarr lagði þegar til orrostu við þá ok hafði sigr, en þeir féllu báðir. Þá var þetta kveðit:

10 Þá gaf hann Tréskegg tröllum,
Torfeinarr drap Skurfu.

Hann var því kallaðr Torfeinarr, at hann lét skera torf ok hafði þat fyrir eldivið, því at engi var skógr í Orkneyjum. Síðan gerðist Einarr jarl yfir eyjunum, ok var hann ríkr maðr; hann var ljótr maðr ok einsýnn, ok þó 15 manna skygnastr.

Andlát Eiríks konungs Eymundarsonar.

28. Guthormr hertogi sat optast í Túnssbergi, ok hafði yfirsókn allt um Víkina, þá er konungr var eigi nær, ok hafði þar landvörn; var þar mjök herskátt af víkingum, en úfriðr var upp á Gautlandi, meðan Eiríkr konungr lifði Eymundarson. Hann andaðist þá er Haraldr konungr hinn hárfagri hafði verið 10 vetr konungr í Noregi.

Dauði Guthorms hertoga.

29. Eptir Eirík konung var konungr í Svíþjóð Björn son hans 50 yetra. Hann var faðir þeira Eiríks hins sigrsæla ok Ólafs föður Styrbjarnar. Guthormr hertogi varð sótt dauðr í Túnssbergi; þá gaf Haraldr konungr yfirsókn ríkis þess alls Guthormi syni sínum, ok setti hann þar höfðingja yfir.

30. *Brenna Rögnvalds Mærqjarls.*

30. Þá er Haraldr konungr var fertugr at aldri, þá váru margir synir hans vel á legg komnir; þeir váru allir

bráðgervir. Kom þá svá, at þeir undu illa við, er konungr gaf þeim ekki ríki, en setti jarl í hverju fylki, ok þótti þeim jarlar vera smábornari en þeir váru. Þá fóru þeir til á einu vári, Hálfðan háleggr ok Guðröðr ljómi með mikla sveit manna, ok kómu á úvart Rögnvaldi Moerajarli 5 ok tóku hús á honum ok brendu hann inni með 60 manna. Þá tók Hálfðan langskip 3 ok skipaði ok sigldi síðan vestr um haf, en Guðröðr settist þar at löndum, sem áðr hafði haft Rögnvaldr Moerajarl. En er Haraldr konungr spurði þetta, þá ferr hann þegar með liði miklu á hendr Guðröði, 10 ok sá Guðröðr engan annan sinn kost, en gefast upp í vald Haralds konungs, ok sendi konungr hann áustr á Agðir, en Haraldr konungr setti þá yfir Moerá Pórnison Rögnvalds jarls, ok gipti honum Álofu dóttur sína er kölluð var árbót. Þórir jarl þegjandi hafði þá ríki þvilíkt sem 15 haft hafði Rögnvaldr jarl faðir hans.

Dauði Hálfðanar háleggs.

31. Hálfðan háleggr kom vestr til Örkneyja ok mjök á úvart, ok flýði Einarr jarl þegar or eyjunum yfir á Næs, ok kom aptr þegar hit sama haust, ok kom þá á úvart 20 Hálfðani. Þeir hittust ok var þar skömm orrosta, ok flýði Hálfðan; var þat við nótt sjálfa, lágu þeir Einarr tjaldalausr um nóttina. En um morguninn er lýsa tók, þá leituðu þeir flóttamanna um eyjarnar, ok var hverr drepinn þar er staðinn varð. Þá mælti Einarr jarl: eigi veit ek, sagði 25 hann, hvárt ek sé út á Rínansey, mann eða fugl; stundum hefist upp en stundum leggst mör. Síðan fóru þeir þannug ok fundu þar Hálfðan hálegg ok tóku hann löndum. Einarr jarl kvað vísu þessa um aptaninn, áðr hann lagði til orrostu: 30

Sékat ek Hrólfs or hendi

né Hrøllaugi fljúga

dörr á dólga mengi;

dugir oss, föður hefna.

En í kveld, þar er knýjum,

at keratsumi, römu,

þegjandi sitr þetta

Þórir jarl á Moerí.

Þá gekk Einarr jarl til Hálfðanar; hann reist örn á baki honum með þeim hætti, at hann lagði sverði á hol við hrygginn ok reist rifin öll ofan alt á lendar, dró þar út lungun; var þat bani Hálfðanar. Þá kvað Einarr:

- 5 Rekit hefi ek Rögnvalds dauða, Verpit, snarpir sveinar,
 (rétt skiptu því nornir), því at sigri vér ráðum,
 — nú er fólksstuðill fallinn — — skatt vel ek honum harðan —
 at fjörðungi mínum. at háfetu grjóti.

Síðan settist Einarr jarl at Orkneyjum, sem fyrr hafði hann
 10 haft. En er tíðindi þessi spyrjast í Noreg, þá kunnu þessu stórilla bræðr Hálfðanar, ok töldu hefnda fyrir vert, ok margir sönnuðu þat aðrir. En er Einarr jarl spyr þetta, þá kvað hann:

- Eru til míns fjörs margir en þó viltu þeygi
 menn um sannar deildir þeir, æðr mik hafi feldan,
 15 or ýmisum áttum, hverr ilþorna arnar
 úsmábornir, gjarnir; undir þlýtr at lúta.

Sætt Haralds konungs ok Einars jarls.

32. Haraldr konungr bauð liði út ok dró saman her mikinn, ok fór síðan vestr til Orkneyja. En er Einarr jarl
 20 spurði, at Haraldr konungr var austan kominn, ferr hann yfir á Nes, ok kvað visu:

- Margr verðr sekr um saði, þætt segja mér hauldar
 seggr með fögru skeggi, við hugfullan stilli;
 en ek at ungs í eyjum Haralds hefi ek skarð í skildi
 25 allvalds sonar falli; — skalat ugga þat — höggvit

Þá fóru menn ok orðsendingar milli konungs ok jarls; kom þá svá, at þar varð á komit stefnulagi, ok finnast þeir sjálfir, ok festi þá jarl alt í konungs dóm. Haraldr konungr
 30 gjalda 60 marka gulls. Bóndum þótti gjald ofmikit; þá bauð jarl þeim, at hann mundi einnsaman gjalda, ok skyldi hann eignast þá óðul öll í eyjunum. Þessu játtuðu þeir, mest fyrir þá sök, at hinir snauðu áttu litlar jarðir, en

hinir auðgu hugðust mundu leysa sín óðul þegar er þeir vildu. Leysti jarl allt gjaldit við konung, fór konungr þá austr aptr um haustit. Var þat lengi síðan í Orkneyjum, at jarlar áttu óðul öll, alt þar til er Sigurðr Hlökkviðsson gaf aptr óðulin.

5

Fall Guthorms ok Hálfðanar hvíta.

33. Guthormr, son Haralds konungs, hafði landvörn fyrir Víkinni, ok fór hann með herskipum hit ytra. En er hann lá í Elfarkvíslum, þá kom þar Sölvi klofi ok lagði til bardaga við hann; þar féll Guthormr. Hálfðan svarti ok Hálfðan hvíti lágu í víking ok herjuðu um Austrveg. Þeir áttu orrostu mikla á Eistlandi; þar féll Hálfðan hvíti.

10

Kvánfang Eiríks konungs.

34. Eiríkr Haraldsson var at fóstri með Þóri hersi Hróaldseyni í Fjörðum; honum unni Haraldr konungr mest sona sinna ok virði hann mest. Þá er Eiríkr var 12 vetra gamall, gaf Haraldr konungr honum fim langskip, ok fór hann í hernaði; fyrstr í Austrveg, ok þá suðr um Danmörk ok um Fríslanð ok Saxland, ok dvaldist í þeirri ferð 4 vetr. Eptir þat fór hann vestr um haf ok herjaði um Skotland ok Bretland, Írland ok Vallanð, ok dvaldist þar aðra 4 vetr. Eptir þat fór hann norðr á Finnmörk ok alt til Bjarmalands, ok átti þar orrostu mikla ok hafði sigr. Þá er hann kom aptr á Finnmörk, þá fundu menn hans í gamma einum konu, þá er þeir höfðu enga sēt jafnvæna. Hon nefndist fyrir þeim Gunnhildr, ok sagði at faðir hennar bjó á Hálogalandi, er hét Özurr toti. Ek hefi hér verit til þess, segir hon, at nema kunnostu at Finnum tveim, er hér eru fróðastir á Mörkinni; nú eru þeir farnir á veiðar, en báðir þeir vilja eiga mik, ok báðir eru þeir svá vissir, at þeir rekja spor sem hundar, bæði á þá ok á hjarni; þeir kunna ok svá vel á skíðum, at ekki má forðast þá, hvárki menn né dýr, en hvatki er þeir skjóta til, þá hœfa þeir. Svá hafa þeir fyrirkómit hverjum manni, er hér hefir

15

20

25

30

komit í nánd, ok ef þeir verða reiðir, þá sýst, jörð um
 fyrir sjónum þeira, en ef hökkur kvíkt verður fyrir sjónum
 þeira, þá fellr dauðt niðr. Nú megut þér fyrir engan mun
 verða á veg þeira, nema ek fela yðr hér í gammanum,
 5 skulut þér þá freista, ef vér fám drepit. Þá. . . Þeir þakust
 þetta, ok hon fal þá. . . Hon tók línsekk einn, ok hugðu þeir
 at aska væri í, hon tók þar í hendi sinni, ok sari því um
 gammann utan ok innan. . . Litlu síðar koma Finnaar heim.
 Þeir spyrja hvat þar er komit. Hon segir at þar er ekki
 10 komit. Finnaar þykkir þat undarligt, er þeir höfðu rakit
 spor alt at gammanum, en síðan áinna þeir ekki. Þá geta
 þeir sér eld ok matbúa, en er þeir váru mettir, þá býr
 Gunnhildr rekkju sína. . . En svá hafði áðr farit 3 nætr, at
 Gunnhildr hafði sofa, en hvárt þeira hefir vakat yfir öðrum
 15 fyrir ábrýðis sakir. Þá mælti hon til Finna: farit nú hingat
 ok liggi á sína hlið mér hvár ykkarr. . . Þeir urðu þessu
 fegnir, ok gerdú svá. . . Hon hélt sinni hendi upa hals hvárum
 þeira. . . Þeir sófna þegar, en hon vegr þá, ok enn bráðliga
 sofna þeir, ok svá fast, at hon fær varliga vakit þá. . . Ok
 20 enn sofna þeir; ok fær hon þá fyrir engan mun vakit þá.
 Ok þá setr hon þá upp, ok enn sofa þeir. Hon tekr þá sel-
 belgi 2 mikla ok steypir yfir höfuð þeir, ok bindr at
 stærkliga fyrir neðan hendurnar. . . Þá gerir hon bendíng
 konungsmönnum, hlampa þeir þá fram ok bera vápn á
 25 Finna, ok fá hlaðit þeim draga þá út or gammanum. . . Un-
 nóttina eftir váru þeir þar þá svá stórar, at þeir máttu
 hvergi fara. . . En at morgni fóru þeir til skips, ok höfðu
 Gunnhildr með sér ok ferðu hana Eiríki. Fóru þeir Eiríkr
 þá suðr til Hálögelands. Hann stefndi til sín Özurr tota.
 30 Eiríkr segir at hann vill fá höttur hans. Özurr játar þvá;
 fær þá Eiríkr Gunnhildar ok hefir hana með sér yfir á land.

. . . Haraldur segir at hann vill fá höttur hans. Özurr játar þvá;

. . . Haraldur skiptir ríki með sonum sínum,

35. Haraldur konungur fær þá fimtugr at aldri, er
 synir hans váru margir roskels enlaunir dauðir. Þeir getu-

ust margir ofstopamenn miklir innanlands ok váru sjálfir
 úsattir; þeir ráku af eignum jála konungs, en sumu drápu
 þeim. Haraldr konungr stefndi þá þing fjölmengt suðr í
 landi ok bauð til Upplendingum. Þá gaf hann sonum
 einum konunganöfn, ok setti þat í lögum, at hans ættmenn
 skyldi hverr konungdóm eptir sínu föður taka, en jarldóm
 sá er í lívensvipt væri af hans ætt kominn. Hann skipti
 landi með þeim: Vingulmörk, Raumaríki, Vestfold, Þela-
 mörk; þat gaf hann Ólafi, Binni, Sigtryggi, Fróða, Þorgísi.
 En Heiðmörk ok Guðbrandsdali gaf hann Dag ok Hring
 ok Ragnar. Snæfríðar sonum gaf hann Hringaríki, Hað-
 land, Þóti ok þat er þar liggir til. Guthormr hafði
 hann gefit til yfirsóknar frá Elfi til Svínasunds ok Ránríks;
 hann hafði hann sett til landvæðingar, enstr við landsenda,
 sem fyrir er ritat. Haraldr konungr sjálf var optast um
 milt land. Hrorekr ok Guðröðr váru jafnan innan þeirðar
 með konungi, ok höfðu veizlur stótar á Hördalandi ok í
 Sogni. Eiríkr var með Haraldri konungi föðr sínum; hann
 gaf hann Hállogaland ok Norðmæri ok Raumsdal. Norðr
 í Þrándheimi gaf hann yfirsókn Hálfdani svarta ok Hálfdani
 hvíta ok Sigröði. Hann gaf sonum sínum í hverju þessu
 fylki hálfar tekjur við sk, ok þat með, at þeir skyldu sitja
 í háseti, skör hæra en jarlar, en skör légra en hann sjálf.
 En þat sæti eptir hans dag ætlaði sér hver son hans, en
 hann sjálf ætlaði þat Eiríki, en Þrændir ælluðu þat Hálfdani
 svarta, en Víkverjar ok Upplendingar vunu þeim þent
 ríkis er þar vart þeim undir hendi. Af þessu völd mikil
 sundrþykki enn af nýju milli þeirra bræðra. En með því
 at þeir þóttust hafa lítit ríki, þá fóru þeir í hernað, svá
 sem sagt er, at Guthormr féll í Elfarkvíslum fyrir Sölda
 klöfa. Eptir þat tók Ólafr við því ríki er hann hafði haft.
 Hálfdan hvíti féll á Eistlandi; Hálfdan háleggur féll í Orkn-
 eyjum. Þeim Þorgísi ok Fróða gaf Haraldr konungr her-
 skip, ok fóru þeir í Vestrvíking ok herjaðu um Skotland
 ok Bretland ok Írland. Þeir eignaðust fyrst Norðmanna

Dyflinni. Svá er sagt, at Fróða væri gefinn banadrykkur, en Þorgísl var lengi konungr yfir Dyflinni, ok var svikinn af Írum ok féll þar.

Dauði Rognvalds réttilbeina.

5 36. Eiríkr blöðox ætlaði at vera yfirkonungr allra bræðra sinna, ok svá vildi ok Haraldr konungr vera láta; varu þeir feðgar löngum ásamt. Rognvaldr réttilbeini ætti Haðaland, hann nam fjölkýngi ok gerðist seiðmaðr. Haraldr konungr þóttu til seiðmenn. Á Haðalandi var sá seið-
10 maðr er hét Vitgeirr; konungr sendi honum orð ok bað hann hætta seið. Hann svaraði ok kvað:

15 Þat er vá lítil er Rognvaldr síðr,
at vér síðim réttilbeini,
karla börn hróðmógr Haralds
ok kerringa, á Haðalandi.

En er Haraldr konungr heyrði þetta, þá fór með hans ráði Eiríkr til Upplanda, ok kom á Haðaland ok brændi inni Rognvald bróður sinn með 80 seiðmennum; ok var þat verk lofat mjök.

20 *Dauði Guðröðar ljóma.*

37. Guðröðr ljómi var um vetrinn með Þjóðólfi í Hvíni, fóstfóðr áttum, á kynnisókn, ok hafði skútu alþipaða, ok vildi hann fara norðr á Rogaland. Þá lögðust á stórmán miklit, en Guðröðr var títt um ferð sína,
25 ok lét hann illa um dvölina. Þá kvað Þjóðólfr:

Fariða ér, áðr fleyja Vindbýsna skaltu, vísi
flatvöllr, héðan, batnár; víðfrægr, héðan bíða;
Verpr Gests, vegr grjóta veru með oss, ena verð
Guðröðr him sjá stóran, viedr, nú er þrim fykir Jaðri.

30 Guðröðr fór sem hann ætlaði, hvat sem Þjóðólfr mælti. En er þeir komu fyrir Jaðar, þá kafði skipit undir þeim, ok létust þar allir.

Fall Bjarnar kaupmanns.

38. Björn, son Haralds konunga, réð þá fyrir Vestfold, ok sat optast í Túnbergi, en var lítt í hernaði. Til Túnbergs sóttu mjök kaupskip, bæði þar um Víkina ok norðan or landi ok sunnan or Danmörk ok Saxlandi. 5 Björn konungr átti ok kaupskip í ferðum til annarra landa, ok aflaði sér svá dýrgripa eða annarra fanga, þeira er hann þóttist hafa þurfa. Bræðr hans kölluðu hann Björn farmann eða kaupmann. Björn var vitr maðr ok vel stíltr, ok þótti vænn til höfðingja. Hann fékk sér gott kvánfang 10 ok makligt; hann gat son er Guðröðr hét.

Eiríkr blóðöx kom or Austrveg með herskip ok lið mikit; hann beiddist af Birni bræðr sínum at taka við sköttum ok skyldum, þeim er Haraldr konungr átti á Vestfold, en hinn var aðr vandi, at Björn færi konungi skatt 15 eða sendi menn með; vildi hann enn svá, ok vildi eigi af höndum greiða. En Eiríkr þóttist vista þurfa ok tjalda ok drykkjar. Þeir bræðr þreyttu þetta með kappmælum, ok fékk Eiríkr eigi at heldr, ok fór brátt or þeim. Björn fór ok brátt or þeim um kveldit upp á Sæheim. Eiríkr 20 hvarf aptr, fór upp um nóttina á Sæheim eftir Birni, kom þar er þeir sátu yfir drykkju. Eiríkr tók hús á þeim, en þeir Björn gengu út ok börðust; þar féll Björn ok mart manna með honum; Eiríkr tók þar hversang mikit; fór síðan norðr í land. Þetta verk Ákaði stórra Víkverjan, ok var 25 Eiríkr þar mjök úþokkðr; fóru þau þóð um, sat Hálfr konungr munda hefna Bjarnar bræðr síns, of honum gæfi færi á. Björn konungr liggr í Farmannshugi á Sæheimi.

Sætt konunga.

39. Eiríkr konungr fór um vetrinn norðr á Mœri ok 30 tók veizlu í Sólva fyrir innan Agðanes. En er þat spurði Hálfdan svart, fór hann til með her ok tók hús á þeim. Eiríkr svaf í útiskemmu ok komst út til skógar við fimta mann. En þeir Hálfdan brendu bæinn ok lið alt þat er

inni var. Kom Eiríkr á fund Haralds konungs með þessum
 tíðindum. Konungur varð þessu ákaflega reiður, ok samnaði
 her saman, ok fór á hendr Þröndum. En er þat spyrr
 Hálfðan svarti, þá býr hann út líði ok skipum, ok verður
 5 allfjöldmennr, ok lagði út til Staðs fyrir innan Þórsbjörg.
 Haraldr konungur lá þá líði sínu út við Reinsléttu; fóru þá
 menn milli þeira. Guthormr sindri hét einn gófufr maðr;
 hann var í líði með Hálfðani svartá, en fyrr hafði hann
 verið með Haraldí konungi, ok var hann ástvinr beggja
 10 þeira. Guthormr var skáld mikit; hann hafði ort sitt kvæði
 um hvárn þeira feðga. Þeir höfðu honum boðit laun fyrir,
 en hann neitti, ok beiðdist at þeir skyldi veita honum eina
 böen, ok höfðu þeir því heitit. Hann fór þá á fund Har-
 alds konungs, ok bar sættarorð millum þeira, ok bað þá
 15 hvárntveggja þeirrar böenar, ok þess at þeir skyldi sættast.
 En konungar gerðu svá mikinn metnað hans, at af hans
 böen sættust þeir. Margir aðrir gófgir menn fluttu þetta
 mál með honum. Varð þat at sætt, at Hálfðan skyldi
 halda ríki öllu því er áðr hafði hann haft, skyldi hann ok
 20 láta úhætt við Eirík bróður sinn. Eptir þessi sögu orti
 Jörunn skáldmæðr nokkur erendi í Sendibit.

Harald frá ok Hálfðan(ar) spyrja synisk svartleitr megni.
 herðibrögð, en lögðis sjá bragr, hinn hárfagra.

40. Hákon Grjótagarsson Hlabjartur hafði alla yfirsökn

25 40. Hákon Grjótagarsson Hlabjartur hafði alla yfirsökn
 í Þrándheimi, þá er Haraldr konungur var annarsstaðar í
 landi, ok hafði Hákon mestán metnað í Þröndalögum af
 konungi. Eptir fall Hákonar tók Sigurðr son hans ríki
 ok gerðist jarl í Þrándheimi; hann hafði atsetu at Hlöðum.
 30 Með höntum fæddust upp synir Haralds konungs, Hálfðan
 svarti ok Sigroðr, en áðr varu þeir undir hendi Hákonar
 fæður hans. Þeir varu mjök jafnaðrar synir Haralds ok
 Sigurðr. Sigurðr jarl fékk Bergljótur dóttur Þóris jarls

þegjanda. Móðir hennar var Álof árbót dóttir Haralds konungs hárfagra. Sigurðr jarl var allra manna vitrastr.

En er Haraldr konungr tók at eldast, þá settist hann optliga at stórbúum, er hann átti á Hörðalandi á Alreksstöðum, eða á Sæheimi, eða á Eitjum, eða á Utsteini eða á Ögvaldsnesi í Kórmt. Þá er Haraldr konungr var nær 70 gat hann son. við konu þeiri er Þóra hét mostrstöng; hon var ættuð or Mostr. Hon átti góða frændr, ok var í frændsemistölu við Hörða-Kára. Hon var kvenna mest ok hún fríðasta. Hon var kölluð konungs ambátt. Váru þeir margir þá konungi lýðskyldir, er vel váru ættbornir, bæði karlar ok konur. Sá var þá siðr um göfugra manna börn at vanda mjök menn til at ausa vatni eða gefa nafn. En er at þeiri stundu kom, er Þóru var væn at hon mundi barn ala, þá vildi hon fara á fund Haralds konungs. Hann var þá norðr á Sæheimi, en hon var í Mostr. Hon fór þá norðr á skipi Sigurðar jarls. Þau lágu um nóttina við land; þar ól Þóra barn uppi á hellunni við bryggjuspordinn, þat var sveinbarn. Sigurðr jarl jós sveininn vatni ok kallaði Hákon eftir feðr sínum, Hákon Hlaðajarli. Sá sveinn var snimma, fríðr ok mikill vexti, ok mjök líkr feðr sínum. Haraldr konungr lét sveininn fylgja móður sinni, ok váru þau at konungsbúum meðan sveinninn var ungr.

Orðsending Aðalsteins konungs.

41. Aðalsteinn hét þá konungr í Englandi, er þá hafði nýtekit við konungdómi; hann var kallaðr hinn sigrsæli ok hinn trúfasti. Hann sendi menn til Noregs á fund Haralds konungs með þesskonar sending; at sendimaðr gækk fyrir konung; hann selr konungi sverð gullbúit með hjöltum ok meðalkafla, ok öll umgerð var hún með gulli ok silfri ok sett dýrligum gimsteinum. Hélt sendimaðrinn sverðshjöltunum til konungsins ok mælti: Hér er sverð er Aðalsteinn konungr sendi þér, ok mælti at þú skyldir við taka. Konungr tók meðalkaflann, ok þegar mælti sendi-

maðinn. Nú tóktu svá við sem vörð konungr vildi, ok nú
 skaltu þessa þegn hans, þess þú tókst við sverð hans. Haraldr
 konungr skildi nú, at þetta var með spótti gert, en hann
 vildi engis manna þegn verða. En þó, minnst hann þess,
 5 sem hans hátt var, at hvert sinn er skjót oðr þess, reiddi
 hljóp á hann, at hann stilti sik fyrst, ok lét svá renna af
 sér reiðina ok leit á sakar úreiðr. Nú gefir hann enn svá,
 ok bær þetta fyrir vini sína, ok finna þeir allir, samtán hér
 ráð til; þat hit fyrsta at þess sendimenn heim fara til þess.
 10 *Færð Hauks til Englands.*

42. Annat sumár þeir Aendi Haraldr konungr ship
 vestr til Englands, ok fékk til þostýrimann Hauk hábrók.
 Hann var kappi mikill ok himnikærsti konungs. Hann fékk
 í hönd honum Hákonson sinn. Haukr fór þá vestr til
 15 Englands á fund Adalsteins konungs ok fann hann í Lund-
 unum; þar var þá boð yfir ok veizla virðilig. Haukr
 segir sínum mönnum, þá er þeir koma at höllinni, hverug
 þeir skulu háttá inngöngunni, segir, at sá skal síðast út
 ganga er fyrstr gengr inn, ok allir standa jafnfram fyrir
 20 borðinu, ok hverr þeira hafa sverð á vinstri hlið ok festa
 svá yfir höfna at eigi sjái sverð. Síðan ganga þeir í
 höllina, þeir váru 30 manna. Gekk Haukr fyrir konung
 ok kvaddi hann. Konungr biðr hann vel kominn. Þá tók
 Haukr sveininn ok settr á kné Adalsteini konungi. Konungr
 25 sér á sveininn ok spyr Hauk hví hann ferr svá. Haukr
 svarar: Haraldr konungr heð þik föstrá honum ambáttar
 barn. Konungr varð reiðr mjök ok greip til sverðs, er
 var hjá honum, ok brá svá sem hann vildi drepa sveininn.
 Haukr mælti: knésett hefir þú hann nú, ok máttu mýrða
 30 hann ef þú vill, en ekki máttu með því eyða öllum sonum
 Haralds konungs. Gekk Haukr síðan út ok allir hans
 menn; ok fara leið sína til skips ok halda í haf, er þeir
 eru at því búinir ok kómu aptr til Noregs á fund Haralds
 konungs, ok líkaði honum nú vel, því at þat enn mót manns,

at sá vberi útignaró er: öðrum föstraði barn. Í þvílíkum
viðskiptum konunga fannst þat, þat hvámi þeir vildi vera
meiri en aðnær, ok varð ekki misdeili tignar þeira at heldr
fyrir þessar sakir: hvarrtveggi var yfirkonungr síns ríkis
til dauðadags. 5

6
7
8
9
10
11
12
13
14
15
16
17
18
19
20
21
22
23
24
25
26
27
28
29
30
31
32
33
34
35
36
37
38
39
40
41
42
43
44
45
46
47
48
49
50
51
52
53
54
55
56
57
58
59
60
61
62
63
64
65
66
67
68
69
70
71
72
73
74
75
76
77
78
79
80
81
82
83
84
85
86
87
88
89
90
91
92
93
94
95
96
97
98
99
100
101
102
103
104
105
106
107
108
109
110
111
112
113
114
115
116
117
118
119
120
121
122
123
124
125
126
127
128
129
130
131
132
133
134
135
136
137
138
139
140
141
142
143
144
145
146
147
148
149
150
151
152
153
154
155
156
157
158
159
160
161
162
163
164
165
166
167
168
169
170
171
172
173
174
175
176
177
178
179
180
181
182
183
184
185
186
187
188
189
190
191
192
193
194
195
196
197
198
199
200
201
202
203
204
205
206
207
208
209
210
211
212
213
214
215
216
217
218
219
220
221
222
223
224
225
226
227
228
229
230
231
232
233
234
235
236
237
238
239
240
241
242
243
244
245
246
247
248
249
250
251
252
253
254
255
256
257
258
259
260
261
262
263
264
265
266
267
268
269
270
271
272
273
274
275
276
277
278
279
280
281
282
283
284
285
286
287
288
289
290
291
292
293
294
295
296
297
298
299
300
301
302
303
304
305
306
307
308
309
310
311
312
313
314
315
316
317
318
319
320
321
322
323
324
325
326
327
328
329
330
331
332
333
334
335
336
337
338
339
340
341
342
343
344
345
346
347
348
349
350
351
352
353
354
355
356
357
358
359
360
361
362
363
364
365
366
367
368
369
370
371
372
373
374
375
376
377
378
379
380
381
382
383
384
385
386
387
388
389
390
391
392
393
394
395
396
397
398
399
400
401
402
403
404
405
406
407
408
409
410
411
412
413
414
415
416
417
418
419
420
421
422
423
424
425
426
427
428
429
430
431
432
433
434
435
436
437
438
439
440
441
442
443
444
445
446
447
448
449
450
451
452
453
454
455
456
457
458
459
460
461
462
463
464
465
466
467
468
469
470
471
472
473
474
475
476
477
478
479
480
481
482
483
484
485
486
487
488
489
490
491
492
493
494
495
496
497
498
499
500
501
502
503
504
505
506
507
508
509
510
511
512
513
514
515
516
517
518
519
520
521
522
523
524
525
526
527
528
529
530
531
532
533
534
535
536
537
538
539
540
541
542
543
544
545
546
547
548
549
550
551
552
553
554
555
556
557
558
559
560
561
562
563
564
565
566
567
568
569
570
571
572
573
574
575
576
577
578
579
580
581
582
583
584
585
586
587
588
589
590
591
592
593
594
595
596
597
598
599
600
601
602
603
604
605
606
607
608
609
610
611
612
613
614
615
616
617
618
619
620
621
622
623
624
625
626
627
628
629
630
631
632
633
634
635
636
637
638
639
640
641
642
643
644
645
646
647
648
649
650
651
652
653
654
655
656
657
658
659
660
661
662
663
664
665
666
667
668
669
670
671
672
673
674
675
676
677
678
679
680
681
682
683
684
685
686
687
688
689
690
691
692
693
694
695
696
697
698
699
700
701
702
703
704
705
706
707
708
709
710
711
712
713
714
715
716
717
718
719
720
721
722
723
724
725
726
727
728
729
730
731
732
733
734
735
736
737
738
739
740
741
742
743
744
745
746
747
748
749
750
751
752
753
754
755
756
757
758
759
760
761
762
763
764
765
766
767
768
769
770
771
772
773
774
775
776
777
778
779
780
781
782
783
784
785
786
787
788
789
790
791
792
793
794
795
796
797
798
799
800
801
802
803
804
805
806
807
808
809
810
811
812
813
814
815
816
817
818
819
820
821
822
823
824
825
826
827
828
829
830
831
832
833
834
835
836
837
838
839
840
841
842
843
844
845
846
847
848
849
850
851
852
853
854
855
856
857
858
859
860
861
862
863
864
865
866
867
868
869
870
871
872
873
874
875
876
877
878
879
880
881
882
883
884
885
886
887
888
889
890
891
892
893
894
895
896
897
898
899
900
901
902
903
904
905
906
907
908
909
910
911
912
913
914
915
916
917
918
919
920
921
922
923
924
925
926
927
928
929
930
931
932
933
934
935
936
937
938
939
940
941
942
943
944
945
946
947
948
949
950
951
952
953
954
955
956
957
958
959
960
961
962
963
964
965
966
967
968
969
970
971
972
973
974
975
976
977
978
979
980
981
982
983
984
985
986
987
988
989
990
991
992
993
994
995
996
997
998
999
1000

Skírðr Hákon Aðalsteinsfóstri.
43. Aðalsteinn konungr lét skíra Hákon ok kenna
rétta trú ok góða siðun ok allkonar kurteisí. Aðalsteinn
konungr unni honum meira en öllum frændum sínum, ok
út í frá unni honum hverr maðr er hann kunni. Hann
var síðan kallaðr Hákon Aðalsteinsfóstri; hann var hinn
mesti íþróttamaðr, meiri ok sterkari ok fríðari en hverr
maðr annarra; hann var vitr ok orðsjallr ok vel kristinn.
Aðalsteinn konungr gaf Hákon sverð þat ier hjöltin váru
öruggli ok meðalkaffinn; en brandinn var þó betri; þar
hjó Hákon með kvernstein til augans; þat var síðan kallað
kvernbitr. Þat sverð hefir bezt kómit til Noregs. Þat
átti Hákon til dauðadags. 15

Leiddr Eiríkr til ríkis.
44. Haraldr konungr var þá áttíðr at aldri; gerðist
hann þá þungfær; svá at hann þóttist eigi mega fara yfir
land leða stjórna konungsmálum. Þá leiddi hann Eirík
son sinn til hásetis síns ok gaf honum vald yfir landi öllu.
En er þat spurðu aðrir synir Haralds konungs, þá settist
Hálfdan svartí konungs háseti; tók hann þá ok til forráða
allan Þrándheim; hurfu at því ráði allir Þrændir með
honum. Eftirfall Bjarnar konungs kaupmanns tók Ólafr
bróðir hans ríki yfir Vestfold; ok til fóstrs Guðröð, son
Bjarnar. Tryggvi hét son Ólafs, ok vartu þeir Guðröð
fóstrbróðr ok mjök jafnaldrar, ok báðr hinir efniligstu ok
útgervimeinn miklir. Tryggvi var hverjum manni meiri ok
sterkari. En er Víkverjar spurðu at Hörðar höfðu tekit
til yfirkonungs Eirík, þá tóku þeir Ólaf til yfirkonungs í

Víkinni, ok hélt hann því ríki; þetta líkaði Eiríki stórilla. Tveim vetrum síðar varð Hálfðan svartí bráðdauðr inn í Þrándheimi at veizlu nökkurri, ok var þat mál manna, at Gunnhildr konungamóðir hefði keypt af fjölkunnigri konu
5 at gera honum banadrykk. Eptir þat tóku Þrændir Sigröð til konungs.

Dauði Haralds konungs.

45. Haraldr konungr lifði 3 vetr síðan er hann hafði gefit Eiríki einvald ríkis síns; var hann þá á Rogalandi
10 eða á Hörðalandi at stórbúum er hann átti. Eiríkr ok Gunnhildr áttu son, er Haraldr konungr jós vatni ok gaf nafn sitt, sagði svá, at sá skyldi konungr vera eptir Eirík föður sinn. Haraldr konungr gipti flestar dóetr sínar innan-lands jörlum sínum, ok eru þaðan komnar miklar kynkvíslir.
15 Haraldr konungr varð sóttðauðr á Rogalandi, ok er hann heygðr á Haugum við Karmtsund. Í Haugasundi stendr kirkja, en við sjálfan kirkjugarðinn í útnorðr er haugr Haralds konungs hins hárfagra. En fyrir vestan kirkjuna liggr legsteinn Haralds konungs, sá er lá yfir legi hans í
20 hauginum; er steinninn hálfis fjúgrtánda fets langr ok nær 2 alna breiðr. Í miðjum hauginum var leg Haralds konungs; þar var settr steinn annarr at höfði, en annarr at fótum, ok lögð þar hellan á ofan, en hlaðit grjóti tveim megin utan undir. Þeir steinar standa nú þar í kirkju-
25 garðinum, er þá váru í hauginum ok nú var frá sagt. Svá segja fróðir menn, at Haraldr hinn hárfagri hafi verit allra manna fríðastr sýnum ok sterkastr ok mestr, hinn örvasti af fé ok allvinsæll við sína menn. Hann var hermaðr mikill öndverða ævi sína, ok þýða menn þat nú, at vitat
30 hafi um tré þat hit mikla, er móður hans sýndist í draumi fyrir burð hans, er hinn neðsti hlutr trésins var rauðr sem blóð, en þá var leggrinn upp frá fagr ok gröenn, at þat jartegndi blóma ríkis hans. En at ofanverðu var hvítt tréit, þar sýndist þat, at hann mundi fá elli ok hæru.

Kvistir ok limar trésins boðuðu askvæmi hans, er um alt land dreifðist, ok af hans ætt hafa verit jafnan síðan konungar í Noregi.

Fall Ólafs ok Sigröðar.

46. Eiríkr konungr tók allar tekjur þær sem konungr 5
 átti um mitt landit hinn næsta vetr eptir andlát Haralds
 konungs, en Ólafr austr um Víkina, en Sigröðr bróðir
 þeira hafði alt um Þrændalög. Eiríki líkaði þetta stórilla,
 ok fóru þau orð um, at hann mundi með styrk eptir leita
 við bræðr sína, ef hann mætti fá einvaldsríki yfir landi 10
 öllu, svá sem faðir hans hafði gefit honum. En er Ólafr
 ok Sigröðr spyrja þetta, þá fara sendimenn milli þeira.
 Því næst gera þeir stefnulang sitt, ok ferr Sigröðr um vart
 austr til Víkr, ok finnast þeir Ólafr bræðr í Túnsbergi ok
 dvöldust þar um hríð. Þat sama vár býðr Eiríkr út liði 15
 miklu ok skipum, ok snýr austr til Víkr. Eiríkr konungr
 fékk hraðbyri svá mikit, at hann sigldi dag ok nótt, ok
 fór engi njósn fyrir honum. Ok er hann kom til Túnsbergs,
 þá géngu þeir Ólafr ok Sigröðr með lið sitt austr or bönum
 á brekkuna ok fylktu þar. Eiríkr hafði lið miklu meira, ok 20
 fékk hann sigr, en þeir Ólafr ok Sigröðr féllu þar báðir,
 ok er þar haugr hvárstveggja þeira á brekkunni, sem þeir
 lágu fallnir. Eiríkr konungr fór þá um Víkina ok lagði
 undir sik, ok dvaldist þar lengi sumars. Tryggvi ok Guð-
 röðr flýðu þá til Upplanda. 25

Eiríkr var mikill maðr ok fríðr, sterkr ok hreysti-
 maðr mikill, hermaðr mikill ok sigrsæll, ákafamaðr í skapi,
 grimmr, úþýðr ok fálátr. Gunnhildr kona hans var kvenna
 fegrst, vitr ok margkunnig, glaðmælt ok undirhyggjumaðr
 mikill ok hin grimmasta. Þau vóru börn þeira Eiríks ok 30
 Gunnhildar: Gamli var elztr, Guthormr, Haraldr, Ragn-
 fröðr, Ragnhildr, Erlingr, Guðröðr, Sigurðr slefa. Öll vóru
 börn Eiríks fríð ok mannvæn.



SAGA HÁKONAR GÓDA.

Hákon til konungs tekinn.

1. Hákon Aðalsteinsfóstri var þá á Englandi, er hann spurði andlát Haralds konungs föður síns. Bjóst hann þá þegar til ferðar, fékk Aðalsteinn konungr honum lið ok 5 góðan skipakost, ok bjó hans för allvegliga, ok kom hann um haustit til Noregs. Þá spurði hann fall bræðra sinna, ok þat með, at Eiríkr konungr var þá í Víkinni. Sigldi þá Hákon norðr til Þrándheims, ok fór á fund Sigurðar 10 Hlaðajarls, er allra spekinga var mestr í Noregi, ok fékk þar góðar viðtökur, ok bundu þeir lag sitt saman; hét Hákon honum miklu ríki, ef hann yrði konungr. Létu þeir þá stefna þing fjölment; ok á þinginu talaði Sigurðr jarl af hendi Hákonar ok bauð bóndum hann til konungs. 15 Eptir þat stóð Hákon sjálf upp ok talaði; mæltu þá tveir ok tveir sín á milli, at þar væri kominn Haraldr hinn hárfagri ok orðinn ungr í annat sinn. Hákon hafði þat upphaf síns máls, at hann beiddi bæendr viðtöku ok gefa sér konungsnafn, ok þat með, at veita sér fylgð ok styrk 20 til at halda konungdóminum. En þar í mót bauð hann þeim at gera alla bæendr óðalborna, ok gefa þeim óðul sín er á bjoggu. At þessu erendi varð rómr svá mikill, at allr bóndamúgrinn cepti ok kallaði, at þeir vildu hann til konungs taka, ok var svá gert, at Þrændir tóku Hákon til 25 konungs um alt landit; þá var hann 15 vetra. Tók hann sér þá hirð, ok fór yfir land. Þau tíðindi spurðust á Upplönd, at Þrændir höfðu sér konung tekit slíkan at öllu sem Haraldr hinn hárfagri var, nema þat skildi, at Haraldr hafði allan lýð í landi þrælkat ok áþját, en þessi Hákon 30 vildi hverjum manni gott ok bauð aptr at gefa bóndum óðul sín, þau er Haraldr konungr hafði af þeim tekit. En við þau tíðindi urðu allir glaðir, ok sagði hverr öðrum, flaug þat sem sinueldr alt austr til landsenda. Margir bæendr fóru

af Upplöndum at hitta Hákon konung, sumir sendu menn, sumir gerðu orðsendingar ok jartegnir, en allir til þess at hans menn vildu gerast. Konungr tók því þakksamliga.

Yfirferð Hákonar konungs.

2. Hákon konungr fór öndverðan vetr á Upplönd, ⁵ stefndi þar þing, ok dreif alt fólk á hans fund, þat er komast mátti; var hann þá til konungs tekinn á öllum þingum; fór hann þá austr til Víkr. Þar kómu til hans Tryggvi ok Guðröðr bræðrasynir hans, ok margir aðrir, er upp töldu harma sína, þá er hlotizt höfðu af Eiríki bróður ¹⁰ hans. Eiríks úvinsæld óx æ því meir, sem allir menn gerðu sér kærri við Hákon konung, ok heldr höfðu sér traust til at mæla sem þótti. Hákon konungr gaf konungs-nafn Tryggva ok Guðröði, ok ríki þat sem Haraldr konungr hafði gefit feðrum þeira. Tryggva gaf hann Ránríki ¹⁵ ok Vingulmörk, en Guðröði Vestfold. En fyrir því at þeir váru ungir ok bernskir, þá setti hann til göfga menn ok vitra at ráða landi með þeim. Gaf hann þeim land með þeim skildaga sem fyrr hafði verit, at þeir skyldi hafa helming skatta ok skylda við hann. Fór Hákon konungr ²⁰ norðr til Þrándheims, er váraði, hit efra um Upplönd.

Ferð Eiríks or landi.

3. Hákon konungr dró saman her mikinn í Þrándheimi, er váraði, ok réð til skipa. Víkverjar höfðu ok her mikinn úti, ok ætluðu til móts við Hákon konung. Eiríkr ²⁵ konungr bauð ok liði út um mitt landit, ok varð honum ilt til liðs, því at ríkismenn margir skutust honum ok fóru til Hákonar. En er hann sá engi efni til mótstöðu í móti her Hákonar, þá sigldi hann vestr um haf með því liði er honum vildi fylgja; fór hann fyrst til Orkneyja, ok hafði ³⁰ þaðan með sér lið mikit. Síðan sigldi hann suðr til Englands ok herjaði um Skotland, hvar sem hann kom við land; hann herjaði ok alt norðr um England. Aðalsteinn Englakonungr sendi orð Eiríki ok bauð honum at taka

af sér ríki í Englandi, sagði svá, at Haraldr konungr faðir hans var mikill vin Aðalsteins konungs, svá at hann vill þat virða við son hans; fóru þá menn í milli þeira konunganna, ok sættust á þat með einkamálum, at Eiríkr konungr tók Norðimbraland, at halda af Aðalsteini konungi ok verja þar land fyrir Dönum ok öðrum víkingum. Eiríkr skyldi þá láta skírast, ok kona hans ok börn þeira ok alt lið hans, þat er honum hafði fylgt þangat. Tók Eiríkr þenna kost, var hann þá skírðr ok tók rétta trú. Norðimbraland er kallat 10 fimtungr Englands. Hann hafði atsetu í Jórvík, þar sem menn segja at fyrr hafi setit Loðbrókar synir. Norðimbraland var mest bygt af Norðmönnum, síðan er Loðbrókar synir unnu landit; herjuðu Danir ok Norðmenn optliga þangat, síðan er vald landsins hafði undan þeim gengit. Mörg heiti landsins 15 eru þar gefin á norrœna tungu: Grímsboer ok Hauksfljót ok mörg önnur.

Fall Eiríks konungs.

4. Eiríkr konungr hafði fjölmenni mikit um sik, hélt þar fjölda Norðmanna, er austan hafði farit með honum, ok 20 enn kómu margir vinir hans síðan af Noregi. En er hann hafði land lítit, þá fór hann jafnan í hernað á sumrum, herjaði á Skotland ok Suðreyjar, Írland ok Bretland, ok aflaði sér svá fjár. Aðalsteinn konungr varð sótttdauðr; hann hafði verit konungr 14 vetr ok 8 vikur ok 3 daga. Síðan 25 var konungr í Englandi Játmundr bróðir hans, var honum ekki um Norðmenn; var Eiríkr konungr ekki í kærleikum við hann, ok fóru þá þau orð um, at Játmundr konungr mundi þá annan konung setja yfir Norðimbraland. En er þat spurði Eiríkr konungr, þá fór hann í 30 vestrvíking ok hafði or Orkneyjum með sér Arnkel ok Erlend, sonu Torfeinars. Síðan fór hann í Suðreyjar, ok váru þar margir víkingar ok herkonungar, ok réðust til liðs með Eiríki konungi; hélt hann þá öllu liðinu fyrst til Írlands, ok hafði þaðan slíkt lið er hann fékk. Síðan fór hann til 35 Bretlands ok herjaði þar. Eptir þat sigldi hann suðr undir

England ok herjaði þar sem í öðrum stöðum; en alt lið flýði þar sem hann fór. Ok með því at Eiríkr var hreystimaðr mikill ok hafði her mikinn, þá treystist hann svá vel liði sínu, at hann gékk langt á land upp ok herjaði, ok leitaði eptir mönnum. Ólafr hét konungr, sá er Ját- 5 mundr konungr hafði þar sett til landvarnar; hann dró saman her úvígjan ok fór á hendr Eiríki konungi, varð þar mikil orrosta, féllu mjök enskir menn, en þar sem einn féll, kómu 3 af landi ofan í staðinn; ok hinn efra hlut dagsins snýr mannfallinu á hendr Norðmönnum, ok fellr 10 þar mikit fólk. Ok at lyktum þess dags féll Eiríkr konungr ok 5 konungar með honum; þessir eru nefndir: Guthormr ok synir hans 2, Ívarr ok Hárekr; þar féll ok Sigurðr ok Rögnvaldr; þar féll ok Arnkell ok Erlendr, synir Torfeinars. Þar varð allmikit mannfall af Norðmönnum. En 15 þeir er undan kómust fóru til Norðimbralands ok sögðu Gunnhildi ok sonum hennar þessi tíðindi.

Ferð Gunnhildar sona.

5. En er þau Gunnhildr verða þessa vör, at Eiríkr konungr var fallinn ok hann hafði áðr herjat ríki Engla- 20 konungs, þá þykkjast þau vita, at þeim mun ekki vera þar friðvænt; búast þau þá þegar brott af Norðimbralandi, ok hafa skip þau öll er Eiríkr konungr hafði átt; höfðu lið þat ok alt, er þeim vildi fylgja, ok of lausafjár, er þar hafði saman dregizt í sköttum á Englandi, en sumt hafði fengizt 25 í hernaði. Þau halda liði sínu norðr til Orkneyja ok staðfestust þar um hríð. Þá var þar jarl Þorfiðr hausakljúfr son Torfeinars. Tóku þá synir Eiríks undir sik Orkneyjar ok Hjaltland ok höfðu skatta af, ok sátu þar um vetrum, en fóru í vestrvíking á sumrum ok herjuðu um 30 Skotland ok Írland. Þess getr Glúmr Geirason:

Hafði för til ferju
fróðr Skáneyjar góða
blakkriðandi bakka
barnungr þaðan farna.

Rógeisu vann ræsir
ráðvandr á Skotlandi,
sendi seggja kindar
sverðbautinn her Gauti.

Dólgeisu rak dísar,
drótt kom mörg á flóttá,
gumna vinr at gamni
gjóðum, írskrar þjóðar.

Foldar rauð ok feldi
freyr í manna dreyra
sunnr á sigr um hlynninn
seggi mækis eggjar.

5

Orrosta á Jótlandi.

6. Hákon konungr Aðalsteinsfóstri lagði undir sik
allan Noreg, þá er Eiríkr bróðir hans hafði brott flýit.
Hákon konungr sótti hinn fyrsta vetr vestr í landit, eptir
þat norðr í Þrándheim, ok sat þar. En fyrir þær sakir
10 at ekki þótti friðligt, ef Eiríkr konungr leitaði vestan um
haf með her sinn, sat hann fyrir því um mitt landit með
her sinn í Firðafylki eða Sogni, á Hörðalandi eða Roga-
landi. Hákon setti Sigurð Hlaðajarl yfir öll Þrændalög,
svá sem hann hafði fyrr haft, ok Hákon faðir hans, af
15 Haraldi konungi. En er Hákon konungr spurði fall Eiríks
konungs bróður síns, ok þat at synir Eiríks konungs höfðu
ekki traust í Englandi, þá þótti honum lítil ógn af þeim
standa; fór þá með liði sínu á einu sumri austr í Vík.
Í þann tíma herjuðu Danir mjök í Víkina, ok gerðu þar
20 opt mikinn skaða. En er þeir spurðu, at Hákon konungr
var þar kominn með her mikinn, þá flýðu allir undan, sumir
suðr til Hallands, en þeir er nærrmeir váru Hákonni kon-
ungi, stefndu út á haf ok svá suðr til Jótlands. En er
Hákon konungr varð þess varr, þá sigldi hann eptir þeim
25 með allan her sinn, en er hann kom til Jótlands, þá herjar
hann þar. En er landsmenn urðu við þat varir, þá draga
þeir her saman, ok vilja verja land sitt, ok ráða til orrostu
við Hákon konung; varð þar orrosta mikil, barðist Hákon
konungr svá djarfliga, at hann gékk fyrir framan merki
30 ok hafði hvárki hjálm né brynju. Hákon konungr hafði
sigr ok rak flóttann langt á land upp. Svá kvað Guthormr
sindri í Hákonardrápu:

35	Bifroknum trað bekkjar bláröst konungr árum, mætr hlóð mildingr Jótum mistar vífs í drífu.	Svangœðir rak síðan skjótt Jálfadar flóttá, hrot giljadar hylja hrafnvíns, at mun sínum.
----	---	---

Orrosta í Eyrarsundi.

7. Síðan hélt Hákon konungr liði sínu sunnan til Selundar ok leitaði víkinga. Hann rerir með 2 snekkjur fram í Eyrarsund, þar hitti hann 11 víkingasnekkjur ok lagði þegar til orrostu við þá, ok lauk svá, at hann hafði 5 sigr ok hrauð öll víkingaskipin. Svá segir Guthormr sindri:

Álmdrósar fór eisu	þá er ellifu allar	
élrunnr mörum sunnan	allreiðr Dana skeiðar	
trjónu tingls á grœna	valsendir rauð vandar	
tveim einum selmeina;	viðfrægr at þat síðan.	10

Hernaðr Hákonar konungs í Danmörk.

8. Eptir þat herjaði Hákon konungr víða um Selund, rænti mart fólk, en drap sumt, en sumt hertók hann, ok tók gjöld stór af sumum, fékk hann þá enga mótstöðu. Svá segir Guthormr sindri:

Selund náði þá síðan	vals ok Vinda frelsi	15
sóknheggr und sik leggja	við Skáneyjar síðu.	

Síðan fór Hákon konungr austr fyrir Skáneyjarsíðu ok herjaði alt, tók gjöld ok skatta af landinu, en drap alla víkinga, hvar sem hann fann, bæði Dani ok Vindr; fór hann alt austr fyrir Gautland ok herjaði þar, ok fékk stór gjöld af landinu. Svá segir Guthormr sindri:

Skattgilda vann skyldir	gullskyflir vann gjöflastr
skautjálfaðar Gauta;	geirveðr í för þeiri.

Hákon konungr fór aptr um haustit með lið sitt ok hafði fengit úgryn timer fjár. Hann sat um vetrinn í Víkinni við áhlaupum, ef Danir eða Gautar gerði þar.

Frá Tryggva konungi.

9. Þat sama haust kom Tryggvi konungr Ólafsson or vestrvíking; hafði hann þá herjat um Írland ok Skotland. Um várit fór Hákon norðr í land, ok setti Tryggva konung bróðurson sinn yfir Víkina at verja fyrir úfriði, ok eignast slíkt er hann mætti af þeim löndum í Danmörku,

er Hákon konungr hafði hit fyrra sumarit skattgilt. Svá segir Guthormr sindri:

5	Ok sóknhattar setti svellrjóðr at því fljóði Ónars eikigroenu austr geðboeti hraustan,	þann er áðr frá Írum iðvandr um kom skíðum salbrigðandi Svegðis svanvangs liði þangat.
---	---	---

Frá Gunnhildar sonum.

10. Haraldr konungr Gormsson réð þá fyrir Danmörku. Honum líkaði stórilla þat er Hákon konungr hafði
10 herjat í land hans, ok fóru þau orð um, at Danakonungr mundi hefnast vilja; en þat varð þó ekki svá bráðliga. En er þetta spurðu Gunnhildr ok synir hennar, at úfriðr var millum Danmerkr ok Noregs, þá byrja þau ferð sína vestan; þau giptu Ragnhildi dóttur Eiríks konungs Arnfinni syni
15 Þorfinns hausakljúfs. Settist þá enn Þorfiðr jarl at Orkneyjum, er Eiríks synir fóru í brott. Gamli Eiríksson var þeira nökkuru ellri, ok var hann þó eigi rosinn maðr. En er Gunnhildr kom til Danmerkr með sonu sína, fór hon á fund Haralds konungs, ok fékk þar góðar viðtökur; fékk
20 Haraldr þeim veizlur í ríki sínu svá miklar, at þau féngu vel haldit sik ok menn sína, en hann tók til fósturs Harald Eiríksson ok knésetti hann; fœddist hann upp í hirð Danakonungs. Sumir Eiríks synir fóru í hernað, þegar er þeir höfðu aldr til, ok öfluðu sér fjár, herjuðu um Austrveg.
25 Þeir váru snimma menn fríðir ok fyrr rosknir at affi ok atgervi en at vetratali. Þess getr Glúmr Geirason í Gráfeldardrápu:

30	Austrlöndum fórsk undir allvaldr sá er gaf skáldum, hann fékk gagn at gunni, gunnhörga slög mörgum;	slíðrtungur lét syngja, sverðleiks reginferðir sendi gramr at grundu, gullvarpaðr snarpar.
----	--	---

Eiríks synir snerust þá ok með her sinn norðr í Víkina ok herjuðu þar, en Tryggvi konungr hafði her úti ok hélt til móts við þá, ok áttu þeir orrostur margar, ok höfðu ymsir

sigr; herjuðu Eiríks synir stundum í Víkina, en Tryggvi stundum um Sjáland ok Halland.

Lagasetning Hákonar konungs.

11. Þá er Hákon var konungr í Noregi, var friðr góðr með bóndum ok kaupmönnum, svá at engi grandaði 5 öðrum né annars fé; þá var ár mikit bæði á sjá ok landi. Hákon konungr var allra manna glaðastr ok málsnjallastr ok lítillátastr; hann var maðr stórvitr ok lagði mikinn hug á lagasetning. Hann setti Gulapingslög með ráði Þorleifs spaka, ok hann setti Frostapingslög með ráði Sigurðar jarls 10 ok annarra Þrœnda, þeira er vitrastir váru, en Heiðsævislög hafði sett Hálfðan svarti, sem fyrr er ritat.

Fæddr Hákon jarl hinn ríki.

12. Hákon konungr hafði jólaveizlu í Þrándheimi. Þessa veizlu hafði Sigurðr jarl búit fyrir honum á Hlöðum. 15 Hina fyrstu jólapótt ól Bergljót kona Sigurðar jarls sveinbarn; eptir um daginn jós Hákon konungr svein þann vatni ok gaf nafn sitt; ok óx sveinn sá upp ok varð síðan ríkr maðr ok göfugr, ok varð jarl eptir Sigurð föður sinn. Sigurðr jarl var hinn kærsti vin Hákonar konungs. 20

Frá Eysteini illa.

13. Eysteinn Upplendingakonungr, er sumir kalla hinn ríka, en sumir hinn illa, hann herjaði í Þrándheimi ok lagði undir sik Eynafylki ok Sparbyggjafylki, ok setti þar yfir son sinn er hét Önundr, en Þrœndir drápu hann. 25 Eysteinn konungr fór annat sinn herför í Þrándheim, ok herjaði þá víða ok lagði undir sik; þá bauð hann Þrœndum, hvárt þeir vildi heldr hafa at konungi þræl hans er hét Þórir faxi, eða hund er Saurr hét. Þeir kuru hundinn, því at þeir þóttust þá mundu heldr sjálfráða; þeir létu 30 síða í hundinn þrjú mannavit, ok gó hann til tveggja orða, en mælti hit þriðja. Helsi var honum gert ok viðjar orsilfri ok gulli, en þegar er saurugt var, báru hirðmenn

hans hann á herðum sér. Hásæti var honum búit, ok hann sat á haugi sem konungar, ok bjó í eyjunni Iðri, ok hafði atsetu þar sem heitir Saurshaugr. Þat er sagt, at honum varð at bana, at vargar lögðust á hjörð hans, en hirðmenn eggjuðu hann at verja fé sitt. Hann gékk af hauginum ok fór þangat til sem vargarnir váru, en þeir rifu hann þegar í sundr. Mörg undr önnur gerði Eysteinn konungr við Þrændi. Af þeim hernaði ok úfriði flýðu margir höfðingjar, ok mart fólk flýði óðul sín.

10 *Bygging Jamtlands ok Helsingjals.*

14. Ketill jamti, son Önundar jarls or Sparabúi, fór austr um kjöl, ok mikill mannfjöldi með honum, ok höfðu búferli sitt með sér. Þeir ruddu markir ok bygðu þar stór heruð, þat var síðan kallat Jamtaland. Sonarson
15 Ketils var Þórir helsingr, hann fór fyrir víga sakir af Jamtalandi ok austr yfir markir, þær er þar verða, ok bygði þar, ok sótti þannug fjöldi manns með honum; þat er kallat Helsingjaland, gengr þat alt austr til sjávar. Helsingjaland bygðu Svíar alt hit eystra með hafinu. En
20 er Haraldr konungr hinn hárfagri ruddi ríki fyrir sér, þá stökk enn fyrir honum fjöldi manns or landi, Þrændir ok Naumdoelir, ok gerðust þá enn bygðir austr um Jamtaland, ok sumir fóru alt í Helsingjaland. Helsingjar höfðu kaupferðir sínar til Svíþjóðar ok váru þannug lýðskyldir at
25 öllu, en Jamtar váru mjök alls í millum, ok gaf engi at því gaum, fyrr en Hákon konungr setti frið ok kaupferðir til Jamtlands ok vingaðist þar við ríkismenn; þeir sóttu síðan austan á hans fund, ok játtuðu honum hlýðni sinni ok skattgjöfum ok gerðust konungs þegnar, því at þeir
30 spurðu gott til hans; vildu þeir heldr þýðast undir hans konungdóm en undir Svíakonung, því at þeir váru af Norðmanna ætt komnir; en hann setti þeim lög ok landsrétt. Svá gerðu ok allir Helsingjar, þeir er æzkaðir váru um kjöl norðan.

Kristnihald Hákonar konungs.

15. Hákon konungr var vel kristinn, er hann kom í Noreg. En fyrir því at þar var land alt heiðit ok blót-skapr mikill, en stórmenni mart, en hann þóttist liðs þurfa mjök ok alþýðu vinsæld, þá tók hann þat ráð, at fara leyniliga með kristni, hélt sunnudaga ok frjádagaföstu ok minning hinna stærstu hátíða. Hann setti þat í lögum at hefja jólahald þann tíma sem kristnir menn, ok skyldi þá hverr maðr eiga mælis öl, en gjalda fé ella, en halda heilagt meðan jólin ynnist. En áðr var jólahald hafit hōkunótt, 10 þat var miðsvetrar nótt, ok haldin þriggja náttu jól. Hann ætlaði svá, ef hann festist í landinu ok hann hefði frjálsliga undir sik lagt alt land, at hafa þá fram kristnið. Hann gerði svá fyrst, at hann lokkaði þá menn er honum vǫru kærstir til kristni; kom svá með vinsæld hans, at margir 15 létu skírast, en sumir létu af blótum. Hann sat lōngum í Þrándheimi, því at þar var mestr styrkr landsins. En er Hákon konungr þóttist fengit hafa styrk af nōkkurum ríkismönnum at halda upp kristninni, þá sendi hann til Englands eptir biskupi ok öðrum kennimönnum; ok er þeir kómu í 20 Noreg, þá gerði Hákon konungr þat bert, at hann vildi bjóða kristni um alt land, en Mœrir ok Raumdœlir skutu þannug sínu máli sem Þrœndir vǫru. Hákon konungr lét þá vígja kirkjur nōkkurar, ok setti þar presta til. En er hann kom í Þrándheim, þá stefndi hann þing við bœndr, 25 ok bauð þeim kristni. Þeir svara svá, at þeir vilja þessu máli skjóta til Frostapings, ok vilja þá at þeir komi or öllum fylkjum, þeim sem eru í Þrœndalögum, segja at þá munu þeir svara þessu vandmæli.

Frá blótum.

30

16. Sigurðr Hlaðajarl var hinn mesti blótmaðr, ok svá var Hákon faðir hans. Hélt Sigurðr jarl upp blótveizlum öllum af hendi konungs þar í Þrœndalögum. Þat var forn siðr, þá er blót skyldi vera, at allir bœndr skyldu

þar koma sem hof var, ok flytja þannug föng sín, þau er þeir skyldu hafa, meðan veizlan stóð. At veizlu þeirri skyldu allir menn öl eiga; þar var ok drepinn allskonar smali ok svá hross; en blóð þat alt, er þar kom af, þá var þat
 5 kallat hlaut, ok hlautbollar þat, er blóð þat stóð í, ok hlautteinar, þat var svá gert sem steklar; með því skyldi rjóða stallana öllu saman, ok svá veggi hofsins utan ok innan, ok svá stökkva á mennina; en slátr skyldi sjóða til mannfagnaðar. Eldar skyldu vera á miðju gólfi í hofinu, ok
 10 þar katlar yfir, ok skyldi full um eld bera. En sá er gerði veizluna ok höfðingi var, þá skyldi hann signa fullit ok allan blótmatinn. Skyldi fyrst Óðins full, skyldi þat drekka til sigrs ok ríkis konungi sínum, en síðan Njarðar full ok Freys full til árs ok friðar. Þá var mörgum
 15 mönnum títt at drekka þarnæst Braga full. Menn drukku ok full frænda sinna, þeira er göfgir höfðu verit, ok váru þat minni kölluð. Sigurðr jarl var manna örvastr; hann gerði þat verk, er frægt var mjök, at hann gerði mikla blótveizlu á Hlōðum, ok hélt einn upp öllum kostnaði. Þess getr
 20 Kormakr Ögmundarson í Sigurðardrápu:

Hafit maðr ask né eski
 afspring með sér þingat
 fésærandi at fœra,
 fáz veizlu goð, Þjaza.

Hver muni vés við valdi
 vægja kind um bægjask
 því at farrögnir fagnar
 fens; vá gramr til menja.

25

Frostaping.

17. Hákon konungr kom til Frostapings, ok var þar komit allfjölment af bóndum. En er þing var sett, þá talaði Hákon konungr, hefr þar fyrst, at þat var boð hans ok boen við boendr ok búþegna, ríka ok úríka, ok þar með
 30 við alla alþýðu, unga menn ok gamla, sælan ok vesælan, konur sem karla, at allir menn skyldu kristnast láta ok trúa á einn guð, Krist Maríu son, en hafna blótum öllum ok heiðnum goðum, halda heilagt hinn sjaunda hvern dag við vinnum öllum, fasta ok hinn sjaunda hvern dag. En þegar

er konungr hafði þetta uppborit fyrir alþýðu, þá var kurr mikill þegar; kurruðu boendr um þat, er konungr vildi vinnur taka af þeim, ok sögðu at við þat mátti landit eigi byggja; en verkalýðr ok þrælar kölluðu, at þeir mætti eigi vinna, ef þeir skyldi eigi mat hafa, sögðu ok at þat var skaplöstr Há- 5 konar konungs ok föður hans ok þeira frænda, at þeir væru illir af mat sínum, þótt þeir væri mildir af gulli. Ásbjörn af Meðalhúsum or Gaulardal stóð upp, ok svarar erendi konungs, ok mælti: þat hugðum vér boendr, Hákon konungr! segir hann, at þá er þú hafðir hit fyrsta þing átt 10 hér í Þrándheimi, ok höfðum þik til konungs tekit, ok þegit af þér óðul vár, at vér hefðim þá höndum himin tekit; en nú vitum vér eigi hvárt heldr er, at vér munum frelsi þegit hafa, eða mantu nú láta þrælka oss af nýju með undarligum hætti, at vér munim hafna átrúnaði þeim, 15 er feðr várir hafa haft fyrir oss, ok alt forellri, fyrst um brunaöld, en nú um haugsöld, ok hafa þeir verit miklu göfgari en vér, ok hefir oss þó dugat þessi átrúnaðr. Vér höfum lagt til yðar svá mikla ástúð, at vér höfum þik ráða látit með oss öllum lögum í landinu ok landsrétt. Nú er 20 þat vili várr ok samþykki bóndanna, at halda þau lög, sem þú settir oss hér á Frostapingi ok vér játuðum þér; viljum vér allir þér fylgja ok þik til konungs halda, meðan einn- hverr er lífs bóndama þeira, er hér eru nú á þinginu, ef þú, konungr, vill nokkut hóf við hafa, at beiða oss þess 25 eins, er vér megum veita þér, ok oss sé eigi úgeranda. En ef þér vilit þetta mál taka með svá mikilli freku, ok deila afli ok ofríki við oss, þá höfum vér boendr gert ráð vart, at skiljast allir við þik, ok taka oss annan höfðingja, þann er oss haldi til þess, at vér megim í frelsi hafa þann átrúnað, 30 sem vér viljum. Nú skaltu, konungr, kjósa um kosti þessa, áðr þing sé slitit. At erendi þessu gerðu boendr róm mikinn, ok segja at þeir vilja svá vera láta. En er hljóð fékkst, þá svaraði Sigurðr jarl: þat er vili Hákonar konungs at samþykkja við yðr boendr, ok láta aldri skilja yðra 35

vináttu. Bændr segja at þeir vilja, at konungr blóti til ars þeim ok friðar, svá sem faðir hans gerði; staðnar þá kurrinn ok slíta þeir þinginu. Síðan talaði Sigurðr jarl við konung, at hann skyldi eigi fyrirtaka með öllu at gera
 5 sem bændr vildu, sagði at eigi mundi annat hlýða, er þetta, konungr, sem þér megit sjálfir heyra, vili ok ákafi höfðingja ok þarmeð alls fólks; skulum vér, konungr, hér finna til gott ráð nökkut. Ok samdist þat með þeim konungi ok jarli.

Bændr þrængva Hákonni til blóta.

10 18. Um haustit at vetrnóttum var blótveizla á Hlöðum, ok sótti þar til konungr. Hann hafði jafnan fyrr verit vanr, ef hann var staddr þar er blót váru, at matast í litlu húsi með fá menn; en bændr töldu at því, er hann sat eigi í háseti sínu, þá er mestr var mannfagnaðr; sagði jarl, at
 15 hann skyldi eigi þá svá gera; var ok svá at konungr sat í háseti sínu. En er hit fyrsta full var skenkt, þá mælti Sigurðr jarl fyrir, ok signaði Óðni, ok drakk af horninu til konungs. Konungr tók við ok gerði krossmark yfir. Þá mælti Kárr af Grýtingi: hví ferr konungr nú svá? vill
 20 hann eigi enn blóta? Sigurðr jarl svarar: konungr gerir svá, sem þeir allir, er trúa á mátt sinn ok megin, ok signa full sitt Þór; hann gerði hamarsmark yfir, áðr hann drakk. Var þá kyrt um kveldit. Eptir um daginn, er menn géngu til borða, þá þustu bændr at konungi, sögðu at hann
 25 skyldi eta þá hrossaslátr. Konungr vildi þat fyrir engan mun. Þá báðu þeir hann drekka soðit; hann vildi þat eigi. Þá báðu þeir hann eta flotit; hann vildi þat ok eigi. Ok var þá búit við atgöngu. Sigurðr jarl vildi setta þá, ok bað þá hætta storminum; ok bað hann konung gína
 30 yfir ketilhödduna, er soðreykinn hafði lagt upp af hrossaslátrinu, ok var smjörug haddan. Þá gékk konungr til, ok brá línúð um hödduna ok gein yfir, ok gékk síðan til hásetis, ok líkaði hvarigum vel.

Blótveizla á Mæri.

19. Um vetrinn eptir var búit til jólaveizlu konungi inn á Mæri. En er at leið jólum, þá lögðu þeir stefnu með sér átta höfðingjar, er mest réðu fyrir blótum í öllum Þrændalögum; þeir voru 4 utan or Þrándheimi: Kárr af 5 Grýtingi, Ásbjörn af Meðalhúsum, Þorbergr af Varnesi, Ormr af Ljoxu; en af Innþrændum: Bótólfr af Ölvishaugi, Narfi af Staf í Veradal, Þrándr haka af Eggju, Þórir skegg af Húsabœ í eynni Iðri. Þessir 8 menn bundust í því, at þeir 4 af Útþrændum skyldu eyða kristninni, en þeir 4 10 af Innþrændum skyldu neyða konung til blóta. Útþrændir fóru 4 skipum suður á Mæri, ok drápu þar presta 3 ok brendu kirkjur 3; fóru aptr síðan. En er Hákon konungr ok Sigurðr jarl kómu inn á Mæri með hirð sína, þá voru þar boendr komnir, ok höfðu allfjölment. Hinn fyrsta dag 15 at veizlunni veittu boendr konungi atgöngu ok báðu hann blóta, en hétu honum afarkostum ella. Sigurðr jarl bar þá sattmál í millum þeira; kom þá svá, at Hákon konungr át nökkura bita af hrosslifr; drakk hann þá öll minni krossalaust, þau er boendr skenktu honum. En er veizlu 20 þeiri var lokit, fór konungr ok jarl þegar út á Hlaðir; var konungr allúkátr, ok bjóst þegar í brott með öllu liði sínu or Þrándheimi, ok mælti svá, at hann skyldi fjölmennari koma í Þrándheim annat sinn, ok gjalda bóndum þenna fjándskap, er þeir höfðu til hans gert. Sigurðr jarl 25 bað konung gefa Þrændum þetta eigi at sök, segir svá, at konungi mundi eigi þat duga at heitast eða herja á innanlands fólk, þar sem mestr styrkr er landsins, sem í Þrándheimi var. Konungr var þá svá reiðr, at ekki mátti orðum við hann koma; fór hann í brott or Þrándheimi ok suður á 30 Mæri, dvaldist þar um vetrinn ok um várit; en er sumraði, dró hann lið at sér, ok voru þau orð á, at hann mundi fara með her þann á hendr Þrændum.

Orrosta í Ögvaldsnesi.

20. Hákon konungr var þá á skip kominn ok hafði lið mikit; þá kómu honum tíðindi sunnan or landi, þau at synir Eiríks konungs væru komnir sunnan af Danmörk í Víkina, ok þat fylgði, at þeir höfðu elt af skipum Tryggva konung Ólafsson austr við Sótanes; höfðu þeir þá víða herjat í Víkinni, ok höfðu margir menn undir þá gengit. En er Hákon konungr spurði þessi tíðindi, þóttist hann liðs þurfa, sendi þá orð Sigurði jarli. at koma til sín, ok
10 svá öðrum höfðingjum, þeim er honum var liðs at ván. Sigurðr jarl kom til Hákonar konungs, ok hafði allmikit lið; væru þar þá allir Þrændir, þeir er um vetrinn höfðu mest gengit at konunginum, at pynda hann til blóta; væru þá allir í sætt teknir af fortölum Sigurðar jarls. Fór Há-
15 kon konungr þá suðr með landi. En er hann kom suðr um Stað, þá spurði hann, at Eiríks synir væru þá komnir á Norðragðir. Fóru þá hvarir í móti öðrum; varð fundr þeira á Körmt. Géngu þá hvarir af skipum ok börðust á Ögvaldsnesi; væru hvarirtveggju allfjöldmennir. Þar var
20 orrosta mikil. Sótti Hákon konungr hart fram; ok var þar fyrir Guthormr konungr Eiríksson með sína sveit, ok eigast þeir höggvaskipti við. Þar féll Guthormr konungr, ok var merki hans niðrhæggvit; féll þar mart lið um hann. Því næst kom flótti í lið Eiríks sona, ok flýðu þeir til
25 skipanna ok reru í brott, ok höfðu látit lið mikit. Þess getr Guthormr sindri:

<p>Valþagnar lét vegnum vínestr saman bresta handar vafs of höfðum 30 hlymmildingum gildir;</p>	<p>þar gekk Njörðr af Nirði nadds hámana raddar valbrands víðra lands vápnundudum sunda.</p>
---	--

Hákon konungr fór til skipa sinna ok hélt austr eptir Gunnhildar sonum; fóru þá hvarirtveggju sem mest máttu, þar til er þeir kómu á Austragðir. Þáðan sigldu Eiríks synir á haf, ok suðr til Jótlands. Þess getr Guthormr sindri:

Álmdrauga varð ægis	böðsækir hélt bríkar
optsinn, en ek þess minnumk,	bræðr síns ok rak flæða
barma öld fyrir Baldri	undan allar kindir
bensíks vita ríkis;	Eireks á haf snekkjum.

Síðan fór Hákon konungr norðr aptr í Noreg, en Eiríks 5 synir dvöldust þá enn í Danmörk langa hríð.

Lagasetning Hákonar konungs.

21. Eptir þessa orrostu setti Hákon konungr þat í lögum um alt land með sjá, ok svá langt upp á land sem lax gengr ofarst, at hann skipaði allri byggð ok skipti 10 í skipreiður, en skipreiðum í fylki hverju. Var þá ákveðit, hversu mörg skip eða stór skyldi út gera or fylki hverju, þá er almenningr væri úti, ok skyldi almenningr vera skyldr út at gera, þegar er útlendr herr væri í landi. Þat skyldi ok fylgja útboði því, at vita skyldi gera á hám fjöllum, 15 svá at hvern mætti sjá frá öðrum. Segja menn svá, at á sjau nóttum fór herboðit frá hinum synsta vita í hina nærstu þinghá á Hálogalandi.

Frá Eiríks sonum.

22. Eiríks synir váru mjök í hernaði í Austrvegi, en 20 stundum herjuðu þeir í Noregi, svá sem fyrr er ritat. En er Hákon konungr réð Noregi, var árferð góð í landi; hann var ok hinn vinsælasti; þá var ok góðr friðr. Þá er Hákon hafði konungr verit í Noregi 20 vetr, komu sunnan or Danmörku synir Eiríks ok höfðu ahlmikit lið. Þat var 25 mikit lið er þeim hafði fylgt í hernaði, en þó var miklu meiri Danaberr, er Haraldr konungr Gormsson hafði fengit þeim í hendr. Þeir féngu hraðbyri mikit, ok sigldu út af Vendli, ok komu utan at Ögðum, héldu síðan norðr með landi ok sigldu dag ok nótt. En vitum var ekki uppskotit, 30 fyrir þá sök at sú var siðvenja, at vitar fóru austan eptir landi, en austr þar hafði ekki orðit vart við ferð þeira. Þat bar enn til, at konungr hafði viðrlög mikil, at vitar

væri rangt uppbornir, þeim mönnum er kunnir ok sannir urðu at því, fyrir þá sök at herskip ok víkingar fóru um úteyjar ok herjuðu, ok hugðu landsmenn at þar mundu fara synir Eiríks; var þá vitum uppskotit, ok varð herhlaup um
 5 land alt; en Eiríks synir fóru aptr til Danmerkr ok höfðu engan Danaher haft nema sitt lið; en stundum váru þat annarskonar víkingar. Varð Hákon konungr þessu mjök reiðr, er starf ok fékostnaðr varð af þessu, en ekki gagn. Bændr töldu ok at fyrir sína hönd, er svá fór. Ok var
 10 þessi sök til, er engi njósn fór fyrir um ferð Eiríks sona, fyrr en þeir kómu norðr í Úlfasund. Þeir lágu þar 7 nætr, fór þá sögn hit efra um Eið ok norðr um Mæri. En Hákon konungr var þá á Norðmæri í ey þeiri er Fræði heitir, þar sem heitir Birkiströnd, at búi sínu, ok hafði
 15 ekki lið nema hirð sína, ok bændr þá er verit höfðu í boði hans.

Frá Agli ullserk.

23. Njósnarmenn kómu til Hákonar konungs ok segja honum sín erendi, at Eiríks synir váru með her mikinn fyrir
 20 sunnan Stað. Þá lét konungr kalla til sín þá menn er þar váru vitrastir, ok leitaði ráðs við þá, hvárt hann skyldi berjast við Eiríks sonu, þótt liðsmunr sé mikill, eða skal hann fara norðr undan ok fá sér lið meira. Egill ullserkr er nefndr bóndi einn, er þar var, hann var þá gamlaðr
 25 mjök, ok hafði veitit meiri ok sterkari hverjum manni, ok hinn mesti orrostumaðr; hann hafði lengi borit merki Haralds konungs hins hárfagra. Egill svarar ræðu konungs: var ek í nökkurum orrostum með Haraldi konungi feðr yðrum, barðist hann stundum við meira liði, stundum við
 30 minna, hafði hann jafnan sigr; aldri heyrða ek hann leita þess ráðs, at vinir hans skyldi kenna honum at flýja; muntum vér ok eigi þér þat ráð kenna, konungr, því at vér þykkjumst eiga höfðingja rökvan, þér skulut ok eiga trausta fylgð af oss. Margir aðrir studdu ok þetta mál. Konungr

sagði ok svá, at hann var þess fúsari at berjast með lið þat er til féngist; var þat þá raðit. Lét konungr þá skera upp herör ok senda alla vega frá sér, ok lét draga lið saman, slíkt er hann fékk. Þá mælti Egill ullserkr: þat óttuðumst ek um hrið, er friðr þessi hinn mikli var, at ek munda verða ellidauðr inni á pallstrálm mínum, en ek vilda heldr falla í orrostu með höfðingja mínum; kann nú vera at svá megí verða.

Orrosta við Fræðarberg.

24. Synir Eiríks héldu norðr um Stað, þegar er leiði 10 gaf. En er þeir kómu norðr um Stað, þá spyrja þeir hvar Hákon konungr var, ok halda til móts við hann. Hákon konungr hafði 9 skip; hann lagðist norðr undir Fræðarberg í Féeyjarsundi; en Eiríks synir lögðu at fyrir sunnan bergit, þeir höfðu meir en 20 skip. Hákon konungr sendi 15 þeim boð, ok bað þá á land ganga; segir at hann hafði þeim völl haslat á Rastarkálf. Þar eru vellir sléttir ok miklir, en fyrir ofan gengr brekka löng ok heldr lág. Géngu Eiríks synir þá af skipum sínum, ok norðr yfir hálsinn fyrir innan Fræðarberg, ok svá fram á Rastarkálf. 20 Egill mælti þá til Hákonar konungs, bað hann fá sér 10 menn ok 10 merki; konungr gerði svá. Gekk þá Egill með menn sína upp undir brekkuna, en Hákon konungr gekk upp á völlinn með sitt lið, setti upp merki ok fylkti, ok segir svá: vér skulum hafa fylking langa, svá at þeir 25 kringi eigi um oss, þótt þeir hafi lið meira. Gerðu þeir svá. Varð þar orrosta mikil ok hin snarpasta sókn. Egill lét þá setja upp merki þau 10, er hann hafði, ok skipaði svá mönnum þeim er báru, at þeir skyldu ganga sem næst brekkunni ok láta stundar hrið í millum hvers þeira. Þeir 30 gerðu svá, ok géngu fram með brekkunni sem næst, svá sem þeir mundu vilja koma á bak þeim Eiríks sonum. Þat sá þeir er efstir stóðu í fylking Eiríks sona, at merki mörg fóru óðfluga ok gnæfðu fyrir ofan brekkuna, ok hugðu

at þar mundi fylgja lið mikit, ok mundi vilja koma á bak þeim, milli ok skipanna. Gerðist þar þá kall mikit, sagði hverr öðrum hvat títt var. Því næst kom flótti í lið þeira, en er þat sá konungarnir, þá flýðu þeir. Hákon konungr sótti þá hart fram með sínum mönnum, ok ráku þeir flóttann ok feldu lið mikit.

Frá Gamla konungi.

25. Gamli Eiríksson, þá er hann kom upp á hálsinn fyrir ofan bergit, þá snerist hann aptr, ok sá at ekki lið fór eftir meira, en þat er þeir höfðu barzt viðr, ok þetta var prettr einn. Þá lét Gamli konungr blása herblástr ok setja upp merki sitt, ok skaut á fylking; hurfu at því allir Norðmenn, en Danir flýðu til skipanna. En er Hákon konungr ok lið hans kom at, þá varð þar orrosta í annat 15 sinn hin snarpasta. Hafði þá Hákon konungr meira lið, lauk svá at Eiríks synir flýðu; sóttu þeir þá suðr af hálsinum, en sumt lið þeira opaði suðr á bergit, ok fylgði Hákon konungr þeim. Völlr sléttr er austan af hálsinum ok vestr á bergit, ok þá hamrar brattir vestr af. Þá opuðu 20 menn Gamla upp undan á bergit, en Hákon konungr sótti at þeim svá djarfliga, at hann drap suma, en sumir hljópu vestr af berginu; váru hvárirtveggju drepnir. Skildist Hákon konungr svá fremi við, er hverr maðr var drepinn.

Fall Gamla konungs ok Egils ullserks.

25 26. Gamli Eiríksson flýði ok af hálsinum, ok ofan á jöfnu fyrir sunnan bergit. Þá snerist Gamli konungr enn í mót, ok hélt upp orrostu; kom þá enn lið til hans; þar komu ok allir bræðr hans með miklar sveitir. Egill ullserkr var þá fyrir Hákonar mönnum, ok veltti harða atgöngu, ok 30 skiptust þeir Gamli konungr höggum við; fékk Gamli konungr sár stór, en Egill féll, ok mart lið með honum. Þá kom at Hákon konungr með þær sveitir er honum höfðu fylgt, varð þá enn ný orrosta; sótti þá enn Hákon konungr

hart fram, ok hjó menn til beggja handa sér, ok feldi hvern yfir annan. Svá segir Guthormr sindri:

Hræddr fór hjörva raddar	gerra gramr í snerru	
herr fyrir málma þverri,	geirvífa sér hlífa,	
rógeisu gékk ræsir	hinn er yfrinn gat jöfra	5
ráðsterkr framar merkjum;	Óðs kvánar byr mána.	

Eiríks synir sá menn sína alla vega falla fyrir sér; þá snúast þeir á flótta til skipa sinna. En þeir er fyrri höfðu flýit á skipin, þá höfðu þeir út brundit skipunum, en sum skipin váru þá uppi fjöruð; hljópu þá allir Eiríks synir á sund, 10 ok þat lið er þeim fylgði. Þar féll Gamli Eiríksson, en aðrir bræðr hans náðu skipunum, ok héldu brot síðan með þat lið er eptir var, ok héldu síðan suðr til Danmarkar, ok dvöldust þar um hrið, ok undu illa við sína ferð.

Hejgðr Egill ullserkr.

15

27. Hákon konungr tók þar skip þau er uppi hafði fjarat, er átt höfðu Eiríks synir, ok lét draga á land upp. Þar lét Hákon konungr leggja Egil ullserk í skip, ok með honum alla þá menn er af þeira liði höfðu fallit; lét bera þar at jörð ok grjót. Hákon konungr lét ok fleiri 20 skip upp setja ok bera á valim, ok sér þá hauga enn fyrir sunnan Fræðarberg. Eyvindr skáldaspillir orti vísu þessa, þá er Glúmr Geirason, hoeldist í sinni vísu um fall Hákonar konungs:

Fyrr rauð Fenris varra	þá er ústirfinn arfa	25
flugvarr konungr sparra,	Eiríks of rak, geira	
málmhríðar svall meijðum	nú tregr gætigauta	
móðr, í Gamla blóði,	grams fall, á sjá alla.	

Háfir þautasteinar standa hjá haugi Egils ullserks.

Sögð hersaga.

30

28. Þá er Hákon konungr Aðalsteinsfóstri hafði verit konungr í Noregi 6 vetr ok 20, síðan er Eiríkr bróðir hans fór or landi, þá varð þat til tíðinda, at Hákon

konungr var staddr á Hörðalandi, ok tók veizlu í Storð á Fitjum; hafði hann þar hirð sína ok marga böendr í boði sínu. En er konungr sat yfir dagverðarborði, þá sá varðmenn, er úti váru, at skip mörg sigldu sunnan, ok áttu
5 eigi langt til eyjarinnar. Þá mælti hverr við annan, at segja skyldi konungi, at þeir hugðu at herr mundi at þeim fara; en þat þótti engum dælt at segja konungi hersögu, því at hann hafði þar mikit við lagt, hverjum er þat gerði: en þat þótti þó úgeranda, at konungr vissi eigi þetta. En
10 þá gengu einnhverr inn í stofuna ok hað Eyvind Finnsson ganga út með sér skjótt, segir at hin mesta nauðsyn var á. Eyvindr gekk út, ok þegar er hann kom út, þar er sjá mátti til skipanna, þá sá hann þegar, at þar fór herr mikill: gekk þegar aptr í stofuna ok fyrir konung ok mælti: lítill
15 er liðandi stund, en löng er matmáls stund. Konungr leit móti honum ok mælti; hvat ferr? Eyvindr kvað:

Blóðoxar tjá beiða	Heldr er vant, en ek vilda
brynþings fetilstinga.	veg þinn, konungr! segja,
oss gerask hnept, ens livassa	fám til fornra vápna
20 hefnendr, setuefni.	fljótt, hersögu dróttni.

Konungr sagði: ertu svá góðr drengr, Eyvindr, at þú munt eigi hersögu segja, nema sönn sé. Þá segja margir, at sú saga var sönn. Lét þá konungr taka ofan borðit; gekk hann þá út ok sá til skipanna, sá þá at þat váru herskip.
25 Hann mælti þá til manna sinna, spyrir hvert ráð taka skyldi, hvárt berjast skal með lið þat, er þeir hafa, eða ganga til skipa ok sigla norðr undan: er oss þat auðsætt, segir konungr, at vér munum nú berjast við liðsmun miklu meira, en fyrr höfum vér átt, ok hefir oss opt þó þótt mikill mis-
30 jafnaðr liðs várs, þá er vér höfum orrostu átt við sonu Gunnhildar. Menn veittu hér eigi skjótan orskurð. Þá kvað Eyvindr:

Samira, Njörðr, enn norðar,	nú er þat er rekr á rakna
naddregns, hvötum þegni,	rymleið flota breiðan,
35 vér getum bili at bölvá,	grípum vér í greipar
borðmærar skæ fœra;	gunnborð, Haraldr sunnan.

Konungr svarar: hraustliga er þetta mælt, Eyvindr, ok nær skaplyndi mínu, en þó vil ek heyra fleiri manna orskurð um þetta mál. En er menn þóttust skilja, hversu konungr vildi vera láta, þá svara margir, segja at heldr vildu falla með drengskap, en flýja fyrir Dönum at úreyndu, sögðu 5 at opt höfðu þeir sigr fengit, þá er þeir höfðu barizt við minna lið. Konungr þakkaði þeim vel orð sín, ok bað þá vápnast, ok svá gera menn. Konungr steypir brynju á sik ok gyrðir sik með sverðinu Kvernbit, setr á höfuð sér hjálm gullroðinn, tekr kesju í hönd sér ok skjöld á 10 hlið; þá skipar hann hirðinni í eina fylking, ok bøndum þar með, ok setti upp merki sín.

Liðsamnaðr Eiríks sona.

29. Haraldr Eiríksson var þá höfðingi yfir þeim bræðrum eptir fall Gamla. Þeir bræðr höfðu þar her 15 mikinn sunnan af Danmörk. Þar váru þá í liði með þeim móðurbæðr þeira Eyvindr skreyja ok Álfr askmaðr, þeir váru sterkir menn ok hraustir ok hinir mestu manndrápamenn. Eiríks synir héldu skipum sínum til eyjarinnar, ok géngu á land upp ok fylktu; ok er svá sagt, at eigi mundi 20 vera minni liðsmunr, en sex menn mundu vera um einn, at Eiríks synir mundu fjölmennari.

Bardagi í Stord á Fitjum.

30. Hákon konungr hafði þá fylkt liði sínu, ok segja menn svá, at konungr steypiti af sér brynjunni, áðr orrostan 25 tókst. Svá segir Eyvindr skáldaspillir í Hákonarmálum:

Bróður fundu þær Bjarnar
í brynju fara,
konung hinn kostsama
kominn und gunnfána;
drúptu dólgar,
en darraðr hristisk,
upp var þá hildir um hafð.

Hét á Háleygi
sem á Hólmrygi
jarla einbani,
fór til orrostu.
Gott hafði hinn göfgr
gengi Norðmanna;
ægir Eydana
stóð und árhjálm.

Hrauzk or herváðum,
hratt á völl brynju
vísi verðungar
áðr til vígs tœki;

lék við ljóðmögu,
skyldi land verja;
gramr hinn glaðværi
stóð und gullhjálmi.

5 Hákon konungr valdi mjök menn í hirð með sér at affli ok hreysti, svá sem gert hafði Haraldr konungr faðir hans. Þórálfr hinn sterki Skólmsson var þar ok gékk á aðra hlið konungi, hann hafði hjálm ok skjöld, kesju ok sverð þat er kallat var Fetbreiðr. Þat var kallat, at þeir Hákon
10 konungr væri jafnsterkir; þess getr Þórðr Sjáreksson í drápu þeiri, er hann orti um Þórálf:

15 Þar er böðharðir börðusk bands jódraugar landa, lystr gékk herr til hjörva hnits í Storð á Fitjum;

ok gimslöngvir ganga gífrs hlémána drífu nausta blakks hit næsta Norðmanna gram þorði.

En er fylkingar géngu saman, varð þar orrosta óð ok mannskœð; en er menn höfðu skotit spjótum, þá brugðu menn sverðum; gékk þá Hákon konungr, ok Þórálfr með honum, fram um merkit, ok hjó til beggja handa. Svá
20 segir Eyvindr skáldaspillir:

25 Svá beit þá sverð or siklings hendi váðir Váfaðar sem í vatn um brygði. Brökuðu broddar, brotnuðu skildir, glumruðu glymhringar í gotna hausum.

Tröddusk törgur fyr Týs ok bauga hjalta harðfótum hausar Norðmanna; róma varð í eyju, ruðu konungar skírar skjaldborgir í skatna blóði.

Fall Eyvindar skreyju ok Álfs askmanns.

30 31. Hákon konungr var auðkendr, meiri en aðrir menn, lýsti ok af hjálminum, er sólin schein á; var vápnaburðr mikill at honum. Þá tók Eyvindr Finnsson hött ok setti yfir hjálm konungs. Eyvindr skreyja kallaði þá hátt: leynist Norðmanna konungr nú, eða hefir hann flýit, eða
35 hvar er nú gullhjálmrinn? Gékk Eyvindr þá fram, ok

Álfr bróðir hans með honum, ok hjoggu til beggja handa, ok létu sem óðir eða galnir væri. Hákon konungr mælti hátt til Eyvindar: haltu svá fram stefnunni, ef þú vilt finna Norðmanna konung. Svá segir Eyvindr skáldaspillir:

Baðat valgrindar vinda
veðrheyjandi Skreyju
gumnum hollr né gulli
Gefnar sinni stefnu.

Ef svipkenni svinnan . . . 5
sigrminnigr vilt finna,
fram haltu njótr at nýtum
Norðmanna gram þannig.

Var þá ok skamt at bíða, at Eyvindr kom þar ok reiddi sverðit ok hjó til konungs. Þórálfr skaut við honum 10 skildinum, ok stakaði Eyvindr við, en konungr tók sverðit Kvernbit tveim höndum, ok hjó til Eyvindar ofan í hjálminn, klauf hjálminn ok höfuðit alt í herðar niðr. Þá drap Þórálfr Álf askmann. Svá segir Eyvindr skáldaspillir:

Veit ek at beit hinn hitri
byggving meðaldyggvan
búlka skíðs or báðum
benvöndr konungs höndum.

Úfælinn klauf ála 15
éldraugr skarar hauga
gullhjöltuðum galtar
grandaðr Dana brandi.

Eptir fall þeira bræðra gékk Hákon konungr svá hart fram, at þá hrökk alt fólk fyrir honum; slær þá í lið Ei- 20 ríks sona felmt ok flóttu því næst. En Hákon konungr var í öndverðri sinni fylking, ok fylgði fast flóttamönnum, ok hjó títt ok hart. Þá flaug ör ein, er fleinn er kallaðr, ok kom í hönd Hákonu konungi upp í músina fyrir neðan öxl; ok er þat margra manna sögn, at skósveinn Gunn- 25 hildar, er Kispingr er nefndr, hljóp fram í þysinum ok kallaði: gefit rúm konungsbananum! ok skaut fleininum til Hákonar konungs. En sumir segja, at eigi veit hverr skaut, má þat ok vel vera, því at örvar ok spjót ok alls- konar skotvápni flugu svá þýkt sem drífa. Fjöldi manns 30 féll af Eiríks sonum, bæði á vígvellinum ok á leið til skipanna, ok svá í fjörunni; ok fjöldi hljóp á kaf; mært komst á skipin, ok allir Eiríks synir, ok reru þegar undan, en Hákonar menn eptir þeim. Svá segir Þórðr Sjáreksson:

5 Varði varga myrðir vítt, svá skal frið slíta, jöfur vildu þann eldask, öndvert fólk, at löndum; starf hófsk upp, þar er arfi ótta vanr á flótta gulls, en gramr var fallinn, Gunnhildar kom sunnan.	Þrott var sýnt þar er settusk sinn róðrs við þróm stinnan, maðr lét önd ok annarr, úfár búendr sárir. Afreks veit þat er jöfri allríkr í styr slíkum göndlar njörðr, sá er gerði. gékk næst, hugins drekku.
--	--

Dauði Hákonar konungs.

10 32. Hákon konungr gékk út á skeið sína, lét þá
 binda sár sitt; en þar rann blóð svá mjök, at eigi fékk
 stöðvat. Ok er á leið daginn, þá úmætti konung; segir
 hann þá, at hann vill fara norðr á Álreksstaði til bús síns.
 En er þeir koma norðr at Hákonarhellu, þá lögðu þeir
 15 þar at, ok var þá konungr nær lífláti; kallaði hann þá
 á vini sína, ok segir þeim skipan þá, er hann vill hafa á
 um ríkit. Hann átti dóttur eina barna, er Þóra hét, ok
 engan son. Hann bað þá senda þau orð Eiríks sonum, at
 þeir skyldu konungar vera yfir landi, en hann bað af þeim
 20 virkta vinum sínum ok frændum: en þótt mér verði lífs
 auðit, segir hann, þá mun ek af landi fara ok til kristinna
 manna, ok þóta þat, er ek hefi brotit við guð; en ef ek dey
 hér í heiðni, þá veiti mér þann gröpt er yðr sýnist. Litlu
 síðar andaðist Hákon konungr þar á hellunni, sem hann
 25 hafði fœddr verit.

Hákon konungr var svá mjök harmaðr, at bæði vinir
 ok úvinir grétu dauða hans, ok kölluðu, at eigi mundi
 jafngóðr konungr koma síðan í Noreg. Vinir hans fluttu
 lík hans norðr á Sæheim á Norðhörðaland, ok urpu þar
 30 haug mikinn, ok lögðu þar í konung með alvæpni sitt ok
 hinn bezta búnað sinn, en ekki fé annat. Mæltu þeir svá
 fyrir grepti hans, sem heiðinna manna siðr var til, vísuðu
 honum til Valhallar. Eyvindr skáldaspillir orti kvæði eitt
 um fall Hákonar konungs, ok svá þat hversu honum var
 35 þar fagnat; þat eru kölluð Hákonarmál, ok er þetta upphaf:

Göndul ok Skögunl
sendi Gautatýr
at kjósa um konunga,
hverr Yngva ættar
skyldi með Óðni fara
ok í Valhöll vera.

Bróður fundu þær Bjarnar
í brynju fara,
konung hinn kostsama
kominn und gunnfána;
drúptu dólgar,
en darraðr hristisk,
upp var þá hildr um hafð.

Hét á Háleygi
sem á Hólmrygi
jarla einbani,
fór til orrostu.
Gott hafði hinn göfgi
gengi Norðmanna;
ægir Eydana
stóð und árhjálm.

Hrauzk or herváðum,
hratt á völl brynju
vísi verðungar
áðr til vígs tœki;
lék við ljóðmögu,
skyldi land verja;
gramr hinn glaðværi
stóð und gullhjálm.

Svá beit þá sverð
or siklings hendi
váðir Váfaðar
sem í vatn um brygði.
Brökuðu broddar,
brotnuðu skildir,
glumruðu glymhringar
í gotna hausum.

Tröddusk törgur
fyrir Týs ok bauga
hjalta harðfótum
hausar Norðmanna;
róma varð í eyju,

ruðu konungar
skírar skjaldborgir
í skatna blóði.

Brunnu beneldar
í blóðgum undum,
lutu langbarðar
at lýða fjörvi,
svarraði sárgýmir
á sverða nesi,
féll flóð fleina
í fjöru Stórðar.

Bléndusk við roðnar
und randar himni
Sköglar veðr léku
við skýs um bauga;
umdu oddlár
í Óðins veðri,
hneig mart manna
fyrir mækis straumi.

Sátu þá döglingar
með sverð um togin,
með skarða skjöldu
ok skotnar brynjur,
vara sá herr
í hugum er átti
til Valhallar vega.

Göndul þat mælti,
studdisk geirskapti:
vex nú gengi goða,
er Hákonni hafa
með her mikinn
heim bönd um boðit.

Vísi þat heyrði,
hvat valkyrjur mæltu
mærar af mars baki;
hyggiliga létu
ok hjálmaðar sátu
ok höfðusk hlífar fyrir.

Hákon:

Hví þú svá gunni
skiptir, Geirskögunl?
várum þó verðir gagns frágoðum.

5

10

15

20

25

30

35

40

Skögul:

Vér því völdum
er þú velli hélzt
en þínir fjáendr flugu.

5 Ríða vit nú skulum,
kvað hin ríka Skögul,
grœnna heima góða
Óðni at segja,
at nú mun allvaldr koma
10 á hann sjálfan at sjá.

Hermóðr ok Bragi,
kvað hroptatýr,
gangit í gegn gramí,
því at konungr ferr,
15 sá er kappi þykkir,
til hallar hinnig.

Ræsir þat mælti,
var frá rómü kóminn,
stóð allr í dreyra drifinn:
20 illúðigr mjök
þykkir oss Óðinn vera,
sjám vér hans of hugi.

Einherja grið
þú skalt allra hafa,
25 þigg þú at Ásum öl;
jarla bági,
þú átt inni hér
átta bræðr, kvað Bragi.
Gerðar várar,

kvað hinn góði konungr,
viljum vér sjálfir hafa,
hjálm ok brynju
skal hirða vel,
gott er til geirs at taka.

Þá þat kyndisk,
hve sá konungr hafði
vel um þyrmt véum,
er Hákon báðu
heilan koma
ráð öll ok regin.

Góðu dægri
verðr sá gramr útm borinn,
er sér getr slíkan sefa;
hans aldar
æ mun vera
at góðu getit.

Mun úbundinn
á ýta sjöt
Fenrisúlfr fara,
áðr jafugóðr
á auða þröð
konungmaðr komi.

Deyr fé,
deyjá frændr,
eyðisk land ok láð;
síz Hákon fór
með heiðin goð,
mörg er þjóð um þjáð.

SAGAN AF HARALDI KONUNGI GRAFELD OK HÁKONI JARLI.

Upphaf Eiríks sona.

1. Eiríks synir tóku þá konungdóm yfir Noregi, síðan er Hákon konungr var fallinn. Var Haraldr mest fyrir þeim 5
bræðrum at virðingu, ok hann var elztr þeira er þá lifðu. Gunnhildr móðir þeira hafði mjök landráð með þeim, hon var kölluð konungamóðir. Þá váru höfðingjar í landinu: Tryggvi Ólafsson austr í landi ok Guðröðr Bjarnarson á Vestfold, Sigurðr Hlaðajarl í Þrándheimi, en Gunnhildar 10
synir höfðu mitt land hinn fyrsta vetr. Þá fóru orð ok sendimenn milli þeira Gunnhildar sona ok Tryggva ok Guðröðar, ok var þar alt mælt til sætta, at þeir skyldi hafa þvilíkan blut ríkis af Gunnhildar sonum, sem þeir höfðu áðr haft af Hákoní konungi. Glúmr Geirason er 15
maðr mæfndr, hann var skáld Haralds konungs ok hreysti-
maðr mikill; hann orti vísu þessa eptir fall Hákonar konungs:

Vel hefir hefnt, en hafna	er dækkvalir drekka	
hjörs berðrangar fjörvi,	dólgbands, fyrir ver handan	
fólkrakkr um vann fylkir	roðin frá ek rauðra benja	20
framligt, Haraldr Gamla;	reyr, Hákonar, dreyra.	

Þessi vísa varð allkær. Ok er þetta spyr Eyvindr Finns-
son, kvað hann vísu er fyrr er ritin:

Fyrr rauð Fenris várra	þá er ústirfinn arfa	
flugvarr konungr sparra,	Eiríks of rak, geira	25
málmhríðar svall meiðum	nú tregr gætigauta	
móðr, í Gamla blóði,	grams fall, á sjá alla.	

Var sú vísa ok mjök flutt. En er þat spyr Haraldr kon-
ungr, þá gaf hann Eyvindi þar fyrir dauðasök, alt til þess
er vinir þeira sættu þá, með því at Eyvindr skyldi gerast 30
skáld hans, svá sem hann hafði áðr verið skáld Hákonar

konungs. Var frændsemi þeira mikil, svá at Gunnhildr var móðir Eyvindar, dóttir Hálfðanar jarls, en móðir hennar var Ingibjörg, dóttir Haralds konungs hins hárfagra. Þá orti Eyvindr vísu um Harald konung:

5 Lítt kváðu þik láta, þá er úfólginn ylgjað
landvörðri er brast, Hörða, endr or þinni hendi
benja hagi á brynjum, fetla svell til fyllar ...
bugust álmur, geð fálma; fullegg, Haraldr, gullu.

Gunnhildar synir sátu mest um milt land, því at bæði þótti
10 þeim ekki trúligt at sitja undir hendi. Þoendum eða Vík-
verjum, er mestir höfðu verit vinir Hákonar konungs, en
stórmenni márt í hvarumtveggja stað. Þá fóru mehn at
bera sættarboð í milli þeira Gunnhildar sona ok Sigurðar
jarls, því at þeir fengu engar skyldir áðr or Þrándheimi,
15 ok varð þat at lýktum, at þeir gerðu sætt sína konungar
ok jarl, ok bundu swardögum. Skyldi Sigurðr jarl hafa slíkt
ríki af þeim í Þrándheimi, sem hann hafði fyrr af Hákon
konungi, váru þeir þá sáttir kallaðir. Allir synir Gunn-
hildar váru sínkir kallaðir, ok var þat mælt, at þeir fæli
20 lausafé í jörðu. Um þat orti Eyvindr skáldaspillir vísu:

Bárum, ullr! um alla, Nú hefir fólkstriðir Fróða
ímunlauks, á hauka fáglyjaðra þýja
fjöllum Fyrisvalla mældr í móður hokdi
æ Hákunar ævi. mellu dólgs um fólginu.

25 Ok enn:

Fullar skein á fjöllum Nú er álfröðull elfar
falsól brá vallar jötna dólgs um fólginu,
Ullar kjóls um allan ráð eru rammrar þjóðar
aldr Hákunar skáldum. rík, í móður líki.

30 Þá er Haraldr konungr spurði um vísur þessar, þá sendi
hann orð Eyvindi, at hann skyldi koma á fund hans. En
er Eyvindr kom, á konungs fund, þá bar konungr sakar á
hann, ok kallaði hann úvin sinn: ok samir þér þat illa,
segir hann, at veita mér útrúnað, því at þú hefir áðr gerzt
35 minn maðr. Þá kvað Eyvindr vísu:

Rinn dróttin hefik áttan,	trúr var ek tiggja dýrum,
jöfurr dýrr! en þik fyrri,	tveim skjöldum lék ek aldri,
bellir, bragningr! elli,	fylli ek flokk þinn, stillir,
bíð ek eigi mér hins þriðja;	fellr á hendr mér elli.

Haraldr konungr lét Eyvind festa sér fyrir þetta mál sinn 5
dóm. Eyvindr átti gullhring mikinn ok góðan, er kallaðr
var Moldi; hann hafði verit tekinn löngu áðr or jörðu;
hring þann, segir konungr, at hann vill hafa; ok var þá
eigi annarr kostur á. Þá kvað Eyvindr:

Skylda ek, skerja foldar	er, valjarðar, verðam	10
skíðrennandi! síðan	veljandi! þér selja	
þursa þæs frá þvísa	lyngva, mens, þat er lengi	
þinn góðan byr finna;	látr minn faðir átti.	

Fór Eyvindr þá heim, ok er ekki þess getit at hann fyndi 15
síðan Harald konung.

Frá Gunnhildar sonum ok kristnihaldi þeira.

2. Gunnhildar synir tóku kristni á Englandi, sem
fyrir var ritat. En er þeir komu til forráða í Noregi, þá
féngu þeir ekki áleiðis komit at kristna menn í landi; en
alt þar er þeir komu því við, þá brutu þeir niðr hof ok 20
spiltu blótum, ok féngu af því mikla úvináttu. Var þat
brátt á þeira dögum, at árferð spiltist í landi, því at kon-
ungar váru margir, ok hafði hverr hirð um sik; þurftu þeir
mikils við ok um kostnað, ok váru þeir hinir fégjörnustu.
En ekki héldu þeir mjök lög, þau er Hákon konungr hafði 25
sett, nema þat er þeim þótti felt. Þeir váru allir þinir
fríðustu menn, sterkir ok stórir, íþróttamenn miklir. Svá
segir Glúmr Geirason í drápu þeiri, er hann orti um Har-
ald Gunnhildarson:

Kunni tólf sá er tanna	ógnarstafr um jöfra	30
tíðum Hallinskíða	íþróttir fram sótti.	

Optliga fóru þeir bræðr allir saman, en stundum sér hverr;
þeir váru menn grimmir ok hraustir, örrostumenn miklir ok
mjök sigrsælir.

Ráðagerð Gunnhildar ok söna hennar.

3. Gunnhildr konungamóðir ok synir hennar váru opt á tali ok málstefnum ok réðu landráðum. Ok eitt sinn spyr Gunnhildr sonu sína: hvernug ætli þér at láta fara um ríki í Þrándheimi? þér berit konunga nöfn, svá sem fyrir hafa haft langfeðgar yðrir, en þér hafið lítit land ok lið ok erut margir til skiptis. Víkina austr hafa þeir Tryggvi ok Guðrøðr, ok hafa þeir þat nokkura tiltöku fyrir ættar sakir; en Sigurðr jarl ræðr eian öllum Þrændalögum, ok veit ek þat eigi, hvern skylda yðr berr til þess at láta jarl einn ráða ríki svá mikit undan yðr; þykki mér þat undarligt, ef þér farit hvert sumar í víking á önnur lönd, en látit jarl innanlands taka af yðr fœðurleifð yðra. Lítit mundi Haraldi þykkja, er þú ert eptir heitinn, fœðurleðr þínum, at setja jarl einn af ríki ok lífi, er hann vana allan Noreg undir sik ok réð síðan til eðli. Haraldr svarar: þat er eigi svá, segir hann, at taka Sigurð jarl af lífdögum, sem at skera kið eða kálf; Sigurðr jarl er ættstórr ok frændmargr, vinsæll ok vitr; vætti ek, ef hann spyr með sönu, at hann á úfriðar ván af oss, þá eru þar allir Þrændir sem hann er; eigum vér þar þá ekki erendi nema ilt eitt; lízt mér svá, sem engum várum bræðra þykki trygt at sitja undir hendí þeim Þrændum. Þá sagði Gunnhildr: vér skulum þá fara alt annan veg með váru ráði, gera oss minna fyrir: Haraldr ok Erlingr skulu sitja í haust á Norðmœri, má ek ok fara með yðr, skulum vér þá öll saman freista, hvat af sýslist. Gera þau á þessa leið.

Ráðagerð Gunnhildar sona ok Grjótgarðs.

4. Bróðir Sigurðar jarls hét Grjótgarðr; hann var yngri miklu þeira ok virðr minna, hafði hann ok ekki tignarnafn, en hann hélt þó sveit ok var í víking á sumrum ok fékk sér fjár. Haraldr konungr sendir menn inn í Þrándheim á fund Sigurðar jarls með vingjöfum ok vinmælum, segir at Haraldr konungr vill leggja við hann því-

líka vináttu, sem áðr hafði Hákon konungr við Sigurð jarl; þat fylgði ok orðsending, at jarl skyldi koma á fund Haralds konungs, skyldu þeir þá binda at fullu vináttu sína. Sigurðr jarl tók vel sendimönnum ok vináttu konungs, en sagði þat, at hann mátti ekki fara á fund konungs fyrir 5 fjölskyldum sínum, en sendi konungi vingjafir ok orð góð ok blíð í móti vináttu hans. Fóru sendimenn í brott. Þeir fóru á fund Grjótgarðs, ok fluttu til hans hit sama erendi, vináttu Haralds ok heimboð, ok þarmeð góðar gjafir. En er sendimenn fóru heim, þá hét Grjótgarðr ferð sinni. 10 Ok at ákveðnum degi kemr Grjótgarðr á fund Haralds konungs ok Gunnhildar; var við honum tekit allfeginsamliga, var hann þar hafðr í hinum mestum kærleikum, svá at Grjótgarðr var hafðr við einkamál ok marga leynda hluti; kemr þar niðr, at sú ræða var uppi höfð til Sigurðar 15 jarls, sem þau höfðu áðr samit konungr ok dróttning, töldu þá fyrir Grjótgarði, hversu jarl hafði hann lengi lítinn mann gert; en ef hann vildi vera í þessu ráði með þeim, þá segir konungr, at Grjótgarðr skyldi vera jarl hans ok hafa ríki þat alt er áðr hafði Sigurðr jarl; kom svá, at þau sömdu 20 þetta með einkamálum, at Grjótgarðr skyldi halda njósn til, nær líkast væri at veita atferð jarli, ok gera þá orð Haraldi konungi. Fór þá Grjótgarðr heim við svá búit, ok þá gjafir góðar af konungi.

Brenna Sigurðar jarls.

25

5. Sigurðr jarl fór um haustit iðn í Stjóradal, ok var þar á veizlum; þaðan fór hann út á Ögló, ok skyldi þar taka veizlur. Jarlinn hafði jafnan mikit fjölmenni um sik, meðan hann trúði illa konungum, en með því at þá höfðu farit vináttumál með þeim Haraldi konungi, þá hafði 30 hann nú ekki mikla sveit manna. Grjótgarðr gerði þá njósn til Haralds konungs, at eigi mundi í annat sinn vænna at fara at jarli. Ok þegar á sömu nótt fóru konungar Haraldr ok Erlingr inn eptir Þrándheimi, ok höfðu skip 4 ok

lið mikit, sigla um nóttina við stjörnuljós; kom þá Grjótgarðr til móts við þá; kómu þeir ofanverða nótt á Ögló, þar sem Sigurðr jarl var á veizlu, lögðu þar eld í hús, ok brendu bæinn ok jarl inni með öllu liði sínu, fóru í brott 5 árdegis um morgininn út eptir firði, ok svá suðr á Moeri, ok dvöldust þar langa hríð.

Upphaf Hákonar jarls Sigurðarsonar.

6. Hákon, son Sigurðar jarls, var þá inn í Þrándheimi, er hann spurði þessi tíðindi. Var þegar herhlaup 10 mikit um allan Þrándheim; var þar á vatn dregit hvert skip er herfoert var. En er herr sá kom saman, þá tóku þeir til jarls ok höfðingja yfir liðit Hákon, son Sigurðar jarls, héldu þeir lið því út eptir Þrándheimi. En er þetta spyrja Gunnhildar synir, þá fara þeir suðr í Raumsdal ok 15 á Sunnmøri; halda þá hvárir njósum til annarra. Sigurðr jarl var drepinn 2 vetrum eptir fall Hákonar konungs. Eyvindr skáldaspillir segir svá í Háleygjatali:

	Ok Sigurð, hinn	Ok öðlingr
	er svönum veitti	í ölun jarðar
20	hróka bjór	alnar orms
	Haddingja vals	úfælinn varð
	farmatýs,	lífs um lattr,
	fjörvi næmdu	þar er landrekar
	jarðráðendr	Týs áttung
25	á Öglói.	í trygð sviku.

Hákon jarl hélt Þrándheimi með styrk frænda sinna 3 vetr, svá at Gunnhildar synir féngu engar tekjur í Þrándheimi; hann átti margar orrostur við Gunnhildar sonu, ok drápuat 30 er hann orti um Hákon jarl:

Ok oddneytir úti	ok rauðmána reynir
eiðvandr flota breiðan,	rógsegl Heðins bóga
glæðr í Göndlar vedrum	upp hóf jöfra kappi
gramr svafði bil, hafði;	etjulund at setja.

Varat ofbyrjar örva
 oddavífs né drífu
 sverða sverrifjarðar
 svanglýjaði at frýja;
 brakrögnir skók bogna,
 barg úþyrmir varga,

hagl or Hlakkar seglám,
 hjörs rakkliga fjörvi.
 Mart varð él áðr. ála
 austrlönd at mun banda
 randarlauks af ríki
 roekilundr um tœki.

5

Enn getr Einarr hvernug Hákon jarl hefndi föður síns:

Ber ek fyrir hefnd þá er hrafna
 hljóms lof, toginn skjóma
 þat nam, vörðr, at vinna,
 vann síns föður hranna.
 Rígndi hjörs á hersa
 hriðremmis fjör víða,

þrimlundr um jók þundi
 þegns gnótt, málregni;
 ok haldviðurr haulda
 haffaxa lét vaxa
 laufa veðr at lífum
 lífköld Háts drífa.

10

Eptir þat fóru milli beggja vinir ok báru sættarorð millum þeira, því at bóndum leiddist hernaðr ok úfriðr innan- 15
 lands; ok kemr svá með ráði ríkra manna, at sætt var
 ger milli þeira, svá at Hákon jarl skyldi hafa þvílíkt
 ríki í Þrándheimi, sem hafði Sigurðr jarl faðir hans, en
 konungar skyldu hafa þvílíkt ríki, sem Hákon konungr hafði
 haft fyrir þeim; var þat þá bundit fullum trúnaði. Þá 20
 gerðist kærleikr mikill með þeim Hákon jarli ok Gunnhildi,
 en stundum beittust þau vélræðum. Leið svá fram aðra 3
 vetr, sat þá Hákon jarl um kyrt í ríki sínu.

Frá gráfeld.

7. Haraldr konungr sat optast á Hörðalandi ok Roga- 25
 landi, ok svá þeir fleiri bræðr; þeir sátu optliga í Harð-
 angri. Þat var á einu sumri, at hafskip kom af Íslandi
 er áttu íslenzkir menn; þat var hlaðit af vararfeldum, ok
 héldu þeir skipinu til Harðangrs, því at þeir spurðu, at
 þar var fjölmenni mest fyrir. En er menn kómu til kaupa 30
 við þá, þá vildi engi kaupa vararfeldina. Þá ferr stýri-
 maðr á fund Haralds konungs, því at honum var hann áðr
 málkunnigr, ok segir honum til þessa vandræða. Konungr
 segir at hann mun koma til þeira, ok hana gerir svá.
 Haraldr konungr var maðr lítillátr ok gleðimaðr mikill. 35

Hann var þar kominn með skútu alskipaða. Hann leit á varning þeira ok mælti við stýrimann: viltu gefa mér einn gráfeldinn? Gjarna, segir stýrimaðr, þótt fleiri sé. Þá tók konungr einn feldinn ok skikti, síðan gékk hann 5 ofan í skútuna. En áðr þeir reru í brott, hafði hverr hans manna feld keypt. Fám dögum síðar kom þar svá mart manna, þeira er hverr vildi feld kaupa, at eigi féngu hálfir, þeir er hafa vildu. Síðan var hann kallaðr Haraldr gráfeldr.

Fæddr Eiríkr jarl.

10 8. Hákon jarl fór einn vetr til Upplanda ok á nökkura gisting, ok lagðist með konu einni, ok var sú lítillar ættar. En þá er þaðan liðu stundir, gékk sú kona með barni; en er barn þat var alit, var þat sveinn, ok var vatni ausinn ok kallaðr Eiríkr. Móðirin flutti sveininn til Hákonar 15 jarla, ok sagði, at hann var faðirinn. Jarl lét sveininn uppfæðast með manni þeim er kallaðr var Þorleifr hinn spaki; hann hjó uppi í Meðaldal, hann var vitr maðr ok auðigr ok vin mikill jarls. Var Eiríkr brátt mannvænn, hinn fríðasti sýnum, mikill ok sterkr snimma. Jarl lét 20 fátt um til hans. Hákon jarl var ok allra manna fríðastr sýnum, ekki hár maðr, vel sterkr ok íþróttamaðr mikill, spakr at viti ok hermaðr hinn mesti.

Dráp Tryggva konungs.

9. Þat var á einu hausti, at Hákon jarl fór til Upp- 25 landa; en er hann kom út á Heiðmörk, þá kemr þar í móti honum Tryggvi konungr Ólafsson ok Guðröðr konungr Bjarnarson; þar kom ok Dala-Guðbrandr. Þeir áttu stefnulaag með sér ok sátu lengi á einmæli, en þat kom upp, at hverr þeira skyldi vera vin annars; ok skiljast þeir síðan, fór 30 hverr heim til síns ríkis. Þetta spyr Gunnhildr ok synir hennar, ok er þeim grunr á, at þeir muni hafa gert landráð nökkur við konungana; tala þau optliga þetta sín á milli. En er váraði, þá lýsa þeir Haraldr konungr ok Guðröðr

konungr bróðir hans, at þeir munu fara um sumarit í viking vestr um haf, eða í Austrveg, sem þeir váru vanir. Þá draga þeir lið at sér ok hrinda skipum á vatn, ok búast. En er þeir drukku brottferðaröl sitt, þá váru drykkjur miklar, ok mart mælt við drykkinn. Þá kom þar er mannfafnaðr 5 varð, ok þá var roett um konunga sjálfa, mælti maðr, at Haraldr konungr væri framastr þeira bræðra at öllum hlutum. Því reiddist Guðröðr konungr mjök, segir svá at hann skal í engu hafa minna hlut en Haraldr, segir ok at hann er búinn, at þeir reyni þat; var þá brátt hvárrtveggi 10 reiðr, svá at hvárr bauð öðrum til vígs, ok hljópu til vápna. En þeir er vitrir váru ok miðr drukknir, stöðvaðu þá ok hljópu í milli; fóru þá hvárir til skipa sinna, en engi var ván þá, at þeir mætti allir saman fara. Sigldi þá Guðröðr austr með landi, en Haraldr stefndi til hafs út, ok sagði, 15 at hann mundi sigla vestr um haf. En er hann kom út um eyjar, þá stefndi hann austr hafleið með landi. Guðröðr konungr sigldi þjóðleið austr til Víkr, ok svá austr yfir Foldina. Þá sendi hann Tryggva konungi orð, at hann skyldi koma til móts við hann, ok færi þeir báðir um 20 sumarit í Austrveg at herja. Tryggvi konungr tók því vel ok líkliga; hann spurði at Guðröðr hafði lítit lið; fór þá Tryggvi konungr á fund hans með eina skútu. Þeir funnust fyrir austan Sótanes við Veggina. En er þeir géngu á málstefnu, þá hljópu at menn Guðröðar konungs ok drápu 25 Tryggva konung ok 12 menn með honum, ok liggr hann þar sem nú er kallað Tryggvahreyr.

Fall Guðröðar konungs.

10. Haraldr konungr sigldi mjök útleið; hann stefndi inn í Víkina, ok kom um nótt til Túnsbergs; þá spurði 30 hann at Guðröðr konungr var á veizlu þar skamt upp á land. Fóru þeir Haraldr konungr upp þannug, koma þar um nóttina ok taka hús á þeim. Þeir Guðröðr konungr ganga út, varð þar skömm viðtaka, áðr Guðröðr konungr

féll ok mart manna með honum; ferr þá Haraldr konungr til fundar við Guðröð konung bróður sinn; leggja þeir þá undir sik Víkina alla.

Frá Haraldi grenska.

5 11. Guðröðr konungr Bjarnarson hafði sér fengit gott kvánfang ok makligt. Þau áttu son er Haraldr hét; hann var sendr til fóstrs upp á Grenland til Hróa hins hvíta, lends manns. Sonr Hróa var Hrani hinn víðförli; váru þeir Haraldr mjök jafnaldrar ok fóstbræðr. Eptir fall
10 Guðröðar föður síns flýði Haraldr, er kallaðr var Haraldr hinn grenski, fyrst til Upplanda, ok með honum Hrani fóstri hans, ok láir menn með þeim; dvaldist Haraldr þar um hrið með frændum sínum. Eiríks synir leituðu mjök eptir þeim mönnum, er í sökum váru bundnir við þá, ok
15 þeim öllum mest, er þeim var uppreistar at ván. Þat réðu Haraldi frændr hans ok vinir, at hann færi or landi í brott. Haraldr grenski fór þá austr til Svíþjóðar, ok leitaði sér skipanar, at koma sér í sveit með þeim mönnum er í hernað fóru, ok fá sér fjár. Haraldr var hinn gerviligsti
20 maðr. Tosti hét maðr í Svíþjóð, er einn var ríkastr ok gófgastr í því landi, þeira er eigi bæri tignatíð; hann var hinn mesti hermaðr ok var löngum í hernaði; hann var kallaðr Sköglar-Tosti. Haraldr grenski kom sér þar í sveit, ok var með Tosta um sumarit í vikingu, ok
25 virðist Haraldr hverjum manni vel. Haraldr var eptir um vetrinn með Tosta. Sigríðr hét dóttir Tosta, ung ok fríð ok svarkr mikill; hon var síðan gipt Eiríki Svíakonungi hinum sigrsæla, ok var þeira son Ólafr scenski, er síðan var konungr í Svíþjóð. Eiríkr varð sótt dauðr at Uppsölum
30 10 vetrum síðar en Styrbjörn féll.

Hernaðr Hákonar jarls.

12. Gunnhildar synir buðu út liði miklu or Víkinni, fara svá norðr með landi, ok hafa lið ok skip or hverju fylki, gera þat bert, at þeir munu her þeim stefna norðr

til Þrándheims á hendr Hákon jarli. Þessi tíðindi spyr jarl, ok samnar her saman ok ræðr til skipa. En er hann spyr til hers Gunnhildar sona, hversu mikiun þeir hafa, þá heldr hann liði sínu suðr á Mœri, ok herjar alt þar er hann fór, ok drap mikinn mannfjölda. Síðan sendi hann 5 aptr Þrændaher ok búandalið alt, en hann fór herskildi um Mœri hváratveggju ok Raumsdal, ok hafði njósnir alt fyrir sunnan Stað um her Gunnhildar sona; ok er hann spurði, at þeir váru komnir í Fjörðu ok biðu byrjar at sigla norðr um Stað, þá sigldi Hákon jarl norðan fyrir 10 Stað ok útleið, svá at ekki sá af landi segl hans; lét svá ganga hafleiðis austr með landi, ok kom fram í Danmörk, sigldi þá í Austrveg, ok herjaði þar um sumarit. Gunnhildar synir héldu liði sínu norðr til Þrándheims ok dvöldust þar mjök lengi, tóku þar skatta alla ok skyldir. En er 15 áleið sumarit, þá settust þar eptir Sigurðr slefa ok Guðrøðr, en Haraldr ok aðrir þeir bræðr fóru þá austr í land, ok leiðangrslið þat er farit hafði með þeim um sumarit.

Frá Hákon jarli ok Gunnhildar sonum.

13. Hákon jarl fór um haustit til Helsingjaland ok 20 setti þar upp skip sín, fór síðan landveg um Helsingjaland ok Jamtaland, ok svá austan um Kjöl, kómu ofan í Þrándheim; dreif þegar lið til hans, ok réð hann til skipa. En er þat spyrja Gunnhildar synir, þá stíga þeir á skip sín ok halda út eptir firði. En Hákon jarl ferr út á Hlaðir 25 ok sat þar um vetrinn. En Gunnhildar synir sátu á Mœri, ok veittu hvárir öðrum árásir ok drápust menn fyrir. Hákon jarl hélt ríki sínu í Þrándheimi, ok var þar optast á veturnum, en fór á sumrum stundum austr á Helsingjaland, ok tók þar skip sín ok fór í Austrveg ok herjaði þar á 30 sumrum, en stundum sat hann í Þrándheimi ok hafði her úti, ok héldust þá Gunnhildar synir ekki fyrir norðan Stað.

Dráp Sigurðar slefu.

14. Haraldr gráfeldr fór á einu sumri með her sinn norðr til Bjarmalands, ok herjaði þar; hann átti orrostu mikla við Bjarma á Vínubakka; þar hafði Haraldr konungr
 5 sigr ok drap mart fólk; herjaði þá víða um landit ok fékk ofa mikit fé. Þess getr Glúmr Geirason:

Austr rauð jófra þrýstir orðrakkr fyrir bý norðan brand, þar er bjarmskar kindir, 10 brennanda, sá ek renna;	gott hlaut gumna sættir, geirveðr í för þeiri öðlingi fékksk ungum, orð á Vínu borði.
---	--

Sigurðr konungr slefa kom til bús Klypps hersis, hann var son Þórðar Hörðakárasonar; hann var ríkr maðr ok kynstórr. Klyppr var þá eigi heima, en Álof kona hans tók vel við konungi; ok var þar veizla góð ok drykkjur
 15 miklar. Álof var Ásbjarnar dóttir, systir Járnskeggja norðan af Yrjum. Hreiðarr var bróðir Ásbjarnar, faðir Styrkårs, föður Eindriða, föður Einars þambaskelfis. Konungr gékk um nóttina til hvílu Álofar, ok lá þar at úvilja hennar. Síðan fór konungr í brott. Eptir um haustit fóru þeir
 20 Haraldr konungr ok Sigurðr bróðir hans upp á Vörs, ok stefndu þar þing við bæendr. En á þinginu veittu bæendr þeim atförr, ok vildu drepa þá, en þeir kómust undan, ok fóru í brott síðan; fór Haraldr konungr í Harðangr, en Sigurðr konungr fór á Álreksstaði. En er þat spyrir Klyppr
 25 hersir, þá heimtast þeir saman frændr ok veita atferð konungi; var höfðingi fyrir ferðinni Vemundr vólubríótr. En er þeir koma á bæinn, þá ganga þeir at konungi; Klyppr lagði hann með sverði í gegnum, ok varð þat bani hans, en þegar í stað drap Erlingr gamli Klypp.

30

Fall Grjótgarðs.

15. Haraldr konungr gráfeldr ok Guðröðr konungr bróðir hans draga saman her mikinn austan or landi, ok héldu liði því norðr til Þrándheims. En er þat spyrir Hákon jarl, þá samnar hann liði at sér, ok hélt suðr á

Mœri ok herjar þar. Þá var Grjótgarðr föðurbróðir hans þar ok skyldi hafa landvörn af Gunnhildar sonum. Hann bauð her út, svá sem konungar höfðu orð til sent. Hákon jarl hélt til fundar við hann ok til bardaga; þar féll Grjótgarðr ok 2 jarlar með honum, ok mart lið annat. Þessa getr 5 Einarr skálaglam:

Hjálmgrápi vann hilmir	at forsnjallir féllu
harðr, Lopts vinar, barða,	fúrs í Þróttar skúrum,
því kom vöxtr í vinu	þat fær þjóðar snytri,
vínheims, fjáendr sína;	þrír jarlssynir, tírar.

10

Síðan sigldi Hákon jarl út til hafs, ok svá útleið suðr með landi; hann kom fram suðr í Danmörk, fór þá á fund Haralds Gormssonar Danakonungs, fær þar góðar viðtökur, dvaldist með honum um vetrinn. Þar var ok með Danakonungi maðr sá er Haraldr hét; hann var son Knúts Gormssonar, 15 bróðurson Haralds konungs; hann var kominn or víking, hafði lengi herjat ok fengit þar of lausafjár: hann var kallaðr Gullharaldr. Hann þótti vel tilkominn at vera konungr í Danmörk.

Fall Erlings konungs.

20

16. Haraldr konungr gráfeldr ok þeir bræðr héldu liði sínu norðr til Þrándheims ok féngu þar enga mótstöðu; tóku þar skatt ok skyld ok allar konungstekjur, ok létu boendr gjalda stór gjöld, því at konungar höfðu þá langa hrið litit fé fengit or Þrándheimi, er Hákon jarl hafði þar 25 setit með fjölmenni miklu ok átt úfrið við konunga. Um haustit fór Haraldr konungr suðr í land með þat lið flest, er þar átti heimili; en Erlingr konungr sat þar með sínu liði, hann hafði þá enn miklar krafir við boendr ok gerði harðan rétt þeira, en boendr kurrðu illa ok báru eigi vel skaða 30 sinn. Ok um vetrinn sömnuðust boendr saman ok fá lið mikit, stefna síðan at Erlingi konungi, þar sem hann var á veizlu, ok halda við hann orrostu; ok féll Erlingr konungr þar, ok mikil sveit manna með honum.

Hallæri í Noregi.

17. Þá er Gunnhildar synir réðu fyrir Noregi, gerðist hallæri mikit, ok var því meira at, sem þeir höfðu lengr verit yfir landi, en böendr kendu þat konungum, ok þat
 5 með at konungar váru fégjarnir, ok varð harðr réttir bónda. Svá kom um síðir, at nálíga misti landsfólkit víðast korns ok fiska. Á Hálogalandi var svá mikill sultr ok seyra, at þar óx nálíga ekki korn, en snjár lá þá á öllu landi at miðju sumri, ok bú alt var inn bundit at miðju sumri.
 10 Svá kvað Eyvindr skáldaspillir, hann kom út, ok dreif mjök:

Snýr á Svólnis váru,	birki hind um bundit
svá höfum inn sem Finnar	brums at miðju sumri.

Frá Íslendingum ok Eyvindi skáldaspilli.

18. Eyvindr orti drápu um alla Íslendinga, en þeir
 15 launuðu honum svá, at hverr bóndi gaf honum skattpenning, sá stóð 3 penninga silfrs vegna, ok hvítr í skor. En er silfrit kom fram á alþingi, þá réðu menn þat af, at fá smiða til at skíra silfrit; síðan var gerr af feldardálkr, en þar af var greitt smiðarkaupit; þá stóð dálkrinn 50 marka;
 20 hann sendu þeir Eyvindi. En Eyvindr lét höggva í sundr dálkinn ok keypti sér bú með. Þá kom ok þar um vár við útver nökkur broddr af sild. Eyvindr skipaði róðrarferju lúskörlum sínum ok landsbúum, ok reri þannug til sem sildin var rekin. Hann kvað:

25 Látum langra nóta	víta ef akrmurur jökla,
lögsóta ver fótum	eldgerðr! falar verði,
at spáþernum sporna	ítr, þær er upp um róta
sporðfjöðruðum norðan,	unnsvín, vinum mínum.

Ok svá vendiliga var uppgengit alt lausafé hans, at hann
 30 keypti sildina til borðs sér með bogaskoti sínu. Hann kvað:

Féngum feldarstínga	Mest selda ek mínar
fjörð ok galt við hjörðu,	mæ við örum sævar,
þann er álhímíns utan	hallærit veldr hváru,
oss lendingar sendu.	hlaupsildr Egils gaupna.

SAGA ÓLAFS TRYGGVA SONAR.

Fæddr Ólafr Tryggvason.

1. Ástriðr hét kona, sú er átt hafði Tryggvi konungr Ólafsson; hon var dóttir Eiríks bjóðaskalla, er bjó á Ofrustöðum, ríks manns. En eptir fall Tryggva, þá flýði Ástriðr í brott, 5 ok fór á launungu með lausafé þat er hon mátti með sér hafa. Henni fylgði fóstrfaðir hennar, sá er Þórólfr lúsarskegg hét, hann skildist aldri við hana, en aðrir trúnaðarmenn hennar fóru á njósn, hvat spurðist af úvinum hennar eða hvar þeir fóru. Ástriðr gékk með barni Tryggva konungs, 10 hon lét flytja sik út í vatn eitt, ok leyndist þar í hólma nökkurum, ok fáir menn með henni. Þar fæddi hon barn, þat var sveinn, en er hann var vatni ausinn, þá var hann kallaðr Ólafr eptir föðurföður sínum. Þar leyndist hon um sumarit. En er nótt myrkti ok dag tók at skemma, 15 en veðr at kólna, þá byrjaði Ástriðr ferð sína, ok Þórólfr með henni ok fátt manna, fóru þat eina með bygðum, er þau leyndust um nætr, ok funnu enga menn. Þau kómu fram einn dag at kveldi til Eiríks á Ofrustöðum föður Ástriðar. Þau fóru leyniliga; sendi Ástriðr menn til boejarins 20 at segja Eiríki, en hann lét fylgja þeim í eina skemmu ok setja þeim borð við hinum bestum föngum. En er þau Ástriðr höfðu þar dvalzt litla hrið, þá fór brott föruneysi hennar, en hon var eptir ok 2 þjónostukonur með henni, ok son hennar Ólafr, ok Þórólfr lúsarskegg ok Þorgils son 25 hans 6 vetra gamall; váru þar um vetrinn.

Frá Gunnhildar sonum.

2. Haraldr gráfeldr ok Guðröðr bróðir hans fóru eptir dráp Tryggva Ólafssonar til búa þeira er Tryggvi

hafði átt, en þá var Ástriðr í brott, ok spurðu þeir ekki til hennar. Sá þátti kóm fyrir þá, at hon mundi vera með barni Tryggva konungs; fóru þeir um haustit norðr í land, svá sem fyrr er ritat. En er þeir fundu Gunnhildi móður
5 sína, sögðu þeir alla atburði um þessi tíðindi, er þá höfðu gerzt í för þeira. Hon spurði at vendiliga, þar sem var Ástriðr; þeir segja slíkan kvitt þar af, sem þeir höfðu heyrt. En fyrir þá sök at þat haust hit sama áttu Gunnhildar synir deslu við Hákon jarl, ok svá um vetrinn eptir,
10 sem fyrr er ritat, varð þá engi eptirleitan höfð um Ástriði ok son hennar á þeim vetri.

Ferð Ástriðar.

3. Eptir um várit sendi Gunnhildr njósnaðarmenn til Upplanda ok alt í Víkina at njósna um, hvat um hag
15 Ástriðar mundi vera. En er sendimenn kómu aptr, þá kunn þeir þat helzt at segja Gunnhildi, at Ástriðr mundi vera með feðr sínum Eiríki, segja ok þess meiri ván, at hon mundi þar upp fœða svein þeira Tryggva konungs. Þá gerir Gunnhildr þegar sendimenn ok býr þá vel at vápnum
20 ok hestum, ok hafa þeir 30 manna, ok var þar til forráða ríkr maðr, vin Gunnhildar, er Hákon er nefndr; hon bað þá fara á Ofrustaði til Eiríks, ok hafa þaðan son Tryggva konungs ok fœra Gunnhildi. Þá fara sendimenn alla leið sína. En er þeir áttu skamma leið til Ofrustaða, þá verða
25 varir við ferð þeira vinir Eiríks, ok báru honum njósna um ferð sendimanna at kveldi dags. En þegar um nóttina bjó Eiríkr brottferð Ástriðar, fékk henni góða leiðtoga ok sendi hana austr til Svíþjóðar til Hákonar hins gamla vinar síns, ríks manns. Fóru þau í brottu, er mikit líði nær; þau
30 kómu at kveldi dags í herað, er Skaun hét, ok sá þar boe mikinn, ok fóru þannug til ok báðu sér nætrvistar; þau duldust ok höfðu vánd klæði. Sá bóndi er nefndr Björn eitrekveisa, auðigr maðr ok illr þegn, hann rak þau í brott. Fóru þau um kveldit í annat þorp skamt þaðan, er hét í

Viðum; Þorsteinn hét þar bóndi, sá er þau herbergði ok veitti þeim góðan forbeina um nóttina, sváfu þau í góðum umbúnaði. Hákon ok þeir menn Gunnhildar kómu á Ofrustaði snemma um morgin ok spyrja at Ástriði ok syni hennar. Eiríkr segir, at hon er ekki þar. Þeir Hákon 5 rannsökuðu bæinn, ok dvöldust lengi um daginn ok fá nokkura njósn um ferð Ástriðar; ríða þá sömu leið ok koma síð um kveldit til Bjarnar eitrkveisu í Skaun, taka þar gisting. Þá spyr Hákon Björn, ef hann kynni honum nokkut segja til Ástriðar. Hann segir, at þar kómu menn 10 um daginn ok báðu gistingar, en ek rak þau í brott, ok munu þau vera herbergð hér nokkur í þorpinu. Verkmaðr Þorsteins fór um kveldit or skógi, ok kom til Bjarnar, því at þat var á leið hans, varð hann varr við, at þar váru gestir eða hvert erendi þeira var, hann segir Þorsteini bónda. En er 15 lifði þriðjungr nætr, vakti Þorsteinn upp gesti sína, bað þau brott fara, mælti styggliga. En er þau váru komin á veg út or garðinum, þá sagði Þorsteinn þeim, at sendimenn Gunnhildar váru at Bjarnar ok fóru at leita þeira. Þau báðu hann hjálpar nokkurrar; hann fékk þeim leiðtoga ok 20 vist nokkura, fylgði sá þeim fram á skóginn, þar sem var vatn nokkut, ok hólmi í einn reyri vaxinn. Þau máttu vaða í hólminn út, þar fálu þau sik í reyrnum. Snemma dags reið Hákon frá Bjarnar í byggðina, ok hvar sem hann kom, spurði hann eptir Ástriði; en er hann kom til Þor- 25 steins, þá spyr hann, ef þau sé þar komin. Hann sagði, at þar váru menn nokkurir, ok fóru í móti degi austr á skóginn. Hákon bað Þorstein fara með þeim, er honum var leið kunnig eða leyni. Þorsteinn fór með þeim. En er hann kom í skóginn, vísaði hann þeim þvert frá því, er 30 þau Ástriðr váru. Fóru þeir allan þann dag at leita, ok funnu þau hvergi. Fara aptr síðan ok segja Gunnhildi sín erendi. Ástriðr ok hennar föruneysi fóru leið sína, kómu fram í Svíþjóð til Hákonar gamla; dvaldist Ástriðr þar ok son hennar Ólafr langa hríð í góðum fagnaði. 35

Sendiferð Hákonar til Svíakonungs.

4. Gunnhildr konungamóðir spyr, at Ástriðr ok Ólafr son hennar eru í Svíaveldi; þá sendi hon enn Hákon, ok gott föruneysi með honum, austr til Eiríks Svíakonungs 5 með góðar gjafir ok vináttumál. Var þar við sendimönnum vel tekit, váru þeir þar í góðu yfirlæti. Síðan berr Hákon upp fyrir konung erendi sín, segir at Gunnhildr hafði til þess orð sent, at konungr skyldi styrk fá honum, svá at hann hafi með sér Ólaf Tryggvason til Noregs; vill Gunn- 10 hildr fósttra hann. Konungr fær honum menn, ok ríða þeir á fund Hákonar gamla; býðr Hákon Ólafi at fara með sér með vinsamligum orðum mörgum. Hákon gamli svarar vel, ok segir at móðir hans skal ráða ferð hans; en Ástriðr vill fyrir engan mun at sveinninn fari. Fara sendimenn í 15 brott ok segja svá búit Eiríki konungi. Síðan búast sendimenn at fara heim, biðja enn konung at fá sér styrk nokkurn at hafa sveininn brott með sér, hvárt sem Hákon gamli vill eða eigi. Fær konungr þeim enn sveit manna, koma sendimenn til Hákonar gamla, ok krefja þá enn, at sveinninn 20 fari með þeim. En er því var seint tekit, þá hafa þeir fram mikilmæli ok láta reiðuliga ok heita afarkostum. Þá hleypr fram þræll einn, er Busti er nefndr, ok vill ljósta Hákon, ok koma þeir nauðuliga í brott úbarðir af þraelinum; fara síðan heim til Noregs ok segja sína ferð Gunnhildi; 25 ok svá at þeir hafa sét Ólaf Tryggvason.

Frá Sigurði Eiríkssyni.

5. Sigurðr lét bróðir Ástriðar, son Eiríks bjóðaskalla; hann hafði þá lengi verit af landi á brott austr í Garðaríki með Valdimar konungi; hafði Sigurðr þar metnað 30 mikinn. Fýsir Ástriði at fara þannug til Sigurðar bróður síns, fékk Hákon gamli henni gott föruneysi ok öll góð föng, fór hon með kaupmönnum nokkurum. Þá hafði hon verit 2 vetr með Hákonni gamla, Ólafr var þá þrevetr. En er þau héldu austr í haf, þá kómu at þeim víkingar, þat

váru Eistr, hertóku þeir bæði menn ok fé, en drápu suma, en sumum skiptu þeir með sér til ánaðar. Þar skildist Ólafr við móður sína, ok tók við honum Klerkon, eistneskr maðr, ok þeim Þórólfi ok Þorgilsi. Klerkon þótti Þórólfr gamall til þræls, þótti ok ekki forverk í honum ok drap hann, en hafði sveinana með sér ok seldi þeim manni, er Klerkr hét, ok tók fyrir hafr einn vel góðan. Hinn þriði maðr keypti Ólaf, ok gaf fyrir vesl gott eða slagning; sá hét Reas, kona hans hét Rekon, en son þeira Rekoni. Þar var Ólafr lengi ok vel haldinn, ok unni búandi honum mikit. Ólafr var 6 vetr á Eistlandi í þessari útleið.

Frelstr Ólafr af Eistlandi.

6. Sigurðr Eiríksson kom til Eistlands í sendiferð Valdimars konungs af Hólmgarði, ok skyldi hann heimta þar í landi skatta konungs. Fór Sigurðr ríkuliga með marga menn ok fé mikit. Hann sá á torgi svein fríðan mjök, ok skildi at sá mundi þar útlendr, ok spyrr hann at nafni ok ætt sinni. Hann nefndi sik Ólaf, en Tryggva Ólafsson föður sinn, en móður sína Ástríði dóttur Eiríks bjóðaskalla. Þá kannaðist Sigurðr við, at sveinninn var systurson hans. Þá spurði Sigurðr sveininn, hví hann væri þar kominn. Ólafr sagði honum alla atburði um sitt mál. Sigurðr bað hann fylgja sér til Reas búanda; en er hann kom þar, þá keypti hann sveinana báða Ólaf ok Þorgils, ok hafði með sér til Hólmgarðs, ok lét ekki uppvíst um ætt Ólafs, en hélt hann vel.

Dráp Klerkons.

7. Ólafr Tryggvason var staddr einn dag á torgi. var þar fjölmenni mikit. Þar kendi hann Klerkon, er drepit hafði föstra hans Þórólfr lúsarskegg. Ólafr hafði litla öxi í hendi, ok setti í höfuð Klerkon, svá at stóð í heila; tók þegar á hlaup heim til herbergis ok sagði Sigurði frænda sínum, en Sigurðr kom Ólafi þegar í herbergi dróttningar,

ok segir henni tíðindi; hon hét Allogia. Bað Sigurðr hana
 hjálpa sveininum. Hon leit á sveininn, ok sagði at eigi
 má drepa svá friðan svein, bað kalla menn til sín með
 alvæpni. Í Hólmgarði var svá mikil friðhelgi, at þat váru
 5 lög, at drepa skyldi hvern mann, er mann drap údæmdan.
 Þeystist allr lýðr eptir sið þeira ok lögum, ok leitaði eptir
 sveininum, hvar hann var kominn. Þá var sagt, at hann
 var í garði dróttningar, ok þar herr manns alvápnadr.
 Var þá sagt konungi, gékk hann þá til með sínu liði, ok
 10 vildi eigi at þeir berðist, kom hann þá griðum á ok því
 næst sættum; dæmdi konungr boetr, en dróttning hélt gjöldum
 upp. Síðan var Ólafr með dróttningu, ok var henni allkærr.
 Þat váru lög í Garðaríki, at þar skyldu eigi vera konung-
 bornir menn nema at konungs ráði. Þá sagði Sigurðr
 15 dróttningu, hveðrar ættar Ólafr er, eða fyrir hverja sök hann
 er þar kominn, at hann mátti ekki vera í sínu landi fyrir
 úfriði; bað hana þetta ræða við konung. Hon gerði svá,
 bað hann hjálpa við konungssyni þessum, svá harðliga sem
 hann var leikinn, ok kómu svá fortölur hennar, at konungr
 20 játti henni þessu; tók þá Ólaf í sitt vald, ok hélt hann
 vegliga, svá sem konungssyni byrjaði at vera haldinn. Ólafr
 var 9 vetra, er hann kom í Garðaríki, en dvaldist þar með
 Valdimar konungi aðra 9 vetr. Ólafr var allra manna
 friðastr ok mestr ok sterkast, ok umfram alla menn at
 25 íþróttum, þá er frá er sagt af Norðmönnum.

Frá Hákon jarli.

8. Hákon jarl Sigurðarson var með Haraldi konungi
 Gormssyni Danakonungi um vetrinn eptir, er hann hafði
 flýit Noreg fyrir Gunnhildar sonum. Hákon hafði svá stórar
 30 áhyggjur um vetrinn, at hann lagðist í rekkju ok hafði
 andvökur miklar, át ok drakk þat eina, er hann mátti halda
 við styrk sinn. Þá sendi hann menn sína leyniliga norðr
 í Þrándheim til vina sinna, ok lagði ráð fyrir þá, at þeir
 skyldi drepa Erling konung, ef þeir mætti við komast, sagði

ok, at hann mundi aptr hverfa til ríkis síns, þá er samraði. Þann vetr drápu Þrændir Erling, sem fyrr er ritit. Með Hákon ok Gullharaldi var kær vinátta, bar Haraldr fyrir Hákon ráðagerðir sínar; sagði Haraldr, at hann vildi þá setjast at landi ok vera eigi lengr á herskipum; spurði hann Hákon, hvat hann hygði, hvárt Haraldr konungr mundi vilja skipta ríki við hann, ef hann krefði. Þat hygg ek, segir Hákon, at Danakonungr man engra varna þér réttinda, en þó veiztu þá gerr þetta mál, ef þú ræðir fyrir konungi; vætti ek, at þú láir eigi ríkit, ef þú krefr eigi. 10 Brátt eptir þessa ræðu talaði Gullharaldr við Harald konung, svá at nær váru margir ríkismenn beggja vinir, krafði þá Gullharaldr konung, at hann skipti ríki við hann í helminga, svá sem búrðir hans váru til ok vott þar í Danaveldi. Við þetta ákall varð Haraldr konungr reiðr 15 mjök, sagði at engi maðr krefði þess Gorm konung föður hans, at hann skyldi gerast hálfkonungr í Danaveldi, eigi heldr hans föður Hörðaknútr, eða Sigurð ormr í auga, eða Ragnar loðbrók. Gerði sik þá svá óðan, at ekki mátti við hann mæla.

20

Frá Gullharaldi.

9. Gullharaldr undi þá miklu verr en áðr, hafði hann þá ekki ríki heldr en fyrr, en reiði konungs. Kom hann þá til Hákonar vinar síns, ok kærði sín vandræði fyrir honum, ok bað hann heilla ráða, ef til væri, þau er hann mátti ríki ná; sagði, at hann hefði þat helzt hugsat, at soekja ríki með styrk ok vápnum. Hákon bað hann þat fyrir engum manni mæla, svá at spurðist, sagði hann: ligg þar líf yðart við, hugsa þetta með sjálfum þér, til hvers þú munt fœrr verða; þarf til slíkra stórræða, at maðr sé 30 djarfr ok örugg, spara hvárki til góða hluti né illa, at þá megi fram ganga þat er upp er tekit; en hitt er úfœrt, at hefja upp stór ráð ok leggja niðr síðan með úsæmd. Gullharaldr svarar: svá skal ek þetta upp taka tilkallit, at eigi

skal ek mínar hendr til spara at drepa konung sjálfan, ef ek kem í feeri, með því er hann vill synja mér þess ríkis, er ek á at hafa at réttu. Skilja þeir þá ræðu sína. Haraldr konungr gékk þá til fundar við Hákon, ok taka þeir
 5 tal sitt, segir konungr jarli, hvat ákall Gullharaldr hefir haft við hann til ríkis, ok svör þau er hann veitti; segir svá, at hann vill fyrir engan mun minka ríki sitt. En ef Gullharaldr vill nökkut halda á þessu tilkalli, þá er mér látt fyrir at láta drepa hann, því at ek trúi honum illa,
 10 ef hann vill eigi af þessu láta. Jarl svarar: þat hygg ek, at Haraldr hafi svá fremi þetta upp kveðit, at hann mun eigi láta þetta niðr falla; er mér þess ván, ef hann reisir úfrið hér í landi, at honum verði gott til liðs, ok mest fyrir sakir vinsælda föður hans; en þat er yör hin mesta
 15 úfæra, at drepa frænda yðarn, því at allir menn munu hann kalla saklausan at svá búnu. Eigi vil ek ok þat mitt ráð kalla, at þú gerir þik minna konung en faðir þinn var Gormr; jók hann ok mjök sitt ríki, en minkaði í engan stað. Þá segir konungr: hvert er þá þítt ráð, Hákon,
 20 skal ek eigi miðla ríki, ok ráða eigi af hendi mér þenna ugg? Vit skulum finnast nökkurum dögum síðar, segir Hákon jarl, vil ek hugsa áðr þetta vandamál ok veita nökkurn orskurð. Gékk þá konungr í brott ok allir hans menn.

Ráðagerð Haralds konungs ok Hákonar jarls.

25 10. Hákon jarl hafði nú af nýju hinar mestu áhyggjur ok ráðagerðir, ok lét fá menn vera í húsinu hjá sér. Fám dögum síðar kom Haraldr til jarls, ok taka þeir þá tal, ok spyr konungr, ef jarl hefir hugsat þá ræðu, er þeir kómu á fyrra daga. Þar hefi ek, segir jarl, vakat um dag ok
 30 nótt síðan, ok finnst mér þat helzt ráð, at þú hafir ok stýrir ríki því öllu, er þú tókt eptir föður þinn, en fá Haraldi frænda þínum í hendr annat kónungsríki, þat er hann megi soemdarmaðr af verða. Hvert er ríki þat, segir konungr, er ek má heimilt fá Haraldi, ef ek hefi úskert

Danaveldi? Jarl segir: þat er Noregr; konungar þeir er þar eru, eru illir öllu landsfólki, vill hverr maðr þeim ilt, sem vert er. Konungr segir: Noregr er land mikit, ok hart fólk, ok er ilt at sækja við útlendan her; gafst oss svá, þá er Hákon varði landit, létum vér lið mikit, en varð 5 engi sigr unninn; er Haraldr Eiríksson fósterson minn ok knésetningr. Þá segir jarl: löngu vissi ek þat, at þér höfðut opt veitt styrk Gunnhildar sonum, en þeir hafa yðr þó engu launat nema illu; vér skulum komast miklu léttligar at Noregi, en berjast til með allan Danaher. 10 Sentu boð eptir Haraldri fóstursyni þínum, bjóð honum at taka af þér land ok lén, þat sem þeir höfðu fyrr hér í Danmörk, stefn honum á þinn fund. Nú má Gullharaldr þá litla stund afla ríkis í Noregi af Haraldri konungi gráfeld. Konungr segir, at þetta mun kallat ilt verk at svíkja 15 fósterson sinn. Þat munu Danir kalla, segir jarl, at betra er þat skipti, at drepa víking norroenan heldr en bróðurson danskan. Tala þeir nú hér um langa hrið, þar til er þetta semst með þeim.

Sendiboð Haralds Gormssonar til Noregs.

20

11. Gullharaldr kom enn til tals við Hákon jarl, ok sagði jarl honum, at hann hefir nú fylgt hans málum, svá at meiri ván er, at nú muni konungsríki liggja laust fyrir honum í Noregi: skulum vit þá, segir hann, halda félagskap okkrum, mun ek þá mega veita þér mikit traust í Noregi. 25 Haf þú fyrst þat ríki; Haraldr konungr er nu gamall mjök, en hann á þann einn son, er hann ann lítit ok frilluson er. Talar jarl þetta fyrir Gullharaldi, þar til er hann lætr sér þetta vel líka. Síðan tala þeir optliga allir, konungr, jarl ok Gullharaldr. Síðan sendi Danakonungr menn sína norðr 30 í Noreg á fund Haralds gráfeldar. Var sú ferð búin allvegliga, féngu þeir þar góðar viðtökur, er þeir funnu Harald konung, segja þeir þau tíðindi, at Hákon jarl er í Danmörk ok liggr banvænn ok nær ørviti, ok þau önnur

tiðindi, at Haraldr Danakonungr bauð til sín Haraldi gráf-
feld fóstursyni sínum, ok taka þar af sér veizlur, svá sem
þeir bræðr höfðu fyrr hafðar í Danmörk, ok bað Harald
koma til sín ok finna sik á Jótlandi. Haraldr gráfeldr
5 bar þetta mál fyrir Gunnhildi móður sína ok aðra vini
sína; lögðu menn þar allmisjafnt til: sumum þótti þessi
fór ekki trúlig, svá sem þar var mönnum fyrirskipat; hinir
váru fleiri, er fýstu at fara skyldi, því at þá var svá mikill
sultr í Noregi, at konungar féngu varla foett lið sitt. Þá
10 fékk fjörðrinn þat nafn, er konungar sátu optast at, at hann
hét Harðangr. Árferð var í Danmörk at nokkurri hlítu;
hugðust menn þá þar mundu fōng fá, ef Haraldr konungr
féngi þar lén ok yfirsókn. Varð þat ráðit, áðr sendimenn
fóru í brott, at Haraldr konungr mundi koma til Danmerkr
15 um sumarit á fund Danakonungs ok taka af honum þenna
kost, sem Haraldr konungr bauð.

Svikræði Haralds konungs ok Hákonar jarls við Gullharald.

12. Haraldr gráfeldr fór um sumarit til Danmerkr
ok hafði 3 langskip; þar stýrði einu Arinbjörn hersir or
20 Fjörðum. Haraldr konungr sigldi út or Víkinni til Lima-
fjarðar, ok lagðist þar at Hálsi; var honum sagt, at Dana-
konungr mundi koma þar brátt. En er þetta frá Gull-
harald, þá heldr hann þannug með 9 skipum; hann hafði
áðr búið lið þat at fara í víking. Hákon jarl hafði þá ok
25 búið sitt lið, ok ætlaði í víking, hafði hann 12 skip ok öll
stór. En er Gullharald var brott farinn, þá mælti Hákon
jarl við konung: nú veit ek eigi, nema vér róim leiðangrinn
ok gjaldim leiðvítit; nú mun Gullharald drepa Harald
gráfeld, síðan mun hann taka konungdóm í Noregi; ætlar
30 þú þann þér þá tryggvan, ef þú fær honum svá mikinn
styrk, en hann mælti þat í vetr fyrir mér, at hann mundi
drepa þik, ef hann kœmist í fœri. Nú mun ek vinna
Noreg undir þik ok drepa Gullharald, ef þú vill því heita
mér, at ek skyla auðvelliga sættast við þik fyrir þat; vil

ek þá gerast jarl yðarr, ok binda þat sverdögum, ok vinna Noreg undir yðr með yðrum styrk, halda þá síðan landinu undir yðart ríki ok gjalda yðr skatta; ok ertu þá meiri konungr en þinn faðir, ef þú ræðr 2 þjóðlöndum. Þetta semst með þeim konungi ok jarli, ferr þá Hákon með liði sínu at leita Gullharalds.

Fall Haralds konungs gráfeldar at Hálsi.

13. Gullharaldr kom til Háls í Limafirði, bauð hann þegar Haraldi gráfeld til orrostu. En þótt Haraldr hefði lið minna, þá gekk hann þegar á land ok bjóst til orrostu, 10 ok fylkti liði sínu. En áðr fylkingar gengi saman, þá eggjar Haraldr gráfeldr hart lið sitt ok bað þá bregða sverðum, hljóp þegar fram í öndverða fylking ok hjó til beggja handa. Svá segir Glúmr Geirason í Gráfeldardrápu:

Mælti mætra hjalta
málmóðinn sá, blóði,
þróttarorð, er þorði
þjóðum völl at rjóða.

Víðlendr um bað vinda
verðung Haraldr sverðum,
frægt þótti þat flotnum
fylkis orð, at morði.

15

Þar féll Haraldr konungr gráfeldr. Svá segir Glúmr Geirason:

20

Varð á víðu borði
viggjum hollr at liggja
gætir glamma sóta
garðs Eylimafjarðar.

Sendir féll á sandi
sjávar báls at Hálsi,
olli jöfra spjalli
orðheppinn því morði.

Þar féll flest lið Haralds konungs með honum, þar féll 25 Arinbjörn hersir. Þá var liðit frá falli Hákonar Aðalsteinsfóstra 15 vetr, en frá falli Sigurðar Hlaðajarls 13 vetr. Svá segir Ari prestur Þorgilsson, at Hákon jarl væri 13 vetr yfir föðurleifð sinni í Þrándheimi áðr Haraldr gráfeldr féll, en 6 vetr hina síðarstu, er Haraldr gráfeldr lifði, segir Ari 30 at Gunnhildar synir ok Hákon börðust, ok stukku ymsir or landi.

Dauði Gullharalds.

14. Hákon jarl ok Gullharaldr fundust litlu síðar en Haraldr gráfeldr féll; leggr þá Hákon jarl til orrostu við 35

Gullharald. Fær Hákon þar sigr, en Haraldr var hand-
 takinn, ok lét Hákon hana festa á gálga. Síðan fór Hákon
 jarl á fund Danakonunga, ok sættist við hann auðvelliga
 um dráp Gullharalds frænda hans.

5

Landaskipti í Noregi.

15. Síðan býðr Haraldr konungr her út um alt sitt
 ríki, ok fór með 6 hundruð skipa. Þar var þá með honum
 Hákon jarl Sigurðarson ok Haraldr grenski, son Guðrøðar
 konungs, ok mart annarra ríkismanna, þeira er flýit höfðu
 10 óðul sín or Noregi fyrir Gunnhildar sonum. Hélt Dana-
 konungr her sínum sunnan í Víkina, ok gékk landsfólk alt
 undir hann. En er hann kom til Túnsbergs, þá dreif til
 hans mikit fjölmenni, ok fékk Haraldr konungr lið þat alt
 í hendr Hákon jarli, er til hans hafði komit í Noregi, ok
 15 gaf honum til forráða Rogaland ok Hörðaland, Sogn, Firða-
 fylki, Sunnmæri ok Raumsdal ok Norðmæri. Þessi 7 fylki
 gaf Haraldr konungr Hákon jarli til forráða, með þvílíkum
 formála sem Haraldr hinn hárfagri gaf sonum sínum, nema
 þat skildi, at Hákon skyldi eignast þar, ok svá í Þrándheimi,
 20 öll konungsbú ok landskyldir, hann skyldi ok hafa konungsfé,
 sem hann þyrfti, ef herr væri í landi. Haraldr konungr
 gaf Haraldri grenska Vingulmörk, Vestfold ok Agðir til
 Lóndisness ok konungsnafn, ok lét hann þar hafa ríki at
 öllu slíku, sem at fornu höfðu haft frændr hans, ok Haraldr
 25 hinn hárfagri gaf sonum sínum. Haraldr grenski var þá
 18 vetra, ok varð síðan frægr maðr. Ferr þá Haraldr
 Danakonungr heim með allan Danaher.

Ferð Gunnhildar sona or landi.

16. Hákon jarl fór með liði sínu norðr með landi.
 30 En er Gunnhildr ok synir hennar spurðu þessi tíðindi, þá
 samna þau her, ok varð þeim ilt til liðs. Tóku þau enn
 hit sama ráð sem fyrr, sigla vestr um haf með þat lið er
 þeim vill fylgja, fara fyrst til Orkneyja, ok dvöldust þar

um hrið; þar váru áðr jarlar, synir Þorfinns hausakljúfs, Hlöðvir ok Arnfiðr, Ljótr ok Skúli. Hákon jarl lagði þá land alt undir sik, ok sat þann vetr í Þrándheimi. Þess getr Einarr skálaglam í Velleklu:

Sjau fylkjum kom silkis,	geymir grundar síma	5
snúnaðr var þat, brúna	grandvarr und sik, landi.	

Hákon jarl, er hann fór sunnan með landi um sumarit ok landsfólk gékk undir hann, þá bauð hann þat um ríki sitt alt, at menn skyldu halda upp hofum ok blótum, ok var svá gert. Svá segir í Velleklu: 10

Öll lét senn hinn svinni	Ok herþarfir hverfa	
sönn Einriða mönnum	hlakkar móts til blóta,	
herjum kunnr um herjuð	rauðbríkar fremst roekir	
hofs lönd ok vé banda.	ríkr, ásmegir, slíku.	
At veg jötna vitni	Nú grœr jörð sem áðan,	15
valfalls um sjá allan,	aptr geirbrúar hapta	
þeim stýra goð, geira	auðrýrir lætr áru	
garðs Hlóriði farði.	úhryggja vé byggja.	

Nú liggr alt und jarli,	veðrgœðis stendr víða,	
ímunborðs, fyrir norðan,	Vík, Hákonar ríki.	20

Hinn fyrsta vetr er Hákon réð fyrir landi, þá gékk sild upp um alt land, ok áðr um haustit hafði korn vaxit, hvar seín sáit hafði verit; en um várit öfluðu menn sér frækorna, svá at flestir boendr seru jarðir sínar, ok varð þat brátt árvænt.

Orrosta Hákonar jarls ok Ragnfreðar konungs. 25

17. Ragnfreðr konungr son Gunnhildar ok Guðröðr annarr son Gunnhildar, þeir váru þá 2 á lífi synir Eiríks ok Gunnhildar. Svá segir Glúmr Geirason í Gráfeldardrápu:

Féllumk hálf þá er hilmis	En ek veit at hefir heitit	
hjörðrífa brá lífi,	hans bróðir mér góðu,	30
réðat oss til auðar,	sjá getr þar til sælu	
auðván, Haralds dauði.	seggfjöld, hvaðartveggi.	

Ragnfreðr byrjaði ferð sína um várit, þá er hann hafði einn vetr verit í Orkneyjum; hélt hann þá vestan til Noregs ok

hafði frítt lið ok skip stór. En er hann kom í Noreg, þá
 spyr hann, at Hákon jarl er í Þrándheimi. Hélt Ragn-
 freðr þá norðr um Stað ok herjaði um Sunnmœri. En
 sumt fólk gekk undir hann, sem opt verðr, þá er herflokkar
 5 ganga yfir land, at þeir er fyrir eru leita sér hjálpar, hverr
 þannug sem vænst þykkir. Hákon jarl spyr þessi tíðindi,
 at úfriðr var suðr um Mœri. Réð jarl þá til skipa ok lét
 skera upp herðr, býst sem hvatligast, ok hélt út eptir firði;
 varð honum gott til liðs. Varð fundr þeira Ragnfreðar ok
 10 Hákonar jarls á Sunnmœri norðarlíga, hélt Hákon þegar
 til orrostu; hann hafði lið meira ok skip smæri. Orrosta
 varð hörð, ok veitti Hákon þyngra; þeir börðust um stafna,
 sem þá var siðr til. Straumur var í sundinu, ok hóf öll
 skipin saman inn at landinu. Jarl lét ok hamla at landi,
 15 þar er honum þótti bezt til uppgöngu. En er skipin kendu
 niðr, þá gekk jarl ok alt lið hans á land, ok drógu upp
 skipin, svá at úvinir þeira skyldu eigi mega út draga.
 Síðan fylkti jarl á vellinum ok eggjaði Ragnfreð til upp-
 göngu. Þeir Ragnfreðr lögðu utan at ok skutust á langa
 20 hrið, vildi Ragnfreðr ekki á land ganga, ok skildust at svá
 búnu. Hélt Ragnfreðr sínu liði suðr um Stað, því at hann
 óttaðist landher, ef drifi til Hákonar jarls. En jarl lagði
 fyrir því eigi optar til orrostu, at honum þótti borða munr
 of mikill. Fór hann þá um haustit norðr til Þrándheims,
 25 ok var þar um vetrinn. En Ragnfreðr konungr hafði þá
 alt fyrir sunnan Stað, Firðafylki, Sogn, Hörðaland, Roga-
 land. Hafði hann fjölmenni mikit um vetrinn, ok er váraði
 bauð hann leiðangri út ok fékk lið mikit. Fór hann þá
 um öll þau fylki at afla sér liðs ok skipa ok annarra fanga,
 30 er hann þurfti.

Önnur orrosta Hákonar jarls ok Ragnfreðar konungs í Sogni.

18. Hákon jarl bauð liði út, þá er váraði, alt norðr
 or landi. Hann hafði mikit lið af Hálogalandi ok Naumu-
 dali, svá at alt frá Byrðu til Staðs hafði hann lið af öllum

sjálöndum. Honum dróst herr um öll Þroendalög, svá ok um Raumsdal. Svá er atkveðit, at hann hefði her af 4 fólklöndum; honum fylgðu 7 jarlar, ok höfðu þeir allir úgrynni hers. Svá segir í Velleklu:

Hitt var meir at Mœra	Ok til móts á meita	5
morðfíkin lét norðan	mjúkhurðum fram þarðu	
fólkverjandi fyrva	með svörgæli sörva	
för til Sogns um görva.	sju landrekar randa.	
Ýtti Freyr af fjórum	Glumdi allr, þá er Ullar	
fólklöndum, sá branda	eggþings Heðins veggjar,	10
Ullr stoð af því, allri	gnótt flaut nás fyrir nesjum,	
yrþjóð Heðins byrjar.	Nóregr, saman fóru.	

Hákon jarl hélt liði þessu öllu suðr um Stað. Þá spurði hann, at Ragnfreðr konungr með her sinn væri farinn inn í Sogn, sneri þá þannug sínu liði, ok verðr þar fundr þeira 15 Ragnfreðar. Lagði jarl skipum sínum at landi ok haslaði völl Ragnfreði konungi ok tók orrostustað. Svá segir í Velleklu:

Varð fyrir Vinda myrði,	Hlymnarfi bað hverfa	
viðfrægt en, gramr, síðan	hlífar flagðs, ok lagði	20
gerðist mest at morði	jálks við öndurt fylki	
mannfall, við styr annan.	öndur þörf, at landi.	

Þar varð allhörð orrosta, hafði Hákon jarl lið miklu meira ok fékk sigr. Þetta var á Þinganesi, þar er mœtist Sogn ok Hörðaland. Ragnfreðr konungr flýði til skipa sinna, en 25 þar féll af liði konungs 3 hundruð manna. Svá segir í Velleklu:

Ströng varð guðr áðr gunnar	Knátti hafs at höfðum,	
gamlaí nás und hramma	hagnaðr var þat, bragna	
þrængvimeidr um þryngvi	fólkeflandi fylkir	30
þrimr hundruðum lunda.	fangsæll þaðan ganga.	

Eptir orrostu þessá flýði Ragnfreðr konungr or Noregi, en Hákon jarl friðaði land, ok lét fara aptr norðr her þann hinn mikla, er honum hafði fylgt um sumarit; en hann dvaldist þar um haustit ok svá um vetrinn. 35

Kvánfang Hákonar jarls.

19. Hákon jarl gékk at eiga konu þá, er hét Þóra, dóttir Skaga Skoptasonar ríks manns. Þóra var allra kvenna fríðust. Þeira synir váru Sveinn ok Hemingr; Bergljót hét 5 dóttir þeira, er síðan átti Einarr þambaskelfir. Hákon jarl var kvennamaðr mikill ok átti mörg börn; Ragnhildr hét dóttir hans, hana gipti hann Skopta Skagasynti, bróður Þóra. Jarl unni Þóru svá mikit, at hann gerði sér miklu kærri en aðra menn frændr Þóru, ok var þó Skopti mágr hans mest 10 metinn af öllum þeim. Jarl veitti honum stórar veizlur á Moeri. En hvert sinn er þeir váru í leiðangri, þá skyldi Skopti leggja skip sitt næst skipi jarls, en engum skyldi þat hlýða, at leggja skip milli skipa þeira.

Fall Tíðindaskopta.

15 20. Þat var á einu sumri er Hákon jarl hafði leiðangr úti, þá stýrði þar skipi með honum Þorleifr spaki. Eiríkr var ok þar í för, var hann þá 10 vetra eða 11. En er þeir lögðu til hafnar á kveldum, þá lét Eiríkr sér ekki líka annat, en þeir legði til lægis næst skipi jarls. En er þeir 20 komu suðr á Moeri, þá kom þar Skopti mágr hans með langskip vel skipat. En er þeir róa at flotannum, þá kallar Skopti, at Þorleifr skyldi rýma höfnina fyrir honum ok leggja or læginu. Eiríkr svarar skjótt, bað Skopta leggja í annat lægi. Þá heyrði Hákon jarl, at Eiríkr son hans 25 þóttist nú svá ríkr, at hann vill eigi vægja fyrir Skopta; kallar jarl þegar, bað þá leggja or læginu, segir at þeim mun annarr verða verri, segir at þeir mundu vera barðir. En er Þorleifr heyrði þetta, hét hann á menn sína, ok bað leggja skipit or tengslum, ok var svá gert. Lagði þá 30 Skopti í lægi þat, er hann var vanr at hafa næst skipi jarls. Skopti skyldi segja tíðindi öll jarli, þá er þeir váru báðir samt; en jarl sagði Skopta tíðindi, ef hann spurði fyrr; hann var kallaðr Tíðindaskopti. Um vetrinn eftir var Eiríkr með Þorleifi fóstura sínum, en um várit

snimma fékk Eiríkr sér sveit manna; Þorleifr gaf honum skútu fimtánsessu með öllum reiða, tjöldum ok vistum. Hélt Eiríkr þá út eptir firði ok síðan suðr á Mœri. Tíðinda-skopti fór með fimtánsessu skipaða millum búa sinna, en Eiríkr leggr til móts við hann ok til bardaga. Þar féll 5 Skopti, en Eiríkr gaf grið þeim mönnum, er þá stóðu upp. Svá segir Eyjólfr Daðaskáld í Bandadrápu:

Meita fór at móti	Hoddsveigir lét hníga	
mjök síð um dag skiði	harða ríkr þá er bardisk,	
ungr með jöfnu gengi	logreifis bráttu lífi	10
útvers frömum hersi,	landmens, kjár sanda.	
þá er riðloga reiðir	Stálægir nam stíga	
randvallar lét falla,	stafns fletbalkar hrafna	
úlfteitir gaf átu	af dynbeiði dauðum.	
opt blóðvölum, Skopta.	Dregr land at mun banda.	15

Síðan sigldi Eiríkr suðr með landi ok kom fram í Danmörk, fór þá á fund Haralds konungs Gormssonar, ok var þar með honum um vetrinn. En eptir um várit sendi Dana-konungr Eirík norðr í Noreg, ok gaf honum jarldóm, ok þar með Vingulmörk ok Raumaríki til yfirsóknar, með þeim hætti 20 sem fyrr höfðu þar haft skattkonungar. Svá segir Eyjólfr:

Fólkstýrir var fára	áðr at yggjar brúði	
finns ölknarrar linna	élhvetjandi setja	
suðr at sjávar naðri	hildar hjálmi faldinn	
setbergs gamall vetra,	hoddmildingar vildu.	25

Eiríkr jarl var síðan höfðingi mikill.

Ferð Ólafs Tryggvasonar or Görðum.

21. Ólafr Tryggvason var þessar hríðir allar í Garðaríki, ok hafði þar hit mesta yfirlát af Valdimar konungi ok kærleik af dróttningu. Valdimarr konungr setti hann höfð- 30 ingja yfir herlið þat, er hann sendi at verja land sitt. Svá segir Hallarsteinn:

Tólf var elds at aldri	hlóðu Hamðis klæðum	
ysetrs hati vetra,	hjørva gnýs ok skýjum	
hraustr þá er herskip glæsti	hilmis menn sem hjálmum	35
Hörða vinr or Görðum;	hlýrvigg, en mól stýri.	

Átti Ólafr þar nokkurar orrostur, ok varð herstjórnin vel í hendi, hélt hann þá sjálfr sveit mikla hermanna með sínum kostnaði, þeim er konungr veitti honum. Ólafr var örr maðr við sína menn, varð hann af því vinsæll. Enn varð þat, sem optliga kann at verða, þar er útlendir menn hefjast til ríkis eða til svá mikillar frægðar, at þat verði umfram innlenzka menn, at margir öfunduðu þat, hversu kærr hann var konungi, ok eigi siðr dróttningu; mæltu menn fyrir konungi, at hann skyldi varast at gera Ólaf eigi ofstótan: fyrir því at slíkr maðr er þér hættastr, ef hann vill sik til þess ljá at gera yðr mein eða yðru ríki, er svá er búinn at atgervi ok vinsæld sem hann er; vitum vér ok eigi hvat þau dróttning tala jafnan. Þat var siðr mikill hinna ríku konunga, at dróttning skyldi eiga hálfa hirðina ok halda með sínum kostnaði, ok hafa þar til skatta ok skyldir, svá sem þyrfti; var þar ok svá með Valdimar konungi, at dróttning hafði eigi minni hirð en konungr, ok keptust þau mjök um ágætismenn, ok vildi hvártveggja til sín hafa. Nú gerðist svá, at konungr festi trúnað á slíkar rœður, sem mælt var fyrir honum, ok gerðist hann nokkut fár ok styggr við Ólaf. En er Ólafr fann þat, þá segir hann dróttningu, ok þat með, at hann fýstist at fara í Norðr-lönd, ok segir at frændr hans hafi þar fyrr ríki haft, ok honum þykki líkast, at þar muni þroski hans mestr verða. Dróttning biðr hann vel fara, segir at hann muni þar göfugr þykkja, sem hann væri. Síðan býr Ólafr ferð sína ok gékk á skip, ok hélt svá út í hafit í Eystrasalt. En er hann sigldi austan, þá kom hann við Borgundarhólm, ok veitti þar upprás ok herjaði, en landsmenn sóttu ofan ok héldu orrostu við hann, ok fékk Ólafr sigr ok herfang mikit.

Kvánfang Ólafs Tryggvasonar.

22. Ólafr lá við Borgundarhólm, ok féngu þeir veðr hvast ok storm sjávar, ok megu þeir þar eigi við festast, ok sigla þaðan suðr undir Vindland ok fá þar höfn góða,

fara þar alt með friði ok dvöldust þar um hráð. Barizleifr hét konungr í Vindlandi, hans dótr váru þær Geira, Gunnhildr ok Ástriðr. Geira konungs dóttir hafði þar vald ok ríki, sem þeir Ólafr kómu at landi; Dixin er sá maðr nefndr, er mest forráð hafði með Geiru dróttning. En er 5 þau höfðu spurt, at þar váru við land komnir úkunnir menn, þeir er tiguliga létu yfir sér, ok þeir fóru þar með friði, þá fór Dixin á fund þeira með orðsending Geiru dróttningar, þá at hon vill bjóða þeim mönnum til vetrvistar, er þar váru komnir, því at þá var mjök liðit á sumarit, 10 en veðráttu hörð ok stormar miklir. En er Dixin kom þar, þá varð hann brátt þess varr, at þar réð fyrir ágætr maðr, bæði at sett ok ásýnum. Dixin segir þeim, at dróttning bauð þeim til sín með vináttaboði. Ólafr þektist þat boð, ok fór um vetrinn til Geiru dróttningar, ok sýndist 15 hvárt þeira öðru afar vel, svá at Ólafr hefir uppi orð sín ok biðr Geiru dróttningar, ok verðr þat at ráði gert, at Ólafr færi Geiru dróttningar þann vetr; gerðist hann þá þar forráðamaðr þess ríkis með henni. Hallfreðr vandræðaskáld getr þess í drápu þeiri er hann orti um Ólaf konung : 20

Hilmir lét at hólmi
hræskóð roðin blóði,

hvat um dyldi þess hauldar,
hörð ok austr í Gørðum.

Hákon jarl hélt sköttum Danakonungs.

23. Hákon jarl réð fyrir Noregi ok galt engan skatt, fyrir þa sök at Danakonungr veitti honum skatta alla, þá 25 er konungr átti í Noregi, til starfs ok kostnaðar, er jarl hafði til at verja landit fyrir Gunnhildar sonum.

Otta keisari herjaði í Danmörk.

24. Otta keisari var þá í Saxlandi, hann sendi boð Haraldi Danakonungi, at hann skyldi taka skírn ok trú 30 rétta, ok þat landsfólk er hann stýrði; en at öðrum kosti sagði keisari, at hann mundi fara með her á hendr honum. Þá lét Danakonungr búa landvarnir sínar, lét þá vel upp

halda Danavirki ok búa herskip sín. Þá sendi konungr boð í Noreg Hákon jarli, at hann skyldi koma til hans snemma um várit með allan her þann sem hann féngi. Bauð Hákon jarl her út um várit af öllu ríki sínu, ok varð hann allfjölmeðr, ok hélt hann liði því til Danmerkr til fundar við Danakonung. Tók konungr allsæmiliga við honum. Margir aðrir höfðingjar váru þá með Danakonungi, þeir er honum veittu lið; hafði hann þá allmikinn her.

Hernaðr Ólafs Tryggvasonar.

10 25. Ólafr Tryggvason hafði verið um vetrinn í Vindlandi, sem fyrr er ritat; hann fór um vetrinn til þeira heraða þar á Vindlandi, er legit höfðu undir Geiru dróttning ok höfðu þá undan horfit allri hlýðni ok skattgjöfum þannug. Þar herjar Ólafr ok drap marga menn, brendi fyrir sunum, 15 tók fé mikit, ok lagði undir sik þau ríki, fór síðan aptr til borgar sinnar. Snimma um várit bjó Ólafr skip sín ok sigldi síðan í haf; hann sigldi undir Skáni, veitti þar upp-göngu, en landsmenn sömnuðust saman ok héldu orrostu, ok hafði Ólafr sigr ok fékk herfang mikit. Síðan sigldi 20 hann austr til Gotlands, þar tók hann kaupskip er Jamtr áttu; þeir veittu vörn mikla, ok lauk svá, at Ólafr brauð skipit ok drap mart manna ok tók fé alt. Þriðju orrostu átti hann á Gotlandi, hafði Ólafr þar sigr ok fékk mikit herfang. Svá segir Hallfreðr vandræðaskáld:

25	Endr lét Jamta kindir	Hættir var hersa dróttinn
	allvaldr í styr falla,	hjördjarfr Gota fjörvi,
	vandisk hann, ok Vinda	gullskerði frá ek gerða
	végrimmr, á þat snimma.	geirþey á Skáneyju.

Orrosta við Danavirki.

30 26. Otta keisari dró saman her mikinn, hann hafði lið af Saxlandi ok Frakklandi, Fríslandi ok af Vindlandi. Fylgði honum Burizleifr konungr með mikinn her, ok í liði var með honum Ólafr Tryggvason mágur hans. Keisari

hafði riddaraher mikinn ok miklu meira fótgöngulið, hann hafði ok af Holtsetalandi mikinn her. Haraldr konungr sendi Hákon jarl með Norðmanna her, þann sem honum fylgði, suðr til Danavirkis at verja þar landit. Svá segir í Velleklu:

5

Hit var auk at eykir
aurborðs á vit norðan
und sigrrunni svinnum
sunnr Danmarkar runnu,
ok hólmfjöturs hjálmi
Hörða valdr um faldinn
Dofra danskra jöfra
dróttinn fund um sótti.

Ok við fróst at freista
fémildir konungr vildi
myrk foldynjar markar
morð álfs þess er kom norðan,
þá er valserkja virki
veðrhirðir bað stirðan
fyr hlymnjörðum hurða
hagbarða gramr varða.

10

Otta keisari kom með her sinn sunnan til Danavirkis, en Hákon jarl varði með sínu liði borgarveggina. Danavirkir 15 er svá háttat, at firðir 2 ganga inn í landit, sínum megin lands hvárr, en millum fjarðarbotna höfðu Danir gert borgarvegg mikinn af grjóti ok torfi ok viðum, ok grafit díki djúpt ok breitt fyrir utan, en kastalar fyrir borgarhliðum. Þá varð orrosta mikil. Þess getr í Velleklu:

20

Varat í gegn þótt gerði
garðrögnir styr harðan
gengiligt at ganga
geirrásar her þeira,

þá er með Frísa fylki
fór gunnviðurr sunnan,
kvaddi vígs, ok Vinda,
vágs blakkriði, Frakka.

Hákon jarl setti fylkingar yfir öll borgarhlið, en hitt var 25 þó meiri hlutr liðs er hann lét fara alt með borgarveggjunum, ok verja þar sem helzt var at sótt. Féll þar mart af keisara liði, en þeir féngu ekki at unnit at borginni. Snýr þá keisari í brott ok leitaði þar ekki lengr til. Svá segir í Velleklu:

Þrymr varð logs þar er lögðu
leikmiðjungar Þriðja,
arngreddir varð, odda
andvígr, saman randir.

Sundfæxa kom Söxum
soekiþróttir á flótta;
þar er svá. at gramr með gumnum
garð yrþjóðum varði.

30

Eptir þessa orrostu fór Hákon jarl aptr til skipa sinna, ok ætlaði þá at sigla norðr aptr í Noreg, en honum gaf ekki 35 byr, lá hann þá út í Limafirði.

Skírðr Haraldr konungr Gormsson ok Hákon jarl.

27. Otta keisari snýr þá her sínum til Slés, dregur hann þar at sér skipaher, flytr þar liðit yfir fjörðinn á Jótland. En er þat spyr Haraldr Gormsson Danakonungr, þá ferr hann í móti með sinn her, ok varð þar orrosta mikil, ok at lyktum fær keisarinn sigr, en Danakonungr flýði undan til Limafjarðar ok fór út í Mårsey. Fóru þá menn milli þeira keisarans, ok varð komit griðum á ok stefnulegi, fundust þeir Otta keisari ok Danakonungr í Mårsey.

10 En þá boðaði Poppo biskup heilaga trú fyrir Haraldri konungi, ok hann bar glóanda járn í hendi sér, ok sýndi Haraldri konungi hönd sína úbrunna. Síðan lét Haraldr konungr skírast með allan Danaher. Haraldr konungr hafði áðr orð send Hákon jarli, þá er konungr sat í Mårsey, at

15 jarl skyldi koma til liðveizlu við konung; var jarl þá kominn til eyjarinnar, er konungr hafði skírast látit, sendir konungr þá orð, at jarl skyldi koma til fundar við hann; en er þeir hittast, þá nauðgar konungr jarli til at láta skírast. Var þá Hákon jarl skírðr, ok þeir menn allir er þar fylgðu honum,

20 fékk þá konungr í hendr honum presta ok aðra lærða menn, ok segir at jarl skal láta skíra alt fólk í Noregi. Skildust þeir þá, ferr Hákon jarl út til hafs ok biðr þar byrjar.

Hákon jarl kastar trú sinni, blótar ok herjar á Gautland.

28. En er veðr kemr, ok honum þótti sem hann mundi í haf bera, þá skaut hann á land upp öllum lærðum mönnum, en hann sigldi þá út á haf. En veðr gékk til útsuðrs ok vestra, siglir jarl þá austr í gegnum Eyrarsund, herjar hann þá á hvártveggja land. Síðan siglir hann austr fyrir Skáneyjarsíðu, ok herjaði þar, ok hvar sem hann kom

30 við land. En er hann kom austr fyrir Gautasker, þá lagði hann at landi, gerði hann þá blót mikit. Þá kómu þar fljúgandi hrafnar tveir ok gullu hátt, þá þykkist Jarl vita, at Óðinn hefir þegit blótit, ok þá mun jarl hafa dagrað til at berjast. Þá brennir jarl skip sín öll, ok gengr á land upp

með liði sínu öllu, ok fór alt herskildi. Þá kom á móti honum Óttarr jarl, hann réð fyrir Gautlandi, áttu þeir saman orrostu mikla, fær þar Hákon jafn sigr, en Óttarr jarl féll, ok mikill hluti liðs með honum. Hákon jarl ferr um Gautland hvártveggja, ok alt herskildi, til þess er hann kemr í Noreg, ferr síðan landveg alt norðr í Þrándheim. Frá þessu segir í Velleklu;

Flóttu gékk til fréttar
fellingjörðr á velli,
draugr gat dólga sagu
dagrað Heðins váða;
ok haldboði hildar
hrægamma sá ramma,
týr vildi sá týna
teinlantar fjör Ganta.

Valföllum hlóð völlu,
varð rögn konr gagni,
hríðar áss, at hrósa,
hlaut Óðinn val, Fróða.

Háði jarl, þar er áðan
engi maðr und ranni,
hyrjar þing, at herja, 10
hjörldautar, kom Sörla.
Bara maðr lyngs en lengra
loptvarðaðar barða,
alt vann gramr um gengit
Gantland, frá sjá randir. 15

Hver sé if nema jöfra
ættrýri goð stýra,
rammaukin kveð ek ríki
rögn Hákonar magna.

Heimferð Ottu keisara.

20

29. Otta keisari fór aptr í Saxland í ríki sitt. Skildust þeir Danakonungur með vináttu. Svá segja menn, at Otta keisari gerði guðsifjar við Svein son Haralds konungs ok gaf honum nafn sitt, ok var hann svá skírðr, at hann hét Otta Sveinn. Haraldr konungur hélt vel kristni alt til 25 dauðadags. Burizleifr konungur fór þá til Vindlands, ok með bonum Ólafr mágur hans. Þessarrar orrostu getr Hallfreðr vandræðaskáld í Ólafsdrápu:

Böðserkjar hjó birki
barklaust í Danmörku

hleypimeidr fyrir Heiða
hlunnviggja boe sunnan. 30

Ferð Ólafs Tryggvasonar af Vindlandi.

30. Ólafr Tryggvason var 3 vetr á Vindlandi, áðr Geira kona hans tók sótt, þá er hana leiddi til bana. Ólafi þótti þat svá mikill skaði, at hann festi ekki yndi á Vindlandi síðan. Réð hann sér þá til herskipa, ok fór enn 35

í hernað, herjaði fyrst um Fríslanð, ok þar næst um Sax-
land, ok alt í Flæmingjaland. Svá segir Hallfreðr vand-
ræðaskáld:

5	Tíðhöggvit lét tiggi Tryggva sonr fyrir styggvan leiknar hest á lesti ljótvaxinn hræ Saxa.	Vinhróðigr gaf víða vísi margra Frísa blökku brúnt at drekka blóð kveldriðu stóði.
	Rógs brá rekka lægir ríkr valkera líki,	herstefnir lét hröfnum hold Flæmingja goldit.

10 *Hernaðr Ólafs Tryggvasonar.*

31. Síðan hélt Ólafr Tryggvason til Englands ok
herjaði víða um landit; hann sigldi alt norðr til Norðim-
bralandis ok herjaði þar, þaðan hélt hann norðr til Skotlands
ok herjaði þar víða, þaðan sigldi hann til Suðreyja, ok átti
15 þar nokkurar orrostur; síðan hélt hann suðr til Manar ok
barðist þar, hann herjaði ok víða um Írland. Þá hélt hann
til Bretlands ok herjaði víða þat land, ok svá þar er kallat
er Kumraland. Þaðan sigldi hann vestr til Vallands ok
herjaði þar, þá sigldi hann vestan ok ætlaði til Englands;
20 þá kom hann í eyjar, þær er Syllingar heita, vestr í hafit
frá Englandi. Svá segir Hallfreðr vandræðaskáld:

25	Gerðist ungr við Engla ofvægr konungr bægja, naddskúrar réð nærir Norðimbra sá morði. Eyddi álfa greddir ógnblíðr Skotum víða, gerði seims með sverði sverðleik í Mön skerðir.	Ýdrauga lét ægir eyverskan her deyja, týr var tjörva dýra tírar gjarn, ok Íra. Barði brezkrar jarðar byggjendr ok hjó tiggi, gráðr þvarr geira hriðar gjóði, kumrskar þjóðir.
----	---	--

30 Ólafr Tryggvason var 4 vetr í þessum hernaði, síðan er
hann fór af Vindlandi til þess er hann kom í Syllingar.

Skírðr Ólafr Tryggvason í Syllingum.

32. Ólafr Tryggvason, þá er hann lá í Syllingum,
spurði hann, at þar í eyjunni var spámaðr nokkurr, sá er

sagði fyrir úorðna hluti, ok þótti mörgum mönnum þat mjök eptir ganga. Gerðist Ólafr forvitni á at reyna spádóm manns þess. Hann sendi þann af mönnum sínum, er fríðastr var ok mestr, ok bjó hann sem vegligast, ok bað hann segja, at hann væri konungr; því at Ólafr var þá frægr 5 orðinn af því um öll lönd, at hann var fríðari ok göfugligri ok meiri en allir menn aðrir. En síðan er hann fór or Garðaríki, hafði hann ekki meir af nafni sínu en kallaði sik Óla, ok kvazt vera gerzkr. En er sendimaðr kom til spámannsins ok sagðist vera konungr, þá fékk hann 10 þessi andsvör: Eigi ertu konungr, en þat er ráð mitt, at þú sér trúr konungi þínum. Ekki sagði hann fleira þessum manni. Fór sendimaðr aptr ok sagði Ólafr, ok lýsti hann þess at meir at finna þenna mann, er hann heyrði slík andsvör hans, ok tók nú ífa af honum, at hann væri eigi 15 spámaðr. Fór þá Ólafr á hans fund ok átti tal við hann, ok spurði eptir hvat spámaðr segði Ólafr frá, hvernug honum mundi ganga til ríkis eða annarrar hamingju. Einsetumaðrinn svarar með helgum spádómi: Þú munt verða ágætr konungr ok ágæt verk vinna, þú munt mörgum mönnum til trúar koma 20 ok skírnar, muntu bæði þér hjálpa í því ok mörgum öðrum; ok til þess at þú ifir eigi um þessi mín andsvör, þá máttu þat til marks hafa: þú munt við skip þín svikum mæta ok flokkum, ok mun á bardaga roetast, ok muntu týna nökkuru liði ok sjálfr sár fá, ok muntu af því sári banvænn verða 25 ok á skíldi til skips borinn, en af þessu sári muntu heill verða innan 7 náttu, ok brátt við skírn taka. Síðan fór Ólafr ofan til skipa sinna, ok þá mætti hann þar úfriðarmönnum, þeim er hann vildu drepa ok lið hans, ok fóru þeira viðskipti sem einsetumaðr hafði sagt honum, at Ólafr 30 varð sárr borinn á skip út, ok svá at hann var heill á 7 nóttum. Þóttist Ólafr þá vita, at þessi maðr mundi honum sanna hluti sagt hafa, ok þat at hann var sannr spámaðr, hvaðan af sem hann hafði þann spádóm. Fór þá Ólafr annat sinn at finna þenna mann, talaði þá mært við hann, 35

spurði vendiliga, hvaðan honum kom sú speki, er hann sagði fyrir úorðna hluti. Einsetumaðr sagði, at sjálfir guð kristinna manna lét hann vita alt, þat er hann forvitnaðist, sagði þá Ólafi mörg stórmerki guðs, ok af þeim fortölum 5 játti Ólafr at taka skírn. Ok svá var, at Ólafr var skírðr þar ok alt föruneyti hans. Dvaldist hann þar mjök lengi ok nam rétta trú, ok hafði þaðan með sér presta ok aðra lærða menn.

Ólafr fékk Gyðu.

10 33. Ólafr sigldi or Syllingum um haustit til Englands, ok lá þar í höfn nökkurri, fór þá með friði, því at England var kristit, ok hann var ok kristinn. En þar fór um landit þingboð nökkut, ok allir menn skyldu til þings koma. En er þing var sett, þá kom þar dróttning ein, er Gyða er 15 nefnd, systir Ólafs kvarans, er konungr var á Írlandi í Dyflinni; hon hafði gipt verit á Englandi jarli einum ríku, var sá þá andaðr, en hon hélt eptir ríkinu. En sá maðr var í ríki hennar, er nefndr er Álfvini, kappi mikill ok hólmgöngumaðr, hann hafði beðit hennar, en hon svaraði 20 svá, at hon vildi kjör af hafa, hvern hon vildi eiga af þeim mönnum, er í hennar ríki váru, ok var fyrir þá sök þings kvatt, at Gyða skyldi sér mann kjósa. Var þar kominn Álfvini ok búinn með hinum bestum klæðum, ok margir aðrir váru þar vel búnir. Ólafr var þar kominn ok hafði 25 vásklæði sín ok loðkápu yzta, stóð hann með sína sveit út í frá öðrum mönnum. Gyða gékk ok leit á sérhvern mann, þann er henni þótti nökkut mannsmót at. En er hon kom þar at, er Ólafr stóð, ok sá upp í andlit honum, spurði hon, hverr hann væri. Hann nefadi sik Óla. Ek 30 em útlendr maðr hér, segir hann. Gyða mælti: Viltu eiga mik, þá vil ek kjósa þik. Eigi vil ek neita því, segir hann. Hann spurði, hvert nafn þessarrar konu var, ætt eða eðli. Ek em, segir hon, konungsdóttir af Írlandi, var ek gipt higat til lands jarli, þeim er hér réð ríki; nú síðan er hann

andaðist, þá hefi ek stýrt ríkinu, menn hafa beðit mín, ok engi sá er ek vilda giptast, en ek heiti Gyða. Hon var ung kona ok fríð. Tala þau síðan þetta mál ok semja þat sín á milli; festir Ólafr sér Gyðu.

Hólmganga Álfvina ok Ólafs konungs.

5

34. Álfvina líkar nú ákafliga illa. En þat var siðr á Englandi, ef 2 keptust um einn hlut, at þar skyldi vera til hólmganga. Býðr Álfvini Ólafi Tryggvasyni hólmgöngu um þetta mál. Þeir leggja með sér stefnulag til bardaga, ok skulu vera 12 hvárir. En er þeir finnast, mælir Ólafr 10 svá við sína menn, at þeir geri svá sem hann gerir. Hann hafði mikla ðxi; en er Álfvini vildi höggva sverði til hans, þá laust hann sverðit or hendi honum, ok annat högg sjálfan hann, svá at Álfvini féll; síðan batt Ólafr hann fast. Föru svá allir menn Álfvina, at þeir váru barðir ok bundnir, 15 ok leiddir svá heim til herbergja Ólafs. Síðan bað hann Álfvina fara or landi brott ok koma eigi aptr, en Ólafr tók allar eigur hans. Ólafr fékk þá Gyðu, ok dvaldist á Englandi, en stundum á Írlandi.

Ólafr þiggr hundinn Víga.

20

35. Þá er Ólafr var á Írlandi, var hann staddr í herför nökkurri, ok fóru þeir með skipum. Ok þá er þeir þurftu strandhöggva, þá ganga menn á land ok reka ofan fjölda búsmala. Þá kemr þar bóndi einn ok bað Ólaf gefa sér kýr þær, er hann átti. Ólafr bað hann hafa kýr sínar, 25 ef hann mætti kenna: ok dvel ekki ferð vára. Bóndi hafði þar mikinn hjarðhund, hann vísaði hundinum í nautaflokkana, ok váru þar rekin mörg hundruð nauta. Hundrinn hljóp um alla nautaflokkana, ok rak brott jafnmörg naut sem bóndinn sagði at hann ætti, ok váru þau öll á einn veg mörkuð; 30 þóttust þeir þá vita, at hundrinn mundi rétt kent hafa. Þeim þótti hundr sá furðu vitr. Þá spyr Ólafr, ef bóndi vildi gefa honum hundinn. Gjarna, segir bóndi. Ólafr gaf

honum þegar í stað gullbring ok hét honum vináttu sinni. Sá hundr hét Vígi, ok var alkra hunda beztr; átti Ólafr hann lengi síðan.

Danakonungr herjaði í Noregi.

5 36. Haraldr Gormsson Danakonungr spurði, at Hákon jarl hafði kastat kristni ok herjat land Danakonungs víða. Þá band Haraldr Danakonungr her út ok fór síðan í Noreg; ok er hann kom í þat ríki, er Hákon jarl hafði til forráða, þá herjar hann þar ok eyddi land alt, ok kom liðinu í
10 eyjar þær, er Sólundir heita. Fimm einir bæir stóðu úbrendir í Sogni í Læradal, en fólk alt flýði á fjöll ok markir með fé þat alt er komast mátti. Þá ætlaði Danakonungr at sigla liði því til Íslands, ok hefna niðs þess, er allir Íslendingar höfðu hann niðdan. Þat var í lögum haft á Íslandi.
15 at yrkja skyldi um Danakonung niðvísu fyrir nef hvert, er á var landinu. En sú var sök til þess, at skip þat er íslenzkir menn áttu, braut í Danmörk, en Danir tóku fé alt ok kölluðu vágrek, ok réð fyrir því bryti konungs, er Birgir hét; var niðit ort um þá báða. Þetta var í niðinu:

20	Þá er sparn á mó mörnis	en bergsalar Birgir
	morðkunnr Haraldr sunnan,	böndum rækr í landi,
	varð þá Vinda myrðir	þat sá öld, í jöldu
	vax eitt, í ham faxes;	úríkr fyrir líki.

Ger fjölkyngi til Íslands.

25 37. Haraldr konungr bauð kungum manni at fara í hamförum til Íslands, ok freista hvat hann kynni segja honum. Sá fór í hvals líki. En er hann kom til landsins, þá fór hann vestr fyrir norðan landit; hann sá at fjöll öll ok hólar váru full af landvættum, sumt stórt en sumt smátt.
30 En er hann kom fyrir Vápnafjörð, þá fór hann inn á fjörðinn ok ætlaði á land at ganga; þá fór ofan or dalnum dreki mikill, ok fylgðu honum margir ormar, pöddur ok eðlur, ok blésu eitri á hann; en hann lagðist í brott ok vestr fyrir land, alt fyrir Eyjafjörð. Fór hann inn eptir þeim

firði; þar fór móti honum fugl svá mikill, at vængirnir tóku út fjöllin tveggja vegna, ok fjöldi annarra fugla, bæði stórir ok smáir. Braut fór hann þaðan ok vestr um landit, ok svá suðr á Breiðafjörð, ok stefndi þar inn á fjörðinn; þar fór á móti honum griðungr mikill, ok óð á sæinn út ok 5 tók at gella ógurliga; fjöldi landvætta fylgði honum. Brott fór hann þaðan ok suðr um Reykjanes, ok vildi ganga upp á Vikarsskeið. Þar kom í móti honum bergrisi, ok hafði járnstaf í hendi, ok bar höfuð hans hæra en fjöllin, ok margir aðrir jötnar með honum. Þaðan fór hann austr 10 með endilöngu landi, var þá ekki, segir hann, nema sandar ok öræfi ok brim mikit fyrir utan, en haf svá mikit millum landanna, segir hann, at ekki er þar foert langskipum. Þá var Broddhelgi í Vápnafirði, Eyjólfur Valgerðarson í Eyjafirði, Þórðr gellir í Breiðafirði, Þóroddr goði í Ölfusi. 15 Síðan sneri Danakonungr liði sínu suðr með landi, ok fór síðan til Danmerkr, en Hákon jarl lét byggja land alt, ok galt enga skatta síðan Danakonungi.

Fall Haralds Gormssonar.

38. Sveinn son Haralds konungs, sá er síðan var 20 kallaðr tjúguskegg, beiddist ríkis af Haraldi konungi feðr sínum, en þá var enn sem fyrr, at Haraldr konungr vildi ekki tvískipta Danaveldi, ok vill ekki ríki fá honum. Þá aflar Sveinn sér herskipa, ok segir at hann vill fara í víking; en er lið hans kom alt saman, ok þá var kominn til liðs 25 við hann af Jómsvíkingum Palnatóki, þá hélt Sveinn til Sjálands ok inn í Ísafjörð. Þá var þar fyrir með skipum sínum Haraldr konungr faðir hans, ok bjoggust þeir at fara í leiðangr. Sveinn lagði til orrostu við hann; varð þar bardagi mikill. Dreif þá lið til Haralds konungs, svá at 30 Sveinn varð ofrliði borinn, ok flýði hann. Þar fékk Haraldr konungr sár þau, er hann leiddu til bana. Síðan var Sveinn tekinn til konungs í Danmörk. Þá var Sigvaldi jarl yfir Jómsborg á Vindlandi, hann var son Strútharalds konungs,

er ráðit hafði fyrir Skáney. Bræðr Sigvalda voru þeir Hemingr ok Þorkell hinn háfi. Þá var ok höfðingi yfir ? Jónsvíkingum Búi digri af Borgundarhólmi, ok Sigurðr bróðir hans. Þar var ok Vagn son þeira Áka ok Þorgunnu, 5 systurson þeira Búa. Sigvaldi jarl hafði höndum tekit Svein konung ok flutt hann til Vindlands til Jónsborgar, ok nauðgaði honum til sætta við Burizleif Vindakonung, ok til þess at Sigvaldi jarl skyldi gera sætt milli þeira, Sigvaldi jarl átti þá Ástríði dóttur Burizleifs konungs, en at öðrum 10 kosti sagði jarl at hann mundi Svein konung fá í hendr Vindum. En konungr vissi þat, at þeir mundu kvelja hann til bana, játti hann fyrir því sættargerð jarls. Sigvaldi jarl dæmdi þat, at Sveinn konungr skyldi fá Gunnhildar dóttur Burizleifs konungs, en Burizleifr konungr skyldi fá Þyri 15 Haraldsdóttur systur Sveins konungs; en hvárrtveggi þeira skyldi halda ríkinu, ok skyldi vera friðr milli landa. Fór þá Sveinn konungr heim í Danmörk með Gunnhildi konu sinni. Þeira synir voru þeir Haraldr ok Knútr hinn ríki. Í þann tíma heituðust Danir mjök ut fara með her í Noreg 20 á hendr Hákon jarli.

Heitstrengingar Jónsvíkinga.

39. Sveinn konungr gerði mannboð ríkt ok stefndi til sín öllum höfðingjum, þeim er voru í ríki hans; hann skyldi erfa Harald föður sinn. Þá hafði ok andast litlu 25 áðr Strútharaldr á Skáneyju, ok Veseti í Borgundarhólmi, faðir þeira Búa digra. Sendi konungr þá orð þeim Jónsvíkingum, at Sigvaldi jarl ok Búi ok bræðr þeira skyldu þar koma ok erfa feðr sína at þeiri veizlu, er konungr gerði. Jónsvíkingar fóru til veizlunnar með öllu liði sínu, 30 því er fræknastr var. Þeir höfðu 40 skipa af Vindlandi en 20 skip af Skáni. Þar kom saman allmikit fjölmenni. Fyrsta dag at veizlunni, áðr Sveinn konungr stigi í háseti föður síns, þá drakk hann minni hans ok strengði heit, áðr 3 vetr væri liðnir, at hann skyldi koma með her sínum til

Englands, ok drepa Aðalráð konung eða reka hann or landi. Þat minni skyldu allir drekka, þeir er at erfinu váru. Þá var skenkt höfðingjum Jómsvíkinga, ok borit æ fullast ok sterkastr drykk. En er þat minni var af drukkit, þá skyldi drekka Krists minni allir menn. Þá var Jómsvík-⁵ ingum borin hin stærstu horn af hinum sterkasta drykk, er þar var. Hit þriðja var Mikjál's minni, ok drukku þat allir. En eptir þat drakk Sigvaldi jarl minni föður síns, ok strengði heit síðan, at áðr 3 vetr væri liðnir, skyldi hann vera kominn í Noreg, ok drepa Hákon jarl eða reka hann¹⁰ or landi. Síðan strengði heit Þorkell hávi bróðir Sigvalda, at hann skyldi fylgja honum til Noregs, ok flýja eigi or orrostu, svá at Sigvaldi berðist þá eptir. Þá strengði heit Búi digri, at hann mundi fara til Noregs með þeim ok flýja eigi or orrostu fyrir Hákon jarli. Þá strengði heit¹⁵ Sigurðr bróðir hans, at hann mundi fara til Noregs, ok flýja eigi, meðan meiri hlutr Jómsvíkinga berðist. Þá strengði heit Vagn Ákason, at hann skyldi fara með þeim til ok koma eigi aptr, fyrr en hann hefði drepit Þorkel leiru ok gengit í rekkju hjá Ingibjörgu dóttur hans utan frænda ráð. Margir²⁰ höfðingjar aðrir strengðu heit ymissa hluta. Drukku menn þann dag erfit. En eptir um morgininn, þá er Jómsvíkingar váru údruknir, þóttust þeir hafa fullmælt, ok hafa málstefnur sínar ok ráða ráðum, hvernug þeir skulu til stilla um ferðina; ráða þat af at búast þá sem skyndiligast. Búa²⁵ þá þegar skip sín ok herlið. Varð þat allfrægt víða um lönd.

Liðsamnaðr Eiríks ok Hákonar jarla.

40. Eiríkr jarl Hákonarson spyr þessi tíðindi, hann var þá á Raumaríki. Dró hann þegar lið at sér ok ferr til Upplanda, ok svá norðr um fjall til Þrándheims á fund³⁰ Hákonar jarls föður síns. Þess getr Þórðr Kolbeinsson í Eiríksdrápu:

Ok sannliga sunnan,
sásk, vítt, búendr háska

stríð, um stála meiða
stórhersögur fóru.

Súðlǫngum frá sveiða
sunnr af dregnum hlunni

vangs á vatn um þrungit
viggmeiðr Dana skeiðum.

Hákon jarl ok Eiríkr jarl láta skera upp herör um öll
Þrændalög, senda boð á Mœri hváratveggju ok í Raums-
5 dal, svá norðr í Naumudal ok á Hálogaland; stefna síðan
út öllum almenning, at liði ok skipum. Svá segir í Ei-
ríksdrápu:

<p>Mjök lét margar snekkjur mæðar örr sem knörru, 10 óðr vex skálds, ok skeiðar skjaldhlynr á brim dynja;</p>	<p>þá er úlítill utan oddherðir fat gerða, mörg var lind fyrir landi, lönd síns föður röndum.</p>
---	---

Hákon jarl hélt þegar suðr á Mœri á njósn ok í liðsamnað,
en Eiríkr jarl dró saman herinn ok flutti norðan.

Ferð Jómsvíkinga í Noreg.

15 41. Jómsvíkingar héldu liði sínu til Limafjarðar, ok
sigldu þaðan út á hafit, ok höfðu 60 skipa, ok koma at
Ögðum; halda þegar liðinu norðr á Rogaland, taka þá at
herja, þegar er þeir koma í ríki Hakonar jarls, ok fara
svá norðr með landi, ok alt herskildi. Geirmundr er sá
20 maðr nefndr, er fór með hleypiskútu eina, ok nökkurir menn
með honum; hann kom fram norðr á Mœri ok fann þar
Hákon jarl, gékk inn fyrir borð at segja jarli tíðindin, at
herr var suðr í landi, kominn af Danmörku. Jarl spurði,
ef hann vissi sannindi á því. Geirmundr brá upp
25 hendi annarri, ok var þar afhöggvinn hreifinn, segir, at
þar váru jartegnir, at herr var í landinu. Síðan spyrr jarl
inniliga at um her þenna. Geirmundr segir, at þar váru
Jómsvíkingar, ok höfðu drepit marga menn ok víða rænt,
fara þeir þó, segir hann, skjótt ok ákaflega, vætti ek, at
30 eigi muni áðr langt líða, en þeir muni hér niðr koma.
Síðan rerir jarl alla fjörðu, inn með öðru landi en út með
öðru, fór dag ok nótt, ok hafði njósn hit efra um eið, svá
suðr um Fjörðu, svá ok norðr, þar er Eiríkr fór með herinn.
Þess getr í Eiríksdrápu:

Setti jarl, sá er atti,
ógnfróðr, á lög stóði
hrefnis, háfa stafna
hót Sigvalda at móti.

Margr skalf hlumr, en hvergi
huggendr bana ugðu,
þeir er gátu sjá slíta,
sárgamms, blöðum ára.

Ferr Eiríkr jarl norðan með herinn sem snúðuligast.

5

Frá Jómsvíkingum ok hernaði þeira,

42. Sigvaldi jarl hélt liði sínu norðr um Stað, lagði fyrst til Hereyja. Landsmenn þótt víkinga fynni, þá sögðu þeir aldri sett til, hvat jarl hafðist at. Víkingar herja þó, hvar sem þeir fóru; þeir lögðu utan at Höð, runnu þar upp ok herjuðu, fœrðu til skipa bæði man ok bú, en drápu karla þá er vígt var at. En er þeir fóru ofan til skipa, þá kom til þeira gangandi einn bóndi, en þar fór nær sveit Búa. Bóndinn mælti: þér farit úhermannliga, rekit til strandar kýr ok kálfa, væri yðr meiri veiðr at taka björninn, 15 er nú er nær kominn á bjarnbásinn. Hvat segir karl? segja þeir, kantu nökkut segja oss til Hákonar jarls? Bóndinn sagði: hann fór í gær inn í Hjörundarfjörð, hafði jarl eitt skip eða tvau, eigi váru fleiri en þrjú, ok hafði ekki til yðar spurt. Þeir Búi taka þegar á hlaup til skipanna ok 20 láta laust alt herfang. Búi mælti: njótum vér nú, er vér höfum fengit njón af jarli, ok verum næstir sigrinum. En er þeir koma á skipin, róa þeir þegar út. Kallar Sigvaldi jarl á þá ok spurði tíðinda. Þeir segja, at Hákon jarl var þar inn í fjörðinn. Síðan leysir jarl flotann, ok róa norðr 25 fyrir eya Höð ok svá inn um eya.

Upphaf Jómsvíkinga orrostu.

43. Hákon jarl ok Eiríkr jarl son hans lágu í Hallkelsvík, var þar saman kominn herr þeira allr, höfðu þeir hálft annat hundrað skipa, ok höfðu þá spurt, at Jómsvíkingar höfðu lagt utan at Höð; reru þá jarlar sunnan at leita þeira. En er þeir koma þar sem heitir Hjörungavágr, þá finnast þeir; skipa þá hvarirtveggju sínu liði til atlögu. Var í miðju liði merki Sigvalda jarls; þar í mót skipaði

Hákon jarl til atlögu; hafði Sigvaldi jarl 20 skip, en Hákon jarl 60 skipa. Í liði Hákonar jarls váru þessir höfðingjar: Þórir hjörtr af Hálogalandi, annarr Styrkarr af Gimsun. Í annan fylkingararm var Búi digri ok Sigarðr bróðir hans
5 með 20 skipum. Þar lagði í móti Eiríkr jarl Hákonarson með 60 skipa, ok með honum þessir höfðingjar: Guðbrandr hvíti af Upplöndum, ok Þorkell leira víkverskr maðr. Í annan fylkingararm lagði fram Vagn Ákason með 20 skipum; en þar í mót Sveinn Hákonarson, ok með honum
10 Skeggi af Yrjum af Upphaugi ok Rögnvaldr or Ærvík af Staði, með 60 skipa. Svá segir í Eiríksdrápu:

15	En í gegn at gunni glæheims skriðu mævar, rendi langt með landi leiðangr, Dana skeiðum;	þær er jarl und árum œrins galls á Mœri, barns rak vigg und vörnum valkesti, hrauð flestar.
----	--	--

Eyvindr skáldaspillir segir ok svá í Háleygjatali:

20	Þar varð minstr meinvinnöndum Yngvifreys öndverðan dag fagnafundr, er flota þeystu	jarðráðendr at eyðöndum, þá er sverðálfr sunnan knúði lagar stóð at liði þeira.
----	---	--

Síðan lögðu þeir saman flotann; tekst þar hin grimmasta orrosta, ok féll mart af hvarumtveggjum, ok miklu fleira af
25 Hákonar liði, því at Jómsvíkingar börðust bæði hraustliga ok djarfliga ok snarpliga, ok skutu alt í gegnum skjölduna. Ok svá mikill vápnaburðr var at Hákon jarli, at brynja hans var slitin til únýts, svá at hann kastaði af sér. Þess getr Tindr Hallkelsson:

30	Varða gims sem gerði gerðr bjúglimum herða, gnýr óx Fjölnis fúra, farlig soeing jarli;	þá er hringfám Hanga hrynserk Viðurr brynju, hruðusk riðmarar róða rastar, varð at kasta.
----	---	--

35	Þars í sundr á sundi Sörka blés fyrir jarli,	þess hefir seggja sessi, serk hringofinn, merki.
----	---	---

Flótti Sigvalda jarls.

44. Jómsvíkingar höfðu skip stærri ok borðmeiri, en hvárirtveggju sóttu hit djarfasta. Vagn Ákason lagði svá hart fram at skipi Sveins Hákonarsonar, at Sveinn lét á hömlu síga undan, ok hélt við flóttu. Þá lagði þannug til 5 Eiríkr jarl, ok fram í fylking móti Vagni. Þá lét Vagn undan síga, ok lágu skipin sem í fyrstu höfðu legit. Þá réð Eiríkr aptr til liðs síns, ok höfðu þá hans menn undan hamlat, en Búi hafði þá höggvit tengslin ok ætlaði at reka flóttann. Þá lagði Eiríkr jarl síbyrt við skip Búa, ok varð 10 þá höggorrosta hin snarpasta, ok lögðu þá tvau eða þrjú Eiríks skip at Búa skipi einu. Þá gerði illviðri ok él svá mikit, at haglkornit eitt vá eyri. Þá hjó Sigvaldi tengslin, ok sneri undan skipi sínu ok vildi flýja. Vagn Ákason kallaði á hann, bað hann eigi flýja. Sigvaldi gaf ekki gaum at, 15 hvat hann sagði. Þá skaut Vagn spjóti at honum, ok laust þann er við stýri sat. Sigvaldi jarl reri í brott með hálfan fjórða tog skipa, en eptir lá hálfr þriði togr.

Búi digri steypist fyrir borð.

45. Þá lagði Hákon jarl skip sitt í anpat borð Búa, 20 ok var þá Búa mönnum skamt höggva á millum. Vigfúss Vígaglúmsson tók upp nefsteðja, er lá á þiljunum, er maðr hafði áðr hnoðit við hugró á sverði sínu. Vigfúss var allsterkr maðr, hann kastaði steðjanum tveim höndum ok fœrði í höfuð Ásláki hólmskalla, svá at geirrinn stóð í heila niðri. 25 Áslák höfðu ekki áðr vápn bitit, en hann hafði höggvit til beggja handa; hann var fóstri Búa ok stafnbúi. En annarr var Hávarðr höggvandi, hann var enn sterkari maðr ok allfrœkn. Í þessarri atsókn géngu upp Eiríks menn á skip Búa, ok aptr at lyptingunni at Búa. Þá hjó Þorsteinn 30 miðlangr til Búa um þvert nefit ok í sundr nefbjörgina, varð þat allmikit sár. Búi hjó til Þorsteins utan á síðuna, svá at í sundr tók manninn í miðju. Þá tók Búi upp kistur tvær fullar gulls, ok kallaði hátt: fyrir borð allir

Búa liðar! Steyptist Búi þá utan borðs með kisturnar, ok margir hans menn hljópu þá fyrir borð, en sumir féllu á skipinu, því at eigi var gott griða at biðja. Var þá hroðit skip Búa með stöfnum, en síðan hvert at öðra.

5 *Bundnir Jómsvíkingar á streng.*

46. Síðan lagði Eiríkr jarl at skipi Vagns, ok var allhörð viðtaka. En at lyktum var hroðit skip þeira, en Vagn handtekinn, ok þeir 30, ok fluttir á land upp bundnir. Þá gekk til Þorkell leira ok sagði svá: Þess strengðir þú
 10 heit, Vagn, at drepa mik, en mér þykkir hitt nú líkara, at ek drepa þik. Þeir sátu á einni lág allir saman. Þorkell hafði mikla öxi í hendi, hann hjó þann er utarst sat á láginni. Þeir Vagn váru svá bundnir, at einn strengur var snúinn at fótum allra þeira, en lausar váru hendr þeira. Þá mælti einn
 15 þeira: dálk hefi ek í hendi, ok mun ek stinga í jörðina, ef ek veit nökkut, þá er höfuðit er af mér. Höfuð var af þeim höggvit, ok féll niðr dálkr or hendi honum. Þá sat maðr fríðr ok hærðr vel, hann sveipti hárinu fram yfir höfuð sér ok rétti fram hálsinn, ok mælti: gerit eigi hárit í blóði.
 20 Einn maðr tók hárit í hönd sér ok hélt fast. Þorkell reiddi at öxina; víkingrinn kipti höfðinu fast, lét sá eptir er hárinu hélt; reið öxin ofan á báðar hendr honum ok tók af, svá at öxin nam í jörðu stað. Þá kom at Eiríkr jarl ok spurði: hverr er þessi maðr hinn fríði? Sigurð kalla menn
 25 mik, segir hann, ok em ek kenningarson Búa, eigi eru enn allir Jómsvíkingar dauðir. Eiríkr segir: þú munt vera at vísu sannr son Búa; viltu hafa grið, segir hann. Þat skiptir hverr býðr, segir Sigurðr. Sá býðr, segir jarl, er vald hefir til, Eiríkr jarl. Vil ek þá, segir hann. Var
 30 hann þá tekinn or strenginum. Þá mælti Þorkell leira: viltu, jarl, þessa menn alla láta grið hafa, þá skal aldri með lífi fara Vagn Ákason. Hleypr þá fram með reidda öxina, en víkingr Skarði reiddi sik til falls í strenginum ok féll fyrir foetr Þorkeli. Þorkell féll flatr um hann. Þá

greip Vagn ǫxina, hann reiddi upp ok hjó Þorkel með bana-
högg. Þá mælti jarl: Vagn, viltu fá grið. Vil ek, segir
hann, ef vér höfum allir. Leysi þá or strenginum, segir
jarl. Ok svá var gert. Váru 18 dreppir, en 12 þágu grið.

Dráp Gizurar af Valdresi.

5

47. Hákon jarl ok margir menn með honum sátu á
tré einu, þá brast strengr á skipi Búa, en ǫr sú kom á
Gizur af Valdresi lenda man, hann sat næst jarli ok
búinn allvegliga. Síðan géngu menn á skipit út, fundu
þeir Hávarð höggvanda, ok stóð hann á knjám við borðit 10
út, því at fœtr váru af honum höggvir; hann hafði boga í
hendri. En er þeir kómu á skipit út, þá spurði Hávarðr:
hverr féll af láginni? Þeir sögðu, at sá hét Gizurr. Þá
varð minna happit en ek vilda, sagði hann. Ærit var
úhappit, segja þeir, en eigi skaltu vinna fleiri. Ok drepa 15
hann. Síðan var valrinn kannaðr, ok borit fé til hlutskiptis;
svá var sagt, at hálf þriðji togr skipa var hroðinn af Jóms-
víkingum. Svá segir Tindr:

Vagn á Vinda sinni
verðbjóðr hugins ferðar,
beit sólgagarr seilar,
sverðs eggja spor leggja,

áðr hjörmeiðar hrjóða,
hætting var þat, mætti
liðar langra skeiða
liðs hálfan tog þriðja.

20

Síðan skilja þeir her þenna, ferr Hákon jarl til Þrándheims,
ok líkaði stórilla, er Eiríkr hafði grið gefit Vagni Ákasyni.
Þat er sögn manna, at Hákon jarl hafi í þessarri orrostu 25
blótit til sigrs sér Erlingi syni sínum, ok síðan gerði él ok
þá sneri mannfallinu á Jómsvíkinga. Eiríkr jarl fór þá til
Upplanda ok svá austr í ríki sitt, ok fór Vagn Ákason með
honum. Þá gipti Eiríkr Vagni Ingibjörgu dóttur Þorkels
leiru, ok fékk honum langskip gott með öllum reiða, ok 30
fékk honum skipan til. Skildust þeir hinir kærstu vinir;
ferr þá Vagn heim suðr til Danmerkr. Varð hann síðan
ágætr maðr, ok er mart stórmenni frá honum komit.

Dauði Haralds konungs grenska.

48. Haraldr grenski var konungr á Vestfold, sem
fyrir er ritat, hann fékk Ástu dóttur Guðbrands kúlu. Eitt
sumar þá er Haraldr grenski fór í Austrveg í hernað at
5 fá sér fjár, þá kom hann í Svíþjóð. Þá var þar konungr
Ólafr soenski, hann var son Eiríks konungs hins sigrsæla
ok Sigríðar dóttur Sköglartosta; var Sigríðr þá ekkja, ok
átti mörg bú ok stór í Svíþjóð. En er hon spurði, at þar
var kominn við land skamt í brott Haraldr grenski fóst-
10 bróðir hennar, þá sendi hon menn til hans ok bauð honum
til veizlu. Hann lagðist þá ferð eigi undir höfuð, ok fór
með mikla sveit manna. Þar var allgóðr fagnaðr; sat
konungr ok dróttning í háseti, ok drukku bæði samt um
kveldit, ok var veitt allkappsamliga öllum mönnum hans.
15 Um kveldit er konungr fór til hvílu, þá var þar sæng
tjölduð þellum ok búin dýrligum klæðum. Í því herbergi
var fátt manna. En er konungr var afklæddr ok kominn
í hvílu, þá kom þar dróttning til hans ok skenkti honum
sjálf, ok lokkaði hann mjök til at drekka, ok var hin
20 blíðasta. Konungr var allmjök drukinn, ok bæði þau.
Þá sofnaði hann, en dróttning gekk þá ok til svefns. Sigríðr
var hin vitrasta kona ok forspá um marga hluti. Eptir
um morgininn var veizla enn hin kappsamligsta, en þar
varð, sem jafnan verðr, þar er menn verða allmjök druknir,
25 at hinn næsta dag eptir varast flestir menn við drykkinn.
En dróttning var kát, ok töluðu þau konungr sín á milli.
Sagði hon svá, at hon virði eigi minna eignir þær ok ríki,
er hon átti í Svíþjóð, en konungdóm hans í Noregi ok
eignir. Við þessar ræður varð konungr úglaðr, ok fannst
30 fátt um alt, ok bjóst í brott ok var allhugsjúkr. En drótt-
ning var hin kátasta, ok leiddi hann í brott með stórgjöfum.
Fór þá Haraldr um haustit aptr til Noregs, var heima um
vetrinn ok heldr úkátr. Eptir um sumarit fór hann í
Austrveg með liði sínu, ok hélt þá til Svíþjóðar. Hann

sendi orð Sigríði dróttningu, þau at hann vill finna hana. Hon reið ofan á fund hans, ok talast þau við; hann vegr brátt þat mál, ef Sigríðr vildi giptast honum. Hon sagði, at þat var honum hégómamál, ok hann er áðr svá vel kvángaðr, at honum er fullræði í. Haraldr segir, at Ásta 5 er góð kona ok göfug, en ekki er hon svá stórbörin sem ek em. Sigríðr svarar: Vera kann þat, at þú sér ættstoerri en hon; hitt munda ek ætla, at með henni mundi nú vera beggja ykkur hamingja. Litlu skiptust þau fleirum orðum við, áðr dróttning reið í brott. Haraldri konungi var þá 10 heldr skappungt. Hann bjóst at ríða upp á land ok enn á fund Sigríðar dróttningar. Margir hans menn löttu hann þess, en eigi at síðr fór hann með mikla sveit manna, ok kom til þess bæjar, er dróttning réð fyrir. Hít sama kveld kom þar annarr konungr, sá hét Vissavaldr, austan or 15 Garðaríki, sá fór at biðja hennar. Þeim var skipat konungum í eina stofu mikla, ok öllu liði þeira; eptir því var allr búnaðr stofunnar, en drykk skorti þar eigi um kveldit, svá áfengan, at allir váru fulldrukni, ok höfuðverðir ok útverðir sofnuðu. Þá lét Sigríðr dróttning um nóttina veita 20 þeim atgöngu bæði með eldi ok vápnum; brann þar stofan, ok þeir menn er inni váru, en þeir váru drepni, er út kómust. Sigríðr sagði þat, at svá skyldi hon leiða smákonungum at fara af öðrum löndum til þess at biðja hennar. Síðan var hon kölluð Sigríðr hin stórráða. 25

Fæddr Ólafr konungr Haraldsson.

49. Þann vetr áðr var Jómsvíkinga orrosta á Hjörungavági. Hrani hafði verit eptir at skipum, þá er Haraldr hafði gengit á land upp, með því liði er eptir var til forráða. En er þeir spurðu, at Haraldr var af lífi tekinn, þá 30 fóru þeir í brott sem tíðast ok aptr til Noregs, ok sögðu þessi tíðindi. Hrani fór á fund Ástu ok sagði henni atburð um för þeira, ok svá hverra erenda Haraldr fór á fund Sigríðar dróttningar. Ásta fór þegar til Upplanda til föður

síns, er hon hafði spurt þessi tíðindi, ok tók hann vel við henni, en bæði þau váru mjök reið um þá ráðsætlan, er verit hafði í Svíþjóð, ok þat er Haraldr hafði henni ætlat einlæti. Ásta Guðbrandsdóttir ól sveinbarn þá um sumarit; 5 sá sveinn var nefndr Ólafr, er hann var vatni ausinn; Hrafi jós hann vatni. Var sá sveinn þar uppfœddr fyrst með Guðbrandi ok Ástu móður sinni.

Frá Hákon jarli.

50. Hákon jarl réð Noregi alt hit ytra með sjá, ok 10 hafði hann til forráða 16 fylki. En síðan er Haraldr hinn hárlagri hafði svá skipat, at jarl skyldi vera í hverju fylki, þá hélzt þat lengi síðan. Hákon jarl hafði 16 jarla undir sér. Svá segir í Velleklu:

15	Hvar viti öld und einum jarðbyggvi svá liggja, þat skyli herr um hugsa, hjarl ok 16 jarla.	Þess ríðr fúrs með fjórum fólkleikr Heðins reikar logskundaðar lindar lofkendr himins endum.
----	---	---

Meðan Hákon jarl réð fyrir Noregi, þá var góð árferð í landi ok góðr friðr innan lands með bóndum. Jarl var 20 vinsæll við boendr lengsta stund ævi sinnar; en er á leið, þá gerðist þat mjök at um jarl, at hann var úsiðugr um kvennafar; gerðist þar svá mikít at, at jarl lét taka ríkra manna doetr ok flytja heim til sín, ok lá hjá viku eða tvær, en sendi heim síðan, ok fékk hann af því úþokka mikinn 25 af frændum kvennanna, ok tóku boendr at kurra illa, svá sem Þrœndir eru vanir um alt þat, er þeim er í móti skapi.

Færð Þóris klökku at leita Ólafs Tryggvasonar.

51. Hákon jarl fær nökkurn pata af því, at maðr mun sá vera fyrir vestan haf, er Óli nefnist, ok halda þeir 30 hann þar fyrir konung. En jarl grunaði af frásögn nökkurra manna, at vera mundi nökkurr af konungasett norroenni. Honum var sagt, at Óli kallaðist gerzkr at ætt, en jarl hafði þat spurt, at Tryggvi Ólafsson hafði átt son, þann

er farit hafði austr í Garðaríki ok þar uppfœzt með Valdimar konungi, ok hét sá Ólafr; hafði jarl ok mjök atspurningum leitt um þann mann, ok grunaði at sá hinn sami mundi nú vera kominn þar í Vestrlöndum. Maðr er nefndr Þórir klakka, vin mikill Hákonar jarls, ok var löngum í 5 víking, en stundum í kaupferðum, ok var víða kunnigt fyrir. Þenna mann sendi Hákon jarl vestr um haf, bað hann fara kaupferð til Dyflinnar, sem þá var mörgum títt, ok skynja þat, hverr maðr Óli þessi væri; en ef hann spyr þat til sanns, at hann væri Ólafr Tryggvason eða nokkurr 10 annarr af konungsætt norrœnni, þá skyldi Þórir koma við hann svikræðum nokkurum, ef hann mætti.

Ólafr Tryggvason kom í Noreg.

52. Síðan fór Þórir vestr til Írlands til Dyflinnar, ok spurði þar til Óla; var hann þar með Ólafi kvaran 15 mági sínum. Síðan kom Þórir sér í tæl við Óla; Þórir var maðr orðspakr. En er þeir höfðu mjök lengi talat, þá tók Óli at spyrja af Noregi, fyrst frá Upplendingakonungum, ok hverir þeir váru þá á lífi, eða hvat ríki þeir höfðu; hann spurði ok um Hákon jarl, hver vinsæld hans var í 20 landinu. Þórir svaraði: Jarl er svá ríkr maðr, at engi þorir annat at mæla en hann vill, en þat veldr því, at hvergi er í annan stað til at ganga; en þér satt til at segja, þá veit ek margra göfugra manna skaplyndi ok svá alþýðunnar, at þess væri fúsastir ok búnastir, at nokkurr 25 konungr kæmi þar til ríkis af ætt Haralds hins hárfagra; en vér sjám nú engan þann til, ok mest fyrir þá sök, at þat er nú reynt, at illa dugir at berjast við Hákon jarl. En er þeir töluðu þetta opt, þá lætr Ólafr í ljós fyrir Þóri nafn sitt ok ætt, ok spyr hann ráðs, hvat hann hyggi, ef 30 Ólafr ferr til Noregs, hvárt hann ætlar, at bœndr muni vilja taka við honum at konungi. Þórir eggjaði hann ákaflega þessar ferðar, ok lofaði hann mjök ok hans atgervi. Tók Ólafr þá at fýsast mjök at fara til ættleifðar sinnar. Siglir

Ólafr þá vestan með 5 skipum, fyrst til Suðreyja; Þórir var þar í för með honum. Síðan sigldi hann til Orkneyja. Sigurðr jarl Hlöðvisson lá þá í Rögnvaldsey í Ásmundarvági með eitt langskip, ok ætlaði at fara yfir á Katanes.

5 Þá sigldi Ólafr sínu liði vestan at eyjunum ok lagði þar til hafnar, því at Petlandsfjörðr var eigi færr. En er konungr vissi, at jarl lá þar fyrir, þá lét hann jarl kalla til tals við sik. En er jarl kom til tals við konung, þá höfðu þeir áðr fátt talat, áðr konungr segir, at jarl skuli skírast

10 láta ok alt landsfólk hans, en at öðrum kosti skyldi hann þá deyja þegar í stað; en konungr kvezt mundu fara með eld ok usla yfir eyjarnar ok eyða land þat, nema fólk kristnaðist. En svá sem jarl var þá viðkominn, þá kaus hann þann af, at taka skírn, var hann þá skírðr, ok alt þat fólk er

15 þar var með jarli. Síðan svarði jarl konungi eiða ok gerðist hans maðr, fékk honum son sinn til gislingar, er hét Hvelpr eða Hundi, ok hafði Ólafr hann til Noregs með sér. Sigldi Ólafr þá austr í haf ok kom af hafi utan at Morstr, gékk þar á land fyrst í Noregi, ok lét hann messu þar syngja

20 í landtjaldi. En síðan var í þeim sama stað kirkja ger. Þórir klakka sagði konungi, at þat eina var honum ráð, at gera ekki bert um, hverr hann var, ok láta enga njósn fara fyrir sér, ok fara sem ákafligast á fund jarls ok láta hann úbúinn við verða. Ólafr konungr gerir svá, at hann

25 ferr norðr náttfari ok dagfari, svá sem leiði gaf, ok gerði ekki landsfólk vart við ferð sína, hvert hann fór. En er hann kom norðr til Agðaness, þá spurði hann, at Hákon jarl var inn í firðinum, ok þat með at hann var úsáttir við böendr. En er Þórir heyrði þetta sagt, þá var mjök annan

30 veg en hann hugði, því at eptir Jómsvíkinga orrostu váru allir menn í Noregi fullkomnir vinir Hákonar jarls fyrir sigr, þann er hann hafði fengit, ok frelsat land alt af hernaði, en nú var svá illa at borit, at höfðingi mikill var kominn í landit, en böendr váru úsáttir við jarlinn.

Flótti Hákonar jarls.

53. Hákon jarl var á veizlu í Gaulardal at Meðalhúsum, en skip hans lágu út við Viggju. Ormr lyrgja er maðr nefndr, ríkr bóndi, hann bjó á Búnesi, hann átti konu, þá er Guðrún er nefnd, dóttir Bergþórs af Lundum; hon 5 var kölluð Lundasól, hon var kvenna fríðust. Jarl sendi þræla sína til Orms þeira erenda, at hafa Guðrúnu konu Orms til jarls. Þrælar báru upp erendi sín; Ormr bað þá fyrst fara til náttverðar; en áðr þrælar höfðu matazt, þá váru komnir til Orms margir menn or byggðinni, er 10 hann hafði orð sent. Lét Ormr þá engan kost, at Guðrún færi með þrælunum. Guðrún mælti, bað þræla svá segja jarli, at hon mundi eigi til hans koma, nema hann sendi eptir henni Þóru af Rimul; hon var húsfreyja rík ok ein af unnostum jarls. Þrælarnir segja, at þeir skulu þar svá 15 koma öðru sinni, at bóndi ok húsfreyja munu þessa iðrast skambragðs, ok heitast þrælarnir mjök ok fara brott síðan. En Ormr lét fara herör fjögurra vegna um byggðina, ok lét þat boði fylgja, at allir skyldu með vápnum fara at Hákon jarli ok drepa hann, ok sendi til Halldórs á Skerð- 20 ingssteðju, en Halldórr lét þegar fara herör. Litlu áðr hafði jarl tekit konu manns, þess er Brynjólfr hét, ok var þat verk allmjök úþokkat, ok var þá við sjálft, at herr mundi upp hlaupa. Eptir þessu örboði hljóp upp múgi manns ok sótti til Meðalhúsa. En jarl fékk njósn ok fór af boenum 25 með lið sitt ok í dal djúpan, þann er nú er kallaðr Jarlsdalr síðan, ok leyndust þeir þar. Eptir um daginn hafði jarl njósn alt af bóndaherinum. Boendr tóku vegu alla, ok ætluðu helzt, at jarl mundi hafa farit til skipa sinna; en fyrir skipunum réð þá Erlendr son hans hinn mannvænsti 30 maðr. En er náttaði, dreifði jarl liðinu ok bað fara markleiði út til Orkadals: engi maðr mun yðr mein gera, ef ek em hvergi í nánd; gerit orð Erlendi, at hann fari út eptir firðinum, ok hittumst vit á Mœri, ek mun vel fá leynt mér fyrir bóndum. Fór jarl þá ok þræll hans með 35

honum, er Karkr er nefndr. Íss var á Gaul, ok hratt jarl þar í hesti sínum, ok þar lét hann eptir möttul sinn, en þeir fóru í helli þann, er síðan er kallaðr Jarlshellir. Þar sofnuðu þeir. En er Karkr vaknaði, þá sagði hann draum sinn, at maðr svartr ok illiligr fór hjá hellinum, ok hræddist hann þat, at hann mundi inn ganga, en sá maðr sagði honum, at Ulli var dauðr. Jarl sagði, at Erlendr mundi drepinn. Enn sofnar Þormóðr Karkr öðru sinni ok lætr illa í svefni, en er hann vaknar, segir hann draum sinn, at hann sá þá hinn sama mann fara ofan aptr, ok bað segja jarli, at þá væru lokin sund öll. Karkr sagði jarli drauminn; hann grunaði, at slíkt mundi vera fyrir skammlífi hans. Síðan stóð hann upp, ok géngu þeir á bæinn Rimul. Þá sendi jarl Kark á fund Þóru, ok bað hana koma leyniliga til sín. Hon gerði svá, ok fagnar vel jarli. Hann bað hana fela sik um nökkurra nátta sakir, þar til er boendr ryfi samnaðinn. Hér mun þín leitast, segir hon, um bæ minn bæði úti ok inni, því at þat vitu margir, at ek mun gjarna hjálpa þér alt þat er ek má. Einn staðr er sá á mínum bæ, er ek munda eigi kunna at leita slíks manns, þat er svínabœli nökkut. Þau kómu þannug til. Þá mælti jarl: Hér skulum vér um búast, lífsins skal nú fyrst gæta. Þá gróf þrællinn þar gróf mikla, ok bar í brott moldina, síðan lagði hann þar viðu yfir. Þóra sagði jarli þau tíðindi, at Ólafr Tryggvason var kominn utan í fjörðinn, ok hafði hann drepit Erlend son hans. Síðan gékk jarl í gröfina, ok báðir þeir Karkr, en Þóra gerði yfir með viðum ok sópaði yfir moldu ok myki, ok rak þar yfir svínin. Svínabœli þat var undir steini einum miklum.

Dauði Erlends.

54. Ólafr Tryggvason hélt utan í fjörðinn 5 langskipum, en þar reri innan í móti Erlendr son Hákonar jarls með 3 skipum. En er skipin nálgðust, þá grunaði Erlend, at úfriðr mundi vera, ok snúa at landi. En er

Ólafr sá langskipin eptir firðinum fara ok róa í móti sér, þá hugði hann þar mundu fara Hákon jarl, ok bað róa eptir þeim sem ákafast. En er þeir Erlendr váru komnir at landi, reru þeir á grunn ok hljópu þegar fyrir borð ok leituðu til lands. Þá rendu at skip Ólafs. Ólafr sá hvar 5 lagðist maðr friðr forkunnliga. Ólafr greip hjálmunvölinn ok kastar at þeim manni, ok kom höggit í höfuð Erlendi syni jarls, svá at haussinn brotnaði til heila. Lét Erlendr þar líf sitt. Þeir Ólafr drápu þar mart manna, en sumt kom á flóttu, sumt tóku þeir ok gáfu grið, ok höfðu af 10 tíðindasögn. Var þá Ólafi sagt, at boendr höfðu rekit Hákon jarl, ok hann var farflótti fyrir þeim, ok dreift var öllum flokki hans.

Dauði Hákonar jarls.

55. Síðan koma boendr á fund Ólafs, ok verða hvárir 15 öðrum fegnir ok taka þegar samlag sitt. Taka boendr hann til konungs yfir sik, ok taka allir eitt ráð, at leita eptir Hákon jarli, ok fara upp í Gaulardal, ok þykkir þat líkast, at jarl muni vera á Rimul, ef hann er nökkur at bœjum, því at Þóra var þar kærstr vin hans í þeim dal. Fara 20 þeir þannug, ok leita jarls úti ok inni, ok finna hann eigi. Ok þá átti Ólafr húsping úti í garðinum, hann stóð upp á stein þann hinn mikla, er stóð hjá svínaboelinu. Þá talaði Ólafr fyrir mönnum, ok varð þat í rœðu hans, at hann mundi þann mann gœða bæði fé ok virðing, er Hákon jarl 25 yrði at skaða. Þessa rœðu heyrði jarl ok Karkr; þeir höfðu ljós hjá sér. Jarl mælti: Hví ertu svá bleikr, en stundum svartr sem jörð? Er eigi þat, at þú vilir svíkja mik? Eigi, segir Karkr. Vit várum fœddir á einni nótt, segir jarl, skamt mun ok verða milli dauða okkars. Þá 30 fór Ólafr konungr á brott, er kveldaði. En er náttaði, þá hélt jarl vöku yfir sér, en Karkr sofnaði ok lét illiliga. Þá vakti jarl hann ok spurði, hvat hann dreymdi. Hann sagði: Ek var nú á Hlöðum, ok lagði Ólafr konungr gull-

men á háls mér. Jarl svaraði: þar mun Ólafr láta bring blóðrauðan um háls þér, ef þú finnr hann; vara þú þik svá; en af mér muntu gott hljóta, svá sem fyrr hefir verit, ok svík mik eigi. Síðan vöktu þeir báðir, svá
 5 sem hvárr vekti yfir öðrum. En í móti degi þá sofnaði jarl, ok brátt lét hann illa, ok svá mikit varð at því, at jarl skaut undir sik hælunum ok hnakkanum, svá sem hann mundi vilja upp rísa, ok lét hátt ok ógurliga. En Karkr varð hræddr ok felmsfullr ok greip kníf mikinn af linda
 10 sér ok skaut í gegnum barka jarls ok skar út or. Þat var bani Hákonar jarls. Síðan sneið Karkr höfuð af jarli ok hljóp í brott með, ok kom eptir um daginn inn á Hlaðir, ok færði höfuð jarls Ólafi konungi, hann sagði ok þá þessa atburði um ferðir þeira Hákonar jarls, sem nú er ritat.
 15 Síðan lét Ólafr konungr leiða hann í brott ok höggva höfuð af.

Grytting höfuðs Hákonar jarls.

56. Þá fór Ólafr konungr ok fjöldi bónda með honum út til Niðarhólms, ok hafði með sér höfuð Hákonar jarls
 20 ok Karks. Sá hólmr var þá hafðr til þess at drepa þar þjófa ok illmenni, ok stóð þar gálgi, ok lét hann þar til bera höfuð Hákonar jarls ok svá Karks. Gékk þá til allr herrinn ok æpti upp ok gryttti þar at, ok mæltu, at þar skyldi niðingr fara með öðrum niðingum. Síðan láta þeir
 25 fara upp í Gaulardal ok taka þar búkinn ok drógu í brott. Varð hér svá mikill máttir at fjándskap, þeim er Þrændir gerðu til Hákonar jarls, at engi maðr mátti nefna hann annan veg en jarl hinn illa; var þetta kall haft lengi síðan. En hitt er satt at segja frá Hákonar jarli, at hann
 30 hafði marga hluti til þess at vera höfðingi, fyrst kynkvísl stóra, þar með speki ok kænleik at fara með ríkdóminum, röskleik í orrostum, ok þar með hamingjuna at vega sigrinn ok drepa fjándmennina. Svá segir Þorleifr Rauðfeldarson:

Hákon! vitum hvergi,	Þá hefir øðlinga Óðni,
hafizk hefir runnr af gunni,	etr hrafn af ná getnum,
fremra jarl und ferli,	vera máttu af því vísi
fólk ránar, þér mána.	víðlendr, níu senda.

Manna örvastr var Hákon jarl, en hina mestu úhamingju bar slíkr höfðingi til dánardægrs síns. En þat bar mest til er svá varð, at þá var sú tíð komin, at fyrirdæmast skyldi blótskaprinn ok blótmenninir, en í stað kom heilög trúa ok réttir siðir.

Ólafr Tryggvason tók konungdóm yfir Noregi.

10

57. Ólafr Tryggvason var til konungs tekinn í Þrándheimi á allsherjar þingi um land alt, svá sem haft hafði Haraldr hinn hárfagri. Hljóp þá upp múgr ok margmenni, ok vildi engi annat heyra, en Ólafr Tryggvason skyldi konungr vera. Fór Ólafr þá um land alt ok lagði undir sik. 15 Snerust til hlýðni við hann allir menn í Noregi; jafnt þeir höfðingjar á Upplöndum eða í Víkinni, er áðr höfðu land haldit af Danakonungi, þá gerðust þeir menn Ólafs konungs ok héldu land af honum. Fór hann svá yfir land hinn fyrsta vetr ok eptir um sumarit. Eiríkr jarl Hákonarson 20 ok Sveinn bróðir hans, ok aðrir frændr þeira ok vinir, flýðu landit ok sóttu austr í Svíaveldi til Ólafs konungs hins scenska, ok féngu þar góðar viðtökur. Svá segir Þórðr Kolbeinsson:

Meinrennir! brá, manna	En til lands þess er lindar	25
margs fýsa sköp, varga,	láðstafr vegit hafði,	
ljóða litlu síðar	hraustr þá er herr fór vestan,	
læ Hákonar ævi.	hygg ek kómu son Tryggva.	

Ok enn:

Hafði sér við særi,	Sótti reiðr at ráðum,	30
slíks var ván at hánun,	rann engi því manna,	
auðs en upp um kvæði	þrályndi fékksk Þrændum,	
Eiríkr í hug meira.	þroenskr jarl konung scenskan.	

Kvánfang Loðins.

58. Loðinn er maðr nefndr víkverskr, auðigr ok ættaðr vel. Hann var optliga í kaupferðum, en stundum í hernaði. Þat var eitt sumar, at Loðinn fór í kaupferð, átti hann einn
 5 skip þat ok hafði mikinn kaupeyri. Hann hélt til Eistlands, ok var þar í kaupstefnu um sumarit. En þá er markaðrinn stóð, þá var þannug fluttr margskonar kaupskapr; þar kom man mart falt. Þar sá Loðinn konu nökkura, er seld hafði verit mansali, ok er hann leit á konuna, þá kendi hann, at
 10 þar var Ástriðr Eiríksdóttir, er átt hafði Tryggvi konungr, ok var þá úlík því sem fyrr, er hann sá hana, hon var þá fól ok grunnleit ok illa klædd. Hann gékk til hennar, ok spurði hvat ráðs hennar var. Hon sagði: Þungt er frá því at segja, ek em seld mansali, en hingat höfð til sölu.
 15 Síðan könnuðust þau við, ok vissi Ástriðr skyn á honum, bað hon síðan, ef hann vildi kaupa hana ok hafa heim með sér til frænda hennar. Ek mun gera þér kost á um þat, segir hann, ek mun flytja þik til Noregs, ef þú vill giptast mér. En með því at Ástriðr var þá nauðnliga viðkominn, ok þat
 20 annat at hon vissi, at Loðinn var maðr stórættaðr ok vaskr, þá heitr hon honum þessu til útlausnar sér. Síðan keypti Loðinn Ástriði ok hafði heim með sér til Noregs, ok fékk hennar með frænda ráði. Þeira börn váru þau Þorkell nefja, Ingiríðr ok Ingigerðr. Dætr Ástriðar ok Tryggva
 25 konungs váru þær Ingibjörg ok Ástriðr. Synir Eiríks bjóðaskalla váru þeir Sigurðr, Karlshöfuð, Jósteinn ok Þorkell dyðrill, ok váru allir göfgir ok auðgir ok áttu bú austr á landi. Bræðr tveir bjoggu í Vík austr, hét annarr Þorgeirr en annarr Hyrningr, auðgir ok kynstórir, þeir féngu dætra
 30 Loðins ok Ástriðar, Ingiríðar ok Ingigerðar.

Ólafr konungr kristnar Víkina.

59. Haraldr Gormsson Danakonungr, þá er hann hafði við kristni tekit, þá sendi hann boð um alt sitt ríki, at allir menn skyldu skírast láta ok snúast til réttrar trúar.

Hann fylgði sjálfur því boði ok veitti þar styrk ok refsing, er eigi géngi við ella. Hann sendi tvá jarla í Noreg með lið mikit, er svá hétu Urguþrjótr ok Brimilskjarr, þeir skyldu boða kristni í Noregi. Þat gekk við í Víkinni, þar er ríki Haralds konungs stóð yfir, ok skírðist þá mart landsfólk. 5 En eftir dauða Haralds þá fór brátt Sveinn tjúguskégg son hans í hernað bæði í Saxland ok Fríslanð, ok at lyktum til Englands. En menn þeir í Noregi, er við kristni höfðu tekit, þá hurfu þeir aptr til blóta svá sem fyrr, ok menn gerðu norðr í land.

10

En er Ólafr Tryggvason var konungr orðinn í Noregi, þá dvaldi hann lengi um sumarit í Víkinni; kómu þar margir til hans frændr hans, en sumir mágar, en margir höfðu verit miklir vinir föður hans, ok var honum þar fagnat með allmiklum kærleik. Þá kallar Ólafr til tals við 15 sík móðurbræðr sína, Loðin stjúpfoður sinn, mága sína Þorgeir ok Hyrning; bar síðan fyrir þá með hinum mesta alhuga þetta mál, at þeir skyldu sjálfir undir taka með honum ok fylgja síðan með öllum krapti, at hann vill kristniboð upp hefja um alt ríki sitt, segir at hann skal 20 því áleiðis koma at kristna alt í Noregi eða deyja at öðrum kosti: ek skal gera yðr alla mikla menn ok ríka, því at ek trúi yðr bezt fyrir sakir frændsemi ok annarra tengða. Allir þeir játtuðu þessu, at gera hvat sem hann bauð, ok fylgja honum til þess alls er hann vildi, ok allir 25 þeir menn er þeira ráðum vilja fylgja. Gerði Ólafr konungr þegar bert fyrir alþýðu, at hann vill bjóða kristni öllum mönnum í ríki sínu. Tóku þeir þegar fyrstir undir at játta þessu boði, er áðr höfðu undir gengit, váru þeir ok ríkastir af þeim mönnum, er þá váru við staddir, ok 30 gerðu allir aðrir at þeira dæmum. Váru þá skírðir menn allir austr um Víkina. Fór þá konungr norðr í Víkina, ok bauð öllum mönnum at taka við kristni; en þeim er í móti mæltu, veitti hann stórar refsingar, drap suma, suma lét hann hamla, suma rak hann or landi á brott. Kom 35

þá svá, at um þat ríki alt, er fyrr hafði stýrt Tryggvi konungr faðir hans, ok svá þat er átt hafði Haraldr grenski, frændi hans, gékk þat fólk alt undir kristniboð, þat er Ólafr boðaði, ok varð þat sumar ok eptir um vetrinn alkristit
5 um Víkina.

Frá Hörðum.

60. Ólafr konungr fór snemma um várit út í Víkina ok hafði lið mikit, fór þá norðr á Agðir; en hvar sem hann átti þing við boendr, þá boðaði hann öllum mönnum at
10 skírast, ok géngu menn undir kristni, því at engi fékkst uppreist af bóndum móti konungi, ok var fólkit skírt hvar sem hann fór. Menn þeir váru á Hörðalandi margir ok göfgir, er komnir váru af ætt Hörðakára. Hann átti fjóra sonu, einn var Þorleifr spaki, annarr Ögmundr faðir Þór-
15 ólfs skjálgs, föður Erlings af Sóla, þriði var Þórðr faðir Klypps hersis, er drap Sigurð slefu Gunnhildarson, fjórði Ölmóðr faðir Áskels, föður Ásláks fitjaskalla. Þessi ættbogi var þá mestr ok göfgastr á Hörðalandi. En er þeir frændr spurðu til vandkvæðis þessa, at konungr fór austan með
20 landi ok hafði lið mikit ok braut forn lög á mönnum, en allir sættu refsingum ok afarkostum, þeir er í móti mæltu, þeir frændr gerðu stefnulag milli sín, ok skulu gera ráð fyrir sér, því at þeir vita, at konungr mun brátt koma á fund þeira, ok semst þat með þeim, at þeir skulu koma
25 allir með fjölmenni til Gulapings ok stefna þar fund við Ólaf konung Tryggvason.

Kristnat Rogaland.

61. Ólafr konungr stefndi þing, þegar er hann kom á Rogaland. En er bóndum kom þingboð, þá samnast
30 þeir fjölment saman ok með alvæpni. En er þeir koma saman, taka þeir tal ok ráðagerð, ok ætla til þess þrjá menn, þá er málsnjallastir váru í þeira flokki, at svara Ólafi konungi á þinginu ok tala móti honum, ok þat með

at þeir vilja eigi ganga undir úlög, þótt konungr bjóði þeim. En er boendr koma til þings, ok þing var sett, þá stóð Ólafr konungr upp ok talaði fyrst blíðliga til bónda, fannst þat þó í hans máli, at hann vill, at þeir taki við kristni, bað þá til með fögrum orðum, en at lyktum lét hann þat fylgja við þá, er í móti mæltu ok eigi vildu undir ganga boð hans, at þeir mundu sæta af honum reiði ok reisingum ok hörðum afarkostum, hvar sem hann mætti við koma. En er hann lauk máli sínu, þá stóð upp sá af bóndum, er einna var snjallastr ok fyrst var til þess tekinn, at svara skyldi Ólafi konungi. En er hann vildi til máls taka, þá setr at honum hósta ok þrængva svá mikinn, at hann fékk engu orði uppkomit, ok sezt hann niðr. Þá stendr upp annarr bóndi, ok vill sá eigi fallast láta andsvörin, þótt hinum fyrra hefði eigi vel til tekizt. En er sá hefr upp mál sitt, þá var hann svá stamr, at hann fékk engu orði uppkomit. Tóku þá allir at hlæja, er á heyrðu. Settist þá bóndi niðr. Þá stóð upp hinn þriði ok vill tala í móti Ólafi konungi. En er sá tók til máls, var hann svá háss ok rámr, at engi maðr heyrði hvat hann talaði, ok settist hann niðr. Þá varð engi til af bóndum at mæla í móti konungi. En er boendr féngu engan til andsvara við konung, þá varð engi uppreist þeira til mótstöðu við konung; kom þá svá, at allir játtu því er konungr bauð. Var þá skírt þingfólk alt, áðr konungr skildist þar viðr.

Kvánbaen Erlings Skjálgssonar.

62. Ólafr konungr stefndi liði sínu til Gulapings, því at boendr hafa honum þau orð send, at þeir vilja þar svara máli hans. En er þeir koma hvárirtveggju til þings, þá vill konungr fyrst eiga tal við landshöfðingja. En er þeir koma á stefnu allir saman, þá berr konungr upp sín erendi, ok býðr þeim at taka við skírn eptir boði hans. Þá segir Ölmóðr hinn gamli: Rætt höfum vér frændr um þetta mál vár í millum, ok munum vér allir hverfa at einu

ráði. Með því, konungr, at þú ætlar at pynda oss frændr til slíkra hluta, ok brjóta lög vár ok brjóta oss undir þik með nokkurri nauðung, þá munum vér í móti standa með öllu afli, ok fáir þeir sigr, er auðit verðr. En ef þú, konungr, vill leggja nokkura farsæliga hluti til vár frænda, þá máttu þat gera svá vel, at vér munum allir hverfa til þín með fullkominni þjónostu. Konungr segir: Hvers vili þér mik beiða, til þess at sætt vár verði sem best? Þá svarar Ölmóðr: Þat er hit fyrsta, ef þú vill gipta Ástriði systur þína Erlingi Skjalgssyni frænda várum, er vér köllum nú mannvænstan allra ungra manna í Noregi. Ólafr konungr segir, at honum þykkir líkligt, at gjaforð muni vera gott, segir at Erlingr er ættaðr vel ok maðr hinn líkligsti sýnum; en þó segir hann at Ástriðr á svör þessa máls.

15 Síðan roeddi konungr þetta við systur sína. Lítt nýtt ek þess, segir hon, at ek em konunga dóttir ok konunga systir, ef mik skal gipta útignum manni, mun ek enn heldr biða nokkura vetr annars gjaforðs. Ok skildu þau roeduna at sinni.

20 *Kristnat Hörðaland.*

63. Ólafr konungr lét taka hauk, er Ástriðr átti, ok lét plokka af fjaðrar allar, ok sendi henni síðan. Þá mælti Ástriðr: Reiðr er bróðir minn nú. Síðan stóð hon upp ok gékk til konungs. Hann fagnaði henni vel. Þá mælti

25 Ástriðr, segir at hon vill, at konungr sé fyrir hennar ráði slíkt sem hann vill. Þat hugða ek, segir konungr, at ek munda fá vald til, at gera þann tigginn mann, sem ek vil, hér í landi. Lét konungr þá kalla til tals Ölmóð ok Erling ok alla þá frændr; var þá talat bónorð þetta, lauk svá at

30 Ástriðr var föstnuð Erlingi. Síðan lét konungr setja þingit ok bauð bóndum kristni. Var þá Erlingr ok Ölmóðr forgangsmenn at flytja þetta mál konungs, ok þar með allir frændr þeira. Bar þá engi maðr traust til at mæla í móti, var þá skírt alt þat fólk ok kristnat.

Brullaup Erlings Skjálgssonar.

64. Erlingr Skjálgsson gerði um sumarit brullaup sitt, ok var þar allmikit fjölmenni. Þar var Ólafr konungr. Þá bauð konungr at gefa Erlingi jarldóm. Erlingr segir svá: Hersar hafa verit frændr mínir, vil ek ekki hafa nafn 5 hæra en þeir; hitt vil ek þiggja, konungr, at þér látit mik vera mestan með því nafni hér í landi. Konungr játti honum því, ok at skilnaði þeira veitti Ólafr konungr Erlingi mági sínum norðan frá Sognsæ ok austr til Líðandisness, með þvílíkum hætti sem Haraldr hinn hárfagri hafði veitt 10 sonum sínum, ok fyrr er ritat.

Kristnaðir Firðir ok Raumdælir.

65. Þetta sama haust stefndi Ólafr konungr fjögurra fylkna þing norðr á Staði á Dragseiði; þar skyldu koma Sygnir ok Firðir, Sunnmœrir ok Raumdælir. Fór Ólafr 15 konungr þannug með allmikit fjölmenni, er hann hafði haft austan or landi, ok svá þat lið er þá hafði komit til hans á Hörðalandi ok Rogalandi. En er Ólafr konungr kom þar til þings, þá boðaði hann þar kristni sem í öðrum stöðum. En fyrir því at konungr hafði þar styrk mikinn 20 fjölmennis, ok óttuðust þeir þat; en at lyktum þess máls þá bauð konungr þeim tvá kosti, annathvárt at þeir tœki kristni ok léti skírast, eða at öðrum kosti at þeir skyldi halda við hann orrostu. En er bœndr sá engi fœng til at berjast við konung, þá var hitt ráð upptekit, at alt fólk 25 kristnaðist. En Ólafr konungr ferr þá með liði sínu á Norðmœri, ok kristnar hann þat fylki. Síðan siglir hann inn á Hlaðir, ok lætr hann brjóta ofan hofit, ok lætr taka alt fé ok alt skraut or hofinu ok af goðunum. Hann tók gullhring mikinn or hofshurðinni, er Hákon jarl hafði látit 30 gera, síðan lét Ólafr konungr brenna hofit. En er bœndr verða þessa varir, þá láta þeir fara herör um öll fylki ok stefna her út, ok ætla at konungi. Ólafr konungr hélt þá liði sínu út eptir firði ok stefnir síðan norðr með landi, ok

ætla at fara norðr á Hálogaland ok kristna þar. En er hann kom norðr í Bjarnaurla, þá spyrr hann þat af Hálogalandi, at þeir hafa þar her úti ok ætla at verja land fyrir konungi. Eru þeir þar höfðingjar fyrir liði: Hárekr or Þjóttu, Þórir hjörtr or Vágum, Eyvindr kinnrifa. En er Ólafr konungr spyrr þetta, þá snýr hann leið sinni ok siglir suðr með landi. En er hann kom suðr um Stað, þá fór hann alt tómligar, en kom þó öndverðan vetr austr alt í Víkina.

10 *Bónorð Ólafs konungs til Sigríðar dróttningar.*

66. Sigríðr dróttning í Svíþjóð, er kölluð var hin stórráða, sat þar at búum sínum. Þann vetr fóru menn milli Ólafs konungs ok Sigríðar dróttningar, ok hóf Ólafr konungr þar upp bónorð sitt við Sigríði dróttning, en hon
15 tók því líkliga, ok var þat mál fest með einkamálum. Þá sendi Ólafr konungr Sigríði dróttningu gullhring þann hinn mikla, er hann hafði tekit or hofsburðinni á Hlöðum, ok þótti þat höfuðgersimi. Stefnulag skyldi vera til þessa mála eptir um vórit í Elfinni við landamæri. En er hringr þessi,
20 er Ólafr konungr hafði sent Sigríði dróttningu, var svá mjök lofaðr af öllum mönnum, þá vóru með dróttningu smiðar hennar bræðr tveir, en er þeir höfðu hringinn með höndum ok handvættu ok mæla einmæli milli sín, þá lét dróttning kalla þá til sín, ok spyrr hvat þeir spottaði at hringinum.
25 Þeir dylja þess. Hon sagði, at þeir skyldi fyrir hvern mun láta hana vita, hvat þeir hafa at funnit. Þeir segja, at fals sé í hringinum. Síðan lét hon brjóta í sundr hringinn, ok fannst þar eir í innan. Þá varð dróttning reið, ok segir at Ólafr mun falsa hana at fleira en þessu
30 einu. Þenna sama vetr fór Ólafr konungr upp á Hringaríki ok kristnaði þar.

Skírðr Ólafr Haraldsson.

67. Ásta Guðbrandsdóttir giptist brátt eptir fall Haralds grenska þeim manni, er nefndr er Sigurðr sýr, hann

var konungr á Hringaríki. Sigurðr var son Hálfðanar, en hann var son Sigurðar hrísa, Haraldssonar hins hárfagra. Þá var þar með Ástu Ólafr son þeira Haralds grenska, hann fæddist upp í æsku með Sigurði sýr stjúpfoður sínum. En er Ólafr konungr Tryggvason kom á Hringa- 5 ríki at boða kristni, þá lét skírast Sigurðr sýr ok Ásta kona hans ok Ólafr son hennar, ok gerði Ólafr Tryggvason guðsifjar við Ólaf Haraldsson; þá var hann þrevetr. Fór Ólafr konungr þá enn út í Víkina, ok var þar um vetrinn. Þann var hann hinn þriðja vetr konungr yfir Noregi. 10

Tal þeira Ólafs konungs ok Sigríðar stórráðu.

68. Snemma um várit fór Ólafr konungr austr til Konungahellu til stefnu móti Sigríði dróttningu. En er þau funnust, þá töluðu þau þat mál, er rætt hafði verit um vetrinn, at þau mundu gera samgang sinn, ok fór þat 15 mál alt líkliga. Þá mælti Ólafr konungr, at Sigríðr skyldi taka skírn ok rétta trú. Hon sagði svá: Ekki mun ek ganga af trú þeiri, er ek hefi fyrr haft, ok frændr mínir fyrir mér; mun ek ok ekki at því telja, þótt þú trúir á þann guð, er þér líkar. Þá varð Ólafr konungr reiðr mjök 20 ok mælti bráðliga: Hví mun ek vilja eiga þik hundheiðna. Ok laust í andlit henni með glófa sínum, er hann hélt á. Stóð hann upp síðan, ok bæði þau. Þá mælti Sigríðr: Þetta mætti verða vel þinn bani. Síðan skildu þau, fór konungr norðr í Víkina, en dróttning austr í Sviaveldi. 25

Seiðmanna brenna.

69. Ólafr konungr fór þá til Túnsbergs, ok átti þar þá enn þing, ok talaði á þinginu, at þeir menn allir, er kunnir ok sannir yrði at því, at færi með galdra ok gerningar, eða seiðmenn, þá skyldu allir fara af landi brott. 30 Síðan lét konungr rannsaka eptir þeim mönnum, um þær byggðir er þannug váru í námunda, ok boða þeim öllum til sín. En er þeir kómu þar, þá var einn maðr af þeim, er

nefndr er Eyvindr kelda, hann var sonarson Rögnvalds réttilbeina, sonar Haralds hárfagra. Eyvindr var seiðmaðr ok allmjök fjölkunnigr. Ólafr konungr lét skipa þessum mönnum öllum í eina stofu, ok lét þar vel um búast, lét
5 gæra þeim þar veizlu ok fá þeim sterkan drykk. Ok þá er þeir váru druknir, lét konungr leggja eld í stofuna, ok brann stofa sú ok alt þat fólk, er þar var inni, nema Eyvindr kelda komst út um ljórann ok svá í brott. En er hann var langt í brott kominn, fann hann menn þá á leið
10 sinni, er fara ætluðu til konungs, ok bað þá segja konungi, at Eyvindr kelda var brott kominn or eldinum, ok hann mun aldri síðan koma á vald Ólafs konungs, en hann mun alt fara á sömu leið sem fyrr gerði hann um alla kunnostu sína. En er þessir menn koma á fund Ólafs konungs, þá
15 segja þeir slíkt frá Eyvindi, sem hann hafði þeim boðit. Konungr lætr illa yfir, er Eyvindr var eigi dauðr.

Dráp Eyvindar keldu.

70. Ólafr konungr fór, er váraði, út eptir Víkinni ok tók veizlur at stórbúum sínum, ok sendi boð alt um Víkina,
20 at hann vill lið hafa úti um sumarit ok fara norðr í land. Síðan fór hann norðr á Agðir, ok er leið langaföstu, þá sótti hann norðr á Rogaland, ok kom páskaaptan í Körmt á Ögvaldsnesi; var þar búin fyrir honum páskaveizla; hann hafði nær 300 manna. Þá sömu nótt kom þar við
25 eyna Eyvindr kelda, hann hafði langskip alskipat; váru þat alt seiðmenn ok annat fjölkyngisfólk. Eyvindr gékk upp af skipi ok sveit hans, ok mögnuðu fjölkyngi sína; gerði Eyvindr þeim huliðshjálms ok þokumyrkr svá mikit, at konungr ok lið hans skyldi eigi mega sjá þá. En er
30 þeir kómu mjök svá til bæjarins á Ögvaldsnesi, þá gerðist ljóss dagr; varð þá mjök annan veg en Eyvindr hafði ætlat; þá kom mjörkvi, sá er hann hafði gert með fjölkyngi, yfir hann ok hans föruneiti, svá at þeir sá eigi heldr augum en hnakka, ok fóru alt í hring ok kring. En varðmenn

konungs sá þá, hvar þeir fóru, ok vissu eigi hvat liði þat var. Var þá sagt konungi, stóð hann þá upp, ok alt liðit, ok klæddist. En er konungr sá, hvar þeir Eyvindr fóru, bað hann menn sína vápna sik ok ganga til ok vita, hvat mönnum þat væri. En er konungsmenn kendu þar Eyvind, 5 þá tóku þeir hann höndum ok alla þá, ok leiddu þá til konungs. Sagði þá Eyvindr allan atburð um sína ferð. Síðan lét konungr taka þá alla ok flytja þá í floeðisker ok binda þá þar. Lét Eyvindr svá líf sitt, ok allir þeir, er þat síðan kallat Skrattasker. 10

Frá Ólafi konungi ok vélum Óðins.

71. Svá er sagt, þá er Ólafr konungr var á veizlunni á Ögvaldsnesi, at þar kom eitt kveld maðr gamall ok orðspakr mjök, hafði hött síðan, var einsýnn; kunni sá maðr at segja af öllum löndum. Hann kom sér í tal við kon- 15 ung, þótti konungi gaman mikit at rœðum hans, ok spurði hann margra hluta, en gestrinn fékk orlausn til allra spurninga, ok sat konungr lengi um kveldit. Þá spyrr konungr, ef hann vissi, hvern Ögvaldr hafði verit, er boerinn ok nesit, er við kent. Gestrinn segir, at Ögvaldr var kon- 20 ungr ok hermaðr mikill, ok blét kú eina mest, ok hafði hana með sér, hvargi er hann fór, ok þótti honum þat heilnæmlegt, at drekka jafnan mjólk hennar. Ögvaldr konungr barðist við konung, þann er Varinn hét. Í þeiri orrostu féll Ögvaldr konungr, var hann hér heygðr skamt 25 frá boenum, ok settir upp bautasteinir, þeir er hér standa enn. En í annan stað skamt héðan var heygð kýrin. Slíka hluti sagði hann, ok marga aðra frá konungum ok forntíðindum. En er lengi var setit um nóttina, þá mænti byskup konung, at mál væri at ganga at sofa. Gerði 30 konungr þá svá. En er hann var afklæddr ok hafði í rekkju lagzt, þá settist gestrinn á fótskörina ok talaði enn lengi við konung. Þótti konungi orðs vant, er annat var mælt. Þá mælti byskup til konungs, sagði at mál væri

at sofa; gerði konungr þá svá, en gestrinn gékk út. Litlu síðar vaknaði konungr, ok spurði eptir gestinum ok bað hann kalla til sín, en gestr fannst þá hvergi. Eptir um morgininn lét konungr kalla til sín steikara ok þann er
 5 drykkinn varðveitti, ok spyrr, ef nokkurr úkunnr maðr hefði komit til þeira. Þeir segja, at þá er þeir skyldu matbúa, kom þar maðr nokkurr, ok sagði, at furðu ilt slátr
 suðu þeir til konungs borðs; síðan fékk hann þeim tvær nautsíður digrar ok feitar, ok suðu þeir þær með öðru
 10 slátri. Þá segir konungr, at þá vist alla skal únýta, segir at þetta mundi engi maðr verit hafa, ok þar mundi verit hafa Óðinn, sá er heiðnir menn höfðu lengi á trúat, sagði at Óðinn skyldi þá engu áleiðis koma at svíkja þá.

Þing í Þrándheimi.

15 72. Ólafr konungr dró þá saman lið mikit austan or landi um sumarit, ok hélt liði því norðr til Þrándheims, ok lagði fyrst inn til Niðaróss. Síðan lét hann fara þingboð um allan fjörðinn, ok stefndi 8 fylkna þing á Frostu. En boendr sneru þingboði í herör, ok stefndu saman þegn
 20 ok þræl um allan Þrándheim. En er konungr kom til þings, þá var kominn bóndamúgrinn með alvæpni. En er þing var sett, þá talaði konungr fyrir lýðnum, ok bauð þeim at taka við kristni. En er hann hafði litla hrið talat, þá kölluðu boendr ok báðu hann þegja, segja at ella mundu
 25 þeir veita honum atgöngu ok reka hann í brott. Gerðu vér svá, sögðu þeir, við Hákon Aðalsteinsfóstra, þá er hann bauð oss þvílík boð, ok virðu vér þik eigi meira en hann. En er Ólafr konungr sá æði bóndanna, ok þat með at þeir höfðu her svá mikinn, at ekki mátti við standa, þá veik
 30 hann roðunni ok sneri til samþykkis við boendr, sagði svá: Ek vil, at vér gerim sætt vára, svá sem vér höfum áðr lagt með oss; vil ek fara þar til, er þér hafit hit mesta blót yðart, ok sjá þar síðu yðra, tókum þá ráð vart um síðu, hverja vér viljum hafa, ok samþykkjum þá þat allir.

En er konungr talaði linliga til bónda, þá myktust hugir þeira, ok fór síðan alt talit líkliga ok sáttgjarnliga, ok var þat ráðit at lyktum, at vera skyldi miðsumars blót inn á Mærinni, ok skyldu þar til koma allir höfðingjar ok ríkir boendr, svá sem siðr var til, þar skyldi ok koma Ólafr konungr. 5

Frá Járnskeggja.

73. Skeggi er nefndr ríkr bóndi, hann var kallaðr Járnskeggi, hann bjó á Upphaugi á Yrjum. Skeggi talaði fyrst á þinginu móti Ólafi konungi, ok var mest fyrir bóndum at mæla í móti kristninni. Þeir slitu þinginu með 10 þessum hætti, fóru þá boendr heim, en konungr á Hlaðir.

Veizla á Hlöðum.

74. Ólafr konungr lá skipum sínum í Nið, ok hafði 30 skipa ok frítt lið ok mikit, en sjálfr konungr var optliga á Hlöðum með hirðsveit sína. En er mjök leið at því, er 15 blótit skyldi vera inn á Mærinni, þá gerði Ólafr konungr veizlu mikla inn á Hlöðum, sendi boð inn á Strind ok upp í Gaulardal ok út í Orkadal, ok bauð til sín höfðingjum ok öðrum stórbóndum. En er veizla var búin ok boðsmenn höfðu til sótt, þá var þar hit fyrsta kveld veizla fögr ok 20 veitt allkappsamliga, váru menn mjök druknir. En eptir um nóttina sváfu allir menn í ró þar. Um morgininn eptir er konungr var klæddr, lét hann syngja sér tíðir, ok er messu var lokit, þá lét konungr blása til húspings. Géngu þá allir menn hans af skipum ok fóru til þings. En er 25 þing var sett, stóð konungr upp ok talaði, ok mælti svá: Vér áttum þing inn á Frostu, bauð ek þá búandum, at þeir skyldu láta skírast, en þeir buðu mér aptr í mót, at ek skylda hverfa til blóta með þeim, svá sem gert hafði Hákon konungr Aðalsteinsfóstri. Kom þat ásamt með oss, 30 at vér skulum finnast inn á Mærinni ok gera þar blót mikit. En ef ek skal til blóta hverfa með yðr, þá vil ek gera láta hit mesta blót, þat sem títt er, ok blóta mönnum.

Vil ek eigi til þess velja þræla eða illmenni, skal til þess velja at fá goðunum hina ágætustu menn, nefni ek til þess Orm lygru af Meðalhúsum, Styrkár af Gimsum, Kár af Grýtingi, Ásbjörn Þorbergsson af Varnesi, Orm af Lyxu, 5 Halldór af Skerðingssteðju. Ok þar nefnir hann með aðra 5, þá er ágætastir váru, segir svá, at hann vill þessum blóta til árs ok friðar, ok lét þegar veita þeim atgöngu. En er boendr sá, at þeir höfðu eigi liðskost við konungi, þá biðja þeir sér griða ok bjóða alt ráð sitt á konungs 10 vald. Semst þat á milli þeira, at allir boendr, þeir er þar váru komnir, létu skírast ok veittu konungi swardaga, til þess at halda rétta trú en leggja niðr blótskap allan. Hafði konungr þá menn þessa alla í boði sínu, alt þar til er þeir féngu sonu sína eða bræðr eða aðra náfræendr í 15 gisling til konungs.

Frá þingi í Þrándheimi.

75. Ólafr konungr fór með öllu liði sínu inn í Þrándheim, en er hann kom inn á Mæri, þá váru þar komnir allir höfðingjar Þrœnda, þeir er þá stóðu mest í móti 20 kristninni, ok höfðu þar með sér alla stórboendr, þá er fyrr höfðu haldit upp blótum í þeim stað. Var þar þá fjölment, sem vandi var til ok eptir því sem fyrr hafði verit á Frostuþingi. Lét þá konungr krefja þings, ok géngu þá hvárirtveggju með alvæpni til þings. En er þing var 25 sett, þá talaði konungr ok bauð mönnum kristni. Járnskeggi svaraði máli konungs af hendi bónda, sagði hann, at boendr vildu enn sem fyrr, at konungr bryti ekki lög á þeim: Viljum vér, segir hann, at þú, konungr, blótir, sem hér hafa gert aðrir konungar fyrir þér. At hans ræðu gerðu 30 boendr mikinn róm, ok sögðu, at þeir vildi alt vera láta sem Skeggi mælti. Þá svarar konungr, segir at hann vill fara í hofit með þeim ok sjá siðu þeira, er þeir blóta. Bóndum líkar þat vel, fara til hofsins hvárirtveggju.

Kristnaðr Þrándheimr.

76. Ólafr konungr gékk nú í hofit, ok fáir menn með honum, ok fáir af bóndum. En er konungr kom þar sem goðin váru, þá sat þar Þórr ok var mest tignaðr af öllum goðum, búinn með gulli ok silfri. Ólafr konungr hóf upp refði gullbúit, er hann hafði í hendi, ok laust Þór, svá at hann féll af stallinum. Síðan hljópu at konungsmenn ok skýfðu ofan öllum goðunum af stöllum. En meðan konungr var inni í hofinu, þá var drepinn Járnskeggi úti fyrir hofsdurunum, ok gerðu þat konungsmenn. En er konungr kom til liðs síns, þá bauð hann bóndum tvá kosti, annan þann at þeir skyldu þá allir við kristni taka, en at öðrum kosti halda við hann bardaga. En eptir lát Skeggja, þá varð engi forgangsmaðr at í bónda liði at reisa merki í móti Ólafi konungi. Varð hinn kostur upptekinn at ganga til konungs ok hlýða því er hann bauð. Þá lét Ólafr konungr skíra fólk alt, þat er þar var, ok tók gislar af bóndum, til þess at þeir skyldi halda kristni sína. Síðan lét Ólafr konungr fara menn sína um öll fylki í Þrándheimi, mælti þá engi maðr í móti kristninni. Var þá skírt alt fólk í Þrændalögum.

Bæjargerð.

77. Ólafr konungr fór liði sínu út til Niðaróss; þá lét hann reisa þar hús á Niðarbakka, ok skipaði svá, at þar skyldi vera kaupstaðr, gaf mönnum þar tóptir til at gera sér þar hús, en hann lét gera konungsgarð upp frá Skipakrók; lét hann þannug flytja um haustit öll föng, þau er þurfti til vetrsetu, ok hafði hann þá allmikit fjölmenni.

Kvánfang Ólafs konungs.

78. Ólafr konungr gerði stefnuleg frændum Járnskeggja, ok bauð þeim bætr. En þar váru til svara margir göfgir menn. Járnskeggi átti dóttur, er Guðrún er nefnd, kom þat at lyktum í sáttmál þeira, at Ólafr konungr skyldi fá

Guðrúnar. En hina fyrstu nótt er þau lágu bæði samt, þegar er konungr var sofnaðr, þá brá hon knífi ok vill leggja á honum. En er konungr varð þessa varr, tók hann knífinn frá henni ok steig upp or hvílunni, ok gékk til
 5 manna sinna, ok segir hvat orðit hafði. Tók Guðrún þá ok klæði sín, ok allir þeir menn, er henni höfðu þannug fylgt, fóru þau í brott leið sína, ok kom Guðrún ekki síðan í sama rekkju Ólafi konungi.

Gerr Traninn.

10 79. Þetta sama haust lét Ólafr konungr reisa langskip mikit á eyrunum við Nið, þat var snekkja; hafði hann þar til smíði marga; en öndverðan vetr þá er skipit var algert, var þat 30 at rúmatali, stafnhátt ok ekki mikit í sér. Þat skip kallaði konungrinn Tranann. Eptir dráp
 15 Járnskeggja var lík hans flutt út á Yrjar, ok liggr hann í Skeggjahangi á Austrátt.

Þangbrandr fór til Íslands.

80. Þá er Ólafr konungr Tryggvason hafði verit konungr at Noregi tvá vetr, var með honum saxneskr
 20 prestr, sá er nefndr er Þangbrandr. Hann var ofstopamaðr mikill ok vígamaðr, en klerkr góðr ok vaskr maðr, en fyrir sakir úspektar hans þá vildi konungr hann eigi með sér hafa, ok fékk honum sendiferð þá, at hann skyldi fara út til Íslands ok kristna landit. Var honum kaupskip
 25 fengit, ok er frá hans ferð þat at segja, at hann kom til Íslands í Austfjörðu í Álptafjörð hinn syðra, ok var eptir um vetrinn með Halli á Síðu. Þangbrandr boðaði kristni á Íslandi, ok af hans orðum lét Hallr skírast ok hjón hans öll, ok margir aðrir höfðingjar, en miklu fleiri váru hinir,
 30 er í móti mæltu. Þorvaldr veili ok Vetrliði skáld ortu nið um Þangbrand, en hann drap þá báða. Þangbrandr dvaldist 2 vetr á Íslandi, ok varð 3 manna bani, áðr hann fór í brott.

Frá Hauki ok Sigurði.

81. Sigurðr er maðr nefndr, annarr Haukr, þeir váru háleyskir ok höfðust mjök í kaupferðum. Þeir höfðu farit eitt sumar vestr til Englands, en er þeir kómu aptr til Noregs, þá sigldu þeir norðr með landi. En á Norðmœri⁵ urðu þeir fyrir liði Ólafs konungs; en er konungi var sagt, at þar váru komnir nokkurir menn háleyskir ok váru heiðnir, þá lét hann kalla stýrimenn til sín. Hann spyrr þá, ef þeir vili skírast láta, en þeir kveða þar nei við. Síðan talaði konungr fyrir þeim á marga vega, ok stoðaði¹⁰ þat ekki. Þá hét hann þeim dauða eða meizlum. Þeir skipuðust ekki við þat. Þá lét hann setja þá í járn ok hafði þá með sér nokkura hrið, ok váru þeir í fjötrum haldnir. Konungr talaði optliga fyrir þeim, ok týði þat ekki. Ok á einni nótt hurfu þeir í brott, svá at engi¹⁵ maðr spurði til þeira, eða vissi með hverjum hætti þeir kómust í brott. En um haustit kómu þeir fram norðr með Háreki í Þjóttu, tók hann vel við þeim, ok váru þeir þar um vetrinn með honum í góðu yfirlæti.

Frá Háreki í Þjóttu.

20

82. Þat var um varit einn góðan veðrdag, at Hárekr var heima, ok fátt manna á bænum, ok þótti honum daufligt. Sigurðr mælti við hann, ef hann vill, at þeir rói nokkur ok skemti sér. Þat líkar Háreki vel. Ganga síðan til strandar ok draga fram sexæring einn, tók Sigurðr or²⁵ naustinu segl ok reiða, er fylgði skipinu, svá sem þeir váru opt vanir at fara, at hafa segl er þeir fóru at skemta sér. Hárekr gékk á skip ok lagði stýri í lag. Þeir Sigurðr bræðr fóru með alvæpni sitt, svá sem þeir váru vanir jafnan heima at ganga með búanda; þeir váru báðir³⁰ manna sterkastir. En áðr þeir gengi á skipit, köstuðu þeir út smjörhlaup nokkurum ok brauðkass, ok báru milli sín mungátsbyttu á skipit. Síðan reru þeir frá landi. En er þeir váru skamt komnir frá eyjunni, þá fœra þeir bræðr

segl upp, en Hárekr stýrði, bar þá brátt frá eyjunni. Þá ganga þeir bræðr aptr, þar til er Hárekr sat. Sigurðr mælti: Nú skaltu kjósa hér um kosti nökkura, sá er hinn fyrsti, at láta okkr bræðr fyrir ferð várri ráða ok stefnu, 5 hinn er annarr, at láta okkr binda þik, sá er hinn þriði, at vit munum drepa þik. Hárekr sá þá hvernug komit var hans máli; hann var andvígr ekki betr en öðrum þeira bræðra, ef þeir væri jafnbúnir; kaus hann því þann af, er honum þótti nökkuru vildastr, at láta þá ráða fyrir ferðinni; 10 batt hann þat swardögum við þá ok seldi þeim trú sína til þess. Síðan gékk Sigurðr til stjórnar ok stefndi suðr með landi. Gæta þeir bræðr þess, at þeir skyldi hvergi menn finna, en byri gaf sem bezt. Létta þeir ferðinni eigi fyrr en þeir koma suðr í Þrándheim, ok inn til Niðaróss, 15 ok finna þar Ólaf konung. Síðan lét konungr kalla Hárek á tal við sik ok bauð honum at skírast. Hárekr mælti í móti. Þetta tala þeir Hárekr ok konungr marga daga, stundum fyrir mörgum mönnum, en stundum í einmæli, ok kemr þeim eigi ásamt. En at lyktum segir konungr Há- 20 reki: Nú skaltu fara heim, ok vil ek ekki granda þér at sinni, heldr þat til, at frændsemi er mikil milli okkar, ok þat annat, at þú munt kalla, at ek hafa með svikum fengit þik; en vit þat til sanns, at ek ætla mér í sumar at koma norðr þannug ok vitja yðar Háleygjanna, skulu þér þá 25 vita, hvárt ek kann refsa þeim er neita kristninni. Hárekr lét vel yfir því, at hann kvæmi sem fyrst þaðan í brott. Ólafr konungr fékk Háreki skútu góða, reru á borð 10 menn eða 12, lét þat skip búa sem bezt at öllum föngum. Konungr fékk Háreki 30 manna, vaskra drengja ok vel búinna.

30 *Dauði Eyvindar kinnrifu.*

83. Hárekr or Þjóttu ferr þegar á brott or boenum, sem fyrst mátti hann, en Haukr ok Sigurðr váru með konungi ok létu skírast báðir. Hárekr fór leið sína, þar til er hann kom heim í Þjóttu. Hann sendi orð Eyvindi

kinnrifu vin sínum, ok bað svá segja honum, at Hárekr or Þjóttu hafði fundit Ólaf konung ok hafði eigi kúgast látit til þess at taka við kristni; hit annat bað hann segja honum, at Ólafr konungr ætlar um sumarit at fara með her á hendr þeim; segir Hárekr, at þeir munu verða þar varhuga 5 við at gjalda, bað Eyvind koma sem fyrst á sinn fund. En er þessi erendi váru borin Eyvindi, þá sér hann, at yfrin nauðsyn mun til vera at gera þar fyrir þat ráð, er þeir verði eigi uppnæmir fyrir konungi. Ferr Eyvindr sem skyndiligast með léttiskútu, ok fáir menn á. En er hann 10 kom til Þjóttu, fagnar Hárekr honum vel, ok þegar skjótt ganga þeir á tal Hárekr ok Eyvindr annan veg frá boenum. En er þeir hafa litla hrið talat, þá koma þar menn Ólafs konungs, þeir er Háreki höfðu norðr fylgt, taka þá höndum Eyvind ok leiða til skips með sér, fara síðan í brott með 15 Eyvind. Létta þeir eigi fyrr sinni ferð, en þeir koma til Þrándheims ok finna Ólaf konung í Niðarósi. Var þá Eyvindr fluttr til tals við Ólaf konung. Bauð konungr honum at taka skírn sem öðrum mönnum. Eyvindr kvað þar nei við. Konungr bað hann blíðum orðum at taka 20 við kristni, ok sagði honum marga skynsemi, ok svá byskup. Eyvindr skipaðist ekki við þat. Þá bauð konungr honum gjafir ok veizlur stórar, en Eyvindr neitti öllu því. Þá hét konungr honum meizlum eða dauða. Ekki skipaðist Eyvindr við þat. Síðan lét konungr bera inn munnlaug 25 fulla af glóðum ok setja á kvið Eyvindi, ok brast brátt kviðrinn sundr. Þá mælti Eyvindr: Taki af mér munnlaugina, ek vil mæla orð nökkur áðr ek dey. Ok var svá gert. Þá spurði konungr: Viltu nu, Eyvindr, trú á Krist? Nei, sagði hann, ek má enga skírn fá; ek em einn andi, 30 kviknaðr í manns líkam með fjölkyngi Finna, en faðir minn ok móðir féngu ekki áðr barn átt. Síðan dó Eyvindr, ok hafði verit hinn fjölkungasti maðr.

Kristnat Hálogaland.

84. En um várit eptir lét Ólafr konungr búa skip sín ok lið, þá hafði hann sjálf Trönuna; hafði konungr þá mikit lið ok frítt. En er hann var búinn, hélt hann liðinu
5 út eptir firði ok síðan norðr fyrir Byrðu, ok svá norðr á Hálogaland. En hvar sem hann kom við land, þá átti hann þing, ok bauð hann þar öllu fólki at taka skírn ok rétta trú. Bar þá engi maðr traust til at mæla í móti, ok kristnaðist þar land alt, er hann fór. Ólafr konungr tók
10 veizlu í Þjóttu at Háreks, þá var hann skírðr ok alt lið hans. Gaf Hárekr konungi gjafir góðar at skilnaði, ok gerðist hans maðr ok tók veizlur af konungi ok lends manns rétt.

Fall Þóris hjartar.

85. Rauðr hinn rammi er nefndr bóndi einn, er bjó
15 í firði, þeim er Sálpti hét, í Goðey. Rauðr var stórauðigr ok hafði marga húskarla, hann var ríkr maðr, fylgði honum mikill fjöldi Finna, þegar er hann þurfti. Rauðr var blótmaðr ok mjök fjölkunnigr, hann var vin mikill þess manns, er fyrr er nefndr, Þórir hjörtr; váru þeir báðir höfðingjar
20 miklir. En er þeir spurðu, at Ólafr konungr fór með her manns sunnan um Hálogaland, þá samna þeir her at sér, ok bjóða skipum út ok fá lið mikit. Rauðr hafði dreka mikinn, ok gullbúin höfuð á, ok var þat skip 30 at rúmatali ok mikit at því. Þórir hjörtr hafði ok mikit skip. Þeir halda liði því suðr
25 í móti Ólafi konungi. En er þeir hittast, þá leggja þeir til orrostu við Ólaf konung, varð þar mikill bardagi, ok gerðist brátt mannfall, ok sneri því í lið Háleygja, ok hruðust skip þeira, ok því næst sló á þá felmt ok flóttu. Reri Rauðr með dreka sinn út til hafs, ok því næst lét hann draga
30 segl sitt. Rauðr hafði jafnan byr, hvert er hann vildi sigla, ok var þat af fjölkyngi hans. Er þat at segja skjótast af ferð hans, at hann sigldi heim í Goðey. Þórir hjörtr flýði inn til lands, ok hljópu þar af skipum. En Ólafr konungr fylgði þeim, hljópu þeir ok af skipum, ok ráku þá

ok drápu. Varð konungr þá enn fremstr sem jafnan, þá er slíkt skyldi þreyta. Konungr sá, hvar Þórir hjörtr hljóp; hann var allra mann fóthvatastr; konungr rann eptir honum, ok fylgði honum Vígi hundr hans. Þá mælti konungr: Vígi, tak hjörtinn! Vígi hljóp fram eptir Þóri ok þegar 5 upp á hann. Þórir nam staðar við. Þá skaut konungr kesju at Þóri. Þórir lagði sverði til hundsins ok veitti honum sár mikit; en jafnskjótt fló kesja konungs undir hönd Þóri, svá at út stóð um aðra síðuna. Lét Þórir þar líf sitt, en Vígi var borinn sárr til skipa. Ólafr konungr 10 gaf grið öllum mönnum, þeim er báðu ok kristni vildu taka.

Ferð Ólafs konungs til Goðeyja.

86. Ólafr konungr hélt liði sínu norðr með landi ok kristnaði alt fólk, þar sem hann fór. En er hann kom norðr at Sálpti, ætlaði hann at fara inn í fjörðinn ok finna 15 Rauð. En hregg veðrs ok stakastormr lá innan eptir firði, ok lá konungr þar til viku, ok hélzt hit sama hreggviðri innan eptir firði, en hit ytra var blásandi byrr á at sigla norðr með landi. Sigldi þá konungr alt norðr í Ömd, ok gékk þar alt fólk undir kristni. Síðan snýr konungr ferð sinni aptr suðr; en 20 er hann kom norðan at Sálpti, þá var hregg út eptir firði ok sjádrif; konungr lá þar nokkurar nætr, ok var veör hit sama. Þá talaði konungr við Sigurð byskup, ok spurði, ef hann kynni þar nokkut ráð til at leggja. Byskup sagði, at hann mundi freista, ef guð vill sinn krapt til leggja, at 25 sigra þenna fjándastyrk.

Frá Sigurði byskupi ok pínungu Rauðs.

87. Sigurðr byskup tók allan messuskrúða sinn ok gékk fram í stafn á konungsskipi, lét tendra kerti ok bar reykelsi, setti róðukross upp í stafninn, las þar guðspjall 30 ok margar böenir aðrar, stækti vígðu vatni um alt skipit; síðan bað hann taka af tjöldin ok róa inn á fjörðinn. Konungr lét þá kalla til annarra skipa, at allir skyldu

róa inn á fjörðinn eptir honum. En er róðr var greiddr á Trönunni, þá gékk hon inn á fjörðinn, ok kendu þeir engan vind á sér, er því skipi reru, ok svá stóð tóptin eptir í varrsímanum, at þar var logn, en svá laus sjárokan brott
5 frá hvarntveggja veg, at hvergi sá fjöllin fyrir. Reri þá hvert skip eptir öðru þar í logninu; fóru þeir svá allan dag ok eptir um nóttina, kómu litlu fyrir dag í Goðeyjar. En er þeir kómu fyrir bæ Rauðs, þá flaut þar fyrir landi dreki hans sá hinn mikli. Ólafr konungr gékk þegar upp
10 til bæjarins með lið sitt, veitti þar atgöngu lopti, því er Rauðr svaf í, ok brutu upp. Hljópu menn þar inn; var þá Rauðr handtekinn ok bundinn, en drepnir þeir menn aðrir, er inni váru, en sumir handteknir. Þá géngu menn at skála, þeim er húskarlar Rauðs sváfu í, váru þar sumir
15 drepnir, en sumir bundnir, sumir barðir. Lét þá konungr leiða Rauð fyrir sik, bauð honum at láta skírast. Mun ek þá, segir konungr, ekki taka af þér eigu þína, vera heldr vin þinn, ef þú kant til gæta. Rauðr æpti á móti því, segir at aldri mundi hann á Krist trúa, ok guðlastaði mjök.
20 Konungr varð þá reiðr, ok sagði at Rauðr skyldi hafa hinn versta dauða. Þá lét konungr taka hann ok binda opinn á slá eina, lét setja kefli milli tanna honum ok lúka upp svá munninn; þá lét konungr taka lyngorm einn ok bera at munni honum, en ormrinn vildi eigi í munninn ok
25 hræktist frá í brott, því at Rauðr blés í móti honum. Þá lét konungr taka hvannjólatrumbu ok setja í munn Rauð; en sumir segja, at konungr léti lúðr sinn setja í munn honum ok lét þar í orminn; lét bera at utan slájárn glóanda. Hræktist þá ormrinn í munn Rauð, ok síðan í hálsinn,
30 ok skar út um síðuna. Lét Rauðr þar líf sitt. Ólafr konungr tók þar ofa mikit fé í gulli ok silfri ok öðru lausafé, í vápnum ok margskonar dýrgripum. En menn alla, þá er fylgt höfðu Rauð, lét konungr skíra, en þá er þat vildu eigi lét hann drepa eða kvelja. Þá tók Ólafr konungr
35 dreka, er Rauðr hafði átt, ok stýrði sjálfr, því at þat var

miklu meira skip ok fríðara en Tranan; fram var á dreka-
höfuð, en aptr krókr, ok fram af sem sporðr, ok hvártveggi
svírin ok allr stafninn var með gulli lagðr. Þat skip
kallaði hann orminn, því at þá er segl var á lopti, skyldi
þat vera fyrir vængi drekans; var þetta skip fríðast í öllum 5
Noregi. Eyjar, þær er Rauðr byggði, heita Gylling ok
Hæring, en allar saman heita þær Goðeyjar, ok Goðeyja
straumur fyrir norðan, milli ok meginlands. Ólafr konungr
kristnaði fjörð þann allan, ferr síðan leið sína suðr með
landi. Ok varð í þeirri ferð mart, þat er í frásögn er fært, 10
er tröll ok illar vættir glettust við menn hans, ok stundum
við sjálfan hann, en vér viljum hitt heldr rita um þá atburði,
er Ólafr konungr kristnaði Noreg eða önnur þau lönd, er
hann kom kristni á. Ólafr konungr kom liði sínu þat sama
haust í Þrándheim, ok hélt til Niðaróss ok bjó sér þar til 15
vetrsetu. Þat vil ek nú næst rita láta, at segja frá
íslenzkum mönnum.

Frá Íslendingum.

88. Þetta sama haust kómu til Niðaróss utan af
Íslandi Kjartan Ólafsson, Höskuldssonar, ok dótturson Egils 20
Skallagrímssonar, er einn hefir kallað verit mannvænstr
maðr, þeira er fæzt hafa á Íslandi. Þar var þá ok Halldórr
son Guðmundar á Möðruvöllum ok Kolbeinn son Þórðar
Freysgoða, bróðir Brennuflosa, fjórði Svertingr son Runólfs
goða. Þessir váru allir heiðnir, ok margir aðrir, sumir 25
ríkir, sumir úríkir. Þá kómu ok af Íslandi göfgir menn,
er kristni höfðu tekit af Þangbrandi, Gizurr hvíti son Teits
Ketilbjarnarsonar, en móðir hans var Álof dóttir Bōðvars
hersis, Víkingakárasonar; bróðir Bōðvars var Sigurðr, faðir
Eiríks bjóðaskalla, föður Ástriðar, móður Ólafs konungs. 30
Hjalti hét einn íslenzkr maðr Skeggjason, hann átti Vilborgu
dóttur Gizurar hvíta. Hjalti var ok kristinn, ok tók Ólafr
konungr feginsamliga við þeim mágum Gizuri ok Hjalta,
ok váru þeir með honum. En þeir íslenzkir menn er fyrir

skipum réðu ok heiðnir váru, þá leituðu þeir til brautsigl-
 ingar, þegar er konungr var í böenum, því at þeim var
 sagt, at konungr nauðgaði alla menn til kristni; en veðr
 gekk í þrá þeim, ok rak þá aptr undir Niðarhólm. Þeir
 5 réðu þar fyrir skipum, Þórarinn Nefjúlfs-son, Hallfreðr skáld
 Óttarsson, Brandr hinn örvi, Þorleikr Brandsson. Þetta
 var sagt Ólafi konungi, at Íslendingar váru þar nokkurum
 skipum ok heiðnir allir, ok vildu flýja konungs fund. Þá
 sendi konungr menn til þeira ok bannaði þeim braut at
 10 fara, bað þá leggja inn til bæjar, ok gerðu þeir svá, ok
 báru ekki af skipum sínum.

Skírðir Íslendingar.

89. Þá kom Mikjálsmessa; lét konungr þá halda
 mjök, lét syngja messu hátíðliga. Íslendingar gengu til
 15 ok hlýddu söng fögrum ok kluknahljóði. En er þeir kómu
 til skipa sinna, þá sagði hverr þeira, hvernug líkat hafði
 atferð kristinna manna. Kjartan lét vel yfir, en flestir aðrir
 löstuðu. En þat er sem mælt er, at mörg eru konungs
 eyru, var konungi þetta sagt. Þá gerði hann þegar um
 20 daginn mann eptir Kjartani ok bað hann koma til sín.
 Kjartan gekk til konungs með nokkura menn; konungr
 fagnaði honum vel. Kjartan var allra manna mestr ok
 fríðastr ok vel orði farinn. En er þeir konungr höfðu fám
 orðum við skipzt, þá bauð konungr Kjartani at taka við
 25 kristni. Kjartan segir, at hann vill því eigi níta, ef hann
 skal þá hafa vináttu konungs. Konungr heitr honum vináttu
 sinni fullkominni, ok seinja þeir konungr þetta sáttmál milli
 sín. Annan dag eptir var Kjartan skírðr, ok Bolli Þor-
 láksson frændi hans ok alt föruneyti þeira. Var Kjartan
 30 ok Bolli i boði konungs, meðan þeir váru í hvítaváðum,
 ok var konungr allkærr til þeira, ok þóttu þeir ágætir
 menn, hvar sem þeir kómu.

Skírðr Hallfreðr Vandræðaskáld.

90. Ólafr konungr gékk einn dag úti á stræti, en menn nökkurir gengu í móti þeim, ok sá er fyrstr gékk fagnaði konungi. Konungr spurði þann mann at nafni; sá nefndist Hallfreðr. Þá mælti konungr: Ertu skáldit? ⁵ Hann sagði: Kann ek yrkja. Þá mælti konungr: Þú munt vilja taka kristni ok gerast síðan minn maðr? Hann sagði: Kostr skal á því vera, at ek mun skírast, ef þú konungr veitir mér sjálfr guðsifjar; af engum manni öðrum vil ek þat þiggja. Konungr svarar: Ek vil þat gera. Var þá ¹⁰ Hallfreðr skírðr, ok hélt konungr honum undir skírn. Síðan spurði konungr Hallfreð: Viltu nú gerast minn maðr? Hallfreðr svaraði: Ek var fyrr hirðmaðr Hákonar jarls; nú vil ek eigi gerast þér handgenginn, ok engum öðrum höfðingjum, nema þú heitir mér því, at mik hendi enga þá ¹⁵ hluti, er þú rekir mik frá þér. Svá at einu er mér sagt, segir konungr, frá þér, Hallfreðr, at þú ert ekki svá vitr eða spakr, at mér er örvænt, at þú gerir þá hluti, er ek vil fyrir engan mun við scema. Dreptu mik þá, segir Hallfreðr. Konungr mælti: Þú ert vandræðaskáld, en minn ²⁰ maðr skaltu nú vera. Hallfreðr sagði: Hvat gefr þú mér, konungr, at nafnfesti, ef ek skal heita vandræðaskáld? Konungr gaf honum sverð, ok fylgði engi umgerð. Konungr mælti: Yrk nú vísu um sverðit, ok lát sverð vera í hverju vísuorði. Hallfreðr kvað:

25

Eitt er sverð þat er sverða
sverðauðgan mik gerði
fyrir svipnjörðum sverða
sverðótt mun nú verða.

Mana vansverðat verða,
verðr em ek þriggja sverða,
jarðar leggs ef yrði
umgerð at því sverði.

Þá fékk konungr honum umgerð, ok mælti: Eigi er sverð ³⁰ í hverju vísuorði. Hallfreðr svarar: Þrjú eru ok í einu. Svá er þat, segir konungr. Af Hallfreðar kvæðum tókum vér vísindi ok sannynði, þat er þar er sagt frá Ólafi konungi.

Þangbrandr kom aptr af Íslandi til Ólafs konungs.

91. Þetta sama haust kom Þangbrandr prestur af Íslandi til Ólafs konungs, ok sagði sínar farar eigi sléttar, sagði, at Íslendingar höfðu gert nið um hann, en sumir
 5 vildu drepa hann, ok lét enga ván, at þat land mundi kristit verða. Ólafr konungr varð svá óðr ok reiðr, at hann lét blása öllum íslenskum mönnum saman, þeim er þar váru í boenum, ok mælti síðan, at alla skyldi drepa. En Kjartan ok Gizurr ok Hjalti, ok aðrir þeir er þá höfðu
 10 við kristni tekit, géngu til hans ok mæltu: Eigi muntu, konungr, vilja ganga á bak orðum þínum, því at þú mælir svá, at engi maðr skal svá mikit hafa gert til reiði þinnar, at eigi viltu þat upp gefa þeim, er skírast vilja ok láta af heiðni. Nú vilja þessir allir íslenskir menn, er hér eru
 15 nú, skírast láta, en vér munum finna bragð þat til, er kristni mun við gangast á Íslandi. Eru hér margir ríkra manna synir af Íslandi, ok munu feðr þeira mikit liðsinni veita at þessu máli. En Þangbrandr fór þar sem hér með yðr með ofstopa ok manndráp, ok þoldu menn honum þar
 20 ekki slíkt. Tók þá konungr at hlýða á þessar ræður, váru þá skírðir allir íslenskir menn, þeir sem þar váru þá.

Frá íþróttum Ólafs konungs.

92. Ólafr konungr var mestr íþróttamaðr í Noregi, þeira er menn hafa frá sagt, um alla hluti; hverjum manni
 25 var hann sterkari ok fimari, ok eru þar margar frásagnir ritaðar um þat. Ein sú, er hann gékk í Smalsarhorn ok festi skjöld sinn í ofanvert bjargit; ok enn þat, er hann hjalp hirðmanni sínum, þeim er áðr hafði klifit bjargit, svá at hvárki mátti hann komast upp né ofan, en konungr
 30 gékk til hans ok bar hann undir hendi sér á jöfnu ofan. Ólafr konungr gékk eptir árum útbyrðis, er menn hans reru á Orminum; ok hann lék at þrimr handsöxum, svá at jafnan var eitt á lopti, ok hendi æ meðalkaflann; hann vá jafnt báðum höndum ok skaut tveim spjótum senn.

Ólafr konungr var allra manna glaðastr ok leikinn mjök, blíðr ok lítillátr, ákafamaðr mikill um alla hluti, stórgjöfull, sundrgerðamaðr mikill, fyrir öllum mönnum um frœknleik i orrostu, allra manna grimmastr, þá er hann var reiðr, ok kvaldi úvini sína mjök, suma brendi hann í eldi, suma lét hann ólma hunda rífa í sundr, suma lemja eða kasta fyrir há björg; váru af þeim sökum vinir hans ástuðgir við hann, en úvinir hans hræddust við hann. Var því mikil framkvæmd hans, at sumir gerðu hans vilja með blíðu ok vináttu, en sumir fyrir hræzlu sakir.

10

Skírðr Leifr Eiríksson.

93. Leifr son Eiríks rauða, þess er fyrstr byggði Grœnland, var þetta sumar kominn af Grœnlandi til Noregs; fór hann á fund Ólafs konungs ok tók við kristni, ok var um vetrinn með Ólafi konungi.

15

Fall Guðröðar konungs.

94. Guðröðr son Eiríks blóðöxar ok Gunnhildar hafði verit í hernaði í Vestrlöndum, síðan er hann flýði land fyrir Hákon jarli. En á þessu sumri er nú er áðr frásagt, þá er Ólafr konungr Tryggvason hafði 4 vetr ráðit fyrir Noregi, þá kom Guðröðr til Noregs ok hafði mörg herskip; hann hafði þá siglt út af Englandi; ok er hann kom í landvæn við Noreg, þá stefndi hann suðr með landinu, þangat er honum var minni væn Ólafs konungs; siglir Guðröðr til Víkrinnar. En þegar er hann kom til lands, tók hann at herja ok brjóta undir sik landsfólk, en beiddi sér viðtöku. En er landsmenn sá, at herr mikill var kominn á hendr þeim, þá leita menn sér griða ok sætta, ok bjóða konungi, at þingboð skuli fara yfir land, ok bjóða honum heldr viðtöku en þola her hans; ok var þar lögð frest á, meðan þingboð færi yfir. Krafði þá konungr vistagjalds, meðan sú bíðandi skyldi vera. En boendr kjósa hinn kost heldr at búa konungi veizlur, þá stund alla er hann þurfti, ok

30

tók konungr þann kost, at hann fór um land at veizlum með sumt lið sitt, en sumt gætti skipa hans. En er þetta spyrja þeir bræðr Hyrningr ok Þorgeirr, mágar Ólafs konungs, þá samna þeir sér liði ok ráða til skipa, fara síðan 5 norðr í Víkina, ok kómu á einni nótt með liði sínu, þar sem Guðröðr konungr var á veizlu, veita þar atgöngu með eldi ok vápnum. Féll þar Guðröðr konungr ok flest alt lið hans, en þat er á skipunum hafði verit, var sumt drepit, en sumat komst undan ok flýði víðs vegar. Váru 10 þá dauðir allir synir Eiríks ok Gunnhildar.

Reistr Ormrinn langi.

95. Þann vetr eptir er Ólafr konungr hafði komit af Hálogalandi, lét hann reisa skip mikit inn undir Hlaðhömrum, þat er meira var miklu en önnur þau skip, er 15 þá váru í landinu, ok eru enn þar bakkastokkar þeir, svá at sjá má; þat var at lengd 4 alnar hins átta tigar, er graslægt var. Þorbergr skafhögg er nefndr sá maðr, er stafnasmiðr var at skipinu; en þar váru margir aðrir at, sumir at fella, sumir at telgja, sumir saum at slá, sumir 20 til at flytja við. Váru þar allir hlutir vandaðir mjök til; var skipit bæði langt ok breitt ok borðmikit ok stórviðat. En er þeir báru skipit borði, þá átti Þorbergr nauðsynja-erendi at fara heim til bús síns, ok dvaldist þar mjök lengi, en er hann kom aptr, þá var skipit fullborða. Fór 25 konungr þegar um kveldit, ok Þorbergr með honum, ok sjá þá skipit, hvernug orðit sé, ok mælti hverr maðr, at aldri hefði sét langskip jafnmikit eða jafnfrítt. Ferr þá konungr aptr í bæinn. En snimma um morgininn eptir ferr konungr enn til skipsins ok Þorbergr, váru þá smiðar 30 áðr komnir, stóðu þeir allir ok höfðust ekki at. Konungr spurði, hví þeir fœri svá? Þeir segja, at spilt var skipinu, ok maðr mundi gengit hafa fra framstafni til lyptingar, ok sett í borðit ofan hvert skýlibögg at öðru. Gékk konungr þá til, ok sá at satt var, mælti þegar ok svarði um, at sá

maðr skyldi deyja, ef konungr vissi, hverr fyrir ófundar sakir hefði spilt skipinu: en sá er mér kann þat segja, skal mikil gæði af mér hljóta. Þá mælti Þorbergr: Ek mun kunna segja yðr, konungr, hverr þetta verk mun gert hafa. Mér er eigi þess at öðrum manni meiri ván, segir 5 konungr, at þetta happ muni henda en at þér, at verða þess viss ok kunna mér segja. Mun ek þér, konungr, segir hann, segja hverr gert hefir: ek hefi gert. Þá svarar konungr: Þá skaltu boeta, svá at jafnvel sé sem áðr var, þar skal líf þitt við liggja. Síðan gékk Þorbergr til ok 10 telgði borðit, svá at öll géngu or skýlihöggin. Konungr mælti þá, ok allir aðrir, at skipit væri miklu friðara á þat borð, er Þorbergr hafði skorit. Bað konungr hann þá svá gera á bæði borð, ok bað hann hafa mikla þökk fyrir. Var þá Þorbergr höfuðsmiðr fyrir skipinu, þar til er gert 15 var. Var þat dreki, ok gerr eptir því sem Ormr, sá er konungr hafði haft af Hálogalandi, en þetta skip var miklu meira ok at öllum hlutum meir vandat. Þat kallaði hann Orm hinn langa, en hinn Orm hinn skamma. Á Orminum langa váru 4 rúm ok 30. Höfuðin ok krókrinn var alt gullbúit, 20 svá váru há borðin sem á hafskipum. Þat hefir skip verit bezt gert ok með mestum kostnaði í Noregi.

Frá Eiríki jarli Hákonarsyni.

96. Eiríkr jarl Hákonarson ok bræðr hans, ok margir aðrir göfgir frændr þeira, fóru af landi á brott eptir fall 25 Hákonar jarls. Fór Eiríkr jarl austr í Svíþjóð á fund Ólafs Sviakonungs, ok féngu þeir þar góðar viðtökur. Veitti Ólafr konungr þar jarli friðland ok veizlur stórar, svá at hann mátti þar vel halda sik ok lið sitt. Þess getr Þórðr Kolbeinsson:

30

Meinrennir brá manna etc.

Hafði sér við særi etc. Cap. 57.

Lið mikit sótti af Noregi til Eiríks jarls, þat er landflóttar varð fyrir Ólafi Tryggvasyni. Tók Eiríkr jarl þá þat rað,

at hann réð sér til skipa ok fór í hernað at fá sér fjár ok liði sínu. Hann hélt fyrst til Gotlands, ok lá þar við lengi um sumarit ok sætti kaupskipum, er sigldu til landsins, eða víkingum; stundum gékk hann upp á landit ok herjaði 5 þar víða með sjánum. Svá segir í Bandadrápu:

Mærr vann miklu fleiri
málmhríð jöfurr síðan,
áðr frágum þat, aðra;
Eiríkr und sik geira

þá er garð vala gerði
Gotlands vala strandar
virvils vítt um herjat.
veðrmíldr ok semr hildi.

10 Síðan sigldi Eiríkr jarl suðr til Vindlands ok hitti þar fyrir Staurinum víkingaskip nökkur, ok lagði til orrostu við þá; þar fékk Eiríkr jarl sigr ok drap víkingana. Svá segir í Bandadrápu:

15 Stýrir lét at Stauri
stafnviggs höfuð liggja,
gramr vélti svá, gumna.
gunnblíðr ok réð síðan

Sleit at sverða móti
svörð víkinga hörðu
unda már fyrir eyri.
jarl goð vörðu hjarli.

Hernaðr Eiríks í Austrveg.

20 97. Eiríkr jarl sigldi um haustit aptr til Svíþjóðar, ok var þar vetr annan; en at vári bjó Eiríkr herskip sín ok sigldi síðan í Austrveg. En er hann kom í ríki Valdimars konungs, tók hann at herja ok drepa mannfólkit, ok brenna alt, þar sem hann fór, ok eyddi landit. Hann kom 25 til Aldeigjuborgar ok settist þar um, þar til er hann vann staðinn, drap þar mart folk, en braut ok brendi borgina alla, ok síðan fór hann víða herskildi í Garðaríki. Svá segir í Bandadrápu:

30 Oddhríðar fór eyða,
óx hríð at þat, síðan
logfágandi lægis
land Valdamars brandi.

Aldeigju brauzt øgir,
oss numnask skil, gumna,
sú varð hildr með hauldum
hörð, komt austr í Garða.

Eiríkr jarl var í þessum hernaði öllum samt 5 sumur. En er hann kom or Garðaríki, fór hann herskildi um alla 35 Aðalsýslu ok Eysýslu, ok þar tók hann 4 víkingaskeiðr af Dönum, ok drap alt af. Svá segir í Bandadrápu:

Frá ek hvar fleina sjávar
fúrherðir styr gerði
endr í eyjasundi.

Eirtkr und sik geira

Rauð fúrgjafall fjórar
fólkmeiðr Dana skeiðar,
vér frágum þat, vága.
veðrmildr ok semr hildi

Áttut hjaldr þar er hauldar
hlunnviggs í bæ runnu
gætinjörðr við Gauta.

gunnblíðr ok réð síðan

Herskildi fór hildar,
hann þverði frið mönnum,
áss um allar sýslur.
jarl goð vörðu hjarli.

5

Eiríkr jarl fór til Danmerkr, þá er hann hafði einn vetr
verit í Svíaveldi; hann fór á fund Sveins tjúguskeggs Dana-
konungs, ok bað til handa sér Gyðu dóttur hans, ok var 10
þat at ráði gert; fékk þá Eiríkr jarl Gyðu. Vetri síðar
áttu þau son, er Hakon hét. Eiríkr jarl var á vetrum í
Danmörk, en stundum í Svíaveldi, en í hernaði á sumrum.

Kvánfang Sveins konungs.

15

98. Sveinn Danakonungr tjúguskegg átti Gunnhildi
dóttur Burizleifs Vindakonungs. En í þenna tíma sem
nú var áðr frásagt, var þá þat til tíðinda, at Gunnhildr
dróttning tók sótt ok andaðist. En litlu síðar fékk Sveinn
konungr Sigríðar hinnar stórráðu, dóttur Sköglartosta, móður 20
Ólafs hins soenska Svíakonungs. Tókst þar þá með tengðum
konunga kærleikr, ok með öllum þeim Eiríki jarli Hákonar syni.

Kvánfang Burizleifs konungs.

99. Burizleifr Vindakonungr kærði mál þat fyrir
Sigvalda jarli mági sínum, at sættargerð sú var rofin, er 25
Sigvaldi hafði gert milli Sveins konungs ok Burizleifs kon-
ungs, þá er Burizleifr konungr skyldi fá Þyri Haraldsdóttur,
systur Sveins konungs. En þat ráð hafði ekki framgengit,
því at Þyri setti þar þvert nei fyrir, at hon mundi giptast
vilja heiðnum konungi ok gömlum. Nú segir Burizleifr 30
konungr, at hann vili heimta þann máldaga, ok bað jarl
fara til Danmerkr ok hafa Þyri dróttning til sín. Sigvaldi
jarl lagðist þá ferð eigi undir höfuð, ok ferr á fund Sveins
Danakonungs ok berr þetta mál upp fyrir hann; ok kemr

jarl svá fortölum sínum, at Sveinn konungr fær í hendr
honum Þyri systur sína, ok fylgðu henni konur nökkurar
ok fóstrfaðir hennar, er nefndr er Özurr Agason, ríkr maðr,
ok nökkurir menn aðrir. Kom þat í einkamál með konungi
5 ok jarli, at eignir þær í Vindlandi, er átt hafði Gunnhildr
dróttning, skyldi þá hafa Þyri til eiginorðs, ok þar með
aðrar stórar eignir í tilgjöf sína. Þyri grét sarliga ok fór
mjök nauðig. En er þau jarl kómu í Vindland, þá gerði
Burizleifr konungr brullaup sitt ok fékk Þyri dróttningar.
10 En er hon var með heiðnum mönnum, þá vildi hon hvárki
þiggja mat né drykk at þeim, ok fór svá fram 7 nætr.

Ólafr konungr fékk Þyri dróttningar.

100. En þá var þat á einni nótt, at Þyri dróttning
ok Özurr hljópust í brott í náttmyrkri ok til skógar. Er
15 þat skjótast frá þeira ferð at segja, at þau koma fram í
Danmörk, ok þorir Þyri þar fyrir engan mun at vera,
fyrir þá sök at hon veit, ef Sveinn konungr bróðir hennar
spyr til hennar þar, at hann mun skjótt senda hana aptr
til Vindlands. Fara þau alt huldu höfði, þar til er þau
20 koma í Noreg, létti Þyri ferðinni eigi fyrr en þau koma á
fund Ólafs konungs Tryggvasonar. Tók hann við þeim
vel, ok váru þau þar í góðum fagnaði. Sagði Þyri konungi
alt um sín vandræði, ok biðr hann hjálpræða, ok biðr sér
friðar í hans ríki. Þyri var kona orðsnjöll, ok virðist
25 konungr vel ræður hennar, sá hann, at hon var fríð kona,
ok kemr í hug, at þetta muni vera gott kvánfang, ok víkr
þannug ræðunni, spyr ef hon vill giptast honum. En svá
sem þá var hennar ráði komit, þótti henni vandi mikill or
at ráða, en í annan stað sá hon, hversu farsælligt gjaforð
30 þetta var, at giptast svá ágætum konungi, ok bað hann
ráða fyrir sér ok sínu ráði. Ok svá sem um þetta var
talat, þá fékk Ólafr konungr Þyri dróttningar. Þeira
brullaup var gert um haustit, þá er hann hafði komit norðan
af Hálogalandi. Var Ólafr konungr ok Þyri dróttning í

Niðarósi um vetrinn. En eptir um várit, þá kærði Þyri dróttning opt fyrir Ólafi konungi ok grét sárliga þat, er eignir hennar váru svá miklar í Vindlandi, en hon hafði eigi fjárhlut þar í landi, svá sem dróttningu sómdi; stundum bað hon konung fögrum orðum, at hann skyldi fá henni 5 eign sína, sagði at Burizleifr konungr vár svá mikill vin Ólafs konungs, at þegar er þeir fynnist, mundi hann fá Ólafi konungi alt þat er hann beiddist. En er þessar ræðu urðu varir allir vinir konungs, þá löttu þeir konung þess-arrar farar. Svá er sagt, at þat var einn dag snemma 10 um várit, at konungr gékk eptir stræti, en við torg gékk maðr í móti honum með hvannir margar ok undarliga stórar þann tíma várs. Konungr tók einn hvannjóla mikinn í hönd sér ok gékk heim til herbergis Þyri dróttningar. Þyri sat inn í stofunni ok grét, er konungr kom inn. 15 Konungr mælti: Sé hér hvannjóla mikinn, er ek gef þér. Hon laust við hendinni ok mælti: Störrum gaf Haraldr Gormsson, en miðr æðraðist hann at fara af landi ok sækja eign sína en þú gerir nú; ok reyndist þat, þá er hann fór þingat í Noreg ok eyddi mestan hlut lands þessa, en eign- 20 aðist alt at sköttum ok skyldum, en þú þorir eigi at fara í gegnum Danaveldi fyrir Sveini konungi bróður mínum. Ólafr konungr hljóp upp við, er hon mælti þetta, ok mælti hátt ok svarði við: Aldri skal ek hræddr fara fyrir Sveini konungi bróður þínum, ok ef okkrir fundir verða, þá skal 25 hann fyrir láta.

Útboð Ólafs konungs.

101. Ólafr konungr stefndi þing í böenum litlu síðar. Hann gerði þá bert fyrir allri alþýðu, at hann mun leiðangr úti hafa um sumarit fyrir landi, ok hann vill nefnd hafa or 30 hverju fylki bæði at skipum ok liði, segir þá, hversu mörg skip hann vill þaðan hafa or firðinum. Síðan gerir hann orðsending bæði suðr ok norðr með landi, hit ytra ok hit efra, ok lætr liði út bjóða. Ólafr konungr lætr þá fram

setja Orminn langa ok öll önnur skip sín, bæði stór ok smá. Stýrði hann sjálfr Orminum langa. Ok þá er menn váru þar ráðnir til skipanar, þá var þar svá mjök vandat lið ok valit, at engi maðr skyldi vera á Orminum langa
 5 ellri en sextugr eða yngri en tvítugr, en valdir mjök at afli ok hreysti. Þar váru fyrst tilskoraðir hirðmenn konungs, því at þat var valit af innanlands mönnum ok utanlands, alt þat er sterkast var ok frœknast.

Manntal á Orminum.

10 102. Úlfr rauði hét maðr, er bar merki Ólafs konungs ok í stafni var á Orminum, ok annarr Kolbjörn stallari, Þorsteinn uxafótr, Víkarr af Tíundalandi, bróðir Arnljóts gellina. Þessir váru á rausninni í söxum: Vagr elfski Raumason, Bersi hinn sterki, Ánn skyti af Jamtalandi,
 15 Þrándr rammi af Þelamörk ok Úpyrmir bróðir hans; þeir Haleygir: Þrándr skjálgi, Ögmundr sandi, Hlöðvir langi or Saltvík, Hárekr hvassi; þeir Innanþrœndir: Ketill háfi, Þorfinnr eisli, Hávarðr ok þeir bræðr or Orkadal. Þessir váru í fyrirrúmi: Björn af Stuðlu, Börkr or Fjörðum,
 20 Þorgrímr or Hvini Þjóðólfsson, Ásbjörn ok Ormr, Þórðr or Njarðarlög, Þorsteinn hvíti af Oprustöðum, Arnórr mœrski, Hallsteinn ok Haukr or Fjörðum, Eyvindr snákr, Bergþórr bestill, Hallkell af Fjöllum, Ólafr drengr, Arnfinnr sygnski, Sigurðr bildr, Einarr hörðski, ok Finnrr,
 25 Ketill rygski, Grjótgarðr röskvi. Þessir váru í krapparúmi: Einarr þambarskelfir, hann þótti þeim eigi hlutgengr, því at hann var 18 vetra, Þorsteinn Hlífason, Þórólfr, Ívarr smetta, Ormr skógarnef, ok margir aðrir menn mjök ágætir váru á Orminum, þótt vér kunnim eigi
 30 nefna. Átta menn váru í hálfrými á Orminum, ok var valit einum manni ok einum. Þrír tigur váru í fyrirrúmi. Þat var mál manna, at þat mannval er á Orminum var, bar eigi minna af öðrum mönnum um fríðleika ok afl ok frœknleik, en Ormrinn af öðrum skipum. Þorkell nefja

bróðir konungs stýrði Orminum skamma, Þorkell dyðrill ok Jósteinn móðurbræðr konungs höfðu Trönuna, ok var hvártveggja þat skip allvel skipat. Ellifu stórskip hafði Ólafr konungr or Þrándheimi, ok umfram tvítugsessur ok smæri skip ok vistabyrðinga.

5

Kristnat Island.

103. En er Ólafr konungr hafði mjök búit lið sitt or Niðarósi, þá skipaði hann mönnum um öll Þrændalög í sýslur ok ármenningar. Þá sendi hann til Íslands Gizur hvíta ok Hjalta Skeggjason at boða kristni á Íslandi, ok fékk með þeim prest, þann er Þormóðr er nefndr, ok fleiri vígða menn, en hafði með sér í gisling 4 íslenzka menn, þá er honum þóttu ágætastir, Kjartan Ólafsson, Halldór Guðmundarson, Kolbein Þórðarson, Sverting Runólfsson. Ok er þat at segja af ferð þeira Gizurar ok Hjalta, at þeir kómu til Íslands fyrir alþingi ok fóru til þings, ok á því þingi var kristni lögtekin á Íslandi, ok þat sumar var skírt alt mannfólk.

Kristnat Grænland.

104. Ólafr konungr sendi ok þat sama vár Leif Eiríksson til Grænlands at boða þar kristni, ok fór hann þat sumar til Grænlands. Hann tók í hafi skipsögn þeira manna, er þá váru úfærir ok lágu á skipsflaki, ok þá fann hann Vínland hit góða, ok kom um haustit til Grænlands, ok hafði þannug með sér prest ok kennimenn, ok fór til vistar í Brattahlið til Eiríks föður síns. Menn kölluðu hann síðan Leif hinn heppna, en Eiríkr faðir hans sagði, at þat var samskulda, er Leifr hafði borgit skipsögn manna ok þat, er hann hafði flutt skæmanninn til Grænlands, þat var prestr.

30

Ólafr konungr byrjar ferð sína til Vindlands.

105 (114). Ólafr konungr fór með liði sínu suðr með landi. Sóttu þá til fundar við hann vinir hans

margir ok ríkismenn, þeir er til ferðar váru búnir með konungi. Þar var hinn fyrsti maðr Erlingr Skjálgsson mágr hans, ok hafði hann skeið hina miklu, hon var 30 at rúmatali, ok var þat skip allvel skipat. Þá kómu ok til
 5 hans mágar hans Hyrningr ok Þorgeirr, ok stýrði hvártveggi miklu skipi. Margir aðrir ríkismenn fylgðu honum. Hann hafði 60 langskipa, er hann fór or landi, ok sigldi suðr fyrir Danmörk gegnum Eyrarsund, ok svá til Vindlands. Hann gerði stefnulag við Burizleif konung, ok funnust þeir
 10 konungar, töluðu þeir þá um eignir, þær er Ólafr konuugr heimti, ok fóru allar ræður líkliga milli konunga, ok var góðr greiðskapr um þær heimtingar, er Ólafr konungr þóttist þar eiga. Dvaldist Ólafr konungr þar lengi um sumarit, fann þar marga vini sína.

15 *Eggjanarorð Sigríðar hinnar stórráðu.*

106 (116). Sveinn konungr tjúguskegg átti þá Sigríði hina stórráðu, sem fyrr er ritit. Sigríðr var hinn mestr úvin Ólafs konungs Tryggvasonar, ok fann þat til saka, at Ólafr konungr hafði slitit einkamálum við hana ok lostit hana í
 20 andlit, svá sem fyrr er ritat. Hon eggjaði mjök Svein konung til at halda orrostu við Ólaf konung Tryggvason, ok sagði, at þat var ærin sök við Ólaf konung, er hann hafði lagzt með Þyri systur hans at úleyfi yðru, ok mundu ekki hinir fyrri frændr yðrir slíkt þola. Hafði Sigríðr
 25 dróttning slíkar fortölur optliga í munni, ok kom hon svá sínum fortölum, at Sveinn konungr var fullkominn at gera þetta ráð. Ok snimma um vórit sendi Sveinn konungr menn austr til Svíþjóðar á fund Ólafs konungs Svíakonungs mágs síns ok Eiríks jarls, ok lét segja þeim, at Ólafr
 30 Noregs konungr hafði leiðangr úti ok ætlaði at fara um sumarit til Vindlands. Fylgði þat orðsending Danakonungs, at þeir Svíakonungr ok Eiríkr jarl skyldi her úti hafa ok fara til móts við Svein konung, skyldu þeir þá allir samt leggja til orrostu við Ólaf konung Tryggvason. En Ólafr

Svíakonungr ok Eiríkr jarl váru þessarrar ferðar albúnir, ok drógu þá saman skipaher mikinn af Svíaveldi, fóru því liði suðr til Danmerkr, ok kómu þar svá, at Ólafr konungr Tryggvason hafði áðr austr siglt. Þess getr Halldórr úkristni, er hann orti um Eirík jarl:

5

Út bauð jöfra hneitir	hverr vildi þá haulda
élmóðr af Svíþjóðu,	hrægeitunga feitir,
suðr hélt gramr til gunnar,	már fékk á sjá sára
gunnbliks, liði miklu;	sylg, Eiríki fylgja.

10

Þeir Svíakonungr ok Eiríkr jarl héldu til fundar við Danakonung, ok höfðu þá allir saman úgrynni hers.

Svíkræði Sigvalda jarls.

107 (117). Sveinn konungr þá er hann hafði sent eptir herinum, þá sendi hann Sigvalda jarl til Vindlands at njósna 15 um ferð Ólafs konungs Tryggvasonar, ok gildra svá til, at fundr þeira Sveins konungs mætti verða. Ferr þá Sigvaldi jarl leið sína, ok kom fram á Vindlandi, fór til Jómsborgar ok síðan á fund Ólafs konungs Tryggvasonar. Váru þar mikil vináttumál þeira á meðal, kom jarl sér í hinn mesta 20 kærleik við Ólaf konung. Ástriðr kona jarls, dóttir Burizleifs konungs, var vin mikill Ólafs konungs, ok var þat mjök af hinum fyrrum tengðum, er Ólafr konungr hafði átt Geiru systur hennar. Sigvaldi jarl var maðr vitr ok ráð- ugr, en er hann kom sér í ráðagerð við Ólaf konung, þá 25 dvaldi hann mjök ferðina hans austan at sigla, ok fann til þess mjök ymsa hluti. En lið Ólafs konungs lét geysi illa, ok váru menn mjök heimfúsir, er þeir lágu albúnir, en veðr byrvæn. Sigvaldi jarl fékk njósn leyniliga af Danmörk, at þá var austan kominn herr Svíakonungs, ok Eiríkr jarl 30 hafði þá ok búinn sinn her, ok þeir höfðingjarnir mundu þá koma austr undir Vindland, ok þeir höfðu ákveðit, at þeir mundu biða Ólafs konungs við ey, þá er Svöldr heitir, svá

þat, at jarl skyldi svá til stilla, at þeir mætti þar finna Ólaf konung.

Ferð Ólafs konungs af Vindlandi.

108 (118). Þá kom þatí nokkurr til Vindlands, at
 5 Sveinn Danakonungr hafði her úti, ok gerðist brátt sá kurr, at
 Sveinn Danakonungr mundi vilja finna Ólaf konung. En
 Sigvaldi jarl segir konungi: Ekki er þat ráð Sveins konunga
 at leggja til bardaga við þik með Danaher einnsaman, svá
 mikinn her sem þér hafit. En ef yðr er nokkurr grunr á
 10 því, at úfriðr muni fyrir, þá skal ek fylgja yðr með mínu
 liði, ok þótti þat styrkr vera fyrr, hvar sem Jómsvíkingar
 fylgðu höfðingjum; mun ek fá þér 11 skip vel skipuð. Kon-
 ungr játtaði þessu. Var þá lítit veðr ok hagstætt, lét
 konungr þá leysa flotann ok blása til brottlögu. Drógu
 15 menn þá segl sín, ok géngu meira smáskipin öll, ok sigldu
 þau undan á haf út. En jarl sigldi nær konungsskipinu
 ok kallaði til þeira, bað konung sigla eptir sér: Mér er
 kunnast, segir hann, hvar djúpast er um eyjasundin, en
 þér munut þess þurfa með þau hin stóru skipin. Sigldi
 20 þá jarl fyrir með sínum skipum. Hann hafði 11 skip, en
 konungr sigldi eptir honum með sínum stórskipum, hafði
 hann þar ok 11 skip, en allr annarr herrinn sigldi út á
 hafit. En er Sigvaldi jarl sigldi utan at Svöldr, þá reri
 á móti þeim skúta ein. Þeir segja jarli, at herr Dana-
 25 konungs lá þar í höfninni fyrir þeim. Þá lét jarl hlaða
 seglunum, ok róa þeir inn undir eyna. Halldórr úkristni
 segir svá:

30 Óna, fór ok einu unnviggs, konungr sunnan, sverð rauð mætr at morði meiðr, sjau tigum skeiða,	þá er hún lagar hreina hafði jarl um krafða, sætt gékk seggja ættar sundr, Skánunga fundar.
---	--

Hér segir, at Ólafr konungr ok Sigvaldi jarl höfðu 70 skipa ok einu meir, þá er þeir sigldu sunnan.

Viðrtal höfðingja ok ráðagerðir.

109 (119). Sveinn Danakonungr ok Ólafr Sviakonungr ok Eiríkr jarl váru þar þá með allan her sinn; þá var fagrt veðr ok bjart sólskin. Géngu þeir nú upp á hólminn allir höfðingjar, með miklar sveitir manna, ok sá, er skipin sigldu út 5 á hafit mjök mörg saman. Ok nú sjá þeir, hvar siglir eitt mikit skip ok glæsiligt, þá mæltu báðir konungarnir: Þetta er mikit skip ok ákafliga fagrt, þetta mun vera Ormrinn langi. Eiríkr jarl svarar ok segir: Ekki er þetta Ormr hinn langi. Ok svá var, sem hann sagði, þetta skip átti 10 Eindriði af Gimsum. Litlu síðar sá þeir, hvar annat skip sigldi miklu meira en hit fyrra. Þá mælti Sveinn konungr: Hræddr er Ólafr Tryggvason nú, eigi þorir hann at sigla með höfuðin á skipi sínu. Þá segir Eiríkr jarl: Ekki er þetta konungs skip, kenni ek þetta skip ok seglit, því at 15 stafat er seglit, þat á Erlingr Skjálgsson; látum sigla þá, betra er oss skarð ok missa í flota Ólafs konungs en þetta skip þar svá búit. En stundu síðar sá þeir ok kendu skip Sigvalda jarls, ok viku þau þannug at hólmanum. Þá sá þeir hvar sigldu 3 skip, ok var eitt mikit skip. Mælti þá 20 Sveinn konungr, biðr þá ganga til skipa sinna, segir at þar ferr Ormr hinn langi. Eiríkr jarl mælti: Mörg hafa þeir önnur stór skip ok glæsilig en Orm hinn langa, biðum enn. Þá mæltu mjök margir menn: Eigi vill Eiríkr jarl nú þerjast ok hefna föður síns; þetta er skömm mikil, svá 25 at spyrjast mun um öll lönd, ef ver liggjum hér með jafnmiklu liði, en Ólafr konungr sigli á hafit út hér hjá oss sjálfum. En er þeir höfðu þetta talat um hrið, þá sá þeir hvar sigldu 4 skip, ok eitt af þeim var dreki allmikill ok mjök gullbúinn. Þá stóð upp Sveinn konungr ok mælti 30 hátt: Mun Ormrinn bera mik í kveld, honum skal ek stýra. Þá mæltu margir, at Ormrinn var furðu mikit skip ok frítt, ok rausn mikil at láta gera slíkt skip. Þá mælti Eiríkr jarl, svá at nökkurir menn heyrðu: Þótt Ólafr konungr hefði ekki meira skip en þetta, þá mundi Sveinn 35

konungr þat aldri fá af honum með einn saman Danaher. Dreif þá fólkit til skipanna, ok ráku af tjöldin ok ætluðu at búast skjótliga. En er höfðingjar ræddu þetta milli sín, sem nú er sagt, þá sá þeir hvar sigldu 3 skip allmikil, ok
 5 fjórða síðast, ok var þat Ormr hinn langi. En þau hin stóru skip, er áðr höfðu siglt, ok þeir hugðu at Ormrinn væri, þat var hit fyrra Tranan, en hit síðara Ormr hinn skammi. En þá er þeir sá Orminn langa, kendu allir, ok mælti þá engi í mót, at þar mundi sigla Ólafr Tryggvason;
 10 géngu þá til skipanna ok skipuðu til atlögunnar. Váru þat einkamál þeira höfðingja Sveins konungs, Ólafs konungs, Eiríks jarls, at sinn þriðjung Noregs skyldi eignast hverr þeira, ef þeir feldi Ólaf konung Tryggvason; en sá þeira höfðingja, er fyrst géngi á Orminn, skyldi eignast alt þat
 15 hlutskipti, er þar fékkst, ok hverr þeira þau skip, er sjálfr hryði. Eiríkr jarl hafði barða einn geysi mikinn, er hann var vanr at hafa í víking; þar var skegg á ofanverðu barðinu hvárutveggja, en niðr frá járnspöng þykk, ok svá breið sem barðit, ok tók alt í sjá ofan.

20 *Frá liði Ólafs konungs.*

110 (120). Þá er þeir Sigvaldi jarl reru inn undir hólmann, þá sá þat þeir Þorkell dyðrill af Trönunni ok aðrir skipstjórnamenn, þeir er með honum fóru, at jarl sneri skipum undir hólmann, þá hlóðu þeir ok seglum ok
 25 reru eptir honum, ok kölluðu til þeira, spurðu hví þeir fóru svá. Jarl segir, at hann vill biða Ólafs konungs: ok er meiri ván, at úfriðr sé fyrir oss. Létu þeir þá fljóta skipin, þar til er Þorkell nefja kom með Orm hinn skamma ok þau 3 skip, er honum fylgðu. Ok váru þeim sögð hin
 30 sömu tíðindi, hlóðu þeir þá ok sínum seglum, ok létu fljóta ok biðu Ólafs konungs. En þá er konungrinn sigldi innar at hólmanum, þá reri allr herrinn út á sundit fyrir þá. En er þeir sá þat, þá báðu þeir konunginn sigla leið sína, en leggja eigi til orrostu við svá mikinn her, Konungr

svarar hátt, ok stóð upp í lyptingunni: Láti ofan seglit, ekki skulu mínir menn hyggja á flótta, ek hefi aldri flýit í orrostu, ráði guð fyrir lífi mínu, en aldri mun ek á flótta leggja. Var svá gert, sem konungr mælti. Svá segir Hallfreðr:

5

Geta skal máls þess er mæla	Baða hertrygðar hyggja
menn at vápna sennu	hnekkir sína rekka,
dólga fangs við drengi	þess lifa þjóðar sessa
- dádöflgan gram kváðu.	þróttar orð, á flótta.

Ólafr konungr skipar liði sínu.

10

111 (121). Ólafr konungr lét blása til samlögu öllum skipum sínum. Var konungs skip í miðju liði, en þar á annat borð Ormr hinn skammi, en á annat borð Tranan. En þá er þeir tóku at tengja stafna á Orminum langa ok Orminum skamma, ok er konungr sá þat, kallaði hann hátt, 15 bað þá leggja fram betr hit mikla skipit, ok láta þat eigi aptast vera allra skipa í herinum. Þá svarar Úlfr hinn rauði: Ef Orminn skal því lengra fram leggja, sem hann er lengri en önnur skip, þá mun ávint verða um söxin í dag. Konungr segir: Eigi vissi ek, at ek ætta stafn- 20 búann bæði rauðan ok ragan. Úlfr mælti: Ver þú eigi meir baki lyptingina, en ek mun verja stafninn. Konungr hélt á boga, ok lagði ör á streng ok sneri at Úlfi. Úlfr mælti: Skjót annan veg, konungr, þannug sem meiri er þörfin, þér vinn ek þat er ek vinn. 25

Frá Ólafi konungi.

112 (122). Ólafr konungr stóð í lyptingu á Orminum, bar hann hátt mjök; hann hafði gyltan skjöld ok gullroðinn hjálm, var hann auðkendr frá öðrum mönnum, hann hafði rauðan kyrtil stuttan utan yfir brynju. En er Ólafr kon- 30 ungr sá, at riðluðust flotarnir, ok upp váru sett merki fyrir höfðingjum, þá spyrr hann: Hverr er höfðingi fyrir liði því, er gegnt oss er? Honum var sagt, at þar var

Sveinn konungr tjúguskegg með Danaher. Konungr svarar:
 Ekki hræðumst vér bleyður þær, eigi er hugr í Dönum.
 En hverr höfðingi fylgir þeim merkjum, er þar eru út ífrá
 á hœgra veg? Honum var sagt, at þar var Ólafr konungr
 5 með Svíaher. Ólafr konungr segir: Betra væri Svíum
 heima at sleikja um blótbolla sína, en ganga á Orminn
 undir vápn yður. En hverir eigu þau hin stóru skip, er
 þar liggja út á bakborða Dönum. Þar er, segja þeir,
 Eiríkr jarl Hákonarson. Þá svaraði Ólafr konungr: Hann
 10 mun þykkjast eiga við oss skapligan fund, ok oss er ván
 snarpligrar orrostu af því liði, þeir eru Norðmenn sem
 vér erum.

Upphaf orrostunnar.

113 (123). Síðan greiða konungar atróðr. Lagði
 15 Sveinn konungr sitt skip móti Orminum langa, en Ólafr
 konungr scenski lagði út frá ok stakk stöfnum at yzta skipi
 Ólafs konungs Tryggvasonar, en öðrum megin Eiríkr jarl.
 Tókst þar þá hörð orrosta. Sigvaldi jarl lét skotta við
 sín skip ok lagði ekki til orrostu. Svá segir Skúli Þor-
 20 steinsson, hann var þá með Eiríki jarli:

Fylgða ek Frísa dólgi,	þar er til móts við meiti
fékk ek ungr þar er spjör sungu,	málmþings í dyn hjálma
nú flór öld at eldamk,	sunnr fyrir Svöldrar mynni
aldrbót, ok Sigvalda,	sárlauk roðinn bárum.

25 Ok enn segir frá þessum tíðindum Hallfreðr:

Þar hykk víst til mjök mistu,	Noefr vá einn við jöfra
mörg kom drótt á flóttu,	allvaldr tvá snjalla,
gram þann er gunni framdi	frægr er til slíks ok segja
gengis þroenskra drengja.	siðr, en jarl hinn þriðja.

30 *Flótti Sveins Danakonungs ok Ólafs Svíakonungs.*

114 (124). Þessi orrosta var hin snarpasta ok all-
 mannskœð. Frambyggjar á Orminum langa ok Orminum
 skamma ok Trönunni færðu akkeri ok stafnljá í skip Sveins

konungs, en áttu vápnin at bera niðr undir fœtr sér; hruðu þeir öll þau skip, er þeir féngu haldit. En konungrinn Sveinn ok þat lið, er undan komst, flýði á önnur skip, ok þar næst lögðu þeir frá or skotmáli. Ok fór þessi herr svá sem gat Ólafr konungr Tryggvason. Þá lagði þar at í 5 staðinn Ólafr Sviakonungr; ok þegar er þeir koma nær stórskipum, þá fór þeim sem hinum, at þeir létu lið mikit ok sum skip sín, ok lögðu frá við svá búit. En Eiríkr jarl síbyrði Barðanum við hit yzta skip Ólafs konungs, ok hrauð hann þat ok hjó þegar þat or tengslum, en lagði 10 þá at því, er þar var næst, ok barðist til þess er þat var hroðit. Tók þá liðit at hlaupa af hinum smærum skipunum ok upp á stórskipin. En Eiríkr jarl hjó hvert or tengslunum, svá sem hroðit var. En Danir ok Svíar lögðu þá í skotmál ok öllum megin at skipum Ólafs konungs, en Eiríkr 15 jarl lá ávalt síbyrt við skipin ok átti höggorrostu. En svá sem menn féllu á skipum hans, þá géngu aðrir upp í staðinn, Svíar ok Danir. Svá segir Halldórr:

Gørðisk snarpra sverða,	Dólgs kváðu fram fylgja	
slitu drengir frið lengi	fráns leggbita hánun	20
þar er gollin spjör gullu,	sœnska menn at sennu	
gangr um Orminn langa.	sunnr ok danska runna.	

Þá var orrosta hin snarpasta, ok féll þá mjök liðit, ok kom svá at lyktum, at öll váru hroðin skip Ólafs konungs Tryggvasonar nema Ormr hinn langi; var þar þá alt lið 25 á komit, þat er vígt var hans manna. Þá lagði Eiríkr jarl Barðanum at Orminum langa síbyrt, ok var þar höggorrosta. Svá segir Halldórr:

Fjörð kom heldr í harðan,	þá er borðmikinn Barða	
hnitu reyr saman dreyra,	brynflagðs reginn lagði,	30
tungl skárusk þá tingla	jarl vann hjálms at hólmi	
tangar, Ormr hinn langi;	hríð, við Fáfnis síðu.	

Frá Eiríki jarli.

115 (125). Eiríkr jarl var í fyrirrúmi á skipi sínu, ok var þar fylkt með skjaldborg. Var þá bæði höggorrosta 35

ok spjótum lagit ok kastat öllu, því er til vápna var, en sumir skutu bogaskoti eða handskoti. Var þá svá mikill vápnaburðr á Orminn, at varla mátti hlífum við koma, er svá þykt flugu spjót ok örvar; því at öllum megin lögðu 5 herskip at Orminum. En menn Ólafs konungs váru þá svá óðir, at þeir hljópu upp á borðin, til þess at ná með sverðshöggum at drepa fólkit. En margir lögðu eigi svá undir Orminn, at þeir vildi í höggorrostu vera. En Ólafs menn géngu flestir út af borðunum, ok gáðu eigi annars, 10 en þeir berðist á sléttum velli, ok sukku niðr með vápnum sínum. Svá segir Hallfreðr:

Sukku niðr af naðri naddfárs í böð sárir baugs, gerðut við vægjask, verkendr meginserkjar.	Vanr mun Ormr, þótt Ormi alldýrr konungr stýri, hvars hann skríðr með lið lýða, lengi slíkra drengja.
---	--

Frá Einari þambarskelfi.

116 (126). Einarr þambarskelfir var á Orminum aptr í krapparúmi, hann skaut af boga ok var allra manna harðskeytastr. Einarr skaut at Eiríki jarli ok laust í stýris- 20 hnakkann fyrir ofan höfuð jarli, ok gékk alt upp á reyrböndin. Jarl leit til ok spurði, ef þeir vissi, hverr skaut? En jafnskjótt kom önnur ör svá nær jarli, at flaug milli síðunnar ok handarinnar, ok svá aptr í höfðafjölina, at langt stóð út broddrinn. Þá mælti jarl við mann, þann er sumir 25 nefna Finn, en sumir segja, at hann væri finskr, sá var hinn mesti bogmaðr: Skjóttu mann þann hinn mikla í krapparúminu. Finnur skaut, ok kom örin á boga Einars miðjan, í því bili er Einarr dró hit þriðja sinn bogann. Brast þá boginn í tvá hluti. Þá mælti Ólafr konungr: 30 Hvat brast þar svá hátt. Einarr svarar: Noregr or hendi þér, konungr! Eigi mun svá mikill brestr at orðinn, segir konungr, tak boga minn ok skjót af. Ok kastaði boganum til hans. Einarr tók bogann ok dró þegar fyrir odd örvarinnar, ok mælti: Ofveikr, ofveikr allvalds boginn. Ok 35 kastaði aptr boganum; tók þá skjöld sinn ok sverð ok barðist.

Ólafr konungr fær mönnum sínum hvöss sverð.

117 (127). Ólafr konungr Tryggvason stóð í lypting á Orminum, ok skaut optast um daginn, stundum bogaskoti en stundum gaflökum, ok jafnan tveim senn. Hann sá fram á skipit, ok sá sína menn reiða sverðin ok höggva 5 títt, ok sá at illa bitu; mælti þá hátt: Hvárt reiði þér svá slæliga sverðin, er -ek sé at ekki bíta yðr? Maðr svarar: Sverð vár eru slæ ok brotin mjök. Þá gékk konungr ofan í fyrirrúmit ok lauk upp hásetiskistuna, tók þar or mörg sverð hvöss ok fékk mönnum. En er hann tók niðr hinni 10 hægri hendi, þá sá menn, at blóð rann ofan undan brynstúkunni, en engi vissi hvar hann var sárr.

Uppganga á Orminn.

118 (128). Mest var vörnin á Orminum ok mann- skœðust af fyrirrúmsmönnum ok stafnbúum, þar var hvár- 15 tveggja valit mest mannfólkit ok hæst borðin. En lið féll fyrst um mitt skipit. Ok þá er fátt stóð manna upp um sigluskeið, þá réð Eiríkr jarl til uppgöngunnar ok kom upp á Orminn við 15da mann. Þá kom í mót honum Hyrn- ingr mágr Ólafs konungs með sveit manna, ok varð þar 20 hinn harðasti bardagi, ok lauk svá, at jarl hrökk ofan aptr á Barðann, en þeir menn, er honum höfðu fylgt, féllu sumir, en sumir váru særðir. Þess getr Þórðr Kolbeinsson:

Þar var hjálmaðs herjar	grams vör blám hjörvi;	
Hropts við dreyrgar tóptir,	höll bilar hára fjalla,	25
orð fékk gott er gerði,	Hyrningr! áðr þat fyrnisk.	

Þar varð enn hin snarpasta orrosta, ok féllu þá margir menn á Orminn. En er þyntist skipan á Orminum til varnarinnar, þá réð Eiríkr jarl annat sinn til uppgöngu á Orminn. Varð þá enn hörð viðtaka. En er þetta sá 30 stafnbúar á Orminum, þá géngu þeir aptr á skipit, ok snúast til varnar móti jarli ok veita harða viðrtöku. En fyrir því at þá var svá mjök fallit lið á Orminum, at víða

váru auð borðin, tóku þá jarls menn víða upp at ganga. En alt þat lið, er þá stóð uppi til varnar á Orminum, sótti aptr á skipit, þar sem konungr var. Svá segir Halldórr úkristni, at Eiríkr jarl eggjaði þá sína menn:

5	Hét á heiptar nýta hugreifr, með Óleifi aptr stökk þjóð um þóptur, þengill sína drengi.	Þá er hafvita höfðu Hallands um gram snjallan, varð fyrir Vinda myrði vápneiðr, lokit skeiðum.
---	--	---

Hroðinn Ormrinn langi.

10 119 (129). Kolbjörn stallari gékk upp í lypting til konungs; þeir höfðu mjök líkan klæðabúnað ok vápna, Kolbjörn var ok allra manna mestr ok fríðastr. Varð nú enn í fyrirrúminu hin snarpasta orrosta. En fyrir þá sök at þá var svá mikit fólk komit upp á Orminn af liði jarls, 15 sem vera mátti á skipinu, en skip hans lögðu at öllum megin utan at Orminum, en lítit fjölmenni til varnar móti svá miklum her, nú þótt þeir menn væri bæði sterkir ok fræknir, þá féllu nú flestir á lítilli stundu. En Ólafr konungr sjálf ok þeir Kolbjörn báðir hljópu þá fyrir borð, ok 20 á sitt borð hvárr. En jarls menn höfðu lagt utan at smáskútur, ok drápu þá er á kaf hljópu. Ok þá er konungr sjálf hafði á kaf hlaupit, vildu þeir taka hann höndum ok færa Eiríki jarli. En Ólafr konungr brá yfir sik skildinum ok steyptist í kaf; en Kolbjörn stallari skaut undir sik 25 skildinum, ok hlífði sér svá við vápnum, er lagt var af skipum þeim er undir lágu, ok féll hann svá á sjáinn, at skjöldrinn varð undir honum, ok komst hann því eigi í kaf svá skjótt, ok varð hann handtekinn ok dreginn upp í skútuna, ok hugðu þeir, at þar væri konungrinn. Var 30 hann þá leiddr fyrir jarl. En er þess varð jarl varr, at þar var Kolbjörn en eigi Ólafr konungr, þá váru Kolbirni grið gefin. En í þessi svipan hljópu allir fyrir borð af Orminum, þeir er þá váru á lífi, Ólafs konungs menn; ok segir Hallfreðr svá, at Þorkell nefja konungs bróðir hljóp síðast allra 35 manna fyrir borð:

Úgræðir sá auða
armgrjóts Trönu fljóta,
hann rauð geir at gunni
glæðr, ok báða naðra,

áðr hjaldrþorinn héldi
hugframr í böð ramri
snotr af snæris vitni
sunds Þorketill undan.

Frá Vindasnekkjunni.

5

120 (130). Svá var fyrr ritat, at Sigvaldi jarl kom til föruneysis við Ólaf konung í Vindlandi ok hafði 10 skip, en þat hit ellifta, er á váru menn Ástriðar konungsdóttur konu jarls. En þá er Ólafr konungr hafði fyrir borð hlaupit, þá æpti herrinn allr sigróp, ok þáustu þeir árum í sjá 10 Sigvaldi jarl ok hans menn, ok reru til bardaga. Þess getr Halldórr úkristni:

Drógusk vítt at vági
Vinda skeiðr, ok gíndu
Þriðja hauðrs á þjóðir
þunn gálkn járnmunnum.

Gnýr varð á sjá sverða,
sleit örn gera beitu,
dýrr vá drengja stjóri,
drótt kom mörg á flóttu.

15

En sú Vindasnekkjan, er Ástriðar menn váru á, rerir brott ok aptr undir Vindland, ok var þat margra manna mál þegar, at Ólafr konungr mundi hafa steypt af sér brynjunni í kafi ok kafat svá út undan langskipunum, lagzt síðan til 20 Vindasnekkjunnar, ok hefði menn Ástriðar flutt hann til lands. Ok eru þar margar frásagnir um ferðir Ólafs konungs gervar síðan af sumum mönnum. En á þessa leið segir Hallfreðr:

Veitkat ek hitt hvárt heita
hungrdeyfi skal ek leyfa
dynsæðinga dauðan
dýrbliks eða þó kvikvan,

alls sannliga segja,
sárr mun gramr at hváru,
hætt er til hans at fréttu,
hvártveggja mér seggir.

25

En hvernug sem þat hefir verit, þá kom Ólafr konungr Tryggvason aldregi síðan til ríkis í Noregi. En þó segir 30 Hallfreðr vandræðaskáld á þessa leið:

Samr var árr um ævi
oddbragðs hinn, er þat sagði
at lofða gramr lifði,
læstyiggs sonar Tryggva.

Vera kveðr öld or éli
Ólaf kominn stála;
menn geta máli sönnu,
mjök er verr en svá, ferri.

35

Ok enn þetta:

<p>5 Mundut þess, alls þegnar þróttharðan gram sóttu, frá ek, með lýða liði landher ðar sköp verða, at mundjökuls myndi margdýrr koma stýrir, geta þykkjask þess gotnar glíkligs, or her slíkum.</p>	<p>Enn segir auðar kenni austr í málma gnaustan seggr frá sárum tiggja sumr eða brott um komnum. Nú er sannfregit sunnan siklings or styr miklum, kann ek eigi mart við manna, morð, veifanar orði.</p>
--	---

Frá Eiríki jarli.

10 121 (131). Eiríkr jarl Hákonarson eignaðist Orminn
langa með sigrinum ok hlutskipti mikit. Svá segir Halldórr:

<p>15 Hjalmsfaldinn bar hilmi hrings at miklu þingi, skeiðr glæstu þá þjóðir, þangat Ormr hinn langi.</p>	<p>En sunnr at gný gunnar glaðr tók jarl við naðri, áðr varð egg at rjóða ættgóðr Hemings bróðir.</p>
---	---

Sveinn son Hákonar jarls hafði þá fest Hólmfríði dóttur
Ólafs Svíakonungs. En er þeir skiptu Noregsveldi milli
sín, Danakonungr ok Svíakonungr ok Eiríkr jarl, þá hafði
20 Ólafr Svíakonungr 4 fylki í Þrándheimi ok Mœri hváratveggju
ok Raumsdal, ok austr Ránríki frá Gautelfi ok til Svína-
sunds. Þetta ríki fékk Ólafr konungr í hendr Sveini jarli,
með þvílíkum formála, sem fyrr höfðu haft skattkonungar
eða jarlar af yfirkonungum. En Eiríkr jarl hafði 4 fylki
25 í Þrándheimi, Hálogaland ok Naumudal, Fjörðu ok Fjalir,
Sogn ok Hörðaland ok Rogaland, ok Norðragðir alt til
Líðandisness. Svá segir Þórðr Kolbeinsson:

<p>30 Veit ek fyrir Erling utan ár at hersar váru, lofa ek fasta tý, flestir, farlands, vinir jarla. En eptir víg frá Veigu, vel ek orð, at styr norðan land eða lengra stundu 35 lagðisk suðr til Agða.</p>	<p>Allvalds nutu aldir, una líkar vel slíku; skyldr lézk hendi at halda hann yfir Noregs mönnum. En Sveinn konungr sunnan sagðr er dauðr, en auðir, fátt bilar flestra ýta fár, hans býir váru.</p>
--	---

Sveinn Danakonungr hafði þá enn Víkina, svá sem hann
hafði fyrr haft, en hann veitti Eiríki jarli Raumaríki ok Heið-

mörk. Sveinn Hákonarson tók jarldóm af Ólafi hinum soenska. Sveinn jarl var allra manna fríðastr, er menn hafi sét. Eiríkr jarl ok Sveinn jarl létu báðir skírast, ok tóku rétta trú, en meðan þeir réðu fyrir Noregi, þá létu þeir gera hvern sem vildi um kristnihaldit, en forn lög⁵ héldu þeir vel ok alla landssiðu, ok váru menn vinsælir ok stjórnsamir. Var Eiríkr jarl mjök fyrir þeim bræðrum um forráð öll.

SAGA ÓLAFS HINS HELGA HARALDS- SONAR.

10

Uppfóstr Ólafs helga Haraldssonar.

1. Ólafr sonr Haralds hins grenska fœddist upp með Sigurði sýr stjúpföður sínum ok Ástu móður sinni. Hrani hinn víðförli var með Ástu; hann veitti fóstr Ólafi konungi Haraldssyni. Ólafr var snimma gerviligr maðr, fríðr sýnum,¹⁵ meðalmaðr á vöxt; vitr var hann snimma ok orðsnjallr. Sigurðr sýr var bússýslumaðr mikill ok hafði menn sína mjök í starfi, ok hann sjálfr fór optliga at sjá um akra ok eng eða fénað, ok enn til smíða, eða þar er menn störfuðu eitthvat.

Frá Ólafi ok Sigurði konungi sýr.

20

2. Þat var eitt sinn, at Sigurðr konungr vildi ríða af bæ, þá var engi maðr heima á bænum; hann kvaddi Ólaf stjúpson sinn at söðla sér hest. Ólafr gekk til geitahúss, tók þar bukk, þann er mestr var, ok leiddi heim ok lagði á söðul konungs; gekk þá ok sagði honum, at þá²⁵ hafði hann búit honum reiðskjóta. Þá gekk Sigurðr kon-

ungr til ok sá, hvat Ólafr hafði gert. Hann mælti: Auðsætt er, at þú munt vilja af höndum ráða kvaðningar mínar; mun móður þinni þat þykkja sæmiligt, at ek hafa engar kvaðningar við þik, þær er þér sé í móti skapi; er
 5 þat auðsætt, at vit munum ekki vera skaplíkir, muntu vera miklu skapstoerri en ek em. Ólafr svarar fá ok hló við ok gékk í brott.

Frá íþróttum Ólafs.

3. Ólafr Haraldsson, er hann vóx upp, var ekki hár
 10 meðalmaðr ok allþrekligr, sterkr at afli, ljósjarpr á hár, breiðleitr, ljóss ok rjóðr í andliti, eygðr forkunnar vel, fagreygr ok snareygr, svá at ótti var at sjá í augu honum, ef hann var reiðr. Ólafr var íþróttamaðr mikill um marga hluti, kunni vel við boga, skaut manna bezt handskoti, ok
 15 syndr vel, hagr ok sjónhannarr um smíðir allar, hvárt er hann gerði eða aðrir menn. Hann var kallaðr Ólafr digri. Var hann djarfr ok snjallr í máli, bráðgerr at öllum þroska, bæði afli ok vizku, ok hugþekkr var hann öllum frændum sínum ok kunnmönnum, kappsamr í leikum ok vildi fyrir
 20 vera öllum öðrum, sem vera átti fyrir tignar sakir hans ok burða.

Upphaf hernaðar Ólafs konungs.

4. Ólafr Haraldsson var þá 12 vetra gamall, er hann steig á herskip fyrsta sinn. Ásta móðir hans fékk til
 25 Hrana, er kallaðr var konungsfóstri, til forráða fyrir liðinu ok í för með Ólafi; því at Hrani hafði opt áðr verit í víking. Þá er Ólafr tók við liði ok skipum, þá gáfu liðsmenn honum konungsnafn, svá sem siðvenja var til, at herkonungar, þeir er í víking váru, er þeir váru konung-
 30 bornir, þá báru þeir konungsnafn þegar, þótt þeir sæti eigi at löndum. Hrani sat við stýrihömlu; því segja sumir menn, at Ólafr væri háseti, en hann var þó konungr yfir liðinu. Þeir héldu austr með landinu ok fyrst til Danmerkr. Svá segir Óttarr svarti, er hann orti um Ólaf konung:

Ungr hraztu á vit vengis
vígrakkr konungr blakki,
þú hefir dýrum þrek, dreyra
Danmarkar, þik vandan.

Varð nýtligust norðan,
nú ert ríkr af hvöt slíkri,
frá ek til þess er fórut,
fór þín, konungr, görva.

En er haustaði, sigldi hann austr fyrir Svíaveldi, tók þá 5
at herja ok brenna landit; því at hann þóttist eiga Svíum
at launa fullan fjándskap, er þeir höfðu tekit af lífi Harald
föður hans. Óttarr svartí segir þat berum orðum, at hann
fór þá austr or Danmörk:

Öttuð árum skreyttum
austr í Salt með flaustum,
báruð lind af landi
landvörðr! á skip randir.
Neyttuð segls ok settut
sundvarpaði stundum,

sleit mjök róin mikla
mörg ár und þér báru.
Drótt var drjúgligr ótti,
dólglinns, at fór þinni,
svanbræðir! namtu síðan
Svíþjóðar nes rjóða.

10

15

Orrosta hin fyrsta.

5. Þat haust barðist Ólafr við Sótasker hina fyrstu
orrostu, þat er í Svíaskerjum. Þar barðist hana við vík-
inga, ok er sá Sóti nefndr, er fyrir þeim réð; hafði Ólafr
lið miklu minna ok skip stærri. Hann lagði sín skip í 20
milli boða nökkurra, ok var víkingunum úhægt at at leggja.
En þau skip er næst lágu þeim, þá kómu þeir á stafn-
ljám ok drógu þau at sér ok hruðu þá skipin. Víkingarnir
lögðu frá ok höfðu látit lið mikit. Sigvatr skáld segir frá
þessarri orrostu í því kvæði, er hann taldi orrostur Ólafs 25
konungs:

Langr bar út hinn unga
jöfra kund at sundi,
þjóð ugði sér síðan,
sjámeiðr, konungs reiði.

Kann ek til margs, en manna,
minni, fyrsta sinni
hann rauð œstr fyrir austan
úlfs fót við sker Sóta.

30

Hernaðr í Svíþjóð.

6. Ólafr konungr hélt þá austr fyrir Svíþjóð ok lagði
inn í Lögin ok herjaði á bæði lönd. Hann lagði alt upp
til Sigtúna ok lá við fornu Sigtún. Svá segja Svíar, at

þar sé enn grjóthlöð, þau er Ólafr lét gera undir bryggju-
sporða sína. En er haustaði, þá spurði Ólafr Haraldsson
til þess, at Ólafr Sviakonungr dró saman her mikinn, ok
svá þat, at hann hafði járnum komit fyrir Stokksund ok
5 sett lið fyrir. En Sviakonungr ætlaði, at Ólafr konungr
myndi þar bíða fræra, ok þótti Sviakonungi lítils vert
um her Ólafs konungs, því at hann hafði lítit lið. Þá
fór Ólafr konungr út til Stokksunda, ok komst þar eigi
út. Kastali var fyrir vestan sundit, en herr manns fyrir
10 sunnan. En er þeir spurðu, at Sviakonungr var á skip
kominn ok hafði her mikinn ok fjölda skipa, þá lét Ólafr
konungr grafa út í gegnum Agnafit til hafs. Þá váru regn
mikil. En um alla Svíþjóð fellr hvert rennanda vatn í
Lögin, en einn óss er til hafs or Leginum, ok svá mjór,
15 at margar ár eru breiðari. En þá er regn eru mikil ok
snjánám, þá falla vötnin svá ósiliga, at forsfall er út um
Stokksund, en Lögrinn gengr svá mjök upp á löndin, at víða
flóar. En er gröptrinn kom út í sjáinn, þá hljóp vatnit ok
straumrinn út; lét þá Ólafr konungr á skipum sínum leggja öll
20 stýri or lagi ok draga segl við hún. Byrr var á blásandi.
Þeir stýrðu með árum, ok géngu skipin mikinn út yfir grunnit
ok kómu öll heil á hafit. En Svíar fóru þá á fund Ólafs
Sviakonungs ok sögðu honum, at Ólafr digri var þá kominn
út á haf. Sviakonungr veitti þeim stórar átölur, er gætt
25 skyldu hafa, at Ólafr kvæmist eigi út. Þat er nú síðan
kallat Konungssund, ok má þar ekki stórskipum fara, nema
þá er vötn ósast mest. En þat er sumra manna sögn, at
Svíar yrði varir við, þá er þeir Ólafr höfðu út grafit fitina
ok vatnit féll út, ok svá, at Svíar fóru þá til með her
30 manns ok ætluðu at banna Ólafi, at hann færi út,
en er vatnit gróf út tveggja vegna, þá féllu bakkarnir,
ok þar fólkit með, ok týndist þar fjöldi liðs. En Svíar
mæla þessu í mót ok telja hégóma, at þar hafi menn farizt.
Ólafr konungr sigldi um haustit til Gotlands ok bjóst þar
35 at herja. En Gotar höfðu þar samnað ok gerðu menn til

konunga ok buðu honum gjald af landinu. Þat þektist konungr, ok tekr gjald af landinu, ok sat þar um vetrinn. Svá segir Óttarr svartí:

Gildir komtu at gjaldi	Rann, en maðr um minna	
gotneskum her flotna,	margr býr um þrek, varga	5
þorðut þér at varða	hungur frá ek austr, hinn yngri,	
þat land jöfurr brandi.	Eysýslu lið, þeyja.	

Önnur orrosta.

7. Hér segir svá, at Ólafr konungr fór, er váraði, austr til Eysýslu ok herjaði, veitti þar landgöngu, en Eysýslir kómu ofan ok héldu orrostu við hann. Þar hafði Ólafr konungr sigr, rak flótta, herjaði ok eyddi landit. Svá er sagt, at fyrst er þeir Ólafr konungr kómu í Eysýslu, þá buðu boendr honum gjald; en er gjaldit kom ofan, þá gékk hann í móti með liði alvápnuðu; ok varð þá annan veg en boendr ætluðu, því at þeir fóru ofan með ekki gjald, heldr með hervápnunum, ok börðust við konung, sem fyrr var sagt. Svá segir Sigvatr skáld:

Þat var enn at önnur	Sitt áttu fjör fótum,	
Ólafr, né svik fálusk,	fár beið or stað sára,	20
odda þing í eyddri	enn þeir er undan runnu,	
Eysýslu gékk heyja.	allvaldr! búendr gjalda.	

Þriðja orrosta.

8. Síðan sigldi hann aptr til Finnlands ok herjaði þar ok gékk á land upp, en lið alt flýði á skóga ok eyddi bygðina at fé öllu. Konungr gékk langt á landit upp ok yfir skóga nökkura. Þar váru fyrir dalbygðir nökkurar; þar heita Herdalar. Þeir féngu lítit fé, en ekki af mönnum. Þá leið á daginn, ok sneri konungr ofan aptr til skipa. En er þeir kómu á skóginn, þá dreif lið at þeim öllum megin ok skaut á þá, ok sóttu at fast. Konungr bað menn hlífa sér, ok vega í mót slíkt er þeir mætti við komast; en þat var úhægt, því at Finnar létu skóginn hlífa sér. En áðr konungr kvæmi af skóginum, lét hann marga menn, ok margir urðu sárir; kom síðan um

kveldit til skipa sinna. Þeir Finnar gerðu um nóttina æðiveðr með fjölkyngi ok storm sjávar. En konungr lét upptaka akkerin ok draga segl, ok beittu um nóttina fyrir landit. Mátti þá enn sem optar meira hamingja
 5 konungs en fjölkyngi Finna; féngu þeir beitt um nóttina fyrir Balagarðssíðu, ok þaðan í hafit út. En herr Finna fór hit efra, svá sem konungr sigldi hit ytra. Svá segir Sigvatr:

	Hrío varð stáls í stríðri	En austr við lá leysti
	ströng Herdala göngu	leið víkinga skeiðar.
10	Finnlendinga at fundi	Balagarðs at borði
	fylkis niðs hin þriðja.	brimskíðum lá síða.

Orrosta hin fjórða í Suðrvík.

9. Þá sigldi Ólafr konungr til Danmerkr; hitti hann þar Þorkel hinn háfa, bróður Sigvalda jarls, ok réðst
 15 Þorkell til ferðar með honum, því at hann var þá búinn áðr at fara í hernað. Sigldu þeir þá suðr fyrir Jótlands síðu ok þar sem heitir Suðrvík, ok unnu þeir víkingaskip mörg. En víkingar, þeir er jafnan lágu úti ok réðu fyrir liði miklu, létu sik konunga kalla, þótt þeir ætti engi lönd
 20 til forráða. Lagði Ólafr konungr þar til bardaga; varð þar orrosta mikil, fékk þar Ólafr konungr sigr ok fé mikit. Svá segir Sigvatr:

	Enn kváðu gram Gunnar	þá er ólftill úti
	galdrs upphöfum valda,	jöfra liðs á miðli
25	dýrð frá ek þeim er vel varðisk	friðr gékk sundr í skíðri
	vinnask, fjórða sinni,	Suðrvík Dönum kuðri.

Orrosta hin fimta við Frísland.

10. Þá sigldi Ólafr konungr suðr til Fríslands ok lá fyrir Kinnlima síðu í hvössu veðri. Þá gékk konungr á
 30 land með lið sitt, en landsmenn riðu ofan í móti þeim ok börðust við þá. Svá segir Sigvatr skáld:

	Víg vantú, hlenna hneigir!	þá er við rausn at ræsis
	hjálumum grímt it fimta;	reið herr ofan skeiðum,
	þoldu hlýr fyrir hári	en í gegn at gunni
35	hrío Kinnlima síðu,	gékk hilmis lið rekkum.

Dauði Sveins tjúguskeggs.

11. Ólafr konungr sigldi þá vestr til Englands. Þat var þar tíðinda, at Sveinn tjúguskegg Danakonungr var þenna tíma í Englandi með Danaher, ok hafði þar þá setit um hrið ok herjat land Aðalráðs konungs. Höfðu þá Danir 5 víða gengit yfir England; var þá svá komit, at Aðalráðr konungr hafði flýit landit ok farit suðr í Valland. Þetta sama haust, er Ólafr konungr kom til Englands, urðu þau tíðindi þar, at Sveinn konungr Haraldsson varð bráðdauðr um nótt í rekkju sinni; ok er þat sögn enskra manna, 10 at Eaðmundr hinn helgi hafi drepit hann, með þeima hætti sem hinn helgi Merkurius drap Julianum níðing. En er þat spurði Aðalráðr Englakonungr á Flæmingjaland, þá snýr hann þegar aptr til Englands. En þá er hann kom aptr í landit, sendi hann orð öllum þeim mönnum, er fé 15 vildu þiggja til þess at vinna land með honum. Dreif þá mikit fjölmenni til hans. Þá kom til liðs við hann Ólafr konungr með mikla sveit Norðmanna. Þá lögðu þeir fyrst til Lundúna ok héldu skipahernum utan í Temps, en Danir héldu borginni. Öðrum megin árinna er mikit kaaptún, 20 er heitir Suðvirki; þar höfðu Danir mikinn umbúnað, grafit díki stór, ok settu fyrir innan vegg með viðum ok grjóti ok torfi, ok höfðu þar í lið mikit. Aðalráðr konungr lét þar veita atsókn mikla, en Danir vörðu, ok fékk Aðalráðr konungr ekki atgert. Bryggjur váru þar yfir ána milli 25 borgarinnar ok Suðvirkis svá breiðar, at aka mátti vögnum á víxl. Á bryggjunum váru vígi ger, bæði kastalar ok borðþök forstreymis, svá at tók upp fyrir miðjan mann, en undir bryggjunum váru stafir, ok stóðu þeir niðr grunn í ánni. En er atsókn var veitt, þá stóð herrinn á bryggjunum 30 um allar þær ok varði þær. Aðalráðr konungr var mjök hugsjúkr, hvernug hann skyldi vinna bryggjurnar. Hann kallaði á tal alla höfðingja hersins, ok leitaði ráðs við þá, hvernug þeir skyldu koma ofan bryggjunum. Þá segir Ólafr konungr, at hann mun freista at leggja til sínu liði, 35

ef aðrir höfðingjar vilja at leggja. Á þeiri málstefnu var þat ráðit, at þeir skyldu leggja her sinn upp undir bryggjurnar; bjó þá hverr sitt lið ok sín skip.

Orrosta hin sétta.

5 12. Ólafr konungr lét gera flaka stóra af viðartágum ok af blautum viði, ok taka í sundr til vandahús, ok lét þat bera yfir skip sín svá vítt, at þat tók af borðum út; þar lét hann setja undir stafi svá þykt ok svá hátt, at bæði var hægt at vega undan ok ýrit stint fyrir grjóti, ef
10 ofan væri á borit. En er herrinn var búinn, þá veittu þeir atróðr neðan eptir ánni, ok er þeir koma nær bryggjunum, þá var borit ofan á þá bæði skot ok grjót svá stórt, at ekki hélt við hvárki hjálmar né skildir, ok skipin meiddust sjálf ákaflega; lögðu þá margir frá. En Ólafr konungr ok Norðmanna lið með honum reru alt upp undir bryggjurnar
15 ok báru kaðla um stafina, þá er upp héldu bryggjunum, ok tóku þá ok reru öllum skipunum forstreymis, sem mest máttu þeir. Stafirnir drógust með grunni ok alt til þess er þeir váru lausir undir bryggjunum. En fyrir því at vápnaðr herr stóð á bryggjunum þykt, þar var bæði grjót
20 mart ok hervápn mörg, en stafirnir váru undan brotnir, þá bresta af því niðr bryggjurnar, ok fellr fólkit mart ofan á ána, en alt annat liðit flýði af bryggjunum, sumt í borgina, en sumt í Suðvirki. Eptir þat veittu þeir atgöngu í Suðvirki, ok unnu þat. En er borgarmenn sá þat, at
25 áin var unnin Temps, svá at þeir máttu ekki banna skipfarar upp í landit, þá hræddust þeir ok gáfu upp borgina, ok tóku við Aðalráði konungi. Svá segir Óttarr svartir:

30	Enn brauztu, éla kenpir yggs, gunnþorinn bryggjur, linns hefir lönd at vinna, Lundúna, þér snúnat.	Höfðu hart um krafðir, hildr óx við þat, skildir gang, en gamlir sprungu gunnþinga járnhringar.
----	---	--

Ok enn kvað hann þetta:

Komtu í land ok lendir, láðvörðr, Aðalráði,	þín naut rekka rúni, ríki eflr, at slíku.
--	--

Harðr var fundr sá er fœrðut
friðlands á vit niðja,

réd ættstuðill áðan,
Jatmundar, þar grundu.

Enn segir Sigvatr frá þessu:

Rétt er at sókn hin sétta,
snarr þengill bauð Englum
at, þar er Ólafr sótti,
Yggs, Lundúna bryggjur.

Sverð bitu völsk, en vörðu
víkingar þar díki,
átti sumt í sléttu
Suðvirki lið búiðir.

5

Orrosta hin sjaunda.

13. Ólafr konungr var um vetrinn með Aðalráði
konungi; þá áttu þeir orrostu mikla á Hringmaraheiði á
Úlfkelslandi; þat ríki átti þá Úlfkell snillingr; þar féngu
konungarnir sigr. Svá segir Sigvatr skáld:

Enn lét sjaunda sinni
sverðþing háit verða
endr á Úlfkels landi
Ólafr, sem ek fer máli.

Stóð Hringmaraheiði,
herfall var þar, alla
Ellu kind, en olli
arfvörðr Haralds starfi.

15

Enn segir Óttarr svá frá þessarri orrostu:

Þengill, frá ek at þunga
þinn herr skipum ferri,
rauð Hringmaraheiði,
hlóð valköstu, blóði.

Laut fyrir yðr áðr létti
landfólk í gný randa,
Engla ferð, at jörðu,
ótt en mörg á flóttu.

20

Þá lagðist landit enn víða undir Aðalráð konung, en
þingamenn ok Danir héldu mörgum borgum, ok víða héldu
þeir þá enn landinu.

Orrosta hin átta ok níunda.

25

14. Ólafr konungr var höfðingi fyrir herinum, þá er
þeir héldu til Kantarabyrgis, ok börðust þar alt til þess er
þeir unnu staðinn, drápu þar fjölda liðs ok brendu borgina.
Svá segir Óttarr svartí:

Atgöngu vantu, yngvi,
ætt siklinga mikla,
blíðr hilmir, tóktu breiða
borg Kantara um morgin.

Lék við rönn af ríki,
réttu, bragna konr, gagni,
aldar frá ek at aldri,
eldr ok reykr, at þú beldir.

30

Sigvatr telur þessa hina áttu orrostu Ólafs konungs:

5	Veit ek at víga mœtir Vindum háttr hinn átta, styrkr gekk vörðr at virki verðungar, styr gerði.	Sinn máttut bæ banna, borg Kantara sorgar mart fékk prúðum Pörtum port, greifar Óleifi.
---	--	--

Ólafr konungr hafði þá landvörn fyrir Englandi, ok fór með herskipum fyrir land fram, ok lagði upp í Nýjamóðu; þar var fyrir þingamanna lið, ok átti þar orrostu, ok hafði Ólafr konungr sigr. Svá segir Sigvatr skáld:

10	Vann ungr konungr Englum ótrauðr skarar rauðar, endr kom brúnt á branda blóð í Nýjamóðu.	Nú hefi ek orrostur, austan ógnvaldr! níu taldar; herr féll danskr þar er dörrum dreif mest at Óleifi.
----	---	---

Ólafr konungr fór þá víða um landit ok tók gjöld af mönnum, en herjaði at öðrum kosti. Svá segir Óttarr:

Máttið enskrar settar öld, þar er tókt við gjöldum vísi vægðarlausum viðfrægr, við þér bægja.	Guldut gumnar sjaldan goll döglingi hollum, stundum frá ek til strandar stór þing ofan fóru.
--	---

20 Þar dvaldist Ólafr konungr í þat sinn 3 vetr.

Orrosta hin tíunda í Hringsfirði.

15. En hit þriðja vár andaðist Aðalráðr konungr; tóku þá konungdóm synir hans Eatmundr ok Eatvarðr. Þá fór Ólafr konungr suðr um sjá, ok þá barðist hann í Hringsfirði ok vann kastala á Hólunum, er víkingar sátu í; hann braut kastalann. Svá segir Sigvatr skáld:

30	Tøgr var fullr í fögrum fólkveggs drífar hreggi, hélt sem hikmir mælti, Hringsfirði, lið þingat.	Ból lét hann á Hœli hátt, víkingar áttu, þeir báðut sér síðan slíks skotnaðar, brotna.
----	---	---

Orrosta hin ellífta ok hin tólfta ok þrettánda.

16. Þá hélt Ólafr konungr liði sínu vestr til Gríslupolla, ok barðist þar við víkinga fyrir Vilhjálmsbæ; þar hafði Ólafr konungr sigr. Svá segir Sigvatr:

Ólafr vantu þar er jöfrar
ellifta styr féllu,
ungr komtu af því þingi
þollr í Gríslupollum.

Þat frá ek víg at víttu
Vilhjálm's fyrir bœ hjálma,
tala minst er þat telja,
tryggs jarls háit snarla.

Því næst barðist hann vestr í Fetlafirði, sem segir Sigvatr: 5

Tönn rauð tólfta sinni
tírfylgjandi ylgjar,

varð, í Fetlafirði,
fjörbann lagit manna.

Þaðan fór Ólafr konungr alt suðr til Seljupolla, ok átti þar orrostu. Þar vann hann borg þá er heitir Gunnvaldsborg; hon var mikil ok forn, ok þar tók hann jarl, er fyrir 10 réð borginni, er hét Geirfiðr. Þá átti Ólafr konungr tal við borgarmennina; hann lagði gjald á borgina ok á jarl til útlausnar, 12 þúsundir gullskillinga. Slíkt fé var honum goldit af borginni, sem hann lagði á. Svá segir Sigvatr:

Þrettánda vann Þreenda,
þat var flóttu bœl, dróttinn
snjallr í Seljupollum
sunnarla styr kunnan.

Upp lét gramr í gamla
Gunnvaldsborg um morgin,
Geirfiðr hét sá, gerva
gengit, jarl um fenginn.

15

Orrosta hin fjórtánda ok draumr Ólafs konungs.

17. Eptir þat hélt Ólafr konungr liði sínu vestr í 20 Karlsár ok herjaði þar, átti þar orrostu. En þá er Ólafr konungr lá í Karlsám, ok beið þar byrjar ok ætlaði at sigla út til Nörvasunda ok þaðan út í Jórsalaheim, þá dreymdi hann merkiligan draum, at til hans kom göfugligr maðr ok þekkiligr ok þó ógurligr, ok mælti við hann, bað 25 hann ætlan þeiri hætta at fara út í lönd: far aptr til óðala þinna, því at þú munt vera konungr yfir Noregi at eilífu. Hann skildi þann draum til þess, at hann mundi konungr vera yfir landi ok hans ættmenn langa ævi.

Orrosta hin fimtánda.

30

18. Af þeiri vitran sneri hann aptr ferðinni ok lagðist við Peituland ok herjaði þar, ok brendi þar kaupstað þann er Varrandi hét. Þess getr Óttarr:

Náðut ungr at eyða,
ógnteitr jöfurr, Peitu,

reyndut, ræsir! steinda
rönd á Túskalandi.

Ok enn segir Sigvatr svá:

5 Málms vann Mœra hilmir
munnrjóðr er kom sunnan
gang, þar er gamlir sprungu
geirar, upp at Leiru.

Varð fyrir víga njörðum
Varrandi, sjá fjarri,
brendr, á bygðu landi
boer heitir svá Peitu.

Frá Rúðujörlum.

19. Ólafr konungr hafði verit í hernaði vestr í Val-
10 landi 2 sumur ok einn vetr. Þá var liðit frá falli Ólafs
konungs Tryggvasonar 13 vetr. Þá stund höfðu ráðit fyrir
Noregi jarlar: fyrst Eiríkr ok Sveinn Hákonarsynir, en síðan
Eiríkssynir Sveinn ok Hákon; Hákon var systurson Knúts
konungs Sveinssonar. Þá váru í Vallandi jarlar 2, Vil-
15 hjálmr ok Roðbert, faðir þeira var Ríkarðr Rúðujarl; þeir
réðu fyrir Norðmandí. Systir þeira var Emma dróttning,
er Aðalráðr Englakonungr hafði átt; synir þeira váru þeir
Eaðmundr ok Eatvarðr hinn góði, Eatvígr ok Eatgeirr.
Ríkarðr Rúðujarl var son Ríkarðar, sonar Vilhjálms langa-
20 spjóts; hann var son Gönguhrólfs jarls þess er vann Norð-
mandí; hann var son Rögnvalds Mœrajarls hins ríka, sem
fyrir er ritat. Frá Gönguhrólfi eru komnir Rúðujarlar, ok
töldu þeir lengi síðan frændsemi við Noregs höfðingja, ok
virðu þat lengi síðan, ok váru hinir mestu vinir Norðmanna
25 alla stund, ok áttu friðland í Norðmandí allir Norðmenn,
þeir er þat vildu þekkjast. Um haustit kom Ólafr konungr
í Norðmandí, ok dvaldist þar um vetrinn í Signu ok
hafði þar friðland.

Frá Einari þambarskelfi.

30 20. Eptir fall Ólafs Tryggvasonar gaf Eiríkr jarl grið
Einari þambarskelfi, syni Eindriða Styrkárssonar. Einarr
fór með jarli norðr í Noreg, ok er sagt, at Einarr hafi verit
allra manna sterkastr ok beztr bogmaðr, er verit hafi í
Noregi, ok var harðskeyti hans umfram alla menn aðra:

hann skaut með bakkakólfi í gegnum uxahúð hráblauta, er hékk á ási einum; skiðfærr var hann hverjum manni betr; hinn mesti var hann íþróttamaðr ok hreystimaðr; hann var ættstórr ok auðigr. Eiríkr jarl ok Sveinn jarl giptu Einari systur sína Bergljótu Hákonardóttur; hon var hinn mesti skörungr; Eindriði hét son þeira. Jarlar gáfu Einari veizlur stórar í Orkadal, ok gerðist hann ríkastr ok göfgastr í Þröendalögum, ok var hann hinn mesti styrkr jarlanna ok ástvin.

Frá Erlingi Skjálgssyni.

10

21. Þá er Ólafr Tryggvason réð fyrir Noregi, gaf hann Erlingi mági sínum hálfar landskyldir við sik ok at helmingi allar konungstekjur milli Líðandisness ok Sogns. Ólafr konungr gipti aðra systur sína Rögnvaldi jarli Úlfsyni; hann réð lengi fyrir vestra Gautlandi. Úlfr faðir Rögnvalds var bróðir Sigríðar hinnar stórráðu móður Ólafs Sviakonungs. Eiríkr jarl lét sér eigi líka, at Erlingr Skjálgsson hefði svá mikit ríki, ok tók hann undir sik allar konungseigur, þær er Ólafr konungr hafði veitt Erlingi. En Erlingr tók jafnt sem áðr allar landskyldir um Rogaland, ok guldu landsbúar opt tvinnar landskyldir, en at öðrum kosti eyddi hann jarðarbygðina. Lítit fékk jarl af sakeyri, því at ekki hældust þar sýslumenninir, ok því at eins fór jarl þar at veizlum, er hann hefði mikit fjölmenni. Þess getr Sigvatr:

25

Erlingr var svá jarla
átt, er skjöldungr máttit,
Ólafs mágr at ægði
aldyggs sonar Tryggva.

Næst gaf sína systur
snarr búþegna harri,
Úlfs feðr var þat, aðra,
aldrgipta, Rögnvaldi.

Eiríkr jarl orti fyrir því ekki á at berjast við Erling, at hann var frændstórr ok frændmargr, ríkr ok vinsæll; sat hann jafnan með fjölmenni, svá sem þar væri konungs hirð. Erlingr var opt á sumrum í hernaði ok fékk sér fjár, því at hann hélt teknum hætti um rausn ok stórmensku, þótt

30

hann hefði þá minni veizlur ok úhallkvæmri en um daga Ólafs konungs mágs síns. Erlingr var allra manna friðastr ok mestr ok sterkastr, vígr hverjum manni betr, ok um allar íþróttir líkastr Ólafi konungi Tryggvasyni; hann var
5 vitr maðr ok kappsamr um alla hluti ok hinn mesti hermaðr. Þess getr Sigvatr:

Erlingi var engi annarr lendra manna örr sá er átti fleiri 10 orrostur stoðþorrinn.	Þrek bar seggr til sóknar sinn, því at fyrst gékk innan mildr í marga hildi mest en or á lesti.
--	--

Þat hefir jafnan verit mál manna, at Erlingr hafi göfgastr allra lendra manna verit í Noregi. Þau váru börn Erlings ok Ástríðar: Áslákr, Skjálgr, Sigurðr, Loðinn, Þórir, ok Ragnhildr, er átti Þorbergr Árnason. Erlingr hafði jafnan
15 með sér 90 frelsingja eða fleira, ok var þat bæði vetr ok sumar, at þar var máldrykkja at dagverðarborði, en at náttverði var úmælt drukkit. En þá er jarlar váru nær, hafði hann 200 manna eða fleira. Aldri fór hann fámeðri en með tvítúgssessu alskipaða. Erlingr átti skeið mikla, 2.
20 rúm ens fjórða tugar, ok þó mikla at því: hann hafði hana í víking eða stefnuleiðangr, ok váru þar á 200 manna eða meir.

Frá Erlingi hersi.

22. Erlingr hafði jafnan heima 30 þræla, ok umfram
25 annat man; hann ætlaði þrælum sínum dagsverk, ok gaf þeim stundir síðan ok lof til at hverr er sér vildi vinna um rækkr eða um nætr; hann gaf þeim akrlönd at sá sér korni ok fœra ávöxtinn til fjár sér; hann lagði á hvern þeira verð ok lausn; leystu margir sik hin fyrstu misseri
30 eða önnur, en allir, þeir er nökkurr þrifnaðr var yfir, leystu sik á 3 vetrum. Með því fé keypti Erlingr sér annat man; en leysingjum sínum vísaði hann sumum í síldfiski en sumum til annarra féfanga; sumir ruddu markir ok gerðu þar bú í; öllum kom hann til nökkurs þroska.

Frá Eiríki jarli.

23. Þá er Eiríkr jarl hafði ráðit fyrir Noregi 12 vetr, kom til hans orðsending Knúts Danakonungs mágs hans, at Eiríkr jarl skyldi fara með honum herferð vestr til Englands með her sinn, því at Eiríkr var frægr mjök af hernaði sínum, er hann hafði borit sigr or 2 orrostum, þeim er snarpastar höfðu verit á Norðrlöndum. Önnur sú er þeir Hákon jarl ok Eiríkr börðust við Jómsvíkinga, en sú önnur er Eiríkr barðist við Ólaf konung Tryggvason. Þess getr Þórðr Kolbeinsson:

10

Enn hefk leyfð þar er lofða	at skyldligast skyldi,
lofkenda frá ek sendu	skil ek hvat gramr lézk vilja,
at hjálmsömum hilmi	endr til ásta fundar
hjarls dróttna boð jarli,	Eiríkr koma þeira.

Jarl vildi eigi undir höfuð leggjast orðsending konungs, fór hann or landi, en setti eptir í Noregi lands at gæta Hákon jarl son sinn, ok fékk hann í hönd Einari þambarskelfi mági sínum, at hann skyldi hafa landráð fyrir Hákon, því at hann var þá eigi ellri en 17 vetra. Eiríkr kom á England til fundar við Knút konung, ok var með honum þá er hann vann Lundúnaborg. Eiríkr jarl barðist fyrir vestan Lundúnaborg; þar feldi hann Úlfkel snilling. Svá segir Þórðr Kolbeinsson:

Gullkennir lét gunni,	Fékk regnþorins rekka
grœðis hests, fyrir vestan,	rönn um þingamönnum
þundr vá leyfðr til landa,	ýglig högg þar er eggjar
Lundún saman bundit.	Úlfkell blár skulfu.

25

Eiríkr jarl var á Englandi einn vetr ok átti nökkurar orrostur, en annat haust eptir ætlaði hann til Rómferðar; þá andaðist hann af blóðláti þar á Englandi.

30

Dráp Jatmundar.

24. Knútr konungr átti margar orrostur á Englandi við sonu Aðalráðs Englakonungs, ok höfðu ymsir betr. Hann kom þat sumar til Englands, sem Aðalráðr andaðist.

Þá fékk Knútr konungr Emmu dróttningar; váru börn þeira Haraldr, Hörðaknútr, Gunnhildr. Knútr konungr sættist við Eaðmund konung, skyldi hafa hálft England hvárr þeira. Á sama mánaði drap Heinrekr strjóna Eaðmund konung.
 5 Eptir þat rak Knútr konungr af Englandi alla sonu Aðalráðs konungs. Svá segir Sigvatr:

Ok senn sonu	Aðalráðs eða
sló hvern ok þó	út flæmdi Knútr.

Frá Ólafi ok Aðalráðs sonum.

10 25. Þat sumar kómu synir Aðalráðs konungs af Eng-
 landi til Rúðu í Valland til móðurbræðra sinna, er Ólafr
 Haraldsson kom vestan or víking, ok váru allir þann vetr
 í Norðmandí ok bundu lag sitt saman með þeim skildaga,
 at Ólafr konungr skyldi hafa Norðimbraland, ef þeir eignaðist
 15 England af Dönum. Þá sendi Ólafr konungr um haustit
 Hrana fóstura sinn til Englands at eflast þar at liði, ok
 sendu Aðalráðs synir hann með jartegnum til vina sinna
 ok frænda, en Ólafr konungr fékk honum lausafé mikit
 at spenja lið undir þá, ok var Hrani um vetrinn í Eng-
 20 landi ok fékk trúnað margra ríkismanna, ok var lands-
 mönnum betr viljat at hafa samlenda konunga yfir sér,
 en þó var þá orðinn svá mikill styrkr Dana í Englandi, at
 alt landsfólk var undirbrotit ríki þeira.

Orrosta Ólafs konungs.

25 26. Um várit fóru þeir vestan allir saman Ólafr
 konungr ok synir Aðalráðs konungs, kómu til Englands
 þar er heitir Jungufurða, géngu þar á land upp með liði
 sínu ok til borgar. Þar váru fyrir margir þeir menn er þeim
 höfðu liði heitit; þeir unnu borgina ok drápu mart manna.
 30 En er við urðu varir Knúts konungs menn, þá drógu þeir
 her saman ok urðu brátt fjölmennir, svá at synir Aðalráðs
 konungs höfðu ekki liðsafla við, ok sá þann sinn kost helzt
 at halda í brott ok aþr vestr til Rúðu. Þá skildist Ólafr konungr

við þá ok vildi eigi fara til Vallands. Hann sigldi norðr með Englandi alt til Norðimbraland, hann lagði at í höfn þeiri, er kölluð er fyrir Valdi, ok barðist þar við bœjarmenn ok kaupmenn ok fékk þar sigr ok fé mikit.

Ferð Ólafs konungs til Noregs.

5

27. Ólafr konungr lét þar eptir vera langskipin, en bjó þaðan knörru tvá, ok hafði hann þá 20 menn ok 200 albrynjaða, ok valit mjök. Hann sigldi norðr í haf um haustit, ok féngu ofviðri mikit í hafi, svá at mannhætt var, en með því at þeir höfðu liðskost góðan ok hamingju konungs, þá hlýddi vel. Svá segir Óttarr:

Valfasta, bjóttu vestan,
veðrörr! tvá knörru;
hætt hafit ér í ótta
opt, skjöldunga þópti!

Næði straumr, ef stœði,
strangr kaupskipum angra,
innan borðs, um unnir,
erringar lið verra.

15

Ok enn svá:

Eigi hrædduzk ægi
ér, fórut sjá stóran,
allvaldr um getr aldar
engi nýtri drengi.

Opt var fars, en forsi
flaust hratt af sér brattum,
neytt áðr Noreg hittut,
niðjungr Haralds! miðjan.

20

Hér segir þat, at Ólafr konungr kom utan at miðjum Noregi, en sú ey heitir Sæla, er þeir tóku land, út frá Staði. Þá mælti Ólafr konungr, lét þat mundu vera tíma-
dag, er þeir höfðu lent við Sælu í Noregi, ok kvað þat vera mundu góða vitneskju er svá hafði atborizt. Þá géngu 25 þeir upp á eya; stígr konungr þar öðrum fœti, sem var leira nökkur, en studdist öðrum fœti á kné. Þá mælti hann: Féll ek nú, segir konungr. Þá svarar Hrani: Eigi félltu, konungr, nú festir þú fœtr í landi. Konungr hló við ok mælti: Vera má svá, ef guð vill. Ganga þá ofan til 30 skipa ok sigldu suðr til Úlfasunda. Þar spurðu þeir til Hákonar jarls, at hann var suðr í Sogni, ok var hans þá ván norðr, þegar er byr gæfi, ok hafði hann eitt skip.

5 n p
c. 20

Tekinn Hákon jarl í Sauðungssundi.

28. Ólafr konungr hélt inn af leið skipum sínum, er hann kom suðr yfir Fjalir, ok sneri inn til Sauðungssunda ok lagðist þar, lágu sínum megin sundsins hváru skipinu ok höfðu milli sín kaðal digran. Á þeirri sömu stundu reri at sundinu Hákon jarl Eiríksson með skeið skipaðri, ok hugðu þeir vera í sundinu kaupskip 2, róa þeir í sundit fram milli skipanna. Nú draga þeir Ólafr konungr strengina upp undir miðjan kjöl skeiðinni ok undu með vindásam: þegar er nökkut festi skeiðina, gékk upp aptr en steptist fram, svá at sjárin féll inn um sōxin, ok fylti skeiðina, ok því næst holfði. Ólafr konungr tók þar af sundi Hákon jarl ok alla þá menn hans, er þeir náðu handtaka, en suma drápu þeir, en sumir sukku niðr. Svá segir Óttarr:

15

Blágjóða, tóktu, bræðir
bengjálfrs, ok þá sjálfa,
skatti gnoegðr, með skreyttu
skeið Hákonar reiði.

Ungr sóttir þú, Þróttar
þings mágreennir! hingat,
máttit jarl, þau er áttuð
áttlönd, fyrir því standa.

20 Hákon jarl var uppleiddr á skip konungs; var hann allra manna fríðastr er menn höfðu sét; hann hafði hár mikit ok fagrt sem silki, bundit um höfuð sér gullhlaði; settist hann í fyrirrúmit. Þá mælti Ólafr konungr: Eigi er þat logit af yðr frændum, hversu fríðir menn þér erut sýnum, en farnir erut þér nú at hamingju. Þá sagði Hákon: Eigi er þetta úhamingja, er oss hefir hent; hefir þat lengi verit, at ymsir hafa sigraðir verit, svá hefir ok farit með várum frændum ok yðrum, at ymsir hafa betr haft; em ek lítt kominn af barns aldri, váru vér nú ok eigi vel við komnir at verja oss, vissum vér nú ekki vánir til úfriðar; kann vera, at oss takist annat sinn betr til en nú. Þá svarar Ólafr konungr: Grunar þik ekki þat, jarl, at hér hafi svá atborit, at þú munir hvárki fá héðan í frá sigr né úsigr? Jarl segir: Þér munut ráða,

Agrip 120
A168

konungr, at sinni. Þá segir Ólafr konungr: Hvat viltu til vinna, jarl, at ek láta þik fara at sinni, hvert er þú vill heilan ok úsakaðan. Jarl spyrr, hvers hann vildi beiðast. Konungr svarar: Enskis annars en þú farir or landi ok gefir svá upp ríki yðart, ok sverir þess eiða, at þér 5 haldit eigi orrostur héðan ífrá í gegn mér. Jarl svarar, lézt svá gera mundu. Nú vinnr Hákon jarl Ólafi konungi eiða, at hann skal aldri síðan berjast í móti honum, ok eigi verja Noreg með úfriði fyrir Ólafi konungi né sækja hann. Þá gefr Ólafr konungr honum grið ok öllum hans 10 mönnum; tók jarl við skipi því er hann hafði þangat haft. Róa menn nú í brott leið sína. Þess getr Sigvatr skáld:

Ríkr kvað sér at sækja
 Sauðungs konungr nauðir
 fremdar gjarn í fornu
 fund Hákonar sundi.

Strangr hitti þar þengill
 þann jarl er varð annarr
 æztr ok ætt gat bezta
 ungr á danska tungu.

15

Ferð Hákonar jarls af Noregi.

29. Eptir þetta býr jarl sik sem skyndiligast or landi ok siglir vestr til Englands, ok hittir þar Knút konung 20 móðurbróður sinn, segir honum alt hvernug farit hefir með þeim Ólafi konungi. Knútr konungr tók við honum forkunnar vel; setti hann Hákon innan hirðar með sér ok gefr honum mikit vald í sínu ríki; dvaldist Hákon jarl þar nú langa hríð með Knúti. Þá er þeir Sveinn ok Hákon réðu 25 Noregi, gerðu þeir sátt við Erling Skjálgsson, ok var bundit með því, at Áslákr son Erlings fékk Gunnhildar dóttur Sveins jarls; skyldu þeir feðgar Erlingr ok Áslákr hafa veizlur þær allar, er Ólafr konungr Tryggvason hafði fengit Erlingi. Gerðist Erlingr þá fullkominn vinr jarlanna, ok 30 bundu þeir þat swardögum sín á milli.

Viðrbúnaðr Ástu.

30. Ólafr konungr hinn digri snýr nú austr með landi ok átti víða þing við bændr, ok ganga margir til

(.) Heimskringla

handa honum, en sumir mæla í móti, þeir er váru frændr
eða vinir Sveins jarls. Fór Ólafr konungr fyrir því skyndi-
liga austr til Víkr, ok heldr liði sínu inn í Víkina ok setr
upp skip sín, snýr þá á land upp. Ok er hann kom
5 á Vestfold, þá fögnuðu honum þar vel margir menn,
þeir sem verit höfðu kunnmenn eða vinir föður hans;
þar var ok mikit ætterni hans um Foldina. Hann fór
um haustit á land upp til Sigurðar konungs mágs
síns, ok kom þar snimma einnhvern dag. En er Ólafr
10 konungr kemr nær bænum, þá hljópu þar fyrir þjón-
ostusveinar til bæjarins ok inn í stofuna. Ásta móðir Ólafs
konungs sat þar inni, ok konur nökkurar með henni; þá
sögðu sveinarnir henni um ferð Ólafs konungs, ok svá, at
hans var þangat brátt ván. Ásta stendr upp þegar ok
15 hét á karla ok konur at búast um þar sem bezt; hon lét
4 konur taka búnað stofunnar ok búa skjótt með tjöldum
ok um bekki; 2 karlar báru hálminn á gólfít, 2 settu
trapizuna ok skapkerit, 2 settu borðin, 2 settu vistina, 2
sendi hon brott af bænum, 2 báru inn ölit, en allir aðrir bæði
20 konur ok karlar géngu út í garðinn. Sendimenn fóru til
Sigurðar konungs, þar sem hann var, ok fœrðu honum
tignarklæði hans ok hest hans með gyltum söðli, en bitullinn
settr smeltum steinum ok allr gyltr. Fjóra menn sendi hon
fjögurra vegna í bygðina ok bauð til sín öllu stórmenni
25 at þiggja veizlu, er hon gerði fagnaðaröl í móti syni sínum.
Alla menn aðra, er fyrir váru, lét hon taka hinn bezta búnað,
er til áttu, en þeim lánaði hon klæði, er eigi áttu sjálfir.

Frá búnaði Sigurðar konungs.

31. Sigurðr konungr sýr var þá staddr út á akri, er
30 sendimenn kómu til konungs ok sögðu honum þessi tíðindi,
ok svá alt þat er Ásta lét athafast heima á bænum. Hann
hafði þar marga menn, sumir skáru korn, sumir bundu,
sumir óku heim korni, sumir hlóðu í hjálma eða í hlöður;

en konungr ok 2 menn með honum géngu stundum á akrinn, stundum þar er hlaðit var korninu. Svá er sagt um búnað hans, at hann hafði kyrtil blán ok blár hosur, háva skúa ok bundna at legg, grá kápu ok grán hött víðan, ok url um andlit, staf í hendi, ok ofan á silfrhólkr gyltr 5 ok í silfrhríng. Svá er sagt frá lunderni Sigurðar konungs, at hann var sýslumaðr mikill ok búnaðarmaðr um fé sitt ok bú, ok réð sjálf búnaði; engi var hann skartsmaðr ok heldr fámálugr; hann var allra manna vitrastr, þeira er þá váru í Noregi, ok auðgastr at lausafé; hann var frið- 10 samr. ok úágjarn. Ásta kona hans var ör ok ríklunduð. Þessi váru börn þeira: Guthormr var elztr, þá Gunnhildr, þá Hálfðan, þá Ingiriðr, þá Haraldr. Þá mæltu sendimenn: Þau orð bað Ásta, at vit skyldim bera þér, at nú þótti henni allmiklu máli skipta, at þér tækist stórmannliga, ok 15 bað þess, at þú skyldir meir líkjast í ætt Haralds hins hárfagra at skaplyndi en Hrana mjónef móðurföður þínum eða Nereið jarli hinum gamla, þótt þeir hafi verit spekingar miklir. Konungr segir: Tíðindi mikil segi þér, enda berit þér allákaflega; látit hefir Ásta mikit yfir þeim mönnum 20 fyrr, er henni var minni skylda til, ok sé ek at sama skaplyndi hefir hon enn, ok tekr hon þetta með miklum ákafa, ef hon fær svá útleiddan son sinn, at þat sé með þvílíkri stórmensku, sem nú leiðir hon hann inn. En svá lízt mér, ef þetta skal vera, at þeir er sik veðsetja í þetta mál, 25 munu hvárki sjá fyrir fé sínu né fjörvi. Þessi maðr Ólafr konungr berst í móti miklu ofrefli, ok á honum ok hans ráðum liggr reiði Danakonungs ok Sviakonungs, ef hann heldr þessu fram.

Veizlan.

30

32. Nú er konungr hafði þetta mælt, þá sezt hann niðr ok lét draga af sér skóklæði, ok setti á fœtr sér kordúnahosur ok batt með gyltum sporum; þá tók hann af sér kápuna ok kyrtilinn, ok klæddi sik með pellsklæðum ok yzt

skarlatskápu, gyrði sik með sverði búnu, setr gyltan hjálm á höfuð sér, stígr þá á hest sinn. Hann gerði verkmen-
 5 menn í bygðina ok tók sér 30 manna vel búna, er riðu heim með honum. En er þeir riðu upp í garðinn fyrir
 stofuna, þá sá hann öðrummegin í garðinum, hvar brunaði fram merki Ólafs konungs, ok þar hann sjálfr með, ok 100 manna
 með honum, ok allir vel búnir; þá var ok skipat mönnum alt milli húsanna. Fagnaði Sigurðr konungr þegar af hesti
 Ólafi konungi stjúpsyni sínum ok liði hans, ok bauð honum
 10 inn til drykkju með sér; en Ásta gékk til ok kysti son sinn ok bauð honum með sér at dveljast, ok alt heimolt lönd ok lið, er hon mætti veita honum. Ólafr konungr þakkaði henni vel orð sín. Hon tók í hönd honum ok leiddi hann eptir sér í stofuna ok til hásetis. Sigurðr konungr
 15 fékk menn til at varðveita klæðnað þeira ok gefa korn hestum þeira, en hann gékk til hásetis síns, ok var sú veizla ger með hinu mesta kappi.

Málstefna Ólafs konungs ok Sigurðar konungs.

33. En er Ólafr konungr hafði þar eigi lengi verit,
 20 þá var þat einhvern dag, at hann heimti til tals við sik ok á málstefnu Sigurð konung mág sinn ok Ástu móður sína ok Hrana fóstura sinn. Þá tók Ólafr konungr til máls: Svá er, segir hann, sem yðr er kunnigt, at ek em kominn hingat til lands, ok verit áðr langa hríð utanlands; hefi
 25 ek ok mínir menn haft þat einu alla þessa stund til framflutningar oss, er vér höfum sótt í hernaði, ok í mörgum stöðum orðit til at hætta bæði lífi ok sálu; hefir margr maðr fyrir oss, sá er saklauss hefir verit, orðit at láta féit, en sumir lífit með; en yfir þeim eignum sitja
 30 útlendir menn, er átti minn faðir ok hans faðir, ok hverr eptir annan várara frænda, ok em ek óðalborinn til. Ok láta þeir sér eigi þat einhlítt, heldr hafa þeir uadir sik tekit eigur allra várara frænda, er at langfeðgatali erum komnir frá Haraldi hinum hárfagra; miðla þeir sumum lítit af,

eu sumum með öllu ekki. Nú skal því upplúka fyrir yðr,
 er mér hefir mjök lengi í skapi verit, at ek ætla at heimta
 föðurarf minn, ok mun ek hvárki koma á fund Danakon-
 ungs né Sviakonungs at biðja þá né einna muna um, þótt
 þeir hafi nú um hrið kallat sína eign, þat er var arfr 5
 Haralds hárfagra, ætla ek heldr, yðr satt til at segja,
 at sækja oddi ok eggju frændleifð mína ok kosta þar at
 allra frænda minna ok vina ok þeira allra, er at þessu
 ráði vilja hverfa með mér. Skal ek ok svá upphefja þetta
 tilkall, at annathvært skal vera, at ek skal eignast ríki þat 10
 alt til forráða, er þeir feldu frá Ólaf konung Tryggvason
 frænda minn, eða ek skal hér falla á frændleifð minni. Nú
 vænti ek um þik, Sigurðr mágr, eða aðra þá menn í landinu,
 er óðalbornir eru hér til konungdóms, at lögum þeim er
 setti Haraldr hárfagri, þá mun yðr eigi svá mikilla muna 15
 ávant, at þér munit upphefjast at reka af höndum frænda-
 skömm þessa, at eigi munut þér alla yðr viðleggja at efla
 þann, er forgangsmaðr vill vera at hefja upp ætt vára. En
 hvárt sem þér vilit lýsa nökkurn manndóm um þenna hlut,
 þá veit ek skaplyndi alþýðunnar, at til þess væri öllum 20
 títt, at komast undan þrælkan útlendra höfðingja, þegar
 er traust yrði til. Hefi ek fyrir þá sök þetta mál fyrir
 engan mann borit fyrr en þik, at ek veit at þú ert maðr
 vitr ok kant góða forsjá til þess, hvernug reisa skal frá
 upphafi þessa ætlan, hvárt þat skal fyrst ræða af hljóði 25
 fyrir nökkurum mönnum, eða skal þat bera þegar í fjölmæli
 fyrir alþýðu; hefi ek nú nökkut roðit tönn á þeim, er ek
 tók höndum Hákon jarl, ok er hann nú or landi stokkinn,
 ok gaf hann mér með swardögum þann hluta ríkis, er hann
 átti áðr. Nú ætla ek oss munu léttara falla at eiga um 30
 við Svein jarl einn saman, heldr en þá at þeir væri báðir
 til landvarnar. Sigurðr konungr svarar nú: Eigi býr
 þér lítit í skapi, Ólafr konungr; er þessi ætlan meir af
 kappi en forsjá, at því sem ek virði, enda er þess ván, at
 langt muni í milli vera lítilmensku minnar ok áhuga þess 35

þess hins mikla, er þú munt hafa; því at þá er þú vart lítt af barnaldri kominn, vartu þegar fullr af kappi ok újafnaði í öllu því er þú máttir; ertu nú ok reyndr mjök í orrostum ok samit þik eptir siðvenju útlendra höfðingja. Nú veit ek, 5 at svá fremi munt þú þetta hafa upptekit, at ekki mun tjá at letja þik, er ok várkunn á, at slíkir hlutir liggi í miklu rúmi þeim, er nökkurir eru kappsmenn, er öll ætt Haralds hárfagra ok konungdómr fellr niðr. En í engum heitum vil ek bindast, fyrr en ek veit ætlan eða tiltekju annarra 10 konunga á Upplöndum; en vel hefir þú þat gert, er þú lézt mik fyrr vita þessa ætlan, en þú bærir þat í hámgæli fyrir alþýðu; heita vil ek þér umsýslu minni við konunga ok svá við aðra höfðingja eða annat landsfólk; svá skal þér ok, Ólafr konungr, heimolt fé mitt til styrks þér. En 15 svá fremi vil ek, at vér berim þetta fyrir alþýðu, er ek sé at nökkur framkvæmd mætti at verða eða nökkurr styrkr fæst til þessa stórræðis; fyrir því at svá skaltu til ætla, at mikit er í lang tekit, ef þú vilt kappi deila við Ólaf Svíakonung ok við Knút, er nú er bæði konungr í Englandi 20 ok Danmörk, ok mun rammar skorður þurfa við at reisa, ef hlýða skal. En ekki þykki mér úlíkligt, at þér verði gott til liðs, því at alþýðan er gjörð til nýjungarinnar; fór svá fyrr, er Ólafr konungr Tryggvason kom til lands, at allir urðu því fegnir, ok naut hann þó eigi lengi konungdómsins. 25 Þá er svá var komit ræðunni, tók Ásta til orða: Svá er mér um gefit, son minn, at ek em þér fegin orðin, ok því fegnast, at þinn þroski mætti mestr verða; vil ek til þess engi blut spara þann er ek á kosti; en hér er lítt til ráðastoda at sjá er ek em, en heldr vilda ek, 30 þótt því væri at skipta, at þú yrðir yfirkonungr í Noregi, þótt þú lifðir eigi lengr í konungdóminum en Ólafr Tryggvason, heldr en hitt, at þú værir eigi meiri konungr en Sigurðr sýr, ok yrðir ellidauðr. Ok eptir þessi orð alitu þeir málstefnunni. Dvaldist Ólafr konungr þar um hríð 35 með öllu liði sínu. Sigurðr konungr veitti þeim annanhvern

dag at bordhaldi fiska ok mjólk, en annanhvern slátr ok mungát.

Frá Upplendinga konungum.

34. Í þenna tíma váru margir Upplendinga konungar, þeir er fyrir fylkjum réðu, ok váru þeir flestir komnir af ætt Haralds hins hárfagra. Fyrir Heiðmörk réðu 2 bræðr Hroerekr ok Hringr, en í Guðbrandsdölum Guðröðr. Konungr var ok á Raumaríki. Einn konungr var ok sá, er hafði Þótn ok Haðaland; á Valdresi var ok konungr. Sigurðr konungr sýr átti stefnulag við fylkiskonunga uppi á Haðalandi, ok var á þeiri stefnu Ólafr Haraldsson. Þá bar Sigurðr upp fyrir fylkiskonunga, þá sem hann hafði stefnulag við gert, ráðastofnan Ólafs mágs síns, ok biðr þá styrks bæði at liði ok ráðum ok samþykki; telr þá upp, hver nauðsyn þeim var á at reka af höndum þat undirbrot, er Danir ok Svíar hafi þá undirlagt; segir, at nú mun til verða sá maðr, er fyrir mun ganga í þessu ráði; telr þá upp mörg snildarverk, þau er Ólafr konungr hefir gert í ferðum sínum ok hernaði. Þá segir Hroerekr konungr: Satt er þat, at mjök er niðrfallit ríki Haralds konungs hins hárfagra, er engi hans ættmaðr er yfirkonungr í Noregi. Nú hafa menn hér í landi ymiss við freistat. Var Hákon Aðalsteinsfóstri konungr, ok undu allir, því vel; en er Gunnhildar synir réðu fyrir landi, þá varð öllum leitt þeira ofríki ok újafnaðr, at heldr vildu menn hafa útlenda konunga yfir sér ok vera sjálfráðari, því at útlendir höfðingjar váru þeim jafnan fjarri ok vönduðu lítt um siðu manna, höfðu slíkan skatt af landi, sem þeir skildu sér. En er þeir urðu úsáttir Haraldr Danakonungr ok Hákon jarl, þá herjuðu Jómsvíkingar í Noreg, þá réðst í móti þeim allr múgr ok margmenni ok hratt þeim úfriði af sér; eggjuðu menn til þess Hákon jarl at halda landi fyrir Danakonungi ok verja oddi ok eggju; en er hann þóttist fullkominn til ríkis af styrk landsmanna, þá gerðist hann svá harðr ok

frekr við landsfólkit, at menn þoldu honum eigi, ok drápu
 Þrændir sjálfir hann ok hófu þá til ríkis Ólaf Tryggvason, er
 óðalborinn var til konungdómsins ok fyrir allra hluta sakir
 vel til höfðingja fallinn; geystist at því allr landsmúgr at
 5 vilja hann hafa at konungi yfir sér ok reisa þá upp af
 nýju þat ríki, er eignast hafði Haraldr hinn hárfagri. En
 er Ólafr konungr þóttist fullkominn at ríki, þá var fyrir
 honum engi maðr sjálfráði; gekk hann við freku at við oss
 smákonungana at heimta undir sik þær skyldir allar, er
 10 Haraldr hinn hárfagri hafði hér tekit, ok enn sumt frekara;
 en at síðr váru menn fyrir honum sjálfráða, at engi réð á
 hvern guð trúa skyldi. En er hann var frá landi tekinn,
 þá höfum vér nú haldit vináttu við Danakonung, ok höfum
 vér af honum traust mikit haft um alla hluti, er vér þurfum
 15 at krefja, en sjálfræði ok hóglífi innanlands ok ekki ofríki.
 Nú er þat at segja frá mínu skaplyndi, at ek uni vel við
 svá búit; veit ek eigi þat, þótt minn frændi sé konungr
 yfir landi, hvárt batna skal við þat minn réttir nökkut; en
 ella mun ek engan hlut eiga í þessarri ráðagerð. Þá mælti
 20 Hringr bróðir hans: Birta mun ek mitt skaplyndi; betra
 þykki mér, þótt ek hafa hit sama ríki ok eignir, at minn
 frændi sé konungr yfir Noregi heldr en útlendir höfðingjar,
 ok mætti enn vára sætt upphefja hér í landi; en þat er
 mitt hugboð um þenna mann Ólaf, at auðna hans ok ham-
 25 ingja muni ráða, hvárt hann skal ríki fá eða eigi; en ef
 hann verðr einvaldskonungr yfir Noregi, þá mun sá þykkja
 betr hafa, er stærri hluti á til at telja við hann um vináttu.
 Nú hefir hann í engan stað meira kost en einnhverr várr,
 en því minna, at vér höfum nökkur lönd ok ríki til forráða,
 30 en hann hefir alls engi, erum vér ok eigi síðr óðalbornir
 til konungdóms. Nú viljum vér gerast svá miklir liðsinn-
 ismenn hans, at unna honum hinnar æztu tignar hér í
 landi ok fylgja þar at með öllum várum styrk. Hví muni
 hann oss þat eigi vel launa ok lengi muna með góðu, ef
 35 hann er svá mikill manndomsmaðr, sem ek hygg ok allir

segja? Nú munum vér á þá hættu leggja, ef ek skal ráða, at binda við hann vináttu. Eptir þat stóð upp hverr at öðrum ok talaði, ok kom þar niðr, at þess váru flestir fúsari at binda félagskap við Ólaf konung. Hann hét þeim sinni vináttu fullkominni ok réttarbót, ef hann yrði einvalds-
konungr yfir Noregi. Binda þeir þá sætt sína með swardögum.

Gefit Ólafi konungsnafn.

35. Eptir þat stefndu konungar þing; þá bar Ólaf konungr upp fyrir alþýðu þessa ráðagerð ok þat tilkall er hann hefir þar til ríkis, biðr þá boendr sér viðröðu til
konungs yfir landi, heitr þeim þar í móti lögum fornum ok því at verja land fyrir útlendum her ok höfðingjum; talar hann um þat langt ok snjalt ok fékk góðan róm at máli sínu. Þá stóðu upp konungar ok töluðu annarr at öðrum, ok fluttu allir þetta mál ok erendi fyrir lýðinum.
Varð þat þá at lyktum, at Ólafi var gefit konungsnafn yfir landi öllu ok dæmt honum land at upplenzkum lögum.

Ferð Ólafs konunga um Upplönd.

36. Þá hóf Ólaf konungr þegar upp ferð sína ok lét bjóða upp veizlur fyrir sér þar sem konungsbúi var; fór hann fyrst um Haðaland, ok þá sótti hann norðr í Guðbrandsdala; fór þá svá sem Sigurðr sýr hafði getit, at hö dreif til hans svá mart, at hann þóttist eigi hálft þurfa, ok hafði hann þá nær 300 manna. Þá endust honum ekki
veizlurnar, sem ákveðit var; því at þat hafði verit siðvenja, at konungar fóru um Upplönd með 60 manna eða 70, en aldri meir en 100 manna. Fór konungr þá skjótt yfir ok var eina nótt í sama stað. En er hann kom norðr til fjalls, þá byrjar hann ferð sína, kemr norðr um fjallit ok
fór til þess, er hann kom norðr af fjallinu. Ólaf konungr kom ofan í Uppdal ok dvaldist þar um nótt. Síðan fór hann um Uppdalsskóg ok kom fram í Meðaldal, krafði þar þings ok stefndi þar til sín bóndum. Síðan talaði konungr

á þinginu ok krafði boendr sér viðtöku, bauð þeim þar í
mót rétt ok lög, svá sem boðit hafði Ólafr konungr Trygg-
vason. Boendr höfðu engi styrk til þess at halda úsætt
við konung, ok lauk svá, at þeir veittu konungi viðtöku
5 ok bundu þat swardögum. En þó höfðu þeir áðr gert
njón ofan í Orkadæl ok svá í Skaun, ok létu segja um
ferð Ólafs konungs alt þat er þeir vissu af.

Útboð um Þrándheim.

37. Einarr þambarskelfir átti bú á Húsabœ á Skaun;
10 en er honum kom njón um farar Ólafs konungs, þá
lét hann þegar skera upp herör ok senda fjóra vega,
stefndi saman þegn ok þræl með alvæpni, ok fylgði þat
boði, at þeir skyldu verja land fyrir Ólafi konungi. Örboð
fór til Orkadals ok svá til Gaulardals, ok dróst þar alt
15 herr saman.

Ferð Ólafs konungs í Þrándheim.

38. Ólafr konungr fór með liði sínu ofan til Orka-
dals, fór hann allspak'iga ok með friði. En er hann kom
út á Grjótar, mætti hann þar búandasamnaði, ok höfðu
20 þeir meir en 700 manna; fylkti þá konungr liði sínu, því
at hann hugði, at boendr mundi berjast vilja. En er boendr
sá þat, þá tóku þeir at fylkja, ok varð þeim alt úmjúkara,
því at áðr var eigi um ráðit, hverr höfðingi skyldi vera
fyrir þeim. En er Ólafr konungr sá þat, at bøndum tókst
25 úgreitt, þá sendi hann til þeira Þóri Guðbrandsson; en er
hann kom, segir Þórir, at Ólafr konungr vill eigi berjast
við þá; hann nefndi 12 menn, þá er ágætastir váru í þeira
flokki, at koma til fundar við Ólaf konung. En boendr
þektust þat ok ganga fram yfir egg nokkura, er þar verðr,
30 þar til er stóð fylking konungs. Þá mælti Ólafr konungr:
Þér boendr hafit nú vel gert, er ek á kost at tala við yðr,
því at ek vil þat yðr segja um erendi mitt hingat til Þránd-
heims. Þat er í upphafi, at ek veit, at þér hafit áðr spurt,

at vér Hákon jarl fundumst í sumar, ok lauk svá várum skiptum, at hann gaf mér ríki þat alt, er hann átti hér í Þrándheimi, en þat er, sem þér vituð, Orkdælafylki ok Gauldælafylki ok Strindafylki ok Eynafylki; en ek hefi hér vitnismenn, þá er þar váru ok handsal okkat jarls sá ok 5 heyrðu orð ok eiða ok allan skildaga, er jarl veitti mér; vil ek yðr lög bjóða ok frið, eptir því sem fyrir mér bauð Ólafr konungr Tryggvason. Hann talaði langt ok snjalt, ok kom þar at lokum, at hann bauð bóndum 2 kosti, þann annan at ganga til handa honum ok veita honum hlýðni, 10 sá var annarr at halda þá við hann orrostu. Síðan fóru bæendr aptr til liðs síns ok sögðu sín erendi, leituðu þá ráðs við alt fólk, hvern þeir skyldu aftaka. En þótt þeir kærði þetta um hrið milli sín, þá kuru þeir þat af at ganga til handa konungi; var þat þá eiðum bundit af hendi bónda. 15 Skipaði þá konungr ferð sína, ok gerðu bæendr veizlur í móti honum. Fór konungr þá út til sjávar ok ræðr sér þar til skipa; hann hafði langskip 20sessu af Gelmini frá Gunnars; annat skip 20sessu hafði hann af Viggjum frá Loðins; 3ja skip tvítugsessu hafði hann af Öngrum í Nesi, 20 þann bœ hafði átt Hákon jarl, en þar réð fyrir ármaðr sá er Bárðr hvíti er nefndr. Konungr hafði skútur 4 eða 5; fór hann ok skyndiliga ok hélt inn eptir firði.

Ferð Sveins jarls.

39. Sveinn jarl var þá inn í Þrándheimi at Stein- 25 kerum ok lét þar búa til jólaveizlu; þar var kaupstaðr. Einarr þambarskelfir spurði, at Orkdælur höfðu gengit til handa Ólafi konungi; þá sendi hann njósnarmenn til Sveins jarls; fóru þeir fyrst til Niðaróss ok tóku þar róðrarskútu er Einarr átti, þeir fóru síðan inn eptir firði ok kómu einn 30 dag síðarla inn til Steinkera ok báru þessi erindi jarli ok segja alt um ferð Ólafs konungs. Jarl átti langskip, er flaut tjaldat fyrir böenum; lét hann þegar um kveldit flytja á skipit lausafé sitt ok klæðnað manna, ok drykk ok vist

svá sem skipit tók við, ok reru út þegar um nóttina ok kómu í lýsing í Skarnsund. Þar sá þeir Ólaf konung róa utan eptir firði með lið sitt, snýr jarl þá at landi inn fyrir Masarvík, þar var þykkur skógr, þeir lögðu svá nær berginu, 5 at lauf ok limar tóku út yfir skipit. Þá hjoggu þeir stórtre ok settu alt á útbörða í sjá ofan, svá at ekki sá skipit fyrir lafinu, ok var eigi alljóst orðit þá er konungr reri inn um þá. Logn var veðrs, reri konungr inn um eyna; en er sýn fal milli þeira, reri jarl út á fjörð ok alt út á 10 Frostu, lögðu þar at landi; þar var hans ríki.

Ráðagerð Sveins jarls ok Einars.

40. Sveinn jarl sendi menn út í Gaulardal eptir Einari mági sínum; en er Einarr kom til jarls, þá sagði jarl honum alt um skipti þeira Ólafs konungs, ok svá þat, at hann vill 15 liði samna ok fara á fund Ólafs konungs ok berjast við hann. Einarr svarar svá: Vér skulum fara ráðum með, halda til njósn, hvat Ólafr konungr ætlast fyrir, látum þat eitt til vár spyrja, at vér sém kyrrir, kann þá vera, ef hann spyr eigi liðsamnað várn, at hann setist inn at Stein- 20 kerum um jólin, því at þar er nú vel fyrirbúið. En ef hann spyr, at vér höfum liðsamnað, þá mun hann stefna þegar út or firði, ok höfum vér hans þá ekki. Svá var gert sem Einarr mælti; fór jarl á veizlur upp í Stjóradal til bónda. Ólafr konungr, þá er hann kom til Steinkera, 25 tók hann upp veizluna ok lét bera á skip sín, ok aflaði til byrðinga ok hafði með sér bæði vist ok drykk, ok bjóst í brott sem skyndiligast ok hélt út til Niðaróss; þar hafði Ólafr konungr Tryggvason látit efna til kaupstaðar ok húsa konungsgarð, en áðr var einboeli í Niðarnesi, sem 30 fyrr var ritat. En er Eiríkr jarl kom til lands, þá efldi hann at Hlöðum, þar sem faðir hans hafði höfuðboe sinn látit vera; en hann úrœkti hús þau, er Ólafr hafði látit gera við Nið, váru þau þá niðrfallin sum, en sum stóðu ok váru heldr úbyggilig. Ólafr konungr hélt skipum sínum

upp í Nið; lét hann þar þegar búast um í þeim húsum er upp stóðu, en reisa upp þau er niðr vóru fallin, ok hafði þar at fjölda manns; lét ok þá flytja upp í húsín bæði drykkinn ok vistina, ok ætlaði þar at sitja um jólin. En er þat spurði Sveinn jarl ok Einarr, þá gera þeir ráð sín 5 í öðrum stað.

Frá Sigvati skáldi.

41. Þórðr Sigvaldaskáld hét maðr íslenzkr; hann hafði verit lengi með Sigvalda jarli ok síðan með Þórkatli háva bróður jarls; en eptir fall jarls þá var Þórðr kaup- 10 maðr. Hann hitti Ólaf konung, er hann var í Vestrvíking, ok gerðist hans maðr ok fylgði honum síðan; var hann þá með konungi, er þetta var tíðinda. Sigvatr var son Þórðar; hann var at fóstri með Þórkatli at Apavatni. En er hann var nálíga vaxinn maðr, þá fór hann utan af landi með 15 kaupmönnum, ok kom skip þat um haustit til Þrándheims, ok vistuðust þeir menn í heraði. Þann sama vetr kom Ólafr konungr í Þrándheim, svá sem nú var ríttat. En er Sigvatr spurði, at Þórðr faðir hans var þar með konungi, þá fór Sigvatr til konungs, hitti Þórð föður sinn ok dvaldist 20 þar um hríð. Sigvatr var snemma skáld gott; hann hafði ort kvæði um Ólaf konung ok bauð konungi at hlýða. Konungr segir, at hann vill eigi yrkja láta um sík, segir, at hann kann ekki at heyra skáldskap. Þá kvað Sigvatr:

Hlýð mínum brag, meiðir	Þótt öllungis allra,	25
myrkblás, því at kank yrkja,	allvaldr, lofi skálda,	
alltígin, máttu eiga	þér fæ ek hróðrs at hváru	
eitt skáld, drasils tjalda.	hlít, annarra nítið.	

Ólafr konungr gaf Sigvati at bragarlaunum gullhring, þann er stóð hálfa mörk. Sigvatr gerðist hirðmaðr Ólafs konungs; 30 þá kvað hann:

Ek tók lystr né ek lasta,	Þollr, gaztu húskarl hollan,
leyfð ið er þat, síðan,	höfum ráðit vel báðir,
sóknar njörðr, við sverði,	látrs, en ek lánardröttin,
sá er minn vili, þínu.	linns blóða, mér góðan.

Sveinn jarl hafði látit taka um haustit hálfa landaura af Íslandsfarinu, svá sem fyrr var vant; því at Eiríkr jarl ok Hákon jarl höfðu þær tekjur sem aðrar at helmingi þar í Þrándheimi. En er Ólafr konungr var þar kominn, þá
5 gerði hann til sína menn at heimta hálfa landaura af Íslandsförum, en þeir fóru á fund konungs; þeir báðu Sigvat liðveizlu; þá gékk hann fyrir konung ok kvað:

10	Görboenn mun ek gunnar gammteitöndum heita, áðr þágum vér ægis eld, ef nú bið ek felda.	Landaura veittu lúru látrþverrandi af knerri enn af ganga engi, ek hefi sjálfr krafit, hálfa.
----	--	--

Frá Sveini jarli.

42. Sveinn jarl ok þeir Einarr þambarskelfir drógu saman her mikinn ok fóru út til Gaulardals hit efra, ok stefna
15 út til Niðaróss ok höfðu nær 20 hundruð manna. Menn Ólafs konungs váru út á Gaularási ok héldu hestvörð, þeir urðu varir við, er herrinn fór ofan or Gaulardal, ok báru þá konungi njósni um miðnætti. Stóð Ólafr konungr þegar upp ok lét vekja liðit, gengu þeir þegar á skip ok báru
20 út öll klæði sín ok vápn, ok þat alt er þeir gátu með komizt, reru þá út or ánni; kom þá jarlsliðit jafnskjótt til bæjarins; tóku þeir þá jólavistina alla en brendu húsini öll. Fór Ólafr konungr út eptir firðinum til Orkadals ok gékk þar af skipum, fór þá upp um Orkadal alt til
25 fjalls ok austr yfir fjall til Dala. Frá þessu er sagt, at Sveinn jarl brendi bæ í Niðarósi, í flokki þeim er ortr er um Kloeng Brúsason:

Brunnu allvalds inni, eldr hykk at sal feldi,	eimr skaut á her hrími, hálfger við Nið sjálfa.
--	--

Frá Ólafi konungi.

43. Ólafr konungr fór þá suðr eptir Guðbrandsdölum ok þaðan út á Heiðmörk, fór alt at veizlum um hávetri, en dró saman her er váraði ok fór út í Víkina; hann

hafði mikit lið af Heiðmörk, er konungar féngu honum; fóru þaðan lendir menn margir ok ríkir boendr; í þeirri ferð var Ketill kálfr af Hringunesi. Ólafr konungr hafði ok lið af Raumaríki. Sigurðr konungr sýr mágr hans kom til liðs við hann með mikla sveit manna; söekja þeir þá út til sjávar ok ráða sér til skipa ok búast innan or Víkinni; þeir höfðu frítt lið ok mikit. En er þeir höfðu búit lið sitt, lögðu þeir út til Túnsbergs.

Frá liði Sveins jarls.

44. Sveinn jarl samnar liði alt um Þrándheim þegar eptir jólin ok býðr út leiðangri, býr ok skip sín. Í þenna tíma var í Noregi fjöldi lendra manna, váru þeir margir ríkir ok svá ættstórir, at þeir váru komnir af konunga ættum eða jarla ok áttu skamt til at telja, váru ok stórauðgir. Var þar alt traust konunganna eða jarlanna, er fyrir landi réðu, er lendir menn váru; því at svá var í hverju fylki sem lendir menn réði fyrir bóndaliðinu. Vel var Sveinn jarl vingaðr við lenda menn, varð honum gott til liðs. Einarr þambarskelfir mágr hans var með honum ok margir aðrir lendir menn ok margir, þeir er áðr um vetrinn höfðu trúnaðareiða svarit Ólafi konungi, bæði lendir menn ok boendr. Þeir fóru þegar út or firðinum, er þeir váru búnir, ok héldu suðr með landi ok drógu at sér lið or hverju fylki. En er þeir kómu suðr fyrir Rogaland, þá kom til móts við þá Erlingr Skjálgsson ok hafði mikit lið, ok með honum margir lendir menn; héldu þá öllu liðinu austr til Víkr; þat var er áleið langaföstu, er Sveinn jarl sótti inn í Víkina. Jarl hélt liðinu inn um Grenmar ok lagðist við Nesjar.

Frá liði Ólafs konungs.

30

45. Þá hélt Ólafr konungr sínu liði út eptir Víkinni, var þá skamt milli þeira, vissu þá hvárir til annarra laugardaginn fyrir pálmsunnudag. Ólafr konungr hafði þat

skip, er kallað var Karlhöfði, þar var á framstafni skorit konungshöfuð, hann sjálf hafði það skorit. Þat höfuð var lengi síðan haft í Noregi á skipum, þeim er höfðingjar stýrðu.

Tala Ólafs konungs.

5 46. Sunnudagsmorgininn, þegar er lýsti, stóð Ólafr konungr upp ok klæddist, gekk á land, lét þá blása öllu liðinu til landgöngu. Þá átti hann tal við liðit ok segir alþýðu, at hann hefir þá spurt, at skamt mun milli þeira Sveins jarls: skulum vér nú, segir hann, viðbúast, því at
10 skamt mun verða til fundar várs; vápnist menn nú ok búi hverr sik ok sitt rúm, þar er áðr er skipat, svá at allir sé þá búnir, er ek læt blása til brautlögunnar; róum síðan samfast, fari engir^r fyrr en allr ferr flotinn, dvelist ok engir þá eptir, er ek rœ or höfninni, því at eigi megum vér
15 vita, hvárt vér munum jarlinn hitta, þar er nú liggr hann, eða munu þeir sækja í móti oss; en ef fund várn berr saman ok takist orrostan, þá heimti várir menn saman skipin ok sé búnir at tengja; hlífum oss fyrst ok gætum vápna várra, at vér berim eigi á sæ eða kastim á glæ;
20 en er festist orrostan ok skipin hafa saman bundizt, gerit þá sem harðasta hriðina, ok dugi hverr sem mannligast.

Orrosta fyrir Nesjum.

47. Ólafr konungr hafði á sínu skipi hundrað manna, ok höfðu þeir hringabrynjur ok valska hjálma; flestir hans
25 menn höfðu hvíta skjöldu ok á lagðr hinn helgi kross með gulli, en sumir dregnir rauðum steini eða blám; kross lét hann ok draga í enni á öllum hjálmum með bleikju. Hann hafði hvítt merki, það var ormr. Þá lét hann veita sér tíðir; gekk síðan á skip sitt ok bað menn snæða ok drekka
30 nökkut. Síðan lét hann blása herblástr ok leggja út or höfninni, ok reru síðan at leita jarls. En er þeir kómu fyrir höfnina, þar er jarl hafði legit, þá var lið jarls vápnat ok ætlaði þá at róa út or höfninni; en er þeir sá konungs

lið, þá tóku þeir at tengja skipin ok settu upp merki ok bjoggust við. En er Ólafr konungr sá þat, þá greiddu þeir atróðrinn, lagði konungr at jarls skipi; tókst þar þá orrosta. Svá segir Sigvatr skáld:

Veitti sókn, þar er sótti,	Snjallr hélt at þar er olli	5
siklingr fírum mikla,	eirlaust konungr þeira,	
blóð féll rautt á róða	en Sveins liðar, sýnum,	
rein, í höfn at Sveini.	saman bundusk skip, fundi.	

Hér segir þat, at Ólafr konungr hélt til orrostu, en Sveinn lá fyrir í höfninni. Sigvatr skáld var þar í orrostu; hann 10 orti þegar um sumarit eptir orrostuna flokk þann, er Nesjavísur eru kallaðar, ok segir þar vandliga frá þessum tíðindum:

Þat erumk kunt hve kennir	odda frosts fyrir austan	
Karlhöfða lét jarli	Agðir nær um lagðan.	15

Orrosta var hin snarpasta, ok var þat langa hríð, er ekki mátti yfir sjá, hvernug hníga mundi; féll þá mart af hvár- umtveggjum ok fjöldi varð sárr. Svá segir Sigvatr:

Vara sigmána Sveini	því at kvistingar kostu,	
sverða gnýs at frýja	koma herr í stað verra,	20
gjóðs né görrar hríðar	áttu sín þar er sóttusk	
gunnreifum Óleifi,	seggir hváirtveggju.	

Jarl hafði lið meira, en konungr hafði einvala lið á sínu skipi, þat er honum hafði fylgt í hernaði, ok búit svá for- kunnliga, sem fyrr var sagt, at hverr maðr hafði hringa- 25 brynju, ok urðu þeir ekki sárir. Svá segir Sigvatr:

Teitr sá ek okkr í ítru	En mín at flug fleina	
allvalds liði falla,	falsk und hjálm hinn valska,	
gørðisk harðr, um herðar,	okkr vissak svá, sessi,	
hjórdynr, svalar brynjur.	svört skör, við her görva.	30

Flótti Sveins jarls.

48. En er lið tók at falla á skipum jarls, en sumt varð sárt, ok þyntist þá skipanin á borðunum, þá réðu til upp-

göngu menn Ólafs konungs; var þá merkið uppborit á þat skip, er næst var jarla skipi, en konungr sjálf fylgði fram merkinu. Svá segir Sigvatr:

5	Stöng óð gylt þar er gégum göndlar serks und merkjum gnýs með göfgum ræsi greiðendr á skip reiðir.	Þági vas sem þessum þengils á jó strengjar mjöð fyrir málma kveðju mæri heiðþegum bæri.
---	---	--

Þar var snörp orrosta, ok féllu mjök Sveins menn samir, en sumir hljópu þá fyrir borð. Svá segir Sigvatr:

10	Vér drifum hvatt þar er heyra hátt vápna brak knátti, rönd klufu roðair brandar, reiðir upp á skeiðar.	En fyrir borð þar er börðumk, búin féngusk skip, géngu, nár flaut út við eyri úfár, búendr sárir.
----	---	--

Ok enn þetta:

15	Öld vann ossa skjöldu, auðsætt var þat, rauða, hljóms, þá er hvítir kómu, hringmiðlöndum, þingat.	Þar hykk ungan gram göngu, gunn sylg, er vér fylgðum, blóðs fékk svörr þar er slæðusk sverð, upp í skip gerðu.
----	--	---

Þá tók at snúa mannfallinu upp á lið jarls; sóttu þá konungsmenn at jarls skipi, ok var við sjálft, at þeir mundu upp ganga á skipit. En er jarl sá, í hvert úefni komit var, þá hét hann á frambyggja, at þeir skyldu höggva tengalin ok leysa skipin út; þeir gerðu svá. Þá fœrðu konungsmenn stafnljá á skeiðarkylfurnar ok héldu þeim svá.

25 Þá mælti jarl, at stafnbúar skyldu af höggva kylfur; svá gerðu þeir. Svá segir Sigvatr:

30	Sjálf bað svartar kylfur Sveinn harðliga skeina, nær var áðr í óra auðván róit hánun,	þá er til góðs, en gjóði, gørt féngum, hræ, svörtum, yggs lét herr um höggvit, hrafni, skeiðar stafna.
----	--	---

Einarr þambarskelfir hafði sitt skip lagt á annat borð jarls skipi; köstuðu þeir þá akkeri í framtáfn á jarls skipi, ok fluttust þá svá allir samt út á fjörðinn. Eptir þat flýði alt lið jarls ok reri út á fjörðinn. Bersi Skáldtorfuson

var í fyrirrúmi á skipi Sveins jarls; en er skipit seig fram hjá flotanum, þá segir Ólafr konungr hátt, er hann kendi Bersa, því at hann var auðkendr, hverjum manni vænni ok búinn forkunnar vel at vápnum ok klæðum: Farit heilir, Bersi. Hann sagði: Verit heilir, konungr. Svá segir 5 Bersi í flokki þeim, er hann orti, þá er hann kom á vald Ólafs konungs ok sat í fjötrum:

Hróðrs baðtu heilan liða
hagkennanda þenna,
en snarroeki slíku
svarat unnum vér gunnar.
Orð seldum þau elda
úthauðrs boða trauðir
knarrar haptis sem ek keypta
kynstórs at við brynju.

Sveins raunir hefi ek sénar,
snart rekninga bjartar
þar er svaltungur sungu
saman fóru vit, stórar.

Elgs man ek eigi fylgja
út hríðboða síðan
hæst at hverjum kosti
hranna dýrra manni.

Krýp ek eigi svá, sveigir
sára linns, í ári
búum úlítinn áta
andur, þér til handa,
at ek herstefnir hafna,
heiðmildr eða ek þá leiðumk,
ungr kunna ek þar þrængvi
þinn, hollvini mína.

10

15

Ferð Sveins jarls or landi.

20

49. Nú flýðu sumir menn jarls á land upp, sumir géngu til griða. Þá reru þeir Sveinn jarl út á fjörðinn, ok lögðu þeir saman skip sín, ok töluðu höfðingjar milli sín; leitar jarl ráða við lenda menn. Erlingr Skjálmgsson réð þat, at þeir skyldu norðr sigla í land ok fá sér lið ok 25 berjast enn við Ólaf konung. En fyrir því at þeir höfðu látit lið mikit, þá fýstu flestir allir, at jarl færi or landi á fund Sviakonungs mágs síns ok efldist þaðan at liði, ok fylgði Einarr þambarskelfir því ráði; því at honum þótti sem þeir hefði þá engi föng til at berjast við Ólaf konung. 30 Skildist þá lið þeira, sigldi jarl suðr um Foldina, ok með honum Einarr þambarskelfir. Erlingr Skjálmgsson ok enn margir aðrir lendir menn, þeir er eigi vildu flýja óðul sín, fóru norðr til heimila sinna; hafði Erlingr um sumarit fjölmenni mikit.

35

Samtal Ólafs konungs ok Sigurðar konungs.

50. Ólafr konungr ok hans menn sá, at jarl hafði saman lagt sínum skipum; þá eggjaði Sigurðr konungr sýr, at þeir skyldu leggja at jarli ok láta þá til stáls sverfa með þeim. Ólafr konungr segir, at hann vill sjá fyrst hvert ráð jarl tekr, hvárt þeir héldi saman flokkinum eða skildist liðit við hann. Sigurðr kvað hann ráða mundu: En þat er mit hugboð, segir hann, við skaplyndi þitt ok ráðgirni, at seint tryggvir þú þá stórbokkana, svá sem þeir eru vanir áðr at halda fullu til móts við höfðingja. Varð ok ekki af atlögunni; sá þeir þá brátt, at lið jarls skildist. Þá lét Ólafr konungr rannsaka valinn; lágu þeir þar nokkurar nætr ok skiptu herfangi sínu. Þá kvað Sigvatr skáld vísur þessar:

15	Þess get ek meir at missi morðárr sá er fór norðan harða margr í hörðum heimkvámu styr þeima. Sökk af sunða blakki	Frýr eigi oss í ári Innþróensk þó at lið minna, gört hugðak svá snertu, snotr mæ'r konungs væri. Brúðr man heldr at háði
20	sunnu margr til grunna, satt er at Sveini mœttum, samknúta verr, úti.	hafa drótt þá er fram sótti, fold ruðum skers, ef skyldi, skeggi, aðratveggju.

Ok enn þessa:

25	Afli vex, því at efla Upplendingar sendi, Sveinn fundut þat, þenna þilblakks, konungs, vilja.	Raun er hins at Heinir, hrælinns megu, vinna, þeir áttu flug, fleira fólkreks en öl drekka.
----	--	--

Ólafr konungr gaf góðar gjafir Sigurði konungi sýr mági sínum at skilnaði, ok svá öðrum höfðingjum, þeim er honum höfðu lið veitt. Hann gaf Katli af Hringunesi karfa lóssessu, ok flutti Ketill karfann upp eptir Raumelfi ok alt upp í Mjörs.

Frá Ólafi konungi.

51. Ólafr konungr hélt njósnum til um farar jarls; en er hann spurði þat, at jarl var or landi fari nn, þá fór

hann vestr eptir Víkinni; dreif þá lið til hans, var hann þá til konungs tekinn á þingum; fór hann svá alt til Líðandisness. Þá spurði hann, at Erlingr Skjálgsson hafði samnað mikinn; dvaldist konungr þá ekki á Norðrögðum, því at hann fékk hraðbyri; fór hann sem skyndiligast norðr 5 til Þrándheimss. því at honum þótti þar vera alt megin landsins, ef hann féngi þar undir sik komit, meðan jarl væri or landi. En er Ólafr konungr kom í Þrándheim, þá varð þar engi uppreist í móti honum, ok var hann þar til konungs tekinn, ok settist þar um haustit í Niðarósi, 10 ok bjó þar til vetrvistar, ok lét þar húsa konungsgarð ok reisa þar Clemenskirkju í þeim stað, sem nú stendr hon. Hann mārkaði tópt til garða ok gaf bóndum ok kaupmönnum, eða þeim öðrum er honum sýndist ok húsa vildu. Hann sat þar fjölmeðr, því at hann treystist illa 15 Þröendum um trúleik, ef jarl kæmi aptr í landit; váru berastir í því Innþröendir, því at hann fékk þaðan engar landskyldir.

Ráðagerð Sveins jarls ok Ólafs Svíakonungs.

52. Sveinn jarl fór fyrst til Svíþjóðar á fund Ólafs 20 Svíakonungs mágs síns, ok segir honum alt frá viðrskiptum þeira Ólafs digra, ok leitaði þá ráða af Svíakonungi, hvat hann skal upp taka. Konungr segir, at jarl skal vera með honum, ef hann vill þat, ok hafa þar ríki til forráða, þat er honum þykki scemiligt; ok at öðrum kosti, segir hann, 25 skal ek fá þér nógan liðsafla at sækja landit af Ólafi. Jarl kaus þat, því at þess fýstu allir hans menn; þeir áttu eignir stórar í Noregi margir, er þar váru með honum. En er þeir sátu yfir þessarri ráðagerð, þá kom þat ásamt, at þeir skyldu eptir um vetrinn ráða til at fara landveg 30 um Helsingjaland ok Jamtaland ok svá ofan í Þrándheim; því at jarl treystist Innþröendum bezt við sik um traustit ok liðveizlu, ef hann kæmi þar. En þó gera þeir þat ráð, at fara um sumarit fyrst í austrveg í hernað ok fá sér fjár.

Dauði Sveins jarls.

53. Sveinn jarl fór með lið sitt austr í Garðaríki ok herjaði þar; dvaldist hann þar um sumarit. En er haustaði, sneri hann aptr liði sínu til Svíþjóðar. Þá fékk hann sótt þá er hann leiddi til bana. Eptir andlát jarls fór lið, þat er honum hafði fylgt, aptr til Svíþjóðar, en sumir sneru til Helsingjaland, þaðan til Jamtalands, ok þá austan um Kjöl til Þrándheims, ok sögðu þar þau tíðindi, er gerzt höfðu í ferð þeira; var þá sannspurt andlát
10 Sveins jarls.

Frá Þrændum.

54. Einarr þambarskelfir, ok sú sveit er honum hafði fylgt, fór um vetrinn til Svíakonungs ok var þar í góðu yfirlæti. Þar var ok mart annarra manna, er jarli hafði
15 fylgt. Svíakonungi hugnaðist stórilla við Ólaf digra þat er hann hafði sezt í skattland hans, en rekit í brott Svein jarl; konungr hét þar fyrir Ólafi hinum mestum afarkostum, þá er hann mætti við komast; segir hann, at eigi mun Ólafr svá djarfr vera, at hann muni taka undir sik þat
20 veldi, er jarl hafði átt; því fylgðu allir Svíakonungs menn, at svá mundi vera. En er Þrændir spurðu til sanns, at Sveinn jarl var andaðr ok hans var ekki ván til Noregs, þá snerist öll alþýða til hlýðni við Ólaf konung. Fóru þá margir menn innan or Þrándheimi á fund Ólafs konungs
25 ok gerðust menn hans, en sumir sendu orð ok jartegnir, at þeir vildu þjóna honum. Fór hann þá um haustit inn í Þrándheim ok átti þing við böendr; var hann þá í hverju fylki til konungs tekinn. Hann fór þá út til Niðaróss ok lét þangat flytja allar konungsskyldir ok efnaði þar til
30 vetrsetu.

Húsaðr konungsgarðr.

55. Ólafr konungr lét húsa konungsgarð í Niðarósi. Þar var ger mikil hirðstofa, ok dyrr á báðum endum;

hásæti konungs var í miðri stofunni, ok innar frá sat Grímkell hirðbyskup hans, en þar næst aðrir kennimenn hans, en utar frá ráðgjafar hans; í öðru öndugi gegnt honum sat stallari hans Björn digri, ok þar næst gestir. Ef göfgir menn kómu til konungs, var þeim vel skipat. Við 5 elda skyldi þá öl drekka. Hann skipaði mönnum í þjónostur, svá sem siðr konunga var til. Hann hafði með sér 60 hirðmanna ok 30 gesta, ok setti hann þeim mála ok lög; hann hafði ok 30 húskarla, er starfa skyldu í garðinum slíkt er þurfti ok til flytja; hann hafði ok marga þræla. 10 Í garðinum var ok mikill skáli, er hirðmenn sváfu í; þar var ok mikil stofa, er konungr átti hirðstefnur í.

Frá siðum Ólafs konungs.

56. Þat var siðr konungs at rísa upp snimma um morna ok klæðast ok taka handlaugar, ganga síðan til 15 kirkju ok hlýða óttusöng ok morguntíðum, ok ganga síðan á stefnur ok sætta menn, eða tala þat annat, er honum þótti skylt. Hann stefndi til sín ríkum ok úríkum ok öllum þeim, er vitrastir váru. Hann lét opt telja fyrir sér lög þau, er Hákon Aðalsteinsfóstri hafði sett í Þrándheimi. 20 Hann skipaði lögunum með ráði hinna vitrustu manna, tók af eða lagði til, þar er honum sýndist þat; en kristinn rétt setti hann með ráði Grímkels byskups ok annarra kennimanna, ok lagði á þat allan hug at taka af heiðni ok fornar venjur, þær er honum þótti kristnispell í. Svá 25 kom, at boendr játtu þessum lögum, er konungr setti. Svá segir Sigvatr:

Loptbyggvir! máttu leggja unnar, allra manna,
landsrétt þann er kann standask, eykja, liðs á miðli.

Ólafr konungr var maðr siðláttr, stiltr vel, fámálugr, örr ok 30 fégjarn. Þá var þar með Ólafi konungi Sigvatr skáld, sem fyrr var sagt, ok fleiri íslenzkir menn. Ólafr konungr spurði eptir vendiliga, hvernug kristinn dómr væri haldinn á Íslandi, ok þótti honum mikilla muna ávant, at vel væri,

því at þeir sögðu konungi frá kristnihaldinu, at þat var lofat í lögum, at eta hross ok bera út börn, sem heiðnir menn gerðu, ok enn fleiri hlutir, þeir er kristnispell var í. Þeir sögðu ok konungi frá mörgu stórmenni, því er þá
 5 var á Íslandi. Skapti Þóroddsson hafði þá lögsögu á landinu. Viða af löndum spurði hann at siðum manna þá menn, er glögst vissu, ok leiddi mest atspurningum um kristinn dóm, hvernug haldinn væri, bæði í Orkneyjum ok á Hjaltlandi ok or Færeyjum, ok spurðist honum svá til, sem víða
 10 mundi mikit á skorta, at vel væri. Slíkar ræður hafði hann optast í munni, eða um lög at tala, eða um landsrétt.

Frá sendimönnum Ólafs Sviakonungs ok dauði Ásgauts ármanns.

57. Þann sama vetr kómu austan or Svíþjóð sendi-
 15 menn Ólafs Sviakonungs hins scenska, ok réðu bræðr tveir fyrir, Þorgautr skarði ok Ásgautr ármaðr, ok höfðu 24 menn. En er þeir kómu austan um Kjöl í Veradal, þá steíndu þeir þing við boendr ok töluðu við þá; heimtu þar skyld ok skatt af hendi Sviakonungs. En boendr báru ráð
 20 sín saman, ok kom þat ásamt með þeim, at þeir mundu gjalda slíkt, sem Sviakonungr beiddi, ok heimti Ólafr Noregs konungr engar landskyldir af þeim fyrir sína hönd; kveðast eigi vilja gjalda hvarumtveggja skyldir. Fóru sendimenn í brott ok út eptir dalinum, ok á hverju þingi er þeir áttu,
 25 féngu þeir af bóndum hin sömu svör en ekki fé; fóru þá út í Skaun ok áttu þar þing ok kröfðu þar enn skatta, ok fór alt á sömu leið sem fyrr. Þá fóru þeir á Stjóradal ok kröfðu þar þinga, en boendr vildu ekki til koma. Þá sá sendimenn, at þeira erendi varð ekki, vildi Þorgautr þá
 30 fara aptr austr. Ekki þykki mér vit konungs erendi rekit hafa, segir Ásgautr; vil ek fara á fund Ólafs konungs digra, þó skjóta boendr þangat sínu máli. Nú réð hann, ok fóru þeir út til boejarins, ok tóku þeir herbergi í boenum. Þeir géngu til konungs eptir um daginn, hann sat þá um

borðum, kvöddu hann ok sögðu, at þeir fóru með erendum Svíakonungs. Konungr bað þá koma til sín eptir um daginn. Annan dag, þá er konungr hafði hlýtt tíðum, gékk hann til þinghúss síns ok lét þangat kalla menn Svíakonungs ok bað þá bera upp erendu sín. Þá talaði Þor- 5 gautr ok segir fyrst, hverra erenda þeir fóru ok váru sendir, ok þat síðan, hvernug Innþrændir höfðu svarat. Eptir þat beiddi hann, at konungr veitti orskurð, hvert þeira erendi skyldi þangat verða. Konungr segir: Meðan jarlar réðu hér fyrir landi, þá var þat eigi undarligt, at landsmenn 10 væri þeim lýðskyldir, því at þeir váru hér ættbornir til ríkis, heldr en þat at lúta til útlendra konunga, ok var þó réttara, at jarlar veitti hlýðni ok þjónostu konungum, þeim er réttkomnir váru hér til ríkis, heldr en útlendum konungum ok at hefjast upp með úfriði í móti réttum 15 konungum ok fella þá frá landi; en Ólafr sænski konungr er kallar til Noregs, þá veit ek eigi hverja tiltölu hann hefir, þá er sannlig sé, en hitt megum vér muna, hvern mannskaða vér höfum fengit af honum ok hans frændum. Þá segir Ásgautr: Eigi er undarligt, at þú sér kallaðr 20 Ólafr digri, allstórliga svarar þú orðsending slíks höfðingja, úgløgt veiztu, hversu þungbær þér mun vera reiði konungs, ok hefir þeim svá orðit, er váru með meira krapti en mér sýnist þú munu vera; en ef þú vilt þrálíga halda ríkinu, þá mun þér hinn til, at fara á fund hans ok gerast 25 hans maðr, munu vér þá biðja með þér, at hann fái þér at láni þetta ríki. Þá svarar konungr, ok tók hógliga til orða: Ek vil ráða þér annat ráð, Ásgautr! farit nú aptr austr til konungs yðars, ok segit honum svá, at snemma í vár mun ek búast at fara austr til landamæris, þar er at 30 fornu hefir skilt ríki Noregs konungs ok Svíakonungs; má hann þá þar koma, ef hann vill, at vit semim sætt okra, ok hafi þat ríki hvárr okkarr, sem óðalborinn er til. Þá snúa sendimenn í brott ok aptr til herbergis, ok bjoggust í brott. En konungr gékk þá til borða. Sendimenn gengu

þá í konungsgarðinn, en er durverðir sá þat, segja þeir konungi. Hann bað þá sendimenn eigi inn láta: ek vil ekki við þá mæla, segir hann. Fóru þá sendimenn í brott. Þá segir Þorgautr, at hann mun aptr snúa ok hans menn; 5 en Ásgautr segir, at hann vill reka konunga erendi. Þá skiljast þeir; ferr þá Þorgautr inn á Strind, en Ásgautr ok þeir 12 saman snúa upp til Gaulardals, ok svá út til Orkadals; hann ætlar at fara suðr á Mœri ok reka þar sýslu Sviakonungs. En er Ólafr konungr varð þess varr, 10 þá sendi hann gestina út eptir þeim; þeir hittu þá út á Nesi við Stein, tóku þá höndum ok bundu ok leiddu inn á Gaularás, reistu þar gálga ok hengðu þá þar, er sjá mátti utan af firði af þjóðleið. Þorgautr spurði þessi tíðindi, áðr hann fór aptr af Þrándheimi; fór hann síðan alla leið, 15 þar til er hann hitti Sviakonung, ok segir honum þat er gerzt hafði í þeira för. Konungr varð alhreiðr, er hann heyrði þetta sagt, ok skorti þar þá eigi stór orð.

Sætt Ólafs konungs ok Erlings Skjálgssonar.

58. Eptir þat um várit bauð Ólafr Haraldsson kon- 20 ungr liði út or Þrándheimi ok bjóst at fara austr í land. Þá bjoggust or Niðarósi Íslandsför. Þá sendi Ólafr konungr orð ok jartegnir Hjalta Skeggjasyni ok stefndi honum á sinn fund, en sendi orð Skapta lögsögumanni ok öðrum þeim mönnum, er mest réðu lögum á Íslandi, at þat skyldi 25 taka or lögum, er honum þótti mest í móti kristnum dómi; þar með sendi hann vinsamlig orð öllum landsmönnum jafnsaman. Konungr fór suðr með landi ok dvaldist í hverju fylki ok þingaði við bæendr; en á hverju þingi lét hann upplesa kristin lög ok þau boðorð er þar fylgðu; tók 30 hann þá þegar af við lýðinn margar úvenjur ok heiðinn dóm, því at jarlar höfðu vel haldit forn lög ok landsrétt, en um kristnihald létu þeir gera hvern sem vildi. Var þá svá komit, at víðast um sjábygðir váru menn skírðir, en kristin lög váru úkunn flestum mönnum; en um uppdali ok fjall-

bygðir var víða alheiðit, því at þegar er lýðrinn varð sjálfráða, þá festist þeim þat helzt í minni um átrúnaðinn. er þeir höfðu numit í barnæsku. En þeir menn, er eigi vildu skipast við orð konungs um kristnihaldit, þá hét hann þeim afarkostum, bæði ríkum ok úríkum. Ólafr var 5 til konungs tekinn um alt land á hverju lögþingi, mælti þá engi maðr í móti honum. Þá er hann lá í Karmtsundi, fóru orð milli þeira Erlings Skjálgs-sonar, þau at þeir skyldu sættast, ok var lagðr sættarfundr í Hvítíngsey. En er þeir fundust, töluðust þeir sjálfir við um sættina, þótti 10 Erlingi þá annat nokkut finnast í orðum hans, en honum hafði verit frá sagt, því at hann mælti til þess, at hann vildi hafa veizlur þær allar, er Ólafr Tryggvason hafði fengit honum, en síðan jarlar Sveinn ok Hákon: man ek þá gerast þinn maðr ok vera hollr vinr, segir hann. Kon- 15 ungr segir: Svá lízt mér, Erlingr, sem eigi sé þér verra at taka af mér jafnmiklar veizlur, sem þú tókt af Eiríki jarli, þeim manni er þér hafði gert hinn mesta mannskaða; en ek man þik láta vera göfgastan lendan mann í landinu, þó at ek vilja veizlurnar miðla at sjálfræði mínu, en eigi 20 láta svá sem lendir menn sé óðalbornir til ættleifðar minnar, en ek skylda margföldum verðum yðra þjónostu kaupa. Erlingr hafði eigi skaplyndi til at biðja konunginn né einna muna hér um, því at hann sá, at konungr var ekki leiðitamr; sá hann ok, at tveir kostir váru fyrir höndum, 25 sá annarr, at gera enga sætt við konung ok hætta til hvernug fœri, eða ella láta konung einn fyrir ráða, ok tók hann þann upp, þótt honum þœtti þat mjök í móti skapi sínu, ok mælti til konungs: Sú mun þér mín þjónosta hallkvæmst, er ek veiti þér með sjálfræði. Síðan skildu 30 þeir rœðuna. Eptir þat gengu til frændr Erlings ok vinir ok báðu hann til vægja ok fœra við vit en eigi ofrkapp: muntu, sögðu þeir, vera ávalt göfgastr lendra manna í Noregi bæði at framkvæmd þinni ok frændum ok fjárafla. Erlingr fann, at þetta var heilræði ok þeim gékk góðvili 35

til, er slíkt mæltu, gerir hann svá, gengr til handa konungi með þeim skildaga, er konungr réð fyrir at skilja; skildust eptir þat ok váru sáttir at kalla. Fór Ólafr þá leið sína austr með landi.

5 *Dráp Eilífs gauzka.*

59. Þegar er Ólafr konungr kom í Víkina, ok þat spurðist, þá fóru Danir í brott, þeir er þar höfðu sýslur af Danakonungi, ok sóttu þeir til Danmerkr ok vildu eigi biða Ólafs konungs. En Ólafr konungr fór inn eptir
 10 Víkinni ok hafði þing við boendr, gékk undir hann þar alt landsfólk, tók hann þá allar konungsskyldir ok dvaldist í Víkinni um sumarit. Hann hélt austr yfir Foldina or Túnsbergi ok alt austr um Svínasund. Þá tók til vald Sviakonungs; hann hafði þar sett yfir sýslumenn, Eilíf
 15 gauzka um hinn norðra hlut, en Hróa skjálga yfir hinn eystra hlut alt til Elfar. Hann átti ætt tveim megin Elfar, en bú stór í Hising; hann var ríkr maðr ok stórauðigr. Eilífr var ok stórættaðr. Þá er Ólafr konungr kom liði sínu í Ránríki, þá stefndi hann þar þing við landsmenn,
 20 ok kómu til hans þeir menn, er eyjar bygðu eða nær sæ. En er þing var sett, þá talaði Björn stallari konungs ok bað boendr taka við Ólafi konungi, slíkt þar sem annars staðar hafði gert verit í Noregi. Brynjólfr úlfaldi hét maðr einn, búandi göfugr, hann stóð upp ok mælti:
 25 Vitum vér boendr, hvert réttast er landaskipti at fornu milli Noregs konungs ok Sviakonungs ok Danakonungs, at Gautelfr hefir ráðit frá Væni til sævar, en norðr markir til Eiðaskógs, en þaðan Kilir alt norðr til Finmarkar; svá ok þat at ymsir hafa gengit á annarra lönd; hafa Svíar
 30 löngum haft vald alt til Svínasunds, en þó, yðr satt til at segja, veit ek margra manna vilja til þess, at betra þœtti at þjóna Noregs konungi, en menn bera eigi áræði til þess, því at Sviakonungs ríki er bæði austr frá oss ok suðr ok alt fyrir ofan, en þess ván, at Noregs konungr

mun fara norðr brátt í landit, þangat er lands megin er meira, ok höfum vér þá eigi afla til at halda deilu við Gauta; nú verðr konungr at sjá heilt ráð fyrir oss, fúsir værim vér at gerast hans menn. En eptir þingit, þá var Brynjólfr um kveldit í boði konungs ok svá annan dag 5 eptir, ok töluðu þeir mart sín í millum í einmælum. Fór þá konungr austr eptir Víkinni. En er Eilífr spurði, at konungr var þar, þá lét hann bera njósni til fara hans. Eilífr hafði 30 manna, sinna sveitunga; hann var í byggðinni ofanverðri við markirnar ok hafði þar búandasamnað. 10 Margir boendr fóru á fund Ólafs konungs, en sumir sendu vináttuorð til hans. Þá fóru menn í milli Ólafs konungs ok Eilífs, ok báðu boendr hvárntveggja lengi, at þeir legði þingstefnu milli sín ok réði frið með nokkuru móti, sögðu þeir Eilífi, at þeim var þess ván af konungi, ef ekki væri við- 15 skipazt hans orð, at þeir mundu ván eiga af honum afar-kosta, ok kváðu eigi Eilíf skyldu lið skorta. Var þá ráðit, at þeir skyldu ofan koma ok eiga þing við boendr ok konung. En þá sendi Ólafr konungr Þóri langa gestahöfðingja sinn ok þá 6 saman til Brynjólfs; þeir höfðu brynjur 20 undir kyrtlum, en höttu yfir hjálmum. Eptir um daginn kómu boendr fjölment ofan með Eilífi, þar var þá Brynjólfr í hans liði ok Þórir í hans sveit. Konungr lagði skipum utan þar at, er klettr nokkurr var ok gékk fram í sæinn; gékk hann þar upp ok settist með liði sínu á klettinn, en 25 völr var fyrir ofan, ok var þar búandaliðit, en menn Eilífs stóðu uppi í skjaldborg fyrir honum. Björn stallari talaði langt ok snjalt af hendi konungs. En er hann settist niðr, þá stóð Eilífr upp ok tók til máls, ok í því bili stóð upp Þórir langi ok brá sverði ok hjó til Eilífs á 30 hálsinn, svá at af gékk höfuðit. Þá hljóp upp allt búandaliðit, en hinir gauzku tóku rás undan, drápu þeir Þórir nokkura menn af þeim. En er herrinn stöðvaðist ok létti þysnum, þá stóð konungr upp ok mælti, at boendr skyldu setjast niðr. Þeir gerðu svá; var þar mart talat, en at 35

lyktum varð þat, at bæendr géngu til handa konungi ok
 játuðu honum hlýðni, en hann hét þeim því í mót, at
 skiljast eigi við þá ok vera þar til þess, at þeir Ólafr
 Sviakonungr lyki einnhvern veg sínum vandræðum. Eptir þat
 5 lagði Ólafr konungr undir sik alla hina nørðri sýsluna, ok
 fór um sumarit alt austr til Elfar, fékk hann allar konungs-
 skyldir með sænum ok um eyjar. En er á leið sumarit,
 snerist hann aptr í Víkina norðr ok lagði upp eptir Raum-
 elfi. Þar er fors mikill, er Sarpr heitir, nes gengr í ána
 10 norðan at forsinum; þar lét Ólafr konungr gerða um þvert
 nesit með grjóti ok torfi ok viðum, ok grafa diki fyrir
 utan, ok gerði þar jarðborg mikla; en í borginni efnaði
 hann til kaupstaðar; þar lét hann húsa konungsgarð ok
 gera þar Maríukirkju, hann lét þar ok marka tóptir til
 15 annarra garða ok fékk þar menn til at húsa; hann lét um
 haustit þangat flytja þau fōng, er til vetrvistar þurfti, ok
 sat þar um vetrinn með fjölmenni mikit, en hafði menn
 sína í öllum sýslum. Hann bannaði allar flutningar or
 Víkinni upp í Gautland, bæði sild ok salt; þess máttu
 20 Gautar illa án vera. Konungr hafði mikit jólaboð, bauð til
 sín or heruðum mörgum stórbúöndum.

Frá Eyvindi úrarhorn.

60. Maðr er nefndr Eyvindr úrarhorn, æzkaðr af
 25 Auströgðum; hann var mikill maðr ok kynstórr, fór hvert
 sumar í hernað, stundum vestr um haf, stundum í Austr-
 veg, eða suðr til Frílands; hann hafði 20 sessu, snekkju ok
 vel skipaða. Hann hafði verit fyrir Nesjum ok veitt Ólafi
 konungi lið, ok er þeir skildust þar, þá hét konungr honum
 30 vináttu sinni, en Eyvindr konungi liðsemd sinni, hvar sem
 hann vildi kraft hafa. Eyvindr var um vetrinn í jólaboði
 með Ólafi konungi ok þá þar góðar gjafir at honum.
 Þar var ok þá með konungi Brynjólfir úlfaldi, ok þá at
 jólagjöf sverð gullbúit af konungi, ok með bœ þann, er

Vettaland hét, ok er þat hinn mesti höfuðboer. Brynjólfur orti vísu um gjafirnar, ok er þat niðrlag at:

Bragningr gaf mér
brand ok Vettaland.

Þá gaf konungr honum lends manns nafn, ok var Brynjólfur hinn mesti vinr konungs alla stund.

Dráp Þrándar hvíta.

61. Þann vetr fór Þrándr hvíti or Þrándheimi austr á Jamtaland at heimta skatt af hendi Ólafs konungs digra; en er hann hafði saman dregit skattinn, þá kómu þar menn 10 Svíakonungs ok drápu Þránd ok þá 12 saman ok tóku skattinn ok færðu Svíakonungi. Þetta spurði Ólafur konungr, ok líkaði honum illa.

Kristniðð í Víkinni.

62. Ólafur konungr lét bjóða um Víkina kristin lög 15 með sama hætti sem norðr í landi, ok gékk vel fram, því at Víkverjum váru miklu kunnari kristnir siðir en mönnum norðr í landi, því at þar var bæði vetr ok sumar fjölment af kaupmönnum bæði dönskum ok saxneskum; Víkverjar höfðust ok mjök í kaupferðum til Englands ok Saxlands 20 eða Flæmingjalandis eða Danmerkr, en sumir váru í víking ok höfðu vetrsetu á kristnum löndum.

Fall Hróa.

63. Um vórit sendi Ólafur konungr orð, at Eyvindur skyldi koma til hans; þeir töluðu lengi einmæli. Eptir 25 þat brátt bjóst Eyvindur í víking. Hann sigldi suðr eptir Víkinni ok lagði at í Eikreyjum út frá Hísing. Þar spurði hann, at Hrói skjálgi hafði farit norðr í Orðost ok hafði þar saman dregit leiðangr ok landskyldir af hendi Svíakonungs, ok var hans þá norðan ván. Þá rerir Eyvindur 30 inn til Haugasunda, en Hrói rerir þá norðan, ok hittust þar

í sundinu ok börðust. Þar féll Hrói hvíti ok nær 30 manna, en Eyvindr tók alt fé, þat er Hrói hafði haft. Fór Eyvindr þá í Austrveg, ok var þar í víking um sumarit.

Fall Guðleiks ok Þorgauts skarða.

5 64. Maðr hét Guðleikr gerzki, hann var æzkaðr af Ögðum, hann var farmaðr ok kaupmaðr mikill, auðigr, ok rak kaupferðir til ymissa landa: hann fór austr í Garðaríki optliga, ok var hann fyrir þá sök kallaðr Guðleikr gerzki. Þat vár bjó Guðleikr skip sitt, ok ætlaði at fara um sumarit
10 til Garða austr. Ólafr konungr sendi honum orð, at hann vill hitta hann. En er Guðleikr kom til hans, segir konungr honum, at hann vill gera félag við hann, bað hann kaupa sér dýrgripi þá, er torgætir eru þar í landi. Guðleikr segir þat á konungs forráði vera skulu. Þá lætr
15 konungr greiða í hendr honum fé slíkt, sem honum sýndist. Fór Guðleikr um sumarit í Austrveg. Þeir lágu nökkura hríð við Gotland; var þá sem opt kann verða, at eigi váru allir haldinorðir, ok urðu landsmenn varir við, at á því skipi var félagi Ólafs digra. Guðleikr fór um sumarit í
20 Austrveg til Hólmgarðs ok keypti þar pell ágætlig, er hann ætlaði konungi til tignarklæða sér, ok þar með skinn dýr ok enn borðbúnað forkunnligan. Um haustit, er Guðleikr fór austan, þá fékk hann andviðri, ok lágu þeir mjök lengi við Eyland. Þorgautr skarði hafði um haustit borit
25 njósn um farar Guðleiks; kom hann þar at þeim með langskip ok barðist við þá. Þeir vörðust lengi; en fyrir því at liðsmunr var mikill, þá féll Guðleikr ok mart. skipverja hans, ok mart var sárt. Tók Þorgautr fé þeira alt ok gersimar Ólafs konungs; skiptu þeir Þorgautr fengi
30 sinu öllu at jafnaði; en hann segir, at gersimar skal hafa Sviakonungr: ok er þat, segir hann, nökkurr hlutr af skatti þeim, er hann á at taka af Noregi. Þorgautr fór þá austr til Svíþjóðar. Þessi tíðinði spyrjast brátt. Eyvindr úrarhorn kom litlu síðar til Eylands. En

er hann spyr þetta, þá siglir hann austr eptir þeim Þorgauti, ok hittast þeir í Svíaskerjum ok börðust. Þar féll Þorgautr ok flest lið hans, eða hljóp á kaf. Tók þá Eyvindr fé þat alt, er þeir höfðu tekit af Guðleiki, ok svá gersimar Ólafs konungs. Eyvindr fór aptr til Noregs um haustit, fœrði hann þá Ólafi konungi gersimar sínar. Þakkaði konungr honum vel sína ferð, ok hét honum þá enn af nýju vináttu sinni. Þá hafði Ólafr konungr verit 3 vetr konungr yfir Noregi.

Fundr Ólafs konungs ok Rögnvalds jarls.

10

65. Þat sama sumar hafði Ólafr konungr leiðangr úti, ok fór þá enn austr alt til Elfar ok lá þar lengi um sumarit. Þá fóru orðsendingar milli þeira Ólafs konungs ok Rögnvalds jarls ok Ingibjargar Tryggvadóttur, konu jarls. Hon gékk at með öllu kappi at veita Ólafi Noregs konungi lið; 15 hon var aftakamaðr mikill um þetta mál. Hélt þar til hvártveggja, at frændsemi var mikil með þeim Ólafi konungi ok henni, ok þat annat, at henni mátti eigi fyrnast við Svíakonung þat, er hann hafði verit at falli Ólafs konungs Tryggvasonar, bróður hennar, ok þóttist fyrir 20 þá sök eiga tiltölu at ráða fyrir Noregi. Varð jarl af fortölum hennar mjök snúinn til vináttu við Ólaf konung; kom svá at þeir konungr ok jarl lögðu stefnu með sér ok hittust við Elfi; ræddu þar marga hluti, ok mjök um viðskipti þeira Noregs konungs ok Svíakonungs, ok sögðu 25 báðir þat, sem satt var, at hvárumtveggjum Víkverjum ok Gautum var hin mesta landsauðn í því, at eigi skyldi vera kaupfriðr milli landa, ok at lyktum settu þeir grið ok frið milli sín til annars sumars; gáfust þeir gjafir at skilnaði ok mæltu til vináttu.

30

Úþokki Svíakonungs við Ólaf konung Haraldsson.

66. Fór þá konungr norðr í Víkina, ok hafði hann þá konungstekjur allar til Elfar, ok alt landsfólk hafði þá

undir hann gengit. Ólafr konungr soenski lagði úþokka svá mikinn á Ólaf Haraldsson, at engi maðr skyldi þora at nefna hann réttu nafni, svá at konungr heyrði; þeir kölluðu hann hinn digra mann ok veittu honum harðar
 5 átökur jafnan, er hans var getit.

Upphaf friðgerðarsögu.

67. Boendr í Víkinni roeddu sín í milli, at sá einn væri til, at konungar gerði sætt ok frið milli sín, ok töldust illa viðkomnir, ef konungar herjaðist á, en engi þorði
 10 þenna kurr djarfliga upp at bera fyrir konungi. Þá báðu þeir til Björn stallara, at hann skyldi þetta mál flytja fyrir konungi, at hann sendi menn á fund Sviakonungs at bjóða sættir af sinni hendi. Björn var trauðr til ok mæltist undan; en við boen margra vina sinna, þá hét hann at
 15 lyktum at roeda þetta fyrir konungi, en kveðst svá hugr um segja, at konungr mundi úmjúkliga taka því at vægja í né einum hlut við Sviakonung. Þat sumar kom utan af Íslandi Hjalti Skeggjason at orðsendingu Ólafs konungs; fór hann þegar á fund konungs, ok tók konungr vel við
 20 honum, bauð Hjalta með sér at vera ok vísaði honum til sætis hjá Birni stallara, ok váru þeir mötunautar; gerðist þar brátt góðr félagskapr milli þeira. Eitthvert sinn þá er Ólafr konungr hafði stefnu við lið sitt ok við búendr, ok réðu landráðum, þá mælti Björn stallari: Hverja ætlan
 25 hafit þér á, konungr, um úfrið, þann er hér er á milli Ólafs Sviakonungs ok yðar? Nú hafa hvárirtveggju marga menn látit fyrir öðrum, en engi orskurðr er nú heldr en áðr, hvat hvarir skulu hafa af ríkinu? Þér hafit hér setit í Víkinni einn vetr ok 2 sumur, ok látit at baki yðr alt
 30 landit norðr héðan; nú leiðist mönnum hér at sitja, þeim er eignir eða óðul eiga norðr í landi. Nú er þat vilí lendra manna ok annarra liðsmanna, ok svá bónda, at einnhvern veg skeri or, en fyrir því at nú eru grið ok friðr settr við jarl ok Vestrgauta, er hér eru nú næstir,

þá þykkir mönnum sá helzt kostur til, at þér sendit menn til Svíakonungs at bjóða sætt af yðarri hendi, ok munu margir vel undir þat standa, þeir er með Svíakonungi eru; því at þat er hvárratveggju gagn, þeira er löndin byggja bæði hér ok þar. At ræðu Bjarnar gerðu menn góðan róm. 5 Þá mælti konungr: Ráð þetta, Björn, er þú hefir hér uppborit, þá er þat makligast, at þú hafir fyrir þér gert, ok skaltu fara þessa sendiför; nýtr þú, ef vel er ráðit, en ef mannháski gerist af, þá veldr þú ofmiklu sjálfr um; er þat ok þín þjónusta, at tala í fjölmenni þat er ek vil mæla 10 láta. Þá stóð konungr upp ok gékk til kirkju, lét syngja sér hámessu; síðan gékk hann til borða. Um daginn eptir mælti Hjalti til Bjarnar: Hví ertu úkátr, maðr? ertu sjúkr eða reiðr manni nokkurum? Björn segir Hjalta ræður þeira konungs ok segir þetta forsending. 15 Hjalti svarar: Svá er konungum at fylgja, at þeir menn hafa metnað mikinn ok eru framar virðir en aðrir menn, en opt verða þeir í lífsháska, ok verðr hvárrutveggja vel at kunna. Mikit má konungs gæfa, nú mun frami mikill fást í ferðinni, ef vel tekst. Björn mælti: Auðvelliga ræðir 20 þú um ferðina, muntu fara vilja með mér, því at konungr mælti, at ek skylda mína sveitunga hafa í ferðina með mér. Hjalti segir: Fara skal ek at visu, ef þú vilt, því at vandfengr mun mér þykkja sessunautrinn annarr, ef vit skiljumst.

25

Ferð Bjarnar stallara.

68. Fám dögum síðar þá er Ólafr konungr var á stefnu, kom þar Björn ok þeir 12 saman; hann segir þá konungi, at þeir váru búnir at fara sendiförina, ok hestar þeira stóðu úti söðlaðir; vil ek nú vita, segir Björn, með 30 hverjum erendum ek skal fara, eða hver ráð þú leggur fyrir oss. Konungr segir: Þér skulut bera Svíakonungi þau mín orð, at ek vil frið setja milli landa varra, til þeira takmarka, er Ólafr Tryggvason hafði fyrir mér, ok sé þat

bundit fastmælum, at hvárigir gangi þar umfram. En um mannlát, þá þarf þess engi at geta, ef sættir skulu vera, því at Svíakonungr fær oss eigi með fé boett þann mannskaða, er vér höfum fengit af Svíum. Þá stóð konungr
5 upp ok gékk út með þeim Birni; þá tók hann upp sverð búið ok fingrgull, ok seldi Birni ok mælti: Sverð þetta gef ek þér, þat gaf mér í sumar Rögnvaldr jarl; til hans skulut þér fara ok bera honum þau mín orð, at hann leggi til ráð ok sinn styrk, at þú komir fram erendinu;
10 þykki mér þá vel sýslat, ef þú heyrir orð Svíakonungs ok segi hann annattveggja já eða nei. En fingrgull þetta fœr þú Rögnvaldi jarli; þessar jartegnir mun hann kenna. Hjalti gékk at konungi ok kvaddi hann: Ok þurfum vér nú þess mjök, konungr, at þú leggir hamingju þína á
15 þessa ferð, ok bað þá heila hittast. Konungr spurði, hvert Hjalti skyldi fara? Með Birni, sagði hann. Konungr segir: Boeta mun þat til um þessa ferð, at þú farir með þeim, því at þú hefir opt reyndr verit at hamingju; vittu þat víst, at ek skal allan hug á leggja, ef þat vegr nökkut, ok
20 til leggja með þér mína hamingju ok svá öllum yðr. Þeir Björn riðu í brot leið sína ok kómu til hirðar Rögnvalds jarls; var þeim þar vel fagnat. Björn var frægr maðr ok mörgum mönnum kuðr bæði at sýn ok at máli þeim öllum er sét höfðu Ólaf konung, því at Björn stóð upp á hverju
25 þingi ok talaði konungs erendi. Ingibjörg kona jarls gékk at Hjalta ok hvarf til hans; hon kendi hann, því at hon var þá með Ólafi Tryggvasyni bróður sínum, er Hjalti var þar, ok taldi hon frændsemi milli konungs ok Vilborgar konu Hjalta; þeir váru bræðr synir Víkingakára,
30 lends manns á Vörs, Eiríkr bjóðaskalli faðir Ástríðar, móður Ólafs konungs Tryggvasonar, ok Böðvarr faðir Ólofar, móður Gizurar hvíta, föður Vilborgar. Nú váru þeir þar í góðum fagnaði. Einn dag géngu þeir Björn á tal við jarl ok þau Ingibjörgu, þá berr Björn upp erendi sín ok sýnir
35 jartegnir jarli. Jarl svarar: Hvat hefir þik, Björn, þess.

hent, er konungr vill dauða þinn; er þér at síðr fœrt með þessi orðsending, at ek hygg, at engi mun sá vera, er þessum orðum mælir fyrir Sviakonungi, at refsingalaust komist í brott; miklu er Ólafr Sviakonungr maðr skapstoerri, heldr en fyrir honum sjálfum megí þær rœður hafa, 5 er honum sé í móti skapi. Þá segir Björn: Engir hlutir hafa þeir atborit mér til handa, er Ólafr konungr hefir mér reiðst um, en mörg er sú ráðagerð hans, bæði fyrir sjálfum sér ok mönnum sínum, er hætting mun á þykkja, hvernug tekst, þeim mönnum er áræðislitlir eru; en öll 10 ráð hans hafa enn til hamingju snúizt hér til, ok vættu vér, at svá skyli enn fara. Nú er yðr þat, jarl, satt at segja, at ek vil fara á fund Sviakonungs ok eigi fyrr aptr hverfa, en ek hefi hann heyra látit öll þau orð, er Ólafr konungr bauð mér at flytja til eyrna honum, nema mér banni hel 15 eða sjá ek heptr, svá at ek mega eigi fram koma; svá mun ek gera, hvárt sem þér vilit nökkurn hug áleggja orðsending konungs eða engan. Þá mælti Ingibjörg: Skjótt mun ek birta minn hug, at ek vil, jarl, at þér leggit á allan hug at stoda orðsending Ólafs Noregs konungs, svá at 20 þetta erendi komist fram við Sviakonung, hverngan veg sem hann vill svara; þótt þar liggi við reiði Sviakonungs, eða öll eign vár eða ríki, þá vil ek miklu heldr til þess hætta, en hitt spyrist, at þú leggist undir höfuð orðsending Ólafs konungs fyrir hræzlu sakir við Sviakon- 25 ung; hefir þú til þess burði ok frændastyrk ok alla atferð, at vera svá frjáls hér í Sviaveldi, at mæla mál þitt, þat er vel samir ok öllum mun þykkja áheyriligt, hvárt áheyra margir eða fáir, ríkir eða úríkir, ok þótt konungr sjálfr heyri á. Jarl svarar: Ekki er þat blint, hvers þú eggjar; 30 nú má vera, at þú ráðir þessu, at ek heita konungsmönnum því at fylgja þeim, svá at þeir nái at flytja erendi sín fyrir Sviakonungi, hvárt sem konungi líkar þat vel eða illa; en mínum ráðum vil ek fram fara, hvert tilstilli hafa skal; en ekki vil ek hlaupa eptir ákafa Bjarnar eða annars 35

manns um svá mikil vandamál; vil ek at þeir dvelist með mér til þeirrar stundar, er mér þykkir nokkuru líkligast, at framkvæmd megi verða at þessu erendi. En er jarl hafði því upplókit, at hann mundi fylgja þeim at þessu máli ok leggja til þess sinn styrk, þá þakkaði Björn honum vel ok kvazt hans ráðum vilja framfara. Dvöldust þeir Björn þar með jarli mjök langa hríð.

Frá tali Bjarnar ok Ingibjargar Tryggvadóttur.

69. Ingibjörg var forkunnar vel til þeira; ræddi Björn fyrir henni um sitt mál, ok þótti þat illa er dveljast skyldi svá lengi ferðin. Þau Hjalti ræddu opt öll saman um þetta. Þá mælti Hjalti: Ek mun fara til konungs, ef þér vilit, ek em ekki norrœnn maðr, munu Svíar mér engar sakir gefa, ek hefi spurt, at með Svíakonungi eru íslenzkir menn í góðu yfirlæti kunningjar mínir, skáld konungs Gizurr svartí ok Óttarr svartí; mun ek þá forvitnast, hvers ek verð varr af Svíakonungi, hvárt þetta mál mun svá úvænt sem nú er látit, eða eru þar nokkur önnur efni í; mun ek finna mér til erendis slíkt er mér þykkir fallit. Þetta þótti Ingibjörgu ok Birni hit mesta snjallræði, ok réðu þau þetta með sér til staðfestu. Býr þá Ingibjörg ferð Hjalta ok fékk honum 2 menn gauzka ok bauð þeim svá, at þeir skyldu honum fylgja ok vera honum hendilangir bæði um þjónostu ok svá ef hann vildi senda þá. Ingibjörg fékk honum til skotsilfrs 20 merkr vegnar. Hon sendi orð ok jartegnir með honum til Ingigerðar, dóttur Ólafs konungs, at hon skyldi leggja allan hug á um hans mál, hvers sem hann kynni hana at krefja at nauðsynjum. Fór Hjalti þegar er hann var búinn. En er hann kom til Ólafs konungs, þá fann hann þar brátt skáldin Gizur ok Óttar, ok urðu þeir honum allfegnir ok géngu þegar með honum fyrir konung, ok sögðu þeir honum, at sá maðr var þar kominn, er samlendr var við þá ok mestr maðr at virðingu á því landi, ok báðu konung at hann skyldi honum vel

fagna. Konungr bað þá hafa Hjalta í sveit með sér ok hans förunauta. En er Hjalti hafði þar dvalizt nökkura hrið ok gert sér menn kunna, þá virðist hann vel hverjum manni. Skáldin váru opt fyrir konungi, því at þeir váru máldjarfir; sátu þeir opt um daga fram fyrir háseti konungs, ok Hjalti 5 með þeim, virðu þeir hann mest í öllu. Gerðist hann þá ok konungi málkunnigr; var konungr við hann málroetinn ok spurði tíðinda af Íslandi.

Frá Sigvati skáld.

70. Þat hafði verit áðr Björn fór heiman, at hann 10 hafði beðit Sigvat skáld til farar með sér, hann var þá með Ólafi konungi; en til þeirar farar váru menn ekki fúsir. Þar var vingott með þeim Birni ok Sigvati. Hann kvað:

Áðr hefi ek gott við góða	Björn! faztu opt at árna,	
grams stallara alla	íss, fyrir mér at vísa	15
átt, þá er ossum dróttni,	góðs, megut gott um ráða,	
ógndjarfs, fyr kné hvarfa.	gunnrjóðr! alls vel kunnut.	

En er þeir riðu upp um Gautland, kvað Sigvatr vísur þessar:

Kátr var ek opt, þá er úti	Snjalls létum skip skolla	
örðigt veðr á fjörðum	skjöldungs við ey tjölduð	20
vísa segl, í vási,	fyrir ágætu úti	
vindblásit skóf Strindar.	öndurt sumar landi.	
Hestr óð kafs at kostum,	En í haust þar er hestar	
kilir ristur men Lista,	hagþorns á mó sporna,	
út þar er eisa létum	ték ýmisar ekkjum	25
undan skeiðr at sundi.	iðir, hlýtk at riða.	

En er þeir riðu upp um Gautland síð um aptan, þá kvað Sigvatr:

Jór renn aptanskoeru	Nú er þat er blakkr um bekki	
allsvangr götur langar,	berr mik Dönum ferri,	30
völl kná hófr, til hallar,	fákr laust drengs í dski,	
höfum lítinn dag, slíta.	doegr moetask nú, foeti.	

Þá riða þeir í kaupstaðinn at Skörum ok um strætitt fram at garði jarls. Hann kvað:

Út munu ekkjur líta,
allsnúðula, prúðar,
fljóð sjá reyk hvar riðum
Rögnvalds í bœ gögnum.

Keyrum hross svá at heyri
harða langt at garði
hesta rás or húsum
hugsvinn kona innan.

5 *Frá Hjaltu Skeggjasyni, er hann var í Sviþjóð.*

71. Einnhvern dag gékk Hjalti fyrir konung ok skáldin með honum. Þá tók Hjalti til máls: Svá er, konungr! sem yðr er kunnigt, at ek em hér kominn á þinn fund, ok hefi ek farit langa leið ok torsóttu; en síðan er
10 ek kom yfir hafit ok ek spurða til tignar yðarrar, þá þótti mér úfróðligt at fara svá aptr, at eigi hefða ek sét yðr ok vegsemd yðra. En þat eru lög milli Íslands ok Noregs, at íslenzkir menn, þá er þeir koma til Noregs, gjalda þar landaura; en er ek kom yfir haf, þá tók ek við landaurum
15 allra skipvera minna. En fyrir því at ek veit, at þat er réttast, at þér eigut þat veldi, er í Noregi er, þá fór ek á yðarn fund at fœra yðr landaurana. Sýndi þá konunginum silfrit ok holti í skaut Gizuri svarta 10 mörkum silfrs. Konungr mælti: „Fáir hafa oss slíkt fœrt um hríð
20 or Noregi; vil ek, Hjalti! kunna yðr þökk ok aufúsu fyrir þat, er þér hafit svá mikla stund álagt at fœra oss landaurana, heldr en gjalda úvinum várum; en þó vil ek, at fé þetta þiggir þú af mér ok með vináttu mína. Hjalti þakkaði konungi með mörgum orðum. Þaðan af kom
25 Hjalti sér í hinn mesta kærleika við konung ok var opt á tali við hann. Þótti konungi, sem var, at hann var vitr maðr ok orðsnjallr. Hjalti segir Gizuri ok Óttari, at hann er sendr með jartegnum til trausts ok vináttu til Ingigerðar konungsdóttur, ok biðr at þeir skyldu koma honum til tals
30 við hana. Þeir kveða sér lítit fyrir því, ok ganga einnhvern dag til húsa hennar; sat hon þá ok drakk með marga menn. Hon fagnaði vel skáldunum, því at þeir váru henni kunnir. Hjalti bar henni kveðju Ingibjargar konu jarls ok sagði, at hon hefði sent hann þangat til trausts ok vináttu,

ok bar fram jartegnir. Konungsdóttir tók því vel ok kvað honum heimila skyldu sína vináttu. Sátu þeir þar lengi dags ok drukku; spurði konungsdóttir Hjalta margra tíðinda ok bað hann þar opt koma til tals við, sik. Hann gerði svá, kom þar optliga ok talaði við konungsdóttur, sagði 5 henni þá af trúnaði frá ferð þeira Bjarnar, ok spyrr hvat hon hyggr, hvernug Sviakonungr muni taka þeim málum, at sætt væri ger milli þeira konunga. Konungsdóttir svarar ok kvazt þat hyggja, at þess mundi ekki leita þurfa, at konungr mundi sætt gera við Ólaf digra; sagði, at konungr 10 var svá reiðr orðinn Ólafi, at eigi má hann heyra, at hann væri nefndr.

Þat var einn dag, at Hjalti sat fyrir konunginum ok talaði við hann; var þá konungr allkátr ok drukinn mjök. Þá mælti Hjalti til konungs: Allmikla tign má hér sjá 15 margskonar, ok er mér þat at sjón orðit, er ek hefi opt heyrt frásagt, at engi konungr er jafngöfugr á Norðrlöndum. sem þú. Allmikill harur er þat, er vér eigum svá langt hingat at soekja ok svá meinfoert, fyrst hafsmegin mikit, en þá ekki friðsamt at fara um Noreg þeim mönnum, er hingat 20 vilja soekja með vináttu; eða hvárt leita menn ekki við at bera sáttmál meðal ykkar Ólafs digra? Mjök heyrða ek þat roett í Noregi, ok svá í vestra Gautlandi, at allir mundu þess fúsir vera, at friðr yrði, ok þat var mér sagt með sannindum frá orðum Noregs konungs, at hann væri 25 fúss at sættast við yðr, ok veit ek, at þat mun til koma, at hann mun sjá þat, at hann hefir miklu minna afía en þér hafit. Svá var þat mælt ok, at hann ætlaði at biðja Ingigerðar dóttur þinnar, ok er slíkt ok vænst til heilla sátta. ok er hann hinn mesti merkismaðr, at því er ek heyrða 30 réttorða menn frá segja. Þá svarar konungr: Ekki skaltu mæla slíkt, Hjalti! en eigi vil ek fyrirkunna þik þessa orða, því at þú veizt eigi hvat varast skal; ekki skal þann hinn digra mann konung kalla hér í hirð minni, ok er til hans miklu minna skot en margir láta yfir, ok mun. þér svá 35

þykkja, ef ek segi þér, at sú mægð má eigi maklig vera, því at ek em hinn 10di konungr at Uppsölum, svá hverr hefir eptir annan tekit várra frænda ok verit einvaldskonungar yfir Svíaveldi ok yfir mörgum öðrum stórum löndum, 5 ok verit allir yfirkonungar annarra konunga á Norðrlöndum. En í Noregi er lítil bygð ok þó sundrlaus, hafa þar verit smákonungar, en Haraldr hinn hárfagri var mestr konungr í því landi, ok átti hann skipti við fylkiskonunga ok braut þá undir sik, kunni hann sér þann hagnað at ágirnast ekki 10 Svíakonungs veldi, létu Svíakonungar hann fyrir því sitja í friði; ok enn var þat til, at frændsemi var meðal þeira. En þá er Hákon Aðalsteinsfóstri var í Noregi, þá sat hann í friði, þar til er hann herjaði á Gautland ok Danmörk; en síðan var efldr flokkur á hendr honum, ok var hann 15 feldr frá löndum. Gunnhildar synir váru ok af lífi teknir, þegar er þeir gerðust úhlýðnir Danakonungi, lagði þá Haraldr Gormsson Noreg við sitt ríki ok skattgildi, ok þótti oss þó Haraldr konungr Gormsson vera minni fyrir sér en Uppsala konungar, því at Styrbjörn frændi várr kúgaði 20 hann, ok gerðist Haraldr hans maðr, en Eiríkr hinn sigrsæli, faðir minn, steig þó yfir höfuð Styrbirni, þá er þeir reyndu sín á milli. En er Ólafr Tryggvason kom í Noreg ok kallaðist konungr, þá létum vér honum þat eigi hlýða, lórum vit Sveinn Danakonungr ok tókum hann af lífi. 25 Nú hefi ek eignazt Noreg, ok eigi með minna ríki en þú máttir nú heyra, ok eigi verr atkomizt en ek hefi sótt með orrostu ok sigrat þann konung, er áðr réð fyrir. Máttu ætla þat, vitr maðr, at þat mun fjarri fara, at ek láta laust þat ríki fyrir þeim hinum digra manni, ok er 30 þat undarligt, at hann man eigi þat, er hann kom nauðuligast út or Leginum, þá er vér höfðum hann inni byrgt; hygg ek, at honum væri þá annat í hug, ef hann kvæmist með fjörvi í brott, en þat at halda optar deilu við oss Svíana. Nú skaltu, Hjalti! hafa eigi optar í munni þessa 35 ræðu fyrir mér. Hjalta þótti úvænt áhorfast, at konungr

mundi vilja til hlýða sætta umleitanar; hann hætti þá ok tók aðra ræðu. Nökkuru síðar, þá er Hjalti var á tali við Ingigerði konungsdóttur, sagði hann henni alla ræðu þeira konungs. Hon kvað sér slíkra svara ván af konungi. Hjalti bað hana nökkur orð til leggja við konung, ok kvað 5 þat helzt tjá mundu. Hon kvað konung ekki mundu á hlýða. hvat sem hon mælti, en um má ek ræða, segir hon, ef þú vill. Hjalti kvezt þess þökk kunna.

Ingigerðr konungsdóttir var á tali við Ólaf konung föður sinn einnhvern dag. En er hon fann, at konungi var skap- 10 létt, þá mælti hon: Hverja ætlan hefir þú á um deilu ykra Ólafs digra? margir menn kæra nú þat vandræði, kallast sumir hafa látit fé, sumir frændr fyrir Norðmönnum, en allir friðland, ok er engum yðrum manni kvæmt í Noreg at svá búnu; var þat mjök úsynju, er þér kölluðut til 15 ríkis í Noregi, er land þat fátækt ok ilt yfirfarar, ok fólk útrygt, vilja menn þar í landi hvern annan heldr at konungi en þik. Nú ef ek skylda ráða, þá mundir þú láta vera kyrt at kalla til Noregs, en brjótast heldr í Austrveg til ríkis þess, er átt höfðu hinir fyrri Sviakonungar, ok nú 20 fyrir skömmu lagði undir sik Styrbjörn frændi várr, en láta Ólaf digra hafa frændleifð sína ok gera sætt við hann. Konungr sagði reiðuliga: Þat er þitt ráð, Ingigerðr! at ek láta af ríki í Noregi, en gipta þik Ólafi digra; nei, segir hann, annat skal fyrr; heldr mun hitt, at í vetr á 25 Uppsalaþingi skal ek gera bert fyrir öllum Svíum, at almenningr skal úti at liði áðr en ísa taki af vötnum. skal ek fara í Noreg ok eyða þat land oddi ok eggju ok brenna alt ok gjalda þeim svá útrúleik sinn. Varð konungr þá svá óðr ok reiðr, at honum mátti engu orði 30 svara. Gékk hon þá í brott. Hjalti hélt vörð á ok gékk þegar at finna hana, spyr hann þá, hvert erendi hennar varð til konungsins. Hon segir, at svá fór, sem hon vænti, at engum orðum mátti við konunginn koma, ok

hann heitaðist í mót; ok bað hon Hjalta aldri geta þessa máls fyrir konungi.

Ingigerðr ok Hjalti, er þau töluðu, ræddu optliga um Ólaf digra; sagði hann henni opt frá honum ok hans háttum, ok lofaði sem hann kunni, ok var þat sannast frá at segja. Hon lét sér þat vel skiljast. Ok enn eitt sinn er þau töluðu, þá mælti Hjalti: Hvárt skal ek, konungsdóttir! mæla þat fyrir þér í orlofi, er mér býr í skapi? Mæl þú, segir hon, svá at ek heyra ein. Þá mælti Hjalti: 10 Hvernug mundir þú svara, ef Ólafr Noregs konungr sendi menn til þín með þeim erendum at biðja þín? Hon roðnaði ok svarar úbrátt ok þó stilliliga: Ekki hefi ek hugfest svör fyrir mér um þat, því at ek ætla, at ek muna eigi þurfa til at taka þeira svara; en ef Ólafr er svá at sér gerr um 15 alla hluti, sem þú segir frá honum, þá munda ek eigi kunna at oeskja minn mann á annan veg, ef eigi er þat, at þér munit heldr hóli gilt hafa í marga staði. Hjalti segir, at engan hlut hefir hann betr látit um konunginn en var. Þau ræddu þetta sín í milli mjök optliga. 20 Ingigerðr bað Hjalta varast at mæla þetta fyrir öðrum mönnum, fyrir þá sök at konungrinn mun verða þér reiðr, ef hann verðr þessa viss. Hjalti segir þetta skáldunum Gizuri ok Óttari. Þeir kváðu þat vera hit mesta happaráð, ef framgengt mætti verða. Óttarr var máldjarfr maðr 25 ok höfðingjakærr; var hann brátt at þessu máli við konungsdóttur ok taldi upp fyrir henni slíkt sem Hjalti um mannkosti konungsins. Ræddu þau Hjalti opt öll saman um þetta mál; ok er þau töluðu jafnan ok Hjalti var sannfróðr at orðinn um erendislok sín, þá sendi hann brott 30 hina gauzku menn, er honum höfðu þannug fylgt, lét þá fara aptr til jarls með bréfum, þeim er Ingigerðr konungsdóttir ok Hjalti sendu jarli ok Ingibjörgu. Hjalti lét ok koma veðr á þau um ræður, þær er hann hafði upphafit við Ingigerði, ok svá um svör hennar. Kómu sendimenn 35 til jarls nökkuru fyrir jól.

Ferð Ólafs konungs á Upplönd.

72. Þá er Ólafr konungr hafði sent þá Björn austr á Gautland, þá sendi hann aðra menn til Upplanda með þeim erendum at boða veizlur fyrir sér, ok ætlaði hann at fara þann vetr at veizlum yfir Upplönd; því at þat hafði 5 verit siðr hinna fyrri konunga at fara at veizlum hinn þriðja hvern vetr yfir Upplönd. Hóf hann ferðina um haustit or Borg, fór hann fyrst á Vingulmörk; hann háttaði svá ferðinni, at hann tók veizlur uppi í nánd markbygðinni ok stefndi til sín öllum bygðarmönnum ok þeim öllum vendi- 10 ligast, er first bygðu meginheruðum. Hann rannsakaði at um kristnihald manna, ok þar er honum þótti ábótavant, kendi hann þeim rétta siðu, ok lagði svá mikit við, ef nokkurir væri þeir, er eigi vildi af láta heiðninni, at suma rak hann brott or landi, suma lét hann hamla at höndum 15 eða fótum eða stinga augu út, suma lét hann hengja eða höggva, en engi lét hann úhegndan, þann er eigi vildi guði þjóna. Fór hann svá um alt þat fylki. Jafnt hegndi hann ríka ok úríka. Hann fékk þeim kennimenn, ok setti þá svá þykt í heruðum, sem hann sá at bezt bar. Með þessum 20 hætti fór hann um þetta fylki. Hann hafði 300 vígra manna, þá er hann fór upp á Raumaríki. Honum fannst þat brátt, at kristnihaldit var því minna, er hann sótti meir á landit upp. Hann hélt þó hinu sama fram ok sneri öllum lýð á rétta trú, ok veitti stórar refsingar þeim 25 er eigi vildu hlýða hans orðum.

Svíkræði Upplendinga konunga.

73. Ok er þat spurði konungr, sá er þar réð fyrir Raumaríki, þá þótti honum geraðt mikit vandmæli; því at hvern dag kómu til hans margir menn, er slíkt kærðu fyrir 30 honum, sumir ríkir, sumir úríkir. Konungrinn tók þat ráð, at hann fór upp á Heiðmörk á fund Hroereks konungs; því at hann var þeira konunga vitrastr, er þar váru þá. En

er konungar tóku tal sín í milli, þá kom þat ásamt með þeim, at senda orð Guðrøði konungi norðr í Dala ok svá á Haðaland, til þess konungs er þar var, ok biðja þá þar koma á Heiðmörk til fundar við þá Hroerek konung. Þeir lögðust eigi ferð undir höfuð, ok hittust þeir 5 konungar á Heiðmörk, þar sem heitir á Hringisakri. Hringr var þar hinn fimti konungr bróðir Hroereks konungs. Þeir konungarnir ganga fyrst einir saman á tal. Tók sá fyrst til orða, er kominn var af Raumaríki, ok sagði frá ferð Ólafs konungs digra ok þeim úfriði, er hann gerði bæði í manna aftökum ok manna meizlum, suma rak hann or landi, ok tók upp fé fyrir öllum þeim, er nökkut mæltu móti honum, en fór með her manns um landit, en ekki með því fjölmenni, er lög váru til. Hann segir ok, at fyrir þeim úfriði kvezt hann hafa þangat flýit, kvað ok marga aðra ríkismenn hafa flýit óðul sín af Raumaríki. En þó at oss sé nú þetta vandræði næst, þá mun skamt til, at þér munut fyrir slíku eiga at sitja, ok er fyrir því betra, at vér ráðim um allir saman, hvert ráð upp skal taka. Ok er hann 20 lauk sinni ræðu, þá vöku konungar þar til svara sem Hroerekr var. Hann mælti: Nú er framkomit þat, er mik grunaði, at vera myndi, þá er vér áttum stefnu á Haðalandi ok þér várut allir ákafir, at vér skyldim hefja Ólaf upp yfir höfuð oss, at hann mundi verða oss harðr í horn 25 at taka, þegar er hann hefði einvald yfir landi. Nú eru tveir kostir fyrir hendi, sá annarr, at vér farim á fund hans allir ok látim hann skera ok skapa alt vár í milli, ok ætla ek oss þann beztan af at taka, en sá annarr, at rísa nú í mót, meðan hann hefir eigi víðara yfir landit 30 farit. En þótt hann hafi 300 manna eða 400, þá er oss þat ekki ofrefli liðs, ef vér verðum at einu ráði allir; en optast sigrast þeim verr, er fleiri eru saman jafnríkir, heldr en hinum, er einn er oddviti fyrir liðinu, ok er þat mitt ráð heldr at hætta eigi til þess at etja hamingju við 35 Ólaf Haraldsson. En eptir þat talaði hverr þeira kon-

unga slíkt er sýndist; löttu sumir, en sumir fýstu, ok varð
 engi orskurðr ráðinn, töldu á hvárutveggja sýna annmarka.
 Þá tók til orða Guðrøðr Dalakonungr ok mælti svá: Undar-
 ligt þykki mér, er þér vefit svá mjök orskurði um þetta
 mál, ok erut þér gagnhræddir við Ólaf. Vér erum hér 5
 konungar, ok er engi várr verr ættborinn heldr en Ólafr.
 Nú veittum vér honum styrk til at berjast við Svein jarl,
 ok hefir hann með várum afla eignazt land þetta. En ef
 hann vill nú fyrirmuna hverjum várum þess hins litla ríkis,
 er vér höfum áðr haft, ok veita oss pyndingar ok kúgan, 10
 þá kann ek þat frá mér at segja, at ek vil fœrast undan
 þrælkan konungs, ok kalla ek þann yðarn ekki at manna
 vera, er æðrast í því, at vér takim hann af lífdögum, ef
 hann ferr í hendr oss upp hingat á Heiðmörk, fyrir því at
 þat er yðr at segja, at aldregi strjúkum vér frjálst höfuð, 15
 meðan Ólafr er á lífi. En eptir eggjan þessa snúa þeir
 allir at því ráði. Þá mælti Hroerekr: Svá lízt mér um
 ráðagerð þessa, sem vér munim þurfa ramligt at gera sam-
 band várt, at engi skjöplist í einurðinni við annan. Nú
 ætlit þér, þá er Ólafr kemr hingat á Heiðmörk, at veita 20
 honum atgöngu at ákveðinni stefnu, þá vil ek eigi þenna
 trúnað undir yðr eiga, at þér sét þá sumir norðr í Dölum.
 en sumir út á Heiðmörk; vil ek, ef þetta ráð skal staðfesta
 með oss, at vér sém ásamt dag ok nótt, þar til er þetta
 ráð verðr framgengt. Þessu játtu konungar, ok fara þá 25
 allir samt. Þeir láta búa veizlu fyrir sér út á Hringis-
 akri ok drekka þar hvirfing, en gera njósn frá sér út á
 Raumaríki; láta þegar aðra njósnarmenn út fara, er aðrir
 snúa aptr, svá at þeir vitu dag ok nótt, hvat títt er um
 ferðir Ólafs eða um fjölmenni hans. Ólafr konungr fór at 30
 veizlum utan um Raumaríki, ok alt með þvílíkum hætti
 sem fyrr var sagt. En er veizlur endust eigi fyrir fjöl-
 mennis sakir, þá lét hann þar boendr til leggja at auka
 veizlurnar, er honum þótti nauðsyn til bera at dveljast,
 en sumstaðar dvaldist hann skemr en ætlat var, ok varð 35

hans ferð skjótari en ákveðit var upp til vatnsins. En er konungar höfðu staðfest þetta ráð sín í milli, þá senda þeir orð ok stefna til sín lendum mönnum ok ríkum bóndum or öllum þeim fylkjum; en er þeir koma þar, þá eigu konungar stefnu við þá eina saman ok gera fyrir þeim bert þetta ráð ok kveða á stefnudag, nær sjá ætlan skal framkvæmd verða; á þat kveða þeir, at hverr þeira konunga skyldi hafa 300 manna. Senda þeir þá aptr lenda menn, til þess at þeir skyldu liði samna ok koma til móts við konunga, þar sem ákveðit var. Sjá ráðagerð líkaði flestum mönnum vel; en þó var, sem mælt er, at hverr á vin með úvinum.

Hamlaðir Upplendinga konungar.

74. Á þeiri stefnu var Ketill af Ringunesi. En er hann kom heim um kveldit, þá mataðist hann at náttverði, en síðan klæddist hann, ok húskarlar hans, ok fór ofan til vatns, ok tóku karfann, er Ketill átti, er Ólafr konungr hafði gefit honum, settu fram skipit; var þar í naustinu allr reiðinn; taka þá ok skipast til ára ok róa út eptir vatni. Ketill hafði 40 manna, alla vel vápnaða; þeir kómu um daginn snemma út til vatnsenda. Fór þá Ketill með 20 menn, en lét aðra 20 eptir at gæta skips. Ólafr konungr var þá á Eiði á ofanverðu Raumaríki. Ketill kom þar, þá er konungr gékk frá óttusöng; fagnaði hann Katli vel. Ketill segir, at hann vill tala við konung skjótt. Þeir ganga á tal tveir saman. Þá segir Ketill konungi, hver ráð konungarnir hafa með höndum ok alla tilætlan, þá er hann var viss orðinn. En er konungr varð þess varr, þá kallar hann menn til sín, sendir suma í bygðir, bað þá stefna til sín reiðskjótum, suma sendi hann til vatnsins at taka róðrarskip, þau er þeir féngi, ok hafa í móti sér; en hann gékk þá til kirkju ok lét syngja sér messu; gékk síðan þegar til borða. En þá er hann hafði matazt, bjóst hann sem skyndiligast ok fór upp til vatnsins; kómu þar skip í

móti honum; steig hann þá sjálf á karfann ok með honum menn svá margir, sem karfinn tók við; en hverr annarra tók sér þar skip sem helzt fékk. Ok um kveldit er á leið, létu þeir frá landi; logn var veðrs; þeir reru upp eptir vatninu; konungrinn hafði þá nær 400 manna. Fyrr en 5 dagaði kom hann upp til Hringisakrs; urðu varðmenn eigi varir fyrr við, en liðit kom upp til bæjarins. Þeir Ketill vissu gerva í hverjum herbergjum konungarnir sváfu; lét konungr taka öll þau herbergi ok gæta, at engi maðr kæmist í brott; biðu svá lýsingar. Konungarnir höfðu eigi 10 liðskost til varnar, ok váru þeir allir höndum teknir ok leiddir fyrir konung. Hrcerekr konungr var maðr forvitri ok harðráðr; þótti Ólafi konungi hann útrúligr, þótt hann gerði nökkurá sætt við hann. Hann lét blinda Hrcerek báðum augum, ok hafði hann með sér; en hann lét skera 15 tungu or Guðröði Dalakonungi; en Hring ok aðra tvá lét hann sverja sér eiða, at þeir skyldu fara í brott or Noregi ok koma aldri aptr; en lenda menn eða boendr, þá er sannir váru at þessum svikræðum, rak hann suma or landi, sumir váru meiddir, af sumum tók hann sættir. Frá þessu segir 20 Óttarr svarti:

Lýtandi hefir ljótu
landsráðundum branda
umstillingar allar
ifla folds um goldit.

Hafa léztu heiðska jöfra,
herskorðandi! forðum
mundangs laun, þá er meinum,
mætr gramr! við þik sættu.

Braut hafit, böðvar þreytir!
branda rjóðr! or landi,
meir fannsk þinn en þeira
þrekr, döglinga rekna.

Stökk, sem þjóð um þekkir,
þér hverr konungr ferri,
heptut ér en eptir
orðreyr þess er sat norðast. 25

Nú ræðr þú fyrir þeiri,
þik remmir guð miklu,
fold, er forðum héldu
fim bragningar, gagni.

Breið eru austr til Eiða
ættlönd und þér, göndlar
engr sat elda þröngvir
áðr at slíku láði. 30

Ólafr konungr lagði þá undir sik þat ríki, er þessir 5 konungar höfðu átt; tók þá gíslar af lendum mönnum ok 35 bóndum. Hann tók veizlugjöld norðan or Dölum ok víða

um Heiðmörk, ok sneri þá út aptr á Raumaríki ok þá vestr á Haðaland. Þann vetr andaðist Sigurðr sýr mágr hans. Þá sneri Ólafr konungr á Hringaríki, ok gerði Ásta móðir hans mikla veizlu í móti honum. Bar þá Ólafr einn konungsnafn í Noregi.

Frá bræðrum Ólafs konungs.

75. Svá er sagt, at Ólafr konungr var á veizlunni með Ástu móður sinni, at hon leiddi fram börn sín ok sýndi honum. Konungrinn setti á kné sér Guthorm bróður
10 sinn, en á annat kné Hálfðan bróður sinn. Konungrinn sá á sveinana; þá ýgldist hann ok leit reiðuliga til þeira. Þá glúpnuðu sveinarnir. Þá bar Ásta til hans hinn yngsta son sinn, er Haraldr hét; þá var hann þrevetr. Konungrinn ýgldist á hann; en hann sá upp í mót honum. Þá tók
15 konungr í hár sveininum ok kipti; sveinninn tók upp í kampinn konunginum ok hnykti. Þá mælti konungrinn: Hefnisamr muntu síðar, frændi! Annan dag reikaði konungr úti um bæinn, ok Ásta móðir hans með honum. Þá géngu þau at tjörn nökkurri. Þar váru þá sveinarnir
20 synir Ástu ok léku sér, Guthormr ok Hálfðan. Þar váru gervir bæir stórir ok kornhlöður stórar, naut mörg ok sauðir; þat var leikr þeira. Skamt þaðan frá viðr tjörnina hjá leirvík nökkurri var Haraldr, ok hafði þar tréspánu, ok flutu þar við landit margir. Konungrinn spurði hann, hvat
25 þat skyldi? Hann kvað þat vera herskip sín. Þá bló konungr at ok mælti: Vera kann, frændi! at þar komi, at þú ráðir fyrir skipum. Þá kallaði konungr þangat Hálfðan ok Guthorm. Þá spurði hann Guthorm: Hvat vildir þú flest eiga, frændi? Akra, segir hann. Konungr
30 mælti: Hversu víða akra mundir þú eiga vilja? Hann svarar: Þat vilda ek, at nesit væri þetta alt sáit hvert sumar, er út gengr í vatnit. En þar stóðu 10 bæir. Konungrinn svarar: Mikit korn mætti þar á standa. Þá spurði konungr Hálfðan, hvat hann vildi flest eiga. Kýr,

segir hann. Konungr spurði: Hversu margar vildir þú kýr eiga? Hálfðan sagði: Þá er þær géngi til vatns, skyldu þær standa sem þykst umhverfis vatnit. Konungrinn svarar: Bú stór vilit þit eiga; þat er líkt feðr ykrum. Þá spyr konungr Harald: Hvat vildir þú flest eiga? Hann svarar: Húskarla, segir hann. Konungr mælti: Hve marga viltu þá eiga? Þat vilda ek, at þeir æti at einu máli kýr Hálfðanar bróður míns. Konungr hló at ok mælti til Ástu: Hér muntu konung uppfœða, móðir! Eigi er þá getit fleiri orða þeira.

10

Frá landsdeild í Svíþjóð ok lögum.

76. Í Svíþjóð var þat forn siðr, meðan heiðni var þar, at höfuðblót skyldi vera at Uppsölum at Góí; skyldi þá blóta til friðar ok sigrs konungi sínum, ok skyldu menn þangat sækja um alt Svíaveldi, skyldi þar þá ok vera þing allra Svía; þar var ok þá markaðr ok kaupstefna, ok stóð viku. En er kristni var í Svíþjóð, þá hélzt þar þó lögþing ok markaðr. En nú síðan er kristni var alsiða í Svíþjóð, en konungar afreктust at sitja at Uppsölum, þá var færðr markaðrinn ok hafðr kyndilmessu; hefir þat haldizt alla stund síðan, ok er nú hafðr eigi meiri en þrjá daga. Er þar þing Svía, ok sækja þeir þar til um alt land. Svíaveldi liggr í mörgum hlutum. Einn hlutr er vestra Gautland ok Vermaland ok Markir, ok þat er þar liggr til, ok er þat svá mikit ríki, at undir þeim byskupi, er þar er yfir, eru 11 hundruð kirkna. Annarr hlutr lands er eystra Gautland, þar er annarr byskupsdómr; þar fylgir nú Gotland ok Eyland, ok er þat alt saman miklu meira byskupsveldi. Í Svíþjóð sjálfri er einn hlutr lands, er heitir Suðrmannaland; þat er einn byskupsdómr. Þá heitir Vestmannaland eða Fjaðrundaland; þat er einn byskupsdómr. Þá heitir Tíundaland hinn þriði hlutr Svíþjóðar. Þá heitir hinn fjórði Áttandaland, þá er hinn fimti Sjáland ok þat er þar liggr til, þat liggr hit eystra með hafinu. Tíundaland

er bezt ok göfgast bygt í Svíþjóð; þangat lýtr til alt
ríkit, þar eru Uppsalar, þar er konungsstóll, ok þar er
erkibyskupsstóll, ok þar er viðkendr Uppsala auðr; svá
kalla Svíar eign Svíakonungs, kalla Uppsala auð. Í hverri
5 þeiri deild landsins er sitt lögþing ok sín lög um marga
hluti; yfir hverjum lögum er lögmaðr, ok ræðr hann mestu
við bæendr; því at þat skulu lög vera, er hann ræðr upp
at kveða. En ef konungr eða jarl eða byskupar fara yfir
landit ok eigu þing við bæendr, þá svarar lögmaðr af hendi
10 bónda, en þeir fylgja honum allir svá, at varla þora ofreflis-
menn at koma á alþingi þeira, ef eigi lofa bæendr ok lög-
maðr. En þar alt er lögin skilr á, þá skulu öll hallast
til móts við Uppsala lög, ok aðrir lögmenn allir skulu vera
undirmenn þess lögmanns, er á Tíundalandi er.

15 *Frá Þorgný lögmanni.*

77. Þá var á Tíundalandi sá lögmaðr er Þorgnýr
hét; faðir hans er nefndr Þorgnýr Þorgnýsson. Þeir
langfeðgar höfðu verit lögmenn á Tíundalandi um margra
konunga ævi. Þorgnýr var þá gamall; hann hafði um
20 sik mikla hirð, hann var kallaðr vitrastr maðr í Svíaveldi;
hann var frændi Rögnvalds jarls ok fóstfaðir hans.

*Fundr Rögnvalds jarls ok Ingigerðar konungsdóttur á
Ullarakri.*

78. Nú er þar til máls at taka, er þeir menn kómu
25 til Rögnvalds jarls, er Ingigerðr konungsdóttir ok þau
Hjalti höfðu sent austan; báru þeir fram sín erendi fyrir
Rögnvald jarl ok Ingibjörgu konu hans, ok sögðu þat, at
konungsdóttir hefði opt rætt fyrir Svíakonungi um sættir
milli þeira Ólafs konungs digra, ok hon var hinn mesti
30 vinr Ólafs konungs; en Svíakonungr varð reiðr hvert sinni
er hon gat Ólafs, ok henni þótti engi ván um sættirnar
at svá búnu. Jarl sagði Birni, hvat hann hafði austan
spurt; en Björn sagði enn hit sama, at hann mundi eigi

fyrr aptr hverfa, en hann hitti Svíakonung, ok segir at
 jarl hefir honum því heitit, at hann skal fylgja honum á
 fund Svíakonunga. Nú líðr fram vetrinum, ok þegar á
 bak jólum býr jarl ferð sína ok hefir 60 manna; þar var
 í för Björn stallari ok hans förunautar. Fór jarl austr 5
 alt í Svíþjóð; en er hann sótti upp í landit, þá sendi hann
 menn sína fram fyrir til Uppsala, ok sendi orð Ingigerði
 konungsdóttur, at hon skyldi fara út á Ullarakr á móti
 honum; þar átti hon bú stór. En er konungsdóttur kómu
 orð jarls, þá lagðist hon eigi ferðina undir höfuð, ok bjóst 10
 hon með marga menn. Hjalti rézt til farar með henni.
 En áðr hann færi í brott, gékk hann fyrir Ólaf konung ok
 mælti: Sittu allra konunga heilastr, ok er þat satt at segja,
 at ek hefi hvergi þar komit, er ek hafa slíka tign sét, sem
 með þér; skal ek þat orð bera, hvar sem ek kem síðan; 15
 vil ek þess biðja yðr, konungr! at þú sér vinr minn.
 Konungr svarar: Hví lætr þú svá brantfúslega? hvert skaltu
 fara? Hjalti svarar: Ek skal ríða út á Ullarakr með
 Ingigerði dóttur þinni. Konungr mælti: Far þú þá vel;
 vitr maðr ertu ok siðugr, ok kant vel at vera með tignum 20
 mönnum. Gékk þá Hjalti í brott. Ingigerðr konungsdóttir
 reið til búa sinna út á Ullarakr, lét þar búa veizlu mikla
 í mót jarli. Þá kom jarl þar, ok var honum vel fagnat;
 dvaldist hann þar nokkurar nætr. Töluðu þau konungs-
 dóttir mart, ok flest um þá Svíakonung ok Noregs konung; 25
 segir hon jarli, at henni þykkir úvænt, horfa um sættirnar.
 Þá mælti jarl: Hvernug er þér gefit, frændkona! um þat,
 ef Ólafr Noregs konungr biðr þín? sýnist oss þat sem
 helzt muni til setta einhlítt, ef mægðir þær mætti takast
 milli þeirra konunga; en ek vil ekki ganga með því máli, 30
 ef ek veit, at þat er þvert frá þínum vilja. Hon segir: Faðir
 minn mun sjá kost fyrir mér; en annarra minna frænda
 ertu sá, er ek vil helzt mín ráð undir eiga, þau er mér
 þykkir miklu máli skipta. Eða hve ráðligt sýnist þér
 þetta? Jarl fýsti hana mjök, ok talði marga hluti upp 35

til frama um Ólaf konung, þá er stórvegligir váru, sagði henni inniliga frá þeim atburðum, er þá höfðu fyrir skemstu gerzt, er Ólafr konungr hafði handtekna gert 5 konunga á einum morni, ok tekit þá alla af ríki, en lagt þeira eignir ok ríki við sitt veldi. Mart roeddu þau um þetta mál, ok urðu á allar roedur sátt sín á milli. Fór jarl í brott, er hann var at því búinn. Hjalti fór með honum.

Frá Rögnvaldi ok Þorgný lögmanni.

79. Rögnvaldr jarl kom einn dag at kveldi til bús Þorgnýs lögmanns; þar var boer mikill ok stórkostligr; váru þar margir menn úti, þeir fögnuðu vel jarli ok tóku við hestum þeira ok reiða. Jarl gékk inn í stofuna, var þar inni fjölmenni mikit; þar sat í öndugi maðr gamall; engi mann höfðu þeir Björn sét jafnmikinn; skeggit var svá sitt, at lá í knjám honum, ok breiddist um alla bringuna; hann var vænn maðr ok göfugligr. Jarl gékk fyrir hann ok heilsaði honum. Þorgnýr fagnar honum vel ok bað hann ganga til sætis þess, er hann var vanr at sitja í. Jarl settist öðrum megin gegnt Þorgný. Þeir dvöldust þar nokkurar nætr, áðr jarl bar upp erendi sín; bað hann, at þeir Þorgnýr skyldu ganga í málstofu. Þeir Björn förnautar géngu þannug með jarli; þá tók jarl til máls, ok sagði frá því, at Ólafr Noregs konungr hafði senda menn sína austr þannug til friðgerðar, talaði ok um þat langt, hvert vandræði Vestrgautum var at því, er úfriðr var þaðan til Noregs; hann sagði ok frá því, at Ólafr Noregs konungr hafði þangat senda menn, ok þar váru þá sendimenn konungs, ok hann hafði þeim því heitit, at fylgja þeim á fund Sviakonungs; ok hann sagði, at Sviakonungr tók þessu máli svá þungliga, at hann lét engum manni hlýða skyldu at ganga með þessu máli. Nú er svá, fóstri! segir jarl, at ek verð eigi einhlítr at þessu máli; hefi ek nú fyrir því sótt á þinn fund, ok vætti ek þar heilla ráða ok trausts þíns. En er jarl hætti sínu máli, þá þagði

Þorgnýr um hríð; en er hann tók til máls, mælti hann: Undarlíga skiptit þér til, gírnizt at taka tignarnafn, en kunnit yðr engi forráð eða fyrirhyggju, þegar er þér komit í nökkurn vanda; hví skyldir þú eigi hyggja fyrir því, áðr þú hétir þeirri ferð, at þú hefir eigi ríki til þess at mæla 5 í mót Ólafi konungi; þykki mér þat eigi úvirðilígra, at vera í búanda tölu ok vera frjáls orða sinna, at mæla slíkt er hann vill, þótt konungr sé hjá. Nú mun ek koma til Uppsala þings ok veita þér þat lið, at þú mælir þar úhræddr fyrir konungi slíkt er þér líkar. Jarl þakkaði 10 honum vel þessi heit, ok dvaldist hann með Þorgný, ok reið með honum til Uppsala þings. Var þar allmikit fjölmenni; þar var Ólafr konungr með hirð sinni.

Frá Uppsala þingi.

80. Hinn fyrsta dag er þing var sett, sat Ólafr 13 konungr á stóli, ok þar hirð hans umhverfis. En annan veg á þingit sátu þeir á einum stóli Rögnvaldr jarl ok Þorgnýr, ok sat þar fyrir þeim hirð jarls ok húskarlasveit Þorgnýs; en á bak stólinum stóð bóndamúgrinn, ok alt umhverfis í hring; sumir fóru á hæðir ok hauga at heyra 20 þaðan til. En er töluð váru erendi konungs, þau sem siðr var til at mæla á þingum, ok er því var lokit, þá stóð upp Björn stallari hjá stóli jarls, ok mælti hátt: Ólafr konungr sendi mik hingat þess erendis, at hann vill bjóða Sviakonungi sætt, ok þat landaskipti, sem at fornu fari 25 hefir verit milli Noregs ok Svíþjóðar. Hann mælti hátt, svá at Sviakonungr heyrði gerva. En fyrst er Sviakonungr heyrði nefndan Ólaf konung, þá hugði hann, at sá mundi reka nökkut hans erendi; en er hann heyrði roett um sætt ok landaskipti milli Svíþjóðar ok Noregs, þá skildi hann 30 af hverjum rifjum rísa mundi; þá hljóp hann upp ok kallaði hátt, at sá maðr skyldi þegja, kvað slíkt ekki tjóa mundu. Björn sezt þá niðr. En er hljóð fékkst, þá stóð jarl upp ok mælti. Hann sagði frá orðsending Ólafs digra ok

sættarboðum við Ólaf Sviakonung, ok frá því, at Vestrgautar sendu Ólafi konungi öll orð til, at sætt skyldi gera við Noregs konung; taldi hann upp hvert vandræði Vestrgautum var at því, at missa þeira hluta allra af Noregi, er þeim
 5 var árbót í, en í annan stað at sitja fyrir áhlaupum þeira ok hernaði, ef Noregs konungr samnaði her saman ok herjaði á þá. Jarl sagði ok, at Ólafr Noregs konungr hafði menn þangat sent þeira erenda, at hann vill biðja Ingigerðar dóttur hans. En er jarl hætti at tala, þá stóð
 10 upp Ólafr Sviakonungr. Hann svarar þungliga um sættina, en veitti jarlinum átölur þungar ok stórar um dirfð þá, er hann hafði gert grið ok frið við hinn digra mann, ok lagt við hann vináttu; taldi hann sannan at landráðum við sik, kvað þat makligt, at Rögnvaldr væri rekinn or ríkinu, ok
 15 sagði, at alt slíkt hlaut hann af áeggjan Ingibjargar konu sinnar, ok kvað þat verit hafa hit úsnjallasta ráð, er hann skyldi fengit hafa at girndum slíkrar konu. Hann talaði langt ok hart, ok sneri þá enn tölunni á hendr Ólafi digra. En er hann settist niðr, þá var fyrst hljótt.

20 *Tala Þorgnýs lögmanns.*

81. Þá stóð upp Þorgnýr. En er hann stóð upp, þá stóðu upp allir boendr, þeir er áðr höfðu setit, ok þustu at allir, þeir er í öðrum stöðum höfðu verit, ok vildu hlýða til, hvat Þorgnýr mælti. Var þá fyrst gnýr mikill af
 25 fjölmenni ok vápnum. En er hljóð fékkst, þá mælti Þorgnýr: Annan veg er nú skaplyndi Sviakonunga, en fyrr hefir verit. Þorgnýr föðurfaðir minn mundi Eirík Uppsala-konung Emundarson, ok sagði þat frá honum, at meðan hann var á léttasta aldri, at hann hafði hvert sumar leið-
 30 angr úti ok fór til ýmissa landa, ok lagði undir sik Finnland ok Kirjálaland, Eistland ok Kúrland, ok víða um austrlönd, ok mun enn sjá þær jarðborgir ok önnur stórvirki, þau er hann gerði, ok var hann eigi svá mikillátr, at eigi hlýddi hann mönnum, ef skylt áttu við hann at ræða.

Þorgnýr faðir minn var með Birni konungi langa ævi; var honum hans siðr kunnigr, stóð um ævi Bjarnar hans ríki með styrk miklum en engum þurð, var hann dæll sínum vinum. Ek má muna Eirík konung hinn sigr-sæla, ok var ek með honum í mörgum herförum; jók hann 5 ríki Svía, en varði harðfengliga, var oss gott við hann ráðum at koma. En konungr þessi, er nú er, lætr engi mann þora at mæla við sik, nema þat einu, er hann vill vera láta, ok hefir hann þar við alt kapp, en lætr skatt-lönd sín undan sér ganga af eljanleysi ok þrekleysi. Hann 10 girnist þess at halda Noregs veldi undir sik, er engi Svíakonungr hefir þat fyrr agirnzt, ok gerir þat mörgum manni úró. Nú er þat vili várr búandanna, at þú, Ólafr konungr! gerir sætt við Ólaf digra Noregs konung ok giptir honum dóttur þína Ingigerði. En ef þú vilt vinna aptr 15 undir þik ríki þau í Austrvegi, er frændr þínir ok forellri hafa þar átt, þá viljum vér allir fylgja þér þar til. Með því at þú vilt eigi hafa þat, er vér mælum, munum vér veita þér atgöngu ok drepa þik, ok þola þér eigi úfrið ok úlög; hafa svá gert hinir fyrri forellrar várir, þeir steypu 20 5 konungum í eina keldu á Múlaþingi, er áðr höfðu uppfylzt ofmetnaðar, sem þú við oss. Seg nú skjótt hvern kost þú vilt upptaka. Þá gerði lýðrinn þegar vápnabrak ok gný mikinn. Konungrinn stendr þá upp ok mælti, segir, at alt vill hann vera láta, sem boendr vilja; segir, 25 at svá hafi gert allir Svíakonungar, at láta boendr ráða með sér öllu því, er þeir vildu. Staðnaði þá kurr búandanna. En þá töluðu höfðingjar, konungr ok jarl ok Þorgnýr, ok gera þá frið ok sætt af hendi Svíakonungs, eptir því sem Noregs konungr hefir áðr orð til send. Var 30 á því þingi þat ráðit, at Ingigerðr dóttir Ólafs konungs skyldi vera gipt Ólafi konungi Haraldssyni. Seldi konungr jarli í hendr festar hennar, ok fékk honum í hendr alt sitt umboð um þann ráðahag, ok skildust þeir á þinginu at svá loknum málum. En er jarl fór heim, þá hittust 35

þau Ingigerðr konungsdóttir ok töluðu sín í milli um þetta mál. Hon sendi Ólafi konungi slæður af pelli gullsaumaðar mjök ok silkiræmur. Fór jarl aptr í Gautland, ok Björn með honum. Björn dvaldist þar litla stund, ok fór hann
 5 þá aptr í Noreg með föruneyti sínu, ok er hann hitti Ólaf konung ok sagði honum erendialok, þau sem váru, þá þakkaði konungr honum vel ferðina, ok sagði sem var, at Björn hafði gæfu tilborit, at koma fram erendinu í úfriði þessum.

Frá svikum Hroereks konungs.

10 82. Ólafr konungr fór er váraði út til sævar, ok lét búa skip sín ok stefndi til sín liði, ok fór um varit alt út eptir Víkinni til Líðandisness, ok alt fór hann norðr á Hörðaland; sendi þá orð lendum mönnum, ok nefndi alla hina ríkustu menn or heruðum, ok bjó þá ferð sem
 15 vegligast, er hann fór í mót festarkonu sinni. Veizla sú skyldi vera um haustit austr við Elfi við landamæri. Ólafr konungr hafði með sér Hroerek konung blinda. En er hann var gróinn sára sinna, þá fékk Ólafr honum tvá menn til þjónostu við hann, ok lét hann sitja í háseti hjá sér, ok
 20 hélt hann at drykk ok at klæðum engum mun verr, en hann hafði áðr haldit sik sjálfr. Hroerek var fámálugr, ok svaraði stirt ok stutt, þá er menn ortu orða á hann. Þat var siðvenja hans, at hann lét skósvein sinn leiða sik úti um daga ok frá öðrum mönnum; þá barði hann knapann;
 25 en er hann hljóp frá honum, þá segir hann Ólafi konungi, at sá sveinn vildi honum eigi þjóna. Þá skipti Ólafr konungr við hann þjónostumönnum, ok fór alt sem áðr, at engi þjónostumaðr hélzt við með Hroereki konungi. Þá fékk Ólafr konungr til fylgðar ok til gæzlu við Hroerek
 30 þann mann, er Sveinn hét, ok var hann frændi Hroereks konungs ok hafði verit hans maðr áðr. Hroerek hélt teknum hætti um stirðlæti ok svá um einfarar sínar. En er þeir Sveinn váru tveir saman staddir, þá var Hroerek kátr ok málroetinn; hann mintist þá á marga hluti, þá er

fyrir höfðu verit, ok þat er um hans daga hafði atborizt, þá er hann var konungr, ok mintist á ævi sína hina fyrri, ok svá á þat, hverr því hafði brugðit, hans ríki ok sælu, en gert hann at ölmusumanni: En hitt þykki mér þó allra þyngst, segir hann, er þú eða aðrir frændr mínir, þeir er 5 mannvænir höfðu verit, skulu nú verða svá miklir ættlerar, at engrar svívirðingar skulu hefna, þeirar er á ætt várri er ger. Þvílíkar harmtölur hafði hann opt uppi. Sveinn svarar ok segir, at þeir ætti við ofreflismenn mikla at skipta, en þeir áttu þá litla kosti. Hrcerekr mælti: Til 10 hvers skulum vér lengi lifa við skömm ok meizlur? nema svá beri til, at ek mætta blindr sigrast á þeim, er mik sigraði sofanda; svá heilir drepum Ólaf digra, hann óttast nú ekki at sér; ek skal ráðit til setja, ok eigi vilda ek hendrnar til spara, ef ek mætta þær nýta, en þat má ek 15 eigi fyrir sakir blindleiks, ok skaltu fyrir því bera vápn á hann; en þegar er Ólafr er drepinn, þá veit ek þat af forspá, at ríkit hverfr undir úvini hans. Nú kann vera, at ek verða konungr, þá skaltu vera jarl minn. Svá kómu fortölur hans, at Sveinn játaði at fylgja þessu úráði. Svá 20 var ætlat ráðit, at þá er konungr bjóst at ganga til aptansöngs, stóð Sveinn úti í svölunum, ok hafði brugðit sax undir yfirhöfninni. En er konungr gékk út or stofunni, þá bar hann skjótara at en Svein varði, ok sá hann í andlit konunginum; þá bliknaði hann ok varð fölr sem 25 nár, ok féllust honum hendr. Konungr fann á honum hræzlu ok mælti: Hvat er nú, Sveinn? viltu svíkja mik? Sveinn kastaði yfirhöfninni frá sér ok saxinu ok féll til fóta konungi ok mælti: Alt á guðs valdi ok yðru, konungr! Konungr bað menn sína taka Svein, ok var 30 hann í járn settr. Þá lét konungr færa sæti Hrcereks á annan pall; en hann gaf grið Sveini, ok fór hann af landi í brott. Konungr fékk þá Hrcereki annat herbergi at sofa í, en þat er hann svaf sjálfr í; svaf í því herbergi mart hirðmanna; hann fékk til tvá hirðmenn at fylgja Hrcereki 35

dag ok nótt; þeir menn höfðu lengi verit með Ólafi konungi, ok hafði hann þá reynt at trúleik við sik; eigi er þess getit, at þeir væri ættstórir menn. Hróerekr konungr gerði ýmist, at hann þagði marga daga, svá at engi maðr
5 fékk orð af honum, en stundum var hann svá kátr ok glaðr, at þeim þótti at hverju orði gaman, því er hann mælti; en stundum mælti hann fátt ok ilt einu; svá var ok, at stundum drakk hann hvern af stokki, ok gerði alla úføra, er nær honum váru, en optast drakk hann lítit.
10 Ólafr konungr fékk honum vel skotsilfr. Opt gerði hann þat, þá er hann kom til herbergis, áðr hann lagðist til svefns, at hann lét taka inn mjöð, nökkurar byttur, ok gaf at drekka öllum herbergismönnum; af því varð hann þokkasæll.

15 *Frá Finni litla.*

83. Maðr er nefndr Finnr litli, upplenzkr maðr, en sumir segja, at hann væri finskr at ætt; hann var allra manna minstr ok allra manna fóthvatastr, svá at engi hestr tók hann á rás; hann kunni manna bezt við skíð
20 ok boga; hann hafði lengi verit þjónostumaðr Hróereks konungs, ok farit opt erenda hans, þeira er trúnaðar þurfti við; hann kunni vega um öll Upplönd; hann var ok málkunnigr þar öllu stórmenni. En er Hróerekr konungr var tekinn í fangelsi, þá slóst Finnr í för þeira, ok fór
25 hann optast í sveit með knöpum ok þjónostumönnum; en hvert sinn er hann mátti, kom hann til þjónostu við Hróerek konung, ok opt í tal, ok vildi konungr skömmum samfast mæla við hann, ok vildi ekki gruna láta tal þeira. En er á leið várit, ok þeir sóttu út í Víkina, þá hvarf
30 Finnr í brott frá liðinu nökkura daga; þá kom hann enn aprtr ok dvaldist um hríð. Svá fór opt fram, ok var at því engi gaumr gefinn, því at margir váru umrenningar með liðinu.

Dráp hirðmanna Ólafs konungs.

84. Ólafr konungr kom til Túnsbergs fyrir páska, ok dvaldist þar mjök lengi um várit; þar kom þá til bæjarins mart kaupskipa, bæði Saxar ok Danir ok austan or Vík ok norðan or landi; var þar allmikit fjölmenni. Þá var 5 ár mikit ok drykkjur miklar. Þat barst at á einu kveldi, at Hrcerekr konungr var kominn til herbergis, ok heldr siðla, ok hafði mjök drukkit, ok var þá allkátr; þá kom þar Finnur litli með mjaðarbyttu, ok var þat grasaðr mjöðr ok hinn sterkasti. Þá lét konungrinn gefa at drekka 10 öllum, þeim er inni váru, alt til þess, er hverr sofnaði í sínu rúmi. Finnur var þá í brott genginn; ljós brann í herberginu. Þá vakti hann upp menn þá, er vanir váru at fylgja honum, ok segir, at hann vill ganga til garðs. Þeir höfðu skriðljós með sér, en niðamyrkr var úti; mikit 15 salerni var í garðinum ok stóð á stöfum, en rið upp at ganga til dyranna. En er þeir Hrcerekr sátu í garðinum, þá heyrðu þeir at maðr mælti: Högg þú fjándann. Þá heyrðu þeir brest ok dett, sem nökkut félli. Hrcerekr konungr mælti: Fulldrukkit munu þeir hafa, er þar eigust 20 við; farit til skjótt ok skilit þá. Þeir bjoggust skyndiliga ok hljópu út, en er þeir kómu á riðit, þá var sá höggvinn fyrr, er síðar gékk, ok drepnir þó báðir. Þar váru komnir menn Hrcereks konungs, Sigurðr hit, er verit hafði merkis- maðr hans, ok þeir 15 saman; þar var þá Finnur litli. 25 Þeir drógu líkin upp milli húsanna, en tóku konunginn ok höfðu með sér, hljópu þá á skútu, er þeir áttu, ok reru í brott. Sigvatr skáld svaf í herbergi Ólafs konungs; hann stóð upp um nóttina, ok skósveinn hans með honum, ok géngu út til hins mikla salernis; en er þeir skyldu 30 aptr ganga ok ofan fyrir riðit, þá skriðnaði Sigvatr ok féll á kné, ok stakk niðr höndunum, ok var þar vátt undir; hann mælti: Þat hygg ek, at nú í kveld muni konungrinn hafa mörgum oss fengit karfafótinn, ok hló at. En er

þeir kómu í herbergit, þar sem ljós brann, þá spurði skó-
sveinninn: Hefir þú skeint þik, eða hví ertu í blóði einu
allr? Hann svarar: Eigi em ek skeindr, en þó mun þetta
tíðindum gegna. Hann vakti þá Þórð Fólason, merkismann
5 ok rekkjufélaga sinn, ok géngu þeir út ok höfðu með sér
skriðljós, ok fundu brátt blóðit; þá leituðu þeir, ok fundu
brátt líkin ok báru á kensl; þeir sá ok, at þar lá trestobbi
mikill, ok í skýlihögg mikil, ok spurðist þat síðan, at þat
hafði gert verit til úlíkinda, at teygja þá út, er drepnir váru.
10 Þeir Sigvatr mæltu sín í milli, at nauðsyn væri til,
at konungr vissi þessi tíðindi sem bráðast; þeir sendu
sveininn þegar til herbergis þess, er Hrorekr konungr hafði
verit; þar sváfu menn allir, en konungr var í brottu.
Hann vakti þá menn, er þar váru inni, ok sagði tíðindin.
15 Stóðu menn upp ok fóru þegar þannug í garðinn, sem
líkin váru. En þó at nauðsyn þætti til, at konungr vissi
sem fyrst þessi tíðindi, þá þorði engi at vekja hann. Þá
mælti Sigvatr til Þórðar: Hvárt viltu heldr, lagsmaðr,
vekja konunginn, eða segja honum tíðindin? Þórðr svarar:
20 Fyrir engan mun þori ek at vekja hann, en segja mun
ek honum tíðindin. Þá mælti Sigvatr: Mikit er enn eptir
nætrinnar, ok kann vera áðr dagr sé, at Hrorekr hafi
fengit sér þat fylskni, at hann verði síðan eigi auðfundinn,
en þeir munu enn skamt brott komnir, því at líkin váru
25 vörð; skal oss aldregi henda sú skömm, at vér látim eigi
konunginn vita þessi svik; gakk þú, Þórðr! upp í herbergit,
ok bið mín þar. Þá gekk Sigvatr til kirkju ok vakti
klukkarann, ok bað hann hringja fyrir sál hirðmanna kon-
ungs, ok nefndi mennina, þá er vegnir váru. Klukkarinn
30 gerir sem hann bað. En við hringingina vaknaði konungr
ok settist upp; hann spurði, hvárt þá væri óttusöngs mál.
Þórðr svarar: Verri efni eru í, tíðindi mikil eru orðin;
Hrorekr konungr er á brott horfinn, en drepnir hirðmenn
yðrir tveir. Þá spurði konungr eptir atburðum, þeim er
35 þar höfðu orðit. Þórðr segir honum slíkt, er hann vissi.

Þá stóð konungr upp ok lét blása til hirðstefnu. En er liðit kom saman, þá nefndi konungr menn til at fara alla vega frá boenum at leita Hroereks á sæ ok landi. Þórir langi tók skútu ok fór með 30 manna, ok er lýsti, sjá þeir skútur tvær litlar fara fyrir þeim. En er þeir sást,⁵ reru hvárir sem mest máttu. Þar var Hroerekr konungr ok hafði 30 manna. En er saman dró með þeim, þá sneru þeir Hroerekr at landi, ok hljópu þar upp á land allir, nema konungr settist upp í lyptingina. Hann mælti, það þá vel fara ok heila hittast. Því næst reru þeir Þórir at landi. Þá skaut Finnur litli öru, ok kom sú á Þóri miðjan, ok fékk hann bana. En þeir Sigurðr hljópu allir í skóginn. En menn Þóris tóku lík hans, ok svá Hroerek konung, ok fluttu út til Túnsbergs. Ólafr konungr tók þá við haldi Hroereks konungs; hann lét þá vandliga gæta¹⁵ hans, ok galt mikinn varhuga við svikum hans, fékk til menn nótt ok dag at gæta hans. Hroerekr konungr var þá hinn kátasti, ok fann engi maðr á honum, at eigi líkaði honum alt sem bezt.

Frá tilræði Hroereks konungs.

20

85. Þat barst at uppstigningardag, at Ólafr konungr gékk til hámessu; þá gékk byskup með processíu um kirkju ok leiddi konunginn, en er þeir kómu aptr í kirkju, þá leiddi byskup konung til sætis síns fyrir norðan í kórnum. En þar sat hit næsta Hroerekr konungr, sem hann var²⁵ vanr; hann hafði yfirhöfnina fyrir andliti sér. En er Ólafr konungr hafði niðr sezt, þá tók Hroerekr konungr á öxl honum hendinni ok þrýsti; hann mælti þá: Pellsklæði hefir þú nú, frændi! segir hann. Ólafr konungr svarar: Nú er hátíð mikil haldin í minning þess, er Jesus Krístr. sté til³⁰ himna af jörðu. Hroerekr konungr svarar: Ekki skil ek af, svá at mér hugfestist, þat er þér segit frá Krísti; þykki mér þat mart heldr útrúligt, er þér segit; en þó hafa mörg dæmi orðit í fornaskju. En er messan var upphafin,

þá stóð Ólafr konungr upp, ok hélt upp höndunum yfir
höfuð sér ok laut til altaris, ok bar yfirhöfnina aptr af
herðum honum. Hrórekr konungr spratt þá upp skjótt
ok hart; hann lagði þá til Ólafs konungs saxknífi þeim
5 er rytningr er kallaðr; lagit kom í yfirhöfnina við herðarnar,
er hann hafði lotit undan; skárust mjök klæðin, en konungr
varð eigi sárr. En er Ólafr konungr fann þetta tilræði,
þá hljóp hann fram við á gólfít. Hrórekr konungr lagði
til hans annat sinni saxinu, ok misti hans, ok mælti: Flýr
10 þú nú, Ólafr digri, fyrir mér blindum? Konungr bað sína
menn taka hann ok leiða hann út or kirkjunni, ok svá
var gert. Eptir þessa atburði eggjuðu menn Ólaf konung
at láta drepa Hrórek konung, ok er þat, sögðu þeir, hin
mesta gæfuraun yðr, konungr! at hafa hann með yðr, ok
15 þyrma honum, hverigar úhæfur er hann tekr til; en hann
liggr um þat nótt ok dag, at veita yðr líflát. En þegar
er þér sendit hann á brott frá yðr, þá sjám vér eigi mann
til þess, at svá fái gætt hans, at örvænt sé, at hann komist
í brott. En ef hann verðr lauss, þá mun hann þegar flokk
20 uppi hafa ok gera mart ilt. Konungr svarar: Rétt er þat
mælt, at margr hefir dauða tekit fyrir minni tilgerðir en
Hrórekr; en trauðr em ek at týna þeim sigri, er ek fékk
á Upplendinga konungum, er ek tók þá 5 á einum morni,
ok náða ek svá öllu ríki þeira, at ek þurfta enskis þeira
25 banamaðr at verða, því at þeir váru allir frændr mínir;
en þó fæ ek nú varla sét, hvárt Hrórekr mun fá mik
nauðgaðan til eða eigi at láta drepa hann. Hrórekr
hafði fyrir þá sök tekit hendiinni á öxl Ólafi konungi, at
hann vildi vita, hvárt hann var í brynju.

30 *Ferð Hróreks konungs til Íslands.*

86. Maðr er nefndr Þórarinn Nefjólfssoñ; hann var
íslenzkr maðr, hann var kynjaðr norðan or landi; ekki var
hann ættstórr, ok allra manna vitrastr ok orðspakastr; hann
var djarfmæltr við tigna menn; hann var farmaðr mikill

ok var löngum utanlendis. Þórarinn var manna ljótastr, ok bar þat mest frá, hversu illa hann var limaðr; hann hafði hendr miklar ok ljótar, en fœtrnir váru þó miklu ljótari. Þórarinn var staddr í Túnsbergi, er þessi tíðindi urðu, er áðr var frásagt; hann var málkunnigr Ólafi kon- 5 ungi. Þórarinn bjó þá kaupskip, er hann átti, ok ætlaði til Íslands um sumarit. Ólafr konungr hafði Þórarin í boði sínu nökkura daga ok talaði mart við hann; svaf Þórarinn í konungs herbergi. Þat var einn morgin snimma, at konungrinn vakti, en aðrir menn sváfu í herberginu; þá var sól farin lítt þat, ok var ljóst mjök inni. Konungr sá, at Þórarinn hafði rétt fót annan undan klæðum; hann sá á fótinn um hrið; þá vöknudu menn í herberginu. Konungr mælti til Þórarins: Vakast hefi ek um hrið, ok hefi ek sét þá sýn, er mér þykkir mikils um vert, en þat 15 er mannsfótr sá, er ek hygg, at engi skal hér í kaupstaðinum ljótari vera. Ok bað aðra menn hyggja at, hvárt svá sýndist. En allir er sá, þá sönnudu, at svá væri. Þórarinn fann, hvar til var mælt, ok svarar: Fátt er svá einna hluta, at örvænt sé, at hitti annan slíkan, ok er þat lík- 20 ligast, at hér sé enn svá. Konungr mælti: Heldr vil ek því at fulltingja, at eigi muni fást jafnljótr fótr, ok svá þótt ek skylda veðja um. Þá mælti Þórarinn: Búinn em ek at veðja um þat við yðr, at ek mun finna í kaupstaðinum ljótara fót. Konungr segir: Þá skal sá okkarr 25 kjósa boen af öðrum, er sannara hefir. Svá skal vera, segir Þórarinn. Hann brá þá undan klæðunum öðrum fœtinum, ok var sá engum mun fegri, ok þar var af hin minsta táin. Þá mælti Þórarinn: Sé hér nú, konungr! annan fót, ok er sjá því ljótari, at hér er af ein táin; ok 30 á ek veðféit. Konungr segir: Er hinn fótrinn því úfegri, at þar eru 5 tær ferligar á þeim, en hér eru 4, ok á ek at kjósa boen at þér. Þórarinn segir: Dýrt er dróttins orð, eða hverja boen viltu af mér þiggja? Hann svarar: Þá, at þú flytir Hrcerek konung til Groenlands, ok fœrir hann Leifi 35

Eiríksyni. Þórarinn svarar: Eigi hefi ek komit til Groenlands. Konungr segir: Farmaðr slíkr sem þú ert, þá er þér nú mál at fara til Groenlands, ef þú hefir eigi fyrr komit. Þórarinn svarar fá um þetta mál fyrst. En er 5 konungr hélt fram þessarri málaleitan, þá veikst Þórarinn eigi með öllu af hendi, ok mælti svá: Heyra skal ek yðr láta, konungr! boen þá, er ek hafða hugat at biðja, ef mér bærisk veðféit; en þat er, at ek vilda biðja yðr hirðvistar; en ef þér veitit mér þat, þá verð ek skyldari til at leggjast 10 eigi undir höfuð, þat er þér vilit kvatt hafa. Konungr játaði þessu, ok gerðist Þórarinn hirðmaðr hans. Þá bjó Þórarinn skip sitt, ok er hann var búinn, þá tók hann við Hrcereki konungi. En er þeir skildust Ólafr konungr ok Þórarinn, þá mælti Þórarinn: Nú berr svá til, konungr! 15 sem eigi er örvaent ok opt kann verða, at vér komim eigi fram Groenlandsferðinni, berr oss at Íslandi eða öðrum löndum, hvernug skal ek skilja við konung þenna þess, at yðr megí líka? Konungr segir: Ef þú kemr til Íslands, þá skaltu selja hann í hendr Guðmundi Eyjólfsyni eða 20 Skapta lögsögumanni, eða öðrum nökkurum höfðingjum, þeim er taka vilja við vináttu minni ok jarteinum. En ef þik berr at öðrum löndum, þeim er hér eru nærr, þá haga þú svá til, at þú vitir víst, at Hrcerekr komi aldri síðan til Noregs; en ger þat því at einu, ef þú sér engi önnur 25 fōng á. En er Þórarinn var búinn ok byr gaf, þá sigldi hann alt útleið fyrir utan eyjar ok norðr frá Líðandisnesi, stefndi hann í haf út. Honum byrjaði eigi skjótt, en hann varaðist þat mest at koma við landit. Hann sigldi fyrir sunnan Ísland, ok hafði vita af, ok svá vestr um landit í 30 Groenlandshaf; þá fékk hann réttu stóra ok válk mikit, en er áleið sumarit, tók hann Ísland í Breiðafirði. Þorgils Arason kom þá fyrst til þeira virðingamanna. Þórarinn segir honum orðsending ok vináttumál ok jartegnir Ólafs konungs, er fylgðu viðrtöku Hrcereks konungs. Þorgils 35 varð við vel, ok bauð til sín Hrcereki konungi, ok var

hann með Þorgilsi Arasyni um vetrinn. Hann undi þar eigi, ok beiddi at Þorgils léti fylgja honum til Guðmundar ok segir, at hann þóttist þat spurt hafa, at með Guðmundi var rausn mest á Íslandi, ok væri hann honum til handa sendr. Þorgils gerði sem hann beiddi, fékk menn til ok lét fylgja honum til handa Guðmundi á Möðruvöllu. Tók Guðmundr vel við Hrcereki fyrir sakir konungs orðsendingar, ok var hann með Guðmundi vetr annan; þá undi hann þar eigi lengr. Þá fékk Guðmundr honum vist á litlum bæ, er heitir á Kálfskinni, ok var þar fátt hjóna; þar var Hrcerekr hinn þriðja vetr, ok sagði hann svá, at síðan er hann lét af konungdómi, at hann hefði þar verit svá, at honum hafði bezzt þótt, því at þar var hann af öllum mest metinn. Eptir um sumarit fékk Hrcerekr sótt, þá er hann leiddi til bana. Svá er sagt, at sá einn konungr hvílir á Íslandi. Þórarinn Nefjólfs son hafðist síðan lengi í förum, en var stundum með Ólafi konungi.

Orrosta í Úlfreksfirði.

87. Þat sumar er Þórarinn fór með Hrcerek til Íslands, þá fór Hjalti Skeggjason ok til Íslands, ok leiddi Ólafr konungr hann í brott með vingjöfum, er þeir skildust. Þat sama sumar fór Eyvindr úrarhorn í vestrvíking, ok kom um haustit til Írlands til Konofogor Írakonungs. Þeir hittust um haustit í Úlfreksfirði Írakonungr ok Einarr jarl or Orkneyjum, ok varð þar orrosta mikil; hafði Konofogor konungr lið miklu meira ok fékk sigr, en Einarr jarl flýði einskipa, ok kom svá um haustit aptr til Orkneyja, at hann hafði látit flest alt lið ok herfang alt, þat er þeir höfðu fengit, ok undi jarl stórilla ferð sinni, ok kendi úsigr sinn Norðmönnum, þeim er verit höfðu í orrostunni með Írakonungi.

Ólafr konungr býr sik til brúðfarar.

88. Nú er þar til máls at tåka, er áðr var frá horfit, at Ólafr konungr hinn digri fór brúðferð sína, ok

at sækja festarkonu sína Ingigerði dóttur Ólafs Sviakonungs. Konungr hafði lið mikit ok valit svá mjök, at honum fylgði alt stórmenni, þat er hann mátti ná, ok. hverr ríkismanna hafði með sér valit lið, bæði at ættum ok þat er gerviligast var. Lið þat var búit með hinum beztum föngum, bæði at skipum ok vápnum ok klæðum. Þeir héldu liði sínu austr til Konungahellu. En er þeir kómu þar, þá spurðu þeir ekki til Sviakonungs, váru þar ok engir menn komnir af hans hendi. Ólafr konungr dvaldist við Konungahellu lengi um sumarit, ok leiddi mjök at spurningum, hvat menn kynni at segja til um ferðir Sviakonungs eða ráðaætlan. En engi kunni honum þar víst af at segja. Þá gerði hann menn sína upp í Gautland til Rögnvalds jarls, ok lét spyrja eptir, ef hann vissi hvat til bar, er Sviakonungr kom eigi til stefnu, sem mælt var. Jarl segir, at hann vissi þat eigi; en ef ek verð þess varr, segir hann, þá mun ek þegar senda menn mína til Ólafs konungs, ok láta hann vita, hvert efni í er, ef þessi dvöl er fyrir nokkurs sakir annars en af fjölskyldum þeim, er opt kann til bera, at ferðir Sviakonungs dveljast meir en hann ætlar.

Frá börnum Ólafs Sviakonungs.

89. Ólafr Sviakonungr Eiríksson átti fyrst friðlu, er Eðla hét, dóttir jarls af Vindlandi; hon hafði verit hertekin ok var fyrir því kölluð konungs ambátt; börn þeira váru Emundr, Ástriðr, Hólmfriðr. Enn gátu þau [dróttning] son, ok var fœddr Jakobsvökudag; en er skíra skyldi sveininn, þá lét byskup hann heita Jakob. Þat nafn líkaði Svíum illa, ok kölluðu, at aldrigi hefði Sviakonungr Jakob heitit. Öll váru börn Ólafs konungs frið sýnum ok vel viti borin. Dróttningin var ríklunduð ok eigi vel til stjúp-barna sinna. Konungr sendi Emund son sinn til Vindlands, ok fœddist hann þar upp með móðurfrændum sínum, ok hélt hann eigi kristni langa hrið. Ástriðr konungsdóttir fœddist upp í vestra Gautlandi at göfugs manns, er Egill

Adam B.
p. 80

hét; hon var kvenna friðust ok bezt orðum farin, glaðmælt ok lítillát, mild af fé. En er hon var fulltíða at aldri, var hon optliga með feðr sínum, ok þokkaðist hverjum manni vel. Ólafr konungr var riklundaðr ok úþýðr á máli: honum líkaði stórilla þat, er landsherr hafði gert þys at honum á Uppsalaþingi, ok heitit honum afarkostum, ok kendi þat mest Rögnvaldi jarli. Engi tilbúnað lét hann hafa um brúðferðina, svá sem mælt hafði verit um vetrinn, at hann skyldi gipta Ingigerði dóttur sína Ólafi digra Noregs konungi, ok fara þá um sumarit til landamæris. 10 En er á leið sumarit, gerðist mörgum mönnum mikil forvitni á, hverja ætlan konungr mundi hafa, eða hvárt hann mundi halda sáttmál við Noregs konung, eða mundi hann rjúfa sættina ok svá friðinn. Margir váru um þetta hugsjúkir, en engi var svá djarfr, at þorði konung at spyrja máls um þetta; en margir kærðu þetta fyrir Ingigerði konungsdóttur, ok báðu hana til at verða vísa, hvernug konungr mundi vilja. Hon svarar: Úfús em ek til ræðu við konung, at tala um skipti þeira Ólafs digra, því at þar er hvárgi annars vin; hefir hann mér. þá einu sinni 20 illa svarat, er ek flutta mál Ólafs digra. Ingigerði konungsdóttur fékk þetta mál áhyggju mikillar, var hon hugsjúk ok úkát, ok gerðist henni forvitni mikil, hvat konungr mundi til taka; grunaði hana þat meir, at hann mundi eigi orð sín efna við Noregs konung, því at þat 25 fannst á, at í hvert sinni varð hann reiðr, er Ólafr digri var konungr kallaðr.

Frá veiði Sviakonungs.

90. Þat var einn dag snimma, at konungr reið út með hauka sína ok hunda, ok með honum menn hans. En 30 er þeir fleygðu haukunum, þá drap konungs haukr í einu renslu 2 orra; ok þegar eptir þat rendi hann enn fram. ok drap þá 3 orra. Hundarnir hljópu undir ok tóku hvern fuglinn, er á jörð kom. Konungr hleypti eptir ok

tók sjálfir veiði sína ok höldist mjök um, sagði svá: Langt mun yðr flestum til áðr þér veiðit svá. Þeir sönnuðu þat ok sögðu, at þeir ætluðu, at engi konungr mundi svá mikla gæfu til bera um veiði sína. Reið þá konungr heim ok
 5 allir þeir; var hann þá allglaðr. Ingigerðr konungsdóttir gekk þá út or herberginu; en er hon sá, at konungr reið í garðinn, snerist hon þannug ok heilsaði honum. Hann fagnaði henni hlæjandi ok bar þegar fram fuglana, ok segir frá veiði sinni ok mælti: Hvar veiztu þann konung, er
 10 svá mikla veiði hafi fengit á svá lítilli stundu? Hon svarar: Góð morginveiðr er þetta, herra! er þér hafit veitt 5 orra; en meira er þat, er Ólafr Noregs konungr tók á einum morni 5 konunga, ok eignaðist alt ríki þeira. Ok er hann heyrði þetta, þá hljóp hann af hestinum, ok snerist
 15 viðr ok mælti: Vittu þat, Ingigerðr! at svá mikla ást sem þú hefir lagt við þann hinn dagra mann, þá skaltu þess aldregi njóta, ok hvárki ykkat annars; skal ek þik gipta nokkurum þeim höfðingja, er mér sé eigandi vináttu við; en ek má aldregi vera vinr þess manns, er ríki mitt hefir
 20 tekit at herfangi, ok gert mér skaða margan í ránum ok manndrápum. Skildu þau svá sína ræðu, ok gekk sína leið hvárt þeira.

Orðsending Ingigerðar til Rögnvalds jarls.

91. Ingigerðr konungsdóttir var nú vís orðin hins
 25 sanna um ætlan Ólafs konungs, ok gerði þegar menn ofan í vestra Gautland til Rögnvalds jarls, ok lét segja honum, hvat þá var títt með Sviakonungi, at brugðit var öllu sáttmáli við Noregs konung, ok bað jarl við varast ok aðra Vestrgauta, at þeim mundi þá úsýnn friðr af Noregs mönnum.
 30 En er jarl spurði þessi tíðindi, sendir hann boð um alt sitt ríki, ok bað þá við varast, ef Noregs menn vildu herja á þá. Jarl gerði ok sendimenn til Ólafs konungs dagra, ok lét segja honum þau orð, er hann hafði spurt, ok svá þat, at hann vill halda sætt ok vináttu við Ólaf konung, ok

beiddi þess með, at konungr skyldi eigi herja á ríki hans. En er þessi orðsending kom til Ólafs konungs, varð hann reiðr mjök ok hugejúkr, ok var þat nokkura daga, at engi maðr fékk orð af honum. Eptir þat átti hann húsping við lið sitt; þá stóð fyrst upp Björn stallari, hóf þar fyrst mál sitt, er hann hafði farit áðr um vetrinn austr til friðgerðar, ok segir hversu Rögnvaldr jarl hafði honum vel fagnat, hann segir ok, hversu þverliga ok þungliga Sviakonungr hafði tekit í fyrstu þeim málum; en sú sátt er ger var, sagði hann, var meir af styrk fjölmennis ok ríki Þorgnýs, ok liðveizlu Rögnvalds jarls, en af góðvilja Sviakonungs; ok þykkjumst vér fyrir þá sök vita, at konungr mun því valda, er sættinni er brugðit, en þat mun eigi jarli at kenna, hann reyndum vér sannan vin Ólafs konungs. Nú vill konungr vita af höfðingjum ok af öðrum liðsmönnum, hvert ráð hann skal upp taka, hvárt hann skal ganga upp á Gautland ok herja með þat lið, sem nú höfum vér, eða sýnist yðr annat ráð upp at taka? Hann talaði bæði langt ok snjalt. Eptir þat töluðu ríkismenn margir, ok kom þat mjök í einn stað niðr at lyktum, at allir löttu hernaðar, ok mæltu svá: Þótt vér hafim lið mikit, þá er hér saman samnat ríkmenni ok göfugmenn; en til herfara eru eigi verr fallnir ungir menn, þeir er gott þykkir at afla sér fjár ok metnaðar. Er þat ok háttr ríkismanna, ef þeir skulu fara í bardaga eða orrostu, at þeir hafa með sér marga menn til forgöngu ok hlífðar sér; en eigi berjast opt verr þeir menn, er lítit eiga fé, heldr en þeir er auðgir eru uppfæddir. Ok af fortölum þeira var þat ráð konungs at rjúfa leiðangrinn, ok gaf þá hverjum leyfi heim at fara, en lýsti því, at annat sumar skyldi hann leiðangr úti hafa af öllu landi, ok halda þá til móts við Sviakonung ok hefna þessa lausmælis. Þetta líkaði öllum vel. Fór þá Ólafr konungr norðr í Víkina, ok settist um haustit í Borg, ok lét þangat draga öll fōng, þau er hann þurfti til vetr-vistar, ok sat þar fjölment um vetrinn.

Austrferð Sigvats skálds.

92. Menn mæltu allmisjafnt til Rögnvalds jarls; töldu sumir, at hann væri sannr vinr Ólafs konungs, en sumum þótti þat ekki trúligt, ok kváðu hann ráða mundu því við
5 Sviakonung, at hann héldi orð sín ok sáttmál þeira Ólafs konungs digra. Sigvatr skáld var vinr mikill Rögnvalds jarls í orðum, ok talaði opt um þat fyrir Ólafi konungi. Hann bauð konungi at fara á fund Rögnvalds jarls, ok njósna hvers hann yrði varr frá Sviakonungi, ok freista ef hann
10 mætti nökkurri sætt við koma. Konungi líkaði þat vel, því at honum þótti gott fyrir trúnaðarmönnum sínum at tala optliga um Ingigerði konungsdóttur. Öndurðan vetr fór Sigvatr skáld ok þeir þrír saman or Borg ok austr um Markir, ok svá til Gautlands. En áðr þeir skildust Ólafr
15 konungr ok Sigvatr, þá kvað hann vísu:

Nú sittu heill, en, hallar,
hér finnumk meir, þinnar
at unz ek kem vitja,
Ólafr konungr! mála.
20 Skáld biðr hins at haldi
hjálmdrífu viðr lífi,
endisk leyfð, ok landi,
lýk ek vísu nú, þvísa.

Nú eru mælt, en, mála,
meir kunnum skil fleiri,
orð þau er oss um varða
alls mest, konungr! flestra.
Guð láti þik gæta,
geðharðr konungr! jarðar,
víst hefik þann, því at, þinnar,
þú ert til borinn, vilja.

Síðan fóru þeir austr til Eiða, ok féngu ilt far yfir ána,
25 eikjukarfa einn, ok kómust nauðuliga yfir ána. Sigvatr kvað vísu:

Lét ek til Eiðs, því at, óðumk
aptrhvarf, dreginn karfa,
vér stiltum svá, valtan,
30 vátr, til gloeps á báti;

taki hloegiskip hauga
herr, sákat ek far verra,
lét ek til hafs á hrúti
hætt, fórsbetr en ek vætta.

Síðan fóru þeir um Eiðaskóg. Sigvatr kvað vísu:

Vara fýst, er ek rann rastir
reiðr um skóg frá Eiðum,
maðr um veit at ek mœtta
35 meinum, tólf ok eina;

hykk, á fót en flekkum
féll sár á il hvára,
hvast gégum þó þingat
þann dag, konungs mannum.

Síðan fóru þeir um Gautland, ok kómu at kveldi á þann bæ, er Hof heitir; þar var byrgð hurð, ok kómust þeir eigi inn; hjónin segja, at þar var heilagt; braut hurfa þeir þaðan. Sigvatr kvað:

Réð ek til Hofs at hœfa,	Orð gat ek fæst af fyrðum;	5
hurð var aptr, en spurðumk,	flögð bað ek, en þau sögðu,	
inn setta ek nef nenninn	hnektumk heiðnir rekkar,	
niðrlútt, fyrir utan.	heilagt, við þau deila.	

Þá kom hann at öðrum garði, stóð þar húsfreyja í durum, ok bað hann eigi þar inn koma, segir, at þau ætti álfa 10 blót. Sigvatr kvað:

Gakkat þú inn, kvað ekkja,	Rýgr kvazk inni eiga	
armi drengr! en lengra;	úþekk, sú er mér hnekti,	
hræðumk ek við Óðins,	álfa blót, sem úlf,	
erum heiðnir vér, reiði.	ótvin! í bæ sínum.	15

Annat kveld kom hann til þriggja búanda, ok nefndist hverr þeira Ölvir, ok ráku hann allir út. Sigvatr kvað:

Nú hafa hnekt, þeir er hnakka,	þó sjámk hitt at hlœðir	
heinflets, við mér settu,	hafskiðs muni síðan	
þeygi bella þollar,	út hverr, er Ölvir heitir,	20
þrír samnafnar, tíri;	alls mest reka gesti.	

Þá fóru þeir enn um kveldit ok hittu hinn fjórða búanda, ok var sá kallaðr beztr þegn þeira; út rak sá hann. Sigvatr kvað:

Fór ek at finna báru,	Mista ek fyrir austan	25
friðs vætta ek mér, síðan	Eiðaskóg á leiðu	
brjót þann er bragnar létu	ástabús, er ek æsta	
bliks vildastan miklu.	úkristinn hal vistar.	
Grefs leit við mér gætir	Ríks fannka ek son Saxa,	
gerstr, þá er illr hinn versti,	saðr var engr fyrir þaðra,	30
lítt, reiði ek þó lýða	út var ek eitt kveld heitinn,	
löst, ef sjá er hinn bazti.	inni, fjórum sinnum.	

En er þeir kómu til Rögnvalds jarls, þá segir jarl, at þeir hefði haft erfða ferð. Sigvatr kvað:

<p>Átt hafa sér þeir er sóttu sendimenn fyrir hendi Sygna grams með sagnir siklinga för mikla ; 5 spörðumk fæst, en fyrða föng eru stór við göngur, vörðr réð nýtr því er norðan Noregs þinnig fórum.</p>	<p>Drjúggenginn var drengjum, drengr magnar lof þengils, austr til jöfra þrýstis, Eiðaskógr á leiðu. Skyldit mér, áðr mildan minn dróttin kom ek finna, hlunns af hilmis runnum hnekt dýrloga bekkjar.</p>
---	--

Rögnvaldr jarl gaf Sigvati gullhring. Ein kona mælti, at
10 hann hafði gengit til nökkurs með þau hin svörtu augu.
Sigvatr kvað:

<p>Oss hafa augun þessi íslenzk, konan! vísat brattan stig at baugi 15 björtum langt hin svörtu ;</p>	<p>sjá hefir, mjöðnannan! manni, mín, úkunnar þínum fótr á fornar brautir fulldrengila gengit.</p>
---	--

Sigvatr skáld var í góðum fagnaði með jarli langa hríð.
Þá spurði hann þat af ritsendingum Ingigerðar konungs-
dóttur, at til Ólafs Sviakonungs höfðu komit sendimenn
Jarizleifs konungs, austan or Hólmgarði, at biðja Ingi-
20 gerðar dóttur Ólafs Sviakonungs til Landa Jarizleifi kon-
ungi, ok þat með, at Ólafr konungr tók þessu allvænt.
Þá kom ok til hirðar Rögnvalds jarls Ástriðr, dóttir Ólafs
konungs; var þar þá ger veizla mikil. Gerist Sigvatr brátt
málkunnigr konungsdóttur; kannaðist hon við hann ok kyn-
25 ferði hans; því at Óttarr skáld systurson Sigvats, hann hafði
þar lengi verit í kærleikum með Ólafi Sviakonungi. Var
þá mart talat; spurði Rögnvaldr jarl Sigvat, hvárt Ólafr
Noregs konungr mundi fá vilja Ástriðar konungsdóttur; ok
ef hann vill þat, segir hann, þá vætti ek þess, at um þetta
30 ráð spyrim vér ekki Sviakonung eptir. Slíkt sama mælti
Ástriðr konungsdóttir. Eptir þat fóru þeir Sigvatr heim, ok
kómu litlu fyrir jól til Borgar á fund Ólafs konungs. En er
Sigvatr kom heim til Ólafs konungs, ok hann gékk inn í
höllina, þá sá hann á veggina ok kvað:

Búa hilmis sal hjálmum	því á ungr konungr engi,
hirðmenn þeir er svan grenna,	ugglaust er þat, dyggra
hér sé ek, bens ok brynjum,	húsbúnaði at hrósa;
beggja kost á veggjum;	höll er dýr með öllu.

Síðan segir hann frá ferðum sínum, ok kvað vísur þessar: 5

Hugstóra bið ek heyra	Sendr var ek upp af öndrum
hressføers jöfurs, þessar,	austr, svaf ek fátt, á hausti,
þolda ek vás, hve vísur,	til Svíþjóðar, síðan,
verðung, um för gerðak.	svanvangs í för langa.

En er hann talaði við konung, kvað hann: 10

Lét ek við yðr, hinn ítri	Fólk réð, við sik, fylkir!	
Ólafr! hugat málum	flest, er ek kom vestan,	
rétt, er ríkan hittak	ætt sem áðr um hvatti	
Rögnvald, konungr! haldit.	Eiríks svika þeira.	15
Deilda ek mál hins milda	En því at, jarla, frænda	
málma vörðs í Görðum	eins, þat er tókt af Sveini,	
harða mörg, né ek heyrða	yðr kveð ek, jörð er náðut,	
heiðmanns tölur greiðri.	Úlfs bróðurlið stóðusk.	
Þik bað, sólar sökkvir!	Spakr lét Úlfr meðal ykkar	20
sinn halda vel, Rínar,	Ólafr! tekit málum,	
hvern er hingat árnar	þétt fengum svör, sátta,	
húskarl nefi jarla.	sakar leggit þit, beggja;	
En hverr er austr vill sinna,	þér lét þjófa rýrir	
jafnvíst er þat, Lista	þær sem engar væri	25
þengill! þinna drengja	riptar reknar heiptir	
þar á hald und Rögnvaldi.	Rögnvaldr gefit aldar.	

Brátt segir Sigvatr Ólafi konungi þau tíðindi, sem hann hafði spurt; var konungr fyrst allúkátr, er Sigvatr segir honum bónorð Jarizleifs konungs; ok segir Ólafr konungr, at honum var illt eins ván at Svíakonungi, nær sem vér fám honum 30 goldit með nökkurum minningum. En er frá leið, spurði konungr Sigvat margra tíðinda austan af Gautlandi. Sigvatr segir honum mikit frá fríðleik ok málsnild Astríðar konungsdóttur; ok svá, at þat mæltu allir menn þar, at

hon væri at engum hlut verr um sik en Ingigerðr systir hennar. Konungi féllst þat vel í eyru. Sagði Sigvatr honum allar ræður þær, er þau Ástriðr höfðu mælt sín í millum, ok fannst konungi mart um þetta, ok mælti þat: Eigi mun
 5 Sviakonungr þat hyggja, at ek muna þora at fá dóttur hans fyrir utan hans vilja. En eigi var þetta mál borit fyrir fleiri menn. Ólafr konungr ok Sigvatr skáld töluðu opt um þetta mál. Konungr spurði Sigvat vandliga at, hvat hann kannaði af um Rögnvald jarl, hverr vinr hann
 10 er várr, segir hann. Sigvatr segir svá, at jarl væri hinn mesti vinr Ólafs konungs. Sigvatr kvað þá:

Fast skaltu ríkr við ríkan	þann veit ek, þinga kennir!
Rögnvald, konungr! halda,	þik beztan vin miklu
hann stendr þýðr af þinni	á austrvega eiga
15 þörf nótt ok dag, sáttum.	alt með grœnu salti.

Um ferð Rögnvalds jarls ok Ástriðar til konungs.

93. Eptir jólin fóru þeir Þórðr skotakollr, systurson Sigvats skálds, ok annarr skósveinn Sigvats leyniliga frá hirðinni; þeir fóru austr á Gautland; þeir höfðu farit áðr
 20 um haustit austr þangat með Sigvati. En er þeir kómu til hirðar Rögnvalds jarls, þá báru þeir fram fyrir jarl jar-tegnir, þær er þeir Sigvatr ok jarl höfðu gert með sér at skilnaði, þeir fœrðu ok jarli jar-tegnir, þær er Ólafr konungr sjálfr hafði sent jarli af trúnaði. Þegar jafnskjótt býst jarl
 25 til ferðar, ok með honum Ástriðr konungsdóttir, ok höfðu nær 100 manna, ok valit lið bæði af hirðinni ok af ríkum bóndasonum, ok vandaðan sem mest allan búnað, bæði vápn ok klæði ok hesta; riðu síðan norðr í Noreg til Sarpsborgar, ok kómu þar at kyndilmessu.

30 *Kvánfang Ólafs konungs.*

94. Ólafr konungr hafði þar látit við búast; var þar allskonar drykkir, er beztan mátti fá, ok öll önnur föng váru þar hin beztu. Hann hafði þá ok til sín stefnt or

heruðum mörgu stórmenni. En er jarl kom þar með sínu liði, þá fagnaði konungr honum forkunnar vel, ok váru jarli fengin herbergi stór ok góð, ok búin ítarliga, ok þar með þjónostumenn, ok þeir er fyrir sá, at engan hlut skyldi skorta, þann er veizlu mætti prýða. En er sú veizla hafði staðit nokkura daga, þá var konungr ok jarl ok konungsdóttir á málstefnu; en þat kom upp af tali þeira, at sú var ráðagerð, at Rögnvaldr jarl fastnaði Ástriði dóttur Ólafs Sviakonungs Ólafi Noregs konungi, með þeiri heimanfylgju, sem áðr hafði skilit verið, at Ingigerðr systir hennar skyldi hafa heiman haft. Konungr skyldi ok veita Ástriði þvilíka tilgjöf, sem hann skyldi hafa veitt Ingigerði systur hennar. Var þá sú veizla ankin, ok var þá drukkit brullaup Ólafs konungs ok Ástriðar dróttningar með mikilli vegsemd. Eptir þat fór Rögnvaldr jarl aptr til Gautlands, ok at skilnaði veitti konungr jarli góðar gjafir ok stórar, ok skildust hinir kærstu vinir, ok héldu því meðan þeir lifðu báðir.

Brugðit sætt við Noregs konung.

95. Eptir um várit kómu til Svíþjóðar sendimenn Jarizleifs konungs austan or Hólmgarði, ok fóru at vitja mála þeira, er Ólafr konungr hafði áðr um sumarit heitit, at gipta Ingigerði dóttur sína Jarizleifi konungi. Ólafr konungr roeddi þetta mál við Ingigerði, ok sagði, at þetta var hans vili, at hon giptist Jarizleifi konungi. Hon svarar: Ef ek skal giptast Jarizleifi konungi, þá vil ek, segir hon, hafa í tilgjöf mína Aldeigjuborg ok jarlsríki, þat er þar liggr til. En sendimenn hinir gerzku játuðu þessu af hendi konungs síns. Þá mælti Ingigerðr: Ef ek skal fara austr í Garðaríki, þá vil ek kjósa mann or Sviaveldi, er mér þykkir bazt tilfallinn at fara með mér; vil ek þat ok til skilja, at hann hafi austr þar eigi minni nafnbót en hér, ok í engan stað verra rétt eða minna, eða metorð, en hann hefir hér. Þessu játaði konungr, ok slíkt hit sama sendimenn. Seldi

konungr trú sína, ok svá sendimenn, til þessa máls. Þá spurði konungr Ingigerði, hverr sá maðr er í hans ríki, er hon vill kjósa til fylgðar við sik. Hon svarar: Sá maðr er Rögnvaldr jarl Úlfseon frændi minn. Konungr svarar:
5 Annan veg hefi ek hugat at launa Rögnvaldi jarli dróttin-
svikin, þau er hann fór til Noregs með dóttur mína ok
seldi hana þar til frillu þeim hinum digra manni, ok þeim
er hann vissi vörn úvin mestan, ok skal hann fyrir þá sök
þetta sumar uppi hanga. Ingigerðr bað þá föður sinn at
10 halda trú sína, er hann hafði selt henni. Ok kom svá af
boen hennar, at konungr segir, at Rögnvaldr skyldi fara í
griðum á brott or Svíaveldi, ok koma eigi í augsýn konungi
ok eigi til Svíþjóðar, meðan Ólafr væri konungr. Ingigerðr
sendi þá menn á fund jarls, ok lét segja honum þessi
15 tíðindi, ok gerði honum stefnulag, hvar þau skyldu hittast.
En jarl bjóst þegar til ferðar, ok reið upp í eystra Gaut-
land ok fékk sér þar skip, ok hélt þá liði sínu til fundar
við Ingigerði konungsdóttur. Fóru þau öll saman um sumarit
austr í Garðaríki. Þá giptist Ingigerðr Jarizleifi konungi.
20 Váru þeira synir Valdamarr, Vissivaldr, Holti hinn frækni.
Ingigerðr dróttning gaf Rögnvaldi jarli Aldeigjuborg ok
þat jarlsríki, er þar fylgði. Var Rögnvaldr jarl þar lengi
ok var ágætr maðr. Synir Rögnvalds jarls ok Ingibjargar
váru þeir Úlfr jarl ok Eilífr jarl.

Saga Emundar lögmanns.

25

96. Maðr er nefndr Emundr af Skörum; hann var
þar lögmaðr í Gautlandi vestra, ok var manna vitrastr ok
orðsnjallastr. Hann var ættstórr ok frændmargr, stórauðigr.
Hann var kallaðr undirhyggjumaðr ok meðallagi trúr. Hann
30 var maðr ríkastr í vestra Gautlandi, þá er jarl var á brott
farinn. Þat vár er Rögnvaldr jarl fór af Gautlandi, þá
áttu Gautar þing sín í milli, ok kærðu þeir meðal sín opt,
hvat Svíakonungr mundi til taka. Þeir spurðu þat, at
hann var þeim reiðr fyrir þat, er þeir höfðu vingazt við

Ólaf Noregs konung heldr en haldit deilu við hann. Hann bar ok sakir á þá menn, er fylgt höfðu Ástríði dóttur hans til Noregs. Mæltu þat sumir, at þeir skyldu leita sér trausts til Noregs konungs, ok bjóða honum sína þjónustu. Sumir löttu þess, ok sögðu, at Vestrgautar höfðu eigi styrk 5 til þess at halda deilu í móti Svíum; en Noregs konungr verðr oss fjarri, sögðu þeir, því at landsmegin hans er oss fjarri, ok er sá til fyrst, at gera menn til Svíakonungs ok freista, at vér komimst í sætt við hann. En ef þat læst eigi, þá er sá kostur, at leita sér trausts til Noregs konungs. 10 Báðu þá boendr Emund at fara þessa sendiför; en hann kvað já við, ok fór með 30 manna, ok kom fram í eystra Gautlandi. Váru þar margir frændr hans ok vinir; fékk hann þar góðar viðrættir. Hann átti þar tal við hina vitrustu menn um þetta vandmæli, ok kom þat alt ásamt 15 með þeim, ok þótti mönnum þat siðlausu ok löglausu, er konungr gerði við þá. Fór þá Emundr upp í Svíþjóð, ok átti þar tal við marga ríkismenn, ok kom þar alt í einn stað niðr. Hann hélt þá fram ferð sinni til þess, er hann kom aptan dags til Uppsala; tóku þeir sér þar gott her- 20 bergi ok váru þar um nóttina. Eptir um daginn gékk Emundr á konungs fund, þá er konungr sat á stefnu, ok fjölment um hann. Emundr gékk fyrir hann ok hneig honum, ok kvaddi hann. Konungr sá í móti honum ok heilsaði honum, ok spurði hann at tíðindum. Emundr 25 svarar: Smá ein tíðindi eru með oss Gautum; en þat þykkir oss nýnæmi, er Atti hinn doelski á Vermalandi fór í vetr upp á markir með skíð sín ok boga; hann köllum vér mestan veiðimann. Hann hafði fengit á fjalli svá mikla grávöru, at hann hafði fyllt skíðsleða sinn, svá sem mest 30 gat hann flutt eptir sér. Þá sneri hann heim af mörkinni; hann sá einn íkorna í viðinum, ok skaut at honum ok misti; þá varð hann reiðr ok lét lausan sleðann, ok rendi eptir íkornanum; en íkorninn fór jafnan þar, sem þrængstr var skógrinn, en stundum í viðarroettnar, stundum í limar upp; 36

þá sigldi hann í milli limanna í annat tré. En er Atti skaut at honum, þá fló æ fyrir ofan eða neðan; en aldri fór íkorni svá, at eigi sá Atti hann. Honum gerðist svá mikit kapp á þessi veiði, at hann skreið þar eptir allan
5 dag, en eigi at heldr gat hann veitt þann íkorna. En er myrkja tók, kastaði hann sér niðr á snæ, sem hann var vanr, ok lá þar um nóttina; en veðr var drífanda. Eptir um daginn fór Atti at leita skíðsleða síns, ok fann aldregi síðan; ok fór heim við svá búit. Slík eru mín tíðindi,
10 herra! Konungr segir: Lítil tíðindi, ef eigi er meira frá at segja. Emundr svarar: Var enn fyrir skömmu þat, er tíðindi má kalla, at Gauti Tófason fór með 5 herskipum út eptir Gautelfi; en er hann lá í Eikreyjum, þá komu þar Danir 5 kaupskipum stórum. Þeir Gauti unnu skjótt 4
15 kaupskipin ok létu enga menn, en féngu of fjár; en hit 5ta skip komst á haf undan, ok komu þeir segli við. Gauti fór eptir þeim einskipa, ok dró fyrst eptir, en þá tók veðrit at vaxa, gékk þá meira kaupskipit, sóttist þá hafit, vildi þá Gauti aptr snúa; þá gerði storm veðrs, ok braut hann
20 skipit við Hlésey, týndist fé alt, ok meiri hlutr manna; en hans förunautar skyldu bíða í Eikreyjum. Þá komu at þeim Danir 15 kaupskipum, ok drápu þá alla, en tóku alt fé, þat er þeir höfðu áðr fengit. Svá gafst þeim ágirnir. Konungr svarar: Þetta eru mikil tíðindi ok frásögulig;
25 en hvert er þitt erendi hingat? Emundr svarar: Ek fer, herra! at leita orlausnar um vandmæli þau, er lög vár greinir ok Uppsasalög. Konungr spyr: Hvat er þat, er þú vilt kæra? Emundr svarar: Þar váru tveir menn eðli bornir, jafnir at ætt, en újafnir at eignum ok skaplyndi;
30 þeir deildu um jarðir, ok gerði hvárr öðrum skaða, ok sá meira, er ríkari var, áðr en þeira deila var niðrsett ok dæmt um á allsherjar þingi. Hlaut sá at gjalda, er ríkari var áðr; en at fyrsta sali galt hann gagl fyrir gás, grís fyrir gamalt svín; en fyrir mörk brends gulls reiddi hann
35 hálfa mörk gulls, en aðra hálfa mörk af leiri ok móðu, ok

enn umfram hét hann hinum afarkostum, er þetta fé tók í sína skuld. Hvat doemit þér hér um, herra? Konungr svarar: Gjaldi fullum gjöldum þat, er doemt var, en konungi sínum þrjú slík. En ef þat er eigi goldit fyrir jafn- lengd, þá fari hann útlagr af allri eigu sinni, falli fé hans hálf í konungsgarð, en hálf til þess, er hann átti sök at boeta. Emundr skírskotaði þessum orskurði undir þá menn alla, er þar váru ríkastir, ok skaut til þeira laga, er géngu á Uppsalaþingi. Eptir þat heilsaði hann á konung, ok gékk út síðan. En þá hófu aðrir menn sínar kærslur fyrir konungi, ok sat hann lengi dags yfir málum manna. En er konungr kom til borðs, þá spurði hann, hvar Emundr lögmaðr væri. Honum var sagt, at hann var heima í herbergi. Þá mælti konungr: Gangit eptir honum, hann skal vera í boði mínu í dag. Því næst kómu inn sendingar, ok þar eptir fóru inn leikarar með hörpur ok gígjur ok söngtöl, ok þar næst skenkingar. Var konungr allkátr ok hafði marga ríka menn í boði sínu, ok gáði þá ekki Emundar. Drakk konungr þann dag allan, ok svaf eptir um nóttina. En at morni er konungr vaknaði, þá hugsaði hann, hvat Emundr hafði talat um daginn. En er konungr var klæddr, lét hann kalla til sín spekinga sína. Ólafr konungr hafði jafnan með sér 12 hina spökustu menn, þeir sátu yfir dómum með honum ok réðu um vandamál; en þat var eigi vandalaust, því at konungi líkaði illa, ef dómum var hallat frá réttu, en eigi hlýddi at mæla á móti honum. Á þeirri málstefnu tók konungrinn til orða, ok bað þangat kalla Emund lögmann. En er sendimaðr kom aptr: Herra! segir hann, Emundr lögmaðr reið í brott gærdags, þegar er hann hafði snætt. Þá mælti konungr: Segit mér þat, góðir höfðingjar! hvat vissi sú lagafrétt, er Emundr spurði í gær? Þeir svöruðu: Herra! þér munut þat hugsat hafa, ef þat kom til annars en hann mælti. Konungrinn mælti: Þeir 2 eðli bornir menn, er hann sagði þá frá, at úsáttir höfðu verit, ok þó annarr

ríkari, ok gerði hvárr öðrum skaða, þar sagði hann frá okkr Ólafi digra. Svá er, herra! sögðu þeir, sem þér segit. Konungr svarar: Dómr var á váru máli á Uppsalaþingi. En hvar kom þat til, er hann sagði frá, at vangoldit var, er gagl var fyrir gás, en gríss fyrir gamalt svín, en leir hálf fyrir gull? Arnviðr blindi svarar: Herra! segir hann, þat er úlíkast, rautt gull ok leir, en meira skilr konung ok þræl. Þér hétut Ólafi digra dóttur yðarri Ingigerði, er hon konungborin í allar kvíslir, af Uppsvía ætt, er tignust er á Norðrlöndum, því at sú ætt er komin frá goðunum sjálfum; en nú hefir Ólafr konungr fengit Ástriðar; en þó at hon sé konungs barn, þá er ambátt móðir hennar, ok þó vindversk. Mikill munr er þeira konunga, er annarr þiggr slíkt með þökk, ok er þat með ván, at eigi megi jafnast einn Norðmaðr við Uppsala konung. Gjöldum þar allir þökk fyrir, at þat haldist, því at goðin hafa lengi haft roekt mikla á ættmönnum sínum, þott nú úræki margir þann átrúnað. Þeir váru bræðr þrír: Arnviðr blindi, hann var sýndr svá lítt, at varla var hann herföerr, ok manna snjallastr; annarr var Þorviðr stami, hann fékk eigi mælt 2 orðum lengra samt; hann var þar maðr djarlastr ok einarðastr; þriði hét Freyviðr daufi, hann heyrði illa. Þeir bræðr allir váru menn ríkir ok auðgir ok kynstórir ok forvitra, ok allir kærir konungi. Þá mælti Ólafr konungr: Hvat veit þat, er Emundr sagði frá Atta deelska? Þá svarar engi, ok sá hverr til annars. Konungr mælti: Segit nú. Þá mælti Þorviðr stami: Atti atsamr, ágjarn, illgjarn, deelskr, fólskr. Þá mælti konungr: Hverr á þessa sneið? Þá svarar Freyviðr daufi: Herra! mæla munu menn berara, ef þat skal vera í yðru orlofi. Konungr mælti: Tala nú, Freyviðr, í orlofi þat, er þú vill mæla. Freyviðr tók þá til máls: Þorviðr bróðir minn, er vár er vitrastr kallaðr, kallar þann einn Atta atsam, deelskan ok fólscan, þann kallar hann svá, er leiðr er friðrinn, svá at hann keppist til smára hluta, ok fær þó

eigi, en lætr fyrir þá sök farsælliga hluti stóra. Nú em ek daufr, en svá hafa nú margir mælt, at ek hefi mátt skilja, at mönnum líkar illa, bæði ríkum ok alþýðu, þat er þér, herra! haldit eigi orð yður við Noregs konung; en hitt enn verr, er þér rjúfit dóm allsherjar, þann er 5 gerr var á Uppsalaþingi. Eigi þurfit þér at hræðast Noregs konung eða Danakonung, ok engan annan, meðan Svíaherr vill fylgja yður; en ef landsfólkit snýst á hendr yður með einu samþykki, þá sjám vér vinir yðrir eigi ráð til, þau er víst er at duga muni. Konungr spyr: Hverir 10 gerast höfuðsmenn at því, at ráða lönd undan mér? Freyviðr svarar: Allir Svíar vilja hafa forn lög ok fullan rétt sinn. Lítit nú á hitt, herra! hversu margir höfðingjar yðrir sitja hér nú yfir ráðagerðinni með yður. Ek ætla hitt, satt at segja, at vér sém hér nú 6, er þér kallit ráð- 15 gjafa yðra, en allir aðrir hygg ek at á brott sé riðnir ok farnir í herað, ok eigu þar þing við landsfólk, ok yður satt at segja, þá er herör uppskorin ok send um land alt ok stefnt refsiping. Allir vér bræðr höfum verit tilbeðnir at eiga hlut í þessi ráðagerð, en engi várr vill 20 eiga þat nafn, at heita dróttinsviki, því at eigi var svá várr faðir. Konungr tók þá til máls: Hvert orráð skulu vér nú hafa? vandi mikill er nú til handa borinn, gefit nú ráð til, góðir höfðingjar! at ek fá haldit konungdóminum ok föðurarfi mínum, en ekki vil ek deila kappi við allan 25 Svíaher. Arnviðr blindi svarar: Herra! þat sýnist mér ráð, at þér riðit ofan í Áros með þat lið, er yður vill fylgja, ok takit þar skip yður, ok farit svá út í Lögin, stefnit þá til yðar fólkinu, farit nú eigi með stirðlæti, bjóðit mönnum lög ok landsrétt, drepit niðr herörinni; mun hon 30 enn eigi víða hafa farit yfir landit, því at stund hefir skömm verit; sendit menn yðra, þá er þér trúit, til fundar við þá menn, er þetta ráð hafa með höndum, ok freista ef þessi kurr mætti niðrsetjast. Konungr segir, at hann vill þetta ráð þekkjast. Vil ek, segir hann, at þér 35

bræðr farit þessa ferð, því at ek trúi yðr bezt af mínum
 mönnum. Þá mælti Þorviðr stami: Ek mun eptir vera,
 en Jakob fari, þess þarf. Þá mælti Freyviðr: Gerum
 svá, herra! sem Þorviðr mælir; hann vill eigi við yðr
 5 skiljast í þessum háska; en vit Arnviðr munum fara.
 Þessi ráðagerð varð framgeng, at Ólafr konungr fór til
 skipa sinna, hélt út í Löginn; ok jók honum þá brátt fjöl-
 menni. En þeir bræðr Freyviðr ok Arnviðr riðu út á
 Ullarakr, ok höfðu með sér Jakob konungsson, ok drápu
 10 þó dul um hans ferð. Þeir urðu brátt varir við, at
 þar var fyrir samnaðr ok herhlaup, er bæendr áttu þing
 bæði dag ok nótt. En er þeir Freyviðr hittu þar fyrir
 frændr sína ok vini, þá sögðu þeir þat, at þeir vili ráðast
 í flokkinn; en því taka allir feginsamliga. Var þá þegar
 15 ráðum skotit til þeira bræðra, ok dregst þar til fjölmennit,
 ok mæla þó allir eitt, ok segja svá, at þeir skulu aldri
 lengr hafa Ólaf konung yfir sér, ok eigi vilja þeir honum
 þola úlög ok ofdramb þat, er hann vill enskis manns máli
 hlýða, þótt stórhöfðingjar segi honum sannindi. En er
 20 Freyviðr fann ákafa lýðsins, þá sá hann í hvert úefni komit
 var; hann átti þá stefnur við landshöfðingja, ok talaði fyrir
 þeim ok mælti svá: Svá lízt mér, ef þetta stórræði skal
 fram fara, at taka Ólaf Eiríksson af ríkinu, sem vér Upp-
 sviarnir munim skulu vera fyrir; hefir hér svá jafnan verit,
 25 at þat er Uppsvía höfðingjar hafa staðfest sín í millum,
 þá hafa þeim ráðum hlýtt aðrir landsmenn. Eigi þurftu
 vórir feðr at þiggja ráð at Vestrgautum um sína landstjórn.
 Nú verðum vér eigi þeir ættlerar, at Emundr þurfi oss
 ráð at kenna; vil ek, at vér bindim saman ráð vár, frændr
 30 ok vinir. Þessu játuðu allir, ok þótti vel mælt. Eptir
 þat snýst allr fjöldi lýðsins til þess sambands, er Uppsvía
 höfðingjar tóku með sér; váru þeir þá höfðingjar fyrir liði
 Freyviðr ok Arnviðr. En er þat fann Emundr, þá grunaði
 hann, hvárt þetta ráð mundi framgengt verða. Fór hann
 35 þá til fundar við þá bræðr, ok áttu þeir tal saman; spyr

þá Freyviðr Emund: Hverja ætlan haft þér um þat, ef Ólafr Eiríksson er af lífi þekinn, hvern konung vilit þér þá hafa? Emundr svarar: Þann er oss þykkir bezt til fallinn, hvárt sem sá er af höfðingjaætt eða eigi. Freyviðr svarar: Eigi viljum vér Uppsviarnir, at konungdómr gangi or langfeðgaætt hinna fornu konunga á várum dögum, meðan svá góð föng eru til, sem nú er. Ólafr konungr á 2 sonu, ok viljum vér annanhvárn þeira til konungs; ok er þó þeira mikill munr, annarr er eðli borinn ok scenskr at allri ætt, en annarr er ambáttar son ok vindverskr at hálfri ætt. At þessum orskurð varð rómr mikill, ok vilja allir Jakob til konungs. Þá mælti Emundr: Þér Uppsvíar haft vald til at ráða þessu at sinni, en hitt segi ek yðr, sem eptir mun ganga, at þeir sumir, er nú vilja ekki annat heyra en konungdómr í Svíþjóð gangi í langfeðgaætt, nú munu þeir sjálfir lifa ok játa, þá er konungdómr mun í aðrar ættir koma, ok mun þat betr hlýða. Eptir þat létu þeir bræðr Freyviðr ok Arnviðr leiða fram á þingit Jakob konungsson, ok létu honum þar gefa konungsnafn, ok þar með gáfu Svíar honum Önundar nafn, ok var hann svá síðan kallaðr, meðan hann lifði. Þá var hann 10 vetra eða 12. Eptir þat tók Önundr konungr sér hirð ok valdi með sér höfðingja, ok höfðu þeir allir saman lið svá mikit, sem honum þótti þurfa; en hann gaf þá heimfararleyfi öllum bóndamúgnum. Eptir þat fóru sendimenn í milli konunganna, ok því næst kom sva, at þeir hittust sjálfir ok gerðu sætt sína; skyldi Ólafr vera konungr yfir landi, meðan hann lifði; hann skyldi ok halda frið ok sætt við Noregs konung, ok svá við þá menn alla, er í þeiri ráðagerð höfðu vafizt. Önundr skyldi ok konungr vera, ok hafa þat af landi, er sendist með þeim feðgum, en vera skyldr til þess, at fylgja þá bóndum, ef Ólafr konungr gerir nökkura þá hluti, er boendr vildi eigi þola honum.

Sættarfundr konunga ok tenningakast.

97. Eptir þat fóru sendimenn til Noregs á fund Ólafs konungs með þeim erendum, at hann skyldi fara í stefnu-leiðangr til Konungahellu í móti Sviakonungi ok þat með, at
 5 Sviakonungr vill, at þeir tryggvi sættir sínar. En er Ólafr konungr heyrði þessa orðsending, þá var hann enn sem fyrr gjarn til friðarins, ok ferr hann með liði sínu sem ákveðit var. Kom þar þá Sviakonungr; ok er þeir mágar hittust, þá binda þeir sætt milli sín ok frið. Væ
 10 þá Ólafr Sviakonungr góðr viðmælis ok mjúklyndr. Svá segir Þorsteinn fróði, at byggð sú lá í Hising, er ýmist hafði fylgt til Noregs eða Gautlands. Þá mæltu þeir konungarnir sín í milli, at þeir skyldu hluta um eign þá ok kasta til tenningum; skyldi sá hafa, er stoerra kastaði. Þá
 15 kastaði Sviakonungr 6 tvau, ok mælti, at Ólafr konungr þurfti þá eigi at kasta. Hann svaraði ok hristi tenningana í hendi sér: Enn eru 6 tvau á tenningunum, ok er guði dróttni mínum enn lítit fyrir at láta þat upp horfa. Hann kastaði ok hafði upp 6 tvau. Þá kastaði Ólafr Sviakon-
 20 ungr, ok enn 6 tvau. Þá kastaði Ólafr Noregs konungr, ok var 6 á öðrum, en annarr hraut í sundr, ok váru þar þá 7. Eignaðist hann þá byggðina. Eigi höfum vér heyrt getit fleiri tíðinda á þeim fundi. Skildust konungar sáttir.

Frá Ólafi Noregs konungi.

25 98. Eptir þessi tíðindi, er nú var frá sagt, sneri Ólafr konungr liði sínu aptr í Víkina; fór þá fyrst til Túsbergs, ok dvaldist þar litla hrið, ok fór norðr í land, ok um haustit alt norðr í Þrándheim, ok lét þar búa til vetrvistar, ok sat þar um vetrinn. Þá var Ólafr kon-
 30 ungr Haraldsson einvaldskonungr yfir öllu því ríki, er haft hafði Haraldr hinn hárfagri, ok því framar, at hann var einn konungr yfir landi. Hann hafði þá fengit með friði ok sætt þann hluta lands, er áðr hafði haft Ólafr Svía-

konungr; en þann hluta lands, er Danakonungr hafði haft, tók hann með valdi, ok réð fyrir þeim hluta slíkt sem annarstaðar í landi. Knútr Danakonungr réð í þann tíma bæði fyrir Englandi ok Danmörk, ok sat hann sjálf lengstum á Englandi, en setti höfðingja til landsstjórnar í Danmörk, 5 ok veitti hann ekki tilkall í Noreg í þann tíma.

Jarla saga.

99. Svá er sagt, at á dögum Haralds hins hárfagra Noregs konungs byggðust Orkneyjar; en áðr var þar víkinga-boeli. Sigurðr hét hinn fyrsti jarl í Orkneyjum; hann var 10 son Eysteins glumru ok bróðir Rögnvalds Mœrajarls; en eptir Sigurð Guðþormr son hans einn vetr. Eptir hann tók jarldóm Torfeinarr, son Rögnvalds jarls, ok var lengi jarl ok ríkr maðr. Hálfðan háleggr, son Haralds hárfagra, fór á hendr Torfeinari, ok rak hann á brott or Orkneyjum. 15 Einarr kom þá aptr ok drap Hálfðan í Rínansey. Eptir þat fór Haraldr konungr með her í Orkneyjar. Einarr flýði þá upp á Skotland. Haraldr konungr lét Orkneyinga sverja sér öll óðul sín. Eptir þat sættust þeir konungr ok jarl, ok gerðist jarl hans maðr, ok tók lönd í lén af kon- 20 ungi, ok skyldi enga gjalda skatta af, því at þar var herskátt mjök. Jarl galt konungi 60 marka gulls. Þá herjaði Haraldr konungr á Skotland, svá sem getit er í Glymdrápu. Eptir Torfeinar réðu fyrir löndum synir hans Arnkell Erlendr, Þorfinnr hausakljúfr. Á þeira dögum kom af 25 Noregi Eiríkr blóðöx, ok váru þá jarlar honum lýðskyldir. Arnkell ok Erlendr féllu í hernaði, en Þorfinnr réð löndum ok varð gamall. Synir hans váru Arnfiðr, Hávarðr, Hlödver, Ljótr, Skúli. Móðir þeira var Grelöð, dóttir Dungaðar jarls af Katanesi; móðir hennar var Gróa dóttir Þorsteins 30 rauðs. Á dögum Þorfinns jarls ofarliga kómu af Noregi synir Blóðöxar, þá er þeir höfðu flýit fyrir Hákonu jarli. Var þá í Orkneyjum mikill yfirgangr þeira. Þorfiðr jarl varð sótt dauðr. Eptir hann réðu löndum synir hans, ok

eru miklar frásagnir frá þeim. Hlöðver lifði þeira lengst,
 ok réð þá einn löndum; sonr hans var Sigurðr digri, er
 jarldóm tók eptir hann; hann var ríkr ok hermaðr mikill.
 Á hans dögum fór Ólafr Tryggvason or vestrvíking með
 5 liði sínu, ok lagði til Orkneyja ok tók höndum Sigurð jarl
 í Rognvaldsey; hann lá þar fyrir einskipa. Ólafr konungr
 bauð þá fjörlausn jarli, at hann skyldi taka skírn ok trú
 rétta ok gerast hans maðr, ok bjóða kristni um allar Orkn-
 eyjar. Ólafr konungr tók í gísling son hans, er hét Hundi
 10 eða Hvelpr. Þaðan fór Ólafr til Noregs, ok varð þar
 konungr. Hundi var með Ólafi konungi nokkura vetr, ok
 andaðist hann þar. En síðan veitti Sigurðr jarl enga lýð-
 skyldu Ólafi konungi; hann gékk þá at eiga dóttur Mel-
 kólms Skotakonungs, ok var þeira son Þorfinnr. Enn váru
 15 synir Sigurðar jarls hinir ellvi, Sumarliði, Brúsi, Einarr
 rangmuðr. Fimm vetrum eða fjórum eptir fall Ólafs Trygg-
 vasonar fór Sigurðr jarl til Írlands, en hann setti sonu
 sína hina ellri at ráða löndum. Þorfinn sendi hann til
 Skotakonungs, móðurföður síns. Í þeiri ferð féll Sigurðr
 20 jarl í Brjáns orrostu. En er þat spurðist til Orkneyja,
 þá váru þeir bræðr til jarla teknir, Sumarliði, Brúsi, Einarr,
 ok skiptu löndum í þriðjunga með sér. Þorfinnr Sigurðar-
 son var þá 5 vetra, er Sigurðr jarl féll. En er fall hans
 spurðist til Skotakonungs, þá gaf konungr Þorfinni frænda
 25 sínum Katanes ok Suðrland, ok jarlsnafn með, ok fékk
 menn til at stýra ríkinu með honum. Þorfinnr jarl var
 þegar í uppvexti bráðgerr at öllum þroska; hann var mikill
 ok sterkr, ljótr maðr; ok þegar er honum vóx aldr, var
 þat auðsýnt, at hann var ágjarn maðr, harðr ok grimmr ok
 30 forvitri. Þess getr Arnórr jarlaskáld:

Görr lézk grund at verja
 geðfroekn ok til sækja,

æri Einars hlýra
 engr mannr und skýranni.

Frá Einari jarli ok Brúsa jarli.

100. Þeir bræðr Einarr ok Brúsi váru úlíkir í skaplyndi. Brúsi var hógværr ok samsmaðr mikill, vitr ok mál-snjallr ok vinsæll. Einarr var stirðlyndr, fálátr ok úpýðr, ágjarn ok fégjarn ok hermaðr mikill. Samarliði var líkr 5 Brúsa í skaplyndi, ok var hann elztr ok lifði skemst þeira bræðra; hann varð sóttidauðr. Eptir andlát hans taldi Þorfiðr til síns hluta í Orkneyjum. Einarr svarar því, at Þorfinnr hefði Katanes ok Suðrland, þat ríki er áðr hafði átt Sigurðr jarl faðir þeira, ok taldi hann þat miklu meira 10 en þriðjung Orkneyja, ok vildi hann eigi unna Þorfinni skiptis; en Brúsi lét uppi skipti fyrir sína hönd, ok vil ek, segir hann, ekki ágirnast at hafa meira af löndum en þann þriðjung, er ek á at frjálsu. Þá tók Einarr undir sik 2 hluti eyja; gerðist hann þá ríkr maðr ok fjölmeðr, var opt 15 á sumrum í hernaði, ok hafði útboð mikil í löndinu, en allmisjafnt varð til fengjar í víkingunni. Þá tók bóndum at leiðast þat starf, en jarl hélt fram með freku öllum álögum, ok lét engum manni hlýða í móti at mæla. Einarr jarl var hinn mesti ofstopamaðr. Þá gerðist í hans ríki 20 hallæri af starfi ok fékostnaði, þeim er bæendr höfðu. En í þeim hluta lands, er Brúsi hafði, var ár mikit ok hóglífi bóndum; var hann vinsæll.

Frá Þorkeli Ámundasyni.

101. Maðr hét Ámundi ríkr ok auðigr, hann bjó í 25 Hrossey í Sandvík á Hlaupandanesi. Þorkell hét son hans, ok var hann allra manna gerviligastr í Orkneyjum. Ámundi var hinn vitrasti maðr ok einna manna mest virðr í eyjunum. Þat var eitt vár, at Einarr jarl hafði þá útboð enn, sem hann var vanr, en bæendr kurruðu illa, ok báru fyrir 30 Ámunda, ok báðu hann mæla þeim nokkura forstoð við jarl. Hann svarar: Jarl er úáhlýðinn; ok telr eigi stoða munu at biðja jarl né einnar boenar um þetta: er vinátta

vár jarls ok góð at svá búnu; en mér þykkir við váða
 búit, ef vér verðum rangsáttir, við skaplyndi hvárratveggju,
 mun ek mér, segir Ámundi, engu af skipta. Þá ræddu
 þeir þetta við Þorkel; hann var traður til ok hét þó um
 5 síðir við áeggjan manna. Ámunda þótti hann ofbrátt heitit
 hafa. En er jarl átti þing, þá mælti Þorkell af hendi
 bónda, ok bað jarl vægja mönnum um álögur, ok taldi
 upp nauðsyn manna. En jarl svarar vel, ok segir, at hann
 skyldi mikils virða orð Þorkels: Ek hefða nú ætlat sex
 10 skip or landi at hafa, en nú skal eigi meir hafa en 3;
 en þú, Þorkell! bið eigi optar slíkrar bænar. Boendr
 þokkuðu vel Þorkeli liðveizlu sína. Fór jarl í víking ok
 kom aptr at hausti. En eptir um vórit hafði jarl sömu boð,
 sem hann var vanr, ok átti þing við boendr. Þá talaði Þor-
 15 kell enn, ok bað jarl vægja bóndum. Jarl svarar þá reiðuliga,
 ok segir at hlutr bónda skyldi þá versna við hans umræðu.
 Gerði hann sik þá svá reiðan ok óðan, at hann mælti, at
 þeir skyldu eigi annat vár báðir heilir á þinginu; ok sleit
 síðan því þingi. En er Ámundi varð viss, hvat þeir Þor-
 20 kell ok jarl höfðu við mælt, þá bað hann Þorkel á brott
 fara, ok fór hann yfir á Katanes til Þorfinns jarls. Þorkell
 var þar lengi síðan ok elskaði at jarli, er hann var ungr, ok
 var hann síðan kallaðr Þorkell fóstri, ok var hann ágætr maðr.

Sætt jarlanna.

25 102. Fleiri váru þeir ríkismenn, er flýðu or Orkneyjum
 óðul sín fyrir ríki Einars jarls; flýðu flestir yfir á Katanes
 til Þorfinns jarls; en sumir flýðu or Orkneyjum til Noregs,
 en sumir til ýmissa landa. En er Þorfinnr jarl rosnaðist,
 þá gerði hann boð til Einars bróður síns, ok beiddi af
 30 honum ríkis þess, er hann þóttist eiga í Orkneyjum; en
 þat var þriðjungur eyja. Einarr tók því úbrátt at minka
 ríki sitt. En er Þorfinnr spurði þat, þá býðr hann liði út
 af Katanesi, ok ferr út í eyjar. En er Einarr jarl varð
 þess viss, samnar hann liði ok ætlar at verja löndin. Brúsi

jarl samnar ok liði ok ferr til móts við þá, ok berr sættar-orð í milli þeira. Varð þat at sætt með þeim, at Þorfinnr skyldi hafa þriðjung landa í Orkneyjum, svá sem hann átti at réttu. En Brúsi ok Einarr lögðu saman sinn hluta, skyldi Einarr hafa einn forræði fyrir þeim; en ef misdaði þeira yrði, þá skyldi sá þeira lönd taka eptir annan, er lengr lifði. En sá máldagi þótti þá eigi jafnligr, því at Brúsi átti son er Rögnvaldr hét, en Einarr var sonlauss. Setti þá Þorfinnr jarl sína menn til at varðveita ríki, þat er hann átti í Orkneyjum, en hann var optast á Katanesi. Einarr jarl var optast á sumrum í hernaði um Írland ok Skotland ok Bretland.

Dráp Eyvindar úrarhorns.

103. Þat var eitt sumar, er Einarr jarl herjaði á Írland, at hann barðist í Úlfreksfirði við Konofogor Írakonung, svá sem fyrr var ritat, at Einarr jarl fékk þar úsigr mikinn ok mannlát. Annat sumar eptir fór Eyvindr úrarhorn vestan af Írlandi ok ætlaði til Noregs; en er veðr var hvast ok straumar úfærir, snýr Eyvindr þá til Ásmundarvágs, ok lá þar nokkura hrið veðrfastr. En er þat spurði Einarr jarl, þá hélt hann þangat liði miklu, tók þar Eyvind ok lét drepa, en gaf grið flestum mönnum hans, ok fóru þeir austr til Noregs um haustit, ok kómu á fund Ólafs konungs ok sögðu honum frá aftöku Eyvindar. Konungr svarar fá um, ok fannst þat á, at honum þótti þat mannskaði mikill, ok mjök gert í þrá sér, ok um flest var hann fámæltr, þat er honum þótti sér í móti skapi. Þorfinnr jarl sendi Þorkel fóstura út í eyjar at heimta saman skatta sína. Einarr jarl kendi Þorkeli mjök uppreist, þá er Þorfinnr hafði haft tilkall út í eyjar. Fór Þorkell skyndiliga or eyjunum ok yfir á Katanes. Hann segir Þorfinni jarli, at hann var þess viss orðinn, at Einarr jarl ætlaði honum dauða, ef eigi hefði frændr hans ok vinir honum njósn borit. Nú mun ek, segir hann, þat eiga á baugi, at láta

þann verða fund okkarn jarls, er um skipti með oss; en þann kost annan, at fara lengra á brott ok þannug, er ekki sé hans vald yfir. Jarl fýsti þess, at Þorkell skyldi fara austr til Noregs á fund Ólafs konungs: muntu, segir
 5 hann, mikils metinn, hvar sem þú kemr með tignum mönnum, en ek veit beggja ykkar skaplyndi, þitt ok jarls, at þit munut skamma stund mundast til. Þá bjóst Þorkell, ok fór um haustit til Noregs, ok síðan á fund Ólafs konungs, ok var þar um vetrinn með konungi í kærleikum miklum;
 10 hafði hann Þorkel mjök við mál sín, þótti honum, sem var, at Þorkell var vitr maðr ok skörungr mikill; fannst konungi þat í rœðum hans, at hann misjafnaði mjök frásögu um jarlana ok var vinr mikill Þorfinns, en lagði þungt til Einars jarls. Ok snemmendis um várit sendir
 15 konungr skip vestr um haf á fund Þorfinns jarls, ok orðsending, at jarl skyldi koma austr á hans fund. En jarl lagðist eigi þá för undir höfuð, því at vináttumál fylgði orðsending.

Dráp Einars jarls.

20 104. Þorfinnr jarl fór austr til Noregs, ok kom á fund Ólafs konungs ok fékk þar góðar viðtökur, ok dvaldist þar lengi um sumarit. En er hann bjóst vestr, gaf Ólafr konungr honum langskip mikit ok gott með öllum reiða. Þorkell fóstri rézt þá til ferðar með jarli, ok gaf jarl honum
 25 þat skip, er hann hafði vestan haft um sumarit. Skildust þeir konungr ok jarl með kærleikum miklum. Þorfinnr jarl kom um haustit til Orkneyja. En er Einarr jarl spurði þat, þá hafði hann fjölment ok lá á skipum. Brúsi jarl fór þá til fundar við þá báða bræðr ok bar sætt milli
 30 þeira; kom enn svá, at þeir sættust ok bundu þat eiðum. Þorkell fóstri skyldi vera í sætt ok vináttu við Einar jarl, ok var þat mælt, at hvárr þeira skyldi veita öðrum veizlu, ok skyldi jarl fyrri sækja til Þorkels í Sandvík. En er jarl var þar á veizlu, þá var veitt hit kappsamligsta; var

jarl eigi kátr. Þar var mikill skáli ok dyrr á báðum endum. Þann dag er jarl skyldi á brott fara, þá skyldi Þorkell fara með honum til veizlu. Þorkell sendi menn á njósn fram á leiðina, er þeir skyldu fara um daginn; en er njósnarmenn kómu aptr, þá sögðu þeir Þorkeli, at þeir 5 fundu þrennar sátir ok vápnaða menn, ok hyggjum vér, segja þeir, at svik muni vera. En er Þorkell spurði þetta, þá frestaði hann búnaðinum, ok heimti menn sína at sér. Jarl bað hann búast, ok segir, at mál var at ríða. Þorkell sagði, at hann átti mart at annast; hann gékk stundum 10 út, en stundum inn. Eldar váru á gólfinu; þá gékk hann inn um aðrar dyrr, ok eptir honum maðr, er nefndr er Hallvarðr; hann var íslenzkr maðr ok austfirðskr; hann lauk aptr hurðunni. Þorkell gékk innar milli eldsins ok þess er jarl sat. Jarl spurði: Ertu eigi enn búinn? Þor- 15 kell svarar: Nú em ek búinn. Þá hjó hann til jarls ok í höfuðit. Jarl steyptist á gólfit. Þá mælti Íslendingr: Hér sá ek alla versta fangaráðs, er þér dragit eigi jarl af eldinum. Hann keyrði til spörðu ok setti undir hnakkabein jarli, ok kipti honum upp at pallinum. Þorkell ok þeir 20 báðir förunautar gengu út skyndiliga aðrar dyrr en þeir höfðu inn gengit. Stóðu þar úti menn Þorkels með alvæpni. En jarlsmenn tóku til hans, ok var hann þá dauðr, en öllum féllust hendr til hefndarinnar; var þat ok, at bráðum bar at, ok varði engan mann þessa verks af Þorkeli, því 25 at þeir hugðu allir, at svá mundi vera, sem áðr var mælt, at vinátta væri með jarli ok Þorkeli; váru menn ok flestir vápnlausir inni, en margir áðr vinir Þorkels góðir; bar þat til með auðnu þeiri, er Þorkeli var auðit lengra lífs. Þorkell hafði þá lið, er hann kom út, engu minna en 30 jarlsmenn. Fór Þorkell þá til skips síns, en jarlsmenn í brott. Þorkell sigldi þann dag þegar í brott ok austr í haf, ok var þat eptir vetrnætr, ok kom hann með heilu til Noregs, ok fór þegar sem skyndiligast á fund Ólafs

konungs ok fékk þar góðar viðtökur; lét konungr yfir verki þessu vel; var Þorkell með honum um vetrinn.

Sætt Ólafs konungs ok Brúsa jarls.

105. Eptir fall Einarsjarls tók Brúsi jarl þann hluta
 5 landa, er áðr hafði haft Einarr jarl; því at þat var á margra
 manna vitorði, með hverjum skildaga þeir Einarr ok Brúsi
 bræðr höfðu félag sitt gert. En Þorfinni þótti þat réttast,
 at hálfar eyjar hefði hvárr þeira; en þó hafði Brúsi þann
 vetr 2 hluti landa. Eptir um várit kallaði Þorfinnr til
 10 þeira landa við Brúsa, at hann vildi hafa helming við
 Brúsa; en Brúsi galt eigi jákvæði til þess. Áttu þeir
 þing ok stefnur at þeim málum; géngu þá at vinir þeira at
 semja þetta mál, ok kom svá, at Þorfinnr lét sér ekki
 líka annat en hafa helming eyja, ok sagði þat með, at
 15 Brúsi þurfti eigi at hafa meir en þriðjung, með því skap-
 lyndi sem hann hafði. Brúsi svarar: Ek unda því, segir
 hann, at hafa þriðjung landa, þann er ek tók í arf eptir
 föður minn, kallaði ok engi til þess í hönd mér, en nú
 hefi ek tekit annan þriðjung í arf eptir bróður minn at
 20 réttum máldögum. En þó at ek sé vanfærr til at deila
 kappi við þik, bróðir! þá mun ek þó annars í leita en
 játa undan mér ríkit at svá búnu. Þeir skildu svá mál-
 stefnu þessa. En er Brúsi sá, at hann mundi eigi hafa
 afla til at standa jafnfætis við Þorfinn, því at Þorfinnr
 25 hafði ríki miklu meira ok traust af Skotakonungi móður-
 föður sínum, þá réð Brúsi þat af at fara or landi austr á
 fund Ólafs konungs, ok hafði með sér Rögnvald son sinn;
 var hann þá 10 vetra gamall. En er jarl hitti konung, þá
 tók hann vel við honum. En er jarl bar upp erendi sín
 30 ok sagði konungi allan málavæxt, þann er var með þeim
 bræðrum, ok bað konung at veita sér styrk til at halda
 ríki sínu, bauð þar fram í mót fullkomna vináttu sína.
 Konungr svaraði ok tók þar fyrst til máls, er Haraldr
 hinn hárfagri hafði eignast óðul öll í Orkneyjum, en jarlar

höfðu haft jafnan síðan lönd þau at léni, en aldregi at eign; en þat til jartegna, segir hann, at þá er Eiríkr blóðöx ok synir hans váru í Orkneyjum, váru jarlar þeim lýðskyldir; en er Ólafr Tryggvason frændi minn kom þar, þá gerðist Sigurðr jarl, faðir þinn, hans maðr. Nú hefi 5 ek tekit arf allan eptir Ólaf konung, vil ek gera þér þann kost, at þú gerist minn maðr, mun ek þá fá þér eyjarnar í lén; skulu vér þá freista, ef ek veiti þér minn styrk, hvárt betr skal at haldi koma, eða Þorfinni bróður þínum traust Skotakonungs. En ef þú vill eigi þenna kost, 10 þá mun ek eptir leita þeim eignum ok óðulum, er várir frændr ok forellrar hafa átt vestr þannug. Þessar ræður hugfesti jarl fyrir sér, ok bar fyrir vini sína, leitaði ráðs við þá, hverju hann skyldi játa, hvárt hann skyldi at þessu sættast við Ólaf konung ok gerast hans maðr: en hitt er 15 mér úsýnna, hverr minn hluti verðr at skilnaði várum, ef ek kveð nei við, því at konungr hefir bert gert þat tilkall, er hann þykkist eiga til Orkneyja; en við stórræði hans ok þat er vér erum hér komnir, þá mun honum lítit fyrir at gera þat af várum kosti, sem honum sýnist. En þó at jarli 20 þótti á hvárutveggja annmarkar, þá tók hann þann kost at leggja alt á vald konungs, bæði sik ok ríki sitt. Tók þá Ólafr konungr af jarli vald ok forráð yfir öllum erfðalöndum jarls. Gerðist jarl þá hans maðr ok batt þat swardögum. 25

Sætt jarlanna ok Ólafs konungs.

106. Þorfinnr jarl spurði þat, at Brúsi bróðir hans var farinn austr á fund Ólafs konungs at sækja traust at honum. En fyrir því at Þorfinnr hafði verit fyrr á fund Ólafs konungs ok komit sér þar í vináttu, þá þóttist hann 30 þar eiga vel fyrir búit, ok vissi, at þar mundu margir flutningarmenn um hans mál, en þó vænti hann, at fleiri mundu vera, ef hann kæmi sjálfr til. Gerir Þorfinnr jarl þat ráð, at hann bjóst sem skyndiligast, ok fór austr til

Noregs, ok ætlaði at sem minstr skyldi verða misfari þeira Brúsa, ok ekki skyldi hans erindi til loka komast áðr en Þorfinnr hitti konung. En þat var annan veg en jarl hafði ætlat; því at þá er Þorfinnr jarl kom á fund Ólafs konungs, var lokit ok gert alt um sáttmál konungs ok Brúsa jarls. Vissi ok eigi Þorfinnr jarl, at Brúsi hefði uppgesit sitt ríki, fyrr en hann var kominn til Ólafs konungs. Ok þegar er þeir hittust Þorfinnr jarl ok Ólafr konungr, þá hóf Ólafr konungr upp sama ákall til ríkis í Orkneyjum, sem hann hafði haft við Brúsa jarl, ok beiddi Þorfinn þess hins sama, at hann skyldi jata konungi þeim hluta landa, er hann átti áðr. Jarl svarar vel orðum konungs ok stilliliga, ok segir svá, at honum þótti miklu máli skipta um vingan konungs, ok ef þér, herra! þykkist þurfa liðveizlu mína í mót öðrum höfðingjum, þá hafit þér áðr fult til þess unnit, en mér er eigi hent at veita yðr handgöngu, því at ek em áðr jarl Skotakonungs ok honum lýðskyldr. En er konungr fann undandrätt í svörum jarls um þá málaleitan, er hann hafði áðr upphafit, þá mælti konungr: Ef þú vill, jarl! eigi gerast minn maðr, þá er hinn kostr, at ek setja þann mann yfir Orkneyjar, er ek vil; en ek vil, at þú veitir þá svardaga at kalla eigi til landa þeira ok láta þá í friði vera af þér, er ek set yfir löndin. En ef þú vill hvárngan þenna kost, þá mun svá þykkja þeim er löndum ræðr, sem úfriðar muni af þér ván vera; má þér þá eigi undarligt þykkja, þótt dalr mæti hólí. Jarl svarar, ok bað konung gefa sér frest at hugsa um þetta mál. Konungr gerði svá, gaf jarli stund at ráða um þetta kær við menn sína. Þá beiddi hann þess, at hann skyldi ljá honum fresta til annars sumars, ok færi hann fyrst vestr um haf, því at heima var ráðuneyti hans, en hann var bernskumaðr fyrir aldrs sakir. Konungr bað hann þá kjósa. Þorkell fóstri var þá með Ólafi konungi; hann sendi mann til Þorfinns jarls leyniliga, ok bað hann eigi þat fyrir ætlast, hvatki er honum var í hug,

at skiljast svá at sinni við Ólaf konung, at þeir væri eigi sáttir, svá sem hann var þá kominn í hendr konungi. Af því líkum minningum þóttist jarl sjá, at einbeygðr mundi kostur at láta konung þá fyrir ráða; þótti hinn eigi kostligr, at eiga enga ván sjálfir til ættleifðar sinnar, en veita til þess svardaga, at þeir hefði í ró ríki þat, er þar væru ekki tilbornir. En fyrir því at honum þótti úsýnt um brottferð sína, þá kaus hann þat af at ganga til handa konungi ok gerast hans maðr, svá sem Brúsi hafði gert. Konungr fann þat, at Þorfinnr var miklu skapstærri en Brúsi ok kunni verr pynding þessi; trúði hann Þorfinni verr en Brúsa; sá konungr þat, at Þorfinnr mundi þykkjast styrks eiga ván af Skotakonungi, þótt hann brygðist í þessu sáttmáli; skildi konungr þat af vizku sinni, at Brúsi gékk tregliga at öllu sáttmáli, en mælti þat eina um, er hann ætlaði sér at halda. En þar er Þorfinnr var, þá er hann hafði ráðit, hvern hann vildi upptaka, þá gékk hann glatt at öllum skildaga, ok dró um þat engan hlut, sem konungr veitti hin fyrstu ákvæði; en þat grunaði konung, at jarl mundi ætla at gera eptir sumar sættir.

Brautferð Þorfinns jarls ok sætt þeira Þorkels.

107. Þá er Ólafr konungr hafði hugsat fyrir sér alt þetta mál, lét hann blása til fjölmennrar stefnu, lét þangat kalla jarlana. Þá mælti konungr: Sáttmál vár Orkneyinga jarla vil ek nú birta fyrir alþýðu. Þeir hafa nú játat mínu eiginorði yfir Orkneyjum ok Hjaltlandi, ok gerzt báðir mínir menn, ok bundit þat alt svardögum, ok vil ek nú gefa þeim þat í lén, Brúsa þriðjung landa, Þorfinni annan þriðjung, svá sem þeir höfðu fyrr átt. En þann þriðjung, er átti Einarr rangmuðr, þann læt ek fallit hafa í minn garð, fyrir þat er hann drap Eyvind úrarhorn, hirðmann minn ok félagsmann ok kæran vin; vil ek sjá fyrir þeim hluta landa þat er mér sýnist. Þat vil ek ok til skilja við ykkir bræðr jarla mína, at ek vil, at þit takit sættir

af Þorkeli Ámundasyni fyrir aftöku Einars bróður ykkars; vil ek, at sá dómr sé undir mér, ef þit vilit því játat hafa. En þat var sem annat, at jarlar játtu því öllu, er konungr mælti. Gékk þá Þorkell fram ok festi konungs dóm á 5 þessu máli, ok aleit svá þessu þingi. Ólafr konungr dæmdi boetr fyrir Einar jarl, slíkar sem fyrir þrjá lenda menn; en fyrir sakir skyldi niðr falla þriðjungr gjalda. Þorfinnr jarl bað þá konung sér brautfararleyfis; en þegar er þat fékkst, bjóst jarl sem skyndiligast. En er hann var alþúinn, 10 var þat einn dag er jarl drakk á skipi, at þar kom fyrir hann Þorkell Ámundason váveifliga ok lagði höfuð sitt í kné jarli, ok bað hann þá gera af slíkt er hann vildi. Jarl spurði, fyrir því hann færi svá: vér erum áðr menn sáttir at konungs dómi, ok statt þú upp, Þorkell! Hann gerði 15 svá. Þorkell mælti: Sætt þeiri, er konungr gerði, mun ek hlíta um mál vár Brúsa, en þat er til þín kemr af, skaltu einn ráða; þótt konungr hafi mér skilit eignir eða landvist í Orkneyjum, þá kann ek skaplyndi þitt, at mér er úfært í eyjar, nema ek fara í trúnaði yðrum, jarl! vil 20 ek þat, segir hann, festa yðr at koma aldri í Orkneyjar, hvat sem konungr mælir um þat. Jarl þagnaði ok tók seint til máls, hann mælti: Viltu heldr, Þorkell! at ek dæma um okkur mál, heldr en hlíta konungs dómi, þá mun ek hafa þat upphaf at sætt okkarri, at þú skalt með 25 mér fara í Orkneyjar ok vera með mér ok skiljast eigi við mik, nema mitt lof eða leyfi sé til; vera skyldr at verja land mitt ok allra verka þeira, er ek vil gera láta, meðan vit erum báðir á lífi. Þorkell svarar: Þat skal á yðru valdi, jarl! sem alt annat, þat er ek má ráða. 30 Gékk þá Þorkell til ok festi jarli þetta alt, sem hann kvað á. Jarl sagði, at um féggjöld mundi hann síðar á kveða; en hann tók þá sverdaga af Þorkeli. Snerist Þorkell þá þegar til ferðar með jarli; fór jarl þegar á brott, er hann var þúinn, ok sást þeir Ólafr konungr aldregi síðan.

Brautferð Brúsa jarls.

108. Brúsi jarl dvaldist þar eptir ok bjóst meir í tómi; en áðr hann færi í brott, þá átti Ólafr konungr stefnur við hann, ok mælti svá: Þat lízt mér, jarl! at ek muna hafa þik at trúnaðarmanni þar fyrir vestan hafit, ætla ek svá, at þú skylir hafa 2 hluti landa til forráða, þá sem þú hefir áðr haft; vil ek, at þú sér eigi minni maðr eða úríkari, er þú ert mér handgenginn, en áðr vartu. En ek vil festa trúnað þinn með því, at ek vil, at hér sé eptir með mér Rögnvaldr sonr þinn. Sé ek þá, er þú hefir mitt traust ok 2 hluti landa, at þú mátt vel halda þínu at réttu fyrir Þorfinni bróður þínum. Brúsi tók þat með þökkum at hafa 2 hluti landa heldr en þriðjung. Dvaldist Brúsi síðan litla hrið, áðr hann fór í brott, ok kom um haustit vestr til Orkneyja. Rögnvaldr son Brúsa var austr eptir með Ólafi konungi; hann var allra manna fríðastr, hárit mikit ok gult sem silki, hann var snimma mikill ok sterkr, manna var hann gerviligastr bæði fyrir vits sakir ok kurteisi. Hann var lengi síðan með Ólafi konungi. Þessa getr Óttarr svarti í drápu þeirri. er hann orti um Ólaf konung:

Gegn! eru þér at þegnum,
þjóðskjöldunga góðra
haldit hæft á veldi,
Hjaltlendingar kendir;

eigi varð á jörðu
ógnbráðr, áðr þér náðum,
austr, sá er eyjum vestan,
ynglingr, und sik þryngvi.

Frá Brúsa jarli ok Þorfinni jarli.

109. Þá er þeir bræðr kómu vestr til Orkneyja Þorfinnr ok Brúsi, þá tók Brúsi 2 hluti landa til forráða, en Þorfinnr þriðjung. Hann var jafnan á Katanesi ok á Skotlandi, en setti menn sína yfir eyjar. Hafði Brúsi þá einn landvörn fyrir eyjunum; en í þann tíma var þar her- skátt, því at Norðmenn ok Danir herjuðu mjök í vestrvíking, ok kómu opt við Orkneyjar, þá er þeir fóru vestr eða vestan, ok námu nesnám. Brúsi taldi at því við Þorfinn

bróður sinn, er hann hafði engar útgerðir fyrir Orkneyjum
eða Hjaltlandi, en hafði skatta ok skyldir alt at sínum
hluta. Þá bauð Þorfinnr honum þann kost, at Brúsi
skyldi hafa þriðjung landa, en Þorfinnr 2 hluti, ok hafa
5 einn landvörn fyrir beggja þeira hönd. En þó at þetta
skipti yrði eigi þá bráðfengis, þá er þó þat sagt í Jarla-
sögunum, at þetta skipti færi fram, at Þorfinnr hefði 2
hluti, en Brúsi þriðjung, þá er Knútr hinn ríki hafði lagt
undir sik Noreg, en Ólafr konungr var or landi farinn.
10 Þorfinnr jarl Sigurðarson hefir verit göfgastr jarl í eyjum
ok haft mest ríki Orkneyinga jarla; hann eignaðist Hjalt-
land ok Orkneyjar, Suðreyjar; hann hafði ok mikit ríki á
Skotlandi ok Írlandi; á þat kvað Arnórr jarlaskáld:

15 Hringstríði varð hlýða rétt segi ek þjóð, hverr þótti
herra, frá Þursaskerjum, Þorfinns til Dýflinnar.

Þorfinnr var hinn mesti hermaðr, hann tók jarldóm 5 vetra
gamall ok réð meir en 60 vetra ok varð sótt dauðr á ofan-
verðum dögum Haralds Sigurðarsonar. En Brúsi andaðist
á dögum Knúts hins ríka, litlu eptir fall Ólafs konungs
20 hins helga.

Frá Háreki or Þjóttu.

110. Nú ferra tvennum sögum fram, ok skal þar nú
til taka, sem frá var horfit, er frá því var sagt, er Ólafr
konungr Haraldsson hafði frið gert við Ólaf Svíakonung,
25 ok þat at Ólafr konungr fór þat sumar norðr til Þránd-
heims. Hann hafði þá verit konungr 5 vetr. Þat haust
bjó hann til vetrsetu í Niðarósi ok sat þar um vetrinn.
Þann vetr var með Ólafi konungi Þorkell fóstri Ámunda-
son, sem fyrr var ritat. Ólafr konungr leiddi þá mjök at
30 spurningum um kristnihald, hvert þá væri í landinu; ok
spurðist honum svá til, sem ekki væri kristnihaldit, þegar
er norðr sótti á Hálogaland, en þó skorti mikit á, at vel
væri um Naumudal ok inn um Þrándheim. Maðr er nefndr

Hárekr, son Eyvindr skáldaspilliss; hann bjó í ey þeiri, er Þjótta heitir, þat er á Hálogalandi. Eyvindr hafði maðr verit eigi stórauðigr, ættstórr ok skörungr mikill. Í Þjóttu bjoggu þá smáir boendr ok eigi allfáir. Hárekr keypti þar einn boe fyrst, ok eigi allmikinn, ok fór þar búðum til; en á fám misserum hafði hann rutt í brott öllum búðum, þeim er þar bjoggu áðr, svá at hann átti þá einn alla eyrna, ok gerði þar þá höfuðboe mikinn. Hárekr varð brátt vellauðigr; hann var spekingr mikill at viti ok framkvæmdarmaðr. Hann hafði lengi haft af höfðingjum metnað mikinn; hann var í frændsemistölu við Noregs konunga; af þeim sökum hafði Hárekr haft mikil metorð af landshöfðingjum. Gunnhildr föðurmóðir Háreks var dóttir Hálfðanar jarls ok Ingibjargar dóttur Haralds hins hárfagra. Hárekr var þá heldr á efra aldri, þá er þetta var tíðinda. Hárekr var mestr virðingamaðr á Hálogalandi; hann hafði þá langa hrið finnkaup ok konungs sýslu á Mörkinni; hafði hann stundum einn haft, en stundum höfðu aðrir suma með honum. Eigi hafði hann komit á fund Ólafs konungs, en þó höfðu farit orð ok sendimenn millum þeira, ok var þat alt vingjarnligt; ok þann vetr er Ólafr konungr sat í Niðarósi, fóru enn menn milli þeira Háreks ok Þjóttu. Þá lýsti konungr yfir því, at um sumarit eptir ætlaði hann sér at fara norðr á Hálogaland, ok alt norðr til landsenda; en þeir Háleygirnir hugðu allmisjafnt til þeirar ferðar.

Frá Háleygjum.

111. Ólafr konungr bjóst nú um vórit með 5 skipum, ok hafði nær 300 manna. En er hann var búinn, þá byrjar hann ferð sína norðr með landi, ok er hann kom í Naumdoelafylki, stefndi hann þing við boendr. Var hann þá til konungs tekinn á hverju þingi. Hann lét þá ok þar, sem annarstaðar, lög þau upplesa, sem hann bauð mönnum þar í landi kristni at halda, ok lagði við líf ok limar eða aleigusök hverjum manni, er eigi vildi undir

ganga kristin lög. Veitti konungr þar mörgum mönnum stórar refsingar ok lét þat ganga jafnt yfir ríka sem úríka; skildist hann svá við í hverju heraði, at alt fólk játti at halda helga trú. En flestir ríkismenn ok margir stórbændr gerðu veizlur í mót konungi; fór hann svá norðr alt á Hálogaland. Hárekr í Þjóttu veitti konungi veizlu, ok var þar allmiklit fjölmenni ok veizla hin prýðiligsta. Gerðist Hárekr þá lendr maðr Ólafs konungs, fékk konungr honum þá veizlur, svá sem hann hafði haft af hinum fyrrum landshöfðingjum.

Frá Ásmundi Grankelssyni.

112. Maðr er nefndr Grankell eða Granketill, auðigr búandi, ok var þá heldr við aldr. En þá er hann var á unga aldri, hafði hann í víkingu verit ok þá hermaðr mikill; hann var atgervimaðr mikill um flesta hluti, þá er íþróttum gegndi. Ásmundr hét son hans, ok var hann um alla hluti líkr feðr sínum eða nækkvi framar. Þat var margra manna mál, at fyrir sakir friðleiks, afis ok íþróttu at hann hafi verit hinn þriði maðr bezt at sér búinn í Noregi. En fyrst hafa til verit nefndir Hákon konungr Aðalsteinsfóstri ok Ólafr Tryggvason. Grankell bauð Ólafi konungi til veizlu, ok var þar veizla allkappsamlig, leiddi Grankell hann stórum vingjöfum í brott. Konungr bauð Ásmundi at fara með sér ok lagði til þess mörg orð; en Ásmundr þóttist eigi kunna at drepa hendi við veg sínum, ok réðst hann til ferðar með konungi, ok gerðist síðan hans maðr ok kom í hina mestu kærleika við konung. Ólafr konungr dvaldist mestan hluta sumars á Hálogalandi, ok fór í allar þinghár ok kristnaði þar allan lýð. Þá bjó í Bjarkey Þórir hundr, hann var ríkastr maðr norðr þar; hann gerðist þá lendr maðr Ólafs konungs. Margir ríkir bóndasynir réðust þá til fylgðar við Ólaf konung af Hálogalandi. Þá er á leið sumarit, kom konungr norðan ok sneri þá inn eptir Þrándheimi til Niðaróss, ok sat þar

*Þessi maðr sá
hann*

eptir um vetrinn. Ok þann vetr kom Þorkell fóstri vestan or Orkneyjum, þá er hann hafði drepit Einar jarl rangmunn. Þat haust var í Þrándheimi hallæri á korni, en áðr hafði lengi verit góð árferð, en hallæri var alt norðr í land, ok því meira er norðar var, en korn var gott austr í land, ok svá um Upplönd. En þess naut við í Þrándheimi, at menn áttu þar mikil forn korn.

Frá blótum Þrændanna.

113. Þat haust váru sögð Ólafi konungi þau tíðindi innan or Þrándheimi, at boendr hefði þar haft veizlur fjölmennar at vetrnóttum; váru þar drykkjar miklar.. Var konungi svá sagt, at þar væri minni öll signuð Ásum at fornum sið. Þat fylgði ok þeirri sögn, at þar væri drepin naut ok hross ok roðnir stallar af blóði ok framit blót ok veittr sá formáli, at þat skyldi vera til árbótar. Þat fylgði því, at öllum mönnum þótti þat auðsýnt, at goðin höfðu reizt því, er Háleygir höfðu horfit til kristni. En er konungr spurði þessi tíðindi, þá sendi hann menn inn í Þrándheim ok stefndi til sín bóndum, þeim er hann réð til nefna. Maðr er nefndr Ölvir á Eggju; hann var kendr við bæ þann, 20 er hann bjó á; hann var ríkr maðr ok ættstórr, hann var höfuðsmaðr ferðar þessar af hendi bónda til konungs. Ok er þeir koma á konungs fund, þá bar konungr á hendr bóndum þessi kensl. En Ölvir svarar af hendi bónda ok segir, at þeir hefði engar veizlur haft þat haust, nema gildi 25 sín eða hvirfingsdrykkjur, en sumir vinaboð. En þat, sagði hann, er yðr er sagt frá orðtökum várum Þrændanna, þá er vér drekkum, þá kunnu allir vitrir menn at varast slíkar ræður, en eigi kann ek at synja fyrir heimska menin ok ólóða, hvat þeir mæla. Ölvir var maðr málsnjallr ok 30 máldjarfr, varði hann allar þessar sakir fyrir boendr. En at lyktum segir konungr, at Innþrændir mundu sér sjálfir bera vitni, hvernug þeir eru trúaðir. Féngu boendr þá leyfi til heimfarar, fóru þeir ok þegar er þeir váru búnir.

Frá blótum Innþrænda.

114. Síðar um vetrinn var konungi sagt, at Innþrændir höfðu fjölmenn á Mærinni, ok váru þar blót stór at miðjum vetri; blótuðu þeir þá til friðar ok vetrarfars góðs. En er konungr þóttist sannfróðr um þetta, þá sendir konungr menn ok orðsending inn í Þrándheim ok stefndi bøndum út til bæjar; nefndi enn til menn, þá er honum þóttu vitrastir. Boendr áttu þá tal sitt ok ræddu sín í milli um orðsending þessa; váru þeir allir úfúsastir til ferðarinnar, er áðr höfðu farit um vetrinn. En við boen allra bónða, þá réðst Ölvir til ferðarinnar. En er hann kom út til bæjar, fór hann brátt á konungs fund, ok tóku þeir tal. Bar konungr þat á hendr bøndum, at þeir hefði haft miðs-
 vetrar blót. Ölvir svarar ok segir, at boendr váru úsannir at þeiri sök: höfðum vér, segir hann, jólaboð ok víða í heruðum samdrykkjur; ætla boendr eigi svá hnept til jólaveizlu sér, at eigi verði stór afhlaup, ok drukku menn þat, herra! lengi síðan; er á Mærinni mikill höfuðstaðr ok hús stór, en byggð mikil umhverfis; þykkir mönnum þar til gleði gott at drekka mörgum saman. Konungr svarar fá ok var heldr styggr, þóttist vita annat sannara en þat er þá var frá borit. Bað konungr boendr aptr fara: en ek mun þó, segir hann, verða viss hins sanna, at þér dylit ok gangit eigi í mót; en hversu sem hér til hefir verit, þá gerit slíkt eigi optar. Fóru þá boendr heim, ok sögðu sína ferð (eigi slétta), ok þat at konungr var heldr reiðr.

Dráp Ölvis á Eggju.

115. Ólafr konungr hafði veizlu mikla um páska, ok hafði marga bæjarmenn í boði sínu ok svá boendr. En eptir páska lét konungr setja fram skip sín ok bera til reiða ok árar, lét þilja skipin ok tjalda ok búa, ok lét fljóta skipin svá búin við bryggjur. Ólafr konungr sendi menn þegar eptir páska í Veradal. Maðr er nefndr Þóraldi

armaðr konungs, hann varðveitti konungs bú at Haugi; en konungr sendi honum orð, at hann skyldi koma til hans sem skyndiligast. Þóraldi lagðist þá för eigi undir höfuð ok fór þegar út til bæjar með sendimönnum. Konungr kallar hann á einmæli, ok spurði eptir, hvat sannindi væri 5 á því, er mér er sagt frá siðum Innþröenda, hvárt svá er, at þeir snúast til blóta: vil ek, segir konungr, at þú segir mér sem er, ok þú veizt sannast; ert þú til þess skyldr, því at þú ert minn maðr. Þóraldi svarar: Herra! þat vil ek yðr fyrst segja, at ek flutta hingat til bæjar sonu mína 10 tvá ok konu, ok lausafé alt, þat er ek máttu meðkomast. En ef þú vill hafa sanna sögu af mér, þá skal þat vera á yðru valdi; en ef ek segi svá sem er, þá muntu sjá fyrir mínu ráði. Konungr sagði: Seg þú satt frá því, er ek spyr þik; en ek skal sjá fyrir ráði þínu, svá at þik skal 15 ekki saka. Þóraldi mælti: Þat er yðr satt at segja, konungr! ef ek skal segja sem er, at inn um Þrándheim er nálíga alt fólk alheiðit í átrúnaði, þótt sumir menn sé þar skírðir. En þat er siðr þeira, at hafa blót á haust ok fagna þá vetri, annat at miðjum vetri, en hit þriðja at sumri, þá fagna þeir sumri. 20 Eru at þessu ráði Eynir ok Sparbyggjar, Verðcelir ok Skeynir. Tólf menn eru þeir, er fyrir beitast um blótveizlurnar; ok á nú Ölvir í vár at halda upp veizlunni, er hann nú í starfi miklu á Mærinni, ok þangat eru til flutt öll föng, þau er til þarf at hafa veizlunnar. En er konungr varð hins 25 sanna vís, þá lét hann blása saman liði sínu, ok lét segja mönnum, at til skipa skyldi ganga. Konungr nefndi menn til skipstjórnar ok svá sveitarhöfðingja, eða hvert hvergi sveit skyldi til skips. Var þá búizt skjótt; hafði konungr 5 skip ok 300 manna ok hélt inn eptir firði; var góðr 30 byrr ok töldu snekkjurnar ekki lengi fyrir vindi; en þessa varði engan mann, at konungr mundi svá skjótt koma inn þannug. Konungr kom um nóttina inn á Mærina; var þar þegar sleginn mannhringr um hús. Þar var Ölvir höndum tekinn, ok lét konungr drepa hann ok mjök marga menn 35

aðra; en konungr tók upp veizlu þá alla ok lét flytja til skipa sinna, ok svá fé þat alt, bæði húsbúnað ok klæðnað ok gripi, er menn höfðu þangat flutt, ok lét skipta sem herfangi með mönnum sínum. Konungr lét ok veita heimferð
 5 at mönnum þeim, er honum þóttu mestan hluta hafa átt at þeim ráðum; váru sumir höndum teknir ok í járn settir, en sumir kómust á hlaupi undan, en fyrir mörgum var féit upptekit. Konungr stefndi þá þing við boendr. En fyrir því at hann hafði þá marga ríkismenn höndum tekit,
 10 ok hafði þá í sínu valdi, þá réðu þat af frændr þeira ok vinir at játa konungi hlýðni, ok varð engi uppreist í móti konungi ger í þat sinn í Þrándheimi. Sneri hann þar öllu fólki á rétta trú ok setti þar kennimenn, ok lét gera kirkjur ok vígja. Konungr lagði Ölvi úgildan, en kastaði sinni eigu
 15 á fé þat alt, er hann hafði átt. En um þá menn aðra, er honum þóttu mest sakbitnir, lét hann suma drepa, suma hamla, en suma rak hann or landi, en tók fé af sumum. Konungr fór þá æptr út til Niðaróss.

Frá Árna sonum.

20 116. Maðr er nefndr Árni Arnmóðsson; hann átti Þóru dóttur Þorsteins gálga. Þau váru börn þeira: Kálfr, Finnur, Þorbergr, Ámundi, Kolbjörn, Arnbjörn, Árni; Ragnhildr hét dóttir þeira, hana átti Hárekr or Þjóttu. Árni var lendr maðr, ríkr ok ágætr, vinr mikill Ólafs konungs.
 25 Þá váru með Ólafi konungi synir hans Kálfr ok Finnur, váru þar í miklum metnaði. Kona sú, er átt hafði Ölvir á Eggju, var ung ok fríð, ættstór ok auðig; þótti sá kostur ágæta góðr, en forráð hennar hafði þá konungr. Þau Ölvir áttu þá tvá sonu unga. Kálfr Árnason beiddist þess af konungi,
 30 at hann gipti honum konu þá, er Ölvir hafði átt; ok fyrir vináttu sakir veitti konungr honum þat, ok þar með eignir þær allar, er Ölvir hafði átt, gerði konungr hann þá lendan mann, fékk honum þá umboð sitt inn um Þrándheim; gerðist Kálfr þá höfðingi mikill, ok var maðr forvitri.

Ferð Ólafs konungs á Upplönd.

117. Þá hafði Ólafr konungr verit 7 vetr í Noregi. Þat sumar kómu til hans jarlar af Orkneyjum, Þorfinnr ok Brúsi; eignaðist Ólafr konungr lönd þau, svá sem fyrr var ritat. Þat sumar fór Ólafr konungr um Moeri hvaratveggju 5 ok í Raumsdal um haustit; þar gékk hann af skipum sínum, ok fór þá til Upplanda, ok kom fram á Lesjar. Hann lét þar taka alla hina beztu menn, bæði á Lesjum ok á Dofrum, ok urðu þeir at taka við kristni, eða dauða þola, eða undan at flýja, þeir sem því kómu við. En þeir er 10 við kristni tóku, féngu konungi sonu sína í hendr í gislingar til trúnaðar. Konungr var þar um nóttina sem Boear heita á Lesjum, ok setti þar fyrir presta. Síðan fór hann yfir Lorodal, ok ok kom niðr þar sem Stafabrekka heitir; en á sú renn eptir dalnum, er Ótta heitir, ok er byggð 15 fögr tveim megin árinna, ok er kölluð Lóar, ok mátti konungr sjá eptir endilangri byggðinni. Skaði er þat, segir konungr, at brenna skal byggð svá fagra. Ok stefndi ofan í dalinn með liði sínu, ok váru á boe þeim um nótt, er Nes heitir, ok tók konungr sér þar herbergi í lopti 20 einu, þar sem hann svaf sjálfir í, ok þat stendr enn í dag, ok er ekki at því gert síðan. Ok var konungr þar nær 5, ok skar upp þingboð ok stefndi til sín bæði af Vága ok af Lóm ok af Hedal, ok lét þat boði fylgja, at þeir skyldu annattveggja, halda bardaga við hann ok þola bruna 25 af honum, eða taka við kristni ok færa honum sonu sína í gisling. Síðan kómu þeir á konungs fund ok géngu til handa honum, en sumir flýðu suðr í Dala.

Saga Dalaguðbrands.

118. Dalaguðbrandr hefir maðr heitit, er svá var 30 sem konungr væri yfir Dölunum, ok var hersir at nafni. Honum jafnaði Sigvatr skáld at ríki ok víðlendi við Erling Skjálgsson. Sigvatr kvað svá um Erling:

Einn víska ek þér annan
Jálks bríktöpuð líkan;
vitt réð gumna gætir,
Guðbrandr hét sá, landum.

Ykkir kveð ek jafna þykkja
ormláðs hati! báða;
lýgr hinn at sér lægir
linnsetrs er telsk betri.

5 Guðbrandr átti son einn, þann er hér sé getit. Þá er Guðbrandr frá þessi tíðindi, at Ólafr konungr var kominn á Lóar ok nauðgaði mönnum at taka við kristni, þá skar hann upp herör ok stefndi öllum Dælum til bæjar þess, er Hundþorp heitir, til fundar við sik; ok þar kómu þeir
10 allir, ok var ørgryn timer liðs, fyrir því at þar ligger vatn þat nær, er Lögr heitir, ok mátti þar jafnvel fara til á skipum sem á landi, ok átti Guðbrandr þar þing við þá, ok sagði, at sá maðr var kominn á Lóar, er Ólafr heitir, ok vill bjóða oss trú aðra, en vér höfum áðr, ok brjóta
15 goð vár öll í sundr, ok segir svá, at hann eigi miklu meira goð ok mátkara; ok er þat furða, er jörð brestr eigi í sundr undir honum, er hann þorir slíkt at mæla, eða goð vár láta hann lengr ganga; ok vætti ek, ef vér berum út Þór or hofi váru, er hann stendr á þeima bæ, ok oss hefir
20 jafnan dugat, ok sér hann Ólaf ok hans menn, þá mun guð hans bráðna, ok sjálfir hann ok menn hans, ok at engu verða. Þá æptu þeir upp allir senn, ok mæltu, at Ólafr skyldi aldriði þaðan komast, ef hann kvæmi á fund þeira; ok eigi mun hann þora lengra at fara suðr eptir Dölunum,
25 segja þeir. Síðan ætluðu þeir til 700 manna at fara á njósni norðr til Breiðu; en fyrir því liði var höfðingi sonr Guðbrands, 18 vetra gamall, ok margir aðrir ágætir menn með honum, ok kómu til bæjar þess, er Hof heitir, ok váru þar þrjár nætr, ok kom þar mart lið til þeira,
30 þat er flýit hafði af Lesjum ok Lóm ok Vágum, þeir er eigi vildu undir kristni ganga. En Ólafr konungr ok Sigurðr byskup setti eptir kennimenn á Lóm ok á Vága. Síðan fóru þeir yfir um Vágaröst, ok kómu niðr á Sil, ok váru þar um nóttina, ok frágu þau tíðindi, at lið var
35 mikit fyrir þeim. Þat frágu ok bæendr, er á Breiðunni

váru, ok bjoggust til bardaga móti konungi. En þá er konungr stóð upp, þá herklæddist hann ok fór suðr eptir Silvöllum ok létti eigi fyrr en á Breiðunni, ok sá þar mikinn her fyrir sér búinn til bardaga. Síðan fylkti konungr liði sínu ok reið sjálf fyrir, ok orti orða á böendr 5 ok bauð þeim at taka við kristni. Þeir svöruðu: Þú munt öðru verða við at koma í dag en gabba oss. Ok æptu heróp ok börðu vápnum á skjöldu sína. Konungs menn hljópu þá fram, skutu spjótum; en böendr sneru þá þegar á flótta, svá at fátt eitt manna stóð eptir. Var þá sonr 10 Guðbrands höndum tekinn, ok gaf Ólafr konungr honum grið ok hafði með sér. Þar var konungr fjórar nætr. Þá mælti konungr við son Guðbrands: Far þú nú aptr til föður þíns ok seg honum, at brátt mun ek þar koma. Síðan fór hann heim aptr ok segir feðr sínum hörð tíðindi, 15 at þeir höfðu hitt konung ok hófu bardaga við hann: en lið vart flýði alt í fyrstunni þegar, en ek varð handtekinn, segir hann; gaf konungr mér grið ok bað mik fara at segja þér, at hann kemr hér brátt; nú höfum vér eigi meir hér en 200 manna af því liði öllu, er vér höfðum þá 20 til móts við hann; nú ræð ek þér þat, faðir! at berjast ekki við þenna mann. Heyra má þat, segir Guðbrandr, at or þér er barðr kjarkr allr; ok fórtu illu heilli heiman; ok mun þér sjá för lengi uppi vera, ok trúir þú nú þegar á órar þær, er sjá maðr ferr með, ok þér hefir illa neisu 25 gerva ok þínu liði. Ok um nóttina eptir dreymdi Guðbrand, at maðr kom til hans ljóss, ok stóð af honum mikil ógn, ok mælti við hann: Sonr þinn fór enga sigrför á mót Ólafi konungi, en miklu muntu hafa minni, ef þú ætlar at halda bardaga við konung, ok muntu falla sjálf ok alt 30 lið þitt, ok munu vargar draga þik ok alla yðr ok hrafnar slíta. Hann varð hræddr mjök við ógn þessa, ok segir Þórði ístrumaga, er höfðingi var fyrir Dölum. Hann svarar: Slíkt hit sama bar fyrir mik, segir hann. Ok um morguninn létu þeir blása til þings, ok sögðu, at þeim þótti þat ráð, 35

at eiga þing við þann mann, er norðan fór með ný boðorð, ok vita með hverjum sannindum hann ferr. Síðan mælti Guðbrandr við son sinn: Þú skalt nú fara á fund konungs þess, er þér gaf grið, ok 12 menn með þér. Ok svá var
5 gert. Ok þeir kómu á fund konungs, ok segja honum sitt erindi, at boendr vildu hafa þing við hann, ok setja grið í milli konungs ok bónda. Konungr lét sér þat vel þokkast, ok bundu þat við hann einkamálum sín í milli, meðan sú stefna væri; ok fóru þeir aptr við svá búit, ok sögðu Guð-
10 brandi ok Þórði, at grið váru sett. Konungr fór þá til bæjar þess, er Liðsstaðir heita, ok var þar 5 nætr. Þá fór konungr á fund bónda, ok átti þing við þá; en væta var á mikil um daginn. Síðan er þingit var sett, þá stóð konungr upp ok segir, at Læsir ok á Lóm ok á Vága hafa
15 tekit við kristni ok brotit niðr blóthús sín, ok trúa nú á sannan guð, er skóp himin ok jörð ok alla hluti veit. Síðan sezt konungr niðr, en Guðbrandr svarar: Eigi vitum vér um hvern þú rœðir; kallar þú þann guð, er þú sér eigi, ok engi annarra. En vér eigum þann guð, er hvern
20 dag má sjá, ok er því eigi úti í dag, at veðr er vátt; ok mun yðr hann ógurligr sýnast ok mikill fyrir sér; vænti ek, at yðr skjóti skelk í bringu, ef hann kemr á þingit. En með því at þú segir, at guð yðarr má svá mikit, þá láttu hann nú svá gera, at veðr sé skýjat í morgin, en regn
25 ekki, ok finnumst hér þá. Síðan fór konungr heim til herbergis, ok fór með honum sonr Guðbrands í gisling, en konungr fékk þeim annan mann í móti. Um kveldit spyr konungr son Guðbrands, hvernug goð þeira væri gert. Hann segir, at hann var merktr eptir Þór, ok hefir hann
30 hamar í hendi, ok mikill vexti, ok holr innan, ok gert undir honum sem hjallr sé, ok stendr hann þar á ofan, er hann er úti; eigi skortir hann gull ok silfr á sér; 4 hleifar brauðs eru honum færðir hvern dag, ok þar við slátr. Síðan fóru þeir í rekkjur. En konungr vakti þá nótt alla,
35 ok var á bönum sínum. En er dagr var, fór konungr til

messu, ok síðan til matar, ok þá til þings. En veðrinu var svá farit, sem Guðbrandr hafði fyrir mælt. Þá stóð byskup upp í kantarakápu ok hafði mitr á höfði ok bagal í hendi, ok taldi trú fyrir bóndum, ok segir þeim margar jartegnir, er guð hafði gert, ok lauk vel ræðu sinni. Þá svarar Þórðr ístrumagi: Mart mælir hyrningr sjá, er staf hefir í hendi, ok uppi á sem veðrarhorn sé bjúgt; en með því at þit, félagar! kallit guð yðarn svá margar jartegnir gera, þá mæl þú við hann á morgin fyrir sól, at hann láti vera heið ok sólskin, ok finnumst þá, ok gerum þá annat-¹⁰ hvárt, at verum sáttir um þetta mál, eða höldum bardaga. Ok skildust þá at sinni.

Skírðr Dalaguðbrandr.

119. Kolbeinn sterki hét maðr, er var með Ólafi konungi. Hann var kynjaðr or Fjörðum; hann hafði þann búnað jafnan, at hann var gyrðr sverði, ok hafði ruddu mikla í hendi, er sumir menn kalla klubbu. Konungr mælti við Kolbein, at hann skyldi vera næst honum um morguninn. Síðan mælti hann við menn sína: Gangit þér þannug í nótt, sem skip bónda eru, ok borit raufar á ölkum, en riðit í brott eykjum þeira af bæjum, þar sem þeir eru á. Ok svá var gert. En konungr var þá nótt alla á bönum, ok bað guð þess, at hann skyldi leysa þat vandræði með sinni mildi ok miskunn. En er lokit var tíðum, ok var þat móti degi, þá fór hann til þings. En er hann kom á þing, þá²⁵ váru sumir bæendr komnir; þá sá þeir mikinn fjölda búanda fara til þinga, ok báru í milli sín manlíkan mikit, glæst alt með gulli ok silfri. En er þat sá bæendr, þeir er á þinginu váru, þá hljópu þeir allir upp ok lutu því skrimli. Síðan var þat sett á miðjan þingvöll. Sátu öðrummegin³⁰ bæendr, en öðrummegin konungr ok hans lið. Síðan stóð upp Dalaguðbrandr ok mælti: Hvar er nú guð þinn, konungr! þat ætla ek nú, at hann beri heldr lágt hökuskeggit; ok svá sýnist mér, sem minna sé karp þitt nú, ok þess

hyrnings, er þér kallit byskup, ok þar sitr í hjá þér, heldr en hian fyrri dag; fyrir því at nú er guð várr kominn, er öllu ræðr, ok sér á yðr með hvössum augum, ok sé ek, at þér erut nú felmsfullir, ok þorit varla augum upp at sjá.

5 Nú fellit niðr hindrvitni yðra, ok trúit á goð várt, er alt hefir ráð yðart í hendi. Ok lauk sinni ræðu. Konungr mælti við Kolbein sterka, svá at bændr vissu ekki til: Ef svá berr til í erendi mínu, at þeir sjá frá goði sínu, þá slá þú hann þat högg, sem þú mátt mest með rudduani.

10 Síðan stóð konungr upp ok mælti: Mart hefir þú mælt í morgun til vár; lætr þú kynliga yfir því, er þú mátt eigi sjá guð várn; én vér væntum, at hann mun koma brátt til vár. Þú ógnar oss goði þínu, er blint er ok dauft, ok má hvárki bjarga sér né öðrum, ok kemst engan veg or

15 stað, nema borinn sé; ok vænti ek nú, at honum sé skamt til ills; ok lítit þér nú til ok sét í austr, þar ferr nú guð várr með ljósi miklu. Þá rann upp sól, ok litu bændr allir til sólarinnar. En í því bili laust Kolbeinn svá goð þeira, at þat brast alt í sundr, ok hljópu þar út mýss, svá

20 stórar sem kettir væni, ok eðlur ok ormar. En bændr urðu svá hræddir, at þeir flýðu, sumir til skipa; en þá er þeir hrundu út skipum sínum, þá hljóp þar vatn í ok fylði upp, ok máttu eigi á koma. En þeir er til eykja hljópu, þá fundu eigi. Síðan lét konungr kalla bændr, ok segir,

25 at hann vill eiga tal við þá; ok hverfa bændr apr, ok settu þing. Síðan stóð konungr upp ok talaði: Eigi veit ek, segir hann, hví sætir hark þetta ok hlaup, er þér gerit; en nú megi þér sjá, hvat goð yðart mátti, er þér bárut á gull ok silfr, mat ok vistir, ok sá þér nú, hverjar vettir

30 þess höfðu neytt, mýss ok ormar, eðlur ok pöddur; ok hafa þeir verr, er á slíkt trúa ok eigi vilja láta af heimsku sinni. Takit þér gull yðart ok gersimar, er hér ferr nú um völlu, ok hafit heim til kvænna yðarra, ok berit aldri síðan á stokka eða á steina. En hér eru nú kostir tveir

35 á með oss: annattveggja at þér takit nú við kristni, eða

haldit bardaga við mik nú í dag, ok beri þeir sigr af öðrum í dag, er sá guð vill, er vér trúum á. Þá stóð Dalaguðbrandr upp ok mælti: Skaða mikinn höfum vér farit nú um guð vart; ok þó með því, at hann mátti ekki oss við hjálpa, þá viljum vér nú trúa á þann guð, sem þú trúir. Ok tóku þá allir við kristni. Þá skírði byskup Guðbrand ok son hans. Þeir Ólafr konungr ok Sigurðr byskup settu þar eptir kennimenn; ok skildust þeir vinir, sem fyrr váru úvinir, ok lét þar Guðbrandr gera kirkju í Dölunum.

10

Kristnuð Heiðmörk.

120. Ólafr konungr fór síðan út á Heiðmörk, ok kristnaði þar; því at þá er hann hafði tekit konunga, treystist hann eigi at fara víða um land með lítit lið eptir slíkt stórvirki, var þá úviða kristnat um Heiðmörk. En í þessi ferð létti konungr eigi fyrr, en Heiðmörk var alkristnuð, ok þar vígðar kirkjur ok kennimenn til. Þá fór hann út á Þótn ok Haðaland, ok rétti þar síðu manna, ok létti svá, at þar var alkristit. Þaðan fór hann á Hringaríki, ok géngu menn alt undir kristni. Síðan frágu Raumar, at Ólafr bjóst upp þannug, ok sömnuðu liði miklu saman, ok mæltu svá sín í milli, at þat er þeim eimuni sú yfirfór, er Ólafr hafði þar farit fyrra sinni, ok sögðu, at hann skyldi aldri svá síðan fara. En konungr bjóst eigi at síðr. En er Ólafr konungr fór upp á Raumaríki með liði sínu, þá kom móti honum bóndasamnaðr við á þá, er Nitja heitir. Höfðu boendr her manns. En er þeir fundust, ortu boendr þegar á til bardaga. En brátt brann við hlutr þeira, ok hrukku þeir þegar undan, ok váru barðir til batnaðar; því at þeir tóku þegar við kristni. Fór konungr yfir þat fylki, ok skildist eigi fyrr við, en þar höfðu allir menn við kristni tekit. Þaðan fór hann austr í Sóleyjar, ok kristnaði þá byggð. Þar kom til hans Óttarr skáld svartí, ok beiddist at ganga til handa Ólafi konungi. Þann vetr

30

hafði áðr andazt Ólafr Sviakonungr. Þá var Önundr Ólafsson konungr í Svíþjóð. Ólafr konungr sneri þá aptr á Raumaríki. Var þá mjök liðinn vetrinn. Þá stefndi Ólafr konungr þing fjölment í þeim stað, sem síðan hefir verit
5 Heiðsævisþing. Setti hann þá þat í lögum, at til þess þings skyldi sækja Upplendingar, ok Heiðsævislög skyldu ganga um öll fylki á Upplöndum, ok svá víða annarstaðar sem síðan hafa þau gengit. En er vórar, sótti hann út til sævar, lét þá búa skip sín, ok fór um vórit út til Túns-
10 bergs, ok sat þar um vórit, þá er þar var fjölmennast, ok þungi var fluttr til bæjar af öðrum löndum. Var þar þá árferð góð alt um Víkina, ok til góðrar hlítar alt norðr til Staðs, en hallæri mikit alt norðr þaðan.

Sætt Ólafs konungs ok Einars þambarskelfis.

15 121. Ólafr konungr sendi boð um vórit vestr um Agðir ok alt norðr um Rogaland, ok um Hörðaland, at hann vill hvárki korn né malt né mjöl þaðan í brott láta flytja né selja; lét þat fylgja, at hann mun þangat koma með lið sitt ok fara at veizlum, svá sem siðvenja var til.
20 Fór þetta boð um þau fylki öll. En konungr dvaldist í Víkinni um sumarit, ok fór alt austr til landsenda. Einarr þambarskelfir hafði verit með Ólafi Sviakonungi, síðan er Sveinn jarl andaðist, mágr hans, ok gerzt Sviakonungs maðr, tekit þar af honum lén mikit. En er konungr var
25 andaðr, þá fýstist Einarr at leita sér griða til Ólafs digra, ok höfðu þar um vórit farit orðsendingar milli. En er Ólafr konungr lá í Elfi, þá kom þar Einarr þambarskelfir með nökkura menn; ræddu þeir konungr þá um sætt sína, ok samdist þat með þeim, at Einarr skyldi fara norðr til
30 Þrándheims, ok hafa eignir sínar allar, ok svá þær jarðir, er Bergljótu höfðu heiman fylgt. Fór Einarr þá norðr leið sína. En konungr dvaldist í Víkinni, ok var lengi í Borg um haustit ok öndurðan vetr.

Sett Ólafs konungs ok Erlings Skjálgssonar.

122. Erlingr Skjálgsson hélt ríki sínu svá, at alt norðr fra Sognsæ ok austr til Líðandisness réð hann öllu við boendr, en veizlur konungs hafði hann miklu minni en fyrr. Þá stóð þó sú ógn af honum, at engi lagði í aðra skál en hann vildi. Konungi þótti ofgæng at ríki Erlings. Maðr er nefndr Áslákr Fitjaskalli kynstórr ok ríkr. Skjálgr, faðir Erlings, ok Áskell, faðir Ásláks, váru bræðra synir. Áslákr var mikill vinr Ólafs konungs, ok setti konungr hann niðr á Sunnhörðalandi, fékk honum þar lén mikit ok veizlur stórar, ok bað konungr hann halda til fulls við Erling. En þat varð eigi þannug, þegar er konungr var eigi nær; varð þá Erlingr einn at ráða, svá sem hann vildi, þeira í málhi; var hann eigi at mjúkari, at Áslákr vildi sik fram draga hjá honum. Fóru þeira skipti svá, at Áslákr hélzt eigi við í sýslum, fór hann á fund Ólafs konungs, ok segir honum frá viðskipti þeira Erlings. Konungr bað Áslák vera með sér, þar til er vér Erlingr finnumst. Konungr gerði orð Erlingi, at hann skyldi koma til Túsbergs um várit á fund konungs. En er þeir finnast, þá eiga þeir stefnur, ok mælti konungr: Svá er mér sagt frá ríki þínu, Erlingr! at engi sé sá maðr norðan frá Sognsæ til Líðandisness, er frelsi sínu haldi fyrir þér; eru þar margir menn, er óðalbörnir þóttist til vera, at hafa réttindi af jafnbornum mönnum sér. Nú er hér Áslákr, frændi yðarr, ok þykkist hann helzt kulda af kenna um yður viðskipti. Nú veit ek þat eigi, hvárt heldr er, at hann hefir sakir til þess, eða skal hann hins at gjalda, er ek hefi hann þar sett yfir varnað minn. En þótt ek nefna hann til þess, þá kæra margir aðrir slíkt fyrir oss, bæði þeir er í sýslum sitja, ok svá ármenn, er bú vár varðveita ok veizlur skulu gera í móti mér ok liði mínu. Erlingr segir: Því skal skjótt svara, at því skal neita, at ek gefa þær sakir Ásláki né öðrum mönnum, at í þjónostu yðarri sé; en hinu skal

játa, at þat er nú, sem lengi hefir verit, at hverr várr
frænda vill öðrum meiri vera; svá hinu öðru skal játa, at
ek gera þat lostigr, at beygja hálsinn fyrir þér, Ólaf kon-
ungr! en hitt mun mér örðigt þykkja, at lúta til Selþóris;
5 er þrælborinn er í allar settir, þótt hann sé nú ármaðr
yðarr, eða annarra þeira, er hans makar eru at kynferð,
þótt þér leggit metorð á. Þá tóku til ræðu beggja vinir,
ok báðu, at þeir skyldi sættast; segja svá, at konungi
var at engum manni styrkr jafnmikill, sem at Erlingi, ef
10 hann má vera yðarr fullkominn vinr. Í annan stað mæla
þeir til Erlinga, at hann skyldi vægja til við konung; segja
svá, ef hann helzt í vináttu við konung, at honum mun
þá alt auðvellingt at koma slíku fram, sem hann vildi, við
hvern annarra. Lauk svá stefnu þeiri, at Erlingr skyldi
15 hafa sömu veizlur, sem hann hafði áðr haft, ok settust
niðr allar sakir, þær er konungr hafði á hendi Erlingi.
Skyldi ok fara til konungs Skjálgr, son Erlinga, ok vera
með honum. Fór þá Áslákr aptr til búa sinna, ok vátu
þá sáttir at kalla. Erlingr fór ok heim til búa sinna ok
20 hélt teknum hætti um ríki sitt.

Upphaf Ásbjarnar Selsbana.

123. Sigurðr hét maðr Þórisson, bróðir Þóris hunds
í Bjarkey. Sigurðr átti Sigríði dóttur Skjálgs, systur Erl-
inga. Ásbjörn hét son þeira; hann þótti allmannvænn í
25 uppvexti. Sigurðr bjó í Ömd á Þrándarnesi; hann var
maðr stórauðigr, virðingamaðr mikill; ekki var hann konungi
handgenginn, ok var Þórir fyrir þeim bræðrum at virðingu,
er hann var lendr maðr konungs. En heima í búnaði, þá
var Sigurðr í engan stað minni rausnarmaðr. Hann var
30 því vanr, meðan heiðni var, at hafa þrenn blót hvern vetr;
eitt at vetrnóttum, en annat at miðjum vetri, þriðja at sumri.
En er hann tók við kristni, þá hélt hann þó teknum hætti
um veizlurnar. Hafði hann þá um haustit vinaboð mikit,
en jólaboð um vetrinn, ok bauð þá enn til sín mörgum

mönnum; þriðju veizlu hafði hann at páskum, ok hafði þá ok fjölment. Slíku hélt hann fram meðan hann lifði. Sigurðr varð sótt dauðr. Þá var Ásbjörn 18 vetra; tók hann þá arf eptir föður sinn; hélt hann teknum hætti, ok hafði þrjár veizlur á hverjum vetri, sem faðir hans hafði haft. 5 Var þess skamt í milli, er Ásbjörn hafði tekit við föðurarfi, ok þess, er árferð tók at versna, ok sæði manna brugðust. Ásbjörn hélt hinu sama um veizlur sínar, ok naut hann þá þess við, at þar vǫru forn korn ok forn fōng, þau er hafa þurfti. En er þau misseri liðu af, ok önnur 10 kómu, var þá korn engum mun betra en hin fyrri. Þá vildi Sigríðr, at veizlur væri afteknar, sumar eða allar. Ásbjörn vildi þat eigi; fór hann þá um haustit at hitta vini sína, ok keypti korn þar sem hann gat, en þá af sumum. Fór svá enn fram þann vetr, at hann hélt veizlum 15 öllum. En eptir um várit féngust lítil sæði; því at engi gat frækorn at kaupa. Ræddi Sigríðr um, at fækka skyldi húskarla. Ásbjörn vildi þat eigi, ok hélt hann í öllu hinu sama. Þat sumar var korn heldr úárvænt. Þat fylgði ok þá, at svá var sagt sunnan or landi, at Ólafr konungr 20 bannaði korn ok malt ok mjöl at flytja sunnan ok norðr í landit. Þá þótti Ásbirni vandast um tilfōngin búsin; var þat þá ráð hans, at hann lét framsetja byrðing, er hann átti; þat var hafðeranda skip at vexti. Skipit var gott, ok reiði vandaðr mjök til; þar fylgði segl stafat með vendi. 25 Ásbjörn réðst til ferðar, ok með honum 20 menn; fóru norðan um sumarit, ok er ekki sagt frá ferð þeira, fyrr en þeir koma á Karmtsund aptan dags, ok lögðu at við Ögvaldsnes. Þar stendr bær mikill skamt upp á eya Kōrmt, er heitir á Ögvaldsnesi; þar var konungsbú, ágætr bær; 30 þar réð fyrir Þórir selr. Var hann þar ármaðr Ólafs konungs. Þórir var maðr ættsmár, ok hafði mannazt vel, starfsmaðr góðr, snjallr í máli, áburðarmaðr mikill, framgjarn ok úvægin; hlýddi honum þat síðan, er hann fékk konungs styrk; hann var maðr skjótorðr ok örordr. Þeir Ásbjörn 35

lágu þar um nótt. En um morgininn, er ljóst var orðit, gékk Þórir ofan til skips, ok nokkurir menn með honum. Hann spurði, hvætr fyrir skipi því réði hinu vegliga. Ásbjörn segir til sín, ok nefndi föður sinn. Þórir spýrr, 5 hvert hann skyldi fara hit lengsta, eða hvað honum væri at erendum. Ásbjörn segir, at hann vill kaupa sér korn ok málk; segir hann, sem sattu var, at hallæri var mikit norðr í land: en oss er sagt, at hér sé vel ært; viltu, bóndi! selja oss korn? Ek sé, at hér eru hjálmar stórir, 10 væri oss þat orlausn. at þurfa eigi lengra at fara. Þórir svarar: Ek skal gera þér orlausn, at þú þurfir eigi lengra at fara at kornkaupum, eða víðara um Rogaland. Ek kann þat segja þér, at þú munt hér vel mega aptr hverfa ok fara eigi lengra; því at þú munt eigi korn hér fá né í 15 öðrum stöðum, því at konungr bannar at selja héðan korn norðr í land; ok far aptr, Háleygr! sá mun þér hinn bezt. Ásbjörn svarar: Ef svá er, bóndi! sem þú segir, at vér munum ekki fá kornkaup, þá mun eigi minna verða mitt erendi, en hafa kynnisókn á Sóla, ok sjá húbýli Erlings 20 frænda míns. Þórir segir: Hversu mikla frændsemi átt þú við Erling? Hann svarar: Móðir mín er systir hans. Þórir segir: Vera kann þá, at ek hafa ekki varliga mælt, ef þú ert systurson konungsins Rygja. Þá köstuðu þeir Ásbjörn tjöldunum af sér, ok sneru út skipinu. Þórir 25 kallaði á þá: Farit nú vel, ok komit hér, þá er þér farit aptr. Ásbjörn segir, at svá skyldi vera. Fara þeir nú leið sína, ok koma at kveldi á Jaðar. Fór Ásbjörn upp með 10 menn, en aðrir 10 gættu skips. En er Ásbjörn kom til bæjar, fékk hann þar góðar viðtökur, ok var 30 Erlingr við hann hinn kátasti. Setti Erlingr hann hit næsta sér, ok spurði hann margra tíðinda norðan or landi. Ásbjörn segir hit ljósasta af erendum sínum. Erlingr svarar, at þat var þá eigi vel til borit, er konungr bannaði kornsölur. Veit ek, segir hann, eigi þeira manna ván hér, at 35 traust muni til bera at brjóta orð konungs; verðr mér

vandgætt til skaps konungs, því at margir eru spillendr at um vináttu vára. Ásbjörn segir: Seint er satt at spyrja; mér hefir kent verit á unga aldri, at móðir mín væri frjálsborin í allar hálfur, ok þat með, at Erlingr á Sóla væri nú göfgastr hennar frænda; en nú heyri ek þik segja, at þú sér eigi svá frjáls fyrir konungs þrælum hér á Jaðri, at þú megir ráða fyrir korni þínu slíkt er þér líkar. Erlingr sá til hans, ok glotti við tönn ok mælti: Minna vitit þér af konungs ríki Háleygir en vér Rygir; en örörðr muntu heima vera; áttu ok ekki langt til þess at telja. 10 Drekku nú fyrst, frændi! sjám í morgin, hvat títt er um erendi þitt. Gerðu þeir svá, ok váru kátir um kveldit. Eptir um daginn talast þeir viðr Erlingr ok Ásbjörn, ok mælti Erlingr: Hugsat hefi ek nökkut fyrir um kornkaupin þín, Ásbjörn! eða hversu vandr muntu vera at kaupunautum? Hann sagði, at hann hirði þat aldri, at hverjum hann keypti korn, ef honum væri heimált selt. Erlingr mælti: Þat þykki mér líkara, at þrælar mínir munu eiga korn, svá at þú munt vera fullkaupa; þeir eru ekki í lögum eða landsrétt með öðrum mönnum. Ásbjörn 20 segir, at hann vill þann kost. Þá var sagt þrælunum til um þetta kaup. Létu þeir korn fram ok malt, ok seldu Ásbirni. Hlóð hann skip sitt, sem hann vildi. En er hann var í brott búinn, leiddi Erlingr hann út með vingjöfum, ok skildust þeir með kærleikum. Fékk Ásbjörn byrleiði 25 gott, ok lagði at um kveldit í Karmtsundi við Ögvaldsnes, ok váru þar um nóttina. Þórir selr hafði þegar spurn af um farar Ásbjarnar, ok svá þat, at skip hans var kafblaðit. Þórir stefndi til sín liði um nóttina, svá at hann hafði fyrir dag 60 manna; hann fór á fund Ásbjarnar, þegar er 30 lítt var lýst. Géngu þeir þegar út á skipit. Þá váru þeir Ásbjörn klæddir, ok heilsaði Ásbjörn Þóri. Þórir spurði, hvat þunga Ásbjörn hefði á skipi. Hann segir, at korn ok malt var. Þórir segir: Þá mun Erlingr gera at vanda, at taka fyrir hégómamál öll orð konungs; ok leiðist honum 35

enn eigi þat, at vera hans mótstöðumaðr í öllu, ok er furða at, er konungr lætr honum alt hlýða. Var Þórir málóði um hríð. En er hann þagnaði, þá segir Ásbjörn, at þetta korn höfðu átt þrælar Erlings. Þórir svarar
5 snelt, at hann hirði ekki um prettu þeira Erlings; er nú hitt til, Ásbjörn! at þér gangit á land, elligar fœrum vér yðr útbyrðis; því at vér viljum enga þröng hafa af yðr, meðan vér ryðjum skipit. Ásbjörn sá, at hann hafði eigi liðskost við Þóri; ok géngu þeir Ásbjörn á land upp, en
10 Þórir lét flytja farminn allan af skipinu. En er rutt var skipit, þá gekk Þórir eptir skipinu. Hann mælti: Furðu gott segl hafa þeir Háleygirnir; taki byrðingssegl várt hit forna ok fái þeim; þat er þeim fullgott, er þeir sigla lausum kili. Svá var gert, at skipt var seglunum. Fóru
15 þeir Ásbjörn brott leið sína við svá búit, ok stefndi hann nú norðr með landi, ok létti eigi fyrr, en hann kom heim öndverðan vetr, ok varð sjá fœr allfræg. Varð þá alt starf tekit af Ásbirni, at búa veizlur á þeim vetri. Þórir hundr bauð Ásbirni til jólaveizlu ok móður hans, ok þeim mönnum,
20 er þau vildu hafa með sér. Ásbjörn vildi eigi fara, ok sat heima. Þat fannst á, at Þóri þótti Ásbjörn gera úvirðiliga til boðsins, er hann vildi eigi fara.. Hafði Þórir í fleymingi um farar Ásbjarnar. Bæði er, segir hann, at mikill er virðingamunr vár frænda Ásbjarnar, enda gerir
25 hann svá, slíkt starf sem hann lagði á í sumar, at sœkja kynnit til Erlings á Jaðar, en hann vill eigi hér fara í næsta hús til mín; veit ek eigi, hvárt hann hyggr, at Selþórir muni í hverjum hólma fyrir vera. Slík orð spurði Ásbjörn til Þóris ok önnur þeim lík. Ásbjörn undi stórilla
30 ferð sinni, ok enn verr, er hann heyrði slíkt haft at hlátri ok spotti. Var hann heima um vetrinn ok fór hvergi til heimboða.

Dráp Selþóris.

124. Ásbjörn átti langskip; þat var snekkja tvítugsessa, stóð í nausti miklu. Eptir kyndilmessu lét Ásbjörn setja

fram skipit ok bera til reiða, ok lét búa skipit. Þá stefndi hann til sín vinum sínum, ok hafði nær 9 tigum manna, ok alla vel vápnaða. En er hann var búinn ok byr gaf, þá sigldi hann suðr með landi; ok fara þeir ferðar sinnar, ok byrjar heldr seint. En er þeir sækja suðr í land, þá fóru þeir útleið meir en þjóðleið, þegar er svá mátti. Ekki varð til tíðinda um ferð þeira, fyrr en þeir kómu at kveldi fimta dag páska utan at Hólm. Henni er þannug farit, at hon er mikil ey, löng ok víðast ekki breið; liggr við þjóðleið fyrir utan; þar er mikil byggð, ok er þó víða eyin úbyggð, þat er út liggr til hafsins. Þeir Ásbjörn lendu utan at eyjunni, þar er úbygt var. En er þeir höfðu tjaldat, þá mælti Ásbjörn: Nú skulut þér vera eptir hér ok biða mín; en ek mun ganga upp á eyna á njósn, hvat títt er í eyjunni; því at vér höfum ekki um spurt áðr. Ásbjörn hafði vándan búnað ok hött síðan, fork í hendi, gyrðr sverði undir klæðum. Hann gékk á land upp, ok yfir eyna. En er hann kom á nokkura hæð, þá er hann mátti sjá til bæjar á Ögvaldsnesi, ok svá fram í Karmsund, þá sá hann mannfara miklar bæði á sæ ok á landi, ok sótti þat fólk alt til bæjar á Ögvaldsnesi. Honum þótti þat undarligt. Síðan gékk hann heim til bæjarins, ok þar til er þjónostumenn bjoggu mat. Heyrði hann þá þegar ok skildi á ræðum þeira, at Ólafr konungr var þar kominn til veizlu, svá þat með, at konungr var þá til borða genginn. Ásbjörn sneri þá til stofunnar. En er hann kom í forstofuna, þá gékk annarr maðr út, en annarr inn, ok gaf engi maðr at honum gaum. Opin var stofuhurðin. Hann sá, at Þórir selr stóð fyrir hásetisborðinu. Þá var mjök á kveld liðit. Ásbjörn heyrði til, at menn spurðu Þóri frá skiptum þeira Ásbjarnar, ok svá þat, at Þórir sagði af langa sögu, ok þótti Ásbirni hann halla sýnt sögunni. Þá heyrði hann, at maðr mælti: Hvernug varð hann við Ásbjörn, þegar er þér ruddut skipit? Þórir segir: Bar hann sik til nokkurrar hlítar, ok þó eigi vel, þá er vér ruddum skipit,

en er vér tókum seglit af honum, þá grét hann. En er Ásbjörn heyrði þetta, þá brá hann sverðinu hart ok tátt, ok hljóp í stofuna, hjó þegar til Þóris; kom höggit utan á hálsinn, féll höfuðit á borðit fyrir konunginn, en búkrinn 5 á fœtr honum; urðu borðdúkarnir í blóði einu bæði uppi ok niðri. Konungr mælti, það taka hann ok leiða út; ok var svá gert, at Ásbjörn var tekinn höndum ok leiddr út or stofunni. En þá var tekinn borðbúnaðrinn, ok dúkarnir, ok í brott borinn, svá líkit Þóris var í brott borit, ok sópat 10 alt þat er blóðugt var. Konungr var allreiðr, ok stílti vel orðum sínum, svá sem hann var vanr jafnan.

Frá Skjálgi Erlingssyni.

125. Skjálgr Erlingsson stóð upp ok gékk fyrir konung, ok mælti svá: Nú mun, sem optar, konungr! at þar 15 mun til umbótar at sjá, er þér erut; ek vil bjóða fé fyrir mann þenna, til þess at hann haldi lífi sínu ok limum, en þér, konungr! skipit ok skerit um alt annat. Konungr segir: Er eigi þat dauðasök, Skjálgr! ef maðr brýtr páskafríð? ok sú önnur, er hann drap mann í konungs herbergi; 20 sú hin þriðja, er ykkur föður þínum mun þykkja lítills verð, er hann hafði fœtr mína fyrir höggstokkinn. Skjálgr svarar: Illa er þat, konungr! er yðr mislíkar; en ellið væri verkit hit bezta unnit. En ef verk þetta, konungr! þykkir yðr í móti skapi ok mikils vert, þá vætti ek, at ek þiggja 25 mikit af yðr fyrir þjónostu mína; munu margir þat mæla, at yðr sé þat vel geranda. Konungr svarar: Þóttu sér mikile verð, Skjálgr! þá mun ek eigi fyrir þínar sakir brjóta lögin ok leggja konungs tign. Skjálgr snýst þá í brett, ok út er stofunni. Tólf menn höfðu þar verið með 30 Skjálgi, ok fylgðu þeir honum allir, ok margir aðrir géngu með honum í brott. Skjálgr mælti til Þórarins Nefjólssonar: Ef þú vilt hafa vináttu mína, þá legðu allan hug á, at maðrinn sé eigi drepinn fyrir sunnudag. Síðan ferr Skjálgr ok menn hans, ok tóku róðarskútu, er hann átti,

ok róa suðr, svá sem á mátti taka, ok kómu í elding nætr á Jaðar; géngu þegar upp til bæjarins ok til lopts, þess er Erlingr svaf í. Skjálgr hljóp á hurðina, svá at hon brotnaði at nöglum. Við þat vaknar Erlingr, ok aðrir sem inni váru. Hann var skjótastr á fœtr, ok greip upp skjöld 5 sinn ok sverð ok hljóp til duranna, ok spurði, hverr þar fœri svá ákaft. Skjálgr segir til sín, ok bað upp láta hurðina. Erlingr segir: Þat var líkligast, at þú mundir vera, ef allheimsliga fór, eða fara menn nokkurir eptir yðr? Var þá látin upp hurðin. Þá mælti Skjálgr: Þat vænti 10 ek, þótt þér þykki ek fara ákafliga, at Ásbirni frænda þínum þykki eigi of skjótt, þar er hann sitr norðr á Ögvaldsnesi í fjötrum; ok er þat mannligra at fara til ok duga honum. Síðan hafast þeir feðgar orð við. Segir þá Skjálgr Erlingi alla atburði um víg Selþóris. 15

Frá Þórarni Nefjólfsyni.

126. Ólafr konungr settist í sæti sitt, þá er um var búit í stofunni, ok var hann allreiðr. Hann spurði, hvat títt var um vegandann. Honum var sagt, at hann var úti í svölum í gæzlu hafðr. Konungr segir: Hví er hann eigi 20 drepinn? Þórarinn svarar Nefjólfsson: Herra, kallit ér eigi þat morðverk, at drepa menn um nætr? Þá mælti konungr: Seti hann í fjötur, ok drepí hann í morgin. Þá var Ásbjörn fjöttraðr ok byrgðr einn í húsi um nóttina. Eptir um daginn hlýddi konungr morgintíðum; síðan gékk hann á stefnu, ok 25 sat þar fram til hámessu. Síðan gékk hann til messu, ok er hann gékk frá tíðum, mælti hann til Þórarins: Mun nú vera sólin svá há, at Ásbjörn vinr yðarr mun mega hanga? Þórarinn svarar, ok laut konunginum: Herra, þat sagði byskup hinn fyrri frjádag, at sá konungr er alls á vald. 30 ok þoldi hann skapraunir, ok er sá sæll, er heldr má eptir honum líkja, en eptir hinum, er þá dœmdu manninn til dauða, eða þeim er ollu manndrápinu. Nú er eigi langt til morgins, ok er þá sýkn dagr. Konungr leit við honum

ok mælti: Ráða muntu þessu, at hann mun eigi í dag drepinn; skaltu nú taka við honum ok varðveita hann; ok vit þat til sanns, at þar liggr líf þitt við, ef hann kemst í brott með nokkuru móti. Gékk þá konungr leið sína. En
5 Þórarinn gékk þar til, er Ásbjörn sat í járnum. Lét Þórarinn þá af honum fjöturinn, ok fylgði honum í stofu eina litla, ok lét þá fá honum drykk ok mat, ok sagði honum, hvat konungr hefði á lagt, ef Ásbjörn hlypí í brott. Ásbjörn segir, at Þórarinn þurfti ekki þat at óttast. Sat Þórarinn
10 þar hjá honum lengi um daginn, ok svá svaf hann þar um nóttina. Laugardag stóð konungr upp ok fór til morgintíða. Síðan gékk hann á stefnur, ok var þar fjölment komit af bóndum, ok áttu þeir mart at kæra. Sat konungr þar lengi dags, ok varð heldr síð gengit til hámessu. Eptir
15 þat gékk konungr til matar. En er hann hafði matazt, þá drakk hann um hrið, svá at borð váru uppi. Þórarinn gékk til prests þess er kirkju varðveitti, ok gaf honum tvá aura silfrs til þess, at hann skyldi hringja til helgar, jafnskjótt sem konungs borð fóru upp. En er konungr hafði
20 drukkit þá hrið, sem honum þótti felt, þá var borð upp tekit. Þá mælti konungr, segir at þá var ráð, at þrælar fœri með vegandann ok dræpi hann. Í því bili var hringt til helgar. Þá gékk Þórarinn fyrir konung ok mælti: Grið mun sjá maðr skulu hafa um helgina, þótt hann hafi illa
25 til gert. Konungr segir: Gættu hans, Þórarinn! svá at hann komist eigi í brott. Gékk þá konungr til kirkju ok fór til nónu; en Þórarinn sat enn um daginn hjá Ásbirni. Sunnudag gékk byskup til Ásbjarnar ok skriptaði honum, ok gaf honum lof til at hlýða hámessu. Þórarinn gékk
30 þá til konungs, ok bað hann fá menn til at varðveita vegandann. Vil ek nú, segir hann, viðr skiljast hans mál. Konungr bað hann hafa þökk fyrir þat. Fékk hann þá menn til at varðveita Ásbjörn. Var þá settr fjöturr á hann. En er til hámessu var gengit, þá var Ásbjörn leiddr til

kirkju. Stóð hann úti fyrir kirkjunni, ok þeir er hann varðveittu. Konungr ok öll alþýða stóð at messu.

Sætt Erlings ok Ólafs konungs.

127. Nú er þar til máls at taka, er fyrr var frá horfit, at þeir Erlingr ok Skjálgr son hans gerðu ráð sín 5 um þetta vandkvæði, ok staðfestist þá með áeggjan Skjálgs ok annarra sona hans, at þeir samna liði ok skera upp herör. Kom þá brátt saman lið mikit, ok réðu þeir til skipa, ok var þá skorat manntal, ok var nær 15 hundruð manna. Fóru þeir með þat lið, ok komu sunnudaginn í 10 Kærmt á Ögvaldsnes, ok gengu upp til bæjar með öllu liðina, ok komu í þann tíma, er lokit var guðspjalli; gengu þegar upp at kirkjunni ok tóku Ásbjörn, ok var brotinn fjöturr af honum. En við gný þenna ok vápnabrak, þá hljópu allir inn í kirkjuna, þeir er áðr váru úti; en þeir er í 15 kirkja váru, þá litu allir út, nema konunginn, hann stóð ok sást eigi um. Þeir Erlingr skipuðu liði sínu tveim megin strætis, þess er lá frá kirkju ok til stofunnar. Stóð Erlingr ok synir hans næst stofunni. En er allar tíðir váru sungnar, þá gékk konungr þegar út or kirkju; gékk 20 hann fyrst fram í kvína, en síðan hverr eptir öðrum hans manna. Þegar er hann kom heim at durunum, þá gékk Erlingr fyrir dyrrnar, ok laut konungi, ok heilsaði honum. Konungr svaraði, bað guð hjálpa honum. Þá tók Erlingr til máls: Svá er mér sagt, at Ásbjörn frænda minn hafi 25 sótt gkepska mikil, ok er þat illa, konungr! ef svá er orðit, at yðr sé misþokki at. Nú em ek því kominn, at bjóða fyrir hann sætt ok yfirbætr þvílíkar, sem þér vilt sjálfir gert hafa; en þiggja þar í mót líf hans ok límar ok landsvist. Konungr svarar: Svá lízt mér, Erlingr! sem 30 þér munit nú þykkjast hafa vald á um mál Ásbjarnar; veit ek eigi, hví þú lætr svá, sem þú skyllir bjóða sættir fyrir hann; ætla ek þik fyrir því hafa dregit saman her manns, at nú ætlar þú at ráða vár í milli. Erlingr

segir: Þér skulut ráða, konungr! ok ráða svá, at vér skilimst sáttir. Konungr mælti: Ætlar þú at hræða mik, Erlingr? hefir þú fyrir því lið mikit? Nei, segir hann. En ef annat býr í, þá mun ek nú ekki flýja. Erlingr svarar: Eigi þarftu at minna mik á þat, at þeir hafa fundir okkrir orðit hér til, er ek hefi lítinn liðskost haft við þér; en nú skal ekki leyna þik því, er mér býr í skapi, at ek vil, at vit skilimst sáttir, eða mér er ván, at ek hætta eigi til fleiri funda várara. Erlingr var þá rauðr sem blóð í andliti. Þá gékk fram Sígurðr byskup ok mælti til konungs: Herra! ek býð yðr í hlýðni fyrir guðs sakir, at þér sættizt við Erling, eptir því sem hann býðr, at maðr sjá hafi lífs grið ok lima, en þér ráðit einir öllu sáttmáli. Konungr svarar: Þér skulut ráða. Þá mælti byskup: Erlingr, fáit þér konungi festu, þá er honum líki; síðan gangi Ásbjörn til griða ok á konungs vald. Erlingr fékk festur, en konungr tók við. Síðan gékk Ásbjörn til griða ok á konungs vald, ok kysti á hönd konungi. Sneri þá Erlingr í brott með liði sínu. Varð þá ekki at kveðjum. Gékk þá konungr inn í stofuna, ok Ásbjörn með honum. Síðan lauk konungr upp sættargerðina, ok mælti svá: Þat skal upphaf sættar okkarrar, Ásbjörn! at þú skalt ganga undir landslög þau, at sé maðr er drepr þjónostu-mann konungs, þá skal hann taka undir þá sömu þjónostu, ef konungr vill. Nú vil ek, at þú takir upp ármenn-ing þessa, er Selþórir hefir haft, ok ráð hér fyrir búi mínu á Ögvaldnesi. Ásbjörn segir, at svá skyldi vera sem konungr vildi. Verð ek þó fyrst at fara heim til bús míns ok skipa þar til. Konungr lét sér þat vel líka. Fór hann þaðan til annarrar veizlu, þar sem ger var í móti honum. En Ásbjörn réðst þá til fundar við föruneysi sitt. Þeir höfðu legit í leynivágum þá stund alla, er Ásbjörn var í brott. Höfðu þeir njósn af, hvat títt var um hans ráð, ok vildu eigi í brott fara, fyrr en þeir vissi hvat þar réðist af.

Frá Þóri hund ok Ásbirni selsbana.

128. Síðan anýst Ásbjörn til ferðar, ok léttir eigi fyrr um várit, en hann kemr norðr til bús síns. Hann var síðan kallaðr Ásbjörn selsbani. En er Ásbjörn hafði heima verit eigi lengi, þá hittust þeir Þórir frændrnir ok talast við. Spyrr Þórir Ásbjörn vendiliga at um ferð hans ok alla atburði þá, sem þar höfðu orðit til tíðinda. En Ásbjörn sagði sögu þá sem gengit hafði. Þá sagði Þórir: Þá muntu þykkjast hafa rekit af hendi svívirðing þá, er þú vart rænt á hausti? Svá er, kvað Ásbjörn; eða hversu þykki þér, frændi? Þat skal skjótt segja, kvað Þórir, at ferð sú hin fyrri, er þú fórt suðr í land, varð hin svívirðligsta, ok stóð sú til nökkurrar umbótar; en þessi för er bæði þín skömm ok frænda þinna, ef þat skal framgengt verða, at þú gerist konungs þræll ok jafningi hins versta manns Þóris sels. Nú ger þú svá mannliga, at þú sit heldr at eignum þínum hér; skulum vér frændr þínir veita þér styrk til þess, at þú komir aldri síðan í slíkt engþveiti. Ásbirni þótti þetta vænligt; ok áðr þeir Þórir skildist, þá var þetta ráð staðfest, at Ásbjörn skyldi sitja í búi sínu, ok fara ekki síðan á konungs fund eða í hans þjónostu. Ok gerði hann svá, ok sat heima at búum sínum.

Frá því er Ólafr konungr kristnar Vörs ok Valdres.

129. Eptir þat at þeir Ólafr konungr ok Erlingr Skjálgsson höfðu hirt á Ögvaldsnesi, þá hófst með þeim af nýju sundrþykkit, ok vóx til þess, er þar af gerðist fullr fjándskapr milli þeira. Fór Ólafr konungr at veizlum um Hörðaland um várit; ok þá fór hann upp á Vörs, því at hann spurði, at fólk var þar lítt trúat. Hann átti þing við boendr, þar sem á Vangi heitir; komu þar boendr fjölment ok með alvæpni. Bauð konungr þeim at taka við kristni. En boendr buðu bardaga í mót; ok kom svá, at hvárirtveggju fylktu liði sínu. Var þá svá um boendr, at

þeim skaut skelk í bringu, ok vildi engi fremstr standa; ok varð þat þá at lyktum, er þeim gegndi betr, at þeir gengu til handa konungi ok tóku við kristni. Skildist konungr eigi þaðan, fyrr en þar var alkristit orðit. Þat
5 var einn dag, at konungr reið leið sína ok söng psálma sína; en er hann kom gegnt haugunum, nam hann staðar, ok mælti: Þau skal segja orð mín maðr manni, at ek kalla ráð, at aldri­gi síðan fari Noregs konungr í milli þessa hauga. Er þat ok sögn manna, at flestir konungar
10 hafi þat varazt síðan. Þá fór Ólafr konungr út í Óstrarfjörð, kom þar til skipa sinna, fór þá norðr í Sogn, ok tók þar veizlur um sumarit. En er hausta tók, sneri hann inn í fjörðinn; fór þaðan upp á Valdres; þar var áðr heiðit. Konungr fór sem ákafligast upp til vatnsins; kom þar á
15 úvart bóndum, ok tók þar skip þeira; gékk þar á sjálfr með öllu liði sínu. Síðan skar hann þingboð, ok settist þingit svá nær vatninu, at konungr átti allan kost skipa, ef hann þœttist þurfa. Bœndr sóttu þingit með her manns alvápnadan. Konungr bauð þeim kristni; en bœndr ceptu
20 í móti, ok báðu hann þegja; gerðu þegar gný mikinn ok vápnabrák. En er konungr sá, at þeir vildu ekki til hlýða þess er hann kendi þeim, ok þat annat, at þeir höfðu þann múg manna, er ekki stóðst við, þá sneri hann rœðunni, spurði þá at, ef nokkurir væri þeir menn á þinginu, er
25 sakir þær ættist við, er þeir vildi, at hann setti í milli þeira. Þat fannst brátt í orðum búanda, at margir váru þar rangsáttir sín í milli, er þá höfðu samhlaupa orðit at mæla móti kristninni. En þegar er bœndr tóku at kæra sín vandræði, þá aflaði hverr þeira sér sveitar at flytja sitt
30 mál fram. Gékk því fram þann dag allan. At kveldi var slitit þinginu. Þegar er bœndr höfðu spurt, at Ólafr konungr hafði farit um Valdres, ok hann var kominn í byggð, þá höfðu þeir látit fara herör ok stefnt saman þegn ok þræl; fóru með her þann í móti konungi; en þá var víða
35 aleyða í byggðinni. Bœndr héldu samnaðinum, þá er þinginu

sleit. Þess varð konungr viss. En er hann kom á skip sín, þá lét hann róa um nóttina yfir þvert vatnit; þar lét hann upp ganga í bygðina, lét þar brenna ok ræna. Eptir um daginn reru þeir nes fra nesi; lét konungr alt brenna bygðina. En þeir bæendr er í samnaðinum váru, þá er 5 þeir sá reyk ok loga til bæja sinna, þá urðu þeir lausir í flokkinum; stefndi þá hverr í brott ok leitaði heim, ef hann mætti finna hyski sitt. En þegar er rof kom í liðit, þá fór hverr at öðrum til þess er alt riðlaðist í smá flokka. En konungr rerir yfir vatnit ok brendi þá á hvárutveggja 10 landi. Kómu þá bæendr til hans ok báðu miskunnar; buðu handgöngu sína. Gaf hann hverjum manni grið, er til hans kom ok þess krafði, ok svá fé þeira. Mælti þá engi maðr við kristni. Lét konungr þá skíra fólkit ok tók gístar af bóndum. Dvaldist konungr þar lengi um haustit; 15 lét draga skipin um eið á milli vatna. Fór konungr lítt um land uppi frá vötnunum, því at hann trúði illa bóndum. Hann lét þar gera kirkjur ok vígja, ok setti kennimenn til. En er konungi þótti ván fræra, þá sótti hann á land upp, kom þá fram á Þótni. Þess getr Arnórr jarlaskáld, 20 er Ólafr konungr hafði brent á Upplöndum, þá er hann orti um Harald bróður hans:

Gengr í ætt þat er yngvi	vildut öflgar aldir,
Upplendinga bærendi,	æðr var stýrt til váða,
þjóð galt ræsis reiði,	grams dólguðum fékksk gálgi, 25
rann, þess er fremstr var manna;	gagnprýðanda hlýða.

Síðan fór Ólafr konungr norðr um Dala alt til fjalla, ok nam eigi staðar, fyrr en hann kom í Þrándheim ok alt til Niðaróss, bjó þar til vetrvistar ok sat þar um vetrinn. Sá var hinn tíundi vetr konungdóms hans.

30

Um Einar þambarskelfi.

130. Áðr um sumarit fór Einar þambarskelfir or landi, ok fyrst vestr til Englands, hitti þar Hákon jarl mág sinn, dvaldist þar með honum um hríð. Síðan fór

Einarr á fund Knúts konungs, ok þá af honum stórar gjafir. Eptir þat fór Einarr suðr um sæ, ok alt suðr til Rímaborgar, ok kom aptr annat sumar; fór þá til búa sinna; hittust þeir Ólafr konungr þá ekki.

Fæddur Magnús góði.

131. Álfhildr hét kona, er kölluð var konungs ambátt; hon var þó af góðum settum komin. Hon var kvenna fríðust; hon var með hirð Ólafs konungs. En þat var varð þat til tíðinda, at Álfhildr var með barni; en þat vissu 10 trúnaðarmenn konungs, at hann mundi vera faðir barns þess. Svá bar at eina nótt, at Álfhildr stóð sótt; var þar fátt manna við statt, konur nokkurar ok prestur ok Sigvatr skáld, ok fáir aðrir. Álfhildr var þungliga haldin, ok gékk henni nær dauða. Hon fæddi sveinharn; ok var þat um 15 hrið, er þau vissu úglegt, hvárt líf var með barninu. En er barnit skaut öndu upp ok allúmáttuliga, þá bað prestur Sigvat fara at segja konungi. Hann svarar: Ek þori fyrir engan mun at vekja konunginn, því at hann bannar þat hverjum manni at bregða svefni fyrir honum, fyrr en 20 hann vaknar sjálf. Prestinn svarar: Nauðsyn berr nú til, at barn þetta fái skírn; mér sýnist þat allúlífligt. Sigvatr mælti: Heldr þori ek til þess at hætta, at þú skírir barnit, en ek vekja konung; ok mun ek évíttum upp halda, ok gefa nafn. Svá gerðu þeir, at sveinn sá var skírðr, ok 25 hét Magnús. Eptir um morgininn, þá er konungr var vaknaðr ok klæddr, var honum sagt alt frá þessum atburðum. Þá lét konungr kalla til sín Sigvat ok mælti: Hví vartu svá djarfr, at þú lézt skíra barn mitt fyrr en ek vissi? Sigvatr svarar: Því at ek vilda heldr gefa guði tvá menn, 30 en einn fjándanum. Konungr mælti: Fyrir hví mundi þat við liggja? Sigvatr svarar: Barnit var at komit dauða, ok mundi þat fjándans maðr, ef þat dœi heiðit; en nú var þat guðs maðr. Hitt er ok annat, at ek vissi, þótt þú værir mér reiðr, at þar mundi eigi meira við liggja en líf

mitt; en ef þú vill, at ek týna því fyrir þessa sök, þá vænti ek, at ek sjá guðs maðr. Konungr mælti: Hví léztu sveininn Magnús heita? ekki er þat vart ætt nafn. Sigvatr svarar: Ek hét hann eptir Karlamagnúsi konungi, þann vissa ek mann beztan í heimi. Þá mælti konungr: 5 Gæfumaðr ertu mikill, Sigvatr! er þat eigi undarligt, at gæfa fylgi vizku; hitt er kynligt, sem stundum kann verða, at sú gæfa fylgir úvizkum mönnum, at úvitrlig ráð snúast til hamingju. Var þá konungr allglaðr. Sveinn sá fœddist upp, ok var brátt efniligr, er aldr fór yfir hann. 10

Dráp Ásbjarnar selsbana.

182. Þat vár hit sama fékk Ólafr konungr í hönd Ásmundi Grankelssyni sýslu á Hálogalandi hálfa til móts við Hárek í Þjóttu; en hann hafði áðr haft alla, suma at veizlu, en suma at léni. Ásmundr hafði skútu; ok á nær 15 30 manna ok vápnaða vel. En er Ásmundr kom norðr, þá hittust þeir Hárekr. Segir Ásmundr honum, hvernug konungr hafði til skipat um sýsluna; lét þar fylgja jartegnir konungs. Hárekr segir svá, at konungr mundi ráða, hverr sýslu hefði: en þó gerðu ekki svá hinir fyrri höfðingjar, 20 at minna várn rétt, er ættbornir erum til ríkis at hafa af konungum, en fá þá í hendr búandasonum, þeim er slíkt hafa fyrr ekki með höndum haft. En þótt þat fynnist á Háreki, at honum þótti þetta í móti skapi, þá lét hann Ásmund við sýslu taka, sem konungr hafði orð til send. 25 Fór þá Ásmundr heim til föður síns; dvaldist þar litla hrið, fór þá síðan í sýslu sína norðr á Hálogaland. En er hann kom norðr í Langey, þá bjoggu þar bræðr tveir; hét annarr Gunnsteinn, en annarr Karli. Þeir váru menn auðgir ok virðingamenn miklir. Gunnsteinn var bú-sýslu- 30 maðr ok ellri þeira bræðra. Karli var fríðr sýnum ok skartsmaðr mikill; en hvártrveggi þeira var íþróttamaðr um marga hluti. Ásmundr fékk þar góðar viðtökur, ok dvaldist þar um hrið; heimti þar saman or sýslunni slíkt er fékkst.

Karli ræddi þat fyrir Ásmundi, at hann vildi fara með honum suðr á fund Ólafs konungs ok leita sér hirðvistar. Ásmundr fýsti þess ráðs, ok hét umsýslu sinni við konung, at Karli féngi þat erendi, sem hann beiddist til. Ræðst
5 Karli þá til föruneysis með Ásmundi. Ásmundr spurði þat, at Ásbjörn selsbani hafði farit suðr í Vágastefnu, ok hafði byrðing mikinn, er hann átti, ok nær 20 menn á, ok hans var þá sunnan ván. Þeir Ásmundr fóru leið sína suðr með landi, ok höfðu andviðri ok þó vind lítinn; sigldu
10 skip í mót þeim, þau er vǫru af Vágafloata. Spurðu þeir þá af hljóði at um farar Ásbjarnar. Var þeim svá sagt, at hann mundi þá sunnan á leið. Þeir Ásmundr ok Karli vǫru rekkjufélagar, ok var þar hit kærsta. Þat var einn dag, er þeir Ásmundr reru fram eptir sundi nokkuru, þá
15 sigldi byrðingr móti þeim. Var þat skip auðkent; þat var hlýrbirt, steint bæði hvítum steini ok rauðum; þeir höfðu segl stafat með vendi. Þá mælti Karli við Ásmund: Opt ræðir þú um, at þér sé forvitni mikil á at sjá hann Ásbjörn selsbana; eigi kann ek skip at kenna, ef eigi siglir
20 hann þar. Ásmundr svarar: Ger svá vel, lagsmaðr! seg mér til, ef þú kennir hann. Þá rendust hjá skipin, ok mælti Karli: Þar sitr hann Selsbani við stýrit í blám kyrtli. Ásmundr svarar: Ek skal fá honum rauðan kyrtli. Síðan skaut hann Ásmundr at Ásbirni selsbana spjóti, ok
25 kom á hann miðjan; flaug í gegnum hann, svá at fast stóð fram í höfðafjölinni. Féll Ásbjörn dauðr frá stýrinu. Fóru síðan hváirtveggju leiðar sinnar. Fluttu þeir lík Ásbjarnar norðr á Þrándarnes. Lét þá Sigríðr senda eptir Þóri hund til Bjarkeyjar. Kom hann til, er búit var um
30 lík Ásbjarnar eptir sið þeira. En er þeir fóru í brott, valdi Sigríðr vinum sínum gjafir. Hon leiddi Þóri til skips. En áðr þau skildist, mælti hon: Svá er nú, Þórir! at Ásbjörn son minn hlýddi ástráðum þínum. Nú vannst honum eigi líf til at launa þat, sem vert var; nú þótt ek
35 sjá verr til foer, en hann mundi vera, þá skal ek þó hafa

vilja til. Nú er hér gjöf, er ek vil gefa þér, ok vilda ek, at þér kvæmi vel í hald. Þat var spjót. Hér er nú spjót þat, er stóð í gegnum Ásbjörn son minn, ok er þar enn blóði á; máttu þá heldr muna, at þat mun hefast ok sár þat, er þú sátt á Ásbirni bróðursyni þínum. Nú yrði þér þá sköðuliga, ef þú létir þetta spjót svá af höndum, at þat stœði í brjósti Ólafi digra. Nú mæli ek þat um, segir hon, at þú verðir hvers manns nðingr, ef þú hefnir eigi Ásbjarnar. Sneri hon þá í brott. Þórir varð svá reiðr orðum hennar, at hann mátti engu svara, ok eigi gáði hann spjót 10 laust at láta, ok eigi gáði hann bryggjunnar, ok mundi hann ganga á kaf, ef eigi tœki menn til hans ok styddi ham, er hann gékk út á skipit. Þat var málaspjót eigi mikit, ok gullrekinn færinna á. Reru þeir Þórir þá í brott, ok heim til Bjarkeyjar. Ásmundr ok þeir félagar fóru leið 15 sína, til þess er þeir kómu suðr til Þrándheims ok á fund Ólafs konungs. Sagði Ásmundr þá konungi, hvat til tíðinda hafði gerzt í förum hans. Gerðist Karli hirðmaðr konungs. Héldu þeir Ásmundr vel vináttu sinni. En orðtók þau, er þeir Ásmundr ok Karli höfðu mælt við, áðr víg Ásbjarnar varð, þá fór þat eigi leynt, því at þeir sjálfir sögðu konungi frá því. En þar var sem mælt er, at hverr á vin með úvinum. Váru þeir þar sumir, er slíkt hugfestu, ok þaðan af kom þat til Þóris hunds.

Frá Ólafi konungi.

133. Ólafr konungr bjóst um várit, er á leið, ok bjó skip sín. Síðan fór hann um sumarit suðr með landi, átti þing við bæendr, sætti menn, ok síðaði land; tók ok konungs skyldir hvar sem hann fór. Fór konungr um sumarit alt austr til landsenda. Hafði Ólafr konungr þá kristnat land, 20 þar sem stórherrað vart. Þá hafði hann ok skipat lögum um land alt. Hann hafði þá ok lagt undir sik Orkneyjar, svá sem fyrr var sagt. Hann hafði ok haft orðsendingar ok gert sér marga vini bæði á Íslandi ok Groenlandi, ok

svá í Færeyjum. Ólafr konungr hafði sent til Íslands kirkjuvið; ok var sú kirkja ger á Þingvelli, þar er alþingi er. Hann sendi með klukku mikla, þá er enn er þar. Þat var þá eptir, er Íslendingar höfðu fært lög sín, ok sett kristinn rétt, eptir því sem orð hafði til send Ólafr konungr. Síðan fóru af Íslandi margir metorðamenn, þeir er handgengnir gerðust Ólafi konungi. Þar var Þorkell Eyjólfsson, Þorleikr Bollason, Þórðr Kolbeinsson, Þórðr Barkarson, Þorgeirr Hávarsson, Þormóðr Kolbrúnarskáld.

10 Ólafr konungr hafði sent vingjafir mörgum höfðingjum til Íslands; en þeir sendu honum þá hluti, er þar féngust, ok þeir væntu, at honum mundi þykkja helzt sending í. En í þessu vináttumarki, er konungr gerði til Íslands, bjoggu enn fleiri hlutir, þeir er síðan urðu berir.

15 *Frá orðsending Ólafs konungs til Íslands ok ráðagerð Íslendinga.*

134. Ólafr konungr sendi þetta sumar Þórarin Nefjólfs-son til Íslands með erendum sínum, ok hélt Þórarinn skipi sínu þá út or Þrándheimi, er konungr fór, ok fylgði honum suðr á Mæri. Sigldi Þórarinn þá á haf út, ok fékk svá mikit hraðbyri, at hann sigldi á átta dægum til þess er hann tók Eyrar á Íslandi; ok fór þegar til alþingis, ok kom þar er menn váru at Lögbergi; gekk þegar til Lögbergs. En er menn höfðu þar mælt lögskil, þá tók Þórarinn til máls Nefjólfs-son: Ek skildumst fyrir fjórum nóttum við Ólaf konung Haraldsson; sendi hann kveðju hingat til lands öllum höfðingjum ok landastjórnarmönnum, ok þar með allri alþýðu karla ok kvenna, ungum mönnum ok gömlum, sælum ok veslum, guðs ok sína, ok þat með, at hann vill vera yðarr dróttinn, ef þér vilit vera hans þegnar, en hvárir annarra vinir ok fulltingsmenn til allra góðra hluta. Menn svöruðu vel máli hans; kváðust allir þat fegnir vilja, at vera vinir konungs, ef hann væri vinr hérlandsmanna. Þá tók Þórarinn til máls: Þat fylgir kveðjusending kon-

búit; ok urðu engar utanferðir á því sumri. En Þórarinn fór tvívegis um sumarit, ok kom um haustit á fund Ólafs konungs, ok sagði honum sitt erendi, slíkt er orðit var, ok svá þat með, at höfðingjar mundu koma af Íslandi, svá sem hann hafði orð til sent, eða synir þeira elligar. 5

Frá Færeyjum.

136. Þat sama sumar kom utan af Færeyjum til Noregs, at orðsending Ólafs konungs, Gilli lögsögumaðr, Leifr Özurarson, Þórálfr or Dímun, ok margir aðrir bóndasynir. En Þrándr í Gøtu bjóst ok til ferðar, en er hann 10 var búinn mjök, þá tók hann fellisótt, þá er hann var hvergi færr, ok dvaldist hann eptir. En er þeir Færeyingar kómu á fund Ólafs konungs, þá kallaði hann þá á tal, ok átti stefnu við þá; lauk hann þá upp við þá erendi þau, er undir bjoggu ferðinni, ok segir þeim, at hann vill hafa 15 skatt af Færeyjum, ok þat með, at Færeyingar skyldu hafa þau lög, sem Ólafr konungr setti þeim. En á þeiri stefnu fannst þat á orðum konungs, at hann mundi taka festu til þessa máls af þeim færeyskum mönnum, er þá váru þar komnir, ef þeir vildi þat sáttmál swardögum binda; bauð 20 þeim mönnum, er honum þóttu þar ágæztir, at þeir skyldu gerast honum handgengnir ok þiggja af honum metorð ok vináttu; en þeim hinum færeyskum virðust svá orð konungs, sem grunr mundi á vera, hvernug þeira mál mundi snúast, ef þeir vildi eigi undir þat alt ganga, sem konungr beiddi 25 þá. En þó at til þessa máls yrði fleiri stefnulög, áðr en þat lyktist, þá varð þat framgengt alt, er konungr beiddist. Géngu þeir til handa konungi, ok gerðust hirðmenn hans, Leifr ok Gilli ok Þórálfr. En allir þeir forunautar veittu swardaga Ólafi konungi til þess, at halda í Færeyjum þau 30 lög ok þann landsrétt, sem hann setti þeim, ok skattgildi þat, er hann kvað á. Síðan bjoggust þeir hinir færeysku til heimferðar. En at skilnaði veitti konungr þeim vingjafir, er honum höfðu handgengnir gerzt. Fara þeir ferðar sinnar

þá er þeir váru búnir. En konungr lét búa skip ok fékk manna til, ok sendi þá menn til Færeyja, at taka þar við skatti þeim, er Færeyingar skyldu gjalda honum. Þeir urðu ekki snembúnir, ok fóru er þeir váru búnir; ok er frá ferð þeira þat at segja, at þeir koma eigi aptr, ok engi skattr á því sumri, er næst var eptir; því at þeir höfðu ekki komit til Færeyja, hafði þar ok engi maðr skatt heimtan.

Kvánfang Ketils ok Þórðar.

137. Ólafr konungr fór um haustit inn í Víkina, ok gerði orð fyrir sér til Upplanda, ok lét bjóða veizlur, því at hann ætlar sér um vetrinn at fara um Upplönd; síðan byrjar hann ferðina ok fór til Upplanda. Dvaldist Ólafr konungr þann vetr á Upplöndum, fór þar at veizlum, ok leiðrétti þá hluti þar, er honum þótti ábóta vant; samdi þá þar enn kristnina, er honum þótti þurfa. Þat gerðist til tíðinda, þá er Ólafr konungr var á Heiðmörk, at Ketill kálfr af Hringunesi hóf upp bónorð sitt; hann bað Gunnhildar dóttur Sigurðar sýr ok Ástu; var Gunnhildr systir Ólafs konungs, átti konungr svör ok forráð máls þess. Hann tók því vænliga; var þat fyrir þá sök, at hann vissi um Ketil, at hann var ættstórr ok auðigr, vitr maðr ok höfðingi mikill; hann hafði ok lengi áðr verit vinr Ólafs konungs mikill, svá sem hér er fyrr sagt. Þat alt saman bar til þess, at konungr unni ráðs þessa Katli. Var þetta fram- gengt, at Ketill fékk Gunnhildar. Var Ólafr konungr at þessi veizlu. Ólafr konungr fór norðr í Guðbrandsdala, ok tók þar veizlur. Þar bjó sá maðr, er hét Þórðr Gutthormsson, á bœ þeim er á Steig heitir. Þórðr var maðr ríkastr í hinn nørðra hlut Dala. En er þeir konungr hittust, þá hóf Þórðr upp bónorð sitt, ok bað Ísríðar Guðbrandsdóttur móðursystur Ólafs konungs. Átti þar konungr svör þessa máls. En er at þeim málum var setit, þá var þat af ráðit, at þau ráð tókust, ok fékk Þórðr Ísríðar. Gerðist hann síðan öluðarvinr Ólafs konungs, ok þar með

margir aðrir frændr Þórðar ok vinir, þeir er eptir honum hurfu. Fór Ólafr konungr þá aptr suðr um Þótn ok Haðaland, þá á Hringaríki ok þaðan út í Víkina. Fór hann um vart til Túpsbergs, ok dvaldist þar lengi, meðan þar var kaupstefna mest ok tilflutning. Lét hann þá búa skip sín, 5 ok hafði með sér fjölmenni mikit.

Frá Íslendingum.

138. Sumar þetta kom af Íslandi at orðsending Ólafs konungs Steinn son Skapta lögsögumanna, Þórðdr son Snorra goða, Gellir son Þorkels Eyjólfssonar, Egill son 10 Síðuhalls, bróðir Þorsteins. Guðmundr Eyjólfsson hafði andast áðr um vetrinn. Þeir hinir íslenzku mean fóru þegar á fund Ólafs konungs, er þeir máttu við komast. En er þeir hittu konung, féngu þeir þar góðar viðtökur, ok váru allir með honum. Þat sama sumar spurði Ólafr kon- 15 ungr, at skip þat hafði horfit, er hann hafði sent til Færeyja eptir skatti hit fyrra sumar, ok þat hafði hvergi til landa komit, svá at spurt væri. Konungr fékk þá til skip annat, ok þar menn með, ok sendi til Færeyja eptir skatti. Fóru þeir menn ok létu í haf, en síðan spurðist ekki til þeira 20 heldr en til hinna fyrri, ok váru þar margar getur á, hvat af skipum þeim mundi orðit.

Upphaf Knúts ríka.

139. Knútr hinn ríki, er sumir kalla hinn gamla Knút, hann var konungr í þann tíð yfir Englandi ok yfir 25 Danaveldi. Knútr ríki var son Sveins tjúguskeggs Haraldssonar. Þeir langfeðgar höfðu ráðit langa ævi fyrir Danmörku. Haraldr Gormsson, föðurlaðir Knúts, hafði eignast Noreg eptir fall Haralds Gunnhildarsonar, ok tekit af skatta, sett þar til landagæzlu Hákon jarl hinn ríka. 30 Sveinn Danakonungr son Haralds réð ok fyrir Noregi, ok setti yfir til landagæzlu Eirík jarl Hákonarson. Réðu þeir bræðr þá landi ok Sveinn Hákonarson, til þess er

Eiríkr jarl fór vestr til Englands at erðsending Knúts
hins ríka mágs síns, en setti þá eptir til ríkis í Noregi
Hákon jarl son sinn ok aysturson Knúts hins ríka. En
síðan er Ólafr digri kom í Noreg, þá tók hann fyrst
5 höndum Hákon jarl ok setti hann af ríki, svá sem fyrr er
ritat. Fór þá Hákon til Knúts móðurbróður síns, ok hafði
verit síðan með honum alla stund, til þess er hér er komit
sögunni. Knútr hinn ríki hafði unnit England með orrostum
ok barizt til, ok hafði langt starf áðr en landsfólk hefði
10 honum hlýðit orðit. En er hann þóttist fullkominn þar til
landsatjórnar, þá mintist hann, hvat hann þóttist eiga þess
ríkis, er hann hafði eigi sjálf varðveizlu yfir, en þat var í
Noregi. Hann þóttist eiga at erfðum Noreg allan, en
Hákon systurson hans þóttist eiga suman, ok þat með, at
15 hann þóttist með svivirðing látit hafa. Sá var ok einn
hlutr til þess, er þeir Knútr ok Hákon höfðu kyrru haldit
um tilkall í Noreg, at þá fyrst er Ólafr konungr Haralds-
son kom í land, hljóp upp allr múgr ok margmenn, ok
vildi ekki heyra annat, en Ólafr skyldi vera konungr yfir
20 landi öllu; en þá síðan, er menn þóttust verða sjálfráðir
fyrir ríki hans, þá leituðu sumir í brott or landi; höfðu farit
mjök margir ríkismenn á fund Knúts konungs, eða ríkra
bóndaþsynir, ok gefit sér ýmist til erenda; en hverr þeira,
er kom á fund Knúts konungs ok hann vildi þýðast, þá
25 féngu allir af honum fullar hendr fjár. Mátti þar ok sjá
tign miklu meira en í öðrum stöðum, bæði at fjölmenni
því, er þar var síðcegris, ok umbúnaði þeim öðrum, er þar
var í þeim herbergjum, er hann átti ok hann var sjálf í.
Knútr hinn ríki tók skatt ok skyld af þeim þjóðlöndum, er
30 auðgust váru á Norðrlöndum; en þeim mun öllum er hann
átti meiri skyldir at taka en aðrir konungar, þá gaf hann ok
því öllu meira en hverr konunga annarra. Í öllu ríki hans
var friðr svá góðr, at engi þorði þar á at ganga; en sjálfir
landsmenn höfðu frið ok fornæn landsrétt. Af slíku fékkst
35 honum frægð mikil um öll lönd. En þeir er af Noregi

kómu, kærðu úfrelsi sitt margir, ok tjáðu þat fyrir Hákoní jarli, en sumir fyrir sjálfum Knúti konungi, at Noregs menn mundu þá vera búnir til at hverfa aptr undir Knút konung ok jarl, ok þiggja af þeim frelsi sitt. Þessar ræður féllu jarli vel í skap, ok kærði hann þat fyrir konungi, ok 5 bað hann leita eptir, ef Ólafr konungr vildi uppgefa ríkit fyrir þeim, eða miðla með sáttmáli nokkuru. Váru hér margir flutningsmenn með jarli í sinni.

Frá sendimönnum Knúts konungs.

140. Knútr hinn ríki sendi menn vestan af Englandi 10 til Noregs, ok var þeira ferð búin allvegliga; höfðu þeir bréf ok innsigli Englakonungs. Þeir kómu á fund Ólafs Haraldssonar Noregs konungs um várit í Túsbergi. En er konungi var sagt, at þar váru komnir sendimenn Knúts konungs hins ríka, þá varð hann styggr við, segir svá, at 15 Knútr mundi enga menn þangat senda með þeim erendum, er honum eða hans mönnum mundi gagn í vera, ok var þat nokkura daga, er sendimenn náðu ekki fundi konungs. En er þeir féngu lof til at mæla við hann, þá géngu þeir fyrir konung ok báru fram bréf Knúts konungs, ok sögðu 20 erendi þau sem fylgðu, at Knútr konungr kallar sína eign á Noregi öllum ok telr, at hans forellrar hafa þat ríki haft fyrir honum; en fyrir þeim sökum, at Knútr konungr vill frið bjóða til allra landa, þá vill hann eigi herskildi fara til Noregs, ef annars er af kost: en ef Ólafr konungr Haralds- 25 son vill vera konungr yfir Noregi, þá fari hann á fund Knúts konungs, ok taki landit í lén af honum, ok gerist hans maðr, ok gjaldi honum skatta slíka, sem jarlar guldu fyrr. Síðan báru þeir bréf fram, ok sögðu þau alt slíkt hit sama. Þá svarar Ólafr konungr: Þat hefi ek heyrt sagt 30 í fornum frásögnum, at Gormr Danakonungr þótti vera gildr þjóðkonungr, ok réð hann fyrir Danmörku einni; en þessum Danakonungum, er síðar hafa verit, þykkir þat ekki einhlítt. Er nú svá komit, at Knútr ræðr fyrir Danmörku

ok fyrir Englandi, ok hefir hann þó nú undir sik brotit mikinn hluta Skotlands. Nú kallar hann til ættleifðar minnar í hendr mér. Kunna skyldi hann hóf at um síðir um ágirni sína, eða hvárt mun hann einn ætla at ráða fyrir öllum
5 Norðrlöndum, eða mun hann einn ætla at eta kál alt á Englandi? Fyrr mun hann því afla, en ek fœra honum höfuð mitt, eða veita honum lotning né eina. Nú skulut þér segja honum þau mín orð, at ek mun verja oddi ok eggju Noreg, meðan mér endast lífdagar til, en gjalda
10 engum manni skatt af ríki mínu. Eptir þenna orskurð bjoggust á brott sendimenn Knúts konungs, ok váru eigi erendi fegnir. Sigvatr skáld hafði verit með Knúti konungi, ok gaf Knútr konungr honum gullbring, þann er stóð hálfa mörk. Þá var ok þar með Knúti konungi Bersi Skáldtorfuson,
15 ok gaf Knútr konungr honum tvá gullhringa, ok stóð hvárr hálfa mörk, ok þar með sverð búit. Svá kvað Sigvatr:

Knútr hefir okkr hinn ítri alldáðgöfugr báðum hendr, er hilmi fundum, 20 hún! skrautliga búnar;	þér gaf hann mörk eða meira, margvittr, ok hjör bitran, gulls, ræðr gerva öllu guð sjálfr, en mér hálfa.
--	---

Sigvatr gerði at athvarfi við sendimenn Knúts konungs, ok spurði þá margra tíðinda. Þeir sögðu honum slíkt er hann spurði af viðræðum þeira Ólafs konungs, ok svá frá erendislokum þeira. Þeir segja, at konungr hefði þungliga tekit
25 þeira málum: ok vitum vér eigi, segja þeir, af hverjum hann hefir traust til slíks, at neita því at gerast maðr Knúts konungs ok fara á fund hans; ok mundi sá hans kostr beztr, því at Knútr konungr er svá mildr, at aldri gera höfðingjar svá stórt til við hann, at eigi gefi hann
30 þat alt upp, þegar er þeir fara á fund hans ok veita honum lotning; var þat nú fyrir skömmu, at til hans kómu tveir konungar norðan af Skotlandi af Fífi, ok gaf hann þeim upp reiði sína, ok lönd þau öll, er þeir höfðu áðr átt, ok þar með stórar vingjafir. Þá kvað Sigvatr:

Hafa allframir jöfrar	seldi Ólafr aldri,
út sín höfuð Knúti	opt. vá sigr hinn digri,
foerð or Fífi norðan,	haus í heimi þvísa
fríðkaup var þat, miðju;	hann engum svá manni.

Sendimenn Knúts konungs fóru aptr leið sína, ok byrjaði þeim vel um hafit. Fóru þeir síðan á fund Knúts konungs, ok sögðu honum erendislok sín, ok svá þau ályktarorð, er Ólafr konungr mælti síðarast við þá. Knútr konungr svarar: Eigi getr Ólafr konungr rétt, ef hann ætlar, at ek muna einn vilja eta kál alt á Englandi; ek munda vilja heldr, at hann fynni þat, at mér býr fleira innan rifja en kál eitt; því at héðan skulu honum köld ráð koma undan hverju rífi. Þat sama sumar kómu af Noregi til Knúts konungs Áslákr ok Skjálgur synir Erlings af Jaðri, ok féngu þar góðar viðtökur; því at Áslákr átti Sigríði dóttur Sveins jarls Hákonarsonar. Váru þau bræðrabörn ok Hákon jarl Eiríksson. Fékk Knútr konungr þeim bræðrum veizlur stórar þar með sér, ok váru mikils virðir.

Samband Ólafs konungs ok Önundar Svíakonungs.

141. Ólafr konungr stefndi til sín lendum mönnum sínum, ok fjölmenti mjök um sumarit; því at þau fóru orð um, at Knútr hinn ríki mundi fara vestan af Englandi um sumarit. Þóttust menn þat spyrja af kaupskipum, þeim er vestan kómu, at Knútr mundi saman draga her mikinn á Englandi. En er á leið sumarit, þá sannaði annarr, en annarr synjaði, at herra mundi koma. En Ólafr konungr var um sumarit í Víkinni ok hafði menn á njósn, ef Knútr konungr kvæmi til Danmerkr. Ólafr konungr sendi menn um haustit austr til Svíþjóðar á fund Önundar konungs mágs síns, ok lét segja honum orðsendingar Knúts konungs ok tilkall, þat er hann hafði við Ólaf um Noreg, ok lét þat fylgja, at hana hugði, ef Knútr legði Noreg undir sik, at Önundr mundi litla hríð þaðan í frá hafa í fríði Svíaveldi, ok kallaði þat ráð, at þeir Önundr byndi saman ráð sín ok risi í

móti, ok sagði, at þá skorti eigi styrk til at halda deilu við Knút konung. Önundr konungr tók vel orðsending Ólafs konungs, ok sendi þau orð í mót, at hann vill leggja félagskap af sinni hendi við Ólaf konung, svá at hvárr þeira veiti öðrum styrk af sínu ríki, hvárr sem fyrr þarf. Þat var ok í orðsending milli þeira, at þeir skyldu finnst ok ætla ráð fyrir sér. Ætlaði Önundr konungr at fara um vetrinn eftir yfir vestra Gautland; en Ólafr konungr efnaði sér til vetrsetu í Sarpsborg.

Sending Knúts ríka til Önundar konungs.

142. Knútr hinn ríki kom þat haust til Danmerkr, ok sat þar um vetrinn með fjölmenni mikit. Honum var sagt, at menn ok orðsendingar hefði farit milli Noregs konungs ok Svíakonungs, ok þar mundi stórræði undir búa. Knútr konungr sendi menn um vetrinn til Svíþjóðar á fund Önundar konunga, sendi honum stórar gjafir ok vinnmæli; segir svá, at hann mætti vel kyrr sitja um deilur þeira Ólafs digra; því at Önundr konungr, segir hann, ok ríki hans skal í friði vera fyrir mér. En er sendimenn kómu á fund Önundar konunga, þá báru þeir fram gjafir þær, er Knútr konungr sendi honum, ok vináttu hans með. Önundr konungr tók þeim ræðum ekki fljótt, ok þóttuist sendimenn þat á finna, at Önundr konungr mundi vera mjök snúinn til vináttu við Ólaf konung. Fóru þeir aptr ok segja Knúti konungi erendislok sín, ok þat með, at þeir báðu hann engrar vináttu vænta af Önundi konungi.

Bjarmalands ferð.

143. Vetr þenna sat Ólafr konungr í Sarpsborg, ok hafði fjölmenni mikit. Þá sendi hann Karla hinn háleyska norðr í land með erendum sínum. Fór Karli fyrst til Upplanda, síðan norðr um fjall; kom fram í Niðarósi, tók þar fé konungs, svá mikit sem hann hefði orð til send, ok skip gott, þat er honum þótti vel til fallit ferðar þeirar,

er konungr hafði fyrir ætlat; en þat var at fara til Bjarm-
alande norðr; var svá ætlat, at Karli skyldi hafa félag
konungs ok eiga hált fé hvárr við annan. Karli hélt
skipinu norðr á Hálogaland snemma um várit. Réðst þá
til ferðar með honum Gunnsteinn bróðir hans, ok hafði 5
hann sér kaupeyri. Þeir váru nær hálfum þriðja tigi manna
á skipi því. Fóru þegar um várit snemmendis norðr á
Mörkina. Þórir hundr spurði þetta; þá gerði hann menn
ok orðsending til þeira bræðra, ok þat með, at hann ætlar
at fara um sumarit til Bjarmalands; vill hann, at þeir hafi 10
samflot ok hafi at jafnaði þat er til fengjar verðr. Þeir
Karli senda þau orð at móti, at Þórir skuli hafa 25 menn,
svá sem þeir höfðu; vilja þeir þá, at af fé því er fæst, sé
skipt at jafnaði milli skipanna, fyrir utan kaupeyri þann,
er menn höfðu. En er sendimenn Þóris kómu aptr, þá 15
hafði hann fram látit setja langskip, búzu mikla, er hann
átti, ok látit búa. Hann hafði til skips þess húskarla sína,
ok váru á skipinu nær átta tigum manna. Hafði Þórir
einn forráð liðs þess, ok svá aflan þá alla, er féngist í
ferðinni. En er Þórir var búinn, hélt hann skipi sínu norðr 20
með landi, ok hitti þá Karla norðr í Sandveri. Síðan fóru
þeir allir saman, ok byrjaði vel. Gunnsteinn roeddi við
Karla bróður sinn, þegar er þeir Þórir hittust, at honum
þótti Þórir vera hólzti fjölmeðr: ok ætla ek, segir hann,
at þat væri ráðligr, at vér snerim aptr ok fœrim ekki 25
svá, at Þórir ætti alla kosti við oss; því at ek trúi honum
illa. Karli segir: Eigi vil ek aptr hverfa; en þó er þat
satt, ef ek hefða vitat, þá er vér várum heima í Langey,
at Þórir hundr mundi koma í ferð vára með lið svá mikit,
sem hann hefir, at vér mundum hafa haft fleiri menn með 30
oss. Þeir bræðr roeddu þetta við Þóri; spurðu, hverju þat
gegndi, er hann hafði menn miklu fleiri með sér, en svá
sem orð höfðu um farit. Hann svarar svá: Vér höfum
skip mikit ok liðskylft; þykki mér í háskaförum slíkum
eigi góðum dreng aukit. Fóru þeir um sumarit optast 35

þannug, sem skipin géngu til. Þá er byrlétt var, gékk meira skipit þeira Karla; sigldu þeir þá undan. En þá er hvassara var, sóttu þeir Þórir þá eptir. Váru þeir sjaldan allir saman, en vissust þó til jafnan. En er þeir
5 kómu til Bjarmalands, þá lögðu þeir til kaupstaðar. Tókst þar kaupstefna; féngu þeir menn allir fullræði fjár, er fé höfðu til at verja. Þórir fékk of grávöru ok bjór ok safala. Karli hafði ok allmikit fé, þat er hann keypti með skinnavöru mikla. En er þar var lokit kaupstefnu, þá
10 héldu þeir út eptir ánni Vinu. Var þá í sundr sagt friði við landsmenn. En er þeir koma til hafs út, þá eigu þeir skiparastefnu; spyrir Þórir, ef mönnum sé nökkurr hugr á at ganga upp á land ok fá sér fjár. Menn svöruðu, at þess váru fúsir, ef feföng lægi brýn við. Þórir sagði, at
15 fé mundi fást, ef ferð sú tækist vel, en eigi úvænt, at mannhætta gerist í förinni. Allir sögðu, at til vildu ráða, ef fjárván væri. Þórir sagði, at þannug væri þar háttat, þá er anðgir menn öndudust, at lausafé skyldi skipta með hinum dauða ok örfum hans; skyldi hann hafa hálft eða þriðjung,
20 en stundum minna; þat fé skyldi bera út í skóga, stundum í hauga, ok ausa við moldu; stundum váru hús at ger. Hann sagði, at þeir skyldi búast til ferðarinnar at kveldi dags. Svá var mælt, at engi skyldi renna frá öðrum, engi skyldi ok eptir vera, þá er stýrimenn segði, at í
25 brott skyldi. Þeir létu menn eptir at gæta skipa, en þeir géngu á land upp. Váru fyrst vellir aléttir, en þar næst mörk mikil. Þórir gékk fyrir, en þeir bræðr Karli ok Gunnsteinn síðast. Þórir bað menn fara hljóðsamliga: ok hleypit af trjánum berki, svá at hvert tré sé frá öðru.
30 Þeir kómu fram í rjóðr eitt mikit, en í rjóðrinu var skíðgarðr hár, hurð fyrir ok læst. Sex menn af landsmönnum skyldu vaka yfir skíðgarðinum hverja nótt, sinn þriðjung hverir 2. Þá er þeir Þórir kómu til skíðgarðsins, váru vöku-
menn heim gengnir, en þeir er þar næst skyldu vaka, váru
35 eigi komnir á vörðinn. Þórir gékk at skíðgarðinum, ok

krotkti upp á öxinni, las sik upp eptir; fór svá inn um
 garðinn öðrum megin hliðsins. Hafði Karli þá ok komizt yfir
 garðinn öðrum megin hliðsins. Kómu þeir Þórir ok Karli
 jafninnama til hurðarinnar, tóku þá frá slagbranda ok luku
 upp hurðina. Gengu menn þá inn í garðinn. Mælti Þórir: 5
 Í garði þessum er hægri, brætt alt satnan, gull ok silfr ok
 mold; skulu menn þar til ráða; en í garðinum stendr goð
 Bjarma, er heitir Jómali; verði engi svá djafur, at hann
 ræni. Síðan ganga þeir á hauginn, ok tóku fé sem mest
 máttu þeir, ok báru í klæði sín; fylgði þar mold mikil, 10
 sem vax var. Síðan mælti Þórir, at menn skyldu í brott
 fara; segir hann svá: Nú skulut þit bræðr, Karli ok Gunn-
 steinn, fyrstir fara, en ek mun síðast. Sneru þeir þá
 allir út til hliðsins. Þórir veik aþtr til Jómala ok tók
 silfrbolla, er stóð í kújam honum; hann var fullr af silfr- 15
 penningum; steypti hann silfrinu í kilting sína, en dró á
 hönd sér höddu, er yfir var bolhanum; gekk þá út til
 hliðsins. Þeir forunautar vǫru þá komnir allir út or skíð-
 garðinum; urðu þá vǫrir við, at Þórir hafði eptir dvalizt.
 Karli hvarf aþtr at leita hans, ok hittust þeir fyrir innan hliðit; 20
 sá Karli, at Þórir hafði þar silfrbollann. Síðan rann Karli
 at Jómalanum; hann sá, at dǫgrt men var á hálsi honum.
 Karli reiddi til öxina, ok hjó í sundr tygilinn aptan á
 hálsinum, er menit var fest við. Varð högg þat svá mikit,
 at höfuðit brast af Jómala; varð þá brestr svá mikill, 25
 at öllum þeim þótti undr at. Tók Karli menit; fóru
 þeir þá í brott. En jafnskjótt sem brestrinn hafði orðit,
 kómu fram í rjóðrit varðmenninir, ok blésu þegar í horn
 sín; því næst heyrðu þeir lúðragang alla vega frá sér.
 Sóttu þeir þá fram at skóginum, ok í skóginn, en heyrðu 30
 til rjóðrsins aþtr óp ok kall. Vǫru þá Bjarmar komnir.
 Þórir hundr gekk síðast allra manna liðs síns; tveir menn
 gengu fyrir honum, ok báru milli sín sekk; þar var í því
 líkast sem aska; þar tók Þórir í hendi síni, ok seri því
 eptir í slóðina; stundum kastaði hann því fram yfir liðit. 35

Fóru svá fram er skóginum á völlum. Þeir heyrðu, at herra Bjarna fór eftir þeim með kalli ok gaulun iðligri. Þustu þeir þá fram er skóginum eftir þeim, ok svá á tvær hliðar þeim; en hvergi komu Bjarnar svá nær þeim, 5 eða vápn þeira, at mein yrði at; en þat könnuðu þeir af, at Bjarnar sæi þá eigi. En er þeir komu til skipanna, þá gengu þeir Karli fyrstir á skip; því at þeir váru fremstir áðr, en Þórir var lengst á landinu. Þegar er þeir Karli komust á skip sitt, köstuðu þeir tjöldum af sér ok slógu 10 festum; síðan drógu þeir segl sitt upp; gékk skipit brátt út á hafð. En þeim Þóri tókst alt seinna; var skip þeira óauðráðnara. En er þeir tóku til segls, þá váru þeir Karli komnir langt undan landi. Sigldu þá hváirtveggju yfir Gandvík. Nótt var þá enn ljós; sigldu hváirtveggju 15 bæði nætr ok daga, alt til þess, er þeir Karli lögðu aptandags at eyjum nökkurum; lögðu þar segl, ok köstuðu akkerum, ok biðu þar straumfalls; því at röst mikil var fyrir þeim. Þá koma þeir Þórir eftir; leggjast þeir ok um akkeri. Síðan skutu þeir báti; gékk Þórir á, ok menn 20 með honum, ok reru þeir þá til skips þeira Karla; gékk Þórir upp á skipit. Þeir bræðr heilsuðu honum vel. Þórir bað Karla selja sér menit: Þykkjumst ek makligastr at hafa kostgrip, þá er þar váru teknir; því at mér þóttut þér mín njóta, er undankváma var með engum mannháska; en 25 mér þóttir þú, Karli! stýra oss til hins mesta geigs. Þá sagði Karli: Ólafr konungr á fé þat alt at helmingi, er ek afla í ferð þessi; nú ætla ek honum menit; far þú á fund hans, ef þú vill; kann þá vera, at hann fái þér menit, ef hann vill fyrir því eigi hafa, er ek tók þat af Jómalanum: 30 Þá svarar Þórir, ok sagði, at hann vill, at þeir fari upp á eyna ok skipti fengi sínu. Gunnsteinn segir, at þá skipti straumum, ok mál væri at sigla. Síðan draga þeir upp strengi sína. En er Þórir sá þat, fór hann ofan í bátinn; reru þeir til skips síns. Þeir Karli höfðu þá dregit segl 35 sitt, ok váru langt komnir, áðr þeir Þórir hefði uppkomit

sínu segli. Fóru þeir þá svá, at þeir Karli sigldu ávalt fremri, ok höfðu við hváirtveggju alt slíkt er máttu. Þeir fóru svá til þess er þeir kómu í Geirsver; þar er bryggjulægi fyrst er norðan ferr. Þar kómu þeir hváirtveggju aptan dags, ok lögðu þar til hafnar í bryggjulægi. Lágu 5 þeir Þórir inn í höfninni, en þeir Karli váru í utanverðri höfninni. En er þeir Þórir höfðu tjaldat, þá gékk hann á land upp, ok þeir menn mjök margir saman; fóru þeir til skips Karla. Höfðu þeir þá umbúizt. Þórir kallaði út á skipit, ok bað stýrimenn á land ganga. Þeir bræðr géngu 10 á land, ok nökkurir menn með þeim. Þá hóf Þórir hina sömu ræðu sem fyrr, at hann bað þá á land ganga ok bera fé til skiptis, er þeir höfðu tekit at herfangi. Þeir bræðr sögðu, at engi væri nauðsyn á því, fyrr en þeir kvæmi heim í byggð. Þórir segir, at þat var eigi siðvenja, 15 at skipta herfangi eigi fyrr en heima, ok hætta svá til um einörð manna. Þeir ræddu um þetta nökkurum orðum, ok þótti sinn veg hvarum. Þá sneri Þórir í brott. Ok er hann var skamt genginn, þá veik hann aptr ok mælti, at forunautar hans skyldu bíða þar. Hann kallar á Karla: 20 Ek vil mæla við þik einmæli, segir hann. Karli gékk í móti honum. En er þeir hittust, lagði Þórir spjóti til hans á honum miðjum, svá at í gegnum stóð. Mælti þá Þórir: Kenna máttu þar, Karli! einn Bjarkeyinginn; hugða ek ok, at þú skyldir kenna spjótit Selshefni. Karli dó þegar. En 25 þeir Þórir géngu aptr til skipsins. Þeir Gunnsteinn sá fall Karla; runnu þeir þegar til ok tóku lík hans, báru til skips síns; brugðu þegar tjöldum ok bryggjum, ok heimtust út frá landi. Síðan drógu þeir segl, ok fóru leið sína. Þeir Þórir sá þat. Þá reka þeir tjöld af sér ok búast sem 30 ákafligast. En er þeir drógu seglit, þá gékk í sundr stagit; fór seglit ofan þverskipa. Varð þeim Þóri þat dvöl mikil, áðr þeir kvæmi upp öðru sinni seglinu. Váru þeir Gunnsteinn þá langt komnir, er skriðr var at skipi Þóris. Gerðu þeir Þórir bæði, sigldu ok reru undir. Slíkt sama gerðu 35

þeir Gunnsteinn. Fóru þá hvarirtveggju sem ákaflegast
 dag ok nótt. Dró seint saman með þeim, því at þegar er
 eyjasundin tóku til, þá varð mjúkara at víkja Gunnsteins
 skipi; en þó drógu þeir Þórir eptir, svá at þá er þeir
 5 Gunnsteinn kómu fyrir Lengjuvík, þá snúa þeir þar at
 landi, ok hljópu af skipinu ok á land upp. En litlu síðar
 koma þeir Þórir þar, ok hlaupa upp eptir þeim ok elta
 þá. Kona ein gat hólpit Gunnsteini ok fólgt hann; ok er
 svá sagt, at sú væri fjölkunnig mjök; ok fóru þeir Þórir
 10 aþr til skips; tóku fé þat alt, er á var skipinu Gunnsteins,
 en báru grjót í staðinn; fluttu skipit út á fjörðinn, hjoggu
 á raufar ok söktu niðr. Síðan fóru þeir Þórir heim til
 Bjarkeyjar. Þeir Gunnsteinn fóru fyrst mjök huldu höfði;
 fluttust á smábátum, fóru um nætr, en lágu um daga; fóru
 15 svá til þess, er þeir kómu fram um Bjarkey, ok alt til
 þess er þeir kómu or sýslu Þóris. Fór Gunnsteinn fyrst
 heim í Langey, ok dvaldist þar skamma hrið. Fór hann
 þá þegar suðr á leið; létti hann eigi fyrr, en hann kom
 suðr í Þrándheim, ok hitti þar Ólaf konung, ok segir honum
 20 tíðindi slík sem orðin váru í Bjarmalandsferðinni. Konungr
 lét illa yfir þeira ferð, en bauð Gunnsteini með sér at vera,
 ok segir, at hann skyldi leiðrétta mál Gunnsteins, er hann
 mætti við komast. Gunnsteinn þektist þetta boð; ok dvaldist
 hann með Ólafi konungi.

25 *Fundr konunganna Ólafs ok Önundar.*

144. Svá er sagt fyrr, at Ólafr konungr var þann
 vetr austr í Sarpsborg, er Knútr hinn ríki sat í Danmörk.
 Önundr Sviakonungr reið þann vetr yfir vestra Gautland,
 ok hafði meir en 30 hundruð manna. Fóru þá menn ok
 30 orðsendingar milli þeira Ólafs konungs. Gerðu þeir sín í
 milli stefnulag, at þeir skyldu hittast um várit við Konunga-
 hellu. Frestuðu þeir fundinum fyrir þá sök, at þeir vildu
 vita, áðr þeir fynnist, hverjar tiltekjur Knútr konungr hefði.
 En er á leið várit, bjóst Knútr konungr með liði sínu at

fara vestr til Englands. Hann setti eptir í Danmörk Hörðaknútr son sinn, ok þar með honum Úlf jarl, son Þorgils sprakaleggs. Úlfr átti Ástríði dóttur Sveins konungs, en systur Knúts hins ríka. Þeira son var Sveinn, er síðan var konungr í Danmörk. Úlfr jarl var hinn mesti merkismaðr. Knútr ríki fór vestr til Englands. En er þat spurðu konungar Ólafr ok Önundr, þá fóru þeir til stefnunnar ok hittust í Elfi við Konungahellu. Varð þar fagnafundur ok vináttumál mikil, svá at þat var bert fyrir alþýðu. En þó ræddu þeir marga hluti sín í milli, þá er þeir tveir vissu, ok varð þat sumt síðar framgengt ok öllum augljóst. En at skilnaði konunga skiptust þeir gjöfum við, ok skildust vinir. Fór þá Önundr konungr upp á Gautland, en Ólafr konungr fór þá norðr í Víkina, ok síðan út á Agðir, ok þaðan norðr með landi, ok lá hann mjök lengi í Eikunda-¹⁵ sundi ok beið byrjar. Hann spurði, at Erlingr Skjálgsson ok Jaðarbyggjar með honum lágu í samnaði ok höfðu her mikinn. Þat var einn dag, at menn konungs ræddu sín í milli um veðr, hvárt væri sunnan eða útsynningr, eða hvárt þat veðr væri segltækt eða eigi fyrir Jaðar. Töldu þat²⁰ flestir, at úsiglanda væri. Þá svarar Halldórr Brynjólfsson: Þat munda ek ætla, segir hann, at siglanda mundi þykkja þetta veðr fyrir Jaðar, ef Erlingr Skjálgsson hefði veizlu búit fyrir oss á Sóla. Þá mælti Ólafr konungr, at af skyldi láta tjöldin ok leggja út skipunum. Var svá gert.²⁵ Sigldu þeir þann dag fyrir Jaðar, ok dugði veðr hit bezta; lögðu at um kveldit í Hvítungsey. Fór konungr þá norðr á Hörðaland, ok fór þar at veizlum.

Dráp Þórálfs.

145. Vár þat hafði farit skip af Noregi út til Færeyja; á því skipi fóru orðsendingar Ólafs konungs til þess, at koma skyldi utan af Færeyjum einnhverr þeira hirðmanna hans, Leifr Özurarson, eða Gilli lögsögumaðr, eða Þórálfr or Dímun. En er þessi orðsending kom til Færeyja, ok

þeim var sagt sjálfum, þá ræða þeir sín á milli, hvat undir
mun búa orðsendingunni; ok kom þat ásamt með þeim, at
þeir hugðu, at konungr mundi vilja spyrja eptir um þau
tíðindi, er sumir menn höfðu fyrir satt, at þar mundi gerzt
5 hafa í eyjunum um misfarar sendimanna konungs, þeira
tveggja skipsagna, er engi maðr hafði af komizt. Þeir réðu
þat af, at Þórálfr skyldi fara. Réðst hann til ferðar ok
bjó byrðing, er hann átti, ok aflaði þar til manna. Váru
þeir á skipi 10 eða 12. En er þeir váru búnir ok biðu
10 byrjar, þá var þat tíðinda í Austrey í Götum at Þrándar,
at einn góðan veðrdag gékk Þrándr í stofu, en þeir lágu
í pöllum bróðursynir hans tveir, Sigurðr ok Þórðr, þeir
váru Þorláks synir; hinn þriði hét Gautr hinn rauði, hann
var enn frændi þeira. Allir váru þeir fóstrar Þrándar ger-
15 viligir menn; var Sigurðr elztr þeira ok fyrir þeim mest í
öllu. Þórðr átti kenningarnafn, var hann kallaðr Þórðr
hinn lági; hann var þó manna hæstr, ok var hitt þó meir,
at hann var þrekkligr ok ramr at afli. Þá mælti Þrándr:
Mart skipast á manns ævi; útítt var þá þat, er vér várum
20 ungir, at menn skyldu sitja eða liggja veðrdaga góða, þeir
er ungir váru ok til alls vel færir; mundi þat eigi þykkja
líkligt hinum fyrrum mönnum, at Þórálfr or Dímun mundi
vera þroskamaðr meiri en þér; en byrðingr sá, er ek hefi
átt, ok hér stendr í nausti, ætla ek at nú gerist svá farn,
25 at fúni undir bráðinu; er hér hús hvert fult af ullu, ok
verðr ekki til verðs haldit; mundi eigi svá, ef ek væra
nökkurum vetrum yngri. Sigurðr hljóp upp, ok hét á þá
Gaut ok Þórð; kvaðst eigi þola frýju Þrándar. Ganga
þeir út ok þar til er húskarlar váru. Ganga þeir til, ok
30 setja fram byrðinginn; létu þeir þá flytja til farm, ok hlóðu
skipit; skorti þar eigi heima farm til, svá reiði allr með
skipi; bjoggu þeir þat á fám dögum; váru þeir ok menn
10 eða 12 á skipi. Tóku þeir Þórálfr út eitt veðr allir;
vissust til jafnan í hafinu. Þeir kómu at landi í Hernu
35 aptan dags; lögðu þeir Sigurðr utar við ströndina, ok var

þó skamt milli þeirra. Þat varð til tíðinda um aptaninn. er myrkt var, ok þeir Þórálfr ætluðu til rekna búast, þá gekk Þórálfr á land upp, ok annarr maðr með honum; leituðu þeir sér staðar. Ok er þeir váru búnir ofan at ganga, þá segir sá svá, er honum fylgði, at kastat var 5 klæði yfir höfuð honum; var hann tekinn upp af jörðu; ok í því bili heyrði hann brest; síðan var farit með hann, ok reiddr til falls, en þar var undir sær, ok var hann keyrðr á kaf; en er hann komst á land, fór hann þar til er þeir Þórálfr höfðu skilizt; hitti hann Þórálfr, ok var hann klofinn 10 í herðar niðr, ok var hann þá dauðr. Ok er þeir skipverjar urðu þessa varir, þá báru þeir lík hans út á skip, ok nátt-sættu. Þá var Ólafr konungr á veizlu í Lygru; váru þangat orð ger. Var þá stefnt örvarþing, ok var konungr á þingi. Hann hafði þangat stefna látit þeim Færeyingum 15 af báðum skipum, ok váru þeir til þings komnir. En er þing var sett, þá stóð konungr upp, ok mælti: Þau tíðindi eru hér orðin, er því er betr at slík eru sjaldgæt; hér er af lífi tekinn góðr drengr, ok byggju vér, at saklauss sé; eða er nökkurr sá maðr á þingi, er þat kunni at segja. 20 hverr valdi er verks þessa? En þar gekk engi við. Þá mælti konungr: Ekki er því at leyna, hverr minn áhugi er um verk þetta, at ek hygg á hendr þeim Færeyingum; þykki mér þannug helzt at unnit, sem Sigurðr Þorláksson mundi hafa vegit manninn, en Þórðr hinn lági mundi hinn 25 hafa fært á kaf; en þat fylgir, at ek munda þess til geta, at þat mundi til saka vera funnit, at þeir mundi eigi vilja, at Þórálfr segði eptir þeim údáðir þær, er hann muni vitat hafa, at satt er, en oss hefir verit grunr á, um morð þau ok illvirki, at sendimenn mínir hafi þar verit myrðir. 30 En er konungr hætti rœðu sinni, þá stóð upp Sigurðr Þorláksson, hann mælti: Ekki hefi ek talat fyrr á þingum; ætla ek mik munu þykkja ekki orðfiman, en þó ætla ek ærna nauðsyn til vera at svara nökkuru; vil ek þess til geta, at rœða þessi, er konungr hefir uppi haft, muni vera 35

kominn undan tungurótum þeira manna, er miklu eru úvitari
en hann ok verri; en þat er ekki leynt, at þeir munu
fullkomliga vilja vera várir úvinir; er þat úlíkliga mælt,
at ek munda vera vilja skaðamaðr Þórálfs, því at hann
5 var fóstbróðir minn ok góðr vinr; en ef þar væri nokkur
önnur efni í, ok væri sakir milli okkar Þórálfa, þá em ek
svá viti borinn, at ek munda heldr til þessa verks hætta
heima í Færeyjum, en hér undir handarjaðri yðrum, kon-
ungr! Nú vil ek þessa máls synja fyrir mik ok fyrir oss
10 alla skipverja; vil ek þar bjóða fyrir eiða, svá sem lög
yður standa til. En ef yðr þykkir hitt í nokkuru fullara,
þá vil ek flytja járnburð; vil ek, at þér sét sjálfir við skírsl-
una. En er Sigurðr hætti ræðu sinni, þá urðu margir til
flutningar, ok báðu konung, at Sigurðr skyldi ná undan-
15 ferslu, þótti Sigurðr vel hafa talat, ok kváðu hann úsannan
mundu at vera því, er honum var kent. Konungr segir:
Um þenna mann mun stórum skipta; ok ef hann er loginn
þessu máli, þá mun hann vera góðr maðr; en at öðrum
kosti þá mun hann vera nokkuru djarfari, en dömi munu
20 til vera; ok er þat eigi miðr mitt hugboð; en get ek, at
hann beri sér sjálfr vitni um. En við böen manna, þá tók
konungr festu af Sigurði til járnburðar; skyldi hann koma
eptir um daginn til Lygru, ok skyldi byskup þar gera
honum skírslu; ok sleit svá þinginu. Fór konungr aptr
25 til Lygru, en Sigurðr ok þeir förunautar til skips síns.
Tók þá brátt at myrkva af nótt. Þá mælti Sigurðr við
þá förunauta: Þat er þó satt at segja, at vér höfum
komit í mikit vandkvæði ok orðit fyrir álygi mikilli, ok er
konungr sjá brögðóttir ok vélráðr, ok mun auðsær várr
30 kostur, ef hann skal ráða; því at hann lét fyrst drepa Þór-
álf, en hann vill nú gera oss at úbótamönnum; er honum
lítt fyrir at villa járnburð þenna; nú ætla ek þann verr
hafa, er til þess hættir við hann; nú leggst ok innan eptir
sundinu fjallagol nokkut; ræð ek þat, at vér vindim segl
35 várt ok siglinn út á haf; fari Þrándr annat sumar með ull

sína, ef hann vill selja láta; en ef ek komumst í brott, þá þykki mér þess ván, at ek koma aldregi síðan til Noregs. Þeim förunautum þótti þetta snjallræði; taka þeir at setja upp segl sitt, ok láta ganga um nóttina í haf út, sem mest megu þeir. Þeir létta eigi fyrr, en þeir koma í Færeyjar, 5 ok heim í Götum. Lét Þrándr illa yfir ferð þeira. Þeir svöruðu eigi vel, ok váru þó heima með Þrándi. Brátt spurði Ólafr konungr þat, er þeir Sigurðr váru í brott farnir, ok lagðist þá þungr orðrómr á um þeira mál; váru þeir margir, at þá kölluðu þess ván, at þeir Sigurðr mundu 10 sönnu sagðir, er áðr höfðu synjat fyrir hann ok mælt í móti. Ólafr konungr var fárœðinn um þetta mál, en hann þóttist vita þá sannindi á því, er hann hafði áðr grunat. Fór konungr þá ferðar sinnar, ok tók veizlur þar er fyrir váru gervar.

15

Frá Íslendingum.

146. Ólafr konungr heimti til máls við sik þá menn, er komit höfðu af Íslandi, Þórodd Snorrason, Gelli Þorkelson, Stein Skaptason, Egil Hallsson. Þá tók konungr til máls: Þér hafit í sumar vakit við mik þat mál, at þér 20 vildut búast til Íslandsferðar, en ek hefi eigi veitt orslit hingat til um þat mál; nú vil ek segja yðr, hvernug ek ætla fyrir. Gellir! þér ætla ek at fara til Íslands, ef þú vilt bera þannug erendi mín; en aðrir íslenzkir menn, þeir er nú eru hér, þá munu engir til Íslands fara, fyrr en ek 25 spyr, hvernug þeim málum er tekit, er þú, Gellir! skalt þannug bera. En er konungr hafði þetta uppborit, þá þótti þeim, er fúsir váru fararinnar ok bannat var, súrskapr mikill hafðr við sik, ok þótti seta sín ill ok úfrelsi. En Gellir bjóst nú til ferðar, ok fór um sumarit til Íslands, 30 ok hafði með sér orðsendingar þær þangat, er hann flutti fram annat sumar á þingi. En sú var orðsending konungs, at hann beiddi þess Íslendinga, at þeir skyldu taka við þeim lögum, sem hann hafði sett í Noregi, en veita honum

af landinu þegngildi ok nefgildi, penning fyrir nef hvert, þann er 10 væri fyrir alin váðmáls. Þat fylgði því, at hann hét mönnum vináttu sinni, ef þessu vildi játa, en elligar afarkostum, þá sem hann mætti við komast. Yfir
5 þessu tali sátu menn lengi ok réðu um sín í milli, ok kom þat ásamt at lyktum, með allra samþykki, at neita skattgjöfum ok öllum álögum, þeim er kraft var. Ok fór Gellir þat sumar utan ok á fund Ólafs konungs, ok hitti hann þat haust í Vík austr, þá er hann var kominn af Gautlandi
10 ofan, svá sem ek vænti, at enn skal sagt verða síðar í sögu Ólafs konungs. Þá er á leið haustit, sótti Ólafr konungr norðr í Þrándheim, ok hélt liði sínu til Niðaróss; lét þar búa til vetrsetu sér. Sat Ólafr konungr þann vetr eptir í kaupangi. Sá var hinn þrettándi vetr konungdóms hans.

Frá Jömtum.

15 147. Ketill jamti hét maðr, son Önundar jarls or Sparabúi í Þrándheimi. Hann flýði fyrir Eysteini konungi illráða austr um Kjöl. Hann ruddi markir, ok bygði þar sem nú heitir Jamtaland. Austr þangat flýði ok fjöldi
20 manna or Þrándheimi fyrir þeim úfriði; því at Eysteinn konungr skattgildi Þrændi, ok setti þar til konungs hund sinn, er Saurr hét. Sonarson Ketils var Þórir helsingr; við hann er kent Helsingjaland; þar bygði hann. En er Haraldr hinn hárfagri ruddi ríki fyrir sér, þá stukku enn
25 fyrir honum fjöldi manna or landi, Þrændir ok Naumdælir, ok gerðust þá enn bygðir austr um Jamtaland, ok fóru sumir alt í Helsingjaland austan frá hafinu, ok váru þeir lýðskyldir undir Sviakonung. En er Hákon Aðalsteinsfóstri var yfir Noregi, þá settist friðr ok kaupferðir or Þrándheimi til
30 Jamtalands; en fyrir sakir vinsælda konungs þá sóttu Jamtar austan á fund hans, ok játuðu honum hlýðni sinni, ok guldu honum skatt; setti hann þeim lög ok landsrétt; vildu þeir heldr þýðast undir hans konungdóm en undir Sviakonung, því at þeir váru af Norðmanna ætt komnir; ok svá gerðu

Helsingjar þeir allir, er æzkaðir váru norðan um Kjöl, ok hélzt þat lengi síðan, alt til þess er Ólafr digri ok Ólafr 5 scenski Svíakonungr deildu um landaskipti, þá hurfu Jamtr ok Helsingjar undir Svíakonung, ok réð þá landaskipti austan Eiðaskógr, en þá Kilir alt norðr til Finnmerkr; tók Svíakonungr þá skatta af Helsingjalandi, ok svá af Jamtalandi. En Ólafr Noregs konungi þótti þat hafa komit í sáttmál með þeim Svíakonungi, at annan veg skyldi fara skattr af Jamtalandi, en at fornu hafði verit; en þó hafði þat langa stund svá staðit, at Jamtr höfðu Svíakonungi skatt 10 goldit, ok þaðan höfðu verit sýslumenn yfir landinu; vildu þá ok Svíar ekki heyra annat, en undir Svíakonung hyrfi alt land, þat er lá fyrir austan Kjölu. Var þat svá, sem opt eru dømi, þó at mágsemdir ok vinátta væri með konungum, at þó vildi hvárrtveggi hafa ríki þat alt, er hann 15 þóttist nökkura tiltölu eiga. Hafði Ólafr konungr látit fara orð um til Jamtlands, at þat var hans vili, at Jamtr veitti honum lýðskyldu, en heitit þeim afarkostum elligar. En Jamtr höfðu gert ráð sitt, at þeir vildu hlýðni veita Svíakonungi.

20

Saga Steins.

148. Þóroddr Snorrason ok Steinn Skaptason undu illa, er þeir fóru eigi í sjálfræði. Steinn Skaptason var manna fríðastr ok bezt at sér gerr um íþróttir, skáld gott ok skartsmaðr mikill ok metnaðarfullr. Skapti faðir hans 25 hafði ort drápu um Ólaf konung ok hafði kent Steini; var svá ætlat, at hann skyldi færa kvæðit konungi. Steinn bazt eigi orða ok ámælis við konung, bæði sundrlausum orðum ok samföstum. Báðir váru þeir Þóroddr úvarmæltir, segja svá, at konungr vildi verr hafa, en þeir er sonu sína 30 höfðu sent honum til trúnaðar, en konungr lagði þá í úfrelsi. Konungr reiddist. Þat var einn dag, er Steinn Skaptason var fyrir konungi, ok spurði konung máls, ef hann vildi hlýða drápu þeiri, er Skapti faðir hans hafði

ort um konung. Hann svarar: Hitt mun fyrst til, Steinn!
at þú kveðir þat, er þú hefir ort um mik. Steinn segir,
at þat er ekki, er hann hefir ort: Em ek ekki skáld, kon-
ungr! segir hann; en þótt ek kynna yrkja, þá mundi yör
5 þykkja þat, sem annat um mik, heldr lítilvægligt. Gékk
Steinn þá í brott, ok þóttist finna hvar til hann mælti.
Þorgeirr hét ármaðr konungs, er réð fyrir búi hans í
Orkadal; hann var þá með konungi, ok heyrði á rœður
þeira Steins. Fór Þorgeirr heim litlu síðar. Þat var á
10 einnihverri nótt, at Steinn hljóp í brott or bænum, ok skó-
sveinn hans með honum; fóru þeir upp á Gaularás, svá
út til þess er þeir kómu í Orkadal. En at kveldi kómu
þeir til konungsbús þess er Þorgeirr réð fyrir; bauð Þor-
geirr Steini þar at vera um nóttina, ok spurði, hverju
15 gegndi um farar hans. Steinn bað hann fá sér hest ok
sleða með; sá hann, at þar var heim ekit korni. Þorgeirr
segir: Eigi veit ek, hvernug af stendst um för þína, hvárt
þú ferr nökkut í konungs leyfi; þótti mér fyrra dags ekki
mjúkt fara orð milli ykkar konungs. Steinn mælti: Þótt
20 ek sjá at engu sjálfráðr fyrir konungi, þá skal ek ekki svá
fyrir þrælum hans. Brá hann sverði, ok drap hann síðan
ármanninn. En hann tók hestinn, ok bað sveininn hlaupa
á bak, en Steinn settist í sleðann; fóru þá veginn, óku nóttina
alla; fóru þeir ferðar sinnar til þess er þeir kómu ofan á
25 Mæri í Súrnadal. Síðan fá þeir sér flutningar yfir fjörðu.
Fór hann sem ákafligast. Ekki sögðu þeir mönnum víg
þetta, þar sem þeir kómu, en kölluðust vera konungsmenn.
Féngu þeir forbeina góðan, hvar sem þeir kómu. Þeir
kómu at kveldi eins dags í Gizka til bús Þorbergs Árna-
30 sonar. Var hann eigi heima, en kona hans var heima
Ragnhildr, dóttir Erlings Skjalgssonar. Fékk Steinn þar
allgóðar viðtekjur, því at þar váru áðr kunnleikar miklir
með þeim. Sá atburðr hafði áðr orðit, þá er Steinn hafði
farit af Íslandi, átti hann þá sjálfr skip þat, er hann kom
35 af hafi utan at Gizka, ok lágu þar við eyna, þá lá Ragn-

hildr ok skyldi léttari verða ok var allþungt haldin, en prestr var engi í eyjunni ok engi nær. Var þá komit til kaupskipsins ok spurt at, ef þar væri prestr nokkurr; þar var einn prestr á skipi, er Bárðr hét, vestfirzkr maðr ungr ok lærðr heldr lítt. Sendimenn báðu prest fara með sér 5 til húss. Honum þótti sem þat mundi vera vandi mikill, en vissi fákunnandi sína ok vildi eigi fara. Þá lagði Steinn orð til við prest, ok bað hann fara. Prestr svarar: Fara mun ek, ef þú ferr með mér; þykki mér traust at því til umráða. Steinn segir, at hann vill víst þat til leggja. 10 Síðan fara þeir til bæjarins, ok þar til, er Ragnhildr var. Litlu síðar fœddi hon barn, þat var mæ, ok þótti heldr úmáttuligt. Þá skírði prestr barnit, en Steinn hélt meyjunni undir skírn, ok hét sú mæ Þóra. Steinn gaf meyjunni fingrgull. Ragnhildr hét Steini vináttu sinni fullkominni, 15 ok hann skyldi þangat koma á hennar fund, ef hann þœttist hennar liðsemdar þurfa. Steinn segir svá, at hann mundi eigi fleirum meybörnum undir skírn halda; ok skildust þau at svá búnu. En nú var þar komit, er Steinn heimti þessi vilnæli at Ragnhildi, ok segir, hvat hann hefir hent, 20 ok svá þat, at hann mun hafa orðit fyrir reiði konungs. Hon segir svá, at mátt skal at magni um liðveizlu hennar, bað hann þaðan biða Þorbergs, skipaði honum hit næsta Eysteini orra syni sínum. Hann var þá 12 vetra gamall. Steinn gaf gjafir þeim Ragnhildi ok Eysteini. Þorbergr 25 hafði spurt alt um farar Steins, fyrr en hann kvæmi heim, ok var hann heldr úfrýnn. Ragnhildr gékk til máls við hann. ok segir honum um farar Steins, ok bað hann taka við Steini ok sjá á mál hans. Þorbergr svarar: Ek hefi spurt, segir hann, at konungr hefir eiga látit órvarþing eptir 30 Þorgeir, ok Steinn er útlagr gerr, svá þat, at konungr er hinn reiðasti; ok kann ek mér meiri svinnu, en at takast á hendr einn útlendan mann ok hafa þar fyrir reiði konungs; láttu Stein fara í brott héðan sem skjótast. Ragnhildr svarar, segir at þau mundu bæði í brott fara, eða 35

bæði þar vera. Þorbergr bað hana fara, hvert er hon vildi: Vænti ek þess, segir hann, þótt þú farir, at þú komir skjótt aptr, því at hér munu vera metorð þín mest. Þá gékk fram Eysteinn orri sonr þeira; hann mælti, ok
5 segir svá, at hann mun eigi eptir vera, ef Ragnhildr færi í brott. Þorbergr segir, at þau lýstu mikla þrágirni ok ákaflyndi í þessu: ok er þat nú vænst, segir hann. at þit ráðit þessu, er þó þykkir ykkur allmiklu skipta; en ofmjök er þér ættgengt, Ragnhildr! at virða lítils orð Ólafs konungs.
10 Ragnhildr mælti: Ef þér vex allmjök fyrir augum at halda Stein, þá far þú sjálfr með honum á fund Erlings föður míns, eða fá honum þat föruneysi, er hann komist þangat í friði. Þorbergr segir, at hann mun ekki Stein þangat senda; ok mun Erlingi þó ærit mart til handa bera, þat
15 er konungi sé misþokki á. Var Steinn þar um vetrinn. En eptir jól kómu til Þorbergs sendimenn konungs með þeim orðum, at Þorbergr skal koma á fund hans fyrir miðja föstu; ok er lagt ríkt við þessa orðsending. Þorbergr bar þat fyrir vini sína, ok leitaði ráðs, hvárt hann skyldi
20 á þá hættu leggja, at fara á fund konungs at svá förnu máli; en fleiri löttu, ok kölluðu þat ráð, at láta fyrr Stein af höndum en fara á vald konungs. Þorbergr var hins lúsari, at leggjast eigi ferð undir höfuð. Nökkuru síðar fór Þorbergr til fundar við Finn bróður sinn, ok bar þetta
25 mál fyrir hann, ok bað hann til farar með sér. Finn svarar, at honum þótti ilt ofkvæni slíkt, at þora eigi fyrir konu sinni at halda einörð við lánardróttin sinn. Kost muntu eiga, segir Þorbergr, at fara eigi; en þó ætla ek, at þú letist meir fyrir hræzlu sakir, en hollostu við
30 konung. Skildust þeir reiðir. Síðan fór Þorbergr á fund Árna Árnasonar bróður síns, ok segir honum þetta mál svá búit, ok bað hann fara með sér til konungs. Árni segir: Undarligt þykki mér um þik, svá vitran mann ok fyrirleitinn, er þú skalt rasat hafa í svá mikla úhamingju,
35 ok hafa fengit konungs reiði, þar er engi bar nauðsyn til;

þat væri nokkur várkunn, at þú héldir frænda þinn eða fóstbróður, en þetta alls engi, at hafa tekizt á hendr mann íslenzkan, ok halda útlaga konungs, ok hafa nú þik í veði ok alla frændr þína. Þorbergr segir: Svá er sem mælt er, einn er aukvisi ættar hvernar; sú úhamingja föður 5 míns er mér auðsæst, hversu honum glapnaði sona eign, er hann skyldi fá þann síðast, er engi líkindi hefir várrar ættar, ok dáðlauss er; mundi þat sannað, ef mér þœtti eigi við móður mína skömm mælt, at ek munda þik aldrigi kalla várn bróður. Sneri þá Þorbergr í brott, ok fór heim, 10 ok var heldr úkátr. Síðan sendi hann orð norðr til Þrándheims á fund Kálfs bróður síns, ok bað hann koma til Agðaness móti sér. Ok er sendimenn hittu Kálf, þá hét hann ferðinni, ok hafði engi orð fyrir. Ragnhildr sendi menn austr á Jaðar til Erlings föður síns, ok bað hann senda 15 sér lið. Þaðan fóru synir Erlings, Sigurðr ok Þórir, ok hafði hvárr þeira tvítugsessu, ok á 9 tigi manna. En er þeir kómu norðr til Þorbergs, þá tok hann við þeim sem bezt ok feginsamligast. Bjóst hann þá til farar, ok hafði Þorbergr tvítugsessu. Fóru þeir þá norðr leið sína. Ok 20 er þeir kómu [við Þrándheims mynni], þá lágu þar fyrir Finnur ok Árni, bræðr Þorbergs, með tvær tvítugsessur. Fagnaði Þorbergr vel bræðrum sínum, ok segir, at þá hefði þeir tekit brýningunni. Finnur kvað þess sjaldan hafa þurft við sik. Síðan fóru þeir með liði því öllu norðr til Þránd- 25 heims, ok var þar Steinn í för með þeim. Ok er þeir kómu til Agðaness, þá var þar fyrir Kálfr Árnason, ok hafði hann tvítugsessu vel skipaða. Fóru þeir með því liði inn til Niðarhólms, ok lágu þar um nóttina. Eptir um morgininn áttu þeir tal sitt. Vildi Kálfr ok synir Erl- 30 ings, at þeir fœri öllu liðinu inn til bæjarins, ok léti þá skeika at sköpuðu. En Þorbergr vildi, at fyrst væri með vægð farit, ok láta boð bjóða. Samþyktist Finnur því ok Árni. Var þá þat afráðit, at þeir Finnur ok Árni fóru fyrst til fundar við Ólaf konung, fáir menn saman. Konungr hafði 35

þá spurt áðr um fjölmenni þat, er þeir höfðu, ok var hann heldr styggr í ræðunni þeira. Finnur bauð boð fyrir Þorberg, ok svá fyrir Stein; bauð hann, at konungr skyldi fé gera svá mikit sem hann vildi, en Þorbergr hafa lands-
5 vist ok veizlur sínar, Steinn lífs grið ok lima. Konungr svarar: Svá lízt mér sem þessi fór muni vera heiman ger, at þér munit nú þykkjast hafa hálf ráð við mik eða meir; en þess mun mik sízt vara af yðr bræðrum, at þér mundut með her fara móti mér; kenni ek ráð þessi, er þeir Jaðar-
10 byggjar munu hafa upphafit; en ekki þarf mér fé bjóða. Þá segir Finnur: Ekki höfum vér bræðr fyrir þá sök haft liðsamnað, at vér munim úfrið bjóða yðr, konungr! heldr berr hitt til, at vér viljum yðr, konungr! fyrst bjóða vára þjónostu; en ef þér neitit, ok ætlit Þorbergi nökkura afar-
15 kosti, þá munu vér fara allir með lið þat, er vér höfum, á fund Knúts hins ríka. Þá leit konungrinn við honum ok mælti: Ef þér bræðr vilit veita mér swardaga til þess, at fylgja mér innanlands ok utanlands ok skiljast eigi við mik, nema mitt lof ok leyfi sé til, eigi skulut þér leyna mik,
20 ef þér vitut mér ráðin svikræði, þá vil ek taka sætt af yðr bræðrum. Síðan fór Finnur aptr til liðs síns, ok sagði þessa kosti, er konungr hafði gert þeim. Bera þeir nú saman ráð sín; segir Þorbergr, at hann vill þenna kost fyrir sína hönd: Em ek úfúss, segir hann, at flýja af eignum
25 mínum ok sækja til útlendra höfðingja; ætla ek mér munu ávalt at sœmd, at fylgja Ólafi konungi ok vera þar sem hann er. Þá segir Kálfr: Enga eiða mun ek vinna konungi, en vera þá eina hrið með konungi, er ek held veizlum mínum ok öðrum metorðum, ok konungr vill vera vinr
30 minn; ok er þat minn vili, at svá gerim vér allir. Finnur svarar: Til þess mun ek ráða, at láta Ólaf konung einn ráða skildögum milli okkar. Árni Árnason segir svá: Ef ek em ráðinn til at fylgja þér, Þorbergr bróðir! þóttu vilir berjast við konung, þá skal ek eigi við þik skiljast, ef þú
35 tekr betra ráð; ok mun ek fylgja ykkur Finni ok taka þann

kost, sem þit sét ykkir til handa. Géngu þeir þá þrír bræðr á eitt skip, Þorbergr, Finnur ok Árni, ok reru inn til bæjar, ok síðan géngu þeir á konungs fund. Fór þá fram þetta sáttmál, at þeir bræðr svörðu konungi eiða. Þá leitaði Þorbergr Steini sættar við konung. En konungr 5 svarar, at Steinn skyldi fara í friði fyrir honum, hvert er hann vildi: en eigi mun hann með mér vera síðan, segir hann. Þá fóru þeir Þorbergr út til liðsins. Fór þá Kálfrinn á Eggju, en Finnur fór til konungs, en Þorbergr ok annat lið þeira fór heim suður. Steinn fór suður með sonum 10 Erlings. En um vart snemma fór hann vestr til Englands, en síðan til handa Knúti hinum ríka, ok var með honum lengi í góðu yfirlæti.

Ferð Finns Árnasonar á Hálogaland.

149. Þá er Finnur Árnason hafði litla hríð dvalizt 15 með Ólafi konungi, var þat einhvern dag, at konungr kallar Finn til máls við sik, ok enn fleiri menn, þá er hann var vanr at hafa við ráðagerðir sínar. Þá tók konungr til máls, ok segir svá: Sú ráðagerð staðfestist í skapi mér, at ek ætla í vár at bjóða út leiðangri af landi öllu, bæði 20 at liði ok at skipum, ok fara síðan með her þann allan, er ek má til fá, í mót Knúti hinum ríka; því at ek veit um tilkall þat, er hann hefir upphafit til ríkis í hendr mér, at hann mun eigi ætla at hafa þat fyrir hégómamál. Nú er þér þat at segja, Finnur Árnason! at ek vil, at þú farir 25 sendiferð mína norðr á Hálogaland, ok hafir þar útboð, ok bjóðir út almenningi at liði ok at skipum, ok stefnir því liði til móts við mik til Agðaness. Síðan nefndi konungr aðra menn til, ok sendi suma inn í Þrándheim, en suma suður í land, svá at hann lét þetta boð fara um allt land. 30 Þat er at segja frá ferð Finns, at hann hafði skútu, ok á nær 30 manna. En er hann var búinn, fór hann ferðar sinnar, til þess er hann kom á Hálogaland. Þá stefndi hann þing við boendr; bar þá upp erendi sitt, ok kraði

leiðangrs. Boendr áttu í heraði skip stór leiðangrsför; skipuðust þeir við orðsending konungs ok bjoggu skip sín. En er Finnur sótti norðr á Hálogaland, þá átti hann þing, en sendi menn sína nökkura at krefja útboðsins, þar er
5 honum sýndist. Finnur sendi menn í Bjarkey til Þóris hunds, lét þar krefja leiðangrs, sem annarsstaðar. En er Þóri kómu boð konungs, þá bjóst hann til ferðar, ok skipaði af húskörlum sínum skip þat, er hann hafði haft áðr um sumarit til Bjarmalands; bjó þat með sínum eins
10 kostnaði. Finnur stefndi saman Háleyggjum í Vágum, öllum þeim er norðr váru þaðan. Kom þar saman um várit lið mikit, ok biðu allir til þess, er Finnur kom norðan. Var þar þá ok kominn Þórir hundr. En er Finnur kom, þá lét hann þegar blása til húspings leiðangrsliði öllu. En á þingi því
15 sýndu menn vápn sín; svá var þá ok rannsakat útboðit í hverri skipreiðu. En er þat var greitt, þá mælti Finnur: Þik vil ek at þessu kveðja, Þórir hundr! hver boð viltu bjóða Ólafi konungi fyrir aftöku Karla hirðmanns hans, eða fyrir rán þat, er þú tókt fé konungs norðr í Lengjuvík?
20 Nú hefi ek umboð konungs til þessa máls; en ek vil nú vita svör þín. Þórir litaðist um, ok sá til hvárrartveggju handar sér standa marga menn alvápnada; kendi þar Gunnstein ok fjölda annarra frænda Karla. Þá mælti Þórir: Skjót eru boð mín, Finnur! at ek vil mál alt festa á konungs vald, þat er honum þykkir at við mik. Finnur svarar:
25 Hitt er nú vænst, at þér sé minni virðingar af unt; því at nú mun verða at festa minn dóm á, ef sættast skal. Þórir segir: Þá ætla ek enn allvel komit mínu máli, ok skal þat ekki undan draga. Gékk þá Þórir fram til festu, ok skildi
30 Finnur þat mál fyrir alt. Síðan segir Finnur upp sættina, at Þórir skyldi gjalda konungi 10 merkr gulls, en Gunnsteini ok þeim frændum aðrar 10 merkr, en fyrir rán ok féskaða hinar þriðju 10 merkr, en gjalda upp nú þegar, segir hann. Þórir segir: Þetta er mikit fégjald.
35 Hinn er annarr kostur, at lokit sé sætt allri, segir Finnur.

Þórir segir, at Finnur mundi ljá honum þeira fresta, at hann leitaði lána af sveitungum sínum. Finnur bað hann gjalda þar í stað, ok þó umfram, at Þórir skyldi fram selja menit þat hit mikla, er hann tók af Karla dauðum. Þórir kvaðst ekki men hafa tekit. Þá gékk fram Gunnsteinn 5 ok sagði, at Karli hafði men á hálsi, þá er þeir skildust: en þá var í brott, er vér tókum lík hans. Þórir segir, at hann hefði ekki huga leitt um men þat: en þótt vér hefðim nokkut men, þá mun þat heima liggja í Bjarkey. Þá setti Finnur spjótsoddinn fyrir brjóst Þóri, ok segir, at hann 10 skyldi þá fram selja menit. Þórir tók þá menit af hálsi sér, ok seldi Finni. Síðan sneri Þórir í brott, ok gékk út á skip sitt. Finnur gékk eptir honum út á skipit, ok mart manna með honum. Gékk Finnur eptir skipinu, ok tóku þeir upp rúmin. En við siglu sá þeir undir 15 þiljum niðri tunnur tvær miklar, svá at þeim þótti mikil furða at. Finnur spurði, hvat í tunnum þeim var. Þórir segir, at þar lá í drykkur hans. Finnur mælti: Hví gefr þú oss eigi at drekka, félagsmaðr! svá mikinn drykk sem þér hafit? Þórir mælti við mann sinn, at renna skyldi or 20 tunnunni í bolla. Síðan var þeim Finni gefit at drekka, ok var þat hinn bezti drykkur. Þá bað Finnur Þóri reiða féit. Þórir gékk eptir skipinu fram ok aptr, ok talaði við menn ymsa. Finnur kallaði, bað hann bera fram féit. Þórir bað hann ganga upp á land, ok kvaðst þar mundu greiða. 25 Þá gékk Finnur á land upp ok hans menn. Þá kom þar Þórir ok greiddi silfr; var þar reitt or einum sjóð 10 merkr vegnar. Þá lét hann fram knýtiskauta marga; var í sumum mörk vegin, sumum hálf, eða aurar nokkurir. Þá mælti Þórir: Þetta er lánfé, er ymsir menn hafa lét 30 mér; því at uppi ætla ek skotsilfr mjök, þat er ek á. Síðan gékk Þórir á skip út, en er hann kom aptr, reiddi hann silfr smám ok smám. Þá leið á daginn. En þegar er þinginu sleit, þá gengu menn til skipa sinna ok bjoggust til brottlögu; tóku þá menn at sigla, þegar er búnir váru: 35

kom þá svá, at flestir menn höfðu siglt. Sá Finnur þá, at þyntist liðit um hann; kölluðu menn þá á hann, ok báðu hann verða búinn. Var þá enn eigi greiddr einn þriðjungur fjárens. Þá mælti Finnur: Seint gengr nú, Þórir! greizlan; 5 sé ek, at þér þykkir mikit fyrir at greiða féit; skal nú ok kyrt láta vera fyrst; skaltu nú gjalda konungi þat er eptir er. Stóð þá Finnur upp ok sneri brott. Þórir segir: Vel þykki mér þat, Finnur! at vit skilim; en vilja skal ek til hafa at gjalda þessa skyld svá, at konungi þykki 10 eigi vargoldit, ok báðum ykkur. Þá gékk Finnur til skips síns, ok sigldi fram eptir liði sínu. Þórir verðr seint búinn or höfninni. En er segl þeira kom upp, þá héldu þeir út um Vestfjörð ok síðan á haf út, ok svá suðr með landi, at sær var í miðjum hliðum eða stundum vatnaði land; 15 lét svá ganga suðr, alt þar til er hann sigldi í Englands- haf, ok kom fram á Englandi; fór síðan á fund Knúts konungs, ok tók hann vel við honum. Kom þá þat upp, at Þórir hafði þar of lausafjár, hafði þar þat fé alt, er þeir höfðu tekit á Bjarmalandi hvárirtveggju ok Karli; en 20 í tunnum þeim hinum miklum þá, var þar botn skamt fra hinum botni, ok var þar í millum drykkur, en tunnan sjálf hvártveggi var full af grám skinum ok bjór ok safala. Var Þórir þá með Knúti konungi. Finnur Árnason fór með liði því til Ólafs konungs, segir honum alt frá ferð 25 sinni, ok svá þat, at hann kvaðst hyggja, at Þórir var or landi farinn ok vestr til Englands á fund Knúts hins ríka: ok ætla ek hann munu vera oss allúþarfan. Konungr segir: Trúi ek því, at Þórir mun vera oss úvinur, ok þykki mér hann ávalt betri firr mér en nærr.

30 *Deila Háreks ok Ásmundar Grankelssonar.*

150. Ásmundr Grankelsson hafði verit þann vetr á Hálogalandi í sýslu sinni, ok var heima með feðr sínum Grankeli. Þar liggr til hafs út ver. er bæði var sela at veiða ok fugla, eggver ok fiskver, ok þat hafði legit at

fornu fari til boejar þess, er Grankell átti. En Hárekr
 or Þjóttu veitti þar tilkall; var þá svá komit, at hann
 hafði haft af verinu öll gögn nokkur misseri. En þá
 þóttist Ásmundr ok þeir feðgar hafa traust konungs til
 allra réttra mála. Fóru þeir feðgar þá báðir um vart
 á fund Háreks, ok segja honum orð ok jartegnir Ólafs
 konungs, at Hárekr skyldi láta af tilkalli um verit. Hárekr
 svarar því þunglíga, segir, at Ásmundr fór til konungs
 með slíku rógi ok óðru; hefi ek öll sannandi til míns
 máls; skyldir þú, Ásmundr! kunna at ætla þér hóf, þótt
 þú þykkist nú mikill fyrir þér, er þú hefir konungs traust;
 er svá ok, ef þér skal hlýða at drepa suma höfðingja ok
 gera at úbótamönnum, en ræna oss, er enn þóttumst fyrr-
 meir kunna at halda til fulls, þó at oss væri jafnbornir
 menn; en nú er þat allfjarri, at þér sét jafnaðarmenn mínir
 fyrir ættar sakir. Ásmundr svarar: Þess kenna margir
 af þér, Hárekr! at þú ert frændstórr ok ofreflismaðr; sitja
 margir um skörðum hlut fyrir þér; en þó er þat nú líkligast,
 at þú, Hárekr! verðir í annan stað til at leita at hafa
 fram újafnað þinn en við oss, eða taka svá mjök aflaga,
 sem þetta er. Skildust þeir síðan. Hárekr sendi húskarla
 sína 10 eða 12 með róðrarferju nokkura mikla. Þeir fóru
 í verit, tóku þar allskonar veiðifang ok hlóðu ferjuna. En
 er þeir váru brottbúnir, þá kom þar at þeim Ásmundr
 Grankelsson með 30 manna, ok bað þá laust láta fang
 þat alt. Húskarlar Háreks svöruðu um þat heldr úbrátt.
 Síðan veittu þeir Ásmundr þeim atgöngu. Kendi þá liðs-
 munar; váru húskarlar Háreks sunir barðir, sumir særðir,
 sumir á kaf fœrðir, ok fengr allr í brott borinn af skipi
 þeira, ok höfðu þeir Ásmundr þat með sér. Kómu hús-
 karlar Háreks heim við svá búit ok sögðu Háreki frá ferð
 sinni. Hann svarar: Tíðindi þykkja nýnæmi öll; þetta
 hefir eigi fyrr gert verit, at berja menn mína. Var þat
 mál kyrt, ok lagði Hárekr eigi orð í ok var hinn kátasti.
 Hárekr lét búa um vart snekkju tvítugsessu, ok skipaði

húskörlum sínum; ok var þat skip allvel búit bæði at
 mönnum ok öllum reiða. Fór Hárekr um várit í leiðangr.
 En er hann fann Ólaf konung, þá var ok þar fyrir Ásmundr
 Grankelsson. Þá kom konungr á stefnulagi með Háreki
 5 ok Ásmundi, ok sætti hann þá; var festr á konungs
 dómr. Síðan lét Ásmundr fram flytja vitni til þess, at
 Grankell hafði átt verit. Dæmdi konungr eptir því. Váru
 þá skökk málaefni; urðu bótalausir húskarlar Háreks, en
 dæmt verit til handa Grankeli. Hárekr segir, at honum
 10 var skammlaust at hlíta konungs dómi, hvernug er mál
 þat skipaðist síðan.

Saga Þórodds.

151. Þóroddr Snorrason hafði dvalizt í Noregi at
 ráði Ólafs konungs, þá er Gellir Þorkelsson fékk leyfi at
 15 fara til Íslands, svá sem fyrr var ritat, ok var hann þá
 með Ólafi konungi ok undi illa úfrelsi því, er hann skyldi
 eigi fara ferða sinna, þannug er hann vildi. Öndurðan
 vetr, þann er Ólafr konungr sat í Niðarósi, lýsti konungr
 því, at hann vill menn senda til Jamtlands at heimta
 20 skatt. En til farar þeirar váru menn úfúsir; því at
 af lífi váru teknir sendimenn Ólafs konungs, þeir er hann
 hafði fyrr sent, Þrándr hvíti ok þeir 12 saman, svá sem
 fyrr var ritat, ok höfðu Jamtr síðan haldizt í lýðskyldu
 við Sviakonung. Þóroddr Snorrason bauðst til þeirar farar,
 25 því at hann hirði þá alllitt, hvat yfir hann gékk, ef hann
 færi sjálfráði. Þat þektist konungr, ok fóru þeir Þóroddr
 12 saman. Þeir kómu fram austr á Jamtalandi, ok sóttu
 heim þann mann, er Þórarr er nefndr. Hann var þar lögmaðr
 ok metorðamaðr mestr. Þeir féngu þar góðar viðtökur.
 30 En er þeir höfðu þar dvalizt litla hríð, þá báru þeir upp
 erendi sín fyrir Þórar. Hann segir, at fyrir þeim svörum
 réðu, engum mun miðr en hann, aðrir landsmenn ok höfð-
 ingjar, ok kvað þings skyldu til kveðja. Var svá gert,
 at þingboð var uppskorit ok stefnt þing fjölmept. Fór

Þórarr til þings, en sendimenn dvöldust meðan at hans. Þórarr bar upp mál þetta fyrir alþýðu; en þat kom ásamt með öllum, at þeir vildu engan skatt gjalda Noregs konungi; en sendimennina vildu sumir hengja láta, en sumir láta þá hafa til blóts. En hitt var afráðit, at þeim skyldi halda þar. til þess er sýslumenn Svíakonungs kæmi þar; skyldu þeir þá stafa fyrir þeim slíkt er þeir vildu með ráði landsmanna, en gera hitt yfirbragð á, at sendimenn væri vel haldnir, ok þeir væri fyrir því dvaldir, at þeir skyldi skattsins biðja, ok skyldi skipta þeim á vistir tveim ok tveim saman. Þóroddr var með annan mann at Þórars. Þar var jólaveizla mikil ok samburðaröl. Margir váru boendr þar í þorpinu, ok drukku þeir allir samt um jólin. Annat þorp var þaðan skamt; þar bjó mágr Þórars, ríkr ok auðigr; hann átti sér son rosinn, þeir mágar skyldu drekka hálf jól at hvárs þeira, ok fyrr at Þórars. Þeir mágar drukkust á, en Þóroddr ok bóndason, ok var kappdrykkja, ok um kveldit kappmæli ok mannfafnaðr með Norðmönnum ok Svíum, ok því næst um konunga þeira. bæði þá, er fyrr höfðu verit, ok þessa, er nú váru, ok svá þau skipti, er verit höfðu landa í milli í manndrápum ok ránum, þeim er verit höfðu milli landa. Þá mælti búandason: Ef várir konungar hafa fleiri menn látit, þá munu sýslumenn Svíakonungs jafna þat með 12 manna fjörvi, þá er þeir koma sunnan eptir jólin, ok vituð þér úgerla, veslir menn! til hvers þér erut dvaldir. Þóroddr hugsaði sitt mál, ok margir drógu glott at ok fundu þeim hneyxliyrði, ok svá konungi þeira. Fór þat þá úleynt, er ölit mælti með þeim Jamtum, er Þóroddr hafði áðr ekki grunat. Eptir um daginn tóku þeir Þóroddr öll klæði sín ok vápn, ok lögðu sér til handargagns. Eptir um nóttina, er menn váru sofnaðir, hljópu þeir braut til skógar. Um morguninn eptir, er menn urðu varir við brauthlaup þeira, fóru menn eptir þeim með sporhunda, ok hittu þá í skógi, þar er þeir höfðu fólgið, ok höfðu þá heim ok í skemmu. Þar

var gróf djúp, váru þeir þar í látnir, ok hurð læst fyrir; höfðu þeir lítinn mat ok engi klæði nema sín. Ok er kómu mið jól, fór Þórarr ok allir frelsingjar með honum til mágs hans; skyldi hann þar drekka hinn efra hlut 5 jólanna. Þrælar Þórars skyldu gæta grafarinnar. En þeim var þá ætlaðr gnógr drykk, en þeir stiltu lítt drykkjunni, ok gerðu sik ölóða þegar um kveldit. En er þeir þóttust fulldruknir, þá mæltu þeir sín í milli, er mat skyldu færa grafarmönnum, at þá skyldi ekki skorta. Þóroddr kvað 0 kvæði ok skemti þeim þrælunum; en þeir kváðu hann mundu vera virktamann, ok gáfu honum kerti mjök mikit ok log á. Þá kómu þeir þrælarnir út, er áðr váru inni, ok kölluðu ákaflega, at hinir skyldu inn fara. En þeir váru hváirtveggju ölóðir, svá at þeir luku hvárki aptr 5 grōfina né skemmuna. Þá ristu þeir Þóroddr í sundr í strengi feldi sína ok knýttu saman, ok gerðu hnoða af endanum ok köstuðu upp á skemmugólfit. Þat vafðiet um örkuþót einn ok varð fast. Þeir leituðu þá til upp at fara; lypti Þóroddr förunaut sínum upp, til þess er hann stóð 0 á öxlum honum; síðan las hann sik upp í gegnum glugginn. Þá skorti eigi reip í skemmunni, ok lét hann ofan síga móti Þóroddi. En er hann skyldi draga Þórodd upp, þá fékk hann hvergi komit honum. Þá mælti Þóroddr, at hann skyldi kasta reipinu yfir bita þann, er var í húsinu, en 5 gera lykkju á endanum, bera þar í viðu ok grjót, svá at þat væri meir en jafnvægi hans. Hann gerði svá. Fóru þá sigin ofan í grōfina, en Þóroddr upp. Þeir tóku sér klæði í skemmunni, sem þeir þurftu. Þar váru inni breinstökur nökkurar, ok skáru þeir af fitjarnar ok bundu öfgar undir 0 fœtr sér. En áðr þeir færi brott, þá lögðu þeir eld í kornhlöðu mikla, er þar var, ok hljópu síðan í brott í niðamyrkri. Hlaðan brann, ok mart annarra húsa í þorpinu. Þeir Þóroddr fóru alla nótt á eyðimörk, ok fálust at degi. Um morgininn var saknat þeira. Var þá farit með spor- 5 hunda at leita þeira á alla vega frá böenum; en hundarnir

röktu sporin aptr til bæjarins, því at þeir kendu af hreinsfitjunum ok röktu þangat sporit, sem klaufirnar höfðu vitat af hreinsfitjunum; ok varð ekki leitat þeira. Þeir Þóroddr fóru lengi á eyðimörkum, ok kómu eitt kveld at litlum húsabœ ok géngu þar inn. Þar sat inni karlmaðr ok kona við eld; nefndist hann Þórir, ok sagði, at sú var kona hans, er þar sat, ok svá, at þau áttu húsakot þat. Bauð bóndi þeim þar at vera, en þeir þágu þat. Hann sagði þeim, at því var hann þar kominn, at hann hafði flýit or bygðinni fyrir víga sakir. Var þeim Þóroddi unninn góðr beini; mōtuðust þau öll við eldinn. Síðan var búit um þá Þórodd þar í seti, ok lögðust þeir til svefns. En þá var enn logi á eldinum. Þá sá Þóroddr, at þar gekk fram maðr or öðru húsi, ok hafði hann engan mann sēt jafnmikinn. Sá maðr hafði skarlatsklæði, búin gullhlöðum, ok var hinn vegligsti sýnum. Þóroddr heyrði, at hann ávitaði þau um þat, er þau tóku við gestum, en höfðu varla sér matbjörg. Húsfreyja svarar: Ver þú eigi reiðr, bróðir! sjaldan hefir þetta at móti borit; veittu þeim heldr nökkura gagnsmuni, því at þú ert betr til foerr en vit. Þóroddr heyrði þann mikla mann nefndan Arnljót gellina, ok svá, at húsfreyja var systir hans. Þóroddr hafði heyrt getit Arnljóts, ok þat með, at hann var hinn mesti stigamaðr ok illvirki. Sváfu þeir Þóroddr um nóttina, því at þeir váru mœddir áðr af göngu. En er lifa mundi þriðjungr nætr, þá kom þar Arnljótr, bað þá upp standa ok búast ferðar sinnar. Þeir Þóroddr stóðu þegar upp ok klæddust; var þeim gefinn dagverðr. Síðan fékk Þórir skíð hvárumtveggja þeira. Arnljótr réðst til ferðar með þeim; steig hann á skíð; þau váru bæði breið ok löng. En þegar er Arnljótr laust við geislinum, þá var hann hvar fjarri þeim. Þá beið hann ok mælti, at þeir mundu hvergi komast at svá búnu; bað þá stiga á skíðin með sér. Þeir gerðu svá. Fór Þóroddr nærri honum, ok hélt sér undir belti Arnljóts. en förunautr Þórodds hélt honum. Skreið Arnljótr þá svá

hart, sem hann færi lauss. Þeir kómu til sáluhúss nokkurs, er þriðjungur var af nótt, drápu sér þar eld ok bjoggu til matar. En er þeir mötuðust, þá mælti Arnljótr, það þá engu niðr kasta af matnum, hvárki beinum né mola. Arn-
5 ljótr tók or serk sínum silfrdisk einn ok mataðist þar af. En er þeir váru mettir, þá hirði Arnljótr leifar þeira. Síðan bjoggust þeir til rekna. Í annan enda hússins var lopt uppi á þvertrjám; fóru þeir Arnljótr upp á loptit ok lögðust þar til svefns. Arnljótr hafði höggspjót mikit, ok
10 var gullrekinn falrinn, en skaptit svá hátt, at tók hendi til falsins, en hann var sverði gyrðr. Þeir höfðu bæði vápn sin ok klæði uppi á loptinu hjá sér. Arnljótr það þá vera hljóðsama. Hann lá fremstr á loptinu. Litlu síðar kómu þar til hússins menn 12; þat váru kaupmenn, er fóru til
15 Jamtlands með varning sinn. En er þeir kómu í húsit, gerðu þeir um sik glaum mikinn ok váru kátir; gerðu fyrir sér elda stóra. En er þeir mötuðust, þá köstuðu þeir út beinum öllum. Síðan bjoggust þeir til rekna, ok lögðust niðr í seti þar við eldinn. En er þeir höfðu litla hríð
20 sofit, þá kom þar til hússins tröllkona mikil. En er hon kom inn, sópaðist hon um fast, tók beinin ok alt þat, er henni þótti ætt, ok sló í munn sér; síðan greip hon mann, þann er næst henni var, reif ok sleit allan í sundr ok kastaði á eldian. Þá vöknðu þeir aðrir ok við illan draum ok
25 hljópu upp. En hon færði til heljar hvern at öðrum, svá at einn var eptir á lífi. Hljóp sá innar undir lopt ok kallaði til hjálpar sér, ef nokkut væri þess í loptinu, er honum mundi duga. Arnljótr seildist til hans ok tók í herðar honum ok kipti honum upp í loptit. Þá slóst hon
30 fram at eldinum ok tók at eta mennina, þá er steiktir váru. Þá stóð Arnljótr upp ok greip höggspjót sitt ok setti milli herða henni, svá at út hljóp oddrinn um brjóstit. Hon brá við hart ok kvað við illiliga ok hljóp út. Arnljóti varð laust spjótit, ok hafði hon þat með sér á brott. Arnljótr
35 gékk til ok ruddi út hræum manna, setti fyrir skálann

hurð ok gætti; því at hon hafði þat alt frá brotit, er hon gékk út. Sváfu þeir þá þat er eptir var nætrinnar. En er lýsti, stóðu þeir upp, ok átu þá fyrst dagverð sinn. En er þeir höfðu matazt, mælti Arnljótr: Nú munu vér hér skiljast; skulut þér nú fara eptir akbraut þessi, er þeir fóru í gær hingat kaupmenninir; en ek vil leita spjóts míns; mun ek hafa at verkkaupi þat er mér þykkir fénýtt af fé því, er þessir menn hafa átt: skaltu, Þóroddr! bera Ólafi konungi kveðju mína, ok seg honum þat, at hann er svá maðr, at mér er mest forvitni at hitta; en kveðja mín mun honum þykkja enskis verð. Tók hann upp silfrdiskinn ok strauk með dúknum, ok mælti: Færðu konungi disk þenna, seg, at þat er kveðja mín. Síðan bjoggust þeir til ferðar hvárirtveggju, ok skildust þeir at svá búnu. Fór Þóroddr ok þeir förunautar, ok svá sá maðr, er undan hafði komizt af þeim förunautum kaupmönnnum. Fór Þóroddr til þess, er hann fann Ólaf konung í kaupangi, ok sagði honum alt frá ferðum sínum, bar honum kveðju Arnljóts ok færði honum silfrdiskinn. Konungr segir, at þat var illa, er Arnljótr hafði eigi farit á konungs fund, ok er skaði mikill, er svá ilt skyldi leggjast fyrir svá góðan dreng ok merkiligan mann. Þóroddr var síðan með Ólafi konungi þat er eptir var vetrar, ok fékk þá leyfi af honum at fara til Íslands um sumarit eptir. Skildust þeir Ólafr konungr þá með vináttu.

Útboð Ólafs konungs.

152. Ólafr konungr bjóst um várit or Niðarósi; ok dróst lið at honum mikit, bæði þar or Þrándheimi ok svá norðan or landi. En er hann var búinn ferðar sinnar, þá fór hann með liðinu fyrst suðr á Mœri ok heimti þar saman leiðangrslíð, ok svá or Raumsdal. Síðan fór hann á Sunnmœri. Hann lá lengi í Hereyjum ok beið liðs síns; átti þá optliga húsping. Kom þar mart til eyrna honum, þat er honum þótti umráða þurfa. Þat var á einu hús-

þingi, er hann átti, at hann hafði þat mál í munni, sagði frá mannskaða þeim er hann hafði látit af Færeyjum; en skattr, sá er þeir hafa mér heitit, þá kemr ekki fram. Nú ætla ek enn þangat menn at senda eptir skattinum. Veik
5 konungr þessu máli nökkut til ýmissa manna, at til þeirar ferðar skyldu ráðast. En þar kómu þau svör í mót, at allir menn töldust undan förinni. Þá stóð upp maðr á þinginu mikill ok allvörpuligr; sá hafði rauðan kyrtil, hjálm á höfði, gyrðr sverði, höggspjót mikit í hendi. Hann tók
10 til máls: Þat er satt at segja, kvað hann, at hér er mikill munr manna; þér hafit konung góðan, en hann drengi illa, er neikvæðit sendiför eina, er hann býðr yðr, en hafit þegit áðr af honum vingjafir ok marga sœmiliga hluti; en ek hefi verit hér til engi vinr konungs þessa, hefir hann ok
15 verit úvinr minn; telr hann, at sakar sé til þess. Nú vil ek bjóða þér, konungr! at fara för þessa, ef ekki eru vildari fōng á. Konungr svarar: Hverr er þessi maðr hinn drengiligi, er svarar máli mínu? Gerir þú mikinn mun ððrum mönnum, þeim er hér eru, er þú býðst til farar, en þeir töldust undan,
20 er ek hugða, at vel myndi hafa viðskipast. En ek kann á þér engi deili, ok eigi veit ek nafn þitt. Hann svarar svá, at nafn mitt er ekki vant, konungr! þess er mér ván, at þú munir heyrt hafa mik nefndan; ek em kallaðr Karl mœrski. Konungr svarar: Svá er þat, Karl! heyrt hefi
25 ek þik nefndan fyrr, ok er þat satt at segja, at verit hafa þær stundir, ef fundi okkra hefði at borit, er þú mundir ekki kunna segja frá tíðindum; en nú vil ek eigi verr hafa en þú, er þú býðr mér liðsemd þína, at leggja eigi þar at móti þökk ok auþúsu. Skaltu, Karl! koma til mín, ok
30 vera í boði mínu í dag; skulu vit þá rœða þetta mál. Karl segir, at svá skyldi vera.

Saga Karls hins mœrska.

153. Karl hinn mœrski hafði verit víkingr ok hinn mesti ránsmaðr, ok, hafði konungr mjök opt gerva menn

tíl hans ok vildi hann af lífi taka. En Karl var maðr ættstórr ok mikill athafnarmaðr, íþróttamaðr ok atgervimaðr um marga hluti. En er Karl var ráðinn til ferðar þessar, þá tók konungr hann í sætt ok því næst í kærleik, lét búa ferð hans sem best. Váru þeir á skipi nær 20 menn.⁵ Konungr gerði orðsendingar til vina sinna í Færeyjar, sendi Karl til halds ok trausts þar er var Leifr Özurarson ok Gilli lögsögumaðr, sendi til þess jartegnir sínar. Fór Karl þegar er hann var búinn; byrjaði þeim vel, ok kómu til Færeyja ok lögðu í Þórshöfn í Straumey. Síðan var þar¹⁰ þing stefnt, ok kom þar fjölmment. Þar kom Þrándr or Götum með flokk mikinn; þar kom ok Leifr ok Gilli, höfðu þeir ok fjölmenni mikit. En er þeir höfðu tjaldat ok umbúizt, þá géngu þeir til fundar við Karl moerska. Váru þar kveðjur góðar. Síðan bar Karl orð ok jartegnir Ólafs¹⁵ konungs ok vinmæli til þeira Gilla ok Leifs. Þeir tóku því vel, ok buðu Karli til sín ok at flytja erendi hans ok veita honum slíkt traust, sem þeir hefði föng á. Hann tók því þakksamliga. Litlu síðar kom þar Þrándr ok fagnaði vel Karli. Em ek, segir hann, feginn orðinn, er²⁰ slíkr drengr hefir komit hingat til lands várs með erendi konungs várs, er vér erum allir skyldir undir at standa; vil ek ekki annat, Karl! en þú farir til mín til vetrvistar, ok þat með þér alt þíns liðs, er þinn vegr væri þá meiri en áðr. Karl svarar, at hann var áðr ráðinn at fara til²⁵ Leifs: en ek munda elligar, segir hann, fúsliga þiggja þetta boð. Þrándr segir: Þá mun Leifi auðit vegsmuna af þessu; en eru nökkurir þá aðrir hlutir þeir, er ek mega þá svá gera, at yðr sé liðsemd at? Karl svarar, at honum þótti mikit í veitt, at Þrándr drægi saman skattinn um³⁰ Austrey ok svá um allar Norðreyjar. Þrándr segir, at þat var skylt ok heimilt, at hann veitti þann beina at erendi konungs. Gengr Þrándr þá aptr til búðar sinnar. Varð á því þingi ekki fleira til tíðinda. Fór Karl til vistar með Leifi Özurarsyni, ok var hann þar um vetrinn eptir.³⁵

Heimti Leifr skatt saman um Straumey, ok um allar eyjar suðr þaðan. Um vǫrit eptir fékk Þrándr or Götú vanheilsu, hafði augnaþunga ok þó enn kramar aðrar; en þó bjóst hann at fara til þings, sem vandi hans var. En er hann
5 kom á þingit ok búð hans var tjölduð, þá lét hann tjalda undir svörtum tjöldum innan af, til þess at þá væri síðr skídræpt. En er dagar nökkurir váru liðnir af þinginu, þá ganga þeir Leifr ok Karl til búðar Þrándar, ok váru fjölmennir. En er þeir kómu at búðinni, þá stóðu þar úti
10 nökkurir menn. Leifr spurði, hvárt Þrándr væri inni í búðinni. Þeir segja, at hann var þar. Leifr mælti, at þeir skyldu biðja Þránd út ganga: eigu vit Karl erendi við hann, segir hann. En er þeir menn kómu aptr, þá segja þeir, at Þrándr hafði þann augnaverk, at hann mátti eigi út
15 koma: ok bað hann, Leifr! at þú skyldir inn ganga. Leifr mælti við förunauta sína, at þeir skyldu fara varliga, er þeir kæmi í búðina, þröngvast eigi: gangi sá fyrstr út, er síðarst gengr inn. Leifr gékk fyrst inn, en þar næst Karl, þá hans förunautar, ok fóru með alvæpni, sem þá at
20 þeir skyldi til bardaga búast. Leifr gékk innar at hinum svörtum tjöldunum, spurði þá, hvar Þrándr væri. Þrándr svaraði ok heilsaði Leifi. Leifr tók kveðju hans; spurði síðan, hvárt hann hefði nökkut skatt heimt um Norðreyjar, eða hverr greiði þá mundi á vera um silfrit. Þrándr
25 svarar, ok segir, at eigi hefði honum þat or hug horfit, er þeir Karl höfðu roett, ok svá, at greiði mundi á verða um skattinn: er hér sjóðr, Leifr! er þú skalt við taka, ok er fullr af silfri. Leifr sást um, ok sá fátt manna í búðinni, lágu menn í pöllum, en fáir sátu upp. Síðan gékk Leifr
30 til Þrándar ok tók við sjóðnum, ok bar utar í búðina, þar er ljóst var, ok steypiti silfrinu ofan á skjöld sinn, rótaði í hendi sinni ok mælti, at Karl skyldi sjá silfrit. Þeir litu á um stund. Þá spurði Karl, hvernug Leifi sýndist silfrit. Hann mælti: Þat hygg ek, at hverr sá penningr, er illr
35 er í Norðreyjum, at hér muni kominn. Þrándr heyrði þetta,

ok mælti: Sýnist þér eigi vel silfrit, Leifr! Svá er, segir hann. Þrándr mælti: Eigi eru þeir þó meðalmannniðingar frændr várir, er þeim má til enskis trúá; ek hefi sent þá í vár at heimta skatt norðr í eyjar, er ek var at engu færri í vár; en þeir hafa tekit mútur af búöndum at taka fals slíkt, er eigi þykkir gjaldgengt; ok er hitt vænst, Leifr! at sjá þetta silfr, er goldizt hefir í landskuldir mínar. Bar Leifr þá uptr silfrit, en tók við sjóð öðrum ok bar þann til Karls. Rannsökuðu þeir þat fé. Spurði Karl, hversu Leifi sýndist þetta fé. Hann sagði, at honum þótti þetta fé vánt, ok eigi svá, at um þær skuldir, er úvandliga var fyrir mælt, at eigi yrði slíkt þá tekit, en eigi vil ek þetta fé konungi til handa taka. Maðr einn, sá er lá í pallinum, kastaði feldi af höfði sér ok mælti: Satt er hit fornkveðna, svá ergist hverr sem eldist; svá er þér ok, 15 Þrándr! lætr Karl hinn möerska reka fé fyrir þér í allan dag. Þar var Gautr hinn rauði. Þrándr hljóp upp við orð Gauts ok varð málóði, veitti þeim stórar átölur frændum sínum. En at lyktum mælti hann, at Leifr skyldi selja honum þat silfr: en tak hér við sjóð, er landbúar mínir 20 hafa fært mér heim í vár; en, þótt ek sjá úskygn, þá er þó sjálf hönd hollust. Maðr reis upp við ölboga, er lá í pallinum; þar var Þórðr hinn lági; hann mælti: Eigi hljótum vér meðalorðaskak af honum Mærakarli, ok væri hann launa fyrir verðr. Leifr tók við sjóðnum ok bar enn 25 fyrir Karl. Sá þeir þat fé. Mælti Leifr: Ekki þarf lengi at sjá á þetta silfr, hér er hverr penningr öðrum betri, ok viljum vér þetta fé hafa; fá þú til, Þrándr! mann at sjá reizlur. Þrándr segir, at honum þótti bezt til fengit, at Leifr sæi fyrir hans hönd. Géngu þeir Leifr þá út ok 30 skamt frá búðinni; settust þeir þá niðr ok reiddu silfrit. Karl tók hjálm af höfði sér ok holti þar í silfri, þá er vegit var. Þeir sá mann ganga hjá sér, ok hafði refði í hendi ok hött síðan á höfði ok heklum græna, berfoettr, knýtt línbrókum at beini. Hann setti niðr refðit í völl, ok gékk 35

frá ok mælti: Sé þú við, Mœrakarl! at þér verði eigi
 mein at refði mínu. Litlu síðar kom þar maðr hlaup-
 andi ok kallaði ákæfliga á Leif Özurarson, bað hann fara
 sem skjótast til búðar Gilla lögsögumanns: þar hljóp inn
 5 um tjaldskarar Sigurðr Þorláksson, ok hefir særðan búðar-
 mann Gilla til úlífis. Leifr stóð þegar upp ok gékk á
 brott til fundar við Gilla; gékk með honum alt búðarlið
 hans. En Karl sat eptir, þeir Austmenninir stóðu í hring um
 hann. Gautr rauði hljóp at ok hjó með handöxi yfir
 10 herðar mönnum, ok kom högg þat í höfuð Karli, ok varð
 sár þat ekki mikit. Þórðr lági greip upp refðit, er stóð í
 vellinum, ok lýstr á ofan öxarhamarinn, svá at öxin stóð
 í heilanum. Þusti þá fjöldi manna út or búð Þrándar.
 Karl var þaðan dauðr borinn. Þrándr lét illa yfir verki
 15 þessu, ok bauð þó fé til sátta fyrir frændr sína. Leifr ok
 Gilli géngu at eptirmáli, ok kom þar eigi fébótum fyrir.
 Varð Sigurðr útlagr fyrir áverka þann, er hann veitti
 búðunaut Gilla, en Þórðr ok Gautr fyrir víg Karls. Aust-
 menn bjoggu skip þat, er Karl hafði haft þangat, ok fóru
 20 austr á fund Ólafs konungs. En þess var eigi auðit, at
 Ólafr konungr hefndi þessa við Þránd eða frændr hans,
 fyrir þeim úfriði, er þá hafði gerzt í Noregi, ok enn mun
 verða frá sagt. Ok er nú lokit at segja frá þeim tíðindum,
 er urðu af því, er Ólafr konungr heimti skatt af Færeyjum.
 25 En þó gerðust deilur síðan í Færeyjum eptir víg Karls
 mœrska, ok áttust þá við frændr Þrándar or Götu ok Leifr
 Özurarson, ok eru frá því stórar frásagnir.

Leiðangr Ólafs konungs.

30 154. En nú er frá því at segja, er fyrr var upphafit,
 er Ólafr konungr fór með liði sínu ok hafði leiðangr úti
 fyrir öllu landi; fylgðu honum þá allir lendir menn norðan
 or landi, nema Einarr þambarskelfir; hann hafði um kyrt
 setit heima at búum sínum, síðan er hann kom í land, ok

þjónaði ekki konungi. Átti Einarr stórmiklar eignir, ok hélt sik þó vegsamliga, at hann hefði engar konungs veizlur. Ólafr konungr hélt liði sínu suðr um Stað; dróst þar enn til hans lið mikit or heröðum. Þá hafði Ólafr konungr skip þat, er hann hafði gera látit áðr um vetrinn, er Vísundr 5 var kallaðr, allra skipa mest; var á framstafni vísundarhöfuð gulli búit. Þess getr Sigvatr skáld:

Lyngs bar fiskr til fengjar
flugstyggs sonar Tryggva
gjölnar gulli mölun,
Goð vildi svá, roðnar.

Annan lét á unnir
Ólafr búinn hála,
lögr þó drjágt, hinn digri,
dýrshorn, Vísund sporna.

10

Fór konungr þá suðr á Hörðaland. Hann spurði þau tíðindi, at Erlingr Skjalgsson var or landi farinn, ok hafði haft lið mikit, skip 4 eða 5. Hann hafði sjálfr skeið eina mikla, en synir hans 3 tvítugsessur, ok höfðu siglt vestr 15 til Englands á fund Knúts hins ríka. Fór þá Ólafr konungr austr með landi ok hafði allmikit lið. Hann leiddi at spurningum, ef menn vissi nokkut til ferðar Knúts hins ríka; en þat kunnu allir at segja, at hann var á Englandi; en þat var ok sagt með, at hann hafði leiðangr úti ok 20 ætlaði til Noregs. En fyrir þá sök, er Ólafr konungr hafði lið mikit ok hann fékk eigi hit sanna spurt, hvert hann skyldi stefna til fundar við Knút, en mönnum þótti sér illa gegna dvöl í einum stað með her svá mikinn, þá réð hann þat af, at sigla með herinn suðr til Danmerkr, ok 25 hafði þat lið alt með sér, er honum þótti vígligast ok best var búit, en gaf hinum heimleyfi; svá sem kveðit er:

Ólafr knýr und árum
orðsnjallr Vísund norðan;

brýtr annarr gramr úti
unnheim dreka sunnan.

Nú fór þat lið heim, er honum þótti minni fylgd í. Hafði 30 Ólafr konungr þar mikit lið ok frítt; váru þar flestir lendir menn or Noregi, nema þeir, er áðr var sagt, at or landi væri farnir, eða eptir höfðu sezt heima.

Frá Ólafi konungi ok Önundi konungi.

155. Þá er Ólafr konungr sigldi til Danmerkr, hélt hann til Sjólands. En er hann kom þar, tók hann at herja, veitti uppgöngur; var þá bæði landsfólkit rænt ok
 5 sumt drepit, sumt var handtekit ok bundit, flutt svá til skipa, en alt flýði, þat er því kom við, ok varð engi viðstaða; gerði Ólafr konungr þar hit mesta hervirki. En er Ólafr konungr var á Sjólandi, þá spurði hann þau tíðindi, at Önundr konungr Ólafsson hafði úti leiðangr, ok fór með
 10 her mikinn austan fyrir Skáni, ok herjaði hann þar. Varð þá bert um ráðagerð þá, er Ólafr konungr ok Önundr konungr höfðu haft í Elfinni, þá er þeir gerðu samband sitt ok vináttu, at þeir skyldu báðir veita mótstöðu Knúti konungi. Fór Önundr konungr til þess er hann fann Ólaf
 15 konung mág sinn. En er þeir hittust, þá gera þeir þat bert, bæði fyrir sínu liði ok landsfólkinu, at þeir ætla undir sik at leggja Danmörk, ok beiða sér viðrtöku af landsmönnum. En þat var, sem víða finnast dømi til, at þá er landsfólkit verðr fyrir hernaði ok fær eigi styrk til viðr-
 20 töku, þá játa flestir öllum þeim álögum, er sér kaupa frið í. Varð þá svá, at margir menn ganga til handa þeim konungum, ok játuðu þeim hlýðni; lögðu þeir víða landit undir sik, þar er þeir fóru, en herjuðu at öðrum kosti. Sigvatr skáld getr þessa hernaðar í drápu þeiri, er hann
 25 orti um Knút konung hinn ríka.

Knútr var und himnum.

Hygg ek ætt at frétt

Haralds í her

hug vel duga.

Lét lýrgötu

lið suðr or Nið

Ólafr jöfurr

ársæll fara.

Þurðu norðan,

namsk þat, með gram

til slétts svalir

Silunds kilir.

En með annan

Önundr Dönum

á hendr at há

her scenskan ferr.

Frá Knúti konungi hinum ríka.

156. Knútr konungr hafði spurt vestr til Englands, at Ólafr Noregs konungr hafði leiðangr úti, svá ok þat, at hann fór með liði því til Danmerkr, ok þar var úfriðr í ríki hans. Tók þá Knútr liði at samna. Dróst þar brátt 5 saman herr mikill ok fjöldi skipa. Var Hákon jarl annarr höfuðsmaðr fyrir því liði. Sigvatr skáld kom þat sumar til Englands vestan or Rúðu af Vallandi, ok sá maðr með honum, er Bergr hét. Þeir höfðu þangat farit kaupferð hit fyrra sumar. Sigvatr orti flokk, þann er kallaðr var 10 Vestrfararvísur, ok er þetta upphaf:

Bergr! höfum minzk, hve margan	börð lét ek í för fyrða
morgun Rúðuborgar	fest við arm hinn vestra.

En er Sigvatr kom til Englands, þá fór hann þegar til fundar við Knút konung, ok vildi beiða sér orlofs at fara 15 til Noregs. Knútr konungr hafði sett bann fyrir kaupskip öll, fyrr en hann hefði búið her sinn. En er Sigvatr kom til hans, þá gékk hann til herbergis þess, er konungr var inni. Þá var herbergit læst, ok stóð hann lengi úti. En er hann hitti konung, þá fékk hann lof, sem hann beiddi. 20 Þá kvað hann:

Utan varð ek áðr en Jóta	En erendi óru	
andspilli fékk stillis,	áttungr í sal knátti	
meld sá ek hér fyrir hauldi	Gorms, ber ek opt á armi	
húsdýrr, fyrir spyrjask.	járnstúkur, vel lúka.	25

En er Sigvatr varð þess varr, at Knútr konungr býr herferð á hendr Ólafi konungi, ok hann vissi, hversu mikinn styrk Knútr konungr hafði, þá kvað Sigvatr:

Örr tegask Ólaf gerva,	Haldisk vörðr, þó at vildit	
alt hefir sá er, fjörvaltan,	varla Knútr ok jarlar;	30
konungs dauða mun ek kvíða,	dælla er fyrst á fjalli	
Knútr ok Hákon, úti.	fundi, ef hann sjálfr kemsk undan.	

Enn orti Sigvatr fleiri vísur um ferð þeira Knúts ok Hákonar; þá kvað hann enn:

Átti jarl at sætta
allframr búendr gamla
ok, þeir er optast tóku
Ólaf, af því máli.

Þeir hafa fyrr af fári,
framt er Eiríks kyn, meira
höfðum keypt en heiptir
Hákon saman bundit.

Frá dreka Knúts konungs.

157. Knútr hinn ríki hafði búit her sinn or landi, hafði hann of liðs ok skip furðuliga stór; hann sjalfr hafði dreka þann, er svá var mikill, at sextögr var at rúmatali; váru þar á höfuð gullbúin. Hákon jarl hafði annan dreka; var sá fertögr at rúmatali; váru þar ok gylt höfuð á, en seglin bæði váru stöfuð öll með blá ok rauðu ok grœnu. Öll váru skipin steind fyrir ofan sæ, allr búnaðr skipanna var hinn glæsiligsti. Mörg önnur skip höfðu þeir, stór ok búin vel. Þess getr Sigvatr skáld í Knútsdrápu:

Knútr var und himnum
Hér austan ferr
friðr fylkis niðr
fráneygr Dana.
Skreið vestan viðr,
var glæstr sá er bar
út andskota
Aðalráðs þaðan.

Ok báru í byr
blá segl við rá,
dýr var döglinga fœr,
drekar landreka.
En þeir er kómu
kilir vestan til
um leið liðu
Límafjarðar brim.

Svá er sagt, at Knútr konungr hélt her þeim hinum mikla vestan af Englandi, ok kom heilu öllu liði sínu til Danmarkar, ok lagði til Límafjarðar; var þar fyrir samnaðr mikill landsmanna.

Hörðaknútr til konungs tekinn.

158. Úlfr jarl Sprakaleggsson hafði settr verit til landvarnar í Danmörk, þá er Knútr konungr fór til Englands. Hafði hann selt í hendr Úlfi jarli son sinn, þann er kallaðr var Hörðaknútr. Var þat hit fyrra sumar, sem áðr er ritat. En jarl segir þegar, at Knútr konungr hafði

boðit honum þat erendi at skilnaði þeira, at hann vildi, at Danir tœki til konungs yfir Danaveldi Hörðaknútr, son Knúts konungs: fékk hann fyrir þá sök hann oss í hendr; hefi ek, segir hann, ok margir aðrir hérlandsmenn ok höfðingjar kært optliga þat fyrir Knúti konungi, at mönnum þykkir þat hér í landi vandi mikill at sitja hér konunglaust, er hinum fyrrum konungum Dana þótti þat fullræði at hafa konungdóm yfir Danaveldi einu saman; en þá er hin fyrri ævi var, réðu þessu ríki margir konungar; en þó gerist þat nú miklu meira vandmæli en fyrr hefir verit; því at vér höfum hér til nát í friði at sitja fyrir útlendum höfðingjum, en nú spyrjum vér hitt, at Noregs konungr ætli at herja á hendr oss, ok er mönnum þó grunr á, at Svíakonungr muni ok til þeirar ferðar ráðast; en Knútr konungr er nú á Englandi. Síðan bar jarl fram bréf ok innsigli Knúts konungs, þau er sönnuðu alt þetta, er jarl bar upp. Þetta erendi studdu margir aðrir höfðingjar. Ok af þeira fortölum allra saman réð landsfólkit þat af, at taka Hörðaknútr til konungs, ok var þat gert á því sama þingi. En í þessi ráðagerð hafði verit upphafsmaðr Emma dróttning; hafði hon látit gera bréf þessi ok látit innsigla, hafði hon með brögðum nát innsigli konungs; en hann sjálf var leyndr þessu öllu. En er þeir Hörðaknútr ok Úlfr jarl urðu þess varir, at Ólafr konungr var kominn norðan or Noregi með her mikinn, þá fóru þeir til Jótlands, því at þar er mest megin Danaveldis; skáru þeir þá upp herör, ok stefndu saman her miklum. En er þeir spurðu, at Svíakonungr var ok þar kominn með her sinn, þá þóttust þeir eigi styrk til hafa at leggja til bardaga við þá báða. Þó héldu þeir samnaðinum á Jótlandi, ok ætluðu at verja þat land fyrir konungum; en skipaherinn drógu þeir allan saman í Limafirði, ok biðu svá Knúts konungs. En er þeir spurðu, at Knútr konungr var vestan kominn til Limafjarðar, þá gerðu þeir sendimenn til hans ok til dróttningar Emmu, ok báðu, at hon skyldi verða vís, hvárt konungr

var þeim reiðr eða eigi, ok láta þá þess verða vara. Dróttning ræddi þetta mál við konung, ok segir, at Hörðaknútr son þeira vildi bæta öllu því, sem konungr vildi, ef hann hefði þat gert, er konungi þœtti í móti skapi. Hann svarar, segir, at Hörðaknútr hafði ekki sínum ráðum fram farit: hefir þat svá tekizt, kvað hann, sem ván var at, er hann var barn ok úviti, er hann vildi konungr heita, ok vanda nökkurn bar til handa honum, at land þetta alt mundi herskildi farit ok leggjast undir útlenda höfðingja, ef eigi kvæmi várr styrkr til; nú, ef hann vill nökkura sætt við mik gera, þá fari hann á fund minn ok leggi niðr hégómanafn þat, er hann hefir sik konung látit kalla. Sendi síðan dróttning þessi sömu orð til Hörðaknúts, ok þat með, at hon bað, at hann skyldi eigi þessa ferð undir höfuð leggjast, sagði, sem var, at hann mundi engi styrk til þess fá, at standa í mót feðr sínum. En er þessi orðsending kom til Hörðaknúts, þá leitaði hann ráðs við jarl ok við aðra höfðingja, þá er með honum váru. En þat fannst brátt, þegar er landsfólkit spurði, at Knútr hinn gamli var kominn, þá dreif til hans allr múgr landsins, ok þótti þar traust sitt alt. Sá Úlfr jarl ok aðrir félagar hans, at tveir váru kostir fyrir höndum, annathvært, at fara á fund konungs ok leggja alt á hans vald, eða stefna af landi brott elligar. En allir lýstu Hörðaknútt at fara á fund föður sins. Gerði hann svá. En er þeir hittust, þá féll hann til fóta feðr sínum ok lagði innsiglit í kné honum, þat er konungsnafn fylgði. Knútr konungr tók í hönd Hörðaknúti, ok setti hann í sæti svá hátt sem fyrr hafði hann setit. Úlfr jarl sendi Svein son sinn á fund Knúts konungs. Sveinn var systurson Knúts konungs. Hann leitaði griða feðr sínum ok sættar af konungi, ok bauð at setjast í gisling af hendi jarls. Þeir Sveinn ok Hörðaknútr váru jafnaldrar. Knútr konungr bað þau orð segja jarli, at hann samnaði her ok skipum, ok færi svá til fundar við konung, en ræddi síðan um sættir sínar. Jarl gerði svá.

Hernaðr á Skáney.

159. En er Ólafr konungr ok Önundr konungr spurðu. at Knútr konungr var vestan kominn, ok þat, at hann hafði þá úflýjanda her, þá sigla þeir austr fyrir Skáni, taka þá at herja ok brenna heröð, sökja svá austr fyrir landit til móts við ríki Sviakonungs. En þegar er landsfólkit⁵ spurði, at Knútr konungr var vestan kominn, þá varð ekki af handgöngu við konunga. Þessa getr Sigvatr skáld:

Gátut dróttnar
Danmörk spanit
und sik sökum
snarir herfarar.

Þá lét skarpla
Skáney Dana
hlöðr herjaða.
höfuðfremstr jöfurr.

10

Þá sóttu konungar austr fyrir landit, ok lögðu at þar er heitir áin Helga, ok dvöldust þar um hrið. Þá spyrja þeir, at Knútr konungr fór með her sinn eptir þeim. Þá bera þeir ráð saman, ok tóku þat til, at Ólafr konungr¹⁵ með liði sínu sumu gékk á land upp, ok alt á markir til vatns þess, er áin Helga fellr or. Gerðu þar í árósinum stíflu með viðum ok torfi, ok stemdu svá uppi vatnit, ok svá skáru þeir díki stór ok hleyptu saman fleirum vötnum, ok gerðust þar víðir flóar. En í árveginnn hjoggu þeir²⁰ stórviðu. Þeir váru í þessu starfi marga daga, ok hafði Ólafr konungr alt tilstilli um brögð þessi, en Önundr konungr hafði þá stjórn yfir skipahernum. Knútr konungr spurði til ferða þeira konunga, ok svá skaða þann allan, er þeir höfðu gert á ríki hans; heldr þá til móts við þá,²⁵ þar er þeir lágu í ánni Helgu, ok hafði her mikinn, ok hálfu meira en þeir báðir. Þessa getr Sigvatr:

Létað af jöfurr,
ætt manna fannsk,
Jótlands etask
flendr, at því.

Vildi foldar
fæst rán Dana
hlíf skjöldr hafa.
höfuðfremstr jöfurr.

30

Orrosta fyrir ánni Helgu.

160. Þat var einn dag at kveldi, at njósnarmenn Önundar konungs sá sigling Knúts konungs, ok átti hann þá þangat eigi langt. Þá lét Öundur konungr blása her-
5 blástr. Ráku menn þá tjöld af sér ok herklæddust, reru út or höfninni ok austr fyrir landit, lögðu þá saman skip sín ok tengdu, ok bjoggust til bardaga. Öundur konungr hleypti njósnarmönnum á land upp. Fóru þeir á fund Ólafs konungs, ok sögðu honum þessi tíðindi. Þá lét
10 Ólafr konungr brjóta stíflurnar ok hleypa ánni í veg sinn; en hann fór um nóttina ofan til skipa simma. Knútr konungr kom fyrir höfnina; þá sá hann, hvar lá herr konunga búinn til bardaga. Þótti honum sem þá mundi vera síð
dags at leggja til orrostu, um þat er herr hans væri allr
15 búinn; því at floti hans þurfti rúm mikit á sænum til at sigla; var langt í milli hins fyrsta skips ok hins síðarsta, svá þess er utarst fór eða hins er næst fór landi. Veðr var lítit. En er Knútr konungr sá, at Svíar ok Norðmenn höfðu rýmda höfnina, þá lagði hann inn til
20 hafnar, ok svá skipin sem rúm höfðu; en þó lá meginherrinn út á hafinu. Um morgininn er mjök var ljóst, þá var lið þeira mart á landi uppi, sumt á tali, en sumt at skemtan sinni. Þá finna þeir eigi fyrr, en þar geysast vötn at þeim með forsfalli; þar fylgðu viðir stórir, er rak at skipum
25 þeira; meiddust skipin þar fyrir, en vötnin flutu um völlum alla; týndist þat fólkit, er á landi var, ok mart þat, er á skipum var. En allir þeir, er því kómu við, hjoggu festar sínar ok leystust út, ok rak skipin mjök sundrlaus. Dreka hinn mikla, er sjálfr konungr var á, rak út fyrir straumi;
30 varð honum ekki auðsnúit með árum; rak hann út at flota þeira Önundar konungs. En er þeir kendu skipit, þá lögðu þeir þegar at umhverfis. En fyrir þá sök at skipit var borðmikit, svá sem borg væri, en fjöldi manns á, ok valit hit bezta lið, vápnat ok sem öruggligast, þá varð skipit

ekki auðsótt; var ok stundin skömm, áðr Úlfr jarl lagði at með sínu liði, ok hófst þá orrosta. Því næst dróst at herr Knúts konungs öllum megin. Þá sá konungar Ólafr ok Önundr, at þeir mundu unnit hafa þá at sinni þann sigr, sem auðit var; létu þá síga skip sín á hömlu, ok leystust í brott or her Knúts konungs, ok skildu flotana. En fyrir þá sök at atлага þessi hafði ekki þannug tekizt, sem Knútr konungr hafði tilskipat, þá varð ekki af atróðrinum; tóku þeir þá at skipa liðinu ok búast um. En er þeir höfðu skilizt, ok sér fór hvárr flotinn, þá kœnnuðu þeir konung- 10 arnir lið sitt, ok fundu, at þeir höfðu ekki mannsPELL fengit; þat sá þeir ok, ef þeir biði þess, at Knútr konungr hefði búit her þann hinn mikla allan, er hann hafði, ok legði síðan at þeim, at liðsmunr var svá mikill, at lítil ván var, at þeir myndi sigrast. Nú var þat ráð tekit, at róa öllu 15 liðinu austr með landi. En er þeir sá, at Knútr konungr hélt ekki eptir þeim, þá reistu þeir við ok settu upp segl sín. Svá segir Óttarr svartí í drápu þeiri, er hann orti um Knút hinn ríka:

Svíum hnektir þú, sökka
siklingr örr! en mikla
ylgr, þars áin Helga,
úlfs beitu fékk, heitir.

Héltu þar er hrafn ne svalta, 20
hvatráðr ertu, láði,
ógnarstafr! fyrir jöfrum,
ýgr, tveim við kyn beima.

Svá kvað Þórðr Sjáreksson í erfíðrápu Ólafs konungs:

Átti Egða dróttinn
Ólafr þrimu stála
við ágætan Jóta
öðling, þann er klauf hringa.

Skaut nær skarpt at mótí 25
Skánunga gramr hánun;
Sveins vara sonr at reyna
slær, þaut úlfr um hrævi.

Ráðagerð Ólafs konungs ok Önundar konungs.

161. Ólafr konungr ok Önundr konungr sigldu austr 30 fyrir veldi Svíakonungs; ok at aptni dags lögðu þeir at landi, þar er heitir Barvík; lágu konungar þar um nóttina. En þat fannst á um Svía, at þeir váru heimfúsir, því at

meginherrinn allr sigldi austr með landi um nóttina, ok létu ekki fyrr ferðinni, en hverr kom heim til sinna heimkynna. En er Önundr konungr varð þessa varr, lét hann blása til húspinga. Önundr konungr tók þá til máls:

5 „Svá er, segir hann, Ólafr konungr! sem þér vitut, at vér höfum farit í sumar allir saman ok herjat víða um Danmörk; höfum vér fengit mikit af fé en ekki af löndum; ek hefi haft í sumar hálft fjórða hundrað skipa, en nú er eigi meir eptir en hundrað; nú lízt mér svá, sem vér munim

10 vinna lítit til frama með eigi meira lið, en nú höfum vér, þó at þér hafit sextigu skipa, sem þér hafit í sumar haft; nú þykki mér þat sýniligast at fara aptr í ríki mitt, ok er gott heilum vagni heim at aka; vér höfum aflat nökkurs, en ekki látit. Nú vil ek, Ólafr mágr! bjóða, at þú farir

15 með mér, ok verum í vetr allir samt; takit slíkt af mínu, sem þér vilit ok þér fáit vel haldit yör ok lið þitt; en ef þér vilit heldr þann kost, at hafa land vart til yfirferðar, þá skal þat heimilt, ok vilit þér fara landveg í Noreg. Ólafr konungr þakkaði Önundi konungi vinsamlig boð: En

20 ef ek skal ráða, þá mun annat af ráðit, ok munum vér halda saman liðinu, því er nú er eptir; höfum vér valit lið ok skipakost góðan; megum vér vel liggja á skipum í allan vetr, sem siðr herkonunga er til; en Knútr mun ekki lengi liggja í ánni Helgu, því at þar er engi höfn slíkum

25 fjölda skipa, sem hann hefir; veit ek ok, at þar mun engum mun siðr heimfúst liðit en hér; vænti ek, at vér hafim svá um búit í sumar, at þorparinn mun vita, hvat gera skal, bæði á Skáni ok um Halland; mun herr Knúts brátt dreifast víðs vegar; veit þá enn eigi, hvárum sigrs er auðit; höfum

30 á njósnir fyrst, hvert ráð hann tekr. Lauk Ólafr konungr svá sínu máli, at menn gerðu góðan róm at, ok var þat ráðs tekit, sem hann vildi. Váru þá njósnir gervar í her Knúts konungs. En þeir lágu þar báðir Önundr konungr ok Ólafr konungr,

Frá Knúti konungi ok Úlfi jarli.

162. Knútr konungr sá þat, at Noregs konungr ok Svíakonungr héldu liði sínu austr með landi. Þá lét hann menn sína ríða hit efra dag ok nótt, svá sem konungar sigldu hit ytra. Hafði Knútr konungr æ njósnir í her þeira, ⁵ ok þá er hann spurði, at mikill hluti liðs var sigldr frá þeim konungunum, þá hélt hann sínum her aptr til Sjólands, ok lagðist í Eyrasund með allan herinn; lá sumt lið við Skáney, en sumt við Sjóland. Knútr konungr reið upp til Róiskeldu dag hinn næsta fyrir Mikjálsmessu með mikla ¹⁰ sveit manna. Úlfr jarl, mágr hans, hafði búit veizlu í mót honum; veitti jarl allkappsamliga, en konungr var úkátr ok úfrýnn. Jarl orti marga vega á hann til gleði, en konungr var stuttmæltr ok fátalaðr. Jarl bauð honum at leika at skáktafli, ok því játaði hann. Tóku þeir þá skáktafl ok ¹⁵ léku. Úlfr jarl var maðr skjótorðr ok úvæginn um alla hluti. Hann var ríkastr maðr í Danmörk, þegar Knútr konung leið. Systir Úlfs jarls var Gyða, er átti Guðini jarl Úlfnaðrsson, ok váru synir þeira Haraldr konungr ok Tosti jarl, Valþjófr jarl, Mörukári jarl, Sveinn jarl; Gyða ²⁰ hét dóttir þeira, er átti Játvarðr hinn góði Englakonungr.

Víg Úlfs jarls.

163. Ok er þeir höfðu leikit um stund at skáktaflinu, þá skákaði jarl af konunginum einn riddara. Konungr bar aptr taflit ok bað hann annat leika. Jarl reiddist, ok skant ²⁵ niðr taflborðinu ok gékk í brott. Konungr mælti: Rennr þú nú, Úlfr hinn ragi? Jarl sneri aptr við dyrrin ok mælti: Lengra mundir þú renna í ánni Helgu, ef þú kœmir því við; kallaðir þú þá ekki Úlf hinn raga, er ek lagða til at hjálpa þér, er Svíar börðu yðr sem hunda. ³⁰ Gékk þá jarl út ok fór til svefns. Litlu síðar gékk konungr at sofa. Eptir um morgininn, er konungr klæddist, mælti hann við skósvein sinn: Gakk þú, segir hann, til

Ulf jarls, ok drep hann. Sveinninn gékk, ok var í brott um bríð, ok kom aptr. Konungr mælti: Draptu jarlinn? Eigi drap ek hann, því at hann var genginn til Lucius kirkju. Maðr hét Ívarr hvíti, norrœnn at kyni.
 5 Konungr mælti til Ívars: Gakktu ok drep jarl. Ívarr gékk til kirkju, ok innar í kórinn ok lagði sverði í gegnum jarl. Lét Úlfr jarl þegar líf sitt. Ívarr gékk þá til konungs ok hafði blóðugt sverð. Konungr mælti: Draptu jarlinn? Drap ek hann, segir hann. Konungr mælti: Vel gerðir þú þá.
 10 En eptir þat er jarl var drepinn, létu munkar læsa kirkjuna. Konungr sendi menn til munkanna, ok bað þá upplúka kirkjuna ok syngja tíðir. Þeir gerðu sem konungr bauð. En er konungr kom til kirkjunnar, þá skeytti hann jarðir miklar til kirkjunnar, svá at þat var mikit herað, ok hófst
 15 sá staðr mikit síðan. Knútr konungr reið ofan til skipa sinna, ok lá þar lengi um haustit með allmikinn her.

Frá Ólafi konungi ok Svíum.

164. Þá er Ólafr konungr ok Önundr konungr spurðu, at Knútr konungr hafði haldit til Eystrasunds, áttu konungar
 20 húsping, ok töluðu mart um ráðagerðir sínar; vildi Ólafr konungr, at þeir lægi þar með allan herinn ok biði, hvat Knútr konungr tæki ráða. En Svíar kváðu þat úráð at biða þar fræra; ok var þat afráðit, at Önundr konungr fór heim með allan her sinn, en Ólafr konungr lá eptir.

25 *Frá Agli ok Tófa.*

165. Þat var einhverja nótt, at þeir áttu at halda vörð á konungsskipi Egill Hallsson ok Tófi Valgautsson. Ok er þeir sátu á verðinum, heyrðu þeir grát mikinn ok gaulun til liðs þess, er hertekit var; þat var bundit um
 30 nætr á landi uppi. Tófi segir, at honum þótti ilt at heyrá á gaulun þeira, ok bað Egil fara til með sér at leysa sólkit. Þetta bragð tóku þeir, skáru böndin ok hleyptu í brott fólkinu; var þat verk allúvinsælt af liðsmönnum. En kon-

ungr var svá reiðr, at hélt við váða sjálfan; ok síðan er Egill var sjúkr, vildi konungr lengi ekki sjá hann, fyrr en margir menn báðu fyrir honum. Iðraðist Egill þá mjök, ok bað konung fyrirgefa sér. Gaf konungr þá upp Agli reiði sína, ok lagði hendr sínar yfir síðu honum, þar er 5 verkrinn lá undir, ok söng yfir, ok jafnskjótt batnaði Agli. Tófi kom sér í sætt, svá sem sagt er, at hann skyldi þat til vinna at koma á konungs fund Valgauti feðr sínum. Hann var maðr hundheiðinn, ok fékk hann kristni af orðum konungs, ok andaðist þegar.

10

Svikræði við Ólaf konung.

166. Knútr konungr hafði ávalt njósarmenn í her Ólafs konungs, ok kómu sér í tal við marga menn, höfðu fram féboð ok vináttumál Knúts konungs; létu þar margir eptir leiðast, ok seldu þar til trú sína, at þeir skyldu 15 halda landi honum til handa, ef hann kæmi í Noreg; urðu margir at þessu berir síðar, þótt þat færi þá leynt fyrst. Sumir tóku þá þegar við fégjöfum, en sumum var heitit fé síðar; en hinir váru allmargir, er áðr höfðu þegit af honum vingjafir stórar, fyrir því at þat var satt at segja 20 frá Knúti konungi, at hverr, er á hans fund kom, þeira manna, er honum þótti nökkut mannsmót at, ok vildi hann þýðast, þá fékk hverr af honum fullar hendr fjár; varð hann af því stórliga vinsæll. Ok var mest at um örleik hans við útlenda menn, ok þá mest, er lengst váru 25 atkomnir.

Ráðagerð Ólafs konungs.

167. Ólafr konungr átti opt tal ok stefnur við menn sína, ok spurði at ráðagerðum. En er hann fann, at sitt lagði hverr til, þá grunaði hann, at þeir váru sumir, er annat mundu um mæla, en sýnast mundi ráðligast, ok 30 mundi þá eigi ráðit, hvárt allir mundu honum rétta skuld gjalda um trygdina. Þess eggjuðu margir, at þeir skyldu

taka byr ok sigla til Eyrasunds, ok svá norðr til Noregs; sögðu þeir, at Danir mundu ekki þora at þeim at leggja, þótt þeir lægi fyrir með lið mikit. En konungr var maðr svá vitr, at hann sá, at slíkt var úlöera; vissi hann ok, at 5 annan veg hafði tekizt Ólafi Tryggvasyni, þá er hann var faliðr, er hann lagði til orrostu, þar er herr mikill var fyrir, en Danir þerði þá eigi at berjast. Vissi konungr ok, at í her Knúts konungs var fjöldi Norðmanna; grunaði konung, at þeir, er slíkt réðu honum, mundu vera hollari 10 Knúti konungi en honum. Veitti Ólafr konungr þá orskurð, sagði svá, at menn skulu búast, þeir er honum vilja fylgja, ok fara landveg hit efra um Gautland, ok svá til Noregs: en skip vár, segir hann, ok allan þunga, þann er vér megum eigi eptir oss flytja, vil ek senda austr í veldi Svíakonungs, 15 ok láta þar varðveita oss til handa.

Um ferð Háreks or Þjóttu.

168. Hárekr or Þjóttu svarar máli Ólafs konungs svá: Þat er auðsætt, at eigi má ek fara fœti til Noregs; ek em maðr gamall ok þungr ok vanr lítt göngu; ætla ek 20 trauðr at skiljast við skip mitt; hefi ek lagt þá stund á um skip þat ok búnað þess, at mér mun leitt, at ljá úvinum mínum langs á skipi því. Konungr svarar: Far þú með oss, Hárekr! vér skulum bera þik eptir oss, ef þú mátt eigi ganga. Hárekr kvað þá vísu:

25	Ráðit hefi ek at ríða,	þótt leggfjöturs liggi
	rínleygs, héðan mínum,	lundr í Eyrarsundi,
	láð! dýnmari leiðar	kann þjóð kerski minni,
	löngum heldr en ganga,	Knútr herskipum úti.

Þá lét Ólafr konungr búa ferð sína; höfðu menn ígangs- 30 klæði sín ok vápn, ok þat sem fékkst af reiðskjótum þá var klyfjat af klæðum ok lausafé. En hann sendi menn, ok lét flytja skip sín austr í Kalmarnir; létu þeir þar upp setja skipin ok flytja reiða allan ok annan varnað til varð-

veizlu. Hárekr gerði sem hann hafði sagt, at hann beið byrjar, ok sigldi síðan vestr fyrir Skáni til þess, er hann kom austan at Hólunum, ok var þat aptan dags, en byrr var á blásandi. Þá lét hann ofan leggja seglit ok svá við, taka ofan veðrvitann ok sveipa skipit alt fyrir ofan⁵ sjá með grám tjöldum, ok lét róa í nökkurum rúmum fram ok aptr, en lét flesta menn sitja lágt í skipinu; ok sá varðmenn Knúts konungs skipit, ok ræddu um sín í milli, hvat skip þat mundi vera, ok gátu þess, at vera mundi flutt salt eða sild, er þeir sá fá mennina en lítinn róðrinn,¹⁰ en skipit sýndist þeim grátt ok bráðlaust, ok sem skipit mundi skinit af sólu, ok sá þeir, at skipit var sett mjök. En er Hárekr kom fram í sundit ok um herinn, þá lét hann reisa viðuna ok draga seglit, lét setja upp gylta veðrvita; var seglit hvítt sem dript, ok stafat rauðu ok blá¹⁵ með vendi. Þá sá menn Knúts konungs siglingina, ok segja konungi, at meiri ván, at Ólafr konungr hefði þar um siglt. En Knútr konungr segir svá, at Ólafr konungr væri svá vitr maðr, at hann hefði eigi farit einskipa í gegnum her Knúts konungs, ok lézt líkligra þykkja, at þar mundi verit²⁰ hafa Hárekr or Þjóttu eða hans maki. Þat hafa menn fyrir satt, at Knútr konungr hafi vitat um ferð Háreks, ok hann mundi eigi svá farit hafa, ef eigi hefði áðr farit vináttumál milli þeira Knúts konungs; ok þótti þat birtast eptir, þá er vináttu þeira Knúts konungs ok Háreks gerðist²⁵ alkunna. Hárekr orti vísu þessa, þá er hann sigldi norðr um Veðrey:

Lækka ek Lundar ekkjur,	jörð! at ek eigi þørða,
læbaugs, at því hlæja,	ifla flausts, á hausti
skjótum eik fyrir utan	á flatslóðir Fróða
ey, né danskar meyjjar,	fara aptr vali krapta.

30

Fór Hárekr þá ferðar sinnar, ok létti eigi fyrr, en hann kom norðr á Hálogaland ok til bús síns í Þjóttu.

Ferð Ólafs konungs or Svíþjóð.

169. Ólafr konungr byrjar ferð sína, fór fyrst upp um Smálönd, ok kom fram í vestra Gautland; fór spakliga ok friðsamliga, en landsmenn veittu þeim góðan forbeina. 5 Fór konungr til þess, er hann kom ofan í Víkina, ok svá norðr eptir Víkinni, til þess er hann kom í Sarpsborg. Dvaldist hann þá þar, ok lét þá þar búa til vetrsetu. Gaf konungr þá heimleyfi mestum hluta liðsins, en hafði með sér þat af lendum mönnum, er honum sýndist. Þar váru 10 með honum allir synir Árna Arnmóðssonar, váru þeir mest virðir af konungi. Þá kom til Ólafs konungs Gellir Þorkelson, ok hafði komit áðr um sumarit af Íslandi, svá sem fyrr var ritat.

Frá Sigvati skáldi.

15 170. Sigvatr skáld hafði verit lengi með Ólafi konungi, svá sem hér er ritat, ok hafði konungr gert hann stallara sinn. Sigvatr var ekki hraðmæltr maðr í sundr- lausum orðum, en skáldskapr var honum svá tiltækr, at hann kvað af tungu fram, svá sem hann mælti annat mál. 20 Hann hafði verit í kaupferðum til Vallands, ok í þeiri ferð hafði hann komit til Englands ok hitt Knút hinn ríka ok lengit af honum leyfi at fara til Noregs, svá sem fyrr var ritat. En er hann kom í Noreg, þá fór hann þegar til fundar við Ólaf konung, ok hitti hann í Borg, gékk fyrir 25 konung, þá er hann sat yfir borðum. Sigvatr kvaddi hann. Konungr leit við honum ok þagði. Sigvatr kvað:

30 Heim erum hingat komnir, hygg þú at, jöfurr skatna! menn nemi mál, sem ek inni, mín, stallarar þínir.	Segðu hvar sess hafit hugðan, seims, þjóðkonungr! beimum allr er þekkr með þollum þinn skáli, mér innan.
---	---

Þá sannaðist þat, er fornkveðit mál er, at mörg eru konungs eyru. Ólafr konungr hafði spurt alt um farar Sigvats, at hann hafði hitt Knút konung. Ólafr konungr mælti til

Sigvats: Eigi veit ek, hvárt þú ætlar nú at vera minn stallari, eða hefir þú nú gerzt maðr Knúts konungs. Sigvatr kvað:

Knútr spurði mik, mætra
mildr, ef ek honum vilda
hendilangr sem, hringa,
hugreifum Óleifi.

Einn kvað ek senn, en sönnu
svara þóttumk ek, dróttin, 5
gör eru gumna hverjum
góð dæmi, mér soema.

Þá mælti Ólafr konungr, at Sigvatr skyldi ganga til sætis, þess er hann var vanr at hafa fyrr. Kom Sigvatr sér þá enn brátt í kærleika hina sömu, sem áðr hafði hann haft. 10

Frá Erlingi Skjálgssyni ok sonum hans.

171. Erlingr Skjálgsson ok synir hans allir höfðu verit um sumarit í her Knúts konungs ok í sveit með Hákon jarli; þar var þá ok Þórir hundr, ok hafði metorð 15 mikil. En er Knútr konungr spurði, at Ólafr konungr hafði landveg farit til Noregs, þá leysti Knútr konungr leiðangrinn, ok gaf leyfi öllum mönnum at búa sér til vetr-vistar; var þá í Danmörk herr mikill útlendra manna, bæði enskra manna ok Norðmanna, ok af fleirum löndum, 20 er lið hafði komit til hersins um sumarit. Erlingr Skjálgsson fór um haustit til Noregs með liði sínu, ok þá af Knúti konungi stórar gjafir at skilnaði þeira. Þórir hundr var eptir með Knúti konungi. Með Erlingi fóru norðr í Noreg sendimenn Knúts konungs, ok höfðu með sér of 25 lausafjár; fóru þeir um vetrinn víða um land, reiddu þá af hendi fé þau, er Knútr konungr hafði heitit mönnum um haustit til liðs sér, en gáfu hinum mörgum, er þeir féngu með fé keypt vináttu Knúti konungi; en þeir höfðu traust Erlings til yfirferðar. Gerðist þá svá, at fjöldi manna 30 snerist til vináttu við Knút konung, ok hétu honum þjónostu sinni, ok því með, at veita Ólafi konungi mótstöðu; gerðu þat sumir berliga, en hinir váru miklu fleiri, er leyndust at fyrir alþýðu. Ólafr konungr spurði þessi tíðindi; kunnu

margir honum at segja frá þessum tíðindum, ok var þat soert mjök í fjölmæli þar í hirðinni. Sigvatr skáld kvað þetta:

5	Fjándr ganga þar þengils, þjóð býðr opt, með sjóða, höfgan málm fyrir hilmis haus úfalan, lausa.	Sik veit hverr, ef harra hollan selr við golli, vert er slíks, í svörtu, sinn, helvíti innan.
---	---	--

Ok enn kvað Sigvatr þetta:

Kaup varð daprt þars djúpan dróttinrækt um sóttu	Þeir er heim á himnum hás elds svikum beldu.
---	---

10 Opt var sú umræða þar í munni höfð, hversu illa þat samdi Hákon jarli at sœra her á hendr Ólafi konungi, er hann hafði honum líf gefit, þá er jarl hafði á hans vald komit. En Sigvatr var hinn mesti vinr jarls, ok þá enn, er Sigvatr heyrði jarlinum ámælt, kvað hann:

15	Gerðust hilmis Hörða húskarlar þar jarli er við Ólafs fjörvi ofvægir fé þægi.	Hirð era hans at verða hálíkt fyrir því máli; dælla er oss, ef allir eru vér um svik skírir.
----	--	---

Frá jólagjöfum Ólafs konungs.

20 172. Ólafr konungr hafði jólaboð mikit, ok var þá komit til hans mart stórmenni. Þat var hinn sjaunda dag jóla, at konungr gékk, ok fáir menn með honum. Sigvatr fylgði konungi dag ok nótt; hann var þá með honum. Þeir géngu í hús eitt; þar váru hirðir í dýrgripir konungs. Hann
 25 hafði þá hafðan viðrbúnað mikinn, sem vandi var til, heimt saman dýrgripi sína, til þess at gefa vingjafir hit átta kveld jóla. Þar stóðu í húsinu sverð eigi allfá gullbúin. Þá kvað Sigvatr:

30	Sverð standa þar, sunða sárs leyfum vér árar, herstillis verðr hylli hollust, búin gulli.	Við toekja ek, víka var ek endr með þér sendir elds, ef þú eitthvert vildir, allvaldr! gefa skáldi.
----	--	--

Konungr tók eitthvert sverðit ok gaf honum, var gulli vafðr meðalkaflinn ok gullbúin hjólt; var sá gripr allgóðr.

En gjöfin var eigi öfundlaus, ok heyrði þat síðan. Þegar eptir jólin byrjaði Ólafr konungr ferð sína til Upplanda, því at hann hafði fjölmenni mikit, en tekjur norðan or landi höfðu engar til hans komit þá um haustit, því at leiðangr hafði úti verit um sumarit, ok hafði þar konungr 5 allan kostnað tillagt, þann er fōng var á. Þá vǫru ok engi skip at fara með lið sitt norðr í land. Hann spurði ok þat einu norðan, er honum þótti ekki friðsamligt, ef hann fœri eigi með liði miklu. Réð konungr fyrir þá sök þat af, at fara yfir Upplönd. En eigi var þá svá langt 10 liðit, síðan er hann hafði þar farit at veizlum, sem lög stóðu til, eða vandi konunga hafði verit. En er konungr sótti upp á land, þá buðu honum heim lendir menn ok ríkir bæendr, ok létu svá hans kostnaði.

Frá Birni ármanni.

15

173. Björn er maðr nefndr, gauzkr at kyni. Hann var vinr ok kunningi Ástriðar dróttningar, ok nökkut skyldr at frændsemi, ok hafði hon fengit honum ármanning ok sýslu á ofanverðri Heiðmörk; hafði hann ok yfirsókn í Eystridali. Ekki var Björn konungi kær, ok ekki var 20 hann maðr þokkasæll af bóndum. Þat hafði ok at borizt í bygð þeiri, er Björn réð fyrir, at þar urðu hvörf stór á nautum ok á svínum. Lét Björn þar kveðja þings til, ok leitaði þar eptir hvörfum. Hann kallaði þá menn líkligsta til slíkra hluta ok illbragða, er sátu í markbygðum fjarri 25 öðrum mönnum; veik hann því máli til þeira, er bygðu Eystridali. Sú bygð var mjök sundrlaus, bygt við vötn eða rjóðr í skógum, en fástaðar stórbygðir saman.

Frá sonum Rauðs.

174. Rauðr hét maðr, er þar bygði í Eystridölum. 30 Ragnhildr var nefnd kona hans, Dagr ok Sigurðr synir; þeir vǫru hinir esniligstu menn. Þeir vǫru staddir á þingi því, ok héldu svörum upp af hendi þeira Dœla ok báru

þá undan sökum. Birni þóttu þeir láta stórliga ok vera
drambsmenn miklir at vápnum ok klæðum. Björn sneri
ræðunni á hendr þeim bræðrum, ok taldi þá eigi úlíkliga
til at hafa slíkt gert. Þeir synjuðu fyrir sik, ok sleit svá
5 því þingi. Litlu síðar kom til Bjarnar ármanns Ólafr kon-
ungr með liði sínu, ok tók þar veizlu. Var þá kært fyrir
konungi þat mál, er fyrr var uppi haft á þingi; sagði
Björn, at honum þóttu Rauðs synir líkligstir til at valda
slíkum útila. Þá var sent eptir sonum Rauðs. En er
10 þeir hittu konung, þá taldi hann þá úþjófliga menn, ok
bar þá undan kenslum þessum. Þeir buðu konungi til
föður síns, at taka þar þriggja náttu veizlu með öllu liði
sínu. Björn latti ferðarinnar; konungr fór eigi at síðr.
At Rauðs var hin prýðiligsta veizla. Þá spurði konungr,
15 hvat manna Rauðr væri eða kona hans. Rauðr sagði,
at hann var maðr scenskr, auðigr ok kynstórr: en ek
hljópumst þaðan í brott, segir hann, með konu þessa, er ek
hefi átta síðan; hon er systir Hrings konungs Dagssonar.
Þá vaknaði konungr við ætt þeira beggja. Fann hann
20 þat, at þeir feðgar váru menn forvitrir, ok spurði þá eptir
íþróttum sínum. Sigurðr segir, at hann kann drauma at
skilja, ok at deila dægrafar, þótt engi sæi hinintungl.
Konungr reyndi þessa íþrótt, ok var þat sem Sigurðr hafði
sagt. Dagr fann þat til íþróttu sér, at hann mundi sjá
25 kost ok löst á manni hverjum, er honum bar fyrir augu.
ef hann vildi hug á leggja ok at hyggja. Konungr bað
hann segja skaplöst hans, þann er hann sæi. Dagr fann
þat til, er konungi þótti rétt. Þá spurði konungr um
Björn ármann, hvern skaplöst hann hefði. Dagr sagði, at
30 Björn var þjófr, ok þat með, at hann sagði, hvar Björn
hafði fólgt á bœ sínum bæði bein ok horn ok húðir af
nautum, þeim er hann hafði stolit þá um haustit: er hann
valdi, segir hann, allra þeira stulda, er í haust hafa orðit,
ok hann hefir öðrum mönnum kent. Sagði Dagr konungi
35 öll merki til, hvar konungr skyldi leita láta. En er konungr

fór í brott frá Rauðs, þá var hann leiddr út með stórum vingjöfum; váru með konungi synir Rauðs. Fór konungr fyrst til Bjarnar, ok reyndist honum alt svá sem Dagr hafði sagt. Síðan lét konungr Björn fara í brott or landi, ok naut hann dróttningar at því, er hann hélt lífi ok limum. 5

Dráp Þóris.

175. Þórir, son Ölvis á Eggju, stjúpson Kálfs Árnasonar ok systurson Þóris hunds, var manna fríðastr, mikill maðr ok sterkr; hann var þá 18 vetra gamall. Hann hafði fengit gott kvánfang á Heiðmörk ok auð fjár með. 10 Var hann hinn vinsælsti maðr, ok þótti vænn til höfðingja. Hann bauð konungi heim til veizlu með lið sitt. Konungr þektist boð þat ok fór til Þóris; fékk þar allgóðar viðtökur. Var þar veizla hin virðuligsta, var veitt allkappsamliga, en öll váru söng hin beztu. Konungr ok menn hans 15 ræddu þat sín í milli, at þeim þótti þat mjök hæfast við, ok vissu eigi, hvat þeim þótti framast, húsakynni Þóris eða húsbúnaðr, borðbúnaðr eða drykkur, eða maðr sá er veitti. Dagr lét sér fátt um finnast. Ólafr konungr var vanr at hafa opt ræður við Dag, ok spurði hann ýmissa hluta. 20 Reyndist konungi alt þat með sannindum, er Dagr sagði, hvárt sem þat var liðit eða úkomit fram; festi þá konungrinn trúnað mikinn á ræðum hans. Þá kallaði konungr Dag á einmæli, ok ræddi þá mjök marga hluti fyrir honum. Þar kom niðr ræða konungs, at hann tjáði þat fyrir Dag, hve 25 sköruligr maðr Þórir var, er þeim gerði þá veizlu virðuliga. Dagr lét sér fátt um finnast, ok lét þat alt satt, er konungr sagði. Þá spurði konungr Dag, hverja skaps andmarka hann sæi Þóris. Dagr kvaðst hyggja, at Þórir mundi vel skapi farinn, ef honum væri þat svá gefit, sem hitt er 30 alþýða mátti sjá. Konungr bað hann segja sér þat er hann spurði, segir, at hann var þess skyldr. Dagr svarar: Þá muntu, konungr! vilja veita mér, at ek ráða hefndinni, ef ek skal finna löstinn. Konungr segir, at hann vill ekki

dómum sínum skjóta undir aðra menn, en bað Dag segja sér þat, er hann spurði. Dagr svarar: Dýrt er dróttins orð; þat mun ek til skaplastar Þóri finna, sem margan kann henda, hann er maðr of fégjarn. Konungr svarar: 5 Er hann þjófr eða ránsmaðr? Dagr svarar: Eigi er þat, segir hann. Hvat er þá? segir konungr. Dagr svarar: Hann vann þat til fjár, at hann gerðist dróttinssviki; hann hefir tekit fé af Knúti hinum ríka til höfuðs þér. Konungr svarar: Hvernug gerir þú þat satt? Dagr mælti: Hann 10 hefir á hinni hægri hendi fyrir ofan ölboga digran gullhring, er Knútr konungr hefir gefit honum, ok lætr engan mann sjá. Eptir þat slitu þeir konungr tali sínu, ok var konungr reiðr mjök. Þá er konungr sat yfir borðum sínum, ok menn höfðu drukkit um hríð ok váru allkátir, Þórir 15 gékk um beina, þá lét konungr kalla Þóri til sín. Hann gékk framan at borðinu ok tók höndum upp á borðit. Konungr spurði: Hversu gamall maðr ertu, Þórir? Ek em 18 vetra gamall, segir hann. Konungr mælti: Mikill maðr ertu, Þórir! jafngamall, ok gerviligr. Tók þá konungr 20 um hönd hina hægri ok strauk upp um ölboga. Þórir mælti: Tak þú kyrt þar á, ek hefi sull á hendi. Konungr hélt kyrt hendinni ok kendi, at þar var hart undir. Konungr mælti: Hefir þú eigi spurt þat, at ek em læknir? ok láttu mik sjá sullinn. Þórir sá, at þá mundi ekki tjóa 25 at leyna, tók þá hringinn ok lét fram. Konungr spurði, hvárt þat var Knúts konungs gjöf. Þórir sagði, at ekki var þá því at leyna. Konungr lét Þóri taka höndum ok setja í járn. Þá gékk Kálfr at, ok bað Þóri friðar, ok bauð fyrir hann fé. Margir menn studdu þat mál ok buðu 30 sitt fé fram. Konungr var svá reiðr, at ekki mátti orðum við hann koma, sagði hann, at Þórir skyldi hafa slíkan dóm, sem hann hafði honum hugðan. Síðan lét konungr drepa Þóri. En verk þat varð at hinni mestu öfund, bæði þar um Upplönd ok engum mun síðr norðr um Þrándheim, 35 þar sem ætt Þóris var flest. Kálfi þótti ok mikils verð

aftaka þessa manns, því at Þórir hafði verit fósterson hans í æsku.

Fall Grjótgarðs.

176. Grjótgarðr, son Ölvis ok bróðir Þóris, hann var ellri þeira bræðra; var hann ok hinn gerviligsti maðr ok ⁵ hafði sveit manna um sik. Hann var þá ok staddr á Heiðmörk. En er hann spurði aftöku Þóris, þá veitti hann árásir þar sem fyrir váru menn konungs eða fé hans, en at öðru hverju, hafðist hann við á skógum eða í öðrum fylsknum. En er konungr spurði úfrið þann, þá lét hann ¹⁰ njósnum til halda um ferðir Grjótgarðs. Verðr konungr varr við ferðir hans. Hafði Grjótgarðr tekit náttstað eigi langt frá því er konungr var. Ólafr konungr fór þegar um róttina; kom þar er dagaði; slógu mannhring um stofuna, þar er þeir Grjótgarðr váru inni. Þeir Grjótgarðr ¹⁵ vöknudú við mannagný ok vápnabrak; hljópu þeir þá þegar til vápna; hljóp Grjótgarðr út í forstofuna. Grjótgarðr spurði, hverr fyrir liði því réði. Honum var sagt, at þar var kominn Ólafr konungr. Grjótgarðr spurði, ef konungr mætti nema orð hans. Konungr stóð fyrir durunum. Hann ²⁰ segir, at Grjótgarðr mátti mæla slíkt, er hann vildi: heyri ek orð þín, segir konungr. Grjótgarðr mælti: Ekki mun ek griða biðja. Þá hljóp Grjótgarðr út, hafði skjöld yfir höfði sér, en sverð brugðit í hendi; lítt var lýst, ok sá hann úgerla. Hann lagði sverði til konungs. En þar varð ²⁵ fyrir Arnbjörn Árnason; kom lagit undir brynjuna, ok rendi upp í kviðinn, fékk Arnbjörn þar bana. Grjótgarðr var ok þegar drepinn, ok flest alt lið hans. Eptir þessa atburði sneri konungr ferðinni aptr suðr til Víkrinnar.

Frá sendimönnum Ólafs konungs.

30

177. Nú er Ólafr konungr kom til Túnsbergs, þá gerði hann frá sér menn í allar sýslur, ok krafði konungr sér liðs ok leiðangrs. Skipakostr hans var þá lítill. Váru þá engi

skip nema búanda för, en lið dróst vel til hans þar or heruðum, en fátt kom um langan veg, ok fannst þat brátt, at landsfólkit mundi þá vera snúit frá einörðinni við konung. Ólafr konungr gerði lið sitt austr á Gautland, sendi þá
5 eptir skipum sínum ok þeim varnaði, er þeir létu eptir um haustit. En ferð þeira manna varð sein; því at þá varð eigi betra en um haustit at fara í gegnum Danmörk; því at Knútr konungr hafði her úti um varit um alt Danaveldi, ok hafði eigi færa en tólf hundruð skipa.

Ráðagerð Ólafs konungs.

178. Þau tíðindi spurðust í Noreg, at Knútr hinn ríki dró saman her úvígjan í Danmörku, ok þat með, at hann ætlaði at halda liði því öllu til Noregs ok leggja þar land undir sik. En er slíkt spurðist, þá urðu menninir
15 Ólafi konungi því verri tiltaks, ok fékk hann síðan lítit lið af bóndum. Hans menn töluðu optliga um þetta sín í milli. Þá kvað Sigvatr þetta:

Út býðr allvaldr sveitum	Ráð eru ljót, ef láta
Englands, en vér féngum,	landsmenn konung þenna,
lítt sé ek lofðung óttask,	lætr einörð fé firða
lið fær(a) ok skip smæri.	ferð, liðþrota verða.

Konungr átti hirðstefnur, en stundum húsping við lið sitt alt, ok spyr menn ráðs, hvat þá sýnist tiltækiligast: þurfum vér ekki í at dyljast, segir hann, at Knútr konungr mun
25 koma at vitja vár í sumar, ok hefir hann her mikinn, sem þér munut spurt hafa, en vér höfum lið lítit at svá búnu til móts við her hans, en landsfólk er oss nú ekki trúligt. En ræðu konungs svöruðu menn misjafnt, þeir er hann orti orða á. En hér er frá því sagt, er Sigvatr svaraði.

Flœja getr, en frýju,	Hverr skal þegn, þó at þverri,
fjándr, leggr oss til handa,	þengils vina, gengi,
verð ek fyrir æðru orði,	upp hválfa svik, sjálfan
allvalds en fé gjalda.	sik lengst hafa miklu.

Brenna Granketils.

179. Þat sama vár gerðust þau tíðindi á Hálogalandi, at Hárekr or Þjóttu mintist þess, er Ásmundr Grankelsson hafði rænta ok barða húskarla hans. Skip þat er Hárekr átti, tvítugsessa, flaut fyrir bœ hans tjölduð ok þilið. Gerði hann þat orð á, at hann ætlaði at fara suðr til Þrándheims. Eitthvert kveld gékk Hárekr til skips með húskarlalið sitt, ok hafði nær 80 manna. Reru þeir um nóttina, ok kómu, er mornaði, til bœjar Grankels, slógu þar bring um hús; veittu þar síðan atgöngu, lögðu síðan eld í hús; brann þar Grankell inni, ok heimamenn hans með honum, en sumir váru úti drepnir. Létust þar alls 30 manna. Fór Hárekr heim eptir verk þetta, ok sat í búi sínu. Ásmundr var með Ólafi konungi. Var þar bæði um þá menn, er á Hálogalandi váru, at engi beiddi Hárek bóta fyrir verk þat, enda bauð hann eigi.

Ferð Knúts konungs í Noreg.

180. Knútr hinn ríki dró saman her sinn, ok hélt til Limafjarðar. En er hann var búinn, þá sigldi hann þaðan öllu liði til Noregs, fór skyndiliga, ok lá ekki við land austanfjarðar; sigldi þá yfir Foldina, ok lagði at á Ögðum. kvaddi þar þinga; kómu bæendr ofan ok héldu þing við Knút konung. Var þar Knútr til konungs tekinn um land alt; setti hann þar þá menn í sýslur, en tók gislar af bóndum; mælti engi maðr í móti honum. Ólafr konungr var þá í Túnsbergi, er herr Knúts fór hit ytra um Foldina. Knútr konungr fór norðr með landi. Kómu þar til hans menn or heruðum, ok játuðu honum þá allir hlýðni. Knútr konungr lá í Eikundasundi nokkura hríð. Kom þar til hans Erlingr Skjalgsson með lið mikit. Þá bundu þeir Knútr konungr vináttu sína enn at nýju. Var þat í heitum við Erling af hendi Knúts konungs, at hann skyldi hafa land alt til forráða milli Staðar ok Rygjarbits. Síðan fór Knútr kon-

ungr norðr leiðar sinnar, ok er þat skjótast frá ferð hans at segja, at hann létti eigi fyrr, en hann kom norðr í Þrándheim, ok hélt til Niðaróss. Stefndi hann þá í Þrándheimi 8 fylkna þing, var á því þingi Knútr til konungs tekinn
5 um allan Noreg. Þórir hundr hafði farit or Danmörku með Knúti konungi, ok var hann þar. Hárekr or Þjóttu var ok þá þar kominn. Gerðust þeir Þórir lendir menn Knúts konungs þá, ok bundu þat swardögum. Knútr konungr gaf þeim veizlur stórar ok fékk þeim Finnferð; gaf þeim gjafir
10 stórar á þat ofan. Alla lenda menn, þá er til hans vildu snúast, gæddi hann bæði at veizlum ok at lausafé; lét þá alla hafa meira ríki, en þeir höfðu áðr haft.

Frá Knúti konungi.

181. Knútr konungr hafði þá lagt land alt undir sik
15 í Noregi. Þá átti hann þing fjölment bæði af sinu liði ok landsmönnum. Þá lýsti Knútr konungr yfir því, at hann vill gefa Hákon jarli frænda sínum at yfirsókn land þat alt, er hann hafði unnit í ferð þeirri; þat fylgði því, at hann leiddi í hásæti hjá sér Hörðaknút son sinn, ok
20 gaf honum konungsnafn, ok þar með Danaveldi. Knútr konungr tók gislar af öllum lendum mönnum ok stórbóndum, tók sonu þeira eða bræðr, eða aðra náfrændr, eða þá menn, er þeim váru kærstir ok honum þóttu bezt til fallnir. Festi konungr svá trúnað manna við sik, sem nú er sagt. Þegar
25 er Hákon jarl hafði tekit við ríki í Noregi, þá réðst til lags við hann Einarr þambarskelfir mágr hans; tók hann þá upp veizlur allar, þær sem hann hafði fyrr haft, þá er jarlar réðu landi. Knútr konungr gaf Einari stórar gjafir, ok batt hann í kærleikum miklum við sik; hét því, at
30 Einarr skyldi vera mestr ok göfgastr útiginna manna í Noregi, meðan hans vald stæði yfir landi; en þat lét hann fylgja, at honum þótti Einarr bezt fallinn til at bera tignar-nafn í Noregi, ef eigi væri jarls við kost, eða sonr hans Endriði, fyrir ættar sakir hans. Þau heit virðust Einari

mikils, ok hét þar í mót trúnaði sínum. Hófst þá af nýju höfðingskapr Einars.

Frá Þórarni loftungu.

182. Þórarinn loftunga var maðr kallaðr. Hann var íslenzkr maðr at kyni, skáld mikit, ok hafði verit mjök með konungum eða öðrum höfðingjum. Hann var með Knúti konungi hinum ríka. ok hafði ort um hann flokk. En er konungr vissi, at Þórarinn hafði ort flokk um hann, þá varð hann reiðr, ok bað hann fœra sér drápu um daginn eptir, þá er konungr sæti yfir borðum. En ef hann gerði eigi svá, þá segir konungr, at Þórarinn mundi uppi hanga fyrir dírð þá, er hann hafði ort dræpling um Knút konung. Þórarinn orti þá stef ok setti í kvæðit, ok jók nökkurum vísum. Þetta er stefit.

*Knútr verr grund, sem gætir
Griklands himinríki.*

15

Knútr konungr launaði kvæðit 50 marka silfrs. Sú drápa er kölluð Höfuðlausn. Þórarinn orti aðra drápu um Knút konung, er kölluð er Tægdrápa. Í þeirri drápu er sagt frá þessum ferðum Knúts konungs, er hann fór or Danmörku sunnan til Noregs; ok er þetta einn stefjabálkr:

*Knútr er und sólar.
Siðnæmr með lið
fór mjök mikit
minn vinr þinnig.
Færði or firði
fímr gramr Lima
út ólittinn
otrheims flota.*

*Ugðu Egðir
örbeiðis för
svans sigrlana
sökrammir mjök.
Alt var gulli
grams skip framit,*

*várum sjón sögu
slíks ríkari.*

*Ok fyrir Lista
liðu fram viðir
hádyrs um haf
hart kolsvartir.
Bygt var innan
alt brimgaltar
suðr sæskíðum
sund Eikunda.*

*Ok fyrir fornan
friðmenn liðu
haug Hjörnagla
hvast griðfastir;*

25

30

35

þar er stóð fyrir Stað
stafnklífs drifu,
vara eyðilig
örbeiðis för.

5 Knáttu súðir
svangs mjök langar
byrrömm bera
brimdýr fyrir Stim.
Svá liðu sunnan
10 svalheims valar,

at kom norðr í Nið
nýtr herflýtir.

Þá gaf sínum
snjallr gervallan
Noreg nefa
njótr veg Jóta;
sá gaf sínum,
segi ek þat, megi
dals dökksalar
Danmörk svana.

Hér getr þess, at þeim var sjón sögu ríkri um ferð Knúts konungs, er þetta kvað; því at Þórarinn hrósar því, at hann var þá í för með Knúti konungi, er hann kom í Noreg.

Frá sendimönnum Ólafs konungs.

15 183. Menn þeir er Ólafr konungr hafði sent austr á Gautland eptir skipum sínum, þá fóru þeir með þau skip, er þeim þóttu bezt, en hin brendu þeir; höfðu með sér reiða ok annan varnað, þann er konungr átti ok menn hans. Þeir sigldu austan, þá er þeir spurðu, at Knútr
20 konungr var farinn norðr í Noreg, sigldu þá austan um Eyrarsund, svá norðr til Víkrinnar á fund Ólafs konungs, færðu honum skip sín; var hann þá í Túnsbergi. En er Ólafr konungr spurði, at Knútr konungr fór liði sínu norðr fyrir land, þá hélt Ólafr konungr liði sínu inn í Oslóar-
25 fjörð, ok upp í vatn þat er Drafn heitir, ok hafðist hann þar við, til þess er herr Knúts konungs var farinn um suðr. En í ferð þeiri, er Knútr konungr fór norðr með landi, átti hann þing í hverju fylki; en á hverju þingi var honum land svarit ok gefnir gislar. Fór hann austr yfir
30 Foldina til Borgar, ok átti þar þing; var honum þar land svarit sem annarsstaðar. Síðan fór Knútr konungr til Danmarkar suðr; ok hafði hann Noreg eignast orrostulaust; réð hann þá fyrir þrim þjóðlöndum. Svá segir Hallvarðr Háreksblesi, er hann orti um Knút konung:

Englandi ræðr yngvi	Ok hefir odda leiknar
einn, hefsk friðr at beinni,	jálmfreyr und sik, málma
böðrakkr boenar nökkva	hjaldrörr haukum þverrir
bakrjóðr ok Danmörku.	hungur, Noregi þrungit.

Frá Ólafi konungi ok ferð hans.

5

184. Ólafr konungr hélt skipum sínum út til Túnsbergs, þegar er hann spurði, at Knútr konungr var farinn suðr til Danmarkar. Síðan bjó hann ferð sína með lið þat, er honum vildi fylgja, ok hafði hann þá 13 skip. Síðan hélt hann út eptir Víkinni, ok fékk hann lítit af fé, ok 10 svá af mönnum, nema þeir fylgðu honum, er eyjar bygðu eða útnes. Gékk konungr þá ekki á land upp, hafði slíkt af fé eða mönnum, sem á leið hans varð. Hann fann þat, at landit var þá svikit undan honum. Fór hann þá svá sem byrjaði. Var þat öndurðan vetr. Þeim byrjaði heldr 15 seint; lágu þeir í Seleyjum mjök lengi, ok spurðu þar tíðindi af kaupmönnum norðan or landi. Var konungi þá sagt, at Erlingr Skjálgsson hafði liðsamnað mikinn á Jaðri. Skeið hans lá fyrir landi albuín, ok fjöldi annarra skipa, er boendr áttu; váru þat skútur ok lagnarskip ok róðrar- 20 ferjur stórar. Konungrinn hélt þá austan liðinu, ok lá um hríð í Eikundasundi. Spurðu þá hvárir til annarra. Fjölmenti Erlingr sem mest þá.

Frá sigling Ólafs konungs.

185. Túmasmessu fyrir jól þegar í dagan tók kon- 25 ungr út or höfninni. Var þá allgóðr byrr, ok heldr hvass. Sigldu þeir þá norðr fyrir Jaðar. Var veðr vátt, ok mjörkvaflaug nökkur. Þegar fór njósni hit efra um Jaðar, er konungr sigldi hit ytra. En er Erlingr varð þess varr, at konungr sigldi austan, þá lét hann blása liði sínu öllu til 30 skipanna. Dreif þá fólk alt á skipin, ok bjóst til bardaga. En skip konungs bar skjótt at norðr um Jaðar. Þá stefndi hann innleið; ætlaði svá ferð sína, at fara í fjörðu inn ok

fá sér þar lið ok fé. Erlingr Skjálgsson sigldi eptir honum ok hafði her manns ok fjölda skipa. Váru skip þeira örskreið, er þeir höfðu ekki á nema menn ok vápn, gékk þá skeiðin Erlings miklu meira en önnur skipin. Þá lét hann hefla
5 seglit ok beið liðs síns. Þá sá Ólafr konungr, at þeir Erlingr sóttu eptir mjök, því at skip konungs váru sett mjök ok sollin, er þau höfðu flotit á sæ alt sumarit, ok um haustit ok vetrinn þar til. Hann sá, at liðsmunr mundi mikill vera, ef þeir mœtti öllu í senn liði Erlings. Þá lét hann
10 kalla skip frá skipi, at menn skyldi síga láta seglin, ok heldr seint, en svipta af handrifi; ok var svá gert. Þeir Erlingr funnu þat. Þá kallaði Erlingr ok hét á lið sitt, bað þá sigla meira: sé þér, segir hann, at nú lægir seglin þeira, ok draga þeir undan oss. Lét hann þá hleypa or
15 heflunum segli á skeiðinni; gékk hon þá brátt fram undan öðrum skipunum.

Fall Erlings Skjálgssonar.

186. Ólafr konungr stefndi fyrir innan Bókn; fal þá
20 sýn milli þeira. Síðan bað konungr leggja seglin ok róa fram í sund þröngt, er þar var. Lögðu þeir þar þá saman skipunum; gékk kleppurnes fyrir utan þá. Menn váru þá allir herklæddir. Erlingr sigldi þá at sundinu; ok funnu þeir eigi fyrr, at herr lá fyrir þeim, en þeir sá, at konungs-
25 menn reru öllum skipunum senn at þeim. Þeir Erlingr hleyptu ofan seglinu ok gripu til vápna; en konungsherrinn lagði öllum megin at skipinu. Tókst þar orrosta, ok var hin snarpasta. Þá sneri mannfallinu brátt í lið Erlings. Erlingr stóð í lyptingu á skipi sínu; hann hafði hjálm á
30 höfði ok skjöld fyrir sér, sverð í hendi. Sigvatr skáld hafði verit eptir í Víkinni, ok spurði hann þar þessi tíðindi; en Sigvatr var hinn mesti vinr Erlings ok hafði þegit gjafir af honum ok verit með honum. Sigvatr orti flokk um fall Erlings, ok er þessi vísa þar í:

Út réð Erlingr skjóta	Skeið hans lá svá síðan
eik, sá er rauð hinn bleika,	siklings í her miklum,
iflaust er þat, jöfri,	snarir börðusk þar sverðum,
arnarfót, at móti.	síbyrð við skip, fyrðar.

Þá tók at falla lið Erlings, ok þegar er á ortist ok upp-
ganga varð greidd á skeiðina, þá féll hverr í sínu rúmi.
Konungur sjálf gekk hart fram. Svá segir Sigvatr:

Rakkr þengill hjó rekka,	Bragningr rauð fyrir breiðan	
reiðr gekk hann um skeiðar,	borðvöll Jaðar norðan,	
valr lá þröngt á þiljum,	blóð kom varmt í víðan,	10
þung var sókn fyrir Tungum.	vá frægr konungur, ægi.	

Svá féll vandliga lið Erlings, at engi maðr stóð upp á
skeiðinni nema hann einn. Var þar bæði, at menn beiddu
lítt griða, fékk ok engi, þótt beiddi, mátti ok ekki á flótta
snúast, því at skip lágu umhverfis skeiðina. Er svá sagt 15
sannliga, at engi maðr leitaði at flýja. Enn segir Sigvatr:

Öll var Erlings fallin,	Einn stóð sonr á sínu	
ungr fyrir norðan Tungur	snarr Skjálgs vinum fjarri	
skeið vann skjöldungur auða,	í lyptingu lengi	
skip sókn við þröm Bóknar.	lætrauðr skipi auðu.	20

Þá var Erlingi veitt atsókn bæði or fyrirrúminu ok af
öðrum skipum. Rúm mikit var í lyptingunni, ok bar þat
hátt mjök upp frá öðrum skipum, ok mátti engu við koma
nema skotum ok nökkut spjótalögum, ok hjó hann þat alt
af sér. Erlingr varðist svá þrúðliga, at engi maðr vissi 25
doemi, at einn maðr hefði staðit svá lengi fyrir jafnmargra
manna atsókn, en aldri leitaði hann undankvámu eða griða
at biðja. Svá segir Sigvatr:

Réð eigi grið, gýgjar,	En varðkers, virðir!	
geðstirðr, konungs firða	víðbotn ne kemr síðan	30
skers þó at skúrir þyrrit	glyggs á gjálfri lögðan,	
Skjálgs hefnir sér nefna.	geirs, ofrhugi meiri.	

Ólafr konungur sótti þá aptr í fyrirrúmit, ok sá, hvat Erlingr
hafðist at. Konungur orti þá orða á hann, ok mælti svá:

Öndurðr horfir þú við í dag, Erlingr! Hann svarar: Öndurðir skulu ernir klóast. Þessa orða getr Sigvatr:

<p>Öndurða bað, jarðar, Erlingr, sá er vel lengi 5 geymdi, hann lystr, né lamdisk landvörn, klóask örn,</p>	<p>þá er hann at sig sönnum, sá var áðr búinn ráða ats, við Útstein hizig Ólaf um tók málum.</p>
---	--

Þá mælti konungr: Viltu á hönd ganga, Erlingr? Þat vil ek, segir hann. Þá tók þann hjálminn af höfði sér, ok lagði niðr sverðit ok skjöldinn, ok gékk fram í fyrirrúmit.

10 Konungr stakk við honum öxarhyrnunni í kinn honum, ok mælti: Merkja skal dróttinsvikann. Þá hljóp at Áslákr Fitjaskalli ok hjó með öxi í höfuð Erlingi, svá at stóð í heila niðri; var þat þegar banasár; lét Erlingr þar líf sitt. Þá mælti Ólafr konungr við Áslák: Högg þú allra manna

15 armastr! nú hjóttu Noreg or hendi mér. Áslákr svaraði: Illa er þá, konungr! ef þér er mein at höggvi; ek þóttumst nú Noreg í hönd þér höggva; en ef ek hefi þér mein gert, konungr! ok kantu mér úþökk fyrir þetta verk, þá mun mér kostlaust vera; því at hafa mun ek svá margra

20 manna úþökk ok fjándskap fyrir þetta verk, at ek munda heldr þurfa at hafa yðart traust ok vináttu. Konungr segir, at svá skyldi vera. Síðan bað konungr hvern mann ganga á sitt skip ok búast ferðar sinnar sem hvatligast. Munu vér, segir hann, ekki ræna val þenna; munu nú hafa hvárir, sem

25 fengit hafa. Géngu menn þá aptr á skipin, ok bjoggust sem hvatligast. En er þeir váru búnir, þá rendu skipin í sundit sunnan búandaliðit. Var þá, sem opt eru raunir, þótt lið mikit komi saman, er menn fá slög stór ok láta höfðingja sína, at menn verða eigi góðir tilræðis, ok sé þá

30 höfðingjalausir. Synir Erlings váru engir þar; varð ekki af atlögu búanda, ok sigldi konungr norðr leið sína. En bæendr tóku lík Erlings ok bjoggu um, ok fluttu heim á Sóla; svá val þann allan, er þar hafði fallit. Ok var Erlingr hit mesta harmaðr, ok hefir þat verit mál manna, at

35 Erlingr Skjálgsson hafi verit maðr göfgastr ok ríkastr í

*Agrip
c. 22*

Noregi, þeira er eigi bæri tignarnafn meira. Sigvatr skáld orti enn þetta:

Erlingr féll, en olli
allríkr skipan slíkri,
híðrat betri dauða
bragna konr, með gagni.

Mann veit ek engi annan
allbrátt at fjörláti,
en sá, er allan kunni
aldr fullara at halda.

5

Þá segir ok, at Áslákr hefði frændvíg upp hafit, ok mjök úsynju:

Áslákr hefir aukit,
er vörðr drepinn Hörða,
fáir skyldu svá, foldar,
frændsekju, styr vekja;

ættvígi má hann eigi,
á líti þeir, níta,
frændr skyli bræði bindask
bornir, mál hin fornu.

10

Herhlaup Egða.

187. Synir Erlings váru sumir norðr í Þrándheimi með Hákonu jarli, en sumir norðr á Hörðalandi, sumir inn í fjörðum, ok váru þeir þar í liðsamnaði. En er spurðist fall Erlings, þá fylgði þeirri sögu útboð austan um Agðir ok um Rogaland ok Hörðaland. Var þar her boðit út, ok var þat hit mesta fjölmenni; ok fór herr sá með sonum Erlings norðr eptir Ólafi konungi. Þá er Ólafr konungr fór frá bardaga þeira Erlings, sigldi hann norðr um sund, ok var þá dagr mjök liðinn. Svá segja menn, at hann orti þá vísu þessa:

Lítt mun halr hinn hvíti,
hrafn etr af ná getnum,
vér unnum gný Gunnar,
glæðr í nótt á Jaðri.

Svá hefir öllungis illa,
ek gékk reiðr um skeiðar,
jörð veldr manna morði,
mitt rán gefizk hánun.

25

Fór konungr síðan norðr með landi með lið sitt. Hann spurði alt hit sanna um búandasamnað. Þar váru þá með Ólafi konungi margir lendir menn; þar váru þeir allir Árnasynir. Þess getr Bjarni gullbrárskáld í kvæði því, er hann orti um Kálfi Árnason:

Vastu þar er vígs bað kosta
vápnðjarfr Haralds arfi,
kynnisk kapp þitt mönnum,
Kálfr! við Bókn austr sjálfa.

Gátut gríðar sóta
gólig föng til jóla,
kendr vartu fyrstr á fundi
flettugrjóts ok spjóta.

35

Öld fékk ilt or deildum,
Erlingr var þar finginn,
óðu blökk í blóði
borð fyrir Útstein norðan.

Ljós er raun, at ræðir
ráðinn varð frá láði,
lagðisk land und Egða;
lið þeira frá ek meira.

5 Fór Ólafr konungr til þesa, er hann kom norðr um Stað,
ok lagði til Hereyja, ok spurði þar þau tíðindi, at Hákon
jarl hafði lið mikit í Þrándheimi. Síðan leitaði konungr
ráðs við lið sitt. Kálfr Árnason eggjaði mjök at sækja til
Þrándheims, ok berjast við Hákon jarl, þótt liðsmunur væri
10 mikill. Því ráði fylgðu margir aðrir, en sumir löttu; var
þá skotit til orskurðar konunga.

Dráp Ásláks Fitjaskalla.

188. Síðan hélt Ólafr konungr inn til Steinavágs ok
lá þar um nótt. En Áslákr Fitjaskalli hélt skipi sínu inn
15 til Borgundar; dvaldið hann þar um nóttina. Þar var
fyrir Víggleikr Árnason. En um morguninn, er Áslákr vildi
ganga til skips sína, þá veitti Víggleikr honum atgöngu ok
vildi hefna Erlings. Þar féll Áslákr. Þá komu menn til
konungs, hirðmenn hans, norðan or Frekeyjarsundi, þeir er
20 heima höfðu setit um sumarit, ok sögðu konungi þau tíðindi,
at Hákon jarl ok margir lendir menn með honum váru
komnir um kveldit í Frekeyjarsund með miklu fjölmenni: ok
vilja þeir þik taka af lífi, konungr! ok þitt lið, ef þeir eigu
vald á. En konungr gerði menn sína upp á fjall, þat er
25 þar er. En þá er þeir koma upp á fjallit, þá sá þeir
norðr til Bjarneyjar, at norðan fór lið mikit ok mörg skip;
ok fóru ofan aptr, ok segja konungi, at herrinn fór norðan.
En konungr lá þar fyrir 12 skipum. Síðan lét hann blása,
ok fóru tjöld af skipum hans, ok tóku þeir til ára. En þá
30 er þeir váru albúnir, ok þeir lögðu or höfninni, þá fór herr
bónda norðan fyrir Þjótandi ok höfðu hálfan þriðja teg skipa.
Þá stefndi konungr fyrir innan Nyrfi, ok inn um Hundsver.
En þá er Ólafr konungr kom jafnfram Borgund, þá fór ok skip
móti honum, er Áslákr hafði átt. En er þeir hittu Ólaf

konung, þá sögðu þeir sín tíðindi, at Vígleikr Árnason hafði tekit af lífi Áslák Fitjaskalla, fyrir þat er hann hafði drepit Erling Skjálgsson. Konungr lét illa yfir þessum tíðindum, ok mátti þó eigi dvelja ferð sína fyrir úfriði, ok fór þá inn um Veggund ok um Skot. Þá skildist 5 lið við hann. Fór frá honum Kálfr Árnason ok margir aðrir lendir menn ok skipstjórnarmenn, ok héldu þeir til móts við jarl. En Ólafr konungr hélt fram sinni ferð, ok létti eigi fyrr, en hann kom í Toðarfjörð inn, ok lagði at í Valldali, ok gékk þar af skipum sínum, ok hafði þar 5 10 skip, ok setti þau upp, ok fékk þar til hirzlu segl ok reiða. Síðan setti hann þar landtjald sitt á eyrinni, sem Sult heitir, ok eru þar fagrir vellir, ok reisti kross þar hjá á eyrinni. En bóndi sá bjó á Mærinni, er Brúsi hét, ok var hann höfðingi yfir dalnum. Síðan kom Brúsi ofan ok margir 15 aðrir bæendr á fund Ólafs konungs, ok fögnuðu honum vel, sem vert var. En hann gerði sik blíðan í móti fagnaði þeira. Þá spurði konungr, ef fært væri þar á land upp or dalinum ok á Lesjar. Brúsi sagði honum, at urð sú var í dalnum, er Skerfsurð heitir, ok er þar hvárki fært 20 mönnum né hrossum. Ólafr konungr svarar honum: Til mun nú hætta verða, búandi! tekst sem guð vill; ok komit hér nú í morgin með eyki yðra ok sjálfa yðr, ok sjám síðan, hverr vöxtr á sé, þá er vér komum til urðarinnar, hvárt vér megum þar nokkur brögð sjá at komast yfir 25 með hrossum eða mönnum.

Frá urðarbroti.

189. En er dagr kom, þá fóru bæendr ofan með eyki sína, svá sem konungr hafði mælt við þá. Flytja þeir þá með eykjunum varnað sinn ok klæði, en alt lið gékk, ok 30 konungr sjálfr. En hann gékk þar til er Krossbrekka heitir, ok hvíldist, er hann kom á brekkuna, ok sat þar um hríð, ok sá ofan í fjörðinn, ok mælti: Erfiða ferð hafa þeir fengit mér í hendr lendir menn mínir, er nú hafa skipt um

trúnaðinn, er um hrið váru vinir mínir ok fulltrúar. Þar standa nú krossar tveir eptir á brekkunni, er konungr sat. Konungr steig þá á bak hesti einum, ok reið upp eptir dalnum, ok létti eigi fyrr en þeir kómu til urðarinnar. Þá spurði konungr Brúsa eptir, ef nokkur sel væri þar, þau er þeir mætti í búa. Hann kvað vera. En konungr setti landtjald sitt, ok var þar um nóttina. En um morgininn þá bað konungr þá fara til urðarinnar, ok freista, ef þeir mætti koma vögnum yfir urðina. Þá fóru þeir til, en konungr sat heima í landtjaldi. En at kveldi kómu þeir heim hirðmenn konungs ok boendr, ok kváðust hafa haft mikit erfiði ok ekki á leið komit, ok sögðu, at þar mundi aldri vegr yfir leggjast; ok váru þar aðra nótt, ok var konungr á boenum sínum alla nótt. Ok þegar er konungr fann, at dagaði, þá bað hann menn fara til urðar, ok freista enn, ef þeir gæti vögnum yfir komit. Þeir fóru ok váru traudir; þeir sögðu, at þeir mundu ekki geta at unnit. En þá er þeir váru brott farnir, þá kom sá maðr til konungs, er réð fyrir vistum, ok sagði, at eigi var vist meiri en tvau nautföll slátr: en þú hefir 400 þíns liðs, ok 100 búanda. Þá mælti konungr, at hann skyldi láta upp katla alla, ok í hvern ketil láta nokkut af slátri. Ok svá var gert. En konungr gékk til ok gerði yfir krossmark, ok bað þá búa mat. En konungr fór til Skerfsurðar, þar sem þeir skyldu veginn ryðja. En þá er konungr kom þar, þá sátu þeir allir, ok váru móðir orðnir af erfiði. Þá mælti Brúsi: Ek sagða yðr, konungr! ok vildut þér eigi trúa mér, at ekki mátti vinna at urð þessarri. Síðan lagði konungr niðr skikkju sína, ok mælti, at þeir skyldu til fara allir ok freista enn; ok svá var gert, ok færðu þá steina 20 menn, þannug sem þeir vildu, er engan veg gátu áðr hrært 100 manna, ok var vegrinn ruddr at miðjum degi, svá at foert var bæði mönnum ok hrossum með klyfjum, eigi verr en á sléttum velli. Síðan fór konungr ofan aptr, þangat sem vistin var, ok nú heitir Ólafshellir. Kelda er

ok þar nær hellinum, ok þó konungr sér í. En ef búfé manna verðr sjúkt í dalnum, ok drekkir þar af vatni því, þá batnar því sötta. Síðan fór konungr til matar ok allir þeir. Ok þá er konungr var mettr, þá spurði hann eptir, ef setr nokkur væri í dalnum upp frá urðinni ok nær 5 fjallinu, er þeir mætti búa í um nóttina. En Brúsi segir: Eru setr, er heita Groeningar, ok má þar engi maðr vera um nætr fyrir tröllagangs sakir ok meinvetta, er þar eru hjá setrinu. Síðan mælti konungr, at þeir skyldu búa ferð sína, ok segir, at hann vildi þar vera um nóttina á setrinu. 10 Þá kom sá maðr til hans, er fyrir vistum réð, ok segir, at þar er ørgrynni vista; ok veit ek eigi, hvaðan komnar eru. Þakkar konungr guði sending sína, ok lét hann gera byrðar matar bóndum, þeim er ofan fóru eptir dalnum, en var á setri um nóttina. En at miðri nótt, er menn váru í svefni, 15 þá lét á stöðli úti afskræmiliga, ok mælti: Svá brenna mik nú böenir Ólafs konungs, segir sú vettr, at eigi má ek nú vera at híbýlum mínum, ok verð ek nú flýja, ok koma aldri á þenna stöðul síðan. En um morgininn, er menn vöknudðu, þá fór konungr til fjalls, ok mælti við 20 Brúsa: Hér skal nú gera bæ, ok mun sá bóndi æ hafa sér framdrátt, er hér býr, ok aldri skal hér korn frjósa, þó at bæði frjósi fyrir ofan bæ ok neðan. Þá fór Ólafr konungr yfir fjall, ok kom fram í Einbúa, ok var þar um nótt. Ólafr konungr hafði þá verit konungr í Noregi 15 25 vetr, með þeim vetri, er þeir Sveinn jarl váru báðir í landi, ok þessum, er nú um hrið hefir verit frá sagt, ok þá var liðinn um jól fram, er hann lét skip sín ok gékk á land upp, sem fyrr var sagt. Þessa grein konungdóms hans ritaði fyrst Ari prestur Þorgilsson hinn fróði, er bæði var 30 sannsögull, minnigr, ok svá gamall maðr, at hann mundi þá menn ok hafði sögur af haft, er þeir váru svá gámlir, at fyrir aldrs sakir máttu muna þessi tíðindi, svá sem hann hefir sjálf sagtt í sínum bókum, ok nefnda þá menn til, er hann hafði frœði af numit. En hitt er alþýðu sögn, 35

at Ólafr væri 15 vetr konungr yfir Noregi, áðr hann féll; en þeir er svá segja, þá telja þeir Sveini jarli til ríkis þann vetr, er hann var síðarst í landi; því at Ólafr var síðan 15 vetr konungr, svá at hann lifði.

Spásögn Ólafs konungs.

190. Síðan er Ólafr konungr hafði verit um nótt á Lesjum, þá fór hann með liði sínu dag eptir dag, fyrst til Guðbrandsdala, en þaðan út á Heiðmörk. Sýndist þá, hverir vinir hans váru, því at þeir fylgðu þá honum; en
 10 hinir skildust þá við hann, er með minna trúleik höfðu þjónat honum, en sumir snerust til úvináttu ok fulls fjándskapar, svá sem bert varð. Kendi þess mjök á um marga Upplendinga, at illa hafði líkat aftaka Þóris, svá sem fyrr var getit. Ólafr konungr gaf heimleyfi mörgum mönnum
 15 sínum, þeim er bú áttu ok börn fyrir at hyggja; því at þeim mönnum þótti úsýnt, hverr friðr gefinn væri varnaði þeira manna, er af landi brott færi með konungi. Gerði konungr þá bert fyrir vinum sínum, at sú var ætlan hans, at fara þá or landi í brott, fyrst austr í Svíaveldi, ok
 20 gera þá ráð sitt, hvert hann sneri þaðan af; en bað svá vini sína til ætla, at hann mundi enn ætla til landsins at leita ok aptr til ríkis síns, ef guð léði honum langlífis; sagði, at þat var hugboð hans, at alt fólk í Noregi mundi enn verða þjónostubundit við hann. En ek munda ætla,
 25 segir hann, at Hákon jarl mundi litla stund hafa vald yfir Noregi; ok mun mörgum mönnum þat eigi þykkja undarligt, því at Hákon jarl hefir fyrr skort við mik hamingju; en hinu munu fáir menn trúá, þótt ek segja þat er mér boðar fyrir, er kemr til Knúts hins ríka, at hann muni á
 30 fára vetra fresti vera dauðr ok farit alt ríki hans, ok mun engi verða uppreist hans kynslóðar, ef svá ferr, sem mín orð horfa til. En er konungr hætti ræðu sinni, þá bjoggu menn ferð sína. Sneri konungr þá með þat lið, er honum fylgði, austr til Eiðaskógs. Þar var þá með honum Ástriðr

dróttning, Úlfhildr dóttir þeira, Magnús son Ólafs konunga, Rögnvaldr Brúsason, þeir Árnasynir Þorbergr, Finnur, Árni, ok enn fleiri lendar menn. Hafði hann gott manna- val. Björn stallari fékk heimleyfi. Fór hann aptr ok heim til bús síns, ok margir aðrir vinir konungs fóru aptr til búa sinna í leyfi hans. Bað konungr þess, at þeir skyldu hann vita láta, ef þau tíðindi gerðist í landinu, er honum bæri nauðsyn til at vita. Snýr konungr þá leið sína.

Ferð Ólafs konungs í Hólmgarð.

191. Þat er at segja frá ferð Ólafs konunga, at hann fór fyrst or Noregi austr um Eiðaskóg til Vermalanda, ok þá út í Vatnsbú, ok þaðan yfir skóg þann, sem leið liggir, ok kom fram á Næríki. Þar var fyrir ríkr maðr ok auðigr, er hét Sigtryggr. Ívarr hét son hans, er síðan varð göfugr maðr. Þar dvaldist Ólafr konungr um vart með Sigtryggvi. En er sumraði, þá bjó konungr ferð sína, ok fékk sér skip. Fór hann um sumarit, ok létti eigi fyrr, en hann kom austr í Garðaríki á fund Jarizleifs konungs ok þeira Ingigerðar dróttningar. Ástriðr dróttning ok Úlfhildr konungsdóttir váru eptir í Svíþjóð. En konungr hafði austr með sér Magnús son sinn. Jarizleifr konungr fagnaði vel Ólafi konungi, ok bauð honum með sér at vera, ok hafa þar land til slíks kostnaðar, sem hann þurfti at halda lið sitt með. Þat þektist Ólafr konungr, ok dvaldist þar. Svá er sagt, at Ólafr konungr var siðlátr ok boenrækin til guðs alls stund ævi sinnar. En síðan er hann fann, at ríki hans þvarr, en mótstöðumenn efdust, þá lagði hann allan hug á þat, at gera guðs þjónustu; dvaldi hann þá ekki frá aðrar áhyggjur eða þat starf, sem hann hafði áðr með höndum haft; því at hann hafði alla þá stund, er hann sat í konungdóminum, starfat þat, er honum þótti mest nytsemd at vera, fyrst at friða ok frelsa landit af áþján útlendra höfðingja, en síðan at snúa landsfólkinu á rétta trú, ok

þar með at setja lög ok landsrétt; ok þann hlut gerði hann fyrir réttðæmis sakir, at hegna þá er rangt vildu.

Upphaf til uppreistar móti Ólafi konungi.

192. Þat hafði mikill siðr verit í Noregi, at lendra
 5 manna synir eða ríkra búanda fóru á herskip ok öfluðu
 sér svá fjár, at þeir herjuðu bæði utanlands ok innanlands.
 En síðan er Ólafr tók konungdóm, þá friðaði hann svá
 land sitt, at hann tók af rán öll þar í landi; þótt ríkra
 manna synir gerði friðbrot, eða þat er konungi þótti vera
 10 aflaga, ok mætti refsingum við þá koma, þá lét hann engu
 öðru við koma, en þeir létu líf eða limar; hvárki týði
 böen manna þar fyrir né féboð. Svá segir Sigvatr skáld:

15 Gull buðu opt þeir er ollu úthlaupum gram kaupask rautt, en ræsir neitti, ríklundudum undan.	Skör bað hann með hjörvi, herland skal svá verja, ráns biðu rekkar sýna refsing, fírum efsa.
--	---

Ok enn kvað hann svá:

20 Foeddi mest sá er meiddi margdýrr konungr varga hvinna sett ok hlenna, hann stýfði svá þýfðir. Þýðr lét þermlask bæði þjóf hvern konungr ernan, friðr boettisk svá, fóta, 25 fylkis lands, ok handa.	Vissi helzt þat, er hvössum hundmörgum lét grundar vörðr með vápnum skerða víkingum skör, ríkis. Mildr lét mörgu valdit Magnúss faðir gagni, fremd Ólafs kveð ek frömdu flestan sigr hins digra.
--	---

Hann lét jafna refsing hafa ríkan ok úríkan; en þat þótti
 landsmönnum ofrausn, ok fyldust þar fjándskapar upp í
 mót, er þeir létu frændr sína at réttum konungs dómi, þótt
 sannar sakir væri. Var þat upphaf til þeirrar uppreistar,
 30 er landsmenn gerðu í móti Ólafi konungi, at þeir þoldu
 honum eigi réttendi; en hann vildi heldr láta af tigninni
 en af réttðæminu. En eigi var sú sök við hann rétt-
 fundin, at hann væri hnæggr fjár við sína menn; hann var
 hinn mildasti við vini sína; en þat bar til, er menn reistu

úfrið í móti honum, at mönnum þótti hann harðr ok refs-
ingasamr, en Knútr konungr bauð fram ofrfé; en þó urðu
stórhöfðingjarnir at hinu blektir, er hann hét hverjum þeira
tign ok ríki, ok þat með, at menn váru fúsir í Noregi at
taka við Hákon jarli, því at hann var hinn vinsælsti maðr⁵
af landsfólki þá fyrr er hann réð fyrir landi.

Frá Jökli Bárðarsyni.

193. Hákon jarl hafði haldit liði sínu or Þrándheimi
ok farit í mót Ólafi konungi suðr á Mœri, sem fyrr var
ritat. En er konungr hélt inn í fjörðu, þá sótti jarl eptir¹⁰
þannug. Kom þá til móts við hann Kálfr Árnason ok fleiri
þeir menn, er skilizt höfðu við Ólaf konung. Var Kálfr
þar vel fagnat. Síðan hélt jarl inn þannug, sem konungr
hafði upp sett skip sín, í Toðarfjörð í Valldal. Tók jarl
þar skip þau, er konungr átti; lét jarl setja út skipin ok¹⁵
búa; váru þá menn hlutaðir til skipstjórnar. Sá maðr var
með jarlinum, er nefndr var Jökull, íslenzkr maðr, son
Bárðar Jökulssonar or Vatnsdal. Jökull hlaut at stýra
Vísundinum, er Ólafr konungr hafði haft. Jökull orti
vísu þessa:

Hlaut ek frá Sult, en sæta
síð fregn at ek kvíða,
ván erumk hreggs at hreini
hlýrvangs, skipi stýra,

því er, ýstéttar, átti
Óleifr, funa kleifar!
gramr var sjálfr á sumri
sigri rænt, hinn digri.

Þat er hér skjótast af at segja, er síðar varð mjök miklu,²⁵
er Jökull varð fyrir liði Ólafs konungs á Gotlandi, ok varð
handtekinn, ok lét konungr hann til höggs leiða, ok var
vöndr snúinn í hár honum, ok hélt á maðr. Settist Jökull
niðr á bakka nökkurn. Þá réð maðr til at höggva hann.
En er hann heyrði hvininn, réttist hann upp, ok kom höggit³⁰
í höfuð honum, ok varð mikit sár. Sá konungr, at þat
var banasár. Bað konungr þá hætta við hann. Jökull sat
upp ok orti þá vísu:

Sviða sár af mœði,
setit hefi ek opt við betra,
und er á oss, sú er sprændi
útrauð legi rauðum.

Byss mér blóð or þessu
beni, té ek við þrek venjask;
verpr hjálmgófugr hilmir
heiðsær á mik reiði.

5 Síðan dó Jökull.

Frá Kálfi Árnasyni.

194. Kálfr Árnason fór með Hákon jarli norðr til
Þrándheims, ok bauð jarl honum til sín ok gerast sér hand-
genginn. Kálfr segir, at hann mundi fara fyrst inn á
10 Eggju til bús síns ok láta síðan gerast ráð. Kálfr gerði
svá. En er hann kom heim, þá fannst honum þat brátt í,
at Sigríðr kona hans var heldr skapstór, ok taldi upp
harma sína, þá er hon kallaðist fengit hafa af Ólafi konungi,
þat fyrst, er hann lét drepa bónda hennar Ölvi: en nú
15 síðan, segir hon, sonu mína tvá; ok vartu, Kálfr! at þeira
aftöku, ok mundi mik þess sízt af þér vara. Kálfr segir,
at þat var mjök at hans úvilja, er Þórir var af lífi tekinn:
bauð ek, segir hann, fé fyrir hann; en þá er Grjótgarðr
var feldr, lét ek Arnbjörn bróður minn. Hon segir: Vel
20 er þat, er þú hlauzt slíkt af konungi, því at vera má, at
þú vilir hefna hans, þóttu vilir eigi hefna minna harma;
sáttu, þá er Þórir var drepinn, fóstrson þinn, hversu mikils
konungr virði þik þá. Þvílíkar harmtölur hafði hon jafnan
uppi fyrir Kálfi. Kálfr svarar opt styggliga, en þó varð
25 hitt at lyktum, at hann leiddist eptir fortölum hennar, ok
hét þá því at gerast jarli handgenginn, ef jarl vildi auka
veizlur hans. Sigríðr sendi orð jarlinum, ok lét segja, hvar
þá var komit um mál Kálfs. En þegar er jarl varð þess
viss, þá sendi hann orð Kálfi þau, at hann skyldi koma
30 út til bæjar á fund jarls. Kálfr lagðist þá ferð eigi undir
höfuð, ok fór litlu síðar út til Niðaróss, ok fann þar Hákon
jarl, fékk þar góðar viðtökur, ok áttu þeir jarl tal sitt;
kom þar alt ásamt með þeim, ok réðu þeir þat, at Kálfr
gerðist handgenginn jarli ok tók af honum veizlur stórar

Síðan fór Kálfr heim til bús síns; hafði hann þá mest yfir-
sókn alt inn í Þrándheim. En þegar er váraði, bjó Kálfr
skip sitt, er hann átti; ok þegar er hann var búinn, þá
sigldi hann á haf, ok hélt skipi því vestr til Englands;
því at hann spurði þat til Knúts konungs, at hann sigldi
snemma um várit or Danmörku vestr til Englands. Þá
hafði Knútr konungr gefit jarldóm í Danmörku Haraldi,
syni Þorkels háva. Kálfr Arnason fór á fund Knúts kon-
ungs, þegar er hann kom til Englands. Svá segir Bjarni
gullbráarskáld:

10

Austr réð allvaldr rísta
útála haf stáli,
varð at vitja Garða
vígmóðr Haralds bróðir.

Enn, um iðnir manna
emka ek tamr at samna
skrækvi, at skilnað ykkarn
skjótt léztu Knút um sóttan.

En er Kálfr kom á fund Knúts konungs, þá fagnaði kon-
ungr honum forkunnar vel, ok hafði á tali við sik. Varð
þat í rœðum þeira Knúts konungs, at hann beiddi Kálf
þess, at bindast fyrir at gera uppreist í móti Ólafi hinum
digra, ef hann leitaði aptr í landit: en ek, segir konungr,
mun gefa þér þá jarldóm ok láta þik þá ráða Noregi; en
Hákon, frændi minn, skal fara til mín, ok er honum þat
bezt fallit; því at hann er sá heilhugi, at ek ætla hann
eigi munu einu skapti skjóta móti Ólafi konungi, þótt þeir
finnist. Kálfr hlýddi á þat, er Knútr konungr mælti, ok
gerðist hann fúss til tignarinnar. Staðfestist sjá ráðagerð
með þeim Knúti konungi ok Kálfi. Bjóst þá Kálfr til
heimferðar. En at skilnaði gaf Knútr konungr honum
gjafir vegsamligar. Þess getr Bjarni skáld:

Áttu Engla dróttni,
ógnrakkr, gjafar þakka,
jarls niðr! komtu yðru
útála vel máli.

Þér lét fold áðr fœrir,
frest urðu þess, vestan,
líf þitt era lítit,
Lundúna gramr fundna.

30

Síðan fór Kálfr aptr til Noregs, ok kom heim til bús síns.

Dauði Hákonar jarls.

195. Hákon jarl fór þat sumar or landi ok vestr til Englands. En er hann kom þar, þá fagnar Knútr konungr honum vel. Jarl átti festarmey þar á Englandi, ok fór
 5 hann þess ráðs at vitja, ok ætlaði brullaup sitt at gera í Noregi, en aflaði til á Englandi þeira fanga, er honum þóttu torfengst í Noregi. Bjóst jarl um haustit til heimferðar, ok varð heldr síðbúinn. Sigldi hann í haf, þá er hann var búinn. En frá ferð hans er þat at segja, at
 10 skip þat týndist, ok kom engi maðr af. En þat er sumra manna sögn, at skipit hafi sét verit norðr fyrir Katanesi at aptni dags í stormi miklum, ok stóð veðrit út á Petlandsfjörð. Segja þeir svá, er slíku vilja fylgja, at skipit muni hafa rekit í svelginn. En hitt vita menn með sann-
 15 indum, at Hákon jarl týndist í hafi, ok ekki kom til landa, þat er á skipi því var. Þat sama haust sögðu kaupmenn þar tíðindi svá borin um land, at menn hugðu, at jarl væri týndr. En hitt vissu menn allir, at hann kom eigi á því hausti til Noregs. Ok land var þá höfðingjalaust.

Frá Birni stallara.

20 196. Björn stallari sat heima at búi sínu, síðan er hann hafði skilizt við Ólaf konung. Björn var frægr, ok spurðist þat brátt víða, at hann hafði sezt um kyrt. Spurði þat Hákon jarl ok aðrir landráðamenn. Síðan gerðu þeir
 25 menn ok orðsendingar til Bjarnar. En er sendimenn kómu fram ferð þeirri, þá tók Björn vel við þeim. Síðan kallar Björn til tals við sik sendimenn, ok spurði þá eptir erendum sínum. En sá er fyrir þeim var mælti, bar kveðju Knúts konungs ok Hákonar jarls Birni, ok enn fleiri höfðingja:
 30 ok þat með, segir hann, at Knútr konungr hefir spurn mikla af þér, ok svá um þat, at þú hefir lengi fylgt Ólafi digra, en verit úvinr mikill Knúts konungs, ok þykkir honum þat illa, því at hann vill vera vinr þinn, sem allra

annarra dugandi manna, þegar er þú vilt af hverfa at vera hans úvinr, ok er þér nú sá einn til, at snúast þangat til trausts ok vináttu, sem gnægst er at leita, ok nú láta allir menn sér sóma í norðrhálfu heimsins; megut þér þat líta, er fylgt hafit Ólafi, hvernug hann hefir 5 nú við yðr skilit: þér erut allir traustlausir fyrir Knúti konungi ok hans mönnum, en herjuðut land hans hit fyrra sumar ok dráput vini hans; þá er þetta með þökkum at taka, er konungr býðr sína vináttu, ok væri hitt makligra, at þú bæðir eða byðir fé til. En er hann 10 hafði lokit rœðu sinni, þá svarar Björn ok segir svá: Ek vil nú sitja um kyrt heima at búi mínu ok þjóna ekki höfðingjum. Sendimaðr svarar: Slíkt eru konungsmenn, sem þú ert; kann ek þér þat at segja, at þú átt tvá kosti fyrir höndum; sá annarr, at fara útlagr af eignum þínum, 15 svá sem nú ferr Ólafr félagsmaðr yðarr; hinn er, annarr kost, er sýniligri má þykkja, at taka við vináttu Knúts konungs ok Hákonar jarls, ok gerast þeira maðr, ok selja til þess trú þína, ok taka hér mála þinn. Steypti fram ensku silfri or sjóð miklum. Björn var maðr fégjarn, ok 20 var hann hugsjúkr mjök ok þagnaði, er hann sá silfrit, hugði þá at fyrir sér, hvat af skyldi ráða; þótti mikit at láta eigur sínar, en þótti úsýn uppreist Ólafs konungs, at verða mundi í Noregi. En er sendimaðr fann, at Birni gékkst hugr við féit, þá kastaði hann fram gullhringum 25 tveim digrum, ok mælti: Tak þú nú féit, Björn! ok sver eiðinn; ek heit þér því, at lítils er þetta fé vert hjá hinu, er þú munt þiggja, ef þú sækir heim Knút konung. En af mikilleik fjárins ok heitum fögrum ok stórum fégjöfum, þá varð hann snúinn til fégirni, tók upp féit, ok gékk 30 síðan til handgöngu ok eiða til trúnaðar við Knút konung ok Hákon jarl. Fóru þá sendimenn í brott.

Ferð Bjarnar stallara.

197. Björn stallari spurði tíðindi þau, er sagt var, at Hákon jarl væri týndr. Þá snerist skaplyndi hans, iðraðist hann mjök þess, er hann hafði brugðit trú sinni við Ólaf konung; þóttist hann þá lauss vera þeira einkamála, er hann hafði veitt til hlýðni við Hákon jarl. Þótti Birni þá gerast nokkur ván til uppreistar um ríki Ólafs konungs, ef hann kvæmi til Noregs, at þá væri þar höfðingjalaust fyrir. Björn býr þá ferð sína skyndiliga, ok hafði nokkura menn með sér; fór síðan dag ok nótt ferðar sinnar, þat á hestum, er svá mátti, þat á skipum, er þat bar til; létti eigi ferð þeiri, fyrr en hann kom um vetrinn at jólum austr í Garðaríki til Ólafs konungs; ok varð konungr allfeginn, er Björn hitti hann. Spurði þá konungr margra tíðinda norðan or Noregi. Björn segir, at jarl var týndr ok land var þá höfðingjalaust. Þeim tíðindum urðu menn fegnir, þeir er Ólafi konungi höfðu fylgt or Noregi, ok þar höfðu átt eigur ok frændr ok vini, ok léku miklir landmunir til heimferðar. Mörg önnur tíðindi sagði Björn konungi or Noregi, þau er honum var mikil forvitni á at vita. Þá spurði konungr eptir vinum sínum, hvernug þeir héldi trúnaði við hann. Björn segir, at þat var allmisjafnt. Þá stóð Björn upp ok féll til fóta konungi, ok tók um fót honum ok mælti: Alt á guðs valdi ok yðru, konungr! ek hefí tekit fé af Knúts mönnum, ok svarit þeim trúnaðar-eiða; en nú vil ek þér fylgja ok eigi við þik skiljast, meðan vit lifum báðir. Konungr svarar: Stattu upp skjótt, Björn! sáttr skaltu vera við mik; boettu þetta við guð; vita má ek þat, at fáir munu nú vera í Noregi, þeir er einörð sinni haldi nú við mik, er slíkir bregðast, sem þú ert; er þat ok satt, at menn sitja þar í miklu vandkvæði, er ek em fjarri, en sitja fyrir úfriði fjándmanna minna. Björn segir konungi frá því, hverir mest bundust fyrir, at reisa fjándskap upp í móti konungi ok hans mönnum;

nefndi hann til þess sonu Erlíngs á Jaðri ok aðra frændr þeira, Einar þambarskelfi, Kálf Árnason, Þóri hund, Hárek or Þjóttu.

Frá Ólafi konungi.

198. Síðan er Ólafr konungr var kominn í Garðaríki, 5
hafði hann stórar áhyggjur, ok hugsaði, hvat ráð hann skyldi
upp taka. Jarizleifr konungr ok Ingigerðr dróttning buðu
Ólafi konungi at dveljast með sér, ok taka upp ríki þat,
er heitir Vulgaria; ok er þat einn hlutr af Garðaríki, ok
var þar fólk heiðit í því landi. Ólafr konungr hugsaði 10
fyrir sér um þetta boð. En er hann bar þat fyrir menn
sína, þá löttu allir at staðfestast þar, ok eggjuðu konung
at ráða norðr til Noregs til ríkis síns. Konungr hafði þat
enn í ráðagerð sinni, at leggja niðr konungstign ok fara út
í heim til Jórsala, eða í aðra helga staði, ok ganga undir 15
regulu. Þat taldist lengstum í huginn, at hugsa, ef nokkur
föng mundi til verða, at hann næði ríki sínu í Noregi.
En er hann hafði þar á huginn, þá mintist hann þess, at
hina fyrstu 10 vetr konungdóms hans váru honum allir
hlutir hagfeldir ok farsælligir, en síðan váru honum öll 20
ráð sín þunghræð ok torsótt, en gagnstaðligar allar
hamingjuraunirnar. Nú efaði hann um fyrir þá sök, hvárt
þat mundi vera vitrligt ráð at treysta svá mjök hamingjuna,
at fara með lítinn styrk í hendr fjándmönnum sínum,
er allr landsmúgr hafði til slegizt at veita Ólafi konungi 25
mótgöngu. Slíkar áhyggjur bar hann optliga, ok skaut til
guðs sínu máli, ok bað hann láta þat upp koma, er hann
sæl, at bazt gegndi. Válkaði hann þat í hugnum, ok vissi
eigi, hvat hann skyldi upp taka, því at honum sýndust
mein auðsýn á því sem hann taldi þá fyrir sér. 30

Draumr Ólafs konungs.

199. Þat var á einni nótt, at Ólafr konungr lá í
rekkju sinni ok vakti lengi um nóttina, ok hugði at ráða-

gerðum sínum, ok hafði stórar áhyggjur í skapi sínu. En
 er hugriðnað mæddist mjök, þá seig á hann svefa, ok þó
 svá lausa, at hann þóttist vaka ok sjá öll tíðindi í húsinu.
 Hann sá mann standa fyrir rekkjunni mikinn ok vegligan,
 5 ok hafði klæðnað dýrligan; bauð konungi þat helzt í hug,
 at þar mundi vera kominn Ólafr Tryggvason. Sá maðr
 mælti til hans: Ertu mjök hugsjúkr um ráðasetlan þína,
 hvert ráð þú skalt upp taka? þat þykki mér undar-
 ligt, er þú velkir þat fyrir þér, svá þat, er þú ætlast þat
 10 fyrir, at leggja niðr konungstign, þá er guð hefir gefit þér;
 slíkt hit sama sú ætlan, at vera hér ok þiggja ríki af
 útlendum konungum ok þér úkunnum; farðu heldr aptr til
 ríkis þíns, er þú hefir at erfðum tekit ok ráðit lengi fyrir
 með þeim styrk, er guð gaf þér, ok lát eigi undirmenn
 15 þína hræða þik; þat er konungs frami, at sigrast á úvinum
 sínum, en vegligr dauði, at falla í orrostu með liði sínu;
 eða efar þú nokkut um þat, at þú hafir rétt at mæla í
 yðarri deilu? eigi skaltu þat gera, at dylja sjálfan þik
 sanninda; fyrir því máttu djarfliga soekja til landsins, at
 20 guð mun þér bera vitni, at þat er þín eiga. En er kon-
 ungr vaknaði, þá þóttist hann sjá svip mannsins, er brott
 gekk. En þaðan í frá herði hann huginn, ok einstrengði
 þá ætlan fyrir sér, at fara aptr til Noregs, svá sem hann
 hafði áðr verið fúsast til, ok hann fann, at allir hans menn
 25 vildu helzt vera láta; taldi hann þat þá í huginu, at landit
 mundi vera auðsótt, er höfðingjalaust var, svá sem þá
 hafði hann spurt; ætlaði hann, ef hann kvæmi sjálfr til, at
 margir mundu þá enn honum liðsinnaðir. En er konungr
 birti þessa ráðagerð fyrir mönnum sínum, þá tóku allir
 30 því þakkaamliga.

Af læknislist Ólafs konungs.

200. Svá er sagt, at sá athurðr varð í Garðaríki,
 þá er Ólafr konungr var þar, at sonr einnar göfugrar
 ekkju fékk kverkasull, ok sótti svá mjök, at sveinninn

mátti engum mat niðr koma, ok þótti hann banvænn. Móðir sveinsins gékk til Ingigerðar dróttningar, því at hon var kunnkona hennar, ok sýndi henni sveininn. Dróttning segir, at hon kunni engar lækningar til at leggja: gakk þú, segir hon, til Ólafs konungs, hann er hér læknir beztr, 5 ok bið hann fara höndum um mein sveinsins, ok ber til orð mín, ef hann vill eigi elligar. Hon gerði svá sem dróttning mælti. En er hon fann konung, þá segir hon honum, at sonr hennar var banvænn af kverkasulli, ok bað hann fara höndum um sullinn. Konungr segir henni, at 10 hann var engi læknir, bað hana þangat fara, sem læknað varu. Hon segir, at dróttning hafði henni þangat vísat: ok hon bað mik sín orð til bera, at þér legðit lækning til, sem þér kynnit, ok sagði hon mér, at þú værir beztr læknir hér í staðinum. Þá tók konungr til, ok fór höndum 15 um kverkr sveininum, ok þuklaði sullinum mjök lengi, til þess er sveinninn hræddi munninn. Þá tók konungr brauð, ok braut ok lagði í kross í lófa sér, síðan lagði hann þat í munn sveininum, en hann svalg niðr. En þaðan af tók verk allan or kverkunum; var hann á fám dögum alheill. 20 Móðir hans varð fegin mjök, ok aðrir frændr ok kunnmenn sveinsins. Var þá fyrst á þannug virt, sem Ólafr konungr hefði svá miklar læknishendr, sem mælt er um þá menn, sem mjök er sú íþrótt lögð, at þeir hafi hendr góðar. En síðan er jartegnagerð hans varð alkunnig, þá var þat tekit 25 fyrir sanna jartegn.

Ólafr konungr brendi spánu.

201. Sá atburðr varð á einum sunnudegi, at Ólafr konungr sat í háseti sínu yfir borðum, ok hafði svá fasta áhyggju, at hann gáði eigi stundanna. Hann hafði í hendi 30 kníf ok hélt á tannara, ok rendi þar af spánu nökkura. Skutilsveinn stóð fyrir honum ok hélt borðkeri. Hann sá, hvat konungr gerði, ok skildi þat, at hann sjálfr hugði at öðru. Hann mælti: Mánadagr er á morgin, herra! Konungr

leit til hans, er hann heyrði þetta, ok kom þá í hug, hvat hann hafði gert. Síðan bað konungr færa sér kertisljós. Hann sópaði spánunum öllum í hönd sér, þeim er hann hafði telgt, þá brá hann þar í loginu, ok lét brenna spánuna
5 í lófa sér; ok mátti þaðan af marka, at hann mundi fast halda lög ok boðorð, ok vilja eigi yfir ganga þat, er hann vissi réttast.

Frá Ólafi konungi.

202. Síðan er Ólafr konungr hafði ráðit fyrir sér, at
10 hann vildi snúast til heimferðar, þá bar hann þat upp fyrir Jarizleif konung ok Ingigerði dróttningu. Þau löttu hann þeirar ferðar, sögðu þat, at hann skyldi hafa í þeira ríki þat veldi, er honum þótti sér soemiligt, en báðu hann eigi fara á vald fjándmanna sinna, með svá lítinn liðskost,
15 sem hann hafði þar. Þá segir Ólafr konungr þeim drauma sína, ok þat með, at hann kvaðst hyggja, at þat væri guðs forsjá. En er þau funnu, at konungr hafði ráðit fyrir sér, at fara aptr til Noregs, þá bjóða þau honum allan þann fararþeina, er hann vildi af þeim þiggja. Konungr þakkar
20 þeim fögrum orðum sinn góðvilja, segir, at hann vill fúsliga þiggja af þeim þat er hann þarf til ferðar sinnar.

Austanferð Ólafs or Garðaríki.

203. Þegar á bak jólum hélt Ólafr konungr á búnaði. Hann hafði nær 200 sinna manna; fékk Jarizleifr konungr
25 öllum þeim eyki ok þar reiða með, svá sem þurfti. En er hann var búinn, þá fór hann. Leiddi Jarizleifr konungr hann ok Ingigerðr dróttning vegsamliga af hendi. En Magnús son sinn lét hann þar eptir með konungi. Þá fór Ólafr konungr austan, fyrst at frærum alt til
30 hafsins. En er váraði ok ísa leysti, þá bjoggu þeir skip sín. En er þeir váru búnir ok byrr kom, þá sigla þeir, ok greiddist ferð sú vel. Kom Ólafr konungr skipum sínum við Gotland; spurði þar tíðindi bæði af Svíaveldi

ok Danmörku ok alt or Noregi; var þá spurt til sanns, at Hákon jarl var týndr, en land í Noregi var höfðingjalaust; þótti konungi ok hans mönnum þá vænt um sína ferð; sigldu þaðan, þá er byr gaf, ok héldu til Svíþjóðar. Lagði konungr liði sínu inn í Löginn, ok hélt upp í land til 5 Áróss, gerði síðan menn á fund Önundar Svíakonunga, ok lagði stefnu við hann. Önundr konungr varð vel við orðsending mágs síns, ok fór til fundar við Ólaf konung, svá sem hann hafði orð til send. Kom ok til Ólafs konungs Ástriðr dróttning með þá menn, er henni höfðu fylgt. 10 Var þar fagnafundur með öllum þeim; fagnar Svíakonungr vel Ólafi konungi mági sínum, er þeir hittust.

Frá lendum mönnum.

204. Nú skal segja, hvat þeir höfðust at í Noregi um þessar hriðir. Þórir hundr hafði Finnferð haft þessa 15 tvá vetr; ok hafði hann verit hvárntveggja vetr lengi á fjalli, ok fengit of fjár. Hann átti margskonar kaup við Finna. Hann lét þar gera sér 12 hreinbjálfa með svá mikilli fjölkyngi, at ekki vápn festi á, ok síðr miklu en á kringabrynju. En hit síðara vár bjó Þórir lang- 20 skip, er hann átti, ok skipaði húskörlum sínum. Hann stefndi saman bóndum, ok krafði leiðangrs alt um hina nærztu þinghá, dró þar saman mikit fjölmenni, fór norðan um vörð með liði því. Hárekr or Þjóttu hafði mikinn liðsamnað ok fékk mikit lið. Urðu til þeirar farar miklu fleiri 25 virðingamenn, þó at þessir sé ágætastir. Lýstu þeir yfir því, at liðsamnaðr sá skyldi fara móti Ólafi konungi, ok verja honum land, ef hann kvæmi austan.

Frá Einari þambarskelfi.

205. Einarr þambarskelfir hafði mest forráð út um 30 Þrándheim, síðan er frásall Hákonar jarls spurðist. Þótti honum þeir Eindriði seðgar vera balt komnir til eigna þeira, er jarl hafði átt, ok lausafjár. Mintist Einarr þá heita þeira

ok vinmæla, er Knútr konungr hafði veitt honum at skilnaði. Lét þá Einarr búa skip gott er hann átti, gékk þar á sjálfir með mikit föruneysi. En er hann var búinn, hélt hann suðr með landi, ok síðan vestr um haf, ok létti eigi
5 ferð sinni, fyrr en hann kom til Englands; fór þá þegar á fund Knúts konungs. Fagnaði konungr honum vel. Síðan bar Einarr upp erendi sín fyrir konung, segir svá, at hann var þá kominn at vitja heita þeira, er konungr hafði mælt, at Einarr skyldi bera tignarnafn yfir Noregi, ef Hákonar
10 jarls væri eigi við kostr. Knútr konungr segir, at þat mál vissi alt annan veg við: hefi ek nú, segir hann, sent menn ok jartegnir mínar til Danmerkr til Sveins sonar míns, ok þat með, at ek hefi honum heitit ríki í Noregi; en ek vil halda við þik vináttu, skaltu hafa þvílíkar nafn-
15 boetr af mér, sem þú hefir burði til, ok vera lendr maðr, en hafa veizlur miklar, ok vera því frammar en aðrir lendir menn, sem þú ert meiri framkvæmdarmaðr en aðrir lendir menn. Sá Einarr þá um hlut sinn, hvert hans erendi mundi verða; býst hann þá til heimferðar. En er hann
20 vissi fyrirætlan konungsins, ok svá þat, at mikil ván var, ef Ólafr konungr kvæmi austan, at ekki mundi friðsamligt í landi, kom Einari þat í hug, at ekki mundi undir at hrapa ferðinni meir, en svá sem hófligast væri, ef þeir skyldi berjast við Ólaf konung, en hafa ekki til framflutn-
25 ingar ríkis síns þá heldr en áðr. Sigldi Einarr þá í haf, er hann var at því búinn, ok kom svá til Noregs, at áðr váru fram komin þau tíðindi, er þar gerðust mest á því sumri.

Frá höfðingjum í Noregi.

206. Höfðingjar í Noregi héldu njósnum austr til Svíþjóðar ok suðr til Danmerkr, ef Ólafr konungr kvæmi austan or Garðaríki; féngu þeir þegar spurt, svá sem menn féngu skjótast farit, er Ólafr konungr var kominn til Svíþjóðar. En þegar er þat var sannspurt, þá fór herþóð um land alt; var stefnt út almenning at liði; kom þá herr

saman. En þeir lendir menn, er vǫru af Ögdum ok Rogalandi ok Hörðalandi, þá skiptust þeir við; sneru sumir norðr, en sumir austr, ok þótti hvártveggja lið fyrir þurfa. Sneru austr synir Erlings af Jaðri með alt lið, þat er austr var frá þeim, ok vǫru þeir höfðingjar fyrir því liði. En norðr snerist Áslákr af Finneyju ok Erlendr or Gerði, ok þeir lendir menn, er norðr vǫru frá þeim. Þessir er nú eru nefndir, vǫru allir eiðsvarar Knúts konungs til þess at taka Ólaf konung af lífi, ef þeim gæfi fœri á því.

Ferð Haralds Sigurðarsonar.

207. En er þat spurðist í Noreg, at Ólafr konungr var austan kominn til Svíþjóðar, þá sömnuðust saman vinir hans, þeir er honum vildu lið veita. Var í þeim flokki tignastr maðr Haraldr Sigurðarson, bróðir Ólafs konungs. Hann var þá 15 vetra gamall, mikill maðr vexti ok roskinmannligr. Mart var þar annarra göfugra manna. Þeir féngu alls 6 hundruð manna, þá er þeir fóru af Upplöndum. ok stefndu með lið þat austr um Eiðaskóg til Vermalands. Síðan stefndu þeir austr um markir til Svíþjóðar; spurðust þá fyrir um ferðir Ólafs konungs.

Ferð Ólafs konungs or Svíþjóð.

208. Ólafr konungr var í Svíþjóð um vǫrit, ok hafði þaðan njósnir norðr í Noreg, ok fékk þaðan þá eina spurn. at úfriðsamligt mundi þangat at fara, ok þeir menn er norðan kómu, lóttu hann mjök at fara í landit. Hann hafði þá einráðit fyrir sér, at fara slíkt sem áðr. Ólafr konungr spurði máls Önund konung, hvern styrk hann mundi veita honum at sækja land sitt. Önundr konungr svarar svá, segir at Svíum var lítit um at fara í Noreg herfór: vitum vér, segir hann, at Norðmenn eru harðir ok orrostumenn miklir, ok illir heim at sækja með úfriði; skal þat eigi seint at segja þér, hvat ek vil til leggja; ek mun fá þér 400 manna, ok velit af hirðsveitum mínum góða

hermenn ok vel búna til bardaga; síðan vil ek gefa þér lof til, at þú farir yfir land mitt, ok fáir þér lið alt, þat er þú mátt ok þér vill fylgja. Ólafr konungr tók þenna kost; bjóst síðan ferðar sinnar. Ástriðr dróttning var 5 eptir í Svíþjóð, ok Úlfrhildr konungsdóttir.

Ferð Ólafs konungs til Járnberalands.

209. En er konungr hóf ferð sína, þá kom til hans lið þat, er Svíakonungr fékk honum, ok váru þat 400 manna. Ferr konungr þær leiðir, er Svíar kunnu fyrir. 10 Stefndu þeir upp á land til marka, ok kómu þar fram, er kallat er Járnberaland. Þar kom í móti konungi lið þat, er farit hafði af Noregi til móts við hann, sem hér er fyrr frásagt. Hitti hann þar Harald bróður sinn, ok marga aðra frændr sína ok vini, varð þat hinn mesti fagn- 15 aðarfundr. Höfðu þeir þá allir saman 12 hundruð manna.

Frá Dag Hringssyni.

210. Dagr er maðr nefndr, er svá segir, at hann var son Hrings konungs, þess er land hafði flýit fyrir Ólafi konungi. En menn segja, at Hringr væri son Dags Hrings- 20 sonar, Haraldssonar hins hárfagra. Dagr var frændi Ólafs konungs; þeir feðgar Hringr ok Dagr höfðu staðfestz í Svíaveldi, ok höfðu þar fengit ríki til forráðs. Um várit, er Ólafr konungr var kominn austan til Svíþjóðar, sendi hann orð Dag frænda sínum þau, at Dagr skyldi ráðast 25 til ferðar með honum með þann styrk allan, sem hann hefir til; en ef þeir fá land eignast í Noregi, þá skyldi Dagr hafa ríki þar eigi minna en forellri hans hafði haft. En er þessi orðsending kom til Dags, þá féll honum þat vel í skap; lék honum landmunr mjök á at fara í Noreg, 30 ok taka þar við ríki því, sem frændr hans höfðu fyrr haft. Svarar hann skjótt þessu máli, ok hét ferð sinni. Dagr var maðr skjótorðr ok skjótráðr, ákafamaðr mikill ok hreysti- maðr, en engi spekingr at viti. Síðan samnaði hann sér

liði, ok fékk nær 12 hundruð manna; fór hann með þat lið til fundar við Ólaf konung.

Ferð Ólafs konungs.

211. Ólafr gerði orð frá sér í bygðir, ok sendi orð þeim mönnum, er þat vildi hafa til féfangs sér, ut afla hlutskiptis ok hafa upptektir þær, er úvinir konungs sæti yfir, þá skyldu þeir til hans koma ok honum fylgja. Ólafr konungr flutti þá her sinn, ok fór um markbygðir, en sumt um eyðimerkr, ok optliga um vötn stór. Þeir drógu eða báru skipin eptir sér milli vatnanna. Fjöldi dreif liðs til konungs markamanna, ok sumt stigamenn; er þar víða síðan kallat Ólafsbúðir, sem hann hafði náttstaði. Hann létti eigi ferðinni fyrr en hann kom fram á Jamtaland; fór þá síðan norðr til Kjalar. Skiptist lið hans í bygðirnar ok fór mjök sundrlaust, meðan þeir vissu ekki úfriðar vánir. En jafnan er þeir skiptu liði sínu, þá fylgði konungi Norðmanna lið, en Dagr fór þá í annan stað með lið sitt, en Svíar í þriðja stað með sínu liði.

Frá stigamönnum.

212. Menn þeir eru nefndir, er annarr hét Gaukaþórir en annarr Afrafasti; þeir váru stigamenn ok hinir mestu ráðsmenn, höfðu með sér 30 manna, sinna maka. Þeir bræðr váru meiri ok sterkari en aðrir menn; eigi skorti þá áræði ok hug. Þeir spurðu til hers þess, er þar fór yfir land, ok mæltu sín á milli, at þat mundi vera snjallræði at fara til konungs, ok fylgja honum til lands síns, ok ganga þar í fólkorrostu með honum, ok reyna sik svá; því at þeir höfðu ekki fyrr í bardögum verit, þeim er liði væri fylkt til. Var þeim þat forvitni mikil, at sjá konungs fylking. Þetta ráð líkaði vel förunautum þeira; gerðu þá ferð sína til fundar við konung. En er þeir koma þar, þá ganga þeir með sveit sína fyrir konung, ok höfðu þeir förunautar alvæpni sitt. Þeir kvöddu hann.

Hann spurði, hvat mönnum þeir sé. Þeir nefndu sik, ok sögðu, at þeir væru þar landsmenn. Þá bera þeir upp erendi sín, ok buðu konungi at fara með honum. Konungr segir, at honum leizt svá, sem í slíkum mönnum muni vera
 5 góð fylgd: ek em fúss, segir hann, við slíkum mönnum at taka, eða hvárt erut þér kristnir menn? segir hann. Gaukaþórir svarar, segir, at hann var hvárki kristinn né heiðinn: höfum vér félagar engan annan átrúnað, en trúm á orku ok afl okkat ok sigrsæli, ok vinnst okkr þat at gnógu.
 10 Konungr svarar: Skaði mikill, er menn svá liðmannligir skulu eigi á Krist trúa, skapara sinn. Þórir svarar: Er nokkurr sá í þínu fōruneyti, konungr! kristmaðrinn, er meira hafi á degi vaxit, en vit bræðr? Konungr bað þá skírast láta ok taka trú rétta þar með: ok fylgit mér síðan; skal
 15 ek þá gera ykkir virðingamenn mikla; en ef þit vilit þat eigi, þá farit aptr til iðnar ykkarrar. Afrafasti svarar, segir, at hann vildi ekki við kristni taka. Snúa þeir síðan í brott. Þá mælti Gaukaþórir: Þetta er skömm mikil, er konungr þessi gerir oss liðrækja; þar kom ek aldri fyrr,
 20 er ek væra eigi hlutgengr við aðra menn; skal ek aldri aptr hverfa at svá geru. Síðan slógust þeir í sveit með markamönnum öðrum, ok fylgðu flokkinum. Sækir þá Ólafr konungr vestr til Kjalar.

Sýn Ólafs konungs.

25 213. En er Ólafr konungr fór austan um Kjöl, ok sótti þá vestr af fjallinu, svá at land lægði þaðan vestr at sjá, ok sá þá þannug landit. Mart lið fór fyrr en konungr, ok mart síðar; reið hann þar, er rúmt var um hann; var hann hljóðr, mælti ekki við menn; reið hann svá langa hrið
 30 dags, at hann sást lítt um. Þá reið byskup at honum ok mælti, spurði, hvat hann hugsaði, er hann var svá hljóðr; því at konungr var jafnan glaðr ok margmálugr við menn sína í ferðinni, ok gladdi svá alla þá, er nær honum væru. Þá svarar konungr með áhyggju mikilli:

Undarliga hluti hefir borit fyrir mik um hríð; ek sá nú yfir Noreg, er ek leit vestr af fjallinu; kom mér þá í hug, at ek hafða margan dag glaðr verit í því landi; mér gaf þá sýn, at ek sá um allan Þrándheim, ok því næst um allan Noreg; ok svá lengi sem sú sýn hafði verit fyrir 5 augum mér, þá sá ek æ því víðara, alt þar til er ek sá um alla veröld, bæði lönd ok sæ; ek kenda gerla þá staði, er ek hafða fyrr komit ok sèt; jafngreiniliga sá ek þá staði, er ek hefi eigi fyrr sèt, suma þá, er ek hefi haft spurn af, en jafnvel hina er ek hefi eigi fyrr heyrt getit, bæði 10 bygða ok úbygða, svá vítt sem veröldin er. Byskup segir, at sú sýn var heilaglig ok stórmerkilig.

Jartegn um akr.

214. Síðan er konungr sótti ofan af fjallinu, þá var boer sá fyrir þeim, er á Súlu heitir, í ofanverðri bygðinni 15 í Verðœlafylki. En er þeir sóttu ofan at boenum, þá lágu aktrar við veginn. Konungr bað menn fara spakliga ok spilla eigi eign fyrir bónda. Gerðu menn þat vel, meðan konungr var við; en þær sveitir, er síðar fóru, þá gáfu ekki þessu gaum, ok hljópu menn svá um akrinn, at 20 hann var allr lagðr at jörðu. Sá búandi, er þar bjó, er nefndr Þorgeirr flekkir. Hann átti tvá sonu vel frumvaxta. Þorgeirr fagnaði vel konungi ok hans mönnum, ok bauð honum allan þann forbeina, er hann hafði fōng á. Konungr tók því vel, ok spurði þá Þorgeir at tíðindum, hvat títt 25 væri þar í landi, eða hvárt samnaðr nokkurr mundi þar vera gerr í móti honum. Þorgeirr segir, at lið mikit var saman dregit þar í Þrándheimi, ok þar váru komnir lendir menn bæði sunnan or landi ok norðan af Hálogalandi: en eigi veit ek, segir hann, hvárt þeir ætla því liði at stefna 30 yðr í mót eða í annan stað. Síðan kærði hann fyrir konungi skaða sinn ok úspekt konungsmanna, er þeir höfðu niðr brotit ok troðit akra hans alla. Konungr segir, at þat var illa orðit, at honum var mein gert. Síðan reið

konungrinn til, þar sem akrinn hafði staðit, ok sá at akrinn var allr at jörðu lagðr. Hann reið umhverfis, ok mælti síðan: Þess vænti ek, búandi! at guð mun leiðrétta skaða þinn, ok mun akr þessi betri á viku fresti. Ok varð þat 5 hinn bezti akr, sem konungr sagði. Konungr dvaldið þar um nótt. En at morni bjó hann ferð sína. Hann segir, at Þorgeirr bóndi skyldi fara með honum. En hann bauð til ferðar tvá sonu sína. Þá segir konungr, at þeir skulu eigi fara með honum. En sveinarnir vildu þó fara. Kon- 10 ungr bað þá eptir vera. En er þeir vildu eigi letjast, þá vildu hirðmenn konungs binda þá. Konungr mælti, er hann sá þat: Fari þeir, aptr munu þeir koma. Svá fór, sem konungr sagði, um sveinana.

Skírðir markamenn.

15 215. Þá flytja þeir her sinn út til Stafs. En er konungr kom á Stafamýrar, þá átti hann dvöl. Þá spurði hann til sanns, at bæendr fóru með her móti honum, ok þat, at þá mundi hann orrostu eiga brátt. Þá kannaði konungr lið sitt, ok var skorat manntal; þá fundust í 20 hernum 9 hundruð heiðinna manna. En er konungr vissi þat, þá bað hann þá skírast láta, sagði svá, at hann vill eigi heiðna menn hafa í orrostu með sér: munu vér, segir hann, ekki mega treystast liðsfjölda; guði skulu vér treystast, því at með (hans) krapti ok miskunn munu vér 25 sigr fá; en eigi vil ek blanda heiðnu fólki við menn mína. En er þat heyrðu heiðingjar, þá báru þeir saman ráð sín, ok at lyktum létu skírast 400 manna, en 500 neittu kristni; ok sneri þat lið aptr til síns lands. Þá ganga þar fram þeir bræðr með sitt lið, Gaukaþórir ok 30 Afrafasti, ok bjóða konungi enn gengi sitt. Hann spyr, ef þeir hefði þá skírn tekit. Gaukaþórir segir, at þat var eigi. Konungr bað þá taka skírn ok trú rétta, en fara á brott at öðrum kosti. Þeir sneru þá frá í brott, ok tóku tal sín í milli, ok réðu um, hvert ráð upp skyldi taka.

Þá mælti Afrafastí: Svá er at segja frá mínu skapi, at ek vil ekki aptr hverfa; mun ek fara til orrostu, ok veita lið öðrum hvarum; en eigi þykki mér skipta, í hvarum flokki ek em. Þá svarar Gaukapórir: Ef ek skal til orrostu fara, þá vil ek konungi lið veita, því at honum er liðspörf meiri; en ef ek skal á guð nökkut trúa, hvat er mér verra, at trúa á Hvitakrist en á annat guð. Nú er þat mitt ráð, at vér látim skírast, ef konungi þykkir þat miklu máli skipta; förum þá síðan til orrostu með honum. Þessu játa þeir allir; ganga síðan til konungs, ok segja at þeir vilja þá skírn taka. Váru þeir þá skírðir af kennimönnum, ok váru byskupaðir. Konungr tók þá í hirðlög með sér, ok sagði, at þeir skyldu vera undir merki hans í orrostu.

Tala Ólafs konungs.

216. Ólafr konungr hafði þá til sanns spurt, at skamt mundi vera til þess, er hann mundi orrostu eiga við böendr. En síðan er hann hafði kannat lið sitt, ok skorat var manntal, ok hafði hann þá meir en 30 hundruð manna, ok þótti þat þá vera mikill herr á einum velli. Síðan talaði konungr fyrir liðinu, ok mælti svá: Vér höfum mikinn her ok frítt lið. Nú vil ek segja mönnum, hverja skipan ek vil hafa á liði váru. Ek mun láta fara merki mitt fram í miðju liði, ok skal þar fylgja hirð mín ok gestir, ok þar með þat lið, er til vár kom af Upplöndum, ok svá þat lið, er hér kom til vár í Þrándheimi. En til hægri handar frá mínu merki skal vera Dagr Hringsson, ok með honum þat lið alt, er hann hafði til föruneysis við oss. Skal hann hafa annat merki. En til vinstri handar frá minni fylking skal vera þat lið, er Svíakonungr fékk oss, ok alt þat lið, er til vár kom í Svíaveldi. Skulu þeir hafa hit þriðja merki. Vil ek, at menn skiptist í sveitir, ok heimtist saman frændr ok kunnmenn, því at þá mun hverr annars bezt gæta, ok hverr annan kenna. Vér skulum marka lið vårt alt, gera herkumbl á hjálmum várum ok skjöldum,

draga þar með bleiku á krossinn helga. En ef vér komum í orrostu, þá skulu vér hafa allir eitt orðtak: fram, fram, kristmenn, krossmenn, konungsmenn! Vér munum hljóta þunnar fylkingar, ef vér höfum lið færa, því at ek vil, at þeir
5 kringi eigi um oss sínu liði. Skiptist menn nú í sveitir. En síðan skal sveitum skipa í fylkingar, ok viti þá hverr sína stöðu, ok gefi gaum at, hvert hann er frá merki því, er hann er undir skipaðr. Vér munum nú halda várri fylkingu, ok skulu menn hafa alvæpni dag ok nótt, þar til
10 er vér vitum, hvar fundr várr mun verða ok búanda. Síðan er konungr hafði talat, þá fylktu þeir liði sínu, ok skipuðu eptir því sem konungr hafði fyrir mælt.

Málstefna Ólafs konungs.

217. Eptir þat átti konungr stefnu við sveitarhöfðingja.
15 Váru þá komnir þeir menn, er konungr hafði sent í heraðit at krefja boendr liðs. Þeir kunnu þau tíðindi or bygðinni at segja, þar sem þeir höfðu farit, at víða var aleyða at vígjum mönnum; ok var þat fólk farit í bóndasamnað; en þar sem þeir hittu menn, þá vildu fáir þeim fylgja, en
20 flestir svöruðu því, at fyrir þá sök sátu heima, at þeir vildu hvárigum fylgja, vildu eigi berjast móti konungi, ok eigi móti frændum sínum; höfðu þeir fátt lið fengit. Þá spurði konungr menn ráðs, hvat sýndist tiltoekiligast. Finnur Árnason svarar máli konungs: Segja mun ek, segir hann,
25 hvernug gert munði, ef ek skylda ráða; þá mundu vér fara herskildi um allar bygðir, ræna fé öllu, en brenna svá vendiliga bygð alla, at aldri stœði kot eptir, gjalda svá bóndum dróttinssvikin. Hygg ek, at margr mundi þá lauss vera við flokkinn, ef hann sér heim reykt eða loga til húsa
30 sinna, en veit úgerla, hvat títt er um börn eða konur eða gamalmenni, feðr þeira eða mœðr, eða annat frændlið. Vænti ek, segir hann, ef nokkurir ráða til at rjúfa samnaðinn, at þá muni brátt þynnast fylkingar þeira; því at svá er bóndum gefit, at þat ráð, er þá er nýjast, þat er

þá öllum kærst. En er Finnur lauk máli sínu, þá gerðu menn þar at góðan róm; líkaði mörgum vel at ráða til fátanga, en öllum þóttu böendr makligir til skaða, en líkligt þat er Finnur sagði, at böendr mundu vera margir lausir við samnaðinn. Þormóður Kolbrúnarskáld kvað þá vísu: 5

Brennum öll fyrir innan	Ýs, hafi allir húsa
Inney þau er vér finnum,	Innaþrændir kol sinna,
land tegask herr með hjörvi,	angr skal kveykt í klungri,
hverbjörg, fyrir gram verja.	köld, ef ek má valda.

En er Ólafr konungr heyrði ákafa lýðsins, þá krafði hann 10 sér hljóðs ok mælti síðan: Hafa böendr verðleik til þess at svá væri gert, sem þér vilit; þat vita þeir ok, at ek hef gert þat, at brenna innin fyrir þeim, ok veitt þeim aðrar stórar refsingar. Gerða ek þá þat, at brenna fyrir þeim, er þeir höfðu áðr gengit af trú sinni ok tekit upp blót, 15 en vildu ekki láta at orðum mínum; áttu vér þá guðs réttar at reka. Nú eru þessi dróttinssvik miklu minna verð, þótt þeir haldi eigi trú sína við mik, ok munu þó þessi eigi þykkja vel sama þeim, er manndómsmenn vilja vera. Nú á ek hér nokkuru heimilla at veita nokkura 20 frían, er þeir misgera við mik, en þá er þeir hötuðust við guð. Nú vil ek, at menn fari spakliga ok geri engi hervirki. Vil ek fara fyrst til fundar við böendr; ok sættumst vér, þá er vel. En ef þeir halda bardaga í móti oss, þá eru þar tveir kostir fyrir höndum, ok ef vér föllum í 25 orrostu, þá er því vel ráðit, at fara þangat eigi með ránfé; en ef vér sigrumst, þá skulu þér vera arftökumenn þeira, er nú berjast móti oss, því at þeir munu þar sumir falla, en sumir flýja, ok hafa hvárirtveggju fyrirgert allri eigu sinni; en þá er gott at ganga til búa stórra, en bœir 30 vegligir, en þess nýtr engi maðr er brent er; svá ránfé ferr at spjöllum miklu meiri hluti, en þat er nýtt verðr af. Skulu vér nú fara dreift út eptir bygðinni, ok hafa með oss alla vígja menn, þá er vér fám; skulu menn ok höggva bú, eða taka aðra vist, sem menn þurfu til at fæða 35

sik, en menn geri ekki annat spellvirki. Vel þykki mér, at drepnir sé njósnarmenn bónda, ef þér takit þá. Skal Dagr fara ok hans lið hit norðra ofan eptir dalnum. En ek mun fara út þjóðveginum, ok hittumst at kveldi; höfum
5 allir eitt náttból.

Frá skáldum Ólafs konungs.

218. Svá er sagt, at þá er Ólafr konungr fylkti liði sínu, þá skipaði hann mönnum í skjaldborg, er halda skyldi fyrir honum í bardaga, ok valdi þar til þá menn, er sterk-
10 astir váru ok snarpastir. Þá kallaði konungr til sín skáld sín, ok bað þá ganga í skjaldborgina: skulut þér, segir hann, hér vera, ok sjá þau tíðindi er hér gerast; er yðr þá eigi segjandi saga til; því at þér skulut frá segja ok yrkja um síðan. Þar var þá Þormóðr Kolbrúnarskáld, ok
15 Gizurr gullbrá, fóstri Hofgarðarefs, ok hinn þriði Þorfinnr munnr. Þá mælti Þormóðr til Gizurar: Stöndum eigi svá þröngt, lagsmaðr! at eigi nái Sigvatr skáld rúmi sínu, þá er hann kemr; hann mun vera vilja fyrir konungi, ok ekki mun konungi annat líka. Konungr heyrði þetta ok svaraði:
20 Ekki þarf Sigvat at sneiða, þótt hann sé eigi hér; opt hefir hann mér vel fylgt; hann mun nú biðja fyrir oss, ok mun þess enn allmjök þurfa. Þormóðr segir: Vera má þat, konungr! at þér sé nú boena mest þörf; en þunt mundi vera um merkistöngina, ef allir hirðmenn þínir væri nú á
25 Rúmavegi; var þat ok satt, at vér töldum þá at því, er engi fékk rúm fyrir Sigvati, þótt mæla vildi við þik. Þá mæltu þeir skáldin sín á milli, sögðu at þat væri vel fallit, at yrkja áminningarvísur nökkurar um þau tíðindi, er þá mundu brátt at höndum berast. Þá kvað Gizurr:

30	Skala úglaðan ifa,	þótt sigrunnar svinnir
	orð fregni þat, borða	segi ván Heðins kvánar;
	búumk við þröng á þingi!	verum í ála éli
	þegns dóttir mik fregna,	austr bragningi at trausti.

Þá kvað Þorfinnr munnr aðra vísu:

Rækr at regni miklu
randar garðs ens harða,
vill við vísi snjallan
Verðela lið berjask.

Verjum allvald örvan,
ölum teitan má sveita,
fellum Þrændr í Þundar,
þess eggjumk vér, hreggi.

5

Þá kvað Þormóðr:

Ála þrængr at éli,
örstiklandi! miklu;
skyldu eigi skelknir haukdar,
skálmöld vex nú, fálma.

Búumk við sókn, en sloekni
seggr skyli orð um forðask,
er at geirþingi göngum,
gunnreifr, með Óleifi.

10

Vísur þessar námu menn þá þegar.

Sálugjöf Ólafs konungs.

219. Síðan bjó konungr ferð sína ok sótti út eptir dalnum; hann tók sér náttból, ok kom þar þá saman alt lið hans, ok lágu um nóttina úti undir skjöldum sínum. En þegar er lýsti, bjó konungr herinn. Fluttust þá enn út eptir dalnum, er þeir váru at því búnir. Þá kómu til konungs bæendr mjök margir, ok géngu flestir í lið með honum, ok kunnu allir eitt at segja, at lendir menn höfðu saman dregit her úvígjan, ok þeir ætluðu bardaga at halda við konung. Þá tók konungr margar merkr silfrs ok fékk í hendr einum búanda, ok mælti síðan: „Fé þetta skaltu varðveita, ok skipta síðan, leggja sumt til kirkna, en sumt gefa kennimönnum, sumt ölmusumönnum, ok gefa fyrir líf ok sál þeira manna, er falla í orrostu ok berjast í móti oss. Bóndi svarar: Skal fé þetta gefa til sálubótar yðrum mönnum, konungr? Þá svarar konungr: Þetta fé skal gefa fyrir sál þeira manna, er með bóndum eru í orrostu ok falla fyrir vápnum varra manna; en þeir menn er oss fylgja í orrostu, ok þar falla, þá munu vér bjargast at allir saman.

30

Frá Þormóði Kolbrúnarskáldi.

220. Þá nótt er Ólafr konungr lá í samnaðinum, ok áðr er frásagt, vakti hann löngum, ok bað til guðs fyrir sér ok liði sínu, ok sofnaði lítt; rann á hann höfgi móti 5 deginum; en er hann vaknaði, þá rann dagr upp. Konungi þótti heldr snemt at vekja herinn. Þá spurði hann, hvar Þormóðr skáld væri. Hann var þar nær ok svarar, spurði, hvat konungr vildi honum. Konungr segir: Tel þú oss kvæði nokkut. Þormóðr settist upp ok kvað hátt mjök, 10 svá at heyrði um allan herinn. Hann kvað Bjarkamál hin fornu, ok er þetta upphaf:

Dagr er upp kominn,
dynja hana fjaðrar,
mál er vílmögum
5 at vinna erfiði.
Vaki ok æ vaki
vina höfuð,
allir hinir æztu
Aðils um sinnar.

Hár hinn harðgreipi,
Hrólfr skjótandi,
ættumgóðir menn,
þeir er ekki flýja.
Vekka ek yðr at víni
né at vífs rúnum,
heldr vek ek yðr at hörðum
Hildar leiki.

10 Þá vaknaði liðit. En er lokit var kvæðinu, þá þökkðu menn honum kvæðit, ok fannst mönnum mikit um, ok þótti vel til fundit, ok kölluðu kvæðit húskarahvöt. Konungr þakkaði honum skemtan sína. Síðan tók konungr gullhring, er stóð hálfa mörk, ok gaf Þormóði. Þormóðr þakkaði 15 konungi gjöf sína, ok mælti: Góðan eigum vér konung, en vant er nú at sjá, hversu langlífr konungr verðr; sú er boen mín, konungr! at þú látir okkr hvárki skiljast lífs né dauða. Konungr svarar: Allir munu vér saman fara, meðan ek ræð fyrir, ef þér vilit eigi við mik skiljast. 20 Þormóðr mælti: Þess vætti ek, konungr! hvárt sem friðr er betri eða verri, at ek sjá nær yðr staddr, meðan ek á þess kost, hvat sem vér spyrjum til, hvar Sigvatr ferr með gullinhjaltann. Síðan kvað Þormóðr:

Þér mun ek enn, unz öðrum, Braut komumk vér, þó at veitim
 allvaldr, náir skáldum, valtafn frekum hrafni,
 — nær vættir þú þeira? — vizk eigi þat, vága
 þingdjarfr, um kné hvarfa. viggruðr, eða hér liggjum.

Ólafr konungr kemr á Stiklastaði.

5

221. Ólafr konungr flutti herinn út eptir dalnum. Fór þá enn Dagr með sínu liði aðra leið. Konungr létti eigi ferð sinni áðr hann kom út á Stiklastaði. Þá sá þeir her bónda, ok fór þat lið dreift mjök, ok var svá mikill fjöldi, at af hverjum stig dreif liðit, en víða þat er stór- 10 flokkar fóru saman. Þeir sá, hvar sveit manna fór ofan or Veradal, ok höfðu þeir á njósn verit, ok fór nær því, sem lið konungs var, ok fundu eigi fyrr, en svá skamt var í milli þeira, at menn máttu kennast. Þar var Hrútr af Viggju með 30 manna. Síðan mælti konungr, at gestir 15 skyldu fara at móti Hrúti ok taka hann af lífi. Váru menn þess verks fljótir. Þá mælti konungr til þeira Íslendinga: Svá er mér sagt, at þat sé siðr á Íslandi, at boendr sé skyldir á haustum at gefa húskörlum sínum slagasauð; nú vil ek þar gefa yðr hrút til slátr. Þeir hinir íslenzku 20 váru þess verks auðeggjaðir, ok fóru þegar at Hrúti með öðrum mönnum; var Hrútr drepinn, ok öll sveit sú er honum fylgði. Konungr nam staðar ok stöðvaði her sinn, er hann kom á Stiklastaði. Bað konungr menn stíga af hestum, ok búast þar um. Menn gerðu sem konungr mælti. 25 Síðan var skotit á fylking, ok sett upp merkin. Dagr var þá enn eigi kominn með sitt lið, ok misti þess fylkingararmsins. Þá mælti konungr, at þeir Upplendingar skyldu þar fram ganga, ok taka upp merkin; þykki mér þat ráð, segir konungr, at Haraldr bróðir minn sé eigi í orrostu, 30 því at hann er barn at aldri. Haraldr svarar: Ek skal vera at visu í orrostu, en ef ek em svá ústerkr, at ek má eigi valda sverðinu, þá kann ek þar gott ráð til, at binda skal höndina við meðalkaflann; engi skal vera viljaðr betr

en ek at vera úparfr þeim bóndunum; vil ek fylgja sveitungum mínum. Svá segja menn, at Haraldr kvað þá vísu þessa:

Þora mun ek þann arm verja, Gengrat greppr hinn ungi
þat er ekkju munr nekkvat, gunnblíðr, þar er slög ríða,
5 rjóðum vér af reiði herða menn at morði
rönd, er ek í hlýt standa. mót, á hæl fyrir spjótum.

Haraldr réð því, at hann var í orrostu.

Frá Þorgílsi Hálmusyni.

222. Þorgíls Hálmuson er maðr nefndr, bóndi sá er
10 þá bjó á Stiklastöðum, faðir Gríms góða. Þorgíls bauð
konungi liðsemd sína ok at vera í bardaga með honum.
Konungr bað hann hafa þökk fyrir boð sitt: En ek vil,
segir konungr, at þú, búandi! sér eigi í bardaga; veit oss
heldr hitt, at bjarg mönnum várum eptir bardaga, þeim
15 er sárir eru, en veit hinum umbúnað, er falla í orrostu;
svá, ef þeir atburðir verða, búandi! at ek fell í bardaga
þessum, veit þá þjónostu líki mínu, sem nauðsyn berr til,
ef þér er þat eigi bannat. Þorgíls hét þessu konungi, sem
hann beiddi.

20 *Tala Ólafs konungs.*

223. En er Ólafr konungr hafði fylkt liði sínu, þá
talaði hann fyrir þeim, mælti svá, at menn skyldu herða
hugi sína ok ganga djarfliga fram, ef orrosta verðr, segir
hann: Höfum vér lið gott ok mikit, en þótt boendr hafi
25 lið meira nokkuru, þá mun auðna ráða sigri. Er því fyrir
yðr at lýsa, at ek mun eigi flýja or orrostu þessi; skal
ek annathvart sigrast á bóndum, eða falla hér, elligar. Vil
ek þess biðja, at sá hlutr komi upp, er guð sér, at mér
gegnir bezt. Skulum vér því treystast, at vér höfum
30 réttara at mæla en boendr, ok því þar með, at guð muni
oss frelsa eigur várar eptir orrostu þessa, en elligar
veita oss miklu meiri laun fyrir þat lát, er vér fám
hér, en vér kunnim sjálfir at óeskja oss. En ef ek hlýt

um at mæla eptir orrostu, þá skal ek gæða yðr hvern eptir sínum verðleikum, ok því, hvernug hvern gengr fram í orrostu; mun þá, ef vér höfum sigr, vera gnógt bæði lönd ok lausir aurar at skipta því með yðr, er nú fara með áðr úvinir várir. Veitum sem harðasta atgöngu hina 5 fyrstu, því at skjótt mun um skipta, ef liðsmunr er mikill, eigum vér sigrs ván af skjótum atburðum; en hitt mun oss þungt falla, ef vér berjumst til mœði, svá at menn verði fyrir því úvígir; munu vér eiga minna deildarlið en þeir, er ymsir ganga fram, en sumir hlífast ok hvílast. En ef 10 vér gerum svá harða hriðina, at þeir snúa undan, er fremstir eru, þá mun hvern falla yfir annan, ok verða þeira úfarar þess at meiri, er þeir eru fleiri saman. En er konungr hætti rœðunni, þá gerðu menn mikinn róm at máli hans, ok eggjaði hvern annan. 15

Frá Þórði Fólasyri.

224. Þórðr Fólason bar merki Ólafs konungs. Svá segir Sigvatr skáld í erfídrápu þeiri, er hann orti um Ólaf konung, ok stælti eptir Uppreistarsögu:

Þórð frá ek þat sinn herða,	.Stöng bar hátt fyrir Hringa	20
þreifsk sókn, með Óleifi,	hjaldrmóðum gram bróðir,	
góð fóru þar, geirum	fult vann, fagrla gylta,	
gört víg, saman hjörtu.	framlundaðr, Ögmundar.	

Frá búnaði Ólafs konungs.

225. Ólafr konungr var svá búinn, at hann hafði hjálm 25 gyltan á höfði, en hvítan skjöld, ok lagðr á með gulli kross hinn helgi; í annarri hendi hafði hann kesju, þá er nú stendr í Kristskirkju við altara. Hann var gyrðr sverði því, er Hneitir var kallat, hit bitrasta sverð, ok gulli vafiðr meðalkaflinn. Hann hafði bringabrynju. Þess getr Sigvatr skáld: 30

Öld vann Ólafr felda,	En þeir er austan nenna,
öfigan sigr, hinn digri,	óx hildr með gram mildum,
gékk sóknþorinn sækja	mart segi ek bert, í bjarta
sinjor fram í brynju.	blóðröst Svíar óðu.

Draumr Ólafs konungs.

226. En er Ólafr konungr hafði fylkt liði sínu, þá
 váru bændr enn hvergi nær komnir. Þá mælti konungr, at
 liðit skyldi niðr setjast ok hvíla sik. Settist konungr þá
 5 sjálfr niðr, ok alt lið hans, ok éta rúmt. Hann hallaðist,
 ok lagði höfuðit í kné Finni Árnasyni. Þá rann á hann
 svefn, ok var þat um hríð. Þá sá þeir her bónda, ok sötti
 þá liðit til mёts við þá, ok höfðu upp sett merki sín, ok
 var þat hina mesti múgr manns. Þá vakti Finnur konung,
 10 ok sagði honum, at bændr sóttu þá til þeira. En er kon-
 ungr vaknaði, mælti hann: Hví vaktir þú mik, Finnur! ok
 lézt mik eigi njóta draums míns? Finnur svarar: Ekki
 mundi þik þat dreyma, at eigi mundi skyldra at vaka ok
 búast við hernum, er at oss ferr; eða sér þú eigi, hvar
 15 nú er kominn bóndamúgrinn? Konungr svarar: Ekki eru
 þeir enn svá nær oss, at eigi væri betr, at ek hefða sofit.
 Þá mælti Finnur: Hvat dreymdi þik, konungr! Þess er þér
 þykkir svá mikil missa í, er þú vaknaðir eigi sjálfr? Þá
 segir konungr draum sinn, at hann þóttist sjá stiga háfan,
 20 ok ganga þar eptir í lopt upp svá langt, at hann þóttist sjá
 at himininn opnaði, ok þangat var stigin til. Var ek þá,
 segir hann, kominn í hit efsta stig, er þú vaktir mik. Finnur
 svarar: Ekki þykkir mér draumur sjá svá góðr, sem þér mun
 þykkja; ætla ek þetta munu vera fyrir feigð þinni, ef þat er
 25 nökkut annat en svefnórar einar, er fyrir þik bar.

Skírðr Arnjótr gellini.

227. Enn varð sá atburðr, þá er Ólafr konungr var
 kominn á Stiklastaði, at maðr einn kom til hans. En þat
 var eigi af því undarligt, at margir menn kómu til konungs
 30 þar or heruðum, en því þótti þat nýnæmi, at þessi maðr
 var ekki öðrum líkr, þeim er þá höfðu til konungs komit.
 Hann var maðr svá hár, at engi annarra tók betr en í öxl
 honum; hann var allfríðr maðr sýnum ok fagrhárr. Hann

var vel vápnaðr, hafði hjálm allfríðan ok hringabrynju, skjöld rauðan, ok gyrðr með sverði búnu, hafði í hendi gullrekit spjót mikit, ok svá dýgrt skaptit, at handfyllr var í. Sá maðr gékk fyrir konung ok kvaddi hann, ok spurði, ef konungr vildi þiggja lið at honum. Konungr spurði, hvert 5 nafn hans væri eða kynferð, eða hvar hann var landsmaðr. Hann svarar: Ek á kyn á Jamtalandi ok Helsingjalandi: ek em kallaðr Arnljótr gellini; kann ek yðr þat helzt frá at segja, at ek veitta forbeina mönnum þínum, þeim er þér sendut til Jamtlands at heimta þar skatt; fékk ek 10 þeim í hendr silfrdisk, er ek senda yðr til jartegna, at ek vilda vera vinr yðarr. Þá spurði konungr, hvárt Arnljótr væri kristinn maðr eða eigi. Hann segir þat frá átrúnaði sínum, at hann trúði á mátt sinn ok megin; hefir mér sá átrúnaðr unnizt at gnógu hér til; en nú setla ek heldr at 15 trúa á þik, konungr! Konungr svarar: Ef þú vill á mik trúa, þá skaltu því trúa, er ek kenni þér; því skaltu trúa, at Jesus Krístr hefir skapat himin ok jörð ok menn alla, ok til hans skulu fara eptir dauða allir menn, þeir er góðir eru ok réttrúaðir. Arnljótr svarar: Høyrt hefi ek getit 20 Hvítakrists, en ekki er mér kunnigt um athöfn hans, eða hvar hann ræðr fyrir; nú vil ek trúa því öllu, er þú segir mér; vil ek fela á hendi þér allt mitt ráð. Síðan var Arnljótr skírðr; kendi konungr honum þat af trúnni, er honum þótti skyldast vera, ok skipaði honum í öndverða fylking 25 ok fyrir merki sínu. Þar var ok Gaukapórir ok Afrastir ok sveitungar þeira.

Frá samnaði í Noregi.

228. Frá því er nú at segja, er áðr var frá horfit, at lendir menn ok boendr höfðu saman dregit her úvígjan, þegar 30 er þeir spurðu, at konungr var austan farinn or Garðaríki. ok hann var kominn til Svíþjóðar. En er þeir spurðu, at hann var austan kominn til Jamtlands, ok hann ætlaði at fara austan um Kjöl til Veradals, þá stefndu þeir herinum

inn í Þrándheim, ok sömnuðu þá saman þar allri alþýðu, þegn ok þræl, ok fóru svá inn til Veradals, ok höfðu þar svá mikit lið, at engi maðr var sá þar, er í Noregi hefði sét jafnmikinn her saman koma. Var þar, sem jafnan
5 kann verða í miklum her, at lið var þar allmisjafnt; þar var mart lendra manna, ok mikill fjöldi ríkra búanda, en þó var hitt allr múgr, er váru þorparar ok verkmen; ok var þat allr meginherrinn, er þar hafði saman samnast í Þrándheimi; var þat lið allmjök geyst til fjándskapar
10 við konung.

Frá Sigurði byskupi.

229. Knútr konungr hinn ríki hafði lagt undir sik land alt í Noregi, sem fyrr var ritat, ok þat með, at hann setti þar til ríkis Hákon jarl. Hann fékk jarli hirðbyskup
15 þann, er Sigurðr er nefndr; var hann danskr at kyni, ok hafði lengi verit með Knúti konungi. Var byskup sá ákafamaðr í skapi ok sundrgerðamaðr í orðum sínum; veitti hann Knúti konungi orðafullting alt, þat er hann kunni, en var hinn mesti úvinr Ólafs, konungs. Sá byskup var í
20 her þessum ok talaði optliga fyrir búandaliði, ok eggjaði mjök uppreistar móti Ólafi konungi.

Tala Sigurðar byskups.

230. Sigurðr byskup talaði á einu húspingi, þar sem þá var mikit fjölmenni. Hann tók svá til orða: Hér er
25 nú saman komit mikit fjölmenni, svá at í þessu fátækja landi mun eigi kostur at sjá meira her innlenzkan; skyldi yðr nú vel í hald koma þessi styrkr fjölmennis, því at nú er ærin nauðsyn til, ef Ólafr þessi ætlar enn eigi af at láta at herja á yðr. Vandist hann því þegar á unga aldri
30 at ræna ok drepa menn, ok fór til þess víða um lönd; en at lyktum sneri hann hingat til lands, ok hóf svá upp, at hann úvingaðist mest þeim, er beztir menn váru ok ríkastir, Knúti konungi, er allir eru skyldastir at þjóna, sem

kunnu, ok settist hann í skattland hans. Slíkt sama veitti hann Ólafi Sviakonungi, en jarlana Svein ok Hákon rak hann á brott af ættleifðum sínum; en sjálfs síns frændum var hann þó grimmastr, er hann rak konunga alla á brott af Upplöndum; ok var þat þó vel sumskostar, 5 því at þeir höfðu aðr brugðit trú sinni ok swardögum við Knút konung, en fylgt þessum Ólafi at hverju úráði, er hann tók upp. Nú sleit þeira vináttu makliga; hann veitti þeim meizlur, en tók undir sik ríki þeira, eyddi svá í landinu öllum tignum mönnum. En síðan munut þér 10 vita, hvernug hann hefir búit við lenda menn, drepnir eru hinir agæztu, en margir orðnir landflótta fyrir honum. Hann hefir ok víða farit um land þetta með ránsflokkum, brent heruðin, en drepit ok rænt fólkit; eða hvern er sá hér ríkismanna, er eigi muni honum eiga at hefna stórsaka? 15 Nú ferr hann með útlendan her, ok er þat flest markamenn ok stigamenn, eða aðrir ránsmenn; ætlit þér hann nú munu yör linan, er hann ferr með þetta illþýði, er hann gerði þá slík hervirki, er allir löttu hann, þeir er honum fylgðu? Kalla ek hitt ráð, at þér minnizt nú orða Knúts konungs, 20 hvat hann réð yör, ef Ólafr leitaði aptr til lands, hvernug þér skyldut halda frelsi yöru, því er Knútr konungr hét yör. Hann bað yör standa í mót ok rekast af höndum úaldarflokka slíka. Er nú sá til, at fara móti þeim, ok drepa niðr illþýði þetta fyrir örn ok úlf, ok láta þar liggja 25 hvern, sem höggvinn er, nema þér vilit heldr draga hræ þeira í holt ok hreysi; verði engi svá djarfr, at þá flyti til kirkna, því at þat eru alt víkingar ok illgerðamenn. En er hann hætti tölu þessi, þá gerðu menn at róm mikinn, ok guldu allir jákvæði til, at gera sem hann mælti. 30

Frá lendum mönnum.

231. Lendir menn, þeir er þar váru saman komnir, áttu stefnu ok tal sitt ok ræðu, ok skipuðu þá til, hversu fylkja skyldi eða hvern höfðingi skyldi vera fyrir liðinu.

Þá mælti Kálfr Árnason, at Hárekr or Þjóttu væri bezt til feldr at gerast höfuðsmaðr fyrir her þessum: því at hann er kominn af ætt Haralds hins hárfagra; hefir konungr á honum allþungan hug fyrir sakir vígs Grankels, ok mun
5 hann sitja fyrir hinum mestum afarkostum, ef Ólafr kemst enn til ríkis; er Hárekr reyndr mjök í orrostum ok maðr metnaðargjarn. Hárekr svarar, at þeir menn væri til þess betr fallnir, er þá váru á léttasta aldri: en ek em nú, segir hann, maðr gamall ok hrumr, ok ekki vel til orrostu
10 fœrr; er ok frændsemi með okkr Ólafi konungi; en þótt hann virði lítills þat við mik, þá samir mér þó eigi at ganga framar í þenna úfrið móti honum, en einnhverr annarra í várum flokki; ertu, Þórir! vel til fallinn at vera höfuðsmaðr at halda bardaga við Ólaf konung; eru þar ok
15 cernar sakir til; bæði áttu honum at hefna frændaláts, ok þess er hann rak þik útlaga af eignum þínum öllum; hefir þú ok því heitit Knúti konungi, ok svá frændum þínum, at hefna Ásbjarnar; eða ætla þú, at betra fœri muni gefast við Ólaf, en svá sem nú er, at hefna þeirar
20 svívirðingar allrar saman? Þórir svarar máli hans: Ekki ber ek traust til at reisa merki í móti Ólafi konungi, eða gerast höfðingi fyrir liði þessu. Hafa Þrændir hér mannmúg mestan; kann ek stórlæti þeira, at þeir munu ekki mér vilja hlýða eða öðrum háleyskum manni. En
25 ekki mun þurfa at minna mik á sakir þær, er ek á at gjalda Ólafi; man ek þat mannlát, er Ólafr hefir af lífi tekit fjóra menn, ok alla göfga at metorðum ok kynferðum, Ásbjörn bróðurson minn, Þóri ok Grjótgarð systursonu mína, ok föður þeira Ölvi, ok em ek hvers þeira skyldr
30 at hefna. Nú er þat frá mér at segja, at ek hefi valit til af húskörlum mínum menn ellifu, þá er snarpastir eru, ok ætla ek þat, at vér skylim ekki við aðra meta at skipta höggum við Ólaf konung, ef vér komumst í fœri um þat.

Tala Kálfs Árnasonar.

232. Kálfr Árnason tók þá til máls: Þess munum vér þurfa um ráð þat, er vér höfum upptekit, at gera þat eigi at hégómamáli, er herrinn er saman kominn. Munu vér annars þurfa, ef vér skulum halda orrostu við Ólaf⁵ konung, en þess, at hverr færi sik undan at taka upp vandann; því at svá megum vér til ætla, þó at Ólafr konungr hafi eigi lið mikit hjá her þeim, er vér höfum, þá er þar öruggur oddvitinn, ok mun alt lið hans vera honum trygt til orrostu ok fylgðar. En ef vér erum nú nökkut¹⁰ skelfir, er helzt skulum vera forstjórar liðs vára, ok viljum vér eigi treysta herinn ok eggja ok veita fyrirgöngu, þá mun þegar fjöldi hersins þat er stall mun hjarta drapa, ok því næst hverr sér ráðs leita. En þótt hér sé herr mikill saman kominn, þá munu vér þó koma í þá raun,¹⁵ ef vér hittumst ok Ólafr konungr með her sinn, at oss er úsigrinn viss, nema vér sém skeleggir sjálfir ráðamenninir, en múgrinn geysist fram með einu samþykki. En ef eigi verðr svá, þá er oss betra at hætta eigi til bardaga, ok mun þá sá kostur auðsær þykkja, at hætta til miskunnar²⁰ Ólafs, ef hann þótti þá harðr, er minni váru sakir til, en nú mun honum þykkja. En þó veit ek, at svá er mönnum skipat í liði hans, at mér mun þar griða kostur, ef ek vil þess leita. Nú ef þér vilið sem ek, þá skaltu, Þórir mágr! ok þú, Hárekr! ganga undir merki þat, er vér skulum allir²⁵ uppreisa ok fylgja síðan. Gerumst vér allir snarpir ok skeleggir í þessum ráðum, er vér höfum upptekit, ok höldum svá fram bóndaherinum, at þeir megí eigi finna á oss æðru; ok mun þat alþýðuna frameggja, ef vér göngum glaðir til at fylkja ok eggja liðit. En er Kálfr hafði lokið at tala³⁰ erendi sitt, þá vikust allir vel undir ræðu hans, ok sögðu, at þeir vildu þat alt hafa, sem Kálfr sœi ráð fyrir þeim. Vildu þat þá allir, at Kálfr væri höfðingi fyrir liðinu, ok skipaði þar hverjum í sveit, sem hann vildi.

Frá merkisburði lendra manna.

233. Kálfr setti upp merki, ok skipaði þar húskörðum sínum undir merkit, ok þar með Háreki or Þjóttu ok hans liði. Þórir hundr með sína sveit var í öndurðu brjósti 5 fylkingar fyrir merkjum. Þar var ok valit lið af bóndum á tvær hliðar Þóri, þat sem snarpast var ok bezt vápnat. Var sú fylking ger bæði löng ok þykk, ok váru þar í fylkingu Þroendir ok Háleygir. En hinn hæggra veg frá fylkingunni var sett önnur fylking; en til vinstri handar frá 10 aðalfylkingu höfðu þeir fylking Rygir ok Hörðar, Sygnir, Firðir, ok höfðu þar hit þriðja merki.

Frá Þorsteini knarrarsmið.

234. Þorsteinn knarrarsmiðr er maðr nefndr; hann var kaupmaðr ok smiðr mikill, maðr mikill ok sterkr, 15 kappsmaðr mikill um alla hluti, vígamaðr mikill. Hann hafði orðit úsáttr við konung, ok hafði konungr tekit af honum kaupskip nýtt ok mikit, er Þorsteinn hafði gert. Var þat fyrir úspektir Þorsteins ok þegngildi, er konungr átti. Þorsteinn var þar í hernum. Hann gékk fyrir framan 20 fylking ok þar til er stóð Þórir hundr. Hann mælti svá: Hér vil ek í sveit vera, Þórir! með yðr, því at ek ætla, ef vit Ólafr hittumst, at bera fyrstr vápn á hann, ef ek má svá nær verða staddr, at gjalda honum skiptökuna, er hann rænti mik skipi því, er eitt er bezt haft í kaup- 25 ferðum. Þeir Þórir tóku við Þorsteini, ok gékk hann í sveit með þeim.

Frá liðskipan bónda.

235. En er skipat var til um fylkingar bónda, þá töluðu lendir menn, ok báðu liðsmenn gefa gaum at um 30 stöður sínar, hvar hverjum var skipat, eða undir hverju merki þá skyldi hverr vera, eða hversu nær honum var skipat merkinu, eða hvert frá merkinu. Báðu þeir menn vera þá

vakra ok skjóta at ganga í fylking, er lúðrar kvæði við ok herblástr kvæmi upp, ok ganga þá fram í fylking, því at þeir áttu þá enn leið mjök langa at flytja herinn, ok var þess ván, at fylkingár mundu bregðast í hergöngunni. Síðan eggjuðu þeir liðit; mælti Kálfr, at allir þeir menn, er harma ok heiptir áttu at gjalda Ólafi konungi, skyldu þá fram ganga undir þau merki, er fara skyldu í móti merki Ólafs, vera þá minnigir þeira meingerða, er hann hafði þeim veitt, segir, at þeir mundu eigi komast í betra fœri at hefna harma sinna ok frelsa sik svá frá þeirri ánauð ok þrældóm, 10 er hann hafði þá undir lagt. Er nú sá, segir hann, bleyðimaðr, er eigi berst nú sem djarfligast, því at eigi er saklaust við þá, er í móti yðr eru, munu þeir eigi yðr spara, ef þeir komast í fœri. At máli hans varð allmikill rómr. Varð þá kall mikit ok eggjan um allan herinn. 15

Frá her konungs ok bónda.

236. Síðan fluttu boendr her sinn til Stiklastaða. Þar var Ólafr konungr fyrir með sínu liði. Fóru í öndurðu liðinu Kálfr ok Hárekr fram með merkinu. En er þeir mœttust, þá tókst eigi allskjótt árásin, því at boendr frestuðu 20 atgöngu, fyrir þá sök at lið þeira fór hvergi nær alt jafnfram, ok biðu þeir þess liðs, er síðar fór. Þórir hundr hafði farit síðarst með sína sveit, því at hann skyldi til gæta, at ekki sloegist aptr liðit, þá er herópit kvæmi upp, eða liðit sæist, ok biðu þeir Kálfr Þóris. Boendr höfðu 25 þat orðtak í her sínum, at eggja lið sitt í orrostu: fram, fram, búandmenn! Ólafr konungr gerði eigi atgönguna, fyrir því at hann beið Dags ok þess liðs, er honum fylgði. Sá þeir konungr þá lið Dags, hvar þat fór. Svá er sagt, at boendr hefði eigi minna lið en hundrað hundraða. En 30 Sigvatr segir svá:

Ólmr erumk harmr sá er hilmir	Gagn féngu því, þegnar,
hafði, gulli vafðan	þeir, at hálfu fleiri,
jöfurr kreisti sá, austan	hvötuð tældi þat hildar
afífátt, meðalkafla.	hvarungi, frá ok váru.

Fundr konungs ok bónda.

237. Þá er liðit hvártveggja stóð, ok kendust menn, þá mælti konungr: Hví ertu þar, Kálfr! því at vér skildumst vinir suðr á Mœri; illa samir þér at berjast í móti
 5 oss eða skjóta geigurskot í lið vart, því at hér eru fjórir bræðr þínir. Kálfr svarar: Mart ferr nú annan veg, konungr! en bezt mundi sama; skilduzt þér svá við oss, at nauðsyn bar til at friðast við þá, er eptir váru; verðr nú hverr at vera þar, sem staddr er; en sættast mundu vit
 10 enn, ef ek skylda ráða. Þá svarar Finnur: Þat er mark á um Kálf, ef hann mælir vel, at þá er hann ráðinn til at gera illa. Konungr mælti: Vera kann þat, Kálfr! at þú vilir nú sættast; en ekki friðliga þykki mér þér láta bændrnir. Þá svarar Þorgeirr af Kviststöðum: Þér skulut
 15 nú hafa slíkan frið, sem margir hafa áðr af yðr haft, ok munut þér nú þess gjalda. Konungr svarar: Eigi þarftu at fýsast svá mjök til várs fundar, því at eigi mun þér sigrs auðit í dag á oss, því at ek hefi hafit þik til ríkis af litlum manni.

20

Upphaf Stiklastaða orrostu.

238. Þórir hundr kom þá með sveit sína ok gékk fram fyrir merkit, ok kallaði: Fram, fram búandmenn! Lustu þá búandmenn upp herópi ok skutu bæði örum ok spjótum. Konungsmenn æptu þá heróp. En er því var
 25 lokit, þá eggjuðust þeir svá, sem þeim var áðr kent, mæltu svá: Fram, fram, kristsmenn, krossmenn, konungsmenn! En er þetta heyrðu bæendr, þeir er út stóðu í arminn, þá mæltu þeir slíkt sama, sem þeir heyrðu þá mæla. En er áðrir bæendr heyrðu þat, þá hugðu þeir þat vera konungsmenn ok báru vápn á þá, ok börðust þeir þá sjálfir,
 30 ok féll mart áðr þeir kannaðist við. Veðr var fagrt, ok skein sól í heiði. En er orrosta hófst, þá laust roða á himininn, ok svá á sólna, ok áðr en létti, gerði myrkt sem

um nótt. Ólafr konungr hafði fylkt þar, er hæð nökkur var, ok steyptust þeir ofan á lið bónda, ok veittu svá hart athlaupit, at fylking bónda bognaði fyrir, svá at þar stóð þá brjóstit konungs fylkingar, sem áðr höfðu staðit þeir, er efatir váru í búandaliði; ok var þá bándaliðit mart búið at flýja, en lendir menn ok lendra manna húskarlar stóðu fast, ok varð þá allsnörp orrosta. Svá segir Sigvatr:

Vítt var fold und fótum,	þá er árliga ærir	
friðbann var þar mönnum,	álms með bjarta hjálma,	
þá réð í böð bráða	mikill varð á stað Stikla	10
brynjat fólk, at dynja,	stálgustr, ofan þustu.	

Lendir menn eggjuðu lið sitt ok knúðust til framgöngu. Þess getr Sigvatr:

Fór í fylking þeira	snarir fundusk þar, Þreenda,	
fram, iðrask nú, miðri,	þess verks boendr, merki.	15

Þá sótti lið búanda at öllum megin. Hjoggu þeir, er fremstir stóðu, en þeir, er þar váru næst, lögðu spjótum, en allir þeir, er siðar géngu, skutu spjótum eða örum, eða köstuðu grjóti eða handöxum eða skeptiflettum. Gerðist þá brátt bardagi mannskœðr, ok féll mart af hvárumtveggjum. 20 Í fyrstu hrið féllu þeir Arnljótr gellini, Gaukaþórir ok Afrafasti, ok þeira sveit öll, ok hafði hverr þeira mann fyrir sik, eða tvá, eða sumir fleiri. Þá þyntist skipanin fyrir framan merki konungs. Bað konungr þá Þórð bera fram merkit, en konungr fylgði sjálfir merkinu, ok sú sveit 25 manna, er hann hafði valit til at vera sér nær í orrostu. Váru þeir menn í hans liði einna vápndjarfastir ok best búnir. Þess getr Sigvatr:

Mest frá ek merkjum næstan	stöng óð fyrir gram, géngu,	
minn dróttin fram sínum,	gnógr styrr var þar, fyrri.	30

Þá er Ólafr konungr gékk fram or skjaldborginni ok í öndurða fylking, ok boendr sá í andlit honum, þá hræddust þeir ok éllust þeim hendr. Þess getr Sigvatr:

Geirs hygg ek grimmligt váru	Þorðut þröenskir fyrðar,
gunnreifum Óleifi	þótti hersa dróttinn
loghreytöndum líta	ógurligr, í augu
lóns í hvassar sjónir.	ormfrán sjá hánun.

5 Þá varð allhörð orrosta. Gékk konungr hart fram sjálfir í höggorrostu. Svá segir Sigvatr:

Rauð í rekka blóði	Auk at ísarnleiki
rönd með gumna höndum	Innþröendum lét finnask
dreyrug sverð þar er dýran	roekinn gramr í reikar
10 drótt þjóðkonung sótti.	rauðbrúnan hjör túnun.

Fall Þorgeirs á Kviststöðum.

239. Ólafr konungr barðist þá alldjarfliga. Hann hjó til Þorgeirs af Kviststöðum lends manns, þess er fyrr er getit, um þvert andlit ok í sundr nefbjörg á hjálminum, 15 ok klauf höfuðit fyrir neðan augu, svá at nær tók af. En er hann féll, mælti konungr: Hvárt er þat satt, er ek sagða þér, Þorgeirr! at þú mundir eigi sigrast í okrum viðrskiptum? Í þeiri svipan skaut Þórðr niðr merkistönginni svá hart, at stöngin stóð. Þá hafði Þórðr fengit banasár, 20 ok féll hann þar undir merkinu. Þá féllu þar ok Þorfiðr muðr ok Gizurr gullbrá, ok höfðu hann sótt tveir menn, en hann drap annan þeira, en særði annan, áðr hann féll. Svá segir Hofgarðarefr:

25 Einn háði gný Gunnar,	Dal steypir hjó draupnis
gall bál Hárs, stála	döggfrey banahöggvi,
rimmu askr við röskva	hann rauð járn, en annan,
regndjarfr tvá þegna.	árstrauma, vann sáran.

Þá varð þat, er fyrr var sagt, at himinn var heiðr, en sól hvarf at sýn ok gerði myrkt. Þess getr Sigvatr:

30 Undr láta þat ýtar	Drjúg varð á því dægri,
eigi smátt, er máttit	dagr náðit lit fögrum,
skænjörðungum skorðu	orrostu frá ek austan
skýlansa röðull hlýja.	atburð konungs, furða.

Í þenna brum kom Dagr Hringsson með þat lið, er hann hafði haft, ok tók hann þá at fylkja liði sínu, ok setti upp merki sitt. En fyrir því at myrkr var mikit, þá varð ekki skjótt um atgönguna, því at þeir vissu eigi víst, hvat fyrir var. En þó sneru þeir at, þar sem fyrir váru Rygir ok Hörðar. Váru þessir atburðir margir jafnsnemma, eða sumir litlu fyrr eða síðar.

Fall Ólafs konungs.

240. Kálfr ok Ólafr hétu frændr Kálfs Árnasonar. Þeir stóðu á aðra hlið honum, menn miklir ok hraustir. Kálfr var son Arnfinns Arnmóðssonar, bróðurson Árna Arnmóðssonar. Á aðra hlið Kálfi Árnasyni gékk fram Þórir hundr. Ólafr konungr hjó til Þóris hunds um herðarnar þverar. Sverðit beit ekki, en svá sýndist sem dust ryki or hreinbjálbanum. Þessa getr Sigvatr:

Mildr fann gerst, hve galdrar,	þá er hyrsendir Hundi
gramr sjálfr, meginrammir	húna gulli búnu,
fjolkunnigra Finna	slætt réð sízt at bíta,
fullstórum barg Þóri,	sverði laust um herðar.

Þórir hjó til konungs, ok skiptust þeir þá nökkurum höggum við, ok beit ekki sverð konungs, þar er hreinbjálbinn var fyrir, en þó varð Þórir sárr á hendi. Enn kvað Sigvatr:

Þollr dyllr saðrar snilli	en þvergarða þorði
seims, en þat veit ek heiman,	þrótt, hinn er fram um sótti,
hverr sæi, Hunds, verk stærri,	glyggs í gegn at höggva
hugstórs, er frýr Þóri;	gunnranns konungmanni.

Konungr mælti til Bjarnar stallara: Ber þú hundinn, er eigi bíta járn. Björn sneri ǫxinni í hendi sér ok laust með hamrinum. Kom þat högg á ǫxl Þóri, ok varð allmikit högg, ok hrataði Þórir við. En því jafnskjótt sneri konungr í móti þeim Kálfi frændum, ok veitti banasár Ólafi frænda Kálfs. Þá lagði Þórir hundr spjóti til Bjarnar stallara á honum miðjum, veitti honum banasár. Þá mælti Þórir:

Svá bautu vér björnuna. Þorsteinn knarrarsmiðr hjó til Ólafs konungs með öxi, ok kom þat högg á fótinn vinstra við knéit fyrir ofan. Finnir Árnason drap þegar Þorstein. En við sár þat hneigðist konungr upp við stein einn, ok
5 kastaði sverðinu, ok bað sér guð hjálpa. Þá lagði Þórir hundr spjóti til hans. Kom lagit neðan undir brynjuna, ok rendi upp í kviðinn. Þá hjó Kálfr til hans. Kom þat högg hinum vinstra megin utan á hálsinn. Menn greinast at því, hvar Kálfr veitti konungi sár. Þessi þrjú sár hafði
10 Ólafr konungr til lífláts. En eptir fall hans, þá féll sú flestöll sveitin, er fram hafði gengit með konungi. Bjarni gullbráðskáld kvað þetta um Kálf Árnason:

	Jörð réttu vígi at varða	Fyrr gékktu á stað Stikla,
	vígreifr fyrir Óleifi;	stórverk, en óð merki,
15	brauztu við bragning nýztan	satt er at sókn um veittir,
	bág, þat kveð ek mik frágu.	snjallr unz gramr var fallinn.

Sigvatr skáld kvað þetta um Björn stallara:

	Björn frá ek auk af ærnu	Féll í her, með hollum,
	endr stallurum kendu	hann, verðungar mönnum,
20	hug hve halda dygði,	leyfðr er, at hilmis höfði
	hann sótti fram, dróttin.	hróðrauðigs, sá dauði.

Upphaf Dags hriðar.

241. Dagr Hringsson hélt þá upp orrostu, ok veitti hina fyrstu atgöngu svá harða, at bændr brukku fyrir, en
25 sumir sneru á flóttu. Þá féll fjöldi liðs af bóndum, en þessir lendir menn: Erlendr or Gerði, Áslákr af Finneyju. Var þá merki þat niðrhöggvit, er þeir höfðu áðr með farit. Var þá orrosta hin ákafasta; kölluðu menn þat Dags hrið. Þá sneru þeir í móti Dag Kálfr Árnason, Hárekr or
30 Þjóttu, Þórir hundr, með þá fylking, er þeim fylgði. Var þá Dagr borinn afli, ok sneri hann þá á flóttu, ok alt lið þat er eptir var; ok verðr þar dalr nökkurr upp, sem meginflóttinn fór; féll þar þá mart lið. Dreifðist þá fólkit tveggja vegna í brott. Váru margir menn sárir mjök,

en margir svá mjök mœddir, at til enskis vartu fœrir. Bœndr ráku skamt flótta, því at höfðingjar sneru brátt aptr, ok þar til, er valrinn lá; því at margir áttu þar at leita eptir vinum sínum ok frændum.

Jartegnir Ólafs konungs við Þóri hund.

5

242. Þórir hundr gekk þar til, er var Mik Ólafs konungs, ok veitti þar umbúnað, lagði niðr líkit ok rétti, ok breiddi klæði yfir. Ok er hann þerði blóð af andlitinu, þá sagði hann svá síðan, at andlit konungsins var svá fagrt, at roði var í kinnum, sem þá at hann svæfi, en miklu¹⁰ bjartara en áðr var, meðan hann lifði. Þá kom blóð konungsins á hönd Þóri, ok rann upp á greipina, þar er hann hafði áðr sár fengit, ok þurfti um þat sár eigi umband þaðan ífrá, svá greri þat skjótt. Váttaði Þórir sjálf þenna atburð, þá er helgi Ólafs konungs kom upp fyrir alþýðu.¹⁵ Varð Þórir hundr fyrstr til þess, at halda upp helgi konungsins, þeira ríkismanna, er þar höfðu verit í mótstöðuflokki hans.

Frá bræðrum Kálfs Árnasonar.

243. Kálfr Árnason leitaði at bræðrum sínum, er²⁰ þar vartu fallnir. Hann hitti Þorberg ok Finn; ok er þat sögn manna, at Finnur kastaði at honum saxi ok vildi drepa hann, ok mælti til hans hörðum orðum, kallaði gríðniðing ok dróttinsvika. Kálfr gaf ekki því gaum, ok lét Finn bera í brott or valnum, ok svá Þorberg. Var þá leitat um²⁵ sár þeira, ok höfðu þeir engi sár banvæn; höfðu þeir fallit fyrir vápnaburð ok mœði. Þá leitaði Kálfr at flytja bræðr sína ofan til skips, ok fór með þeim sjálf. En þegar er hann sneri í brott, þá fór í brott alt búandalið þat, er þar átti heimili í nánd, nema þeir menn, er þar störfuðu at³⁰ frændum sínum ok vinum, þeim er sárir vartu, eða at líkum þeira, er fallnir vartu. Vartu sárir menn fluttir heim á bæinn, svá at hvert hús var fult af þeim, en tjaldat úti

yfir sumum. En svá undarliga mart fólk sem samnast
hafði í búandaherinn, þá þótti mönnum þat eigi miðr frá
líkendum, hvernug skjótt ruddi samnaðinn, þá er til þess
tók; ok var þat mjök til, at hit mesta fjölmennit hafði þar
5 samnast or heruðum, ok váru mjök heimfúsir.

Frá Verdælum.

244. Boendr þeir, er heimili áttu í Veradal, gengu
til fundar við höfðingja, Hárek ok Þóri, ok kærða fyrir
þeim sín vandræði, sögðu svá: Flóttamenn þessir, er hér
10 hafa undan komizt, munu fara upp eptir Veradal, ok munu
búa úheppiliga at heimilum várum, en oss er ekki fært
heim, meðan þeir eru hér í dalnum; nú gerit svá vel, farit
eptir þeim með liði, ok látit ekki barn í brott komast; því
at slíkan kost mundu þeir oss ætla, ef þeir hefði betr haft
15 í várum fundi, ok svá munu þeir enn gera, ef vér hittumst
síðar, svá at þeir hafi meira kost en vér; kann vera, at
þeir dvelist í dalnum, ef þeir vænta sér enskis ótta; munu
þeir þegar fara úspakliga um byggðir várar. Ræddu boendr
um þetta mörgum orðum ok eggjuðu með ákafa miklum,
20 at höfðingjar skyldu fara ok drepa þat fólk, sem undan
hafði komizt. Ok er höfðingjar ræddu þetta sín í millni,
þá þótti þeim boendr mart satt sagt hafa í sinni ræðu.
Réðu þá þat, at þeir Þórir hundr snerust til ferðar
með Verdælum, ok hafði hann 600 manna. þat er hans lið
25 var. Fóru síðan. Tók þá at náttu. Létti Þórir eigi fyrir
ferðinni, en hann kom um nóttina upp á Súlu; ok spurði hann
þar þau tíðindi, at um kveldit hafði þar komit Dagr Hríngs-
son ok margar aðrar sveitir af Ólafs mönnum, haft þar
náttverðardvöl, en farit síðan á fjall upp. Þá sagði Þórir, at
30 hann mundi ekki rekast eptir þeim um fjöll, ok sneri hann
þá aptr ofan í dalinn, ok léngu þeir þá fátt drepit af
mönnum. Síðan fóru boendr til heimila sinna. En Þórir
fór eptir um daginn, ok hans lið, út til skipa sinna. En

konungsmenn, þeir er færir váru, forðuðu sér, leyndust í skógum, sumir féngu hjálp af mönnum.

Frá Haraldi Sigurðarsyni.

245. Haraldr Sigurðarson var mjök sárr, en Rögnvaldr Brúsason flutti hann til bónda nökkurs um nóttina 5 eptir bardagann. Tók sá bóndi við Haraldi ok græddi hann á laun. Síðan fær hann son sinn at fylgja honum í brott. Fóru þeir huldu höfði um fjöll ok eyðimerkr, ok kómu fram á Jamtalandi. Haraldr Sigurðarson var þá 15 vetra, er Ólafr konungr féll. Haraldr fann Rögnvald Brúsa- 10 son á Jamtalandi; ok fóru þeir báðir samt austr í Garðaríki til Jarizleifs konungs, svá sem sagt er í sögu Haralds konungs Sigurðarsonar.

Frá Þormóði Kolbrúnarskáld.

246. Þormóðr Kolbrúnarskáld var í orrostu undir 15 merkjum konungs. Ok er konungr var fallinn ok atsókn var sem óðust, þá féll konungslíð hverr við annan, en þeir váru flestir sárir, er upp stóðu. Þormóðr varð sárr mjök; gerði hann þá sem aðrir, at allir opuðu þar frá, er mestr þótti lífsháski; en sumir runnu. Þá hófst sú 20 orrosta, er Dags hríð er kölluð; sótti þá þangat til alt konungslíðit, þat er vápnfært var. En Þormóðr kom þá ekki í orrostu, því at hann var úvígr bæði af sárum ok af mæði, ok stóð hann þar hjá félögum sínum, þótt hann mætti ekki anpat at hafast. Þá var hann lostinn með öru í síðuna 25 vinstri; braut hann af sér örvarskaptit, ok gékk þá brott frá orrostu ok heim til húsanna, ok kom at hlöðu nökkurri; var þat mikit hús. Þormóðr hafði sverð bert í hendi. Ok er hann gékk inn, þá gékk maðr út í móti honum. Sá mælti: Furðu ill læti eru hér inni, veinan ok gaulan; 30 skömm mikil, er karlmenn hraustir skulu eigi þola sár sín, ok vera kann, at konungsmenninir hafi allvel fram gengit, en allúdrengiliga bera þeir sárin sín. Þormóðr svarar:

Hvert er nafn þitt? Hann nefndist Kimbi. Þormóðr svarar: Vartu í bardaga? Var ek, segir hann, með bándum, er betr var. Ertu nókkut sárr? segir Þormóðr. Lítt, segir Kimbi; eða vartu í bardaga? Þormóðr segir: Var ek með þeim, er betr höfðu. Kimbi sá, at Þormóðr hafði gullhring á hendi; hann mælti: Þú munt vera konungsmaðr; fá þú mér gullhringinn, en ek mun leynd þér; boendr munu drepa þik, ef þú verðr á veg þeira. Þormóðr segir: Haf þú hring, ef þú fær; látit hefi ek nú meira. Kimbi rétti fram höndina ok vildi taka hringinn. Þormóðr sveifdi til sverðinu, ok hjó af honum höndina. Ok er svá sagt, at Kimbi bar sár sitt engum mun betr en hinir, er hann hafði fyrr á leitat. Fór Kimbi brott. En Þormóðr settist niðr í hlöðunni, ok sat þar um hríð ok heyrði á ræður manna. Þat var mælt þar mest, at hverr segir þat, er sét þóttist hafa í orrostu, ok rætt um framgöngur manna; lofuðu sumir mest hreysti Ólafs konungs, en sumir nefndu aðra menn til ekki síðr. Þá kvað Þormóðr:

Ört var Ólafs hjarta,	Élpolla frá ek alla
óð fram konungr blóði,	Jálfaðs nema gram sjálfan,
rekin bitu stál á Stikla	reyndr var flestr í fastri
stöðum, kvaddi lið böðvar.	fleindrifu, sér hlífa.

Dauði Þormóðs Kolbrúnarskálds.

247. Þormóðr gekk síðan í brott til skemmu nókkurrar, gekk þar inn. Váru þar áðr margir menn inni fyrir sárir mjök. Var þar at kona nókkur ok batt um sár manna. Eldr var á gólfinu, ok vermdi hon vatn til at fægja sárin. En Þormóðr settist niðr við dyrr utar. Þar gekk annarr maðr út, en annarr inn, þeir er störfuðu at sárum mönnum. Þá sneri einuhverr at Þormóði, ok sá á hann, ok mælti síðan: Hví ertu svá fölr? ertu sárr? eða fyrir hví biðr þú þér eigi lækningar? Þormóðr kvað þá vísu:

Emka ek rjóðr, en rauðum	hauka setrs hin hvíta,
ræðr grönn skögul manni	hyggr fár um mik sáran.

Hitt veldr, mér at, meldrar
morðvenjandi Fenju!

djúp ok danskra vápna
Dags hríðar spor sviða.

Síðan stóð Þormóðr upp, ok gékk inn at eldinum, ok stóð þar um hríð. Þá mælti læknirinn til hans: Þú, maðr! gakk út, ok tak mér skíðin, er hér liggja fyrir durum úti. Hann gékk út, bar inn skíðafangit ok kastaði niðr á gólf. Þá sá læknirinn í andlit honum, ok mælti: Furðu bleikr er þessi maðr; hví ertu slíkr? Þá kvað Þormóðr:

Undrask öglis landa
eik, hví vér 'rom bleikir,
fár verðr fagr af sárum,
fann ek örva drif, svanni!

Mik fló málmar hinn dökkvi
magni keyrðr í gögnum;
hvast beit hjarta et næsta
hættligt járn, er ek vætti.

Þá mælti læknirinn: Láttu mik sjá sár þín, ok mun ek veita umbönd. Síðan settist Þormóðr niðr, ok kastaði klæðum af sér. En er læknir sá sár hans, þá leitaði hon um þat sár, er hann hafði á síðunni; kendi hon, at þar stóð járn í, en þat vissi hon eigi til viss, hvert járnit hafði snúit. Hon hafði þar gert í steinkatli, stappat lauk ok önnar grös, ok vellt þat saman, ok gaf at eta hinum sárum mönnum, ok reyndi svá, hvárt þeir hefði holsár, því at kendi aflaukinum út or sári því, er á hol var. Hon bar þat at Þormóði, bað hann eta. Hann svarar: Ber brott! ekki hefi ek grautsótt. Síðan tók hon spennitöng, ok vildi draga út járnit, en þat var fast ok gékk hvergi, stóð ok lítit út, því at sárit var sollit. Þá mælti Þormóðr: Sker þú til járnsins, svá at vel megí ná með tönginni; fá mér síðan ok lát mik kippa. Hon gerði sem hann mælti. Þá tók Þormóðr gullhring af hendi sér ok fékk læknum, bað hana gera af slíkt, er hon vildi; góðr er nautr at, segir hann, Ólafr konungr gaf mér hring þenna í morgin. Síðan tók Þormóðr töngina ok kipti á brott örinni; en þar váru á krókar, ok lágu þar á tágur af hjartanu, sumar rauðar, sumar hvítar. Ok er hann sá þat, mælti hann. Vel hefr konungrinn alit oss, feitt er mér enn um hjartaöetr. Síðan hne hann aptr, ok var þá dauðr. Lýkr þar frá Þormóði at segja.

Frá alburðum orrostu.

248. Ólafr konungr féll miðvikudag .iiii. kal. Augusti. Þat var nær miðjum degi, er þeir fundust, en fyrir miðmunda hófst orrostan; en konungr féll fyrir nónn, en myrkrit
 5 hélzt frá miðmunda til nóns. Sigvatr skáld segir svá frá lyktum orrostu:

Hörð er síz hermenn gerðu,
 hlíf raufek fyrir gram, lífi,
 auðn at Engla stríði,
 0 úmjúk, konung sjúkan.

Ör brá Ólafs fjörvi
 öld, þars herr klauf skjöldu,
 fólks odda gékk fylkir
 fund, en Dagr hélt undan.

Ok enn kvað hann þetta:

Áðr vitu eigi meiðar
 ógnar skers né hersa,
 þjóð réð þengils dauða,
 5 þann styrk búandmanna,

er slíkan gram sókaum
 sárelda viðir feldi,
 mörg lá dýr i dreyra
 drótt, sem Ólafr þótti.

Boendr ræntu ekki valinn, ok varð þegar eptir orrostu heldr svá, at hræzlu sló á marga, þá er móti konungi höfðu verit; en þó héldu þeir illviljanum, ok dæmdu þat sín á millum, at allir þeir menn, er með konungi höfðu
 0 fallit, skyldu hafa engan þann umbúning eða gröpt, sem góðum mönnum sómdi, ok kölluðu þá alla ránsmenn ok útlaga. En þeir menn, er ríkir váru ok þar áttu frændr í valnum, gáfu ekki því gaum, fluttu þeir sína frændr til kirkna ok veittu umbúnað.

Jartegnir við blindan mann.

249. Þorgils Hálmuson ok Grímr son hans fóru til valsins um kveldit, er myrkt var orðit. Þeir tóku upp lík Ólafs konungs ok báru brott, þar til er var húskytja nökkur lítil ok auð, annan veg frá boenum; höfðu þeir ljós með sér ok vatn;
 0 tóku þá klæði af líkinu, ok þógu líkit ok sveiptu síðan með lín-dúkum, ok lögðu þar niðr í húsinu ok huldu með viðum, svá at engi mátti sjá, þótt menn kvæmi í húsit. Géngu þeir síðan í brott ok heim til boejarins. Þar hafði fylgt hernum hvárum-

tveggja mart stafkarla, ok þat fátækisfólk, er sér bað matar. En þat kveld eptir bardagann hafði þat fólk þar mart dvalizt, ok er náttaði, leitaði þat sér herbergis um öll hús, bæði smá ok stór. Þar var einn blindr maðr, sá er sagt er frá; hann var fátœkr, ok fór sveinn hans með honum ok leiddi hann. Þeir géngu úti um bæinn ok leituðu sér herbergis. Þeir kómu at því sama eyðihúsi; váru dyrrnar svá lágar, at nær varð at krjúpa inn. Ok er hinn blindi maðr kom inn í húsit, þá þreifaðist hann fyrir um gólfít, leitaði, hvárt hann mundi mega niðr leggjast; hött hafði hann á höfði, ok steyptist höttrinn fyrir andlit honum, er hann laut niðr. Hann kendi fyrir höndunum, at tjörn var á gólfinu; þá tók hann upp hendinni vátri, ok rétti upp höttinn, ok kómu fingrnir upp við augun. En þegar brá kláða á hvarmana svá miklum, at hann strauk með fingrunum vátum augun sjálf. Síðan hopaði hann út or húsinu, ok sagði, at þar mátti ekki liggja inni, því at þar var alt vátt. Ok er hann kom út or húsinu, þá sá hann þegar fyrst skil handa sinna, ok alt þat, er svá nær honum var, at hann mátti sjá fyrir náttmyrkri. Hann gékk þegar heim til bæjarins ok inn í stofu, ok sagði þar öllum mönnum, at hann hafði fengit sýn sína, ok hann var þá skýgn maðr. En þat vissu þar margir menn, at hann hafði lengi blindr verit, því at hann hafði þar áðr verit ok gengit um byggðir. Hann sagði, at þá sá hann fyrst, er hann kom út or húsi nökkuru litlu ok vándu; ok var þar vátt alt inni, segir hann: greip ek þar í höndunum, ok gnera ek vátum höndum um augu mér. Hann sagði ok, hvar þat hús stóð. En þeir menn, er þar váru ok sá þessi tíðindi, undruðust mjök um þenna atburð, ok roeddu sín í milli, hvat þar mundi inni vera því húsi. En Þorgils bóndi ok son hans Grímr þóttust vita, hvaðan af þessi atburðr mundi hafizt hafa. Þeir hræddust mjök, at úvinir konungs mundu fara ok rannsaka húsit. Síðan leyndust þeir í brott ok fóru til hússins, ok

tóku líkit ok fluttu í brott út í hagann ok fálu þar; fóru síðan til bæjar ok sváfu af nótt þá.

Frá Þóri hund.

250. Þórir hundr kom fimta dag ofan or Veradal út á Stiklastaði, ok fylgði honum lið mart. Þar var ok mart fyrir bóndalið. Var þá enn rofinn valrinn; fluttu menn þá brott lík frænda sinna ok vina, ok veittu hjálp sárum mönnum, þeim er menn vildu græða; en fjöldi manns hafði þá andazt síðan, er lokit var bardaga. Þórir hundr gékk þar til, er konungrinn hafði fallit, ok leitaði líksins; ok er hann fann þat eigi, spurðist hann fyrir, ef nokkurr maðr kynni segja honum, hvar líkit væri komit. En þat vissi engi at segja. Þá spurði hann Þorgils bónda, ef hann vissi nokkut til, hvar lík konungs var. Þorgils svarar svá: Ekki var ek í bardaga; veit ek þaðan fá tíðindi; fara nú margar sögur frá; þat er nú sagt, at Ólafr konungr hafi hitt verit í nótt uppi hjá Staf, ok sveit manna með honum; en ef hann hefir fallit, þa munu sveitungar yðrir hafa fólgt lík hans í holtum eða hreysum. En þótt Þórir þóttist vita hit sanna, at konungr var fallinn, þá tóku þó margir undir, ok gerðu þann kurr, at konungr mundi hafa brott komizt or orrostu, ok skamt mundi til, at hann mundi fá her ok koma á hendr þeim. Fór þá Þórir til skipa sinna ok síðan út eptir firði. Þá tók at dreifast alt bóndaliðit, ok fluttu brott hina sáru menn alla, þá er hrærandi váru.

Líkferð Ólafs konungs.

251. Þorgils Hálmuson ok þeir Grímr feðgar höfðu í sinni varðveizlu lík Ólafs konungs, ok váru um þat mjök hugsjúkir, hvernug þeir féngi til gætt, at eigi næði úvinir konungs at misfara með líkinu; því at þeir heyrðu þær ræður bónda, at þat ráð mundi til liggja, ef lík konungs fynnist, at brenna þat eða flytja út á sæ ok sökva niðr. Þeir feðgar höfðu sét um nóttina svá, sem kertislog brynni

þar yfir, er lík Ólafs konungs var í valnum, ok svá síðan,
 er þeir höfðu fólgt líkit, þá sá þeir jafnan um nætr ljós
 þannug til, er konungrinn hvíldi. Þeir hræddust, at úvinir
 konungs mundu leita líksins, þar er var, ef þeir sæi þessi
 merki; var þeim Þorgilsi títt at flytja líkit í brott til þess
 staðar nökkurs, er þat væri vel komit. Þeir Þorgils gerðu
 kistu, ok vönduðu sem mest, ok lögðu þar í lík konungs.
 En síðan gerðu þeir aðra líkkistu, ok báru þar í hálm ok
 grjót, svá at þat skyldi vera mannshöfgi, luktu þá kistu
 vandliga. Ok er brottu var af Stiklastöðum alt lið bónda,
 þá bjoggu þeir Þorgils ferð sína; fékk hann róðrarferju
 nökkura; váru þeir saman menn sjau eða átta, ok allir
 frændr eða vinir Þorgils. Þeir fluttu lík konungs til skips
 leyniliga ok settu kistuna undir þiljur niðr. Kistu þá höfðu
 þeir ok með sér, er grjótit var í, settu hana í skip, svá at
 allir menn máttu sjá; fara síðan út eptir firði; féngu gott
 leiði, kómu at kveldi, er myrkva tók, út til Niðaróss, lögðu
 at við konungsbryggju. Síðan sendi Þorgils menn upp í
 bæinn ok lét segja Sigurði byskupi, at þeir fóru þar með
 lík Ólafs konungs. En er byskup spyrr þess tíðindi, sendi
 hann þegar menn sína ofan á bryggjur; þeir tóku þar
 róðrarskútu, ok lögðu at skipi Þorgils, báðu fá sér lík
 konungsins. Þeir Þorgils tóku þá kistu, er uppi stóð á
 þiljunum, ok báru í skútuna. Síðan reru þeir menn út
 á fjörð, ok söktu þeir þar niðr kistunni. Þá var myrkt af
 nótt. Þeir Þorgils reru þá upp eptir ánni, til þess er
 þraut bæinn, ok lögðu þar at landi, er Saurhlið heitir; þat
 var fyrir ofan bæinn. Þá báru þeir upp líkit ok inn í
 eyðiskemmu nökkura, er þar stóð upp frá öðrum húsum;
 vöktu þeir þar um nóttina yfir líkinu. Þorgils gékk ofan
 í bæinn; fann hann þá menn at máli, er helzt höfðu verið
 vinir Ólafs konungs; spurði hann þá, ef þeir vildi taka við
 líki konungs. Þat þorði engi maðr at gera. Síðan fluttu
 þeir Þorgils líkit upp með ánni, ok grófu þar niðr á sand-
 mel þeim, er þar verðr; bjoggu þar um eptir, svá at ekki

skyldi þar nývirki á sjá. Höfðu þeir þessu lokit öllu áðr dagaði; fóru þá til skips síns, lögðu þegar út or ánni, fóru síðan ferðar sinnar, til þess er þeir kómu heim á Stiklastaði.

5 *Upphaf Sveins konungs Alfíusonar.*

252. Sveinn, son Knúts konungs ok Alfífu dóttur Álfrúns jarls, hann hafði verit settr til ríkis á Vindlandi í Jómsborg. En þá hafði komit til hans orðsending Knúts konungs föður hans, at hann skyldi fara til Danmarkar, ok þat
10 með, at hann skyldi síðan fara til Noregs, ok taka þar við ríki því til forráða, er í Noregi var, ok hafa þar með konungsnafn yfir Noregi. Síðan fór Sveinn til Danmarkar, ok hafði þaðan lið mikit; fór með honum Haraldr jarl ok mart annarra ríkismanna. Þess getr Þórarinn loftunga í
15 kvæði því, er hann orti um Svein Alfíuson, er kallat er Glælognskviða:

Þorhaldson
of Adam 101

<p>20 Þat er dullatust, hve Danir gerðu dyggva för með döglingi. Þar var jarl</p>	<p>fyrst at upphafi, ok hverr maðr er honum fylgði, annarr drengr öðrum betri.</p>
---	--

Síðan fór Sveinn í Noreg, ok með honum Alfífa móðir hans; ok var hann þar til konungs tekinn á hverju lögþingi. Hann var þá kominn austan í Víkina, er örrosta var á
25 Stiklastöðum ok Ólafr konungr féll. Sveinn létti eigi ferðinni fyrr en hann kom um haustit norðr í Þrándheim; var hann þar til konungs tekinn sem í öðrum stöðum.

Frá lögum Sveins konungs.

253. Sveinn konungr hafði ný lög í land um marga
30 hluti, ok var þat eptir því sett, sem lög váru í Danmörk, en sum miklu frekari. Engi maðr skyldi af landi fara nema með konungs leyfi, en ef fœri, þá félli undir konung eignir þess. En hverr er mann vægi, skyldi hafa vegit

Aguz,
c. 24

ryggjar

landi ok lausum eyri. Ef maðr varð í útlegð, ok tæmdist honum arfr, þá eignaðist konungr arf þann. At jólum skyldi hverr maðr fá konungi mæli malts af arni hverjum, ok lær af oxa þrevetrum, þat var kallat vinar toddi, ok spann smjörs, ok húsfreyja hver rykkjar tó, þat var lín 5 úrent, svá mikit at spent fengi um mesta fingri ok lengsta. Boendr váru skyldir at gera hús þau öll, er konungr vildi hafa á bústöðum sínum. Sjau menn skyldu gera einn lið- færan, ok gera fyrir hvern, er 5 vetra gamall væri, ok þar eptir hömlur eiga. Hverr maðr, er á haf reri, skyldi gjalda 10 konungi landvörðu, hvaðan sem hann reri; en þat eru 5 fiskar. Skip hvert, er færi af landi á brott, skyldi halda konungi rúm um þvert skip. Maðr hverr, er til Íslands færi, skyldi gjalda landaura, þarlenzkr ok útlenzkr. Þat fylgði ok þessu, at þá skyldu danskir menn hafa svá mikinn 15 metnað í Noregi, at eins þeira vitni skyldi hrinda 10 Norðmanna vitnum. En er þessi lagasetning var birt fyrir alþýðu, þá tóku menn þegar at reisa hugi sína upp í mót, ok gerðu kurr sín á milli; mæltu þeir svá, er eigi höfðu verit í mótferðum við Ólaf konung: Takit þér nú, Innþrændir! 20 vináttu ok laun af Knýtlingum þess, er þér börðuzt við Ólaf konung ok feldut hann frá landi; yðr var heitit friði ok réttarbót, en nú hafit þér ánauð ok þrælkan, ok þar með stórglæpi ok niðingskap. En þar var eigi gott til mótmælis. Sá þá allir, at úheppiliga var umráðit. Bárn 25 menni þó eigi traust til at gera uppreist í móti Sveini konungi; bar þat mest til, at menn höfðu gislat Knúti konungi sonu sína eða aðra náfrændr, ok þat með, at þá var engi forstjóri til uppreistar. Brátt höfðu menn ámæli mikit til Sveins konungs, ok kendu menn mest þó Alfíu 30 alt þat, er í móti skapi þótti; en þá náðist sanumæli af mörgum mönnum til Ólafs konungs.

Kom upp helgi Ólafs konungs.

254. Vetr þann hófst umræða sú af mörgum mönnum þar í Þrándheimi, at Ólafr konungr væri maðr sannheilagr, ok jartegnir margar yrði at helgi hans. Hófu þá margir áheit til Ólafs konungs um þá hluti, er mönnum þótti máli skipta. Féngu margir menn af þeim áheitum bót, sumir heilsubætr, en sumir fararbeina, eða aðra þá hluti, er nauðsyn þótti til bera.

Frá Einari þambarskelfi.

10 255. Einarr þambarskelfir var kominn heim vestan af Englandi til búa sinnna, ok hafði veizlur þær, sem Knútr konungr hafði fengit honum, þá er þeir fundust í Þrándheimi, ok var þat nær jarlsríki. Einarr þambarskelfir hafði ekki verit í mótgöngu við Ólaf konung; hrósaði hann því sjálf. 15 Einarr mintist þess, er Knútr hafði heitit honum jarldómi yfir Noregi, ok svá þat, at konungr efndi ekki heit sín. Einarr varð fyrstr til þess ríkismanna at halda upp helgi Ólafs konungs.

Frá Árnasonum.

20 256. Finnur Árnason dvaldist litla hríð á Eggju með Kálfi bróður sínum, því at hann kunni stórvilla því, er Kálfr hafði verit í bardaga í móti Ólafi konungi. Veitti Finnur Kálfi jafnan harðar átölur af þeim sökum. Þorbergr Árnason var miklu betr orðstiltr en Finnur, en þó fýstist Þorbergr í 25 brott at fara, ok heim til bús síns. Fékk Kálfr þeim bræðrum sínum langskip gott með öllum reiða ok öðrum búnaði ok gott föruneyti. Fóru þeir heim til búa sinna. Árni Árnason lá lengi í sárum, ok varð heill ok örkumblalauss; fór hann síðan um vetrinn suðr til bús síns. 30 Tóku þeir allir bræðr sér grið af Sveini konungi, ok settust þeir heima allir bræðr um kyrt.

Flótti Sigurðar byskups or landi.

257. Eptir um sumarit gerðist mikil ræða um helgi Ólafs konungs, ok sneri öllum orðróm um konunginn. Váru þeir þá margir, er þat sönnuðu, at konungr mundi heilag vera, er fyrr höfðu af öllum fjándskap móti honum gengit 5 ok látit hann í engi stað ná af sér sannmæli. Tóku menn þá at snúast til ámælis við þá menn, er mest höfðu eggjat mótgöngu við konunginn. Var af því mikit kent Sigurði byskupi. Gerðust menn þar hans úvinir svá miklir, at hann sá þann helzt sinn kost, at fara í brott ok vestr til 10 Englands á fund Knúts konungs. Síðan gerðu Þrændir menn ok orðsendingar til Upplanda, at Grímkell byskup skyldi koma norðr til Þrándheims. Ólafr konungr hafði sent Grímkel byskup aptr til Noregs, þá er konungr fór austr í Garðaríki; hafði Grímkell byskup síðan verit á Upp- 15 löndum. En er þessi orðsending kom til byskups, þá bjóst hann þegar til þeirrar farar. Bar þat ok mjök til, er hann fór, at byskup trúði, at þat mundi með sannindum, er sagt var frá jartegnagerð ok helgi Ólafs konungs.

Tekinn upp heilagur dómr Ólafs konungs.

20

258. Grímkell byskup fór til fundar við Einar þambarskelfi. Tók Einarr feginsamliga við byskupi; ræddu þá síðan marga hluti, svá þat, er þar hafði í landi stortíðindi orðit. Urðu þeir á allar ræður sáttir sín á milli. Síðan fór byskup inn til kaupangs; tók þar öll alþýða vel við honum. 25 Hann spurði vendiliga eptir um tákn þau, er sögð váru frá Ólafi konungi; spurðist honum vel til þess. Síðan gerði byskup orðsendingar inn á Stiklastaði til Þorgils ok Gríms sonar hans, ok stefndi þeim út til bæjar á fund sinn. Þeir feðgar lögðust þá ferð eigi undir höfuð; fóru þeir út til 30 bæjar á fund byskups. Þá sögðu þeir honum öll þau merki, er þeir höfðu vísir orðit, svá þat ok, hvar þeir höfðu komit líki konungs. Síðan sendi byskup eptir Einari

þambarskelfi, ok kom Einarr til bæjar. Höfðu þeir Einarr ok byskup þá ræðu við konung ok Alfífu, ok báðu, at konungr skyldi lof til gefa, at lík Ólafs konungs skyldi taka upp or jörðu. Konungr lagði þar lof á, ok bað byskup
5 þar með fara sem hann vildi. Þá var þar mikit fjölmenni í boenum. Byskup ok Einarr ok menn með þeim fóru til, þar er lík konungs var jarðat, ok létu þar til grafa. Kistan var þá komin upp mjök svá or jörðu. Þat var margra manna tillag, at byskup léti konung grafa niðr í jörð at
10 Klemens kirkju; var svá gert. En er liðit var frá andláti Ólafs konungs 12 mánuðr ok 5 nætr, þá var upptekinn heilagr dómr hans. Var þá enn kistan komin upp mjök or jörðu, ok var þá kistan Ólafs konungs spánósa, svá sem nýskafin væri. Grímkell byskup gékk þá til, þar er upp
15 var lokin kistan Ólafs konungs; var þar dýrligr ilmr. Þá beraði byskup andlit konungs, ok var engan veg brugðit ásjónu hans, svá roði í kinnunum, sem þá mundi, ef hann væri nýsofnaðr. Á því fundu menn mikinn mun, þeir er sét höfðu Ólaf konung, þá er hann féll, at síðan hafði vaxit
20 hár ok negl, því næst sem þá mundi, ef hann hefði lífs verit hér í heimi alla þá stund síðan er hann féll. Þá gékk til at sjá líkama Ólafs konungs Sveinn konungr ok allir höfðingjar, þeir er þar váru. Þá mælti Alfífa: Furðu seint fúna menn í sandinum; ekki mundi svá vera, ef hann
25 hefði í moldu legit. Síðan tók byskup sōx, ok skar af hári konungsins ok svá at taka af kömpunum. Hann hafði haft langa kampa, svá sem þá var mönnum títt. Þá mælti byskup til konungs ok Alfífu: Nú er hár konungs ok kampar svá sítt, sem þá er hann andaðist, en þvílíkt vaxit,
30 sem nú sét þér hér af skorit. Þá svarar Alfífa: Þá þykki mér hár þat heilagr dómr, ef þat brenn eigi í eldi; en opt höfum vér sét hár manna heilt ok úsakat, þeira er í jörðu hafa legit lengr en þessi maðr. Síðan lét byskup taka eld í glóðarkeri ok blezaði, ok lagði á reykelsi. Síðan lagði
35 hann í eldinn hár Ólafs konungs; ok þá er brúnnit var

reykelsit alt, þá tók byskup upp hárit or eldinum, ok var þá hárit úbrunnit. Lét byskup þat sjá konung ok aðra höfðingja. Þá bað Alfísa leggja hárit í úvígðan eld. Þá svarar Einarr þambarskelfir, bað hana þegja, ok valdi henni mörg hörð orð. Var þat þá byskups atkvæði ok konungs samþykki ok dómr allsherjar, at Ólafr konungr væri sannheilagr maðr. Var þá líkami konungs borinn inn í Klemens kirkju ok veittr umbúnaðr yfir háaltari. Var kistan sveipt pelli, ok tjaldat alt guðvefjum. Urðu þá þegar margskonar jartegnir at helgum dómi Ólafs konungs.

10

Frá jartegunum Ólafs konungs.

259. Þar á melnum, sem Ólafr konungr hafði í jörðu legit, kom upp fagr brunnr, ok féngu menn bót meina sinna af því vatni. Var þar veittr umbúnaðr, ok hefir þat vatn verit jafnan síðan vandliga varðveitt. Kapella var fyrst ger, ok þar sett altarit, sem verit hafði leiðit konungsins. En nú stendr í þeim stað Kristskirja. Lét Eysteinn erki-byskup þar setja háaltarit í þeim sama stað, sem leiðit hafði verit konungsins, þá er hann reisti þetta hit mikla musteri, er nú stendr; hafði ok verit í þeim stað altarit í fornu Kristskirkju. Svá er sagt, at Ólafs kirkja standi nú þar, sem þá stóð sú eyðiskemma, er lík Ólafs konungs var náttsett í. Þat er nú kallat Ólafshlíð, er heilagr dómr konungs var borinn upp af skipi; ok er þat nú í miðjum bænum. Byskup varðveitti helgan dóm Ólafs konungs: skar hann hár hans ok negl, því at hvártveggja vóx svá sem þá, at hann væri lifandi maðr hér í heimi. Svá segir Sigvatr skáld:

Lýg ek nema Ólafr eigi
ýfs sem kykvir tífar,
gœði ek helzt í hróðri
hárvöxt konungs, áru.

Enn helzk þeim er sun seldi
svörðr þann er vóx í Görðum;
hann fékk læs af ljósum
lausn Valdamar hausí.

30

Þórarinn loftunga orti um Svein Alfíuson kvæði þat, er Glælognskviða heitir, ok eru þessar vísur þar í:

Nú hefir sér
til sess hagat
þjóðkonungr
í Þrándheimi;
5 þar vill ey
ævi sína
banga brjótr
bygðum ráða.

10 Þar er Ólafr
áðan bygði,
áðr hann hvarf
til himinríkis;
ok þar varð,
15 sem vitu allir,
kykvasettr
or konungmanni.

20 Hafði sér
harðla ráðit
Haralds sonr
til himinríkis,
áðr seimbrjótr
at sætti varð,
25 Kristi þekkr
konungrinn æzti.

30 Þar svá hreinn
með heilu liggr
lofsæll gramr
líki sínu,
svá at þar kná,
sem á kvikum manni,
35 hár ok negl
honum vaxa.

Þar borðvegs
bjöllur knegu

um sæing hans
sjálfar hringjask,
ok hvern dag
heyra þjóðir
klukkna hljóð
um konungmanni.

En þar upp
af altari
Kristi þæg
kerti brenna.
Svá hefir Ólafr,
áðr hann andaðisk
syndalaus
sálu borgit.

Þar kemr herr,
er heilagr er
konungr sjálfr,
krýpr at gangi,
ok beiðendr
blindir sökja
þjóðar máls,
en þaðan heilir.

Bið þú Ólaf,
at hann unni þér,
hann er guðs maðr,
grundar sinnar;
hann um getr
af guði sjálfum
ár ok frið
öllum mönnum.

Þá er þú rekr
fyrir reginnagla
bókamáls
boenir þínar.

Þórarinn loftunga var með Sveini konungi ok heyrði þessi
40 stórmerki heilagleiks Ólafs konungs, at af himneskum kröptum
máttu menn heyra yfir hans helgum dómi hljóð, svá sem

klukkur bringðist ok kerti tendraðist sjálf þar yfir altari af himneskum eldi. En svá sem Þórarinn segir, at til hins helga Ólafs konungs kom herr manns, haltir ok blindir, eða á annan veg sjúkir, en fóru þaðan heilir, getr hann ekki annars eða greinir, en þat mundi vera útaligr fjöldi manna, er heilsu féngu þá þegar í upphafi af jartegnagerð hins helga Ólafs konungs. En hinar stærstu jartegnir Ólafs konungs þá eru þær mest ritaðar ok greindar, ok þær er síðar hafa gerzt.

Frá aldri ok ríki Ólafs konungs.

10

260. Svá segja menn, þeir er glögghiga telja, at Ólafr hinn helgi væri konungr yfir Noregi 15 vetr, síðan er Sveinn jarl fór or landi; en áðr um vetrinn tók hann konungs nafn af Upplendingum. Sigvatr skáld segir svá:

Ólafr réð hit øfra
andprútt höfuð, landi
fulla vetr, áðr félli,
fímtán á því láni.

Hverr hefir hans enn nærðra 15
heims enda sér kondan,
skjöldungr hélzk en skyldi
skemr, landreki fremri.

Ólafr konungr hinn helgi var þá hálfertugr at aldri, er hann féll, at sögu Ara prests hins fróða. Hann hafði átt 20 fólkorrostur. Svá segir Sigvatr skáld:

Sumir trúðu á guð gumnar,
grein varð liðs á miðli;
fólkorrostur fylkir
framráðr tjogu háði.

Frægr bað hann á hægri
hönd kristit lið standa;
feðr Magnús bið ek fagna
flóttskjörrum guð dróttin. 25

Nú er sagðr nökkurr hlutr sögu Ólafs konungs, frá nökkurum tíðindum þeim er gerðust, meðan hann réð Noregi, ok svá frá falli hans, ok því, er helgi hans kom upp. En nú skal þat eigi niðri liggja, er honum er þó mest vegsemd í, at segja frá jartegnagerð hans, þótt þat sé síðar ritat í þessari bók.

Frá Þrændum.

261. Sveinn konungr Knútsson réð fyrir Noregi
 nokkura vetr. Hann var bernskr bæði at aldri ok at ráðum.
 Alfísa móðir hans hafði þá mest landráð, ok váru landsmenn
 5 miklir úvinir hennar, bæði þá ok jafnan síðan. Danskir
 menn höfðu þá yfirgang mikinn í Noregi, en landsmenn
 kunnu því illa. Þá er slíkar ræður váru uppi hafðar, þá
 kendu landsmenn aðrir þat Þrændum, at þeir hefði mestu
 um valdit, er Ólafr konungr hinn helgi var feldr frá landi,
 10 en Noregsmenn höfðu lagzt undir þetta illa ríki, er ánað
 ok úfrelsi gékk þar yfir allt fólk, bæði ríka menn ok úríka
 ok alþýða; kölluðu þeir Þrændi skylda til at veita uppreiat
 til þess, at hrinda af oss þessu ríki. Var þat ok
 virðing landsmanna, at Þrændir hefði mestan styrk þá í
 15 Noregi, bæði af höfðingjum sínum ok fjölmenni því, er þar
 var. En er Þrændir vissu, at landsmenn veittu þeim ámsæli,
 þá könnuðust þeir við, at þat var sanamsæli, ok þá hafði
 hent glæpska mikil, er þeir höfðu Ólaf konung tekit af lífi
 ok láði, ok þat með, at þeim var sín úhamingja miklu illu
 20 goldin. Höfðu þeir höfðingjar stefnur ok ráðagerð sín í
 milli. Var þar Einarr þambarskelfir upphafsmaðr at þeim
 ráðum. Svá var ok um Kálfr Árnason, at þá fann hann í
 hverja snöru hann hafði gengit af áeggjan Knúts konunge.
 Þau heit er hann hafði Kálfi heitit, þá rufust þau öll; því
 25 at Knútr konungr hafði Kálfi heitit jarldómi ok yfirsókn
 um Noreg allan, en Kálfr hafði verit höfuðsmaðr at halda
 orrostu við Ólaf konung ok fella hann frá landi; hafði
 Kálfr engar nafnbætr meiri en áðr; þóttist hann vera blektr
 mjök; ok fóru þá orðsendingar milli þeira bræðra Kálfs
 30 ok Finns, Þorbergs ok Árna, ok samdist þá frændsemi þeira.

Útboð Sveins konungs.

262. Þá er Sveinn hafði verit þrjá vetr í Noregi,
 spurðust þau tíðindi til Noregs, at fyrir vestan haf efdist

flokkur, ok var sá höfðingi fyrir, er nefndr er Tryggvi; hann kallaðist son Ólafs Tryggvasonar ok Gyðu ensku. En er Sveinn konungr spurði þat, at útlendr herr mundi koma í land, þá bauð hann liði út norðan or landi, ok fóru flestir lendir menn með honum or Þrándheimi. Einarr 5 þambarskelfir settist heima, ok vildi eigi fara með Sveini konungi. En er orðsending Sveins konungs kom til Kálfs inn á Eggju, sú, at hann skyldi róa leiðangr með konungi, þá tók Kálfr tvítugsessu, er hann átti; gékk hann þar á með húskarla sína, ok bjóst sem ákafligast, hélt 10 síðan út eptir firði, ok beið ekki Sveins konungs. Hélt Kálfr síðan suðr á Moeri, léttir þeiri ferð eigi fyrr, en hann kom suðr í Gizka til Þorbergs bróður síns. Síðan lögðu þeir stefnu með sér allir bræðr Árnasynir, ok höfðu ráðagerð milli sín. Eptir þat fór Kálfr norðr aptr. En er 15 hann kom í Frekeyjarsund, þá lá þar fyrir í sundinu Sveinn konungr með her sinn. En er Kálfr rerir sunnan í sundit, þá kölluðust þeir á; báðu konungsmenn Kálf at leggja ok fylgja konungi ok verja land hans. Kálfr svarar: Fullgert hefi ek þat, ef eigi er ofgert, at berjast við vára lands- 20 menn til ríkis Knýtlingum. Þeir Kálfr reru þá norðr leið sína; fór hann þá til þess, er hann kom heim á Eggju. Engi þeira Árnasona rerir þenna leiðangr með konungi. Sveinn konungr hélt liði sínu suðr í land. En er hann spurði ekki til, at herrinn væri vestan kominn, þá hélt hann 25 suðr á Rogaland ok alt á Agðir; því at menn gátu þess til, at Tryggvi mundi vilja leita fyrst í Víkina austr, því at þar hafði verit forellri hans ok haft traust mest; átti hann þar mikinn frændastyrk.

Fall Tryggva konungs Ólafssonar.

30

263. Tryggvi konungr, er hann hélt vestan, kom liði sínu utan at Hörðalandi. Þá spurði hann, at Sveinn konungr hafði suðr siglt; hélt þá Tryggvi konungr suðr á Rogaland. En er Sveinn konungr fékk njónn um för Tryggva,

þá er hann var vestan kominn, þá sneri hann aptr norðr með her sinn, ok varð fundr þeira Tryggva fyrir innan Bókn í Sóknarsundi, nær því er fallit hafði Erlingr Skjálgsson. Þar varð mikil orrosta ok hörð. Svá segja menn, at Tryggvi skaut báðum höndum senn gaflökum. Hann mælti: Svá kendi minn faðir mér at messa. Þat höfðu mælt úvinir hans, at hann mundi vera son prests eins; en hann hrósaði því, at hann líktist þá meir Ólafi konungi Tryggvasyni. Var Tryggvi ok hinn gerviligsti maðr. Í þeiri orrostu féll Tryggvi konungr ok mart lið hans, en sumt kom á flóttu, en sumt gekk til griða. Svá segir í Tryggvaflokki:

<p>Tíreggjaðr fór Tryggvi, tóksk morð af því, norðan, en Sveinn konungr sinni sunnan ferð, at gunni.</p>	<p>Nær var ek þausnum þeira; þat bar skjótt at móti, herr týndi þar, harða, hjörgöll var þat, fjörvi.</p>
--	---

Þessarrar orrostu getr í þeim flokki, er ortr var um Svein konung:

<p>Vara sunnudag, svanni! seggr hné margr und eggjar morgin þann, sem manni mær lauk eða öl bæri,</p>	<p>þá er Sveinn konungr sína saman tengja bað drengi, hrátt gafsk hold at slíta hrafni, skeiðar stafna.</p>
---	---

Sveinn konungr réð þá enn landi eptir orrostu þessa. Var þá góðr friðr. Sat Sveinn konungr þann vetr eptir suðr í landi.

Ráðagerð Kálfs Árnasonar ok Einars þambarskelfis.

264. Einarr þambarskelfir ok Kálfr Árnason áttu þann vetr stefnur sín á milli. ok ráðagerðir, ok hittust í kaupangi. Þá kom þar til Kálfs Árnasonar sendimaðr Knúts konungs, ok bar honum orðsending Knúts konungs til þess, at Kálfr skyldi senda honum þrennar tylptir öxa, ok láta vanda mjök. Kálfr svarar: Engar mun ek öxar senda Knúti konungi; seg honum, at ek skal fá öxar Sveini syni hans, svá at honum skal eigi þykkja skorta.

Ferð Einars þambarskelfis ok Kálfs Árnasonar or landi.

265. Um vart snemma byrja þeir ferð sína Einarr þambarskelfir ok Kálfr Árnason, ok höfðu mikla sveit manna ok hit bezta mannval, er til var í Þrendalögum. Þeir fóru um vart austr um Kjöl til Jamtlands, þá til Hels- 5
ingjaland, ok kómu fram í Svíþjóð, réðu þar til skipa; fóru um sumarit austr í Garðaríki, kómu um haustit til Aldeigjuborgar. Gerðu þeir þá sendimenn upp til Hólm-
garðs á fund Jarizleifs konungs, með þeim erendum, at þeir buðu Magnúsi, syni Ólafs konungs hins helga, at taka 10
við honum ok fylgja honum til Noregs, ok veita honum styrk til þess, at hann fái föðurleifð sína, ok halda hann til konungs yfir landi. En er þessi orðsending kom til Jarizleifs konungs, þá tók hann ráðagerð við dróttningina ok aðra höfðingja sína; kom þat ásamt með þeim, at Norð- 15
mönnum váru orð ger, ok stefnt þeim þannug á fund Jarizleifs konungs ok þeira Magnús; váru þeim grið seld til þeirar ferðar. En er þeir kómu til Hólmgarðs, þá staðfestist þat með þeim, at Norðmenn, þeir er þar váru, géngu til handa Magnúsi ok gerðust hans menn, ok bundu 20
þat sverdögum við Kálf ok aðra þá menn, er á Stiklastöðum höfðu verit í mót Ólafi konungi. Veitti Magnús þeim trygðir ok fulla sætt, ok festi sverdögum, at hann skyldi vera þeim öllum tryggir ok trúr, þótt hann féngi í Noregi ríki ok konungdóm; skyldi hann gerast fóstrson Kálfs Árna- 25
sonar, en Kálfr vera skyldr at gera þau verk öll, er Magnúsi þætti þá vera sitt ríki meira eða frjálsara en áðr.



SAGAN AF MAGNÚSI GÓÐA.

Upphaf Magnús konungs góða.

1. Magnús Ólafsson byrjaði ferð sína eftir jólin austan af Hólmgarði ofan til Aldeigjuborgar; taka þeir at búa skip sín, er ísa leysti um várit. Þess getr Arnórr jarla- skáld í Magnúedrápu:

Nú hykk rjóðanda réðu
rógörs, því at veitk görva,
þe(y)gi æimbrotar segja,
10 seggjum hneitis eggja.

Varat ellifu allra
ormsetrs hati vetra,
hraustr þá er herskip glæsti
Hörða vinr or Görðum.

Magnús konungr hélt austan um várit til Svíþjóðar. Svá segir Arnórr:

Þing bauð út hinn ungi
eggjóðandi þjóðum,
15 fim bar hirð til hömlu
hervæðr ara bræðis.

Salt skar húfi héltum
hraustr þjóðkonungr austan,
báru brimlogs rýri
brún veðr at Sigtúnum.

Hér segir at Magnús konungr, þá er hann fór austan or Garðaríki, at hann sigldi fyrst til Svíþjóðar ok upp til Sigtúna. Þá var konungr í Svíþjóð Emundr Ólafsson; þar var þá ok Ástriðr dróttning, er átt hafði hinn helgi Ólafr konungr; hon fagnaði forkunnar vel Magnúsi stjúpsyni sínum, ok lét þegar stefna fjölment þing, þar sem kallat er á Höngrum. En á því þingi talaði Ástriðr ok sagði svá: Hér er nú kominn með oss son hins helga
25 Ólafs konungs, er Magnús heitir; ætlar nú ferð sína til Noregs at sækja föðurarf sinn; er mér skylda mikil at styrkja hann til þessarrar ferðar, því at hann er stjúpson minn, svá sem þat er öllum kunnigt bæði Svíum ok Norð- mönnum; skal ek hér engan hlut til spara, þann er ek
30 hefi fōng á, at hans styrkr mætti mestr verða, bæði

fjölmenni, þat er ek á forráð á, ok svá fé; svá þeir allir er til þessar ferðar ráðast með honum, skulu eiga heimila mína vináttu fullkomna. Ek vil því ok lýsa, at ek skal ráðast til ferðarinnar með honum, mun þat þá öllum auðsýnt, at ek spari eigi aðra hluti til liðsemdar við hann, þá er ek má honum veita. Síðan talaði hon langt ok enjalt. En er hon hætti, þá svöruðu margir, sögðu svá: at Svíar höfðu litla tírarför farit til Noregs, þá er þeir fylgðu Ólafi konungi feðr hans, ok er eigi hér betra at ván, er þessi konungr er, sögðu þeir, eru menn fyrir þá sök úfúsir þess- 10 arrar ferðar. Ástriðr svarar: Allir þeir menn, er nokkurir hreystimenn vilja vera, munu ekki æðrast um slíkt. En ef menn hafa látit frændr sína með hinum helga Ólafi konungi, eða sjálfir sár fengit, þá er þat drengskapr at fara nú til Noregs ok hefna þess. Kom Ástriðr svá orðum 15 sínum ok liðveizlu, at fjöldi liðs varð til með Ástriði at fylgja honum til Noregs. Þess getr Sigvatr skáld:

Hrein getum hála launa
hnossfjöld lofi ossu
Ólafs dætr er átti
jöfurr sigrhvatastr digri.
Þings beið herr á Höngnum
hundmargr Svía grundar
austr, er Ástrið lýsti
Ólafs sonar málum.

Máttit hon við hættna
heilráð Svía deila
meir þótt Magnús væri 20
magnenninn son hennar.
Olli hon því, at allri
áttleifð Haralds knátti,
mest með mátikum Kristi,
Magnús konungr fagna. 25

Mildr á mensku at gjalda
Magnús, en því fögnum,
þat gerði vín virða
viðlendan, Ástriði.

Hon hefir svá komit sínum,
sönnu, at fá mun önnur,
orð geri ek drós til dýrðar,
djúpráð kona stjúpi.

Svá segir Þjóðólfr skáld í Magnúsflokki: 30

Út réttu, allvaldr! skjóta,
ekin dúðisk rá, snekkju,
en þritugt skip þrautar
þaun tíð í haf skriða.

Vægdit vendi sveigðum
veðr ótt um þér, dróttinn!
hlóðu hirðmenn prúðir
húnskript í Sigtúnum.

Austanferð Magnús konungs.

2. Magnús Ólafsson hóf ferð sína af Sigtúnum ok hafði þá lið mikit, er Svíar höfðu fengit honum. Þeir fóru fæti um Svíþjóð, ok svá til Helsingjals. Svá segir Arn-
5 órr jarlaskáld:

Rauðar bárut randir síðan,	Austan þurðut, úlfa ferðar
rimmu yggr! um scenskar bygðir,	öldum kunnr, með hvíta skjöldu,
eigi gaztu liðskost lágan,	tungu rjóðr! til tírar þinga,
landsfólk sótti þér til handa.	teknir menn, ok dörrin reknu.

10 Síðan fór Magnús Ólafsson austan um Jamtaland ok um Kjöl ok ofan í Þrándheim, ok tók þegar alt landsfólk vel við honum. En menn Sveins konungs, þegar er þeir spurðu, at Magnús son Ólafs konungs var þar í land kominn, þá flýðu allir víðs vegar ok forðuðu sér, varð þar
15 engi mótstaða veitt Magnúsi. Var Sveinn konungr suðr í landi. Svá segir Arnórr jarlaskáld:

Austan komtu með allra hæstum,	Breiðask vissu, blágamms fœðir
Yggjar mäs, í Þreenda bygðir,	benja kólgu! yðrir dólgar,
fiðrirjóðr! en fjándmenn yðra	hræddir urðu fjörvi at forða
20 fálma kváðn, ægishjálm.	fjándmenn þínir, vesöld sína.

Magnús til konungs tekinn.

3. Magnús Ólafsson fór með liði sínu út til kaupangs, var honum þar vel fagnat. Síðan lét hann stefna Eyra-þing. En er bóndafólkit kom til þings, þá var þar Magnús
25 til konungs tekinn yfir land alt, svá vítt sem haft hafði Ólafr konungr faðir hans. Síðan tók Magnús konungr sér hirð ok gerði lenda menn, hann skipaði alt í heröðum mönnum í ármenningar ok í sýslur. Magnús konungr bauð út leiðangri þegar um haustit um allan Þrándheim,
30 varð honum gott til liðs, hélt síðan herinum suðr með landi.

Flótti Sveins konungs.

4. Sveinn konungr Alfífuson var þá staddr á Sunn-hörðalandi, er hann spurði hersögu þessa; lét hann þegar

skapa upp herör ok senda fjóra vega frá sér; stefndi til sín bóndafólki, ok lét þat fylgja, at úti skyldi vera almenn-
 ingr at liði ok skipum ok verja land með honum. Lið þat alt, er þannug var næst konungi, sótti á fund hans; átti konungr þá þing ok tal við bæendr ok bar þá upp 5
 erendi sín, sagði svá: at hann vill halda til móts við Magnús konung son Ólafs konungs, ok halda við hann orrostu, ef bæendr vilja fylgja honum. Mælti konungr heldr skamt. Bæendr gerðu lítinn róm at máli hans. Síðan töluðu danskir höfðingjar, þeir er með konungi váru, langar tölur ok 10
 snjallar. En bæendr svöruðu ok töluðu í mót, sögðu margir, at þeir vildi fylgja Sveini konungi ok berjast með honum, en sumir neittu; sumir þögðu með öllu; sumir sögðu svá, at þeir mundu leita á fund Magnús konungs, þegar er þeir
 næði. Þá svaraði Sveinn konungr: Svá lízt mér, sem hér 15
 sé komit fátt bóndafólk, þat er vér höfðum orð send, en þessir bæendr, er hér eru ok segja sjálfum oss, at þeir vilja fylgja Magnúsi konungi, þá sýnist mér sem oss muni allir einir til liðsemdar ok hinir, er segja at kyrrir vili vera; slíkt sama þeir er þegja um; en hinir er segja at oss vili 20
 fylgja, þá mun sá vera annarrhverr eða fleiri, er oss muni ekki tiltak til vera, ef vér leggjum til orrostu við Magnús konung; er þat mitt ráð, at vér leggim oss ekki á trúnað þessa bónda, förum heldr þannug, er oss er fólk alt tryggt ok trútt, höfum vér þar gnógan styrk at vinna undir 25
 oss land þetta. En þegar er konungr hafði þenna orskurð veitt, þá fylgðu allir hans menn þessu ráði. Snúa þeir þá um stöfnum ok drógu segl sín; sigldi Sveinn konungr þá austr með landi, ok létti eigi fyrr en hann kom til Dan-
 merkr; var honum þar vel fagnat. En er hann hitti 30
 Hörðaknútt bróður sinn, þá bauð hann Sveini konungi at hafa þar ríki með sér í Danmörk, ok þektist Sveinn þat.

Andlát Knúts ríka ok Sveins.

5. 6. Magnús konungr fór um haustit alt austr til

landsenda, ok var hann til konungs tekinn um alt land, ok varð alt landsfólk því fegit, er Magnús var konungr orðinn. Þat sama haust andaðist Knútr hinn ríki á Englandi idus Novembria, þá var hann fertugr at aldri; hann
 5 var jarðaðr í Vincestr. Þá hafði hann verit konungr yfir Danmörk 27 vetr, en bæði ok yfir Englandi 24 vetr, en þar með yfir Noregi 7 vetr. Þá var til konungs tekinn á Englandi Haraldr son Knúts. Þann sama vetr andaðist Sveinn Alfí-
 uson í Danmörk. Þjóðólfr kvað svá um Magnús konung:

10	Aur spornuðut, arnar ilrjóðr! af Svíþjóðu, herr fylgði þér, harri! hraustr í Noreg austan.	Flyði Sveinn en síðan sannráðinn frá láði, erlendis frá ek undan Alfífu son drífa.
----	---	---

Bjarni Gullbráarskáld orti um Kálf Árnason:

15	Hafa léztu unga jöfra erfð sem til réð hverfa, satt er at sitja knátti Sveinn at Danmörk einni.	Kendut, Kálfr! til landa kappfúsum Magnúsi, ollut ér því er stillir jörð um fékk, or Görðum.
----	--	---

Magnús konungr var þann vetr yfir Noregi, en Hörðaknútr
 20 yfir Danmörk.

Sætt Magnús konungs ok Knúts konungs.

7. Eptir um vórit bauð hvárrtveggi konunganna leið-
 angri út, ok fóru þau orð um, at þeir mundu til orrostu
 leggja við Elfi. En er hvárrtveggi herrinn sótti til móts
 25 við annan, þá gerðu lendir menn njón or hvárratveggju
 liði til frænda sinna ok vina, ok fylgði þat orðsending hvárr-
 atveggju, at menn skyldu gera frið milli konunganna. En
 fyrir því at konungar vóru báðir bernskir ok ungir, þá
 höfðu landráð fyrir þeim ríkismenn, þeir er til þess vóru
 30 teknir í hvárutveggja liði; kom þá svá, at sáttarstefna var
 lögð með konungum. Síðan funnust þeir sjálfir, ok var
 þá roett um sættir, ok kom þat í sáttmál, at konungarnir
 svörðust í bræðralag ok settu frið milli sín, meðan beggja

þeira líf væri, en ef annarr þeira andaðist sonlauss, þá skyldi sá þeira, er eptir lifði, taka eptir hann lönd ok þegna. Tólf menn, þeir er ágætastir váru af hváru ríkinu, svörðu þar til með konungunum, at þessi sætt skyldi haldast, meðan nokkurr þeira lifði. Skildust þá konungarnir, 5 ok fór hvárrtveggi heim í sitt ríki, ok hélzt þessi sátt meðan þeir lifðu.

Frá Ástriði dróttning.

8. Ástriðr dróttning, er átt hafði Ólafr konungr hinn helgi, kom í Noreg með Magnúsi konungi stjúpsyni sínum, 10 ok var með honum í góðu yfirlæti, sem vert var. Þá kom ok til hirðarinnar Álfhildr móðir Magnús konungs; tók konungr hana þegar með hinum mestum kærleikum, ok setti hana vegsamliga. En Álfhildi varð, sem mörgum kann verða, þeim er fá ríkdóminn, at henni aflaðist eigi 15 seinna metnaðrinn, svá at henni líkaði illa þat, er Ástriðr dróttning var nokkuru meira metin en hon í sessi eða annarri þjónostu; vildi Álfhildr sitja nærr konungi, en Ástriðr kallaði hana ambátt sína, svá sem fyrr hafði verit, þá er Ástriðr var dróttning yfir Noregi, þá er Ólafr 20 konungr réð landi; vildi Ástriðr fyrir engan mun eiga sess við Álfhildi, ok máttu þær ekki í einu herbergi vera.

Frá Sigvati skáldi.

9. Sigvatr skáld hafði farit til Rúms, þá, er orrosta var á Stiklastöðum. En er hann var sunnan á leið, 25 spurði hann fall Óláfs konungs, var honum þat hinn mesti harmr; hann kvað þá:

Stóð ek á Munt ok mintumk,
mörg hvar sundr flaug targa
breið ok brynjur síðar,
borgum nær um morgin.

Munda ek þann er undi
öndverðan brum löndum,
faðir minn var þar þenna
Þórroðr, konung, forðum.

30

Sigvatr gékk einn dag um þorp nokkut, ok heyrði at einn-
hverr húsbóndi veinaði mjök, er hann hafði mist konu

sinnar, barði á brjóst sér ok reif klæði af sér, grét mjök, ok sagði, at hann vildi gjarna deyja. Sigvatr kvað:

Fúss læzk maðr ef missir meýjar faðms at deyja, 5 keypt er ást ef eptir oflátinn skal gráta.	En fullhugi fellir flóttstyggir sá er varð dróttin, vart torrek lízk verra, vígtár, konungs árum.
---	--

Sigvatr kom heim í Noreg, hann átti bú ok börn í Þrándheimi. Fór hann sunnan fyrir land á byrðingi; en er þeir lágu í Hillarsundi, þá sá þeir hvar hrafnar margir flugu.

10 Sigvatr kvað:

Hrafna sé ek til hafnar, hræs minnask þeir, sinna, þar er flaut und nið nýtum Norðmanna skip forðum.	Gjalla hátt fyrir Hillar hvern dag frekir ernir, endr þeir er Ólafr grendi, innan, mörgu sinni.
---	--

15 En er Sigvatr kom norðr til kaupangs, þá var þar Sveinn konungr ok bauð Sigvati at fara til sín, því at hann hafði verit fyrr með Knúti hinum ríka feðr Sveins konungs. Sigvatr sagði, at hann vill fara heim til bús síns. Þat var einn dag er Sigvatr gékk út á stræti, hann sá hvar
 20 konungs menn léku. Sigvatr kvað:

Geng ek um þvert frá þengils, þróask ekki mér, rekka, því em ek sem bast, í brjósti, bleikr, verðungar leiki.	Minnumk ek hvar manna minn dróttinn lék sinna opt á óðalstöptum orðsæll ok vér forðum.
--	---

25 Síðan fór hann til bús síns. Hann heyrði marga menn ámæla sér ok segja, at hann hefði hlaupizt frá Ólafi konungi. Sigvatr kvað:

Hafa láti mik heitan Hvítakristr at víti 30 eld, ef ek Ólaf vilda, em ek skírr um þat, firrask.	Vatnærin hefi ek vitni, vask til Rúms í háska, öld leyni ek því aldri, annarra þau manna.
--	--

Sigvatr undi illa heima, hann gékk úti um dag, ok kvað:

Há þótti mer hlæja höll um Noreg allan, 35 fyrr var ek kendr á knörrum, klif, meðan Ólafr lifði.	Nú þykki mér miklu mitt stríð er svá, hlíðir, jöfurs hylli varð ek alla, úblíðari síðan.
---	---

Sigvatr fór öndverðan vetr austr um Kjöl til Jamtaland, ok þá til Helsingjaland, ok kom fram í Svíþjóð, ok fór þegar til Ástriðar dróttningar, ok var með henni í góðu yfirlæti langa hríð. Ok var hann ok með Emundi konungi bróður hennar, ok þá af honum 10 merkr brendar, svá 5 sem segir í Knútsdrápu. Sigvatr spurði optliga, er hann fann kaupmenn Hólmgarðsfara, hvat þeir kynni segja honum til Magnús Ólafssonar. Hann kvað:

Enn lystir mik austan,
erut um spörð, or Görðum
frá öðlingi ungum,
opt byrjuð lof, spyrja.

Frétti ek, smás, þó at smæstir,
smugul er, ástar, fuglar, 10
þinnig hægjumk, fœr, fljúgi,
fylkis niðs, á miðli.

Frá því er Magnús konungr kom fyrst í Svíþjóð.

10. En er Magnús Ólafsson kom til Svíþjóðar or Garðaríki, þá var Sigvatr þar fyrir með Ástriði dróttning, 15 ok urðu þau öll fegin mjök. Þá kvað Sigvatr:

Heim sóttir þú hættinn
hönd, en vel mátt löndum,
þinn stoða ek mátt, sem mönnum,
Magnús konungr! fagna.

Fœra ek víst því at várum
varðr at þér í Garða,
skrifnask skírinfna
skript, þjóðkonungr! niptar. 20

Síðan réðst Sigvatr í ferð með Ástriði dróttningu at fylgja Magnúsi til Noregs. Sigvatr kvað:

Minn hug segi ek mönnum,
Magnús! at ek fagna,
guðs lán er þat, þínu,
þingdrífu, vel lífi.

Ætti, drengja dróttinn
dýrðar son ef yrði,
þjóð mætti fá fœðask,
feðr líkr, konung slíkan. 25

En er Magnús var konungr orðinn at Noregi, þá fylgði Sigvatr skáld honum ok var hinn kærsti konungi. Hann kvað þá þetta, þá er Ástriðr dróttning ok Álfhildr konungs móðir höfðu skotizt á orðum nökkurum: 30

Ástriði láttu æðri,
Álfhildr! en þik sjálfa,

þér þótt þinn hagr stórum,
þat vildi guð, batni.

Skrínlagðr Ólafr konungr.

11. Magnús konungr lét gera skrín, ok búa gulli ok silfri ok setja steinum. En skrín þat var svá gert bæði at mikilleik ok at öðrum vexti sem líkkista, en svalir undir
5 niðri, en yfir uppi vett vaxit sem ræfr, ok þar af upp höfuð ok burst; eru á vettinu lamar á bak, en hespur fyrir, ok þar læst með lukli. Síðan lét Magnús konungr leggja í skrín þat helgan dóm Ólafs konungs. Urðu þar margar jartegnir at helgum dómi Ólafs konungs. Þess getr
10 Sigvatr skáld:

Gört er þeim er gott bar hjarta	Árr gengr margr frá mæru
gullit skrín at mínum,	meiðr þess konungs leiði
hrósa ek helgi ræsis,	hreins með heilar sjónir
hann sótti guð, dróttni.	hringa, er blindr kom þingat.

15 Þá var þat í lög tekit um allan Noreg at halda heilagt hátíð Ólafs konungs, var þá sá dagr þegar þar svá haldinn, sem hinar æztu hátíðir. Þess getr Sigvatr skáld:

Oss dugir Ólafs messu,	Skyldr em ek skilfings halda
jöfur magnar guð, fagna	skollaust, þess er bjó golli,
20 meinalaust í mínu,	helgi, handar tjálgur,
Magnús föður, húsi.	harmdauda, mér rauðu.

Frá Þóri hund.

12. Þórir hundr fór af landi í brott litlu eptir fall Ólafs konungs. Þórir fór út til Jórsala, ok er þat margra
25 manna sögn, at hann hafi eigi aptr komit. Sigurðr hét son Þóris hunds, faðir Rannveigar, er átti Jóan son Árna Árna-sonar; þeira börn váru Víðkunnr í Bjarkey ok Sigurðr hundr, Erlingr ok Jarðþrúðr.

Dráp Háreks or Þjóttu.

30 13. Hárekr or Þjóttu sat heima at búum sínum alt þar til, er Magnús Ólafsson kom í land ok hann var konungr. Þá fór Hárekr suðr til Þrándheims á fund Magnús konungs. Þá var þar með Magnúsi konungi

Ásmundr Grankelsson. En er Hárekr gékk upp af skipi, er hann kom til Niðaróss, en Ásmundr stóð í loptsvölum hjá konungi, þeir sá Hárek ok kendu, þá mælti Ásmundr til konungs: Nú vil ek gjalda Háreki dráp föður mins. Hann hafði í hendi breiðöxi litla ok þunnuslegna. Konungr leit til hans ok mælti: Haf heldr öxi mína. Sú var veggislegin ok þykk. Enn mælti konungr: Ætla svá, Ásmundr! at hörð munu bein í þeim karli. Ásmundr tók öxina ok gékk ofan or garðinum, ok er hann kom ofan á þverstræt, þá géngu þeir Hárekr neðan í móti. Ásmundr hjó í höfuð Háreki, svá at þegar stóð öxin í heila niðri, var þat bani Háreks. En Ásmundr gékk upp aptr í garðinn til konungs, ok var egg öll fallin or öxinni. Þá mælti konungr: Hvernug mundi nú hafa dugat hin þunna öx, mér sýnist sem þessi sé nú únýt. Síðan gaf Magnús konungr Ásmundi lén ok sýslu á Hálogalandi; ok eru þar margar frásagnir miklar um skipti þeira Ásmundar ok sona Háreks.

Frá Þorgeiri flekk.

14. Kálfr Árnason hafði landráð mest með Magnúsi konungi fyrst nökkura stund. En þá gerðust menn til áminningar við konung, hvar Kálfr hafði verit á Stiklastöðum; gerðist Kálfi þá nökkuru vandgættara til skaps konungs. Þat bar at eitt sinn, þá er fjölment var með konungi ok kærðu menn mál sín, þá kom þar fyrir hann með sín skyld erindi sá maðr, er fyrr er nefndr, Þorgeirr af Súlu or Veradal; konungr gaf ekki gaum at orðum hans ok hlýddi þeim, er honum váru nærri. Þá mælti Þorgeirr til konungs hátt, svá at allir heyrðu, þeir er nær váru:

Mæl þú við mik,
Magnús konungr,
ek var í fylgju
með föður þínum;
þá bar ek höggvinn
haus minn þaðan,

er þeir um dauðan
dögling stigu.
Þú elskar
þá arma þjóð
dróttinsvika,
er djöful hlægðu.

Þá gerðu menn at úbljóð, en sumir báðu Þorgeir út ganga. Konungr kallaði hann til sín, ok lauk síðan erendum hans svá, at Þorgeiri líkaði vel, ok hét honum vináttu sinni.

Frá Magnúsi konungi ok Kálfi.

5 15. Þat var litlu síðar, er Magnús konungr var á veizlu at Haugi í Veradal. En er konungr sat at matborði, þá sat á aðra hönd honum Kálfr Árnason, en á aðra hönd Einarr þambarskelfir. Þá var svá komit, at konungr gerði sæð á við Kálf, en virði þá Einar mest.

10 Konungr mælti við Einar: Vit skulum ríða í dag á Stiklastaði, vil ek sjá þau merki, er þar hafa orðit. Einarr svarar: Ekki kann ek þér þar af at segja; látt Kálf fara fóstura þinn, hann mun þar kunna at segja frá tíðindum. En er borð váru uppi, þá bjóst konungr til farar; hann

15 mælti til Kálfs: Þú skalt fara með mér á Stiklastaði. Kálfr sagði, at þat var ekki skylt. Þá stóð konungr upp ok mælti heldr reiðuliga: Fara skaltu, Kálfr! Síðan gékk konungr út. Kálfr klæddist skjótt ok mælti til sveins síns: Þú skalt ríða inn á Eggju ok biðja húskarla mína hafa

20 hvert fat á skipi fyrir sólarfall. Konungr reið á Stiklastaði, ok Kálfr með honum, stigu af hestum ok géngu þar til er bardaginn hafði verit. Þá mælti konungr til Kálfs: Hvar er sá staðr, er konungrinn féll? Kálfr svarar ok rétti frá sér spjótskaptit: Hér lá hann fallinn, sagði

25 hann. Konungr mælti þá: Hvar vartu þá, Kálfr? Hann svaraði: Hér sem nú stend ek. Konungr mælti, ok var þá rauðr sem dreyri: Taka mundi þá öx þín til hans. Kálfr svarar: Ekki tók öx mín til hans. Gékk hann þá í brott ok til hests síns, hljóp á bak ok reið

30 leið sína, ok allir hans menn. En konungr reið aptr til Haugs. Kálfr kom um kveldit inn á Eggju; lá skip hans búit fyrir bryggjum, ok á komit lausafé alt, ok skipat af húskörlum hans; héldu þeir þegar um nóttina út eptir tírði, fór Kálfr síðan dag ok nótt, svá sem byr gaf; sigldi

hann þá vestr um haf, ok dvaldist þar lengi, herjaði um Skotland ok um Írland ok Suðreyjar. Þessa getr Bjarni Gullbráarskáld í Kálfs flokki:

Þér frá ek, Þorbergs hlýri!	Vöktu öfundmenn ykkar	
þess gerðuzk þér verðir,	iðula róg á miðlum,	5
hélt því unz herr um spilti,	úpörf lízk mér arfa	
Haralds bróðurson góðan.	Ólafs í þeim málum.	

Frá Magnúsi konungi Ólafssyni.

16. Magnús konungr kastaði eigu sinni á Viggju, er Hrútr hafði átt, ok Kviststaði, er Þorgeirr hafði átt, svá 10 ok á Eggju ok á alt þat fé, er Kálfr átti eptir, ok margar aðrar stórar eignir lét hann þá falla í konungagarð, þær er þeir höfðu átt, er fallit höfðu á Stiklastöðum í bónda liði; hann gerði ok við marga þá menn stórar refsingar, er í þeiri orrostu höfðu verit í mót Ólafi konungi. suma rak hann af 15 landi, ok af sumum tók hann stórfé, fyrir sumum lét hann bú höggva. Þá tóku böendr at gera kurr ok mæltu sín í milli: Hvat mun konungr þessi fyrirætla, er hann brýtr lög á oss, þau er setti Hákon konungr hinn góði? Man hann eigi þat, at vér höfum jafnan eigi þolat vanréttit? 20 Mun hann hafa farar föður síns, eða annarra höfðingja, þeira er vér höfum af lífi tekit, þá er oss leiddist ofsi þeira ok lögleysa. Þessi kurr var víða í landi. Sygnir höfðu liðsamnað, ok þat orð á, at þeir mundu halda til orrostu við Magnús konung, ef hann færi þar. Magnús 25 konungr var þá á Hörðalandi ok hafði þar dvalzt mjök lengi, ok hafði lið mikit, ok lét sem þá ok þá mundi hann fara norðr í Sogn. Þessa urðu varir vinir konungs, ok géngu 12 menn á málstefnu, ok samdist þat með þeim, at hluta til einn mann at segja konungi þenna kurr; en svá 30 var til stilt, at Sigvatr skáld hlaut.

Bersöglisvísur.

17. Sigvatr orti flokk, er kallaðr er Bersöglisvísur, ok hefr hann fyrst um þat, at þeim þótti konungr

ofmjök velkja ráðin at setja bændr aptr, þá er heituðust
at reisa úfrið í móti honum; hann kvað:

Fregn ek at suðr með Sygnum; Föllum í vápn ok verjum
Sigvatr hefir gram lattan vel, tvist, konung, lystir,
5 fólkorrostu at fre(i)sta, hve lengi skal, hringum,
fer ek ef þó skulum berjask. hans grund, til þess fundar.

Í því sama kvæði eru þessar vísur:

<p>10 Hét sá er féll á Fitjum fjölgegn ok réð hegna heiptar rán, en hánun, Hákun, fírar unnu; þjóð hélt fast á fóstura fjölbliðs lögum síðan, enn eru af því minni, 15 Aðalsteins, búendr seinir.</p>	<p>Hverr eggjar þik höggva, hjaldrgegnir! bú þegna, ofrausn er þat jöfri innan lands at vinna. Engr hafði svá ungum áðr bragningi ráðit, rán hygg ek rekkum þínum, reiðr er herr, konungr! leiðask.</p>
---	---

<p>Rétt hygg ek kjósa knáttu karlfólk ok svá jarla, af því at eignum lofða Ólafar frið gáfu. 20 Haralds arfi lét haldask hvardyggr ok sonr Tryggva lög þau er lýðar þágu laukjöfn af þeim nöfnum.</p>	<p>Gjaltu varhuga, veltir, viðr þeim er nú ferr héðra, þjófs! skal hönd í hófi, hauða kvitt, um stytta. Vin er sá er, varmra benja, varnað býðr, en hlýðit, tármútaris teitir! til hvat búmenn vilja.</p>
---	---

<p>25 Skulut ráðgjöfum reiðask, ryðr þat, konungr! yðrum, dróttins orð til dýrðar, döglingr! við bersögli. Hafa kveðask lög, nema ljúgi landherr, búendr verri 30 endr í Úlfasundum önnur en þá hést mönnum.</p>	<p>Hætt er þat er allir heitask, áðr skal við því ráða, hárir menn, er ek heyri, hót, skjöldungi at móti. Greypt er þat höfðum hnepta heldr ok niðr í feldi, slegit hefir þögn á þegna, þingmenn nösum stínga.</p>
--	--

<p>Hverr eggjar þik, harri heiptar strangr! at ganga, opt reynir þú, þínum, 35 þunn stál, á bak málum. Fastorðr skyli fyrða fengsæll vera þengill; hæfir heit at rjúfa, hjaldrmagnaðr! þér aldri.</p>	<p>Eitt er mál, þat er mæla, minn dróttinn leggr sína eign á óðöl þegna, öfgast, búendr göfgir. Rán mun seggr, er sína selr út, í því telja, flaums at fellidómi föðurleifð konungs greifum.</p>
---	--

(Antract)

Agg
c. 29

Eptir þessa áminning skipaðist konungr vel við, fluttu ok margir þessi orð fyrir konungi. Kom þá svá, at konungr átti tal við hina vitrustu menn, ok sömdu þeir þá lög sín. Síðan lét Magnús konungr rita lögbók, þá er enn er i Þrándheimi ok kölluð er Grágás. Magnús konungr gerðist 5 síðan vinsæll ok ástsæll af öllu landsfólki, var hann fyrir þá sök kallaðr Magnús hinn góði.

Fró Knýttlingum.

18. Haraldr Engla konungr andaðist 5 vetrum eptir andlát Knúts hins ríka föður síns; hann var jarðaðr hjá 10 feðr sínum í Vinestr. Eptir andlát hans tók konungdóm í Englandi Knútr bróðir Haralds, annarr son gamla Knúts; var hann þá konungr bæði yfir Englandi ok Danaveldi, réð hann þar fyrir 2 vetr; hann varð sótt dauðr á Englandi, ok er jarðaðr í Vinestr hjá feðr sínum. Eptir andlát hans 15 var til konungs tekinn á Englandi Jatvarðr hinn góði son Aðalráðs Engla konungs ok Emmu dróttningar, dóttur Ríkarðar Rúðujarls. Jatvarðr konungr var bróðir sammœðri Haralds ok Hörðaknúts. Gunnhildr hét dóttir gamla Knúts ok Emmu, hon var gipt Heinreki keisara í Saxlandi; 20 hann var kallaðr Heinrekr mildi. Gunnhildr var 3 vetr í Saxlandi áðr hon tók sótt, hon andaðist 5 vetrum eptir andlát Knúts konungs föður síns.

Magnús konungr fékk Danmörk.

19. Magnús konungr Ólafsson spurði andlát Hörða- 25 knúts; þá sendi hann þegar menn suðr til Danmerkr, ok gerði með þeim orðsendingar til þeira manna, er sverdögum höfðu við hann bundizt, þá er sætt þeira ok einkamál varu gör Magnús ok Hörðaknúts, ok minti þá á orð sín, lét þat ok fylgja, at hann sjálf mundi koma þegar um sumarit 30 til Danmerkr með liði sínu, ok lét þar fylgja ályktarorð, at hann skyldi eignast alt Danaveldi, svá sem stóðu til einkamál ok sverdagar, eða falla sjálf í orrostu með her sínum. Svá segir Arnórr jarlaskáld:

Afkárlig varð jarla,	at fram í gny grimmum.
orðgnótt sú er hlaut dróttinn,	grafnings und kló hrafni
fylgði efnd því er ylgjar	fúss lézk falla ræsir
angrtælir réð mæla.	feigr eða Danmörk eiga.

Leiðangr Magnús konungs.

20. Þá samnar Magnús konungr liði saman, stefndi til sín lendum mönnum ok ríkum bóndum, aflaði sér langskipa. En er lið þat kom saman, þá var þat hit friðasta ok allvel búit. Hann hafði 70 skipa, er hann sigldi af Noregi. Svá segir Þjóðólfr:

Djarft neyttir þú, dróttinn	Suðr gnaðuðu súðir,
dólgstrangr! skipa langra	segl' hýnd við stag rýndu,
af því at ýtar höfðu	vfk skar vandlangt eiki,
austr sjau tigu flauta,	Vísundr hneigði þrömp sveigðan.

Hér getr þess, at Magnús konungr hafði þá Vísund hinn mikla, er hinn helgi Ólafr konungr hafði gera látit; hann var meir en þrítugr at rúmatali, var á framstafri vísundarhöfuð, en aptr sporðr, var höfuðit ok sporðrinn ok báðir svírnir alt gulli lagt. Þess getr Arnórr jarlaskáld:

Ljótn dreif á lypting utan	Stirðum hélztu um Stafangr norðan
lauðri, bifðisk gullit rauða,	stálm, bifðusk fyrir álar,
fastligr hneigði furu geystm	uppi glóðu elmars typpi
fyrir garmr, um skeiðar stýri.	eldi glúk í Danaveldi.

Magnús konungr hélt út af Ögðum ok yfir til Jótlands. Svá segir Arnórr:

Segja mun ek hve Sygná	Setti bjóðr at breiðu
snarfengjan þar þengil	brynþings, fetilstinga
hallr ok hrímt sollinn	fús tók öld við cesi,
hléborðs, Vísundr nprðan.	Jótlandi gramr-branda.

Magnús konungr kom til Danmerkr.

21. En er Magnús konungr kom til Danmerkr, þá var honum þar vel fagnat; átti hann brátt þing ok stefnur við landsmenn ok beiddi sér viðtöku, svá sem einkamál váru til. En fyrir því at landshöfðingjar, þeir er ágætastir váru

í Danmörk, vátu eðum bundnir við Magnús konung ok vildu halda orð sín ok eða, þá fluttu þeir þetta mjök fyrir fólkinu; þat bar ok annat til, at þá var andaðr Knútr hinn ríki ok dautt alt hans askvæmi; hinn inn þriði hlutr, at þá var alkunnig orðin helgi Ólafs konungs um öll lönd ok jarategnagerð hans.

Magnús til konungs tekinn í Danmörk.

22. Síðan lét Magnús konungr stefna Vabjarga þing; þar taka Danir sér konung bæði at fornu ok at nýju. En á því þingi tóku Danir Magnús Ólafsson til konungs yfir alt Danaveldi. Dvaldist Magnús konungr í Danmörk lengi um sumarit, ok fagnaði alt fólk honum vel, hvar sem hann kom, ok veittu honum hlýðni; skipaði hann þá alt land, sýslur ok herð, ok veitai veiztur ríkismönnum. En er á leið hanetir, hélt hann liði sínu til Noregs, ok dvaldist í Elfinni nokkura hríð.

Upphaf Sveins Úlfssonar.

23. Sveinn er maðr nefndr son Úlfs jarls Þorgilssonar sprakaleggs; móðir Sveins var Ástriðr dóttir Sveins konungs tjúguskeggs; hon var systir Knúts hins ríka samfeðra, en hon var sammœðra við Ólaf Svíakonung Eiríksson; þeira móðir var Sigríðr dróttning hin stórláta, dóttir Sköglartosta. Sveinn Úlfsson hafði þá dvalzt langa hríð með Svíakonungum frændum sínum, jafnan síðan er fallit hafði Úlfr jarl faðir hans, svá sem ritat er í sögu Knúts hins gamla, at hann lét drepa Úlf jarl mág sinn í Róiskeldu; var Sveinn fyrir þá sök ekki í Danmörk síðan. Sveinn Úlfsson var allra manna friðastr sýnum, manna var hann ok mestr ok sterkastr, ok hinn mesti íþróttamaðr ok snildarmaðr; þat var allra manna mál, þeira er hann var kunnigr, at hann hefði alla hluti til, þá er friða góðan höfðingja. Sveinn Úlfsson kom á fund Magnús konungs, þá er hann sat í Elfinni, svá sem áðr er ritat; tók konungr

vel við honum, vörn þar ok margir flútningsmenn til, því at Sveinn var hinn vinsælsti maðr, talaði hann ok sjálf sitt mál fyrir konungi fagrt ok snjalt, ok kom svá, at Sveinn gekk til handa Magnúsi konungi ok gerðist hans maðr. Síðan töluðu þeir konunginn ok Sveinn marga hluti í einmælum.

Geft Sveini jarls nafn.

24. Einn dag þá er Magnús konungr sat í háseti ok var fjölment um hann, sat Sveinn Úlfsson á fótakörinni fyrir konunginum; þá tók konungr til máls: Kunnigt vil ek gera höfðingjum ok allri alþýðu þá ráðagerð, er ek vil vera láta; hér er kominn til mín ágætr maðr, bæði at ættum ok af sjálfum sér, Sveinn Úlfsson; hann hefir nú gerzt minn maðr ok selt mér trú sína til þess; en svá sem þér vitut, at allir Danir hafa í sumar gerzt mínir menn, þá er nú landit höfðingjalaust, er ek em í brott farinn, en þar er, sem þér vitut, mjök herskátt af Vindum ok Kúrum ok öðrum Austrvegsmönnum, eða svá Söxum; hét ek þeim ok at fá höfðingja til landyarnar ok landstjórnar; sé ek þar engan mann jafnvel til fallinn fyrir allra hluta, sakir sem Sveinn Úlfsson, hefir hann sett til þess at vera höfðingi; nú mun ek gera hann jarl minn ok fá honum í hendr Danaveldi til yfirsóknar, meðan ek em í Noregi, svá sem Knútr hinn ríki setti Úlf jarl föður hans höfðingja yfir Danmörk, þá er Knútr var á Englandi. Einarr þambarskelfr svaraði: Ofjarl, ofjarl, fóstri! Konungr mælti reiðuliga: Fátt þykkir yðr ek kunna, en mér lízt sem yðr þykki sumt ofjarlar, en sumt ekki at mönnum. Þá stóð konungr upp ok tók sverð ok festi á linda Sveini; síðan tók hann skjöld ok festi á öxl honum, setti síðan hjálm á höfuð honum ok gaf honum jarls nafn ok veizlur slíkar í Danmörk, sem þar hafði áðr haft Úlf jarl faðir hans. Síðan var framborit skrin með helgum dómum, lagði Sveinn þar á hendr sínar ok sör trúnaðareiða Magnúsi konungi. Síðan leiddi konungr jarl til hásetis með sér. Svá segir Þjóðólfr:

Sjálfir var austr við Elfi	réd Ólafs sonr síðum,
Úlfs mögr, ok hét fögru	átt hafa þeira sáptir
þar red Sveinn at sverja	skemra aldr en skyldi,
sínar hendr at skríni;	Skánunga gramr, hánun.

Fór þá Sveinn jarl til Danmerks, ok var þar við honum vel tekit af allri alþýðu. Tók hann sér þá hirð ok gerðist brátt höfðingi mikill; fór hann um vetrinn víða um landit ok vingaðist mjök við stórmennit, var hann ok vinsæll við alþýðu.

Hernaðr til Vindlands.

25. Magnús konungr hélt liði sínu norðr í Noreg ok dvaldist þar um vetrinn. En er vár kom, þá hafði Magnús konungr úti lið mikit, ok hélt því suðr til Danmerkr. En er hann kom þar, spurði hann þau tíðindi af Vindlandi, at Vindr höfðu horfit undan hlýðni við hann í Jómsborg; þar höfðu Danakonungar haft jarlsríki mikit, hófu þeir Jómsborg at upphafi, ok var þat orðit allstyrkt vígi. En er Magnús konungr heyrði slíkt sagt, þá bauð hann út af Danmörk skipaþer miklum, ok hélt um sumarit til Vindlands með allan herinn, ok hafði allmikit lið. Þess getr Arnórr jarlaskáld:

Heyra skaltu hve herskjöld bárut,	Aldri frá ek, enn, vísit valdit
hilmis kundr! til Vinda grundar,	Vinda sorg, at döglungr spendi,
heppinn dróttu af hlunni sléttum	flaustum var þá flóð um ristit,
hélug börð, í stefjaméli.	fleiri skip til óðals þeira.

En er Magnús konungr kom til Vindlands, þá lagði hann til Jómsborgar ok vann þegar borgina, drap þar mikit fólk ok brendi borgina ok landit víða út í frá, ok gerði þar hit mesta hervirki. Svá segir Arnórr jarlaskáld:

Skjöldungr! fórtu um óþjóð eldi,	Hyrgi þorði hallir varða
auðit var þá flotnum dauða,	heiðit fólk í virki breiðu,
hæstan kyndut, hlenna þrýstir!	buðlungr! unnut borgar mönnum
hyrjar ljóma suðr á Jóni.	björtum eldi stakdræp hjörtu.

Mikit fólk á Vindlandi gékk til handa Magnúsi konungi, en miklu var hitt fleira, er undan flýði. Fór þá Magnús konungr til Danmerkr aptr, bjó sér þar til vetrsetu, en sendi frá sér herinn bæði hinn danska ok svá mart lið, þat er honum hafði fylgt af Noregi.

Gefit Sveini konungs nafn.

26. Hinn sama vetr er Sveinn Úlfsson hafði fengit yfirsókn um Danaveldi, ok hann hafði vingazt við allmikit stórmenni ok fengit alþýðu lof, þá lét hann gefa sér konungs nafn, ok hurfu at því ráði margir höfðingjar. En um vart er hann spurði, at Magnús konungr fór norðan or Noregi ok hafði her mikinn, þá fór Sveinn til Skáneyjar, ok þaðan upp á Gautland, ok svá til Svíþjóðar á fund Emundar konungs frænda síns, ok dvaldist þar um sumarit, en hafði njósnir í Danmörk um ferð Magnús konungs eða um fjölmenni hans. En er Sveinn konungr spurði, at Magnús konungr hafði látit frá sér fara mikinn hluta liðs síns, ok svá þat, at hann var suðr á Jótlandi, þá reið Sveinn ofan af Svíþjóð ok hafði þá lið mikit, er Svíakonungr fékk honum. En er Sveinn kom út á Skáney, þá tóku Skáneyingar vel við honum ok héldu hann þar fyrir konung, dreif þá lið mikit til hans. Síðan fór hann út til Sjálands, ok var þar vel við honum tekit, lagði hann þar alt undir sik. Þá fór hann í Fjón, ok lagði undir sik allar eyjar, ok gékk fólk undir hann, hafði Sveinn her mikinn ok mart skipa.

Frá her Magnús konungs.

27. Magnús konungr spurði þessi tíðindi, ok þat með, at Vindr höfðu her úti. Síðan stefndi Magnús konungr liði til sín, ok dróst honum brátt herr um alt Jótland. Kom til hans Otta hertogi af Saxlandi or Brúnsvik; hann átti Úlfhildi dóttur Ólafs konungs hins helga, systur Magnús konungs; hertoginn hafði mikla sveit manna. Danahöfð-

cf Adam
p. 91

ingjar eggjuðu Magnús konung at fara í móti Vindaherinum ok láta eigi hefðit fólk ganga þar yfir land ok eyða; ok var þat ráð tekit, at konungr snýr her sínum stóð á leið til Heiðabæjar. En er Magnús konungr lá við Skotborgará á Hlýrskógs heiði, þá kom honum njósn af her Vinda, ok þat með, at þeir höfðu svá mikinn her, at engi fékk talt, ok Magnús konungr hafði engan hlut við fjölmennis, ok honum væri sá einn til at flýja undan. Magnús konungr vildi þó berjast, ef mönnum þætti nokkur fōng á, at hann mætti sigrast; en flestir löttu, ok sögðu allir eitt til, at Vindr höfðu úflýjanda her. En Otta hertogi fýsti heldr at berjast. Lét konungr þá blása saman öllum herinum, ok lét alla menn herklæðast, ok lágu þeir úti um nóttina undir skjöldum sínum, því at þeim var sagt, at herr Vinda var kominn nær þeim, ok var konungr mjök hugsjúkr, þótti honum ilt, ef hann skyldi flýja verða, því at hann hafði þat aldri reynt, svaf hann lítit um nóttina ok söng bænir sínar.

Draumr Magnús konungs.

28. Eptir um daginn var Mikjálsmessu aptann. En er komit var at degi, þá sofnaði konungr ok dreymdi, at hann sá hinn helga Ólaf konung föður sinn, ok mælti við hann: Ertu nú mjök hugsjúkr ok óttafullr, er Vindr fara móti þér með her mikinn; ekki skaltu hræðast heiðinn her, þótt þeir sé margir saman, ek mun fylgja þér í orrostu þessi; ráðit þér þá til bardaga við Vindr, er þér heyrir lúðr minn. En er konungr vaknaði, þá sagði hann draum sinn. Tók þá at lýsa af degi; þá heyrði alt fólk í lopt upp klukkuhljóð, ok kendu Magnús konungs menn, þeir er verit höfðu í Niðarósi, at svá þótti sem Glöð væri hringt; þá klukku hafði Ólafr konungr gefit til Klemenskirkju í kaupangi.

Orrosta á Hlýrskógs heiði.

29. Þá stóð upp Magnús konungr, ok kallaði at blása skyldi herblástr. Fór þá Vindaherrinn sunnan yfir ána at þeim; hljóp þá upp allr konungsherrinn ok stefndi
5 í móti heiðingjum. Magnús konungr steypiti af sér hringa-
brynju ok hafði yzta rauða silkiskyrtu, ok tók í hönd sér
ðxina Hel, er átt hafði Ólafr konungr. Magnús konungr
rann fyrir öllum mönnum öðrum í móti herinum, ok hjó
þegar tveim höndum hvern mann at öðrum. Svá segir
10 Arnórr jarlaskáld:

Óð með ðxi breiða	Þá er um skapt, en skipti
óðæsinn fram ræsir,	skapvörðr himins jörðu,
varð um hilmí Hörða	Hel klauf hausa fólva,
hjörðynr, en varp brynju.	hendr tvær jöfurs spendu.

15 Orrosta þessi var ekki löng; váru konungs menn hinir
áköfustu. En hvar sem þeir kómu saman, féllu Vindr
svá þykt sem unnvörp lægi; en þeir er síðar stóðu sneru
á flóttu, ok váru þeir þá höggvinnir niðr sem búfé. Rak
konungr sjálf flóttann austr yfir heiðina, ok féll fólkit um
20 alla heiðina. Svá segir Þjóðólfr:

Hykk í hundraðs flokki	Vítt lá Vinda flótti,
Haralds bróðurson stóðu,	varð, þar er Magnús barðisk,
hrafn vissi sér hvassast	höggvinn valr at hylja
hungrbann, framast manna.	heiði rastar breiða.

25 Þat er alþýðu mál, at ekki mannfall hafði orðit jafnmikit á
Norðrlöndum í kristnum sið, sem þat er varð á Hlýrskógs
heiði af Vindum. En af liði Magnús konungs féll ekki
mart, en fjöldi varð sárt. Eptir orrostu lét Magnús konungr
binda sár sinna manna, en læknað váru ekki svá margir í
30 herinum, sem þá þurfti; þá gekk konungr til þeira manna
er honum sýndist, ok þreifði um hendr þeim; en er hann
tók í lófana ok strauk um, þá nefndi hann til 12 menn,
þá er honum sýndist sem mjúkbenztir mundu vera, ok
sagði, at þeir skyldu binda sár manna, en engi þeira hafði
35 fyrr sár bundit; en allir þessir urðu hinir mestu læknað.

Þar váru tveir íslenzkir menn, var annarr Þorkell Geirason af Lyngum, annarr Atli faðir Bárðar svarta or Selárdal, ok kómu frá þeim margir læknar síðan. Eptir þessa orrostu varð frægt mjök víða um lönd jarðegn sú, er gert hafði hinn helgi Ólafr konungr; ok var þat alþýðu mál,⁵ at engi maðr mundi þurfa at berjast við Magnús konung Ólafsson, ok Ólafr konungr faðir hans væri honum svá nákvæmr, at úvinir hans mætti enga mótstöðu veita honum fyrir þá sök.

Orrosta á Ré.

10

30. Magnús konungr sneri þegar herinum móti Sveini, er hann kallaði jarl sinn, þótt Danir kallaði hann konung. Réð Magnús konungr sér til skipa ok bjó herinn, fjölmentu þá hváirtveggju mjök. Váru þá margir höfðingjar í liði Sveins, Skánungar, Hallandsfarar, Sjálandsfarar, Fjónbúar;¹⁵ en Magnús konungr hafði mest Norðmenn ok Jóta, hélt hann þá liði sínu til móts við Svein. Varð fundr þeira fyrir Vestlandi á Ré, varð þar orrosta mikil, ok lauk svá, at Magnús konungr hafði sigr, en Sveinn kom á flótta ok lét lið mikit, flýði hann þá aptr á Skáney, því at hann átti²⁰ hæli uppi á Gautlandi, ef hann þurfti til at taka. En Magnús konungr fór þá aptr til Jótlands, ok sat þar um vetrinn fjölmennr, ok hafði gæzlu á skipum sínum. Þessa getr Arnórr jarlaskáld:

Fúss lét á Ré ræsir
rammþing háit glamma,

valska rauð fyrir víðu
Vestlandi gramr branda.

25

Orrosta við Áró.

31. Sveinn Úlfsson fór þegar á skip sín, er hann spurði, at Magnús konungr var genginn af skipum. Dró Sveinn lið at sér, alt þat er hann fékk, ok fór þá um³⁰ vetrinn um Sjáland ok um Fjón ok um eyjar; ok er dró at jólum, hélt hann suðr til Jótlands, lagði fyrst til Lima-fjarðar, ok gékk þar mart fólk undir hann; en hann tók

gjöld af sumum, sumir fóru á fund Magnús konungs. En
er þetta spurði Magnús konungr, hvat Sveinn hafðist at, þá
fór hann til skipa sinna ok hafði með sér Norðmanna lið
þat, er þá var í Danmörk, en sumt Dana lið, hélt þá sunn-
an fyrir land. Sveinn var þá í Árósi ok hafði mikit lið;
5 en er hann spurði til hers Magnús konungs, þá lagði hann
sínu liði or boenum ok bjóst til orrostu. En er Magnús
konungr hafði spurt, hvar Sveinn var, ok hann vissi, at
þá mundi vera skamt millim þeira, þá átti hann húsping ok
10 talaði við lið sitt, sagði svá: Nú höfum vér spurt, at jarl
með lið sitt mun hér nú liggja fyrir oss, er mér svá sagt, at
þeir hafi lið mikit; ok vil ek gera yör kunnigt um ætlan
mína, vil ek leggja til fundar við jarl ok berjast við hann,
þótt vér hafim lið nokkuru færa; munum vér traust vart
15 eiga enn sem fyrr, þar er guð sjálf er ok hinn helgi Ólafr
konungr faðir minn, hefir hann oss nokkurum sinnum fyrr
sigr gefit, þá er vér höfum barzt, ok höfum vér opt haft
lið minna en úvinir várir. Nú vil ek, at menn búist svá
við, at vér skulum leita þeira, ok þegar er fund várn berr
20 saman, þá skulum vér at róa ok taka þegar til bardaga;
veri þá allir búnir mínir menn at berjast. Síðan herklædd-
ust þeir, ok bjó hverr sik ok sitt rúm, reru þeir Magnús
konungr fram þar til, er þeir sá lið jarls, greiddu þegar
atróðrinn. En Sveins menn vápnudust ok tengðu saman
25 skip sín, tókst þá þegar hörð orrosta. Svá segir Þjóðólfr:

Lögðu, grœðis glóða,	svá at manþinga mundut
gramr ok jarl fyrir skömmu,	merkendr Heðins serkjar,
þar kom bitr á börva	herr náði gný gerva
brandleikr, saman randir,	geirs, orrostu meiri.

30 Þeir börðust um stafna, ok máttu þeir einir höggum við
koma, er í stafni váru, en þeir lögðu kesjum, er í fyrir-
rúmi váru, en allir þeir er aptar váru, skutu snœrispjótum
eða gafflökum eða vígörum, en sumir börðu grjoti eða
skeptiflettum, en þeir er fyrir aptan siglu váru, skutu boga-
35 skotum. Þess getr Þjóðólfr:

Skotit frá ok skeptiflettum	Bárat bōslan fleiri	
skjótt ok mörgu spjóti,	hogmenn at hör tōgnum,	
bráð fékk hrafn, er háðum	mundit þann dag Þrœndi	
hjaldr, á breiða skjaldu,	þreyta fyrr at skeytum.	
Neyttu mest sem máttu	Svá þykt flugu síðan	5
menn at vāpna sennu,	snoeriðorr um skœru,	
bangs en barðir lágu	ótt var óndríf látit,	
börvar, grjóts ok örva.	illa sátta í milli.	

Hér segir þat, hvernog var áköf skothriðin. Magnús konungr var fyrst öndverða orrostu í skjaldborg, en er honum þótti seint á orkasta, þá hljóp hann fram or skjaldborginni, ok svá eptir skipinu, ok kallaði hátt ok eggjaði sína menn, ok gékk alt fram í stafninn í höggorrostu. En er þat sá hans menn, þá eggjaði hverr annan; var þá kall mikit um allan herinn. Svá segir Þjóðólfr:

Mjök bað Magnús rekka,	hórd þrifusk botð þar er börðusk,
mann röskliga annan,	þóðský framar knýja.

Gerðist þá hin ákafasta orrosta. Í þeirri hrið hrauðst skip Sveins framan um stafninn ok söxin; þá gékk sjálfr Magnús konungr með sína sveit upp á skipit Sveins, ok síðan hans maðr hverr at öðrum; gerði þá svá harða atgöngu, at Sveins menn hrukku fyrir, ok hrauð Magnús konungr þat skip, ok síðan hvert at öðru. Flýði þá Sveinn ok mikill hluti liðs hans, en fjöldi féll hans manna, ok mart fékk grið. Svá segir Þjóðólfr:

Vörðr gékk meir at morði	Gerðum þar svá at þverði,
Magnús kjalar vagna,	þengils en óx fengi,
þat var frægt, í fagran	skeiðr nam herr at hrjóða,
framstafn varar hrafni.	húskarla lið jarli.

Áðr svanfoldar seldi	jarls lá ferð á ferli,	30
sólrýrandi hinn dýri,	fjörgrið stöfum hjörva.	

Þessi orrosta var dróttinsdag hinn næsta fyrir jól. Svá segir Þjóðólfr:

Römm var hildr sú er Hramma	Flaut, þá er feigir létu	
harðéls viðir börðusk,	fjör gnýstafir hjörva,	35
herr gékk snart at snerru,	þjóð sökk niðr at nauðum,	
sunnudag um unnin.	nár á hverri báru.	

Magnús konungr tók þar 7 skip af Sveins mönnum. Svá segir Þjóðólfr:

Hrað Ólafs mögr áðan,
jöfurr vá sigr, hins digra,

fregnat slíkt or Sogni,
sjau skip, konur haípnar.

5 Ok enn kvað hann:

Mist hafa Sveins at sýnu,
sverðgautr! förunautar,
hörð er heldr um orðin,
heimkvámu, för beima.

Hroerir hausa þeira
hreggi æst ok leggi,
sjár þýtr auðs um árum,
unnr á sanda grunni.

10 Sveinn flýði þegar um nóttina til Sjálands með því liði, sem undan hafði komizt ok honum vildi fylgja, en Magnús konungr lagði at landi skip sín, ok lét þegar um nóttina lið sitt fara á land, en snemma um morgininn eptir kómu þeir ofan með strandhögg mikil. Þess getr Þjóðólfr:

15 Gær sá ek grjóti stóru,
gein hauss fyrir steini,
fór á fylking þeira
fast, harðliga kastat.

Ofan keyrðum vér, orðum
jörð muna Sveinn um varða,
staðar hefir stafn í miðju,
strandhögg, numit landi.

Flótti Sveins konungs.

20 32. Magnús konungr hélt þegar sunnan sínu liði til Sjálands eptir Sveini. En þegar er Magnús konungs lið kom at, þá flýði Sveinn þegar á land upp, ok alt lið hans; en Magnús konungr sótti eptir þeim ok rak flóttann; drápu slíkt er þeir náðu. Svá segir Þjóðólfr:

25 Spurði einu orði,
öld, blóðroðna skjöldu,
satt er at svá mörg átti,
Selunds mæ, hvern, ve, bæri.
Auðtróðu varð auðit
30 yfir um skóg at spróga,
títt bar týmargr flótti
til Hringstaða iljar.

Saurstokkinn bar svíra
snarr Skánunga harri,
undr er nema allvaldr Lundar
aldrprúðr fyrir haldi.
Gær flugu mold ok mýrar
merki jarls hins sterka,
slóð drap, fram at flœði,
flangar dörr um hauga.

Sveinn flýði þá yfir á Fjón; en Magnús konungr fór þá herskildi yfir Sjáland ok brendi víða fyrir þeim mönnum,

er um haustit höfðu slegizt í flokk með Sveini. Svá segir Þjóðólfr:

Náði jarl at eyða	Rönd, léztu, ræsir Þrændal	
jöfra setr á vetri,	reiðr þorðir þú meiða,	
lézt eigi þú litla	hús, namtu hvert ok eisu	5
landvörn af þér standa.	hyrfeld, gefa eldi.	
Máttir, Magnús! hætta	Grá vildir þú gjalda,	
mildr í fólk und skildi,	gœðinga vin! skœðar,	
nefa Knáts var þá nýtum	ört rendu þeir undan,	
nær sem hann ráðian væri.	jarls fylgjurum dylgjur.	10

Rán ok brenna.

33. Þegar er Magnús konungr spurði til Sveins, þá hélt hann liði sínu yfir til Fjóna. En þegar er Sveinn spurði þat, þá gekk hann á skip ok sigldi, ok kom fram á Skáni, fór þaðan í Gautland, ok síðan á fund Sviakonungs. En Magnús 15 konungr gekk upp á Fjóni, lét þar brenna ok ræna fyrir mörgum. Allir Sveins menn þeir sem þar váru, flýðu brott víðs vegar. Svá segir Þjóðólfr:

Hrindr á hróka landi	Menn eigu þess minnask	
hregg af eikiveggjum,	manna Sveins ok kanna	20
suðr leikr eldr um unninn.	víga Freys sízt vágu,	
óðr, í lopt upp glóðum.	vefgefn! þrjár stefnur.	
Boer logar hálfu hæra,	Ván er fagrs á Fjóni	
hjónum nær, á Fjóni,	fljóðs, dugir vápn at rjóða,	
ræfr þola nauð ok næfrar,	verum með fylktu fólki	25
Norðmenn sali brenna.	frammi í vápna glammi.	

Eptir þetta gekk alt fólk undir Magnús konung í Danmörk. Þá var þar friðr goðr hinn efra hlut vetrar, setti þá Magnús konungr sína menn til stjörnar um alt land þar í Danmörk. En er á leið várit, þá fór hann herliði sínu norðr í Noreg, 30 ok dvaldist þar mjök lengi um sumarit.

Orrosta við Helganes.

34. En er Sveinn spurði þat, þá reið hann þegar út á Skáni, ok hafði lið mikit or Sviaveldi. Tóku Skáneyingar

vel við honum; efdist hann þá at liði; fór síðan út í Sjá-
land ok lagði þar undir sik, svá Fjón ok allar eyjar. En
er þat spurði Magnús konungr, þá efdist hann at liði ok
at skipum, ok hélt síðan suðr til Danmarkar. Hann spurði,
5 hvar Sveinn lá með her sinn, hélt Magnús konungr þá til
móts við hann, varð fundr þeira þar sem Helganes heitir,
ok var þat at kveldi dags. En er orrosta tókst, hafði Magnús
konungr lið minna en skip stærri ok skipuð betr. Svá
segir Arnórr jarlaskáld:

Asuf
c. 31

10	Vítt hefi ek heyrð at heiti Helganes, þar er elgi vágs hinn víða frægi vargteitir hrauð marga.	Rækr öndurt bað randir reggbass saman leggja, rógskýja hélt, Rygjar, regni haustnótt gegnum.
----	---	---

Orrosta var hin snarpasta, en er á leið nóttina, gerðist
15 mikit mannfall. Magnús konungr skaut alla nóttina hand-
skoti. Þess getr Þjóðólfr:

20	Hizig laut er heitir Helganes fyrir kesjum, sukku sárir rekkar, Sveins ferð, bana verðir.	Mætr hélt mörgu spjóti Mœra gramr í sneeri, ödd rauð æki studdan örr landreki dörrum.
----	--	--

Þat er skjótast at segja af orrostu þessi, at Magnús kon-
ungr hafði sigr, en Sveinn flýði; var skip hans hroðit með
stöfnum, ok öll skip Sveins önnur váru hroðin. Svá segir
Þjóðólfr:

25	Flýði jarl af auðu, otvin, skipi sínu, morð þar er Magnús gerði meinfoert, þaðan, Sveini.	Réð herkonungr hrjóða hneitis egg í sveita, sprændi blóð á brýndan brand, vá gramr til landa.
----	--	--

Ok enn segir Arnórr:

30	Skeiðr tók Bjarnar bróður ballr Skánungum allar,	þjóð reri þeirar tíðar þingat, gramr með hringum.
----	---	--

Þar féll mikit lið af Sveins mönnum, fékk Magnús konungr
ok hans menn mikit hlutskipti. Svá segir Þjóðólfr:

Skjöld bar ek heim frá hjaldri,
hlauzk mér til þess, gauzkan,
ramr var suðr á sumri
sverðdynr, ok þó brynju.

Vápn gat ek frið, en fljóði
fyrir sagða ek þat kyrru,
þar fékk ek hjálm er hilmir
harðfengr Dani barði.

Sveinn flýði þá upp á Skáni, ok alt lið hans þat er undan
komst, en Magnús konungr ok hans lið ráku flóttana langt
á land upp, ok varð þá lítill viðtaka af Sveins mönnum
eða bóndum. Svá segir Þjóðólfr:

Bauð Ólafs sonr áðan
upp á land at standa,
gékk með manndýrð mikla
Magnús reiðr af skeiðum.

Snarr það hilmir herja,
hér er skark í Danmörku,
fleygir hvað um hauga
hestr um Skáney vestan.

10

Síðan lét Magnús konungr fara herskildi alt um bygðina.
Svá segir Þjóðólfr:

Nú taka Norðmenn knýja,
nær göngum vér stöngum,
berka ek, Magnús merki,
minn skjöld á hlið sjaldan.

Skýtra skeifum foeti
Skáney yfir sláni,
fár vegr er mér tegri
fundinn, suðr til Lundar.

15

Síðan tóku þeir at brenna bygðina; flýði þá fólk alt viðs
vegar undan. Svá segir Þjóðólfr:

20

Bárum járn at cernu
í skjöld á lið vísa,
skjótt ríða nú skreyttar
Skánunga lokvánir.
Rauðr leikr um bæ breiðan
bráðr at váru ráði
eldr, en exnir valda
atblásendr því vási.

Sviðr um seggja búðir,
síklíngi í her miklum
eyðir byggð, sem bráðast
bjartr eldr, Danaveldi.
Móðr berr halr um heiði
hjaldrs Danmarkar skjöldu,
vér hlutum sigr, en sérir
Sveins menn fyrir renna.

25

Fjörð lét fylkir verða
fortraddan mó spornat,
leynumk lítt, á Fjóni,
liðs skjöldunga á miðli.

Muna fyrir Magnús synja
menn Sveins, þeir er nú renna,
upp fara mörg í morgin
merki, stórra verka.

30

Sveinn flýði þá austr fyrir Skáni. Magnús konungr fór
þá til skipa sinna ok hélt síðan austr fyrir Skáneyjar síðu,
ok varð mjök búizt af skyndingu. Þá kvað Þjóðólfr þetta: 35

Ek hefi ekki að drekka	Liggr fyrir oss, en aggam
annars nema sjá þenna,	allitt Svía köllum,
sýg ek er söltum egi	drýgt höfum vés fyrir vasa,
sylg, er ek jöfri fylgi.	víð Skáneyjar síða.

5 Sveinn flýði upp á Gautland, ok sótti síðan á fund Svía-
konungs, ok dvaldist þar um vetrinn í góðu yfirlæti.

Hernaðr Magnús konungs.

35. Magnús konungr sneri aptr ferð sinni, þá er hann
hafði undir sik lagt allt Skáni; hélt þá fyrst í Fálstr, veitti
10 þar uppgöngu ok herjaði þar, drap hann mikit lið, þat er
áðr var gengit undir Svein. Þess getr Arnórr:

Swik réð eigi eklu	Hléð, en hála tæðu
allvaldr Dönum gjalda,	birðmenn ara grenni,
lét fullhugaðr falla	auðar þorn fyrir örnu
15 Fálstrbyggva lið tiggi.	ungr valköstu þunga.

Síðan hélt Magnús konungr lið sínu til Fjóns ok herjaði,
ok vann þar þá mikit hervirkil. Svá segir Arnórr jarla-
skáld:

Enn rauð frá á Fjóni,	Minnisk öld, hverr annan
20 fold sótti gramr dróttar,	jafnþarfr blám hrafni,
ræns gals herr frá hánum,	ört gat hilmir hjarta,
hringsærks lítaðr merki.	herskyldir, teg fyldi.

Magnús konungr sat í Danmörk.

36. Magnús konungr sat þann vetr í Danmörk, ok
25 var þá góðr friðr. Hann hafði átt í Danmörk orrostur
margar ok haft í öllum sigr. Oddr Kikinaskáld segir svá:

Vas fyrir Mikjálsmessu	En fyrir jól var önnur
málmgrimm háð rimma,	óhlítulig litlu,
féllu Vindr, en vöndusk	upp hófsk grimm með gumnum
30 vápnhljóði mjök þjóðir.	gunnr, fyrir Áróð sunnan.

Enn segir Arnórr:

Hefnir! fengut yrkis efni, Fjórar hefir þá, randa rýrir
Ólafs, gervi ek slíkt at málum, reyrar setrs! á einum vetri,
Hlakkar lætr þú hrælög drekka allvaldr ertu ofvægr kallaðr,
hauka, nú mun kvæðit aukask. örva hríðir frækn um gervar.

Þrjár orrostur átti Magnús konungr við Svein Úlfason. 5
Svá segir Þjóðólfr:

Háðisk heilli góðu	Brand rauð buðlungr Þrœnda,	
hildr, sem Magnús vildi,	berr iðula síðan	
selr um sigr at þylja	hann ept hervíg þrennin	
sóknstærir mér fœri.	hæra skjöld at gjöldum.	10

Orðsending Magnús konungs til Englands.

37. 38. Magnús konungr réð þá bæði fyrir Danmörk ok Noregi. En eptir þat er hann hafði eignazt Danaveldi, þá gerði hann sendimenn vestr til Englands, fóru þeir á fund Jatvarðar konungs ok fluttu honum bréf ok innsigli 15 Magnús konungs. En þat stóð á bréfum með kveðjusending Magnús konungs: Þér munut spurt hafa einkamál þau, er vér Hörðaknútr gerðum með oss, at hvárr okkarr er lífi eptir annan sonlausan, þá skyldi sá taka lönd ok þegna, þau er hinn hafði átt. Nú er þat svá orðit, sem ek veit, 20 at þér hafit spurt, at ek hefi tekit Danaveldi í arf eptir Hörðaknútr; hann átti, þá er hann andaðist, engum mun síðr England en Danmörk; köllumst ek nú eiga England eptir réttum máldögum. Vil ek, at þú gefir upp ríkit fyrir mér, en at öðrum kosti mun ek soekja til með styrk hers bæði 25 af Danaveldi ok Noregi; mun þá sá ráða löndum, er sigrs verðr auðit.

Svör Jatvarðar konungs.

39. En er Jatvarðr konungr hafði lesit bréf þessi, þá svaraði hann svá: Þat er öllum mönnum kunnigt hér í 30 landi, at Aðalráðr konungr faðir minn var óðalborinn til ríkis þessa bæði at fornu ok nýju. Váru vér 4 synir hans; en er hann var fallinn frá löndum, þá tók ríki ok konungdóm Jatmundr bróðir minn, því at hann var elztr várr

bræðra; unda ek þá vel við, meðan hann lifði. En eptir hann tók ríkit Knútr konungr stjúpfaðir minn; var þá eigi dælt til at kalla, meðan hann lifði. En eptir hann var konungr Haraldr bróðir minn, meðan honum varð lífs auðit.

5 En er hann andaðist, þá réð Hörðaknútr bróðir minn fyrir Danaveldi, ok þótti þat þá einu rétt bræðraskipti með okkr, at hann væri konungr bæði yfir Englandi ok Danmörk; en ek hafða ekki ríki til forráða. Nú andaðist hann; var þat þá ráð hér allra landsmanna at taka mik til konungs hér í

10 Englandi. En meðan ek bær ekki tignarnafn, þjónaða ek mínum höfðingjum eigi stórligar en þeir menn, er engu ætt áttu hér til ríkis. Nú hefi ek tekit hér konungs vígslu, ok svá fulliga konungdóm, sem faðir minn hafði fyrir mér; nú mun ek þetta nafn eigi upp gefa at mér

15 lifanda. En ef Magnús konungr kemr hingat til lands með her sinn, þá mun ek eigi liði samna í mót honum, mun hann kost eiga at eignast England ok taka mik áðr af lífdögum. Segit honum svá mín orð. Fóru þá sendimenn aptr ok kómu á fund Magnús konungs ok segja

20 honum alt sitt erendi. Konungr svaraði tómliga ok mælti svá: Ek ætla hitt munu vera sannast ok bezt fallit, at láta Jatvarð konung hafa ríki sitt í ró fyrir mér, en halda þessu ríki, er guð hefir mik eignast látit.

SAGAN AF HARALDI HARDRÁDA.

Upphaf Haralds konungs harðráða.

1. Haraldr son Sigurðar sýr, bróðir Ólafs konungs hins helga sammœðri, var á Stiklastöðum í orrostu, þá er hinn helgi Ólafr konungr féll. Varð Haraldr þá sárr, ok komst í brott með öðrum flóttamönnum. Svá segir Þjóðólfr:

Hvast frá ek Hatgi hit næsta	Skildist hann ok haldi
hlífél á gram drífa,	hjálmestr gamall vetra
enn Bolgara brennir	tiggi tólf ok þriggja
bræðr sínum vel tœði.	trauðr við Ólaf dauðan.

10

Rögnvaldr Brúsason flutti Harald or orrostu, ok kom honum til bónda nökkurs, er bjó í skógi langt frá öðrum mönnum; var Haraldr þar læknaðr til þess, er hann var heill. Síðan fylgði son bónda honum austr um Kjöl, ok fóru þeir alt markleiði, þat er svá mátti, en ekki alþýðu veg. Vissi bónda son ekki til, hverjum hann fylgði, ok er þeir riðu milli eyðiskóga nökkurra, þá kvað Haraldr þetta:

Nú læt ek skóg af skógi	hverr veit nema ek verða
skreiðask lítils heiðar,	viða frægr um síðir.

Hann fór austr um Jamtaland ok Helsingjaland, ok svá til Svíþjóðar, fann hann þar Rögnvald Brúsason ok mjök marga aðra þá menn, er komizt höfðu af Stiklastöðum or orrostu, menn Ólafs konungs.

Haraldr kom í Garðaríki.

2. Eptir um várit féngu þeir sér skipan ok fóru um sumarit austr í Garðaríki á fund Jarizleifs konungs, váru þar um vetrinn. Svá segir Bölverkr:

Mildingr! strauktu um mækis
munn er lézt af gunni,
holds vant hrafn um fylðan
hrás, þaut vargr í ási.

En gramr, né ek frá fremra
friðskerði þér verða,
austr vartu ár hit næsta
örðiglyndr í Görðum.

5 Jarizleifr konungr tók vel við þeim Haraldi, gerðist Haraldr
þá höfðingi yfir landvarnarmönnum konungs, ok annarr
Eilífr son Rögnvalds jarls. Svá segir Þjóðólfr:

Eitt höfðusk at,
Eilífr þar er sat,
höfðingjar tveir,
hamalt fylktu þeir.

Austrvindum ók
í öngvan krók,
vara Læsum léttr
liðsmanna réttr.

Haraldr dvaldist í Garðaríki nokkura vetr, ok fór víða um
Austrveg. Síðan byrjaði hann ferð sína út í Grikkland ok
hafði mikla sveit manna; þá hélt hann til Miklagarðs. Svá
5 segir Bölverkr:

Hart kníði svöl svartan
snekkju brand fyrir landi
skúr, en skrautla báru
skeiðr brynjaðar reiði.

Mætr hilmir sá málma
Miklagarðs fyrir barði,
mörg skriðu beit at borgar
barmfögr hám armi.

0 *Haraldr gékk á mála í Miklagarði.*

3. Þá réð fyrir Grikklandi Zoe dróttning hin ríka,
ok með henni Michael Katalaktus. En er Haraldr kom
til Miklagarðs á fund dróttningarinnar, þá gékk hann þar á
mála, ok fór þegar um haustit á galeiðr með hermönnum,
5 þeim er fóru út í Grikklandshaf. Hélt Haraldr sveit af
sínunum mönnum. Þá var höfðingi yfir herinum sá maðr,
er nefndr er Gyrgir, hann var frændi dróttningar. En
Haraldr hafði verit litla hrið í herinum, áðr en Vær-
ingjar þýddust mjök til hans, ok fóru þeir allir saman,
þegar er bardagar váru, kom þá svá, at Haraldr gerðist
höfðingi yfir öllum Væringjum. Fóru þeir Gyrgir víða
um Grikklands eyjar, unnu þar herskap mikinn á kuss-
arum.

Frá Væringjum ok Gyrgi.

4. Þat var eitthvert sinn, er þeir höfðu farit um land ok skyldu taka sér náttból við skóga nökkura, ok kómu Væringjar fyrstir til náttstaðar, ok völdu þeir sér tjaldstaði, þá er þeir sá bezta ok hæst lágu, því at þar er svá háttat, at land er blautt, ok þegar er regn koma þar, þá er ilt at búa þar er lágt liggr. Þá kom Gyrgir höfðingi hersins, ok er hann sá, hvar Væringjar höfðu tjaldat, bað hann þá í brott fara ok tjalda í öðrum stað, segir at hann vill þar tjalda. Haraldr svaraði svá: Ef þér komit fyrri til náttbóls, þá 10 takit þér yðr náttstað, þá munu vér þar tjalda í öðrum stað, sem oss líkar; gerit þér nú ok svá, tjaldit þar sem þér vilit í öðrum stað; hugða ek, at þat væri rétt Væringja hér í veldi Grikkjakonungs, at þeir skulu vera sjálf-ráða ok frjálsir um alla hluti fyrir öllum mönnum, en vera 15 konungi einum ok dróttningu þjónostu skyldir. Þreyttu þetta með kappmæli, þar til er hvárirtveggju vápnuðust, var þá við sjálft, at þeir mundu berjast. Kómu þá til hinir vitrustu menn ok skildu þá; sögðu þeir svá, at betr var fallit, at þeir sættist um þetta mál, ok gerði skipan á 20 með sér glöggliga, svá at eigi þyrfti optar slíka deilu um. Var þá stefnulagi á komit með þeim, ok skipuðu hinir beztu menn ok hinir vitrustu. En á þeiri stefnu réðu þeir þat svá, at samt kom með öllum, at hluti skyldi í skaut bera, ok hluta með Grikkjum ok Væringjum. 25 hvárir fyrri skyldi ríða eða róa, eða til hafnar leggja ok kjósa um tjaldstaði; skyldi því hvárirtveggi una þá, sem hlutr segði. Síðan yáru hlutir gervir ok markaðir. Þá mælti Haraldr við Gyrgi: Ek vil sjá, hversu þú markar þinn hlut, at eigi markim vit á eina lund báðir. Hann 30 gerði svá. Síðan markaði Haraldr sinn hlut ok kastaði í skautit, ok svá báðir þeir. En sá maðr er hlutinn skyldi upptaka, þá tók hann upp annan ok hélt milli fingra sér. ok brá upp hendinni, ok mælti: Þessir skulu fyrri ríða ok róa, ok til hafnar leggja ok kjósa sér um tjaldstaði. Haraldr 35

greip til handarinnar, ok tók hlutinn ok kastaði út á sjá. Síðan mælti hann: Þessi var várr hlutr. Gyrgir sagði: Hvi léztu eigi sjá fleiri menn? Sé nú, sagði Haraldr, þann er eptir er, muntu þar kenna þitt mark. Síðan var athugat um þann hlutinn, ok kendu allir þar mark Gyrgis. Var þat deemt, at Væringjar skyldi kærna kosti hafa um alt, þat er þeir þreyttu um. Fleiri hlutir urðu til þess, er þeir urðu eigi ásáttir, ok lauk jafnan svá, at Haraldr hafði sitt mál.

Hernaðr Haralds ok Gyrgis.

5. Þeir fóru allir samt um sumarit ok herjuðu. Þá er allr var herrinn saman, lét Haraldr sína menn vera fyrir utan bardaga, eða ella þar er minst var mannhætta, ok lézt varast vilja, at hann týndi herliði sínu. En er hann var einn saman með sínu liði, lagðist hann svá fast til at berjast, at annattveggja skyldi hann fá sigr eða bana. Svá bar optliga til, þá er Haraldr var höfðingi yfir herinum, at hann vann sigr, þá er Gyrgir vann ekki. Þetta funnu hermenn, ok kölluðu betr fara mundu sitt mál, ef Haraldr væri einn höfðingi yfir öllum herinum, ok ámæltu hertoganum, at ekki yrði af honum eða hans liði. Gyrgir sagði, at Væringjar vildu ekki lið veita honum, bað þá fara í annan stað, en hann færi með öðrum herinum, ok vinna þvilíkt sem þeir mætti. Fór þá Haraldr frá herinum, ok Væringjar með honum ok Latínumenn. Gyrgir fór með Grikkja her. Sýndist þá hvat hvárr mátti; fékk Haraldr jafnan sigr ok fé, en Grikkir fóru heim til Miklagarðs, nema ungir drengir, þeir er fá vildu sér fjár, sömnuðust til Haralds, ok höfðu hann þá fyrir hertoga. Lagðist hann þá með her sinn vestr í Affrika, er Væringjar kalla Serkland, efldist hann þá mjök at liði. Í Serklandi eignaðist hann 80 borga, váru sumar gefnar upp, en sumar tók hann með valdi. Síðan fór hann til Sikileyjar. Svá segir Þjóðólfr:

Togu mátt tekna segja,
tandrauðs, á Serklandi,
ungr hætti sér, átta,
ormtorgs hötuðr, borga,

áðr herskorðaðr harðan
hildar leik und skildi
Serkjum hættir í sléttri
Sikileyju gékk heyja.

Svá segir Illugi Bryndælaskáld:

Branztu und Mikjál mæztan,
mágum heim sem frágum

sonr Buðla bauð sínum,
Sunnlönd, Haraldr! röndu.

Hér segir þat, at þá var Mikjáll Grikkjakonungur í þenna tíma. Haraldr dvaldist marga vetr í Affrika, fékk of lausafjár, gull ok allskonar dýrgrip. En allt þat fé, er hann fékk, ok eigi þurfti hann at hafa til kostnaðar sér, sendi hann með trúnaðarmönnum sínum norðr í Hólmgarð í vald ok gæzlu Jarizleifs konungs, ok dróst þar saman úgrynfi fjár, sem líkligt er at vera mundi, er hann herjaði þann hluta heims, er auðgastr var at gulli ok dýrgripum. ok svá mikit sem hann gerði at, er með sönnu var áðr sagt, at hann mundi eignast hafa 80 borga.

Haraldr vann borg í Sikiley.

6. En er Haraldr kom til Sikileyjar, þá herjaði hann þar, ok lagði þar með liði sínu til einnar borgar mikillar ok fjölmennrar. Settist hann um borgina, því at þar vóru sterkir veggir, svá at honum þótti úsýnt at brjóta mundi mega. Borgarmenn höfðu vist gnóga ok önnur fōng, þau er þurftu til varnar. Þá leitaði hann þess ráðs, at fuglarar hans tóku smáfugla, er hreiðruðust í borginni ok flugu á skóg um daga at taka sér mat. Haraldr lét binda á bak fuglunum lokarspánu af tyrvitré, ok steypti í vaxi ok brennusteini ok lét slá eldi í; flugu fuglarnir, þegar er lausir urðu, allir senn í borgina at vitja unga sinna ok hífýla, er þeir áttu í húspekjum, þar er þakt var reyr eða hálmi; þá laust eldinum af fuglunum í húspekjurnar. En þótt einhverr bæri litla byrði elds, þá varð þat skjótt mikill eldr. er margir fuglar báru til víða um borgina í þekjur, ok því næst brann hvert hús at öðru, þar til er borgin logaði. Þá

gékk fólkit alt or borginni ok bað sér miskunnar, þeir hinir sömu, er áðr höfðu margan dag drembiliga mælt ok háðuliga til Grikkja hers ok höfðingja þeira. Gaf Haraldr öllum mönnum grið, þeim er þess beiddu; fékk síðan vald 5 yfir þeirri borg.

Haraldr vann aðra borg.

7. Önnur borg var sú er Haraldr lagði til liði sínu, sú var bæði fjölmenn ok sterk, svá at engi var ván, at þeir féngi brotit. Vellir harðir ok sléttir váru umhverfis borg-
10 ina. Þá lét Haraldr taka til at grafa gröft, frá þar sem féll bekkur einn, ok var þar djúpt gil, svá at ekki mátti þannug sjá or borginni. Þeir fluttu moldina út á vatnit ok létu straum í brott bera. Váru þeir at þessu verki bæði dag ok nótt, var skipt til sveitum; en herrinn gékk alla daga
15 utan at borginni, en borgarmenn géngu í vígskörð, ok skutu hvárir á aðra, en um nætr sváfu þeir hváirtveggju. En er Haraldr skildi þat, at jarðhús þat var svá langt, at þá mundi vera komit inn um borgarvegginn, þá lét hann vápnast lið sitt. Þat var móti degi, er þeir géngu inn í
20 jarðhúsit. En er þeir kómu til enda, grófu þeir upp yfir höfuð sér, þar til er steinar urðu fyrir lími settir, þat var gólf í steinhöllinni. Síðan brutu þeir upp gólfít, ok géngu upp í höllina. Þar sátu fyrir menn margir af borgarmönnum, snæddu þar ok drukku, ok var þeim þat hinn mesti úvísavargr, því at Væringjar géngu þar við brugðnum sverðum ok drápu þar þegar suma, en sumir flýðu, þeir er því kómu við. Væringjar sóttu eptir þeim, en sumir tóku borgarhliðin ok luku upp, gékk þar inn allr fjöldi hersins. En er þeir kómu í borgina, þá flýði borgarlýðrinn, en
30 margir báðu griða, ok féngu þat allir, er upp gáfust. Eignaðist hann borgina með þessum hætti ok þar með úgrynni fjár.

Haraldr vann hina þriðju borg.

8. Hina þriðju borg hittu þeir, þá er mest var af þessum öllum ok sterkust ok ríkust at fé ok fjölmenni. Váru um þá borg díki stór, svá at þeir sá, at ekki mátti þar vinna með þvílíkum brögðum sem hinar fyrri borgir. 5 Lágu þeir þar mjök lengi, svá at þeir féngu ekki atgert. En er borgarmenn sá þat, þá dirfðust þeir við. Þeir settu fylkingar sínar uppi á borgarveggjum, síðan luku þeir upp borgarhliðum, ok æptu á Væringja, eggjuðu þá ok báðu þá ganga í borgina ok frýðu þeim hugar, sögðu, at þeir væri 10 ekki betri til orrostu en høsn. Haraldr bað sína menn láta, sem eigi vissi hvat þeir sögðu: Vér gerum ekki at, sagði hann, þótt vér rennim til borgarinnar, þeir bera vörn sín á oss undir fœtr sér niðr; en þótt vér komim í borgina með nokkura sveit, þá hafa þeir vald at byrgja inni þá er 15 þeir vilja, en sumá úti, því at þeir hafa yfir öll borgarhlið gæzlu sett; vér skulum gera þeim eigi minna spott, ok skulum láta þá sjá, at vér óttumst þá ekki; skulu várir menn ganga fram á völlum sem næst borginni, ok gæta þó þess at ganga eigi í skotmál þeira; skulu várir menn allir fara 20 vörnlausir ok gera sér leik, ok láta þat sjá borgarmenn, at vér hirðum ekki um fylkingar þeira. Síðan var svá nokkura daga.

Frá Úlfi ok Halldóri.

9. Menn íslenzkir eru nefndir, þeir er fóru þar með Haraldí, Halldórr son Snorra goða, hann hafði þessa frásögn 25 hingat til lands, annarr var Úlfr Úspaksson, Úsvifrssonar hins spaka. Þeir váru báðir hinir sterkustu menn ok allvápndjarfir, ok váru hinir kætstu Haraldí; þeir váru báðir í leikinum. En er þessa leið hafði farit nokkura daga, þá vildu borgarmenn sýna enn meira kapp, géngu 30 þeir þá ekki með vápnum upp á borgarveggina, en létu þó opin standa borgarhliðin. En er þat sá Væringjar, þá géngu þeir einn dag svá til leiksins, at þeir höfðu sverð

undir mötlum ok hjálma undir höttum. En er þeir höfðu leikit um hríð, þá sá þeir, at borgarmenn undruðust ekki, þá tóku þeir skjótt vápnin, runnu síðan at borgarhliðinu. En er borgarmenn sá þat, gengu þeir í móti vel ok höfðu
5 sín alvæpni, tóket þar bardagi í borgarhliðinu. Væringjar höfðu engar hlífar, nema þat er þeir sveipuðu mötlum um vinstri hönd sér, urðu þeir sárir, en sumir féllu, en allir váru nauðuliga staddir. Haraldr, ok þat lið með honum er var í herbúðum, sótti til at veita mönnum sínum. En
10 borgarmenn váru þá komnir upp á borgarveggi. skutu ok grýttu á þá, varð þá hörð orrosta, þótti þeim, er í borgarhliðinu váru, vera seinna gengit at hjálpa sér en þeir vildu. En er Haraldr kom at borgarhliðinu, þá féll merkismaðr hans, þá mælti hann: Halldórr! tak upp merkit. Halldórr
15 svaraði ok tók upp merkistöngina, ok mælti úvitrliga: Hverr mun merki bera fyrir þér, ef þú fylgir svá blauðliga, sem nú er um hríð? Var þat meir reiðimál en sannyrði, því at Haraldr var hinn vápnðjarfasti maðr. Sóttu þeir þá í borgina, var þá bardagi harðr, ok lauk svá, at
20 Haraldr hafði sigr ok vann borgina. Halldórr varð sárr mjök, hafði sár mikit í andliti, ok var þat lýti alla æfi, meðan hann lifði.

Haraldr vann hina fjórðu borg.

10. Nú var hin fjórða borg, er Haraldr kom til með
25 her sinn, er mest var af öllum þeim, er áðr var frásagt, ok svá var hon styrk, at þeir sá enga ván vera, at þeir féngi hana brotit. Síðan sátu þeir um borgina ok gerðu umsátir, svá at engi fōng mátti til flytja borgarinnar. En er þeir höfðu litla hríð dvalzt, þá fékk Haraldr sjúkleik, svá
30 at hann lagðist í rekkju; lét hann setja sitt landtjald brott frá öðrum landtjöldum, því at honum þótti sér þat ró, at heyra eigi gný ok glaum herliðsins. Menn hans kómu tíðum með flokka til hans ok frá, ok spyrja hann ráðagerðar; þat sá borgarmenn, at nökkurar nýlundur váru

með Væringjum; gerðu þeir til njósnarmenn at forvitnast, hverju slíkt mundi gegna. En er njósnarmenn kómu aptr til borgarinnar, þá kunnu þeir segja þau tíðindi, at höfðingi Væringja væri sjúkr, ok fyrir þá sök var engi atsókn til borgarianar. En er svá hafði líðið fram um hríð, þá minkaði mátt Haralds; gerðust þá hans menn mjök hugsjúkir ok daprir; slíkt alt spurðu borgarmenn. Þar kom, at svá þrængði sótt Haraldi, at andlát hans var sagt um allan herinn. Síðan fóru Væringjar til tals við borgarmenn, ok sögðu þeim líflát höfðingja síns, báðu kennimenn veita honum gröft í borginni. En er borgarmenn spurðu þessi tíðindi, þá váru þeir margir, er þar réðu fyrir klaustrum eða öðrum stórstöðum í borginni, þá vildi hverr gjarna þat lík hafa til sinnar kirkju, því at þeir vissu, at þar mundi fylgja ofrmikit fé. Skryðdist þá allr fjöldi kennimanna, ok gékk út or borginni með skríu ok helga dóma, ok gerðu fagra processionem. En Væringjar gerðu ok mikla líkferð; var þá líkkistan borin hátt ok tjaldat yfir pellum, borin yfir merki mörg. En er slík var borit inn um borgarhliðið, þá skutu þeir niðr kistunni um þvert hliðið borgarinnar fyrir hurðirnar; blésu þá Væringjar í alla lúðra sína herblástr ok brugðu sverðunum, þusti þá allr Væringja herr or herbúðunum með alvæpni ok hljópu þá til borgarinnar með ópi ok kalli. En munkar ok aðrir kennimenn, þeir er út höfðu gengit í líkferð þessa, keptust hvárir við aðra, at fyrstir ok fremstir vildi út ganga at taka við ofrinu, þá var þeim nú hálfu meira kapp á því at vera sem first Væringjum, því at þeir drápu hvern þann, er þeim var næst, hvárt er hann var klerkr eða úvígðr. Væringjar géngu svá um alla borgina þessa, at þeir drápu mann- fólkit, en ræntu alla staði í borginni, ok tóku þar úgrynni fjár.

Frá Haraldi Sigurðarsyni.

11. Haraldr var marga vetr í hernaði þessum, er nú var frásagt, bæði í Serklandi ok Sikileyju. Síðan fór hann

aptr til Miklagarðs með her þenna, ok dvaldist þar litla
 hrið áðr hann byrjaði ferð sína út í Jórsalaheim. Þá lét
 hann eptir málagull Grikkjakonunga, ok allir Væringjar,
 þeir er til ferðar réðust með honum. Svá er sagt, at í
 5 öllum ferðum þessum hafði Haraldr áttar 18 fólkorrostur.
 Svá segir Þjóðólfr:

Þjóð veit at hefir háðar hvargrimmligar rimmur, rofízk hafa opt fyrir jöfri, 10 áttján Haraldr, sáttir.	Höss arnar rauttu hvassar, hróðigr konungr! blóði, imr gat krás hvar kómut, klær áðr hingat færir.
--	---

Jórsalaferð Haralds.

12. Haraldr fór liði sínu út til Jórsalalands, fór þá
 síðan upp til Jórsalaborgar, en hvar sem hann fór um
 Jórsalaland, váru allar borgir ok kastalar gefnir í vald
 15 hans. Svá segir Stúfr skáld, er heyrt hafði konunginn
 sjálfan frá þessum tíðindum segja:

Fór ofrhugi, hin efri, eggðjarfr und sik leggja, fold var víga valdi 20 virk, Jórsali, ok Girkjum.	Ok með ærnu ríki úbrunnin kom gunnar heimil jörð und herði. <i>Hafi ríks þars vel líkar.</i>
---	---

Hér segir frá því, at þetta land kom úbrunnit ok úherjat
 í vald Haralds. Fór hann þá út til Jórdanar ok laugaði
 sik þar, sem háttr er til annarra pálmara. Haraldr varði
 stórfé til grafar dróttins ok kross hins helga ok til annarra
 25 heilagra dóma á Jórsalalandi. Þá friðaði hann veginn alt
 út til Jórdanar, ok drap raufara ok annat hernaðarfólk.
 Svá segir Stúfr:

Stóðusk ráð ok reiði, rann þat, svikum manna 30 Egða grams á ymsum, orð, Jórdanar borðum.	En fyrir afgerð sanna illa galt frá stilli þjóð, fékk vísan váða. <i>vist um aldr með Kristi.</i>
--	--

Þá fór hann aptr til Miklagarðs.

Haraldr settir í dýflizu.

13. Þá er Haraldr var kominn til Miklagarðs af Jórsalalandi, fýsti hann at fara í Norðrlönd til óðala sinna; hafði hann þá spurt, at Magnús Ólafsson bróðurson hans var orðinn konungr í Noregi, ok svá í Danmörk, segir hann 5 þá upp þjónostu við Grikkjakonung. En er Zoe dróttning varð þessa vör, varð hon reið mjök, ok hóf upp sakagiptir við Harald, taldi þat, at hann mundi hafa misfarit með Grikkjakonungs fé, því er fengizt hefði í hernaði, þá er Haraldr hafði verit höfðingi yfir herinum. María hét ein 10 mærging ok fríð, hon var bróurdóttir Zoe dróttningar, þeirrar meyjar hafði Haraldr beðit, en dróttning synjaði. Svá hafa sagt Væringjar norðr hingat, þeir er verit hafa í Miklagarði á mála, at sú sögn væri þar höfð af fróðum mönnum, at Zoe dróttning vildi sjálf hafa Harald sér til 15 manns, ok sú sök væri reyndar mest við Harald, er hann vildi brott fara or Miklagarði, þó at annat væri uppborit fyrir alþýðu. Þá var sá Grikkjakonungr er hét Constantinus Monomakus, hann réð ríkinu með Zoe dróttningu. Af þessum sökum lét Grikkjakonungr taka höndum Harald 20 ok færa hann til dýflizu.

Haraldr komst or dýflizu.

14. En er Haraldr kom mjök svá til dýflizunnar, þá sýndist honum hinn helgi Ólafr konungr, ok sagði, at hann mundi hjálpa honum. Þar á strætinu var síðan ger ka- 25 pella ok helguð Ólafi konungi, ok hefir sú kapella þar staðit síðan. Dýfliza sú var þannug ger, at þar er turn hár ok opinn ofan, en dyrr af strætinu í at ganga; var Haraldr þar inn látinn, ok með honum Halldórr ok Úlfr. Næstu nótt eptir kom ein rík kona ofan á dýflizuna, ok 30 hafði gengit upp með stigum nökkurum, ok þjónostumenn hennar 2; þau létu síga ofan streng nökkurn í dýflizuna ok drógu þá upp. Þessarri konu hafði hinn helgi Ólafr konungr

unnit bót fyrr, ok hafði þá vitrazt henni, at hon skyldi leysa bróður hans or þrisund. Þá fór Haraldr þegar til Væringja, ok stóðu þeir upp allir í mót honum ok fögnuðu honum vel. Síðan vápnaðist allr herrinn, ok gengu þar 5 til er konungrinn svaf; þeir taka konunginn höndum ok stínga or bæði augun. Svá segir Þórarinn Skeggjason skáld í sinni drápu:

Náði gerr, en, glóðum
Grikklands jöfurr handa,

stólpengill gékk ströngu
steinblindr aðalmeini.

10 Svá segir ok Þjóðólfr skáld:

Stólpengils lét stínga,
styrjöld var þá byrjuð,
eyðir augun bæði
út heiðingja sútar.

Lagði allvaldr Egða
austr á bragning hraustan
gráligt mark, en Girkja
götu illa fór stillir.

15 Í þessum tveim drápum Haralds ok mörgum öðrum kvæðum hans er getit þess, at Haraldr blindaði sjálfan Grikkja-konung; nefna mætti til þess hertoga eða greifa eða annars-konar tignarmenn, ef þeir vissi at þat væri sannara, því at sjálf Haraldr flutti þessa sögn, ok þeir menn aðrir, er þar váru 20 með honum.

Ferð Haralds or Miklagarði.

15. Um þá sömu nótt gengu þeir Haraldr at þeim herbergjum, er María svaf í, ok taka hana í brott með valdi. Síðan gengu þeir til galeiða Væringja ok tóku tvær 25 galeiðrnar, reru síðan inn í Sjáviðarsund. En er þeir kómu þar, er járnrekendr lágu um þvert sundit, þá mælti Haraldr, at menn skyldi skipast til ára á hvárritveggju galeiðinni, en þeir menn er eigi reru, skyldu allir hlaupa aptr í galeiðina, ok hafa hverr húðfat sitt í faðmi sér; 30 rendu svá galeiðrnar upp á járnrekendr. Þegar er festi ok skriðinn tók af, þá bað hann alla menn hlaupa fram í. Þá steypti galeið þeiri, er Haraldr var á, ok stökk sú af járnun við riðinn, en önnur sprakk, er reið á járnum, ok týndist þar mart, en sumt var tekit af sundi. Með þessu

komst Haraldr út af Miklagarði, fór svá inn í Svartahaf. En áðr en hann sigldi frá landi, setti hann upp á land jungfrúna, ok fékk henni gott föruneysi aptr til Miklagarðs, bað hana segja Zoe frændkonu sinni, hversu mikit hon hafði vald á Harald, eða hvárt nokkut hafði dróttningar ríki fyrir staðit, at hann mætti fá jungfrúna. Þá sigldi Haraldr norðr í Ellipalta, fór þaðan alt um Austríki. Í þessum ferðum orti Haraldr gamanvisur, ok eru saman 16, ok er eitt niðrlag at öllum. Þessi er ein:

Sneið fyrir Sikiley víða
súð, várum þá prúðir,
brýnt skreið vel til vánar
vengis hjörtr und drengjum.

Vætti ek minar at motti
muni enn þinnig nenna,
þó lætr gerðr í Górdum
gollhrings við mér skolla.

10

Því veik hann til Ellisif dóttur Jarizleifs konungs í Hólmgarði.

15

Haraldr kom í Hólmgarð.

16. En er Haraldr kom til Hólmgarðs, sagnaði Jarizleifr konungr honum forkunnar vel, dvaldist hann þar um vetrinn; tók þá í sína varðveislu gull þat alt, er hann hafði þannug áðr sent utan af Miklagarði, ok margskonar dýrgripi, var þat svá mikit fé, at engi maðr í Norðrlöndum hafði sét slíkt í eins manns eigu. Haraldr hafði þrysvar komit í polutasvarf, meðan hann var í Miklagarði. Þat eru þar lög, at hvert sinn er Grikkjakonungr deyr, þá skulu Væringjar hafa polutasvarf; þeir skulu þá ganga um allar polutir konungs, þar sem féhirzlar hans eru, ok skal hverr þat eignast at frjálsu, er höndum kemr á.

Haraldr fékk dóttur Jarizleifs konungs.

17. Þann vetr gipti Jarizleifr konungr dóttur sína Harald, sú hét Elisabeth, þá kalla Norðmenn Ellisif. Þetta tjár Stúfr blindi:

30

Mægð gat allvaldr Égða
ógnar mildr þá er vildi,

gullu tók gumna spjalli
gnótt ok bragnings dóttur.

En st vári byrjaði hann ferð sína or Hólmgarði, ok fór
um varit til Aldeigjuborgar, fékk sér þar skip ok sigldi austan
5 um sumarit. Snéri fyrst til Svíþjóðar ok lagði til Sigtúna.
Svá segir Valgarðr af Velli:

Skauztu und farm hinn frízta,
frami veitisk þér, beiti,
farðir þú gull or Görðum,
10 grunlaust, Haraldr! austan.

Stýrðir hvatt í hörðu
hvardyggr jöfurr glyggvi,
sattu þá er sjádrif létti
Sigtún, en skip hnigðu.

Fundr þeira Haralds konungs ok Sveins Úlfssonar.

18. Haraldr fann þar Svein Úlfsson þat haust, hafði
hann flýit fyrir Magnúsi konungi við Helganes. En er
þeir funnust, fagnaði hvárr öðrum vel. Ólafr scenski Svía-
15 konungr var móðurfaðir Ellisifar konu Haralds. En Ástriðr
móðir Sveins var systir Ólafs konungs. Gerðu þeir Haraldr
ok Sveinn félagskap sinn, ok bundu þat einkamálum. Allir
Svíar váru vinir Sveins, því at hann átti þar hina stærstu
ætt í landi. Gerðust þá ok allir Svíar vinir Haralds ok
20 liðsinnismenn; var þar mart stórmenni bundit í mægðum
við hann. Svá segir Þjóðólfr:

Reist eikikjölr austan
örðigt vatn or Görðum,
Svíar tæðu þér síðan,
25 snjallr landreki! allir.

Gékk með gulli miklu,
glygg féll ótt um tiggja,
höll á hléborð sellin
Haralds skeið und vef breiðum.

Hernaðr Haralds konungs.

19. Síðan réðu þeir sér til skipa Haraldr ok Sveinn,
ok dróst þeim brátt herr mikill; ok er lið þat var búit,
þá sigla þeir austan til Danmerkr. Svá segir Valgarðr:

30 Eik slöng und þér, yngvi
ógnblíðr! í haf síðan,
rétt var yðr um ælat
óðal, frá Svíþjóðu.

Hund bar rif, þar er rendut
rétt á stag, fyrir slétta,
skeiðr en skelktu brúðir,
Skáney, Dönum nánar.

Þeir lögðu fyrst til Sjálands ok herjuðu þar ok brendu víða. Síðan héldu þeir til Fjóns, géngu þar upp ok herjuðu. Svá segir Valgarðr:

Haraldr gerva léztu herjat;
hnyggj þá andskotum, tiggi!
hvatt rann vargr at vitja
valfalls, Selund alla.
Gékk á Fjón en fékkat
fjölmennr konungr hjálmum,
brast ríkula ristin
rít, erfði lítit.

Bránn í bæ fyrir sunnan
bjartr eldr Hróðskeldu,
rönn lét ræsir nennina
reykvell ofan fella.
Lágu landsmenn gnógir,
ló hels sumum frélsi,
drósk harmvesalt hyski
hljótt í skóg á flótta.

5

10

Dvaldi daprt um skilda,
drifu þeir er eptir lifðu,
ferð, en fengin urðu
fögr sprund, Danir undan.

Láss hélt líki drósar,
leið fyrir yör til skeiða,
bitu fíkula fjótrar,
fljóð mart hörundbjarta.

15

Magnús konungr bauð út leiðangri.

20. Magnús konungr Ólafsson hélt um haustit norðr í Noreg eptir Helganess bardaga. Þá spurði hann þau tíðindi, at Haraldr Sigurðarson frændi hans var kominn til Sváþjóðar, ok þat með, at þeir Sveinn Úlfsson höfðu gert félag sitt, ok höfðu her úti mikinn ok ætluðu enn at leggja undir sik Danaveldi, en síðan Noreg. Magnús konungr býðr leiðangri út or Noregi, ok dregst honum brátt herr mikill. Hann spurði þá, at þeir Haraldr ok Sveinn væru komnir til Danmerkr, brendu þar alt ok bældu, en landsmenn géngu víða undir þá. Þat var ok sagt með, at Haraldr væri meiri en aðrir menn ok sterkari, ok svá vitr, at honum var ekki úfært, ok hann hafði ávalt sigr, er hann bardist; hann var ok svá auðigr at gulli, at engi vissi dönni til. Svá segir Þjóðólfr:

30

Nú er valmeiðum víðis,
veit drótt mikinn ótta,
skeiðr hefir hann fyrir háðri,
hætt góðs friðar vætta.

Mildr vill Magnús halda
morðs hlunnigotum norðan,
ítr en óannar skreytir
unnvigg Haraldr sunnan.

Sætta umleitan milli Magnús konungs ok Haralds.

21. Menn Magnús konungs, þeir er váru í ráðagerð með honum, tala þat, at þeim þykkir í vant efni komit, ef þeir Haraldr frændr skulu berast banaspjót eptir; bjóðast 5 margir menn til þess, at fara ok leita um sættir með þeim, ok af þeim fyrirtölum samþykkist konungr því. Váru þá menn gervir á hleypiskútu, ok fóru þeir sem skyndiligast suðr til Danmerkr; féngu þar til danska menn, þá er full- 0 komnir váru vinir Magnús konungs, at bera þetta erendi Harald. Þetta mál fór mjök af hljóði. En er Haraldr heyrði þat sagt, at Magnús konungr frændi hans mundi bjóða honum sætt ok félagskap, ok hann mundi hafa skulu hálfan Noreg við Magnús konung, en hvárr þeira við annan hálfu lausafé beggja þeira, [þá játtaði Haraldr því boði]. 5 Fóru þessi einkamál þá aptr til Magnús konungs.

Skilið samband þeira Sveins konungs ok Haralds.

22. Litlu síðar var þat, at Haraldr ok Sveinn töluðu kveld eitt við drykkju; spurði Sveinn, hverja gripi Haraldr hefði, þá er honum væri mest virkt á. Hann svaraði svá, 0 at þat var merki hans Landeyðan. Þá spurði Sveinn, hvat merkinu fylgði þess, er þat var svá mikil gersimi. Haraldr sagði, at þat var mælt, at sá mundi hafa sigr er merkit var fyrir borit, sagði, at svá hafði orðit, síðan er hann fékk þat. Sveinn svarar: Þá mun ek trúa, at sú náttúra fylgi 5 merkinu, ef þú átt 3 orrostur við Magnús konung frænda þinn, ok hefir þú sigr í öllum. Þá svaraði Haraldr stygg- luga: Veit ek frændsemi okkra Magnús konungs, þótt þú minnir mik ekki á þat, ok er eigi fyrir því svá, at vit farimst í mót með herskildi, at eigi mundi okkrir fundir 0 aðrir vera skapligri. Sveinn brá þá lit við ok mælti: Getu þess sumir, Haraldr! at þú hafir gert svá fyrr, at halda þat eina af einkamálum, er þér þykkir sem þitt mál dragi helzt fram. Haraldr svarar: Minni staði muntu á vita, at ek hafa eigi haldit einkamálin, en ek veit, at Magnús

konungr muni kalla, at þú hafir haldið við hann. Gékk þá sína leið hvárr þeira. Um kveldit er Haraldr gékk til svefns í lypting á skipi sínu, þá mælti hann við skósvein sinn: Nú mun ek eigi liggja í hvílunni í nótt, því at mér er grunr á, at eigi muni alt vera svikalaust; ek fann í 5 kveld, at Sveinn mágr minn varð reiðr mjök við barmæli mína; skaltu halda vörð á, ef hér verðr nökkut í nótt til tíðinda. Gékk þá Haraldr í annan stað at sofa, en lagði þar í rúm sitt tréstobba einn. En um nóttina var róit á báti at lyptingunni, ok gékk þar maðr upp ok spretti lypt- 10 ingartjaldinu, gékk síðan upp hjá ok hjó í rúm Haralds með mikilli öxi, svá at föst stóð í trénu. Hljóp maðr sjá þegar út í bátinn, en niðamyrrkr var á, reri hann þegar í brott, en öxin var eptir til jartegna, stóð hon föst í trénu. Síðan vakti Haraldr upp menn sína, ok lét þá vita við 15 hver svik þeir váru komnir: megum vér þat sjá, sagði hann, at vér höfum hér ekki liðs við Svein, þegar er hann slæst á svikræði við oss; mun sá vera hinn beztí kostur, at leita á brott héðan meðan kostur er; leysum vér nú skip vár ok róm leyniliga í brott. Þeir gera svá, róa 20 um nóttina norðr með landi; fara dag ok nótt, þar til er þeir finna Magnús konung, þar er hann lá með her sínum. Gékk þá Haraldr á fund Magnús konungs frænda síns, ok varð þar fagnafundur, svá sem Þjóðólfr segir:

Vatn léztu, vísi, slitna,
viðkunnr! um skör þunnri,
dýr klufu flóð þar er fórut
flaust í Danmörk austan.

Bauð hálf við sik síðan 25
sonr Ólafs þér hála,
frændr hykk at þar fyndisk
fegnir, lönd ok þegna.

Síðan töluðu þeir frændr milli sín, fór þat alt sáttgjarnliga.

Magnús konungr gaf Haraldri halft ríki. 30

23. Magnús konungr lá við land ok hafði landtjald á landi uppi; hann bauð þá Haraldri frænda sínum til borðs, ok gékk Haraldr til veizlunnar með 60 manna, var þar allfögr veizla. En er á leið daginn, gékk Magnús konungr

inn í tjaldit, þar sem Haraldr sat; menn géngu með honum ok báru byrðar, þat váru vápn ok klæði. Þá gékk konungr at hinum yzta manni ok gaf þeim sverð gott, ok öðrum skjöld, þá klæði, eða vápn, eða gull, þeim stœrra er tignari 5 váru. Síðan kom hann fyrir Harald frænda sinn ok hafði í hendi sér reyrteina tvá, ok mælti svá: Hvárn viltu hér þiggja teininn? Þá svaraði Haraldr: Þann er nærri mér er. Þá mælti Magnús konungr: Með þessum reysprota gef ek yðr hálf Noregs veldi með öllum skyldum ok skött- 10 um, ok allri eign er þar liggr til, með þeim formála, at þú skalt jafnrétt konungr í öllum stöðum í Noregi sem ek; en þá er vér erum allir saman, skal ek vera fyrir- maðr í heilsan ok þjónan ok at sæti; ef þrír eru tignir menn, skal ek í milli sitja; ek skal hafa konungs lægi ok 15 konungs bryggju; þér skulut ok styðja ok styrkja vart ríki í þann stað, at vér gerðum yðr at þeim manni í Noregi, er vér hugðum, at engi skyldi vera, meðan várr hauss væri uppi fyrir ofan mold. Þá stóð upp Haraldr ok þakkaði honum vel tign ok vegsemd. Setjast þá niðr báðir ok váru 20 allkátir. Þann dag um kveldit gékk Haraldr ok hans menn til skips síns.

Haraldr konungr gaf Magnúsi konungi gersimar.

24. Eptir um morgininn lét Magnús konungr blása til þings öllu liðinu. En er þing var sett, þá lýsti 25 Magnús konungr fyrir öllum mönnum gjöf þeiri, er hann hafði gefit Haraldi frænda sínum. Þórir af Steig gaf Haraldi konungs nafn þar á þinginu. Þann dag bauð Haraldr konungr Magnúsi konungi til borðs síns, ok gékk hann um daginn með 60 manna til landtjalds Haralds 30 konungs, þar sem hann hafði veizlu búit. Váru þar þá báðir konungarnir í samsæti, ok var þar veizla fögr ok veitt kappsamliga, váru konungarnir kátir ok glaðir. En er á leið daginn, þá lét Haraldr konungr bera í tjaldit töskur mjök margar; þar báru menn ok klæði ok vápn ok ann-

arskonar gripi, þat fé miðlaði hann, gaf ok skipti með mönnum Magnús konungs, þeim er þar váru í veizlunni. Síðan lét hann leysa töskurnar, mælti þá til Magnús konungs: Þér veittut oss fyrra dag ríki mikit, er þér höfðut unnit áðr af úvinum yðrum ok várum, en tókut oss til samlags 5 við yðr; var þat vel gert, því at þér hafit mikit til unnit. Nú er hér í annan stað, at vér höfum verit útlendis, ok höfum þó verit i nökkurum mannhættum, áðr en ek hefi saman komit þessu gulli, er þér munut nú sjá mega; vil ek þetta leggja til félags við yðr; skulum vit eiga lausafé 10 alt jöfnum höndum, svá sem vit eigum ríki hálfu hvárr okkarr í Noregi. Ek veit, at skaplyndi okkat er úlíkt, ertu maðr miklu örvari en ek, munu vit skipta fé þessu með okkr at jafnaði, ferr þá hvárr með sinn hlut sem vill. Síðan lét Haraldr breiða niðr nautshúð mikla, ok steypa 15 þar á gullinu or töskunum; síðan váru skálir teknar ok met, reitt í sundr féit, skipt öllu með vágum, ok þótti öllum er sá mikil furða, er í Norðrlöndum skyldi vera svá mikit gull samankomit í einn stað. Þetta var þó reyndar Grikkjakonungs eiga ok auðr, sem allir menn 20 segja, at þar sé rautt gull húsum fullum. Konungarnir váru þá allkátir. Þá kom upp staup eitt, þat var svá mikit sem mannshöfuð; tók Haraldr konungr upp staupit ok mælti: Hvar er nú þat gull. Magnús frændi! er þú reiðir í móti þessum knapphöfða? Þá svaraði Magnús 25 konungr: Svá hefir gefizt úfriðr ok stórir leiðangrar, at nálíga alt gull ok silfr er upp gengit, þat er í minni varðveizlu er. Nú er eigi meira gull en hringr þessi í minni eign. Tók hringinn ok seldi Haraldí. Hann leit á ok mælti: Þat er lítit gull, frændi! þeim konungi er tveggja 30 konunga ríki á, en þó munu sumir ífa um, hvárt þú átt þenna hring með réttu. Þá svaraði Magnús konungr áhyggjusamliga: Ef ek á eigi þenna hring með réttu, þá veit ek eigi, hvat ek hefi rétt fengit; því at Ólafr konungr hinn helgi faðir minn gaf mér þenna hring at hinum efsta skilnaði. Þá 35

svaraði Haraldr konungr hlæjandi: Satt segir þú, Magnús konungr! faðir þinn gaf þér hringinn, en þann hring tók hann af föður mínum fyrir ekki mikla sök; er þat ok satt, at þá var ekki gott smákonungum í Noregi, er faðir þinn var
 5 sem ríkastr. Haraldr konungr gaf Steigarþóri at veizlunni mósurbolla, hann var gyrðr með silfri, ok silfrhadda yfir, ok gylt hvártveggja, ok fullr upp af skírum silfrpenningum; þar fylgðu ok tveir gullhringar, ok stóðu mörk báðir saman; hann gaf honum ok skikkju sína, þat var brúnn purp-
 10 uri, hvít skinn með, ok hét honum miklum metnaði ok vináttu sinni. Þorgils Snorrason sagði svá, at hann sá altarisklæðit, þat er gert var or mötlinum, en Guðríðr dóttir Guthorms Steigarþórissonar kvað Guthorm föður sinn eiga bollann, svá at hon sá. Svá segir Bölverkr:

15	Heimil varð er ek heyrða, hoddstríðir! þér síðan grœn, en gull bautt hánum, grund, er Magnús fundut.	Endisk ykkar frænda allfriðliga á miðli sátt, en síðan vætti Sveinn rómöldu einnar.
----	---	--

Frá Magnúsi konungi ok Haraldri konungi.

20 25. Magnús konungr ok Haraldr konungr réðu báðir Noregi hinn næsta vetr eptir sætt þeira, ok hafði sína hirð hvárr þeira. Þeir fóru um vetrinn um Upplönd at veizlum, ok váru stundum báðir samt, en stundum sér hvárr þeira. Þeir fóru alt norðr til Þrándheims ok til Niðaróss. Magnús
 25 konungr hafði varðveitt helgan dóm Ólafs konungs, síðan er hann kom í land, klipti hár hans ok negl á hverjum 12 mánuðum, ok hafði sjálfr lykil, þann er skrínit mátti upp-
 lúka með. Urðu þá margskonar jartegnir at helgum dómi Ólafs konungs. Brátt gerðust greinir í um samþykki kon-
 30 unganna, ok váru margir svá illgjarnir, at þeira géngu svá illa í milli.

Sveinn konungr fór til Danmerkr.

26. Sveinn Úlfsson lá eptir í svefni, þá er Haraldr hafði brott farit. Síðan leiddi Sveinn atspurningum um

farar Haralds. En er hann spurði, at Haraldr ok Magnús höfðu sæzt, ok þeir höfðu þá einn her báðir, þá hélt hann liði sínu austr fyrir Skáneyjar síðu, ok dvaldist þar til þess, er hann spurði um vetrinn, at Magnús konungr ok Haraldr konungr höfðu norðr haldit liði sínu til Noregs. 5 Síðán hélt Sveinn sínu liði suðr til Danmerkr, ok tók hann þar allar konungstekjur þann vetr.

Haraldr konungr þreytti um konungs lægi.

27. En er vára tók, buðu þeir út leiðangri or Noregi Magnús konungr ok Haraldr konungr. Þat bar at eitt 10 sinn, at Magnús konungr ok Haraldr konungr lágu um nótt í einni höfn, en um daginn eptir var Haraldr konungr fyrri búinn, ok sigldi hann þegar, en at kveldi lagði hann til hafnar þar, sem þeir Magnús konungr höfðu ætlat at vera þá nótt. Haraldr lagði sínu skipi í konungs lægi ok tjaldaði 15 þar. Magnús konungr sigldi síðar um daginn, ok kómu þeir svá til hafnar, at þeir Haraldr höfðu tjaldat áðr. Sjá þeir, at Haraldr hafði lagit í konungs lægi, ok hann ætlaði þar at liggja. En er þeir Magnús konungr höfðu hlaðit seglum sínum, þá mælti Magnús konungr: Greiði menn nú 20 róðrinn, ok setist með endilöngum borðum, sumir brjóti upp vápn sín ok vápnist; en með því at þeir vili eigi brott leggja, þá skulum vér berjast. En er Haraldr konungr sér, at Magnús konungr ætlaði at leggja til orrostu við þá, mælti hann við sína menn: Höggvit þér festarnar, ok 25 látit slá skipunum or lægi, reiðr er Magnús frændi. Svá gerðu þeir, at þeir lögðu skipin or læginu. Magnús konungr leggr sínum skipum í lægit. Þá er hvárrtveggi hafði umbúizt, gékk Haraldr konungr með nökkura menn á skip Magnús konungs. Konungr fagnaði honum vel, bað hann 30 vel kominn. Þá svaraði Haraldr konungr: Þat hugða ek, at vér værim með vinum komnir, en nökkut grunaði mik um hrið, hvárt þér mundut svá vilja vera láta; en þat er satt, er mælt er, at bráðgeð er bernska; vil ek virða eigi

á aðra lund, en þetta væri æskubragð. Þá sagði Magnús konungr: Þat var ættarbragð en eigi æsku, þótt ek mættu muna, hvat ek gaf eða hvat ek varnaða; ef þessi litli hlutr væri nú tekinn fyrir vart ráð, þá mundi brátt vera annarr; 5 en alla sætt viljum vér halda, þá er ger er, en þat sama viljum vér af yðr hafa, sem vér eigum skilt. Þá svarar Haraldr konungr: Þat er ok forn siðr, at hinn vitrari vægi. Gékk þá aptr á skip sitt. Í þvílíkum viðskiptum konunganna fannst þat, at vant var at gæta til; töldu menn Magnús 10 konungs, at hann hefði rétt at mæla, en þeir er úvitrir váru, töldu þat, at Haraldr væri nokkut svívirðr. En Haralds konungs menn sögðu þat, at eigi væri á aðra lund skilt, en Magnús konungr skyldi lægi hafa, ef þeir kæmi jafnsnimma, en Haraldr væri eigi skyldr at leggja or læginu, 15 ef hann lægi fyrir, töldu hafa Harald gert vitrliga ok vel. En þeir er verr vildu um ræða, töldu at Magnús konungr vildi rjúfa sætt, ok töldu at hann hefði gert rangt ok úsæmd Harald konungi. Við slíkar greinir gerðist brátt umræða úvittra manna til þess, at konungum varð sundrþykki at; 20 mart fannst þá til þess, er konungunum þótti sinn veg hvárum, þótt hér sé fátt ritat.

Andlát Magnús konungs góða.

28. Magnús konungr ok Haraldr konungr héldu her þeim suðr til Danmerkr. En er Sveinn spurði þat, þá 25 flýði hann undan austr á Skáni. Þeir Magnús konungr ok Haraldr konungr dvöldust lengi um sumarit í Danmörk, lögðu þá land alt undir sik. Þeir váru á Jótlandi um haustit. Þat var eina nótt, þá er Magnús konungr lá í hvílu sinni, at hann dreymdi, ok þóttist staddr þar sem var 30 faðir hans, hinn helgi Ólafr konungr, ok þótti hann mæla við sik: Hvárn kost viltu nú, sonr minn! at fara með mér, eða verða allra konunga ríkastr ok lifa lengi ok gera þann glæp, at þú fáir annathvart boett trautt eða eigi? En hann þóttist svara: Ek vil at þú kjósir fyrir mína hönd. Þá þótti

honum konungrinn svara: Þá skaltu með mér fara. Magnús konungr sagði draum þenna mönnum sínum. En litlu ar fékk hann sótt, ok lá þar sem heitir Suðarþorp. En er hann var nær kominn bana, þá sendi hann Þóri bróður sinn til Sveins Úlfssonar, at hann skyldi veita hjálp Þóri, þá sem hann þyrfti; þat fylgði orðsendingunni, at Magnús konungr gaf Sveini Danaveldi eptir sinn dag, sagði at þat var makligt, at Haraldr réði fyrir Noregi, en Sveinn fyrir Danmörk. Síðan andaðist Magnús konungr góði, ok var hann allmjök harmdauði allri alþýðu. Svá segir Oddr Kikinaskáld:

Feldu menn, þá er mildan,
mörg tár, í gröf báru,
þung byrðr var sú, þengil,
þeim er hann gaf seima.

Deildisk hugr svá at héldu
húskarlar grams varla,
siklings þjóð en síðan
sat opt hnípin, vatni.

15

Líkferð Magnús konungs til Noregs.

29. Eptir þessi tíðindi hafði Haraldr konungr þing við liðit, sagði mönnum ætlan sína, at hann vill fara með herinum til Vebjargapings, ok láta sik taka til konungs yfir Danaveldi, vinna síðan landit, telr þat jafnvel sína erld sem Noregsveldi eptir Magnús konung frænda sinn; biðr þá liðit efla sik, lætr þá munu Norðmenn vera allan aldr yfirmenn Dana. Þá svarar Einarr þambarskelfir, lét sér vera skyldra at flytja lík Magnús konungs fóstura síns til graptar, ok fœra hann feðr sínum Ólafi konungi, en berjast útlendis eða girnast annars konungs veldi ok eign; lýkr svá málinu, at betra þótti honum at fylgja Magnúsi konungi dauðum en hverjum annarra konunga lifanda; lét síðan taka líkit ok búa um vegliga, svá at sjá mátti umbúnaðinn á konungsskipit. Þá bjoggust allir Þrændir ok Norðmenn til heimfarar með líki Magnús konungs, raufst þá leiðangrinn. Sér þá Haraldr konungr þann kost hinn bezta, at fara aptr til Noregs ok eignast fyrst þat veldi, ok eflast þaðan at liði. Fór nú Haraldr konungr aptr með öllu liðinu í Noreg.

En þegar er hann kom í Noreg, þá átti hann þing við landsmenn, ok lét taka sik til konungs um alt land; fór hann svá alt austan um Víkina, at hann var til konungs tekinn í hverju fylki í Noregi. Einarr þambarskelfir fór
 5 með líki Magnús konungs, ok með honum allr Þrændaherr, ok fluttu til Niðaróss, ok var hann jarðaðr at Klemens-kirkju, þar var þá skrin hins helga Ólafs konungs. Magnús konungr hafði verit meðalmaðr á vöxt, réttleitr ok ljósleitr, ok ljóss á hár, snjallmæltr ok skjótráðr, skörunglyndr, hinn
 10 mildasti af fé, hermaðr mikill ok hinn vápnðjarfasti, allra konunga var hann vinsælstr, bæði lofuðu hann vinir ok úvinir.

Frá Sveini konungi Úlfssyni.

30. Sveinn Úlfsson var þat haust staddr á Skáni, ok
 15 byrjaði ferð sína austr í Sviaveldi, ok ætlaði at gefa upp tignarnafn þat, er hann hafði tekit í Danmörk. En er hann var kominn til hests síns, þá riðu þar til hans menn nokkurir ok sögðu honum tíðindin, þau hin fyrstu, at andaðr er Magnús konungr Ólafsson, ok þat með, at allr Norð-
 20 manna herr var í brott farinn or Danmörk. Sveinn svarar því skjótt ok mælti: Því skýt ek til guðs, at aldri síðan skal ek flýja Danaveldi, meðan ek lifi. Stígr hann þá á hest sinn ok riðr þá suðr á Skáni; dreif þá þegar mikit lið til hans. Þann vetr lagði hann undir sik alt Danaveldi,
 25 tóku þá allir Danir hann til konungs. Þórir bróðir Magnús konungs kom til Sveins um haustit með orðsendingum Magnús konungs, svá sem fyrr var ritat; tók Sveinn vel við honum, ok var Þórir lengi með honum síðan í góðu yfirlæti.

30

Einvald Haralds konungs.

31. Haraldr konungr Sigurðarson tók konungdóm yfir öllum Noregi eptir andlát Magnús konungs Ólafssonar. En er hann hafði ráðit Noregi einn vetr, ok er at vári kom,

þá bauð hann leiðangri út af öllu landi, hálfum almenningi at liði ok skipum, ok hélt suðr til Jótlands; hann herjaði um sumarit víða ok brendi, ok lagði inn í Goðnarfjörð. Þá orti Haraldr konungr þetta:

Látum vér meðan lirlar	gerðr! í Goðnarfirði,	5
líneik veri sínum,	galdrs, akkeri halda.	

Þá mælti hann til Þjóðólfs skálds, bað hann þar við yrkja; hann kvað:

Sumar annat skal sunnar,	vér aukum kaf króki,	10
segi ek eina spá, fleini,	kaldnefr furu halda.	

Til þessa vísar Bolverkr í sinni drápu, at Haraldr fór hit næsta sumar eptir andlát Magnús konungs til Danmerkr:

Leiðangr bjóttu af láði,	Skokkr lá dýrr á dökkri,	15
lögr gékk um skip fögru,	Danir váru þá, báru,	
gjálfrstóðum reistu grœði	skeiðr sá herr fyrir hauðri	
glæstum, ár it næsta.	hlaðnar, illa staðnir.	

Frá dætrum Þorkels geysu.

32. Þá brendu þeir bœ Þorkels geysu, hann var höfðingi mikill, váru þá leiddar dætr hans bundnar til skipa. Þær höfðu gert spott mikit áðr um vetrinn um þat, at Haraldr konungr mundi fara til Danmerkr með herskipum. Þær skáru or osti akkeri, ok sögðu, at slík mundu vel halda skipum Noregs konungs. Þá var þetta kveðit:

Skáru jast or osti	Nú sér mörg, í morgun,	25
eybaugs Dana meyjar,	mær, hlær at því færi,	
þat angraði þengil	œrnan krók or járn	
þing, akkeris hringa.	allvalds skipum halda.	

Svá segja menn, at njósnarmaðr mælti, sá er sét hafði flota Haralds konungs, við dætr Þorkels geysu: Þat sögðu þér, Geysudætr! at Haraldr konungr mundi eigi koma til Danmerkr. Dóttu svaraði: Svá var í gjárna. Þorkell leysti út dætr sínar með úgrynna fjár. Svá segir Grani:

Lét aldregi úti
úsvífr Kraka drífu
hlökk í harða þjokkum
Hornskógi brá þorna.

Fila dróttinn rak flóttu
fjanda grams til strandar,
að varð út at reiða
allskjótt faðir Dóttu.

5 Haraldr konungr herjaði alt þetta sumar í Danaveldi ok fékk úgrynni fjár, en ekki varð hann ílendr á því sumri í Danmörk. Fór hann aptr um haustit til Noregs, ok var þar um vetrinn.

Frá börnum Haralds konungs.

10 33. Haraldr konungr fékk Þóru Þorbergsdóttur Árnasonar hinn næsta vetr eptir, er Magnús konungr hinn góði andaðist. Þau áttu tvá sonu, hét hinn ellri Magnús, en annarr Ólafr. Haraldr konungr ok Ellisif dróttning áttu dótr tvær, hét önnur María, en önnur Ingigerðr. En hit næsta vár eptir
15 þessa herför, er nú var áðr frásagt, bauð Haraldr konungr liði út, ok fór um sumarit til Danmerkr ok herjaði, ok síðan hvert sumar eptir annat. Svá segir Stúfr skáld:

Autt varð Falstr at fréttum, goeddr var hrafn, en hræddir
fékk drótt mikinn ótta, hvert ár Danir váru.

20 *Brendr Heiðabær.*

34. Sveinn konungr réð fyrir öllu Danaveldi, síðan er Magnús konungr andaðist; hann sat um kyrt á vetrum, en lá úti með almenning á sumrum, ok heitaðist at fara norðr í Noreg með Danaher, ok gera þar eigi minna ilt, en
25 Haraldr konungr gerði í Danaveldi. Sveinn konungr bauð Haraldi konungi um vetrinn, at þeir skyldi finnast um sumarit eptir í Elfinni, ok berjast þar til þrautar eða sættast ella. Þá tóku hváirtveggju allan vetrinn at búa skip sín, ok hafa úti hálfan almenning báðir eptir um
30 sumarit. Þat sumar kom utan af Íslandi Þorleikr fagri, ok tók at yrkja flokk um Svein konung Úlfsson; hann spurði, þá er hann kom norðr í Noreg, at Haraldr konungr var farinn suðr til Elfar móti Sveini konungi. Þá kvað Þorleikr þetta:

Ván er at vísa kœnan
vígs á rakna stígum
ört í odda snertu
Innþrœnda lið finni.

Þar má enn hvárt annan
öndu nemr eða löndum,
lítt hyggr Sveinn á sáttir
sjaldfestar, guð valda.

Ok enn kvað hann þetta:

Fœrir reiðr, sá er rauða
rönd hefir opt fyrir landi,
breið á Buðla slóðir
borðrökn Haraldr norðan.

En lauks um sjá sökja
Sveins fagrdrifin steini
glæsidýr, þess er geira,
gullmunnuð, rýðr, sunnan.

Haraldr konungr kom til ákveðinnar stefnu með her sinn; 10
þá spurði hann, at Sveinn konungr lá suðr við Sjáland með
flota sínum. Þá skipti Haraldr konungr liði sínu, lét aptr
fara flestan bóndaherinn, hann fór með hirð sinni ok lendum
mönnum ok vildarliðinu, ok þat alt af bóndaliðinu, er næst
var Dönum. Þeir fóru suðr til Jótlands fyrir sunnan 15
Vendilskaga, svá suðr um Þjóðu, fóru þar alt herskildi.
Svá segir Stúfr skáld:

Flyðu þeir á Þjóðu
þengils fund af stundu,

stórt réð hugprútt hjarta.
Haralds önd ofar löndum.

Alt fóru þeir suðr til Heiðabœjar, tóku kaupstaðinn ok 20
brendu. Þá ortu menn Haralds konungs þetta:

Brendr var upp með endum
allr, en þat má kalla
hraustligt bragð er ek hugða,
Heiðabær af reiði.

Ván er at vinnim Sveini,
vask í nótt fyrir óttu,
gaus hár logi or húsum,
harm, á borgar armi.

Þessa getr Þorleikr ok í sínum flokki, þá er hann hafði
spurt, at eigi hafði tekizt orrosta við Elfi:

Hve hefir til Heiðabœjar
heiptgjarn konungr arnat,
fólkrögnir getr fregna
fylkis sveit, hinn er veitat;

þá er til þengils bœjar
þarflaust Haraldr austan
ár, þat án um væri,
endr byrskíðum rendi.

Undanferð Haralds konungs á Jótlands hafi.

35. Þá fór Haraldr konungr norðr ok hafði 60 skipa,
ok váru flest stór ok hlaðin mjök af herfangi, er þeir höfðu

tekit um sumarit. En er þeir kómu norðr fyrir Þjóðu, þá kom Sveinn konungr ofan af landi með her mikinn, hann bauð þá Haraldi konungi at berjast ok ganga á land. Haraldr konungr hafði lið meir en hálfu minna, hann bauð þá Sveini konungi at berjast á skipum við sik. Svá segir Þorleikr fagri:

Bauð, sá er beztrar tíðar	Þó lézt heldr, ef héldi
borinn varð und miðgarði,	hvatráðr konungr láði,
ríkri þjóð at rjóða	á byrjar val berjask
randir Sveinn á landi.	bilstyggr Haraldr vilja.

Eptir þetta sigldi Haraldr konungr norðr fyrir Vendilskaga, bægði þeim þá veðr, ok lögðu undir Hlésey, ok lágu þar um nótt. Þá gerði mjorkva sælægjan. En er mornaði ok sól rann upp, þá sá þeir annan veg á hafit, sem eldar nokkurir brynni. Þá var þat sagt Haraldi konungi, þá sá hann ok mælti þegar: Láti tjöld af skipunum, ok taki menn róðr; Danaherr mun kominn at oss, mun broðit myrkvanum þar sem þeir eru, mun sól skína á drekahöfuð þeira, þau er gullögð eru. Svá var sem hann sagði, var þar þá kominn Sveinn Danakonungr með úvígjan her. Reru þá hvarirtveggju sem mest máttu. Danir höfðu skip árfjótari, en Norðmanna skip váru bæði sollin ok sett mjök; dró þá saman mjök með þeim. Þá sá Haraldr konungr, at eigi mundi hlýða svá búit. Dreki Haralds konungs fór síðast allra skipa hans. Þá mælti Haraldr konungr, at kasta skyldi fyrir borð viðum, ok láta á koma klæði ok gripi góða. Logn var svá mikit, at þetta hóf fyrir strauði. En er Danir sá fé sitt reka á hafinu, þá viku þeir þar til, er fyrstir fóru; þótti þetta dælla at taka, er laust flaut, en sökja inn um borð at Norðmönnum; dvaldist þá eptirróðrinn. En er Sveinn konungr kom eptir þeim með sín skip, eggjaði hann ok kvað skömm mikla vera, svá mikinn her sem þeir höfðu, ef þeir skyldu eigi fá tekit þá, er þeir höfðu lið lítit, ok eiga vald þeira. Þá tóku Danir ok herðu róðrinn í annat sinn. En er Haraldr konungr sá, at

meira géngu skipin Dana, þá bað hann sína menn létta skipin ok bera fyrir borð malt ok hveiti ok flesk, ok höggva niðr drykk sinn; stóð þá við um hríð. Þá lét Haraldr konungr taka víggýrðla ok verpla, ok tunnar, er tómar váru, ok kasta fyrir borð, ok þar með herteknum mönnum. 5 En er þat rak alt saman á sjánum, þá bað Sveinn konungr hjálpa mönnum, ok var svá gert. Í þeirri dvöl dró sundr með þeim. Sneru þá Danir aptr, en Norðmenn fóru leið sína. Svá segir Þorleikr fagri:

Alt um frá ek hve elti	Fengr varð Þrœnda þengils,	10
Austmenn á veg flausta	þeir létu skip fleiri,	
Sveinn, en siklingr annarr	allr á éli sollnu	
snarlundaðr hélt undan.	Jótlands hafi fljóta.	

Sveinn konungr veik aptr flotanum undir Hlésey, hitti þar 7 skip af Norðmönnum, þat var leiðangrslíð ok bæendr 15 einir. En er Sveinn konungr kom at þeim, þá báðu þeir sér griða ok buðu fé fyrir sik. Svá segir Þorleikr fagri:

Sætt buðu seggja dróttni	Ok snarráðir síðan	
siklings vinir mikla,	sókn er orðum tókusk,	
svæfðu hjaldr þeir er höfðu,	önd var ýta kindum	20
hugstinnir, lið minna.	úförl, búendr dvöldu.	

Frá Haraldi konungi Sigurðarsyni.

36. Haraldr konungr var maðr ríkr ok stjórnsamr innanlands, spekingr mikill at viti, svá at þat er alþýðu mál, at engi höfðingi hafi sá verit á Norðrlöndum, er jafn- 25 djúpvitr hafi verit sem Haraldr eða ráðsnjallr. Hann var orrostumaðr mikill ok hinn vápnðjarfasti, hann var sterkr ok vápnfœrr betr en hverr maðr annarra, svá sem fyrr er ritat. En þó er miklu fleira úritat hans frægðarverka; kemr til þess úfrœði vár, ok þat annat, at vér viljum eigi setja 30 á bœkr vitnisláusar sögur, þótt vér hafim heyrt rœður eða getit fleiri hluta; þá þykkir oss héðan í frá betra, at við sé aukit, en þetta sama þurfi or at taka. Er saga mikil frá Haraldi konungi sett í kvæði, þau er íslenzkir menn

færdu honum sjálfum eða sonum hans, var hann fyrir þá
 sök vinr þeira mikill. Hann var ok hinn mesti vin hingat
 til allra landsmanna; ok þá er var mikit hallæri á Íslandi,
 þá leyfði Haraldr konungr fjórum skipum mjölleyfi til Ís-
 5 lands, ok kvað á, at ekki skippund skyldi vera dýrra en
 fyrir hundrað vaðmála; hann leyfði utanferð öllum fátækjum
 mönnum, þeim er sér féngi vistir um haf, ok þaðan af
 nærðist land þetta til árferðar ok batnaðar. Haraldr konungr
 sendi út hingat klukku til kirkju þeirar, er hinn helgi Ólafr
 10 konungr sendi við til, er sett var á alþingi. Þvílík minni
 hafa menn hingat Haralds konungs, ok mörg önnur í stór-
 gjöfum, er hann veitti þeim mönnum er hann sóttu heim.

Frá Halldóri Snorrasyni.

37. Halldórr Snorrason ok Úlfr Úspaksson, þeir er
 15 fyrr var getit, kómu í Noreg með Haraldri konungi. Þeim
 var úlíkt farit at mörgu. Halldórr var manna mestr ok
 sterkastr ok hinn fríðasti. Þat vitni bar Haraldr konungr
 honum, at hann hafi verit þeira manna með honum,
 er sízt brygði við váveifliga hluti, hvárt er þat var
 20 mannháski eða fagnaðartíðindi, eða hvat sem at hendi kom
 í háska, þá var hann eigi glaðari ok eigi úglaðari; eigi svafr
 hann meira né minna, eða drakk eða neytti matar, en svá
 sem vandi hans var til. Halldórr var maðr fámæltr ok
 stirðorðr, bermæltr ok stríðlundaðr ok úmjúkr, en þat kom
 25 illa þá við konung, er hann hafði gnóga aðra með sér
 göfuga menn ok þjónostufulla. Dvaldist Halldórr litla hrið
 með konungi, fór hann til Íslands, gerði þar bú í Hjarðar-
 holti, bjó þar til elli ok varð gamall.

Frá Úlfi Úspakssyni.

38. Úlfr Úspaksson var með Haraldri konungi í miklum
 30 kærleikum, hann var hinn vitrasti maðr, snjallr í máli,
 skörungr mikill, tryggur ok einfaldr. Haraldr konungr gerði
 Úlfr stallara sinn, ok gipti honum Jórunni Þorbergsdóttur,
 systur Þóru, er Haraldr konungr átti. Börn Úlfs ok Jór-

unnar váru þau Jóan sterki á Rásvelli ok Brigiða móðir Sandaúlfs, föður Pétrs byrðarsveins, föður þeira Úlfs flýs [ok Sigríðar]. Son Jóans sterka var Erlendr himaldi, faðir Eysteins erkibyskups ok bræðra hans. Haraldr konungr gaf Úlfi stallara lends manns rétt ok 12 marka veizlur, ok umfram hált fylki í Þrándheimi. Svá segir Steinn Herdisarson í Úlfs flokki.

Frá Magnúsi konungi.

39. Magnús konungr Ólafsson lét gera Ólafskirkju í kaupangi; í þeim stað hafði náttsett verit lík Ólafs konungs, þat var þá fyrir ofan bæinn. Hann lét þar ok reisa konungsgarðinn. Kirkjan varð eigi alger áðr konungrinn andaðist. Lét Haraldr konungr fylla þat er á skorti. Hann lét ok efna þar í garðinum at gera sér steinhöll, ok varð hon eigi fullger áðr hann lézt. Haraldr konungr lét reisa af grundvelli Mariúkirkju uppi á melinum, nær því er heilagr dómr konungsins lá í jörðu hinn fyrsta vetr eptir fall hans; þat var mikit musteri, ok gert sterkliga at líminu, svá at varla fékk brotit, þá er Eysteinn erkibyskup lét ofan taka. Heilagr dómr Ólafs konungs var varðveittr í Ólafskirkju, meðan Mariúkirkja var í gerð. Haraldr konungr lét hús konungsgarð ofan frá Mariúkirkju við ána, þar sem nú er; en þar sem hann hafði höllina látit gera, lét hann vígja hús til Gregoriuskirkju.

Upphaf Hákonar hvíta Ívarssonar.

25

40. Ívarr hvíti er maðr nefndr, er var lendr maðr göfugr, hann átti bú á Upplöndum, hann var dótturson Hákonar jarls hins ríka. Ívarr var allra manna fríðastr sýnum. Sonr Ívars hét Hákon, frá honum er svá sagt, at hann var umfram alla menn, þá er váru þann tíma í Noregi, at fræknleik ok at afli ok atgervi; hann var þegar á unga aldri í herförum, ok aflaði sér þar mikillar fremdar, ok gerðist Hákon hinn ágætasti maðr.

Frá Einari þambarskelfi.

41. Einarr þambarskelfir var ríkastr lendra manna í Þrándheimi. Heldr var fátt um með þeim Haraldi konungi; hafði Einarr þó veizlur sínar, þær er hann hafði haft, meðan
 5 Magnús konungr lifði. Einarr var mjök stóranúðigt, hann átti Bergljótu dóttur Hákonar jarls, sem fyrr var ritat. Eindriði var þá alroskinn son þeira, hann átti þá Sigríði dóttur Ketils kálfs ok Gunnhildar, systurdóttur Haralds konungs. Eindriði hafði fríðleik ok segrð af móðurfrændum
 10 sínum, Hákon jarli eða sonum hans, en vöxt ok aft hafði hann af feðr sínum Einari ok alla þá atgervi, er Einarr hafði umfram aðra menn; hann var ok hinn vinsælsti maðr.

Frá Ormi jarli.

42. Ormr var þá jarl á Upplöndum; móðir hans
 15 var Ragnhildr dóttir Hákonar jarls hins ríka. Ormr var hinn mesti ágætismaðr. Þá var á Jaðri austr á Sóla Áslákr Erlingsson, hann átti Sigríði dóttur Sveins jarls Hákonarsonar. Gunnhildi aðra dóttur Sveins jarls átti Sveinn Úlfsson Danakonungr. Slíkt var afkvæmi Hákonar jarls þá
 20 í Noregi, ok mart annat gófugra manna, ok var ætt sú öll miklu fríðari en annat mannfólk, ok flest atgervimenn miklir, en alt gófugmenni.

Harðýðgi Haralds konungs.

43. Haraldr konungr var ríklundaðr, ok óx þat, sem
 25 hann festist í landinu, ok kóm svá, at flestum mönnum dugði illa at mæla í móti honum, eða draga fram annat mál en hann vildi vera láta. Svá segir Þjóðólfr skáld:

30 Gegn skyli herr, sem hugnar, hjaldrvitjaðar, sitja, dólgstœranda dýrum, dróttinvandr, ok standa.	Lýtr fólkstara feiti, fátt er til nema játta þat sem þá vill gotnum, þjóð öll, konungr bjóða.
--	--

Missætti Haralds konungs ok Einars þambarskelfis.

44. Einarr þambarskelfir var mest forstjóri fyrir bóndum alt um Þrándheim, hélt hann upp svörum fyrir þá á þingum, er konungs menn sóttu. Einarr kunni vel til laga; skorti hann eigi dirfð til at flytja þat fram á þingum, þó at sjálfr konungr væri við; veittu honum lið allir bæendr. Konungr reiddist því mjök, ok kom svá at lyktum, at þeir þreyttu kappmæli með sér. Sagði Einarr, at bæendr vildi eigi þola honum úlög, ef hann bryti landsrétt á þeim; ok fór svá nökkurum sinnum milli þeira. Þá tók Einarr at hafa fjölmenni um sik heima, en þó miklu fleira, er hann fór til bæjar, svá at konungr var þar fyrir. Þat var eitt sinn, at Einarr fór inn til bæjar, ok hafði lið mikit, langskip 8 eða 9, ok nær 500 manna. En er hann kom til bæjar, gékk hann upp með lið þat. Haraldr konungr var í garði sínum, ok stóð út í löptsvöfum ok sá, er lið Einars gékk af skipum; ok segja menn, at Haraldr kvað þá:

Hér sé ek upp enn örva	Fullaflí bíðr fyllar,
Einar þann er kann skeina	finn ek opt at drífr minna,
þjálfma þambarskelfi	hílmis stóls, á hæla
þangs fjölmennan ganga.	húskarla lið jarli.

Rjóðandi mun ráða	oss nema Einarr kyssi
randabliks or landi	öxar munn hinn þanna.

Einarr dvaldist í böenum nökkura daga.

Fall Einars ok Eindriða.

45. Einn dag var átt mót, ok var konungr sjálfr á mótinu. Hafði verit tekið í böenum þjófr einn, ok var haför á mótinu. Móðrinn hafði verit fyrr með Einari, ok hafði honum vel gætizt at mannum. Var Einari sagt; þá þóttist hann vita, at konungr mundi eigi manninn láta undan ganga fyrir því at heldr, þótt Einari þótti þat máli skipta. Lét þá Einarr vápnast lið sitt, ok ganga síðan á mótit; tekr Einarr manninn af mótinu með

valdi. Eptir þetta géngu at beggja vinir ok báru sáttmál milli þeira; kom þá svá, at stefnulagi var á komit, ok skyldu þeir hittast sjálfir. Málstofa var í konungsgarði við ána Nið; gekk konungr í stofuna við íá menn, en annat lið hans stóð úti í garðinum. Konungr lét snúa fjöl yfir ljórana, ok var lítit opit á. Þá kom Einarr í garðinn við sitt lið; hann mælti við Eindriða son sinn: Ver þú með liðinu úti, við engu mun mér þá hætt. Eindriði stóð úti við stofudyrrin. En er Einarr kom inn í stofuna, mælti hann: Myrkt er í málstofu konungsins. Jafnskjótt hljópu menn at honum, ok lögðu sumir, en sumir hjoggu. En er Eindriði heyrði þat, brá hann sverðinu ok hljóp inn í stofuna; var hann þegar feldr, ok báðir þeir. Þá hljópu konungsmenn at stofunni ok fyrir dyrrin, en bóndum féllust hendr, því at þeir höfðu þá engan forgöngumann; eggjaði hvert annan, sögðu at skömm var, er þeir skyldu eigi hefna höfðingja sína, en þó varð ekki af atgöngunni. Konungr gekk út til liðs síns, ok skaut á fylking ok setti upp merki sitt, en engi varð atganga búandanna. Þá gekk konungr út á skip sitt, ok ált lið hans, rerir síðan út eptir ánni, ok svá út á fjörð leið sína. Bergljót kona Einars spurði fall hans, var hon þá í herbergi því, er þau Einarr höfðu áðr haft út í bænum; gekk hon þegar upp í konungsgarð, þar sem bóndaliðið var, hon eggjaði þá mjök til orrostu; en í því hili rerir konungr út eptir ánni. Þá mælti Bergljót, Miasum vér nú Hákonar Ívarssonar frænda míns; eigi munda þanmenn Eindriða róa hér út eptir ánni, ef Hákon stœði hér á árþakkanum. Síðan lét Bergljót búa um lík þeira Einars ok Eindriða; váru þeir jarðaðir at Ólafskirkju hjá leiði Magnús konungs Ólafssonar. Eptir fall Einars var Haraldr konungr svá mjök úþokkaðr af verki þessu, at þat eina skorti á, er lendir menn ok bóendr veittu eigi atferð ok héldu bardaga við hann, at engi varð forgöngumaðr til at reisa merki fyrir búanda-
herinum.

Frá Haraldí konungi ok Finni Árnasyni.

46. Finnir Árnason bjó þá á Yrjum á Austrátt; hann var þá lendr maðr Haralds konungs. Finnir átti Bergljótu dóttur Hálfðanar Sigurðarsonar sýr. Hálfðan var bróðir Ólafs konungs hins helga ok Haralds konungs. Þórá kona Haralds konungs var bróðurdóttir Finns Árnasonar; var Finnir hinn kærsti konungi, ok allir þeir bræðr. Finnir Árnason hafði verið nokkur sumur í vestrvíking, ok höfðu þeir þá verið allir saman í hernaði Finnir ok Gæthormr Gunnhíldarson ok Hákon Ívarsson. Haraldr konungr fór út eptir Þrándheimi, ok út á Austrátt; var honum þar vel fagnat. Síðan tóluðust þeir við konungr ok Finnir, ok ræddu sín á milli um þessi tíðindi, er þá höfðu gerzt fyrir skemstu, aftöku Einars ok þeira feðga, ok svá kurr þann ok þys, er bændr gerðu at konungi. Finnir svarar skjótt: Þér er verst farit at hvívetna, þú gerir hvatvetha ílt; en síðan ertu svá hræddr, at þú veizt eigi hvar þú hefir þik. Konungr svaraði hlæjandi: Mágr! ek vil nú senda þik inn til bæjar, ek vil, at þú sættir bændr við mik; vilt ek, ef þat gengr eigi; at þú farir til Upplanda ok kemir því við Hákon Ívarsson, at hann sé eigi mótgöngumaðr minn. Finnir svarar: Hvat skaltu til leggja við mik, ef ek fer forsendu þessa, því at bæði Þrændir ok Upplendingar eru fjáendr þínir svá miklir, at engum sendimönnum þínum er fært þannug, nema sín njóti við. Konungr svarar: Far þú, mágr! sendiförna; því at ek veit, at þú kemr áleiðis; ef nokkurr kemr, at gera oss sátta, ok kjós þú boen at oss. Finnir sagði: Halt þú þá orð þín, en ek mun kjósa boenina; ek kys grið ok landsvist Kálfi bróður mínum, ok eignir hans allar, ok þat með, at hann hafi nafnbætr sínar ok alt ríki sitt, shíkt er hann hafði áðr hann fór or landi. Konungr svaraði ok játti öllu þessu, er Finnir mælti. Höfðu at þessu vinni ok handfestar. Síðan mælti Finnir: Hvat skal ek Hákon fram bjóða til þess, at hann játti þér griðum, hann ræðr nú mest fyrir þeim frændum. Konungr svarar: Hitt skaltu

nú fyrst heyra, hvat Hákon mælir til sættar fyrir sína hönd. Síðan kom þú mínu máli, sem framast mátt þú, en at lyktum þá neita þú konungdóminum einum. Síðan fór Haraldr konungr suðr á Moeri, ok dró at sér lið ok gerðist fjölmennr.

Ferð Finns Arnasonar.

47. Finnur Arnason fór inn til bæjar ok hafði með sér húskarla sína nær 80 manna. En er hann kom til bæjarins, þá átti hann þing við bæjarmenn. Finnur talaði á þinginu langt ok snjalt, bað bæjarmenn ok böendr taka alt annat ráð, en hatast við konung sinn eða reka hann í brott; minti þá á, hversu mart ilt hafði yfir þá gengit, síðan er þeir höfðu þat fyrr gert við hinn helga Ólaf konung; sagði ok, at konungr vill boeta víg þessi, svá sem hinir beztu menn ok hinir vitrustu vilja dæma. Lauk Finnur svá sinni ræðu, at menn vildu láta standa mál þetta kyrt, þar til er aptr kæmi sendimenn þeir, er Bergljót hafði gert til Upplanda á fund Hákonar Ívarssonar. Síðan fór Finnur út til Orkadals með þá menn, er honum höfðu fylgt til bæjar, síðan fór hann upp til Dofrafjalls ok austr um fjall. Fór Finnur fyrst á fund Orms jarls mágs síns, jarl átti Sigríði dóttur Finns, ok sagði honum til erenda sinna.

Frá Finni ok Hákonni Ívarssyni.

48. Síðan leggja þeir stefnulag við Hákon Ívarsson. En er þeir finnast, þá bar Finnur upp erendi sín fyrir Hákon, þau er Haraldr konungr bauð honum, fannst þat brátt í ræðu Hákonar, at honum þótti sér skylda mikil á vera at hefna Eindriða frænda síns; sagði, at honum vóru þau orð komin or Þrándheimi, at honum mundi þar fást gnógr styrkr til uppreistar í móti konungi. Síðan tjáði Finnur fyrir Hákonni, hversu mikill munr þat var, at betra var at taka af konungi svá mikil metorð, sem hann kynni

sjálfr at beiða, heldr en hætta til þess, at reisa orrostu í móti konungi þeim, er hann var áðr þjónostubundinn við. sagði, at hann mun fara úsigr, ok hefir þú þá fyrirgert bæði fé ok friði; en ef þú sigrast á konungi, þá muntu heita dróttinsviki. Jarlinn studdi ok þessa ræðu með 5 Finni. En er Hákon hugsaði þetta fyrir sér, þá lauk hann þat upp, er honum bjó í skapi, sagði svá: Ek mun sættast við Harald konung, ef hann vill gipta mér Ragnhildi, dóttur Magnús konungs Ólafssonar, frændkoni sína, með þvílíkri heimanfylgju, sem henni sómir ok henni líkar. Finnur 10 sagði, at hann vill þessu jætta af konungs hendi. Staðfesta þeir þetta mál milli sín. Síðan ferr Finnur norðr til Þrándheims, settist þá niðr þessi úfriðr ok agi, svá at konungr hélt þá enn ríki sínu í friði innanlands, því at þá var niðrdrepið sambandi því öllu, er frændr Eindriða höfðu haft 15 til mótstöðu við Harald konung.

Frá Hákonu Ívarssyni.

49. En er sú stefna kom, er Hákon skyldi vitja þessa einkamála, þá fór hann á fund Haralds konungs. En er þeir taka tal sitt, þá segir konungr, at hann vill 20 halda alt þat af sinni hendi, sem í sætt hafði komit með þeim Finni. Skaltu Hákon, sagði konungr, tala mál þetta við Ragnhildi, hvárt hon vill samþykkja þetta ráð, en eigi er þér ok engum öðrum at ráðanda at fá Ragnhildar, svá at eigi sé hennar samþykki við. Síðan gekk Hákon á 25 fund Ragnhildar ok bar upp fyrir hana bönorð þetta. Hon svaraði svá: Opt finnr ek þat, at mér er aldaði Magnús konungr faðir minn, ef ek skal giptast bónda einum, þó at þú sér friðr maðr eða vel búinn at íþróttum: ef Magnús konungr lifði, þá mundi hann eigi gipta mik 30 minna manni en konungi. Nú er þess eigi ván, at ek vilja giptast útignum manni. Síðan gekk Hákon á fund Haralds konungs ok sagði honum ræðu þeira Ragnhildar. innir þá upp einkamál þeira Finns; var þá ok Finnur há.

ok fleiri menn, þeir er við ræðu þeira Finns höfðu verit; segir Hákon svá til allra þeira vitnis, at svá var skilit, at konungr skyldi svá Ragnhildi heiman gera, at henni líkaði. Nú vill hon eigi eiga útiginn mann, þá megut þér
 5 gefa mér tignarnafn, hefi ek til þess ætt, at ek má heita jarl, ok nökkura hluti aðra, at því er menn kalla. Konungr svarar: Ólafr konungr bróðir minn ok Magnús konungr son hans, þá er þeir réðu ríki, létu þeir einn jarl vera senn í landi, hefi ek ok svá gert, síðan er ek var konungr.
 10 vil ek eigi taka tign af Ormi jarli, þá er ek hefi áðr gefit honum. Sá þá Hákon sitt mál, at þat mundi eigi við gangast, líkaði honum þá stórilla. Finnur var ok allreiðr; sögðu þeir, at konungr héldi ekki orð sín, ok skildust at svá búnu.

15

Hákon fór til Danmerkr.

50. Hákon fór þá þegar or landi ok hafði langskip vel skipat; hann kom fram suðr í Danmörk, ok fór þegar á fund Sveins konungs mágs síns. Tók konungr vegsamliga við honum, ok fékk honum þar veizlur miklar; gerðist
 20 Hákon þar landvarnarmaðr Sveins konungs fyrir víkingum, er mjök herjuðu á Danaveldi, Vindr ok Kúrir, ok aðrir Austrvegsmenn; lá hann úti á herskipum vetr sem sumar.

Dráp Ásmundar.

51. Ásmundr er maðr nefndr, er sagt er, at væri
 25 systurson Sveins konungs ok fóstrson hans. Ásmundr var allra manna gerviligastr, unni konungr honum mikit. En er Ásmundr dróst á legg, var hann brátt ofstopamaðr mikill, ok hann gerðist vígamaðr. Konungi líkaði þat illa, ok lét hann fara frá sér, fékk honum lén gott, þat er hann
 30 mátti vel halda sik ok sveit með sér. En þegar er Ásmundr tók við konungs fé, dró hann lið mikit at sér; en honum endist ekki þat fé til síns kostnaðar, er konungr hafði veitt honum, þá tók hann annat miklu meira, þat er konungr

átti. En er konungr spurði þat, þá stefndi hann Ásmundi á fund sinn. En er þeir hittust, þá sagði konungr, at Ásmundr skyldi vera í hirð hans, ok hafa enga sveit; ok varð svá at vera sem konungr vildi. En er Ásmundr hafði verit litla hríð með konungi, þá undi hann ekki þar, 5 ok hljópst á brott um nótt ok kom aptr til sveitar sinnar, ok gerði þá enn fleira ilt en fyrr. En er konungr reið yfir land ok kom þar nær sem Ásmundr var, þá sendi hann lið til at taka Ásmund með valdi. Síðan lét konungr setja hann í járn ok halda hann svá um hríð, ok hugði, at 10 hann mundi spekjast. En er Ásmundr kom or járn, þá hljóp hann þegar í brott ok fékk sér lið ok herskip, tók hann þá ok herjaði bæði utanlands ok innanlands, ok gerði hit mesta hervirki, drap mart manna ok rænti víða. En þeir menn, er fyrir þessum úfriði urðu, kómu til konungs 15 ok kærðu skaða sinn fyrir honum. Hann svarar: Hvat segit þér mér til þess? Hvi farit þér eigi til Hákonar Ívarssonar, hann er landvarnarmaðr minn ok til þess settr at friða fyrir yðr bóndum, en hegna víkingum; var mér sagt, at Hákon væri djarfr maðr ok fræk, en nú lízt mér 20 sem hann vili hvergi þar til leggja, er honum þykki mann-hætta í vera. Þessi orð konungs váru flutt til Hákonar, ok mörgum við aukit. Síðan fór Hákon með liði sínu at leita Ásmundar, varð fundr þeira á skipum, lagði Hákon þegar til orrostu, varð þar hörð orrosta ok mikil. Hákon 25 gékk upp á skip Ásmundar ok hräuð skipit; kom svá, at þeir Ásmundr skiptust sjálfir vápnum viðr ok höggum; þar féll Ásmundr, Hákon hjó höfuð af honum. Síðan fór Hákon skyndiliga á fund Sveins konungs, ok kom svá til hans, at konungr sat um matborði. Hákon gékk fyrir borðit ok 30 lagði höfuð Ásmundar á borðit fyrir konunginn, ok spurði, ef hann kendi? Konungr svaraði engu ok var dreyrrauðr á at sjá. Síðan gékk Hákon í brott. Litlu síðar sendi konungr menn til hans, ok bað hann fara í brott or sinni

þessum maðri. Hákonar Ívarssonar.

þjónostu, segit at ek vil ekki mein gera honum, en ekki má ek gæta frænda várra allra.

Kvánfang Hákonar Ívarssonar.

52. Síðan fór Hákon í brott or Danmörk ok norðr í
 5 Noreg til eigna sinna. Þá var andaðr Ormr jarl frændi
 hans. Menn urðu Hákonni fegnir mjök, frændr ok vinir,
 urðu þá til þess margir göfgir menn at ganga um sættir
 milli þeira Haralds konungs, kom svá, at þeir sættust með
 því móti, at Hákon fékk Ragnhildar konungsdóttur, en
 10 Haraldr konungr gaf Hákonni jarlsnafn ok veldi slíkt sem
 haft hafði Ormr jarl. Hákon sör Haraldri konungi trúnaðar-
 eiða til þeirrar þjónostu, sem hann var skyldr til.

Sætt Haralds konungs ok Kálfs.

53. Kálfr Árnason hafði verit í vestrvíking, síðan er
 15 hann fór or Noregi, en opt á vetrum var hann í Orkney-
 jum með Þorfinni jarli mági sínum. Finnur Árnason bróðir
 hans gerði orð Kálfi, ok lét segja honum einkamál þau, er
 þeir Haraldr konungr höfðu við mælt, at Kálfr skyldi
 hafa landsvist í Noregi ok eignir sínar ok slíkar veizlur,
 20 sem hann haft hafði af Magnúsi konungi. En er Kálfi
 kom sjá orðsending, þá bjóst hann þegar til farar, fór hann
 austr í Noreg fyrst á fund Finns bróður síns, síðan tók
 Finnur Kálfi grið, ok fundust þeir sjálfir konungr ok Kálfr,
 gerðu þá sætt sína, eptir því sem konungr ok Finnur höfðu
 25 fyrr bundit einkamálum með sér. Gékk Kálfr til festu við
 konung ok alls skildaga slíks, sem hann hafði bundit fyrr
 við Magnús konung, at Kálfr væri skyldr at gera þau verk
 öll, sem Haraldr konungr vildi, ok honum þætti sitt ríki
 bæta. Tók Kálfr þá upp eignir sínar allar ok veizlur,
 30 sem hann hafði fyrr haft.

Fall Kálfs Árnasonar.

54. En hit næsta sumar eptir hafði Haraldr konungr
 leiðangr úti, fór suðr til Danmerkr ok herjaði þar um

sumarit. En er hann kom suðr til Fjóns, þá var þar liðsamnaðr mikill fyrir þeim. Þá lét konungr lið sitt ganga af skipum, ok bjóst til uppgöngu; hann skipaði liði sínu, lét vera fyrir sveit Kálf Árnason, ok bað þá ganga fyrsta upp, ok sagði þeim, hvert þeir skyldu stefna, en hann kvezt mundu ganga upp eptir þeim ok koma þeim at liði. Þeir Kálfr géngu upp, ok kom brátt lið í móti þeim, réð Kálfr þegar til orrostu, ok varð sá bardagi eigi langr. því at Kálfr var brátt ofrliði borinn, ok kom hann á flótta ok lið hans, en Danir fylgðu þeim, ok féll mart af Norðmönnum. 10 Þar féll Kálfr Árnason. Haraldr konungr gékk upp á land með fylking sína, var þat brátt á leið hans, at þeir sá fyrir sér valinn, ok fundu brátt lík Kálfs, var þat borit ofan til skipa; en konungr gékk á land upp ok herjaði, ok drap þar mart manna. Svá segir Árnórr: 15

Rauð, en rýrt varð síðan,	frána egg á Fjóni,
rann eldr um sjöt manna,	Fjónbyggva lið, tiggi.

Ferð Finns Árnasonar or landi.

55. Eptir þat lét Finnur Árnason sér fjándskap í þykkja við konung um fall Kálfs bróður sins, kallaði, at konungr væri ráðbani Kálfs, en þat væri blekking ein við Finn, er hann hafði teygt Kálf bróður sinn vestan um haf á vald ok trúnað Haralds konungs. En er þessi ræða kom á lopt, þá mæltu þat margir menn, at þat þótti grunnsæligt, er Finnur hafði trúat því, at Kálfr mundi fá trúnað Haralds konungs; þótti þeim sem konungr væri heiptrækr um smæri hluti, en þá er Kálfr hafði gert til saka við Harald konung. Konungr lét hér ræða um hvern slíkt er vildi, sannaði þat ekki, synjaði ok eigi; fannst þat eitt á, at konungi þótti þat vel orðit. Haraldr konungr kvað vísu þessa: 20 25 30

Nú emk ellifu allra,	Ginn, enn gráleik inna
eggjumk vígs, ok tveggja,	golls, er ferr með skolli,
þau eru enn svá at ek man, manna,	lýtendr, kveða lítit,
morð, ráðbani orðinn.	lauki gæft til auka.

7 gnefi var grunnstær
Atsamal

Finnr Árnason lét sér svá mikit um finnast þetta mál, at hann fór af landi brott, ok kom fram suðr í Danmörk, fór á fund Sveins konungs ok fékk þar góðar viðtökur, ok tókuð þeir löngum einmæli, ok kom þat upp at lyktum, at
5 Finnur gekk til handa Sveini konungi ok gerðist hans maðr. En Sveinn konungr gaf Finni jarldóm ok Halland til yfirsóknar, ok var hann þar til landvarnar fyrir Norðmönnum.

Frá Guthormi Gunnhildarsyni.

10 56. Guthormr hét son Ketils kálfs ok Gunnhildar á Ringunesi, systurson Ólafs konungs ok Haralds konungs. Guthormr var maðr gerviligr ok snimma roskinmannligr. Var Guthormr opt með Haraldi konungi ok þar í miklum kærleikum ok ráðagerðum með konungi, því at Guthormr
15 var vitr maðr, hann var hinn vinsælsti maðr. Guthormr var optliga í hernaði ok herjaði mjök í Vestrlönd; hann hafði lið mikit. Friðland hafði hann ok vetresetu í Dýflinni á Írlandi, ok var í kærleikum miklum með Margaði konungi.

20 *Viðskipti Guthorms ok Margaðs Írakonungs.*

57. Um sumarit eptir fór Margaðr konungr ok Guthormr með honum, ok herjuðu á Bretland ok féngu þar úgrynni fjár. Síðan lögðu þeir í Öngulseyjarsund, þeir skyldu þar skipta herfangi sínu. En er fram var borit þat
25 mikla silfr, ok konungr sá þat, þá vildi hann einn samt hafa féit alt, ok virði þá lítils vingan sína við Guthorm. Guthormi líkaði þat illa, er hann skyldi vera hlutræningr ok hans menn. Konungr sagði, at hann skyldi eiga tvá kosti fyrir höndum, sá annarr at una því, sem vér viljum
30 vera láta, en annarr sá, at halda við oss orrostu, ok hafi sá þá fé, er sigr hefir, ok þat með, at þú skalt ganga af skipum þínum, ok skal ek þau hafa. Guthormi sýndist vandi mikill til beggja handa, þóttist eigi sémiliga mega

láta skip sín ok fé fyrir enga tilgerðing; þat var ok all-
háskasamligt at berjast við konung ok þat mikla lið, er
konungi fylgði; en liðs þeira var svá mikill munr, at kon-
ungr hafði 16 langskip, en Guthormr 5. Þá bað Guthormr
konung ljá sér 3 náttu fresta um þetta mál til umráða 5
við sína menn, hugðist hann konung mundi mýkja mega á
þeiri stundu, ok koma sínu máli í betri vingan við konung
með fortölum sinna manna, en þat fékkst ekki af konungi,
sem hann mælti til. Þá var Ólafsvöku aptann. Nú kaus
Guthormr heldr at deyja með drengskap eða vega sigr, 10
heldr en hitt at þola skömm ok svívirðu ok klækisorð af
svá mikilli missu. Þá kallaði hann á guð ok hinn helga
Ólaf konung frænda sinn, bað þá fulltings ok hjálpar, ok
hét til þess helga manns húss at gefa tíund af öllu því
herfangi, er þeir hlyti, ef þeir féngi sigr. Síðan skipaði 15
hann liði sínu, ok fylkti í móti þeim mikla her, ok reð
til ok barðist við þá. En með fulltingi guðs ok hins
helga Ólafs konungs fékk Guthormr sigr. Þar féll Margaðr
konungr, ok hverr maðr er honum fylgði, ungr ok gamall.
Ok eptir þann háleita sigr vendir Guthormr heim glaðr 20
með öllum þeim fjárhlut, er þeir höfðu fengit í orrostu.
Þá var af tekit silfrinu því, er þeir höfðu fengit, hinn
tíundi hverr penningr, svá sem heitit hafði verit hinum
helga Ólafi konungi, ok var þat ofa mikit fé, svá at af því
silfri lét Guthormr gera róðu eptir vexti sínum eða stafu- 25
búa síns, ok er þat líkneski 7 alna hátt. Guthormr gaf
róðu þá svá búna til staðar hins helga Ólafs konungs, hefir
hon þar verit síðan til minningar sigrs Guthorms ok jar-
tegnar hins helga Ólafs konungs.

Jartegnir Ólafs konungs í Danmörk.

30

58. Greifi einn var í Danmörk illr ok öfundfullr,
hann átti ambátt eina norœna æzkaða or Þreendalögum,
hon dýrkaði hinn helga Ólaf konung ok trúði fastliga hans
heilagleik. En sá greifi, er áðan gat ek, tortrygði alt þat.

er honum var frá sagt þess helga manns jarlegnum, kvað ekki vera nema kvitt ok pata einn, gerði sér at gabbi ok gamni lof ok dýrð, þá er landsfólk alt veitti þeim góða konungi. En nú kom at þeim hátíðardegi, er hinn mildi konungr lét hl sitt á, ok allir Norðmenn héldu, þá vildi sá hinn úvitri greifi ekki heilagt halda, ok bauð hann ambátt sinni, at hon skyldi baka ok elda ofn til brauðs á þeim degi. Vita þóttist hon æði þess greifa, at hann mundi henni sárliga hefna, ef hon léti eigi at því, sem hann bauð henni; gengr hon til nauðig ok bakaði ofninn, ok kveinaði mjök, meðan hon starfaði, ok heitaði við Ólaf konung, ok kvaðst aldri mundu á hann trúa, [nema hann hefndi] með nokkurri bændingu þessa údæma. Nú megi þér hér heyrja mahlígar reisingar ok sannlígar jarlegnir: alt var þat jafnskjótt ok á einni stundu, er greifi sá varð blindr báðum augum ok brauð þat varð at grjóti, er hon hafði í ofninu skótit. Komit er af því grjóti til staðar hins helga Ólafs konungs ok víða annarstaðar. Síðan hefir Ólafsmessa haldin verit ávalt í Danmörk.

20 *Jarlegnir Ólafs konungs við krypling.*

59. Vestr á Vallandi var einn maðr vanheill, svá at hann var kryplingr, gekk á knjám ok á knúm. Hann var staddr um dag úti á veg, ok var þá sofnaðr; þat dreymdi hann, at maðr kom til hans göfugligr, spurði hvert hann gerðist. En hann nefndi til einhvern bæ. En hinn gölgi maðr mælti við hann: Farðu til Ólafskirkju, þeirar er í Lundúnum stendr, ok muntu þá heill verða. En síðan vaknaði hann, en fór þá á leit Ólafskirkju, en um síðir þá kom hann til Lundúnabryggju, ok spurði þar borgarmenn, ef þeir kynni segja honum, hvar Ólafskirkja væri. En þeir svöruðu ok kváðu miklu fleiri kirkjur vera þar, heldr en þeir vissi, hverjum manni hver þeira væri helguð. En litlu síðar gekk þar maðr at honum, ok spurði, hvert hann gerðist. Hann sagði honum. En sá mælti síðan:

Vit skulum fara báðir saman til kirkju Ólafs, ok kann ek leið þangat. Síðan fóru þeir yfir bryggjana, ok fóru þat stræti er til Ólafskirkju lá. En er þeir kómu til kirkju-garðshlíðsins, þá stó sá yfir þreskóld, þann er í hlíðina var, en kryplingrinn velmist þar inn yfir ok reis þegar heill upp. En þá en hann sást um, þá var honum förnautr hans.

Herförl Haralds konungs í Danmörk.

60. Haraldr konungr lét reisa kaupstað austur í Osló, ok sat hann þar opt, því at þar var gott til atfanga, lands- megin mikit umhverfis; sat hann þar vel til landsgæsla fyrir Dönöm, svá ok til áhlaupa í Danmörk, hann var opt því vanr, þótt hann hefði eigi mikinn her áti. Þat bar til á einu sumri, at Haraldr konungr fór með nokkurum létti-skipum, ok hefði ekki mikit lið; hann hélt suðr í Víkina, en er byr gaf, siglir hann yfir undir Jótland, tók þá ok herjaði, er landsmenn sömnuðust saman ok völdu land sitt. Þá hélt Haraldr konungr til Limafjarðar, ok lagði inn í fjörðinn. Svá er háttat Limafirði, at þar er inn at fara svá sem mjör árall, en er inn kemr eptir firðinum, þá er þar sem mikit haf. Haraldr konungr herjaði þar á bæði lönd, en Danir höfðu hvarvetna samnað fyrir. Þá lagði Haraldr konungr skip sín at eyju nokkurri, þat var lítit land ok úbyggt; en er þeir leituðu at, þá fundu þeir ekki vatn, ok sögðu til konungi. Hann lét leita, ef lyngormr nokkurr fynnist í eyjunni; en er hann fannst, þá færðu þeir hann konungi. Hann lét færa örminn til elds, ok baka hann ok meða, at hann skyldi þyrsta sem mest. Síðan var þráðr bundinn við sporðinn, ok ormrinn lauss látinn; hræktist hann þá brátt, en þráðrinn ræktist af tvinnahnoðanu, géngu menn eptir orminum, þar til er hann steyptist mör í jörðina. Konungr bað þar grafa til vatns; svá var gert, fundu þeir þar vatn, svá at eigi skorti. Haraldr konungr spurði þau tíðindi af njónarmönnum sínum, at

5

10

15

15

20

30

62. Þann vetr bauð Haraldr konungr út leiðangri,
30 almenning or Noregi. En er váraði, dróst herr mikill saman.
Þá lét Haraldr konungr setja út skip þat hit mikla á ána
Nið; síðan lét hann upp setja drekahöfuðin. Þá kvað
Þjóðólfr skáld:

4.1.

Skeið sá ek fram at flóði,
fagrt sprund! í á hrundit,
kendu hvar liggr fyrir landi
löng súð drekanis prúða.

Orms glóar fax um farmi
fráns sízt ýtt var hánun,
báru búnir svírar
brunnit gull, af hlunni.

Síðan býr Haraldr konungr skip þat ok ferð sína. En þá 5
er hann var búinn, hélt hann út or ánni skipinu, þar var
vandaðr reiði mjök. Svá segir Þjóðólfr:

A.

Slyngr laugardag löngu
liðbaldr af sér tjaldi,
út þar er ekkjur líta
Orms súð or bæ prúðar.
Vestr réð or Nið næsta
nýri skeið at stýra
ungr, en árar drengja,
allvaldr, í sjá falla.

Rétt kann rœði slíta
ræsis herr or verri,
ekkjan stendr ok undrask 10
áraburð sem furðu.
Ert mun snót áðr svörtu
sjáfang í tvau gangi,
þöfl leggr við frið fullan,
ferkleyf, á þat leyfi. 15

A.

Sorgar veit áðr slíti
sjáfang or mar ströngum,
herr þar er heldr til varra,
hær, sjau tigum ára,

Norðmeðr róa naðri
negldum straum hjón heglda
út, er sem innan líti
arnar væng af járn.

Haraldr konungr hélt herinum suðr með landi ok hafði 20
úti almenning at liði ok skipum. En er þeir sækja austr
í Víkina, féngu þeir andviðri stór, ok lágu þeir víða í
höfnum, bæði við úteyjar ok inn í fjörðum. Svá segir
Þjóðólfr:

Eigu skjól und skógi
skafnir snekkju stafnar,
læsir leiðangrs vísi
lönd herskipa bröndum.

Almenningr liggr innan, 25
eið láta sér skeiðar
hábrynjaðar hlýja,
hverja vík í skerjum.

En í stórviðrum, þeim er á lögdunst, þá þurfti hit mikla
skip góðra grunnfæra. Svá segir Þjóðólfr: 30

Hléseyjar lemr hávan
hryngarð konungr harði,
neytir þá til þrantar
þengill snekkju strengja.

Eigi er járn bjúgu
innðæll skaði lindis,
gnegr af gaddi digrum
grjót ok veðr hin ljótu.

En er byr gaf, hélt Haraldr konungr herinum austr til Elfar, ok kom þar at kveldi dags. Svá segir Þjóðólfr:

Haraldr þeysti nú hraustla
helfing sinn at Elfi,
5 náttar Noregs dróttinn
nær at landamæri.

Gramr á þing við Þumla,
þar er eindagaðr Sveini
hrafni skyldr, nema haldi,
hans fundr, Danir undan.

Frá her Haralds konungs.

63. En er Danir spyrja, at Norðmanna herr var kominn, þá flýja allir þeir, er því koma við. Norðmenn
10 spyrja, at Danakonungr hefir ok úti her, ok liggr hann suðr um Fjón ok um Sjáland. En er Haraldr konungr spurði, at Sveinn konungr vildi eigi halda stefnulag við hann eða orrostu, sem mælt var, þá tók hann þat ráð enn sem fyrr, lét aptr fara bóndaliðit, en skipaði hálft annat hundrað
5 skipa, hélt hann síðan liði því suðr fyrir Halland ok herjaði víða; hann lagði herinum inn í Lófufjörð ok herjaði þar á land upp. Litlu síðar kom at þeim þar Sveinn konungr með Danaher, hann hafði 300 skipa. En er Norðmenn sá herinn, þá lét Haraldr konungr blása saman
0 herinum, mæltu þat margir, at þeir skyldu flýja, ok sögðu, at úfcert væri at berjast. Konungrinn svarar svá: Fyrr skal hverr várr falla um þveran annan en flýja. Svá segir Steinn Herdísarson:

Sagði hitt er hugði
5 hauklyndr vera myndu,
þar kvað þengill eirar
þrotna ván frá hánun.

Heldr kvað hvern várn skyldu
hilmir frægr en vægja,
menn brutu upp, um annan,
öll vápn, þveran falla.

Síðan lét Haraldr konungr skipa her sínum til framlögu, lagði hann dreka sinn hinn mikla fram í miðju liði. Svá
1 segir Þjóðólfr:

Lét vingjafa veitir
vargholr dreka skolla

lystr fyrir leiðangrs brjósti,
liðs oddr var þat, miðju.

Þat skip var allvel skipat ok fjölment á. Svá segir Þjóðólfr:

Fast það fylking hrausta
friðvandr jöfurr standa,
hamalt sýndusk mér hömlur
hildings vini skilda.

Ramsyndan lauk röndum
ráðandi manndáða
nýtr fyrir Nizi utan
naðr, svá at hver tók aðra.

Úlfr stallari lagði skip sitt á annat borð konungsskipinu; hann mælti við sína menn, at þeir skyldi vel fram leggja skipit. Steinn Herðisarson var á skipi Úlfs; hann kvað:

Hét á oss þá er, úti,
Úlfr hákesjur skulfu,
róðr var greiddr á grœði,
grams stallari alla.

Vel það skip með skylja
skeleggjaðr fram leggja
sitt, en seggir játtu,
snjalls landreka spjalli.

10

Hákon Ívarsson lá yztr í arminn annan, ok fylgðu honum mörg skip, ok var þat lið allvel búit; en yzt í annan arminn lágu Þrœnda höfðingjar, var þat ok mikill herr ok friðr.

15

Frá her Sveins konungs.

64. Sveinn konungr skipaði ok liði sínu, lagði hann sitt skip í móti skipi Haralds konungs í miðju liði, en næst honum lagði fram Fianr. jarl sitt skip, skipuðu Danir þar næst öllu því liði, er frækast var ok bezt búit. Síðan tengðu hvárirtveggju skip sín alt um miðjan flotann. En fyrir því at svá mikill var herrinn, þá var þat allr fjöldi skipanna, er laust fór, ok lagði þá svá fram hverr sitt skip, sem skap hafði til, en þat var allmisjafnt. En þótt liðsmunr væri allmikill, þá höfðu hvárirtveggju úvígjan her. Sveinn konungr hafði í liði með sér 7 jarla. Svá segir Steinn Herðisarson:

Hætti hersa dróttinn
hugstrangr skipa langra
hinn er með hálft beið annat
hundrað Dana fundar.

Næst var þat er réð rísta
reiðr atseti Hleiðrar
þangs láð mörum þingat
þrimr hundruðum sunda.

20

Upphaf Nizar orrostu.

65. Haraldr konungr lét blása herblástr, þegar er hann hafði búit skip sín, ok lét þá greiða atróðr sína menn. Svá segir Steinn Herðisarson:

25

Vanq fyrir móðu mynni
meinfoert Haraldr Sveini,
varð því at vísi gerði
viðrnám friðar biðja.

Herðu hjörvi gyrðir
Halland jöfurs spjallar,
heit blés und, fyr utan,
atróðr, á lög blóði.

5 Síðan tókst orrosta ok var hin snarpasta, eggjar hvár-
tveggi sitt lið. Svá segir Steinn Herdísarson:

Nýtr bað skjöldungr skjóta,
skamt var liðs á miðli,
hlífar styggr ok höggva
10 hvárrtveggi lið seggja.

Bæði fló þá er blóði
brandr hrauð af sér rauðu,
þat brá feigra flötta
fjörvi, grjót ok örvar.

Þat var síðarla dags, er orrosta seig saman, ok hélzt svá
alla nóttina. Haraldr konungr skaut af boga langa hrið.
Svá segir Þjóðólfr:

Álm dró upplenzkr hilmir
15 alla nótt hinn snjalli,
hremsur lét á hvítar
hlífar landreki drífa.

Brynmönnum smó benjar
blóðugr oddr, þar er stóðu,
flugr óx, fáfnis, vigra,
Finna gjöld í skjöldum.

Hákon jarl, ok þat lið er honum fylgði, tengði ekki sín
skip, ok reri at Danaskipum þeim, er laus fóru, en hvert
20 skip, er hann tengðist við, þá hrauð hann. En er þat
funnu Danir, þá dró hverr þeira frá sitt skip, þar er jarl
fór, sótti hann eptir Dönum, svá sem þeir hömluðu undan,
ok var þeim þá at komit flótta. Þá reri skúta at skipi
jarls, ok var kallet á hann ok sagt, at fyrir léti annarr
25 fylkingararmirinn Haralds konungs, ok þar var fallit mætt
lið þeira. Síðan reri jarl þangat til ok veitti þar harða
atlögu, svá at Danir létu þá enn undan síga; fór jarl svá alla
nóttina, lagði þar fram, er mest var þörf, en hvar sem
hann kom til, þá hélt ekki við honum. Hákon reri hit
30 ytra um bardagann. Hinn efra hlut nætr brast megin-
flóttinn á Dönum, því at þá hafði Haraldr konungr upp
gengit með sína sveit á skip Sveins konungs, var þat svá
vendiliga hroðit, at allir menn féllu, nema þeir er á kaf
hljópu. Svá segir Arnórr jarlaskáld:

Gékkat Sveinn af snekkju
saklaust hinn forhrausti,
málmr kom harðr við hjálma,
hugi minn er þat, sinni.

Farskostr hlaut at fljóta
fljótmælt vinar Jóta,
áðr en öðlingr flýði,
auðr, frá verðung dauðri.

En er merki Sveins konungs var fallit ok autt skip hans, þá flýðu allir hans menn. en sumir féllu. En á þeim skipum er tengð váru, hljópu menn þar á kaf, en sumir kómust á önnur skip, þau er laus váru; en allir Sveins menn reru þá undan, þeir er því kómu við. Þar varð allmikit mannfall. En þar er konungarnir sjálfir höfðu barzt ok tengð váru flest skipin, þar lágu eptir auð skip Sveins konungs meir en 7 tigur. Svá segir Þjóðólfr:

Sogns kváðu gram gegnan
glæst sjautigi hit fæsta

senn á svipstund einni
Sveins þjóðar skip hrjóða.

Haraldr konungr reri eptir Dönnum ok rak þá; en þat var eigi hægt, því at skipafloði var svá þröngr fyrir, at varla mátti fram koma. Finnur jarl vildi eigi flýja, ok var hann handtekinn; hann var lítt sýndr. Svá segir Þjóðólfr:

Sveinn! átt sigr at launa
sex, þeim er hvöt vexe,
innan eina gunni
örleiks Dana jörlum.

Varð, sá er vildit forða
vígbjartr snöru hjarta,
í fylkingu fenginn
Finnur Árnason miðri.

Frá Vandráði.

66. Hákon jarl lá með sitt skip eptir, er konungr ok annat lið rak flóttann, því at jarls skip mátti eigi þar fram fara fyrir skipum þeim, er fyrir váru. Þá reri einn maðr á báti at skipi jarls ok lagði at lyptingu, sá var mikill maðr ok hafði víðan hött. Sá kallar upp á skipit: Hvar er jarl? Hann var í fyrirrúmi ok stöðvaði blóð manni einum. Jarl sá til hattarmannsins ok spurði hann at nafni. Hann svaraði: Vandráðr er hér, mæl þú við mik, jarl! Jarlinn laut út yfir borðit til hans. Þá mælti bátmaðrinn: Þiggja mun ek líf at þér, ef þú vilt veita. Jarl reis upp ok nefndi til tvá menn sína, þá er honum váru báðir

kærir, sagði svá: Stígit á bátinn ok flytit Vandráð til lands, fylgit honum til Karls bónda vinar míns, segit honum þat til jartegna, at hann fái Vandráði hest þann, er ek gaf Karli fyrra dag, ok söðul sinn, ok son sinn til fylgðar. Síðan stigu þeir á bátinn ok taka til ára, en Vandráðr stýrði. Þetta var í brum lýsingarinnar; var þá ok sem mestr skipagangr, reru sumir til landsins, sumir út til hafsins, bæði smám skipum ok stórum. Vandráðr stýrði þar, er honum þótti rýmst milli skipanna. En þar sem Norðmanna skip reru nær þeim, þá sögðu jarls menn til sín, ok létu allir þá fara, hvert er þeir vildu. Vandráðr stýrði fram með ströndunni, ok lagði eigi at landi fyrr en þeir kómu umfram þat, er skipagnauðin var. Síðan géngu þeir upp til bæjar Karls, ok tók þá at lýsa; þeir géngu inn í stofu, var Karl þar, ok nýklæddr. Jarls menn sögðu honum erendi sín. Karl mælti, sagði at þeir skyldi snæða fyrst. ok lét setja þeim borð, ok fékk þeim laugar. Þá kom húsfreyja í stofu, ok mælti þegar: Undr mikit er þat, er vér fám aldri svefn eða ró í nátt fyrir ópi eða glammi. Karl svaraði: Veiztu eigi, at konungar hafa barzt í nátt. Hon spurði: Hvárr hefir betr haft. Karl svaraði: Norðmenn hafa sigrazt. Flýit mun enn hafa konungrinn várr, segir hon. Karl svaraði: Eigi vita menn þat, hvárt hann hefir flýit eða fallit. Hon svaraði: Vesöl eru vér konungs, hann er bæði haltr ok ragr. Þá mælti Vandráðr: Eigi mun konungr ragr, en ekki er hann sigrsæll. Vandráðr tók síðarst laugarnar, en er hann tók dúkinn, þá strauk hann sér kurteisliga á miðjum. Húsfreyja tók dúkinn ok kipti frá honum, hon mælti: Fátt gott kantu þér, þat er þorparligt at væta allan dúkinn senn. Vandráðr svaraði: Þar kem ek þá enn, er ek þerri mér meir á miðri þerru. Síðan tók Karl upp borð fyrir þá, ok settist Vandráðr í miðju. Snæddu þeir um hrið, en síðan géngu þeir út, var þá bestr búinn, ok Karls son at fylgja honum, ok hafði hann annan hest; ríða þeir brott til skógar, en jarls menn géngu til báts síns ok róa út til skips jarls.

dag before
Vindr. dag

Frá Haraldí konungi.

67. Haraldr konungr ok hans lið rak skamt flóttann, reru síðan aptr til skipanna þeira, er auð váru; þá rannsökuðu þeir valinn, fannst á konungsskipinu fjöldi dauðra manna, en eigi fannst lík Sveins konungs, en þó þóttust þeir 5 vita, at hann var fallinn. Lét þá Haraldr konungr veita umbúnað líkum manna sinna, en binda sár þeira, er þess þurftu. Síðan lét hann flytja til lands lík Sveins manna, en sendi boð bøndum, at þeir skyldu jarða líkin. Síðan lét hann skipta herfangi, hann dvaldist þar nokkura hrið. Þá spurði 10 hann þau tíðindi, at Sveinn konungr var kominn til Sjálands, ok þá var kominn til hans herr sjá allr, er flýit hafði í orrostu, ok mikit lið annat, ok hafði hann úgryn timer fengit.

Frá Finni jarli.

15

68. Finn timer jarl Árnason varð handtekinn í orrostu. sem fyrr var ritat; hann var leiddr til konungsins. Haraldr konungr var þá allkáttr ok mælti: Hér fundumst vit nú, Finn timer! en næst í Noregi; hefir hirðin sú hin danska eigi staðit allfast fyrir þér, ok hafa Norðmenn ilt at verki, draga 20 þik blindan eptir sér ok vinna þat til lífs þér. Þá svarar jarlinn: Mart verða Norðmenn ilt at gera, ok þat þó verst alt, er þú býðr. Þá mælti Haraldr konungr: Viltu nú grið, þóttu sér úmakligr? Jarlinn svarar: Eigi af hundinum þínum. Konungr mælti: Viltu þá, at Magnús frændi þinn 25 gefi þér grið? Magnús son Haralds konungs stýrði þá skipi. Þá mælti jarlinn: Hvat mun hvelpr sá ráða griðum? Þá hló konungr, ok þótti skemtan at erta hann, ok mælti: Viltu taka grið af Þóru frændkonu þinni? Þá sagði jarlinn: Er hon hér? Hér er hon, sagði konungr. Þá mælti Finn timer 30 jarl orðskrök þat, er síðan er uppi haft, hversu reiðr hann var, er hann fékk eigi stilt orðum sínum: Eigi er nú undarligt, at þú hafir vel bitizt, er merrin hefir fylgt þér. Finni jarli váru gefin grið, ok hafði Haraldr konungr

hann með sér um hrið; var Finnur heldr úkátr ok úmjúkr í orðum. Þá mælti Haraldr konungr: Sé ek þat, Finnur! at þú vilt nú ekki þýðast við mik ok við frændr þína, vil ek nú gefa þér orlof at fara til Sveins konungs mágs þíns. Jarl svarar: Þat vil ek þiggja, ok því þakksamligar, er ek kem fyrr í brott héðan. Síðan lét konungr flytja Finn jarl upp á land, tóku Hallandsfarar vel við honum. Haraldr konungr hélt þá liði sínu norðr í Noreg, fór fyrst til Oslóar, gaf þá heimleyfi öllu liði sínu, því er fara vildi.

Frá Sveini konungi.

69. Svá segja menn, at Sveinn konungr sat í Danmörk þann vetr ok hélt ríki sínu sem áðr. Hann sendi menn um vetrinn norðr á Halland eptir Karli bónda ok þeim hjónum. En er þau kómu til konungs, þá kallar hann Karl til sín; síðan spurði konungr, ef Karl kendi hann, eða þóttist sét hafa hann fyrr? Karl svarar: Kenni ek þik nú, konungr! ok kenda ek þik fyrr, þegar ek sá þik, ok er þat guði at þakka, er þér kom til gagns sá litli forbeini, er ek veitta þér. Konungr svarar: Alla þá daga, er ek lifi síðan, á ek þér at launa. Nú skal þat hit fyrsta, at ek gef þér bú þat á Sjálandi, er þú kýss þér, ok þat með, at ek skal gera þik mikinn mann, ef þú kant þat með höndum hafa. Karl þakkaði konungi vel orð sín, ok sagði, at enn er eptir bæn sú, er ek vil biðja. Konungr spurði, hvat þat væri. Karl sagði: Ek vil biðja þess, at þú, konungr! látir mik hafa með mér konu mína. Konungr svarar svá: Þat mun ek þér eigi veita, því at ek skal fá þér miklu betri konu ok vitrari; en kona þín fari með búkot þat, er þit hafit áðr haft, þat mun henni framflutning. Konungr gaf Karli mikit bú ok göfugligt, fékk honum gott kvánfang, ok varð hann þá mikill maðr fyrir sér. Varð þat frægt ok spurðist víða; þat kom norðr í Noreg.

þá at þú
nefndist
harðráða
4.9.
f. 256

Tal hirðmanna Haralds konungs.

4. 1.
f. 257

70. Haraldr konungr sat þann vetr eptir Nizarorrostu í Osló. Um haustit er lið kom sunnan, þá var mikil umræða ok frásögn um orrostu þá, er verit hafði um haustit fyrir Nizi, þóttist hverr sá, er þar hafði verit, nokkut kunna at segja frá. Þat var eitt sinn, at menn nokkurir sátu í undirskeimnu einni ok drukku ok váru allmálgir; þeir roeddu um Nizarorrostu, ok þat með, hverir þaðan höfðu borit orðstír mestan. Þeir urðu allir á eitt sáttir, at engi maðr hefði þar slíkr verit sem Hákon jarl, hann var vápn-¹⁰ djarfastr, ok hann var kænstr, ok hann var gæfumestr, ok þat varð alt at mestu liði, er hann gerði, ok hann vann sigrinn. Haraldr konungr var þar úti í garðinum ok talaði við menn nokkura. Síðan gékk hann fyrir skemmu-¹⁵ dyrnar ok mælti: Hákon mundi hér nú hverr heita vilja. Ok gékk leið sína.

Hákon jarl stókk or landi fyrir konungi.

4. 1.
f. 258

71. Hákon jarl fór um haustit til Upplanda, ok var þar um vetrinn í ríki sínu; hann var allvinsæll við Upp-²⁰ lendinga. Þat var um várit er á leið eitt sinni, er menn sátu við drykkju, at roett var enn um Nizarorrostu, ok lofuðu menn mjök Hákon jarl, en sumir tóku eigi mæðra til. En er þeir höfðu þat roett um hrið, þá svarar maðr einnhverr: Vera kann, at fleiri menn hafi djarfliga barzt fyrir Nizi en Hákon jarl; en þó mun sá engi þar²⁵ verit hafa, er ek hygg, at slíkt happ mun hafa sótt sem hann. Þeir segja, at þat mundi mest happ hans, er hann hafði rekit á flótta marga af Dönum. Sá sami svarar: Meira happ var þat, er hann gaf líf Sveini konungi. Einnhverr svarar honum: Þat muntu eigi vita, er þú segir. Hann³⁰ svarar: Þetta veit ek allgerla, því at sá sagði mér sjálf, er konung flutti til lands. En þá var sem opt er mælt, at mörg eru konungs eyru; var konungi þetta sagt, ok jafnskjótt lét konungr taka marga hesta, ok reið þegar um nóttina með 200 manna, reið hann alla þá nótt ok³⁵

4 1

eptir um daginn. Þá riðu í mót þeim menn þeir; er fóru út til bæjar með mjöl ok malt. Maðr hét Gamall, er i för var með konungi, hann reið at einum bóndanum, sá var kunningi hans; þeir mæktu einmæli. Gamall sagði: Ek vil kaupa at þér, at þú riðir sem ákaflegast launstigu, þá er þú veizt skemsta, ok kom til Hákonar jarls, seg honum, at konungr vill drepa hann, því at konungr veit nú, at jarl hefur skotit Sveini konungi á land fyrir Nizi. Kaupa þeir þessu saman. Reið sá bóndi ok kom til jarls, sat hann þá ok drakk, ok var eigi sofa genginn. En er bóndi hafði sagt sitt erendi, stóð jarl þegar upp, ok allir hans menn; lét jarl flytja í brott lausafé sitt alt af bönum til skógar, fóru ok brottu menn allir af bönum um nóttina. Þá er konungr kom, dvaldist hann þar um nóttina. En Hákon jarl reið leið sína, ok kom fram austr í Svíaveldi til Steinkels konungs, ok dvaldist með honum um sumarit. Haraldr konungr sneri síðan aptr út til bæjar, fór konungr um sumarit norðr til Þrándheims, ok dvaldist þar, en fór aptr um haustit austr í Vík.

H. 9. / 259
 Here is
 fragment of
 Hecce's saga
 (note)

Frá ferðum Hákonar jarls.

72. Hákon jarl fór þegar um sumarit aptr til Upplanda, þegar er hann spurði, at konungr var norðr farinn, dvaldist þar til þess, er konungr kom norðan. Síðan fór jarl austr í Vermaland, ok dvaldist þar lengi um vetrinn, veitti Steinkell konungr jarli þar yfirsókn. Hann fór um vetrinn, er á leið, vestr á Raumaríki, ok hafði hann lið mikit, er Gautar ok Vermir höfðu fengit honum. Þá tók hann landskyldir sínar ok skatta af Upplendingum, þá er hann átti. Síðan fór hann austr aptr til Gautlands, ok dvaldist þar um vartit. Haraldr konungr sat um vetrinn í Osló, ok gerði menn sína til Upplanda, at heimta þar skatta ok landskyldir ok konungs sakeyri. En Upplendingar sögðu svá, at þeir mundu greiða allar skyldir, þær er þeir áttu at greiða, ok fá í hendr Hákonu jarli, meðan

hann var á lífi, ok hann hafði ekki fyrirgert sér eða ríki sínu; ok fékk konungr þaðan engar landskyldir á þeim vetri.

Sætt Haralds konungs ok Sveins konungs.

73. Þann vetr fór boð ok sendimenn milli Noregs ok Danmerkr, ok var þat í bundit, at hvártveggju Norð-⁵ menn ok Danir vildu gera frið milli sín ok sætt, ok báðu konunga til þess. Ok fóru þær orðsendingar heldr líkliga til sætta, ok kom svá at lyktum, at sættarfundr var stefndr í Elfi milli Haralds konungs ok Sveins konungs. En er¹⁰ várar, samnar hvártveggi konunga liði miklu ok skipum til þessarrar ferðar. Ok segir skáldit í einum flokki frá ferð þeira:

Norðr lýkr gramr sá er gerðir
grund frá Eyrarsundi,
hrafngœlir sparn hæli
höfn, langskipa stöfnum.
Rísta gulli glæstir
gjálfr, en blyður skjálfa,
hvast und her fyrir vestan
hallandi fram brandar.

Gerðir opt fyrir jörðu,
eiðfastr Haraldr! skeiðum
Sveinn skerr ok til annars
eysund konungs fundar.
Út hefra lið lítit
lofsnjallr Dana allra,
hinn er hvern vág, sunnan
hrafngrennir, lýkr stöfnum.

15

20

Hér segir þat, at konungar þessir halda stefnulag, þat er gert var milli þeira, ok koma þeir báðir til landamæris. Svá sem hér segir:

Sýstut suðr, þar er æstu,
snjallr gramr! Danir allir,
enn sér eigi minni
efni, mæltrar stefnu.

Sveinn tekr norðr at nenna
nær til landamæris,
varð fyrir víðri jörðu
vindsamt, Harald finna.

25

En er konungarnir funnust, þá tóku menn at ræða um sættir konunganna. En þegar er þat var í munni haft, þá kærðu margir skaða sinn, er fengit höfðu af hernaði, rán³⁰ ok mannalát, ok var þat langa hríð, er úlíkligt þótti um sættir. Svá sem hér segir:

Telja hátt er hittask
hvár(s)tveggja mjök seggir
orð þau er angra fyrða
allmörg búendr snjallir.

Láta þeir er þræta
þegnar alt í gegnum,
svellr ofrhugi jófrum,
eigi brátt við sáttum.

35

Ofreiði verður jöfra
allhætt, ef skal sættask,
menn þeir er miðla kunnu
mál öll vega í skálum.

Dugir siklingum segja
slíkt alt er her líkar,
veldr ef verr skulu hauldar
vili girndar því skiljask.

5 Síðan áttu hlut í hinir bestu menn; ok þeir er vitrastir
váru, gékk þá saman sætt konunga með þeim hætti, at
Haraldr skyldi hafa Noreg; en Sveinn Danmörk til þess
landamæris, sem at fornu hafði verið milli Noregs ok Dan-
merkr; skyldu hvárigir öðrum bæta; skyldi þar hernaðr
10 leggjast, sem hafizt hafði, en sá hafa happ, er hlotit hafði.
Sá friðr skyldi standa, meðan þeir væri konungar. Sú
sætt var eiðum bundin. Síðan seldust konungarnir gislar,
svá sem hér segir:

	Hitt hefi ek heyrt at setti	Þeir haldi svá sœrum,
15	Haraldr ok Sveinn við meinum,	sátt lanksk þar með váttum.
	guð sýslir þat, gisla	ok öllum frið fullum
	glæðr hvártveggi öðrum.	ferð at hvárgi skerði.

Haraldr konungr hélt liði sínu norðr í Noreg, en Sveinn
konungr fór suðr til Danmarkar.

20 *Orrosta Haralds konungs ok Hákonar jarls.*

74. Haraldr konungr var í Víkinni um sumarit, en hann
gerði menn sína til Upplanda eptir skyldum sínum ok
sköttum, er hann átti þar. Þá gerðu boendr þar engan
greiða á, ok kváðust mundu láta biða alt þar Hákonar
25 jarls, ef hann kæmi til þeira. Hákon jarl var þá uppi á
Gautlandi, ok hafði lið mikit. En er á leið sumarit, hélt
Haraldr konungr suðr til Konungahellu. Síðan tók hann
léttiskip öll, þau er hann fékk, ok hélt upp eptir Elfinni;
lét hann draga af við forsa ok flutti skipin upp í vatnit
30 Væni. Síðan reri hann austr yfir vatnit, þar sem hann
spurði til Hákonar jarls. En er jarl fékk njósn af förum
konungs, þá sótti hann ofan af landi ok vildi eigi, at kon-
ungr herjaði á þá. Hákon jarl hafði lið mikit, er Gautar
höfðu fengit honum. Haraldr konungr lagði skipum sínum

upp í móðu nokkura, síðan réð hann til landgöngu, en hann lét eptir sumt liðit at gæta skipa. Konungr sjálf reið, ok sumt liðit, en miklu fleira gékk. Þeir áttu at fara yfir skóg nokkurn, ok þar váru fyrir þeim kjarmýrar nokkurar, ok þá enn holt; en er þeir kómu upp á holtit, þá sá þeir lið jarls; var þá mýrr ein milli þeira. Fylktu þá hváirtveggju. Þá mælti Haraldr konungr, at lið hans skyldi sitja uppi á bakkanum: Freistum fyrst, ef þeir vilja á ráða; Hákon jarl er úbilgjarn, sagði hann. Frost var veðrs ok snjádrif nokkut, sátu þeir Haraldr undir skjöldum sínum, en Gautar höfðu lítt klæzt, ok gerði þeim svalt. Jarl bað þá biða þess, er konungr géngi at ok þeir stæði allir jafnhátt. Hákon jarl hafði merki þau, er Magnús konungr Ólafsson hafði átt. Lögmaðr Gauta hét Þorviðr, hann sat á hesti, ok var bundinn taumrinn við hæl einn, er stóð í mýrinni; hann talaði ok mælti: Þat veit guð, at vér höfum herlið mikit, ok helzti frækna menn, látum þat spyrja Steinkel konung, at vér veitim vel lið þessum góða jarli; veit ek þat, þótt Norðmenn leiti á oss, at vér tókum örugt í mót þeim; en ef ungmennit skjalar ok vill eigi biða, þá rennum eigi lengra en hér til bekksins; en ef meir skjalar ungmennit, sem ek veit at eigi mun vera, þá rennum eigi lengra en hér til haugsins. Í því bili hljóp upp herr Norðmanna ok æpti heróp, ok börðu á skjöldu sína; tók þá Gautaherr at æpa. En hestr lögmanns hnykkir svá fast, er hann fældist við herópit, at hællinn gékk upp, ok hrækti honum um höfuð lögmanninum; hann mælti: Skjóttu allra Norðmanna armastr. Hleypti lögmaðrinn þá í brott. Haraldr konungr hafði áðr sagt liði sínu svá: Þótt vér gerim brak ok óp um oss, þá göngum vér eigi fyrir bakkann, fyrr en þeir koma hér at oss. Ok gerðu þeir svá. En þegar er herópit kom upp, þá lét jarl fram bera sitt merki, en er þeir kómu undir bakkann, þá steyptist konungслиðit ofan á þá, féll þá þegar sumt lið jarls, en sumt flýði. Norðmenn ráku flóttann eigi langt, því at

kveld var dags. Þar tóku þeir merki Hákonar jarls, ok slíkt af vápnum ok klæðum, sem þeir féngu. Konungr lét bera fyrir sér bæði merkin, er hann fór ofan. Þeir ræddu með sér, hvárt jarl mundi fallinn; en er þeir ríða ofan um skóginn, þá mátti einn ríða jafnfram. Maðr hleypti um þvera götuna ok lagði keju í gegnum þann, er bar merki jarls, hann grípr merkistöngina ok hleypti annan veg í skóginan með merkit. En er konungi var þat sagt, þá mælti hann: Lifir jarl; fái mér brynju mína. Ríðr konungr þá um nóttina til skipa sinna; mæltu margir, at jarl hefði hefnt sín. Þá kvað Þjóðólfr:

Öld er sú er jarli skyldi
ógniteitum lið veita,
sterkr olli því stillir,
Steinkels gefn helju.

En því at illa reyndisk
afis ván þaðan hánum
fyrir lét Hákon hörva
hvatt, segir hinn er þat fegrir.

Víg Halls Koðránsbana.

75. Haraldr konungr var þá nótt á skipum sínum, þat sem eptir var, en um morgininn er ljóst var, þá var íss lagðr alt um skipin svá þykk, at ganga mátti umhverfis skipin. Þá bað konungr sína menn, at þeir skyldi höggva ísinn frá skipunum ok út í vatnit; géngu menn þá til ok réðu á íshöggit. Magnús son Haralds konungs stýrði skipi því, er neðarst lá í móðunni ok næst lá út vatninu. En er menn höfðu mjök út höggvit ísinn, þá hljóp maðr út eptir ísinum, þar til er höggva skyldi, ok lét síðan sem óðr væri ok galinn at íshögginu. Þá mælti maðr: Nú er enn sem optar, at engi er jafnliðgóðr, hvar sem hann gengr til, sem hann Hallr Koðránsbani; sé nú, hversu hann heggr ísinn. En maðr sá var á skipi Magnús, er Þormóðr hét Eindriðason; en er hann heyrði nefndan Koðránsbana, þá hljóp hann at Halli ok hjó hann banahögg. Koðrán var Guðmundarson Eyjólfssonar; en Valgerðr var systir Guðmundar, móðir Jórunnar, móður Þormóðar. Þormóðr var vetrgamall, þá er Koðrán var veginn, ok hafði

hann aldri sét Hall Útrygsson fyrr en þá. Þá var ok íssinn út höggvinn í vatnit, ok lagði Magnús sitt skip út í vatnit, ok tók þegar til segls, ok sigldi vestr yfir vatnit. En konungsskip lá innarst í vöðinni, ok komst hann seinst út. Hallr hafði verið í sveit konungs ok honum allkærr, 5 ok var hann hinn reiðasti. Konungr kom síð til hafnar, hafði Magnús þá skotit vegandanum í skóg, ok bauð boð fyrir hann; en við sjálfst var, at konungr mundi ganga at þeim Magnúsi, áðr vinir þeira kómu til ok sættu þá.

Frá Haraldri konungi.

10

76. Vetr þenna fór Haraldr konungr upp á Raumaríki ok hafði lið mikit, bar hann sakir á hendr bøndum þær, at þeir hefði haldit fyrir honum skyldum ok sköttum, en eftir fjáðmenn hans til úfriðar við hann; hann lét taka bæendr, hamla suma, suma drepa, en marga ræna aleigunni; 15 þeir flýðu, er því kómu við; allviða lét hann bræna heröðin ok gerði aleyðu. Svá segir Þjóðólfr:

Tók hólmbúa hneykir	Eldr var gerr at gjaldi,
harðan taum við Rauma,	gramr réð, en þá téði
þar hykk ek fast ins frækna	hár í hóf at fara
fylking Haralds gingu.	hrotgarmr búendr arma.

20

Síðan fór Haraldr konungr upp á Heiðmörk ok brendi þar, ok gerði þar hervirki eigi minna en hizug. Þaðan fór hann út á Haðaland ok út á Hringaríki, brendi þar ok fór alt herskildi. Svá segir Þjóðólfr: 25

Gagn brann greypa þegna,	Lífs báðu sér lýðir,
glóð varð föst í tróði,	lögi þingaði Hringum
laust hertoga hristir	nauðgan dóm, áðr næmisk
Heina illum steini.	niðrfall Hálf galla.

Eptir þat lögðu bæendr alt sitt mál undir konung. 30

Eptir þat er Magnús konungr var andaðr, liðu 15 vetr áðr Nizarorrosta var, en síðan 2 áðr Haraldr ok Sveinn sættust. Svá segir Þjóðólfr:

Fœrði fylkir Hörða,	rendr bitu stál fyrir ströndu,
fríðr namsk ár hið þriðja,	starf til króks at hvarfi.

Eptir sætt þeira var deila konungs við Upplendinga þrjú misseri. Svá segir Þjóðólfr:

5 Nú es um verk þau er vísi	Sér hefir svá langs tírar
vandmælt svá at af standisk	svinnu, at æ mun vinnask,
auðan plóg at eiga	þrjú misseri þessi
Upplendingum kendi.	þengils höfuð fengit.

Frá Englands konungum.

77. Jatvarðr Aðalráðsson var konungr í Englandi eptir Hörðaknútt bróður sinn; hann var kallaðr Jatvarðr hinn góði, hana var svá. Móðir Jatvarðar konungs var Emma dróttning, dóttir Ríkarðar Rúðujarls; bróðir hennar var Roðbjartar jarl, faðir Vilhjálms basterðs, er þá var her-
5 togi í Rúðn í Norðmandí. Jatvarðr konungr átti Gyðu dróttning, dóttur Guðina jarls Úlfnaðrssonar. Bræðr Gyðu váru: Tosti jarl, hann var elztr, annarr Mörukári jarl, þriðr Valþjófr jarl, fjórðr Sveinn jarl, fimti Haraldr, hann var yngstr; hann fœddist upp í hirð Jatvarðar konungs ok
0 var hans fósterson, ok unni konungr honum geysi mikit ok hafði hann fyrir son; því at konungr átti ekki barn.

Frá Haraldí Guðinasyni.

78. Þat var á einu sumri, at Haraldr Guðinason átti ferð til Bretlands, ok fór á skipi, en er þeir kómu í
5 haf, tók þá andviðri ok rak út í haf. Þeir tóku land vestr í Norðmandí ok höfðu fengit storm mannhættan. Þeir lögðu til borgarinnar Rúðu, ok funnu þar Vilhjálmm jarl, tók hann við Haraldí feginssamliga ok hans föruneysi, dvaldi Haraldr þar lengi um haustit í góðum fagnaði, því at
0 stormar lágu á, ok var eigi í haf fœrt. En er at leið vetrinum, þá ræddu þeir þat jarl ok Haraldr, at Haraldr mundi þar dveljast um vetrinn. Sat Haraldr í háseti á aðra hönd jarli, en til annarrar handar kona jarls, hon var

hverri konu friðari, er menn hefði sét. Þau töluðu öll saman sér gaman jafnan við drykkju. Jarl gekk optast snemma at sofa, en Haraldr sat lengi á kvöldum ok talaði við konu jarls; fór svá fram lengi um vetrinn. Eitt sinn er þau töluðu, segir hon: Nú hefir jarl rætt um við mik ok spurt, hvat vit talaðim svá þrátt, ok er hann nú reiðr. Haraldr svarar: Vit skulum hann nú láta vita sem skjótast allar ræður okrar. Eptir um daginn kallaði Haraldr jarl til máls við sik, ok géngu þeir í málstofu, þar var þá ok kona jarls ok ráðuneyti þeira. Þá tók Haraldr til máls: 10 Þat er at segja yðr, jarl! at fleira býr í hingatkvámu minni, en þat er ek hefi enn upp borit fyrir yðr. Ek ætla at biðja dóttur þinnar til eiginkonu mér, hefi ek þetta rætt fyrir móður hennar optliga, ok hefir hon mér því heitit, at liðsinna þetta mál við yðr. En þegar er Haraldr hafði 15 þetta uppborit, þá tóku allir því vel, þeir er við váru, ok fluttu þat fyrir jarli, kom þetta mál svá at lyktum, at mærin var föstnuð Haraldí. En fyrir því at hon var ung, þá var mælt nokkurra vetra frest á til brúðlaupsstefnu.

Dauði Jatvarðar konungs.

20

- 79. En er vár kom, þá bjó Haraldr skip sitt ok ferr í brott, skildust þeir jarl með kærleikum miklum, fór þá Haraldr út til Englands á fund Jatvarðar konungs, ok kom eigi til Vallands síðan at vitja ráðs þessa. Jatvarðr kon- 25 ungr var yfir Englandi 23 vetr, ok varð hann sótt dauðr í Lundúnum none Januári; hann var jarðaðr at Pálskirkju, ok kalla enskir menn hann helgan.

Haraldr Guðinason til konungs tekinn.

- 80. Synir Guðina jarls váru þá ríkastir menn á Eng- 30 landi; var Tosti settr höfðingi yfir her Englakonungs, ok var hann landvarnarmaðr, þá er konungr tók at eldast; hann var settr yfir alla jarla aðra. Haraldr bróðir hans var jafnan innan hirðar, ok var konungi hinn næsti maðr

um alla þjónostu, ok hafði allar féhirzlur konungs at gæta. Þat er sögn manna, at þá er fram leið at andláti konungs, at þá var Haraldr nær ok fátt manna annat; þá laut Haraldr yfir konunginn ok mælti: Því skírskota ek undir alla yðr, at konungr gaf mér nú konungdóm ok alt ríki í Englandi. Því næst var konungr borinn dauðr or hvílunni. Þann sama dag var þar höfðingjastefna, var þá roett um konungstekju, lét þá Haraldr bera fram vitni sín þau, er Jatvarðr konungr gaf honum ríki á deyjanda degi. Lauk svá þeiri stefnu, at Haraldr var til konungs tekinn ok vígðr konungsvígslu hinn 13 dag í Pálskirkju. Géngu þá allir höfðingjar til handa honum, ok alt fólk. En er þat spurði Tosti jarl bróðir hans, líkaði honum illa, þóttist hann eigi verr tilkominn at vera konungr. Vil ek, sagði hann, at landshöfðingjar kjósi þann til konungs, er þeim þykkir bezt tilfallinn. Ok fóru þau orð milli þeira bræðra. Haraldr konungr segir svá, at hann vill eigi upp gefa konungdóm, fyrir því at hann var stólsettr í þeim stað, sem konungr átti, en verit síðan smurðr ok vígðr konungsvígslu; hvarf ok til hans allr styrkr fjölmennis, hafði hann ok féhirzlur konungs allar.

Tosti jarl fann Svein konung.

81. En er Haraldr konungr varð þess varr, at Tosti bróðir hans vildi hafa hann af konungdóminum, þá trúði hann honum illa, því at Tosti var maðr forvitri ok hermaðr mikill, ok átti vel vingat við landshöfðingja. Tók þá Haraldr konungr af Tosta jarli herstjórnina ok alt þat vald, er hann hafði áðr haft framar en aðrir jarlar þar í landi. Tosti jarl vildi þat fyrir engan mun þola, at vera þjónostumaðr bróður síns samborins; fór hann þá í brott með liði sínu suðr um sjá í Flandr, dvaldist þar litla hríð, fór þá til Fríslands, ok svá þaðan til Danmerkr á fund Sveins konungs frænda síns. Þau váru systkin Úlfr jarl faðir Sveins konungs ok Gyða móðir Tosta jarls. Jarl

biðr Svein konung fulltings ok liðveizlu. Sveinn konungr bauð honum til sín, ok segir, at hann skal hafa jarlsríki í Danmörk, þat er hann megir vera þar soemiligr höfðingi. Jarl svarar svá: Þess girnir mik, at fara til Englands aptr til óðala minna; en ef ek fæ engan styrk til þess af yðr, konungr! þá vil ek heldr þat til leggja við yðr, at veita yðr allan styrk þann, er ek á kost í Englandi, ef þér vilit fara með Danaher til Englands at vinna land, svá sem Knútr móðurbróðir yðarr. Konungr svarar: Svá miklu em ek minni maðr en frændi minn Knútr konungr, at varla 10 fæ ek haldit Danaveldi fyrir Norðmönnum; hinn gamli Knútr eignaðist at erfð Danaríki, en með hernaði ok orrostu England, ok var þat um hríð þó eigi úvænna, at hann mundi þar eptir leggja líf sitt; Noreg fékk hann orrostulaust. Nú kann ek ætla mér hóf meir eptir mínu lítulræði 15 en eptir framkvæmd Knúts konungs frænda míns. Þá mælti Tosti jarl: Minna verðr mitt erendi hingat, en ek hugða, at þú mundir vera láta, svá göfugr maðr, í nauðsyn mína frænda þíns. Kann nú vera, at ek leita þannug vináttunnar, er miklu er úmakligra; en þó má vera, at ek 20 finna þann höfðingja, er miðr vaxi fyrir augum at ráða mjök stórt heldr en þér, konungr! Síðan skildust þeir konungr ok jarl, ok ekki mjök sáttir.

Ferð Tosta til Noregs.

82. Tosti jarl snýr þá ferðinni, ok kom fram í Noreg. 25 ok fór á fund Haralds konungs; hann var í Víkinni. En er þeir finnast, berr jarl upp fyrir konung erendi sín, segir honum alt um ferð sína, síðan er hann fór af Englandi. biðr konung fá sér styrk at soekja ríki sitt í Englandi. Konungr svarar svá, at Norðmenn mun þess ekki fýsa, at 30 fara til Englands ok herja ok hafa þar enskan höfðingja yfir sér: mæla menn þat, segir hann, at þeir hinir ensku sé ekki alltrúir. Jarl svarar: Hvárt er þat með sannindum, er ek hefi heyrt menn segja í Englandi, at Magnús

konungr frændi þinn sendi menn til Jatvarðar konungs, ok var þat í orðsending, at Magnús konungr átti England slíkt sem Danmörk, arftekkit eptir Hörðaknútt, svá sem swardagar þeira höfðu tilstaðit? Konungr svarar: Hví hafði hann þat þá eigi, ef hann átti þat? Jarl segir: Hví hefir þú eigi Danmörk, svá sem Magnús konungr hafði fyrir þér? Konungr svarar: Ekki þurfu Danir at hœlast við oss Norðmenn, marga dila höfum vér brent þeim frændum þínum. Þá mælti jarl: Viltu eigi mér segja, þá mun ek þér segja; því eignaðist Magnús konungr Danmörk, at þar landshöfðingjar veittu honum, en því fékktu eigi, at alt landsfólk stóð í móti þér; því barðist Magnús konungr eigi til Englands, at allr landslýðr vildi hafa Jatvarð at konungi. Viltu eignast England, þá má ek svá gera, at meiri hlutr höfðingja í Englandi munu vera vinir þínir ok liðsinnismenn; skortir mik eigi meira við Harald bróður minn en konungsnafn eitt. Þat vitu allir menn, at engi hermaðr hefir slíkr fœzt á Norðrlöndum sem þú, ok þat þykki mér undarligt, er þú barðist 15 vetr til Danmerkr, en þú vill eigi hafa England, er nú liggr laust fyrir þér. Haraldr konungr hugsaði vandliga, hvat jarl mælti, ok skildi, at hann sagði mart satt, ok í annan stað gerðist hann fúss til at fá ríkit. Síðan töluðu þeir konungr ok jarl löngum ok opt, settu þeir þá ráðagerð þessa, at þeir skyldu fara um sumarit til Englands ok vinna landit. Sendi Haraldr konungr orð um allan Noreg ok bauð út leiðangri, hálfum almenningi. Var þetta nú allfrægt, váru margar getur á, hvernug förin mundi verða, mæltu sumir ok töldu upp stórvirki Haralds konungs, at honum mundi ekki úfœrt verða, en sumir sögðu, at England mundi torsótt, mannfólk ofamikit á, ok lið þat er kallat er Þingamannalið, þeir váru menn svá frœknir, at betra var lið eins þeira en tveggja Haralds manna hinna beztu. Þá svaraði Úlfr stallari:

Era stallarum stillis
stafnrúm Haralds, jafnan
únauðligr fæ ek auðar,
innan þörf at hvarfa,

ef, hörbrekkan, hrækkva,
hreim! skulu tveir fyrir einum,
ungr kenda ek mér, undan,
aðnat, Þingamanni.

Úlfr stallari andaðist þat vár. Haraldr konungr stóð yfir grepti hans, ok mælti, er hann gékk frá: Þar liggur nú sá, er dyggvastr var ok dróttinhollastr. Tosti jarl sigldi um vórit vestr til Flæmingjalandis á mót liði því, er honum hafði fylgt utan af Englandi, ok því öðru, er samnaðist til hans bæði af Englandi ok þar í Flæmingjalandi.

Draumr Gyrðar.

83. Herr Haralds konungs samnaðist saman í Sólundum. En er Haraldr konungr var búinn at leggja út or Niðarósi, þá gékk hann áðr til skríns Ólafs konungs ok lauk upp, ok klipti hár hans ok negl, ok læsti síðan skrínu, en kastaði luklunum út á Nið; ok hefir ekki síðan upp verit lokit skríni hins helga Ólafs konungs. Þá var liðit frá falli hans 35 vetra, hann lifði ok hálfan fjórða tog vetra hér í heimi. Haraldr konungr hélt því liði, er honum fylgði, suðr til móts við lið sitt. Þar kom saman lið mikit, svá at þat er sögn manna, at Haraldr konungr hefði nær 200 skipa, ok umfram vístabýrðingar ok smáskútur. Þá er þeir lágu í Sólundum, dröymdi mann þann, er var á konungsskipinu, er Gyrðr er nefndr. Hann þóttist þar vera staddr á konungsskipinu, ok sá upp á eyrna, hvar tröllkona mikil stóð ok hafði skálm í hendi, en í annarri hendi trog; hann þóttist ok sjá yfir öll skip þeira, ok honum þótti fugl sitja á hverjum skipstafni, þat váru alt ernir ok hrafnar. Tröllkonan kvað:

Víst er at allvaldr aústan
eggjask vestr at leggja
mót við marga knútu,
minn snúðr er þat, prúða.

Kná valþiðurr velja,
veit ærna sér, beitu,
steik af stillis haukum
stafns, fylgi ek því jafnan.

Draumr Þórðar.

84. Þórðr er maðr nefndr, er var á skipi því, er skamt lá frá skipi konungs. Hann dreymdi um nótt, at hann þóttist sjá flota Haralds konungs fara at landi, þóttist vita, at þat var England; hann sá á landinu fylking mikla, ok þótti sem hváirtveggju bjoggist til orrostu, ok höfðu nerki mörg á lepti. En fyrir liði landsmanna reið tröllkona nikil, ok sat á vargi, ok hafði vargrinn manns hræ í munni, ok féll blóð um kjaptana. En er hann hafði þann etit, þá castaði hon öðrum í munn honum, ok síðan hverjum at öðrum, en hann gleypiti hvern. Hon kvað:

Skœð lætr skína rauðan
skjöld, er dregr at hjaldri,
brúðr sér örnis jóða
úföð konungs görva.

Sviptir í sveifankjapta
svanni holdi manna,
úlfs munn litar innan
óðlát kona blóði
ok óðlát kona blóði.

Draumr Haralds konungs.

85. Harald konung dreymdi enn um nótt, at hann var í Niðarósi ok hitti Ólaf konung bróður sinn, ok kvað ann vísu fyrir honum:

Gramr vá frægr til fremdar
flestan sigr hinn digri,
hlaut ek því at heima sátum
heilagt fall til vallar.

Uggi ek enn at, tiggi!
yðr muni feigð um byrjuð,
trölfs gefit fákum fyllar
fíks, veldra guð slíku.

Íargir aðrir draumar váru þá sagðir ok annarskonar fyrirurðir, ok flestir dæprligir. Haraldr konungr, áðr hann eri or Þrándheimi, hafði þar látit taka til konungs Magnús son sinn, ok setti hann til ríkis í Noregi, er Haraldr konungr fór í brott. Þóra Þorbergsdóttir var ok eptir, en Ellisif dróttning fór með honum, ok dóetr hennar María ok Ingigerðr. Ólafr, son Haralds konungs, fór ok með honum at landi.

Vestrferð Haralds konungs.

86. En er Haraldr konungr var búinn ok byr gaf, sigldi hann út á haf, ok kom af hafi við Hjaltland, en sumt lið hans kom við Orkneyjar; lá Haraldr konungr þar litla hrið, áðr hann sigldi til Orkneyja, ok hafði þaðan með sér lið mikit, ok jarlana Pál ok Erlend, sonu Þorfinns jarls; en lét þar eptir Ellisif dróttning ok dótr þeira Mariu ok Ingigerði. Þaðan sigldi hann suðr fyrir Skotland, ok svá fyrir England, ok kom þar við land, er heita Kliflond, þar gékk hann á land ok herjaði þegar, ok lagði landit undir sik, fékk enga mótstöðu. Síðan lagði Haraldr konungr til Skarðaborgar, ok barðist þar við borgarmenn; hann gékk upp á bergit, þat sem þar verðr, ok lét þar gera bál mikit ok leggja í eld. En er bálit logaði, tóku þeir forka stóra ok skutu bálinu ofan í bæinn; tók þá at brenna hvert hús af öðru, gafst þá upp allr staðrinn; drápu þá Norðmenn þar mart manna, en tóku fé alt, þat er þeir féngu. Var enskum mönnum þá engi kostr fyrir höndum. ef þeir skyldu halda lífinu, nema ganga til handa Haraldí konungi. Lagði hann þá undir sik land alt, þar sem hann fór. Síðan lagði Haraldr konungr með allan herinn suðr með landi, ok lagði at við Hellornes, kom þar samnaðr í móti honum, ok átti Haraldr konungr þar orrostu ok fékk sigr.

Frá fylking jarlanna.

87. Síðan fór Haraldr konungr til Humbru, ok upp eptir ánni, ok lagði þar við land. Þá váru jarlarnir upp í Jórvík Mörukári jarl ok Valþjófr jarl bróðir hans. ok höfðu úvígjan her. Þá lá Haraldr konungr í Úsu, er herr jarla sótti ofan. Þá gékk Haraldr konungr á land ok tók at fylkja liði sínu; stóð fylkingararmrinn annarr fram á árbakkann, en annarr vissi upp á landit at diki nökkuru; þar var fen djúpt ok breitt, ok fult af vatni. Jarlar létu síga fylking sína ofan með ánni með öllum

múginum. Konungsmerkit var nær ánni, var þar allþykt fylkt, en þynst við díkit, ok lið þat útraustast. Þá sóttu jarlar ofan með díkinu; veik þá fyrir fylkingararmr Norðmanna, sá er vissi at díkinu, en enskir menn sóttu þar fram eptir þeim, ok hugðu at Norðmenn vildu flýja. Fór þar fram merki Mörukára.

Dráp Mörukára jarls.

88. En er Haraldr konungr sá, at fylking enskra manna var komin ofan með díkinu gegnt þeim, þá lét hann blása herblástrinn ok eggjaði herinn ákafliga, lét þá fram bera merkit Landeyðuna; snaraði þá atgönguna svá harða, at alt hrökk fyrir; gerðist þá mannfall mikit í liði jarla. Snerist þá liðit brátt á flótta, flýði sumt upp með ánni eða ofan, ok flest fólk hljóp út á díkit; lá þar svá þykt valrinn, at Norðmenn máttu ganga þurrfoetis yfir fenit. Þar týndist Mörukári jarl. Svá segir Steinn Herðisarson:

Þjóð fórsk mörg í móðu,
menn druknuðu sokknir,
drengr lá ár um ungan
úfár Mörukára.

Fíra dróttinn rak flótta,
framr tók herr á ramri
rás fyrir röskum vísa.
Ríklundaðr veit undir.

Þessa drápu orti Steinn Herðisarson um Ólaf son Haralds konungs, ok getr hér þess, at Ólafr var í orrostu með Haraldi konungi feðr sínum. Þessa getr ok í Haralds stikka:

Lágu fallnir
í fen ofan
Valþjófs liðar
vápnum höggðir,

svá at gunnhvatir
ganga máttu
Norðmenn yfir
at nám einum.

Valþjófr jarl, ok þat lið er undan komst, flýði upp til borgarinnar Jork, varð þar hit mesta mannfall. Orrosta var miðvikudag næsta dag fyrir Matheus messu.

Frá Tosta jarli.

89. Tosti jarl hafði komit vestan af Flæmingjalandi til Haralds konungs, þegar er hann kom til Englands, ok var jarl í öllum orrostum þessum. Fór þá svá, sem hann hafði sagt Haraldi, fyrr er þeir funnust, at fjöldi manns dreif til þeira í Englandi; þat váru frændr ok vinir Tosta jarls, ok var konungi þat mikill styrkr liðs. Eptir þessa orrostu, er áðr var frá sagt, gékk undir Harald konung lið alt um hin næstu heruð, en sumt flýði. Þá byrjaði Haraldr konungr ferð sína at vinna borgina, ok lagði herinum við Stanforða bryggjur. En fyrir þá sök, at konungr hafði unnit svá mikinn sigr við stóra höfðingja ok ofrefli liðs, var alt fólk hrætt ok ørvæntist mótstöðu. Þá gerðu borgarmenn ráð fyrir sér, at senda boð Haraldi konungi ok bjóðast í vald hans, ok svá borgina. Var þetta alt boðat svá, at sunnudaginn fór Haraldr konungr með öllum herinum til borgarinnar, ok setti þing utan borgar konungr ok menn hans, en borgarmenn sóttu til þingsins; játaðist alt fólk undir hlýðni við Harald konung, ok féngu honum gislar tiginna manna sonu, svá sem Tosti jarl kunni skyn allra manna í þeiri borg, ok fór konungr um kveldit til skipanna með sjálfgöllum sigri, ok var allkátr. Var ákveðit þing snimna mánadaginn í borginni; skyldi þá Haraldr konungr skipa stað þann með ríkismönnum ok gefa réttu ok lén. Þat sama kveld eptir sólarsetr kom sunnan at borginni Haraldr konungr Guðinason með úvígjan her, reið hann í borgina at vild ok þokka allra borgarmanna; váru þá tekin öll borgarhlið ok allir vegar, at eigi skyldi njósnir koma Norðmönnum; var þessi herr um nóttina í staðnum.

Uppganga Haralds konungs.

90. Mánadaginn er Haraldr Sigurðarson var mettr at dagverðarmáli, þá lét hann blása til landgöngu; býr þá herinn ok skiptir liðinu, hverir fara skulu, eða hverir eptir

skulu vera. Hann lét upp ganga í hverri sveit tvá menn, þar er einn var eptir. Tosti jarl bjó sik til uppgöngu með Haraldi konungi með sína sveit; en eptir váru til skipagæzlu Ólafr konungsson, ok Páll ok Erlendr Orknayja jarlar, ok Eysteinn erri, son Þorbergs Arnasonar, er þá var ágætastr ok kærstr konungi allra landra manna; þá hafði Haraldr konungr heitit honum Maríu dóttur sinni. Þá var veðr forkunnliga gott ok heitt skin. Menn létu eptir brynjur sínar, ok gengu upp með skjöldum sínum ok hjálmum, ok kesjum, ok sverðum gyrðir, ok margir höfðu ok skot ok boga, ok váru allkátir. En er þeir sóttu í nánd borginni, reið í móti þeim lið mikit, sá þeir jóreykinn, ok undir fagra skjöldu ok hvítar brynjur. Þá stöðvaði konungr liðit, lét kalla til sín Tosta jarl, ok spurði, hvat liði þat mundi vera. Jarl svaraði, lézt þykkja líkliga, at úfriðr mundi vera, lét ok hitt vera mega, at þetta mundu vera frændr hans nökkurir, ok leita til vægðar ok vináttu, en fá í móti af konungi traust ok trúnað. Þá mælti konungr, at þeir mundu fyrst halda kyrru ok forvitnast um herinn; þeir gerðu svá, ok var liðit því meira, er náligar kom, ok alt at sjá sem á eina ísmöl, er vápnin glóuðu.

Ráð Tosta jarls.

91. Haraldr konungr Sigurðarson mælti þá: Tökum nú nökkut gott ráð ok vitrligt, því at ekki er at dyljast, at úfriðr er, ok mun vera konungr sjálfr. Þá svaraði jarl: Þat er hit fyrsta, at snúa aptr sem hvatast til skipa eptir liði váru ok vápnum, veitum þá viðrtöku eptir einum; en at öðrum kosti látum skipin gæta vár, ok eigu þá riddarar eigi vald yfir oss. Þá sagði Haraldr konungr: Annat ráð vil ek hafa, at setja hina skjótustu hesta undir þrjá vaaka drengi, ok riði þeir sem hvatligast, ok segi liði váru, mun þá skjótt koma oss liðveizla, fyrir þá sök at Englismenn skulu eiga hinnar snörpustu hriðar ván, heldr en vér berim hinn

læggra hlut. Þá sagði jarl, bað konung ráða þessu sem öðru, lézt ok vera eigi gjarn at flýja. Þá lét Haraldr konungr setja upp merki sitt Landeyðu; Friðrekr hét sá er merkit bar.

Frá fylking Haralds konungs.

5

92. Síðan fylkti Haraldr konungr liði sínu, lét fylkingina langa ok ekki þykka; þá beygði hann armana aptr á bak, svá at saman tóku, var þat þá víðr hringr, ok þykkr ok jafn öllum megin utan, skjöldr við skjöld, ok svá fyrir ofan, en konungssveitin var fyrir utan hringinn, ok þar merki; þat var valit lið. Í öðrum stað var Tosti jarl með sína sveit, hafði hann annat merki. Var því svá fylkt, at konungr vissi, at riddarar váru vanir at ríða at riðlum ok þegar aptr. Nú segir konungr, at hans sveit ok jarls sveit skal þar fram ganga, er mest þarf: en bog-¹⁵ menn várir skulu ok þar vera með oss, en þeir er fremstir standa, skulu setja spjótshala sína í jörðina, en setja oddana fyrir brjóst riddurum, ef þeir ríða at oss, en þeir er næstir standa, seti þeir sína spjótsodda fyrir brjóst hestum þeira.

20

Frá Haraldi Guðinasyni.

93. Haraldr konungr Guðinason var þar kominn með her úvígjan, bæði riddara ok fótgangandi menn. Haraldr konungr Sigurðarson reið þá um fylking sína, ok skynjaði hvernug fylkt vár; hann sat á svörtum hesti blesóttum; ²⁵ hestrinn féll undir honum, ok konungr af fram; stóð hann upp skjótt ok mælti: Fall er farar heill. Þá mælti Haraldr Englakonungr til Norðmanna þeira, er með honum váru: Kendut þér þann hinn mikla mann, er þar féll af hestinum við hinn blá kyrtil ok hinn fagra hjálm? Þar er konungr ³⁰ sjálfr, sögðu þeir. Englakonungr sagði: Mikill maðr ok ríkmannligr, ok er þat vænna, at farinn sé at hamingju.

Viðtal konunga.

94. Riddarar 20 riðu fram af Þingamannaliði fyrir fylking Norðmanna, ok váru albrynjaðir, ok svá hestar þeira. Þá mælti einn riddari: Hvárt er Tosti jarl í liðinu?

5 Hann svarar: Ekki er því at leyna, hér munu þér hann finna. Þá mælti einn riddari: Haraldr bróðir þinn sendi þér kveðju, ok þau orð með, at þú skyldir hafa grið ok Norðimbraland alt, ok heldr en eigi vilir þú til hans hneigjast, þá vill hann gefa þér þriðjung ríkis síns alls með

10 sér. Þá svaraði jarl: Þá er nokkut annat boðit en úfriðr ok svívirðing, sem í vetr; hefði þat verit þá boðit, þá væri margr maðr sá á lífi, er nú er dauðr, ok betr mundi þá standa ríki í Englandi. Nú tek ek þenna kost, hvat vill hann þá bjóða Haraldí konungi Sigurðarsyni fyrir sitt starf?

5 Þá mælti riddarinn: Sagt hefir hann þar nokkut frá, hvers hann mun honum unna af Englandi, 7 fóta rúm, eða því lengra, sem hann er hæri en aðrir menn. Þá sagði jarl: Farit þér nú ok segit Haraldí konungi, at hann búist til orrostu, annat skal satt at segja með Norðmönnum, en þat

10 at Tosti jarl fari frá Haraldí konungi Sigurðarsyni ok í úvina flokk hans, þá er hann skyldi berjast í Englandi vestr; heldr skulu vér allir taka eitt ráð, deyja með sœmd eða fá England með sigri. Þá riðu aptr riddararnir. Þá mælti Haraldr konungr Sigurðarson við jarl: Hverr var

5 þessi hinn málsnjalli maðr? Þá sagði jarl: Þat var Haraldr konungr Guðinason. Þá mælti Haraldr konungr Sigurðarson: Oflengi váru vér þessu leyndir; þeir váru svá komnir fyrir lið vart, at eigi mundi þessi Haraldr kunna segja banaorð varra manna. Þá sagði jarl: Satt er þat, herra!

10 úvarliga fór slíkr höfðingi, ok vera mætti svá sem þér segit; sá ek þat, at hann vildi mér grið bjóða ok ríki mikit, en ek væra banamaðr hans, ef ek segða til hans; vil ek heldr, at hann sé minn banamaðr, en ek hans. Þá mælti Haraldr konungr Sigurðarson til sinna manna: Lítill maðr var þessi,

ok stóð steigurliga í stigreip. Svá segja menn, at Haraldr konungr Sigurðarson kvað vísu þessa:

Fram göngu vér
í fylkingu
brynjulausir
und blár eggjar.

Hjálmar skína,
hefkat ek mína,
nú liggr skruð vart
at skipum niðri.

5

Emma hét brynja hans, hon var síð, svá at honum tók á mitt bein, ok svá sterk, at aldri hafði vápn á fest. Þá mælti Haraldr konungr Sigurðarson: Þetta er illa kveðit, ok mun verða at gera aðra vísu betri. Þá kvað hann þetta: 10

Krjúpum vér fyrir vápna,
valteigs, brakan eigi,
svá bauð hildr at hjaldri
haldorð, í bug skjaldar.

Hátt bað mik, þar er mœttusk,
menskorð bera forðum,
hlakkar íss ok hausar,
hjálmsstofn í gný málma.

Þá kvað ok Þjóðólfr:

15

Skalka ek frá, þótt fylkir
falli sjálf til vallar,
gengr sem guð vill, ungum
grams erfingjum hverfa.

Skínnat sól á sýnni,
snarráða, en þá báða,
Haralds eru haukar gervir
hefnendr, konungs efni.

Upphaf orrostu.

20

95. Nú hefr upp orrostu, ok veita enskir menn áreið Norðmönnum, varð viðrtakan hörð, varð úþægt enskum mönnum at ríða á Norðmenn fyrir skotum, ok riðu þeir í hring um þá. Var þat fyrst laus orrosta, meðan Norðmenn héldu vel fylkingu, en enskir menn riðu at hart, ok þegar 25 frá, er þeir féngu ekki at gert. En er Norðmenn sá þat, at þeim þótti blautliga at riðit, þá sóttu þeir at þeim ok vildu reka flóttann. En er þeir höfðu brugðit skjaldborginni, þá riðu enskir menn at þeim öllum megin, ok báru á þá spjót ok skot. En er Haraldr konungr Sigurð- 30 arson sá þat, gékk hann fram í orrostu, þar er mestr var vápnaburðrinn. Var þar þá hin harðasta orrosta, ok féll mikit lið af hvárumtveggjum. Þá varð Haraldr konungr Sigurðarson svá óðr, at hann hljóp fram alt or fylkingunni

ok hjö báðum höndum, hélt þá hvárki við honum hjálmr né brynja. Þá stukku frá allir þeir, er næstir váru; var þá við sjálft, at enskir menn mundu flýja. Svá segir Arnórr jarlaskáld:

5	Hafði brjóst, né bifðisk bððsnart konungs hjarta, í hjálmþrimu hilmir hlítstyggr fyrir sér lítit.	Þars, til þengils hersa þat sá herr, at skátta blóðugt hjörr hins þætta beit döglinga hættis.
---	--	--

Fall Haralds konungs Sigurðarsonar.

0 96. Haraldr konungr Sigurðarson var lostinn öru í óstinn, þat var hans banasár, féll hann þá, ok öll sveit sú, er fram gékk með honum, nema þeir er aptr opuðu, ok héldu þeir merkinu. Var þá enn hinn harðasti bardagi. Gékk þá Tosti jarl undir konungsmerkit. Tóku þá hvár-
5 irtveggju at fylkja í annat sinni, ok varð þá á dvöl mjök löng á orrostunni. Þá kvað Þjóðólfr:

0	Öld hefir afroð goldit ilt, nú kveð ek her stiltan, baud þessa för þjóðum þarflaust Haraldr austan.	Svá lauk siklings ævi snjalls, at vér rom allir, lofðungr beið hinn leyfði lífs grand, í stað vöndum.
---	--	--

En áðr saman sigi orrosta, þá baud Haraldr Guðinason grið Tosta jarli bróður sínum ok þeim mönnum öðrum, er þá lifðu eptir af liði Norðmanna. En Norðmenn æptu allir senn, ok segja, at fyrr skyldi hverr falla um þveran annan,
5 en þeir gengi til griða við enska menn; æptu þá heróp, tókst þá orrosta í annat sinn. Svá segir Arnórr jarlaskáld:

0	Eigi varð hins ýgja auðligr konungs dauði, hlífðut hlenna svæfi höddum roðnir oddar.	Heldr kuru meir hins milda mildings en grið vildi um fólksnaran fylki falla liðsmenn allir.
---	---	--

Orrahrið.

97. Eysteinn orri kom í því bili frá skipum með því liði, er honum fylgði, váru þeir albrynjaðir, fékk Ey-

steinn þá merki Haralds konungs Landeyðuna. Varð nú orrosta hit þriðja sinn, ok varð sú hin harðasta, féllu þá mjök enskir menn, ok var við sjálfst, at þeir mundu flýja. Sú orrosta var kölluð Orrahrið. Þeir Eysteinn höfðu farit svá ákafliga frá skipunum, at þeir váru fyrr svá móðir, at 5 nálíga váru þeir úfærir, áðr en þeir kœmi til orrostu, en síðan váru þeir svá óðir, at þeir hlífðu sér ekki, meðan þeir máttu upp standa. At lyktum steyptust þeir af hringa-brynjunum. Var þá enskum mönnum hægt at finna högg-staði á þeim, en sumir sprungu með öllu ok dó úsárir; 10 féll nálíga alt stórmenni Norðmanna. Þetta var hinn efra hlut dags. Var þat sem ván var, at þar váru enn eigi allir jafnir, margir flýðu, margir ok þeir, er svá kómust undan, at ymsir báru auðnu til; gerði ok myrkt um kveld-it, áðr en lokit var öllum manndrápum. 15

Frá Styrkári stallara.

98. Styrkár stallari Haralds konungs Sigurðarsonar komst brott, ágætr maðr; hann fékk hest ok reið svá í brott um kveldit. Gerðist á vindr nokkurr ok heldr svalt, en Styrkár hafði ekki klæði fleiri en skyrtu eina, en hjálm á 20 höfði, en nækkvit sverð í hendi. Honum svalaði, er hann hratt af sér mœðinni. Þá kom í móti honum vagnkarl einn, ok var í kösungi fódruðum. Þá mælti Styrkár: Viltu selja kösunginn, bóndi? Eigi þérna, segir hann, þú munt vera Norðmaðr, kenni ek mál þitt. Þá mælti Styrkár: 25 Ef ek em Norðmaðr, hvat viltu þá? Bóndi svarar: Ek vilda drepa þik, en nú er svá illa, at ek hefi ekki vápn, þat er nýtt sé. Þá mælti Styrkár: Ef þú mátt mik ekki drepa, þá skal ek freista, ef ek mega þik drepa. Reiðir upp sverðit ok setr á háls honum, svá at af gékk höfuðit; 30 tók síðan skinnhjúpinn ok hljóp á hest sinn ok fór til strandar ofan.

Frá Vilhjálmi bastardi.

99. Vilhjálmr bastardr Rúðujarl spurði andlát Jatvarðar konungs frænda síns, ok þat með, at þá var til konungs tekinn í Englandi Haraldr Guðinason, ok hafði
 5 tekit konungsvígslu. En Vilhjálmr þóttist betr tilkominn til ríkis í Englandi en Haraldr, fyrir frændsems sakir þeira Jatvarðar konungs; þat var ok með, at hann þóttist eiga at gjalda Haraldí svívirðing, er hann hafði slitit festamálum við dóttur hans, ok af öllu þessu saman dró Vilhjálmr her
 0 saman í Norðmandí ok hafði allmikit fjölmenni ok gnógan skipakost. Þann dag er hann reið or borginni til skipa sinna ok hann var kominn á hest sinn, þá gékk kona hans til hans ok vildi tala við hann. En er hann sá þat, þá laust hann til hennar með hælinum ok setti sporana fyrir
 5 brjóst henni, svá at á kafi stóð; féll hon ok fékk þegar bana, en jarl reið til skips, fór hann með herinum út til Englands. Þar var með honum Otta byskup bróðir hans. En er jarl kom til Englands, þá herjaði hann ok lagði undir sik landit, hvar sem hann fór. Vilhjálmr jarl var
 0 hverjum manni meiri ok sterkari, ok góðr riddari, hinn mesti hermaðr, ok heldr grimmr, hinn vitrasti maðr, ok kallaðr ekki tryggr.

Fall Haralds konungs Guðinasonar.

100. Haraldr konungr Guðinason lofaði brottferð Ólafi,
 5 syni Haralds konungs Sigurðarsonar, ok því liði, er þar var með honum ok eigi hafði fallit í orrostu; en Haraldr konungr snerist þá með her sinn suðr á England, því at hann hafði þá spurt, at Vilhjálmr bastardr fór sunnan á England, ok lagði landit undir sik. Þar váru þá með
 0 Haraldí konungi bræðr hans, Sveinn, Gyrðr, Valþjófr. Fundr þeira Haralds konungs ok Vilhjálms jarls varð suðr á Englandi við Helsingjaport, varð þar orrosta mikil. Þar féll Haraldr konungr ok Gyrðr jarl bróðir hans, ok mikill hluti liðs þeira. Þat var 19 nóttum eptir fall Haralds

konungs Sigurðarsonar. Valþjófr jarl bróðir Haralds kom á flóttu undan, ok síð um kveldit meetti jarl sveit nokkurri af Vilhjálms mönnum. En er þeir sá lið Valþjófs jarls, flýðu þeir undan á eikiskóg nokkurn; þat var hundrað manna. Valþjófr jarl lét eld leggja í skóginn ok breana upp alt saman. Svá segir Þorkell Skallason í Valþjófsflokki:

Hundrað lét í heitum
hirðmenn jöfurs brenda
sóknar yggr, en seggjum
sviðukveld var þat, eldi.

Frétt er at fyrðar knáttu
flagðviggs und kló liggja,
ímleitur fékksk áta
ölsblakk við hræ Frakka.

10

Dráp Valþjófs jarls.

101. Vilhjálmr lét sik til konungs taka í Englandi. Hann sendi boð Valþjófi jarli, at þeir skyldu sættast, ok selr honum grið til fundar. Jarl fór með fá menn; ok er hann kom á heiðina fyrir norðan Kastalabryggju, þá komu móti honum ármenn tveir með sveit manna, ok tóku hann ok settu í fjötur, ok síðan var hann höggvinn; ok kalla enskir menn hann helgan. Svá segir Þorkell:

Víst hefir Valþjóf hraustan
Vilhjálmr, sá er rauð málma,
hinn er haf skar sunnan
hélt, í trygð um véltan.

Satt er at síð mun létta,
snarr en minn var harri
deyr eigi mildingr mærr,
manndráp á Englandi.

20

Vilhjálmr var síðan konungr á Englandi 21 vetr, ok hans afkvæmi jafnan síðan.

Ferð Ólafs Haraldssonar af Englandi.

25

102. 103. Ólafr son Haralds konungs Sigurðarsonar hélt liði sínu braut af Englandi ok sigldi út af Hrafnseyri, ok kom um haustit til Orkneyja, ok váru þar þau tíðendi, at María dóttir Haralds konungs Sigurðarsonar hafði orðit bráðdauð þann sama dag ok á þeiri sömu stundu, er Haraldr konungr féll, faðir hennar. Ólafr dvaldið þar um vetrinn. En eptir um sumarit fór Ólafr austr til Noregs; var hann þar þá tekinn til konungs með Magnúsi bróður sínum. Ellisif dróttning fór vestan með Ólafi stjúpyni

30

sínum, ok Ingigerðr dóttir hennar. Þá kom ok vestan um haf með Ólafi Skúli, er síðan var kallaðr konungsfóstri, ok Ketill krókr bróðir hans. Þeir váru báðir göfgir menn ok kynstórir af Englandi, ok báðir forvitra; váru þeir báðir hinir kærstu konungi. Fór Ketill krókr norðr á Hálogaland, fékk Ólafr konungr honum þar kvánfang gott, ok er frá honum komit mart stórmenni. Skúli konungsfóstri var vitr maðr ok skörungr mikill, manna fríðastr sýnum; hann gerðist forstjóri í hirð Ólafs konungs, ok talaði á þingum, hann réð öllum landráðum með konungi. Ólafr konungr bauð at gefa Skúla fylki eitt í Noregi, þat er honum þœtti bezt, með öllum tókum ok skyldum, þeim er konungr átti. Skúli þakkaði honum boð sitt, ok lézt heldr vilja beiðast af honum annarra hluta, fyrir því ef konungaskipti verðr, kann vera at rjúfist gjöfin: ek vil, segir hann, nokkurar eignir þiggja, er liggja nær kaupstöðum þeim, er þér, herra! erut vanir at sitja ok taka jólaveizlur. Konungr játti honum þessu, ok skeytti honum jarðir austr við Konungahellu ok við Osló, við Túnsberg, við Borg, við Björgvin, ok norðr við Niðarós. Þær váru nálíga hinar beztu eignir í hverjum stað, ok hafa þær eignir legit síðan undir þá ættmenn, er af Skúla ætt eru komnir. Ólafr konungr gipti honum frændkonu sína Guðrúnu Nefsteinsdóttur. Móðir hennar var Ingiriðr, dóttir Sigurðar konungs sýr ok Ástu, hon var systir Ólafs konungs hins helga ok Haralds konungs. Son Skúla ok Guðrúnar var Ásólfr á Reini, hann átti Þóru, dóttur Skopta Ögmundarsonar; son þeira Ásólfis var Guthormr á Reini, faðir Bárðar, föður Inga konungs ok Skúla hertoga.

Vestan flutt lík Haralds konungs.

104. Einum vetri eptir fall Haralds konungs var flutt vestan af Englandi lík hans ok norðr til Niðaróss, ok var jarðat í Mariukirkju, þeiri er hann lét gera. Var þat allra manna mál, at Haraldr konungr hafði verit umfram

aðra menn at speki ok at ráðsnild, hvárt er hann skyldi til taka skjótt eða gera löng ráð fyrir sér eða öðrum; hann var allra manna vápnðjarfastr, hann var ok sigrsæll, svá sem nú var ritat um hrið. Svá segir Þjóðólfr:

Áræðis naut eyðir	hugr ræðr hálfum sigri,	5
aldyggr Selundbyggja,	Haraldr sannar þat, manna.	

Haraldr konungr var friðr maðr ok tiguligr, bleikhárr, ok bleikt skegg, ok langa kampa, nökkuru brúnin önnur olar en önnur; miklar hendr ok fœtr, ok vel vaxit hvártveggja; fim alna er hátt mál hans; hann var grimmr úvinum ok refsingasamr um allar mótgerðir. Svá segir Þjóðólfr:

Refsir reyndan ofsa	Sverðs hafa slíkar byrðar,	
ráðgegn konungr þegnum,	sanns nýtr hverr við annan,	
hykk at hilmis rekkar	Haraldr skiptir svá heiptum,	
haldi upp því er valda.	hljótendr er sér brjóta.	15

Haraldr konungr var hinn ágjarnasti til ríkis ok til allra farsælligra hluta; hann var stórgjöffull við vini sína, þá er honum líkaði vel við. Svá segir Þjóðólfr:

Mörk lét veitt fyrir verka	hann lætr hylli sinnar,	
vekjandi mér snekkju,	hjaldrs, tilgerðir valda.	20

Haraldr konungr var þá fimtogr at aldri, er hann féll. Engar frásagnir merkiligar höfum vér frá uppruna hans, fyrr en hann var 15 vetra, þá er hann var á Stiklastöðum í orrostu með Ólafi konungi bróður sínum, en síðan lifði hann hálfan fjórða tog vetra; en alla þá stund varð honum aldrigi á milli aga ok úfriðar. Haraldr konungr flýði aldrigi or orrostu, en opt leitaði hann sér farborða fyrir ofrefli liðs, er hann átti við at eiga. Allir menn sögðu þat, þeir er honum fylgðu í orrostu ok hernaði, at þá er hann varð staddr í miklum háska ok bar skjótt at höndum, at þat ráð mundi hann upp taka, sem allir sá eptir, at vænst hafði verit at hlýða myndi.

Samjafnaðr Haralds konungs ok Ólafs konungs.

105. Halldórr son Brynjólfs gamla úlfalda var vitr maðr ok höfðingi mikill, hann mælti svá, þá er hann heyrði ræður manna, at menn misjöfnuðu mjök skaplyndi þeira bræðra Ólafs hins helga konungs ok Haralds konungs. Halldórr sagði svá: Ek var með báðum þeim bræðrum í kærleikum miklum, ok var mér hvárstveggja skaplyndi kunnigt; fann ek aldri tvá menn skaplíkari; þeir váru báðir hinir vitrustu ok hinir vápndjörfustu menn, ágjarnir til fjár ok ríkis, ríklyndir ekki alþýðligir, stjórnsamir ok refsingasamir. Ólafr konungr braut landsfólk til kristni ok réttra siða, en refsaði grimmliga þeim, er dauðheyrðust við; þöldu andshöfðingjar honum eigi réttðæmi ok jafndæmi, ok reistu her í móti honum ok feldu hann á eigu sinni sjálfs; varð hann fyrir þat heilagur. En Haraldr konungr herjaði til rægðar sér ok ríkis, ok braut alt fólk undir sik, þat er hann mátti, féll hann á annarra konunga eigu. Báðir þeir bræðr váru menn hversdagliga siðlátir ok veglátir, þeir váru ok víðförlir ok eljanarmenn miklir, ok urðu af slíku víðfrægir ok ágætir.

Dauði Magnús konungs.

106. Magnús konungr Haraldsson réð fyrir Noregi inn fyrsta vetr eptir fall Haralds konungs, en síðan réð ann landi tvá vetr með Ólafi konungi bróður sínum. Váru eir þá tveir konungar, hafði Magnús hinn nyrðra hlut lands, en Ólafr hinn eystra. Magnús konungr átti son, er lákon hét, hann fóstraði Steigarþórir, var hann hinn mannænsti maðr. Eptir fall Haralds konungs Sigurðarsonar aldi Sveinn Danakonungr, at slitit væri friði milli Norðmanna ok Dana; taldi eigi lengr frið verit hafa settan, en eir lifði báðir Haraldr ok Sveinn. Var þá útboð í hvárstveggja ríkinu. Höfðu synir Haralds almenning fyrir foregi at liði ok skipum, en Sveinn konungr fór sunnan með Danaher. Fóru þá sendimenn milli þeira ok báru

Unver. c. 19
Agrup

sættarboð; sögðu Norðmenn, at þeir vildi annathvart halda hina sömu sætt, sem fyrr var ger, eða berjast at öðrum kosti. Því var þetta kveðit:

Varði ógnarorðum
Ólafr ok friðmálum

jörð, svá at engi þorði
allvalda til kalla.

5

Svá segir Steinn Herðisarson í Ólafsdrápu:

Sín óðul mun Sveini
sóknstrangr í kaupangi
þar er heilagr gramr hvílir,
hann er ríkr, jöfurr banna.

Ætt sinni mun unna
Ólafr konungr hála,
Úlfs þarfa þar :rni
alls Noregs til kalla.

10

Í þessum stefnuleiðangri var sætt ger milli konunganna, en friðr milli landanna. Magnús konungr fékk vanheilindi reformasótt, ok lá nökkura hrið; hann andaðist í Niðarósi ok var þar jarðaðr; var hann vinsæll konungr af allri alþýðu.

15



SAGA ÓLAFS KYRRA.

Frá Ólafi kyrra.

1. Ólafr var einn konungr yfir Noregi eptir andlát Magnús konungs bróður síns. Ólafr var maðr mikill á allan vöxt ok vel vaxinn; þat er allra mann sögn, at engi maðr hafi sét fegra mann eða tiguligra sýnum; hann hafði gult hár sem silki, ok fór afar vel, bjartan líkam, eygðr manna bezt, limaðr vel, fámálugr optast ok ekki talaðr á þingum, glaðr við öl, drykkjumaðr mikill, málrættinn ok blíðmæltr, friðsamr meðan hans ríki stóð. Þess getr Steinn Herðisarson:

Lönd vill þengill Þröenda,
þat líkar vel skötnum,
öll við ærna snilli
eggðjarfr í frið leggja.

Hugnar þjóð þat er þegna
þrályndr til friðmála
kúgar Engla ægir.
Ólafr borinn sólu.

Gert háseti um þveran pall.

2. Þat var siðr forn í Noregi, at konungs háseti var á miðjum langpalli, var öl um eld borit; en Ólafr konungr lét fyrst gera sitt háseti á hápalli um þvera stofu, hann lét ok fyrst gera ofnstofur, ok strá gólf um vetr sem um sumar. Um daga Ólafs konungs hófust mjök kaupstaðir í Noregi, en sumir settust at upphafi. Ólafr konungr setti kaupstað í Björgyn, gerðist þar brátt mikit setr auðigra manna, ok tilsiglingar kaupmanna af öðrum löndum; hann lét reisa þar af grundvelli Kristskirkju hina miklu steinkirkju, ok var at henni lítit gert, en hann lét algera tré-kirkjuna fornu Kristskirkju. Ólafr konungr lét setja mikla gildi í Niðarósi, ok mörg önnur í kaupstöðum, en áðr váru

þar hvirfingsdrykkjur; þá var Bøjarbót hin mikla hvirfingsklokka í Niðarósi. Hvirfingsbræðr létu þar gera Margrétarkirkju steinkirkju. Á dögum Ólafs konungs hófust skytningar ok leizludrykkjur í kaupstöðum, ok þá tóku menn upp sundrgerðir, höfðu drambhosur lerkaðar at beini; sumir spentu gullhringum um fótleggi sér, ok þá höfðu menn dragkyrtla, laz at síðu, erniar fim alna langar ok svá þröngvar, at draga skyldi við handtugli ok lerka alt at öxl upp, hávir skúar ok allir silkisaumaðir, en sumir gullagðir. Mörg önnur sundrgerð var þá. 10

Frá hirðsiðum Ólafs konungs.

3. Ólafr konungr hafði þá hirðsiðu, at hann lét standa fyrir borði sínu skutilsveina, ok skenkja sér með borðkerum, ok svá öllum tignum mönnum, þeim er at hans borði sátu; hann hafði ok kertisveina, þá er kertum héldu fyrir borði hans, ok jafnmörgum, sem tignir menn sátu upp. Þar var ok stallara stóll utar frá trapizu, þar sátu stallarar á ok aðrir gæðingar, ok horfðu innar í mót há sæti. Haraldr konungr ok aðrir konungar fyrir honum váru vanir at drekka af dýrahornum ok bera öl or öndugi um eld, ok drekka minni á þann, er honum sýndist. Svá segir Stúfr skáld: 15

Vissa ek hildar hvessi,
hann var nýztr at kanna,
af góðum byr gríðar
gagnsælan mér fagna,

þá er blóðstara bræðir
baugum grimmr at Haugi
gjarn með gyltu horni
gékk sjálfr á mik drekka. 20

Um liðsfjölda konungs.

4. Ólafr konungr hafði hundrað hirðmanna ok 60 gesta, ok 60 húskarla, þeira er flytja skyldu til garðsins þat er þurfti, eða starfa aðra hluti, þá sem konungr vildi. En er bæendr spurðu konung þess, fyrir því hann hefði meira lið en lög váru til eða fyrri konungar höfðu haft. Þá er hann fór á veizlur, þar sem bæendr gerðu fyrir honum; konungr svaraði svá: Eigi fæ ek betr stýrt ríkinu. 30

ok eigi er meiri ógn af mér en af föður mínum, þótt ek hafa hálfu fleira lið en hann hafði, en engi pynding gengr mér til þess við yðr, eða þat at ek vilja þyngja yðrum kostum.

Andlát Sveins konungs Úlfssonar.

5. Sveinn konungr Úlfsson varð sótt dauður 10 vetrum eptir fall Haraldanna. Þar næst var konungr í Danmörk Haraldr hein, son hans, 4 vetr; þá Knútr son Sveins 7 vetr, ok er sannheilagr; þá Ólafr hinn þriði son Sveins, 8 vetr; þá Eiríkr góði fjórði son Sveins enn 8 vetr. Ólafr Noregs konungr fékk Ingiríðar dóttur Sveins Danakonungs; en Ólafr Danakonungr son Sveins fékk Ingigerðar dóttur Haralds konungs, systur Ólafs Noregs konungs. Ólafr Haraldsson, er sumir kölluðu Ólaf kyrra, en margir Ólaf bónda, hann gat son við Þóru Jóansdóttur, sá var nefndr Magnús; var sá sveinn hinn fríðasti sýnum ok allmannvænn, óx hann upp í hirð konungs.

Jartegnir Ólafs konungs.

5. Ólafr konungr lét gera steinmusteri í Niðarósi, ok setti í þeim stað, sem fyrst hafði verit jarðat lík Ólafs konungs, ok var þar yfir sett altarit, sem gröftr konungs hafði verit, þar var vígð Kristskirkja, var þá ok þannug flutt skrin Ólafs konungs, ok sett þar yfir altari; urðu þar þá þegar margar jartegnir. En annat sumar eptir at jafnlengð þess, er kirkjan hafði vígð verit, þá var þar allfjölment; þat var Ólafsvöku aptan, at blindr maðr fékk þar sýn sína. En sjálfan messudaginn, þá er skrinitt ok helgir dómar váru út bornir, ok skrinitt var sett niðr í kirkjugarðinn, svá sem siðvenja var til, þá fékk maðr mál sitt, er lengi áðr hafði mállauss verit, ok söng þá lof guði ok hinum helga Ólafi konungi með mjúku tungubragði. Kona var hinn þriði maðr, er þannug hafði sótt af Svíþjóðu austan, ok hafði í þeirri för þolat mikla nauð fyrir sjónleysis sökum; en þó treystist hon miskunn guðs, ok kom þar farandi at

þeiri hátíð. Hon var leidd sjónlaus í musturit at messu um daginn, en fyrr en tíðum var lokit, sá hon báðum augum, ok var þá skygn ok bjarteyg, en áðr hafði hon verit blind 14 vetr. Fór hon þaðan með háleitum fagnaði.

Frá skríni Ólafs konungs.

5

7. Sá atburðr gerðist í Niðarósi, er skrin Ólafs konungs var borit um stræti, at höfugt varð skrinitt, svá at eigi féngu menn borit fram or stað; en síðan var skrinitt niðr sett ok brotit upp strætit, ok leitat, hvat þar var undir, ok fannst þar barns lík, er myrt hafði verit ok fólgt þar. Var 10 þat þá á brott borit, en bætt aptr strætit, svá sem áðr hafði verit, en borit skrin at vanda.

Um friðsæld Ólafs konungs.

8. Um daga Ólafs konungs var mikit ár í Noregi ok margföld gœzka, ok um engis manns ævi var jafngott í 15 Noregi sem hans, síðan er var Haraldr konungr hárlagri. Ólafr konungr skipaði þeim málum mörgum til vægðar, er faðir hans hafði með freku reist ok haldit. Hann var mildr af fé, en fast hélt hann ríkinu, ok olli því vit hans, ok þat með at hann sá, hvat konungdóminum gegndi ok höfði, ok 20 eru mörg góð verk hans at telja. Í því má marka, hver hans gœzka hefir verit ok ástæmd við lýðinn, er hann mælti dag nökkurn í mikla gildi, var hann þá kátr ok í góðu skapi. Þá mæltu menn hans: Herra! fögnuðr er oss á, er þér erut svá kátir. Hann svaraði: Nú skal ek kátr 25 vera, er ek sé gleði á lýð mínum ok frelsi, ok sit ek í samkundu þeiri, er helguð er hinum helga Ólafi konungi föðurbróður mínum. Á dögum föður míns var þessi lýðr undir aga miklum ok ótta, ok fálu flestir gull sitt ok ger-simar, en ek sé nú á hverjum skína þat er á, ok er yðart 30 frelsi mín gleði. Var nú ok kyrt um hans daga fyrir orrostum, ok friðaði hann fyrir sér ok lýðnum utanlendis,

Agrip
37

ok stóð þó hans nágrönnum mikil ógn af honum, þótt hann væri hógværr. Svá sem skáldit segir:

Varði ógnarorðum
Ólafr ok friðmálum

jörð, svá at engi þorði
allvalda til kalla.

Frá Ólafi konungi ok Knúti Danakonungi.

9. (8). Ólafr konungr var vinr Knúts Danakonungs. Fór Knútr konungr til móts við hann, ok hittust í Elfinni, þar sem konunga stefna var forn. Talar þá Knútr konungr, at hann vildi, at þeir gerði her vestr til Englands, slíks sem þeir áttu at hefna, Ólafr konungr at upphafi, ok svá Danakonungar: Ger nú annathvart, segir Knútr konungr, at ek mun fá þér 60 skipa, ok gerst þú höfðingi fyrir, eða ella mun ek gerast höfðingi fyrir, ok fá þú mér 60 skipa. Ólafr konungr svaraði: Þetta mál, er þér ræðit, Knútr konungr! er mér skapfelt, en þat er mjök újafnt; þér frændr hafit meiri giptu borit til þess at vinna England með framkvæmd, svá sem var Knútr konungr hinn ríki, er nú líkligt, at þat muni yör ættgengt; en þá er Haraldr konungr Sigurðarson fór til Englands, fékk hann bana; eyddist þá Noregr svá at mannvali, at eigi hefir slíks kostur verit síðan í landinu; var sú ferð ágætliga búin, ok gafst nú sem þér vissut. Nú kann ek at ætla mitt ráð, hversu miklu ek em vanfærri at gerast höfðingi fyrir, ok vil ek yör til kjósa, at þér farit með minni eflingu. Ok fékk honum 60 stórskipa með ágætum búnaði ok traustu liði, ok setti fyrir höfðingja sína lenda menn, ok var þat mælt, at stórmannliga væri til fengit; ok svá er sagt í Knúts sögu, at Norðmenn einir rufu eigi leiðangrinn, þá er saman var kominn, en Danir biðu eigi, ok virði þat Knútr konungr við Norðmenn, ok gaf þeim leyfi at fara í kaupferðir, hvert er þeir vildi, ok sendi Noregs konungi dýrlegar gjafir fyrir sitt liðsinni, en hann lagði á Dani reiði ok mikit fégjald.

Frá vísindamanni.

10. (9). Þat barst at eitt sumar, þá er menn Ólafs konungs höfðu farit ok dregit saman landskyldir hans, at konungr frétti, hvar þeim væri bezt fagnat. Þeir sögðu þat vera í einu fylki konungs: þar er einn sá gamall búandkarl, 5 segja þeir, er veit fyrir marga hluti, ok höfum vér hann spurt margs, ok hefir hann or leyst, ok þat hyggjum vér. at hann kunni fugls röddu. Konungr mælti: Með hvat fari þér? slíkt er hégómi mikill. Ok þat berr at eitt sinn, er konungr ferr fyrir land fram, ok mælti, er þeir sigldu um 10 sund nokkur: Hvat bygðum er hér á land upp? Þeir svöruðu: Frá þessu fylki sögðu vér yðr, herra! at oss væri hér bezt fagnat. Konungr mælti: Hvat húsi er þat, er hér stendr hjá sundinu? Þeir svara: Þat hús á sá hinn fróði maðr, er vér sögðum þér frá. Ok sá þeir eitt hross 15 hjá húsinu. Þá mælti konungr: Farit nú ok takit hrossit ok drepit. Þeir segja: Eigi viljum vér gera honum skaða, herra! Konungr mælti: Ek vil ráða, höggvit af höfuð af hrossinu, ok látit eigi blóðit koma niðr, berit út á skip mitt hrossit, farit síðan eptir karli, ok segit honum ekki til, ok líf yðart 20 mun við liggja. Síðan gera þeir svá ok segja karli konungs erendi. Ok er hann hittir konung, þá mælti konungr: Hverr á jörð þá, er þú býr á? Hann svarar: Þér eigut, herra! ok takit leigur af. Konungr mælti þá: Seg oss leið fram fyrir landit, þér mun kunnigt vera. Hann gerði 25 svá. Ok er þeir róa, flýgr kráka ein fram um skipit ok lætr illiliga. Bóndi lítir til. Konungr mælti: Þykki þér nokkurs um vert? Svá er víst, segir hann, herra! Þá flýgr önnur kráka yfir skipit ok skræktir. Þá gáir bóndi eigi at róa, verðr árin laus í hendi honum. Þá mælti konungr: 30 Mjök íhugar þú, bóndi! krákuna, eða þat er hon segir. Bóndi mælti: Herra! nú er mér grunr á. Ok hit þriðja sinn fló kráka, ok lét sú verst, ok leggst nær at skipinu. En bóndi stendr upp í móti ok gáir ekki róðrar. Konungr mælti: Mikils þykki þér nú um vert, bóndi! eða hvat segir 35

hon nú? Bóndi segir: Þat er úlíklígt er, at ek vita eða hon. Konungr mælti: Seg nú. Þá kvað bóndi:

Segir vetrgömul,
veit ekki sú;
segir tvevetr,
trúi ek eigi at heldr;
en þrevetr segir,

þykkira mér líklígt:
kveðr mik róa
á merar höfði,
en þik, konungr!
þjóf míns fjár.

Konungr mælti: Hvat er nú, bóndi! viltu segja mik þjóf? Síðan gaf konungr honum góðar gjafir, upp landskyldirnar allar. Svá segir Steinn:

Gefr áttstuðill jöfra
örr ok steinda knörru,
hann vill hnöggvi sinnar,
hábrynjuð skip, synja.
Þjóð nýtr Ólafs auðar,
annarr konungr mannum
sé þú hverr slíkt fé reiðir.
sik beztan gram miklu.

Her þengill gleðr hringum
hoddörr sá er rýðr odda,
bekksagnir lætr bragna
bragningr gjöfum fagna.
Norðmönnum gefr nenninn
Noregs konungr stórum,
örr er Engla þverrir.
Ólafr borinn sólu.

Hilmir gefr ok hjálma,
hirð, svá at engis virðir,
konungs prýða þau klæði,
kynstórr fírum brynjur.

Dyggr lætr þungar þiggja
þengill af sér drengi,
vás launar svá vísi
verðung, Hálfis gerðar.

Dauði Ólafs konungs.

11. (10). Ólafr konungr sat optliga í heraði at stórbúum sínum, er hann átti; en er hann var austr í Ránríki á Haukbœ at búi sínu, þá tók hann sótt þá, er hann leiddi til bana. Þá hafði hann verit konungr at Noregi 26 vetr, en hann var til konungs tekinn einum vetri eptir fall Haralds konungs. Lík Ólafs konungs var flutt norðr til Niðaróss ok jarðat at Kristskirkju, þeiri er hann lét sjálfr gera. Hann var hinn vinsælsti konungr, ok hafði Noregr mikit auðgast ok prýzt undir hans ríki.



SAGA MAGNÚS KONUNGS BERFÆTTS.

Upphaf Magnús konungs berfættis.

1. Magnús son Ólafs konungs var þegar tekinn til konungs í Víkinni eftir andlát Ólafs konungs yfir allan Noreg. En er Upplendingar spurðu andlát Ólafs konungs, þá tóku þeir til konungs Hákon Þórisfóstra, bræðrunga Magnús. Síðan fóru þeir Hákon ok Þórir norðr til Þrándheims, en er þeir kómu til Niðaróss, þá stefndi hann Eyráþing, ok á því þingi beiðir Hákon sér konungs nafns, ok var honum þat veitt, at bæendr tóku hann til konungs yfir hálfu land, svá sem haft hafði Magnús konungr faðir hans. Hákon tók af við Þrændi landauragjald, ok gaf þeim margar aðrar réttarboetr; hann tók af við þá jólagjafir. Snerust þá ok allir Þrændir til vináttu við Hákon konung. Þá tók Hákon konungr sér hirð, ok fór síðan aptr til Upplanda; hann veitti Upplendingum réttarboetr allar slíkar sem Þrændum, váru þeir ok fullkomnir vinir hans. Þá var þetta kveðit í Þrándheimi:

Ungr kom Hákon hingat,
hann er beztr alinn manna,
frægðar mildr, á foldu,
fór með Steigarpóri.

Syni Ólafs bauð síðan
sjálfr upp Noreg hálfan
mildr, en Magnús vildi
málsnjallr hafa allan.

20

Dauði Hákonar konungs.

2. Magnús konungr fór um haustit norðr til kaupangs, en er hann kom þar, þá fór hann þegar í konungsgarð, ok var þar at herberginu, ok dvaldist þar öndverðan vetr. Hann hélt 7 langskipum í vök þíðri fyrir konungsgarði í Nið. En er Hákon konungr spurði, at Magnús konungr var kominn í Þrándheim, þá fór hann austan um Dofrafjall,

ok svá til Þrándheims ok til kaupangs, ok tók hann sér herbergi í Skúlagarði, ofan frá Clemenskirku, þar var hinn forni konungsgarðr. Magnúsi konungi líkaði illa stórgjafir, þær er Hákon konungr hafði gefit bóndum til vinsældar sér, þótti Magnúsi sín eign gefin engum mun síðr, ok ýfðist hugr hans mjök við þat, ok þóttist mishaldinn af við frænda sinn, er hann skyldi svá miklu minni tekjur hafa, en faðir hans hafði haft eða forellri, ok kendi Þóri ráðin um. Hákon konungr ok Þórir urðu þessa varir, ok var uggr á, hver tiltæki Magnús mundi hafa, þótti þeim þat helzt grunsamligt, er Magnús hafði á floti langskip tjölduð ok búin. Um várit nær kyndilmessu þá lagði Magnús konungr brott á náttarþeli, ok lögðu út tjölduðum skipunum, ok ljós undir; hélt út til Hefringar, bjó þar um nótt, ok gerðu þar elda stóra á landi uppi. Þá hugði Hákon konungr ok lið þat, er í boenum var, at þat væri gert til svika; hann lét blása liðinu út, ok sótti allr kaupangslýðr til, ok váru í samnaði um nóttina. En um morgininn er lýsa tók, ok Magnús konungr sá allsherjar lýð á Eyrunum, þá hélt hann út or firðinum, ok svá suðr í Gulapingslög. Hákon konungr byrjaði þá ferð sína ok ætlaði austr í Vík, ok átti áðr mót í boenum, talaði þá ok bað menn vináttu, ok hét sinni vináttu öllum, hann kvað sér skugga vera um vilja frænda síns Magnús konungs. Hákon konungr sat á hesti ok var farbúinn; allir menn hétu honum vingan með góðum vilja ok fylgd, ef þyrfti, ok fylgði honum lýðr allr út undir Steinbjörg. Hákon konungr fór upp til Dofrafjalls; en er hann fór yfir fjallit, reið hann um dag eptir rjúpu nökkurri, er flaug undan honum; þá varð hann sjúkr, ok fékk banasótt ok andaðist þar á fjallinu; ok var lík hans norðr flutt, ok kom hálfum mánaði síðar til kaupangs, en hann hafði brott farit. Gékk þá allr boejarlýðr ok flestr grátandi móti líki konungs, því at allir menn unnu honum hugástum. Lík Hákonar konungs var niðr sett í Kristskirkju. Hákon konungr varð maðr vel hálfþrítugr at aldri,

A. G. M.
c. 39

hann hefir höfðingi verit einn ástsælastr í Noregi af alþýðu. Hann hafði farit norðr til Bjarmalands, átti þar orrostu ok fékk sigr.

Hernaðr í Hallandi.

3. Magnús konungr hélt um vetrinn austr í Vík; en 5
er váraði, hélt hann suðr til Hallands ok herjaði þar víða. Þá brendi hann þar Viskardal, ok fleiri heröð; fékk hann hann þar fé mikit, ok fór síðan aptr í ríki sitt. Svá segir Björn hinn krepphendi í Magnúsdrápu:

Vítt lét Vörsa dróttinn,	Brendi buðlungr Þrœnda,	10
varð skjótt rekinn flótti,	blés kastar hel fasta,	
hús sveið Hørða ræsir,	vakti viskdoelsk ekkja,	
Halland farit brandi.	víðs, mörg heröð síðan.	

Hér getr þess, at Magnús konungr gerði hit mesta her-
virki.

15

Frá Steigarpóri.

4. Sveinn er maðr nefndr son Haralds flettis, danskr maðr at kyni, hann var hinn mesti víkingr ok mikill bardagamaðr, ok hinn hraustasti, settstórr maðr í sínu landi. Hann hafði verit með Hákonu konungi í kærleikum 20 miklum. En eptir fráfall Hákonar konungs, þá trúði Steigarpórir illa því, at hann mundi komast í sætt eða í vináttu við Magnús konung, ef ríki hans géngi yfir land, fyrir sakir tilverka ok mótgöngu þeirar, er Þórir hafði áðr haft við Magnús konung. Síðan höfðu þeir 25 Þórir ok Sveinn ráð þat, er síðan var framkvæmt, at þeir reistu flokk við styrk ok fjölmenni Þóris. En fyrir því at Þórir var þá gamall maðr ok þungfærr, þá tók Sveinn við stjórn flokksins ok höfðingjanafni. At þessu ráði hurfu fleiri höfðingjar. Þeira var æztr Egill son Ásláks af Aur- 30 landi. Egill var lendr maðr, hann átti Ingibjörgu dóttur Ögmundar Þorbergssonar, systur Skopta or Gizka. Skjálgr

hét maðr ríkr ok auðigr, er enn kom til flokksins. Þess getr Þorkell hamarskáld í Magnúsdrápu:

Vítt dró sínar sveitir
saman stórhugaðr Þórir,
heldr várut þau hauldum
haglig ráð, með Agli.

Snörp frá ek á því, er urpu
endr, Skjálgs vinum, lendir
menn við morðhauks brynni,
mein, um afl sér steini.

Þeir Þórir hófu flokkinn á Upplöndum, ok kómu ofan í Raumsdal ok Sunnmœri, ok öfluðu sér þar skipa, héldu síðan norðr til Þrándheims.

Tiltekjur Þóris.

5. Sigurðr ullstrengr hét lendr maðr, son Loðins Viggjarskalla, hann samnaði liði með örvarskurð, þá er hann spurði til flokks þeira Þóris, ok stefndi öllu liði því, er hann fékk, til Viggju. En Sveinn ok Þórir héldu þannug liði sínu, ok börðust við þá Sigurð ok féngu sigr, ok veittu mikit mannsPELL, en Sigurðr flýði ok fór á fund Magnús konungs. En þeir Þórir fóru til kaupangs ok dvöldust þar um hríð í firðinum, ok kom þar mart manna til þeira. Magnús konungr spurði þessi tíðindi, ok stefndi þegar liði saman, ok hélt síðan norðr til Þrándheims. En er hann kom inn í fjörðinn, ok þeir Þórir spurðu þat, þeir lágu þá við Hefring ok váru búnir at halda út or firðinum, þá reru þeir á Vagnvíkaströnd, ok géngu þar af skipum, ok kómu norðr í Þeksdal í Seljuhverfi, ok var Þórir borinn í bōrum um fjallit. Síðan réðu þeir til skipa, ok fóru norðr á Hálogaland. En Magnús konungr fór eptir þeim, þá er hann var búinn or Þrándheimi. Þeir Þórir fóru alt norðr í Bjarkey, ok flýði Jón undan, ok Víðkunnr son hans. Þeir Þórir ræntu þar lausafé öllu, en brendu bæinn ok langskip gott, er Víðkunnr átti. Þá mælti Þórir, er snekkjan brann ok skipit hallaðist: Meir á stjörn, Víðkunnr! Þá var þetta ort:

Breðr í Bjarkey miðri
ból þat er ek veit gólast,
toera þarft af Þóri,
þýtr vandar ból, standa.

Jóan mun eigi frýja
elds né ráns er kveldar,
sviðr bjartr logi breiðan
bý, leggr reykt til skýja.

Dauði Steigarþóris ok Egils.

5

6. Þeir Jón ok Víðkunnr fóru dag ok nótt, til þess er þeir funnu Magnús konung. Þeir Sveinn ok Þórir héldu ok norðan sínu liði ok ræntu víða um Hálogaland. En er þeir lágu á firði þeim, er Harmr heitir, þá sá þeir sigling Magnús konungs, ok þóttust þeir Þórir eigi 10 hafa lið til at berjast, ok reru undan ok flýðu. Reri Þórir ok Egill til Hesjutúna, en Sveinn reri út til hafs, en sumt lið þeira reri inn í fjörðinn. Magnús konungr hélt eftir þeim Þóri. En er skipin rendust at í lendingunni, þá var Þórir í fyrirrúmi á sínu skipi. Þá kallaði Sigurðr ull- 15 strengr á hann: Ertu heill, Þórir? Þórir svaraði: Heill at höndum en hrumr at fótum. Þá flýði lið þeira Þóris alt á land upp, en Þórir varð handtekinn. Egill varð ok handtekinn, því at hann vildi eigi renna frá konu sinni. Magnús konungr lét flytja þá báða í Vambarhólm. En er 20 Þórir var uppleiddr, reikaði hann á fótum; þá mælti Víðkunnr: Meir á bakborða, Þórir! Síðan var Þórir leiddr til gálga, þá mælti hann:

Várum félagar fjórir,
færðum einn við stýri.

25

Ok er hann gékk at gálganum, mælti hann: Ill eru ill ráð. Síðan var hann hengðr; ok þá er upp reið gálga-tréit, var Þórir svá höfugr, at sundr slitnaði hálsinn, ok féll búkrinn til jarðar. Þórir var allra manna mestr, bæði hár ok digr. Egill var ok til gálga leiddr, en er konungs 30 þrælar skyldu hengja hann, þá mælti Egill: Eigi skulut þér mik fyrir því hengja, at eigi væri hverr yðarr makligri at hanga. Svá sem kveðit var:

Orð frá ek Agli verða,
unnar dags, á munni,
sól! við siklings þræla
satt einarðar latta:

Hvern þeira kvað hæra,
hjaldrblikis, en sik miklu,
beið ofmikit eyðir
angr, makligra at hanga.

Magnús konungr sat hjá, er þeir váru hengðir, ok var svá reiðr, at engi var hans manna svá djarfr, at þyrði at biðja þeim friðar. Þá mælti konungr, er Egill sparn gálgann Illa koma þér góðir frændr í þörf. Í því sýndist, at konungr vildi hafa verit beðinn, at Egill hefði lifat. Svá segir Björn hinn krepphendi:

Snarr rauð Sygna harri
sverð á úthlaups ferðum,
vitt nam vargr at slíta
varma bráð á Harmi.

Fráttu hve fylkir mátti,
fór svá at hengðr var Þórir,
fór var gunnar gervis
greið, dróttinssvik leiða.

Frá refsingum við Þrændi.

7. Magnús konungr hélt síðan suðr til Þrándheims, veitti þar stórar refsingar þeim mönnum, er sannir váru at landráðum við hann, drap hann suma, en brendi fyrir sumum. Svá segir Björn hinn krepphendi:

Hrafnreddir vann hrædda
hlífar styggr, í bygðum,
þrænzka drótt, er þótti
þeim markar ból sveima.

Hygg ek at hersa tveggja
herbaldr lyki aldri,
sinn jór vara sváru
svangr, flaug örn til hanga.

Sveinn Haraldsson flettis flýði fyrst til hafs út, ok svá til Danmerkr, ok var þar til þess, er hann kom sér í sætt við Eystein konung Magnússon. Hann tók Svein í sætt ok gerði hann skutilsvein sinn, ok hafði hann í kærleik ok virðingu. Magnús konungr hafði þá ríki einn saman; hann friðaði vel fyrir landi sínu ok eyddi öllum víkingum ok útilegumönnum; hann var maðr röskr ok herskár ok starfsamr, ok líkari í öllu Haraldi konungi föðurfeðr sínum at skaplýzku heldr en feðr sínum.

mangler i Kringla
Forord p. 17

Frá Sveinka.

8. Maðr hét Sveinki Steinarsson, hann bjó austr við Elfi, hinn ríkasti maðr. Hann hafði fóstrat Hákon, áðr Þórir af Steig tók við honum. Sveinki hafði eigi þá enn gefizt í vald Magnús konungs. Magnús konungr heimti til sín Sigurð ullstreng, ok sagði honum, at hann vill senda hann at boða Sveinka af löndum ok konungs eignum: því at hann hefir ekki til vár hneigzt né sóma gert; sagði vera lenda menn í Vík austr Svein bryggjufót, Dag Eilífsson, Kolbjörn klakka, at flytja vart mál til réttinda ok laga. Þá mælti Sigurðr: Eigi vissa ek þess manns vánir í Noregi, er þeir lendir menn mundu þurfa til at koma við mitt fullting. Konungr mælti: Eigi er til tekit, ef eigi þarf. Nú býr hann ferð sína einu skipi, ok hélt austr til Víkr, ok stefnir saman lendum mönnum, ok síðan er þings kvatt um Víkina, ok þeim boðit til austan Elfarbyggjunum, ok verðr þar fjölment. Áttu menn um hrið at biða Sveinka. Síðan er sán ferð manna, ok sem á eina ísmöl væri at líta; ok koma þeir Sveinki á þingmótit, setjast í einn hring ok höfðu fim hundruð manna. Þá stendr Sigurðr upp ok talaði ok mælti: Guðs kveðju ok sína sendir Magnús konungr guðs vinum ok sínum, öllum lendum mönnum ok ríkismönnum, þar með fögr orð, bauð sik til forvistu ok vera brjóst fyrir öllum Noregsmönnum; er gott vel at taka konungs máli. Þá stendr upp maðr í flokki þeira Elfargríma, mikill vexti, ofsa þrútuligr í loðkápu, hann hafði refði um öxl ok skálhatt á höfði; hann svaraði: Era hlums vant, kvað refr, dró hörpu at ísi. Ok sezt þá niðr. Nökkuru síðar stóð Sigurðr upp, ok tekr svá til orða: Litlar tengingar konungs mála höfum vér or flokki þeira Elfargrímanna, ok meðallagi vingjarnligar; en sik metr hverr í slíku; en at gera berara konungs erendi, þá beiðist konungr landskylda af ríkismönnum ok leiðangrsgerða ok annars konungligs sóma; renni hverr hugum heim, hve þat mun gert hafa, unni sér sóma, en

konungi réttra laga, ef áðr hefir nökkut á skort. Sezt niðr síðan. Sami maðr ríss upp, varpar nökkut svá hettinum, ok svarar: Snæliga snuggir, sveinar! kváðu Finnar, áttu andra fala. Sezt niðr síðan. Ok nökkvi síðar reis Sigurðr upp, ok hafði tal tekit við lenda menn, at eigi þyrfti fjöðr at draga um sköruligt konungs erendi; ok er reiðuligr, varpar veslinu, er hann hafði yfir sér blátt at it, var í rauðum skarlatskyrtli undir, ok mælti: Nú er vá komit, at hverr verðr sín at gæta; þarf ekki af manni at skera, er nú sét, hvers vér þykkjum verðir, er þat olanda, hitt er meira, er neisuliga er svarat konungs rendi, virðir þó hverr sik. Maðr heitir Sveinki, ok er Steinarsson, býr austr við Elfi, konungr vill hafa af honum éttar landskyldir ok sínar eignir, eða boða honum aflöndum ellar; ok er ekki at slota við eða svara skotyrðum, munu verða honum jafnríkir, þó at hann taki úvirðiliga áru máli, ok er nú betra en síðar at snúa áleiðis sínu máli með sóma, en biða neisu fyrir þrjózku. Ok sezt öðr. Þá ríss Sveinki upp, ok kastar hettinum á bak er aptr, ok mælti: Putt, sagði hann, skömm hunda! Þú reifar í brunn karls; heyr á firn, ermlauss maðr ok bakskyrtan, hvat boðar þú mér af löndum? Sendir váru erri þeira erinda þér skyldir, Sigurðr ullbelgr! hét annarr illi bakrauf, en annarr verra nafni, váru nótt í húsi, at stálu hvars kómu; hvat boðar þú mér af löndum? Er minna karp þitt, meðan Hákon konungr fóstri minn öðr, er þú vart svá hræddr, ef þú vart á leið hans, sem ús í skreppu; vartu svá huldr fötum, sem hundr á skipi; er þér troðit í kyl, sem korni í belg; vartu svá eltr af ölum, sem arðsgeldingr or stóði; áttir þú einn veg adarrúm, sem otr í kelpu. Hvat þá? Lát þú góðra alda vert, ef þú kemst með fjörvi í brott; stöndum up. Þat eina sá þeir ráð Sveinn bryggjufótr, at skjóta sti undir Sigurð, ok reið hann svá á skóg á brott. Lýkr á, at Sveinki ferr heim til jarða sinna; en Sigurðr ull-

strengur komst landveg við illan leik norðr í Þrándheim á fund Magnús konungs, ok segir honum svá búit. Þá mælti konungr: Þurftir þú nú nokkut traust lendra manna. Sigurðr lét illa yfir ferðinni, ok kvezt hefna vilja, ok eggjar konung. Magnús konungr lætr búa 5 skip, ferr suðr með landi, ok austr til Víkr, þiggr þar dýrligar veizlur af lendum mönnum sínum. Konungr segir þeim, at hann vill hitta Sveinka ok kvezt ætla, at hann mun vilja vera konungr yfir Noregi. Þeir segja, at maðr er ríkr ok údæll. Nú ferr konungr, þar til er þeir koma fyrir bæ Sveinka. Þá beiðast hinir lendu menn at vita tíðindi, ganga upp frá skipum; sjá ferð Sveinka, at hann var kominn frá bæ sínum með her manns, ok vel búit. Þeir hinir lendu menn bregða upp hvítum skildi. Sveinki stöðvar liðit, hittast síðan. Þá mælti Kolbjörn klakki: Magnús konungr sendir yðr kveðjuböð; segir síðan, biðr hann gæta sœmdar sinnar en tignar konungs, búast eigi við ofstopa ok berjast við konung; bauzt til at bera friðmál milli, ok biðr hann stöðva lið sitt. Sveinki sagðist biða mundu: fóru vér því á mót, at eigi træði þér akra vára. Þeir hittu konung, ok sögðu alt mundu á hans valdi. Konungr mælti: Skjótr er dómr minn, flýi hann af landi, ok komi eigi aptr, meðan mitt ríki er; láta skal hann ok féit alt. Mun eigi þat meiri sœmd, sagði Kolbjörn, ok betra öðrum konungum til spurningar, ger hann or landi, ok megi hann vera með ríkum mönnum fyrir fjár sakir, en hann mun aldregi aptr koma, meðan vér höfum löndin, en þú gerir þá ríkdómliga; hygg at við sjálfan þik, ok virð orð vár. Konungr mælti: Fari hann brott þegar. Þá hitta þeir Sveinka, ok segja honum blíð orð konungs, ok þat með, at konungr biðr hann or landi fara, ok gera þann sóma konungs, fyrir þat er hann hafði afbrugðit, er þat sómi hvárstveggja, [mundi konungr] unna honum fjár slíks, sem honum sœmdi, hygg at. Þá mælti Sveinki: Skipan er þá á orðin, ef konungr mælti blíðliga; hví mynda

ek lönd flýja eða eigur mínar? Heyr á! betra þykki mér at falla á fé mínu, en flýja óðul. Seg svá konungi, eigi svá langt héðan flýja at eitt órdrag. Kolbjörn mælti: Eigi er þat einsætt; er betra at vægjast til virðingar við hinn bezta höfðingja en bægjast til stórvandræða; góðum dreng er gott, þar sem lifir; munt þú þar mest metinn, er menn eru ríkastir fyrir, en haldit hlut þínum við slíkan höfðingja. Heyr heit vár, ok virð nökkurs vár erendi, bjóðumst vér til forvistu um eignir þínar ok trúligrar varðveizlu; þat með, ef þú kemr aptr til jarða þinna, gjalda aldregi skatt, nema þat sé þinn vili, skulu vér þar til leggja bæði fé ok fjör; drep eigi hendi við, ok firr svá alla góða drengi vandræðum. Þá þagnar Sveinki, ok mælti síðan: Vitrliga er eptir leitast, en þó grunar mik, hvárt ekki mun vera hallat konungs erendi; en fyrir svá mikinn góðvilja, sem þér sýnit, skal virða orð yður, ok mun ek fara or landi vetrangt, en þá skal ek í friði hafa eigur mínar við þessi heit yður; seg þau mín orð konungi, ok fyrir yðrar sakir gert en eigi konungs. Þá hitta þeir konung, ok segja, at Sveinki leggr alt á hans vald, en beiðir þar fyrir sóma af yðr, vera í brott 3 vetr, ok aptr, ef þat er beggja ykkarr vili; ger fyrir konungdóm þinn ok boen vára, lát svá vera, er alt er á þínum dómi, ok skulum vér alt við leggja, at hann komi eigi aptr nema at þínum vilja. Þá mælti konungr: Drengiliga flyti þér, ok fyrir yðrar sakir skulu vér slíkt gera, sem þér beiðit; segit honum svá. Þeir þökkðu konungi. Fóru þá at finna Sveinka, segja honum blíðlig konungs orð; erum vér fegnir orðnir, ef þit mættit sættast; beiðist konungr þess, at nefnd væri þriggja vetra frest, en væntum þess, ef vér vitum sannindi, at hann mun þik fyrr eigi án vera, ok er virðingarráð at neita eigi. Sveinki segir: Hvat er heldr þá? Segit konungi, at ek geri honum eigi skapraun í hérvist minni, taki þér við varnaði mínum. Snýr liði sínu heim á bæinn, ok þegar í brott, ok var búinn við

Þessu áðr. Kolbjörn er eptir ok býðr Magnúsi konungi til veizlu, sem þat væri áðr ráðit. Sveinki riðr nú upp á Gautland með öllu liði sínu, því er honum líkar. Konungr þiggr veizlur at búum sínum, ferr síðan aptr til Víkr, ok eru þat kallaðar konungs eignir, er Sveinki hefir átt, ok lætr Kolbjörn varðveita. Konungr tekr veizlur í Víkinni. Síðan ferr hann norðr; er nú kyrt um hrið. Nú leggst á þá illþýði Elfargrímana, er höfðingjalaust er, ok sér konungr, at eyðast mun ríkit austr þannug. Sýnist þá einsætt, at unna Sveinka at brjóta straum fyrir, sýnist þat hæfiligast; ok konungr sendir Sveinka orð tysvar, en hann fór eigi fyrr, en konungr fór sjálf til Danmarkar; sættust þeir þá með fullu, fór Sveinki þá til jarða sinna, ok var jafnan síðan brjóst fyrir konungi.

Vestrferð Magnús konungs.

9. Magnús konungr byrjaði ferð sína or landi, ok hafði með sér lið mikit ok frítt ok góðan skipakost, hélt hann liði því vestr um haf, ok fyrst til Orkneyja. Hann tók höndum jarlana Pál ok Erlend, ok sendi þá báða austr í Noreg, en setti eptir Sigurð son sinn til höfðingja yfir eyjunum, ok fékk honum ráðuneyti. Magnús konungr hélt liði sínu til Suðreyja, en er hann kom þar, tók hann þegar at herja ok brenna byggðina, en drap mannfólkit, ok ræntu alt, þar er þeir fóru; en landslýðr flýði undan víðs vegar, sumir inn í Skotlandsfjörðu, en sumir suðr í Satíri eða út til Írlands, sumir féngu grið ok veittu handgöngu. Svá segir Björn krepphendi:

Lék um Ljóðhús fíkjum
limsorg nær himni,
vítt var ferð á flótta
fús, gaus eldr or húsum.
Örr skjöldungr fór eldi
Ívist, boendr mistu,
róggeisla vann ræsir
rauðan, lífs ok auðar.

Hungrþverrir lét herjat
hriðar gagls á Skíði,
tönn rauð Tyrvist innan
teitr vargr í ben margá.
Groetti Grenlands dróttinn,
gékk hátt Skota stökkvir,
þjóð rann mylsk til mœði,
meyjar suðr í eyjum.

Frá Lögmanni syni Guðröðar konungs.

10. Magnús konungr kom liði sínu í eyna Helgu, ok gaf þar grið ok frið öllum mönnum ok allra manna varnaði. Þat segja menn, at hann vildi upp lúka Kolumkilla kirkju hinni litlu, ok gékk konungr eigi inn, ok lauk þegar aptr hurðina í lás, ok mælti, at engi skyldi svá djarfr verða síðan, at inn skyldi ganga í kirkju þá, ok hefir síðan svá gert verit. Þá lagði Magnús konungr liðinu suðr til Ílar, herjaði þar ok brendi. En er hann hafði unnit þat land, þá byrjar hann ferðina suðr fyrir Satíri, herjaði þá á bæði borð á Írland ok Skotland, fór svá alt herskildi suðr til Manar, ok herjaði þar sem í öðrum stöðum. Svá segir Björn krepphendi:

Vítt bar snjallr á slétta
Sandey konungr randir,
rauk um Íl þá er jóku
allvalds menn á brennur.

Santíri laut sunnar
seggja kind und eggjar,
sigrgæðir réð síðan
snjallr Manverja falli.

Lögmaðr hét son Guðröðar Suðreyjakonungs; Lögmaðr var settr til landvarnar í Norðreyjum. En er Magnús konungr kom til Suðreyja með her sinn, þá flýði Lögmaðr undan hér ok hvar um eyjar, en at lyktum tóku menn Magnús konungs hann með skipsögn sína, þá er hann vildi flýja til Írlands; lét konungr hann í járn setja ok hafa í gæzlu. Svá segir Björn krepphendi:

Hætt var hvert þat er átti
hvarf Guðröðar arfi,
lönd vann lofðungr Þrœnda
Lögmanni þar bannat.

Nýtr fékk nesjum utar
naðrbings töpuð finginn
Egða gramr, þar er umdu,
ungr, vettrima tungur.

Fall Huga jarls hins prúða.

11. Síðan hélt Magnús konungr liðinu til Bretlands. En er hann kom í Öngulseyjarsund, þá kom þar mót honum herr af Bretlandi, ok réðu jarlar tveir fyrir, Hugi prúði ok Hugi digri, ok lögðu þegar til orrostu, varð þar harðr bardagi. Magnús konungr skaut af boga, en Hugi

prúði var albrynjaðr, svá at ekki var bert á honum nema augun ein. Magnús konungr skaut öru at honum, ok annarr háleyskr maðr, er stóð hjá konungi; skutu þeir báðir senn; kom önnur örin í nefbjörg hjálmsins, ok lagðist nefbjörgin fyrir út af annan veg, en annat skotit kom í auga jarlinum, ok flaug aptr í gegnum höfuðit, ok er þat konunginum kent. Féll þar Hugi jarl, en síðan flýðu Bretar ok höfðu látit lið mikit. Svá segir Björn krepphendi:

Lífspelli réð laufa
lundr í Öngulssundi,

broddr fló, þar slög snuddu, 10
snúðigt, Hugans prúða.

Ok enn var þetta kveðit:

Dundi broddr á brynju,
bragningr skaut af magni,
sveigði allvaldr Egða
álm, stökk blóð á hjálma.

Strengs fló hagl í hringa,
hné ferð, en lét verða
Hörða gramr í harðri
hjarlsókn banat jarli. 15

Magnús konungr fékk sigr í þeiri orrostu; þá eignaðist hann Öngulsey, svá sem hinir fyrri konungar höfðu lengst suðr eignazt ríki, þeir er í Noregi höfðu verit. Öngulsey er þriðjungr Bretlands. Eptir orrostu þessa snýr Magnús 20 konungr aptr liði sínu, hélt fyrst til Skotlands. Þá fóru menn milli þeira Melkólms Skotakonungs, ok gerðu þeir sætt milli sín; skyldi Magnús konungr eignast eyjar allar, þær er liggja fyrir vestan Skotland, allar þær er stjórnföstu skipi mætti fara milli ok meginlands. En er Magnús 25 konungr kom sunnan til Satíris, þá lét hann draga skútu um Satíriseið, ok leggja stýri í lag; konungr sjálfr settist í lypting ok hélt á hjálmunvöl, ok eignaðist svá landit, þat er þá lá á bakborða. Satíri er mikit land, ok betra en hin bezta ey í Suðreyjum nema Mön. Eið mjótt er á 30 milli ok meginlands á Skotlandi; þar eru opt dregin langskip yfir.

Dauði Orkneyja jarla.

12. Magnús konungr var um vetrinn í Suðreyjum, þá fóru menn hans um alla Skotlandsfjörðu, reru fyrir innan eyjar allar bæði byggðar ok úbyggðar, ok eignuðu Noregs konungi eylönd öll. Magnús konungr fékk til handa syni sínum Sigurði Bjaðmynju dóttur Myrkjartans konungs Þjálfasonar Írakonungs; hann réð fyrir Kunnuktum. Eptir um sumarit fór Magnús konungr liði sínu austr í Noreg. Erlendr jarl varð sótt dauðr í Niðarósi, ok er þar jarðaðr, en Páll jarl í Björgyn. Skopti Ögmundarson Þorbergssonar var lendr maðr ágætr, hann bjó í Gizka á Sunnmœri, hann átti Guðrúnu dóttur Þórðar Folasonar, börn þeira váru Ögmundr, Finnrr, Þórðr, Þóra er átti Ásólfrr Skúlason. Synir þeira Skopta váru hinir mannvænstu menn í æsku ok hinir vinsælstu.

Deila Magnús konungs ok Inga konungs.

13. Steinkell Svíakonungr andaðist nær falli Haraldanna. Hákon hét sá konungr, er næst var í Svíþjóð eptir Steinkel konung. Síðan var Ingi konungr son Steinkels konungs, góðr konungr ok ríkr, allra manna mestr ok sterkastr, hann var þá konungr í Svíþjóð, er Magnús konungr var í Noregi. Magnús konungr taldi þat hafa verit landaskipti at fornu, at Gautelfr hefði skilt ríki Svía konungs ok Noregs konungs, en síðan Væni til Vermalands, taldist Magnús konungr eiga alla þá byggð, er fyrir vestan Væni var, þat er Sunndalr ok Norðdalr, Vear ok Varðynjar, ok allar markir er þar liggja til; en þat hafði þá langa hrið legit undir Svíakonungs veldi ok til Vestra Gautlands at skyldum; en markamenn vildu vera undir Svíakonungs veldi sem fyrr. Magnús konungr reið or Víkinni ok upp á Gautland, ok hafði lið mikit ok frítt. En er hann kom í markbyggðina, herjaði hann ok brendi, fór svá um allar byggðir, gékk fólk undir hann, ok svarði

honum hlýðni. En er hann kom upp til vatnsins Vænis, leið á haustit. Þá fóru þeir út í Kvaldinsey, ok gerðu þar borg af torfi ok viðum, ok grófu díki um. En er þat virki var gert, þá var þar flutt í vistir ok önnur fōng, þau er þurfti. Konungr setti þar í 300 manna, ok váru þeir 5 höfðingjar fyrir Finnur Skoptason ok Sigurðr ullstrengur, ok höfðu hit fríðasta lið; en konungr sneri þá út í Víkina.

Frá Norðmönnum.

14. En er Sviakonungr spurði þetta, þá bauð hann liði saman, ok fóru þau orð um, at hann mundi ofan ríða, 10 en þat frestaðist um hrið; þá kváðu Norðmenn þetta:

Allengi dvelr Ingi
ofanreið hinn þjóbreiði.

En er ísa lagði á vatnit Væni, þá reið Ingi konungr ofan, ok hafði nær 30 hundraða manna. Hann sendi orð Norð- 15 mönnum, þeim er í borginni sátu, bað þá fara í brott með fangi því, er þeir höfðu, ok aptr í Noreg. En er sendimenn báru þeim konungs orð, þá svaraði Sigurðr ullstrengur, sagði, at Ingi konungr mundi öðru við koma, en vísa þeim brott sem hjörð í haga, ok kvað hann nærr áðr mundu 20 ganga verða. Sendimenn báru aptr þau orð til konungs. Síðan fór Ingi konungr út í eyrna með allan herinn; þá sendi hann annat sinni menn til Norðmanna, ok bað þá í brott fara ok hafa vápn sín, klæði ok hesta, en láta eptir ránfé alt; þeir neittu þessu. En síðan veittu þeir atgöngu, 25 ok skutust á. Þá lét konungr bera til grjót ok við, ok fylla díkit. Þá lét hann taka akkeri ok drengja við ása langa, ok bera þat upp á timbrvegginn. Géngu þar til margir menn ok drógu sundr vegginn; þá váru gervar eisur stórar, ok skotit logandi bröndum at þeim. Þá 30 báðu Norðmenn griða. En konungr bað þá út ganga vápnlausar ok yfirhafnarlausar. En er þeir géngu út, þá var hverr þeira sleginn límahögg. Fóru þeir brott við svá búit ok heim aptr í Noreg; en markamenn allir snerust

þá aptr undir Inga konung. Þeir Sigurðr ok hans félagar sóttu á fund Magnús konungs, ok sögðu honum sínar úfarar.

Frá Magnúsi konungi ok Gíparði.

5 15. Sá maðr kom til Magnús konungs, þá er hann var í Vík austr, er Gíparðr hét, valskr maðr, kvezt vera riddari góðr, bauð sik til þjónostu við Magnús konung, kvezt hafa spurt, at konungr átti stjórnsamt ríki. Konungr tók vel við honum. Þá bjóst Magnús konungr
10 at fara upp á Gautland, því at hann þóttist eiga ákall um ríki við Gauta; þá hafði hann mikit lið, ok géngu Vestrgautar undir hann alt um hinar næstu byggðir. Síðan settist hann við landamærit, ok bjoggu í tjöldum, ok hugðist til áreiðar. Ingi konungr frá þat, ok samnar liði ok
15 stefnir á fund Magnús konungs. Ok er Magnúsi konungi kom njósn um ferðir hans, eggjuðu höfðingjar hann aptrhvarfs, en konungr vildi þat eigi, ok heldr í móti Inga konungi, fyrr en hann verði, á náttarþeli. Ok er hann skipaði liði sínu í þeim stað er Foxerni heitir, þá spyrr
20 hann: Hvar er Gíparðr? Ok sást hann eigi. Þá mælti konungr:

Vill hann eigi flokk várn fylla,
falsk riddarinn valski.

Þá tók undir skáld eitt, er með konunginum var:

25	Spurði gramr hvat gerði	Framreiðar var frauði
	Gíparðr þar er lið barðisk;	fulltrauðr á jó rauðum,
	vér ruðum vápn í dreyra,	vill eigi flokk várn fylla,
	varat hann kominn þannug.	falsk riddarinn valski.

Þar varð mikill mannskaði, en Ingi konungr frelsaðist með
30 flóttu. Þá reið Gíparðr af landi ofan, ok mæltist eigi vel um, er hann var eigi við orrostu; fór hann síðan í brott ok vestr til Englands, ok var útivist þeira hörð, ok lá hann löngum. Þá gékk til austrar íslenzkr maðr, er Eldjárn hét, ok er hann sá, hvar Gíparðr lá, þá kvað hann;

Hví samir hitt at dúsa
hirðmanni geðstirðum?
vestu nú þótt kjöl kosti
knár, riddarinn hári!

Hitt er satt at ek býð byttu,
breiðhúfum, þér reiða,
austr er til hár í hesti
hvaljarðar Gíparði.

Ok er þeir kómu vestr til Englands, segir hann, at Norð- 5
menn höfðu nítt hann. Þá var móts kvatt, ok kom þar til
einn greifi, ok var fyrir hann borit málit. Hann kvezt þá
enn lítt vera vanr málum manna, er hann var ungr maðr
ok skamma stund forræði höfð: en þenna hlut kann ek lítt
skynja, er kveðit er, en þó megum vér heyra. Þá kvað 10
hann:

Frá ek at flóttu rákut,
falsk annat lið manna,
þar var harðr er ek heyrða
hernaðr á Foxerni.

Varð hjálmþrimu herðis
hár, þar er staddir várut,
gangr þar er gauzka drengi
Gíparðr í hel barðir.

15

Þá mælti greifinn: Lítt em ek skældinn, en heyra kann ek,
at þetta er ekki nið, ok þér var vegr at þessu. Hann kann
nú ekki um at tala, ok finnr at þetta er spott.

Orrosta á Foxerni.

16. Þegar um várit, er ísa leysti, fór Magnús kon- 20
ungr með liði miklu austr til Elfar, ok hélt upp eptir hinni
eystri kvísl, ok herjaði alt í veldi Sviakonungs. En er
hann kom upp á Foxerni, þá gengu þeir upp á land frá
skipum; en er þeir kómu yfir á eina, þá er þar verðr, þá
kom móti þeim herr Gauta, ok varð þar orrosta, ok váru 25
Norðmenn ofrliði bornir ok kómu á flóttu, ok var drepit
mart af þeim við fors einn. Magnús konungr flýði, en
Gautar fylgðu þeim, ok drápu slíkt, er þeir máttu. Magn-
ús konungr var auðkendr, manna mestr, hann hafði
rauðan hjúp yfir brynju, hárit silkibleikt, ok féll á herðar 30
niðr. Ögmundr Skoptason reið á aðra hlið konungi, hann
var ok manna mestr ok fríðastr, hann mælti: Gef mér
hjúpinn, konungr! Konungr svaraði: Hvat skal þér hjúp-
rinn? Ek vil hafa, sagði hann, gefit hefir þú mér störrum.

Þar var svá háttat, at vellir sléttir váru víða, ok sást þeir þá ávalt Gautar ok Norðmenn; þá váru enn kleifar ok skógarkjör, ok fal þá sýn, þá fékk konungr Ögmundi hjúpinn, ok fór hann í. Síðan riðu þeir fram á völlum; 5 þá sneri Ögmundr þvers brott ok hans menn. En er Gautar sá þat, þá hugðu þeir þat konung vera, ok riðu þannug allir eptir; reið þá konungr leið sína til skips, en Ögmund dró nauðuliga undan, ok kom þó heill til skipa. Hélt Magnús konungr síðan ofan eptir ánni, ok svá norðr 10 í Víkina.

Sætt konunga.

17. Annat sumar eptir var lögð konungastefna við Konungahellu í Elfi, ok kom þar Magnús Noregskonungr ok Ingi Sviakonungr, ok Eiríkr Sveinsson Danakonungr, ok var sú 15 stefna bundin með griðum. En er þingit var sett, þá géngu konungar fram á völlum frá öðrum mönnum, ok töluðust við litla hríð, géngu þá aptr til liðs síns, ok var þá ger sættin, at hverr þeira skyldi hafa þat ríki, er áðr höfðu haft feðr þeira, en hverr þeira konunga boeta við sína 20 landsmenn rán ok mannskaða, en hverr þeira síðan jafna við annan. Magnús konungr skyldi fá Margrétar dóttur Inga konungs; hon var síðan kölluð Friðkolla. Þat var mál manna, at eigi hefði sét höfðingligri menn, en þeir váru allir. Ingi konungr var einna mestr ok þrekuligastr, 25 ok þótti hann vera öldurmannligastr; en Magnús konungr þótti sköruligastr ok hvatligastr; en Eiríkr konungr var einna fegrstr; en allir váru þeir menn friðir, stórir ok göfugligir ok orðsnjallir. Ok skildust at svá búnu.

Kvánfang Magnús konungs.

30 18. Magnús konungr fékk Margrétar dróttningar, dóttur Inga konungs, var hon send austan af Svíþjóð til Noregs, ok var henni fengit vegligt föruneysi. En Magnús konungr átti áðr nökkur börn, þau er nefnd eru. Eysteinn

hét son hans, ok var hans móðerni lítit; annarr hét Sigurðr, ok var hann vetri yngri; Þóra hét móðir hans; Ólafr hét hinn þriði, ok var hann miklu yngstr; móðir hans var Sigríðr dóttir Saxa í Vík, göfugs manns í Þrándheimi, hon var friðla konungs. Svá segja menn, at þá er Magnús 5 konungr kóm or Vestrvíkingu, at hann hafði mjök þá síðu um klæðabúnað, sem títt var í Vestrlöndum, ok margir hans menn; géngu þeir berleggjaðir um stræti, ok höfðu kyrtla stutta, ok svá yfirhafnir; þá kölluðu menn hann Magnús berfoett eða berbein. Sumir kölluðu hann Magnús 10 háva, en sumir Styrjaldarmagnús. Hann var manna hæstr. Mark var gert til um hæð hans á Mariukirkju í kaupangi, þeiri er Haraldr konungr hafði gera látit; þar hjá norðurdurum váru klappaðir á steinvegginum krossar þrír, einn Haralds hæð, annarr Ólafs hæð, þriði Magnús hæð, ok þat markat, 15 hvar þeim var hægst at kyssa á; var ofarst Haralds kross, en lægst Magnús kross, en Ólafs mark jafnnær báðum.

Þessi vísa er kend Magnúsi konungi, at hann hafi ort til keisarans dóttur:

Ein er sú er mér meinar
Mathildr ok vegr hildi,
már drekkur suðr or sárum
sveita, leik ok teiti.

Sá kennir mér svanni,
sín lönd er verr röndu,
sverð bitu Högna hurðir,
hvítjarpr, sofa lítit.

20

Enn kvað hann:

Hvat er hér í heimi betra,
hyggur skáld af þrá sjaldan,
mjök er langr sá er dvelr drengi
dagr, en vífin fögru.

Þungan ber ek af þingi
þann harm er ek skal svanna,
skreytask menn á móti,
minn aldregi finna.

25

Þá hafði Magnús konungr spurt vingjarnlig orð dóttur keisarans til sín, ok hon hefði þat mælt, at slíkr maðr 30 þótti henni scemiligr, sem Magnús konungr var. Þá kvað hann þetta:

Jörp mun eigi verpa
ermlín á glæ sínum,
orð spyr ek gullhrings gerðar
góð um skáld í hljóði.

Ann ek þótt eigi finnak
opt guðvefjar þóptu,
viti menn at ek hygg hennar 35
hála ræktar málum.

Úscett Magnús konungs ok Skopta.

19. Skopti Ögmundarson varð missáttr við Magnús konung, ok deildu þeir um dánararf nökkurn, Skopti hélt, en konungr kallaði til með svá mikilli freku, at þat var
5 við váða sjálfan; váru þá at áttar margar stefnur, ok lagði Skopti þat ráð til, at þeir feðgar skyldu aldri allir senn vera á konungs valdi, sagði at þat mundi hlýða. Þá er Skopti var fyrir konungi, flutti hann þat fram, at skyld frændsemi var milli þeira konungs, ok þat með, at Skopti
10 hafði verit jafnan kær vin konungs, ok aldri brugðizt þeira vinátta; sagði svá, at menn mætti þat skilja, at hann var svá viti borinn, at ek mun, segir hann, eigi þat mál halda í deilu við þik, konungr! ef ek mæli rangt, en því bregðr mér til forellris míns, at ek halda réttu máli fyrir hverjum
15 manni, ok gera ek þar engi manna mun at. Konungr var hinn sami, ok mýktist ekki hans skap við slíkar rœður. Fór Skopti heim.

Ferð Finns Skoptasonar.

20. Síðan fór Finnur Skoptason á konungs fund, ok talaði við hann, ok bað konung þess, at hann skyldi láta þá feðga ná réttindum af þessu máli. Konungr svarar stygt ok stutt. Þá mælti Finnur: Til annars hugða ek af yðr, konungr! en þér mundut gera mik lögræning, þá er ek settumst í Kvaldinsey, er fáir vildu aðrir vinir yðrir, ok
25 sögðu, sem satt var, at þeir váru framseldir, er þar sátu, ok til dauða dæmdir, ef Ingi konungr hefði eigi lýst við oss meira höfðingskap, en þú hafðir fyrir oss sét, ok mun þó mörgum sýnast, sem ver bærim þaðan svívirðing, ef þat væri nökkurs vert. Konungr skipaðist ekki við slíkar
30 rœður, ok fór Finnur heim.

Ferð Ögmundar Skoptasonar.

21. Þá fór Ögmundur Skoptason á fund konungs. En er hann kom fyrir konunginn, bar hann upp erendi

sitt, ok bað konung gera þeim rétt feðgum. Konungr sagði, at þat var rétt, er hann mælti, ok þeir væri firna djarfir. Þá mælti Ögmundr: Koma muntu, konungr! þessu áleiðis, at gera oss rangt fyrir sakir ríkis þíns; mun þat hér sannast, sem mælt er, at flestir launa illu eða engu, er lífit 5 er gefit; þat skal ok fylgja mínu máli, at aldri síðan skal ek koma í þína þjónostu, ok engi várr feðga, ef ek ræð. Fór Ögmundr síðan heim, ok sást þeir aldri ok Magnús konungr síðan.

Ferð Skopta or landi.

10

22. Skopti Ögmundarson byrjar ferð sína um várit eptir af landi í brott; hann hafði 5 langskip ok öll vel búin; til þeirrar ferðar réðust með honum synir hans Ögmundr ok Finnur ok Þórðr. Urðu þeir heldr síðbúnir; sigldu um haustit til Flæmingjaland, ok váru þar um vetrinn. Snimma 15 um várit sigldu þeir vestr til Vallands, ok um sumarit sigldu þeir út um Nörvasund, ok um haustit til Rúma-borgar; þar andaðist Skopti. Allir önduðust þeir feðgar í þeiri ferð. Þórðr lifði lengst þeira feðga, hann andaðist í Sikiley. Þat er sögn manna, at Skopti hafi fyrst siglt 20 Nörvasund Norðmanna, ok varð sú ferð hin frægsta.

Jartegnir Ólafs konungs við eldsbruna.

23. Sá atburður gerðist í kaupangi, þar sem Ólafr konungr hvílir, at eldr kom í hús í bænum, ok brann víða. Þá var borit út or kirkjunni skrin Ólafs konungs, ok sett 25 á mót eldinum. Síðan hljóp at maðr einn hvatvís ok úvitr, ok barði skrinitt, ok heitaðist við þann helga mann, sagði svá, at alt mundi þá upp brenna, nema hann byrgi þeim með bænum sínum, bæði kirkjan ok önnur hús. Nú lét almáttigr guð við berast bruna kirkjunnar, en þeim 30 úvittra manni sendi hann augnaverð þegar eptir um nóttina, ok lá hann þar alt til þess, er hinn helgi Ólafr konungr bað honum miskunnar við almáttigan guð, ok bættist honum í þeiri sömu kirkju.

Jartegnir Ólafs konungs á kreptri konu.

24. Sá atburður varð enn í kaupangi, at kona ein var færð þangat til staðarins, þar sem Ólafr konungr hvílir; hon var svá armsköpuð, at hon var kropnuð öll saman, svá at báðir fœtr lágu bjúgir við þjóin uppi. Ok er hon var iðuliga á boenum ok hafði heitit á hann grátandi, þá boetti hann henni þá miklu vanheilsu, at fœtr ok leggir ok aðrir limir réttust or lykkjum, ok þjónaði síðan hverr liðr ok limr réttri skepnu; mátti hon áðr eigi krjúpa þangat, en þáðan gékk hon heil ok fegin til sinna heimkynna.

Hernaðr á Írlandi.

25. Magnús konungr byrjar ferð sína af landi ok hafði her mikinn; þá hafði hann verit konungr í Noregi 9 vetr; þá fór hann vestr um haf ok hafði hit frídasta lið, er til var í Noregi. Honum fylgðu allir ríkismenn, er í váru landinu, Sigurðr Hranason, Viðkunnr Jónsson, Dagr Eilífsson, Serkr or Sogni, Eyvindr ölbogi stallari konungs, Úlfr Hranason, bróðir Sigurðar, ok margir aðrir ríkismenn. Fór konungr með þessu liði öllu vestr til Orkneyja, ok hafði þáðan með sér sonu Erlends jarls, Magnús ok Erling. Þá sigldi hann til Suðreyja, ok er hann lá við Skotland, þá hljóp Magnús Erlendsson um nótt af skipi konungs ok lagðist til lands, fór síðan upp í skóg ok kom fram í hirð Skotakonungs. Magnús konungr hélt liðinu til Írlands ok herjaði þar; þá kom Myrkjartan konungr til liðs við hann, ok unnu þeir mikit af landinu, Dyflinn ok Dyflinnar skíri, ok var Magnús konungr um vetrinn uppi á Kunnoktum með Myrkjartani konungi, en setti menn sína til lands-gæzlu, þar er hann hafði unnit. En er váraði, fóru konungarnir með her sinn vestr á Ulaðstír, ok áttu þar orrostur margar ok unnu landit, ok höfðu unnit mestan hluta af Ulaðstír; þá fór Myrkjartan heim á Kunnaktir.

Uppganga Magnús konungs.

26. Magnús konungr bjó þá skip sín ok ætlaði austr til Noregs, hann setti menn sína til landsgæzlu í Dyflinni. Hann lá við Ulaðstír öllu liði sínu, ok váru seglbúnir. Þeir þóttust þurfa strandhöggva, ok sendi Magnús konungr menn sína til Myrkjartans konungs, at hann skyldi senda honum strandhögg, ok kvað á dag, at koma skyldi hinn næsta dag fyrir Bartholomeus messu, ef sendimenn væri heilir; en messudags aptaninn váru þeir eigi komnir. En messudaginn, þá er sól rann upp, gékk Magnús konungr á land með mestan hluta liðs síns ok gékk upp frá skipum, vildi leita eptir mönnum sínum ok strandhöggvi. Veðr var vindlaust ok sólskin, leiðin lá yfir mýrar ok fen, ok váru þar höggvar yfir klappir, en kjarreskógar við tveggja vegna. Þá er þeir sóttu fram, varð fyrir þeim leiti mjök hátt, þaðan sá þeir víða. Þeir sá jóreyk mikinn upp á land; roeddu þá milli sín, hvárt þat mundi vera herr Íra, en sumir sögðu, at þar mundu vera menn þeira með strandhöggvi. Námu þeir þar stað. Þá mælti Eyvindr ölbogi: Konungr! sagði hann, hverja ætlan hefir þú á ferð þessi? úvarliga þykkir mönnum þú fara, veiztu at Írar eru sviksamir, ætla nú ráð nökkut fyrir liði yðru. Þá mælti konungr: Fylkjum nú liði váru, ok verum viðbúnir, ef þetta eru svik. Var þá fylkt, gékk konungr ok Eyvindr fyrir fylkingunni. Hafði Magnús konungr hjálm á höfði ok rauðan skjöld, ok lagt á með gulli leo, gyrðr sverði, er Leggbitr var kallaðr, tannhjaltat ok gullvafiðr meðalkafinn, hit bezta vápn; hann hafði kesju í hendi, hann hafði silkihjúp rauðan yfir skyrtu, ok skorit fyrir ok á bak leo með gulu silki; ok var þat mál manna, at eigi hefði sét sköruligra manna eða vaskligra. Eyvindr hafði ok silkihjúp rauðan, ok með sama hætti sem konungr, var hann ok mikill maðr ok friðr ok hinn hermannligsti.

Fall Magnús konungs.

27. En er jóreykrinn nálgadist, þá kendu þeir sína menn, ok fóru þeir með strandhöggvi miklu, er Írakonungr hafði sent þeim, ok hélt hann öll sín orð við Magnús konung. Síðan sneru þeir út til skipanna, ok var þá um miðdegis skeið. En er þeir kómu út á mýrarnar, fórst þeim seint um fen, þá þusti herra Íra fram or hverju skógarnefi, ok réðu þegar til bardaga, en Norðmenn fóru dreift, ok féllu brátt margir. Þá mælti Eyvindr: Konungr! segir hann, úheppiliga ferr lið vart, tókum nú skjótt gott ráð. Konungr mælti: Blási herblástr öllu liðinu undir merkin, en þat lið, sem hér er, skjóti á skjaldborg, ok förum síðan undan á hæli út yfir mýrarnar; síðan mun ekki saka, er vér komum á sléttlendi. Írar skutu djarfliga, en þó féllu þeir allþykkt, en æ kom maðr í manns stað. En er konungr var kominn at neðsta diki, var þar torføera mikil ok fástaðar yfir foert, féllu þar Norðmenn mjök. Þá kallaði konungr Þorgrím skinnhúfu, lendan mann sinn, hann var upplenzkr, ok bað hann fara yfir díkit með sína sveit: en vér munum verja meðan, segir hann, svá at yðr skal ekki saka; farit síðan á hólma þann, er þar verðr, ok skjótit á þá, meðan vér förum yfir díkit, erut þér bogmenn góðir. En er þeir Þorgrím kómu yfir díkit, köstuðu þeir skjöldunum á bak sér ok runnu til skipa ofan. En er konungr sá þat, mælti hann: Údrengiliga skilstu við þinn konung, úvitr var ek, þá er ek gerða þik lendan mann, en ek gerða útlaga Sigurð hund, aldri mundi hann svá fara. Magnús konungr fékk sár, var lagðr kesju í gegnum bæði lærin fyrir ofan kné. Hann greip skaptit milli fóta sér, ok braut or keflit, ok mælti: Svá brjótum vér hvern sperrilegginn, sveinar! gangit vel fram, ekki mun mik saka. Magnús konungr var höggvinn á hálsinn með spörðu, ok varð þat hans banasár. Þá flýðu þeir er eptir váru. Viðkunnr Jónsson bar til skipa sverðit Leggbít ok merki konungs; þeir runnu síðarst, annarr Sigurðr Hranason, þriði Dagr Eilífs-

son. Þar féllu með Magnúsi konungi Eyvindr ölbogi, Úlfr Hranason, ok margir aðrir ríkismenn; mart féll Norðmanna, en þó miklu fleira af Írum. En þeir Norðmenn, er undan kómust, fóru þegar brott um haustit. Erlingr son Erlends jarls féll á Írlandi með Magnúsi konungi. En er þat lið, 5 er flýit hafði af Írlandi, kom til Orkneyja, ok Sigurðr spurði fall Magnús konungs föður síns, þá réðst hann þegar til ferðar með þeim, ok fóru þeir um haustit austr til Noregs.

Frá Magnúsi konungi ok Víðkunni Jónssyni.

28. Magnús konungr var yfir Noregi 10 vetr, ok var 10 á hans dögum friðr góðr innanlands, en menn höfðu mjök starfsamt ok kostnaðarsamt af leiðöngrum. Var Magnús konungr hinn vinsælsti við sína menn, en bóndum þótti hann harðr. Þat herma menn frá orðum hans, þá er vinir hans mæltu, at hann fór opt úvarliga, er hann herjaði utanlands, hann sagði svá: Til frægðar skal konung hafa, en ekki til 15 langlífis. Magnús konungr var nær þrítogr at aldri, þá er hann féll. Víðkunnr drap þann mann í orrostu, er bana-maðr var Magnús konungs; þá flýði Víðkunnr, ok hafði fengit þrjú sár, ok af þessum sökum tóku synir Magnús konungs hann í hinn mesta kærleik.

SAGA SIGURDAR JÓRSALAFARA, EYSTEINS OK ÓLAFS.

Upphaf Magnús sona.

1. Eptir fall Magnús konungs berfœtts tóku synir hans
5 konungdóm í Noregi, Eysteinn, Sigurðr, Ólafr; hafði Eysteinn hinn norðra hlut lands, en Sigurðr hin syðra. Ólafr konungr var þá 4 vetra eða 5; en þann þriðjung lands, er hann átti, höfðu þeir báðir til varðveislu. Sigurðr var þá til konungs tekinn, er hann var 13 vetra eða 14, en
0 Eysteinn var vetri ellri. Sigurðr konungr lét eptir fyrir vestan haf dóttur Írakonungs. Þá er synir Magnús konungs váru til konunga teknir, kómu utan or Jórsalaheimi, ok sumir or Miklagarði, þeir menn, er farit höfðu út með Skopta Ögmundarsyni, ok váru þeir hinir frægstu, ok kunnu
5 margskonar tíðindi at segja. En af þeim nýnæmum girntist fjöldi manns í Noregi þeirar ferðar; var þat sagt, at í Miklagarði féngu Norðmenn fullsælu fjár, þeir er á mála vildu ganga. Þeir báðu konungana, at annarrhvárr þeira, Eysteinn eða Sigurðr, skyldi fara ok vera fyrir því liði, er
0 til útferðar gerðist. En konungarnir játtu því, ok bjoggu ferð þá með beggja þeira kostnaði. Til þeirar ferðar réðust margir ríkismenn, bæði lendir menn ok ríkir boendr. En er ferðin var búin, þá var þat afráðit, at Sigurðr skyldi fara, en Eysteinn skyldi hafa landráð af hendi beggja
5 þeira.

Frá Orkneyja jörlum.

2. Einum vetri eða tveim eptir fall Magnús konungs berfœtts, kom vestan af Orkneyjum Hákon son Páls jarls.

Konungar gáfu honum jarldóm ok yfirsókn í Orkneyjum, svá sem jarlar höfðu haft fyrir honum, Páll faðir hans eða Erlendr föðurbróðir hans. Fór Hákon jarl vestr til Orkneyja.

Útferð Sigurðar konungs.

5

3. Fjórum vetrum eptir fall Magnús konungs, fór Sigurðr konungr liði sínu or Noregi; þá hafði hann 60 skipa. Svá segir Þórarinn stuttfeldr:

Svá kom fylkis
framt lið saman
margspaks mikit
mildingi vilt,

at skip við sköp
skarfögr um lög
hreins guðs héðan
hnigu sextigir.

10

Sigurðr konungr sigldi um haustit til Englands; þá var þar konungr Heinrekr, son Vilhjálms bastardar. Var Sigurðr konungr þar um vetrinn. Svá segir Einarr Skúlason:

15

Vásöflugr réð vísi
vestr helmingi mestum,
óð at ensku láði
ægis marr und harra.

Stál lét hilmir hvílask
heiptglaðr ok var þaðra,
né gramr af val vimrar,
vetrlengis, stígr betri.

Ferð Sigurðar konungs.

20

4. Sigurðr konungr fór eptir um várit liðinu vestr til Vallands, ok kom fram um haustit út á Galizuland, ok dvaldist þar annan vetr. Svá segir Einarr Skúlason:

Ok sá er æzt gat ríki
ól þjóðkonungr sólar
önd á Jakobs landi
annan vetr und ranni.

Þar frá ek hilmi herjar,
hjaldrs, lausmæli gjalda,
gramr birti svan svartan
snarlyndr, frömum jarli.

25

En þat var með þeim atburð, at jarl, sá er þar réð fyrir landi, gerði sætt við Sigurð konung, ok skyldi jarl láta setja Sigurði torg til matkaupa allan vetrinn, en þat endist 30 eigi lengr en til jóla, ok gerðist þá ilt til matar, því at landit er skarpt ok ilt matland. Þá fór Sigurðr konungr með miklu liði til kastala þess, er jarl átti, ok flýði jarl

undan, því at hann hafði lítit lið. Sigurðr konungr tók þar vist mikla ok mikit herfang annat, ok lét flytja til skipa sinna, bjóst síðan í brott, ok fór vestr fyrir Spán. Þá er Sigurðr konungr sigldi fyrir Spán, barst þat at, at
 5 víkingar nokkurir, þeir er fóru at herfangi, kómu í móti honum með galeiða her, en Sigurðr konungr lagði til orrostu við þá; ok hóf svá hina fyrstu orrostu við heiðna menn, ok vann af þeim 8 galeiðr. Svá segir Halldórr skvaldri:

10	Ok fádýrir fóru Fjölnis hróts at móti, vígásum hlóð vísi, víkingar gram ríkum.	Náði herr at hrjóða, hlaut drengja vinr fengi fyrðum hollr, þar er félla fátt lið, galeiðr átta.
----	---	---

Síðan hélt Sigurðr konungr til kastala þess, er Sintre heitir, ok barðist þar aðra orrostu, þat er á Spáni; þar sat í
 15 heiðit fólk, ok herjaði á kristna menn; hann vann kastalann ok drap þar alt fólk, því at ekki vildi kristnast láta, ok tók þar fé mikit. Svá segir Halldórr skvaldri:

20	Stór skal ek verk þau er váru, vánar dags, á Spáni, prútt lét slongvir sóttan Sintre, konungs inna.	Gerðisk heldr við harðan hermönnum gram berjask grátt, er gerva neittu guðs rétti sér boðnum.
----	--	--

Unnin Lizibón.

5. Eptir þat hélt Sigurðr konungr liðinu til Lizibónar, þat er borg mikil á Spáni, ok hálf kris in en hálf
 25 heiðin; þar skilr Spán kristna ok Spán heiðna, eru þau heröð heiðin öll, er vestr liggja þaðan. Þar átti Sigurðr konungr hina þriðju orrostu við heiðna menn ok hafði sigr; fékk hann þar fé mikit. Svá segir Halldórr skvaldri:

30	Suðr vátt sigr hinn þriðja, snjallr, við borg þá er kaða,	lofðungs kundr! er lendut Lizibón, at fróni.
----	--	---

Þá hélt Sigurðr konungr liðinu vestr fyrir Spán heiðna, ok lagði til borgar þeirrar, er kölluð er Alkasse, ok átti þar hina fjórðu orrostu við heiðna menn ok vann borgina, drap

þar mart fólk, svá at hann eyddi borgina. Þeir féngu þar ofa mikit fé. Svá segir Halldórr skvaldri:

Út frá ek yðr þar er heitir	fólkþeysandi! fýsask
Alkasse styr hvassan,	fjórða sinn at vinna.

Ok enn þetta:

Unnit frá ek í einni	hitti herr á flótta,
eyddri borg til sorga,	heiðins vífs, at drífa.

5

Orrosta í Forminterru.

6. Þá hélt Sigurðr konungr fram ferðinni, ok lagði til Nörvasunda; en í sundunum var fyrir honum víkinga-¹⁰ herr mikill, ok lagði konungr til orrostu við þá, ok átti þar hina fimtu orrostu, ok hafði sigr. Svá segir Halldórr skvaldri:

Treystuzk egg fyrir austan,	náskári fló nýra,
yðr tjóði guð, rjóða,	Nörvasund, til unda.

15

Síðan lagði Sigurðr konungr herinum fram hit syðra með Serklandi, ok kom til eyjar þeirrar, er kölluð er Forminterra. Þar hafði þá sezt herr mikill heiðinna blámanna í helli nökkurn, ok settu fyrir hellisdyrnar steinvegg mikinn; þeir herjuðu víða á landit, ok fluttu til hellisins alt herfang.²⁰ Sigurðr konungr veittu uppgöngu í þeiri ey, ok fór til hellis, ok var í bergi nökkuru, ok var hátt at ganga upp hallinn til steinveggsins, en bjargit skútti yfir steinvegginn fram. Heiðingjar vörðu steinvegginn ok hræddust ekki vápn Norðmanna, en þeir máttu bera grjót ok skot niðr²⁵ undir fœtr sér ofan á Norðmenn. Norðmenn réðu ok eigi til uppgöngunnar at svá búnu. Þá tóku heiðingjar pell ok aðra dýrgripi, ok báru út á vegginn ok skóku at Norðmönnum, æptu á þá, ok eggjuðu þá ok frýðu þeim hugar. Þá leitaði Sigurðr konungr sér ráða. Hann lét taka tvá³⁰ skipbáta, er barkar eru kallaðir, ok draga upp á bjargit yfir hellisdyrnar, ok drengja með strengjum digrum alt undir innviðuna ok um stafnana. Síðan géngu þar í menn, svá sem rúm hafði, létu þá síga skipin ofan fyrir hellinn með

reipum, þá skutu þeir ok grýttu, er á skipinum váru, svá at heiðingjar hrukku af steinvegginum. Þá gékk Sigurðr konungr upp í bjargit með herinn undir steinvegginn, ok brutu vegginn, ok kómust svá upp í hellinn, en heiðingjar flýðu inn um steinvegginn, þann er settr var um þveran hellinn. Þá lét konungr flytja í hellinn við stóra, ok kasta bál mikit í hellisdurunum, ok slá eldi í. En heiðingjar, er eldr ok reykr sótti þá, þá létu sumir lífit, sumir géngu á vápn Norðmanna, en alt fólk var drepit eða brent.

10 Þar féngu Norðmenn hit mesta herfang, þess er þeir hefði tekit í þessi ferð. Svá segir Halldórr skvaldri:

Varð fyrir stafni
styrjar gjörnum
friðraskaði

15 Forminterra.

Þar varð eggjar
ok eld þola
blámanna lið
áðr bana féngi.

Ok enn þetta:

Böðstyrkir! lézt þú barka,
bragnings verk á Serkjum
fræg hafa gerzk, fyrir gýgjar
20 gagnstíg ofan síga.

En í hall at helli
hernenninn fjölmennum
göndlar þings með gengi
gnýþrótt! neðan sóttir.

Enn segir Þórarinn stuttfeldr:

Bað gramr guma
gunnhagr draga
byrvarga á bjarg
25 blásvarta tvá.

Þá er í reipum
ramdýr þrama
sigu fyrir hellis
hliðdyrr með lið.

Orrostur á Ivizu ok Manork.

7. Þá fór Sigurðr konungr fram á leið, ok kom til eyjar þeirrar, er Iviza heitir, ok átti þar orrostu ok fékk sigr; sú var hin sjaunda orrosta. Svá segir Halldórr skvaldri:

10 Margdýrkaðr kom merkir
morðhjóls skipa stóli,

fúss var fremdar ræsir
friðslits, til Ivizu.

Eptir þat kom Sigurðr konungr til eyjar þeirrar, er Manork heitir, ok hélt þar hina 8du orrostu við heiðna menn, ok fékk sigr. Svá segir Halldórr skvaldri:

Knátti enn hin átta
oddhríð vakið síðan,

Finns rauð gjöld, á grœnni,
grams ferð, Manork verða.

Roðgeirr tók konungdóm.

8. Sigurðr konungr kom um várit til Sikileyjar, ok dvaldist þar lengi. Þar var þá Roðgeirr hertogi, hann 5 fagnaði vel konungi ok bauð honum til veizlu. Sigurðr konungr kom þannug, ok mikit lið með honum. Þar var dýrligr fagnaðr, ok hvern dag at veizlunni stóð Roðgeirr hertogi ok þjónaði at borði Sigurðar konungs. Ok hinn 7da dag veizlunnar, þá er menn höfðu tekit laugar, þá tók 10 Sigurðr konungr í hönd jarlinum ok leiddi hann upp í háseti, ok gaf honum konungsnafn ok þann rétt, at hann skyldi vera konungr í Sikileyjarveldi, en áðr höfðu þar jarlar verit yfir því ríki.

Frá Roðgeiri konungi.

15

9. Roðgeirr Sikileyjar konungr var hinn ríkasti konungr, hann vann Púl allan ok lagði undir sik, ok margar 15 aðrar stóreyjar í Griklands hafi; hann var kallaðr Roðgeirr ríki. Hans son var Vilhjálmr konungr í Sikiley, er lengi hafði úfrið mikinn haft við Miklagarðs keisara. Vilhjálmr 20 konungr átti 3 dætr, en engan son; hann gipti eina dóttur sína Heinreki keisara, syni Friðreks keisara, en þeira son var Friðrekr, er nú var keisari í Rómaborg. Aðra dóttur Vilhjálms konungs átti hertogi af Kípr; hina þriðju átti Margrit yfirkussari; Heinrekr keisari drap þá báða. Dóttur 25 Roðgeirs Sikileyjar konungs átti Manueli keisari í Miklagarði, þeira son var Kiríalax keisari.

Sigurðr konungr fór til Jórsala.

10. Um sumarit sigldi Sigurðr konungr út um Griklandshaf til Jórsalalands, fór síðan upp til Jórsalaborgar 30 ok hitti þar Baldvina Jórsalakonung. Baldvini konungr fagnaði Sigurði konungi forkunnar vel ok reið með honum

út til árinna Jórdanar ok aptr til Jórsalaborgar. Svá segir Einarr Skúlason:

<p>5 Húf lét hilmir svífa hafkaldan, lof skáldi esat um allvalds risnu einfalt, í Griksalti,</p>	<p>áðr við einkar breiða úlfnestir skip festi, öll beið öld með stilli, Akrborg, fegins morgin.</p>
--	---

Ok enn þetta:

<p>10 Get ek þess er gramr fór vitja, glyggs, Jórsala bygðar, meðr vituð öðling æðra, ógnbliðr, und sal víðum.</p>	<p>Ok leyghati laugask, leyft ráð var þat, náði hauka fróns í hreinu hvatr Jórdanar vatri.</p>
--	--

Sigurðr konungr dvaldist mjök lengi á Jórsalalandi um haustit ok öndurðan vetr.

Unnin Sætt.

15 11. Baldvini konungr gerði veizlu fagra Sigurði konungi ok liði miklu með honum. Þá gaf Baldvini konungr Sigurði konungi marga helga dóma, ok þá var tekinn spánn af krossinum helga at ráði Baldvina konungs ok patriarka, ok sóru þeir báðir at helgum dómi, at þetta tré var af
20 hinum helga krossi, er guð sjálf var þíndr á. Síðan var sá heilagr dómr gefinn Sigurði konungi, með því at hann sör áðr, ok 12 menn aðrir með honum, at hann skyldi fremja kristni með öllum mætti sínum, ok koma í land erkibyskupsstóli, ef hann mætti, ok at krossinn skyldi þar
25 vera, sem hinn helgi Ólafr konungr hvíldi, ok at hann skyldi tíund fremja ok sjálf gera. Sigurðr konungr fór síðan til skipa sinna í Akrsborg; þá bjó ok Baldvini konungr her sinn at fara til Sýrlands til borgar þeirar, er Sætt heitir; sú borg var heiðin. Til þeirar ferðar rézt Sigurðr
30 konungr með honum. Ok þá er þeir konungarnir höfðu litla bríð setit um borgina, gáfust heiðnir menn upp, ok eignuðust konungarnir borgina, en liðsmenn annat herfang. Sigurðr konungr gaf Baldvina konungi alla borgina. Svá segir Halldórr skvaldri:

Borg heiðna tóktu, bræðir
benja tíkr! af ríki,

háðisk hver við prýði
hildr, en gaft af mildi.

Einarr Skúlason segir ok hér frá:

Sætt frá ek dæla dróttinn,
drengr minnisk þess, vinna,
tóku hvast í hristar
hríð valslöngur ríða.

Sterkr braut váligt virki
vals munnritaðr gunnar,
fögr ruðusk sverð en sigri
snjallr bragningr hlaut fagna.

5

Eptir þat fór Sigurðr konungr til skipa sinna ok bjóst brott af Jórsalalandi. Þeir sigldu norðr til eyjar þeirar, er Kípr heitir, ok dvaldist Sigurðr konungr þar nökkura 10 hrið; fór síðan til Griklands, ok lagði öllu liðinu út við Engilsnes, ok lá þar hálfan mánað, ok var hvern dag hraðbyri norðr eptir hafinu, en hann vildi biða þess byrjar, er þverskytningr væri, ok seglum mætti aka at endilöngu skipi; því at öll segl hans váru sett pllum, bæði þat 15 er fram vissi ok aptr; fyrir því at hvárirtveggju frambyggjar ok þeir er aptr váru, vildu eigi sjá hit úfegra seglanna.

Ferð Sigurðar konungs í Miklagarð.

12. Þá er Sigurðr konungr sigldi inn til Miklagarðs, sigldi hann nær landi; þar eru alt á land upp borgir ok 20 kastalar ok þorp, svá at hvergi slítr. Þá sá af landi í bug allra seglanna, ok bar hvergi í milli, svá sem einn garðr væri. Alt fólk stóð úti, þat er sjá mátti sigling Sigurðar konungs. Spurt hafði Kirjalax keisari til ferðar Sigurðar konungs, ok lét hann upp lúka borgklið þat á 25 Miklagarði, er heitir Gullvarta, þat hlið skal inn ríða keisarinn, þá er hann hefir lengi áðr í brott verit af Miklagarði ok hafi vel sigrazt; þá lét keisarinn breiða pell um öll stræti borgarinnar frá Gullvörtu ok til Laktjarna, þar eru keisarans hallir hinar ágæztu. Sigurðr konungr mælti 30 við sína menn, at þeir skyldu ríða dramsamliga í borgina, ok láta sér lítit um finnast alla nýbreytni, er þeir sá, ok svá gerðu þeir. Reið Sigurðr konungr ok allir hans menn með þvílíkan prís til Miklagarðs, ok svá til hinnar ágæztu

konungs hallar, ok var þar fyrir þeim alt búit. Sigurðr konungr dvaldist þar nokkura hríð. Þá sendi Kirjalax konungr menn sína til hans, hvárt hann vildi þiggja af keisaranum sex skipbund af gulli, eða vildi hann, at konungr léti efna til leiks þess, er keisari var vanr at láta leika á Paðreimi. Sigurðr konungr kaus leikinn, en sendimenn sögðu, at keisarann kostaði eigi minna fé leikinn, en þetta gull. Þá lét keisarinn efna til leiksins, ok var þá leikit at vanda, ok veittu allir leikar betr konungi þat sinn.

10 Dróttning á hálfan leikinn, ok keppast í öllum leikum menn þeira; ok segja Grikkir, at þá er konungr vinnr fleiri leika á Paðreimi en dróttning, þá mun konungr vinna sigr, ef hann ferr herferð. Þat segja menn, þeir er verit hafa í Miklagarði, at Paðreimrinn sé á þá leið gerr, at veggr

15 hár er settur um einn völl, sem til sé at jafna túnsvidd, kringlóttan, ok gráður umhverfis, sitja menn þar um steinvegginn, en leikrinn er á vellinum. Eru þar skrifuð margskonar forntíðindi, Æsir, Völsungar, Gjúkungar, gert af kopar ok málmum með svá miklum hagleik, at þat þykkir alt kvíkt

20 vera, er þeir koma í leikinn. Er leikrinn settur með miklum brögðum ok vélum, sýnist sem menn ríði í lopti, ok skoteldr er þar við, ok allskonar hörpuleikar ok söngfæri.

Frá Sigurði konungi.

13. Þat er sagt, at Sigurðr konungr skyldi veita

25 keisara snæðing einn dag, ok biðr nú sína menn efna til sköruliga alla hluti. Ok þá er til var aflat allra hluta, sem honum sómdi at veita ríkum mönnum, þá mælti Sigurðr konungr, at menn skyldu ganga at því stræti í borginni, er viðr væri keyptr, sagði, at þat munu þeir þurfa. Þeir

30 sögðu, at hvern dag var mörgum hlössum ekit í borgina, ok eigi þyrfti hann þat at ugga; en er þeir þurftu til at taka, var á brottu allr viðrinn, ok segja konungi. Hann svaraði: Vitit nú, ef þér fáit valhnetr, eigi munum vér þeim síðr kunna at elda. Þeir fóru ok féngu svá mikit,

sem þeir vildu. Ok nú kemr keisarinn ok virktamenn hans, setjast saman, ok er þar margfaldr sómi, ok veitir Sigurðr konungr með kappi. Ok er þat finnr keisarinn ok dróttning, at engi efni skortir, þá sendir hon menn at vita, með hverju þeir elda; ok nú koma þeir at húsi einu, ok sjá at þat var fult af valhnotum, ok segja henni; hon mælti: Víst er konungr sjá stórlátr, ok mun fátt til spara síns sóma; engi viðr logar betr en þetta. Hafði þetta til raunar gert, hvert ráð hann tæki.

Heimferð Sigurðar konungs.

10

14. Eptir þetta bjóst Sigurðr konungr til heimferðar. Hann gaf keisaranum öll skip sín, ok höfuð gullbúin váru á því skipi, er konungr hafði stýrt, þau váru sett á Péturskirkju, eru þar síðan til sýnis. Kirjalax keisari gaf Sigurði konungi marga hesta, ok fékk honum leiðtoga um alt ríki sitt. Fór þá Sigurðr konungr brott af Miklagarði, en eptir dvaldist mikill fjöldi Norðmanna ok gékk á mála. Sigurðr konungr fór utan fyrst á Bolgaraland, ok þá um Ungararíki, ok um Pannonia ok um Sváva ok um Beiaraland; þar fann hann Lozarium keisara af Rómaborg, ok fagnaði hann honum forkunnar vel, fékk honum leiðtoga alt um sitt ríki, ok lét halda þeim torg, svá sem þeir þurftu til allra kaupa. En er Sigurðr konungr kom í Slésvík á Danmörk, þá veitti Eilífr jarl honum dýrliga veizlu, þat var um miðsumars skeið. Í Heiðabý fann hann Nikolás Danakonung, ok fagnaði hann honum afar vel, ok fylgði honum sjálfr norðr á Jótland, ok gaf honum skip með öllum búnaði, þat er hann hafði í Noreg. Fór þá Sigurðr konungr heim í ríki sitt, ok var honum vel fagnat. Ok var þat mál manna, at eigi hafi verit farin meiri virðingarför or Noregi, en þessi var, ok var hann þá tvítogr at aldri; hann hafði 3 vetr verit í þessarri ferð. Ólafr konungr bróðir hans var þá 12 vetra gamall.

Frá Eysteiní konungi.

15. Eysteinn konungr hafði mart gert í landinu, þat er nýtsamligt var, meðan Sigurðr konungr var í ferð. Hann hóf munklífi í Björgvin í Norðnesi, ok lagði hann
 5 þar mikit fé til; hann lét gera Mikjálskirkju, hit vegligsta steinmusteri; hann lét ok gera í konungsgarði Postolakirkju, þar lét hann ok gera höll hina miklu, er vegligast tréhús hefir gert verit í Noregi; hann lét ok gera kirkju á Agðanesi, ok þar virki ok höfn, er áðr var
 10 oræfi; hann lét ok gera í Niðarósi í konungsgarði Nikoláskirkju, ok var þat hús allmjök vandat at skurðum ok allri smíð; hann lét ok gera kirkju norðr í Vágum á Hálogalandi, ok lagði þóvendu til.

Eysteinn konungr fékk Jamtaland.

16. Eysteinn konungr gerði orð hinum vitrustum mönnum til Jamtlands ok hinum ríkustum, bauð þeim til sín, en fagnaði öllum, er kómu, með blíðu mikilli, ok leiddi brott með vingjöfum, en teygði þá svá til vináttu við sik. En er þeir vöndust margir at fara til hans, ok þágu gjafir
 0 hans, en sumum sendi hann gjafir, þeim er eigi kómu þar, þá kom hann sér í fullkomna vináttu við alla þá menn, er réðu fyrir landinu. Síðan talaði hann fyrir þeim ok sagði, at Jamtr höfðu þat illa gert, er þeir höfðu snúizt í brott frá Noregs konungum í hlýðni eða skattgjöfum.
 5 Tók þar til máls, er Jamtr höfðu gengit undir ríki Hákonar konungs Aðalsteinsfóstra, ok verit síðan lengi undir Noregs konungum; inti ok þat, hversu mörg þarfindi þeir máttu hafa af Noregi, eða hversu mikill úmaki þeim væri, at sækja til Sviakonungs þat, er þeir þurftu. Ok kom
 10 hann svá sínum ræðum, at Jamtr sjálfir buðu honum ok báðu hann, at þeir vildu snúast til hlýðni við Eystein konung, ok kölluðu þat þurft sína ok nauðsyn. Dró svá saman þeira félagskap, at Jamtr gáfu land alt undir ríki Eysteins konungs. Tóku fyrst til þessa máls ríkismenn

þar trúnaðareiða af öllu fólkinu; síðan fóru þeir til Eysteins konungs ok sóru honum ríki, ok hefir þat haldizt jafnan síðan. Vann Eysteinn konungr Jamtaland með viti en eigi með áhlaupum, sem sumir hans langfeðgar.

Frá Eysteini konungi.

5

17. Eysteinn konungr var maðr hinn friðasti sýnum, bláeygr ok nökkut opineygr, bleikhárr ok brokkinhárr, ekki hár meðalmaðr, spekingr at viti, at öllu fróðr, lögum ok dæmum ok mannfroði, ráðsnjallr ok orðspakr, ok hinn snjallasti, manna glaðastr ok lítillátastr, hugþekkr ok ást- 10 sæll allri alþýðu. Hann átti Ingibjörgu dóttur Gotthorms Steigarþórissonar; þeira dóttir hét María, er síðan átti Guðbrandr Skafhögsson.

Frá Ívari Ingimundarsyni.

18. Eysteinn konungr hafði í mörgu bætt rétt lands- 15 manna, ok hélt hann upp mjök lögunum ok gerði sér kunnig öll lög í Noregi, hann var ok spekingr mikill at viti. Á þeima hlut má marka, hverr dýrðarmaðr Eysteinn konungr var, eða hversu hann var vinholtr ok hugkvæmr eptir at leita við vini sína, hvat þeim var at harmi, at 20 sá maðr var með honum, er hét Ívarr ok var Ingimundarson, íslenzkr maðr, vitr ok ættstórr ok skáld, ok var konungr vel til hans ok ástsamliga, sem sýndist í þessum hlut. Ívarr tók úgleði, ok er konungr fann þat, heimti hann Ívar til máls við sik ok spurði hann, hví hann væri svá 25 úglaðr? en fyrr er þú vart með oss, var oss margskonar skemtan at yðrum rœðum; en eigi leita ek af því eptir, veit ek, at þú munt vera svá vitr maðr, at ek hefi engan hlut gert af við þik; seg mér, hvat er? Hann svaraði: Þat sem er, herra! má ek ekki frá segja. Þá mælti konungr: 30 Geta mun ek þá til; eru menn þeir nökkurir, er þér getist eigi at? Hann kvað eigi þat. Konungr mælti: Þykkist þú af mér hafa minna sóma en þú vildir? Hann sagði eigi

þat vera. Konungr mælti: Hefir þú sét nokkura þá hluti,
er þér hefir svá mikit um fundizt, at þér þykkir þat illa?
Hann kveðr eigi þat vera. Konungr mælti: Fýsir þik til
nokkurra manna eða annarra höfðingja at fara? Hann kvað
5 eigi þat vera. Konungr mælti: Vandast nú getan; eru
nokkurar konur þær hér eða á öðrum löndum, at þér er
eptirsjá at? Hann sagði at þat er. Konungr mælti: Ver
eigi þar um hugsjúkr; þegar er vátar, far þú til Íslands,
ok mun ek fá þér fé ok mikinn sóma, bréf ok innsigli til
10 þeira manna, er ráða eigu, ok veit ek eigi þeira manna
vánir, at eigi muni hneigjast fyrir mínum ummælum eða
ógnarorðum. Ívarr svaraði: Þungligar er farit, herra!
bróðir minn á þessa konu. Þá mælti konungr: Hverfun
þar frá, ok sé ek þar ráð til; eptir jól mun ek fara á
15 veizlur, ok far þú með mér, muntu þá sjá margar kurteisar
konur, ok ef eigi eru þær konungbörnar, mun ek fá þér í
hendr. Hann svarar: Því er þungligar komit, at jafnan er
ek sé fagrar konur ok dýrligar, þá minnir mik hinnar
konunnar, ok er því harmr minn meiri. Konungr mælti:
20 Þá mun ek gefa þér forræði ok eignir at skemta þér.
Hann svaraði: Ekki uni ek því. Þá mælti konungr: Þá
fæ ek þér fé, ok ferr þú þangat til landa, sem þú vilt.
Hann kveðst eigi þat vilja. Þá mælti konungr: Vandast
mér nú eptir at leita, hefi ek nú eptir leitat, sem ek kann;
25 en einn er nú hlutr eptir, ok er sá lítills verðr hjá þessum,
er ek hefi boðit þér; far þú hvern dag, er borð er uppi,
á fund minn, ok ef ek sit eigi yfir vandamálum, mun ek
tala við þik um konu þessa á alla vega, þess er mér má
í hug koma, ok mun ek gefa mér tóm; þat verðr stundum,
30 at mönnum verðr harms léttara, ef um er roett; þat skal
ok fylgja, at aldregi skaltu gjaflaust á brott fara. Hann
svarar: Þat vil ek, herra! ok hafit þökk fyrir eptirleitanina.
Ok nú gera þeir svá jafnan, er konungr sitr eigi yfir vand-
amálum, þá talar konungr við hann, ok boettist honum
35 harms síns, ok gleðst hann.

Frá Sigurði konungi.

19. (18). Sigurðr konungr var mikill vexti ok jarpr á hár, sköruligr, ekki fagr, vel vaxinn, snöfurligr, fámæltr. ok optast ekki þýðr, vingóðr ok fastúðigr, ekki talaðr mjök, siðlátr ok veglátr. Sigurðr konungr var stjórnsamr ok refsingasamr, hélt vel lögin, mildr af fé, ríkr ok ágætr. Ólafr konungr var maðr hár ok mjór, friðr sýnum, glaðr ok lítillátr, vinsæll. Þá er þeir bræðr váru konungar í Noregi, tóku þeir af margar álögur, þær er Danir höfðu lagt á lýðinn, þá er Sveinn Alfífuson réð landi, ok urðu þeir af því stórvinsælir við alþýðu ok stórmenni.

Draumr Sigurðar konungs Jórsalafara.

20. (19). Þat er sagt; at Sigurðr konungr tók úgleði mikla, ok mátti lítt njóta taðs hans, ok sat hann skömmum við drykkju. Þat þótti ráðamönnum þungt, ok vinum hans ok hirðinni, ok biðja Eysteín konung leggja til nokkur ráð, at hann féngi vitat, hverju gegndi, féngu menn nú enga orskurði mála sinna, er hann sóttu at. Eysteinn konungr svarar svá: Vant er at ræða ok leita eptir við konung. En at boen manna varð þat þó, at hann hét. Ok eitthvert sinn vegr hann til ok spyrr, hví gegnir úgleði hans: Er þat nú, herra! margs manns hrygd, vildum vér vita, hval er veldr, eða hafi þér nokkur tíðindi fregit, er þat sé stórra hluta vert? Sigurðr konungr segir, at eigi er þat. Er þat þá, bróðir! at þér vilít or landi ok afla enn meira ríkis, sem faðir várr? Hann kvað eigi þat vera. Eru nokkurir menn þeir í landi hér, er fyrir reiði þinni sé orðnir? Hann sagði eigi þat vera. Þat vil ek þá vita, ef þik hafi dreymt nokkut, þat er þér fær áhyggju. Hann sagði þat vera. Seg mér þá, bróðir! Hann sagði: Eigi mun ek segja þér, nema þú ráðir eptir því sem vera mun, ok mun ek þat allglögt vita mega, hvárt þú ræðr rétt. Hann svaraði: Þat er, herra! mikill vandi á báðar síður; sitja fyrir reiði þinni, sem á mun liggja, ef eigi verðr ráðit, eða

ágang ok þat áfelli, er öllu fólki verðr at; en þar til mun ek ráða, at hætta á yðra miskunn, þó at eigi verði ráðit eptir því sem yðr líkar. Hann svarar: Þat dreyndi mik, at mér þótti sem vér bræðr þrír sætim allir á einum stóli 5 fyrir Kristskirkju norðr í kaupangi, ok þá sýndist mér sem géngi út or kirkjunni hinn helgi Ólafr konungr frændi várr, skryðdr konungsskrúði, hann var með hinni dýrligstu ásjónu ok blíðligr. Hann gékk at Ólafi konungi bróður okkrum, ok tók í hönd honum, ok mælti við hann blíðliga: Far 10 með mér, frændi! Hann sýndist mér ganga með honum inn í kirkjuna. Ok nokkuru síðar kom hann út af kirkjunni, ok gékk at þér, bróðir! ok mælti við þik, at þú skyldir ganga með honum, hann var þá eigi með jafnmikilli blíðu sem fyrr; géngu þit síðan í kirkjuna. Þá vænta ek, at 15 hann mundi mér í mót koma, en þat varð eigi; þá sló yfir mik hræzlu mikilli ok úmegni ok úværa, ok vaknaða ek í því. Eysteinn konungr svarar: Herra! sagði hann, svá ræð ek, at stóllinn jarategnir ríki vårt bræðra, en er þér sýndist Ólafr konungr koma með blíðu í móti Ólafi konungi bróður 20 okkrum, þar mun hann lifa skemst ok mun hann eiga gott fyrir höndum, er hann er vinsæll ok ungr, ok fátt yfir liðit, ok mun Ólafr konungr hjálpa honum. En þar er þér sýndist hann mér í móti koma, ok eigi með jafnmikilli blíðu, þar mun ek lifa nokkurum vetrum lengr, ok þó 25 verða eigi gamall, ok væntir mik, at hans ásjá mun yfir mér standa, er hann kom í móti mér, ok eigi þó með jafnmiklum blóma, sem við Ólaf vár, fyrir því at mart hefir mik hent til afgerða ok boðorðabrota. En þar sem þér þótti frestast kváma hans þér í móti, þat get ek, at 30 ekki muni marka heimván þína, ok vera kann, at þú mætir þungu áfelli, er þér þótti sem nokkur úbirta legðist yfir þik ok ótti; ok get ek, at þú verðir vár elztr ok ráðir lengst ríki þessu. Þá mælti Sigurðr konungr: Vel er ráðit ok vitrliga, ok eptir þessu er mest ván, at gangi. Tekr kon- 35 ungr nú at gleðjast.

Kvánfang Sigurðar konungs.

21. (20). Sigurðr konungr fékk Málmfríðar, dóttur Haralds konungs Valdamarssonar, austan or Hólmgarði. Móðir Haralds konungs var Gyða gamla dróttning dóttir Haralds Englakonungs Guðinasonar. Móðir Málmfríðar var Kristín, dóttir Inga Sviakonungs Steinkelssonar. Systir Málmfríðar var Ingibjörg, er átti Knútr lávarðr, son Eiríks góða Danakonungs, sonar Sveins Úlfssonar, Börn þeira Knúts ok Ingibjargar var Valdamarr, er konungdóm tók í Danmörk eptir Svein Eiríksson, Margrét, Kristín ok Katrín. Margrétu átti Stígr hvítaleðr, þeira dóttir var Kristín, er átti Karl Sörkvisson Sviakonungr; þeira son var Sörkvir konungr.

Hér hefr þingabátt.

22. (21). Sigurðr Hranason varð missátttr við Sigurð konung. Hann hafði haft Finnför af hendi konunga fyrir sakir tengða ok langrar vináttu ok margra góðra hluta. er Sigurðr veitti konungum, ok var hann hinn merkiligsti maðr ok hinn vinsælasti. En þar bar svá at, sem opt kann verða, at vándir menn ok öfundsjúkir meir en gœzkufullir báru þat í eyru Sigurði konungi, at Sigurðr Hranason mundi meira eigna sér af Finnskattinum, en hófi gegndi; ræða þar til málit, at Sigurðr konungr lagði á hann fjándskap, sendir eptir honum, ok er hann kemr á konungsfund, mælti konungr: Eigi vænta ek, at þú mundir svá launa mér, sagði hann, mikit lén ok sóma, at eigna þér mitt, ok hafa meira hlut af, en þér væri leyft. Þá sagði Sigurðr: Eigi er þat satt, er yðr er frá sagt; slíkan hlut hefi ek þar af, sem yðart er leyfi til. Konungr mælti: Eigi muntu því einu fyrir hlíta, ok roett mun áðr málit með meiri freku, en létti. Ok skiljast at því. Litlu síðar með umtölum vina sinna sótti Sigurðr konungr þat mál á móti í Björgyn, ok vildi gera Sigurð Hranason útlaga. Ok er í þat efni var komit ok svá mikinn vanda, þá ferr

hann á fund Eysteins konungs, ok segir honum með hversu miklu áfelli Sigurðr konungr vildi heimta málit af honum, ok biðr hann ásja. Eysteinn konungr sagði þat vant mál at beiða hann mótmæli veita bróður sínum, segir langt
5 þess í milli, hvárt hann veitir at málinu eða gengr í móti, kvað þá jafnt báða eiga mundu, Sigurð konung ok sik: en fyrir sakir nauðsynjar þinnar ok mágsemdar várrar, þá má ek til leggja nokkur orð. Ok hittir Sigurð konung, ok biðr hann eirðar manninum; sagði skyldu þá sem á var,
10 Sigurðr Hranason átti Skjaldvöru föðursystur þeira, ok segir hann vilja bæta þat, er konungi mislíkar, þó at eigi teldi hann sik sannan at sökinni; bað konung minnast á langt vinfengi þeira. Sigurðr konungr sagði þat meiri stjórn, at refsa slíka hluti. Þá sagði Eysteinn konungr: Ef
15 þú vilt, bróðir! lögum at fylgja ok eptir landsstjórn refsa slíkt, þá mun réttligast, at Sigurðr njóti vitna sinna, ok á mál þetta á þingi at dæma, en eigi á móti, því at sökin veit til landslaga, en eigi til Bjarkeyjarréttar. Þá mælti Sigurðr konungr: Vera má, at svá viti sökin, Eysteinn kon-
20 ungr! sem þér segit, ok ef þetta eru eigi lög, þá munu vér málit á þingi sækja. Síðan skildust konungar, ok þótti sinn veg hvárum þeira. Þá stefndi Sigurðr konungr máli þessu til Arnarnesþings, ok ætlar þar málit fram at hafa. Eysteinn konungr kom ok þangat, ok sótti þingit, ok er
25 sökin fór fram í dóm, þá gékk at Eysteinn konungr, áðr en sökin félli á Sigurð Hranason. Þá beiddi Sigurðr konungr lögmenn, at þeir feldi dóm á. En Eysteinn konungr svarar á þá leið: Þat hygg ek, at hér muni vera menn svá vitrir, ok kunnig lögin í Noregi, at eigi á at dæma lenda mann
30 útlagan á þessu þingi. Ok flytr nú málit til laga, svá at öllum má þat sýnast sannligt. Þá mælti Sigurðr konungr: Kapp leggr þú á mikit, Eysteinn konungr! mál þetta, ok vera má, at meira starf verði fyrir, áðr en gangist við, en til var hugat, en eigi fyrir því at siðr skal fram
35 halda; ok gjarna vilda ek nú, at hann yrði sekr í sínum

átthaga. Þá mælti Eysteinn konungr: Fátt mun þat verða, at eigi muni fram komast, ef þér vilit fylgja, svá marga stóra hluti sem þér hafit þunnt, en hér er ván, at í móti standi fáir menn ok smáir. Skiljast á því þingi, svá at ekki sýslast at málinu. Eptir þat stefnir Sigurðr kon- 5 ungr Gulapíng ok sækir til sjálfr. Eysteinn konungr sækir ok þingit, ok eru nú margir fundir at áttir ok stefnur af vitrum mönnum, ok málit rannsakat fyrir lögmönnum. Nú flytr Eysteinn konungr þetta fram, at allir þeir menn, er fyrir sökum váru hafðir, váru í Frostapingslögum, ok sakir 10 höfðu gerzt á Hálogalandi. Ok eyðir hann sökina, ok skiljast at því, ok váru mjök reiðir. Ferr þá Eysteinn konungr norðr til Þrándheims. Sigurðr konungr stefnir til sín öllum lendum mönnum ok lendra manna húskörlum, hann nefnir or hverju fylki mikit lið búanda alt sunnan or 15 landi, ok dróst honum mikill herr, stefnir hann liðinu norðr með landi, ok sækir alt norðr á Hálogaland, ok vill svá greypliga at ganga, at gera Sigurð Hranason útlaga þar norðr í frændhaga sínum, ok stefnir hann þing öllum Háleygjum ok Naumdoelum í Hrafnistu. Eysteinn konungr 20 bjóst or kaupangi með miklu liði, ok sækir til þingsins; hann tekr þá með handfesti sókn ok vörn af Sigurði Hranasyni. Á þessu þingi fluttu hvárirtveggju fram sín mál. Þá leitar Eysteinn konungr við lögmenn, hvar þau þing eru í Noregi, at bóndum sé rétt at døma konunga mál, 25 ef annarr sækir mál af öðrum: flyt ek mál þat með vitnum fram, at Sigurðr konungr á við mik málit, en ekki við Sigurð Hranason. Lögmenn segja, at konunga málum skyldi skipta á Eyrapíngi í Niðarósi. Eysteinn konungr sagði: Þat hugða ek at svá mundi vera, ok þangat mun 30 sökin horfa, ok segist konungr ok þar vilja reyna réttan dóm um mál Sigurðar Hranasonar. Þá mælti Sigurðr konungr: Svá mjök sem þú vilt þyngja ok úhægja mér, þá skal ek því þrálígar fylgja. Ok skiljast þeir at svá búnu. Sækja nú hvárirtveggju suðr til kaupangs, var þá 35

stefnt 8 fylkna þing. Eysteinn konungr var þá í boenum, ok hafði allmikit lið, en Sigurðr konungr lá á skipum. En er til þings skyldi ganga, þá váru grið sett, ok var komit fólk, ok málit skyldi kæra. Þá stóð upp Bergþórr, 5 son Sveins bryggjufóts, ok bar fram vitni, at Sigurðr Hranason hafði leynt af Finnskattinum. Eysteinn konungr stóð þá upp ok sagði: Þó at þessi sök sé sönn, er þú berr nú fram, sem ek veit eigi þó með sannendum, hverr vitnisburðr þetta er; ok þó at svá væri, at þat sannaðist, þá 10 hefir þessi sök verit eydd á þrimr lögþingum, ok móti inu fjórða; nú kref ek lögréttumenn at dæma Sigurð sýknan sakarinnar. Ok svá var gert. Þá mælti Sigurðr konungr: Sé ek, at Eysteinn konungr hefir flutt fram lögkróka, en mér er ekki um þat kunnigt. Nú er sú ein sóknin eptir, 15 er ek mun vanari en Eysteinn konungr, skal þá nú ok fram hafa. Ok sneri nú á brott ok til skipa sinna, ok lét færa af tjöld, ok lagði liðinu öllu út til Hólms, átti þar þing, ok sagði svá liðinu, at um morguninn eptir skulu þeir leggja inn til Íluvalla ok ganga upp ok berjast við Eystein kon- 20 ung. En um kveldit, er Sigurðr konungr sat at matborði á skipi sínu, þá varð hann eigi fyrr varr við, en maðr lét fallast niðr á þiljurnar í fyrirrúminu, ok tók um fót hans; var þar Sigurðr Hranason, ok bað þá Sigurð konung gera af sínu ráði slíkt er hann vildi. Gékk þá til Magni byskup 25 ok Málmfríðr dróttning, ok margir höfðingjar aðrir, ok báðu griða Sigurði Hranasyni, ok með þeira böen tók Sigurðr konungr hann upp, ok tók af honum festur, ok setti hann með mönnum sínum; ok hafði með sér suðr í land. Um haustit fékk Sigurðr konungr Sigurði Hranasyni orlof at 30 fara heim norðr, ok gaf Sigurðr konungr honum þá sýslu af sinni hendi, ok var jafnan síðan vinr hans. Eptir þetta varð aldregi mart um milli þeira bræðra né blíða með ástsemd.

Andlát Ólafs konungs.

23. (22). Ólafr konungr tók sótt, þá er hann leiddi til bana; ok er hann jarðaðr at Kristskirkju í Niðarósi; ok var hann hit mesta harmaðr. Síðan réðu þeir tveir konungar landi, Eysteinn ok Sigurðr, en áðr höfðu þeir þrír bræðr 5 verit konungar 12 vetr, 5 síðan er Sigurðr konungr kom til lands, en 7 áðr. Ólafr konungr var 17 vetra, er hann andaðist, en þat var 9 Kalendas Januarii.

Fæddr Magnús blindi.

10

24. (23). Þá er Eysteinn konungr hafði verit einn vetr austr í landi, en Sigurðr konungr var norðr, þá sat Eysteinn konungr lengi um vetrinn í Sarpsborg. Bóndi ríkr er nefndr Ólafr í Dali, auðigr maðr, hann bjó í Aumorð í Dal mikla, hann átti 2 börn. Son hans hét Hákon faukr, en Borghildr dóttir hans, hon var kvenna 15 fríðust ok vitr kona ok fróð mjök. Þau Ólafr ok börn hans váru lengi um vetrinn í Borg, ok var Borghildr jafnan á tali við konung, ok mæltu menn allmisjafnt um vináttu þeira. En eptir um sumarit fór Eysteinn konungr norðr í land, en Sigurðr konungr fór austr, ok annan vetr eptir 20 var Sigurðr konungr austr í landi, ok sat löngum í Konungahellu ok efldi mjök þann kaupstað. Þar gerði hann kastala mikinn, ok lét grafa um díki mikit, hann var gerr af torfi ok grjóti; hann lét húsa í kastalanum ok gera þar kirkju. Kross hinn helga lét hann vera í Konungahellu, ok hélt 25 hann í því eigi eiða sína, er hann sór á Jórsalalandi, en hann framdi tíund ok flest alt annat, þat er hann hafði svarit; en þat er hann setti krossinn austr við landsenda, hugði hann þat vera mundu alls lands gæzlu; en þat varð at hinu mesta úráði, at setja þann helgan dóm svá mjök 30 undir vald heiðinna manna, sem síðan reyndist. Borghildr Ólafsdóttir heyrði þann kvitt, at menn illmæltu þau Eystein konung um tal sitt ok vináttu, þá fór hon til Borgar, ok fastaði þar til járns ok bar járn fyrir mál þetta, ok varð

vel skír. En er þetta spurði Sigurðr konungr, þá reið hann þat á einum degi, er miklar váru 2 dagleiðir, ok kom fram í Dali at Ólafs, var þar um nótt. Þá tók hann Borghildi frillutaki, ok hafði hana brott með sér; þeira son
 5 var Magnús, hann var brátt sendr til fóstra norðr á Hálogaland í Bjarkey til Víðkunns Jónssonar, ok fœddist hann þar upp. Magnús var allra manna friðastr ok bráðgerr á vöxt ok afl.

Mannjafnaðr með konungum.

10 25. (24). Eysteinn konungr ok Sigurðr konungr váru einn vetr báðir á veizlu á Upplöndum, ok átti sinn bæ hvárr þeira. En er skamt var milli þeira bæja, er konungar skyldu veizlu taka, þá gerðu menn þat ráð, at þeir skyldu vera báðir samt á veizlunum, ok sínu sinni at hvárs búum;
 15 váru þeir fyrst báðir samt at því búi, er Eysteinn konungr átti. En um kveldit er menn tóku at drekka, þá var mungát ekki gott, ok váru menn hljóðir. Þá mælti Eysteinn konungr: Þó eru menn hljóðir; hitt er ölsiðr meiri, at menn geri sér gleði; fáam oss ölteiti nokkura, mun þá
 20 enn árcætast um gaman manna. Sigurðr bróðir! þat mun öllum soemst þykkja, at vit hefim nokkura skemtannarroedu. Sigurðr konungr svarar heldr stutt: Ver þú svá málugr, sem þú vilt, en lát mik ná at þegja fyrir þér. Þá mælti Eysteinn konungr: Sá ölsiðr hefir opt verit, at menn taka
 25 sér jafnaðarmenn, vil ek hér svá vera láta. Þá þagði Sigurðr konungr. Sé ek, sagði Eysteinn konungr, at ek verð hefja þessa teiti, mun ek taka þik, bróðir! til jafnaðarmanns mér; fœri ek þat til, at jafnt nafn höfum vit báðir ok jafna eign, geri ek ok engi mun ættar okkarrar eða
 30 uppfœzlu. Þá svaraði Sigurðr konungr: Mantu eigi þat, er ek braut þik á bak, ef ek vilda, ok vartu vetri ellri. Þá sagði Eysteinn konungr: Eigi man ek hitt síðr, er þú fékkt eigi leikit þat, er mjúkleikr var í. Þá mælti Sigurðr konungr: Mantu, hversu fór um sundit með okkr, ek máttu

kafa þik, ef ek vilda. Eysteinn konungr sagði: Ekki svam
 ek skemra en þú, ok eigi var ek verr káfsyndr; ek kunna
 ok á ísleggjum, svá at engan vissa ek þann, er þat kepti
 við mik, en þú kunnir þat eigi heldr en naut. Sigurðr
 konungr sagði: Höfðingligri íþrótt ok nyttsamligri þykki
 mér at kunna vel á boga, ætla ek, at þú nýtir eigi boga
 minn, þóttu spyrnir fótum í. Eysteinn konungr svaraði:
 Ekki em ek bogsterkr sem þú, en minna mun skilja bein-
 skeyti okkra, ok miklu kann ek betr á skíðum en þú, ok
 hafði þat verit enn fyrr kölluð góð íþrótt. Sigurðr konungr
 sagði: Þess þykkir mér mikill munr, at þat er höfðingligr,
 at sá er yfirmaðr skal vera annarra manna, sé mikill í
 flokki, sterkr ok vafnsærr betr en aðrir menn, ok auðsær
 ok auðkendr, þá er flestir eru saman. Eysteinn konungr
 sagði: Eigi er þat síðr einkanna hlutr, at maðr sé friðr,
 ok er sá ok auðkendr í mannfjölda, þykki mér þat ok
 höfðingligt, því at friðleikinum sómir hinn bezti búnaðr;
 kann ek ok miklu betr til laga en þú, ok svá hvat er vit
 skulum tala, em ek miklu sléttorðari. Sigurðr konungr
 sagði: Vera kann, at þú hafir numit fleiri lögprettu, því
 at ek átta þá annat at starfa, ok engi frýr þér sléttmælis,
 en hitt mæla margir, at þú sér ekki allfastorðr, ok lítit
 mark sé, hverju þú heitr, mælir eptir þeim, er þá eru hjá,
 ok er þat ekki konungligt. Eysteinn konungr sagði: Þat
 berr til þess, er menn bera mál sín fyrir mik, þá hygg ek
 at því fyrst, at lúka svá hvers manns máli, at þeim
 mætti bezt þykkja; þá kemr opt annarr, sá er mál á við
 hann, ok verðr þá opt dregit til at miðla, svá at báðum
 skyli líka. Hitt er ok opt, at ek heit því, er ek em
 beðinn, því at ek vilda, at allir færi fegnir frá mínum
 fundi. Sé ek hinn kost, ef ek vil hafa, sem þú gerir, at
 heita öllum illu, en engi heyri ek efndanna frýja. Sigurðr
 konungr sagði: Þat hefir verit mál manna, at ferð sú, er
 ek fór or landi, væri heldr höfðinglig, en þú sazt heima
 meðan, sem dóttir, föður þína. Eysteinn konungr svarar:

Nú greipt þú á kýlinu; eigi mynda ek þessa ræðu vekja, ef ek kynna hér engu svara; nærr þótti mér hinu, at ek gerða þik heiman sem systur mína, áðr þú yrðir búinn til ferðar. Sigurðr konungr sagði: Heyrt muntu hafa þat, at
5 ek átta orrostur mjök margar í Serklandi, er þú munt heyrt hafa getit, ok fékk ek í öllum sigr, ok margskonar gersimar, þær er eigi hafa fyrr slíkar komit hingat til lands; þóttu ek þar mest verðr, er ek fann gölgasta menn, en ek hygg, at eigi hafir þú enn hleypt heimdreganum. Eysteinn
10 konungr sagði: Spurt hefi ek þat, at þú áttir orrostur nökkurar utanlands, en nytsamligra var þat landi váru, er ek gerða meðan; ek reista fim kirkjur af grundvelli, ok gerða ek höfn við Agðanes, er áðr var øræfi, ok hvers manns fœr, þá er fœr norðr eða suðr með landi; ek
15 gerða ok stöpulinn í Sínhólmsundi, ok höllina í Björgyn, meðan þú brytjaðir blámenn fyrir fjándann á Serklandi, ætla ek þat lítit gagn ríki váru. Sigurðr konungr sagði: Fœr ek í ferð þessi lengst út til Jórdanar, ok lögðumst ek yfir ána; en út á bakkanum er kjarr nökkut, en þar á kjarrinu reið
20 ek knút, ok mæltu ek svá fyrir, at þú skyldir leysa, bróðir! eða hafa elligar þvílíkan formála, sem þar var á lágðr. Eysteinn konungr sagði: Eigi mun ek leysa þann knút, er þú reitt mér, en ríða máttu ek þér þann knút, er míklu síðr féngir, þú leyst, þá er þú sigldir einskipa í her minn,
25 þá er þú komt í land. Eptir þat þögnuðu þeir báðir, ok var hvártveggi reiðr.

Fleiri hlutir urðu þeir í skiptum þeira bræðra, er þat fannst á, at hvárr dró sik fram ok sitt mál, ok vildi hvárr vera öðrum meiri, en hœlzt þó friðr milli þeira, meðan
30 þeir lifðu.

Frá vanheilsu Sigurðar konungs.

26. (25). Sigurðr konungr var á Upplöndum at veizlu nökkurri, en þar váru laugar gervar. En er konungr var í laug, ok var tjaldat yfir kerit, þá þótti honum renna fiskr

í lauginni hjá sér, ok þá sló á hann hlátri svá miklum, at þar fylgði staðleysi, ok kom þat síðan mjök optliga at honum. Ragnhildi, dóttur Magnús konungs berfœtta, giptu þeir bræðr hennar Haraldi kesju, hann var son Elríks góða Danakonungs, vǫru synir þeira Magnús, Ólafr, Knútr, Haraldr.

Andlát Eysteins konungs.

27. (26). Eysteinn konungr lét gera skip mikit í Niðarósi, þat var gert at vexti ok með hætti eptir því, sem Ormr hinn langi hafði verit, er Ólafr konungr Tryggva-¹⁰ son hafði gera látit; var þar ok drekahöfuð á fram, en krókr á aptr, ok hvártveggja gullbúit. Skip var borðmikit, en stafnarnir þóttu nokkuru minni en bezt bæri. Hann lét ok gera þar í Niðarósi naust bæði svá stór, at afrek var í, ok ger með hinum beztum föngum ok smíðuð ágæta¹⁵ vel. Eysteinn konungr var á veizlu á Stim á Hústöðum, hann fékk þar bráða sótt, þá er hann leiddi til bana. Hann andaðist 4 Kalendas Septembris, ok var lík hans flutt norðr til kaupangs, ok er hann þar jarðaðr í Kristskirkju, ok er þat mál manna, at yfir enskis manns líki²⁰ hafi svá margr maðr í Noregi jafnbryggr staðit sem Eysteins konungs, síðan er andaðr var Magnús konungr, son Ólafs hins helga konungs. Eysteinn var konungr²⁰ vetr at Noregi; en eptir andlát Eysteins konungs var Sigurðr einn konungr í landi, meðan hann lifði.

25

Kristnuð Smálönd.

28. (27). Nikolás Danakonungr, son Sveins Úlfssonar, fékk síðan Margrétar, dóttur Inga, er fyrr hafði átt Magnús konungr berfœttr, ok hétu synir þeira Nikolás ok Magnús hinn sterki. Nikolás konungr sendi orð Sigurði konungi³⁰ Jórsalafara, ok bað hann veita sér lið ok styrk allan af sínu ríki, at fara með Nikolási konungi austr fyrir Svíaveldi til Smálönda, ok kristna þar fólk, því at þeir er þar

bygðu, héldu ekki kristni, þó at sumir hefði við skírn tekit. Var í þann tíma víða í Svíaveldi mart fólk heiðit, ok mart illa kristit, því at þá váru nokkurir þeir konungar, er kristni köstuðu ok héldu upp blótum, svá sem gerði Blót-
 5 sveinn, eða síðan Eiríkr hinn ársæli. Sigurðr konungr hét ferð sinni, ok gerðu konungar stefnulang sitt í Eyrarsundi. Síðan bauð Sigurðr konungr almenningi út af öllum Noregi, bæði at liði ok at skipum. En er saman kom herr sá, þá hafði hann vel þrjú hundruð skipa. Nikolás konungr
 10 kom fyrr miklu til stefnunnar, ok beið þar lengi, þá kúrruðu Danir illa, ok sögðu at Norðmenn mundu ekki koma. Síðan rufu þeir leiðangrinn, fór konungr í brott ok allr herrinn. Síðan kom Sigurðr konungr þar, ok líkaði honum illa; héldu þó austr í Svímrarós, ok áttu þar húsping, ok
 15 talaði Sigurðr konungr um lausyrði Nikolás konungs, ok kom þat ásamt, at þeir skyldu nokkut hervirki gera í landi hans fyrir þessar sakir. Þá tóku þeir upp þorp þat, er heitir Tumaforp, er skamt liggr frá Lundi, ok héldu síðan austr til kaupbøjar þess, er heitir Kalmarnar, ok
 20 herjuðu þar, ok svá á Smálöndum, ok lögðu vistagjald á Smálönd, 15 hundruð nauta, ok tóku Smálendingar við kristni. Síðan vendir Sigurðr konungr aftur herinum, ok kom í sitt ríki með mörgum stórgersimum ok fjárhlutum, er hann hafði aflat í þeiri ferð, ok var þessi leiðangr kallaðr
 25 Kalmarna leiðangr. Þat var sumri fyrr en myrkr hit mikla. Þenna einn leiðangr rerir Sigurðr konungr, meðan hann var konungr.

Frá Þórarni stutfeld.

29. (28). Þat barst at eitt sinn, er Sigurðr konungr
 30 gékk frá skytningi ok til aptansöngs, ok váru menn druknir ok kátir mjök, þeir sátu úti fyrir kirkjunni ok sungu aptansönginn, varð söngrinn úgreiðr, þá mælti konungr: Hvat karla er þat, er þar er hjá kirkju í feldi einum? Þeir kváðust eigi þat vita. Konungr mælti:

Agrip
c. 49

Villir hann vísdóm allan,
veldr því karl í feldinum.

Karl gengr fram ok mælti:

Hykk at hér megi þekkja
heldr í stuttum feldi
oss, en ek læt þessa
úprýði mér hlýða.

Værir mildr ef mæra
mik vildir þú skikkju, 5
hvat hefi ek heldr en töttra,
hildingr! muni vildri.

Konungr mælti: Kom til mín á morni, þar sem ek drekk.
Liðr nú af nóttin. Um morgininn ferr Íslendingr, er síðan
var kallaðr Þórarinn stutfeldr, til drykkjustofunnar, en maðr 10
stóð úti fyrir stofunni, ok hafði horn í hendi ok mælti:
Íslendingr! þat mælti konungr, at þú skyldir yrkja vísu,
aðr þú gengr inn, ef þú vildir þiggja nokkura vingjöf af
honum, ok kveða um þann mann, er heitir Hákon Serksson.
er kallaðr er mörstrútr, ok geta þess í vísunni. Þessi 15
maðr, er við hann ræddi, hét Árne fjöruskeifr. Síðan ganga
þeir inn, ok gengr Þórarinn fyrir konung ok kvað vísu:

Þú vændir mér, þröenda
þengill! ef ek stef fénga
frænda Serks, at fundi,
fólkrakkr, gefa nakkvat.

Lézt þú at Hákon hétu,
hildingr hinn fémildi!
enn samir mér at minnask, 20
mörstrútr, á þat görva.

Konungr mælti: Þat sagða ok aldri, ok muntu vera spott-
aðr, ok er þat ráð, at Hákon skapi þér viti fyrir, ok far
í sveit hans. Hákon mælti: Vel skal hann kominn með
oss, ok sé ek, hvaðan þetta er at komit. Ok setr Íslend- 25
ing millum þeira, ok váru þeir nú allkátir. Þá er á
leið daginn, ok nökkut tók at fá á þá drykkinn, þá mælti
Hákon: Þykkist þú nökkut, Íslendingr! bótþarfa eiga mér,
eða þótti þér eigi heldr sett vélræði fyrir þik? Hann svarar:
Víst þykkjumst ek þér boeta eiga. Hákon svarar: Þá 30
munu vit sáttir, ef þú yrkir aðra vísu um Árna. Hann
kvezt þess albuinn. Ganga síðan yfir, þar sem Árni sat,
ok kvað hann vísu:

Fullviða hefir fræðum.

Ejoruskeifr á her veifat

lystr ok leiri kastat

lastsamr ara hins gamla.

Ok vantu eina kráku

orðvandr á Serklandi,

skeifr bartu Högna húfu

hræddr, varliga brædda.

5 Árni hljóp upp þegar, ok brá sverði ok vildi ráða til hans. Hákon mælti, at hann skyldi hætta, ok kvað hann á þat mega minnst, at hann mundi lægra hlut bera, ef þeir ættist við. Síðan gekk Þórarinn fyrir konung, ok segir, at hann hefir drápu ört um hann, ok bað hann hlýða; ok
10 þat veitti konungr honum, ok er þat kölluð Stuttfeldar drápa. Þá spyr konungr, hvat hann vill ráðs síns, en hann kvezt hafa ætlat suðr at ganga til Rúms. Þá fékk konungr honum fé mikit, ok bað hann sín vitja, er hann kvæmí aptr, ok kvezt þá mundu gera sóma hans.

15 . . . Frá Sigurði konungi ok Óttari birtling.

30. (29). Þat er frásagt einn hátíðardag Flvitsunnudag, at Sigurðr konungr sat með miklu fjölmenni ok mörgum vinum sínum, ok þá er hann kom í háseti sitt, sá menn at hann sat með miklu vanmegni ok þungu bragði,
20 váru margir hræddir um, hvern veg reiða mundi. Konungr leit á lýðinn, ok örgaði augunum ok sá umhverfis sik á pallana, ok tók þá bók hina dýru, er hann hafði haft í land; hon var öll gullstöfum ritin, ok eigi hafði meiri gersimi komit í land í einni bók. Dróttning sat þá hjá honum. Þá
25 mælti Sigurðr konungr: Mart kann skipast, segir hann, á mannsævinni. Ek átta 2 hluti, þá er mér þóttu bestir, er ek kom í land; þat var bók sjá hérna ok dróttningin, en nú þykki mér hvárr öðrum verri; þat á ek svá í eiginni, at mér þykkir verst allra hluta. Dróttning flýr eigi hveraug
30 hon er, því at geitarhorn stendr or höfði henni, ok því betri sem mér þótti hon, því öllu verri þykki mér hon nú. Þá kastaði hann bókinni á eldinn fram, er gerr var, en laust dróttningina kinnhest. Hon grét konungs mein meirr en sinn harm. Sá maðr stóð fyrir konunginum, er

hét Óttarr birtingr, bóndason ok kertisveinn, skyldi þá þjóna, svartr á hárslit, lítill ok vaskligr, dökkritaðr ok kurteiss. Hann hleypr til ok tekr bókina, er konungr hafði kastat á eldinn, ok hélt á ok mælti: Úlíkir dagar váru þeir, herra! er þér sigldut, með þryði ok fegrð, at Noregi, ok fögnuðu því allir vinir yðrir, ok runnu í mót þér, ok játtuðu þér at konungi með hinni mestu vegsæmd, en þessir; en nú eru komnir til þín vinir þínir margir á þessum degi, ok megu eigi kátir vera fyrir þínum harmi ok vanmegni; ger svá vel, hinn góði konungr! þigg þetta heilræði, fyrst gleð drótt-
 ningina, er þú hefir mikit afgert við, ok alla síðan út í frá vini þína. Þá sagði Sigurðr konungr: Hvat muntu kenna mér ráð, hinn herviligsti kotkarlason ok hinnar minstu ættar. Ok hljóp upp síðan, ok brá sverði, ok lét sem hann mundi höggva hann. Hann stóð rétt, ok brást
 engan veg við. En konungr brá þá flötu sverðinu, er ofan kom at höfðinu. En fyrst reiddi hann báðum höndum, sletti síðan flötu á síðu honum. Síðan þagnaði hann, ok settist niðr í hásetit; þá fögnuðu ok allir menninir. Þá litaðist konungr um, ok högligan en hit fyrra sinn, ok
 mælti síðan: Seint má reyna mennina, hvílíkir eru, segir konungr; hér sátu vinir mínir, lendir menn ok stallarar, skutilsveinar ok allir hinir beztu menn í landinu, ok varð engum jafnvel til mín sem þessum, er yðr mun þykkja lítils verðr hjá yðr, hann unni mér nú mest, ok var þat
 Óttarr birtingr, af því at ek kom hér inn ærr maðr, ok vildag spilla gersimi minni, hann boetti þat með mér, ok annarri hendi hræddist hann eigi banann; talaði síðan fagrt erendi, stilti svá orðunum, at mér yrði at virðing, en eigi taldi hann þá hlutina, er minn harmr aukaðist við. Þat feldi hann alt niðr, er þó mátti með sönnu ræða; en svá var þó skörulig hans ræða, at engi var svá vitr maðr hjá, at snjallara mundi mæla. En síðan hljóp ek upp ørvita, ok lét ek sem ek munda höggva hann, en hann var svá fullhugi, sem engi ótti væri um at vera; en þá er ek

sá þat, lét ek þetta verk fyrirfarast, svá úmakligr sem hann var. Nú skulu þér, vinir minir! vita, hverju ek mun launa honum; hann er áðr kertisveinn, nú skal hann vera lendr maðr minn, ok mun þat þó fylgja, er eigi mun minna vera, at hann mun merkiligastr maðr vera af stundu lendra manna minna. Gakk nú í sæti hjá lendum mönnum ok þjóna eigi lengr. Hann gerðist síðan hinn merkiligsti maðr í Noregi af mörgum góðum hlutum ok dýrligum.

Draumr Sigurðar konungs.

31. (30). Sigurðr konungr var eitthvert sinn á veizlu at búi sínu einu. En um morgininn þá er konungr var klæddr, var hann fámálugr ok úkátr, ok hræddust vinir hans, at þá mundi enn at honum komit vanstillit. En ármaðrinn var vitr maðr ok djarfr ok krafði konung máls, ok spurði, ef hann hefði nökkut tíðinda spurt, þat er svá væri mikit, at honum stœði fyrir gleði, eða væri þat, at veizlan hugnaði honum eigi vel, eða nökkurir þeir hlutir, er menn mætti ráða boetr á. Sigurðr konungr sagði, at engi hlutr héldi þar til, sá er hann rœddi um, en þat heldr til, segir hann, at ek hugsa draum þann, er fyrir mik bar í nótt. Herra! segir hann, góðr draumr skyldi sá vera, en heyra vildim vér gjarna. Konungr mælti: Ek þóttumst hér á Jaðri vera úti staddr, ok sá ek út í haf, ok leit ek þar sorta mikinn, ok var för í, ok er nálgaðist hingat, þá sýndist mér, sem þat væri mikit tré eitt, ok óðu limarnar uppi, en roetrnar í sjá. En er tréit kom at landi, þá braut þat, ok rak í brott, dreifðist víða um landit, bæði um meginland ok úteyjar, sker ok strandir; ok þá gaf mér sýn, svá at ek þóttumst sjá um allan Noreg hit ytra með sjá, ok sá ek í hverja vík at rekin váru brot af þessu tré, ok váru flest smá, en sum stoerri. Þá svaraði ármaðrinn: Þat er líkast um þenna draum, at þér sjálfir munut bezt skipa, ok vildim vér gjarna heyra, at þér réðit. Þá mælti konungr: Þat þykki mér líkast, at

vera muni fyrir tilkvámu nökkurs manns í land þetta, ok mun hann hér staðfestast, ok hans afspringi mun víða dreifast um land þetta ok vera mjök misstórt.

Frá Ásláki hana.

32. (31). Svá bar at eitt sinn, er Sigurðr konungr 5 sat með mörgum góðum mönnum ok gōfgum í stríðum hug, var þat frjákveld eitt, at dróttsetinn spurði, hvat til matar skyldi búa. Konungr svarar: Hvat nema slátr. En svá var mikil ógn at honum, at engi þorði at mæla í móti honum. Váru nú allir úkátir. Bjoggust menn nú til 10 borða, kómu inn sendingar, heitt slátr, ok váru allir menn hljóðir ok hörmuðu konungs mein. En áðr en matrinn væri signdr, þá tók sá maðr til orða, er hét Áslákr hani; hann hafði verit með Sigurði konungi í útferðinni, ekki var han ættstórr maðr, hvatr ok lítill vexti; ok er hann 15 sá, at engi maðr mundi svara konunginum, þá mælti hann: Herra! sagði hann, hvat rýkr á diskinum fyrir yðr? Konungr svarar: Hvat vildir þú, Áslákr hani! eða hvat sýnist þér? Hann svarar: Þat sýnist mér, sem ek vilda eigi at væri, at slátr sé. Konungr mælti: En þótt svá sé, Áslákr 20 hani! Hann svarar: Hörmuligt er slíkt at vita, at svá mjök skal missýnast þeim konungi, er svá mikinn sóma hefir fengit í veröldinni af ferð sinni; ok öðru hézt þú þá, er þú steigst or Jórdan, ok hafðir laugazt í því vatni, sem guð sjálf, ok hafðir pálm í hendi ok kross á bringu, en 25 þú mundir slátr eta á frjádag; ok ef smæri menn gerði slíkt, væri stórrefsinga fyrir vert; ok eigi er svá vel skipuð sveitin, sem líkligt væri, er engi verðr til nema ek einn lítill maðr um slíkt at tala. Konungr þagnaði, ok tók eigi til matarins, ok er á leið matmálit, bað konungr brott 30 bera slátrdiskinn. Kom þá fram sá matr, er honum hœfði vel, ok tók konungr at kætast heldr, er á leið matmálit, ok drakk. Menn mæltu, at Áslákr mundi forða sér. Hann kvazt eigi mundu þat gera, veit ek eigi, hvat þat mun

tjóa, er þat sannast, at nú er gott at deyja, er ek hefi því fram komit, at firra konunginn glöep, en hann á heimilt at drepa mik. Ok um kveldit kallaði konungr á hann ok mælti: Hverr eggjaði þik, Áslákr hani! at mæla slíkum
 5 beryrðum við mik í mannfjölda? Herra! sagði hann, engi nema ek sjálfr. Konungr mælti: Vita muntu nú vilja, hvat þú munt fyrir hafa þína dirfð, eða hvers þú þykkist verðr? Hann svarar: Viltu vel launa, herra! þá em ek feginn, en ef öðruvís verðr, þá er þat þitt. Þá mælti kon-
 10 ungr: Þú munt minni laun fyrir hafa en makligt er; ek mun gefa þér þrjú bú; en þann veg skipti þá til, sem úlíkligra mátti þykkja, er þú firðir mik miklu úhappi, heldr en lendir menn, er ek átta mikit gott at. Lauk svá þessu máli.

Kona leidd jólaaptan til konungs.

15 33. (32). Svá bar at eitt sinn jólakveld, er konungr sat í höllinni ok borð váru framsett, þá mælti konungr: Fáir mér slátr. Herra! sögðu þeir, eigi er þat siðr í Noregi at eta slátr jólakveld. Hann svarar: Er þat eigi siðr, þann sið vil ek hafa. Þeir koma ok höfðu hnísu.
 20 Konungr stangaði í knífinum, ok tók eigi til. Þá mælti konungr: Fáir mér konu inn í höllina. Þeir kómu þar ok höfðu konu með sér, sú hafði sitt faldat. Konungr tók hendinni til höfuðs henni, ok leit á ok mælti: Úsællig kona er þetta, ok ekki svá, at eigi megí scema við slíkt. Síðan
 25 leit hann á höndina ok mælti: Úfögr hönd ok eigi vel vaxin, en þó verðr at scema við. Þá bað hann, at hon rétti fram fótinn; leit hann á ok mælti: Ferligr fótr ok mikill mjök, en ekki má gaum at því gefa, scema verðr við slíkt. Þá bað hann, at þeir skyldu leggja upp kyrt-
 30 i linn, ok sá hann nú legginn, ok mælti svá: Sví verði þínum legg, er bæði er blár ok digr, ok muntu vera púta ein, ok bað hana út fœra: ok vil ek ekki hafa hana.

Haraldr gilli kom í land.

34. (33). Hallkell húkr, son Jóns smjörbalta, var
 44*

lendr maðr á Moeri, hann fór vestr um haf, ok alt til Suðreyja, þar kom til fundar við hann utan af Írlandi sá maðr, er hét Gillikristr, ok sagðist vera son Magnús konungs berfœtts; móðir hans fylgði honum ok sagði, at hann hét Haraldr öðru nafni. Hallkell tók við þessum mönnum 5 ok flutti með sér til Noregs, ok fór þegar á fund Sigurðar konungs með Haraldi ok móður hans. Þau báru fram sitt erendi fyrir konungi. Sigurðr konungr ræddi þetta mál fyrir höfðingjum, at hverr legði til eptir sínu skaplyndi, en allir báðu hann sjálfan fyrir ráða. Þá lét 10 Sigurðr konungr kalla fyrir sik Harald, ok sagði honum svá, at hann vill eigi synja Haraldi, at hann fremi skírslu til faðernis sér, með því at hann vill þat vera láta í festu, þó at honum berist þat faðerni, er hann segir, at Haraldr skal eigi beiðast konungdóms, meðan Sigurðr 15 konungr eða Magnús konungsson lifir, ok fóru þessar festur fram með swardögum. Sigurðr konungr sagði, at Haraldr skyldi troða slár til faðernis sér, en sú skírsla þótti heldr frek, því at hann skyldi þá skírslu fremja til faðernis en eigi til konungdóms, hann hafði áðr því 20 fyrirvarit. En Haraldr játtaði þessu. Hann fastaði til járns, ok var sú skírsla ger, er mest hefir verit ger í Noregi, at 9 plógjárn glóandi váru niðr lögð, ok gekk Haraldr þar eptir berum fótum, ok leiddu hann byskupar tveir. Ok þrimr dögum síðar var skírslan reynd, váru þá 25 fœtr hans úbrunnir. Eptir þat tók Sigurðr konungr vel við frændsemi Haralds; en Magnús son hans úpokkaðist mjök við hann, ok margir höfðingjar sneru eptir honum. Sigurðr konungr treystist svá vinsæld sinni við alt landsfólk, at hann beiddist þess, at allir skyldu þat sverja, at 30 Magnús son Sigurðar konungs skyldi vera konungr eptir hann, ok fékk hann þá swardaga af öllu landsfólki.

Frá veðjan Haralds ok Magnús.

35. (34). Haraldr gilli var maðr hár ok grannvaxinn, hálslangr, heldr langleitr, svarteygr, dökkhárr, skjótligr ok 35

fráligr, ok hafði mjök búnað írskan, stuttklæddr ok léttklæddr; stirt var honum norrcnt mál, ok kylfði mjök til orðanna, ok höfðu margir menn þat mjök at spotti. Haraldr sat í drykkju eitt sinn ok talaði við annan mann, sagði hann 5 vestan af Írlandi, var þat í rœðu hans, at þeir menn váru á Írlandi, at svá váru fóthvatir, at engi hestr tók þá á skeiði. Magnús konungsson heyrði þetta ok mælti: Nú lýgr hann enn, sem hann er vanr. Haraldr svarar: Satt er þetta, segir hann, at þeir menn munu finnast á Írlandi, 10 at engi hestr í Noregi mun hlaupa um þá. Rœddu þeir um nökkurum orðum, þeir váru báðir druknir. Þá mælti Magnús: Hér skaltu veðja fyrir höfði þínu, ef þú renn eigi jafnhart sem ek rið hesti mínum, en ek mun leggja í móti gullhring minn. Haraldr svarar: Ek segi ekki þat, at ek renna svá hart, finna mun ek þá menn á Írlandi, at svá 15 munu renna, ok má ek veðja um þat. Magnús konungsson svarar: Ekki mun ek fara til Írlands, hér skulum vit veðja, ok ekki þar. Haraldr gékk þá at sofa, ok vildi ekki fleira við hann eiga. Þetta var í Osló. En eptir um morgininn, þá er lokit var formessu, reið Magnús upp 20 í götur, hann gerði orð Haraldri at koma þannug. En er hann kom, var hann svá búinn; hafði skyrtu ok ilbandabrœkr, stuttan möttul, hött írskan á höfði, spjótskapt í hendi. Magnús markaði skeiðit. Haraldr mælti: Oflangt ætlar þú skeiðit. Magnús ætlaði þegar miklu lengra, ok 25 sagði at þó var ofskamt. Mart var manna hjá. Þá tóku þeir skeið fram, ok fylgði Haraldr jafnan böeginum. En er þeir kómu til skeiðsenda, mælti Magnús: Þú heldr í gagn-tak, ok dró hestrinn þik. Magnús hafði gauzkan hest allskjótan. Þeir tóku þá annat skeið aptr, rann þá Har- 30 aldr alt skeið fyrir hestinum. En er þeir kómu til skeiðs-enda, þá spurði Haraldr: Hélt ek nú í gagntakit? Magnús svarar: Nú tóktu fyrri til. Þá lét Magnús blása hestinn um hrið; en er hann var búinn, þá keyrir hann sporum 35 hestinn, ok kom hann skjótt á hlaup. Haraldr stóð þá

kyrr. Þá leit Magnús aptr ok kallaði: Renn nú, segir hann. Þá hljóp Haraldr skjótt fram um hestinn, ok langt frá fram, ok svá til skeiðsenda; kom hann svá miklu fyrr, at hann lagðist niðr, ok spratt upp ok heilsaði Magnúsi, er hann kom. Síðan fóru þeir heim til bæjar. En Sigurðr konungr 5 hafði verit meðan at messu, ok vissi hann þetta eigi fyrr en eptir mat um daginn. Þá mælti hann reiðuliga til Magnús: Þér kallit Harald heimskan, en mér þykkir þú fól, ekki kantu utanlands siðu manna; vissir þú þat eigi fyrr, at utanlands menn temja sik við aðrar íþróttir, en at 10 kýla drykk eða gera sik æran ok úfæran, ok vita þá ekki til manns; fá Harald hring sinn, ok apa hann aldri síðan, meðan mitt höfuð er fyrir ofan mold.

Frá sundfæri.

36. (35). Þá er Sigurðr konungr var eitt sinn úti á 15 skipum, ok lágu þeir í höfn, ok kaupskip nökkut hjá þeim Íslandsfar. Haraldr gilli var í fyrirrúmi á konungskipi, en næst honum fram frá lá Sveinn Rimhildarson, hann var son Knúts Sveinssonar af Jaðri. Sigurðr Sigurðarson var lendr maðr ágætr, hann stýrði þar skipi. 20 Þat var einn fagran veðrdag, var heitt skin, fóru menn á sund margir, bæði af langskipum ok af kaupskipinu. Íslenzkr maðr einn, sá er á sundi var, hendi gaman at því, at færa niðr þá menn, er verr váru syndir. Menn hlógu at því. Sigurðr konungr sá þat ok heyrði; síðan kastaði hann 25 af sér klæðum ok hleypr á sundit, ok lagðist at Íslendingi, grípr hann ok færdi í kaf, ok hélt niðri; ok þegar annat sinn, er Íslendingr kom upp, færdi konungr hann niðr, ok hvert sinn eptir annat. Þá mælti Sigurðr Sigurðarson: Skulu vér konung láta deyða manninn? Maðr sagði, at 30 engi var allfúss til at fara. Sigurðr mælti: Verða mundi maðr til, ef Dagr Eilífsson væri hér. Sigurðr hljóp síðan fyrir borð, ok svam til konungs, tók til hans ok mælti: Týn eigi manninum, herra! sjá nú allir, at þú ert miklu

betr syndr. Konungr mælti: Lát mik lausan, Sigurðr! ek skal bana honum, hann vill kefja menn vára. Sigurðr svarar: Vit skulum nú leika fyrst, en þú, Íslendingr! leita til lands. Hann gerði svá. En konungr lét
 5 Sigurð lausan ok svam til skips síns, svá fór ok Sigurðr. En konungr mælti, bað Sigurð eigi verða svá djarfan at koma í augsýn sér. Þat var sagt Sigurði, ok gékk hann upp á land.

Frá Haraldri ok Sveini Rimhildarsyni.

10 37. (36). Um kveldit þá er menn fóru at sofa, léku sumir menn uppi á landi. Haraldr var í leikinum, en bað svein sinn fara út á skip ok búa hvílu sína, ok bíða sín þar. Sveinninn gerði svá. Konungr var sofa farinn. En er sveininum þótti lengjast, þá lagðist hann upp
 15 í rúmit Haralds. Sveinn Rimhildarson mælti: Skömm mikil er at fara til þess heiman frá búum sínum dugandum mönnum, at draga hér knapa upp jafnhátt sér. Sveinninn svarar, segir at Haraldr vísaði honum þangat. Sveinn Rimhildarson mælti: Oss þykkir engi ofgæða kostur í, at
 20 Haraldr liggi hér, þótt hann dragi eigi hér þræla upp eða stafkarla. Ok grípr hann upp riðvöl ok laust sveininn í höfuðit, svá at blóð féll um hann. Sveinninn hljóp þegar upp á land, ok segir Haraldri, hvat í var orðit. Haraldr gékk þegar á skip upp ok aþr í fyrirrúmit, hann hjó með
 25 handæxi til Sveins, ok veitti honum sár mikit á hendi. Gékk Haraldr þegar á land upp. Sveinn hljóp upp á land eptir honum, drifu þá til frændr Sveins ok tóku Harald hōndum, ok ætluðu at hengja hann. En er þeir bjoggu þar um, þá gékk Sigurðr Sigurðarson út á skip Sigurðar
 30 konungs, ok vakti hann. En er konungr brá augum í sundr ok kendi Sigurð, mælti hann: Fyrir þetta sama skaltu deyja, er þú komt í augsýn mér, því at ek bannaða þér þat. Ok hljóp konungr upp. Sigurðr mælti: Kostur er þér þess, konungr! þegar þú vilt, en aðrar sýslur eru

nú fyrst skyldri, far sem skjótast máttu upp á land, ok hjálp Haraldi bræðr þínum, Rygir vilja nú hengja hann. Þá mælti konungr: Guð gæti nú til, Sigurðr! kalla nú lúðrsveininn, lát blása liðinu upp eptir mér. Konungr hljóp upp á land, en allir er hann kendu, fylgðu honum, 5 ok þar til er gálginn var búinn. Tók hann þegar Harald til sín, en alt fólk þusti þegar til konungs með alvæpni, er lúðr hafði við kveðit. Þá sagði konungr, at Sveinn ok allir hans félagar skyldu útlagir fara. En við bæn allra manna fékkst þat af konungi, at þeir skyldu hafa landsvist 10 ok eignir sínar, en sárit bótalaust. Þá spurði Sigurðr Sigurðarson, ef konungr vildi, at hann færi þá í brott. Þat vil ek eigi, sagði konungr, aldri má ek þín án vera.

Jartegnir Ólafs konungs við tunguskorinn mann.

38. (37). Kolbeinn hét maðr ungr ok fátœkr, en 15 Þóra móðir Sigurðar konungs Jórsalafara lét skera tungu or höfði honum, ok var til þess eigi meiri sök, en sá hinn ungi maðr Kolbeinn hafði eitt stykki haft af diskum konungsmóður, ok sagði, at steikari hafði gefit honum, en hann þorði eigi við at ganga fyrir henni. Síðan fór sá maðr 20 mállauss langa hrið. Þess getr Einarr Skúlasoni í Ólafsdrápu:

Göfug lét Hörn or höfði
hvítings um sök litla
auðar aumum beiði
ungs manns skera tungu.

Þann sáam vér er várum
válaust numinn máli
hoddbrjót, þar er heitir
Hlíð, fám vikum síðar.

25

Hann sótti síðan til Þrándheims ok til Niðaróss, ok vakti at Kristskirkju. En um óttusöng Ólafs vökudag hinn síðara, þá sofnaði hann, ok þóttist sjá Ólaf hinn helga koma til sín ok taka hendi sinni í stúfinn tungunnar ok 30 heimta. En er hann vaknaði, þá var hann heill ok þakkaði várum dróttni feginsamliga ok Ólafi konungi, er hann hafði heilsu ok miskunn af þegit; hafði farit þagat áðr

mállaus, ok sótti hans heilagt skrí, en þaðan fór hann heill ok skorinorðr.

Jartegnir Ólafs konungs við hertekinn mann.

39. (38). Ungan mann nökkurn danskan at eðli tóku
5 heiðnir menn, ok fluttu til Vindlands, ok höfðu þar í bönd-
um með öðrum herteknum mönnum. Nú var hann um
daga í járn einn saman varðveizlulauss, en um nætr þá
var sonr bónda í fjötri með honum, at hann hljópist eigi
frá honum. En sá aumi maðr beið aldri svefn né ró fyrir
10 harms sakir ok sorga; hagleiddi marga vega, hvat til hjál-
par væri, kvíddi mjök ánauð, ok hræddist bæði sult ok
píslir, ok vænti engrar aptrlausnar af frændum sínum,
fyrir því at þeir höfðu tvisvar áðr leystan hann af heiðnum
löndum með fjárlut, ok þóttist hann því vita, at þeim
15 mundi þá þykkja bæði mikit fyrir því ok kostnaðarsamt, at
ganga undir hit þriðja sinn. Vel hefir sá maðr, er eigi
biðr slíkt ilt þessa heims, er hann þóttist þá beðit hafa.
Nú gerðist honum engi annarr til, en hlaupast í brott ok
komast undan, ef þess verðr auðit. Því næst ræðr hann
20 til á náttarþeli, ok drepr son bónda, hæggr af honum
fótinn, ok stefnir svá til skógar með fjötri undan. En um
morgininn eptir er lýsti, þá verða þeir varir við, ok fara
eptir honum með hundum tveim, er því váru vanir, at
spyrja þá upp, er undan hljópust, finna hann í skógi, þar
25 sem hann lá ok leyndist fyrir þeim. Nú taka þeir hann
höndum, ok berja ok beysta, ok leika allskonar illa. Síðan
draga þeir hann heim, ljá honum lífs at hváru nauðula,
ok engrar annarrar miskunnar; draga hann til písla, ok
settu hann þegar í myrkvastofu, þar er fyrir váru áðr inni 16
30 allir kristnir menn; bundu hann þar bæði járnum ok öðrum
böndum, sém fastast máttu þeir. Svá þótti honum vesöld
ok píslir þær, er fyrr hafði hann haft, sem þat væri skuggi
nökkurr þess alls hins illa, er þá hafði hann. Engi maðr
sá hann augum í þessi þrísund, sá er honum bæði miskunn-

ar; engum manni þótti aumligt um þann vesaling, nema kristnum mönnum, er þar lágu bundnir með honum, þeir hörmuðu ok grétu hans mein ok sína nauð ok úgæfu. Ok um dag nökkurn lögðu þeir ráð fyrir hann, báðu, at hann hétist hinum helga Ólafi konungi, ok gæfist til embættis- 5 manns í hans dýrðarhúsi, ef hann kæmist með guðs miskunn ok hans böenum or þeiri þrisund. Nú játtaði hann því feginn, ok gafst þegar til þess staðar, sem þeir báðu hann. Nóttina eptir þá þóttist hann sjá í svefni mann einn ekki hávan standa þar hit næsta sér ok mæla við sik 10 á þá leið: Heyrðu, hinn aumi maðr! segir hann, hví ristu eigi upp? Hann svarar: Lávarðr minn! hvat manna ertu? Hann sagði: Ek em Ólafr konungr, er þú kallaðir á. Óhó! lávarðr minn góðr! segir hann, ek vilda feginn upp rísa, ef ek mætta, en ek ligg járnum bundinn, ok þó í fjötri. 15 með þeim mönnum, er hér sitja bundnir. Síðan heitr hann á hann, ok kveðr svá at orðum: Stattu upp skjótt, ok æðrast ekki um, víst ertu nú lauss. Því næst vaknaði hann, ok sagði þá sínum félögum, hvat fyrir hann hafði borit. Síðan báðu þeir hann upp standa, ok freista ef 20 satt væri. Upp stendr hann, ok kendi, at hann var lauss. Nú sögðu félagar hans aðrir, ok kváðu þat honum fyrir ekki koma mundu, því at hurð var læst utan ok innan. Þá lagði orð til gamall maðr, er þar sat meinliga haldinn. ok bað hann eigi tortryggva þessa manns miskunn, er hann 25 hafði lausn af fengit, ok svá, at því mun hann jartegn við þik gert hafa, at þú skulir hans miskunnar njóta, ok héðan lauss verða, en eigi þér til meiri vesaldar ok þísla; nú lát við fimt, segir hann, ok leita dura, ok ef þú mátt út komast, þá ertu hólpinn. Svá gerði hann, fiðr dýrnar 30 þegar opnar, stækkr út jafnskjótt ok brott í skóginn. Þegar þeir urðu varir þessa, þá slógu þeir hundum sínum ok fóru eptir sem skyndiligast, en hann liggr ok leynist. ok sér gerla vesall karl, hvar þeir fara eptir honum. Nú villast hundar þegar farsins, er þeir liðu at honum, en 35

þeim öllum viltist sýnin, svá at engi maðr mátti finna hann, ok lá hann þar fyrir fótum þeim. Vendu þeir þá heim aptr þaðan, ok veinuðu mjök ok hörmuðu, er þeir máttu eigi fá staðit hann. Ólafr konungr lét honum ekki
5 tortíma, er hann var til skógar kominn, gaf honum heyrn ok heilsu alla, er þeir höfðu áðr barit höfuð alt á honum ok knosat, til þess er hann deyfði. Því næst komst hann á skip með kristnum mönnum tveim, þeim er lengi höfðu þar verit pínir, ok neyttu þá allir þess farskostar sem
10 ákafast, ok fluttust þá áleiðis af þeim hlaupstigi. Síðan sótti hann til þess helga manns húss, var þá heill orðinn ok herfoerr. Þá iðraðist hann sinna heita, gékk á orð sín við þann milda konung, ok hljópst þá brott um dag, ok kom at kveldi til bónda eins, þess er honum veitti her-
15 bergi fyrir guðs sakir. Síðan um nóttina er hann var í svefni, sá hann meyjar þrjár ganga til sín, fríðar ok fagr-
búnar, ok ortu orða á hann þegar, ok börðu hann miklum ávitum, er hann skyldi svá djarfr gerast, at hlaupa frá þeim góða konungi, er honum hafði svá mikla miskunn veitt,
20 fyrst er hann leysti hann or járnum ok allri prísund, ok firrast þann ljúfa lávarð, er hann hafði á hönd gengit. Því næst vaknaði hann felmsfullr, ok stóð upp þegar árdegis, ok sagði húsbúanda; en sá góði búandi lét hann engu öðru við koma, en vanda heim aptr til þess helga staðar. Sá
25 maðr ritaði at upphafi þessa jarategn, er sjálfr sá manninn, ok á honum járnastaðinn.

Sigurðr konungr fær Ceciliu.

40. (39). Þá er á leið ævi Sigurðar konungs, þá gerðist sú nýlunda um ráð hans, at hann vill láta eina
30 dróttningina, en fá þeirar konu, er Cecilia hét, ríks manns dóttir; ætlar at fá at brúðlaupinu í Björgyn, lét búa til mikillar veizlu ok dýrligrar. En er þat spyrr Magni byskup, þá varð hann úkátr, ok einn dag gengr byskup til hallarinnar,

ok með honum prestr hans, er Sigurðr hét, er síðan var byskup í Björgyn; kómu at höllinni, ok biðr byskup konung út ganga, ok hann gerði svá, gékk út ok með brugðit sverð. Konungr fagnaði byskupi vel, ok býðr honum til drykkju með sér. Hann kvað annat erendit: er þat satt, 5 herra! at þú ætlar at kvángast ok láta eina dróttningina? Konungr sagði: Satt er þat. Byskup tók þá at þrútna mjök, ok mælti: Hví sýnist yðr, herra! at gera þat í várri byskupssýslu, ok svívirðir guðs rétt ok helga kirkju ok konungdóm þinn; nú vil ek þat gera, sem ek em skyldr 10 til, banna þér af guðs hálfu ok hins helga Ólafs konungs ok Petri postola, ok allra heilagra manna, þetta úráð. Ok meðan hann mælti, þá stóð hann réttr, ok sem hann rétti hálsinn, ef konungr reiddi ofan sverðit. En svá hefir Sigurðr síðan sagt, er síðar var byskup, at eigi þótti honum meiri 15 himinn en kálfskinn, svá þótti honum konungrinn ógurligr. Síðan gékk konungrinn aptr inn í höllina, en byskup heim ok var svá kátr, at hvert barn kvaddi hann hlæjandi, ok lék við fingr sína. Þá mælti Sigurðr prestr: Þó eru þér nú kátir, herra! kemr yðr ekki þat í hug nú, at konungr 20 mun leggja reiði á yðr, ok vænna at leita undan? Þá mælti byskup: Líkliga þykki mér þat, at hann mun eigi gera þat, en hverr væri dauðdaginn betri, en deyja fyrir heilaga kristni ok banna þat, er eigi er við scemanda? nú em ek kátr, er ek hefi þat gert, er ek átta. Síðan var 25 þyss í boenum, ok bjoggust nú konungsmenn á brott með miklum kornum ok möltum ok hunangi. Heldr konungr síðan suðr í Stafangr, ok efnar þar til veizlu. Ok er byskup spyrr þat, sá er þar réð fyrir, hittir hann konung ok spyrr, ef þat er satt, at hann vill kvángast at 30 lifandi dróttningunni. Konungr sagði, at svá er. Byskup svarar: Ef svá er, herra! þá megu þér sjá, hversu mjök þat er bannat hinum smærum mönnum; nú er eigi úlíkligt, at þér ætlit yðr heinilla, er meira hafit valdit, at láta yðr slíka hluti sóma, en þat er þó mjök í móti réttu; ok eigi 35

veit ek, hvi þér vilit þat gera í várum byskupdómi, at vanvirða svá guðs boðorð ok heilaga kirkju ok várn byskupdóm. Nú munu þér vilja nökkura stóra hluti til leggja þessa staðar í fjárlutum, ok bæta svá við guð ok við oss. Þá mælti konungr: Tak þar fé; furðu ulíkir urðu þér Magni byskup. Gékk konungr í brott, ok líkaði eigi betr við þann en við hinn, er forboðit lagði á. Síðan fékk hann þessar konu, ok unni mikit.

Efldr kaupstaðr í Konungahellu.

41. (40). Sigurðr konungr lét svá mjök efla kaupstaðinn í Konungahellu, at þá varð engi ríkari í Noregi, ok sat þar löngum til landsgæzlu. Hann lét húsa konungsgarð í kastalanum, hann lagði á öll heröð, þau er í nánd váru kaupstaðinum, ok svá bæjarmennina, at á hverjum 12 mánuðum skyldi hverr maðr 9 vetra gamall eða ellri bera til kastalans 5 vápnsteina eða aðra 5 staura, ok skyldi þá gera hvassa í annan enda, ok 5 alna háva. Þar í kastalanum lét Sigurðr konungr gera krosskirkju, hon var trékirkja ok mjök vönduð at efnum ok smíð. Þá er Sigurðr hafði verit konungr 24 vetr, var vígð krosskirkja. Þá lét konungr þar vera kross hinn helga ok marga aðra helga dóma. Sú var kölluð Kastalakirkja. Þar setti hann fyrir altari tabulu, er hann hafði gera látit í Grikklandi, hon var ger af eiri ok silfri, ok gylt fagrliga, sett smeltum ok gimsteinum. Þar var skrin, er Eiríkr eimuni Danakonungr hafði sent Sigurði konungi, ok plenarius ritinn gullstöfum, er Patriarki gaf Sigurði konungi.

Andlát Sigurðar konungs.

42. (41). Þrimr vetrum síðar en krosskirkja var vígð, fékk Sigurðr konungr sótt; þá var hann staddr í Osló. Hann andaðist þar einni nótt eptir Maríumessu um haustit;

hann var jarðaðr at Hallvarðskirkju, lagðr í steinvegginn utar frá kórinum hinum syðra megin. Magnús son Sigurðar konungs var þar þá í bönum, tók hann þar þegar allar konungs féhirzlur, er Sigurðr konungr andaðist. Sigurðr var konungr yfir Noregi 27 vetr; hann var at aldri 5 fertugr, ok var hans öld góð landsfólkinu, var þá bæði ár ok friðr.



SAGA MAGNÚS BLINDA OK HARALDS GILLA.

Upphaf Magnús blindi ok Haralds gilla.

1. Magnús son Sigurðar konungs var tekinn til konungs
5 í Osló yfir land alt, svá sem alþýða hafði svarit Sigurði
konungi. Gerðust þá þegar margir menn honum hand-
gengnir, ok svá lendir menn. Magnús var hverjum manni
friðari, er þá var í Noregi; hann var maðr skapstórr ok
grimmr, atgervimaðr var hann mikill, en vinsæld föður
10 hans heimti hann mest til alþýðu vináttu. Hann var
drykkjumaðr mikill, fégjarn, úþýðr ok údæll. Haraldr
gilli var maðr létillátr, kátr ok leikinn, lítillátr, örr, svá at
hann sparði ekki við vini sína, ráðþægr, svá at hann lét
aðra ráða með sér öllu því er vildu. Slíkt alt dró honum
15 til vinsælda ok orðlofs, þýddust hann þá margir ríkismenn,
engum mun síðr en Magnús konung. Haraldr var þá í
Túnsbergi, er hann spurði andlát Sigurðar konungs bróður
síns. Átti hann þá þegar stefnur við vini sína, ok réðu
þeir þat af, at eiga Haugabíng þar í bænum. Á því þingi
20 var Haraldr til konungs tekinn yfir hálf land, váru þá
kallaðir þat nauðungareiðar, er hann hafði svarit föðurleifð
sína af hendi sér. Tók Haraldr sér hirð ok gerði lenda
menn, dróst honum brátt lið engum mun minna en Magnúsi
konungi. Fóru þá menn í milli þeira, ok stóð svá sjau
25 nætr. En fyrir því at Magnús konungr fékk lið miklu
minna, þá sá hann engan annan sinn kost en skipta landi
við Harald. Var þá svá skipt, at hálf ríki skyldi hvárr
þeira hafa við annan, þat er Sigurðr konungr hafði haft.
En skip ok borðbúnað ok gersimar, ok alt lausafé, þat er

Sigurðr konungr hafði átt, hafði Magnús konungr, ok undi hann þó verr sínum hluta. Ok réðu þó landi nokkura hríð í friði, ok hugðu þó mjök sér hvárir. Haraldr konungr gat son, er Sigurðr hét, við Þóru dóttur Guthorms grábarða. Haraldr konungr fékk Ingiríðar dóttur Rögnvalds, 5 hann var son Inga konungs Steinkelssonar. Magnús konungr átti Kristínu dóttur Knúts lávarðar, systur Valdamars Danakonungs. Magnús konungr varð henni eigi unnandi, ok sendi hana aptr suðr til Danmerkr, ok gékk honum alt síðan þyngra, fékk hann úþokka miklun af frændum hennar. 10

Hernaðr Haralds ok Magnús konunga.

2. Þá er þeir höfðu konungar verit 3 vetr, Magnús ok Haraldr, sátu þeir hinn fjórða vetr báðir norðr í kaupangi, ok veitti hvárr öðrum heimboð; ok var þó æ við bardaga búit með liðinu. En at vári sækir Magnús 15 konungr með skipaliði suðr fyrir land, ok dró lið at sér alt, þat er hann fékk, leitar þá þess við vini sína, ef þeir vili fá honum styrk til þess, at taka Harald af konungdómi ok miðla honum slíkt af ríki, sem honum sýndist, tjár þat fyrir þeim, at Haraldr hafði fyrr svarit ríki af 20 hendi sér. Fékk Magnús konungr til þess samþykki margra ríkismanna. Haraldr konungr fór til Upplanda, ok hit efra austr til Víkr; dró hann ok lið at sér, þá er hann spurði til Magnús konungs; ok hvar sem þeir fóru, hjoggu hvárir bú fyrir öðrum, ok svá drápust þeir menn fyrir. 25 Magnús konungr var miklu fjölmennari, því at hann hafði allan þora lands til liðsamnaðar. Haraldr var í Vík austanfjarðar, ok dró at sér lið, ok tók þá hvárr fyrir öðrum bæði menn ok fé. Þar var þá með Haraldi Kriströðr bróðir hans sammœðri, ok lendir menn margir váru 30 með honum, en þó miklu fleiri með Magnúsi konungi. Haraldr konungr var með lið sitt, þar sem heitir Fors á Ránríki, ok fór þaðan út til sjávar. Lafranzvöku aptan mötuðust þeir at náttverði, þar sem heitir Fyrileif; en

varðmenn váru á hestum ok héldu hestvörð alla vega frá
 bœnum; ok þá verða varðmenn varir við lið Magnús kon-
 ungs, at þeir fóru þá at bœnum; ok hafði Magnús kon-
 ungr nær 60 hundraða manna, en Haraldr hafði 15 hund-
 5 ruð manna. Þá kómu varðmenn, er báru njósn Haraldri
 konungi, ok sögðu at lið Magnús konungs var þá komit
 at bœnum. Haraldr svarar: Hvat mun Magnús konungr
 frændi vilja? eigi mun þat, at hann muni vilja berjast við
 oss. Þá svarar Þjóstólfr Álason: Herra! svá munut þér
 10 verða gera ráð fyrir yðr ok liði yðru, sem Magnús konungr
 muni hafa til þess her saman dregit í alt sumar, at hann
 muni ætla at berjast, þegar er hann finnr yðr. Þá stóð kon-
 ungr upp, ok mælti við sína menn, bað þá taka vápn sín, ef
 Magnús vill berjast. Þar næst var blásit, ok gékk lið Haralds
 15 konungs alt út frá bœnum í akrgerði nökkut, ok settu þar
 upp merki sín. Haraldr konungr hafði tvær hringabrynjur,
 en Kríströðr bróðir hans hafði enga brynju, er kallaðr var
 hinn hraustasti maðr. Þá er Magnús konungr ok hans
 menn sá lið Haralds konungs, þá fylktu þeir sínu liði, ok
 20 gerðu svá langa fylkingina, at þeir skyldu kringja alt um
 lið Haralds konungs. Svá segir Halldórr skvaldri:

Magnús fékk þar miklu, valr nam völl at hylja
 margs gengis naut hann, lengri, varmr, fylkingararma.

Orrosta á Fyrileif.

25 3. Magnús konungr lét bera fyrir sér krossinn helga
 í orrostu, varð þar orrosta mikil ok hörð. Kríströðr kon-
 ungsbróðir hafði gengit með sína sveit í miðja fylking
 Magnús konungs, ok hjó til beggja handa, ok stukku fyrir
 honum menn tvá vega. Ok einnhverr bóndi ríkr, sá er
 30 verit hafði í liði Haralds konungs, var staddr á bak Kríströðri;
 hann reiddi upp kesjuna tveim höndum, lagði í gegn-
 num herðarnar ok kom fram í brjóstit, ok féll Kríströðr
 þar. Þá mæltu margir, er hjá stóðu, hví hann gerði
 þetta hit illa verk. Bóndi svarar: Nú veit hann þat, er

þeir hjoggu bú mitt í sumar, ok tóku alt þat er heima var, en höfðu mik nauðgan í her með sér; slíkt hugða ek honum fyrr, ef ek fénga fōng á. Eptir þat kom flótti í lið Haralds konungs, ok flýði hann sjálf ok alt lið hans. Þá var fallit mart af liði Haralds konungs; þar fékk bana- 5 sár Ingimarr af Aski Sveinsson, lendr maðr or liði Haralds konungs, ok nær 60 hirðmanna. Haraldr konungr flýði þá austr í Vík til skipa sinna, ok fór síðan til Danmerkr á fund Eiríks konungs eimuna ok sótti hann at trausti, þeir funnust suðr á Sjálandi. Eiríkr konungr tók vel við honum, ok 10 mest fyrir því, at þeir höfðu svarizt í brœðralag. Hann veitti Haraldi at veizlu ok yfirferð Halland, ok gaf honum 8 langskip reiðalaus. Eptir þat fór Haraldr konungr norðr um Halland, ok kom þá lið til hans. Magnús konungr lagði land alt undir sik eptir orrostu þessa; grið gaf hann 15 öllum mönnum, er sárir váru, ok lét grœða sem sína menn, ok kallaði sér þá land alt; hann hafði þá alt hit bezta mannval, er í var landinu. En er þeir réðu ráðum sínum, þá vildi Sigurðr Sigurðarson ok Þórir Ingiríðarson ok allir hinir vitrustu menn, at þeir héldi flokkinum í Víkinni, biði 20 þar, ef Haraldr kvæmi sunnan. En Magnús konungr tók hitt með einræði sínu, at hann fór norðr til Björgynjar ok settist þar um vetrinn, en lét lið fara frá sér, en lenda menn til búa sinna.

Bændr gáfust í vald konungs.

25

4. Haraldr konungr kom til Konungahellu með liði því, er honum hafði fylgt or Danmörk. Þá höfðu þar samnað fyrir lendir menn ok bæjarmenn, ok settu fylking upp frá böenum. En Haraldr konungr gékk upp af skipum sínum, ok gerði menn til bóndaliðs ok beiddi af þeim, 30 at þeir verði honum eigi vígi land sitt, ok lézt eigi mundu meira beiðast, en hann átti at réttu at hafa, ok fóru menn í milli. Um síðir gáfu bændr upp samnaðinn, ok géngu til handa Haraldi konungi; þá gaf Haraldr til liðs

sér lén ok veizlur lendum mönnum, en réttarboetr bóndum, þeim er í lið snerust með honum. Eptir þat samnaðist mikit fólk til Haralds konungs, fór hann austan um Víkina, ok gaf góðan frið öllum mönnum, nema mönnum Magnús
 5 konungs, þá lét hann ræna eða drepa, hvar sem hann stóð þá. Ok er hann kom austan til Sarpsborgar, þá tók hann þar 2 lenda menn Magnús konungs, Ásbjörn ok Nereið bróður hans, ok bauð þeim kost, at annan skyldi hengja, en öðrum steypa í forsinn Sarp, ok bað þá sjálfa kjósast at. Ás-
 10 björn kaus at fara í Sarp, því at hann var ellri, en sá þótti dauðinn hinn grimmligri, ok var svá gert. Þess getr Haldórr skvaldri:

15 Ásbjörn varð sá er orðum illa hélt við stilli, gramr fœðir val víða vígs, í Sarp at stíga.	Nereið lét gramr á grimman grandmeið Sigars fjánda, húsþinga galt, hengja, hrannbáls glötuðr mála.
--	---

Eptir þat fór Haraldr konungr norðr til Túnsbergs, ok var þar vel við honum tekit, samnaðist ok til hans herr mikill.

Ráðagerð.

20 5. Magnús konungr sat í Björgyn ok spurði þessi tíðindi. Þá lét hann kalla á tal við sik alla höfðingja, þá er váru í boenum, ok spurði ráðs, hvernug með skyldi fara. Þá svarar Sigurðr Sigurðarson: Hér kann ek gott ráð til leggja; láti þér skipa skútu með góðum drengjum, ok
 25 fá til at stýra mik eða annan lenda mann, at fara á fund Haralds konungs frænda þíns, at bjóða honum sættir, eptir því sem réttlátir menn gera í milli ykkar, þeir sem eru í landinu, ok þat at hann skal hafa ríki hálft við yðr; ok þykki mér líkligt með orðafulltingi góðra manna, at Har-
 30 aldr konungr þekkist þetta boð, ok verði þá sætt milli yðar. Þá svaraði Magnús konungr: Eigi vil ek þenna kost, eða hvat stoðar þá þat, er vér unnum alt ríkit undir oss í haust, ef vér skulum nú miðla hálft ríkit; ok gefit þar til annat ráð. Þá svarar Sigurðr Sigurðarson: Svá

sýnist mér, herra! sem lendir menn þínir setist nu heima ok vili eigi koma til þín, þeir er í haust báðu þik heimleyfis; gerðir þú þá mjök móti mínum ráðum, er þú dreifðir þá svá mjök því fjölmenni, er vér höfðum; því at ek þóttumst vita, at þeir Haraldr konungr mundu leita aptr í 5 Víkina, þegar er þeir spyrði, at þar væri höfðingjalaust. Nú er til annat ráð, ok er þat ilt, ok kann þó vera at hlýði; ger til gesti þína ok annat lið með þeim, lát fara heim at þeim lendum mönnum ok drepa þá, er nú vilja eigi við skipast nauðsyn þína, en gef eignir þeira þeim 10 nökkurum, er yðr eru øruggir, þótt áðr sé eigi mikils virðir; látit þá keyra upp fólkit, hafit eigi síðr illa menn en góða, farit síðan austr í móti Haraldi með því liði, er þér fáit, ok berizt. Konungr svarar: Úvinsælt mun þat verða at láta drepa mart stórmenni, en hefja upp lítilmenni, hafa 15 þeir opt eigi síðr brugðizt, en verr skipat landit; vil ek enn heyra fleiri ráð þín. Sigurðr svarar: Vandast mér nú ráðagerðirnar, er þú vill eigi sættast ok eigi berjast; förum vér þá norðr til Þrándheims, þannug sem landsmegin er mest fyrir oss, ok tókum lið þat alt um leið, er vér fám; 20 kann þá vera, at þeim Elfargrímum leiðist at rekast eptir oss. Konungr svarar: Eigi vil ek flýja fyrir þeim, er vér eltum í sumar; ok ráð mér betra ráð. Þá stóð Sigurðr upp, ok bjóst brott at ganga ok mælti: Ek skal þá ráða þér þat ráð, er ek sé, at þú vill hafa ok framgengt mun 25 verða; sit hér í Björgyn, þar til er Haraldr kemr með múga hers, ok munut þá annathvart verða þola bana eða skömm. Ok var Sigurðr ekki lengr á þessu tali.

Frá liði Haralds konungs.

6. Haraldr konungr fór austan með landi ok hafði so allmikinn her. Var þessi vetr kallaðr múgavetr. Haraldr konungr kom til Björgynjar jólaaptan, ok lagði liðinu í Flóruvága, ok vildi eigi berjast um jólin fyrir helgi sakir. En Magnús konungr lét búast við í böenum. Hann lét

reisa valslöngu út í Hólmi, ok hann lét gera járnrekendr, ok sumt af viðum, ok leggja um þveran váginn yfir frá konungsgarði til Norðness ok til Munkabryggju. Hann lét slá herspora ok kasta yfir á Jónsvöllu, ok eigi meir en 3
5 daga var heilagt haldit um jólin, at eigi væri smíðat. En affaradag jólanna þá lét Haraldr konungr blása til brautlögu liðinu; níu hundruð manna höfðu samnast til Haralds konungs um jólin.

Tekinn Magnús konungr.

10 7. Haraldr konungr hét á hinn helga Ólaf konung til sigrs sér, at láta Ólafskirkju gera þar í bænum með sínum eins kostnaði. Magnús konungr setti fylking sína út í Kristskirkjugarði, en Haraldr konungr rerir fyrst at
15 Norðnesi. En er þeir Magnús konungr sá þat, sneru þeir inn í bæinn, ok inn í Vágsbotn. En er þeir fóru inn um strætiti, þá hljópu margir bæjarmenn inn í garða ok til heimilis síns, en þeir er yfir gengu á völlum, hljópu á hersporana. Þá sá þeir Magnús konungr, at Haraldr konungr
20 hafði róit öllu liðinu yfir í Hegravík, ok gengu þar upp á bakka fyrir ofan bæinn; þá sneri Magnús konungr út eptir stræti, flýði þá liðit frá honum, sumt í fjallit upp, sumt upp um Nunnusetr, sumt í kirkjur, eða falst í öðrum stöðum. Magnús konungr gékk út á skip sitt, en þeim var engi
25 Fylgði ok fátt manna konungi, váru þeir fyrir því til enskis fcerir. Svá segir Einarr Skúlason í Haraldsdrápu:

Luku vág, viku
vara kost fara

brýns Björgynjar
braut háskrautum.

Litlu síðar kómu menn Haralds konungs út á skipin, var
30 þá handtekinn Magnús konungr; en hann sat aptr í fyrir-
rúmi á hásetiskistu, ok með honum Hákon faukr móður-
bróðir hans, hinn vænsti maðr ok kallaðr eigi vitr; en
Ívarr Özurarson ok margir aðrir vinir hans váru þá hand-
teknir, en sumir þegar drepnir.

Meiddr Magnús konungr.

8. Haraldr konungr átti þá stefnur við ráðuneyti sitt, ok beiddi þá ráðagerðar með sér, ok at lyktum þessarrar stefnu féngust þeir orskurðir, at taka Magnús svá frá ríki, at hann mætti eigi kallast konungr þaðan í frá. 5 Var hann þá seldr í hendr konungs þrælum, en þeir veittu honum meizlur, stungu út augu hans, ok hjoggu af honum annan fót, en síðarst var hann geldr. Ívarr Özurarson var blindaðr, Hákon faukr var drepinn. Eptir þetta lagðist land alt undir ríki Haralds konungs. Gerðist þá mjök 10 eptirleitit, hverir mestir höfðu verit vinir Magnús konungs, eða hverir mest mundu vita fémirzlur hans eða gersimar. Krossinn helga hafði Magnús konungr haft með sér, síðan er Fyrileifar orrosta hafði verit, ok vildi hann ekki til segja, hvar þá var kominn. Reinaldr byskup í 15 Stafangri var enskr, ok fégjarn mjök kallaðr; hann var kær vin Magnús konungs, ok þótti mönnum þat líkligt, at honum mundi fengin til varðveizlu stórfé ok dýrgripir; váru menn sendir eptir honum ok kom hann til Björgynjar, váru þá kensl þessi borin á hendr honum, en hann syn- 20 jaði, ok bauð skírslur fyrir. Haraldr konungr vildi ekki þat, hann lagði á byskup at gjalda sér 15 merkr gulls. Byskup sagði, at hann vill eigi svá vesla stað sinn, vill heldr hætta lífi sínu. Síðan hengðu þeir Reinald byskup út í Hólmi við valslönguna. En er hann gékk til gálg- 25 ans, hristi hann bótann af fœti sér ok mælti, ok sór um: Eigi veit ek meira fé Magnús konungs, en þat sem þar er í bótanum. Þar var í einn gullhringr. Reinaldr byskup var jarðaðr í Norðnesi at Mikjálskirkju, ok var þetta verk mjök lastat. Síðan var Haraldr einn konungr yfir Noregi. 30 meðan hann lifði.

Undr í Konungahellu.

9. Fim vetrum eptir andlát Sigurðar konungs urðu tíðindi mikil í Konungahellu. Þeir váru þar þá sýslumenn

Guthormr sonr Haralds flettis ok Sæmundr húsfreyja. Hann átti Ingibjörgu dóttur Andres prests Brúnssonar. Þeira synir váru þeir Páll flípr ok Gunni físs. Ásmundr hét son Sæmundar laungetinn. Andres Brúnsson var mikill merkismaðr, hann
 5 söng at Krosskirkju; Solveig hét kona hans. Með þeim var þá at fóstri ok uppfœzlu Jón Loptsson, ok var 11 vetra gamall. Loptr prestur Sæmundarson faðir Jóns var ok þar. Dóttir Andres prests ok Solveigar hét Helga, er Einarr átti. Þat barst at í Konungahellu dróttinsnótt hina næstu eptir
 10 páskaþíngi, at gnýr varð mikill úti á strætum um allan bæinn, sem þá er konungr fór með alla hirð sína, ok hundar létu svá illa, at eigi mátti varðveita, ok brutust út. En allir er út kómu, urðu galnir ok bitu alt þat, er fyrir varð, menn eða fénað; en alt þat er bitit var ok blóðit
 15 kom út á, þá ærðist, ok alt þat er hafanda var, lét burð sinn ok ærðist. Þessi minning var nálíga hverja nótt frá páskum ok til uppstigningardags. Menninir óttuðust mjök undr þessi, ok réðust margir í brott ok seldu garða sína, fóru í herað eða í aðra kaupstaði, ok þótti þeim öllum
 20 þat mest vert, er vitrastir váru, ok hræddust þat, sem var, at þetta mundi vera fyrir miklum stórtíðindum, þeim er þá váru eigi fram komin. En Andres prestur talaði þá langt ok snjalt hvítunnudag, ok veik hann svá til lykta ræðu sinni, at hann ræddi um vanda bæjarmanna, ok bað
 25 menn herða hugi sína ok eyða eigi þann hinn dýrliga stað, hafa heldr gæzlu yfir sér, ok ætla ráð sitt, ok gæta sín við öllu því, er við mætti komast, við eldi ok úfriði, ok biðja sér miskunnar til guðs.

Upphaf orrostu í Konungahellu.

30 10. Or bænum bjoggust 13 byrðingar ok ætluðu til Björgynjar, ok týndust 11 með mönnum ok fé ok öllu því, er á var, en hinn 12^{ta} braut, ok héldust menninir, en féit týndist. Þá fór Loptr prestur norðr til Björgynjar með alt sitt, ok hélt hann heilu. Lafranzvöku dag týndust

byrðingarnir. Eiríkr Danakonungr ok Özurr erkibyskup sendu orð báðir til Konungahellu, ok báðu þá varast um stað sinn, sögðu, at Vindr hefði úti her mikinn, ok herjuðu víða á kristna menn ok höfðu jafnan sigr. Bøjarmenn lögðu ofítinn hug á sitt mál, afræktust ok úmíntust þess at meir, er lengra leið frá þeirri ógn, er yfir þá hafði komit. Lafranzvöku dag þá er talat var fyrir hámessu, kom Rettiburr Vindakonungr til Konungahellu, ok hafði hálft setta hundrað Vinda snekkjur, en á hverri snekkju váru menn 44, ok 2 hestar. Dunimiz hét systurson konungs, en Uniburr hét höfðingi einn, er réð fyrir miklu liði. Þeir tveir höfðingjar reru upp með herinum sumum eystri kvísl um Hísing, ok kómu svá ofan at bænum, en sumu liðinu lögðu þeir upp vestri kvísl til bæjarins. Þeir lögðu at landi út við stikin, ok létu þar upp hestaliðit, ok riðu þeir um Brattsás, ok svá upp um bæinn. Einarr Andresmágr bar þessi tíðindi upp til Kastalakirkju, því at þar var bæjarlýðrinn, ok hafði sótt til hámessu. Ok kom Einarr þá, er Andres prestur talaði. Einarr sagði mönnum, at herra fór at bænum með fjölda herskipa, en sumt liðit reið ofan um Brattsás. Þá mæltu margir, at þar mundi vera Eiríkr Danakonungr, ok væntu menn sér griða af honum. Þá hljóp fólkit alt ofan í bæinn til fjár síns, ok vápnaðist ok gékk ofan á bryggjur, sá þá þegar, at úfriðr var ok úflyjandi herr. Austrfararskip 9 flutu í ánni fyrir bryggjum, er kaupmenn áttu. Vindr lögðu þar fyrst at, ok börðust við kaupmennina. Kaupmenn vápnuðust, ok vörðust lengi vel ok drengiliga. Varð þar orrosta hörð, áðr kaupmenn yrði unnir. Í þeirri hrið létu Vindr hálft annat hundrað skipa at öllu liði. Þá er bardaginn var sem mestr, stóðu bæjarmenn á bryggjum, ok skutu á heiðingja. En er orrosta rénaði, þá flýðu bæjarmenn upp í bæinn, ok síðan til kastalans alt fólk, ok höfðu menn með sér dýrgrip sína ok alt fé, þat er með mátti komast. Solveig ok dótr hennar, ok 2 konur aðrar, gengu upp á

land. Þá er Vindr höfðu kaupskipin unnit, géngu þeir á land ok könnuðu lið sitt, ok birtist þá skaði þeira. Hljópu þeir sumir í bœinn, en sumir á kaupskipin, ok tóku fé alt, þat er þeir vildu með sér hafa. Því næst lögðu þeir eld
 5 í bœinn, ok brendu hann allan, ok svá skipin. Eptir þat sóttu þeir öllu liðinu at kastalanum, ok skipuðu til atsóknar.

Önnur orrosta.

11. Rettiburr konungr lét bjóða þeim, er í kastalanum váru, at ganga út ok hafa lífsgrið með vápnum ok
 10 klæðum ok gulli. En allir æptu at móti, ok géngu út á borgina, sumir skutu, sumir grýttu, sumir skutu staurum, ok varð þá mikil orrosta, féll þá af hvarumtveggjum, ok miklu fleira af Vindum. Solveig kom upp á bœ þann, er heita Sólbjargir, ok sagði þar tíðindin. Þá var skorin herör ok
 15 send til Skúrbága, þar var samburðaröl nökkut ok mart manna. Þar var sá bóndi, er hét Ölvir miklimunnr, hann hljóp upp þegar, ok tók skjöld sinn ok hjálm ok mikla öxi í hönd sér, ok mælti: Stöndum upp, góðir drengir! ok takit vápn yður, ok förum til liðveizlu við bœjarmenn, því at þat
 20 mun skömm þykkja hverjum manni, er þat spyr, at vér sitjum hér ok kýlum öl, en góðir drengir skulu leggja líf sitt í hættu í böenum fyrir várar sakir. Margir svöruðu ok mæltu í mót, sögðu, at þeir mundu týna sér, en koma bœjarmönnum at engu liði. Þá hljóp Ölvir upp ok mælti:
 5 Þótt allir dvelist eptir aðrir, þá skal ek þó fara einn samt, ok láta skulu heiðingjar einn eða tvá fyrir mik, áðr en ek falla. Hleypr ofan til bœjarins. Menn fara eptir honum, ok vildu sjá ferð hans, ok svá, ef honum mætti nökkut við hjálpa. En er hann kom svá nær kastalanum,
 0 at heiðnir menn sá hann, þá hljópu í mót honum átta menn alvápnadir. En er þeir möettust, hljópu heiðnir menn umhverfis hann. Ölvir reiddi upp öxina, ok laust fremri hyrnu undir kverk þeim, er á bak honum stóð, svá at sundr sneið kjálkann ok barkann, ok féll sá opinn á bak aptr.

Þá reiddi hann fram öxina fyrir sik, ok hæggr annan í höfuðit, ok klauf þann í herðar niðr. Síðan skutust þeir á, ok drap hann þá enn tvá, ok varð sjálfr sárr mjök. En þeir fjórir, er eptir váru, flýðu þá. Ölvir rann eptir þeim, en diki nökkut var fyrir þeim, 2 hinir heiðnu hljópu þar 5 í, ok drap Ölvir þá báða, stóð hann þá ok fastr í díkinu. En 2 heiðingjar kómust undan af þeim átta. Þeir menn er fylgt höfðu Ölvi, tóku hann ok fluttu aptr með sér til Skúrbága, ok varð hann græddr at heilu; ok er þat mál manna, at eigi hafi maðr farit drengiligri ferð. Lendir 10 menn tveir, Sigurðr Gyrðarson, bróðir Philippus, ok Sigarðr kómu með 6 hundruð manna til Skúrbága, ok hvarf Sigurðr aptr með 4 hundruð manna, ok þótti síðan lítills verðr, ok lifði skamma stund. Sigarðr fór með 2 hundruð manna til bæjarins, ok barðist þar við heiðna menn, ok féll þar 15 með öllu liði sínu. Vindr sóttu kastalann, en konungr ok stýrimenn stóðu fyrir utan bardagann. Í einhverjum stað, þar er Vindr stóðu, var einn maðr, er skaut af boga, ok mann til bana með hverri ör, tveir menn stóðu fyrir honum með skjöldu ok hlífðu honum. Þá mælti Sæmundr við 20 Ásmund son sinn, at þeir skyldu skjóta at skytanum báðir senn: en ek mun skjóta at þeim er skjöldinn berr. Hann gerði svá, en sá skaut skildinum fyrir sik. Þá skaut Ásmundr milli skjaldanna, ok kom örin í enni skytanum, svá at út kom í hnakkann, ok féll sá dauðr á bak aptr. En 25 er Vindr sá þat, þá ýldu þeir allir sem hundar eða vargar. Þá lét Rettiburr konungr kalla til þeira ok bjóða þeim grið; en þeir neituðu því. Síðan veittu heiðingjar harða atsókn. Þá var sá einn af heiðnum mönnum, er svá nær gékk, at alt gékk at kastalahurðinni, ok lagði 30 sverði þann mann, er fyrir innan stóð hurðina, en menn báru at honum skot ok grjót, ok var hann hlífðarlauss, en svá var hann fjölkunnigr; at ekki vápn festi á honum. Þá tók Andres prestur vígðan eld ok signaði, ok skar tundr ok lagði í eld, ok setti á örvarodd, ok fékk Ásmundi. En 35

hann skaut þessi ör at hinum fjölkunnga manni; ok beit þetta skot svá, at honum vann at fullu, ok féll hann dauðr á jörð. Þá létu heiðingjar illiliga enn sem fyrr, ýldu ok gnístu. Gékk þá alt fólk til konungs, þótti kristnum mönn-
5 um þá sem væri til ráðs, at þeir mundu undan leita. Þá skildi túlkr, sá er kunni vindversku, hvat höfðingi sá mælti, er Uniburr er nefndr; hann mælti svá: Þetta fólk er atalt ok ilt viðskiptis, ok þótt vér tækim alt þat fé, er í þessum stað er, þá mætti vér gefa til annat fé jafnmikit,
10 at vér hefðim eigi komit hér, svá höfum vér mikit lið látit ok marga höfðingja. Ok fyrst í dag, er vér tókum at berjast við kastalann, þá höfðu þeir til varnar skot ok spjót, því næst börðu þeir oss með grjóti, ok nú berja þeir oss með keðivölum sem hunda; sé ek fyrir því, at þeira fong þverra
15 til varnar, ok skulum vér enn gera þeim harða hrið, ok freistum þeira. En svá var sem hann sagði, at þá skutu þeir staurum, en í fyrstu hrið höfðu þeir borit úvarliga skotvápn ok grjót. En er kristnir menn sá, at minkaðist fjöldi af staurunum, hjoggu þeir í tvau hvern staurinn. En
20 heiðingjar sóttu at þeim ok gerðu harða hrið, ok hvíldust í milli. Gerðust nú hvárirtveggju móðir ok sárir. Ok í einnihverri hvíld þá lét konungr enn bjóða þeim grið, at þeir skyldu hafa vápn sín ok klæði, ok þat er þeir bæri sjálfir út af kastalanum. Þá var fallinn Sæmundr hús-
25 freyja, ok var þat þá ráð manna, þeira er eptir váru, at gefa upp kastalann ok sjálfa sik í vald heiðinna manna, ok var þat hit úsnjallasta ráð, fyrir því at heiðingjar efndu eigi orð sín, tóku alla menn, karla ok konur ok börn, drápu mart, alt þat er sárt var ok ungt, ok þeim þótti ilt at flytja
30 eptir sér; þeir tóku alt fé, þat er þar var í kastalanum, þeir géngu inn í Krosskirkju ok ræntu hana at öllu skruði sínu. Andres prestur gaf Rettibur konungi refði silfrbúit ok gylt, en Dunimiz systursyni hans fingrgull; fyrir því þóttust þeir vita, at hann mundi vera nökkurr ráðamaðr í
35 staðinum, ok virðu hann meira en aðra menn. Þeir tóku

krossinn helga ok höfðu braut; þá tóku þeir ok tabuluna, er stóð fyrir altarinu, er Sigurðr konungr hafði gera látit í Griklandi ok haft í land, þeir lögðu hana niðr á gráduna fyrir altarit. Þá géngu þeir út or kirkjunni. Þá mælti konungr: Þetta hús hefir verit búit með ást mikilli við þann guð, er þetta hús á; ok svá lízt mér, sem gætt muni lítt hafa verit staðarins eða hússins, því at ek sé, at guð er reiðr þeim er varðveita. Rettiburr konungr gaf Andresi presti kirkjuna ok skrínit, krossinn helga, bókinna, plenarium, ok klerka fjóra. En heiðnir menn brendu kirkjuna ok öll húsin, þau er þar í kastalanum váru. En sá eldr, er þeir höfðu tendrat í kirkjunni, sloknadi tysvar; þá hjoggu þeir ofan kirkjuna, tók þá at loga innan öll, ok brann sem önnur hús. Þá fóru heiðingjar til skipa sinna með herfangit, ok könnuðu lið sitt, en er þeir sá skaða sinn, þá tóku þeir at herfangi alt fólkit ok skiptu milli skipanna. Þá fóru þeir Andres prestr á konungsskipit með krossinn helga; þá kom ótti yfir heiðingja af þeiri bending, er yfir konungsskipit kom hiti svá mikill, at allir þeir þóttust nær brenna. Konungr bað túlkinn spyrja prest, hví svá varð. Hann sagði, at almáttigr guð, sá er kristnir menn trúðu á, sendi þeim mark reiði sinnar, er þeir dirfðust þess, at hafa með höndum hans píslarmark, þeir er eigi vilja trúa á skapara sinn; ok svá mikill kraptr fylgir krossinum, at opt hafa orðit fyrr þvílíkar jartegnir yfir heiðnum mönnum, þá er þeir höfðu hann með höndum, ok sumar enn berari. Konungr lét skjóta á skipbátinn kennimönnum, ok bar Andres prestr krossinn helga í fangi sér. Þeir leiddu bátinn fram með endilöngu skipinu ok fram fyrir barðit, ok aptr með öðru borði til lyptingar, skutu síðan við forkum ok hrundu bátinum inn at bryggjunum. Síðan fór Andres prestr með krossinn um nóttina til Sólbjarga, ok var bæði hregg ok rota. Andres flutti krossinn til góðrar varðveizlu. Rettiburr konungr ok hans lið, þat er eptir var, fór í brott ok aptr til Vindlands, ok

mart þat fólk, er tekit hafði verit í Konungahellu, var lengi síðan í Vindlandi í þján, en þeir er út váru leystir ok aptr kómu í Noreg til óðala sinna, urðu allir at minna þrifnaði. Kaupstaðrinn í Konungahellu hefir aldregi fengit
5 slíka uppreist sem áðr var.

Frá Magnúsi blinda.

12. Magnús er blindaðr hafði verit, fór síðan í Niðarós, ok gaf sik í klaustr, ok tók við munkaklæðum. Þá var skeytt þannug Hernes mikla á Frostu í próvendu hans.
10 En Haraldr réð þá einn landi eptir um vetrinn, ok gaf öllum mönnum sættir, er hafa vildu, tók þá marga menn til hirðvistar, er með Magnúsi höfðu verit. Einarr Skúlason segir svá, at Haraldr konungr átti tvær orrostur í Danmörk, aðra við Hveðn, en aðra við Hlésey:

15	Útryggum léztu eggjar, eljunþrár, und hári	Hveðn á hauldum roðnar, hrafns munnlitaðr! þunnar.
----	---	---

Ok enn þetta:

Áttut sókn við sléttan, serkrjóðr Hárs, merki,	harðr, þar er hregg um virðum, Hléseyjar þröm, blésu.
---	--

20 *Frá Haraldri konungi gilla ok Magnúsi byskupi.*

13. Haraldr konungr gilli var allra manna mildastr. Þat er sagt, at á hans dögum kom af Íslandi til byskupsvígslu Magnús Einarsson, ok var konungr ágætliga vel til hans ok veitti honum mikinn sóma. En er byskup var út
25 búinn ok skipit albúit, gékk hann í höllina, er konungr drakk, ok kvaddi hann dýrliga ok fagnaði honum; konungr tók vel við honum ok blíðliga. Dróttning sat hjá konunginum. Þá mælti konungr: Herra byskup! eru þér nú búnir í brott? Hann sagði at svá væri. Konungr mælti:
30 Ekki hittir þú nú í tíma til, er þér kómut, er borðin váru uppi; nú er ekki til at gefa yðr, svá virðuligt sem skyldi; eða hvat er til at gefa byskupi? Féhirðirinn svarar: Upp

ætlum vér nú gefnar gersimar. Konungr mælti: Til er borðkerit hérna, þigg þat, byskup! fé er hér í. Byskup þakkaði honum sinn sóma. Þá mælti dróttning: Far heill ok sæll, herra byskup! Konungr mælti til hennar: Far heill ok sæll, herra byskup! hverja heyrðir þú göfga konu 5 slíkt mæla við byskup sinn ok gefa honum ekki? Hon svarar: Hvat er nú til, herra? Konungr mælti: Til er hægindit undir þér. Síðan var þat tekit, ok var skorit um pell, ok (var þat) hinn dýrligsti hlutr. Ok er byskup veik í brott, þá lét konungr taka undan sér hægindit, ok mælti: 10 Lengi hafa þau saman verit. Síðan fór byskup á brott, ok kom út til Íslands til stóls síns, ok var þá rætt um, hvat af borðkerinu skyldi gera, þess er konungi gegndi bezt. Spurði byskup ráðs eptir, ok mæltu menn, at selt mundi, ok gefit fátækum mönnum verðit. Þá mælti bysk- 15 up: Annat ráð vil ek taka; gera skal af kalek hér at staðinum, ok vil ek svá mæla fyrir, Njóti hann, ok vilda ek síðan, at þeir hinir helgu menn allir, er hér eru af helgir dómar í þessi kirkju hinni helgu, léti hann hvert sinn njóta, er yfir honum er messa sungin. Ok sá kalekr er þar síðan 20 at staðnum í Skálaholti, ok af pellunum, er yfir váru dregin hægindin, er konungr gaf honum, eru nú gervar fyrirsöngskápur, er þar eru í Skálaholti. Í þessum hlut má marka stórlýndi Haralds konungs ok mörgu öðru, þó at hér sé fátt ritat af.

Upphaf Sigurðar slembidjáknis.

14. (13). Sigurðr er maðr nefndr, er upp foeddist í Noregi, hann var kallaðr son Aðalbriks prests. Móðir Sigurðar var Þóra, dóttir Saxa í Vík, systir Sigríðar. móður þeira Ólafs konungs Magnússonar ok Kára konungsbróður, er átti Borghildi, dóttur Dags Eilífssonar. Synir þeira váru þeir Sigurðr á Austrátt ok Dagr. Synir Sigurðar var Jón á Austrátt Þorsteinn ok Andres daufi. Jón átti Sigríði, systur Inga konungs ok Skúla hertoga. Sigurðr

var í barnoesku settr til bókar, ok varð hann klerkr ok vígðr til djákns. En er hann gerðist fullkominn at aldri ok afli, þá var hann allra manna vaskligastr ok sterkastr, mikill maðr, ok á alla atgervi var hann umfram alla jafn-
5 aldra sína, ok nálíga hvern annan í Noregi. Sigurðr var snimma ofsamaðr mikill ok úeirðarmaðr; hann var kallaðr slembidjákn. Manna var hann fríðastr sýnum, heldr þunnhár, ok þó vel hærðr. Þá kom þat upp fyrir Sigurð, at móðir hans sagði, at Magnús konungr berfœttr var faðir
10 hans; ok þegar er hann réð sjálf háttum sínum, þá afroekist hann klerkasiðu, fór þá af landi brott. Í þeim ferðum dvaldist hann langa hríð. Þá byrjaði hann ferð sína út til Jórsala, ok kom til Jórdanar, ok sótti helga dóma, svá sem pálmurum er títt. Ok er hann kom aptr,
15 þá dvaldist hann í kaupferðum. Einn vetr var hann staddr nokkura hríð í Orkneyjum, hann var með Haraldi jarli at falli Þorkels fóstura Sumarliðasonar. Sigurðr var ok uppi á Skotlandi með David Skotakonungi, var hann þar virðr mikils. Síðan fór Sigurðr til Danmerkr, ok var þat hans
20 sögn ok hans manna, at þar hefði hann flutt skírslur til faðernis sér, ok bar svá, at hann var son Magnús konungs, ok væri þar við 5 byskupar. Svá segir Ívarr Ingimundarson í Sigurðarbelki:

25	Gerðu skírslur um skjöldungs kyn fim byskupar þeir er framarst þóttu.	Svá bar raunir, at ríks konungs þess var hins milda Magnús faðir.
----	--	--

Vinir Haralds konungs sögðu, at þat hefði verit svik ok lygi Dana.

10 *Sigurðr á Íslandi.*

15. (13). Þat er sagt frá Sigurði slembi, at hann hafðist í kaupferðum nokkura vetr. Einn vetr var hann á Íslandi, ok var þann vetr með Þorgilsi Oddasyni í Saurbœ, ok vissu fáir, hverr hann var. Þat var um haustit, er sauðir
5 váru reknir í rétt ok ætlaðir til skurðar, ok er þeir hendu

sauðina, hljóp einn sauðrinn at honum Sigurði, sem hann leitaði þangat hjálpar. Sigurðr réttir at honum hönd, ok kippir út or réttinni ok lætr hann hlaupa í fjallit upp, ok mælti: Eigi leita nú fleiri traustains til vár, en at trausti skal þeim verða. Þat gerðist enn um vetrinn, at kona ein 5 hafði tekit, ok varð Þorgils henni reiðr, ok vill refsa hana. Hon hljóp þar til hjálpar, sem Sigurðr var, ok hann setti hana hjá sér í pallinn. Þorgils bað hann selja hana fram, ok segir hvat hon hefir gert; en Sigurðr bað henni friðar: er þó hefir hon mitt traust sótt, ok gefi henni upp sökina. 10 Þorgils sagði, at hon skal víti fyrir taka. Ok er Sigurðr sá, at hann vill eigi heyra böen hans, hleypr hann upp ok brá sverði, ok bað hann til sökja. Ok er Þorgils sá þetta, at hann vildi vígi verja, leizt honum maðrinn með miklu yfirbragði, ok grunar hverr vera múni, ok lætr við berast 15 at gera á hlut konunnar, ok gaf henni frið. Þar vǫru fleiri útlendir menn, ok hafði Sigurðr minst yfirlæti. Einn dag er Sigurðr kom í stofu, tefldi austmaðr við einn heima-mann Þorgils, sá var skartmaðr mikill ok barst á mikit. Austmaðrinn kallaði á Sigurð, at hann réði um taflit; hann 20 sá, ok leizt honum farit. En sá maðr er tefldi við austmanninn, hafði sáran fót, ok þrútnaði tá hans ok vægði. Sigurðr sezt í pallinn ok tekr eitt strá ok dregr eptir gólfinu. En ketlingar hljópu eptir gólfinu; hann dregr æ fyrir þeim stráit, þar til er kemr yfir fót honum. En 25 hann spratt upp ok kvað við, en taflit svarfast. Gera þeir nú þrætumál, hvárr hefði. Ok því er þessa getit, at Sigurðr þótti nær sér tekit hafa bragðit. Eigi vissu menn fyrr, at hann væri lærðr, en þváttdaginn fyrir páska, þá söng hann yfir vatni; ok æ þótti hann því meira verðr. er 30 lengr hafði hann verit. Ok um sumarit eptir, áðr en þeir skildi, mælti Sigurðr, at Þorgils skyldi kunnliga senda menn til Sigurðar slembis. Þá svarar Þorgils: Hvat er þér at honum langt? Hann svarar: Ek em Sigurðr slembidjárn-son Magnús konungs berfœtts. Fór hann síðan utan.

Frá svikum við Sigurð slembi.

16. (14). Þá er Haraldr hafði verit konungr yfir Noregi 6 vetr, kom Sigurðr til Noregs, ok fór á fund Haralds konungs bróður síns, hitti hann í Björgyn, gékk þegar á fund konungs, birti fyrir honum faðerni sitt ok beiddi konung taka við frændsemi sinni. Konungr veitti enga orskurði skjóta um þat mál, ok bar þetta fyrir vini sína, átti við þá tal ok stefnur. En af tali þeira kom þat upp, at konungr bar sakir á hendr Sigurði um þat, er hann hafði verit at aftöku Þorkels fóstura fyrir vestan haf. Þorkell hafði fylgt Haraldri konungi til Noregs, þá fyrst er hann hafði komit til lands; hafði Þorkell verit hinn mesti vin Haralds konungs. Var þessu máli fylgt svá fast, at þar var Sigurði gefin fyrir dauðasök, ok með ráði lendra manna þá varð þetta svá, at eitt kveld síðarla gengu til gestir nökkurir, þar er Sigurðr var, ok kölluðu hann með sér ok tóku skútu nökkura ok reru brott frá boenum með Sigurð ok suðr til Norðness. Sigurðr sat aptr á kistunni ok hugsaði sitt mál, ok grunaði, at þetta mundi vera svik. Hann var svá búinn, at hann hafði blár brækr ok skyrtu ok möttul á tyglum at yfirhöfn. Hann sá niðr fyrir sik ok hafði hendr á möttulsböndunum, lét stundum af höfði sér, stundum lét hann á höfuð sér. En er þeir váru komnir fyrir nesit, váru þeir kátir ok drukknir, ok reru ákafliga ok ugðu fátt at sér. Þá stóð Sigurðr upp ok gékk til borðs, en tveir menn, þeir er til gæzlu váru fengnir með honum, stóðu upp ok gengu at borðinu, tóku möttulinn báðir ok héldu frá honum, sem títt er at gera við ríka menn. En er hann grunaði, at þeir héldi fleirum klæðum hans, þá greip hann sinni hendi hvárn þeira, ok steiptist utanborðs með alla þá, en skútan rendi fram langt, ok varð þeim seint at víkja ok löng dvöl áðr en þeir féngi sína menn tekit. En Sigurðr tók svá langt kaf í brott, at hann var fyrr á landi uppi, en þeir hefði snúit skipi sínu eptir honum. Sigurðr var allra manna

fóthvatastr, ok stefnir hann á land upp, en konungsmenn fóru ok leituðu hans alla nótt, ok funntu hann eigi. Hann lagðist í bergskor nøkkura, svalaði honum mjök, hann fór af brókunum, ok skar rauf á setgeiranum ok smeygði á sik ok tók út höndunum, ok halp svá lífi sínu at sinni. 5 Konungsmenn fóru aptr ok máttu eigi leyna úföllum sínum.

Svikræði við Harald konung.

17. (15). Sigurðr þóttist finna, at eigi mundi honum til hjálpar vera at leita á fund Haralds konungs, ok var 10 þá í fylsknum alt haustit ok öndurðan vetr. Hann var í boenum í Björgyn á laun með presti nøkkurum, ok gildraði til, ef hann mætti verða skaðamaðr Haralds konungs, ok váru mjök margir menn í þessum ráðum með honum, ok þeir sumir, er þá váru hirðmenn ok herbergismenn 15 Haralds konungs, en þeir höfðu fyrr verit hirðmenn Magnús konungs, váru þeir þá í kærleikum miklum við Harald konung, svá at æ var nøkkurr af þessum sá, er sat yfir borði konungsins. Lucíumessu at kveldi töluðust við tveir menn, er þar sátu; mælti annarr til konungs: Herra! nú 20 höfum vit skotit orskurð þrætu okkarrar til yðarra orslita, ok höfum vit veðjat ask hunangs hvárr okkarr; ek segi þat, at þér munut liggja í nótt hjá Ingiríði dróttning konu þinni, en hann segir, at þér munut liggja hjá Þóru Guthormsdóttur. Þá svaraði konungr hlæjandi, ok var mjök 25 úvitandi, at þessi spurning væri með svá mikilli vél, ok sagði: Eigi muntu hljóta veðféit. Af því þóttust þeir vita, hvar hans var at vitja á þeiri nótt, en höfuðvörðr var þá haldinn fyrir því herbergi, er flestir hugðu at konungr væri inni ok dróttning svaf í.

30

Dráp Haralds konungs.

18. (16). Sigurðr slembidjákn ok nøkkurir menn með honum kómu þar til herbergis, er konungr svaf, ok brutu upp hurðina ok gengu þar inn með brugðnum sverð-

um. Ívarr Kolbeinsson vann fyrst á Haraldi konungi. En konungr hafði drukinn niðr lagzt ok svaf fast, ok vaknaði við þat, er menn vágðu at honum, ok mælti í úvitinu: Sárt býr þú nú við mik, Þóra! Hon hljóp upp við ok mælti: Þeir búa sárt við þik, er verr vilja þér en ek. 5 Lét Haraldr konungr þar líf sitt. En Sigurðr með sína menn gékk í brott. Lét hann þá kalla sér þá menn, er honum höfðu heitizt til föruneysis, ef hann féngi Harald konung tekit af lífdögum. Þá gengu þeir Sigurðr ok 10 hans menn til skútu nokkurrar, ok skipuðust menn við árar ok reru út á váginn undir konungsgarð, tók þá at lýsa af degi. Þá stóð Sigurðr upp ok talaði við þá, er stóðu á konungsbryggjum, ok lýsti vígi Haralds konungs sér á hendr, ok beiddist af þeim viðtöku, ok þess at þeir tœki 15 hann til konungs, svá sem burðir hans váru til. Þá dreif þannug á bryggjurnar mart manna or konungsgarði, ok svöruðu allir sem einum munni mælti, sögðu, at þat skyldi aldri verða, at þeir veitti hlýðni ok þjónan þeim manni, er myrt hafði bróður sinn: en ef hann var eigi þinn bróðir, þá 20 áttu enga ætt til at vera konungr. Þeir börðu saman vápnum sínum, dæmdu þá alla útlaga ok friðlausa. Þá var blásit konungslúðri ok stefnt saman öllum lendum mönnum ok hirðmönnum. En Sigurðr ok hans menn sá þann sinn kost hinn fegrsta, at verða í brottu; hann hélt 25 þá á Norðrhörðaland ok átti þar þing við bæendr, gengu þeir undir hann ok gáfu honum konungsnafn. Þá fór hann inn í Sogn, ok átti þar þing við bæendr, var hann ok þar til konungs tekinn. Þá fór hann norðr í Fjörðu, var honum þar vel fagnat. Svá segir Ívarr Ingimundarson:

30	Tóku við mildum	Sórusk margir
	Magnús syni	menn á þingi
	Hörðar ok Sygnir	buðlungs syni
	at Harald fallinn.	í bróður stað.

Haraldr konungr var jarðaðr í Kristskirkju hinní fornu.

SAGA INGA HARALDSSONAR OK BRÆDRA HANS.

Upphaf Sigurðar ok Inga konunga.

1. Ingiríðr dróttning ok með henni lendir menn ok hirðin, sú er Haraldr konungr hafði haft, réðu þat, at hleypiskip var gert ok sent norðr til Þrándheims at segja fall Haralds konungs, ok þat með, at Þrændir skyldu taka til konungs son Haralds konungs. Sigurð, er þá var norðr þar ok Sáðagyrðr Bárðarson fóst-raði. En Ingiríðr dróttning fór þegar austr í Vík; Ingi hét son þeira Haralds konungs, er var at fóstri þar í Víkinni með Ámunda Gyrðarsyni Lögbersasonar. En er þau kómu í Víkina, var stefnt Borgarþing, þar var Ingi til konungs tekinn, þá var hann á annan vetr. At því ráði hurfu Ámundi ok Þjóstólfr Álason, ok margir aðrir stórir höfðingjar. En er þau tíðindi kómu norðr til Þrándheims, at Haraldr konungr var af lífi tekinn, þá var þar til konungs tekinn Sigurðr son Haralds konungs, ok hurfu at því ráði Óttarr birtingr. Pétr Sauðaúlfrsson ok þeir bræðr Guthormr af Reini Ásólfsson ok Óttarr balli, ok fjöldi annarra höfðingja. Ok snerist undir þá bræðr nálíga allr lýðr, ok allra helst fyrir þá sök at faðir þeira var kallaðr heilagr; ok var þeim svá land svarit, at undir engan mann annan skyldi ganga meðan nökkurr þeira lifði sona Haralds konungs.

Frá Sigurði slembidjákn.

2. Sigurðr slembidjákn sótti norðr um Stað, ok þá er hann kom á Norðmœri, váru alt komin fyrir honum bréf ok jartegnir ráðamanna þeira, er snúizt höfðu undir

hlýðni við sonu Haralds konungs, ok fékk hann þar enga viðtöku eða uppreist. En með því at hann var sjálfr liðfár, þá réðu þeir þat at stefna inn í Þrándheim, því at hann hafði áðr gert orð fyrir sér inn þannug til vina sinna, 5 ok til vina Magnús konungs er blindaðr hafði verit. En er hann kom til kaupangs, reri hann upp í ána Nið, ok kómu festum á land í konungsgarði, ok urðu þá undan at leita, því at lýðr allr stóð í móti. Þeir lögðu síðan til Hólms, ok tóku þar út or klaustranum Magnús Sigurðar- 10 son af nauðgum munkunum, hann hafði tekit áðr munks- vígslu. Sú er fleiri manna sögn, at Magnús færi at sjálfs síns vilja, þótt hitt væri gert til bótar um mál hans, ok vænti Sigurðr sér af þessu liðsafla, ok svá gafst. Ok var þetta þegar eptir jól. Fóru þeir Sigurðr út eptir firðinum. Síðan 15 sóttu eptir þeim Björn Egilsson, Gunnarr af Gimsum, Halldórr Sigurðarson, Áslákr Hákonarson, ok þeir bræðr Bendikt ok Eiríkr, ok hirð sú er verit hafði fyrr með Magnúsi konungi, ok fjöldi annarra manna. Þeir fóru með flokkinn suðr fyrir Mæri, ok alt fyrir Raumsdalismynni. 20 Þeir skiptu þar liði sínu, ok fór Sigurðr slembidjákn vestr um haf þegar um vetrinn, en Magnús fór til Upplanda, ok vænti hann sér þar mikils liðs, sem hann fékk; var hann þar um vetrinn ok um sumarit alt á Upplöndum, ok hafði þá mikit lið. En Ingi konungr fór at honum með liði sínu, ok 25 hittust þar sem heitir í Mynni. Varð þar mikil orrosta, ok hafði Magnús konungr meira lið. Svá er sagt, at Þjóstólfr Álason hafði Inga konung í kiltingu sér, meðan orrostan var, ok gékk undir merki, ok kom Þjóstólfr í mikla nauð af erfiði ok atsókn; ok er þat mál manna, at þá hafi Ingi 30 konungr fengit vanheilendi þat, er hann hafði allan aldr síðan, ok knýtti hrygginn, en annarr fótrinn var skemri en annarr, ok svá aflítill, at hann var illa gengr meðan hann lifði. Þá sneri mannfallinu á hendr Magnús konungs mönn- um, ok féllu þessir í öndurðri fylking, Halldórr Sigurðar- 35 son ok Björn Egilsson, Gunnarr af Gimsum ok mikill hluti

liðs Magnús, áðr hann vildi flýja eða undan ríða. Svá segir Kolli:

Unnut austr fyrir Mynni
oddhríð ok brátt síðan

hilmir! fékk und hjálmi
hrafns verðar lið sverðum.

Ok enn þetta:

Fyrr lá hans en harri
bringmildr fara vildi

verðung öll á velli.
Víqfmr konungr himni.

Magnús flýði þaðan austr á Gautland ok svá til Danmerkr. Í þenna tíma var Karl jarl Sonason í Gautlandi, hann var ríkr ok ágjarn. Magnús blindi ok hans menn sögðu svá, 10 hvar sem þeir kómu fyrir höfðingja, at Noregr mundi liggja lauss fyrir, ef nokkurir stórir höfðingjar vildi til sækja, er engi var konungr yfir landinu, ok lendra manna forráð var þar yfir ríkinu, en þeir lendir menn, er fyrst váru til forráða tekni, þá var nú hverr úsáttir við annan fyrir öfundar sak- 15 ir. En með því at Karl jarl var ágjarn til ríkis ok áhlýðinn um fyrirtölur, þá samnar hann liði ok ríðr austan í Víkina, ok gékk mart fólk undir hann fyrir hræzlu sakir. En er þetta spyrja þeir Þjóstólfr Álason ok Ámundi, þá fóru þeir í móti með því liði, er til fékkst, ok höfðu með 20 sér Inga konung. Þeir hittu Karl jarl ok her Gauta austr á Krókaskógi, ok áttu þar aðra orrostu, ok fékk Ingi konungr sigr. Þar féll Munan Ögmundarson móðurbróðir Karls jarls. Ögmundr faðir Munans var son Orms jarls Eilífs-sonar ok Sigríðar dóttur Finns jarls Árnasonar. 25 Ástriðr Ögmundardóttir var móðir Karls jarls. Mart féll á Krókaskógi; en jarl flýði austr af skóginum. Ingi konungr rak þá alt austr or ríki sínu, ok varð þeira ferð hin herfiligsta. Svá segir Kolli:

Lýsa mun ek hve ljósa,
laut hrafn í ben Gauta,
örn fylðit sik sjaldan,
sárisa rauð vísi.

Goldit varð þeim er gerðu 30
glaum herðundum sverða,
raun er at ríki þínu,
róg á Krókaskógi.

Herför Dana í Noreg.

3. Magnús blindi sótti þá til Danmerkr á fund Eiríks konungs Eimuna, ok fékk hann þar góðar viðtekjur. Bauð hann Eiríki at fylgja honum í Noreg, ef Eiríkr vildi
 5 leggja undir sik landit ok fara með Danaher í Noreg, ok segir, ef hann kemr með styrk hers, at engi maðr í Nor-
 egi mun þora at skjóta spjóti í móti honum. En konungr skipaðist við ok bauð út leiðangri, hann fór með 6
 10 hundruð skipa norðr í Noreg, ok var Magnús blindi ok
 hans menn í þessi ferð með Danakonungi. En er þeir kómu í Víkina, þá fóru þeir til hófs nökkurs með spekt ok friði austanfjarðar, en er þeir kómu liðinu til Túnsbergs, var þar fyrir samnaðr mikill lendra manna Inga konungs. Vatnormr Dagsson bróðir Gregorii réð mest fyrir þeim;
 15 þar máttu Danir eigi á land komast ok eigi vatn sér taka, var mart manna drepit af þeim. Þá lögðu þeir inn eptir firði til Oslóar, ok var þar fyrir Þjóstólfr Álason. Svá er sagt, at þeir vildu láta bera skrín Hallvarðs hins helga or boenum um aptaninn. ok géngu svá margir undir, sem við
 20 máttu komast, ok féngu þeir eigi lengra borit en utar á kirkjugólfrit. En um morgininn, er þeir sá, at herrinn fór utan at Höfuðey, þá báru fjórir menn skrínit upp or bænum; en Þjóstólfr ok alt bæjarfólkit fylgði skríninu.

Bær brendr í Osló.

25 4. Eiríkr konungr ok hans menn sóttu upp í bæinn, en sumir runnu eptir þeim Þjóstólfi. Þjóstólfr skaut broddi at þeim manni, er Áskell hét, hann var stafnbúi Eiríks konungs, ok laust undir kverkina svá at yddi út um hnakkann, ok þóttist Þjóstólfr eigi hafa skotit betra skot, því
 30 at ekki var bert á honum nema þat eitt. Skrín hins helga Hallvarðs var flutt upp á Raumaríki, ok var þar þrjá mánuðr. Þjóstólfr fór um Raumaríki, ok samnaði hann liði um nóttina, ok kom ofan til bæjarins um morguninn. Eiríkr konungr lét leggja eld í Hallvarðskirkju, ok víða

um bæinn, ok brendi alt upp með hringum. Því næst kom Þjóstólfr ofan með lið mikit, en Eiríkr konungr lagði í brott skipaliði sínu, ok máttu þeir hvergi á land komast fyrir norðan fjörðinn fyrir samnaði lendra manna, en hvar sem þeir leituðu til landgöngu, þá lágu eptir 5 eða 6 eða 5 fleiri. Ingi konungr lá í Hornborusundum með liði miklu. En er Eiríkr konungr spurði þetta, þá snýst hann aptr suðr til Danmerkr. Ingi konungr fór eptir þeim, ok hendi af þeim alt þat er þeir máttu, ok er þat mál manna, at eigi hafi verit verri ferð farin í annars konungs veldi með miklu 10 liði, ok líkaði Eiríki konungi illa við Magnús ok hans menn, ok þóttu þeir mjök hafa spottat sik, er honum hafði komit í þessa ferð, ok lézt ekki síðan skyldu vera þeira vinr slíkr sem áðr.

Hernaðr Sigurðar slembis.

15

5. Sigurðr slembidjákn kom þat sumar vestan um haf til Noregs. En er hann spurði úfarar Magnús frænda síns, þóttist hann vita, at þá mundi hann eiga lítit traust í Noregi, sigldi hann þá alt útleið suðr með landi, ok kom fram í Danmörk, hann hélt í Eyrarsund. En suðr fyrir 20 Erri hitti hann Vindasnekkjur nökkurar, ok lagði til bardaga við þá ok fékk sigr, hrauð þar 8 snekkjur ok drap mart manna, en hengði suma. Hann átti ok orrostu við Mön við Vindr ok hafði sigr, þá hélt hann sunnan ok lagði upp í Elfina í eystri kvísl, ok vann þar 3 skip af liði 25 þeira Þóris hvínantorða ok Ólafs sonar Haralds kesju, systursonar síns; móðir Ólafs var Ragnhildr dóttir Magnús konungs berfætts; hann elti Ólaf á land. Þjóstólfr var í Konungahellu ok hafði samnað fyrir. Sigurðr hélt þannug, ok skutust þeir á, ok féllu menn af hvárumtveggjum, ok 30 mart varð sárt. Þeir Sigurðr féngu eigi uppgöngurnar. Þar féll Úlfheðinn Söxólfsson, norðlenzkr maðr, stafnbúi Sigurðar; Sigurðr lagði brott ok hélt norðr í Víkina, ok rænti víða. Hann lá í Portyrju á Limgarðssiðu, ok sætti

þar skipum, er fóru í Víkina eða or, ok rænti. Túnsbergsmenn gerðu lið at honum, ok kómu á úvart, svá at þeir Sigurðr váru á landi ok skiptu fengi sínu; kom sumt lið ofan at þeim, en sumir lögðu skipum um þvera höfnina
 5 fyrir utan þá. Sigurðr hljóp á skip sitt ok reri út at þeim, en skip Vatnorms var þar næst, ok lét hann síga á hömlu; en Sigurðr reri út hjá þeim ok komst undan einu skipi, en mart féll af liði hans. Því var þetta ort:

Varð eigi vel við styrju
 Vatnormr í Portyrju.

10

Dráp Benteins.

6. Sigurðr slembidjárn sigldi síðan suðr til Danmerkr, ok týndist maðr af skipi hans, sá er hét Kolbeinn Þorljóts-son or Bataldri, hann var á eptirbáti, er bundinn var við
 15 skipit, en þeir sigldu mikit. Sigurðr braut skipit, er þeir kómu suðr, ok var hann um vetrinn í Álaborg. En um sumarit eptir þá fóru þeir Magnús sunnan 7 skipum, ok kómu á Lista á úvart um nótt, ok lögðu þeir skipum sínum at landi. Þar var fyrir Benteinn Kolbeinsson, hirð-
 20 maðr Inga konungs ok hinn hraustasti maðr. Þeir Sigurðr géngu þar upp í elding nætr, ok kómu á úvart ok tóku hús á þeim, ok vildu leggja eld í bæinn, en Benteinn komst út í búr nökkut með herklæðum ok vel búinn at vápnum, ok stóð fyrir innan dyrrnar við brugðit sverð,
 25 ok hafði skjöld fyrir sér ok hjálm á höfði, var þá búinn til varnar; dyrrnar váru heldr lágar. Sigurðr spurði, hví þeir géngi eigi inn. Þeir svöruðu, at engi var fúss til. En þá er þeir roeddu þetta tíðast, hljóp Sigurðr inn í húsit um hann. Benteinn hjó eptir honum ok misti; síðan snerist
 30 Sigurðr at honum, ok skiptust þeir fám höggum við, áðr Sigurðr drap hann ok bar höfuð hans út í hendi sér. Tóku þeir fé alt, þat er var í böenum, fóru síðan til skipa sinna. En er Ingi konungr ok hans vinir spyrja dráp Benteins, ok þeir Kolbeinssynir Sigurðr ok Gyrðr bræðr Benteins,

þá gerði konungr lið at þeim Sigurði, ok fór sjálf, ok tók skip undan Hákonni pungeltu Pálssyni ok dóttursyni Ásláks Erlingssonar af Sóla, systrungi Hákonar maga. Ingi elti Hákon á land upp ok tók hvert fat þeira. Þeir flýðu í fjörðinn undan Sigurðr storkr, son Eindriða í Gautdali, 5 ok Eiríkr hæll bróðir hans, ok Andres kelduskítr son Gríms or Visti. En Sigurðr ok Magnús ok Þorleifr skjappa sigldu norðr hit ytra 3 skipum á Hálogaland. Var Magnús um vetrinn í Bjarkey með Viðkunni Jónssyni. En Sigurðr hjó stafna af skipi sínu, ok hjó á 10 raufar ok sökti niðr í Ægisfirði innanverðum; en Sigurðr sat um vetrinn í Tjaldasundum í Hin, þar sem heitir Gljúfrafjörðr. Í innanverðum firðinum er hellir í bjarginu, þar sátu þeir Sigurðr um vetrinn meir en 20 menn, ok settu fyrir hellisdyrrnar, svá at eigi mátti sjá 15 dyrrnar or fjöru. Þeir féngu Sigurði vistir um vetrinn Þorleifr skjappa ok Einarr son Ögmundar af Sandi ok Guðrúnar Einarsdóttur Arasonar af Reykjahólum. Þann vetr er sagt, at Sigurðr léti Finna gera sér skútur 2 inn í fjörðum, ok vátu síni bundnar ok engi saumr í, en við- 20 jar fyrir kné, ok reru 12 menn á borð hvárri. Sigurðr var með Finnum, þá er þeir gerðu skúturnar, ok höfðu Finnar þar mungát, ok gerðu honum þar veizlu. Síðan kvað Sigurðr þetta:

Gott var í gamma
er vér glaðir drukum,
ok glaðr grams son
gékk meðal bekkja.

Vara þar gamans vant- 25
at gamansdrykkju,
þegn gladdi þegn
þar lands sem var.

Skútur þær vátu svá skjótar, at ekki skip tók þær á vatni; svá sem kveðit er: 30

Fátt eitt fylgir
furu háleyskri,

svipar und segli
sinbundit skip.

En um várit fóru þeir Sigurðr ok Magnús norðan með skútur þær tvær, er Finnar höfðu gert. En er þeir komu í Vága, drápu þeir þar Svein prest ok sonu hans tvá. 35

Dráp Vilhjálms skinnara.

7. Sigurðr hélt þá suðr í Víkar, ok tóku þar Vil-
hjálms skinnara, hann var lendr maðr Sigurðar konungs,
annan Þóralda kept, ok drápu þá báða. Þá fór Sigurðr
5 suðr með landi, ok hitti þar Styrkár glæsirófu suðr við
Byrðu, þá er hann fór sunnan or kaupangi, ok drápu hann.
En er Sigurðr kom suðr til Valsness, þá hitti hann þar
Svínagrím, ok lét höggva af honum hina hægri hönd. Þá
fór hann suðr á Mœri fyrir utan Þrándheimsmynni, ok tók
10 þar Heðin harðmaga ok Kálf kringluauga, ok lét hann
Heðin undan ganga, en þeir drápu Kálf. Sigurðr kon-
ungr ok Sádagyrðr fóstri hans spurðu til fara Sigurðar, ok
hvat hann hafðist at; þá sendu þeir menn at leita hans,
féngu þeir þá til forráða Jón kauðu, son Kálfs hins ranga,
15 bróður Ívars byskups, ok annan Jón prest smyrl. Þeir
skipuðu Hreininn, er var 2 rún ok 20 ok allra skipa skjót-
ast. Þeir fóru at leita Sigurðar, ok funnu hann eigi, ok
fóru aptr norðr við lítinn orðstír, því at menn segja svá,
at þeir sæi þá ok þyrði eigi at leggja at þeim. Sigurðr
20 fór þá suðr á Hörðaland, ok kom í Herðu; þar átti bú
Einarr son Laxapáls, ok var hann farinn inn í Hamars-
fjörð til Gangdagapings. Þeir tóku fé alt, er heima var,
ok langskip hálfprítugt, er Einarr átti, ok son hans 4
vetra gamlan, er lá hjá verkmanni hans; vildu sumir drepa
25 sveininn, en sumir hafa brott með sér. Verkmaðrið sagði
þeim: Ekki mun yðr happ at drepa svein þenna, ok engi
tilslægja er yðr at hafa hann í brott, þetta er minn son,
en eigi Einars. Ok af hans orðum létu þeir eptir sveininn,
en þeir fóru í brott. En er Einarr kom heim, þá gaf hann
30 verkmanninum fé til tveggja aura gulls, ok þakkaði honum
sitt tilteki, ok lézt skyldu vera vin hans jafnan síðan.
Svá segir Eiríkr Oddsson, er fyrsta sinn reit þessa frásögn,
at hann heyrði í Björgyn segja frá þessum atburðum Einar
Pálsson. Sigurðr fór þá suðr með landi, ok alt í Vík
35 austr, ok hitti Finn Sauðaulfsson austr á Kvildum, er hann

fór at heimta landskyldir Inga konungs, ok létu hengja hann. Þeir fóru síðan suðr til Danmerkr.

Bréfsending Inga konungs.

8. Víkverjar ok Björgynjarmenn mæltu, at þat var úsómi, er Sigurðr konungr ok vinir hans sátu kyrrir norðr 5 í kaupangi, þótt föðurbanar hans færi þjóðleið fyrir utan Þrándheimsmynni, en Ingi konungr ok hans lið sat í Vík austr við háskann ok varði landit, ok hafði átt margar orrostur. Þá sendi Ingi konungr bréf norðr til kaupangs, þar stóðu þessi orð á: Ingi konungr son Haralds konungs 10 sendir kveðju Sigurði konungi bróður sínum ok Sádagyrði, Ögmundi svipti, Óttari birtingi, ok öllum lendum mönnum, hirðmönnum ok húskörlum, ok allri alþýðu, sælum ok veslum, ungum ok gömlum, guðs ok sína. Öllum mönnum eru kunnig vandræði, þau er vér höfum, ok svá æska, at 15 þú ert 5 vetra gamall, en ek þrevetr; megum vit ekki atfærast, nema vit njótim vina okkarra ok góðra manna. Nú þykkjumst ek ok mínir vinir vera nærr staddir vandkvæði ok nauðsyn beggja okkarra en þú eða þínir vinir. Nú gerðu svá vel, at þú far til fundar míns sem fyrst ok 20 fjölmennastr, ok verum báðir saman, hvat sem í gerist. Nú er sá okkarr mestr vin, er til þess heldr, at vit sém æ sem sáttastir ok jafnast haldnir í öllum hlutum. En með því at þú afrækist ok vill eigi fara at nauðsynligri orðsending minni enn, sem fyrr hefir þú gert, skaltu við 25 því búast, at ek mun fara á hendr þér með lið, skipti þá guð með okkr; því at eigi megum vér hafa lengr svá búit, at sitja með svá miklum kostnaði ok fjölmenni, sem hér þarf fyrir úfriðar sakir, en þú tékr hálfar allar landskyldir ok aðrar tekjur í Noregi. Lifit í guðs friði. 30

Tala Óttars birtings.

9. Þá svaraði Óttarr birtingr ok stóð upp á þinginu ok mælti: Þat er mál Sigurðar konungs at mæla til Inga konungs

bróður síns, at guð þakki honum góða kveðju ok svá starf ok torveldi, er þú hefir ok þínir vinir í ríki þessu at beggja okkarra nauðsyn. En þótt sumt þykki heldr örðigt í orðum Inga konungs til Sigurðar konungs bróður síns,
 5 þá hefir hann mikit til máls síns í marga staði. Nú vil ek lýsa yfir mínu skapi, ok heyra hvárt þar fylgi vili Sigurðar konungs eða annarra ríkismanna, at þú, Sigurðr konungr! búist, ok þat lið er þér vill fylgja, at verja land þitt, ok far sem fjölmennastr á fund Inga konungs bróður
 10 þíns, sem fyrst máttu, ok styrki hvárr ykkarr annan í öllum farsælligum hlutum, en almáttigr guð báða ykkar. Nú viljum vér heyra orð þín, konungr! Pétr son Sauðauðls bar Sigurð konung á þingit, er síðan var kallaðr Pétr byrðarsveinn. Þá mælti konungr: Viti þat allir menn, ef
 15 ek skal ráða, at ek vil fara á fund Inga konungs bróður míns, sem fyrst má ek. En þá talaði annarr at öðrum ok hóf sinneg hverr, en lauk í sama stað sínu máli, sem svarat hafði Óttarr birtingr, ok var þá þat ráðit, at stefna liði saman ok fara austr í land. Síðan fór Sigurðr kon-
 20 ungr austr í Vík ok hitti þar Inga konung bróður sinn.

Fall Magnús blindi.

10. Sama haust kómu þeir Sigurðr slembidjárn ok Magnús blindi sunnan or Danmörk með 30 skipa, bæði Danalið ok Norðmanna, þat var nær vetrnóttum. En er
 25 þetta spyrja konungar ok þeira lið, fara þeir austr í móti þeim. Þeir hittust í Hvölum við Hólm hinn grá; þat var hinn næsta dag eptir Marteinsmessu, þá var sunnudagr. Ingi konungr ok Sigurðr konungr höfðu þá 20 skip, ok öll stór; var þar orrosta mikil, en eptir hina fyrstu hríð
 30 flýðu Danir með 18 skip, ok heim suðr. Þá hruðust skip þeira Sigurðar ok Magnús. En er mjök var hroðit skip Magnús, en hann hvíldi í rekkju sinni, Hreiðarr Grjótgarðs-son, er lengi hafði fylgt honum ok verit hirðmaðr hans, hann tók Magnús konung í fang sér ok vildi hlaupa á

skip annat, þá var Hreiðarr skotinn spjóti milli herðanna ok þar í gegnum; en svá sögðu menn, at þar féngi Magnús konungr bana af því hinu sama spjóti, ok féll Hreiðarr á bak aptr á þiljurnar, en Magnús á hann ofan. En þat mælir hverr maðr, at hann þœtti vel ok prúðliga hafa 5 fylgt sínum lánardróttni; gott er hverjum, er slíkan orðróm getr. Þar féll Loðinn saupprúðr af Línustöðum á skipi Magnús konungs ok Brúsi Þormóðarson, stafnbúi Sigurðar slembis, ok Ívarr Kolbeinsson ok Hallvarðr fægir, fyrirrúmsmaðr Sigurðar slembis; sá Ívarr gékk inn at Haraldi kon- 10 ungi ok vann fyrstr á honum. Þá féll mikill hluti liðs þeira Magnús, því at Inga menn létu ekki undan ganga, þat er þeir máttu ná, þótt ek nefna fá menn til. Þeir drápu í einum hólma meir en 60 manna; þar vóru tveir íslenzkir menn drepnir, Sigurðr prestur son Bergþórs Mássonar ok 15 annarr Clemet son Ara Einarssonar. Ívarr skrauthanki son Kálfs hins ranga, er síðan var byskup í Þrándheimi norðr, hann var faðir Eiríks erkibyskups; Ívarr hafði ávalt fylgt Magnúsi, hann komst á skip Jóns kauðu bróður síns; en Jón átti Ceciliu dóttur Gyrðar Bárðarsonar, ok var þar 20 í liði Inga konungs ok Sigurðar, ok þeir 3 kómust á skip Jóns; annarr Arnbjörn ambi, er síðan átti dóttur Þorsteins í Auðsholti, þriðji var Ívarr dynta Starason, hann var bróðir Helga Starasonar, en þrœnzkr at móðurkyni, hinn vænsti maðr. En er liðsmenn urðu varir við þetta, 25 at þeir vóru þar, þá gripu þeir til vápna sinna ok géngu at þeim Jóni, en þeir bjoggust við, ok var við sjálft, at þar mundi alþýða berjast. En þat varð at sætt með þeim, at Jón leysti undan Ívar bróður sinn ok Arnbjörn, ok festi fé fyrir þá, en þat fé var honum gefit síðan. En 30 Ívarr dynta var leiddr á land upp ok höggvinn, því at þeir Sigurðr ok Gyrðr Kolbeinssynir vildu eigi taka fé fyrir hann, því at þeir kendu honum, at hann hefði verit at vígi Benteins bróður þeira. Þat sagði Ívarr byskup, at þat hefði svá yfir hann gengit, at honum hafi verst þótt, 35

er Ívarr var leiddr á land upp undir öxi, ok hvarf áðr til þeira ok bað þá heila hittast. Svá sagði Guðríðr Birgisdóttir, systir Jóns erkibyskups, Eiríki Oddssyni, en hon lézt Ívarr byskup heyra þat mæla.

Handtekinn Sigurðr slembidjákn.

5 11. Þrándr gjaldkeri hét maðr, er stýrði skipi í liði Inga konungs. En þá var svá komit, at Inga menn reru á smábátum at þeim mönnum, er á sundi váru, ok drápu hvern, er þeir náðu. Sigurðr slembidjákn hljóp á kaf af
10 skipi sínu, þá er hroðit var, ok steypiti brynjunni af sér í kafi, svam síðan ok hafði skjöld yfir sér. En menn nökkurir af skipi Þrándar tóku á sundi mann einn ok vildu drepa hann, en sá bað sik undan ok lézt mundu segja þeim, hvar Sigurðr slembir var, en þeir vildu þat. En
15 skildir ok spjót ok menn dauðir ok klæði flutu víða hjá skipunum. Sjá munut þér, sagði hann, hvar flýtr einn rauðr skjöldr, þar er hann undir. Síðan reru þeir þannug ok tóku hann ok fluttu til skips Þrándar. En Þrándr gerði orð Þjóstólfi ok Óttari ok Ámunda. Sigurðr slembir
20 hafði haft á sér eldsvirki, ok var fnjóskrinn í valhnotaraskurn innan, ok steypit um utan vaxi. Því er þess getit, at þat þótti hugkvæmligt at búa svá um, at aldri vættist. Því hafði hann skjöld yfir sér, er hann svam, at þá vissi engi, hvárt sá skjöldr var eða annarr, er margir flutu
25 á sænum. Svá sögðu þeir, at aldri mundu þeir hitta hann, ef eigi væri þeim sagt til hans. En er Þrándr kom til lands með hann, þá var sagt liðsmönnum, at hann var tekinn; þá sló ópi á herinn af fagnaðinum. En er Sigurðr heyrði þat, þá mælti hann: Margr vándr maðr mun hér
30 verða feginn af höfði mínu í dag. Þá gékk Þjóstólfr Álason til, þar er hann sat, ok strauk af höfði honum silkihúfu hlöðum búna, þá mælti Þjóstólfr: Hví vartu svá djarfr, þrælssoninn! at þú þorðir at kallast son Magnús konungs? Hann svarar: Eigi þarftu jafna föður mínum

við þræl, því at lítills var þinn faðir verðr hjá mínum föður. Hallr son Þorgeirs læknis Steínssonar var hirðmaðr Inga konungs ok var viðstaddr þessi tíðindi; hann sagði Eiríki Oddsyni fyrir, en hann reit þessa frásögn. Eiríkr reit bók þá, er kölluð er Hryggjarstykki. Í þeiri bók er sagt frá Harald- 5 aldi gilla ok tveimr sonum hans, ok frá Magnúsi blinda, ok frá Sigurði slembi, ok alt til dauða þeira. Eiríkr var vitrmaðr, ok var í þenna tíma löngum í Noregi. Suma frásögn reit hann eptir fyrirsögn Hákonar maga, lends manns þeira Haraldssona. Hákon ok synir hans váru í öllum 10 þessum deilum ok ráðagerðum. Enn nefnir Eiríkr fleiri menn, er honum sögðu frá þessum tíðindum, vitrir ok sannreyndir, ok váru nær, svá at þeir heyrðu eða sá atburðina; en sumt reit hann eptir sjálfs síns sýn eða heyrn.

Um píslir Sigurðar slembis.

15

12. Hallr segir svá, at höfðingjar vildu drepa hann láta þegar, en þeir menn, er grimmastir váru ok þóttust eiga at reka harma sinna á honum, réðu píslum hans, ok váru til þess nefndir þeir bræðr Benteins Sigurðr ok Gyrðr Kolbeinssynir, ok Pétr byrðarsveinn vildi hefna Finns bróð- 20 ur síns. En höfðingjar ok flest fólk annat gékk frá. Þeir brutu fótleggi hans í sundr með öxarhömrum ok handleggi. Þá flettu þeir hann af klæðum ok ætluðu at flá hann kvikan, ok klufu svörð í höfði honum; þat máttu þeir eigi gera fyrir blóðrás. Þá tóku þeir svarðsvipur ok börðu hann lengi, svá at 25 vandliga var öll húðin af, svá sem flegin væri. En síðan tóku þeir ok skutu stokki á hrygginn, svá at sundr gékk. Þá drógu þeir hann til trés ok hengðu, ok hjoggu síðan af honum höfuðit, ok drógu brott líkama hans ok reyrðu í hreysi nökkut. Þat er allra manna mál, vina hans ok úvina. 30 at engi maðr í Noregi hafi verit betr at sér gerr um alla hluti en Sigurðr, í þeira manna minnum er þá váru uppi, en úgæfumaðr var hann um suma hluti. Svá sagði Hallr, at hann mælti fátt ok svaraði fá, þótt menn orti orða á

hann; en þat segir Hallr, at hann brást aldri við, heldr en þeir lysti á stokk eða á stein; en þat lét hann fylgja, at þat mátti vera um góðan dreng, þann er vel væri at þrek búinn, at sá mætti standast pínungar, at því at maðr
 5 héldi munni sínum eða brygði sér lítt við; en þat sagði hann, at aldri brá hann máli sínu, ok jafnléttmælt sem þá at hann væri á ölbekk inni, hvárki mælti hann hæra né lægra eða skjálfhendra en sem vandi hans var til; mælti hann alt til þess er hann andaðist, ok söng þriðjung
 10 or psalterio; ok lézt honum þat þykkja umfram eljan ok styrk annarra manna. En prestr, sá er þar hafði kirkju skamt frá, lét lík Sigurðar færa þannug til kirkju, sá prestr var vin þeira Haraldssona. En er þetta spurðist, þá köstuðu þeir reiði á hann, ok létu aptr flytja líkit, sem áðr
 15 hafði verit, ok varð þó prestr fé fyrir gjalda. En vinir Sigurðar fóru síðan eptir líkinu or Danmörk sunnan með skip ok færdðu til Álaborgar, ok grófu at Mariukirkju þar í boenum. Svá sagði Eiríki Ketill prófastr, er varðveitti Mariukirkju, at Sigurðr væri þar grafinn. Þjóstólfr
 20 Álason lét færa lík Magnús konungs til Oslóar ok grafa at Hallvarðskirkju hjá Sigurði konungi föður hans. Loðin saupruð færdðu þeir til Túnsbergs, en alt annat lið grófu þeir þar.

Eysteinn Haraldsson kom vestan.

25 13. Sigurðr ok Ingi höfðu ráðit Noregi 6 vetr. Þat vár kom Eysteinn vestan af Skotlandi, hann var son Haralds gilla. Árni sturla ok Þorleifr Brynjólfsson ok Kolbeinn hrúga þeir höfðu farit vestr um haf eptir Eysteini, ok fylgðu honum í land ok héldu þegar norðr til Þránd-
 30 heims, ok tóku Þrændir við honum, ok var hann til konungs tekinn á Eyraþingi um gagndaga, svá at hann skyldi hafa þriðjung Noregs við bræðr sína. Sigurðr ok Ingi váru þá austr í landi, fóru þá menn í milli þeira konunganna ok sættu þá svá, at Eysteinn skyldi hafa þriðjung

ríkis. (Engar váru skírslur gervar Eysteini til faðernis), nema því var trúat, er Haraldr konungr hafði tilsagt. Bjaðök hét móðir Eysteins konungs, ok kom hon í Noreg með honum.

Magnús hét hinn fjórði son Haralds konungs, hann fóstraði Kyrpingaormr; hann var ok til konungs tekinn, ok hafði sinn hluta af landi. Magnús var veill á fótum, ok lifði litla hrið ok varð sótt dauðr; hans getr Einnarr Skúlason :

Auð gefr Eysteinn lýðum,	Fjöldýrs, hafa fjórir,	
eykr hjaldr Sigurðr skjaldar,	fólktjald, komit aldri,	
lætr Ingi slög syngva,	rýðr bragnings kyn blóði,	10
semr Magnús frið bragna.	bræðr und sál hin æðri.	

Dráp Óttars birtings.

14. Eptir fall Haralds konungs gilla var Ingiríðr dróttning gipt Óttari birtingi, hann var lenðr maðr ok höfðingi mikill, þrænzkr at ætt; hann var mikill styrktarmaðr Inga konungs, meðan hann var í barnæsku. Sigurðr konungr var ekki mikill vin hans, ok þótti hann alt hallr undir Inga konung mág sinn. Óttarr birtingr var drepinn norðr í kaupangi í einvígi um kveld, er hann skyldi ganga til aptansöngs. En er hann heyrði hvíninn af högginu, þá brá hann upp hendi sinni ok skíkkju í móti, ok hugði at kastat væri snjákekki at honum, sem títt er ungum sveinum. Hann féll við höggit. En Álfr hroði son hans kom þá gangandi í kirkjugarðinn; hann sá fall föður síns, ok svá at maðr sá, er vegit hafði, hljóp austr um kirkjuna. Álfr hljóp eptir honum ok drap hann við sönghúshornit, ok mæltu menn, at honum hefði vel gefit hefndina, ok þótti hann miklu meiri maðr síðan en áðr.

Upphaf Eysteins konungs Haraldssonar.

15. Eysteinn konungr Haraldsson var þá inn í Þrándheimi, er hann spurði fall Óttars, ok stefndi til sín bóndaliði, hann fór út til bæjar ok varð allfjöldmennr. En frændr Óttars ok aðrir vinir kendu ráðin mest Sigurði konungi,

en hann var þá í kaupangi, ok váru boendr mjök geystir á hendr honum. En konungr bauð fyrir sik skírslur ok festi járnburð, at svá skyldi sanna mál hans, ok varð þat at sætt. Fór Sigurðr konungr eptir þat suðr í land, ok urðu þessar skírslur aldri af höndum greiddar.

Upphaf Orms konungsbróður.

16. Ingiríðr dróttning gat son við Ívari sneis, sá hét Ormr, er síðan var kallaðr konungsbróðir; hann var hinn friðasti sýnum ok gerðist mikill höfðingi, sem enn mun síðar getit verða. Ingiríðr dróttning var gipt Árna á Stoðreimi, hann var síðan kallaðr konungsmágr, váru þeira börn Ingi, Nikolás, Philippus í Herðlu, ok Margrét, er átti Björn bukk, en síðan Símon Kárason.

Útferð Erlings skakka.

17. Erlingr hét son Kyrpingaorms ok Ragnhildar dóttur Sveinka Steinarssonar. Kyrpingaormr var son Sveins Sveinssonar, Brændssonar or Gerði. Móðir Orms var Ragna, dóttir Orms jarls Eilífssonar ok Sigríðar, dóttur Finns jarls Árnasonar. Móðir Orms jarls var Ragnhildr, dóttir Hákonar jarls hins ríka. Erlingr var vitr maðr ok var vin mikill Inga konungs, ok með hans ráði fékk Erlingr Kristínar, dóttur þeira Sigurðar konungs ok Malmfríðar dróttningar. Erlingr átti bú á Stuðlu á Sunnhörðalandi. Erlingr fór or landi ok með honum Eindriði ungi, ok ennfleiri lendir menn, ok höfðu frítt lið. Þeir bjoggust til Jór-salaferðar, ok fóru vestr um haf til Orkneyja. Þaðan fór Rögnvaldr jarl, er Kali var kallaðr, ok Vilhjálmr byskup, þeir höfðu alls af Orkneyjum 15 langskip, ok sigldu til Suðreyja, ok þaðan vestr til Vallanda, ok þá leið síðan, er farit hafði Sigurðr konungr Jórsalafari út til Nörvasunda, ok herjuðu víða út um Spán heiðna. Litlu síðar en þeir sigldu um sundin, skildist brott Eindriði ungi ok þeir er honum fylgðu með 6 skipum, ok fóru síðan sér hvárir. En

Rögnvaldr jarl ok Erlingr skakki hittu á drómund einn í hafi, ok lögðu til 9 skipum ok börðust við þá; en at lyktum lögðu þeir snekkjurnar undir drómundinn, báru þá heiðnir menn ofan á þá bæði vápn ok grjót, ok grýtur fullar af vellanda biki ok viðsmjörvi. Erlingr lá sínu skipi 5 næst þeim, ok bar fyrir utan þat skipit vápnaburðinn heiðinna manna. Þá hjoggu þeir Erlingr raufar á drómundinum, sumar í kafi niðri, sumar uppi á borðunum, svá at þeir fóru þar inn. Svá segir Þorbjörn Skakkaskáld í Erlingsdrápu:

10

Hjoggu óxar eggjum
 ngglaust hvatir glugga,
 því var nent, á nýju
 Norðmenn í kaf borði.

Eyðendr sá yðrar
 arnar hungrs, á járnum
 vágfylvingi, vélar,
 vígskörð ofan börðut.

Auðun rauði hét sá maðr, stafnbúi Erlings, er fyrst gékk 15 upp á drómundinn; þeir unnu drómundinn ok drápu þar úgrynni manna, tóku þar ofamikit fé, ok unnu þar fagran sigr. Rögnvaldr jarl ok Erlingr skakki kómu í þeiri ferð til Jórsalalands, ok út til árinna Jórdanar. Sneru þá aptr, ok fyrst til Miklagarðs, létu þar eptir skip sín, fóru 20 utan landveg, ok héldu heilu öllu, þar til er þeir kómu í Noreg, ok var þeira ferð allmjök lofuð. Þótti Erlingr nú miklu meiri maðr en áðr, hvártveggja af ferð sinni ok kvánfangi sínu, var hann ok spekingr at viti, auðigr ok ættstórr, snjallmæltr, ok var mest hallr at allri vináttu til 25 Inga þeira bræðra.

Fæddr Hákon herðibreiðr.

18. Sigurðr konungr reið at veizlum í Vík austr með hirð sína, ok reið um bæ þann, er ríkr maðr átti, er Símon hét. En er konungr reið gegnum bæinn, þá heyrði hann 30 í hús nökkut kveðandi svá fagra, at honum fannst um mikit, ok reið til hússins ok sá inn, at þar stóð kona ein við kvern ok kvað við forkunnar fagrt, er hon mól. Konungr sté af hestinum ok gékk inn til konunnar, ok lagðist

með henni. En er konungr fór í brott, þá vissi Símon bóndi, hvat erendi konungr hafði þannug; en hon hét Þóra ok var verkakona Símonar bónda. Síðan lét Símon varðveita kost hennar. En eptir þat ól sú kona barn, ok var
 5 sá sveinn nefndr Hákon ok kallaðr son Sigurðar konungs; fœddist Hákon þar upp með Símoni Þorbergssyni ok Gunnhildi konu hans. Fœddust þar ok upp synir þeira Símonar, Önundr ok Andreas, ok unnust þeir Hákon mikit, svá at þá skildi ekki nema hel.

10 *Eysteinn konungr bardist við Leikberg.*

19. Eysteinn konungr Haraldsson var staddr austr í Vik nær landsenda; hann varð úsátttr við bæendr Ræni ok Hísingbúa; gerðu þeir samnað at honum, en hann hélt við þá orrostu ok hafði sigr. Þar heitir Leikberg, er þeir
 15 börðust; hann brendi ok mjök víða í Hísing. Síðan géngu bæendr til handa ok guldu gjöld stór, en konungr tók gisla af þeim. Svá segir Einarr Skúlason:

	Víkverjum galt,	Vann siklingr sótt
	varð þannug halt,	við snarpa drótt,
20	görræði gramr	leyfð er lýðum bær,
	gjöfmíldr ok framr.	Leikbergi nær.
	Flest fólk var hrætt	Rænir flýðu ríkt
	áðr féngu sætt,	ok reiddu slíkt,
	en gisla tók	öld festi auð,
25	sá er gjöldin jók.	sem öðlingr bauð.

Vestrferð Eysteins konungs.

20. Litlu síðar byrjaði Eysteinn konungr ferð sína or landi vestr um haf, ok sigldi til Kataness, hann spurði til Haralds jarls Maddaðarsonar í Þórsá, hann lagði til
 30 með þrjár smáskútur, ok kómu á þá úvara. En jarl hafði þrítugt skip, ok á 80 manna. En er þeir váru úbúnir við, þá féngu þeir Eysteinn konungr þegar uppgöngu á skipit, ok tóku höndum jarl ok höfðu með sér á skip. Hann

leysti sik út með 3 mörkum gulls, ok skildust þeir at svá búnu. Svá segir Einarr Skúlason:

Váru, sögn, með, sára,
syni Maddaðar staddir,
mágrennir fremsk, manna,
máttigr, tigr átta.

Þrim skútum tók þreytir
þann jarl drasils hranna,
hraustr gaf hræskúfs nistir 5
höfuð sitt frömum jöfri.

Eysteinn konungr sigldi þaðan suðr fyrir austan Skotland ok lagði til kaupstaðar þess á Skotlandi, er heitir Apardjón, ok drap þar mart manna ok rænti staðinn. Svá segir Einarr Skúlason:

10

Frétt hefi ek at féll,
fólk brustu svell,

jöfurr eyddi frið,
Apardjónar lið.

Aðra orrostu átti hann suðr við Hjartapoll við riddaralið, ok kom þeim á flótta, ok hrauð þar skip nokkur. Svá segir Einarr:

15

Beit buðlungs hjörr,
blóð féll á dörr,
hirð fylgðist holl
við Hjartapoll.

Hugin gladdi heit,
hruðusk Engla beit,
óx vitnis vín,
valbasta rín.

Þá hélt hann enn suðr á England, ok átti hina þriðju 20 orrostu við Hvítabœ ok fékk sigr, en brendi bæinn. Svá segir Einarr:

Jók hilmir hjaldr,
þar var hjörva galdr,
hjóska hildar ský
við Hvítabý.

Ríkt lék við rönn,
rauðsk ylgjar tön,
fékksk fyrðum harmr, 25
fyriskógar garmr.

Eptir þat herjaði hann víða um England; þá var Stefnir konungr á Englandi. Því næst átti Eysteinn konungr orrostu við Skarpasker við riddara nokkura. Svá segir Einarr:

Drap döglingr gegn,
dreif strengjar regn,

við Skörpusker 30
skjaldkœnan her.

Þar næst barðist hann við Pílavík, ok fékk sigr. Svá segir Einarr:

Rauð siklingr sverð,
sleit gylðis ferð
prútt Parta lík
í Pílavík.

Vann vísi alt
fyrir vestan salt,
brandr gall við brún,
brent Langatún.

5 Þeir brendu þar Langatún, mikit þorp, ok segja menn, at
sá boer hafi litla uppreist fengit síðan. Eptir þat fór Ey-
steinn konungr brott af Englandi ok um haustit aptr til
Noregs, ok ræddu menn um þessa ferð allmisjafnt.

Frá Haralds sonum.

10 21. Friðr góðr var í Noregi öndurða daga sona Har-
alds konungs, ok var þeira samþykki til nökkurrar hlítar,
meðan hit forna ráðuneyti þeira lifði. En þeir Ingi ok
Sigurðr váru bernskir, höfðu þeir þá eina hirð báðir, en
Eysteinn sér, var hann maðr fullroskinn at aldri. En
15 er andat var fóstrneyti þeira Inga ok Sigurðar, Sádagyrðr
Bárðarson, Ámundi Gýrðarson, Þjóstólfr Álason, Óttarr
birtingr, Ögmundr sviptir, ok Ögmundr dengir bróðir Erl-
ings skakka, lítils þótti vert um Erling, meðan Ögmundr
lifði, síðan skildu þeir hirð sína Ingi ok Sigurðr, ok réðst
20 þá til fulltings við Inga konung Gregorius, son Dags Ei-
lífssonar ok Ragnhildar, dóttur Skopta Ögmundarsonar.
Gregorius hafði auð fjár, ok var sjálfr hinn mesti skörungr.
Gerðist hann forstjóri fyrir landráðum með Inga konungi,
en konungr veitti honum at taka af sinni eign slíkt er
25 hann vildi.

Frá háttalagi Haralds sona.

22. Sigurðr konungr gerðist ofstopamaðr mikill ok
úeirinn um alla hluti, þegar er hann óx upp, ok svá
þeir Eysteinn báðir, ok var þat nökkuru nærr sanni, er
30 Eysteinn var, en hann var allra fégjarnastr ok sínkastr.
Sigurðr konungr gerðist maðr mikill ok sterkr, vaskligr
maðr sýnum, jarpr á hár, munnljótr, ok vel at öðrum and-

litssköpum, allra manna var hann snjallastr í máli ok ger-
vastr at sér. Þess getr Einarr Skúlason:

Snild berr snarpa elda
sárflóðs þess er rýðr blóði,
gefit hefir guð sjálfr jöfri
gagn, Sigurðar magni.

Svá es ef Rauma ræsir
reiðorðr tölur greiðir,
rausn vinnr gramr, sem gumnar, 5
glaðmæltr, þegi aðrir.

Eysteinn konungr var svartr maðr ok dæklitaðr, heldr hár
meðalmaðr, vitr maðr ok skynsamr. En þat dró mest ríki
undan honum, er hann var sínkr ok fégjarn. Hann átti
Rögnu dóttur Nikolás mása. Ingi konungr var manna 10
fegrstr í andliti, hann hafði gult hár ok heldr þunt, ok
hrökk mjök; lítill var hans uppvöxtr, ok tregliga mátti
hann ganga einn samt, svá var visinn annarr fótrinn, en
knýtt var hann á herðum ok á bringu. Hann var blið-
mæltr ok dæll vinum sínum, örr af fé, ok lét mjök höfð- 15
ingja ráða með sér landráðum, vinsæll við alþýðu, ok dró
þat alt saman mjök undir hann ríki ok fjölmenni. Brigida
hét dóttir Haralds konungs gilla, hon var gipt fyrst Inga
Hallsteinssyni Sviakonungi, en síðan Karli jarli Sónasyni,
en þá Magnúsi Sviakonungi; þeir Ingi konungr Har- 20
aldsson váru sammœðra. Síðast átti hana Birgir jarl
brosa; þau áttu fjóra sonu, einn Philippus jarl, annarr
Knútr jarl, þriðji Fólki, fjórði Magnús. Doetr þeira: Ingi-
gerðr, er átti Særkvir Sviakonungr, þeira son var Jón kon-
ungr; önnur Kristín, þriðja Margrét. María hét önnur 25
dóttir Haralds gilla, hana átti Símon skálpr, son Hallkels
húks, Nikolás hét son þeira. Margrét hét hin þriðja dóttir
Haralds gilla, hana átti Jón Hallkelsson, bróðir Símonar.
Nú gerðist mart þess í með þeim bræðrum, er til sundr-
þykkis var, en ek mun þó hins eins geta, er mér þykkir 30
mestum tíðindum sætt hafa.

Nikolás kardináli kom til lands.

23. Nikolás kardináli af Rómaborg kom í Noreg á
dögum þeira Haralds sona, ok hafði pávinn hann sent í

Noreg. En kardinálinn hafði reiði á þeim Sigurði ok Eysteini, ok urðu þeir at ganga til sættar við hann, en hann var afarvel sáttir við Inga ok kallaði hann son sinn. En er þeir váru allir sáttir við hann, veitti hann þeim at
5 vígja Jón Birgisson til erkibyskups í Þrándheimi, ok fékk honum klæði þat, er pallium heitir, ok mælti svá, at erkibyskupsstóll skyldi vera í Niðarósi at Kristskirkju, þar er Ólafr konungr hinn helgi hvílir, en áðr höfðu ljóðbyskupar einir verit í Noregi. Kardinálinn kom því við, at engi
10 maðr skyldi með vápn fara í kaupstöðum at úsekju, nema 12 menn, þeir er fylgð áttu með konungi. Hann boetti at mörgu síð manna í Noregi, meðan hann var þar í landi. Engi hefir sá maðr komit í Noreg útlendr, er allir menn mæti jafnmikils, eða jafnmiklu mætti ráða við alþýðu, sem
15 hann. Hann fór suðr síðan með miklar vingjafir, ok lézt jafnan mundu vera hinn mesti vin Norðmanna. En er hann kom suðr til Rómaborgar, þá andaðist bráðliga pávinn, sá er áðr hafði verit, en allr Rómaborgar lýðr vildi taka Nikolaum til páva. Þá var hann vígðr til páva með nafni
20 Adrianus. Svá segja þeir menn, er um hans daga kómu til Rómaborgar, at aldri átti hann svá skylt erendi við aðra menn, at eigi mælti hann við Norðmenn fyrst ávalt, er þeir vildu hafa mál hans. Hann var eigi lengi pávi, ok er hann kallaðr heilagr.

25 *Jartegnir Ólafs konungs.*

24. Á dægum þeira sona Haralds gilla varð (sá) atburðr, at maðr er Halldórr nefndr, er varð fyrir Vindum, ok tóku þeir hann ok veittu honum meizlur, skáru kverkrnar ok drógu þar út tunguna, ok skáru af í tungurótunum.
30 Síðan sótti (hann) til hins helga Ólafs konungs, rendi hugnum fastliga til þess helga manns, ok bað mjök grátandi Ólaf konung ljá sér máls ok heilsu. Því næst fékk hann mál ok miskunn af þessum góða konungi, ok gerðist þegar hans þjónostumaðr um alla sína lífdaga, ok varð dýrligr

maðr ok trúfastr. Þessi jarategn varð hálfum mánaði fyrir Ólafsmessu hina síðari, á þeim degi er Nikolás kardináli varð landfastr.

Jartegnir Ólafs konungs við Ríkarð prest.

25. Bræðr tveir váru á Upplöndum, kynstórir menn 5 ok fjáðir vel, synir Gothorms grábarðs, Einar ok Andres, móður(bræðr) Sigurðar konungs Haraldssonar, áttu þar óðul ok eignir allar. Systur áttu þeir friða heldr at yfirsýn, en eigi þó til forsjála við vándra manna orði, sem síðan reyndist. Hafði hon blíðlæti mikit við prest einn enskan, er Rík- 10 arðr hét, er þar var heimiljavistum með bræðrum hennar, ok gerði hon honum mart í vild ok opt mikit gagn fyrir sakir góðvilja. Þat bar eigi betr at, en um konu þá fór ok flaug ferligt orð; síðan er þat var á málreið komit, þá hugðu þat allir menn á hendr prestinum, ok svá bræðr 15 hennar, þegar er þeir urðu þess varir, þá létu þeir hann líkligstan til fyrir alþýðu í þeirri miklu blíðu, er þeira varð á meðal. Varð þeim síðan mikill úfarnaðr, sem eigi var ærvænt, er þeir þögðu um leyðri vél, ok létu ekki á sér finna. En um dag nökkurn kölluðu þeir prestinn til sín, 20 hann varði enskis af þeim nema góðs eins, teygðu hann heiman með sér, ok kváðust fara skyldu í annat herað at sýsla þar nökkut, þat er þeir þurftu, ok báðu hann fylgja sér; höfðu með sér heimamann sinn, er vissi þessi ráð með þeim. Fóru þeir á skipi eptir vatni því er Rönd heitir, 25 ok fram með vatnsatröndinni, ok lendu við nes þat, er Skiptisandr heitir; þeir gengu þar á land upp, ok léku stund nökkura. Þá fóru þeir í nökkurn leyndan stað, þá báðu þeir verkmanninn ljósta hann öxarhamars högg. Hann sló prest, svá at hann lá í svima. En er hann vitkaðist, 30 mælti hann: Hví skal nú svá hart við mik leika? Þeir svöruðu: Þótt engi segi þér, þá skaltu nú finna, hvat þú hefir gert. Báru síðan sakir á hendr honum. Hann synjaði ok mælti, bað guð skipta milli þeira ok hinn helga

Ólaf konung. Síðan brutu þeir sundr fótleggi hans; þá drógu þeir hann milli sín til skógar ok bundu hendr hans á bak aptr. Síðan lögðu þeir streng at höfði honum ok þilju undir herðar ok höfuðit, ok settu í sneril, ok sneru
5 at strenginn. Þá tók Einarr hæl, ok setti á augat prestinum, ok þjónn hans stóð yfir ok laust á með öxi, ok hleypti út auganu, svá at þegar stökk niðr á kampinn. En þá setti hann hælinn á annat augat ok mælti við þjóninn: Ljóstu mun kyrrara. Hann gerði svá, þá skauzt hælinn
10 af augasteininum ok sleit frá honum hvarminn. Síðan tók Einarr hvarminn með hendi sinni ok hélt af upp, ok sá, at augasteinninn var þar. Þá setti hann hælinn við kinnina út, en þjónninn laust þá, ok sprakk augasteinninn á kinnarbeinit niðr, þar er þat var hæst. Síðan opnuðu þeir munn
15 hans, ok tóku tunguna ok drógu út ok skáru af, en síðan leystu þeir hendr hans ok höfuð. Þegar er hann vitkaðist, þá varð honum þat fyrir, at hann lagði augasteinana upp við brýnnar í stað sinn, ok hélt hann þar at báðum höndum sem hann mátti. En þá báru þeir hann til skips, ok fóru
20 til bæjar þess, er heitir á Sæheimruð, ok lendu þar. Þeir sendu mann til bæjarins at segja, at prestr lá þar at skipi á ströndu. Meðan sá maðr var uppfarinn, er sendr var, þá spurðu þeir, ef prestr mætti mæla, en hann blaðraði tungunni ok vildi við leita at mæla. Þá mælti Einarr við
25 bróður sinn: Ef hann réttist við, ok groer fyrir tungustúfinn, þá kemr mér þat í hug, at hann muni mæla. Síðan kliptu þeir tungustúfinn með tång ok toguðu, ok skáru tysvar þaðan frá, ok í tungurótunum hit þriðja sinn, ok létu hann þar liggja hálfdaðan. Húsfreyja þar á boenum var fátæk,
30 en þó fór hon þegar, ok dóttir hennar með henni, ok báru hann heim til húss í mötlum sínum. Síðan fóru þær eptir presti. En er hann kom þangat, þá batt hann sár hans öll, ok leituðu þau honum kæginda slíkra, sem þau máttu. Hann lá hinn sári prestr aumliga búinn, vilnaðist jafnan
35 guðs miskunnar ok tortrygði þat aldri, bað guð mállaus

með hugrenning ok sútfullu hjarta, því öllu traustara, er hann var sjúkari, ok rendi huginum til þess milda konungs Ólafs hins helga, guðs dýrlings, ok hafði hann áður heyrt mart sagt frá hans dýrðarverkum, ok trúði því öllu hvatara á hann af öllu hjarta til allrar hjálpar í sínum nauðum.⁵ En er hann lá þar lami ok öllu megni numinn, þá grét hann sárliga ok stundi, ok bað með sáru brjósti þann dýr-ling Ólaf konung duga sér. En eptir miðja nótt þá sofnaði prestr hinn sári, þá þóttist hann sjá mann göfugligan koma til sín ok mæla við sik: Illa ertu nú leikinn, Ríkarðr¹⁰ félagi! sé ek, at eigi er nú máttinn mikill. Hann þóttist sanna þat. Þá mælti sá við hann: Miskunnar ertu þurfi. Prestr svarar: Ek þyrfta miskunnar guðs almáttigs ok hins helga Ólafs konungs. Hann svarar: Þú skalt hafa ok. Því næst tók hann tungustúfinn ok heimti svá hart, at¹⁵ prestinum varð sárt við. Því næst strauk hann hendi sinni um augu honum ok um bein, svá um aðra limi, er sárir váru. Þá spurði prestrinn, hverr þar væri? Hann leit við honum ok mælti: Ólafr er hér norðan or Þrándheimi. En síðan hvarf hann í brott; en prestrinn vaknaði alheill,²⁰ ok þegar tók hann at mæla: Sæll em ek nú, sagði hann; guði þökk ok hinum helga Ólafi konungi, hann hefir græddan mik. En svá hörmuliga sem hann var áður leikinn, svá bráðar bætr fékk hann allrar þeirrar úhamingju, ok svá þótti honum, sem hann hefði hvárki orðit sárr né²⁵ sjúkr; tungan heil, augun bæði í lag komin, beinbrotin gróin, ok öll önnur sár gróin eða verklaus, fengit hina beztu heilsu. En til jarteina var, at augu hans höfðu verit útstungin, þá greri örr hvítt á hvarmi hvarumtveggja, til þess at sjá mætti dýrð þess hins göfuga konungs á þeim³⁰ manni, er svá var aumliga búinn.

Ráðagerð konunga.

26. Eysteinn ok Sigurðr höfðu orðit úsáttir fyrir þá sök, at Sigurðr konungr hafði vegit hirðmann Eysteins

konungs, Harald hinn víkverska, er hús átti í Björgyn, ok annan Jón prest taparð son Bjarna Sigurðarsonar; fyrir þá sök lögðu þeir með sér sættarstefnu um vetrinn á Upplöndum. Þeir sátu lengi tveir á mali. En þat kom upp
5 or hjali þeira, at þeir skyldu hittast í Björgyn allir bræðr eptir um sumarit. Þat fylgði því máli, at þeir vildu, at Ingi konungr hefði bú tvau eða þrjú ok svá mikil önnur auðæfi, at hann hefði þrjátígi manna með sér; ok lézt þykkja hann eigi hafa heilsu til at vera konungr. Ingi ok Gregorius
10 spurðu þessi tíðindi, ok fóru til Björgynjar ok fjölmentu mjök. Sigurðr kom þar litlu síðar, ok hafði hann lið sýnu minna. Þá höfðu þeir Ingi ok Sigurðr verit 19 vetr konungar yfir Noregi. Eysteinn var seinni austan or Víkinni en þeir norðan. Þá lét Ingi konungr blása til
15 þings í Hólm, ok koma þeir þar Sigurðr ok Ingi konungr, ok fjölmenni mikit. Gregorius hafði 2 langskip, ok vel níutígu manna, er hann fékk allar vistir; hann hélt betr húskarla sína en aðrir menn lendir, því at hann drakk aldri svá í skytningum, at eigi drykki húskarlar hans allir með
20 honum. Hann gekk með hjálm gullroðinn á þingit, ok alt hans lið var hjálmát. Ingi konungr stóð upp ok sagði mönnum frá, hvat hann hafði spurt, hvernug bræðr hans vildu við hann skipa, ok bað sér liðs. En alþýða manna gerði góðan róm at máli hans, ok létust honum vilja fylgja.

25 *Frá Gregorius Dagssyni.*

27. Þá stóð upp Sigurðr konungr ok talar, sagði þat úsatt, er Ingi konungr kendi þeim, kvað Gregorium slíkt uppsetja, ok kvað eigi skyldu langt til, at sá fundr þeira skyldi verða, ef hann mætti ráða, at hann mundi
30 steypa hjálminum þeim hinum gullroðna, ok lauk svá sínu máli, at hann kvað þá eigi lengi skyldu ganga báða. Gregorius svarar, kvaðst þat ætla, at hann þyrfti lítt at fýsast þess, ok lézt við því búinn vera. Fám dögum síðar var veginn húskarl Gregorii úti á stræti, ok vá húskarl Sig-
35 urðar konungs. Þá vildi Gregorius ganga at þeim Sig-

urði konungi, en Ingi konungr latti, ok mart annarra manna. En er Ingiríðr móðir Inga konungs gékk frá aptansöng, þá kom hon at, þar er veginn var Sigurðr skríðhyrna, hann var hirðmaðr Inga konungs ok var gamall, ok hafði mörgum konungum á höndum verit; en þeir höfðu 5 vegit hann hirðmenn Sigurðar konungs, Hallvarðr Gunnarsson ok Sigurðr, son Eysteins trafala, ok kendu menn ráðin Sigurði konungi. Þá gékk hon þegar til Inga konungs ok sagði honum, kvað hann lengi mundu lítinn konung, ef hann vildi ekki at fœrast, þótt hirðmenn hans væri drepnir, 10 annarr at öðrum, svá sem svin. Konungrinn reiddist við átökur hennar, ok er þau hníptust við, kom Gregorius inn gangandi hjálmaðr ok brynjaðr, bað konung eigi reiðast, kvað hana satt mæla: En ek em hér kominn til liðs við þik, ef þú vilt veita Sigurði konungi atgöngu, ok hér er 15 meir en hundrað manna út í garðinum, húskarla minna, hjálmaðir ok brynjaðir, ok munu vér þaðan at þeim sækja, er öðrum þykkir verst. En flestir löttu ok kváðu Sigurð mundu vilja boeta úhapp sitt. En er Gregorius sá, at letjast mundi, þá mælti hann við Inga konung: Svá 20 bleðja þeir af þér, drápu minn húskarl fyrir skömmu, en nú hirðmann þinn, en þeir munu vilja veiða mik eða annan lenda manna, þann er þeim þykkir þér mest afnám at vera, er þeir sjá, at þú fœrist ekki at, en taka þik af konungdóminum, eptir þat er vinir þínir eru drepnir. Nú 25 hverngan veg sem aðrir lendir menn þínir vilja, þá vil ek eigi blíða nauthöggsins, ok skulu vit Sigurðr kaupa saman þessa nótt, at því kaupi sem þá má verða; en þat er bæði, at þú ert illa attekinn fyrir vanheilsu sakir, enda ætla ek lítinn viljann at halda vini þína; en ek em nú alþúinn at 30 ganga til fundar við Sigurð héðan, því at hér er merki mitt úti. Ingi konungr stóð upp ok kallaði til klæða sinna, ok bað hvern mann búast, er honum vildi fylgja, ok kvað ekki tjá at letja sik, lézt lengi hafa undan ært, lét þá verða at sverfa til stáls með þeim.

Fall Sigurðar konungs.

28. Sigurðr konungr drakk í garði Sigríðar sætu, ok
bjóst við ok ætlaði at ekki mundi af sigðingum verða.
Síðan gengu þeir at garðinum, Ingi konungr ofan frá smíða-
5 búðum, Árni konungsmágr utan frá Sandbrú, Áslákr Er-
lendsson or garði sínum, en Gregorius af strætinu, ok þótti
þaðan verst. Þeir Sigurðr skutu mjök or loptgluggum
ok brutu ofna, ok báru grjótit á þá. Þeir Gregorius brutu
upp garðshliðit, ok féll þar Einarr son Laxapáls í hliðinu
10 af liði Sigurðar konungs, ok Halvarðr Gænnarsson, hann
var skotinn í loptit inn, ok harmaði hann engi maðr. Þeir
hjoggu húsin, ok gékk lið Sigurðar konungs af hendi honum
til griða. Þá gékk Sigurðr á loptit eitt ok vildi beiða sér
hljóða, en hann hafði gullroðinn skjöld, ok kændu menn
15 hann ok vildu eigi hlýða honum, en menn skutu at honum
svá sem í drífu sæi, ok mátti hann eigi þar vera. En þá
er liðit var gengit af hendi honum, ok menn hjoggu
húsin mjök, þá gékk hann út, ok Þórðr húsfreyja með
honum, hirðmaðr hans, víkverekr maðr, ok vildu þannug,
20 sem Ingi konungr var fyrir, ok kallaði Sigurðr á Inga
bróður sinn, at hann skyldi selja honum grið. En þeir váru
þegar höggnaðir báðir; féll Þórðr húsfreyja með orðlefi miklu.
Þar féll mart manna, þótt ek nefna fátt, af liði Sigurðar,
ok svá af Inga liði; en 4 menn af Gregorii liði, ok svá
25 þeir er með hvárigum váru, ok urðu þeir fyrir skotum á
bryggjum niðri eða á skipum úti. Þeir börðust 14 nóttum
fyrir Jónsmessu baptista, en þat var föstudagr. Sigurðr
konungr var jarðaðr at Kristekirkju hinnu fornu í Hólmi
út. Ingi konungr gaf Gregorio skip þat, er Sigurðr kon-
30 ungr hafði átt. En tveim nóttum eða þrim síðar kom
Eysteinn konungr austan með 30 skipa, ok hafði þar
Hákon bróðurson sinn í ferð með sér, ok fór eigi til Björg-
ynjar, ok dvaldist í Flóruvágum, en menn fóru í meðal
ok vildu sætta þá; en Gregorius vildi, at þeir legði út at
35 þeim, ok kvað eigi síðar betra, kvaðst hann mundu vera

höfðingi at því: En þú, konungr! far eigi; er nú eigi vant liðs til. En margir löttu, ok tókat af því eigi ferðin. Eysteinn konungr fór austr í Víkina, en Ingi konungr norðr í Þrándheim; ok váru þeir þá sáttir at kalla, ok hittust eigi sjálfir.

5

Frá Gregorio Dagssyni.

29. Gregorius Dagsson fór austr litlu síðar en Eysteinn konungr, ok var uppi á Höfundi á Brattsbergi at búi sínu. Eysteinn konungr var inni í Osló, ok lét draga skip sín meir en 2 vikur sjávar at ísi, því at íslög váru mikil inn í Víkinni. Hann fór upp á Höfund ok vildi taka Gregorium, en hann varð varr við ok fór undan upp á Þelamörk með níutigi manna; ok þar norðr um fjall, ok kom ofan á Harðangri, ok fór síðan í Eðni til Stuðlu, þar átti Erlingr skakki bú, en hann var farinn norðr til Björg- ynjar, en Kristín kona hans dóttir Sigurðar konungs var heima, ok bauð Gregorio slíkt, er hann vildi hafa þaðan, ok fékk Gregorius þar góðar viðtökur. Hann hafði langskip þaðan, er Erlingr átti, ok alt þat er hann þurfti. Gregorius þakkaði henni vel ok lét henni hafa orðit stórmannliga, sem ván var at. Þeir fóru síðan til Björgynjar ok funnu Erling, ok þótti honum hon vel hafa gert.

Sætt Inga konungs ok Eysteins konungs.

30. Síðan fór Gregorius Dagsson norðr til kaupangs, ok kom þar fyrir jól. Ingi konungr varð hinn fegnasti honum, ok bað hann hafa slíkt alt af sinni eign, sem hann vildi. Eysteinn konungr brendi bæ Gregorii ok hjó búit; en naust, þau er Eysteinn konungr hinn ellri hafði gera látit norðr í kaupangi, er mestar gersimar váru, þá váru brend um vetrinn, ok skip góð með, er Ingi konungr átti. ok var þat verk hit úvinsælasta, en ráðin váru kend Eysteini konungi ok Philippo Gyrðarsyni fóstbróður Sigurðar konungs. Um sumarit eptir fór Ingi norðan, ok gerðist

25

3

hinn fjölmennasti, en Eysteinn konungr austan, ok samnaði hann sér ok liði. Þeir hittust í Seleyjum fyrir norðan Líðan-
disnes, ok var Ingi konungr miklu fjölmennari; var þá við
sjálft, at þeir mundu berjast. Þeir sættust, ok varð þat at sætt,
5 at Eysteinn skyldi festa at gjalda hálfan fimta tog marka gulls;
skyldi Ingi konungr hafa 80 marka, fyrir þat er Eysteinn hafði
ráðit skipabrunanum, ok svá naustanna; en þá skyldi Phil-
ippus vera útlagr, ok svá þeir allir, er at brennunni höfðu
verit, þar er skipin váru brend; þeir menn skyldu ok
10 vera útlagir, er sannir váru at áverkum við Sigurð konung,
því at Eysteinn konungr kendi þat Inga konungi, at hann
héldi þá menn; en Gregorius skyldi hafa 15 merkr
fyrir þat, er Eysteinn konungr brendi upp fyrir honum.
Eysteini konungi líkaði illa, ok þótti nauðungarsætt vera.
15 Ingi konungr fór austr í Vík frá stefnunni, en Eysteinn
norðr í Þrándheim. Síðan var Ingi konungr í Víkinni, en
Eysteinn konungr norðr, ok hittust þeir ekki; en þau ein
fóru orð í milli, er ekki váru til sætta, ok svá lét hvár-
tveggi drepa vini annars, ok varð ekki af fégjaldinu af
20 Eysteins hendi; kendi ok hvárr öðrum, at ekki héldi þat er
mælt var. Ingi konungr ok þeir Gregorius spöndu mjök
lið undan Eysteini konungi, Bárð standala Brynjólfsson ok
Simon skálp, son Hallkels húks, ok mart annat lendra
manna, Halldór Brynjólfsson ok Jón Hallkelsson.

25 *Frá Inga konungi ok Eysteini.*

31. Þá er liðnir váru tveir vetr frá falli Sigurðar
konungs, drógu konungar her saman, Ingi austan or landi,
ok fékk hann áttatigi skipa, en Eysteinn konungr norðan,
ok fékk hann hálfan fimta tog skipa. Þá hafði hann dreka
30 hinn mikla, er Eysteinn konungr Magnússon hafði látit
gera, ok höfðu þeir allfrítt lið ok mikit. Ingi konungr lá
skipum sínum suðr við Mostr, en Eysteinn konungr litlu
norðar í Grœningasundi. Eysteinn konungr sendi suðr til
Inga konungs Áslák unga Jónsson ok Árna sturlu Sæ-

bjarnarson; þeir höfðu eitt skip. En er Inga menn kendu þá, lögðu þeir at þeim ok drápu mart manna af þeim, tóku skipit ok alt þat er á var, ok hvert fat þeira. En Áslákr ok Árni ok nökkurir menn með þeim kómust undan á land upp ok fóru til fundar við Eystein konung, ok sögðu honum, hvernug Ingi konungr hafði fagnat þeim. Eysteinn konungr hafði þá húsping ok sagði mönnum, hvern úfrið þeir Ingi vildu gera, ok bað liðsmenn, at þeir skyldu honum fylgja: ok höfum vér lið svá mikit ok gott, at ek vil hvergi undan flýja, ef þér vilit fylgja mér. En engi varð rómr at máli hans. Hallkell húkr var þar, en synir hans báðir með Inga konungi Símon ok Jón. Hallkell svaraði, svá at mjök margir heyrðu: Fylgi gullkistur þínar þér nú ok veri land þitt.

Um líflát Eysteins konungs.

15

32. Um nóttina eptir reru þeir í brott mörgum skipum á laun, sumir til lags við Inga konung, sumir til Björgynjar, sumir í Fjörðu inn. En at morni er ljóst var, þá var konungr 10 skipum einum eptir; þá lét hann þar eptir dreka hinn mikla, því at hann var þungr undir árum, ok fleiri skipin, ok hjoggu drekann mjök, ok svá hjoggu þeir niðr mungát sitt, ok alt þat er þeir máttu eigi með sér hafa, spiltu þeir. Eysteinn konungr gékk á skip Eindriða Jónssonar mörnefs, ok fóru þeir norðr ok inn í Sogn, ok þaðan hit efra austr til Víkr. Ingi konungr tók skipin, ok fór austr hit ytra í Víkina. En fyrir austan Fold þá var þar Eysteinn konungr ok hafði nær 12 hundruð manna. Þá sá þeir skipalið Inga konungs, ok þóttust eigi lið við hafa, ok hljópu á skóg undan; þá flýði á sinn veg hvat, svá at konungr var við annan mann. Þeir Ingi konungr urðu varir við farar Eysteins konungs, ok svá þat, at hann var fámeðr; þeir fóru át leita hans. Símon skálpr hitti hann, er hann gékk undan hrísrunni einum at þeim. Símon heilsaði honum: Heill lávarðr! sagði hann.

Konungr sagði: Eigi veit ek nema þú þykkist nú minn lávarðr, sagði hann. Er nú sem gerist, sagði Símon. Konungr bað, at hann skyldi honum undan skjóta, kvað honum þat byrja, því at lengi hefir með okkr vel verit, þótt nú sé annan
5 veg. Símon kvað þá ekki mundu af því verða. Konungr bað, at hann skyldi hlýða messu áðr, ok þat var. Síðan lagðist hann niðr á grúfu ok breiddi hendr frá sér út, ok bað sík höggva í kross á milli herðanna, kvað þá skyldu reyna, hvárt hann mundi þola járn eða eigi, sem þeir höfðu sagt lags-
10 menn Inga konungs. Símon mælti við þann, er höggva skyldi, bað hann til ráða, kvað konung hœlzt lengi hafa kropit þar um lyng. Hann var þá höggvinn, ok þótti verða við þrúðliga. Lík hans var flutt til Fors, en fyrir sunnan kirkju undir brekkunni var lík hans náttsett. Eysteinn konungr var jarðaðr
15 at Forskirkju, ok er leg hans á miðju kirkjugólfi, ok breiddr yfir kögnurr, ok kalla menn hann helgan. Þar sem hann var höggvinn ok blóð hans kom á jörð, spratt upp brunnr, en annarr þar undir brekkunni, er lík hans var náttsett. Af hvárutveggja því vatni þykkjast margir menn bót hafa fengit.
20 Þat er sögn Víkverja, at margar jarteinir yrði at leiði Eysteins konungs, áðr úvinir hans steypti á leiðit hundssóði. Símon skálpr var hit mesta úþokkaðr af verki þessu, ok var þat alþýðumál; en sumir sögðu, þá er Eysteinn konungr var handtekinn, at Símon sendi mann til fundar við
25 Inga konung, en konungr bað Eystein eigi koma í augsyn sér. Svá hefir Sverrir konungr rita látit, en þannug segir Einarr Skúlason:

Mun sá er morði vandisk
 margillr ok sveik stilli

síð af slíkum ráðum
 Símon skálpr of hjálpask.



SAGAN AF HÁKONI HERÐIBREID.

Upphaf Hákonar herðibreids.

1. Hákon son Sigurðar konungs var tekinn til höfðingja yfir flokk þann, er áður hafði fylgt Eysteini konungi, ok gáfu flokksmenn honum konungsnafn; þá var hann 10⁵ vetra. Þar váru þá með honum Sigurðr son Hallvarðs haults af Reyri, ok þeir Andreas ok Önundr fóstbræðr Hákonar Símonar synir, ok mart annarra höfðingja ok vina Eysteins konungs ok Sigurðar konungs. Þeir fóru fyrst upp á Gautland. Ingi konungr kastaði sinni eigu¹⁰ á þat alt, er þeir áttu í Noregi, ok gerði þá útlaga. Ingi konungr fór norðr í Víkina, ok var þar, en stundum norðr í landi. Gregorius var í Konungahellu við háskann ok varði þar landit.

Frá Gregorius Dagssyni.

15

2. Eptir um sumarit kómu þeir Hákon ofan af Gautlandi, ok fóru til Konungahellu ok höfðu allmikitt lið ok frítt. Gregorius var þar í boenum, ok stefndi þing fjölment við boendr ok boejarmenn ok krafði sér liðs; honum þóttu menn lítt roema, ok lézt hann illa trúa þeim. Hann²⁰ fór í brott tveim skipum ok inn í Víkina ok var allúglaðr, hann ætlaði til fundar við Inga konung, því at hann hafði spurt, at Ingi konungr fór við her mikinn norðan um Víkina. En er Gregorius var skamt norðr kominn, þá mætti hann hann þeim Símoni skálp ok Halldóri Brynjólfssyni ok Gyrði²⁵ Ámundasyni fóstbróður Inga konungs. Gregorius varð þeim feginn mjök, hann hvarf þá aptr, ok þeir allir samt,

ok höfðu 11 skip. En er þeir reru upp til Konungahellu, þá höfðu þeir Hákon þing fyrir utan bæinn ok sá för þeira. Þá mælti Sigurðr af Reyri: Nú er Gregorius feigr, er hann ferr í hendr oss með fá liði. Gregorius lagði at
 5 landi gagnvart bænum, ok vildi biða Inga konungs, því at hans var ván, en hann kom eigi. Hákon konungr bjóst við í bænum, ok lét Þorljót skaufuskalla vera höfðingja í liði því, er var á kaupskipum þeim, er flutu fyrir bænum, hann var víkingr ok ránsmaðr. En Hákon ok Sigurðr ok
 10 allr herrinn var í bænum, ok fylktu á bryggjunum. Allir menn höfðu þar gengit undir Hákon.

Flótti Hákonar konungs.

3. Þeir Gregorius reru upp eptir ánni ok létu hefja skipin ofan fyrir straumi at þeim Þorljóti. Þeir skutust á
 15 um hríð, þar til er Þorljótr hljóp fyrir borð ok hans félagar, váru sumir drepnir, en sumir kómust á land. Þá reru þeir Gregorius at bryggjum, ok þegar lét Gregorius skjóta upp bryggjum af sínu skipi undir fœtr þeim Hákonar mönnum. Þá féll sá maðr, er merki hans bar, er hann
 20 ætlaði til uppgöngu. Þá kvaddi Gregorius til at taka upp merkit Hall son Auðunar Hallssonar; hann gerði svá, ok bar síðan merkit upp á bryggjur, en Gregorius gékk þegar upp eptir honum, ok skaut skildi fram yfir höfuð honum. En þegar er Gregorius kom á bryggjurnar, ok Hákonar
 25 menn kendu hann, þá hopuðu þeir, ok gafst rúmit þegar tvá vega. En er fleira kom liðit upp af skipum, þá sótti Gregorius ok hans menn fram, en Hákonar menn hopuðu fyrst, ok runnu því næst upp í bæinn. En þeir Gregorius fylgðu þeim ok ráku þá tysvar upp or bænum ok drápu
 30 mart. Engi var för sköruligri en sú at máli manna, er Gregorius fór, fyrir því at Hákon hafði meir en 40 hundraða manna, en Gregorius eigi öll 4 hundruð. Þá mælti Gregorius við Hall Auðunarson eptir orrostuna: Margir menn þykki mér mjúkari í sóknum en þér Íslendingar, því

at þér erut úvanari en vér Noregsmenn, en engir þykkja mér vápnðjafari en þér. Þá kom Ingi litlu síðar, ok lét drepa marga menn, þá er við Hákonni höfðu tekit, en suma lét hann fé gjalda, en hann brendi bæi fyrir sumum, en suma rak hann or landi ok gerði þeim mart ilt. Hákon 5 flýði upp á Gautland undan. Hákon fór um vetrinn eptir hit efra norðr í Þrándheim, ok kom þar fyrir páskir, ok tóku Þrændir hann þar til konungs at hafa föðurleifð sína, þriðjung Noregs við Inga konung. Ingi var í Víkinni ok Gregorius, ok vildi Gregorius fara norðr at þeim, en margir 10 löttu, ok varð ekki or á þeim vetri.

Dráp Gyrðar ok Hávarðs.

4. Hákon fór norðan um várit, ok hafði nær 30 skipa. Víkverjar fóru af liði Hákonar fyrir með 8 skipum ok herjuðu á Mœri hváratveggju. Engi maðr mundi 15 fyrr herjat hafa verit milli kaupanganna. Jón son Hallkels húks samnaði bóndaliði ok fór at þeim, ok tók Kolbein óða ok drap hvert mannsbarn af skipi hans. Síðan leitaði hann hinna ok hitti þá á 7 skipum, ok börðust þeir, en Hallkell faðir hans gerði eigi fara til móts við hann, 20 sem þeir höfðu mælt. Þar féll mart bónda góðra, ok varð hann sárr sjálf. Hákon fór suðr til Björgynjar með liði sínu, ok er þeir kómu til Stjórnveltu, spurðu þeir, at Ingi konungr var áðr austan kominn fyrir fám nóttum ok Gregorius til Björgynjar, ok þorðu þeir þá eigi þannug at 25 halda. Þeir sigldu suðr um Björgyn hit ytra, ok hittu þá á þrim skipum lagsmenn Inga konungs, er seinni höfðu orðit austan. Þar var Gyrðr Ámundason fóstbróðir Inga konungs, hann átti Gyriði systur Gregorii, en annarr Gyrðr lögmaðr Gunnhildarson, þriði Hávarðr klíningr. En Hákon 30 lét drepa Gyrð Ámundason ok Hávarð klíning, en hann hafði Gyrð lögmann með sér ok fór austr í Víkina.

Frá ráðagerð.

5. En er Ingi konungr spurði þat, þá fór hann austr eptir þeim, þeir hittust austr í Elfi. Ingi konungr lagði upp í ána eptir hinni nyrðri kvísl, ok gerði njósn fyrir 5 sér um þá Hákon. En Ingi konungr lagði at landi út við Hising, ok beið þar njósnarinnar. En er njósnarmenn kómu aptr, þá gengu þeir til konungs ok sögðu, at þeir höfðu sét lið Hákonar konungs ok alla skipan þeira, sögðu, at þeir lágu uppi við stikin, ok höfðu tengt skutstafna sína 10 við stikin; þeir hafa tvá austrfararknörru, ok hafa þá lagt yzt skipanna; á knörrunum váru húnkastalar, ok svá fram í stafni á báðum. En er þetta spurði konungr, hvern viðbúnað þeir höfðu, þá lét hann blása til húspings öllu liðinu. En er þings var kvatt ok sett, þá leitar konungr ráðs 15 við lið sitt, ok kveðr at Gregorium Dagsson ok Erling skakka mág sinn, ok aðra lenda menn ok skipstjórnarmenn, ok segir allan umbúnað þeira Hákonar manna. Gregorius svaraði fyrst ok birti sinn vilja, segir svá: Fundir várir Hákonar hafa at borizt nökkurum sinnum, ok hafa þeir 20 haft optast meira lið ok fengit þó minna hlut í várum skiptum. En nú höfum vér miklu meira lið, ok mun þat nú þykkja líkligt þeim mönnum, er fyrir skömmu hafa mist fyrir þeim göfugra frænda sinna, at hér muni vel bera til um hefnd, því at þeir hafa lengi nú áðr rekizt undan oss 25 í sumar; höfum vér þat opt mælt, ef þeir biði vár, svá sem nú er sagt at vera muni, at vér mundim hætta til fundar við þá. Nú er þat at segja frá mínu skaplyndi, at ek vil leggja til orrostu við þá, ef þat er eigi í mót konungs vilja, því at ek ætla enn, sem fyrr hefir verit, at 30 þeir muni fyrir verða láta, ef vér leggjum skeleggliga at, mun ek þar til leggja, er öðrum þykkir torveldligast. At ræðu Gregorii varð mikill rómr, ok létust allir búnir at leggja til orrostu við þá Hákon. Var þá róit öllum skipunum upp eptir ánni, til þess er hvárir sá aðra, þá viku 35 þeir Ingi konungr af árstrauminum út undir eyna. Átti

konungr þá tal við stýrimenn alla, ok bað þá skipa til atlögu, ok kvaddi þá at Erling skakka, sagði, sem satt var, at engi var í því liði vetrari maðr né koenni í orrostu, þó at sumir væri enn meiri ákafamenn. Veik konungr þá enn rœðunni til fleiri lendra manna, nefndi suma á nafn, en 5 lauk svá rœðu sinni, at hann bað þat hvern til leggja, er hann sá at ráði gegndi, en síðan alla saman verða á eitt satta.

Andsvar ok tillaga Erlings skakka.

6. Erlingr skakki svaraði rœðu konungs: Skyldr em 10 ek, konungr! at þegja eigi við rœðu yðarri; en ef þér vilit forvitnast, hvat mín ráðagerð mun vera, þá skal ek yðr láta þat heyra. Þessi ætlan er nú er sett, er þvert frá mínu skapi, því at ek kalla þetta vera úfœru, at berjast við þá at svá búnu, þott vér hafim lið mikit ok frítt; ef vér skul- 15 um veita þeim atlögu ok róa árstraum þenna í móti, þar er 3 menn eru í hálfrymi, þá verðr einn at róa, en annarr at hlífa þeim, hvat er þá, nema einn þriðjungr liðs várs muni til vera at berjast? Lízt mér svá sem úvígliga muni þeir komast við orrostu, er við árarnar eru ok bókum horfa 20 við úvinum sínum. Gefit mér tómstund til ráðagerðar, en ek heit því þar í mót, at ek skal þat ráð þar til finna, fyrr en þrír dagar sé liðnir, at hógligar skulu vér við komast at leggja á fund þeira. Ok fannst þat mjök í rœðu Erlings, at hann latti atlögunnar; ok eigi at síðr 25 eggjuðu margir aðrir, ok kváðu þá Hákon mundu hlaupa á land upp enn sem fyrr: ok höfum vér þá þeira ekki, sögðu þeir, en þeir hafa nú lítit lið, ok höfum vér ráð þeira alt í hendi. Gregorius rœddi um sámu orðum, ok sneiddi svá til, sem Erlingi gengi mjök þat til, er hann latti atlögunn- 30 ar, at hann vildi þau ráð únýta, er Gregorius lagði til, heldr en hitt at hann kynni þetta gerr at sjá en allir aðrir.

Frá liði Hákonar konungs.

7. Ingi konungr mælti þá til Erlings: Mágr, sagði hann, nú viljum vér þínum ráðum framfara, hvernug háttá skal atlögunni; en fyrir því at þess eru ráðamenninir
5 fúsari, þá skulum vér nú at þeim leggja í dag. Þá mælti Erlingr: Skútur allar ok léttiskip skulu róa út um eyrna ok upp hina eystri kvísl, ok svá ofan at þeim, ok freista, at þeir megi leysa þá frá stikunum; en þá skulum vér róa stórskipunum neðan at þeim, ok veit eigi, áðr en reynt er,
10 hvárt þeir leggja því betr at en ek, sem þeir eru óðari. Þetta ráð líkaði öllum vel. Nes nökkut gékk fram milli þeira Hákonar, ok sá hvárgi skipin frá öðrum. En er skútnaherrinn rerir ofan eptir ánni, þá sá þeir Hákon þat, en áðr höfðu þeir verit á tali ok ráðit ráðum sínum; gátu
15 sumir, at þeir Ingi konungr mundu at leggja, en margir ætluðu, at þeir mundu eigi treystast, er mjök þótti seinkast atlagan, en þeir treystust vel viðbúnaði sínum ok liði. Í þeira flokki var mart stórmenni, þar var Sigurðr af Reyri ok þeir Símonar synir tveir, þar var ok Nikolás Skjaldvar-
20 arson ok Eindriði son Jóns mörnefs, er þá var ágætastr maðr ok vinsæltr í Þrændalögum; margir aðrir váru þar lendir menn ok sveitarhöfðingjar. En er þeir sá, at Inga menn reru mörgum skipum út eptir ánni, þá hugðu þeir Hákon, at þeir Ingi mundu flýja vilja, ok hjoggu tengslin
25 frá skipunum, gripu þá til ára ok reru eptir þeim, ok vildu reka þá. Skipin rendu skjótt fyrir straumi, ok er þau bar ofan eptir ánni fyrir nesit. er áðr var milli, þá sá þeir, at meginliðit Inga lá út við eyrna Hísing. Lagsmenn Inga sá þá, hvar skip Hákonar fóru, ok hugðu, at þeir mundu
30 at leggja. Var þar þá þyss mikill ok vápnabrak ok eggjan, ok lustu þeir upp herópi. En þeir Hákon sneru skipum sínum at norðrlandinu, ok er þar víkhvarf nökkut, ok kómust af strauminum. Þeir bjoggust þar um, báru upp á land skutfestar, ok sneru út framstöfnum á öllum
35 skipum sínum, ok tengðu saman öll skipin, létu austrfarar-

knörruna liggja út frá öðrum skipum, annan fyrir ofan, en annan fyrir neðan, ok tengðu þá við langskipin. En í miðjum flotanum lá konungsskipit, ok þar næst Sigurðar skip, en á annat borð konungsskipinu lá Nikólás, en þar næst Eindriði Jónsson. Öll hin smæri skip lágu 5 utarmeir; þeir höfðu nálíga öll hlaðit skip sín af grjóti ok vápnum.

Tala Sigurðar af Reyri.

8. Sigurðr af Reyri talaði ok mælti svá: Þat er nú vænt, at fram muni koma, er oss hefir lengi í sumar heitit 10 verit, at fundr várr Inga mundi verða; höfum vér nú ok mjök lengi við búizt, ok hafa margir várir félagar stórt berkt um, at eigi mundi flýja eða fálma fyrir Inga konungi eða Gregorio, ok er nú gott at minnast þeira orða; en vér megum með minna trausti um þat ræða, er fyrr 15 höfum orðit' nökkut tannsarir í várum viðrskiptum, ok er þat sem hverr hefir heyrt, at vér höfum mjök opt svaðilfórum farit fyrir þeim. En eigi at síðr er oss nauðsyn at verða við sem mannligast ok standa sem fastast, því at þann eigum vér útvegin til þess, at vér munim sigrinn 20 hafa. En þótt vér hafim lið nökkuru færa en þeir, þá má þó auðna ráða, hvárir gagn skulu hafa, ok er sú ván best í váru máli, at guð veit, at vér mælum réttara. Ingi hefir áðr höggvit niðr bræðr sína tvá; en þat er engum manni blint, hverjar föðurboetr hugðar eru Hákon konungi, þær 25 at höggva hann niðr sem aðra frændr sína, ok mun þat sýnast þenna dag. Hákon beiddist eigi meira frá upphafi af Noregi en þess þriðjungs, er faðir hans hafði átt, ok var honum þess varnat; en at minni virðing er Hákon betr tilkominn at taka arf eptir Eystein föðurbróður sinn, heldr 30 en Ingi eða Símon skálpr, eða aðrir þeir menn, er Eystein konung tóku af lífdögum. Mörgum mundi svá lítast, þeim er sálu sinni vildi þyrma, ok hefði þvílíkir stórglœpir á hendr borizt sem Inga, at eigi mundi þora fyrir guði at

kallast með konungsnafni, ok þat undrumst ek, er guð þolir honum þá ofdirfð, ok þat mun guð vilja, at vér steypim honum. Berjumst vér djarfliga, því at guð mun oss sigr gefa; en ef vér föllum, þá mun guð þat ömbuna
5 oss við margföldum fagnaði, ef hann lér vándum mönnum valds at ganga yfir oss. Fari menn stilliliga ok felmti eigi, ef orrosta tekst; gæti hverr sín ok sinna sveitbúa, en guð allra vár. Góðr rómr var gerr at máli Sigurðar, ok hétu allir góðu um at verða vel við. Hákon konungr gékk
10 upp á austrfararknörrinn, ok var þar sett skjaldborg um hann, en merki hans var á langskipinu því, er hann hafði áðr á verit.

Frá mönnum Inga konungs.

9. Nú er at segja frá Inga mönnum, þá er þeir sá,
15 at Hákonar menn bjoggust til orrostu, var þá áin ein milli þeira, þá gerðu þeir hleypiskip út eptir liði sínu, því er brott hafði róit, at þeir skyldi aptr snúa, en konungr ok annat liðit beið þeira, ok skipuðu liði sínu til atlögu. Þá töluðu höfðingjar ok sögðu liðinu fyrirætlan sína, þat fyrst
20 hver skipin skyldu næst liggja, ok þá hvar hvárir skyldu at leggja. Gregorius mælti: Vér höfum mikit lið ok frítt; nú er þat mitt ráð, at þér konungr sét eigi í atlögunni, því at þá er alls gætt, er yðar er, ok eigi veit hvar úskytja ör geigar. Þeir hafa þann viðbúnað, at or húnkast-
25 ölum á kaupskipunum er borit grjót ok skot, þá er þeim litlu úhættara, er fjarri eru. Þeir hafa lið eigi meira, en þat er við vart hæfi lendra manna at halda orrostu við þá. Ek mun leggja mitt skip at því skipi þeira, er mest er, vænti ek enn, at skömm raun sé at berjast við þá; svá
30 hefir enn optast verit á várum fundum, þótt annan veg hafi liðsmunr verit en nú er. Þetta líkaði öllum vel, er Gregorius mælti, at konungr sjálf væri eigi í orrostu. Þá mælti Erlingr skakki: Því ráði vil ek fylgja, at þér, konungr! farit eigi til orrostu; lízt mér svá á viðbúnað þeira,

sem vér munim þurfa viðsjá at gjalda, ef vér skulum eigi fá mikit manntjón af þeim, þykki mér bezt um heilt at binda. Sú ráðagerð er vér höfðum fyrr í dag, þá mæltu þar margir í mót því, er ek réð, ok sögðu, at ek vilda eigi berjast; en mér þykkir oss nú hafa snúizt til 5 mikilla hæginda, er þeir eru í brottu frá stikunum; en nú er svá komit, at ek mun eigi letja at leggja til orrostu, því at ek sé þat, er allir megu vita, hversu mikil nauðsyn á er, at stökkva úaldarflokki þessum, er farit hefir um land alt með rán ok rífa, ok mætti menn eptir þat byggja 10 land í friði ok þjóna einum konungi, þeim er svá er góðr ok réttlátr, sem Ingi konungr er, ok hefir hann þó lengi haft válk ok vandræði af ofsa ok újafnaði frænda sinna, ok verit brjóst fyrir allri alþýðu ok lagt sik í margfaldan háska til at friða landit. Mart talaði Erlingr 15 ok snjalt, ok enn fleiri höfðingjar, ok kom í sama stað niðr, at allir eggjuðu atlögunnar. Þeir biðu þess er alt kom saman lið þeira. Ingi konungr hafði þá Boekisúðina, ok lét hann at bæn vina sinna, at hann lagði eigi til orrostu, ok lá hann eptir við eyna.

20

Upphaf orrostu.

10. Nú er liðit var búit, þá greiða þeir atróðrinn, ok ljósta upp hvárirtveggju herópi, tengðu þeir Inga menn ekki sín skip ok fóru ekki samfast, því at þeir reru þveran strauminn, ok sveif mjök stórskipum. Erlingr skakki 25 lagði at skipi Hákonar konungs, ok stakk stafni at milli ok Sigurðar skips; tókst þá orrosta; en skip Gregorius sveif upp á grunninn ok hallaði mjök, ok kómust þeir í fyrstu ekki við atlöguna. En er Hákonar menn sá þat, þá lögðu þeir til ok sóttu at þeim, en skip Gregorii lá fyrir. 30 Þá lagði at Ívarr son Hákonar maga, ok sveif saman lyptingunum. Ívarr krœkti stafnljá um Gregorium, þar sem hann var mjóstr, ok hnykti at sér, ok hörvaði Gregorius at borðinu út, en léinn upp eptir síðunni, ok var

við sjálf, at hann mundi krækja hann fyrir borð. Gregorius varð lítt sárr, því at hann hafði spangabrynju. Ívarr kallaði á hann ok kvað hann þykkbyrt hafa. Gregorius svaraði, kvað hann svá um búa, at þess þurfti við, ok gékk
 5 þó ekki af. Þá var við sjálf, at þeir Gregorius mundu verða fyrir borð at ganga, áðr en Áslákr ungi kom akkeri í skip þeira, ok dró þá af grunninu. Þá lagði Gregorius at skipi Ívars, ok áttust þeir þá við langa hrið; var skip Gregorii meira ok fjölmennara. Féll mjök lið á Ívars
 10 skipi, en sumir hljópu fyrir borð. Ívarr varð sárr mjök, svá at hann var úvígr. En er skip hans var hroðit, þá lét Gregorius flytja hann til lands ok kom honum undan, ok váru þeir vinir síðan.

Flótti Hákonar konungs.

15 11. En er Ingi konungr ok hans félagar sá, at Gregorius var á grunninu, þá hét konungr á liðit, at þeir skyldu til róa; hann mælti: Þetta var hit úsnjallasta ráð, er vér skyldum hér eptir liggja, en vinir várir fóru til bardaga, vér höfum þat skip, er mest er ok bezt skipat
 20 í öllum herinum; nú sé ek, at Gregorio er liðs þörf, þeim manni er ek á bezt at launa, ok leggjum til bardaga sem harðast; er þat ok réttast, at ek sjá í orrostu, því at ek vil sigrinn eignast, ef fæst; en þótt ek vissi fyrir, at várir menn mundu úsigr hafa, þá væri oss þó sá einn
 25 til, at vera þar sem aðrir eru várir menn, því at ek má ekki at færast, ef ek missi þeira manna, er brjóst er, ok röskvastir eru, ok lengi hafa verit forstjórar fyrir mér ok minnu ríki. Bað þá setja upp merkin, ok var svá gert, ok reru þeir yfir ána. Þá var bardagi sem óðastr,
 30 ok fékk konungr eigi rúm til atlögunnar, svá lágu skipin þröngt fyrir. Þá lögðu þeir undir austrfararknórrinn; þar var borit á þá ofan kesjur ok pálstafir ok grjót svá stórt, at ekki hélt við, ok máttu þeir ekki vera þar. En er liðsmenn sá þat, at konungr var kominn, þá ruddu þeir

fyrir honum, ok lagði hann þá at skipi Eindriða Jónssonar. Þá eyddu Hákonar menn smáskipin, ok géngu upp á knörruna, en sumir á land. Erlingr skakki ok hans menn áttu harða sókn, hann var í fyrirrúmi, hann kallaði á stafnbúa sína, ok bað þá ganga upp á konungsskipit. Þeir svöruðu, at þat var eigi dælt, ok þar var járn á trjám fyrir. Erlingr gekk þá fram í stafninn, ok dvaldist þar litla hríð, áðr en þeir greiddu uppgöngu á konungsskipit, ok hruðu þat skip. Tók þá at flýja allr herrinn; eptir þat hljóp á kaf mart liðit ok mart flýði, en allr fjöldinn komst á land. 10 Svá sem Einarr Skúlason segir:

Margr féll maðr af dreyrgu
marblakks á kaf saxi,
gnógt eldi fékksk gýgjar
glaum, rak ná fyrir straumi.
Elfr varð unda gjálfri
eitrköld roðin heitu,
vitnis féll með vatni
varmt öldr í men Karmtar.

Mörg flutu auð, á úrga,
álm sveigði lið, hjálma
rauð flugu stál, í stríðri
stafnblóðug skip móðu,
áðr á grund af grœðis
gœðinga lið flœði,
sveit varð í rym rítar
rýr Hákonar, dýrum.

15

Einarr orti um Gregorium Dagsson flokk, þann er kallaðr 20 er Elfarvísur. Ingi konungr gaf grið Nikolási Skjaldvararsyni, þá er skip hans var hroðit, ok gekk hann þá til Inga konungs, ok var með honum síðan, meðan hann lifði. Eindriði Jónsson hljóp á skip Inga konungs, þá er hans skip var hroðit, ok bað sér griða. Konungr vildi gefa honum 25 grið, en son Hávarðs klínings hljóp til ok hjó hann banahögg, ok var þat verk mjök lastat; en hann sagði, at Eindriði hafði ráðit drápi Hávarðs föður síns. Eindriði var mjök harmaðr, ok þó mest í Þrændalögum. Þar féll mart af liði Hákonar, en eigi fleiri höfðingjar. Fátt féll af Inga 30 konungs liði, en mart var sárt. Hákon flýði á land upp, en Ingi fór norðr í Víkina sínu liði. hann var í Vikinni um vetrinn, ok Gregorius. En er þeir kómu til Björgynjar frá orrostu menn Inga konungs, synir Ívars af Eldu Bergljótr ok þeir bræðr, þá drápu þeir Nikolás skegg, er 35

gjaldkeri hafði verit, ok fóru síðan heim norðr í Þrándheim. Hákon konungr kom norðr fyrir jól, en Sigurðr var stundum heima á Reyri. Gregorius hafði tekit honum grið af Inga, at hann skyldi hafa eignir sínar allar, því at þeir
5 Gregorius ok Sigurðr vǫru náfræendr. Hákon konungr var í kaupangi um jólin, ok börðust menn hans einn aptan um jólin í hirðstofunni snemma jólanna, ok höfðu 8 menn bana, ok margir urðu sárir. En eptir hinn átta dag jóla þá fóru þeir lagsmenn Hákonar inn á Eldu, Álfir roði, son
10 Óttars birtings, ok nær 80 manna, ok kómu þar á úvart öndurða nótt, þá er hinir vǫru druknir, ok lögðu eld í stofuna, en þeir géngu út ok vörðust. En þar féll Bergljótr, son Ívars, ok Ögmundr bróðir hans, ok mjök mart manna. Þar höfðu verit nær 30 manna inni. Um vetrinn í
15 kaupangi norðr andaðist Andres Símonarson, fóstbróðir Hákonar konungs, ok var hit mesta harmaðr. Erlingr skakki ok menn Inga konungs, þeir er í Björgyn vǫru, létu sem þeir mundu fara norðr þá ok þá um vetrinn ok taka Hákon, ok varð ekki af. Gregorius sendi þau orð austan or Konungahellu, ef hann sæti jafnnær sem þeir Erlingr, at hann mundi eigi sitja kyrr í Björgyn, ef Hákon léti drepa vini Inga konungs í Þrándheimi ok lögunauta þeira.

Bardagi á bryggjum.

12. Ingi konungr ok Gregorius fóru austan um várit
25 til Björgynjar. En þegar er Hákon spurði þat, ok þeir Sigurðr, at Ingi var farinn or Víkinni, þá fóru þeir austr hit efra í Víkina. En er þeir Ingi konungr kómu til Björgynjar, þá gerðist úsætt milli Halldórs Brynjólfssonar ok Bjarnar Nikolássonar. Ok spurði búskarl Bjarnar, hví
30 hinn væri svá bleikr, þá er þeir mœttust á bryggjum niðri; en hann kvað sér látit blóð. Eigi vilda ek svá verða við blóðlátit físbleikr sem þú ert. En ek ætla, kvað hinn, at þú mundir verr við verða ok údrengiligar. Ok varð eigi upphaf meira at en svá. Þá óx orð af orði, þar til er
35 þeir deildu ok börðust því næst. Þá var sagt Halldóri

Brynjólfssyni, at húskarl hans var særðr á bryggjum; en Halldórr drakk þar hjá í garðinum, gékk hann þá þangat til. En áðr váru þeir komnir húskarlar Bjarnar, ok þótti Halldóri þeir újafnt skilit hafa, ok stökuðu þeir Bjarnar húskörlum ok knúskuðu þá. Þat var sagt Birni bukk, at 5 Víkverjar börðu húskarla hans á bryggjum niðri. Þá tóku þeir Björn vápn sín ok fóru til ok vildu hefna sinna manna; urðu þá áverkar með þeim. Þá var sagt Gregorio, at Halldórr mágr hans þurfti liðs, ok húskarlar hans váru högnir niðr á stræti úti. Þá hljópu þeir Gregorius í 10 brynjur sínar ok fóru til. Þá spurði Erlingr skakki, at Björn systurson hans barðist við þá Halldór ok Gregorium á bryggjum inn, ok honum var liðs þörf. Þá fór hann til þannug, ok var allfjöldmennr, ok bað menn veita sér lið, kvað mönnum klæki í vera, ef einn víkverskr maðr skal 15 yfir oss ganga hér í frændhaga várum, ok mun oss þat æ ok æ uppi. Þar féllu 14 menn, ok höfðu 9 þegar bana, en 5 önduðust síðar or sárum, en mart varð sárt. Þá kómu Inga konungi orð, at þeir börðust inn á bryggjum Gregorius ok Erlingr, ok fór hann til ok vildi skilja 20 þá, ok mátti engu á orka, því at þeir váru svá óðir hvárirtveggju. Þá kallaði Gregorius á Inga konung, bað hann frá fara, kvað hann engu mundu mega á orka at svá búnu; kvað þat hinn mesta geig, ef honum yrði nökkut: því at eigi kann vita, hvar sá er, er eigi sparir þat úhapp við 25 sik, ef hann þykkist í fœri komast. Þá fór konungr í brott. En er þurru hlaup hin mestu, þá géngu þeir Gregorius upp til Nikoláskirkju, en þeir Erlingr eptir, ok kölluðust þá á. Síðan kom Ingi konungr í annat sinn ok sætti þá, ok vildu þeir þá hvárirtveggju, at hann skipaði einn milli þeira. 30 Þá spurðu þeir, at Hákon var í Víkinni, ok fór Ingi konungr ok Gregorius austr, ok höfðu mjök mart skipa. En er þeir kómu austr, þá stukku þeir Hákon undan, ok varð engi orrosta. Fór þá Ingi konungr inn til Oslóar, en Gregorius var í Konungahellu.

Dráp Munans.

13. Gregorius spurði til þeira Hákonar konungs litlu síðar, þar sem heita Saurbœir, þat er uppi við markirnar. Hann fór þangat, ok kom um nótt, ok hugði, at þeir Hákon
 5 ok Sigurðr mundu vera á hinum meira bænum, ok lögðu þar eld í hús. Þeir Hákon váru á hinum minna bænum; lögðu þeir til þar, er þeir sá eldinn, ok vildu duga hinum. Þar féll Munan son Ála úskeynds, bróðir Sigurðar konungs, föður Hákonar; þeir Gregorius drápu hann, þegar
 10 hann vildi duga þeim, er inni váru brendir; þeir géngu út, ok var þar mart manna drepit. Ásbjörn jalda komst af bænum, hann var víkingr hinn mesti, ok var sárr orðinn; en bóndi einn hitti hann, ok bað Ásbjörn, at bóndi skyldi hann láta undan ganga, ok lézt honum mundu gefa fé til.
 15 Bóndi lézt þat mundu gera. er hann var fúsari til, lézt opt hafa gengit hræddr fyrir honum, ok hjó hann banahögg. Þeir Hákon ok Sigurðr kómust undan, en mart var drepit lið þeira. Síðan fór Gregorius austr til Konungahellu. Litlu síðar fóru þeir Hákon ok Sigurðr til bús Halldórs
 20 Brynjólfssonar á Vettaland, ok lögðu eld í húsin ok brendu. Halldórr gékk út ok var höggvinn þegar, ok húskarlar hans með honum; váru þar drepnir nær 20 menn alls. Sigríðr kona hans var systir Gregorii, hana létu þeir ganga til skógar í brott í náttserk einum. Þar
 25 tóku þeir Ámunda, son Gyrðar Ámundasonar ok Gyriðar Dagsdóttur, systurson Gregorii, ok höfðu með sér; hann var þá 5 vetra.

Fall Gregorii Dagssonar.

14. Gregorius spurði þessi tíðindi, ok þótti honum
 30 mikil, hann frétti vandliga at, hvar þeir væri. Gregorius fór or Konungahellu ofarla jólanna með miklu liði, ok kómu þeir til Fors hinn 13 dag jóla. Hann var þar um nóttina, ok hafði þar óttusöng affaradag jólanna, ok var honum lesit guðspjall eptir, þat var laugardagr. Ok er þeir Gregorius

sá lið Hákonar, þá sýndist þeim lið þeira Hákonar miklu minna en sitt lið. Á ein var í milli þeira, er þeir hittust, hon heitir Befja; íss var illr á ánni, því at flóð gékk undir ísinn utan. Þeir Hákon höfðu höggvar vakar á ánni, ok mokat yfir snjó, svá at ekki mátti til sjá. Þá er Gregorius 5 kom at ánni, mælti hann, lézt illr sýnast íssinn, kvað þeim þat ráð at fara til brúar, er litlu ofar var á ánni. Bóndaliðit svaraði ok kváðust eigi vita, hví gegndi, er hann skyldi eigi þora at sækja at þeim um ísinn, eigi meira lið en þeir höfðu fyrir, létu ís fullgóðan, kvaðst horfinalda at 10 þykkja. Gregorius svarar, kvað sjaldan hafa þess þurft at frýja sér allmjök áræðis, ok kvað eigi enn þat skyldu, bað þá fylgja vel ok standa eigi á landi, ef hann gengr á ísinn, ok kvað þeira ráð vera, at ganga á ís vandan, en hann lézt úfúss: en þeygi vil ek sitja yðr frýju, sagði hann, ok bað 15 bera merki sitt fram. Gékk hann þá út á ísinn með liðinu; en þegar er bóndaliðit fann, at íssinn var vandr, þá hvarf liðit aptr. Gregorius lá í ísnum, ok eigi mjök; hann bað menn varast við, en eigi gékk fleira eptir honum en nær 20 menn, en annat lið hvarf aptr alt. Maðr skaut at 20 honum ör or flokki Hákonar, ok laust undir kverk honum. Gregorius féll þar, ok 10 menn með honum, ok er þar nú lokit ævi hans. En þat var almæli, at hann hafi verit mestr höfðingi lendra manna í Noregi í þeira manna minnum, er þá váru uppi, ok bezt verit við oss Íslendinga, 25 síðan er Eysteinn konungr andaðist hinn ellri. Lík Gregorii var fært á Höfund upp, ok grafit í Gimsey at nunnusetri því, er þar er. Þar var þá Baugeiðr abbadís, systir Gregorii.

Ingi konungr spyr fall Gregorii.

30

15. Ármenn tveir fóru með tíðindin at segja Inga konungi inn í Osló; en er þeir kómu þar, þá heimtu þeir konung á mál. Hann spurði, hvat þeir segði tíðinda? Fall Gregorii Dagssonar, sögðu þeir. Hví bar svá illa at?

sagði konungr. Þeir sögðu honum. Konungr svaraði: Þeir réðu þar þá, er verr kunnu. Þat er svá sagt, at hann kunni því svá illa, at hann grét sem barn. En er þat gékk af honum, mælti hann þetta: Ek vilda fara til fundar við
5 Gregorium, þegar er ek spurða dráp Halldóra, því at ek þóttumst vita, at Gregorius mundi eigi sitja svá lengi, at hann mundi eigi til hefndar ráða; en þetta fólk lét, sem ekki væri jafnskylt sem jóladrykkja sjá, ok eigi mætti henni bregða; því at ek veit víst, ef ek væra þar, at annattveggja
10 mundi at meira ráði framfarit, eða vit Gregorius mundim fara til einnar gistingar báðir ella. En þar er sá maðr farinn, er mér hefir bezt verit, ok mest hefir landinu haldit í hendr mér; en þat hugða ek til þessa, at skamt mundi milli okkar verða. Nú skal ek einn við leggja, at
15 fara til fundar við þá Hákon, ok skal annattveggja, at ek skal hafa bana, eða stíga yfir þá Hákon ella; en eigi er slíks manns at hefndra, sem Gregorius var, þótt þeir komi allir fyrir. Maðr svarar, lét hann lítt mundi þurfa at leita þeira, kvað þá þannug ætla til fundar hans. Kristín
20 var þar í Osló, dóttir Sigurðar konungs, bræðrunga Inga konungs. Konungr spurði, at hon ætlaði or boenum brott, ok sendi henni orð ok spurði, hví hon vildi or boenum. En henni lézt agasamligt þykkja, ok kvað eigi kvenna vist þar vera. Konungr bað, at hon skyldi eigi í brott fara:
25 með því at vér hafim gagn, sem ek ætla, þá muntu hér vel haldin, en með því at ek falla, þá munu vinir mínir eigi ná at búa um lík mitt, en þó skaltu biðja, at þér sé lofat at búa um líkit, máttu mér svá helzt launa þat, er ek hefi verit vel við þik.

30

Frá Inga konungi.

16. Blasiusmessu at kveldi kom njósn Inga konungi, at Hákonar væri þá ván til boejarins. Þá lét Ingi konungr blása liðinu upp or boenum, ok lét fylkja, ok var þá skorat

nær 40 hundraða manna. Konungr lét vera fylkingina langa, ok eigi meir en 5 menn á þyktina. Þá mæltu menn við konung, at hann skyldi eigi vera í orrostu, lézt þykkja mikil ábyrgð á honum: ok veri Ormr bróðir þinn höfðingi fyrir liðinu. Konungr svarar: Þat ætla ek, ef 5 Gregorius lifði ok væri hann hér nú, en ek væra fallinn, ok skyldi mín hefna, at hann mundi eigi liggja í fylsknum, ok mundi vera í orrostu sjálfr; en þótt ek sjá verr atskjótaðr fyrir vanheilsu sökum en hann var, þá skal ek eigi verr viljaðr við hann; ok er engi ván, at ek muna eigi í orro- 10 stu vera. Svá segja menn, at Gunnhildr, er Símon hafði átt, fóstura Hákonar konungs, léti sitja úti til sigrs Hákon; en þat vitraði, at þeir skyldi berjast við Inga konung um nótt, en aldri um dag, kvað þá hlýða mundu. En Þordís skeggja er sú kona nefnd, er sagt er at úti sat, en eigi veit 15 ek sann á því. Símon skálpr hann hafði gengit í bæinn ok lagzt niðr at sofa, ok vaknaði við herópit. En er á leið nóttina, kom njósn til Inga konungs, var honum sagt, at þeir Hákon fóru þá utan á ísinn, en iss lá alt frá bænum út til Höfuðeyjar. 20

Tala Inga konungs.

17. Ingi konungr með sinn her gékk þá út á ísinn, ok setti fylking sína fyrir bæinn. Var Símon skálpr í þann arminn, er út vissi til Þrælabergs, en í þann arminn, er inn var fyrir Nunnusetr, var Guðröðr Suðreyja konungr, 25 son Ólafs klínings, ok Jón son Sveins Bergþórssonar buks. En er þeir Hákon komu at fylking Inga konungs, þá æptu hvárirtveggju heróp. Þeir Guðröðr ok Jón báknuðu til þeira Hákonar, ok létu þá vita, hvar þeir váru fyrir. Síðan sneru Hákonar menn þar at, en þeir Guðröðr flýðu þegar, 30 ok mundi þat vera nær 15 hundruð manna. En Jón ok mikil sveit með honum hljópu í lið Hákonar, ok barðist með þeim. Þetta var sagt Inga konungi. Hann svaraði svá: Mikit hefir skilt vini mína; aldri mundi Greg-

oríus svá fara, meðan hann lifði. Þá mæltu menn, báðu konunginn, at hesti skyldi skjóta undir hann, ok riði hann or orrostu ok upp á Raumaríki: muntu þar fá gnógt lið þegar í dag. Engi hugr er mér á því, sagði konungr, opt
 5 hefi ek heyrt yðr þat mæla, ok þykki mér satt, at lítit lagðist fyrir Eystein konung bróður minn, síðan er hann lagðist á flótta, ok var hann vel at sér gerr um alla hluti, þá er konung fríða. Nú kann ek þat sjá við vanheilindi mitt, hversu lítit fyrir mik mun leggjast, ef ek tek þat til,
 10 er honum skyldi svá mjök vefjast, jafnmikit sem atferð okkra skildi, ok heilsu ok alt eljan. Ek var þá á annan vetr, er ek var til konungs tekinn í Noregi, en nú em ek vel hálfþrítugr. Ek þykkjumst vandræði ok ábyrgðir hafa meir haft í konungdóminum, heldr en skemtan ok inndæli;
 15 ek hefi margar orrostur áttar, stundum með meira liði, stundum minna, hefir sú mín gæfa mest verit, at ek hefi aldri á flótta komit; ráði guð lífi mínu, hversu langt vera skal, en aldri mun ek á flótta leggjast.

Fall Inga konungs.

20 18. En er þeir Jón ok hans félagar höfðu rofit þann fylkingararm Inga konungs, þá flýðu þeir, ok margir, er þar höfðu næst staðit; ok skildist þá ok riðlaðist fylkingin, en þeir Hákon sóttu þá fast at, þá var ok komit at dagan. Þá var sótt at merki Inga konungs, ok í þeiri hrið féll Ingi
 25 konungr, en Ormr bróðir hans hélt þá upp orrostu. Flýði þá mart fólkit upp í bæinn. Ormr fór tysvar í bæinn, síðan er konungr var fallinn, ok eggjaði liðit, ok hvártveggja sinn gékk hann út á ísinn ok hélt upp orrostu. Þá sóttu þeir Hákon þann fylkingararminn, er Símon skálpr
 30 var fyrir; ok í þeiri atgöngu féll af Inga liði Guðbrandr Skafhögsson, mágr konungs; en Símon skálpr ok Hallvarðr hikri gængust á ok börðust með sveitir sínar, ok ókust út fyrir Þrælberg; í þeiri hrið féllu þeir báðir Símon ok Hallvarðr. Ormr konungsbróðir fékk þar allgott

orð, ok flýði þó at lyktum. Áðr um vetrinn hafði Ormr fastnat sér Rögnu dóttur Nikólás masa, er átt hafði Eysteinn konungr Haraldsson, ok skyldi þá ganga at brullaupinu sunnudaginn eptir. Blasiusmessa var á frjádegi. Ormr flýði austr á Svíþjóð til Magnús bróður síns, er þá var 5 þar konungr, en Rögnvaldr var þar jarl bróðir þeira. Þeir váru synir Ingiríðar ok Heinreks halta, hann var son Sveins Sveinssonar Danakonungs. Kristín konungsdóttir bjó um lík Inga konungs, ok var hann lagðr í steinvegginn í Hallvarðskirkju utar frá kór hinum syðra megin, þá hafði hann 10 verit konungr hálfan þriðja tug vetra. Í þeirri orrostu féll mart manna af hvarumtveggjum, en þó miklu fleira af Inga liði. Árni Friðeksson féll af Inga liði. En þeir Hákonar menn tóku upp brullaupsveizluna ok stórmikit hlutskipti annat.

15

Frá Hákonu konungi ok Kristínu konungsdóttur.

19. Hákon konungr lagði þá land alt undir sik, ok skipaði allar sýslur sínum mönnum, ok svá kaupstaði. Þeir Hákon konungr ok hans menn höfðu stefnur sínar í Hallvarðskirkju, er þeir réðu landráðum. Kristín konungsdóttir 20 gaf fé til presti þeim, er kirkjulukla varðveitti, at hann leyndi manni hennar í kirkjunni, svá at sá mætti heyra hjal þeira Hákonar. En er hon varð vör við, hvat þeir réðu, sendi hon orð til Björgynjar Erlingi skakka bónda sínum, at hann skyldi aldri trúa þeim.

25

Jartegn Ólafs konungs með Væringjum.

20. Sá atburðr varð á Stiklastöðum í Noregi, sem fyrr var ritat, at Ólafr konungr kastaði frá sér sverðinu Hneiti, þá er hann fékk sár. En einnhverr maðr scenskr at ætt hafði brotit sverð sitt, ok tók sá upp sverðit Hneiti 30 ok vá með því. En sá maðr komst brott or bardaga ok fór með öðrum flóttamönnum, kom hann fram í Svíþjóð ok fór heim til bús síns. Hafði hann sverð þat um alla sína

ævi, en síðan hans son, ok tók hverr eptir annan þeira frænda, ok fylgði þat jafnan eign sverðsins, at hverr sagði öðrum nafn sverðsins, ok svá þat hvaðan þat var komit. En þat var miklu síðar á dögum Kirialax Miklagarðs keis-
5 ara, at þar váru í garði stórar sveitir Væringja; þá bar svá at á einu sumri, þá er keisarinn var í herferð nökkurri, ok lágu þeir í herbúðum. Væringjar héldu vörð ok vöktu yfir konungi, lágu þeir á völlum fyrir utan herbúðir; þeir skiptu nóttinni með sér til vöku, en þeir er áðr höfðu
10 vakat, lögðust þá niðr ok sváfu, þeir váru allir með alvæpni. Þat var siðr þeira, þá er þeir lögðust til svefns, at hverr hafði hjálm á höfði (en skjöld yfir sér ok sverð undir höfði), ok skyldi leggja hægri hönd á meðalkafla. Einnhverr þeira félaga, sá er hlotit hafði vörð hinn efsta
15 hluta nætr, þá vaknaði hann í dagan, þá var sverð hans í brottu; en er hann leitaði, þá sá hann sverðit, hvar lá á vellinum langt frá honum. Hann stóð upp ok tók sverðit, ætlaði hann, at félagar hans, þeir er vakat höfðu, mundu hafa gert til spotts at véla frá honum sverðit; þess syn-
20 juðu þeir fyrir sik. Slikir atburðir urðu þrjár nætr. Þá undraðist hann mjök sjálf, ok svá aðrir, þeir er þetta sá eða heyrðu, ok spurðu menn hann eptir, hverju þat mundi gegna. Þá sagði hann, at sverð þat var kallat Hneitir, ok Ólafr hinn helgi hafði átt ok borit sjálf í orrostu á
25 Stiklastöðum, hann sagði ok, hvernug síðan hafði farit sverð þat. Síðan var þetta sagt Kirialax konungi; þá lét hann kalla til sín mann þann, er með sverð þat fór, fékk honum gull, þrenn jafnvirði sverðsins. En konungr lét sverðit bera í Ólafskirkju, þá er Væringjar halda; var þat þar síðan
30 yfir altara. Eindriði ungi var þá í Miklagarði, er þessir atburðir gerðust, sagði hann þessa sögu í Noreg, svá sem Einnarr Skúlason váttaf í drápu þeiri, er hann orti um Ólaf konung hinn helga, ok er þar kveðit um þenna atburð.

Önnur jarategn Ólafs konungs.

21. Sá atburður varð á Griklandi, þá er þar var Kirialax konungr, at konungr fór herferð á Blökumannaland. En er hann kom á Pezinavöllu, þá kom þar á móti honum heiðinn konungr með úvígjan her. Þeir höfðu þangat haft hestalið ok vagna stóra mjök, ok ofan á vigskörð. En er þeir bjoggu náttból sitt, þá skipuðu þeir vögnum, hverjum við annan, fyrir utan herbúðir sínar, en þar fyrir utan grófu þeir mikit díki. Var þat þá alt saman vígi svá mikit, sem borg væri. Konungr hinn 10 heiðni var blindr. En er Grikkjakonungr kom, þá settu heiðingjar fylking sína á völlum fyrir vagnaborg. Þá settu Grikkir sína fylking þar í móti, ok riðu hvárirtveggju ok börðust; fór þá illa ok úheppiliga, flýðu þá Grikkir ok höfðu fengit mikit manntjón, en heiðingjar féngu sigr. Þá skipaði 15 konungr fylking af Frökkum ok Flæmingjum, en síðan riðu þeir fram móti heiðingjum ok börðust við þá, ok fór sem hinum fyrrum, at margir váru drepnir, en allir flýðu, þeir er undan kómust. Varð þá Grikkjakonungr reiðr mjök hermönnum sínum, en þeir svöruðu honum, báðu hann þá 20 taka til Væringja vínbelgja sinna. Konungr segir svá, at hann vill eigi spilla gersimum sínum svá, at leiða fá mena, þótt þeir væri hraustir, móti svá miklum her. Þá svaraði orðum konungs Þórir helsingr, er þá réð fyrir Væringjum: Þótt þar væri fyrir eldr brennandi, þá munda ek ok mínir 25 liðar þegar í hlaupa, er ek vissa, at þat keyptist í, at þér, konungr! hefðit þá frið eptir. En konungr svaraði: Heitit þér á hinn helga Ólaf konung yðarn til fulltings ok sigrs yðr. Væringjar höfðu hálf t fimta hundrað manna, þá tóku þeir heit sitt með handfesti, ok hétu því at reisa kirkju í 30 Miklagarði með sínum kostnaði ok góðra manna stöðum, ok láta þá kirkju vígja til vegs ok dýrðar hinum helga Ólafi konungi. Síðan runnu Væringjar fram á völlinn. En er þat sá heiðingjar, þá sögðu þeir konungi sínum, at þá fór enn lið af Grikkjakonungs her: ok er þetta, sögðu 35

þeir, hönd full manna. Þá svaraði konungr: Hverr er sá hinn tiguligi maðr, er þar ríðr á þeim hvíta hesti fyrir liði þeira? Eigi sjám vér þann, sögðu þeir. Þar var eigi minni liðsmunr en svá, at 60 heiðingja væri í móti einum
5 kristnum manni, en eigi síðr héldu Væringjar til bardaga alldjarfliga. En þegar er þeir kómu saman, þá sló ótta í lið heiðingja ok hræzlu, svá at þeir tóku þegar at flýja, en Væringjar ráku þá, ok drápu brátt mikinn fjölda. En er
10 þat sá Grikkir ok Frakkar, þeir er áðr höfðu flýit fyrir heiðingjum, sóttu þá til ok ráku flóttann með þeim; váru þá Væringjar komnir upp í vagnaborgina, varð þar hit mesta mannfall. En er heiðingjar flýðu, þá varð handtekinn hinn heiðni konungr, ok höfðu Væringjar hann með sér. Tóku þá kristnir menn herbúðir heiðingja ok vagnaborgina.

SAGA MAGNÚS KONUNGS ERLINGS- SONAR.

Upphaf Magnús konungs Erlingssonar.

1. Síðan er Erlingr varð þess viss, hver ráðagerð þeira Hákonar var, þá sendi hann boð öllum höfðingjum, þeim er hann vissi, at trúnaðarvinir höfðu verið Inga konungs, ok svá hirðsveitinni ok handgengnum mönnum konungs, þeim er undan höfðu komizt, ok húskörlum Gregorii, ok gerði þeim stefnulag. En er þeir funnust ok áttu tal sitt, þá réðst þat þegar, at þeir skyldu halda saman flokkinum, ok bundu þeir þat fastmælum milli sín. Síðan töluðu þeir þat, hvern þeir skyldu til konungs taka. Þá talaði Erlingr skakki, leitaði, ef þat væri ráð höfðingja eða annarra ríkismanna, at tekinn væri til konungs son Símonar skálps, dótturson Haralds konungs gilla, en Jón Hallkelsson byndist fyrir flokkinn. Jón mæltist undan. Var þá leitat við Nikolás Skjaldvararson, systurson Magnús konungs berfœtts, ef hann vildi gerast höfðingi fyrir flokkinum. Hann svaraði á þá lund, at þat væri hans ráð, at taka þann til konungs, er af konungaætt væri kominn, en þann til ráða fyrir flokkinn, er vænn væri til vits; lét mundu betra verða til liðs. Þá var leitat við Árna konungsmág, ef hann vildi láta taka til konungs nökkurn sona sinna, bræðra Inga konungs. Hann svaraði því, at son Kristínar, dótturson Sigurðar konungs, væri bezt ættborinn til konungdóms í Nor- egi: er þar, sagði hann, sá maðr til forráða með honum. er skylda berr til at vera forsjámaðr fyrir honum ok ríkinu, er Erlingr er faðir hans, maðr vitr, harðráðr, ok reyndr

mjök í orrostum ok landráðamaðr góðr, mun hann eigi skorta til þessa ráðs framkvæmd, ef hamingja fylgir. Tóku margir vel undir þetta ráð. Erlingr svarar: Svá heyrir mér til, sem þeir sé flestir, er þessa máls er leitat við, er heldr
5 fœrist undan at taka upp vandann. Nú sýnist mér jafnvíst, þótt vér hefim þetta mál, hvárt heldr er, at tignin fæst þeim, er fyrir beitist flokkinum, eða verðr hinn veg, sem áðr hefir nú mjök mörgum farit, þeim er slík stórræði hafa upptekit, at fyrir þat hafa týnt allri eiginni, ok þar með
10 lífinu. En ef framgangrinn verðr at þessu máli, þá má vera, at þeir sé nokkurir, er vildi þenna kost hafa tekit; mun sá þess þurfa, er gengr í þenna vanda, at setja ramligar skorður við, at eigi sæti hann þá mótgangi eða fjándskap af þeim, er nú eru í þessu ráði. Allir játtu því,
15 at gera þetta samband með fullum trúnaði. Erlingr mælti: Þat er frá mér at segja, at næst þykki mér þat bana mínum, at þjóna Hákon; ok þótt mér þykki þetta hit hásk-asamligsta, þá vil ek heldr til þess hætta, at láta yðr fyrir sjá; ok mun ek taka við forráðum flokksins, ef þat
20 er allra yðarræ ráð ok fýsi, ok vilit ér allir binda þetta með sverdögum. Allir játtu því, ok var á þeiri stefnu þat ráðit, at þeir skyldu Magnús Erlingsson til konungs taka. Síðan áttu þeir þing í boenum, ok á því þingi var Magnús til konungs tekinn yfir land alt. Þá var hann 5 vetra
25 gamall. Síðan géngu til handa honum allir menn, þeir er þar váru, er handgengnir höfðu verit Inga konungi, ok hafði hverr þeira slíkar nafnbætr, sem áðr hafði haft með Inga konungi.

Ferð Magnús konungs til Danmerkr.

30 2. Erlingr skakki byrjaði ferð sína ok réð sér til skipa, ok hafði með sér Magnús konung ok alla handgengna menn, þá er þar váru. Þar var í för Árni konungsmágr, ok Ingiríðr móðir Inga konungs, ok synir hennar tveir, ok Jón kutiza son Sigurðar storks, ok húskarlar

Erlings, ok svá þeir er verit höfðu húskarlar Gregorii, ok höfðu alls 10 skip. Þeir fóru suðr til Danmerkr á fund Valdimars konungs ok þeira Buriz Heinrekssonar, bróður Inga konungs. Valdimarr konungr var frændi skyldr Magnús konungs. Þær váru systir, dóttir Haralds konungs or 5 Gørðum austan — hann var son Valdimars Jarizleifssonar — Ingibjörg móðir Valdimars konungs ok Málmfríðr móðir Kristínar, móður Magnús konungs. Valdimarr konungr tók vel við þeim, ok váru þeir Erlingr löngum á stefnum ok ráðagerðum, ok kom þat upp af tali þeira, at Valdi- 10 marr konungr skyldi veita styrk Magnúsi konungi allan af sínu ríki, þann er hann þyrfti til þess at eignast Noreg, ok halda síðan; en Valdimarr skyldi hafa þat ríki í Noregi, sem haft höfðu hinir fyrri frændr hans, Haraldr Gormsson ok Sveinn tjúguskegg, Víkina alla norðr til 15 Rygjjarbits. Var þessi ráðagerð bundin eiðum ok einkamálum. Síðan búa þeir Erlingr ferð sína af Danmörk ok sigldu út af Vendilskaga.

Orrosta í Túnssbergi.

3. Hákon konungr fór þegar um várit eptir páskir 20 norðr til Þrándheims, hann hafði þá skip öll, þau er átt hafði Ingi konungr. Hákon átti þing í bænum í kaupangi, ok var hann þar til konungs tekinn um alt land. Þá gaf hann Sigurði af Reyri jarldóm, ok var hann þar til jarls tekinn. Síðan fóru þeir Hákon aptr suðr, ok alt í Vík 25 austr, fór konungr til Túnssbergs, en sendi Sigurð jarl austr í Konungahellu at verja land með sumu liðinu, ef Erlingr kæmi sunnan. Þeir Erlingr kómu at Ögðum, ok héldu þegar norðr til Björgynjar; þeir drápu þar Árna brigðarskalla sýslumann Hákonar konungs, ok fóru aptr 30 austr þaðan til móts við Hákon konung. En Sigurðr jarl hafði ekki orðit varr við sunnanferðina Erlings, ok var hann þá enn austr við Elfi, en Hákon konungr var í Túnssbergi. Erlingr lagði við Hrossanes, ok lá þar nokkurar

nætr. Hákon konungr bjóst við í bœnum. Erlingr lagði at bœnum, þeir tóku byrðing einn ok hlóðu með viði ok hálmi, ok lögðu í eld, en veðrit stóð upp í bœinn, ok rak byrðinginn at bœnum. Hann lét bera kaðla tvá á byrðing-
5 inn ok tengja við skútur tvær, lét róa svá eptir, sem byrðinginn rak fyrir. En er eldrinn var mjök kominn inn at bœnum, þá héldu þeir kœðlum, er á skútunum váru, svá at eigi mátti bœrinn brenna. Reyk lagði svá þykt í bœinn, at ekki sá af bryggjunum, þar sem fylking konungs stóð.
10 Síðan lagði Erlingr öllu liðinu utan eptir á veðrit eldinum, ok skutu upp á þá. En er bœjarmenn sá, at eldrinn nálgæðist hús þeira, ok margir urðu sárir af skotum, þá gerðu þeir ráð sitt, ok sendu Hróald prest langtölu út á fund Erlings, at taka sér grið ok bœnum af Erlingi, ok
15 rufu fylking konungs, þá er Hróaldr sagði þeim, at griðin váru tekin. En er bœjarmanna lið var brott farit, þá þyntist lið á bryggjunum, eggjuðu þá sumir Hákonar menn, at við skyldi taka, en Önundr Símonarson sagði svá, er þá hafði mest ráð fyrir liðinu: Eigi mun ek berjast til ríkis
20 Sigurði jarli, en hann sé hvergi nær. Síðan flýði Önundr, ok þá alt lið með konungi, ok fóru upp á land, ok féll þör mjak mart manna af Hákonar liði. Svá var þá kveðit:

	Önundr kvaðsk eigi mundu	Mjök fara Magnús rekkar
	við orrostu kosta,	mætir upp á stræti,
25	fyrir en sunnan sigldi	en Hákonar haukar
	Sigurðr jarl með húskarla.	hart skunduðu undan.

Þorbjörn skakkaskáld segir svá:

	Greitt frá ek, gumna dróttinn	Hræddusk bjartra brodda
	gríðar fáks, í víðu,	bœjarmenn við rennu,
30	trauðr era tenn at rjóða,	ugðu eld ok sveigðan
	Túnsbergi þér snúna.	álm dynviðir málma.

Hákon konungr fór hit efra norðr í Þrándheim. En er Sigurðr jarl spurði þetta, þá fór hann með skipum öllum, þeim er hann fékk, hit ytra norðr til móts við Hákon
35 konung.

Frá Erlingi ok Hákon.

4. Erlingr skakki tók skip þau öll í Túnssbergi, er Hákon konungr átti. Þar fékk hann Boekisúðina, er Ingi konungr hafði átt. Erlingr fór síðan ok lagði undir Magnús alla Vikina, ok svá norðr alt sem hann fór, ok sat um vetrinn í Björgyn. Þá lét Erlingr drepa Ingibjörn sípíl lendaðann mann Hákonar konungs norðr í Fjörðum. Hákon konungr sat í Þrándheimi um vetrinn, en eftir um vart bauð hann út leiðangri, ok bjóst at fara suðr til móts við Erling. Þar váru þá með honum Sigurðr jarl, Jón Sveinsson, Eindriði ungi, Öundur Símonarson, Philippus Pétsson, Philippus Gyrðarson, Rögnvaldr kunta, Sigurðr kápa, Sigurðr hjúpa, Friðekr kœna, Ásbjörn á Forlandi, Þorbjörn son Gunnars gjaldkera, Straðbjarni.

Frá liði Erlings.

15

5. Erlingr var í Björgyn ok hafði lið mikit, ok tók þat til ráðs, at hann lagði farbann fyrir kaupskip öll, er fara vildu norðr til kaupangs, fyrir því at hann hugði, at ofskjótt mundi koma Hákonu nýsni, er skipin fœri í milli, ok fann þó þat til, at Björgynjarmenn væri makligri at hafa gœzku, þá er á skipunum var, þótt údyrra væri keypt at byrðingsmönnum, en þeim þœtti fallit, heldr en flutt væri í hendr fjándmönnum yárum ok úvinum, þeim til styrks. Nú sömnuðust skip til bæjarins, því at mœrg kómu hvern dag, en engi fóru í brott. Þá lét Erlingr setja upp skip sín, þau er léttust váru, ok lét þann kvitt fara, at hann mundi þar bíða ok veita viðrtöku við vana sinna fullting ok frænda. En einnhvern dag lét Erlingr blása til stýrimanna stefnu, ok gaf þá lof öllum kaupskipa stýrimönnum at fara, hvert er þeir vildu. En er menn höfðu fengit leyfi af Erlingi skakka, þeir er fyrir byrðingum réðu ok áðr lágu alþúnir at fara með varnaði sínum, sumir með kaupum, en sumir áttu önnur erendi, var þat þá ok veðr, er vel var segltœkt norðr með landi, ok

fyrir en nón kvæmi þess dags, höfðu allir siglt, þeir er búnir váru; sótti sá sína ferð ákafligast, er skip hafði skjótast; keptist hverr við annan. En er þetta samflot kom norðr á Moeri, þá var þar fyrir lið Hákonar konungs, ok sjálfir hann var þar í liðsamnaði ok búnaði, ok stefndi til sín lendum mönnum ok leiðangrsmönnum, ok hafði þá áðr langa hrið ekki til tíðinda spurt af Björgyn. En nú féngu þeir eina njósn af öllum skipum, er sunnan fóru, at Erlingr skakki hafði uppsett skip sín í Björgyn, ok mundu
10 þeir hans eiga þangat at vitja, ok sögðu, at hann hefði mikit lið. Þaðan sigldi Hákon til Véeyjar, en gerði frá sér menn inn í Raumsdal, Sigurð jarl ok Önund Símonarson, at fá sér lið ok skip; ok hann sendi frá sér menn á Moeri hváratveggju. En er Hákon konungr hafði dvalzt
15 fár nætr í kaupbönum, þá lagði hana brott ok suðr nokkuru lengra, ok þótti sem þá mundi fljótara byrjuð þeira ferð, ok lið mundi skjótara til hans koma. Erlingr skakki hafði leyft brottferð byrðingum or Björgyn sunnudaginn, en týsdaginn, er lokit var formessum, var blásit konungs lúðri,
20 ok stefnir hann til sín liðsmönnum ok bæjarmönnum, ok lét setja fram skip þau, er áðr váru uppsett. Erlingr átti húsping við lið sitt ok leiðangrsmenn, sagði þá ætlan sína, nefndi menn til skipstjórnar, lét lesa upp, hverir skráðir váru á konungskipinu. Lauk svá þessu þingi, at
25 Erlingr bað hvern búast um í sínu rúmi, hvar sem skipat var; lét þann missa skyldu lífs eða lima, er þá dveldist eptir í bönum, er hann lagði braut Boekisúðinni. Ormr konungsbróðir lagði þegar brott sínu skipi um kveldit, ok flest skip þau er áðr höfðu verit á floti.

30

Frá Erlingi skakka.

6. Óðinsdaginn áðr messur væri sungnar í bönum, lagði Erlingr brott öllu liðinu or bönum; þeir höfðu 21 skip; þá var blásandi byrr sunnan með landi. Erlingr hafði með sér Magnús konung son sinn; margir váru þar

lendir menn, ok höfðu hit fríðasta lið. Þá er Erlingr sigldi norðr fyrir Fjörðu, þá sendi hann skútu inn af leið til bús Jóns Hallkelssonar, ok lét taka Nikolás son Símonar skálps ok Mariu Haraldsdóttur gilla, ok höfðu þeir hann með sér út til Viðsins, fór hann á kenungsskipit. Frjádaginn 5 þegar í óttu sigldu þeir á Steinavág. Hákon konungr lá þá í höfn þeiri, er heitir ok hafði 14 skip; var hann sjálf ok menn hans uppi á eyjunni á leiki, en lendir menn hans sátu á haugi nökkurum. Þeir sá, at báttr nökkurreri sunnan at eyinni; tveir menn váru þar á, ok létu þeir 10 fallast í kjölinn ofan, ok tóku þeir fram árum eigi úákaf- ligar. En er þeir kómu at landi, festu þeir eigi bátinn, ok runnu báðir. En þetta sá ríkismenn, ok ræddu sín í milli, at þessir menn mundu segja kunna tíðindi nökkur; stóðu upp ok géngu í móti þeim. Ok þegar er þeir funnust, 15 spurði Önundr Símonarson: Kunnut þit nökkut segja til Erlings skakka, er þit farit svá ákaflega? Sá svaraði, er fyrri mátti máli upp koma fyrir mœði sakir: Hér siglir Erlingr sunnan at yðr með 20 skip eða því nær, ok mörg ýrit stór, ok munut þér nú skjótt sjá segl þeira. Þá svar- 20 aði Eindriði ungi: Ofnær nefi, kvað karl, var skotinn í auga. Géngu þeir þá þegar skyndiliga þar til, sem leikrinn var, ok því næst kvað lúðr við, ok var blásinn herblástr öllu liði til skipa sem ákaflegast, ok var þat í þann tíma dags, er mjök var matbúit. Til skipanna stefndi alt fólk, hljóp 25 hverr þar út á skip, sem honum var næst, ok urðu skipin újafnskipuð; taka þeir til ára, sumir reisa viðuna, ok snúa norðr skipunum, ok stefna til Véeyjar, fyrir því at þeir væntu sér þar mikils liðs af bæjarmönnum.

Fall Hákonar konungs.

30

7. Þessu næst sjá þeir segl þeira Erlings, ok svá hvárir aðra. Eindriði ungi hafði þat skip, er kallat var Draglaun, langskipsbuza mikil, ok hafði þá orðit liðfátt, því at þeir höfðu hlaupit á önnur skip, er þar höfðu áðr á

verit; þat var seinst skipa Hákonar. En þá er Eindriði kom gegnt eyinni Sekk, þá kom Bækisúðin eptir þeim, er Erlingr skakki stýrði, ok festi saman þau skip. En Hákon var þá nálíga kominn inn til Véeyjar, er þeir heyrðu lúðragang; því at aptr sneru þau skipin, er næst váru, ok vildu veita lið Eindriða, ok leggja þá hvárirtveggju til orrostu, svá sem við kómust; fóru mörg seglin ofan þverskipa, en engi váru tengð, ok lögðu borð við borð. Þessi orrosta varð ekki löng, áðr skipan ryfist á skipi Hákonar konungs; 10 féllu sumir, en sumir hljópu fyrir borð. Hákon steypiti yfir sik grári kápu, ok hljóp á annat skip; en er hann hafði dvalizt þar litla hríð, þóttist hann vita, at hann var með úvinum þar kominn. Ok er hann hugsaði fyrir sér, þá sá hann enga sína menn eða sín skip allnær; þá gékk hann 15 á Bækisúðina ok fram í stafnsveit, ok bað sér griða, en stafnbúar tóku hann til sín ok gáfu honum grið. En í þessi hríð hafði orðit mikit mannfall, ok þó meira af Hákonar mönnum. Fallinn var þá á Bækisúðinni Nikolás son Símonar skálps, ok var hans dráp kent þeim sjálfum Erlings mönnum. 20 Eptir þetta varð hvíld á orrostu, ok greiddust sér hvár skipin. Þá var sagt Erlingi, at Hákon konungr var þar á skipinu, ok stafnbúar hans höfðu tekit Hákon til sín ok heit-uðust at verja hann. Erlingr sendi mann fram á skipit, ok bað þat segja stafnbúum, at þeir varðveitti Hákon svá. at 25 hann færi eigi á brott, en lézt mundu eigi í móti mæla, at konungr hefði grið, ef þat væri ráð ríkismanna, ok væri þaðan leitat um sættir. Stafnbúar mæltu allir, at hann skyldi mæla allra höfðingja heilastr. Þá lét Erlingr blása ákafliga ok bað menn þess, at þeir skyldu leggja at skipum 30 þeim, er úhroðin váru, sagði, at þeir mundu eigi komast í betra færi at hefna Inga konungs. Þá ceptu allir heróp, ok eggjaði hverr annan, ok greiddu til atlögunnar. Í þessum þys var Hákon konungr særðr banasári. En eptir fall hans, ok þá er hans menn urðu þess varir, þá reru þeir at fast, 35 ok köstuðu hlífunum ok hjoggu tveim höndum, ok hirtu þá

eigi um líf sitt. Þessi ofrausn gerðist þeim brátt at skaða miklum, því at Erlings menn sá þá bera höggstaði á þeim; féll lið Hákonar konungs mikill hlutr, bar þat mest til, at liðsmunr var mikill, ok menn Hákonar hlífðu sér lítt, en engi þurfti griðin at nefna af Hákonar mönnum, nema þeir 5 einir, er ríkismenn tóku á vald sitt ok festu fé fyrir. Þessir menn féllu af Hákonar liði: Sigurðr kápa, Sigurðr hjúpa, Rögnvaldr kunta. En nökkur skip kómust undan ok reru inn í fjörðu, ok hulpu svá lífi sínu. Lík Hákonar konungs var flutt inn í Raumsdal, ok var þar jarðat. Sverrir 10 konungr bróðir hans lét flytja lík Hákonar konungs norðr til kaupangs ok leggja í steinvegginn í Kristskirkju fyrir sunnan í kórinum.

Flótti liðshöfðingja Hákonar konungs.

8. Sigurðr ok Eindriði ungi, Önundr Símonarson, Fri- 15 rekr koena ok enn fleiri höfðingjar héldu saman flokkinum, leifðu skipin í Raumsdal ok fóru síðan til Upplanda. Erlingr skakki ok Magnús konungr fóru liði sínu norðr til kaupangs, ok lögðu land alt undir sik, hvar sem þeir fóru. Síðan lét Erlingr stefna Eyraþing, var þar Magnús tekinn um 20 alt land til konungs. Dvaldist Erlingr þar litla hríð, því at honum þóttu Þrændir ekki vera trúligir þeim feðgum, var Magnús þá kallaðr konungr yfir öllu landi. Hákon konungr var maðr heldr fríðr sýnum, vel vaxinn, hár ok mjór, hann var herðibreiðr mjök, því kölluðu liðsmenn hann 25 Hákon herðibreið. En fyrir því at hann var ungr at aldri, höfðu aðrir höfðingjar ráðagerð með honum; hann var kátr ok lítillátr í máli, leikinn ok hafði ungmennis æði, vinsæll var hann við alþýðu.

Upphaf Sigurðar konungs.

30

9. Markús á Skógi hét maðr upplenzkr, frændi Sigurðar jarls. Markús fóstaraði son Sigurðar konungs, sá hét ok Sigurðr. Síðan tóku Upplendingar Sigurð til konungs

með ráði Sigurðar jarls ok annarra höfðingja, þeira er fylgt
höfðu Hákonni konungi, ok höfðu þeir þá enn styrk mikinn
liðs; fór flokkurinn optliga í tvenningu, var konungr ok
Markús minnr á viðborða, en Sigurðr jarl ok aðrir höfðing-
5 jar með sínar sveitir meir við háskann; fóru þeir með flokk-
inn mest um Upplönd, en stundum ofan í Víkina. Erlingr
skakki hafði með sér jafnan Magnús son sinn, hafði hann
ok skipastól allan ok landvarnir. Var hann í Björgyn um
haustit hrið nokkura, ok fór þaðan austr í Vík ok settist
10 í Túnsbergi, efnaði þar til vetrsetu, ok samnaði at sér
um Víkina sköttum ok skyldum, þeim er konungr átti, hann
hafði ok frítt lið ok mikit. En með því at Sigurðr jarl
hafði lítit af landi, en mikit var fjölmenni, varð brátt féfátt,
ok þar er eigi váru höfðingjar nær, þá varð eptir fénu leitast
15 mjök aflaga, sumt með frekligum sakagiptum, en sumt ber-
liga með ránum.

Dæmdr Sigurðr jarl.

10, Í þann tíma stóð Noregs veldi með blóma miklum,
var bóndafólk auðigt ok ríkt, ok úvant úfrelsi eða úfriði
20 flokkanna; gerðist brátt mikit orðlag ok stórar frásagnir, þá
er rænt var. Víkverjar váru fullkomnir vinir Magnús kon-
ungs ok Erlings; olli því mest vinsæld Inga konungs
Haraldssonar, því at Víkverjar höfðu með sínum styrk jafn-
an þjónat undir þann skjöld! Erlingr lét hafa varðhöld á
25 bæum, ok vöktu 12 menn hverja nótt. Erlingr átti jafnan
þing við bæendr, ok var þá talat opt um úspektir Sigurðar
manna; ok með fortölum Erlings ok annarra liðsmanna, þá
fékkst mikill rómr til þess af bóndum, at þat væri mikit
happaverk, at menn léti þann flokk aldri þrífast. Árni
30 konungsmágr talaði langt um þetta mál, ok hart at lyktum;
beiddi hann þess alla menn, er á váru þinginu, bæði liðs-
menn ok bæendr ok bæjarmenn, at menn skyldu gera vápn-
atak at því, at dæma með lögum Sigurð jarl ok allan
flokk þeira til fjándans bæði lífs ok dauða. En með ákafa

lýðsins ok ústilling, þá játtu allir því; var þetta úðema-
verk gert ok fest, svá sem lög váru til at ðoema á þingum.
Hróaldr prestur langtala talaði um þetta mál, hann var maðr
málsnjallr, ok kom sú tala mjök í einn stað, svá sém áðr
hafði talat verit. Erlingr veitti um jólin í Túnssbergi, en
hann gaf mála þar um kyndilmessu.

Frá Erlingi.

11. Sigurðr jarl fór með hit fríðasta lið sitt um Víkina,
ok gékk undir hann mart lið fyrir ofríkis sakir, en margir
guldu fé; fór hann svá víða uppi á landi, ok kom fram í
ymsum stöðum. Váru þeir sumir í flokkinum, er sér leituðu
griða á laun til Erlings, en þar kómu þau svör í mót, at
allir menn, þeir er þess leituðu, skyldu hafa lífsgrið, en þeir
einir landsvist, er eigi væri í stórsökum við hann. En
er þat spurðu flokksmenn, at menn skyldu eigi landsvistina
hafa, þá hélt þat mjök saman flokkinum; því at þeir váru
margir, er sik vissu at því sanna, at Erlingi mundi þykkja
mjök sakbitnir. Philippus Gyrðarson gékk til sætta við
Erling, ok fékk aptr eignir sínar, ok fór aptr til búa sinna.
Litlu síðar kómu þar Sigurðar menn ok drápu hann. Mörg
slög veittu hvárir öðrum í eltum eða í manna aftökum, ok
er þat ekki ritat, er eigi áttust höfðingjar við.

Erlingr fær njósn um Sigurð jarl.

12. Þat var á öndverðri föstu, er njósn kom Erlingi,
at Sigurðr jarl mundi koma á fund hans, ok var til hans
spurt hér ok hvar, stundum nær, en stundum firrmeir.
Erlingr gerði þá njósn frá sér, at hann skyldi varr verða,
hvar sem þeir kvæmi fram. Hann lét ok hvert kveld blása
öllu liðinu upp or böenum, ok lágu þeir um nætr í samnaði.
ok var alt skipt liðinu í fylkingar. Þá kom Erlingi njósn, at
þeir Sigurðr jarl váru þaðan skamt í brott upp á Ré. Erlingr
byrjar þá ferð sína or böenum ok hafði með sér alt bœjarfólk.
þat er vígt var ok vápnat, ok svá kaupmenn, nema

menn, er eptir váru at gæta bæjarins. Hann fór or bæn-
 um týsdaginn í annarri viku langaföstu eptir nón ok hafði
 hverr maðr með sér tveggja daga vist; fóru þá um nóttina,
 ok varð þeim seint at koma liðinu or böenum. Um einn
 5 hest ok einn skjöld váru tveir menn. Þá er skorat var liðit,
 þá var nær 13 hundruð manna. En er njósn kom í mót
 þeim, var þeim sagt, at Sigurðr jarl var á Ré, á þeim bæ
 er Rafnes heitir, með 5 hundruð manna. Lét þá Erlingr
 kalla saman liðit, ok sagði þau tíðindi, er hann hafði spurt;
 10 en allir eggjuðu, at þeir skyldu skunda ok taka hús á
 þeim, eða berjast þegar um nóttina. Erlingr talaði ok mælti
 svá: Þat mun líkligt þykkja, at fundr várr Sigurðar
 jarls muni brátt at berast; eru í þeira flokki ok margir
 aðrir þeir menn, er oss mætti minnisamt vera þeira
 15 handaverk, er þeir hjoggu niðr Inga konung, ok svá marga
 aðra vára vini, sem seint er tölu á at koma; gerðu þeir
 þau verk með fjánda krapti ok fjölkyngi ok niðingskap,
 því at þat stendr hér í lögum várum ok landsrétti, at engi
 maðr hefir svá fyrirgert sér, at eigi heiti þat niðingsverk eða
 20 mörðvíg, er menn drepast um nætr. Hefir þessi flokkur sér
 leitat þeira heilla at tilvísan fjölkunnigra manna, at þeir
 skyldu um nætr berjast, en eigi undir sólu; hafa þeir ok
 með þvílíkri framkvæmd þann sigr unnit, at stíga yfir höfuð
 þvílíkum höfðingja, sem þeir hafa at jörðu lagt. Nú höfum
 25 vér þat optliga sagt ok sýnt, hvernug afleitt oss sýnist um
 þeira hátt, er þeir hafa um nætr til bardaga ráðit; skulu
 vér fyrir því heldr hafa hinna höfðingja dæmi, er oss eru
 kunnari, ok betra er eptir at líkja, at berjast um ljósa daga
 ok með fylking, en stelast um nætr á sofandi menn; höfum
 30 vér lið gott í móti, eigi meira her en þeir hafa; skulum
 vér bíða dags ok lýsingar ok haldast saman í fylkingu, ef
 þeir vilja nökkur áhlaup oss veita. Eptir þat settist niðr
 alt liðit; tóku sumir í sundr heyhjálma nökkura ok gerðu sér
 af ból, sumir sátu á skjöldum sínum ok biðu svá lýsingar.
 35 Svalt var veðr ok vátadrífa.

Frá fylking Sigurðar jarls.

13. Sigurðr jarl hafði svá fremi fengit njósnina, er liðit var komit nær at þeim. Stóðu menn hans upp ok vápnuðust, ok vissu úgerla, hversu mikit lið þeir Erlingr höfðu, vildu sumir flýja, en flestir vildu bíða. Sigurðr jarl 5 var vitr maðr ok snjallr í máli en kallaðr ekki mikill áræðismaðr, var hann ok fúsari þá at flýja, ok fékk hann af því mikit ámæli af liðsmönnum. En er lýsa tók, tóku hváirtveggju at fylkja liðinu; fylkti Sigurðr jarl á brekku nokkurri fyrir ofan brúna, milli ok bæjarins; þar féll lítill á; en þeir Erl- 10 ingr fylktu öðrum megin árinna; á bak fylking þeira váru menn á hestum vel vápnaðir, þeir höfðu konung með sér. Jarls menn sá þá, at liðsmunr mundi vera mikill, ok töldu þat ráð at leita á skóginn. Jarl svarar: Þat segit þér, at mér fylgi engi hugr, en nú skal þat reyna; ok gæti nú 15 hverr sín, at eigi flýi eða fálmi fyrr en ek. Vér höfum vígi gott, látum þá ganga yfir brúna, en er merkit kemr yfir brúna, þá steypumst vér á þá fyrir brekkuna, ok flýi nú engi frá öðrum. Sigurðr jarl hafði brúnaðan kyrtill ok rauða skikkju, ok drepit upp skautunum, fit- 20 skúa á fótum, hann hafði skjöld ok sverð, er Bastarðr var kallaðr. Jarl mælti: Þat veit guð með mér, at heldr en þiggja mikit gull, þá vilda ek ná með Bastarði at koma einu höggvi við Erling skakka.

Fall Sigurðar jarls.

25

14. Lið Erlings skakka vildi ganga fram at brúnni; hann mælti, bað þá venda upp með ánni: Er á þessi lítill ok engi torføera, því at slétt er at. Var svá gert. Jarls fylking fór upp eptir brekkunni gegnt þeim. En þá er þraut brekkuna ok slétt var yfir ána ok gott, þá mælti 30 Erlingr, at hans menn skyldu syngja Pater Noster ok biðja, at þeir hefði gagn, er betr gegndi. Þá sungu þeir Kirial allir hátt, ok börðu vápnum allir á skjöldu sína. En við þann gný skutust á brott ok flýðu 3 hundruð manna af

Erlings liði. Gékk Erlingr ok hans lið yfir ána, en jarls menn æptu heróp. En þeim brást framhlaupit fyrir brekkuna at Erlings fylking, tókst orrosta á framanverðri brekkunni, váru fyrst spjótalög, ok þegar brátt höggorrosta; fór
5 á hæl jarls merki, svá at Erlingr ok hans menn kómust upp á brekkuna. Varð þá skömm orrosta, áðr jarls lið flýði á skóginn, er at baki þeim var áðr. Þá var sagt Sigurði jarli, ok báðu menn hann flýja. Hann svaraði: Fram vér nú, meðan vér megum. Géngu þeir þá fram
10 allbraustliga ok hjoggu til beggja handa. Í þeiri hríð féll Sigurðr jarl ok Jón Sveinsson, ok nær 60 manna. Þeir Erlingr létu fátt manna, ok ráku flóttann at skóginum. Þá stöðvaði Erlingr liðit ok hvarf aptr. Hann kom þar at, er þrælar konungs vildu draga klæði af Sigurði jarli, ok
15 var hann eigi með öllu ørendr, ok vissi þó ekki. Hann hafði fólgtit sverð sitt í umgjörð, ok lá þat þar hjá honum. Erlingr tók þat upp ok laust með þrælana, bað þá braut skríða. Eptir þat hvarf Erlingr aptr með liði sinu, ok settist í Túnsbergi. Sjau nóttum síðar en jarl féll, tóku
20 þeir Erlings menn Eindriða unga, ok var hann drepinn.

Frá Markúsi af Skógi ok Sigurði konungi.

15. Markús af Skógi ok þeir Sigurðr fóstrar réðu ofan í Víkina, er váraði, ok féngu sér þar skip. En er Erlingr spurði þat, þá fór hann austr eptir þeim, ok hittust
25 þeir í Konungahellu. Flýðu þeir Markús út í eyrna Hísing; dreif þar ofan landsfólk Hísingsbúar ok géngu í fylking með Markús mönnum. Þeir Erlingr reru at landi, en Markús menn skutu á þá. Þá mælti Erlingr við sína menn: Tökum skip þeira, ok göngum ekki upp at berjast
30 við landsher; Hísingsbúar eru illir heimsóknar, harðir menn ok úvitrir; munu þeir litla hríð hafa flokk þenna með sér, því at Hísing er lítit land. Svá var gert, at þeir tóku skipin ok fluttu yfir til Konungahellu. Markús ok hans lið fóru upp á Markir, ok ætluðu þaðan til áhlaupa; höfðu þá

hvárir njósn af öðrum. Erlingr hafði fjölmenni mikit, nefndi þar til lið or heruðum; veittu þá hvárigir öðrum árásir.

Upphaf Eysteins erkibyskups.

16. Eysteinn son Erlends hímalda var kosinn til erkibyskups eptir andlát Jóns erkibyskups. Eysteinn var 5 vígðr á sama ári ok Ingi konungr féll. En er Eysteinn erkibyskup kom til stóls, var hann vel þokkaðr öllu landsfólki, hann var skörungr mikill ok maðr ættstórr; tóku Þrændir vel við honum, því at flest stórmenni í Þrændalögum var bundit í frændsemi eða í nökkurum tengðum við 10 erkibyskup, en allir fullkomnir í vináttu. Erkibyskup hóf þá málaleitan við bæendr; talaði fyrst um fjárþurft staðarins, ok þat með, hversu mikla uppreist staðrinn þurfti at hafa, ef hann skyldi þá vera þeim mun sœmiligar haldinn en áðr, sem hann var þá tignari en áðr, er þar var erkibyskupsstóll 15 settr. Hann beiddi þess bæendr, at þeir skyldu veita honum silfrmetinn eyri í sinn sakeyri, en áðr hafði hann sakmetinn eyri, sem gékk í konungs sakeyri; en þess auralags er helmings munr, at meiri er sá, er hann vildi hafa, silfrmetinn eyrir. En við styrk frænda erkibyskups ok vina, 20 en framkvæmd hans sjálfs, þá gékk þetta við, ok var þat dæmt at lögum um öll Þrændalög ok um fylki þau, er í hans erkibyskupsríki váru.

Frá Markúsi ok Sigurði konungi.

17. Sigurðr ok Markús, þá er þeir höfðu látit skip 25 sín í Elfinni, sá þat, at þeir féngu ekki lang á Erlingi, þá snerust þeir til Upplanda, ok fóru svá hit efra norðr til Þrándheims; var þeim þar vel fagnat, var Sigurðr þar til konungs tekinn á Eyraþingi. Réðust þar til flokksins margir góðra manna synir; réðu þeir þar til skipa, ok 30 bjoggust skyndiliga, fóru er sumraði suðr á Moeri, ok tóku allar konungstekjur, hvar sem þeir fóru. Þeir váru í Björgyn lendir menn til landvarnar Nikólás Sigurðarson, Nökkvi

Pálsson, ok enn fleiri sveitarhöfðingjar, Þórólfr dryllr, Þorbjörn gjaldkeri, ok margir aðrir. Þeir Markús sigldu norðan, ok spurðu, at Erlings menn höfðu fjölment í Björgyn, sigldu þar útleið ok suðr um. Þat höfðu menn á máli, at þat sumar höfðu Markús menn byr, hvar sem þeir vildu fara.

Dráp Sigurðar konungs ok Markús.

18. Erlingr skakki, þegar er hann spurði, at þeir Markús höfðu norðr snúit, þá hélt hann norðr í Víkina, ok dró at sér lið ok varð brátt fjölmennr, ok hafði skip stór ok mörg. En er hann sótti út í Víkina, fékk hann andviðri, ok lá lengi hér ok hvar í höfnum alt þat sumar. En er þeir Markús kómu austr á Lista, þá spurðu þeir, at Erlingr hafði her úvígjan í Víkinni, vendu þá aptr norðr. En er þeir kómu á Hörðaland, þá ætluðu þeir til Björgynjar, en er þeir koma fyrir bæinn, þá róa þeir Nikolás innan í móti þeim, ok höfðu lið miklu meira ok skip stærri. Sá þeir Markús þá engi annan sinn kost, en róa suðr undan, stefna sumir til hafs út, sumir suðr í sund, sumir í fjörðu inn. En Markús ok sumt lið með honum hljópu upp í ey þeiri, er Skarpa heitir. Þeir Nikolás tóku skip þeira, gáfu grið Jóni Hallkelssyni ok nökkurum mönnum öðrum, en drápu flest þat er þeir náðu. Nökkurum dögum síðar fann Eindriði heiðafylja þá Sigurð ok Markús, váru þeir fluttir til Björgynjar. Var Sigurðr höggvinn út frá Grafdali, en Markús var hengðr við annan mann á Hvarfsnesi; en þat var Mikjálmessu. Flokkur sá, er þeim hafði fylgt, dreifðist þá.

Frá Erlingi ok Hísingsbúum.

19. Frirekr kœna ok Bjarni hinn illi, Önundr Símónarson, Örnólfr skorpa, þeir höfðu róit á haf út með nökkurum skipum, ok héldu hit ytra með hafi austr fyrir land. En hvar sem þeir kómu við land, ræntu þeir ok

drápu vini Erlings. En er Erlingr spurði dráp þeira Markús, þá gaf hann heimleyfi lendum mönnum ok leiðangrsmönnum, en hann sjálf hélt þá sínu liði austr yfir Foldina, því at hann spurði þar til Markús manna. Erlingr hélt til Konungahellu, ok dvaldist þar um haustit. 5 Á fyrstu viku vetrar fór Erlingr út í eyrna Hísing með miklu liði, ok krafði þar þings. Hísingsbúar kómu ofan ok héldu upp þingi. Erlingr bar sakir á hendr þeim um þat, er þeir höfðu hlaupit í flokk með Markús mönnum ok fylkt liði í móti honum. Özurr hét sá maðr, er ríkastr var 10 bónda, er talaði af þeira hendi. Var þingit langt, en at lyktum festu bæendr dóm Erlingi, en hann gerði þeim stefnulaag á viku fresti í bænum, ok nefndi til 15 menn af bóndum at koma þar. En er þeir kómu, dæmdi Erlingr á hönd þeim at gjalda þrjú hundruð nauta. Fóru bæendr heim ok 15 undu illa sínum hluta. Litlu síðar lagði ís á ána ok fraus inni skip Erlings; þá héldu bæendr gjaldinu ok lágu í samnaði um hríð. Erlingr bjó þar til jólaveizlu, en Hísingsbúar höfðu samburðaröl ok héldu sveit um jólin. Um nóttina eptir fimta dag jóla, fór Erlingr út í eyrna ok tók 20 hús á Özuri ok brendi hann inni, ok alls drap hann tíu tigi manna, ok brendi þrjá bæi, fór síðan aptr til Konungahellu. Síðan kómu bæendr til hans ok guldu gjaldit.

Dráp Fríreks kœnu ok Bjarnar illa.

.20. Erlingr skakki bjóst þegar um várit, er hann 25 mátti flota skipum sínum fyrir ísum, ok fór or Konungahellu. Hann spurði, at þeir herjuðu norðr í Víkinni, er verit höfðu fyrr Markús menn. Erlingr hélt til njósnum um farar þeira, ok fór at leita þeira, ok hitti þá, er þeir lágu í höfn nökkurri. Önundr Símonarson ok Örnólfr skorpa 30 kómust undan, en Frírekr kœna ok Bjarni hinn illi urðu handteknir, ok drepit mart af sveitungum þeira. Erlingr lét binda Frírek við akkeri ok kasta fyrir borð; var Erlingr af því verki hit mesta úþokkaðr í Þrændalögum, því at

Frírekr átti þar hina beztu ætt. Bjarna lét Erlingr hengja, ok mælti hann þá, sem hann var vanr, hin mestu orðskræpi, áðr hann var hengðr. Svá segir Þorbjörn skakkaskáld:

5	Urð dró austan fjarðar Erlingr at víkingum, mein fékk margr af Kœnu maðr, er hann fór þaðra.	Færðr var fleinn meðal herða Fríreks, ofar nekkvi skoldi úþarfr öldum illgjarn við tré Bjarni.
---	---	---

Önundr ok Örnólfr, ok þær sveitir er undan höfðu komizt,
10 flýðu til Danmerkr, en váru stundum á Gautlandi eða í Víkinni.

Ræður Erlings ok erkibyskups.

21. Erlingr skakki hélt síðan til Túnsbergs, ok dvald-
ist þar lengi um várit. En er sumraði, hélt hann norðr
15 til Björgynjar, var þar þá allmikit fjölmenni. Þar var þá
Stephanus legatus af Rómaborg ok Eysteinn erkibyskup, ok
aðrir byskupar innlenzkir. Þar var ok Brandr byskup, er
þá var vígðr til Íslands, þar var ok Jón Loptsson, dóttur-
son Magnús konungs berfœtts; þá hafði Magnús konungr
20 ok aðrir frændr Jóns tekit við frændsemi hans. Eysteinn
erkibyskup ok Erlingr skakki váru opt á tali ok á ein-
mælum; ok eitt sinn var þat í ræðum þeira, at Erlingr
spurði: Er þat með sannindum, herra! er menn segja, at
þér hafit aukit auralag um sakeyri yðarn við bændr norðr
25 í landit? Erkibyskup svarar: Þat er víst satt, at bændr
hafa mér þat veitt, at auka auralag um sakeyri minn; hafa
þeir þat gert at sjálfræði sínu en með engum pyndingum,
aukit í því guðs dýrð ok auðæfi staðar várs. Erlingr sagði:
Hvært eru þat lög, herra! hins helgá Ólafs konungs, eða
30 hafit ér tekit nökkuru frekara þetta mál, en svá sem ritat
er í lögbókinni? Erkibyskup svarar: Svá mun hinn helgi
Ólafr konungr lögin hafa sett, sem hann fékk þá jáorð
ok samþykki alþýðu til; en ekki finnst þat í hans lögum,
at bannat sé at auka guðs rétt. Erlingr sagði: Vilit þér

auka yðarn rétt, þá munut þér styrkja vilja oss til þess, at
 vér aukim jafnmiklu konungsréttinn. Erkibyskup svarar:
 Aukit hefir þú nú áðr með gnógu nafn ok ríki sonar þíns;
 en ef ek hefi aflaga tekit auralögin af þeim Þrændum, þá
 ætla ek stœrra bera hin lagabrotin, er sá er konungr yfir 5
 landi, er eigi er konungs son, eru þar hvárki til þess lög
 né dœmi hér í landi. Erlingr sagði: Þá er Magnús var
 til konungs tekinn yfir Noregs ríki, var þat gert með yð-
 arri vitand ok ráði ok svá annarra byskupa hér í landi.
 Erkibyskup svarar: Því héztu þá, Erlingr! ef vér samþykktim 10
 með þér, at Magnús væri til konungs tekinn, at þú skyldir
 styrkja guðs rétt í öllum stöðum með öllum krapti þínum.
 - Játi ek því, sagði Erlingr, at ek hefi heitit at halda guðs
 lög ok landsrétt með öllum mínum styrk ok konungs. Nú sé ek
 hér betra ráð til, en hvárr okkarr kenni öðrum brigðmæli; 15
 höldum heldr öll einkamál vár; styrkit þér Magnús konung
 til ríkis, svá sem þér hafit heitit, en ek skal styrkja yðart
 ríki til allra farsælligra hluta. Fór þá öll ræðan mjúkliga
 með þeim. Þá mælti Erlingr: Ef Magnús er svá til kon-
 ungs tekinn, sem forn siðr er til hér í landi, þá megut 20
 þér af yðru valdi gefa honum kórónu, sem guðs lög eru
 til at smyrja konung til veldis. En þótt ek sjá eigi kon-
 ungr eða af konunga ætt kominn, þá hafa þeir konungar
 nú verit flestir í váru minni, er eigi vissu jafnvel sem ek
 til laga eða landsréttar; en móðir Magnús konungs er kon- 25
 ungs dóttir ok dróttningar skilfengin, Magnús er ok drótt-
 ningar son ok eiginkonu son. En ef þer vilit gefa honum
 konungs vígslu, þá má engi hann taka síðan af konung-
 dóminum at réttu. Eigi var Vilhjálmr bastardr konungs
 son, ok var hann vígðr ok kórónaðr til konungs yfir Eng- 30
 landi, ok hefir síðan haldizt konungdómr í hans ætt á Eng-
 landi, ok allir verit kórónaðir. Eigi var Sveinn Úlfsson í
 Danmörk konungs son, ok var hann þó þar kórónaðr kon-
 ungr, ok síðan synir hans, ok hvern eptir annan þeira
 frænda kórónaðr konungr. Nú er hér í landi erkistóll, er 35

þat mikill vegr ok tign lands várs; aukum vér nú enn með góðum hlutum, höfum konung kórónaðan eigi síðr en enskir menn eða Danir. Síðan töluðu þeir erkibyskup ok Erlingr um þetta mál optliga, ok fór alt sáttgjarnliga.

5 Síðan bar erkibyskup þetta mál fyrir legatann, ok fékk auðveldliga snúit legatanum til samþykkis við sik. Átti erkibyskup þá stefnu við ljóðbyskupa ok aðra kennimenn, ok bar þetta mál fyrir þá; en allir svöruðu á einà lund, sögðu þat sitt ráð sem erkibyskup vildi vera láta, ok

10 fýstu allir, at vígsla færi fram, þegar þeir funnu, at erki- byskup vildi svá vera láta, var þat þá allra dómr.

Vígsla Magnús konungs.

22. Erlingr skakki lét búa í konungsgarði til veizlu mikillar, ok var höll hin mikla tjölduð pillum ok bakklæðum,

15 ok búin með hinum mesta kostnaði. Var þar veitt hirð- inni ok öllum handgengnum mönnum; þar var fjöldi boðs- manna ok margir höfðingjar. Magnús tók þá konungsvígslu af Eysteini erkibyskupi, ok þar váru at vígslunni aðrir 5 byskupar ok legatinn ok fjöldi kennimanna. Erlingr

20 skakki ok með honum 12 lendir menn sóru lagaeiða með konungi. Ok þann dag, er vígslan var, hafði konungr ok Erlingr í boði sínu erkibyskup ok legatann, ok alla byskupa, ok var sú veizla hin vegsamligsta; gáfu þeir feðgar þar margar stórgjafir. Þá var Magnús konungr 8

25 vetra, þrjá vetr hafði hann þá konungr verit.

Fra sendimönnum Danakonungs.

23. Valdimarr Danakonungr hafði þá spurt þau tíð- indi af Noregi, at þar var þá Magnús einn konungr, ok þá var eytt flokkum öllum öðrum þar í landi. Þá

30 sendi konungr menn sína með bréfum til Magnús kon- ungs ok þeira Erlings, minti þá á einkamál þau, er Erlingr hafði bundit við Valdimar konung, svá sem hér var fyrr ritat, at Valdimarr konungr skyldi eignast Víkina austan

til Rygjarbits, ef Magnús yrði einvaldskonungur í Noregi. En er sendimenn kómu fram ok sýndu Erlingi bréf Danakonungs, ok hann skilr tilkall þat, er Danakonungur hefir í Noregi, þá bar Erlingr þetta fyrir aðra menn þá, er hann skaut ráðum til. En þeir sögðu allir eitt, at aldri skyldi 5 Dönum miðla af Noregi, því at menn sögðu, at sú öld hefði verst verit þar í landi, er Danir höfðu vald yfir Noregi. Sendimenn Danakonungs töluðu sitt mál fyrir Erlingi ok beiddu hann orskurðar. Erlingr bað þá fara með sér í Vík austr um haustit, sagði, at hann mundi þá veita 10 orskurð, er hann hefði hitta þá menn í Víkinni, er vitrastir váru.

Frá Erlingi ok Víkverjum.

24. Erlingr skakki fór um haustit austr í Vík, ok dvaldist í Túnsbergi; gerði menn yfir til Borgar, ok lét 15 stefna þar fjögurra fylkna þing í Borginni; síðan fór Erlingr þannug með liði sínu. En er þing var sett, þá talaði Erlingr, ok sagði frá því, hver ráðagerð hefði verit staðfest með þeim Danakonungi, þá er þeir Erlingr höfðu hafit flokk þenna fyrsta sinn: Vil ek, sagði hann, ok halda öll einka- 20 mál, þau er vér gerðum þá, ef þat er vili ok samþykki yðart bóndanna, at þjóna Danakonungi heldr en þessum konungi, er hér er vígðr ok kórónaðr til lands. Boendr svöruðu Erlingi, ok sögðu svá: Fyrir engan mun viljum vér gerast menn Danakonungs, meðan einn várr er á lífi Víkverjanna. 25 Geystist þá at múgr allr með ópi ok kalli, ok báðu Erling halda eiða sína, er hann hafði þá svarit öllu landsfólki, at verja land sonar þíns, en vér skulum allir fylgja þér. Sleit svá því þingi. Síðan fóru sendimenn Danakonungs heim suðr til Danmerkr, ok sögðu sitt erendi slíkt sem var. 30 Danir veittu Erlingi mikit ámæli ok öllum Norðmönnum, sögðu, at þeir væri aldri reyndir nema at illu; fóru þau orð um, at Danakonungur mundi eptir um vórit hafa úti

her sinn ok herja í Noreg. Erlingr fór um haustit norðr til Björgynjar, ok sat þar um vetrinn, ok gaf þar mála.

Frá bréfum Þrœnda.

25. Vetr þann fóru menn nökkurir danskir hit efra
 5 um land, ok sögðu þat, sem margtítt er, at þeir skyldu fara til hins helga Ólafs konungs til vöku. En er þeir kómu til Þrándheims, þá hittu þeir þar marga ríkismenn, sögðu þá erendi sín, at Danakonungr hafði sent þá at leita sér vináttu til þeira ok viðtöku, ef hann kemr í land,
 10 en hann heitr at gefa þeim bæði ríki ok fé. Þessarri orðsending fylgði bréf ok innsigli Danakonungs, ok þat með, at þeir Þrœndirnir skyldu senda í mót sín bréf ok innsigli. Þeir gerðu svá, ok urpust flestir vel undir orðsending Danakonungs. Sendimenn fóru aptr austr, er á leið langaföstu.
 15 Erlingr sat í Björgyn, en er váraði, sögðu vinir Erlings honum pata þann, er þeir höfðu spurt af byrðingsmönnum, er komnir váru norðan or Þrándheimi, at Þrœndir væri berir í fjándskap við hann, ok þeir lýsti því á þingum sínum, ef Erlingr kæmi í Þrándheim, at hann skyldi aldrigi
 20 koma út um Agðanes með fjörvi. Erlingr sagði, at slíkt væri upplostning ok hégómi. Erlingr lýsti því, at hann mundi fara suðr á Unarheim til gagndagaþings, ok lét búa snekkju tvítugsessu ok skútu fimtánsessu, ok enn vistabyrðing. En er skipin váru búin, þá lögðust á sunnanveðr
 25 hvöss. Týsdag í gagndögum lét Erlingr blása liði sínu til skipa, en menn váru traudir or bœnum, ok þótti ilt at róa andróðann. Erlingr lagði norðr í Byskupshöfn. Þá mælti Erlingr: Illa kurrit þér at róa andróðann, takit nú ok reisit viðurnar, dragit, síðan seglin, ok látum ganga norðr skipin.
 30 Þeir gerðu svá, sigldu norðr um daginn ok um nóttina. Óðinsdag at kveldi sigldu þeir inn um Agðanes; varð þá fyrir þeim samflot mikit, byrðingar ok aðrar ferjur ok skútur, var þat vökulið, fóru inn til bæjar, sumt fyrir þeim,

en sumt eptir; gáfu bæjarmenn engi gaum at fyrir þá sök um langskipa sigling.

Frá Erlingi ok Þrændum.

26. Erlingr skakki kom til bæjarins þann tíma, er sunginn var óttusöngur uppi á Kristskirkju. Þeir Erlingr 5 hljópu í bæinn, ok var þeim sagt, at Álfr roði son Óttars birtings, lendr maðr, sat þá enn ok drakk með sína sveit. Erlingr veitti þeim atgöngu, var Álfr drepinn ok flest öll sveit hans. Fátt féll annarra manna, því at flestir höfðu gengit til kirkju. Þetta var um nóttina fyrir uppstigningar- 10 dag. Þegar um morgininn lét Erlingr blása öllu liðinu út á Eyrar til þings. En á þinginu bar Erlingr sakir á Þrændi, ok kendi þeim landráð við konunginn ok sik, ok nefndi til Bárð standala ok Pál Andreasson ok Razabárð, hann hafði þá bæjarbyggð, ok enn mjök marga aðra. Þeir 15 svöruðu ok færdu sik undan sökum. Þá stóð upp kapalín Erlings ok hélt upp bréfum mörgum ok innsiglum, ok spurði, ef þeir kendi innsigli sín þar, þau er þeir hefði sent um vórit Danakonungi; váru þá ok lesin upp bréfin. Þar váru ok þeir hinir dönsku menn með Erlingi, er með bréfum 20 höfðu farit um vetrinn, hafði Erlingr fengit þá til þess; sögðu þeir þá fyrir allri alþýðu hvers þeira orð, er mælt hafði. Svá mæltir þú, Razabárðr! sögðu þeir, ok barðir á brjóstit: Or þessu brjósti kómu at upphafi öll þessi ráð. Bárðr svaraði: Ærr var ek þá, herra minn! er ek mælti 25 slíkt. Urðu þá engi föng önnur, en festa Erlingi sinn dóm á öllu því máli. Tók hann þá þegar úgrynni fjár af mörgum mönnum, en lagði alla úgilda, þá er drepnir váru. Fór Erlingr síðan aptr suðr til Björgynjar.

Ferð Valdimars konungs í Noreg.

30

27. Valdimarr konungr hafði þat vár úti her mikinn í Danmörk, ok hélt liðinu norðr í Víkina. Þegar er hann kom í veldi Noregs konungs, þá höfðu böendr fyrir

samnað ok múg manns. Konungr fór friðsamliga ok spak-
 liga; en hvar sem þeir fóru um meginland, þá skutu menn
 á þá, ok þótt einn eða tveir væri; ok þótti Dönum þat
 fullr illvili við sik landsmanna. En er þeir kómu til Túns-
 5 bergs, þá stefndi Valdimarr konungr þar þing á Haugum,
 en ekki sótti til or heruðum. Þá talaði Valdimarr konungr
 fyrir liðinu ok mælti svá: Auðsætt er um landsfólk þetta,
 at allir standa oss í móti; eigum vér nú tvá kosti fyrir
 höndum, þann annan, at fara herskildi yfir landit ok eira
 10 engu, hvárki fé né mönnum; hinn er annarr kostur, at fara
 suðr aptr við svá búit, ok er þat nærr mínu skapi, at fara
 heldr í austrveg til heiðinna landa, er gnóg eru fyrir, en
 drepa eigi hér kristit fólk, þótt þat hefði ærna makligleika
 til þess. En allir aðrir váru fúsir til at herja, en þó réð
 15 konungr, at þeir fóru aptr suðr; var þó allviða rænt um
 úteyjar, ok hvarvetna þegar konungr var eigi nær. Fóru
 þeir suðr til Danmerkr ok varð ekki til tíðinda.

Ferð Erlings til Jótlands.

28. Erlingr skakki spurði, at Danakonungr var kom-
 20 inn í Víkina; þá bauð hann út almenningi um alt land at
 liði ok skipum, ok varð þat hit mesta herhlaup, ok hélt
 hann her þeim austr með landi. En er hann kom til
 Líðandisness, spurði hann, at Danaherr var farinn suðr aptr
 til Danmerkr, ok þeir höfðu víða rænt í Víkinni. Þá gaf
 25 Erlingr heimleyfi öllu leiðangrslíði, en hann sjálfr ok nökk-
 urir lendir menn sigldu með mjök mörg skip suðr eptir
 Dönum til Jótlands. En er þeir kómu þar, sem heitir
 Dýrsá, þá lágu þar fyrir Danir komnir or leiðangri með
 skip mörg. Erlingr lagði at þeim ok barðist við þá. Danir
 30 flýðu brátt ok létu mart manna, en þeir Erlingr ræntu
 skipin ok svá kaupstaðinn, ok féngu þar allmikit fé, ok
 fóru síðan aptr til Noregs. Var þá um hríð úfriðr milli
 Noregs ok Danmerkr.

Ferð Erlings til Danmerkr.

29. Kristín konungsdóttir fór um haustit suðr til Danmerkr, fór hon á fund Valdimars konungs frænda síns, þau váru systrabörn; fagnaði konungr henni forkunnar vel, ok fékk henni veizlur þar með sér, svá at hon fékk þar 5 vel haldit sína menn. Var hon opt á tali við konunginn, ok var hann allbáðr til hennar. En eftir um várít sendi Kristín menn til Erlings, ok bað hann fara á fund Danakonungs ok sættast við hann. Um sumarit eftir var Erlingr í Víkinni, hann bjó eitt langskip, ok skipaði hinu 10 fríðasta liði sínu, síðan sigldi hann yfir til Jótlands. Hann spurði, at Valdimarr konungr var í Randarósi; sigldi Erlingr þannug, ok kom til bæjarins þann tíma, er flest fólk sat um mat. En er þeir höfðu tjaldat ok fest skip sitt, gekk Erlingr upp ok þeir 12 saman, ok allir brynjaðir, 15 höfðu höttu yfir hjálmum, en sverð undir mötlum, géngu til konungs herbergis. Þá fóru þar sendingar inn ok váru opin dyrrin, géngu þeir Erlingr þegar innar fyrir hásetit, mælti Erlingr: Grið viljum vér hafa, konungr! bæði hér ok til heimfarar. Konungr leit við honum ok mælti: Ertu 20 þar, Erlingr? Hann svaraði: Erlingr er hér, ok seg oss skjótt, hvárt vér skulum grið hafa. Þar váru inni 80 konungsmanna, ok allir vápnlausir. Konungr mælti: Grið skulut þér hafa, Erlingr! sem þú beiðist; á engum manni níðumst ek, ef á minn fund kemr. Þá kysti Erlingr á hönd kon- 25 ungi, ok gekk út síðan ok til skips síns. Dvaldist hann þar um hríð með konungi, töluðu þeir um sættargerð milli sín ok landanna, ok kom þat ásamt, at Erlingr settist þar í gisling með Danakonungi, en Ásbjörn snara, bróðir Absalons erkibyskups, fór til Noregs í gisling í móti. 30

Tal Valdimars konungs ok Erlings.

30. Þat var eitt sinn, er þeir töluðu Valdimarr konungr ok Erlingr; mælti Erlingr: Herra! þat þykki mér líkast til sætta, at þér hafit alt þat af Noregi, sem yðr var

heitit í einkamálum várum; en ef svá er, hvern höfðingja
vilit þér þá yfir setja þar, hvárt nokkurn danskan? Nei,
segir konungr. Engir Danahöfðingjar munu fara vilja í
Noreg ok lást þar við hart fólk ok úhlýðit, en hafa hér
5 áðr ærit gott með yðr. Ek fór fyrir þá sök hingat, at ek
vil fyrir engan mun missa yðarrar vináttu; hingat til Dan-
merkr hafa fyrr farit menn af Noregi, Hákon Ívarsson ok
Finnr Árnason, ok gerði Sveinn konungr frændi yðarr
hvárntveggja þeira jarl sinn. Eigi em ek nú minni valds-
10 maðr í Noregi, en þeir váru þá, ok gaf konungr þeim
yfirsókn á Hallandi, því ríki er hann átti áðr. Nú þykki
mér, herra! þér vel mega unna mér þess léns, ef ek ger-
umst yðarr maðr handgenginn, at ek halda af yðr þessu
ríki, svá ok Magnús konungr son minn má ok eigi mér
15 þess synja, en ek vil við yðr vara skeyttr ok skyldr til allrar
þjónostu þeirar, er því nafni byrjar. Slíkt talaði Erlingr,
ok annat þessu líkt, ok kom svá at lyktum, at Erlingr
gerðist handgenginn Valdimar konungi, en konungr leiddi
Erling til sætis, ok gaf honum jarldóm ok Víkina til léns
20 ok yfirsóknar. Eptir þat fór Erlingr heim til Noregs, ok
var síðan jarl, meðan hann lifði, ok hélzt í sætt við Dana-
konung jafnan síðan. Erlingr átti fjóra frillusonu, einn hét
Hreiðarr, annarr Ögmundr, þeir váru sér um móður; þriði
Finnr, fjórði Sigurðr, þeira móðir var Ása hin ljósa, þeir
25 váru yngri. Kristín konungsdóttir ok Erlingr áttu dóttur,
er Ragnhildr hét, hon var gipt Jóni Þorbergssyni af Rand-
abergi. Kristín fór af landi með þeim manni, er Grímr
rusli var kallaðr, þau fóru út í Miklagarð ok váru þar um
hríð, ok áttu þau saman börn nokkur.

30

Upphaf Ólafs.

31. Ólafr, son Guðbrands Skafhögssonar ok son
Mariu Eysteinsdóttur konungs Magnússonar, var at fóstri
með Sigurði agnhött á Upplöndum. En er Erlingr var í
Danmörk, þá hófu þeir fóstrar flokk Ólafr ok Sigurðr, ok

rédust til margir Upplendingar. Var þar Ólafr til konungs tekinn. Þeir fóru með flokkinn um Upplönd, en stundum í Víkina, stundum austr á Markir; ekki váru þeir á skipum. En er Erlingr jarl spurði til flokks þessa, þá fór hann liði sínu í Víkina, ok var á skipum um sumarit, ok um haustit 5 í Osló, ok veitti þar um jólin. Hann lét halda njósnum upp á landit til flokksins, ok fór sjálf upp á land at leita þeira, ok með honum Ormr konungsbróðir. En er þeir kómu til vatns þess er heitir, þá tóku þeir skip öll, þau er váru við vatnit. 10

Prestr sveik Erling.

32. Prestr sá er söng á Ryðjökli, þat er við vatnit, bauð þeim jarli til veizlu, ok at koma þar at kyndilmessu. Jarlinn hét förinni, þótti þat gott at hafa þar tíðir. Reru þeir þannug yfir vatnit um kveldit fyrir messudaginn. En 15 prestr sá hafði annat ráð með höndum; hann sendi menn at bera njósni þeim Ólafi um farar Erlings. Hann gaf þeim Erlingi sterkan drykk um kveldit ok lét allmjök drekka. En er jarl fór at sofa, þá váru rekkjur þeira búnar í veizlustofunni. En er þeir höfðu litla hrið sofit, vaknaði jarl ok 20 spurði, ef þá mundi vera óttusöngsmál. Prestrinn sagði, at lítit var af nótt, bað þá sofa í ró. Jarl svarar: Mart dreymir mik í nótt, ok illa sef ek. Hann sofnaði síðan. Annat sinn vaknaði hann, ok bað prest upp standa ok syngja tíðir. Prestr bað jarl sofa, sagði, at þá var mið nótt. 25 Lagðist jarl niðr ok svaf litla hrið, ok hljóp upp ok bað menn sína klæðast. Þeir gerðu svá, ok tóku vápn sín, géngu til kirkju, ok lögðu úti vápnin, meðan prestr söng óttusönginn.

Bardagi á Ryðjökli.

30

33. Ólafi kom njósni um kveldit, en þeir géngu um nóttina 6 rastir götu, ok þótti mönnum þat furðumikit farit. Þeir kómu á Ryðjökul um óttusöng; niðamykr var sem

mest. Þeir Ólafr géngu at stofunni ok æptu þá heróp,
drápu þar inni nokkura menn, er eigi höfðu gengit til óttu-
söngs. En er þeir Erlingr heyrðu ópit, hljópu þeir til
vápna sinna ok stefndu síðan ofan til skipanna. Þeir Ólafr
5 mœttu þeim við garð nokkurn, varð þar bardagi; óku þeir
Erlingr undan ofan með garðinum, ok hlífði garðrinn þeim;
þeir höfðu lið miklu minna, féll mart af þeim, ok mart
varð sárt. Þat halp þeim mest, er þeir Ólafr kendu þá
eigi, svá var myrkt; en Erlings menn leituðu einart til
10 skipanna. Þar féll Ari Þorgeirsson, faðir Guðmundar bysk-
ups, ok mart annarra hirðmanna Erlings. Erlingr varð
sárr á vinstri síðu, ok segja sumir menn, at hann sjálf
drœgi sverðit á sik, þá er hann brá. Ormr var ok mjök
sárr, nauðuliga kómust þeir á skipin, ok létu þegar frá
15 landi. Þat var kallat, at þeir Ólafr hefði hina mestu
úhamingju borit til fundarins, svá sem þeir Erlingr váru
framseldir, ef þeir Ólafr hefði meirum ráðum framfarit.
Síðan kölluðu menn hann Ólaf úgæfu, en sumir kölluðu
þá Hettusveina. Fóru þeir með flokk þann enn sem áður
20 uppi um land. En Erlingr jarl fór út í Víkina til skipa
sinna, ok var eptir um sumarit í Víkinni, en þeir Ólafr á
Upplöndum, en stundum austr á Mörkum; höfðu þeir flokk
þann svá annan vetr.

Bardagi á Stöngum.

25 34. Eptir um várit fóru þeir Ólafr út í Víkina, ok
tóku þar konungsskyldir, dvöldust þar langa hríð um sum-
arit. Erlingr jarl spurði þat, ok hélt liði sínu austr
til móts við þá, ok varð fundr þeira austan fjarðar, þar
sem heitir á Stöngum. Varð þar orrosta mikil, ok hafði
30 Erlingr sigr. Þar féll Sigurðr agnhöttr, ok mart af
Ólafs mönnum, en Ólafr kom á flótta, fór hann síðan suður
til Danmerkr, ok var hinn næsta vetr eptir á Jótlandi í Ála-
borg. En eptir um várit fékk Ólafr sótt þá, er hann

leiddi til bana, ok er hann þar jarðaðr at Mariukirkju, ok kalla Danir hann helgan.

Dráp Haralds.

35. Nikolás kúfungr, son Páls Skoptasonar, var lendr maðr Magnús konungs; hann tók höndum Harald, er sagt 5 var, at væri son Sigurðar konungs Haraldssonar ok Kristínar konungsdóttur, bróðir Magnús konungs sammœðri. Nikolás flutti Harald til Björgynjar, ok fékk í hendr Erlingi jarli. Þat var háttr Erlings, ef úvinir hans kómu fyrir hann, at hann mælti ekki eða fátt við þá, ok stilliliga þat 10 er var, ef hann var ráðinn at drepa þá, en hina hrakti hann sem mest í orðum, er hann vildi, at lífit hefði. Erlingr mælti fátt við Harald, ok var mönnum grunr á, hvat hann mundi fyrirætla. Þá báðu menn Magnús konung, at hann skyldi friða fyrir Haraldí við jarl. Konungr gerði svá. 15 Jarl svarar: Slíkt ráða þér vinir þínir; en þú munt litla hrið ráða ríkinu í frelsi, ef þú skalt heilhuga ráðum einum framfara. Síðan lét Erlingr Harald flytja yfir í Norðnes, ok var hann þar höggvinn.

Upphaf Eysteins konungs Eysteinsonar.

20

36. Eysteinn er nefndr sá maðr, er kallaðist son Eysteins konungs Haraldssonar; hann var þá ungr maðr, eigi með öllu fullroskinn. Er frá því sagt, at hann kom fram á einu sumri austr í Svíaveldi, ok fór á fund Birgis brosu, hann átti þá Brigidam dóttur Haralds gilla, 25 föðursystur Eysteins; bar Eysteinn upp fyrir þau sitt erendi ok bað þau sér fulltings. Jarl ok bæði þau tóku vel hans máli ok hétu honum sínu trausti; dvaldist hann þar um hrið. Birgir jarl fékk Eysteini nökkurn liðskost ok góða penninga til skotsilfrs sér, ok leysti hann vel af hendi, hétu 30 þau bæði honum sinni vináttu. Eysteinn fór þá norðr í Noreg, ok kom ofan í Víkina; dreif þá þegar lið til hans, ok efldist flokkur sá, tóku þeir Eystein til konungs, ok fóru

þeir með flokk þann í Víkinni um vetrinn. En fyrir því at þeim varð féfátt, þá ræntu þeir víða, en lendir menn ok boendr gerðu lið at þeim. En er þeir váru ofrliði börnir, þá flýðu þeir brott á skóga, ok lágu löngum á eyðimörkum; 5 gengu þá klæði af þeim, svá at þeir spentu næfrum um fótleggi sér, þá kölluðu boendr þá Birkibeina. Þeir hljópu opt í bygðina, ok kómu fram hér ok hvar, ok réðu þegar til áhlaupa, er eigi var fjölment fyrir. Þeir áttu nokkurar orrostur við boendr, ok höfðu ymsir betr. Þrjár orrostur 10 áttu Birkibeinar, svá at fylkt var til, ok höfðu sigr í öllum. Á Krókaskógi lagði þeim nær úför, kom at þeim bónda-samnaðr fjöldi liðs. Birkibeinar feldu brota fyrir þá, ok hljópu síðan á mörkina. Birkibeinar váru tvá vetr í Vík-inni, svá at þeir kómu ekki norðr í land.

15 *Frá Birkibeinum, Magnúsi konungi ok Erlingi skakka.*

37. Magnús konungr hafði þá verit 13 vetr konungr, er Birkibeinar hófust. Hit þriðja sumar réðu þeir sér til skipa, fóru þá fyrir land fram, féngu sér fjár ok liðs. Þeir váru fyrst í Víkinni, en er á leið sumarit, stefndu þeir 20 norðr í land, fóru svá skyndiliga, at ekki kom njósn fyrir þá, fyrr en þeir kómu til Þrándheims. Birkibeinar höfðu mest í flokki sínum Markamenn ok Elfargríma, ok mjök mart höfðu þeir af Þelamörk, ok vel váru þeir þá vápnaðir. Eysteinn konungr þeira var fríðr ok fagrleitr, lítilleitr, ekki 25 mikill maðr; hann var kallaðr af mörgum mönnum Eysteinn meyla. Magnús konungr ok Erlingr jarl sátu í Björgyn, þá er Birkibeinar sigldu norðr um, ok urðu ekki við þá varir. Erlingr var maðr ríkr, spakr at viti, hermaðr hinn mesti, ef úfriðr var, landráðamaðr góðr ok stjórnsamr, kallaðr heldr 30 grimmr ok harðráðr; en hitt var þó mest, at hann lét úvini sína fá eina landsvistina fá, þótt beiddist, ok urðu fyrir þá sök margir til at hlaupa í flokkana, þegar er hófust í móti honum. Erlingr var hár maðr ok harðvaxinn, nökkut barr-axlaðr, langleitr, skarpleitr, ljóslitaðr, ok gerðist hárr mjök,

bar halt höfuðit nökkut, hugaðlátr ok veglátr, hafði forneskju klæðabúnað, langa upphluti ok langar ermar á kyrtlum ok á skyrtúm, valskikkjur, uppháfa skúa. Slíkan búnað lét hann konung hafa, meðan hann var ungr, en þá er hann réð sjálfr, bjó hann sik mjök í skart. Magnús konungr var 5 léttlátr ok leikinn, gleðimaðr mikill, ok kvennamaðr mikill.

Frá Nikolási.

38. Nikolás, son Sigurðar Hranasonar, hann var son Skjaldvarar, dóttur Brynjólfs úlfalda, systur Halldórs Brynjólfssonar, en sammœðra við Magnús konung berfœtt. Nik- 10 olás var hinn mesti höfðingi; hann átti bú á Hálogalandi í Öngli, þar sem heitir á Steig. Nikolás átti garð í Niðarósi ofan frá Jónskirkju, þar sem átti Þorgeirr kapalín. Nikolás var opt í kaupangi, ok hafði hann ráð öll fyrir bæjarmönnum. Skjaldvöru dóttur Nikolás átti Eiríkr Árn- 15 ason, hann var ok lendr maðr.

Frá Eiríki ok Nikolási.

39. Þat var Maríumessu hina síðari, er menn géngu frá óttusöng í bönum, at Eiríkr gékk til Nikolás ok mælti: Mágr! þat segja fiskimenn nökkurir, er utan eru komnir, at 20 langskip sigli utan eptir firðinum, ok geta menn, at Birki-beinar muni vera; ok er sá til, mágr! at láta blása bæjarliði öllu með vápnum út á Eyrar. Nikolás svarar: Ekki fer ek, mágr! at fiskimanna kvittum, mun ek gera njósn út á fjörðinn, en höfum þing í dag. Gékk Eiríkr heim; en 25 er hringði til hámessu, gékk Nikolás til kirkju. Eiríkr kom þá til hans ok mælti: Þat hygg ek, mágr! at sönn sé njósnin, eru nú þeir menn hér, er sét kveðast hafa seglin; þykki mér þat ráð, at vit ríðim or bönum ok samnim oss liði, því at mér þykkir mannfátt vera í bönum. Nik- 30 olás svarar: Kvaksamr ertu svá, mágr! hlýðum fyrst messu, gerum þá ráð vár síðan. Gékk Nikolás til kirkju. En er messa var sungin, gékk Eiríkr til Nikolás ok mælti: Mágr!

nú eru hestar mínir búnir, vil ek brott ríða. Nikolás svarar: Far vel þú þá! vér munum hafa þing á Eyrum, ok kanna hvat liðs er í böenum. Reið þá Eiríkr í brott, en Nikolás gekk í garð sinn, ok síðan til borða.

5

Fall Nikolás.

40. En í þann tíma er vist var sett, kom maðr inn ok sagði Nikolási, at þá reru Birkibeinar í ána. Þá kallaði Nikolás, at hans menn skyldu vápnast. En er þeir váru vápnaðir, bað Nikolás þá ganga inn í loptit; ok
 10 var þat hit úsnjallasta ráð, fyrir því ef þeir hefði varit garðinn, þá hefði bæjarfólkkit komit til at hjálpa þeim; en Birkibeinar fyltu allan garðinn, ok géngu síðan at loptinu umhverfis. Þeir kölluðust á, buðu Birkibeinar Nikolási grið, en hann neitti. Síðan börðust þeir; höfðu þeir Nikolás til
 15 varnar bogaskot ok handskot ok ofngrijót; en Birkibeinar hjoggu húsin, ok skutu sem tíðast. Nikolás hafði rauðan skjöld, ok gyltir naglar í, ok stirndr Vilhjálmsgjörð. Birkibeinar skutu svá, at uppi stóð á reyrböndunum. Nikolás mælti: Lýgr skjöldrinn nú at mér. Þar féll Nikolás, ok
 20 mikill hluti sveitar hans, ok var hann hit mesta harmaðr. Birkibeinar gáfu grið öllum bæjarmönnum.

Eysteinn til konungs tekinn í Niðarósi.

41. Eysteinn var þar síðan til konungs tekinn, ok gekk alt fólk undir hann. Hann dvaldist um hríð í böenum,
 25 um, fór síðan í Þrándheim, þar kom mart lið til hans. Þar kom til hans Þorfinnr svartí af Snös, ok hafði sveit manna. Öndverðan vetr fóru þeir út til bæjar; þá kómu til þeira synir Guðrúnar af Saltnesi, Jón ketlingr, Sigurðr ok Vilhjálmr. Þeir fóru upp or Niðarósi til Orkadals; þá váru
 30 skorud þar nær 20 hundrud manna. Fóru svá til Upplanda, ok þá út um Þótn ok Haðaland, þá á Hringaríki.

Fall Eysteins konungs.

42. Magnús konungr fór í Vík austr um haustit með sumu liðinu, ok Ormr konungsbróðir. Erlingr jarl var eptir í Björgyn ok hafði þar mikit lið, ok skyldi gegna Birkibeinum, ef þeir færi hit ytra. Magnús konungr settist í 5 Túnbergi, ok þeir Ormr báðir, veitti konungr þar um jólin. Magnús konungr spurði til Birkibeina uppi á Ré. Síðan fór konungr or boenum með liði sínu ok þeir Ormr, ok kómu á Ré. Snjár var á mikill, ok veðr furðu kalt. En er þeir kómu á bæinn, þá géngu þeir or 10 túninu á veginn, ok fyrir utan við garðinn fylktu þeir ok tráðu sér gadd; þeir höfðu eigi öll 15 hundruð manna. Birkibeinar váru á öðrum boenum, en sumt lið þeira hér ok hvar í húsum. En er þeir urðu varir við her Magnús konungs, heimtust þeir saman ok skutu á fylking. En er 15 þeir sá lið Magnús konungs, þá þótti þeim, sem var, at þeira lið var meira, réðu þegar til bardaga. En er þeir sóttu fram veginn, þá máttu fáir senn fram fara, en þeir er hljópu af veginum, féngu snjá svá mikinn, at þeir féngu varla framkomizt, ok brást þá fylking þeira, en þeir féllu, 20 er fyrstir géngu fram brautina; var þá niðrhöggvit merkit, en þeir er þar váru næst, opuðu, en sumir slógust á flóttu. Magnús konungs menn fylgðu þeim, ok drápu hvern at öðrum, er þeir náðu. Birkibeinar kómu þá ekki fylking á, ok urðu berir fyrir vápnum, ok féll þá mart, ok mart flýði. 25 Var þá sem opt kann verða, þótt menn sé frœknir ok vápnðjarfir, ef slög stór fá, ok komi á flóttu, at flestir verða illir aptrhvarfs. Tók þá at flýja meginlið Birkibeina, en fjöldi féll, því at Magnús konungs menn drápu alt þat er þeir máttu, ok váru engum manni grið gefin, þeim er þeir 30 náðu, en flóttinn dreifðist víðs vegar. Eysteinn konungr kom á flóttu, hann hljóp í hús nökkut ok bað sér griða, ok þess at bóndi skyldi fela hann; en bóndi drap hann, ok fór síðan á fund Magnús konungs, ok fann hann á Rafnesi, var konungr inni í stofu ok bakaði sik við eld, ok var 35

þar mart manna. Síðan fóru menn ok fluttu þannug líkit, báru inn í stofuna, bað konungr menn þá til ganga ok kenna líkit. Maðr einn sat í krókpallinum, ok var þat Birkibeinn, ok hafði engi maðr gaum gefit at honum; en
5 er hann sá lík höfðingja síns ok kendi, þá stóð hann upp skjótt ok hart; hann hafði öxi í hendi, hljóp hann skjótt innar á gólfít ok hjó til Magnús konungs, kom á hálsinn við herðarnar. Maðr nökkurr sá, er öxin reið, ok skaut honum frá; við þat snerist öxin ofan í herðarnar, ok varð
10 þat mikit sár. Síðan reiddi hann upp öxina annat sinni ok hjó til Orms konungsbróður, hann lá í pallinum, höggít stefndi á báða fótleggina. En er Ormr sá, at maðr vildi drepa hann, brást hann við skjótt, kastaði fótum fram yfir höfuð sér, ok kom öxin í pallstokkinn, stóð öxin föst; en
15 vápn stóðu svá þykt á Birkibein, at varla mátti hann falla. Þá sá þeir, at hann hafði dregit um gólfít eptir sér iðrin, ok er þess manns hreysti allmjök lofuð. Magnús konungs menn ráku flóttann lengi, ok drápu alt þat, er þeir máttu. Þar féll Þorfinnr af Snös, féllu þar ok margir aðrir Þreendir.


20

Frá Birkibeinum.

43. Flokkur þessi, er Birkibeinar váru kallaðir, höfðu saman samnast með fjölmenni miklu, var þat fólk hart ok menn hinir vápndjörfustu ok lið heldr úspakt, fóru mjök geystir ok rasandi, síðan þeir þóttust hafa styrk mikinn.
25 Þeir höfðu í flokkinum fátt þeira manna, er ráðagerðarmenn væri, eða vanir stjórn lands eða laga, eða her at stýra, en þótt sumir kynni betr, þá vildi þó flokkurinn allr hafa þat, er sjálfum sýndist; þóttust þeir öruggir af liðsfjölda sínum ok hreysti. En þat lið, er undan komst, var mart sárt,
30 ok hafði látit vápn ok klæði, en alt félaust; sótti sumt austr á Markir, en mart á Þelamörk, þat flest er þar átti kyn, sumt fór alt austr í Sviaveldi. Allir forðuðu sér, því at lítil ván þótti griða af Magnúsi konungi eða Erlingi jarli.

Frá Magnúsi konungi Erlingssyni.

44. Magnús konungr fór síðan út aptr til Túnsbergs, ok varð hann allfrægr af sigri þessum, því at þat var allra manna mál, at Erlingr jarl væri brjóst ok forusta fyrir þeim feðgum, en eptir þat er Magnús konungr hafði fengit 5 sigr á svá styrkum flokki ok fjölmönnum, ok hafði haft minna lið, þótti þá svá öllum mönnum, sem hann mundi yfir alla ganga, ok at hann mundi þá vera því meiri hermaðr en jarl, sem hann var yngri.



Register over Personsnavne.

- | | |
|--|---|
| <p>Absalon erkibyskup 802.</p> <p>Aðalbrikt prestur 718.</p> <p>Aðalráðr Englakonungr 154. 224-226. 229. 232. 233. 417. 528. 544.</p> <p>Aðalsteinn hinn sigrsæli eða trúfasti Englakonungr 78-80. 83-85. 527.</p> <p>Aðils Svíakonungr 26-28. 477.</p> <p>Adrianus pávi 745.</p> <p>Afrastir stigamaðr ok ránsmaðr 468. 469. 471. 472. 482. 490.</p> <p>Agi faðir Özurar 201.</p> <p>Agnarr Sigtryggss. 28. 29. 38.</p> <p>— Yngvarss. 30. 32.</p> <p>Agni Dagss., Svíakonungr 17. 18. 31.</p> <p>Áki bóndi 58. 59.</p> <p>— Vagnss. Jómsvíkings 153.</p> <p>Álfarinn konungr or Álfheimum 40.</p> <p>Álfífa d. Álftrúns jarls, móðir Sveins konungs 503. 504. 507. 508. 511.</p> <p>Álfgeirr konungr 41.</p> <p>Álfhildr d. Álfarins 40.</p> <p>— konungs ambátt. 365. 520.</p> <p>Álfr Alrekss., Svíakonungr 18. 19.</p> <p>— askmaðr 104-106.</p> <p>— hroði, son Óttars birtings 738. 767. 800.</p> <p>— Yngvarss. 30. 32.</p> <p>Álftrúnn jarl 503.</p> <p>Álfvini kappi 149. 150.</p> <p>Algauti konungr 31. 32.</p> <p>Áli hinn frækni 22.</p> | <p>Áli hinn upplenzki 27. 28.</p> <p>— úskeyndr 769.</p> <p>Allogia dróttning 129.</p> <p>Álof, árbót, Haralds d. hárfagra 63. 70. 78.</p> <p>— Ásbjarnard. af Yrjum 121.</p> <p>— Böðvarsd. hersis 192.</p> <p>— kona Geirþjófs 26. 27.</p> <p>Alrekr Agnas., Svíakonungr 18-20.</p> <p>Ámundi Árnason 341.</p> <p>— Gyrðarson 724. 726. 735. 743. 769.</p> <p>— í Hrossey 324. 325.</p> <p>Andres daufr 718.</p> <p>— Guthormss. grábarðs 746.</p> <p>— kelduskítr 730.</p> <p>— Páls faðir 800.</p> <p>— prestur Brúnss. 711. 712. 714-716.</p> <p>— (Andreas) Símonarson 741. 756. 767.</p> <p>Áni Jörundarson 22. 23. Se Aun.</p> <p>Ánn skyti af Jamtalandi 203.</p> <p>Ari Einarss. 734.</p> <p>— Þorgeirss. 805.</p> <p>— prestur hinn fróði, Þorgilss. 2. 3. 134. 450. 510.</p> <p>Arinbjörn hersir or Fjörðum 133. 134.</p> <p>Arnbjörn ambi 734.</p> <p>— Árnas. 341. 436. 455.</p> <p>Arnfiðr (Arnfinnr) Arnmóðss. 492.</p> |
|--|---|

- Arnfiðr (Arnfinnr) sygnski 203.
 — Þorfinnss. 89. 136. 322.
 Árna synir 341.
 Árni Árnas. 341. 395-398. 452.
 505. 511.
 — Arnmóðss. 341. 429. 492.
 — brigðarskalli, sýslumaðr 780.
 — fjöruskeifr 686. 687.
 — Frirekss. 774.
 — konungsmágr á Stoðreimi 739.
 751. 778. 779. 787.
 — sturla Sæbjarnars. 737. 753.
 754.
 Arnkell Torfeinarss. 85. 86. 322.
 Arnljótr gellini 203. 406-408. 481.
 482. 490.
 Arnmóðr 341.
 Arnórr jarlaskáld 323. 335. 364.
 517. 528. 529. 532. 535.
 536. 541. 543. 595. 621.
 — mœrski 203.
 Arnviðr blindi 317-319.
 — konungr 55. 56.
 Ása Eysteinsd. 38.
 — Ingjaldsd. 35. 36.
 — Haraldsd. hins granrauða 40.
 41. 42.
 — Hákonard. jarls 53.
 — hin ljósa 803.
 Ásaóðinn 7.
 Ásbjörn af Forlandi 782.
 — jalda 769.
 — jarl 56.
 — lendr maðr 707.
 — af Meðalhúsum 94. 96.
 — Selsbani 351-362. 366-
 368. 485.
 — snara 802.
 — Þorbergsson af Varnesi
 183. 203.
 — af Yrjum 121.
 Ásgautr ármaðr. 259-261.
- Ásgautr jarl 56.
 Áshildr Hringsd. Dagssonar 63.
 Áskell faðir Ásláks fitjaskalla 173.
 350.
 — stafnbúi Eiríks konungs 727.
 Ask Sveinsson lendr maðr Haralds
 konungs 706.
 Áslákr af Aurlandi 638.
 — Erlendsson 751.
 — Erlingsson Skjálgssonar 231.
 236. 378. 446-448. 577. 730.
 — af Finnneyju 466. 493.
 — fitjaskalli 173. 350. 351. 445.
 — Hákonarson 725.
 — hani 690. 691.
 — hólmskalli 158.
 — ungi Jónason 753. 754. 765.
 Áslaug d. Sigurðar orms í auga 44.
 Ásmundr Grankelsson 337. 366.
 368. 401-403. 438. 524.
 Ásmundr Sæmundarson 711. 714.
 — systurson Sveins konungs
 583. 584.
 Ásólftr Skúlason 625. 649.
 Ásta Guðbrandsd. kúla 161-163.
 177. 178. 218. 219. 236-239. 241.
 285. 373. 625.
 Ástriðr d. Burizleifs 142. 153.
 206. 216.
 — Eiríksd. bjóðaskalla 124-
 128. 171. 192. 271.
 — Ólafsd. Svíakonungs 303.
 309-312. 314. 317. 432.
 451. 452. 467. 515. 516.
 520. 522.
 — Sveinsd. Danakonungs
 386. 530.
 — Tryggvad. 171. 175. 559.
 — Ögmundard. 726.
 Atli jarl hinn mjóvi af Gaulum
 44. 57.
 — íslenzkr maðr 536.

- Atti hinn doelski af Vermalandi 314.
 315. 317.
 Auðbjörn konungr 55. 56.
 Auði hinn auðgi 14.
 Auðr hin djúpaúðga 64.
 Auðun 9.
 — Halls son 757.
 — rauði 740.
 Aun Jörundarson 22. 23. Se Áni.
 Baldr, áss. 7. 98.
 Baldvini Jórsalakonungr 666. 667.
 Bárðr hvíti, ármaðr 246.
 — faðir Inga konungs 625.
 — Jökulsson 454.
 — prestr 394.
 — standali Brynjúlfss. 753. 800.
 — svart Atlason 536.
 Baugeiðr, abbadís 770.
 Bendikt 725.
 Benteinn Kolbeinsson 729. 734.
 Berðlukári 56.
 Bera dróttning 18. 19.
 Bergljót Hákonard. jarls 139. 230.
 349. 577. 579.
 — Hálfðanard. Sigurðarsonar
 sýr 580. 581.
 — Þórisd. jarls 77. 90.
 Bergljótr Ívarsson 766. 767.
 Bergr 416.
 Bergþórr bestill 203.
 — af Lundum 166.
 — Másson 734.
 — son Sveins bryggjufóts 679.
 Bersi hinn sterki 203.
 — Skáldtorfuson 253. 254. 377.
 Birgir jarl brosa 744. 806.
 Bjaðmynja Myrkjartansd. 649.
 Bjaððk móðir Eysteins konungs 738.
 Björn ármaðr 432-434.
 — bukk 739.
 — digri stallari 258. 263. 264.
 269-273. 276. 280. 287. 288.
 290. 306. 452. 457. 458. 459.
 492. 493.
 Björn Egilsson 725.
 — Eiríksson Eymundarsonar 69.
 — eitrkveisa bóndi í Skaun
 125. 126.
 — gullbrárskáld 446. 456. 493.
 519. 526.
 — Haraldsson kaupmaðr 63.
 74. 76. 80. 104. 108. 541.
 — illi 793-795.
 — krepphendi 638. 641. 646-648.
 — Nikolásson bukk 767. 768.
 — Sigurðarson 749.
 — Svíakonungr 292. 293.
 — af Stuðlu 203.
 Blóððox, Eiríkr 103.
 Blótsveinn 685.
 Bolli 369.
 — Þorláksson 193.
 Borghildr Dagsd. Eilífssonar 718.
 — Hákonard. fauks 780.
 Bótólfr af Ölvishaugi 96.
 Bóvi 35.
 Bragi, áss 32. 93. 109.
 — hinn gamli 7.
 Brandr byskup 795.
 — hinn örvi 193.
 Brautönundr 29. 30. (se Önundr).
 Brennuflozi 192.
 Brigiða dóttir Haralds konungs gilla
 744. 806.
 — Úlfssd. Úspakssonar 576.
 Brimilskjarr jarl 172.
 Brjánn konungr 323.
 Broddhelgi í Vápnafirði 152.
 Brúsi bóndi í Mærinni 448-450.
 — jarl, son Sigurðar jarls 323-
 327. 329-335. 342.
 — Þormóðarson 734.
 Brynjólf 166.
 — úlfaldi 263-266. 808.

- Buðli 550. 572.
 Búi digri af Burgundarhólmi 153.
 154. 156-159.
 Buriz Heinreksson 780.
 Burizleifr konungr Vindlands 142.
 146. 153. 200-202. 205.
 Busti, þræll 127.
 Bøðvarr hersir Víkingakárason
 192. 271.
 Bölverkr skáld 546. 547. 565. 570.
 Börkr or Fjörðum 203.
 — 369.
 Cecilia 699.
 — Gyrðard. Bárðarsonar 734.
 Cemet Arason 734.
 Constantinus Monomakus 556.
 Dagr Dyggvason 16-18.
 — Eilífsson 642. 657. 659. 694.
 718. 743.
 — Haraldsson hárfagra 63. 74.
 — Hringsson 467. 468. 472. 475.
 478. 488. 492. 493. 495. 499.
 — Kárason 718.
 — konungr af Vestmörum 39.
 — Rauðsson 432-435.
 Dags hríð 493.
 Dageiðr d. Dags konungs 18.
 Dalaguðbrandr 346. (se Guðbrandr).
 Danpr konungr 16.
 Danr hinn mikilláti Danakonungr
 2. 16. 22.
 David Skotakonungr 719.
 Díar 6. 7. 10.
 Dixin 142.
 Dómaldi Vísbursson 14. 15.
 Dotta Þorkels d. geysu 571.
 Drífa Snjásd. hins gamla 13.
 Drott Danpsd. konungs 16.
 Dungaðr jarl af Katanesi 322.
 Dunimiz systurson Rettiburs 712.
 715.
 Durnir 13.
- Dyggvi 15. 16.
 Döglingar 18.
 Eaðmundr hinn helgi 224.
 — 229.
 — konungr 233.
 Eatgeirr Aðalráðsson 229.
 Eatmundr Aðalráðsson 227.
 Eatvarðr hinn góði Aðalráðsson
 227. 229.
 Eatvigr Aðalráðsson 229.
 Eðla d. jarls af Vindlandi 303.
 Egill Asláksson 638-641.
 — í Gautlandi 303.
 — Síðuhallsson 374. Hallsson
 390. 425. 426.
 — Skallagrímsson 192.
 — Tunnadólgr 23-25.
 — ullserkr 99-102. 123.
 Eilífr faðir Orms jarls 726.
 — gauzki 263. 264.
 — jarl 670.
 — son Rögnvalds jarls 313. 547.
 Einarr Andresmágr 711. 712.
 — Árnason 730.
 — bróðir Guðmundar á Møðru-
 vøllum 370. 371.
 — Guthormsson 746. 747.
 — hörðski 203.
 — jarl son Rögnvalds jarls (se
 Torfeinarr) 65. 68. 69-71.
 — Laxapálsson 731. 751.
 — Sigurðarson rangmunnr jarl
 or Orkneyjum 302. 323-327.
 329. 332-334. 338. 413. 414.
 439. 440. 460. 464. 465. 505-
 508. 511-514. 525. 531. 568.
 577-579.
 — skálaglam 115. 116. 122. 136.
 — Skúlason 662. 667. 668. 696.
 709. 717. 738. 741. 742. 744.
 755. 766. 775.
 — þambaskelfir 121. 139. 203.

213. 229. 245-250. 254. 257.
349 364. 365.
- Einarr Ögmundarson 730.
- Eindriði Einarsson þambaskelfis
230. 439. 464. 577-579.
581. 582.
- í Gautdali 730.
 - af Gimsum 208.
 - Jónsson 754. 761. 762.
 - Styrkársson 121. 136. 229.
 - ungi 739. 775. 782. 784-
786. 791. 793.
- Eiríkr 725.
- Agnason 18.
 - Agnarsson konungr á Vest-
fold 38.
 - Árnason 808 809.
 - ársæli 685.
 - bjóðaskalli 124. 125 127. 128.
171. 190. 271.
 - Bjarnarson hinn sigrsæli 69.
119. 127. 161. 277. 292.
 - blóðöx Haraldsson 63. 66.
72-77. 80. 81. 83-87. 102.
125. 196. 322. 330.
 - eimuni Danakonungr 701.
706. 712. 727. 728.
 - erkibyskup 734.
 - góði Sveinsson 631. 653.
676. 684.
 - hæll Eindriðason 730.
 - jarl Hákonarson jarls 117.
139. 140. 154-156. 158-160.
170. 198-200. 205. 206. 208.
209. 211-215. 217. 218. 229.
230. 232. 249. 262. 310. 374.
375. 417.
 - konungr Eymundarson 69.
291.
 - konungr af Hörðalandi 50.
61.
 - konungr af Jótlandi 63.
- Eiríkr konungr af Uppsölum 50.
57-60.
- Oddsson 731. 735-737.
 - rauði 196.
 - Yngvason 20. 21.
- Eiríks synir 89. 90. 97-102. 104.
106. 107. 110-123. 136. 197.
- kindir 98.
- Elisabeth d. Jarizleifs konungs 558
- Ellisif (Elisabeth) 558. 559. 571. 613.
614. 624.
- Eldjárn íslenzkr maðr 651.
- Elfsi (Álfr konungr) 18.
- Emma d. Rikarðar Rúðujarls 229.
233. 418. 528.
- Emundr lögmaðr 313. 314. 316.
319. 320.
- Ólafsson Svíakonungs 303.
515. 533.
- Erlendr or Gerði 466. 493.
- Hákonarson jarls 166-168.
 - himaldi 576. 792.
 - Torfeinarsson 85. 86. 322.
 - Þorfinnss. jarls 614. 617.
646. 649. 657. 662. 660.
- Erlingr Erlendsson 657. 660.
- gamli Eiríksson 82. 113.
114. 121. 122. 129. 130.
 - Hákonarson 160.
 - Sigurðarson 523.
 - skakki son Kyrpingaorms
739. 740. 743. 752. 759-761.
761. 766-768. 774. 778-807.
810-812.
 - Skjálvgsson af Söla 173-176.
205. 208. 217. 230. 231.
236. 250. 254. 256. 261.
262. 342. 350. 351. 353-355.
358. 360. 361. 362. 386. 393.
395. 396. 398. 414. 430. 438.
342-445. 447. 448. 460.
466. 513.

- Eyjólfur 301.
 — 369.
 — Daðaskáld 140.
 — Valgerðarson 152.
 Eymundr 57.
 Eysteinn Aðilsson 28. 29.
 — erkebyskup 508. 576. 792. 795. 797.
 — Eysteinnson meyla 806. 807. 810.
 — glumra 54. 322.
 — Hálfðanarson 38. 39.
 — harðráði Ypplendinga konungr 38.
 — konungr Haraldsson 724. 756. 762. 773. 806. 809.
 — konungr Magnússon 641. 653. 661-702. 753. 770. 803.
 — orri Þorbergsson 394. 395. 617. 621. 622.
 — ríki eða illi 41-43. 49. 90. 391.
 — trafali 750.
 Eyvindr Finnsson skáldaspillir 1. 10. 20. 57. 102-107. 110. 112. 115. 123. 157. 336.
 — kelda 179. 180.
 — kinnrifa 177. 187. 188.
 — skreyja 104-106.
 — snákr 203.
 — úrarhorn 265. 267. 268. 302. 326. 332.
 — ölhogi 657-660.
 Fáfnir 212.
 Fasti, jarl 26.
 Fenja 498.
 Fenrir 102. 110.
 Fenrisúlfr 109.
 Finnur Arnason jarl 341. 395-401. 452. 473. 474. 481. 488. 493. 494. 505. 511. 580-583. 585-587. 596. 598. 599. 726. 739. 803.
 Finnur Erlingsson 803.
 — litli 295. 296. 298.
 — Saudaúlfsson 731.
 — Skoptason 649. 650. 655. 656.
 Fjölfnir (Yngvi) 11.
 — son Yngvifreys 1. 12.
 Fjöruskeifr 687. se Árni.
 Fólki Birgisson 744.
 Fólkvíðr 32.
 Fornjótr 37.
 Freyja 6. 11.
 Freyr 2. 5. 6. 7. 11. 18. 28. 57. 60. 93. 138. 540.
 Freyvíðr dauði 317. 319. 320.
 Friðfróði 12.
 Friðkolla, se Margrét, 653.
 Friðleifr son Fróða 22.
 Friðrekr keisari 666²³.
 — keisari Heinreksson 666²⁴.
 Friðrekr merkismaðr 618.
 — kœna 782. 786. 793-795.
 Fróði hinn mikilláti eða friðsami 11. 12. 22. 111. 146. 428.
 — hinn frækni 24-26.
 — Eysteinnson 49.
 — Haraldsson 63. 74. 75.
 Frosti 17.
 Gamall 601.
 Gamli Eiríksson 82. 89. 101. 102. 104.
 Gandálfr Álfgeireson konungr 41. 42. 44. 48. 49.
 Gankapórir 468. 469. 471. 473.
 Gauthildr d. Algauta konungs 31. 35. 87.
 Gauti Tófason 315.
 Gautr 31.
 — 86.
 — hinn rauði 387. 412. 413.
 Gautrekr konungr hinn mildi 31.
 Gautvíðr son Svipdags blinda 30. 34.

- Gefjon 6. 7.
 Geigaðr 20.
 Geira Burisleifsdóttir 142. 143.
 Geirfiðr (Geirfinnr) jarl 228.
 Geiri faðir Glúms 112.
 Geirmundur 155.
 Geirskögun valkyrja 108.
 Geirþjófr konungur 26.
 Geitir 75.
 Gellir Þorkelsson 374. 390. 391.
 403. 429.
 Gerðr Gýmisdóttir 11. 109.
 Gersimi Óðsdóttir 11.
 Geysudóttir (dóttir Þorkels geysu) 570.
 Gilli bakrauf 643.
 — lögsögumaðr 386. 410. 413.
 Gillikristr 692.
 Gíparði riddari 651. 652.
 Gísl Visbursson 14.
 Gizurr gullbrá 475. 491.
 — hvíti Teitsson 162. 195. 271.
 — svartir 273. 275. 279.
 — af Valdresi 160.
 Gjúkungar 669.
 Glitnir (hestur) 15. 33.
 Glúmr Geirason 86. 89. 102. 110.
 112. 121. 134. 136.
 Goðgestur konungur 27.
 Gormur hinn gamli 46. 50. 122. 130.
 131. 376. 416.
 Grani skáld 570.
 Grankell (Granketill) búandi 337.
 401-403. 438. 485.
 Granmarr konungur af Suðrman-
 landi 32. 34. 35.
 Gregorius Dagsson 727. 743. 749-
 752. 756-760. 763-772. 778. 780.
 Grelðr Dungaðardóttir jarls af
 Katanesi 322.
 Grímkell hirðbyskup 258. 506. 507.
 Grímr góði 479.
 — rusli 803.
 Grímr or Visti 730.
 — Þorgilsson 499-501. 506.
 Grjótagarðr Hákonars. Hlaðajarls
 56. 113-115. 121. 122.
 — röskvi 208.
 — Ölvisson 436. 455. 485.
 Gróa Þorsteinsdóttir 822.
 Grýtingur konungur 51.
 Guðbrandr í Dölum, hersir, (se
 Dalaguðbrandr) 43. 49.
 117. 342-345. 348.
 — hvíti 157.
 — kúla 161. 163.
 — Skafhóggsson 672. 773.
 803.
 Guðini jarl Úlfmaðrss. 424. 607. 608.
 Guðlaugur konungur 20-22.
 Guðleikr gerzki 267.
 Guðmundr byskup 805.
 — Eyjólfss. 301. 302. 371.
 374. 605.
 — á Möðruvöllum 192. 204.
 370.
 Guðröðr Birgisdóttir 735.
 — Guthormsdóttir 565.
 Guðrún Einarsdóttir 730.
 — Járnskeggjad. 184. 185.
 — Nefsteinsd. 625.
 — af Saltnesi 809.
 — Þórðard. Folassonar 649.
 Guðröðr Bjarnarson 76. 80. 84.
 110. 113. 117-120. 135.
 — Eiríksson 82. 121. 136.
 196. 197.
 — í Guðbrandsdölum 242.
 281. 282. 284.
 — Hálfðanarson veiðikonungur
 eða hinn mikilláti 38.
 40-42.
 — konungur á Skáni 35.
 — ljómi 67. 68. 70. 74. 75.
 — skirja Haraldsson 63.

- Guðrøðr Suðreyjakonungr Ólafss. klínings 647. 772.
- Gullharaldr 122. 130-135. (se Haraldr).
- Gunnarr af Gelmini 246.
- af Gimsum 725.
- gjaldkeri 782.
- Gunni físs 711.
- Gunnhildr d. Özurar tota, konungsmóðir, kona Eiríks konungs 72. 73. 81. 86. 89. 106. 107. 110. 111. 113. 116. 117. 125-127. 133. 196. 197.
- Gunnhildar synir 86. 89. 97. 103. 110-123. 129. 132. 135. 242. 277.
- Gunnhildr Burizleifsd. 142. 153. 200.
- Hálfðanard. jarls 386.
- Knútsd. 283. 528.
- kona Símonar Þorbergssonar 741. 772.
- Sigurðard. sýr 238. 373.
- Sveinsd. jarls 236. 577.
- systurdóttir Haralds konungs á Ringunesi 577. 587.
- Gunnsteinn í Langey 366. 380-385. 399. 400.
- Guthormr grábarði 704. 746.
- Guðbrandsson hersis 43.
- Haraldsson hárfagra 61. 65. 72. 74.
- Haraldsson flettis 711.
- konungr Eiríksson 82. 97. 585. 587. 588.
- móðurbróðir Haralds hárfagra hertogi 48-51. 61. 63. 69.
- á Reini Ásólfsson 625. 724.
- Sigurðarson hjartar 45.
- Sigurðarson sýr 238. 285.
- Guthormr sindri 77. 87-89. 97. 102.
- Steigarþórisson 565. 672.
- Gyða dróttning, kona Ólafs Tryggvasonar 149. 150. 512.
- Eiríksdóttir 50.
- gamla Haraldsd. Englakonungs Guðinasonar 676.
- Guðinad. 424. 607.
- Sveinsd. tjúguskeggs 200.
- Þorgilsd. sprakaleggs 424. 609.
- Gýlaugr Háleygja konungr 21.
- Gylfi 6. 7.
- Gýmir 11. 29.
- Gyrðr Ámundason 756. 758. 769.
- Bárðarson 734.
- Guðinason 623.
- Gunnhildarson lögmaðr 758.
- Haraldsson 40.
- Kolbeinsson 729. 734. 736.
- á konungaskipi 612.
- Gyrgir 547-549.
- Gyrðr Dagsdóttir 758. 769.
- Göndul 108. 115.
- Gönguhrólfr 65. 66. 229.
- Haddr hinn harði 61.
- Hafþórr 9.
- Hagbarðr 10. 22.
- Haki 19-21.
- berserkr 45.
- bróðir Hýsings 44.
- Gandálfsson 48. 49.
- Hákon fauskr 680. 709. 710.
- gamli 125-127.
- góði Aðalsteinsfóstri 77. 79. 80. 83-110. 116. 134. 181. 182. 258. 277. 337. 391. 527. 671.
- Grjótgarðson af Yrjum 52. 58. 56. 57. 77. 87. 92.
- Gunnhildar vin 125-27.

- Hákon herðibreiðr konungr 741. 751. 756-788. 785-787.
- Hlaðajarl hinn ríki Sigurðarson 1. 3. 78. 90. 110-123. 125. 129-139. 142-146. 151-157. 160. 168. 165. 166-170. 176. 194. 196. 198. 242. 322. 374. 576. 739.
- hvíti Ívarsson 576. 579-585. 594. 803.
- jarl Eiríksson 200. 229. 132. 235. 236. 240. 246. 249. 262. 364. 375. 376. 416. 417. 430. 431. 439. 446. 447. 451. 455-459. 464. 488. 485. 577. 595. 596. 600. 601. 603-605.
- jarl Pálsson af Orkneyjum 661. 662.
- magi 730. 736.
- Magnússon Þórisfóstri konungr 627. 636-638. 642.
- pungelta Pálsson 730.
- Serksson 686. 687.
- Svíakonungr 649.
- Hálfðan bróðir Guðrøðar á Skáni 35.
- Eysteinnsson hinn mildi ok hinn matarilli 39. 40.
- Frøðason konungr 22. 27.
- Guðrøðarson svartí 40-49. 59. 90.
- gulltönn 37.
- háleggr Haraldsson 67. 68. 70. 71. 74. 322.
- hvítbeinn 37. 38.
- hvíti Haraldsson 61. 72. 74.
- jarl 111 336.
- Sigurðarson sýr 238. 285. 286. 580.
- svartí Guðrøðarson 40-49. 59. 90.
- svartí Haraldsson 61. 72. 74. 76. 77. 80.
- Hálfðan Sölvason 37.
- Hálfr 15. 606. 635.
- Hallaðr Rögnvaldsson 65. 68.
- Hallarsteinn 140.
- Halldórr 745.
- Brynjúlfss. 386. 627. 753. 756. 767-769. 771. 808.
- Guðmundarson 192. 204.
- Sigurðarson 725.
- á Skerðingssteðju 166. 183.
- skvaldri 663-665. 667. 705. 707.
- Snorrason gøða 552. 553. 556. 575.
- úkristni 206. 207. 212. 215-217.
- Hallfreðr Óttarsson vandræðaskáld. 142. 143. 147. 193. 194. 210. 211. 213. 215. 216.
- Hallgarðr 57.
- Hallinskíði 112.
- Hallkell 157.
- af Fjöllum 203.
- húkr 691. 692. 744. 753. 754. 758.
- Hallr 371.
- 425.
- Auðunarson 757.
- á Síðu 185.
- Þórarinnsson í Haukadal 3.
- Þorgeirsson 736. 737.
- Útryggsson Koðránsbani 605.
- Hallsteinn or Fjörðum 203.
- Hallvarðr fægir 734.
- Gunnarsson 750 751.
- Háreksblesi 441.
- hauldr af Reyri 756.
- hinn helgi 727.
- hikri 773.
- íslenzkr 328.
- skálkr 43.

Hamðir 140.

Hangi (Óðinn) 157.

Haraldr flettir 711.

- gilli Magnússon 691-696.
703-723. 724. 725. 732.
734. 736-738. 743. 744.
778. 806.
- Guðinasen jarls 607. 608.
616. 618. 619. 621. 623.
676.
- Gormsson Danakonungr
89. 98. 122. 129. 131. 133.
140. 142. 144. 145. 151.
152. 171. 172. 242. 277.
374. 424. 780.
- grenski Guðrøðarson 119.
135. 161. 162. 173. 178.
226. 234. 446. 509.
- gráfeldr Eiríksson 82. 89.
104. 110-123. 132-134.
374.
- granrauði konungr á Ögð-
um 40.
- gullskegg konungr í
Sogni 43.
- Haraldsson kesju 684.
- harðráði Sigurðarson 2.
238. 285. 335. 466. 467.
478. 479. 496. 526. 535.
546-628. 633. 654.
- hárfagri Hálfðanarson
Noregs konungr 1. 2. 47.
48-82. 83. 85. 87. 91. 99.
111. 135. 164. 170. 176.
178. 179. 238-243. 277.
322. 329. 336. 391. 415.
467. 485. 516. 632.
- hein Sveinsson 631.
- hvínverski 749.
- jarl Maddaðarson 503.
719. 741. 742.
- kesja 684. 728.

Haraldr Knútsson Englakonungr
528. 545.

- Knútsson Gormssonar,
Gullharaldr 122. 130. 233.
519.
- Sveinsson 153.
- Valdimarsson Danakon-
ungr 676. 780.
- Þorkelsson háva 456.

Hárekr 45.

- Guthormsson 86.
- hvassi 203.
- or Þjóttu 177. 186-189.
325. 336. 337. 341. 366.
401-403. 427. 428. 438.
439. 460. 464. 485-488. 493.
495. 523. 524.

Hárr (Óðinn) 491. 717.

Haukr hábrók 79.

- háleyskr 186. 187.
- or Fjörðum 203.

Hávarðr höggvandi 158. 160.

- klíningr 758. 766.
- or Orkadal 203.
- Þorfinnsson 322.

Heðinn 115. 138. 146. 163. 475. 537.

- harðmági 731.

Heimdallr 7.

Heinrekr halti 774.

- keisari 528. 666.
- strjóna 233.
- Vilhjálmsson bastard's 662.

Hel 535.

Helga Andresd. prests 711.

Helgi Hálfðanarson 27.

- hvassi 44.
- Starason 734.

Helsingr 44.

Hemingr Hákonarson 139. 217.

- bróðir Sigvalda jarls 153.

Herlaugr konungr í Naumudal 52.
53. 56.

- Hermóðr 109.
 Hildibrandr berserkr 44.
 Hildigunnr (Hildiguðr) 33. 34.
 Hildir Högnason 34. 35.
 Hildir Hrólfsd. nefju 65.
 — Högnad. 33. 34.
 — valkyrja 54. 477.
 Hjalti Skeggjason 192. 195. 204.
 261. 269-271. 273-276. 278. 279.
 287-289. 302.
 Hjörvarðr konungr 33-35.
 Hlíf Dagsd. 39.
 Hlóriði 136.
 Hlōðvir langi or Saltvík 203.
 — Þorfinnsson 136. 165. 322.
 323.
 Hlökk 116.
 Hnoss 11.
 Hofgarðarefr 475. 491.
 Hólmfríðr Ólafsd. Svíakonungs 217.
 303.
 Holti hinn frækni 313.
 Hornklofi (Þorbjörn) 54. 56.
 60. 62-64.
 Hrafn (hestr) 27.
 Hrammi 538.
 Hrani gauzki 58. 61.
 — mjónef 238.
 — víðförli 119. 162. 163. 218.
 219. 233. 234. 239.
 Hreiðarr 121.
 — Erlingsson 803.
 — Grjótgarðsson 733. 734.
 Hringr Dagsson 63. 433. 467.
 — Haraldsson 63. 74.
 — konungr á Heiðmörk 242.
 243. 281. 284.
 Hróaldr hryggr 61.
 — prestr langtala 781. 788.
 Hrói hvíti 119. 267.
 — skjálgi 263. 266.
 Hrólfr kraki 27. 28. 33. 477.
- Hrólfr nefja 65.
 — Rögnvaldsson 65. 66. se
 Gönguhrólfr.
 Hrollaugr konungr í Naumudal
 52. 53.
 — Rögnvaldsson 65. 70.
 Hroptatýr 109.
 Hroptr 214.
 Hrótr af Viggju 478. 526.
 Hrórekr Haraldsson 63. 74. 242.
 280-282. 284. 293-301.
 Hugi jarl digri 647.
 — jarl prúði 647. 648.
 Hugleikr 19. 20.
 Huldr vólva 13. 14.
 Hulviðr 32. 34. 165.
 Hundr Sigurðarson jarls 323.
 Hundr (Þórir) 492.
 Húnpjófr 54.
 Hvelpr se Hundr.
 Hvítakristr 472. 482. 521.
 Hyrningr 171. 172. 197. 205. 214.
 Hýsingr 44.
 Högni í Njarðey 28. 31. 57. 654.
 687.
 — konungr 34. 35.
 — Eysteinnsson 41. 49.
 — Káruson 49.
 Hölgi 63.
 Hœnir 5. 6.
 Hörðakári 121. 173.
 Hörðaknútr 130.
 — Knútsson 283. 386 417.
 419. 439. 519. 528.
 544. 545. 611.
 Höskuldr 192.
 Illugi Bryndælaskáld 550.
 Ingi Bárðarson konungr 625. 718.
 — Haraldsson Noregs konungr
 724-754. 756-759. 761-768. 770.
 771. 773. 774. 778-780. 782.
 785. 787. 789. 792.

- Ingi Steinkelsson Svíakonungr 649-651. 653. 676. 684. 704.
- Ingibjörg Andresd. prests 711.
- Guthormsd. 672.
 - Haraldsd. hárfagra 111. 336.
 - Haraldsd. konungs Valdmarsson 676. 780.
 - kona Rögnvalds jarls 291.
 - Tryggvad. konungs 171. 268. 271. 273. 275.
 - Þorkelsd. leiru 154. 160.
 - Ögmundard. 688.
- Ingibjörn sipill 782.
- Ingigerðr Birgisdóttir 744.
- Haraldsdóttir harðráða 571. 613. 614. 625. 631.
 - Haraldsd. hárfagra 63.
 - Loðinsd. ok Ástríðar 171.
 - Ólafsd. Svíakonungs 275. 276. 278. 279. 287. 288. 291-293. 304. 305. 307. 309. 311. 312. 313. 317. 452. 460. 462. 463. 721.
- Ingiríðr kona Heinreks halta 774.
- Loðinsd. 171.
 - Rögnvaldsd. Ingasonar 704. 738. 750. 779.
 - Sigurðard 238 625.
 - Sveinsd. Danakonungs 631.
- Ingjaldr illráði Önundarson 30-32. 34-36.
- Ólafsson konungr 37. 38.
- Ísleifr byskup 3.
- Ísríðr Guðbrandsdóttir 373.
- Ívarr byskup 731. 734.
- dynta Starason 734. 735.
 - Eiríksson konungs 86.
 - af Eldu 766. 767.
 - Hákonarson maga 764. 765.
 - hvíti 425. 576.
- Ívarr Ingimundarson 672. 673. 719. 723.
- Kolbeinsson 723. 734.
 - Rögnvaldsson Mærajarls 64.
 - Sigtryggsson 452.
 - skrauthanki Kálfsson 734.
 - smetta 203.
 - sneis 739.
 - víðfaðmi 35. 36.
 - Özurarson 709. 710.
- Jakob Ólafsson Svíakonungs 303. 319. 320. (se Önundr).
- Jálfaðr (Óðinn) 87.
- Jálkr (Óðinn) 343.
- Jarðþráðr Sigurðardóttir 523.
- Jarizleifr konungr í Hólmgarði 309. 310. 312. 213. 452. 460. 463. 496. 514. 546. 547. 550. 558.
- Járnskeggi af Yrjum 121. 182. 183. 184. 185.
- Játmundr Aðalráðsson konungr 85. 86. 226. 232. 544.
- Játvarðr Aðalráðsson hinn góði Englakonungr 424. 528. 544. 545. 607. 608. 611. 623.
- Jesus Kristr 298. 482.
- Jóan Árnason 523. 640.
- sterki á Rásvelli 576.
- Jómali goð Bjarma 382. 383.
- Jón Árnason (se Jóan) 639. 640.
- Birgisson 745.
 - erkibyskup 735. 792.
 - Hallkelsson 744. 753. 754. 758. 778. 784. 793.
 - kanða, son Kálfs hins ranga 731. 734.
 - ketlingr 809.
 - konungr Sörkvisson 744.
 - kutiza Sigurðarson storks 779.
 - Loptsson 711. 795
 - mörnef 754. 761.
 - Sigurðarson á Austrátt 718.

- Jón smjörbalti 691.
 — smyrill, prestr 781.
 — Sveinsson 772. 773. 782. 791.
 — taparðr, prestr 749.
 — Þorbergsson 803.
 Jónakr konungr 31.
 Jorunn skáldmær 77.
 — Þorbergsdóttir 575. 605.
 Jósteinn Eiríksson bjóðaskalla 171.
 204.
 Julianus nifingr 224.
 Jökull Bárðarson 454. 455.
 Jörundr Yngvason 20-22.
 Kálfr Árnason 341. 396-398. 434.
 435. 446. 447. 454-456. 460.
 485-489. 492. 493. 505. 511-
 514. 519. 524-526. 580. 585.
 586.
 — frændi Kálfs Árnasonar 492.
 — kringluanga 731.
 — rangi 731. 734.
 — skurfa 69.
 Kali se Rögnvaldr.
 Kári se Hörðakári.
 — konungsbróðir 718.
 Karkr 167-169.
 Karl bóndi 597. 599.
 — mærski 409-413.
 — jarl Sonason 726. 744.
 — Sörkvisson Svíakonungr 676.
 Karlamagnús 366.
 Karli háleyski í Langey 366-368.
 379-384. 399-401.
 Karlshöfuð Eiríksson bjóðaskalla
 171.
 Kárr af Grýtingi 95. 96. 183.
 Katrín Eiríksd. góða Danakonungs
 676.
 Ketill háfi 203.
 — kálfr af Hringunesi 250. 255.
 288. 284. 373. 577. 587.
 — jamti 91. 391.
 Ketill krókr 625.
 — prófastr 737.
 — rygski 203.
 Kimbi 497.
 Kirjalax Miklagarðs keisari 668-
 670. 775. 776.
 Kispingr skósveinn Gunnhildar 106.
 Kjartan Ólafsson 192. 193. 195. 204.
 Kjötvi hinn auðgi konungr af Ögð-
 um 61. 62.
 Klakkharaldr 46.
 Klerkon, eistneskr maðr 128.
 Klerkr, eistneskr maðr 128.
 Klyppr hersir 121. 173.
 Kloengr Brúsason 249.
 Knútr Gormsson 122.
 — Haraldsson kesju 684.
 — jarl Birgisson jarls brosu 744.
 — Knútsson gamla 528.
 — lávarðr, son Eiríks góða Dan-
 akonungs 676. 704.
 — Sveinsson af Jaðri 694.
 — Sveinsson tjúguskeggs, hinn
 ríki 153. 229. 232. 233. 236.
 241. 322 335. 365. 374-379.
 385. 386. 397. 498. 414-418.
 420-425. 427-430. 435. 437-
 439 441. 451. 454. 456-458.
 465. 466. 483-485. 508. 505.
 506. 511. 513. 517. 519. 521.
 528. 530. 531. 545. 610.
 631. 633.
 Koðrán Guðmundarson 605.
 Kolbeinn 696.
 — hrúga 737.
 — óði 758.
 — sterki 346. 347.
 — son Þórðar Freysgoða 192.
 204.
 Kolbjörn Árnason 341.
 — klakki 642. 644-646.
 — stallari 203. 215.

- Kolli skáld, 726.
 Kolr Hallsson 2.
 Konofogor 302. 326.
 Kormakr Ögmundarson 98.
 Kráka 571.
 Kristín Birgisd. jarls þrosu 744.
 — Ingad. Svíakonungs 676.
 — Knútsd. lávarðs 676. 704.
 — Sigurðard. konungs 739.
 752. 771. 774. 778. 780.
 802. 803. 806.
 — Stígsd. 676.
 Kristr, Kristus 154. 188. 191. 469.
 516. 555.
 Kriströðr bróðir Haralds gilla 704.
 705.
 Kvásir 6.
 Kyrpingaormr 738.
 Kœna 795. se Frirekr.
 Laxapáll 731.
 Leifr Eiríksson hinn hepnir 196.
 204. 300.
 — Özurarson 372 386. 410-413.
 Ljótr Þorfinnss. hausakljúfs 136. 322.
 Loðbrók, se Ragnarr, 85.
 Loðinn er fékk Ástríðar 171. 172.
 — Erlingsson Skjálgssonar 231.
 — saupprúðr 734. 737.
 — af Viggjum, Viggjarskali
 246. 639.
 Lóðurr 57.
 Lofði 37.
 Logi 17. 18.
 Loki 15.
 Loptr 122.
 — prestr Sæmundarson 711.
 Lozarius keisari 670.
 Lúfa, Haraldr hárfagri, 62.
 Lundasól, Guðrún af Lundum, 166.
 Lögbersi 724.
 Lögmaðr Guðröðarson 647.
 Magni byskup 679. 701.
- Magnús berfœttr Ólafsson kyrra
 631. 636-660. 661. 662. 684.
 692. 728. 778. 795. 808.
 — Birgisson jarls 744.
 — blindi Sigurðarson konungs
 702. 703-723. 725-728.
 730. 733. 734. 736.
 — byskup 717.
 — Erlendsson jarls 657.
 — Erlingsson, konungr 778-
 812.
 — Eysteinnsson 680. 681.
 693. 694.
 — góði, Noregs konungr 365.
 366. 452. 453. 463. 510.
 514. 515-545. 556. 560-
 564. 566-569. 571. 576.
 577. 579. 582. 583. 585.
 604. 611. 627-629.
 — Haraldsson gilla 738.
 — Haraldsson harðráða 571.
 598. 605. 606. 613. 624.
 627. 629.
 — Svíakonungr 744. 774.
 Margarðr Irakonungr 587. 588.
 Margrét Árnad. konungsmágs 739.
 — Birgisd. jarls 744.
 — Haraldsd. gilla 744.
 — Ingadóttir konungs, Frið-
 kolla 653. 684.
 — Knútsd. lávarðs 676.
 Margrit yfirkussari 666.
 María bróðurdóttir Zóe drótningar
 556. 557.
 — Eysteinsd konungs 672. 803.
 — Haraldsd. gilla 744. 784.
 — Haraldsd. konungs harðráða
 571. 613. 617. 624.
 Markús á Skógi 786. 787. 791-791.
 Manueli keisari 666.
 Mathildr 654.

- Málmfríðr Haraldsd. kon. Valda-
 marssonar 676. 679. 739. 780.
 Már 734.
 Melbrigði tönn 64.
 Melkólmr Skotakonungr 323. 648.
 Mercurius hinn helgi 224.
 Michael katalaktus 547.
 Mikjáll 154.
 — 550.
 Mímir 5. 6. 8.
 Munan Ögmundarson 726. 769.
 Myrkjartan konungr Þjálfason 649.
 657. 658.
 Mœrukári jarl 424. 607. 614. 615.
 Narfi 15.
 — af Staf 96.
 Nefjúlfr (Nefjólfr) 193. 299.
 Nikolás Árnason 739.
 — Danakonungr Sveinsson
 670. 684. 685.
 — kardináli 744-746.
 — kufungr 806.
 — mási 744.
 — Nikolásson Danakonungs
 684.
 — Sigurðarson 792. 793. 808.
 809.
 — Símonarson skálps 744. 785.
 — skegg, gjaldkeri 766.
 — Skjaldvararson 761. 762.
 766. 778.
 Njörðr 5-7. 9-11. 93. 97. 103.
 Nökkvi Pálsson 792.
 Oddr Karlsson 2.
 — Kikinaskáld 543. 568.
 Óðinn 4-10. 13. 22. 23. 37. 93. 95.
 108. 109. 145. 146. 170. 181. 308.
 Óðr 11. 102.
 Ólafr Bjarnarson 69.
 — bóndi 631.
 — í Dal 680.
 — drengr 203.
- Ólafr Eiríksson Svíakonungr scenski
 119 161. 170. 198. 200. 205.
 208. 209. 211. 212. 217. 218.
 221. 230. 241. 256. 259. 260.
 265. 269. 272. 291. 292. 303.
 305. 306. 309. 312. 313. 319.
 321. 335. 349. 392. 484. 530.
 559.
 Ólafr frændi Kálfs Árnasonar 492.
 — Geirstaðaálfr 1. 40. 41. 42. 63.
 — Guðbrandsson 803-805.
 — Haraldsson hárfagra 74. 80. 82.
 — Haraldsson kesju 684. 728.
 — Haraldsson kyrri 617. 623.
 624. 629-636.
 — helgi, Haraldsson Noregs ko-
 nungr 3. 47. 177. 178. 218-514.
 515-518. 520. 521. 523. 526.
 529. 533. 535-537. 544. 546.
 556. 564. 565. 567. 569. 575.
 576. 581. 583. 587-590. 612.
 613. 625-628. 630. 654. 656.
 657. 675. 684. 696-698. 700.
 709. 745-748. 774-776. 795. 799.
 — hvíti 64.
 — klíningr 772.
 — konungr í Englandi 86.
 — kvaran 149. 164.
 — Magnússon 654. 661-702. 718.
 — skygni 37.
 — Sveinsson Danakonungr 631.
 — trételgja 35-37.
 — Tryggvason 3. 124-218. 229-
 232. 236. 240. 241. 243. 245-
 247. 262. 270. 271. 277. 323.
 330. 337. 427. 461. 512. 513. 684.
 Óleifr (Ólafr) 215. 252. 430. 454.
 470. 480. 491. 493.
 Óli (Ólafr Tryggvason) 148. 149.
 163. 164.
 Ólof Ólafsdóttir hins skygna 37.
 — Bøðvarsdóttir 271.

- Ónarr 89.
 Ormr af Ljoxu 96. 183.
 — lyrgja 166.
 — lygra af Meðalhúsum 183.
 — 203.
 — Ívarson konungsbróðir 739. 772-774. 783. 804. 805. 810. 811.
 — jarl Eilífsson 577. 581. 583. 585. 592. 726. 739.
 — skógarnef 203.
 Otta byskup 623.
 — hertogi 533. 534.
 — keisari 142-146.
 — Sveinn Haraldsson tjúguskeggs 146.
 Óttarr 193.
 — balli 724.
 — birtingr 687. 688. 724. 732. 733. 735. 738. 743. 800.
 — Egilsson Vendilkráka 25. 26.
 — jarl 146.
 — svartí 219. 220. 222. 225-227. 234. 235. 273. 275. 279. 284. 309. 334. 348. 422.
 Páll flípr 711.
 — jarl, Þorfinnsson jarls 614. 617. 646. 649. 661. 662.
 — Skoptason 806.
 Palnatóki 152.
 Patriarki 701.
 Pétur byrðarsveinn Sauðauífsson 576. 724. 733. 736.
 Philippus Árnason konungsmágs 739.
 — Gyrðarson 714. 752. 753. 782. 788.
 — jafn Birgisson 744.
 — Pétursson 782.
 Poppo byskup 145.
 Ragna Nikolásdóttir mása 744. 774.
 — Ormsdóttir jarls Eilífssonar 739.
 Ragnarr loðbrók 44. 58. 130.
 Ragnarr rykkill Haraldsson hárfagra 63. 74.
 Ragnfreðr (Ragnfróðr) Gunnhildarson 82. 136-138.
 Ragnhildr Árnad. Arn móðssonar 341.
 — Eiríksd. ok Gunnhildar 82. 89.
 — Eiríksd. konungs af Jótlandi 63. 66.
 — Erlingsd. Skjálgs sonar 231. 393-395. 803.
 — Hákonard. jarls 139. 739.
 — Haraldsd. gullskeggs 43.
 — kona Rauðs í Eystridölum 432.
 — Magnúsd. konungs Ólafssonar 582. 583. 585. 684. 728.
 — Sigurðard. hjartar 44-47.
 — Skoptad. Ögmundarsonar 743.
 — Sveinkad. Steinarsonar 739.
 Rannveig Sigurðard. 523.
 Rauðr í Eystridölum 432-434.
 — hinn rammi, bóndi 189-191.
 Raumi 203.
 Razabárðr 800.
 Reas 128.
 Reinaldr byskup í Stafangri 710.
 Rekon 128.
 Rekoni 128.
 Rettiburr Vindakonungr 712-716.
 Rígr konungr 16.
 Ríkarðr prestur 746. 748.
 — Rúðujarl Ríkarðarson 66. 229. 528. 607.
 — Vilhjálms son 66. 229.
 Rimhildr 694.
 Roðbertr (Roðbjartur) Ríkarðarson 66. 229. 607.
 Roðgeirr hertogi 666.

- Runólfr goði 192. 204.
 Rögnvaldr Brúsason 326. 329. 334.
 452. 496. 546.
 — Eysteinnss. glumru, Mœra-
 jarl 54-56. 65. 68-71.
 229. 322.
 — Ingason konungs Stein-
 kelssonar 704.
 — jarl, Kali 739. 740.
 — jarl Úlfsson 230. 268. 271.
 275. 287. 289-291. 303-
 313. 547. 774.
 — kunta 782. 786.
 — Ólafsson konungs heiðum
 hæri 1. 41. 42.
 — réttilbeini Haraldsson 67.
 68. 75. 87. 179.
 — or Ærvík 157.
 Sædagryðr Bárðarson 724. 731. 732.
 743.
 Sauðauðlfr 731.
 — 576.
 Saurr (hundr) 90. 391.
 Saxi flettir Bóvason 35.
 — i Vík 654. 718.
 Selþórir 351. 355. 361.
 Serkr or Sogni 657. 686.
 Sigarðr lendr maðr 714.
 Sigarr 20. 707.
 Sigfrøðr Haraldsson 61.
 Sighvatr konungr af Áttundalandi 32.
 Signý 18.
 Sigríðr Bárðardóttir 718.
 — Finnsd. 581. 726. 739.
 — Ketilsd. kálfs 577.
 — Saxad. í Vík 654. 718.
 — Skjálgsd. 351. 352. 367. 455.
 — Sveinsd. jarls 378. 577.
 — sæta 751.
 — Tostadóttir hin stórráða
 119. 161. 162. 177. 178.
 200. 205. 230. 530.
 Sigrøðr Haraldsson 74. 77. 81.
 Sigtryggr 452.
 — Haraldsson 63. 74.
 — konungr á Vindli 38.
 Sigurðr agnhöttr 803. 805.
 — á Austrátt. 718.
 — bildr 203.
 — byskup 190. 342. 348. 361.
 483. 502. 506.
 — digri Hlødvisson 72. 165.
 323. 324. 330.
 — Eiríksson bjóðaskalla 127-
 129. 171.
 — Eysteinnsson glumra jarl í
 Orkneyjum 64. 68. 322.
 — Eysteinnsson trafala 750.
 — Erlingsson Skjálgsd. 231.
 396. 803.
 — faðir Eiríks bjóðaskalla 192.
 — Guðrúnarson af Saltnesi
 809.
 — Gyrðarson 714.
 — háleyskr maðr 186. 187.
 — Hallvarðsson haulds af Reyri
 756. 757. 761-764. 767. 769.
 780. 782. 783. 786-791.
 — hit 296. 298.
 — hjúpa 782. 786.
 — hjörtr konungr 44. 45.
 — hringr 58.
 — Hranason 657. 659. 676-
 679. 808.
 — hrisi Haraldsson 67. 68. 178.
 — hundr Jóansson Árnasonar
 523. 659.
 — jarl Hákonarson jarls 77.
 78. 83. 87. 90. 92-97. 110.
 111. 113-116. 134.
 — Jómsvíkingr af Burgundar-
 hólmi 153. 154. 157. 159.
 — kápa 782. 786.
 — Kolbeinnsson 729. 736.

- Sigurðr Magnússon Jórsalafari 649. 654. 660. 661-704. 716. 739.
 — munnr konungr 704. 724-755. 756. 771. 778. 786. 806.
 — ormr í auga 44. 130.
 — prestur Bergþórsson 700. 734.
 — Rauðsson 432. 433.
 — Sigurðarson 694. 695. 706-708.
 — Sigurðarson Markúsfóstri 786. 791-793.
 — slembidjákn (slembir) Aðalbriktsson prests 718-722. 725. 728. 733-737.
 — slefa Eiríksson 82. 86. 120. 121. 173.
 — sterkr, Eindriðason 730.
 — storkr 779.
 — sýr Hálfðanarson 177. 178. 218. 237-242. 244. 250. 255. 285. 371. 546. 580. 625.
 — Þórisson 351. 352. 523.
 — Þorláksson 387-390. 413.
 — ullstrengur 639. 640. 642. 643. 650. 651.
- Sigvaldi jarl 152-154. 156-158. 200. 206-209. 211. 216. 223. 248.
- Sigvatr skáld Þórðarson 220. 222. 223. 226-231. 233. 236. 248. 249. 252. 253. 255. 258. 274. 296. 297. 307-311. 342. 365. 366. 377. 414-417. 429-431. 443-446. 453. 475. 477. 480. 488. 490. 491. 493. 499. 508. 510. 516. 520-522. 526. 527.
- Símon bóndi 741.
 — Hallkelsson húks 754.
 — Kárason 739.
 — skálpr 744. 753-756. 761. 762. 772. 773. 778. 784.
- Sjárekr 105.
 Skaði, kona Njarðar 9. 10.
- Skafhöggr 672.
 Skagi Skoptason 139.
 Skallagrímr 192.
 Skarði víkingr 159.
 Skeggi 192.
 — af Yrjum 157. 182-184.
 Skjaldvör, Brynjálfsd. úlfalda 677. 808.
 — Nikólásd. Sigurðarsonar 808.
 Skjálfr Frostadóttir 17. 18.
 Skjálgr 638. 639.
 — Erlingsson 231. 351. 357. 358. 378. 444.
 — faðir Erlings 342. 350.
 Skjöldur son Óðins 7.
 — konungr 38. 39.
 Skjöldungar 27.
 Skólmr 105.
 Skopti or Gizka 638.
 — lögsögumaðr 261. 371.
 — Skagason 139.
 — Þóroddsson 259.
 — Ögmundarson 625. 649. 655. 656. 661. 743.
- Skúli hertogi Bárðarson 625. 718.
 — konungsfóstri 625.
 — Þorfinnsson hausakljúfa 136.
 — Þorsteinsson 211. 322.
- Skurfa (Kálfr) 69.
 Sköglartosti (se Tosti) 161. 200. 530.
 Skögul 56. 108. 109.
 Sleipnir (hestur) 17. 22.
 Slöngvir (hestur) 27.
 Snjár hinn gamli 13.
 Snorri goði 3. 371. 552.
 Snæfríðr Svasad. 66. 67. 74.
 Solveig kona Andres Brúsasonar 711-713.
 — Hálfðanard. gulltannar 37.
 Sóti jarl 61. 62.
 — víkingr 220.

- Sporsnjallr konungr 32.
 Stari 734.
 Starkaðr 20. 22.
 Steigarþórir (se Þórir) 565. 627. 636. 638. 640.
 Steinn Herðíson 576. 593-595. 615. 628. 629. 635.
 — Skaptason 374. 390 392-398.
 Steinkell konungr 601. 604. 605. 649.
 Steinþórr 9.
 Stephanus legatus 795.
 Stígr hvítaleðr 676.
 Straðbjarni 782.
 Strútharaldr 152. 153.
 Stúfr skáld blindi 555. 558. 572. 630.
 Styrbjörn 119. 277. 278.
 Styrjaldarmagnús 654.
 Styrkárr Ásbjarnarson 121.
 — af Gimsum 157. 183.
 — glæsirófa 731.
 — stallari 622.
 Súlki konungr af Rogalandi 61.
 Sumarliði Sigurðarson jarls 323.
 Svafnir 62.
 Svasi jötunn 66.
 Svegðir 12. 13. 89.
 Sveinki Steinarsson 642-645. 739.
 Sveinn Alfíuson 465. 503. 504. 507-509. 511-513. 517-519. 521. 591-595. 598. 599. 601-603. 606. 609. 610. 673. 803.
 — Bergþórsson 772.
 — bryggjufótr 642. 679.
 — Eiríksson 229. 676.
 — Erlendsson 739.
 — frændi Hróereks 293. 294.
 — Guðinason jarl 607. 623.
 — Hákonarson jarls 139. 157. 158. 217. 218. 229 230. 236. 237. 246. 257. 262. 282. 310. 349. 374. 378. 424. 450. 451. 484. 510. 577.
 Sveinn Haraldsson flettis 638-641.
 — Haraldsson konungs tjúguskegg 146. 152. 153. 172. 200. 201. 205-209. 211. 212. 224. 386. 530. 780.
 — Herðíson 628.
 — prestur 730.
 — Rímhildarson 694-696.
 — Sveinsson 739. 774.
 — Úlfsson Danakonungr 384. 419. 422. 530. 531. 533. 536-544. 559-562. 566-569. 571-573. 577. 587. 627. 631. 676. 684. 796.
 Sverrir konungr 755. 786.
 Svertingr Runólfsson 192. 204.
 Svínagrímr 731.
 Svipdagr 20.
 — blindi 30. 32. 34.
 Svölnir 123.
 Sæmingr Njarðarson 10.
 — Yngvifreysson 1.
 Sæmundr húsfreyja 711. 714. 715.
 Sökmímir 13.
 Sölvarr Sölvason 37.
 Sölvi gamli 37.
 — Jótakonungr 28.
 — klofi Húnþjófsson 54-56. 72. 74.
 — Sölvason 37.
 Sörkvir Svíakonungr 676. 744.
 Sörli 146. 157.
 Söxólfr 728.
 Teitr Ísleifsson 3.
 — Ketilbjarnarson 192.
 Tíðindaskopti 139. 140. se Skopti.
 Tindr Hallkelsson 157. 160.
 Tófi 315.
 — Valgautsson 425. 426.
 Torfeinarr jarl 68. 69. 85. 86. 322.

- Tosti jarl 424. 607-610. 612. 616-619. 621.
 — maðr søenskr 119.
 Tréskegg (se Þórir) 69.
 Tryggvi höfðingi, er kallaðist son Ólafs Tryggvasonar 512. 513.
 — konungr Ólafsson 80. 84. 88-90. 97. 110. 113. 117. 118. 125. 163. 171. 173. 414. 527.
 Tunni þræll Egils 23-25.
 Týr 105. 108. 115.
 Ubbi Ákason 59.
 Úlfheðinn Söxólfsson 728.
 Úlfhildr Ólafsd. helga 452. 467. 533.
 Úlfkell snillingr 226. 232.
 Úlfnaðr 424.
 Úlfr 15.
 — 310.
 — flý 576.
 — Hranason 657. 660.
 — jarl Rögnvalds jarls 313. 386.
 — jarl Sprakaleggsson 417-419. 422. 424. 425. 530. 531. 609.
 — rauði 203. 210.
 — Úspaksson stallari 552. 556. 575. 576. 594. 611. 612. 628.
 Ulli 167.
 Ullr 111. 138.
 Uniburr Vinda höfðingi 712. 715.
 Urguþrjótr, danskr jarl 172.
 Úspakr 552.
 Úpyrmir 203.
 Váfaðr 105. 108.
 Vagn Ákason 153. 154. 157-159.
 Vakr elfski Raumason 203.
 Valdimarr Jarizleifsson ok Ingigerðar 313. 780.
 — Knútsson ok Ingibjargar Danakonungr 676. 704. 780. 797. 800-803.
 Valdimarr konungr af Hólmgarði 127-129. 140. 141. 164. 199. 508.
 Valgarðr af Velli 559. 560.
 Valgautr, faðir Tófa 425. 426.
 Valgerðr 605.
 Valþjófr jarl Guðinason 607. 614. 615. 623. 624.
 Vana 12.
 Vandráðr 596. 597.
 Vanir 5. 6.
 Vanlandi Svegðisson 12-14.
 Vandræðaskáld 194. se Hallfreðr.
 Varinn konungr 180.
 Vatnormr Dagsson 727. 729.
 Vé 5. 6.
 Vemundr völubrjótr 121.
 Vermundr konungr 56.
 Veseti í Borgundarhólmi 153.
 Vetrliði skáld 185.
 Viðkunnr Jónsson í Bjarkey 523. 639. 640. 657. 659. 660. 681. 730.
 Viðurr 157.
 Vígaglúmr 158.
 Vigfúss Vígaglúmsson 158.
 Vígileikr Árnason 447. 448.
 Vikarr af Tíundalandi 203.
 Víkingakári 192. 271.
 Vilborg Gizurard. hvíta 192. 271.
 Vilhjálmr bastardr Englakonungr 66. 607. 623. 624. 662.
 — byskup 739.
 — Guðrúnarson af Saltnesi 809.
 — jarl í Vallandi 229.
 — konungr í Sikiley 666.
 — langaspjótson Göngu-
 hrólfs 66. 229.
 — skinnari 731.
 Vili 5. 6. 14.
 Vingi 20.
 Visburr Vanlandason 13. 14. 17.

Vissavaldr Jarizleifsson 313.
 — konungr 162.
 Vitgeirr seiðmaðr 75.
 Völsungar 669.
 Vötr, jarl 26.
 Yggr 66. 226. 517.
 Ylfingr 33.
 Ynglingar 1. 4—42.
 Yngvarr 29. 30. 32.
 Yngvi Alreksson 18-21.
 — Freyr 11. 15.
 Yngva ætt 108.
 Yngvifreyr 1. 12. 157.
 Yrsa dróttning í Svíþjóð 27.
 Þambaskelfir 121. se Einarr.
 Þangbrandr prestur 3. 185. 192. 195.
 Þjálfir írskr maðr 649.
 Þjóðólfr or Hvini 1. 12-19. 22. 23.
 25. 26. 28. 29. 31. 36.
 39-42. 67. 68. 75.
 — skáld 516. 519. 529. 531.
 535. 537-542. 544. 546.
 547. 549. 555. 557. 559.
 560. 562. 570. 577. 591.
 592. 593. 595. 596. 605-
 607. 620. 621. 626.
 Þjóstólfr Álason 705. 724-728. 735.
 737. 743.
 Þóra Guthormsd. grábarða 704. 722.
 723.
 — Hákonardóttir 107.
 — Jóansdóttir 631.
 — móðir Sigurðar Jórsalafara
 654. 696.
 — Mostrstöng 78.
 — á Rimul 166. 167.
 — Saxad. í Vík 718.
 — Skagad. Skoptasonar 139.
 — Skoptad. Ögmundarsonar 525,
 649.
 — Þorbergsdóttir Árnasonar 394.
 571. 575. 598. 613.

Þóra Þorsteinsd. gálga 341.
 — verkakona Símonar bónda 741.
 Þóraldi ármaðr Ólafs helga 339. 340.
 — keptra 731.
 Þórólfr 203.
 — or Dímun 372. 386-389.
 — dyrðill 793.
 — lúsarskegg 124. 128.
 — spaki 173.
 — sterki Skólmsson 105. 106.
 Þórarinn 9.
 — loftunga 440. 441. 503.
 509. 510.
 — Nefjúlsson 193. 299. 300-
 302. 357-359. 369. 371. 372.
 — Skeggjason 557.
 — stuttfeldr 662. 685-687.
 Þórarr lögmaðr 403-405.
 Þorbergr Árnason 231. 341. 393-
 398. 452. 494. 505. 511.
 512. 526. 571. 617.
 — skafhogg 197. 198.
 — af Varnesi 96.
 Þorbjörn gjaldkeri 793.
 — Gunnarsson gjaldkera 782.
 — hornklofi 60.
 — Skakkaskáld 740. 781. 795.
 Þordís skeggja 772.
 Þórðr 613.
 — Freysgoði 192.
 — Fólason 297. 480. 490. 491.
 649.
 — gellir 152.
 — Guthormsson 373. 374.
 — husfreyja 751.
 — Hörðakárasen 121. 173.
 — ístrumagi 344-346.
 — Kolbeinsson 154. 170. 198.
 214. 217. 232.
 — lági Þorláksson 387. 388.
 412. 413.
 — or Njarðarlög 203.

Þórðr Sigvaldaskáld 248.

- Sjáreksson 105. 106. 422.
- Skoptason 649. 656.
- skotakollr 311.

Þorfinnr eisli 203.

- (Þorfiðr) hausakljúfr son Torfeinars 86. 89. 136. 322.
- munnr 475. 476. 491.
- Sigurðarson jarls 323-327. 329-332. 334. 335. 342. 585. 614.
- svartí af Snös 809. 811.

Þorgautr skarði 259-261. 267. 268.

Þorgeirr afráðskollr 2.

- ármaðr 393. 394.
- flekkur af Sulu ór Veradal 470. 471. 524-526.
- Hávarsson 369.
- kapalín 808.
- af Kviststöðum 489. 491.
- læknir Steinsson 736.
- mágr Olafs konungs hins Helga 171. 172. 197. 205.

Þorgils Arason 301. 302.

- faðir Ara prests 134.
- Gellisson 2.
- Hálmuson 479. 499-502. 506.
- Haraldsson 63. 74. 75.
- Oddason 719. 720.
- Snorrason 565.
- sprakaleggr 386. 530.
- Þórálfsen lúsaskeggs 124. 128.

Þorgisl se Þorgils.

Þorgnýr lögmaðr 287. 289-292. 306.

Þorgrímr or Hvini 203.

- skinnhúfa 659.

Þorgunna móðir Vagns Ákasonar 153.

Þórir 9.

Þórir se Gaukaþórir.

- bróðir Magnús konungs 566. 569.
- Erlingsson 231. 396.
- faxi 90.
- Guðbrandsson 245.
- haklangr 61. 62.
- helsingr 91. 391. 776.
- hersir Hróaldsson 66. 72.
- hjörtr 157. 177. 189.
- hundr 337. 351. 362. 367. 368. 380-385. 399-401. 406. 430. 434-436. 439. 351. 455. 460. 464. 485-489. 492-494. 501. 523. 563.
- hvinantorði 728.
- Ingiríðarson 706.
- klakka 163. 164.
- langi 264. 298.
- Rögnvaldsson 65. 70.
- selr 352-357. 362.
- skegg 96.
- af Steig 563. 636-642.
- tréskogg 69.

Þorkell Ámundason 324-328. 332. 333. 335. 338.

- dyðrill son Eiríks bjóðaskalla 171. 204. 209.
- Eyjólfsson 369. 371. 374.
- Geirason af Lyngum 536.
- geysa 570.
- (Þorketill) hávi son Strútharalds 153. 154. 223. 248. 456.
- hamarskáld 639.
- leira 154. 157. 160.
- nefja Loðinsson 171. 203. 209. 215. 216.
- Skallason 624.
- Sumarliðason 719. 721.

Þorlákr 387.

Þorleifr Brynjólfsson 737.

Þorleifr Rauðfeldarson 169.
 — skjappa 730.
 — spaki 46. 47. 67. 90. 117. 173.
 Þorleikr Bollason 369.
 — Brandsson 193.
 — fagri 571. 573.
 Þorljótr skaufuskalli 757.
 Þormóðr Eindriðason 605.
 — karkr 167.
 — Kolbrúnarskáld 369. 474-477. 496-498.
 Þorný Klakkharaldsd. 46.
 Þóroddr goði í Ölfusi 152.
 — Snorráson goða 374. 390. 392. 403-406. 408.
 Þórr 7. 9. 95. 184. 343. 345.
 Þórroðr 520³¹.
 Þorsteinn í Auðsholti 734.
 — bóndi 126.
 — fróði 321.
 — gálgi 341.
 — Hallsson 371.
 — Hlífason 203.
 — hvíti 203.
 — knarrarsmiðr 487. 493.
 — miðlangr 158.
 — rauðr son Ólafs hvíta 64. 322.
 — Sigurðarson 718.
 — uxafótr 203.
 Þorvaldr veili 185.
 Þorviðr lögmaðr Gauta 604.
 — stami 317. 319.
 Þrándr gjaldkeri 735.
 — í Götum 372. 387. 389. 390. 410-413.
 — haka af Eggju 96.
 — hvíti 266. 403.
 — rammi 203.
 — skjálgi 203.
 Þriði (Óðinn) 144³¹.

Þuríðr Snorradóttir 3.
 Þyri Danmarkarbót 46.
 — Haraldsdóttir 153. 200-202. 205.
 Zoe dróttning hin ríka 547. 556. 558.
 Æsir 5-9. 109. 338. 669.
 Ögmundr 480.
 — 93.
 — dengir 743.
 — Erlingsson 803.
 — Hörðakárasen 173.
 — Ívarsson 767.
 — Ormsson jarls Eilífssonar ok Sigríðar 726.
 — sandi 203.
 — Skoptason 649. 652. 653. 655. 656.
 — sviptir 732. 743.
 — Þorbergsson 638.
 Ögvaldr konungr 180.
 Ölmóðr hinn gamli 173-175.
 Ölvir bóndi miklimunnr 713. 714.
 — á Eggju 338-341. 434. 436. 455. 485.
 — spaki 44.
 — þrír búendr 308.
 Öndurr Vísbursson 14.
 Örnólfr skorpa 793-795.
 Önundr Eysteinnsson jarl 90. 91. 391.
 — konungr Yngvarsson 29-31.
 — Ólafsson konungr í Svíþjóð 320. 349. 378. 379. 385. 386. 415. 420-423. 425. 464. 466.
 — Símonarson 741. 756. 781-784. 786. 793-795.
 Özurr Agason 201.
 — bóndi 794.
 — erkibyskup 712.
 — toti 72. 73.

Register over Stedsnavne og Folkenavne.

- | | |
|--|--|
| <p><i>Aðalsýsla, en Del af Estland</i> 29. 199.</p> <p><i>Afrika, Afrika</i> 549. 550.</p> <p><i>Agðanes, Nes ved Indløbet til Throndhjemsfjorden</i> 76. 165. 396. 398. 671. 683. 799.</p> <p><i>Agðir, Nedenes, Lister og Mandals Fogderier</i> 40. 42. 61. 70. 135. 155. 173. 179. 217. 252. 267. 349. 386. 438. 446. 466. 512.</p> <p><i>Agnafit, Eidet søndenfor Stoksund, hvor Stockholm nu ligger</i> 17. 221.</p> <p><i>Áin Helga, en Aa i det østlige Skaane</i> 420. 421. 423. 424.</p> <p><i>Akrsborg, Acre i Palæstina</i> 667.</p> <p><i>Álaborg, Aalborg i Jylland</i> 729. 737. 805.</p> <p><i>Aldeigja, = Aldeígjuborg</i> 199.</p> <p><i>Aldeigjuborg, Byen Ladoga ved Søen af samme Navn i Rusland</i> 199. 312. 513-515. 559.</p> <p><i>Álfheimar, Bohuslen og en Del af Smaalenene eller Egnen mellem Glommen og Gøtaelven</i> 40. 44.</p> <p><i>Alkasse, en Borg i Spanien</i> 663. 664.</p> <p><i>Álptafjörðr, en Fjord i den østlige Del af Island</i> 185.</p> <p><i>Álreksstaðir, nu Aarstad ved Bergen</i> 78. 107. 121.</p> <p><i>Apardjón, Byen Aberdeen i Skotland</i> 742.</p> | <p><i>Apavatn, en Gaard i den sydlige Del af Island</i> 248.</p> <p><i>Arnarnesþing, paa Throndenes i Senjen (?)</i> 677.</p> <p><i>Áróss, Fyrisaaens Udløb i Mælaren, hvor nu Uppsala ligger</i> 318. 464.</p> <p><i>Áróss, nu Aarhus i Jylland</i> 536. 537. 543.</p> <p><i>Ásaheimr, 4. } Mythiske Navne.</i></p> <p><i>Ásaland, 4. }</i></p> <p><i>Ásgarðr 4. 10. }</i></p> <p><i>Asía, Asien</i> 4.</p> <p><i>Asíamenn, Indbyggere i Asien</i> 4.</p> <p><i>Ásmundarvágur, nu Osmondwall, en Bugt paa Waes (Vágar) en af Orknøerne</i> 165. 326.</p> <p><i>Atley, Atløen i Søndfjord</i> 57.</p> <p><i>Áttundaland, den sydøstre Del af Uppland i Sverige</i> 32. 34. 286.</p> <p><i>Auðsholt, nær Skálholt paa Island</i> 734.</p> <p><i>Aumorb, Borge ved Fredrikstad</i> 680.</p> <p><i>Aurland, Umland i Sogn</i> 638.</p> <p><i>Austfirðskr, som er fra Austfirðir</i> 328.</p> <p><i>Austfirðir, den østlige Del af Island</i> 185.</p> <p><i>Austmenn, islandsk og færøisk Benævnelse paa Nordmændene</i> 413.</p> <p><i>Austrátt, nu Østeraad paa Ørlandet ved Throndhjem</i> 185. 580. 718.</p> <p><i>Austragðir, Nedenes Fogderi</i> 97. 265.</p> |
|--|--|

- Austrey, *en af Færøerne* 387. 410.
- Austrlönd, *Landene i Øst og Syd for Østersøen* 89.
- Austrriki, *vist det samme som Austrlönd* 36. *eller en Del af Rusland* 558.
- Austrvegr, *det samme som Austrlönd* 17. 25. 28. 29. 65. 72. 76. 89. 98. 118. 120. 199. 256. 265. 267. 278. 292. 311. 547.
- Austrvegsmenn, *Indbyggerne i Austrvegr* 29. 531. 583.
- Austrvindr, *Østervenderne* 547.
- Balagarðssíða, *en Kyststrækning af Finland* 223.
- Barvík, *et Sted i Blekinge (?)* 422.
- Bataldr, *Batalden i Søndfjord* 729.
- Befja, *en Aa ved Uddevalla, Bäfverå* 770.
- Beiaraland, *Bayern* 670.
- Birkiströnd *paa Frædøen paa Nordmøre* 99.
- Bjarkey, *Bjerkø i Throndenes i Senjen* 337. 351. 367. 368. 385. 399. 400. 523. 639. 640. 681. 730.
- Bjarkeyingr, *en Mand fra Bjarkey* 384.
- Bjarmar, *Mænd fra Bjarmeland* 121. 382. 383.
- Bjarmaland, *Landet ved Bunden af det hvide Hav* 72. 121. 379. 399. 401. 638.
- Bjarnaurar, *Bjørnør i Fosen* 177.
- Bjarney, *Bjørnø i Borgunds Sogn i Søndmøre* 447.
- Björgyn (Björgvin) *Bergen* 625. 629. 649. 671. 676. 683. 699. 700. 706-711. 721. 722. 731. 749. 751. 752. 754. 758. 766. 767. 774. 780. 782. 783. 787. 792. 793. 795. 798-800. 806. 807. 810.
- Björgynjarmenn, *Mænd fra Bergen* 732. 782.
- Bláland *hit mikla, Æthiopien* 4.
- Blámenn, *Folk derfra* 665.
- Blökumannaland, *Vallakiet* 776.
- Bókn, *Øen Bukn i Tysver Pgd. ved Stavanger* 443. 444. 446. 513.
- Bolgarar, *Indbyggere af Bulgarien* 546.
- Bolgaraland *Bulgarien* 670.
- Borg, *Byen Sarpsborg* 280. 306. 307. 309. 349. 429. 441. 625.
- Borgund, *Borgund paa Søndmøre* 447.
- Borgundarhólmr, *Bornholm* 141. 153.
- Borro, *nu Borre ved Horten* 39.
- Brattahlíð, *en Gaard paa Grønland* 204.
- Brattsberg, *Gaarden Bratsberg i Gjerpens Præstegjeld ved Skien* 752.
- Brattsáass *ved Kønghelle i Bohuslen* 712.
- Breiða, *Breden i Vaage Præstegjeld i Gudbrandsdalen* 343. 344.
- Breiðablik, *et mythologisk Navn* 7.
- Breiðifjörðr *paa Island* 152. 301.
- Bretar, *Indbyggerne af Bretland* 648.
- Bretland, *Wales i England* 72. 74. 85. 147. 326. 587. 607. 647.
- Brezkr, *som er fra Bretland* 147.
- Brunsvík, *Braunschweig i Tydskland* 533.
- Búnes *i Støren i Guldalen* 166.
- Byrða, *Børø i Bjørnørs Præstegjeld* 137. 189.
- Byskupshöfn, *nu Bispehavn ved Bergen* 799.

- Bæar i *Lesje i Gudbrandsdalen* 342.
 Clemenskirke i *Thronthjem* 256.
 637. *Se Klemenskirke.*
 Dalir, *Gudbrandsdalen* 43. 51. 249.
 281. 282. 284. 342. 344. 348.
 364. 373.
 Dalr mikli, *nu Store-Dal i Skjæ-*
berg 680. 681.
 Danaherr, *de Danskes Hær* 98. 99.
 132. 135. 145. 207. 209. 211.
 224. 571. 573. 593. 610. 627.
 727. 801.
 Danahöfðingjar, *de Danskes Høv-*
dinger 533. 803.
 Danakonungur, *de Danskes Konge*
(se Danir) 36. 89. 122. 130. 140.
 142. 143. 145. 146. 151. 152.
 224. 727. 774. 797-801. 803.
 Danalið, *de Danskes Troppstyrke*
 733.
 Danaríki, *Danmark* 610.
 Danaveldi, *Danmark* 36. 46. 130.
 132. 152. 202. 374. 418. 437.
 439. 528-531. 533. 542. 544. 545.
 560. 568. 569. 571. 573. 610.
 Danavirki, *Danevirke i Sønderjyl-*
land 143. 144.
 Danir, *Indbyggerne i Danmark* 24-
 26. 28. 29. 65. 85. 87. 88. 101.
 104. 106. 132. 144. 151. 153. 155.
 157. 199. 200. 211. 212. 223. 226.
 233. 242. 263. 274. 296. 334. 415.
 417. 418. 420. 427. 503. 530. 531.
 536. 537. 542. 543. 559. 560. 568-
 573. 586. 590. 591. 593. 594. 596.
 600. 602. 627. 633. 674. 685. 719.
 727. 733. 797. 798. 801. 806.
 Danmörk, *Danmark* 2. 7. 16. 20-22.
 24-27. 50. 72. 76. 89. 97-99. 102.
 104. 120. 122. 132. 133. 140. 142.
 144. 146. 152. 153. 155. 160. 200.
 201. 205. 206. 219. 220. 223. 241.
 263. 266. 277. 322. 374. 376. 378.
 379. 385. 386. 414-417. 420. 423.
 424. 430. 437. 439-442. 456. 464.
 465. 503. 518. 519. 528-533. 537.
 540-545. 556. 559. 561. 562. 565-
 571. 583. 585. 587-591. 599. 602.
 603. 609-611. 631. 641. 646. 670.
 704. 706. 717. 719. 726. 727. 729.
 732. 733. 737. 780. 795. 796. 798.
 800-803. 805.
 Danskr, *dansk* 1. 63. 132. 144. 212.
 227. 266. 511. 638. 860.
 Dímun, *en af Færøerne* 372. 386.
 Dofrafjall, *Dovre fjeld* 51. 61. 581.
 636. 637.
 Dofrar, *Dovre Præstegjeld* 144.
 342.
 Drafn, *Drammensfjorden* 441.
 Dragseið, *et Eid over Statland*
 176.
 Dyflinn, *Dublin i Irland* 75. 149.
 164. 335. 587. 657.
 Dyrsá, *en Aa i Randers Amt i*
Jylland 801.
 Døelir, *som er fra Dalir, Indbyg-*
gerne af Dalir, her Østerdalen
 432.
 Døelskr, *som hører til Dalir* 314.
 317. (*Se Atti*).
 Eðni, *Etne i Bergens Stift* 752.
 Egðir, *Indbyggerne af Agðir* 61.
 422. 440. 446. 447. 555. 557.
 559. 647. 648.
 Egg, *Egge i Stod Pgd.* 96. 338.
 341. 398. 455. 505. 512. 525.
 526.
 Eið, *Askims Præstegjeld i Smaa-*
lenene 44.
 Eið, *Mardseidet ved Statlandet (?)*
 56. 99.
 Eið (Eiðar) *Eda Præstegjeld* 307.

- Eið, *Eidsvold Præstegjeld paa Vest-siden af Vormen* 283.
- Eiðar, *Eda Sogn i Vermeland* 307.
- Eiðar, *Eidsvold* 284.
- Eiðaskógr, *Edskogens Præstegjeld, Hedemarkens Amt* 37. 58. 263. 307-309. 392. 451. 452. 466.
- Eikreyar, *Økerø Annex til Thorslanda Pastorat paa Hisingen i Bohuslen* 266. 315.
- Eikundasund, *Egersund* 386. 438. 440.
- Einbúi, *Gaarden Enebo i Lesje i Gudbrandsdalen* 450.
- Eistland, *Estland* 29. 72. 74. 128. 171. 291.
- Eistneskr, *som tilhører Estland* 29. 128.
- Eistr, *Indbyggere af Estland* 29. 128.
- Ekkjalsbakki i *Skotland* 64. 65.
- Elda, *Gaarden Eilden paa Namdalseidet i Throndhjems Stift* 767.
- Elfarbyggjar, *Beboerne omkring Elfr* 642.
- Elfargrímar, *samme Folk* 642. 646. 708. 807.
- Elfárvíslar, *Arme af Gøtaelven* 72. 74.
- Elfr, *Elfrin, Gøtaelven* 36. 74. 177. 263. 265. 268. 293. 349. 386. 415. 519. 530. 571. 591. 593. 602. 603. 642. 652. 653. 728. 759. 780. 792.
- Elfskr, *som er fra Elfr* 203.
- Ellipalta, *det Azovske Hav* 558.
- Enoa *Europa* 4.
- Engilsnes, *Neset S. Angelo i Grækenland* 668.
- Englakonungr, *Englændernes Konge* 66. 84. 86. 229. 608. 618.
- England, *England* 2. 36. 78. 79. 83-87. 92. 112. 147. 150. 154. 172. 186. 196. 224. 232. 233. 236. 241. 266. 322. 364. 374-378. 386. 398. 401. 414. 416. 419. 429. 437. 442. 456. 457. 505. 506. 528. 531. 544. 607-614. 616. 619. 623. 625. 633. 651. 652. 743. 796.
- Englandshaf, *Nordsøen* 401.
- Englar, *Englænderne* 147. 226. 227. 456. 499. 629. 633. 742.
- Englismenn, *Engelskmændene* 617.
- Enskr, *engelsk* 86. 227. 430. 458. 512. 620. 622. 662. 710. 746.
- Evropa, *Europa* 4.
- Eydanir, *de Danske, som bo paa Øer* 104. 108.
- Eyjafjörðr, *i det nordlige Island* 151. 152. 370.
- Eyin helga, *Jona en af Syderøerne* 647.
- Eyin, *Øieren* 44.
- Eyin iðri, *Inderøen i Throndhjems Stift* 52. 91. 96.
- Eyland, *Øland, hørende til Sverige* 267. 286.
- Eylimafjörðr, *Limfjorden i Danmark* 134.
- Eynir, *Indbyggere af Eynafylki* 340.
- Eynafylki, *Inderøen med flere Sogne* 52. 90. 246.
- Eyrar *paa Island* 369. 809.
- *Øren ved Throndhjem* 591. 637. 809.
- Eyrarsund, *Øresund* 26. 88. 145. 205. 424. 425. 427. 441. 602. 685. 728.
- Eyraþing, *Ørething paa Øren ved Throndhjem* 517. 678. 737. 786. 792.
- Eystrasalt, *Østersøen* 141.

- Eystra Gautland, se Gautland.
 Eystridalir, Østerdalen i Hedemarkens Amt 432.
 Eysýsla, Øen Øsel 199. 222.
 Eysýslir, Indbyggerne af Eysýsla 222.
 Eyverskr, Beboér af Øer (de skotske) 147.
 Falstr i Danmark 543. 571.
 Falstrbyggjar 543.
 Farmannshaugr, Farmandshaugen ved Tønsberg 76.
 Féeyjarsund mellem Féey og Fredøen, paa Nordmøre 100.
 Fetlafjörðr i Bretagne (?) 228.
 Fífi, Fife i Skotland 377. 378.
 Finna, en Finnekone 67.
 Finnaferð 439. 469.
 Finnar 13. 17. 72. 73. 123. 188. 189. 222. 223. 464. 492. 643. 730.
 Finnaskattr 679.
 Finney, Finnø i Ryfylke 466. 493.
 Finnland 13. 17. 222.
 Finnendingar 223.
 Finnmörk 72. 263. 392.
 Finnur 66.
 Finskr 213. 295.
 Firðafylki, Nord- og Sønd-Fjord i Bergens Stift 56. 57. 87. 135. 137.
 Firðir = Firðafylki 55. 56. 66. 72. 120. 155. 176. 203. 217. 346. 487. 723. 754. 782. 784.
 Fitjar, Fitje paa Stordøen i Søndhordland 78. 103-105. 527.
 Fjaðrundaland, nu Fjerdhundra, i Svíþjóð 30. 32. 34. 286.
 Fjalir, den sydvestlige Del af Firðafylki 57. 203. 217. 235.
 Fjón, Fyn i Danmark 6. 533. 536. 539-543. 560. 586. 593.
 Fjónbúar 536.
 Fjónbyggjar 586.
 Flandr, Flandern 609.
 Flóruvágur, Florevaag sydlig paa Askøen ved Bergen 708. 751.
 Flæmingjaland, Flandern 147. 224. 266. 612. 616. 656.
 Flæmingjar 147. 776.
 Fold, Foldin Kristianiafjorden og Egnen deromkring 58. 118. 237. 254. 263. 488. 441. 754. 794.
 Forminterra, Øen Formentera i Middelhavet 664. 665.
 Fors, nu Fors i Bohuslen 704. 755. 769.
 Forskirkja, sammesteds 755.
 Foxerni i Flundrehøred i Vestergetland 652.
 Frakkland, Frankrige 143.
 Frakkar, Franskmand 144. 624. 776. 777.
 Frekeyjarsund, Frekøesund i Romsdalen 447. 512.
 Frísland 72. 143. 147. 172. 223. 265. 609.
 Frísar 144. 147. 211.
 Frosta, Frosten i Throndhjems Stift 181. 182. 247. 717.
 Frostaping, Frostuping 92-94. 183.
 Frostapingslög 90. 678.
 Fræðarberg paa Frædø i Nordmøre 100.
 Fræði, nu Frædø 99.
 Fyri, Fyrisaaen ved Uppsala 15.
 Fyrileif, Ferløf i Bohuslen 704. 705. 710.
 Fyrisvellir, nu Fyrisvall ved Uppsala 19-21. 27. 111.
 Færeyingar 372. 373. 388.
 Færeyjar, Færøerne 62. 259. 369. 372-374. 386. 389. 390. 409. 410. 413.
 Færeyskr 372.

- Galizuland *Galicien i Spanien* 662.
 Gandvík *det hvide Hav i Rusland* 383.
 Garðar = Garðaríki 140. 142. 199. 267. 310. 456. 508. 515. 519. 522. 547. 558. 559. 780.
 Garðaríki *Store- og Lille-Rusland* 6. 127. 129. 140. 148. 162. 164. 199. 257. 267. 312. 313. 452. 459. 461. 463. 465. 482. 496. 506. 514. 515. 522. 546. 547.
 Gata *en Gaard paa den sydlige Side af Østerø, Færøerne* 372. 387. 390. 410. 411. 413.
 Gaul *Gaulelven* 167.
 Gaular *i Søndfjord ved Bunden af Dalsfjorden* 44. 57.
 Gaularáss *Byaasen ved Throndhjem* 249. 261. 393.
 Gaulardalr *Gauldalen (Guldalen) i Throndhjems Stift* 51. 52. 94. 166. 168. 169. 182. 245. 247. 249. 261.
 Gauldœlafylki *det samme* 52. 246.
 Gautaherr *Gøternes Hær* 604.
 Gautar *Indbyggere af Gautland* 60. 88. 146. 200. 264. 265. 268. 314. 601. 603. 604. 651-653. 726.
 — *Vestrg. Vestgøter* 34. 314. 319.
 Gautasker *Skjærene ved Kysten af Østergötland* 145.
 Gautdalr *nu Gutdal i Opstryn i Nordfjord* 730.
 Gautelfr *Gøtaelven* 40. 58. 60. 217. 263. 315. 649.
 Gautland *Götaland* 31. 60. 61. 69. 88. 145. 146. 265. 274. 277. 280. 293. 303. 306. 308. 310-312. 321. 386. 391. 427. 437. 441. 533. 536. 540. 543. 601. 603. 646. 649. 651. 726. 756. 758. 795.
 Gautland *Vestra Västergötland* 22. 35. 57. 230. 276. 286. 305. 313. 379. 385. 429. 649.
 — *Eystra, Østergötland* 286. 313. 314.
 Gauzkr *hørende til Gautland* 39. 58. 363. 264. 273. 432. 542. 652. 693.
 Geirstaðir *Gjerstad i Thjelling ved Laurvig* 40. 41.
 Geirsver, *Gjesvær paa Mager-Øen i Vestfinmarken* 384.
 Gelmin *Gjelme i Orkdølafylke* 246.
 Gerði *Gjerde i Etne i Søndhordland* 466. 493. 739.
 Gerzkr *hørende til Garðaríki* 148. 163. 267. 312.
 Gimsar *Gimse i Melhus i Guldalen* 157. 183. 208. 725.
 Gimsey *Gimsø ved Skien* 770.
 Girkir (*se Grikkir*) 555. 557.
 Gizki *nu Giskø paa Søndmøre* 393. 512. 638. 649.
 Goðheimr (*Goðheimar*) 10. 12.
 Goðnarfjörðr *Randersfjord* 570.
 Goðey *i Hálogaland i Bodø Prestegjeld* 189-192.
 Gotar *Indbyggerne af Gotland* 143. 221.
 Gotland *Øen Gotland i Sverige* 143. 199. 221. 267. 286. 454. 463.
 Gotneskr *som hører til Gotland* 222.
 Grafdalr *Gaarden Gravidal ved Bergen* 793.
 Gregoriuskirkja 576.
 Grenland *det nuværende Nedre Thelemarken* 119. 646.
 Grenmarr *Langesundsfjorden* 58. 250.
 Grenskr *som hører til Grenland* 119. 135. 173. 177. 178. 218.

- Grikkir Grækerne** 548. 549. 551. 555. 669. 776. 777.
Grikkjakonungr Grækernes Konge 548 555-558. 564. 776.
Grikkland (Grikland) Grækenland 440. 547. 557. 668. 701. 716. 776.
Grikklandshaf Archipelagus eller Ægæerhavet 547. 666.
Griksalt (det samme) 667.
Grimsboer i England 85.
Grímsey ved Island 370. 371.
Grislupollar et Sted i Frankrige 227. 228.
Grjótar Grøte i Orkedalen 245.
Grýtingr mulig samme Gaard 95. 96. 183.
Grønland i Amerika 196. 204. 300. 301. 368.
Grønland-haf Havet mellem Island og Grønland 301.
Grøningar Sæter i Valdalen i Søndmøre 450.
Grøningasund mellem Sotr og Fastlandet i Bergens Stift 753.
Gudbrandsdalir Gudbrandsdalen 50. 74. 242. 244. 249. 273. 451.
Gulapíng holdtes ved Evindvik i Bergens Stift 90. 173. 174. 637. 678
Gullvarta en Port i Konstantinopel 668.
Gylling en Ø i Hálogaland 192.
Gunnvaldsborg et Sted i Frankrige 228.
Haðaland Hadeland 38. 41. 43. 45. 47. 48. 50. 68. 74. 75. 242. 244. 281. 285. 348. 374. 606. 809.
Haðir Indbyggere af Haðaland 45.
Hafrsfjörðr Hafsfjorden 61. 62.
Hakadalr Hakedalen Annex til Nitedalen 49.
Hákonarhella ved Bergen 107.
Háleygir Indbyggere af Hálogaland 20. 21. 104. 108. 187. 189. 203. 336. 338. 354. 355. 399. 487. 678.
Háleygr som er fra Hálogaland 353.
Háleyskr som hører til Hálogaland 186. 379. 485. 648. 730.
Halland Halland i Sverige 87. 90. 215. 423. 587. 593. 595. 599. 638. 706. 803.
Hallandsfarar Indbyggere fra Halland 636. 699.
Hallkelsvik i Voldens Præstegjeld 156.
Hallvarðskirkja i Oslo 702. 727. 737. 774.
Hálogaland Helgeland og nordover til Finmarken 27. 28. 72-74. 98. 123. 137. 155. 157. 177. 189. 197. 198. 201. 217. 335-337. 366. 380. 398. 399. 401. 428. 438. 470. 524. 625. 671. 678. 681. 730.
Háls Hals ved Indløbet af Limfjorden 133. 134.
Hamarsfjörðr Hammerfjorden i Nordhordland 731.
Harðangr Hardanger i Bergens Stift 116. 121. 752.
Harmr Brønøfjorden paa Helgeland 640.
Haugasund Sundet ved Høga sydvestlig i Thoresby Sogn i Bohuslen 266.
Haugasund nu Haugesund i Torvestad i Ryfylke 81.
Haugapíng holdtes nær Túsberg 703.
Haugar ved Haugesund 81.
Haugr i Værdalen 340. 525. 546.
Haukadallr paa Island 3.
Hauksfjót et Sted i England 85.

- Hedallr i *Gudbrandsdalen* 342.
 Hefringr, nu *Høvring* et *Forbjerg*
 nær ved *Throndhjem* 637. 639.
 Hegravík, nær ved *Bergen* 709.
 Heiðabýr *Byen Slesvig* i *Sønder-*
jylland 534. 571. 572. 670.
 Heiðmörk *Hedemarken* 39. 41-43.
 45. 48-50. 74. 117. 217. 242. 249.
 250. 280-282. 285. 332. 334. 336.
 348. 373. 606.
 Heiðsævislög *Loven, som gjaldt paa*
Oplandenes Lagthing, der holdtes
paa Eidsvold 90. 349. og *hed:*
Heiðsævisþing 349.
 Heinir *Indbyggerne af Hedemarken*
 255.
 Heinverskr som *hører til samme* 63.
 Helgá se áin *Helga*.
 Helganes *Helgenes østenfor Aarhus*
i Nørrejylland 540. 541. 559. 560.
 Hella = *Hákonarhella* 107.
 Hellornes *Holderness ved Humber* i
England 614.
 Helsingjaland *Helsingland* 62. 91.
 120. 256. 257. 391. 392. 482. 514.
 519. 522. 546.
 Helsingjaport *Hastings* i *England*
 623.
 Helsingjar *Indbyggerne af Helsing-*
jaland 91. 392.
 Helsingr en *Mand fra samme Sted*
 391.
 Herdalir i *Finland* 222. 223.
 Herðla nu *Herlø* i *Nordhordland*
 731. 739.
 Hereyjar i *Søndmøre* 156. 408. 447.
 Hernes paa *Frosten nordøst for*
Throndhjem 717.
 Hesjutún nu *Østun* i *Vivelstad Sogn*
i Helgeland 640.
 Hillar 521 ved:
 Hillarsund *Hilløund strax vestfor*
Mandal 521.
 Himinbjörg 7.
 Himinheiðr i *Vestmanland* i *Sver.* 31.
 Hinn *Hindøen* i *Hálogaland* 730.
 Hising Øen *Hisingen udenfor Gøte-*
borg 263. 266. 321. 712. 741. 759.
 761. 791. 794.
 Hisingbúar *Indbyggerne af Øen*
Hisingen 741. 791. 794.
 Hjaltland *Shetlandsøerne* 62. 64. 86.
 259. 335. 614.
 Hjaltlendingar *Folk fra Hjaltland*
 334.
 Hjarðarholt paa *Island* 575.
 Hjartapollr *Hartlepool* i *England* 742.
 Hjörnagli *Hornelen* i *Bremangerland*
 440.
 Hjörundarfjörðr *Hjørendfjorden* i
Søndmøre 156.
 Hjörungavágr *Lidvaag paa Sønd-*
møre 156. 162.
 Hlaðir nu *Lade* i *Strinden* 53. 77.
 90. 93. 95. 120. 168. 169. 176.
 177. 182. 247.
 Hlaðhamrar nu *Ladhamren ved*
Throndhjem 197.
 Hlaupandanes paa *Mainland en af*
Orknøerne 324.
 Hleiðra *Leire paa Sjælland* 7. 12.
 27. 28. 594.
 Hlésey *Læsø* i *Kattegat* 315. 573.
 574. 592.
 Hlið *Lien* i *Strinden* (?) 696.
 Hlýrskógsheiðr ved *Lyrskov strax*
nordenfor Slesvig By 534. 535.
 Hof i *Gautland* 308.
 Hof i *Fron* i *Gudbrandsdalen* 343.
 Hólar (pl.) et *Sted* i *Frankrige* 227.
 — (pl.) ved *Skaanør* i *Skaane*
 428.
 Hólmgarðr *Novgorod* 128. 129. 267.

309. 312. 452. 514. 515. 550. 558.
559. 676.

Hólmgarðsfarar 522.

Hólmr *Munkholmen ved Throndhjem*
679. 725.

— *ved Bergen* 709. 710. 749. 751.

Hólmrinn grái *nær Strömstad i Sverige* 733.

Hólmrygir *Indbyggerne af Øerne i Ryfylke* 63. 104. 108.

Holtar *nu Holtan paa Borre i Vestfold* 39.

Holtsetaland *Holsten* 144.

Hornborsund *Homborgsund i Nedenes* 728.

Hrafnista *nu Ramstad i Namdalen* 678.

Hrafnseyrr *ved Mundingen af Humber-Floden* 624.

Hringar *Indbyggerne af Hringaríki* 480. 606.

Hringaríki *Ringerike* 44. 48-50. 63.
68. 74. 177. 178. 285. 348. 374.
606. 809.

Hringisakr (*se Ringisakr*) *Ringsaker paa Hedemarken* 281. 282. 284.

Hringmaraheiðr *i Ostangeln i England* 226.

Hringsfjörðr *en Fjord i Frankrige* 227.

Hringstaðir *Ringsted paa Sjælland* 539.

Hringunes (*se Ringunes*) *Ringnes i Stange paa Hedemarken* 250. 373.

Hróiskelda (*se Róiskelda*) *Roskilde paa Sjælland* 560.

Hrossanes *det nordligste Nes af Nøtterøen ved Tønsberg* 780.

Hrossey *en af Orknøerne* 324.

Humbra *Humberfloden i England* 614.

Hundsver *nogle Øer vest for Borgund i Søndmøre* 447.

Hundþorp *i Gudbrandsdalen* 343.

Husabœr *nu Husstad i Inderøen i det Throndhjemske (?)* 96.

Husabœr *Huseby i Børres* 245.

Hústaðir *i Romsdalen* 684.

Hvalir *Hvaler i Smaalenene* 733.

Hvarfsnes *nu Kvarven ved Bergen* 793.

Hveðn *Hveen i Øresund* 717.

Hvin *nu Kvinesdal i Lister Fogderi* 67. 75. 203.

Hvinverskr, *som er derifra* 12. 13. 67.

Hvítabyr *Whitby i York-Shire i England* 742.

Hvítungsey *Øer i Rennesø Præstegjeld i Ryfylke* 262. 386.

Hæring *nu Strøme i Haalogaland* 192.

Höð *Hareidland i Søndmøre* 156.

Höfuðey *Hovedøen ved Oslo* 727.
772.

Höfund *Gjerpen ved Skien* 752.

Hœli (*se Hólar*) 227.

Höngrum, (á), *nær Sigtuna i Sverige* 515. 516.

Hörðaland *Nordhordland og Søndhordland i Bergens Stift* 50. 61.
74. 75. 81. 87. 103. 116. 135.
137. 138. 173. 175. 176. 217.
293. 349. 362. 414. 446. 466.
512. 526. 731. 793.

Hörðar *Indbyggere af Hörðaland* 61.
63. 80. 111. 144. 173. 431. 487.
492. 515. 535. 607. 628. 648. 723.

Hörðskr *som tilhører Hörðar* 203.

Íl *Ila, en af Syderøerne (Hebriderne) ved Skotland* 647.

Íluvellir *Ilevolden ved Throndhjem* 679.

Inney *Inderøen (?)* 474.

Innþrændir (*Innanþrændir*) *Indthrønderne* 96. 203. 256. 260. 338.
340. 474. 491. 504. 572.

Innþrænskr 255.

Írar *Indbyggerne af Irland* 75. 147. 659.

Írskr *som hører dertil* 87. 693.

Írakonungr 302. 587. 649. 659. 661.

Írland 72. 74. 85. 86. 88. 149. 150. 164. 302. 323. 326. 335. 587. 646. 647. 657. 660. 692. 693.

Ísafjörðr *Isefjord i Sjælland* 152.

Ísland 2. 3. 62. 116. 151. 185. 192. 195. 204. 258. 259. 261. 269. 274. 275. 299-302. 368. 369. 371. 372. 374. 390. 403. 408. 478. 504. 571. 575. 673. 719. 795.

Íslendingar 123. 192. 193. 369. 371. 374. 390. 478. 757. 770.

Íslendingr 328. 686. 694. 695.

Íslenzkr 151. 192. 195. 204. 248. 258. 275. 299. 309. 328. 374. 396. 440. 454. 536. 552. 672. 694. 734.

Ívist *en af Syderøerne* 646.

Iviza *en Ø i Middelhavet* 665.

Jaðarr *Jæderen* 61. 62. 75. 353. 354. 358. 378. 386. 396. 442. 444. 446. 466. 577. 694.

Jaðarbyggjar 386. 397.

Jakobsland *Galizien i Spanien* 662.

Jamtaland *Jemteland* 62. 120. 203. 256. 257. 266. 391. 392. 407. 468. 482. 496. 514. 517. 522. 546. 671. 672.

Jamtr (Jamtar Jamtr) *Indbyggerne af Jemteland* 91. 143. 391. 392. 404. 671.

Jarlsdalr *i Omegnen af Melhus (?)* 166.

Jarlshellir (se Jarlsdalr) 167.

Jarlsey *Jersø ved Tønsberg* 39.

Járnberaland *Dalarna i Sverige* 467.

Jóm *Øen Wollin i Pomern* 532.

Jómsborg *en Borg paa Jóm* 152. 153. 206. 503. 532.

Jómsvíkingar 151-160. 162. 165. 232. 242.

Jónskirkja *i Nidaros* 808.

Jónsvellir *ved Bergen* 709.

Jórdan *Floden Jordan i Palæstina* 555. 667. 683. 690. 719. 740.

Jórsalaborg = Jórsalir 555. 666. 667.

Jórsalaheimr = Jórsalaland 228. 555. 661.

Jórsalaland *Palæstina* 4. 555. 556. 666-668. 680. 740.

Jórsalir *Jerusalem* 460. 523. 555. 666. 667. 719.

Jórvík *York i England* 85. 614.

Jótar *Jyder* 15. 28. 87. 416. 422. 441. 536.

Jótland *Jylland* 21. 26. 28. 46. 63. 87. 97. 133. 145. 223. 418. 420. 529. 533. 536. 567. 570. 572. 590. 591. 670. 801. 802. 805.

Jótskr *Jydsk* 29.

Jungufurða *et Sted i England (?)* 233.

Jötunheimr 6.

Kalmarnir *Kalmar i Sverige* 427. 685.

Kálfskinn *en Gaard paa Island* 302.

Kantarabyrgi (Kantaraborg) *i England* 226. 227.

Karlsár *Garonne i Frankrige (?)* 228.

Karmtsund *Karmsund i Ryfylke* 81. 262. 352. 354. 356.

Kastalabryggja *i England (Cambridge?)* 624.

Kastalakirkja *i Konghelle* 701. 712.

Katanes *Caithness, den nordligste Del af Skotland* 64. 165. 322-326. 334. 457. 741.

Kinnlimasíða *en Kyststrækning i Nordholland* 223.

Kípr *Cypern* 666. 668.

Kirjálaland *Karelen i Finland* 291.

- Kjölr (Kilir) Grændsefjeldstrækning**
imellem Norge og Sverige 120.
 257. 259. 263. 391. 392. 468.
 469. 482. 514. 517. 522.
Klemenskirkja i Throndhjem 507.
 508. 534. *se Clemenskirkja.*
Kliflönd Cleveland i Yorkshire i
England 614.
Knýtlingar 504. 512. 528.
Kolumkillakirkja paa Ikolmkill eller
Jona blandt Syderøerne 647.
Konungahella nu Kongelf 178. 303.
 321. 385. 386. 603. 653. 680.
 701. 706. 710-712. 717. 728. 756.
 757. 768. 769. 780. 794.
Konungssund nu Søder-Strøm i
Stockholm 221.
Kristkirkja i Nidaros 480. 508. 631.
 637. 675. 680. 696. 786.
 800.
 — *i Bergen* 629. 723. 751.
Kristkirkjugarðr 709.
Krókaskógr i Bohuslen 726. 807.
Krossbrekka i Valdalen 448.
Krosskirkja i Kongelf 711. 715.
Kumraland Cumberland i England
 147.
Kumrskr som hører dertil 147.
Kunnaktir en Del af Irland: Con-
naught 649. 657.
Kúrir Indbyggerne af Kúrland 531.
 583.
Kúrland Kurland i Rusland 291.
Kvaldinsey Kållandsø i Venern 650.
 655.
Kvildir Kville i Bohuslen 731.
Kviststaðir nu Kvistad paa Inderøen
 489. 526.
Körmt Karmøen ved Stavanger 78.
 97. 179. 352. 356. 766.
Land i Kristians Amt 43.
Langatún i England 743.
- Langey Langø i Vesteraalen** 366.
 380. 385.
Latínnumenn Latinerne 549.
Leikberg i Bohuslen 741.
Lengjuvfk nu Lenviken ved Ma-
langenfjorden i Senjen 385. 399.
Leira Floden Loire i Frankrige 229.
Lesjar Lesje i Gudbrandsdalen 342.
 343. 348. 451.
Líðandisnes Lindesnes 135. 176. 217.
 230. 256. 293. 350. 753. 801.
Líðsstaðir nu Listad ved Frons
Kirke i Gudbrandsdalen 345.
Lima fjörðr Limfjorden i Danmark
 21. 22. 26. 133. 134. 144. 145.
 155. 417. 418. 438. 440. 536. 590.
Limgarðssíða Kyststrækningen ved
Lyngør (Limgarðr) 728.
Línustaðir Linstad i Stange paa
Hedemarken 734.
Listi Lister 274. 310. 440. 729.
 793.
Ljóðhús paa Syderøerne 646.
Lizibon Lissabon i Portugal 663.
Ljoxa (Lyxa) Lerdalen i Stjørdøla-
fylke 96. 183.
Lóar Lom i Gudbrandsdalen 342.
 343. 345.
Lófufjörðr Laholmsfjorden i Hal-
land i Sverige 593.
Lofund Lofø i Mælaren 28. 29.
Lorodalr Lordalen i Gudbrands-
dalen 342.
Lundar Gaarden Lunde i Gul-
dalen 166.
Lundr Lund i Skaane 428. 539. 542.
Lundúnir London 224. 225. 456. 589.
 608.
Lundúnaborg London 232.
Lundúnabryggjur (Lundúna brygg-
jur) 226. 589.

- Lúsbreið nu Løgstørbredning i Limfjorden 591.
 Lyngar en Gaard paa Island 536.
 Lygra nu Lygren i Lindaas i Nordhordland 388. 389.
 Læradalr i Sogn 151.
 Læsir Indbyggerne i Lesjar 345. 547.
 Løgberg paa Island 369. 371.
 Lögrinn Mælaren 7. 21. 220. 221. 277. 318. 319. 464.
 Manheimar 10.
 Manork, *Minorca af de bleariske Øer* 665. 666.
 Manverjar Indbyggerne af Øen Man 647.
 Margrétarkirkja i Nidaros 630.
 Maríukirkja i Sarpsborg 265.
 Maríukirkja i Nidaros 576. 625. 654.
 — i Ålaborg 737. 806.
 Markamenn Indbyggerne i Markir 807.
 Markir Grændsestrækning mellem Norge og Sverige (Marker) 286. 307. 791. 804. 805. 811.
 Mársey Mars i Jylland 145.
 Masarvík Mosvigen i Throndhjemsfjorden 247.
 Meðaldalr Meldalen i Orkedalen 117. 244.
 Meðalhús Melhus i Guldalen 94. 96. 166. 183.
 Mikjálskirkja i Bergen 671. 710.
 Mikligarðr Konstantinopel 547. 549. 555-558. 661. 666. 668. 670. 740. 775. 776. 803.
 Mjørs Mjøsen 43. 255.
 Mostr Moster i Søndhordland 78. 165.
 Múlaþing 292.
 Munkabryggja i Bergen 709.
 Munt Alperne 520.
 Mynni Minne i Eidsvold 725. 726.
 Myrkvafjörðr Mørkøffjorden i Sødermanland 33.
 Mærin Muri paa Søndmøre 448.
 — Mæren i Sparboen 182. 339. 340.
 Mœrafylki Nordmøre 54.
 Mœri, Møre Nord- eller Søndmøre 54. 56. 65. 68. 70. 76. 96. 99. 115. 120. 122. 138-140. 155. 157. 166. 183. 217. 229. 261. 342. 369. 393. 408. 454. 489. 512. 581. 692. 725. 731. 758. 783.
 Mœrir Indbyggerne af Møre 92.
 Mœrskr fra Møre 203. 409.
 Möðruvellir en Gaard paa Island 192. 302. 370.
 Mön Man i England 64. 147. 647. 648.
 Mön Øen Møen i Danmark 728.
 Mörkin = Finmarken 72. 336. 380.
 Naumdœlafylki Namdalen i Throndhjems Stift 52. 53. 336.
 Naumdœlir Indbyggerne af Namdalen 391. 678.
 Naumudalr Namdalen 137. 155. 217. 335.
 Naustdalr i Nordfjord 56.
 Nes paa Syderøerne 70. 71.
 — Byneset ved Throndhjem 246. 261.
 — i Lom i Gudbrandsdalen 342.
 Nesjar Brunlanes 250. 251. 265.
 Nið Nidelven ved Throndhjem 185. 247-249. 415. 441. 591. 592. 612. 636.
 Niðarbakki Nidelvens Bred 184.
 Niðarhólmr (se Hólmr) Munkholmen ved Throndhjem 169. 193. 396.
 Niðarnes hvor nu Throndhjem ligger 3.
 Niðaróss Throndhjem 181. 184. 187. 188. 202. 204. 246. 247. 249. 256. 261. 336. 337. 341. 364. 379. 391.

403. 408. 439. 455. 502. 524. 534.
565. 569. 591. 612. 613. 625. 528-
632. 649. 671. 678. 680. 684. 696.
717. 808. 809.
- Nikoláskirkja i *Nidaros* 671.
— i *Bergen* 768.
- Nitja Nitelven i *Nitedalen paa Ro-
merike* 348.
- Nizi Nisaa i *Halland* 594. 600.
601. 606.
- Njarðarlög *Tysnesøen i Bergens Stift*
203.
- Njarðey *Nærøen i Namdalen i Nor-
dre Thronhjems Amt* 28.
- Nóatún *Guden Njords Bolig* 7. 10.
- Norðdalr *Norrdals Hered paa Dal
i Sverige* 649.
- Norðhörðaland *Nordhordland i Ber-
gens Stift* 107. 619. 723.
- Norðimbraland *Northumberland i
England* 85. 86. 147. 233. 234.
- Norðimbrar *Indbyggerne i samme* 147.
- Norðlendingar *Indbyggerne af Norð-
lendingafjórðungr paa Island* 370.
- Norðlenzkr *som er derfra* 728.
- Norðmaðr *en Mand fra Norge* 317.
622.
- Norðmandí i *Frankrige* 66. 229.
233. 607. 623.
- Norðmenn *Indbyggere af Norge* 2.
28. 62. 66. 74. 85. 86. 91. 101.
104-106. 108. 129. 144. 224. 225.
229. 278. 302. 334. 391. 404. 421.
427. 430. 466. 468. 504. 515. 521.
536. 537. 540. 542. 568. 569. 573.
586. 587. 589. 593. 597. 598. 604.
610. 611. 614. 615. 618-620. 622.
627. 628. 633. 635. 650. 652. 653.
660. 661. 664. 665. 670. 685. 733.
740. 745. 798.
- Norðmøeri *Nordmøre* 54. 55. 74. 99.
113. 135. 176. 186. 724.
- Norðnes *ved Bergen* 671. 709. 710.
721. 806.
- Norðragðir *Lister og Mandals Amt*
97. 217. 256.
- Norðreyjar *blandt Færøerne* 410. 411.
— *blandt Syderøerne* 647.
- Norðrlönd *de nordiske Lande* 141.
232. 276. 317. 375. 377. 535. 556.
558. 564. 611.
- Noregr *Norge* 2. 27. 41. 46. 48.
50. 51. 62. 63. 65. 68. 69. 71.
79. 80. 82. 83. 85. 87. 89. 90.
92. 98. 107. 112. 113. 123. 127.
129. 132-138. 140. 142-146. 151.
153-155. 161-165. 170-172. 175.
178. 185. 186. 192. 195. 196. 198.
201. 202. 209. 213. 216-218. 228-
232. 234. 236. 241-244. 250. 251.
256. 257. 260. 262. 263. 265. 267.
268. 272. 275-277. 279. 284. 289-
293. 301. 304. 305. 309. 311-314.
318. 320-322. 325-328. 331. 335-
337. 342. 363. 370-372. 375-378.
386. 390-392. 403. 404. 413. 414.
416. 418. 423. 424. 426. 427. 429.
430. 437. 439. 441. 442. 445. 446.
450. 452-454. 456-458. 460. 461.
463-466. 470. 482. 483. 503. 504.
506. 510. 514. 515. 519-521. 523.
530. 531. 533. 540. 544. 556. 560.
561. 563. 565. 566. 568. 569. 571.
575. 577. 585. 591. 593. 598. 599.
602. 603. 610. 613. 624. 625. 627-
629. 632. 633. 635. 636. 638. 642.
644. 646. 648-650. 653. 657. 658.
660-662. 671. 672. 677. 684. 688.
689. 691-693. 701. 703. 917-719.
721. 727. 728. 732. 736-738. 740.
743-745. 749. 756. 758. 762. 770.
774. 775. 778. 780. 787. 796.
(Noregs ríki) 797-803.

- Noregsmenn 511. 642. 758.
 Noregsveldi *Kongeriget Norge* (Noregs ríki) 217. 568.
 Norrœnn norsk 132. 164. 273. 425. 588. 693.
 Nunnusetr i *Bergen* 709. 772.
 Nýjamóða rimeligvis *Newport* paa *Øen Wight* i *England* 227.
 Nyrfi nu *Nervø* ved *Aalesund* 447.
 Næríki *Nerike* i *Sverige* 32. 34. 36. 37. 452.
 Nörvasund *Strædet* ved *Gibraltar* 4. 228. 656. 664. 739.
 Oddasund i *Limfjorden* i *Jylland* mellem *Øen Mors* og *Fastlandet* 31.
 Óðinsey *Odense* paa *Fyn* 6. 7.
 Ofrustaðir *Offigstad* i *Øyer Pgd.* i *Gudbrandsdalen* (?) 124-126.
 Ólafsbúðir 468.
 Ólafshe'lr 449.
 Ólafshlíð 508.
 Ólafskirkja i *Nidaros* 576. 579. 775. i *London* 589. 590. i *Bergen* 709.
 Oprustaðir det nuværende *Obrestad* paa *Jæderen* 203.
 Orðost *Oroust* i *Bohuslen* 266.
 Orkadalsr *Ørkedalen* 51. 166. 182. 203. 230. 245. 249 261. 393. 581.
 Orkdœlafylki *Ørkedalen, Meldalen, Opdal, Børgsen* og *Byneset* 51. 246.
 Orkdœlir *Indbyggerne* i *Orkadalsr* 54. 246.
 Orkneyjar *Orknøerne* 63. 64. 68. 69. 71. 72. 74. 84. 86. 89. 135. 136. 259. 302. 322-327. 329-331. 333-335. 338. 342. 368. 585. 614. 646. 649. 657. 660. 662. 719. 739.
 Orkneyingar *Indbyggerne* af *Orkneyjar* 322. 332. 335.
 Osló *Byen Oslo, Gamlebyen* i *Kristiania* 590. 599-601. 625. 693. 701. 703. 727. 737. 752. 768. 770. 771. 804.
 Óstrarfjörðr *Osterfjorden* i *Nordhordland* 363.
 Ótta *Otta Elv* i *Gudbrandsdalen* 342.
 Paðreimr 669.
 Pálskirkja i *London* 608. 609.
 Pannonia *Pannonien*, en *Del* af *Ungarn* 670.
 Partar et *Folk* i *Skotland*, hvoraf *Byen Perth* 227. 743.
 Peita 229 og
 Peituland 228 *Poitou* i *Frankrig*.
 Petlandsfjörðr *Pentlandsfjorden* mellem *Skotland* og *Orknøerne* 165. 457.
 Pezinavellir ved *Floden Betzina* i *Valakiet* 776.
 Pilavík formodentlig *Filay Bay* i *York-Shire* i *England* 742. 743.
 Portyrja *Porter* eller *Portør*, en *Havn* tæt ved *Kragerø* 728.
 Postolakirkja i *Bergen* 671.
 Púl *Apulien* i *Nedreitalion* 666.
 Rafnnes nu *Ramnes* paa *Vestfold* 789. 810.
 Randaberg, *Ranneberg* ved *Stavanger* 803.
 Randaróss, *Randers* i *Jylland* 802.
 Ránríki den nordlige *Del* af *Bohuslen* til *Svinesund* 60. 74. 84. 217. 263. 704.
 Rastarkálfr *Næset* hvorpaa *Fredø Kirke* staar i *Nordmøre* 100.
 Rásvöllr *Rosvold* i *Børgsen* i *Orkdœlafylki* 576.
 Raumar *Indbyggerne* af *Romerike* 348. 606. 744.
 Raumaríki *Romerike* 38. 41-43. 48. 50. 58. 60. 74. 140. 154. 217.

242. 250. 280-282. 348. 349. 601. 606. 727. 773.
- Raumelfr *Glommen* 40. 50. 255. 265.
- Raumsdalr *Romsdalen* 54. 56. 74. 115. 120. 135. 138. 155. 217. 342. 408. 639. 783. 786.
- Raumsdœlir *Indbyggerne af Raumsdalr* 92. 176.
- Raumsdalsmynni *Mundingen af Romsdalsfjorden* 725.
- Ré *Ramnes paa Vestfold* 536. 788. 789. 810.
- Reiðgotaland *Jylland* 16.
- Rein *Rein i Stadsbygdens Præstegjeld i Nordvest for Throndhjem* 625. 724.
- Reinslætta *tæt ved Rein* 77.
- Reykjahólar *en Gaard paa Island* 730.
- Reykjanes *et Nes paa Sønderlandet paa Island* 152.
- Reyr, nu *Rør i Ringsaker paa Hedemarken* 756. 757. 761. 762. 767. 780.
- Rimul *Romul i Melhus Pdg. i Gauldalen* 166-168.
- Rínanseý *en af Orknøerne* 70. 322.
- Rín *Rhinen* 310.
- Ringisakr 49. se *Hringisakr*.
- Ringunes 183. 587. se *Hringunes*.
- Rogaland *Stavanger Amt* 61. 75. 81. 87. 116. 135. 137. 155. 173. 176. 179. 217. 230. 250. 349. 353. 446. 466. 512.
- Róiskelda (se *Hróiskelda*) 424. 530.
- Rúða *Rouen i Frankrige* 233. 416. 607.
- R5ðuborg = *Rúða* 416.
- Rúðjarlar 229. 623.
- Rúm *Rom* 520. 521. 687.
- Rúmaborg = *Rúm* 365. 656. 666. 670. 744. 745. 795.
- Rúmverjar *Romerne* 6.
- Ryðjökull *et Sted i Sörum (?)* 804.
- Rygir *Indbyggerne af Rogaland* 61. 353. 354. 487. 492. 541. 696.
- Rygjarbit *Jernespynten mellem Egda og Grenafylke* 438. 780. 798.
- Rygskr *som er fra Rogaland* 203.
- Rykinsvík *Røkensviken i Randsfjorden* 48.
- Rænir *Indbyggerne af Ránríki* 741.
- Ræningr *paa en Ø i Mælaren* 35. 36.
- Rögnvaldsey *en af Orknøerne* 165. 323.
- Rönd *Randsfjorden paa Hadeland* 48. 746.
- Sálpti *Saltenfjord i Hálogaland* 189. 190.
- Salt = *Austrsalt* 220.
- Saltnes *Gaarden Saltnes i Buviken ved Throndhjem* 809.
- Saltvík *Gaard i Ofotens Præstegjeld i Saltens Fogderi* 203.
- Sandbrú *i Bergen* 751.
- Sandey *en af Syderøerne* 647.
- Sandr *Gaarden Sand ved Tjeldesund i Hálogaland* 730.
- Sandver *Tromsø sundets Pdg.* 380.
- Sandvík *nu Sandwick paa Mainland, en af Orknøerne* 324. 327.
- Sarpr *Fossen Sarp i Glommen* 265. 707.
- Sarpsborg *Byen ved nævnte Fosjvfr. Borg* 311. 379. 385. 429. 680. 707.
- Satíri *Halvøen Cantire i Skotland* 646-648. (Santíri 647.)
- Satíriseið *et Eid som forbinder Cantire med Argyle-Shire i Skotland* 648.
- Sauðungssund *Saundesund ved Atleøen i Søndfjord* 235. 236.
- Saurbær *paa Island* 719.

- Saurbœir i *Bohuslen* 769.
 Saurhlíð en Del af nuværende *Thronhjelm* 502.
 Saurshaugr nu *Saxhaug*, hvor *Inderøens Hovedkirke* staar 91.
 Saxar Indbyggerne af *Saxland* 144. 147. 296. 308. 531.
 Saxland det nordvestlige af *Tydskland* 6. 26. 36. 72. 76. 142. 143. 146. 147. 172. 266. 528. 533.
 Saxneskr hørende til *Saxland* 185. 266.
 Sekkr Øen *Sekken* i *Romsdalsfjorden* 785.
 Selárdalur en Gaard paa *Island* 536.
 Seleyjar *Selœrne* strax nordvest for *Lindesnæs* 442. 753.
 Seljuhverfi *Jæsunds Sogn* i *Fosen* 639.
 Seljupollar et Sted i *Frankrige* (?) 228.
 Selund *Sjælland* i *Danmark* 7. 12. 24. 26. 88. 539. 760. s. *Sjælland*.
 Selundbyggjar Indbyggerne af *Selund* 626.
 Serkir Indbyggerne af *Serkland* 550.
 Serkland *Nordafrika* 4. 549. 550. 554. 664. 683. 687.
 Síða en Bygd paa *Island* 2. 185.
 Signa *Seine-Floden* i *Frankrige* 229.
 Sigtúnir tæt ved *Upsala* 7. 28. 220. 515-517. 559.
 Sikiley *Sicilien* 549. 550. 554. 558. 656. 666.
 Sikileyjarveldi, *Kongeriget Sicilien* 666.
 Sil Sel i *Gudbrandsdalen* 343.
 Sili i *Sverige*, rimeligvis *Sel-Øen* i *Mælaren* 35.
 Silvellir *Selsvoldene* 344.
 Silund *Sjælland* (se *Selund*) 415.
 Sinhólmsund ved *Senholmen* i det søndre *Indløb* til *Bergen* 683.
 Sintre i *Estremadura* i *Portugal* 663.
 Sjælland (se *Selund* og *Silund*) 90. 152. 533. 536. 539. 541. 560. 572. 593. 598. 599. 706.
 Sjælland i *Sverige*, *Roslagen* 286.
 Sjálandsfarar Indbyggerne af *Sjælland* 536.
 Sjáviðarsund Strædet ved *Konstantinopel* 557.
 Sjóland 415. 424, se *Sjælland*.
 Skálaholt paa *Island* 718.
 Skáney *Skaane* 86. 143. 153. 420. 424. 533. 536. 542. 543. 559. 566. se *Skáni*.
 Skáni *Skaane*, 35. 88. 143. 153. 415. 420. 423. 428. 542. 543. 567. 569. se *Skáney*.
 Skáneyingar = *Skánungar* 533. 540.
 Skáneyjarsíða *Skaanes Kyst* ved *Østersøen* 145.
 Skánungar, Indbyggerne af *Skaane* 207. 422. 536. 539. 541. 542.
 Skarar *Skara* i *Sverige* 274. 313.
 Skarðaborg *Scarborough* i *England* 614.
 Skarnsund mellem *Inderøen* og det vestlige *Fastland* 247.
 Skarpa nu *Skorpa*, en Ø paa *Syd-siden* af *Korsfjorden* ved *Bergen* 793.
 Skarpasker nogle Skjer ved *Skarðaborg* 742. se *Skörpusker*.
 Skaun *Stange Præstegjeld* paa *Hedemarken* 125. 126.
 Skaun *Børgseskogn* 245.
 Skaun *Skogn* i *Indherred* 52. 259.
 Skeggjahaugr paa *Austrått* 186.
 Skerðingssteðja *Skerdingstad* i *Gauldalen* 183.

- Skerfsurð *Skjærs-Urden i Valdalen i Søndmøre* 448. 449.
 Skeynir *Indbyggerne af Skaun* 340.
 Skið *Øen Skye blandt Syderøerne* 646.
 Skipakrókr *i Nidaros* 184.
 Skiptisandr *Skydsskiftet Sand ved Randsfjorden* 746.
 Skíringssalr *i Thjødling ved Larvik* 38.
 Skjótansvað *i Reiðgotaland* 16.
 Skógr *Gaarden Skog i Brottums Sogn i Ringsakers Præstegjeld* 786. 791.
 Skot nu *Skottet, et Forbjerg i Stordals Sogn i Romsdalen* 448.
 Skotar *Indbyggerne af Skotland* 64. 147. 323. 330. 332. 646. 657.
 Skotborgará *Skodborgaa i Jylland* 534.
 Skotland *Skotland* 64. 72. 74. 84-86. 88. 147. 322. 326. 334. 335. 377. 526. 614. 647. 648. 719. 737. 742.
 Skotlandsfirðir *Fjordene paa Skotlands Vestkyst* 646. 649.
 Skozkr *hørende til Skotland* 64.
 Skrattasker nu *Fladeskjer, en Holme under Gaarden Agvaldsnes* 180.
 Skúlagarðr *en Gaard i Nidaros By* 637.
 Skúrbágar *ved det nuværende Konghelle* 713. 714.
 Skúta, *Aaen, som gaar gennem Skutunge Sogn i Upland(?)* 13. 14.
 Skæreið *i Thjødling* 38.
 Skörpusker 742, *se Skarpasker*.
 Slé *Slien Fjord ved Slesvik* 145.
 Slésvík 670.
 Smálendingar *Indbyggerne i Smaaland* 685.
- Smalsarhorn *Hornelen paa Bremangerland i Nordfjord* 195.
 Smálönd *Smaaland i Sverige* 429. 684. 685.
 Snös *Snaasen Bygd i Nordre Thronhjems Amt* 809. 811.
 Sogn *Sogn i Bergens Stift* 43. 44. 57. 74. 87. 134. 137. 138. 151. 217. 230. 363. 526. 539. 596. 657. 723. 754.
 Sognsær *Sognsøen, Indløbet til Sognefjorden* 176. 350.
 Sóknarsund *ved Stavanger* 513.
 Solbjörg *i Ránríki ved Skurbágar* 713. 716.
 Sóleyjar *Solør* 37. 38. 348.
 Sóli *Sole paa Jæderen* 173. 353. 354. 386. 577. 730.
 Sólskel *en Ø i Ædø Præstegjeld paa Nordmøre* 54. 55.
 Sólundir *Sulen-Øerne ved Indløbet til Sognefjorden* 151. 612.
 Sótanes *i Bohuslen* 97. 118.
 Sótasker *Sotholmen i Skjærgaarden ved Södermanland* 220.
 Spánn *Spanien* 663. 739.
 Sparabú *Sparbuen i Thronhjems Stift* 91. 391.
 Sparbyggjafylki *Sparbuen, Stod og Snaasen* 52. 90.
 Sparbyggjar *Indbyggerne af Sparabú* 340.
 Staðr *Stadtland* 56. 61. 97. 99. 100. 120. 137. 138. 156. 176. 177. 234. 414. 438. 441. 447. 724.
 Staðr *Stadsbygden i Fosens Fogderi* 77.
 Stafanes *Stavenes i Askevold Pdg. i Søndfjord* 57.
 Stafanesvágr *sammesteds* 57.
 Stafangr *Stavanger* 529. 700. 710.
 Stafamýrar *i Verdalen* 471.

- Stafr i *Verdalen* 96. 471. 501.
Stanforða bryggjur, *Standford-bridge* i *England* 616.
Stangir *Gaarden Stange ved Vaaler Kirke* i *Smaalenene* 805.
Staurrinn (Staurr) i *Venden* 199.
Steig i *Fron* i *Gudbrandsdalen* 373. 563. 642. 808.
Steinavágr *Steinvaag* i *Borgund* paa *Søndmøre* 447. 784.
Steinbjörg *Stenbjerget* strax ved *Throndhjem* 637.
Steinker *Stenkjør* 246. 247.
Steinn i *Estland* 12. 29.
Steinn i *Byneset* ved *Throndhjem* 261.
Steinn paa *Ringerike* 48.
Stiflusund et *Sted* i *Thjødling* 40. 41.
Stiklastadir *Stiklestad* i *Verdalen* 478. 479. 481. 488-490. 493. 497. 501-503. 506. 514. 524-526. 626. 774. 775.
Stimr *Forbjerget Stemhesten* paa *Grændsen af Romsdalen* og *Nordmøre* 441. 684.
Stjóradalr *Stjördalen* i *Throndhjems Stift* 52. 114. 247. 259.
Stjórnvelta nær *Bergen* 758.
Stodreimr nu *Storeim* i *Eids Præstegjeld* i *Nordfjord* 739.
Stokksund *Norrström* i *Stockholm* 17. 221.
Storð *Stordøen* i *Hordaland* 103-105. 108.
Straumsey nu *Stronsay*, en af *Orknøerne* 410. 412.
Straumeyjarnes (?) 20.
Strind *Strinden* ved *Throndhjem* 182. 261. 274.
Strindafylki *Strinden*, *Frosten* og *Lerviken* 52. 246.
Stuðla, *Gaarden Støle*, hvorpaa *Etne Kirke* nu staar i *Søndhordland* 203. 739. 752.
Suðarþorp *Suderup* i *Jordkirk Sogn* i *Sønderjylland* 568.
Suðreyjar *Syderøerne* ved *Skotland* 63. 64. 66. 85. 147. 165. 335. 526. 646-649. 692. 739. 772.
Suðrland nu *Sutherland* i *Skotland* 64. 323. 324.
Suðrmannaland *Södermanland* i *Sverige* 32. 286.
Suðrvík nu *Syndervig* paa *Øen Holmsland* i *Ringkjøbingfjord* i *Nørrejylland* (?) 223.
Suðrvirki, *Southwark*, en Del af *London* 224-226.
Súla i *Verdalen* 470. 495. 524.
Sult nu *Sylte* i *Valdalen* i *Søndmøre* 448. 454.
Sunndalr i *Dalsland* i *Sverige* 649.
Sunnhörðaland *Søndhordland* 350. 517. 739.
Sunnlönd *Lande* i *Syd*, *Sicilien* og *Afrika* 550.
Sunnmœri *Søndmøre* 55. 56. 115. 135. 137. 408. 639. 649.
Sunnmœrir *Indbyggerne af Søndmøre* 176.
Súrnadalr *Surendalen* i *Nordmøre* 393.
Svartahaf det sorte *Hav* 4. 558.
Svíakonungr 26. 36. 41. 58. 59. 91. 119. 127. 671.
Svíar *Svenskerne* 1. 2. 10-15. 19-22. 24-26. 28. 29. 36. 37. 91. 211. 212. 220. 242. 263. 271. 273. 277. 278. 286. 287. 292. 314. 318. 320. 392. 404. 421. 422. 424. 425. 466-468. 484. 515-517. 543. 559. 649.
Svíaríki *Sverige* 29.
Svíasker *Stockholms Skjærgaard* 220. 268.

- Svíaveldi *Kongeriget Sverige* 28. 29. 31. 35. 36, 50. 127. 170. 178. 200. 206. 220. 272. 277. 286. 313. 378. 451. 463. 467. 472. 569. 601. 685. 806. 811.
 Svíaþing 30.
 Svímraróss, *hvor nu Cimbrishamn i Skaane ligger* 685.
 Svínasund *Svinesund, Grændsen mellem Smaalenene i Norge og Bohuslen i Sverige* 37. 58. 74. 217. 263.
 Svíþjóð *Sverige* (4. 6 hin mikla). 9-14. 16-18. 20-33. 35. 37. 91. 119. 125. 126. 161. 163. 177. 198. 199. 205. 206. 220. 221. 256. 257. 259. 267. 275. 286-288. 290. 310. 312-314. 320. 349. 378. 379. 429. 452. 464-467. 482. 514. 517. 519. 522. 533. 546. 559. 560. 631. 649. 653. 774.
 Svöldr *en liden Ø ved Rygen i Pomern* 206. 207. 211.
 Sygnafylki *Sogn i Bergens Stift* 44. 57.
 Sygnir *Indbyggerne af Sogn* 176. 309. 487. 527. 529. 641. 723.
 Sygnskr *som er fra Sogn* 203.
 Syllingar *Scilly-Øerne ved England* 147.
 Sýrland *Syrien* 667.
 Sæheimr *Sæm ved Tønsberg* 76. *Sæim i Nordhordland* 78. 107.
 Sæla *Sælø Kloster ved Stadtland i Nordfjord* 234.
 Sætt *Sidon i Syrien* 667.
 Sönskr *svensk* 119. 161. 170. 200. 211. 218. 259. 269. 320. 392. 715. 774.
 Sölvi *nu Selven i Ørlandets Præstegjeld, 1/2 Mil indenfor Agdenes* 76.
 Tanais *Floden Don i Rusland* 4.
 Tanakvísl 4.
 Taurr og Taurinn 17 og 18. *Söder-Törn ved Stockholm (?)*.
 Temps *Themsen* 224. 245.
 Tíundaland *en Del af Upland* 23. 30. 203. 286. 287.
 Tjaldasund *Tjelesund mellem Hinde og Tjeldø i Hálogaland* 730.
 Tøðarfjörðr *Tafjorden i Søndmøre* 448. 454.
 Tryggvahreyr *paa Tryggø ved Sótanes i Bohuslen* 118.
 Tumapörp *Tumarp i Skaane* 685.
 Tungur *ved Stavanger* 444.
 Túnsberg *Tønsberg* 57. 60. 69. 76. 82. 118. 135. 178. 250. 263. 296. 298. 300. 321. 349. 350. 374. 376. 436. 438. 441. 442. 625. 703. 707. 727. 737. 780-782. 787. 788. 791. 795. 798. 801. 810. 812.
 Túnsbergsmenn *Indbyggerne i Tønsberg* 729.
 Túskaland *Landskabet Touraine ved Loire i Frankrige* 229.
 Týrkland *Tyrkiet* 6. 12.
 Týrvist *en af Syderøerne, Tirey* 646.
 Ulaðstír *Ulster, en Del af Irland* 657. 658.
 Úlfasund *Ulvesund mellem Vaagø og Fastlandet i Nordfjord* 99. 234. 527.
 Úlfkelsland *et Sted i England (?)* 226.
 Úlfreksfjörðr *paa Irland* 302. 326.
 Ullarakr *Ulleråkr i Simtuna, Sydvest for Upsala* 287. 288. 319.
 Unarheimr *Gaarden Onereim i Onereims Sogn paa Tysnesøen i Søndhordland* 799.
 Ungararíki *Ungarn* 670.

- Uppdalr *Opdal* i Orkdælafylki 244.
 Uppdalsskógr *sammesteds* 53. 244.
 Upphaugr *nu Ophaug paa Ørlandet* 157. 182.
- Upplendingar *Indbyggerne i* Upplönd 38. 41. 49. 74. 242. 255. 280. 283. 299. 349. 451. 478. 510. 580. 600. 601. 607. 636. 786. 804.
- Upplendingakonungr 90. 164.
- Upplenzkr *som er fra* Upplönd 224. 295. 595. 659. 786.
- Upplönd *udgjorde følgende 5 Fylker: Haðaf., Heinaf., Raumaf., Gudbrandsdalir og Eystridalir* 43. 44. 49. 61. 63. 66. 67. 75. 82. 84. 117. 119. 125. 154. 157. 160. 162. 170. 241. 244. 277. 280. 286. 295. 338. 342. 349. 364. 373. 379. 432. 435. 466. 472. 484. 506. 576. 577. 580. 581. 600. 601. 603. 636. 639. 681. 683. 704. 749. 786. 787. 792. 803-805. 809.
- Uppsala auðr 12. 13. 287.
- Uppsalaveldi *Upsalakongens Rige* 36.
- Uppsalalög 315.
- Uppsalapíng 278. 290. 304. 316-318.
- Uppsalir *Upsala* 2. 7. 13. 14. 19. 21-23. 25. 27. 28. 30. 31. 34. 37. 119. 287. 288. 314. 317.
- Uppsalsr *det samme* 32.
- Uppsvíar *Svensker fra* Uppland 317. 319. 320.
- Úsa i *Nordhumberland i England* 614.
- Útlendr, *som er fra* Útlönd 512.
- Útlenzkr *som er fra et andet Land* 504.
- Útsteinn *Utstenø i Rygjafylki* 62. 78. 445. 447.
- Útþrændir *af de 8 thrønderske Fylker tilhørte 4 Utþrænderne og 4 Indthrønderne* 96. (se *Innþrændir*).
- Vaðla *ved Borre Præstegaard* 39.
- Vágar *nu Vaagen i Lofoten* 177. 399. 671. 730.
- Vági *Vaage i Gudbrandsdalen* 342. 343. 345.
- Vágaröst i *Gudbrandsdalen, Vaagerusten mellem Vaage og Sel* 343.
- Vágafloði 367.
- Vágastefna *Markedet i Vaagen* 367.
- Vagnvíkaströnd *den sydligste Del af Lexvikens Præstegjeld* 639.
- Vágsbotn *Vaagsbunden, det Inderste af Bergens Vaag* 709.
- Valdi *Byen Woll noget vestenfor Newcastle i England (?)* 234.
- Valdres *Valders* 50. 160. 242. 362.
- Valhöll 9. 107. 108.
- Valland *den nordvestlige Del af Frankrige* 66. 72. 147. 224. 229. 233. 234. 416. 429. 589. 608. 656. 662. 739.
- Valldalr *Valdalen i Søndmøre* 448. 454.
- Valskr *som hører til* Valland 226. 251. 651.
- Valsnes *Valsnes i Fosen* 731.
- Vanaheimr 4. 6. 12.
- Vanaland 4. 12.
- Vanakvísl 4.
- Vangr *Vossevangen* 462.
- Vápnafjörðr *paa Island* 151. 152.
- Vápnavað (*cfr. Skjótansvað*) 16.
- Varðynjar i *Dalsland* 649.
- Varna *Vernø Kloster eller Rygge Præstegj.* 38. 39.

- Varnes Vernes i Stjørdalen 96. 183.
 Varrandi, et Sted i Peituland 228. 229.
 Vatnsbú Vasbo i Vestergötland 452.
 Vatnsdalr paa Islands Nordland 454.
 Vear nu Vedbo i Dalsland 649.
 Vehjarga þing Viborgthing 530. 568.
 Véey Væ i Romsdalen 783-785.
 Vedrey nu Väderöerne nordenfor Kullen i Halland 428.
 Veggín i Ránríki 118.
 Veksund Sundet mellem Sulø og Fastlandet paa Søndmøre 448.
 Veiga Vegenø i Hálogaland 217.
 Vendill Vendsyssel, en Del af Nørrejylland 26. 38. 98.
 Vendilskagi Skagen 572. 573. 780.
 Veradalr Verdalen i Throndhjems Stift 52. 96. 259. 339. 478. 482. 483. 495. 501. 524. 525.
 Verðœlir Indbyggerne af Verdalen 340. 476. 495.
 Verðœlafylki Verdalen 470.
 Vermaland Vermeland i Sverige 36-38. 41. 57. 58. 60. 61. 286. 314. 452. 466. 601. 649.
 Vermir Indbyggerne af Vermaland 601.
 Vestfirzkr som er fra Vestfirðir paa Island 394.
 Vestfjörðr Vestfjorden i Lofoten 401.
 Vestfold Jarlsbergs og Larviks Amt samt Lier, Eker og Sandsver 38. 39. 41-43. 48. 49. 58. 74. 76. 80. 84. 110. 135. 161. 237.
 Vestland 536.
 Vestmännaland Vestmanland i Sverige 286.
 Vestmarar Kysten fra Langesundsfjorden til Agder 39. 41.
 Vestgautar 269. 289. 291. 305. se Gautar.
 Vestrlönd Storbritanien og Irland samt alle Øer i Vesterhavet 164. 196. 587. 654.
 Vestrvíking 74. 88. 248. 585. 654.
 Vettaland i Bohuslen 266. 769.
 Viðir Vie i Stange paa Hedemarken 126.
 Vigg (Viggja) Vikken i Børgsen i Throndhjems Stift 166. 246. 478. 526. 639.
 Víkar i Hálogaland Gaarden Vik i Brønø Præstegjeld 731.
 Vikarsskeið paa Island 152.
 Vík (se Víkin) Grenafylke, Vestfold, Vingulmörk og Álfheimar 57. 63. 84. 87. 118. 136. 171. 250. 296. 601. 638. 642. 644. 646. 651. 654. 704. 706. 718. 724. 731-733. 741. 753. 754. 780. 798. 810.
 Víkin (se Vík) 58. 65. 69. 72. 76. 81. 83. 87-90. 97. 113. 118. 119. 125. 133. 135. 170-173. 177-179. 197. 217. 249. 250. 256. 263-266. 268. 269. 293. 295. 306. 321. 349. 374. 378. 386. 429. 436. 441. 442. 446. 503. 512. 569. 590. 592. 603. 610. 636. 642. 649. 650. 653. 706. 707. 724. 726-729. 749. 752-754. 756. 758. 766-768. 780. 782. 787. 788. 791. 793-795. 797. 798. 800. 802-805. 807.
 Víkverjar Indbyggerne i Víkin 74. 76. 80. 84. 111. 266. 268. 732. 741. 755. 758. 768. 787. 778.
 Víkverskr hørende til Viken 157. 171. 768.
 Vilhjálmsboer et Sted i Frankrige 227. 228. 809.
 Vína Dvina i Rusland 121. 381.

Vincestr *Winchester i England* 519.
 Vindland *de af Venderne beboede Lande ved Østersøen* 141-143. 146. 147. 152. 153. 199. 201. 202. 204. 205. 207. 216. 303. 503. 532. 533. 697. 716. 717.
 Vindr *Vender* 88. 138. 143. 144. 151. 153. 160. 215. 216. 531-535. 543. 583. 712-714. 728. 745.
 Vindverskr *hørende til Vindland* 317. 320.
 Vingulmørk *Bygderne langs Christianiafjorden fra Dramsfjorden til Glommens Udløb* 40-42. 44. 50. 58. 60. 74. 84. 135. 140. 280.
 Vínubakki *Bredde af Floden Dvina* 121.
 Viskardalr *Fiskedal mellem Kongsbakka og Varberg i Halland* 638.
 Viskdølskr *hørende til Viskardalr* 638.
 Vist eller Vistorð *Orten i Romsdalen* 730.
 Vørs *Voss i Bergens Stift* 271. 362.
 Vulgaria *Bulgariet* 460.
 Vænir *Vænerne i Sverige* 27. 36. 61. 263. 603. 649. 650.
 Væringjar 547-549. 551-558. 774-777.
 Völlr *en Gaard paa Island* 559.
 Vørsar *Indbyggerne af Voss* 638.
 Vörvi *i Reidgotaland* 16.
 Yrjar *Ørlandet i det Thronhjemske* 52. 121. 157. 182. 185. 580.
 Pelamørk *Telemarken* 61. 74. 203. 752. 807. 811.
 Peksdalr *Texdalen i Fosen* 639.
 Pilir *Indbyggerne af Telemarken* 61.
 Pinganes *Dingenes paa Grændsen mellem Sogn og Hordeland* 138.
 Þingvöllr *paa Island* 369.

Þjóða *Landskabet Thy i Nørrejylland* 572. 573.
 Þjótanda *det sydvestlige Nes af Fastlandet nord for Gryttestjorden i Borgunds Præstegjeld paa Søndermø* 447.
 Þóttta *Tjøte paa Helgeland* 177. 186-189. 336.
 Þóptar *Tofte i Dovre Sogn* 66.
 Þórshjörg *i Stadsbygdens Sogn i Fosen* 77.
 Þórshöfn *Thorshavn paa Færøerne* 410.
 Þótn *Thoten* 38. 41. 43. 50. 74. 242. 348. 364. 374. 809.
 Þrándheimr *de 8 thrøndske Fylker Eynafylki, Sparbyggjafylki, Verðølafylki, Stjórdølafylki, Strindafylki, Gauldølafylki og Orkdølafylki* 52-57. 61. 74. 77. 80. 83. 87. 90. 92. 94. 96. 110. 111. 113-116. 120-122. 129. 134-137. 146. 154. 160. 170. 181. 183. 184. 187. 188. 192. 204. 217. 245. 246. 248-250. 256-258. 261. 266. 321. 335. 337-341. 349. 351. 364. 368. 369. 385. 391. 396. 398. 408. 435. 438. 439. 446. 447. 454-456. 464. 470. 472. 488. 503. 505. 506. 509. 512. 517. 521. 523. 528. 565. 576-578. 580-582. 591. 601. 613. 636. 637. 639. 641. 644. 654. 678. 696. 708. 724. 725. 734. 737. 738. 748. 752. 753. 758. 767. 780-782. 792. 799. 807. 809.
 Þrándheimsmynni *Indløbet af Thronhjemsfjorden* 731. 732.
 Þróndalög *Thrøndelagen* 77. 82. 87. 92. 96. 113. 138. 155. 184. 204. 230. 514. 588. 761. 766. 792. 794.

- Þrændir *Indbyggerne af Þrándheimr*
 74. 77. 80. 81. 83. 90-92. 96. 97.
 111. 113. 120. 130. 163. 169. 170.
 183. 228. 238. 256. 257. 391. 485.
 487. 490. 506. 511. 517. 538. 540.
 544. 568. 569. 580. 594. 629. 636.
 638. 641. 647. 686. 724. 737. 758.
 786. 792. 796. 799. 800. 811.
 Þrændr *det samme* 476.
 Þrœnzkr *hørende til Throndhjem*
 211. 641. 738.
 Þrúðvangr 7.
 Þrælberg *Alunværket ved Oslo* 772.
 773.
 Þumla *ved Tumelhed i Thorslanda*
paa Hisingen 593.
 Þursaker *nogle Skjær ved Thurso*
paa Nordsiden af Katanes 335.
 Ærvík *Ervik paa Stadtlandet i Selø*
Præstegjeld i Nordfjord 157.
- Ægisfjörðr *nu Øgsfjorden ved Hind-*
øen 730.
 Ögló *en Bygd i Stjørdalen* 114.
 115.
 Ögvaldsnes *Agvaldsnes paa Karm-*
øen 78. 97. 179. 180. 352. 354.
 356. 358. 360-362.
 Ölfus *paa Island* 152.
 Ölvishaugr *Alstahaug i Skogns Præ-*
stegjeld i Indhered 96.
 Ömd *den østlige Del af Hindøen* 28.
 190. 351.
 Öngrum, af, *i Byneset ved Thrond-*
hjem 246.
 Öngulsey *Angelsea ved Englands*
Vestkyst 648.
 Öngulseyjarsund *ved samme* 587.
 647.
 Öngulssund *det samme* 648.
 Öngull *nu Engælø i Hálogaland* 808.

Sagregister.

- Ánasótt 23.
Bandadrápa 140. 199.
Barði, skip, 214.
Bastarðr, sverð, 790.
Bersöglisvísur 526.
Bjarkamál 477.
Bjarmalandsferð 385.
Bjarkeyjarretttr 677.
Boejarbót, klukka, 630.
Boekisúðin, skip, 764. 782. 783. 785.
Draglaun, skip, 784.
Elfarvísur 766.
Emma, brynja, 620.
Fetbreiðr, sverð, 105.
Finnaskattr 676.
Finnför 676.
Glymdrápa 53. 322.
Glælognkviða 503. 508.
Glöð, klukka, 534.
Gráfeldardrápa 89. 134. 136.
Grágás, lögbók, 528.
Hákonardrápa 87.
Hákonarmál 104. 107.
Háleygjatal 1. 115. 157.
Hneitir, sverð, 480. 774. 775.
Hreinninn, skip, 731.
Hryggjarstykki, bók, 736.
Jarlasögur 335.
Kálfsflokkur 526.
Karlhöfði, skip, 251. 252.
Knútsdrápa 417. 522.
Kvernbítr, sverð 104. 106.
Landeyða, merki, 561. 615. 618. 622.
Leggbítr, sverð, 658. 659.
Magnúsdrápa 515. 638. 639.
Moldi, gullhringr, 112.
Nesjavísur 252.
Ólafsdrápa 146. 628. 696.
Ormr hinn langi, skip, 192. 195.
197. 198. 203. 208-217. 591. 684.
Ormr hinn skammi 198. 204. 209.
210.
Pallium 745.
Pater noster 790.
Sendibítr, kvæði, 77.
Sigurðardrápa 93.
Sigurðarbölkr 719.
Skíðblaðnir, skip, 8.
Skjöldungasaga 27.
Stuttfeldardrápa 687.
Tranan, Traninn, skip, 185. 191.
192. 204. 209. 210.
Tryggvaflokkur 513.
Tögdrápa 440.
Uppreistarsaga, Genesis, 480.
Valþjófsflokkur 624.
Vellekla, kvæði, 115. 136. 138. 144.
146. 163.
Vestrfararvísur 416.
Vígi, hundr, 150. 151, 190.
Visundr, skip, 414. 454. 529.
Þingmannalið 619.

Rettelser.

4 ⁶	Njörvasundum læs	Nörvasundum
7 ¹³	eigi krapt	- engi krapt
11 ⁴	tók þá ríki	- tók þá við ríki
60 ²²	skípum	- skipum
67 ²⁷	sva	- svá
198 ³⁴	rað	- ráð
342 ¹⁴	ok ok	- ok
568 ³	ið ar	- síðar
631 ¹⁹	5.	- 6.



Her

521 Torrek Sýkna's þing frá 1946
527 Þessögjafirni

642 Lrá Sveinka

106 síð þýkt sem Drífa 530

503 Þranný Danis (fr. Ágrip)

634 þu 3 crows

451 í h. ákoma í h. ákoma Phin

258 Grímkeið 506

303 Jakob

440 dandi Steigastórís 639 nær a 5-stór

577 9 í h. ákoma í h. ákoma H. G.
L. þ. 601 harnum in storm i. 239 m
Þorre

585 haldi spinn - Fuen too ready taken in by

121 Þarvinnu stór 7 Þorvinnu stór

101 Þorvinnu stór Þorvinnu stór - not in Ott

Theodoricus M. ed. Stormi
Hreidarr } Min. Hist. Nov. 1880
f. 121

Gimsar

Styrkarr af Gimsar

Eindriði

Hálmur seil

Elmarr = Bergljót Sv
Fambarskefja

Eindriði

Almb
= Sv
Astrida

